



Curtius Rufus, Q.

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBRI QUI SUPERSUNT OCTO.

RECOGNOVIT
HENRICUS EDUARDUS FOSS.



LIPSIAE
SUMPTIBUS ET TYPIS B. G. TEUBNERI.
MDCCCLXXI.

PA6376

A2

1871

GIFT
ESTATE OF
VICTOR S. CLARK
SEPT. 3, 1948
THE LIBRARY OF CONGRESS

PRAEFATIO.

De critica in emendando Curtio exercenda quae mea sit sententia, satis a me in epistola ad Iulium Mützellium data, Altenburgi a. 1845 edita, declaratum arbitror. Quam vero aliis praescripsi viam, eandem apparet etiam mihi in edendo opere Curtiano fuisse ingrediendam. Ex quo autem epistolam illam scripsi, nova Zumptii editio prodiit, et Florentinae bibliothecae copiae per viginti annos pressae tandem cum viris doctis communicatae sunt. Quarum accuratioe cognitione tantum abest ut de ea, in qua olim fui, deiectus sim sententia, ut firmitus etiam in eadem perstem.

Itaque codices Leidensem, Vossianum 1, Bernensem A, Florentinos A et B, qui optimi solent vocari, quantum quidem tum per ipsorum rationem, tum per dicendi genus Curtii licebat, secutus sum. Etenim Curtii oratio, quamquam limata, venusta, subtilis atque adeo more illius aetatis distincta interdum est poëticis verbis, propius tamen accedit ad communem puri sermonis consuetudinem, aequè remota illa a laeta ubertate Ciceronis, atque ab austera Taciti brevitate. Multae igitur codicum vel omnium vel optimorum lectiones, quae apud Tacitum ferri possent, apud Curtium reiciendae sunt atque emendandae. Codices autem Curtiani omnes, ne uno quidem excepto, corruptissimi sunt. In iis, qui optimi et sunt et habentur, quos supra nominavi, melior profecto est quam in ceteris plerumque collocatio verborum. Multa illi praeterea continent integra et incorrupta, quae in deterioribus vel omnibus vel plerisque foedata sunt mendis. Contra in verborum terminationibus tam vitiosi et corrupti omnes sunt, ut non liceat nimiae audaciae eum arguere, qui in hoc genere tantum sibi sumat, ut levi extremae syllabae litteraeve mutatione inducat, quod vel Curtii orationi accommodatius vel alia de causa melius sit lectione codicum. Omnes deinde uno eoque foedissimo occupantur vitio: plurimas habent lacunas. Tam frequentes tamque magnae illae in optimis codicibus sunt, ut, qui solos illos sequi vellet Curtiani libri editor, reiectis aliorum lectionibus, risu dignissimus esset. Itaque quum semel deteriorum librorum lectiones innumerabilibus locis recipi debeant, et, nisi monstrum libri procreare velimus, carere iis plane non possimus, ne nunc quidem potui mihi persuadere, quae in unis codicibus minus bonis inveniuntur, ea omnia, nisi ad ex-

plendam scriptoris orationem prorsus necessaria sint, tanquam librorum additamenta esse spernenda. Huius igitur generis lectiones non dubitavi recipere, vulgares potius editiones quam Zumptium, quocum in aliis plerumque consensi, secutus, si vel aequae bonae meliorve adiectio quam omissio videretur esse, vel non nimis exigua esset auctoritas, vel denique nulla de ascriptione per librarium facta oriretur suspicio: quae sane suspicio interdum satis firma et iusta est, ubi librariorum apparet, quae legere non possent, coniectando assequi voluisse.

Multa tamen in Curtiano opere inveniuntur, quae, quum ope codicum, quos adhuc novimus, corrigi nequeant, coniectura sunt emendanda. Quoniam vero priores editores codicum lectiones, quae vitiosae viderentur, mutare non dubitaverunt, idem etiam mihi ius datum esse putavi: in quo hanc fere semper servavi legem, ut, nisi aperta essent vitia, coniecturis abstinere. Meae coniecturae partim novae sunt, partim iam in epistola ad Mützellium propositae. Neque tamen omnia, quae olim excogitavi, nunc recepi, sed nonnulla, quae, vel re denuo pensitata vel cognitis Florentinorum codicum lectionibus, falsa esse intelligerem, repudiavi. Praeter Acidalii deinde, Zumptii, Mützellii emendationes Ieepii potissimum, viri ingeniosissimi, multas recepi correctiones, propositas illas in Mützellii libro *menstruo gymnasiorum* usibus destinato a. 1848. Vol. I. p. 419—427. et a. 1850. Vol. I. p. 57—65: commentationem eius de Q. Curtii Rufi *historiarum fragmentis*, Guelferb. a. 1827 editam, comparare mihi quamvis cupienti non contigit. Quas non recepi Ieepii coniecturas, eas certe omnes accurate examinavi neque ullam, nisi gravibus de causis, reieci: quamquam nunc quidem causas illas propter spatii mihi concessi angustias exponere non licet. Multo plures sine dubio recipere potuissem, nisi Ieepius Zumptii auctoritatem secutus multa, quae in optimis codicibus lacunosa sunt, spretis aliorum librorum additamentis, conatus esset mutandis singulis verbis emendare: in quo mihi vir egregius felicissimo suo ingenio non recte usus esse operamque perdidisse videtur.

Iam quum discipulis haec destinata editio sit, neque licuerit mihi adiectis annotationibus scriptoris verba illustrare receptasque defendere lectiones, hac certe praefatione breviter de iis Curtii dictis agam, quae vel mea vel aliorum opera videor mihi correxisse. Sed quoniam brevitatis opus est, plerumque nec aliorum opiniones refutabo nec apponam exempla, quibus meam sententiam illustrem: uberius de iisdem rebus *programme scholastico*, quod anno proximo sum editurus, disseram. Agam nunc autem de iis tantum coniecturis, quae a me primo vel factae sunt vel receptae: quae ab aliis, praesertim a Mützellio, iam receptae sunt, eas non commemorabo. Qui vero de mea opera iudicare velint, eos primum rogaverim, ut, antequam iudicent, penitus cognoverint Curtianorum codicum rationem, deinde, ne una Zumptii editione utantur et confidant, in qua de codicum lectionibus non semper accurate recteque traditur.

Ut primo statim obtutu lectoribus pateat, quae in codicibus sint, quae non sint, quaecunque vel a me vel ab aliis ad explendas lacunas interposita sunt, omnia uncis [] inclusi: quae additamenta ubi incertum erat num ipsa Curtii verba repraesentarent, an sententiam tantum necessariam redderent, minoribus litterarum formis exscribenda curavi: denique additamenta e Iustino in Curtii librum translata his signis [] a ceteris seiunxi. Ceterum et summam a me interpunctionis rationem habitam et diligentissime omnia exscripta typis esse facile intelligentes harum rerum iudices agnoscent.

III, 2 (4), 6. *Hyrcani egregii, ut inter illas gentes, [equites,] sex milia expleverant, additis equitibus mille Tapuris.* Vulgo *militatura* pro *mille Tapuris*. Recte quidem Zumptius codicum scripturam *additis equitibus* pro vulgato *equis* recepit: sententia vero iam, nisi simul *militatura* mutetur, ineptissima est. Quid enim? ubi tandem gentium extat exercitus, cuius milites, non additis equitibus, militent? Nonne etiam in Darei exercitu Persis, Medis, Barcanis, Armeniis peditibus, quos modo nominavit Curtius, equites additi erant? Siquidem igitur Hyrcani pedites erant, potius, quot additi essent equites, quam fuisse additos tradere scriptor debebat. Si vero, ut Z. statuit, illud certaminis genus significare voluisset Curtius, quo pedites inter equites versabantur, debebat dicere *immixtis equitibus dimilitatura* atque etiam numerum equitum ascribere. Deinde quid sibi vult futurum illud *militatura*, quum iam in exercitu essent Hyrcani et militarent? Scripsi igitur *mille Tapuris*. Qua recepta coniectura post *gentes* simul necesse erat adicere *equites*. Et displicet sane illud *egregii* ad *Hyrcani* appositum, nisi additamento aliquo significetur, qua re Hyrcani excelluerint. Iam vero iusta verborum collocatio est: similes enim dicendi formulae, atque illa *ut inter illas gentes*, inter adiectivum et substantivum poni solent. IX, 1 (3), 14. *Ad magnam deinde, ut in ea regione, urbem pervenit.* Erant autem et Tapuri et Hyrcani omnes equites et in acie coniuncti. Arrian. III, 8, 4. Παρθαλὸν καὶ Τηχανίον καὶ Ταπούρον, τοὺς πάντας ἑπτάς, Φραταφέρνης ἦγεν. Ibid. III, 11, 4. ἐπὶ δὲ Τάπονροι καὶ Τηχάνιοι. Curt. III, 9 (23), 5. *Hyrcani Medique equites.* Ieepius (p. 57.) coniecit *additis equitibus mille. Tapuri et Derbices* —. In eandem ego quoque incideram coniecturam, sed quum sequantur verba *ex eadem gente*, quae ad *Tapuros et Derbices* referri nequeunt, eam reieci.

III, 2 (5), 17. *mansuetam naturam.* Codd. plerique *suam n.* Flor. C. Bern. A. Leid. *etiam n.* Haec diversitas inde orta est, quod librarii vocem prave et per compendium fortasse scriptam diversa ratione interpretati sunt. Equidem hanc vocem arbitror *mansuetam* fuisse. Prior eius pars, ut saepissime in his codicibus, intercidit: ex ea, quae relicta est, parte *suetam* alii *suam*, alii *etiam* fecerunt. Sic III, 4 (9), 1. prior pars vocis *Ciliciam* excidit: ex reliqua parte *iciam* in Voss. 1. Bern. B. Flor. C H. factum est *etiam*.

III, 3 (6), 5. *Quidam non ita [laeta] augurabantur.* Vid. epist. ad M. p. 13.

III, 4 (9), 1. [*in*] *regionem, quae Castra Cyri appellatur, pervenit.* Quamvis Z. putet, neminem ausurum, in contra omnium librorum auctoritatem interponere, ego tamen ausus sum. Saepissime in codd. Curtianis in praeposito omissa est. Nunquam autem Curtius verbum *pervenire*, quo sexcenties utitur, omissa praepositione, cum accusativo nominis, nisi illud proprium est, construit. IV, 7 (29), 2. *in regionem Aegypti, quam nunc Castra Alexandri vocant, pervenit.*

III, 11 (26), 4. *Iamque immissi in medium Persarum — tuebantur.* Vulgo *ipsi* pro *immissi*. Mützellius iam in hoc pronomine offendit. Curtius, quum, quid alios iusserit Alexander, modo narra-
verit, de illo quidem poterat pronomine *ipse* uti, de Macedonibus supra commemoratis non poterat. Deinde constructio nulla est, quum verba *in medium* neque cum verbo *tuebantur* neque cum participio *circumfusi* coniungi queant: quis vero cum Zumptio orationem addito participio *illati* suppleri posse putaverit? Si, quod ego conieci, *immissi* scribitur, omnis sublata est difficultas. Sententia enim haec est: qui in medium Persarum ab Alexandro immissi erant, (erant autem iidem, quos supra Curtius dixit in medium belli discrimen strenue ab eo translatos esse,) quamquam undique erant circumfusi, egregie tamen se tuebantur.

III, 11 (27), 15. *Equi pariter equitesque Persarum serie laminarum [obtecti et] ob id graves genus certaminis — aegre moliebantur.* Paulo audacius nunc in emendando h. l. versatus sum et a ratione in epist. p. 14. proposita paulum discessi. Etenim displicet mihi vulgatum *serie laminarum graves*, quum infra demum (IV, 9 (35), 3.) Curtius tegumentum illud equis equitibusque Persarum fuisse tradat. Quis tandem verba illa statim intelligat de tegumento dicta esse? Itaque quae in codd. ante *graves* posita verba sunt *ob id genus*, ea integra retinui, nisi quod *graves* et *genus*, quae sane similia sunt, locum inter se mutasse statui. Tum lacuna manifesta est, quam verbis *obtecti et* explevi. Haec autem *obtecti et ob id graves* prorsus ad eorum similitudinem dicta sunt exemplorum, quae epist. p. 15. apposui. *Obtecti et* videntur propterea excidisse, quia sequuntur verba *ob id. Agmen in certaminis* mutandum esse docui l. l. p. 15. Ceterum si quis statuatur, *genus* ob pravam vocis *graves* interpretationem a librariis male additum esse, et sic scribat: *obtecti et ob id graves certamen — moliebantur*, equidem non repugnem.

III, 11 (27), 15. *Thessali inulti eos occupaverant.* In codd. paene omnibus *inulti* extat. Vulgaris lectio *multos*, quae in Flor. G. reperitur, ex *inulti eos* videtur orta esse: sic igitur scripsi.

III, 11 (28), 23. *qui tamen Dareo tabernaculum exornaverant* Reiecta coniectura in epist. p. 29. proposita, *tamen* pro eo, quod in codd. est, *cum* vel *tum*, scripsi. Saepe *tamen*, *tum*, *cum*, *eum* inter se commutantur. Levis iam in verbis inest reprehensio eorum, qui tam

celeriter obliſſi veteris domini ad novum transierint: quam reprehensionem aptissimam duco.

III, 12 (32), 24. *et, ut video, dignus es [imperio], qui — superaveris.* Vitiosa vulgaris lectio est: quippe verbis *qui — superaveris* affertur causa, cur dignus aliqua re sit Alexander, res ipsa autem, qua dignus sit, non commemoratur. Neque enim cum Z. intelligi posse *pro cuius salute deos precemur*, manifestum est. Quum vero, verba *et video* cur vitiosa habeantur et mutantur, causa nulla sit, ego potius lacunosam esse orationem statui.

III, 13 (33), 1. * * *atque quum praecessisse et Darei satrapam comperisset.* Quum in Flor. A. Leid. Voss. 1. Bern. A. *praecessisset* et scriptum sit, et pronomen *is*, quod vulgo additur, in libris mss. non extet, omisso autem eo non Alexandrum, sed Parmenionem sententiae esse subiectum nequeat intelligi, tutius equidem duxi, ita scribere, ut iam Mützellius vidit scribendum esse, et, quum sic manca ab initio oratio sit, apponere signa lacunae. Ceterum Mützellius *praecessisse* in *processisse* mutavit: recte fortasse.

III, 13 (33), 3. — *mitteret cum exigua manu, [cui traderet], quaecunque rex penes ipsum reliquisset.* Tractavi hunc locum epist. p. 15., sed falsam ibi ingressus sum viam. Multo rectius et prorsus egregie locum expedit Zumptius, quem secutus sum.

III, 13 (35), 17. *Ceterum dii tantae fortunae proditorem, seri ultores, celeriter debita poena persecuti sunt.* Ieepio (p. 422.) obsecutus *seri ultores* scripsi pro eo, quod epist. p. 30. conieci, *seri saepe ultores*, quum illud explicari possit *qui seri solent esse ultores*. Sed quod Ieepius etiam *dii*, quod et vulgares editiones habent et ego retinui, omitti posse dicit, non habet me assentientem. Quis enim, illud nisi addatur, intelligat, seros ultores esse deos? Neque verum est, quod Z. affirmat, in omnibus codd. mss. omitti *dii*, quum neque Snakenburgius a Leid. et Voss. 2. illud abesse tradat neque de aliis libris satis multis res certa sit.

IV, 1 (1), 3. — *quattuor milia, [omnis exercitus] iam regius.* Tum —. Epist. p. 17. lacunam sic explevi: *iam regius [exercitus]*. Tum —. Quum vero Z. in Flor. DFI tradat ante *iam* relictum spatium esse aliquot vocabulorum, duo ibi verba interposui. Similia adiutamenta interdum ap. Curt. reperiuntur. VII, 3 (11), 4. *Haud dubie robur omnium virium regis.* cf. III, 9 (23), 2. Ieepius (p. 57.) aliam ingressus viam coniecit *nec tamen segnius tum vel non segnius tamen*. Ego vero hanc mihi praescripsi et, quantum potui, servavi legem, ut, ubi lacunam deprehendisse mihi viderer, si quid ad explendam eam interponerem, verba in codicibus reperta aut paululum tantum aut plane non immutarem. Etenim si quis, neglecta hac lege, codicum verba audacter mutare et alia praeterea interponere vellet, profecto nimis latus tum temeritati pateret campus, et inferri in scriptorem facili negotio possent, quae nunquam ei venerunt in mentem.

IV, 1 (5), 30. *ad hoc oppidum.* Vulgo *ad hoc ipsum*. Z. *hoc*

ipsum. Nemo profecto rationem Zumptii probabit, putantis, *hoc ipsum* extra ordinem interpositum esse. Epist. p. 38. dixi scribendum esse *ad oppidum*: arbitror tamen, *ad hoc oppidum* propius etiam ad codicum lectionem accedere.

IV, 1 (5), 31. — *eduxit: ac, velut in medio positis fundis hostium, cuncta agebantur*. Egi de h. l. epist. p. 30. Et reliqua quidem ita constitui, ut l. l. constituenda esse dixi: *praedis* tamen (pro *fundis*) minus aptum vidi esse. Quum enim vulgo *omnibus post positis* additum sit, pro eo in optimis codd. *dis* vel *diis*, in Leid. *odis*, in plerisque *cunctis*, in Voss. 2. *terris* invenitur. Nunc igitur *fundis* scripsi, quo Curtium usum esse puto, ne iterum *agris* poneret. Quamquam enim haudquaquam ille, ut ne optimi quidem scriptores Latini, eorundem vocabulorum repetitionem reformidat, interdum tamen ad evitandam eam synonymis utitur. *Locus vero sine aedificio in urbe area, rure autem ager appellatur: idemque ager cum aedificio fundus dicitur*. Digg. lib. L. tit. 16, 211. Iam intelligitur, scriptura *dis* vel *diis* quomodo orta sit: quippe prior pars vocabuli, ut saepissime, excidit. Intelligitur deinde etiam, unde profecta lectio *cunctis* sit: *et* et *d* enim saepissime, *f* et *c* interdum inter se commutantur. Intelligitur denique, quomodo Vossiani 2. nata scriptura sit *terris*: quippe in codd. Curtianis pro male intellectis verbis haud raro synonyma a librariis posita sunt. V. epist. p. 10. 11.

IV, 3 (13), 12. *triremes tris omnino*. V. epist. p. 31.

IV, 6 (25), 2. *Bactrianorum ducem, prope quam maximo iubet*. Vulgo de Gronovii coniectura *B. praetorem, quam m.* In nonnullis codd. est *ducem, perquam*: in plerisque *ducem*, in nonnullis *Bactrianorum* omittitur. Certum est, *perquam*, quae vulgaris olim lectio fuit, falsum esse. Et ingeniosa quidem Gronovii coniectura illa a Zumptio aliisque recepta, neque tamen veram eam arbitror: cur enim *ducem* reiiciatur, causam non video. Itaque *per* mutavi in *prope*. Prior huius vocis pars excidit: quod, quum *per* et *pro* simillima sint et in codd. saepissime permutentur, fieri facile potuit. Simili modo IX, 6 (23), 2. verba *corpori invalido* mutilata sunt: omissa est *cor* syllaba, et ex *pori invalido* deinde factum *perinvalido*. Ceterum *prope* h. l. aptissimum, quoniam celeritate sane tunc opus erat.

IV, 6 (27), 19. *largius*. Vulgo *latius*, codd. *longius*. Quum neque, quam late, neque, quam longe sanguis manaverit, referat, posui, quod iam Mützellio in mentem venit, *largius*.

IV, 6 (27), 19. *tepens*. Vulgo *recens*, Z. *stupens*. Nulla profecto explicatione defendi poterit *stupens vulnus*. Non elegantissima modo, sed etiam verissima Acidalii coniectura est, a me recepta, ad quam etiam vulgaris lectio ducit. Probatur illa Ieepio quoque, qui (p. 68.) allatis exemplis Zumptii sententiam refutavit, opinantis, non vulnus, sed sanguinem tepere.

IV, 7 (29), 4. [*ad*] *Cercasoron amne superato*. Codd. *Oron*. Zumptius *Heroon* de Schmiederi coni. scripsit. *Heroon* amnem Schmied-

derus et Zumptius putant esse canalem ex Pelusiaco Nili brachio usque ad sinum Arabicum prope Heroopolim deductum, qui postea canalis regius Ptolemaei vel Traiani appellatus est. At in hac lectione ne integrum quidem servatum est *oron*, quod in codd. est: deinde vero quis unquam canalem illum vocavit Heroon amnem? Itaque scripsi [ad] *Cercasoron*. Nomina propria in codd. Curtianis omnium maxime corrupta et mutilata sunt: fieri igitur etiam in hoc nomine poterat, ut pars prior cum praepositione excideret. *Nilus* autem, ut ait Mela I, 9, 2, *iuxta Cercasorum oppidum triplex esse incipit* h. e. primum dividitur. Iam quum Alexander, ut Arrianus III, 1, 3. narrat, Pelusio Heliopolim atque inde Memphim proficisceretur, verisimile profecto, Mazacem Memphi, quae urbs in sinistra Nili ripa sita erat, Cercasorum contendisse ibique amne superato Alexandro vel Heliopoli adhuc versanti vel inde iam profecto occurrisset. Oppidum illud, a Strabone Cercasura nominatum, ab Herodoto *Κερκασσώρος*, a Mela Cercasorum appellatur. Satis autem constat, Curtium in urbium nominibus praeferre terminationes Graecas.

IV, 7 (32), 29. *Vera et salubri aestimatione fidem oraculi [pensanti] vana profecto responsa, sicut erant, videri potuissent.* Tractavi hunc locum epist. p. 31. Nunc tamen non *exigenti*, sed *pensanti* interposui, quia *exigere* hac examinandi significatione semel tantum, *pensare* saepe ap. Curt. reperitur.

IV, 11 (43), 2. *hoc tertium.* Correxì, quod vulgo scribitur, *tertio*: quippe exemplum adverbii in *o* exeuntis, ita cum pronomine coniuncti, nullum reperitur. Apud Curtium autem in hoc genere audendum aliquid: terminationes enim quum ceterae, tum praesertim illae *o* et *um* saepissime in his codd. permutatae sunt.

IV, 11 (44), 11. *qui nunc victi.* Vulgo *multi*. V. epist. p. 38.

IV, 11 (44), 19. *ubi igitur me affamini? numne obliti estis? nempe ultra Euphraten sum.* Quae in multis codd. et vet. editt. post *affamini* interponuntur, *numne obliti estis*, post Modium ab editoribus ommissa sunt. Sed quis persuadeat sibi, talia a librariis addi? Mutavi igitur *numne* in *numne* nihilque iam esse censeo, quod iure in illis verbis reprehendas. Cic. N. D. I, 31, 88. *Quid? deum ipsum numne vidisti?*

IV, 12 (45), 7. *Pedites his plurium gentium non immixtos, sed suae quasque nationis iunxerat copias.* Quum intellexerim, *immixtos* defendi posse, id quidem retinui, pro *quisque* autem sine dubitatione *quasque* scripsi. V. epist. p. 39. Neque enim Zumptii explicatio cuiquam facile probabitur, quum subiectum sententiae et sit et debeat esse *Dareus*.

IV, 13 (50), 28. *post eum Orestae Lyncestaeque sunt [positi]. Sunt,* quod vulgo omittitur, Z. e codd. recepit. Nunquam tamen Curtius in describenda acie tempore praesenti utitur, sed aut perfecto aut imperfecto. *Positi*, quod adieci, obsequens *post* facile omitti a librario potuit.

IV, 13 (50), 28. *Huius agmini proximus Amyntas erat: Philippus Balacri Stymphaeos regebat, in societatem nuper ascitos.* Vulgo priora

sic scribuntur: *Huius agminis princeps Amyntas erat*, quae rectissime Z. inepta esse dicit. Neque enim *princeps* puto cum Mützellio ita intelligi posse, ut Amyntam statuamus principem in hoc cornu tenuisse locum: nam a dextro cornu orsus ad laevum Curtius transit: Amyntas igitur ultimum potius, siquidem non alius dux sequebatur, habebat locum. Iam quum Arrianus III, 11, 9. tradat, Amyntae agmen, quamquam propter ducis ipsius absentiam Simmias ei tum praeerat, excepisse agmen Polypercontis, scripsi *huius agmini proximus Amyntas erat*. Sequentia vulgo sic scripta sunt: *Philagus Balacros regebat, in societatem nuper adscitos*. Bern. A. Flor. AB. Leid. Voss. 1. habent *phaligrus baracrieos regebant*, Flor. DFGI. *balacris eos*, Flor. C. *balacre eos*, Flor. E. *balacri eos*. Diodorus XVII, 57. Philippum Balacri in acie excepisse Polypercontem scribit: itaque non possum, quin *Philippus Balacri* recte a Zumptio receptum esse putem. Tum vero *eos*, quod in codd. et editt. extat, pars nominis gentis eius est, quam Philippus regebat: ad eam etiam *ascitos* (Z. *ascitus*) refertur, quod in omnibus libris mss. est. Iam liceat quidem cum Mützellio scribere *Parauaeos*, cuius nominis pars prior propter similitudinem nominis Balacri facile intercidere potuerit: sed quum non constet, Parauaeos in phalange Macedonum fuisse, deinde quum s littera in nonnullis codd. genitivo *Balacri* adiuncta sit, *Stymphaeos* scripsi. Diodorus quidem Polypercontem scribit rexisse Stymphaeos: at Curtius hunc peregrino militi narrat praefuisse, et Polyperconti, ut Diodorus refert, in acie proximus Philippus erat. Quamobrem, sive Diodori sive Curtii dicamus esse errorem, licet sane statuere, Curtium Stymphaeos, quos Polyperconti non adiunxerit, attribuisse Philippo. In acie certe erant. Iam Diodori et Arriani narrationes apte inter se conciliatae sunt. Polyperconti enim proximum Amyntae agmen, huic Philippus Balacri erat. Diodorus Amyntae, Arrianus Philippi omisit mentionem.

IV, 14 (55), 22. *nisi quid in vobis spei, ego — sum*. Vulgo *vobis, ipse ego* scribitur: sic autem prior sententiae pars imperfecta est: requiritur enim genitivus, qui ad *quid* referatur. Apte addideris *opis* vel *spei*. *Opis*, quum *nobis* antecedit, poterat sane excidere: et frequentissima haec dicendi ratio apud Curtium: *aliquid opis est in aliquo*. Non hoc tamen interposui, sed *ipse*, quod otiosum prorsus et male adiectum est, in *spei* mutavi. Neque enim revera se ipsum captivum esse dicit Dareus, sed maiorem tantum sui partem h. e. matrem, filias, filium, in Alexandri esse potestate: quod si voluit dicere, ut voluit, non licebat addere *ipse*.

IV, 15 (57), 17. *trunci quoque et debiles quidam arma tamen non omittebant*. Bern. AB. Flor. CH. Voss. 1. Leid. Voss. 2. *quidem* habent, non eodem tamen omnes loco: Flor. CIG. ed. Mod. *tamen*, sed ne hoc quidem eodem in omnibus loco reperitur. Utrumque, vulgo omissum, ego recepi, ita tamen, ut *quidem* mutarem in *quidam*, quod Zumptio iam videtur placuisse. Neque verisimile est, omnes truncos et debiles retinuisse arma.

IV, 16 (61), 11. *devios saltus*. Vulgo *diversos*, Z. *divisos*. Ego Ieepii (p. 59.) elegantissimam coniecturam praetuli.

V, 1 (4), 29. *via sustinendo operi firmum*. Vulgo *sufficiendo*, quod ferri nullo modo potest. Quis enim, quaeso, cum Zumptio unquam dixerit, pontem in locum egesti limi strui vel fieri? Neque *sufficere* significat *substruere*, quae Mützellii est opinio. Mutatio, qua usus sum, admodum exigua est: qua adhibita tam apta sententia tamque aperta est, ut ne verbum quidem adiicere opus sit.

V, 1 (6), 45. *trium stipendium mensium*. Omisi nunc, quod epist. p. 32. adiiciendum esse dixi, *mercenarius*, quum verba illa putari possint apposita esse ad *ducenos*.

V, 2 (9), 19. *dono se, quae docerent, dare*. Z. *donoque se doceret dare*, vulgo *donoque doceret dare*. Zumptius explicatione horum verborum mihi non satisfacit: sententia enim ieiuna et inanis est. Deinde cur Curtius narravit, purpuram cum his, quae confecerant, traditam esse Sisygambi? Quae debeat esse sententia, Mützellius docuit, sed coniectura eius *donoque, quae docerent, dare* non tota usus sum. Et enim quum *se* in codd. sit, ratus equidem, *que* h. e. *quae* et *se* locum mutasse, scripsi, ut supra posui. *Docerent* est etiam in Bong. 1.

V, 4 (14), 16. [*et*] *persequentium regem*. Verba *persequentium regem*, quae editoribus male addita visa sunt, quum in codd. omnibus extent, difficile sane est elicere. Quod ego apposui, *et*, facile propter antecedens *exaudisset* excidere potuit. Persequentes regem autem non sunt barbari, sed Macedones regem comitantes. *Persequi* enim hac significatione apud Curt. satis frequens. IV, 1 (5), 27. V, 8 (24), 8. V, 9 (27), 12. IX, 6 (24), 12.

V, 4 (15), 20. *monitos, quia et eques pediti erat mixtus, ut quum pinguissimum esset solum — sensim procederent*. Vulgo *monitos, ut, quia eques p. e. m., qua p. e. s. — s. procederent*. Sed in optimis plurimisque codd. *et* ante *pedes* appositum, deinde *et quum* vel *et quam* pro *qua* scriptum est. Vulgaris lectio uno Flor. C. nititur. Sententia autem non satis apta: neque enim verisimile est, iussisse Alexandrum equites modo sensim, — ubi pingue esset solum, — modo celeriter procedere. Deinde Curtius, id si volebat exprimere, non *pinguissimum*, sed *pingue* ponere debebat. Rectius verbis *quum pinguissimum esset solum* causam afferri statuimus, cur sensim procedere Alexander equites iusserit. Ergo secutus sum optimos codices, omisi tamen primum *et* (post *monitos*), tertium autem (ante *quum*) mutavi in *ut*.

V, 6 (20), 4. *quae reperiebant*. Vulgo *reperiebantur*, Z. *codices secutus recipiebant*. At displicent argutiae, quas in oppositis sibi verbis recipiendi et capiendi sibi repperisse Z. videtur.

V, 7 (22), 7. *aggerentem igni faces*. *Igni*, in codd. paulo inferius post *agua* appositum, ab editoribus omissum est. Quo ego transtuli illud, ibi sane aptissime collocatum est. VI, 6 (23), 29. *Ergo aggeri alias arbores iubet et igni dari alimenta*. Post partici-

pium autem collocavi, quia Curtius fere semper participiis casus ex iis nexos postponit.

V, 8 (24), 3. *fidelitate*. Vulgo *fide*, codd. *fideliter*. V. epist. p. 40. Quod Z. dicit, *fidelitas* apud Curtium non inveniri, verum quidem est, sed quum alioqui probum locoque aptissimum sit vocabulum, non dubitavi recipere.

V, 9 (26), 1. *supra*. Sic de certissima Acidalii coniectura pro vulgato *saepe* scripsi. Quis tandem sibi persuadeat, Curtium in duobus primis libris deperditis tam levis momenti rem saepe commemorasse, praesertim quum VI, 5 (14), 1. eius iterum mentionem faciat? Ceterum ibi in eiusdem rei hominisque commemoratione *supra* posuit.

V, 10 (27), 10. [*quasi*] *deprecarentur*. V. epist. p. 33.

V, 11 (30), 6. *utinam etiam ceteris*. Vulgo *et in*. Dativum sententia requiri Modius iam et Mützellius viderunt. Illi igitur *in* eiecerunt, ego *et in* mutavi in *etiam*.

V, 11 (31), 7. *interpretis [ore] relato*. V. epist. p. 34.

V, 11 (31), 8. *in ultimo discrimine et fortunae tuae et vita*. V. epist. p. 40.

V, 11 (31), 10. *Eludant, rideant licet* —. Vulgo *eludant licet*, sed codd. *eludant videlicet*. Z. codices sequitur, fatetur tamen, *videlicet* non apte cum coniunctivo coniungi, sed requiri *licet*. Idem Mützellius et Ieepius rectissime statuunt. Iam facile fuerit, corrigere *eludent*: cum futuro enim *videlicet* recte coniungitur. Neque tamen illud tempus in hac sententiae conformatione locum habere arbitror. Itaque *rideant licet* scripsi. Statuo enim, syllabam *ant* excidisse, deinde *ex ride licet* factum esse *videlicet*. De toto hoc loco Ieepius (p. 60.) disputavit, sed virum doctissimum, qui cetera omnia ingeniose, multa felicissime tractavit, in hoc loco expediendo et explicando miror prorsus a vero aberrasse.

VI, 1 (3), 20. *a quo Lacedaemonii — precati: a rege autem veniam defectionis — impetraverunt*. Tandem hunc locum difficillimum prorsus emendatum esse arbitror. Tractavi eum epist. p. 17 sqq., sed admodum dubitanter *gratae* adiectivum defendi, tum quia illud ipsum non valde placebat, tum propter discrepantiam, quae sic inter Diodori et Curtii narrationes oriretur. Non multo post quam epistolam edidi, vidi, pro *geate*, quod in optimis libris est, ex quo Z. *Tegeatae* fecit, scribendum esse *a rege autem*. Primae enim syllabae *a re* propter antecedentes *ati* intercederunt. Etenim in Pal. 1. Mer. Ald. *precari* legitur: iam si ita coniunxeris syllabas: *arigeate*, videbis, haec paene iam esse *a rege autem*, siquidem *autem* per compendium scribitur. Tanto certiore hanc coniecturam duco, quia in eandem fere Ieepius (p. 425.) incidit: — *precati a rege veniam — impetraverunt*.

VI, 3 (8), 9. *insequentur*. Heinsii haec coniectura: in codd. optimis *si sequentur* scriptum est.

VI, 6 (21), 10. *quo tandem ore*. Egregia et omnibus numeris

absoluta haec est Ieepii (p. 420.) coniectura. Vulgo *tantae morae pretium*.

VI, 7 (25), 15. *Ioleum*. Quod in codd. est, *Ioceum*, non est Graecum nomen. *Ioleus* alia forma est nominis *Iolaus* vel *Iollas*.

VI, 9 (32), 2. *spes*. Etiamnum hoc verum puto, praesertim quum sequantur verba *adhuc — posse*. V. epist. p. 41.

VI, 9 (33), 7. *indignatione repressa*. Vulgo *pressa*, codd. *expressa*. *Repressa* aptissimum est: militum enim indignatio iam eruperat et fremitu se ostenderat. *Re* et *ex* interdum in libris mss. permutantur. Sic VII, 5 (23), 29. Flor. EH. Bern. B. *recipiunt* pro *ex-cipiunt*.

VI, 9 (34), 21. [*Id*] *si ipsi admiseritis*. Vulgo *id si ipse admisit*. In codd. *id* non invenitur: pro *ipse* plerique et optimi libri habent *ipsi*. Vulgatae lectionis sententiam non esse aptam probe sensit Ieepius (p. 61.). Neque enim lamentatur Alexander, sed puniri vult Philotam seque vindicari: neque ille, quasi de Philotae scelere dubitet, *si admisit* potest dicere, quum admisisse eum maxima asseveratione affirmet. Iam Flor. C. habet *ad miseri*, Iun. Mod. *dimisero*: recte igitur Ieepius coniecit *si ipsi admiseritis*. Hunc secutus sum: retinui tamen etiam, quod Freinshemius adiecit, *id*, quod mihi non modo multo fortius, sed etiam necessarium videtur: *ipsi* enim non est nominativus, sed dativus ad Philotam relatus.

VI, 9 (34), 22. *ipsum*. Sic pro vulgato *ipsi* de Zumptii coniectura scripsi. Alexander enim Parmenionis fastigio suum opponit.

VI, 10 (37), 9. *Dimnus sane, si viveret adhuc, ut vellet mihi parcere*. V. epist. p. 41.

VI, 10 (39), 28. *Dum consulitur Hammon, dum arcanum et occultum scelus. Iupiter enim —*. V. epist. p. 21.

VII, 1 (4), 29. *Si non, propemodum in tua verba erratum est. Omnes —*. V. epist. p. 23.

VII, 2 (7), 12. — *quam quibus eluderentur, reputans*. Vulgo *eluderet*, Z. de Heinsii coniectura *se tueretur*. Codd. Leid. Voss. 1. Bern. A. Flor. EGH. Bern. B. *eluderetur*. Ieepius (p. 62.) veram lectionem vidit esse *eluderentur*.

VII, 2 (10), 36. *Et qui forte taedium laboris per litteras erant questi*. Haec, quae vulgo infra post *exceptae sunt* leguntur, in hunc locum transponenda esse docui epist. p. 45. Vitiorum hoc genus rarius in codd. Curtianis est, haudquaquam tamen hoc unum eius est exemplum. Ego vero facilius putavi, transferre verba in eum locum, quo iam aptissime posita sunt, quam cum Mützellio post ea statuere lacunam, quam quomodo expleas nescias, praesertim quum illa ipsa post verba *querentium litterae exceptae sunt* molestissima sint.

VII, 3 (12), 8. *latere puro*. Ego, quid sit *latere primo*, — sic enim vulgo scribitur, — fateor me nescire. Etenim qui fieri possit, ut verba *struunt latere primo* significant id, quod Z. significare ea affirmat: fundamentum quoque faciunt ex latere, haud sane intelligo.

Quae ego scripsi, *struunt latere puro*, significant: *struunt latere*, nulla adhibita materia, cuius illud solum erat sterile. *Purus* adiectivum hanc habere significationem lexica docent. Facilior etiam coniectura fuerit *optimo*: facile enim *o* intercidere et ex *ptimo* fieri potuit *primo*: sententia tamen minus videtur apta esse.

VII, 3 (12), 9. 10. — *accipiunt*. *Ad medium vites et arbores — obtegunt*. Non recepi audacissimam Zumptii coniecturam *admittunt* pro *accipiunt ad medium*, sed codices et vulgares editiones secutus sum. Vulgo tamen post *medium* interpungitur: ego codices secutus post *accipiunt* posui punctum. Deinde *obtegunt* pro vulgato *obruunt* scripsi. Res satis aperta est. Hieme vites et arbores penitus defossae latent: sed etiam reliqua anni parte tantus terrae rigor est ut prorsus carere tegumento et exponi frigori nequeant, sed ad medium certe obtectae debeant esse. Etiam in nostris regionibus arbores delicatiores ab hortulanis auctumno et hieme usque ad medium, vites autem atque etiam tenellae aliquot arbores totae stramento obteguntur. Sed hac ipsa de causa, quia sine dubio non terra arbores et vites obruebantur, sed stramento obtegebantur a Parapamisadis, *obtegunt* scripsi.

VII, 3 (13), 17. *nunc in medio*. Vulgo *medium*. Quum sequantur deinceps verba *nunc in ultimo agmine*, quamquam probe scio, *aderat in medium* Latine dici, tamen, quoniam extremae syllabae vocabulorum in codd. Curtianis tam saepe corruptae sunt, ausus sum corrigere *in medio*.

VII, 4 (16), 9. *periculum* * * [*Bessus*] * * *poculum* —. *Bessus* inter lacunae signa interposui, ut statim legenti appareat, quae sequantur verba, ad illum referri.

VII, 4 (16), 11. *alias cupiditas*. Acutissime vidit Ieepius (p. 62.), vulgarem lectionem *aliis* mendosam esse. Ad verba *obstat metus* addendum est *alias*, ut respondeant sibi iam *alias* — *alias* — *nonnunquam*.

VII, 4 (16), 11. *Expertus es utcumque, quod ipse reppereris* —. Etiam haec emendatio Ieepio (l. l.) debetur. Vulgo audacius correctum — *unumquemque, quod ipse reppererit* —, quum in codd. sit *utrumque* (vel *utramque*) — *reppereris*.

VII, 4 (19), 34. *dux hostilis exercitus* [*Erigyus*]. V. epist. p. 42.

VII, 4 (19), 40. *cui Erigyus spolia barbari caesi*. V. epist. p. 43.

VII, 5 (21), 16. — *quam praeterierant, qui agmen cludebant*. Vera haec lectio est, a Ieepio (p. 426.) reperta. Extat illa in Leid. Voss. 2. Flor. G, nisi quod in illis *ducebant* pro *cludebant* scriptum est. Hoc Ieepius coniectura invenit.

VII, 5 (22), 25. — *sed Alexandro propitios esse, cuius victoriam semper etiam hostes adiuvissent*. Vulgo *esse* om., et *hostis adiuvisset* scribitur. Sed vulgata lectio Aldi coniectura orta est: in codd. reperitur *propitios insecutos victoriam*. Manifestum iam est, *cuius* nihil esse nisi alteram partem verbi *insecutos*: relinquitur *inse*, quod ego quidem in *esse* mutavi. Etenim recte Bessus Dareo dicit deos non

iniquos fuisse, quia iam mortuus ille erat, Alexandro autem esse propitios, quia etiamtum ille vivebat, neque desierant dii ei favere. Simili modo VII, 5 (24), 37. *Existat ab inferis (Dareus), qui illo supplicio indignus fuit et hoc solatio dignus est. Hostes adiuviscent* scripsi, quia Bern. A. Leid. Voss. 1. Flor. ABEGH. Paris. ABC. *adiuviscent*, Flor. F. *hostes adiuviscent* habent, et pluralis numerus accommodatus rei videtur: neque enim Dareus solus Alexandrum adiuvit, sed multi etiam alii hostes, praesertim Bessus ipse interficiendo Dareo, et Spitamenes capiendo Besso.

VII, 5 (23), 31. *occurrentibus Branchidis*. Vulgo *occurrentibus, Branchidas*. Editoribus, Zumptio certe, satisfactum videtur vulgatae lectionis explicatione a Radero proposita, dicente, milites Alexandri Milesios occurrisse ad audiendam regis sententiam. At quomodo tandem milites dici poterant regi occurrere, quocum ipsi in itinere erant? Adiecit Zumptius, Alexandrum milites iussisse secum procedere Branchidas h. e. in Branchidarum urbem, quasi ad hanc rem iussu opus esset. Alexandrum cum exercitu procedentem sponte sine dubio milites Milesii sequebantur. Iam quum occurrendi verbum de regibus, principibus, ducibus, urbium incolis Alexandro interdum quidem dimicandi causa, plerumque vero ad conciliandam gratiam veniamque petendam obviam euntibus frequentissimum apud Curtium sit, apparet, etiam h. l. Branchidas regi appropinquanti, ut se dederent, obviam ivisse. Itaque scribendum *Branchidis*, ut est in Voss. 2. B. 1. (*Branciadis*) utque Modius iam scribi posse vidit. Ceterum *occ. Branchidis* malim pro ablativis abs. quam pro dativis habere et ad *iubeat* adicere eos: cf. VIII, 10 (34), 1. 2.

VII, 5 (24), 42. *Nunc si forsitan — possit, tunc — fuit*. Sic scribendum esse conieci, — vulgo enim *nam si — tamen — fuit* scribitur, — antequam Snakenburgii apparatus criticum inspexi: ex quo cognovi, *nunc* esse in Bong., *tum* autem in optimis Leid. Voss. 1. D., *tam* in Pal. 1. Bong. Iam vero inter *tum* et *tunc* tam exiguum in codd. est discrimen, tamque saepe illa inter se commutantur, ut, si quis *tunc* ponat, ubi in codd. *tum* inveniatur, haec vix nominari possit mutatio: *tunc* autem h. l. fortius aptiusque, quam *tum*. Vulgaris lectio non habet aptam explicationem. Nam si *tunc* (sic enim vulgata scriptura a Z. explicatur, nec potest aliter) tam celebris usus sagittandi erat, ut Catenis ars minus admirabilis videri possit, qui tandem factum est, ut tamen miraculum visentibus esset? Curtius vero illi aetati suam opponit. Ipsi aetate propter celebrem sagittandi usum ars excipiendi aves volantes non adeo admirabilis erat, tunc visentibus ingens miraculum.

VII, 6 (26), 12. *super Bosporum colunt*. Codd. et vulg. *super Bosporo incolunt*, Z. *super Bosporon colunt*. Ego, quum o et u, in et m saepe in his codd. permutentur, *Bosporum colunt* scripsi, ut VI, 2 (6), 13. VIII, 1 (1), 7.

VII, 7 (29), 4. *Recta deinde regione [ad] Alaunum ultra Istrum iacentem colit*. Vulgo *recta* (Z. *rectam*) *deinde regionem aliam* —:

codd. plerique et optimi *recta deinde regione alium* —. In his *alium* vitiosum est, verissimum autem, quod Merulae editio habet, *alaunum*, modo addatur *ad*: quam lectionem editores non debebant negligere. Alaunus, ut Ptolemaeus III, 5. tradit, mons erat Sarmatiae Europaeae inter Borysthenem et Tanaim situs. Curtius autem VI, 2 (6), 13. *at qui (Scythae), ait, in Europa sunt, a laevo Thraciae latere ad Borysthenem atque inde ad Tanaim, alium amnem, recta plaga attinent.* Iuxta Alaunum montem Scythae Alauni habitabant, qui, ut refert Eustathius ad Dionys. Perieg. p. 146. Bernh., a monte nomen traxerunt, diversi illi ab Alanis in Asia habitantibus. Supra Istrum septentrionem versus habitasse Alaunos illos Scythas, ergo etiam montem iacuisse Alaunum Dionysius Perieg. v. 302. 305. docet.

VII, 7 (31), 25. *Tibi autem, qui scitius, quam potest [ille, interpretaberis], denuntio* —. Codd. optimi *tibi autem, qui* (nonnulli *qui om.*) *sepius, quam potest*: in vulg. edit. *qui sepius om.* Z. *tibi autem quietius, quam potest.* Zumptii haec coniectura deterrima sine dubio est: nam quis, quaeso, quietius quicquam potest denuntiare, quam potest? Neque, quod Ieepius (p. 426.) coniecit, *qui serius, quam potest*, mihi probatur. Nam ut concedam, quod nequit concedi, *indicas* propter sequens *indices* assumi ad *qui serius* posse, ut taceam, non *quam potest*, sed *quam poteras* vel *quam debebas* dicendum fuisse, cur tandem Alexander, quum Aristandrum iam dicat serius indicare, denuntiat ei, ut sibi ipsi indicet? Haecine dicendi ratio unquam probari potuerit? *Sepius* autem, quod in multis codd. est, minime tam men certum: nam in Flor. CEGHI. Bern. B. scriptum est *sepius vel citius*, quod quid significet, scient, qui codd. Curtianos cognoverint. Indicare voluerunt librarii, vocem in codice, quem describebant, male scriptam sibi non prorsus intellectam vel *sepius* vel *citius* sibi videri esse. Quid igitur verisimilius, quam illam vocem fuisse *scitius*? Quod qui intellexerit, ei primum non poterit esse dubium, quin lacuna h. l. sit, deinde sententia ipsa statim erit apertissima. Dixerat Alexander, Erigyium metu suo interprete extorum usum esse, h. e. eum, quum affirmaret, tristia exta fuisse, male ea interpretatum esse. Tum rex ad Aristandrum conversus, tu, inquit, *scitius* quam Erigyius interpretaberis exta, h. e. tu dices, laeta illa fuisse: id enim dicere vatem vult atque ita ei, quid respondendum sit, satis aperte significat. Iam patebit causa, cur verba ille (h. e. Erigyus), *interpretaberis* interposuerim. Ceterum pro *ille* licebat etiam interponere *metus*. VII, 9 (33), 33. *Siderum motus scite spectare dicuntur et futura praedicere.* III, 3 (6), 6. *protinusque Chaldaeos interpretatos, imperium Persarum ad eos transiturum, quorum arma esset imitatus.* Sic nova etiam lux affulgebit loco, quem deinceps tractaturus sum.

VII, 7 (31), 28. *Rex iussum — remisit ad sacra.* In codd. *ad alia*, deinde in plerisque *remisit om.* Z. quidem *remisit* ab omnibus abesse affirmat, sed de nonnullis certe id non est traditum. Ingeniose, ut solet, Ieepius (p. 420.) coniecit *fatalia* (pro *ad alia*), sed dubito

tamen, num Alexandro tam temeraria tribui possit sententia, ut deos dicat fatis destinata sibi concedere. Iam vero *remisit*, quamvis incertae sit auctoritatis, plane necessarium mihi videtur. Num tandem Curtium, quum mox Aristandrum supervenisse et laeta exta renuntiassse tradat, putabimus antea non narrasse, abisse eum vel remissum a rege esse? Deinde autem, nisi adiiicitur *remisit*, Alexandri ratio et calliditas plane non potest perspicui nec ita, ut decebat, a Curtio detegitur. Vidimus supra, Alexandrum vati suppeditasse, quod ab eo responderi vellet. Is tamen, nimis obstupefactus et attonitus, non statim perspexit voluntatem regis nec ita, ut debebat, respondit. Qua re coactus remittit eum Alexander ad repetenda sacrificia simulque felicitati suae iubet confidere: deos enim concedere sibi h. e. si nova instituerit sacra, deos laeta exta daturus esse. Tum demum vates regis mentem capit moxque supervenit, nuntians, quae volebat Alexander audire. Quae quum ita sint, *ad alia* mutavi in *ad sacra*. Fortasse tamen etiam h. l. lacuna est sic explenda: *ad alia* [*sacrificia facienda*].

VII, 8 (34), 17. *iugum boum et aratrum*. Codd. *iugum, boves et aratrum*, vulgo *iugum boum, aratrum*, Z. *boves* et om. *Boum* verum esse et sententia declarat et codicis Flor. G. scriptura *bovem: et* autem omittere non licet, propterea quod iugum boum et aratrum ad significandam agriculturam accurate coniuncta sunt unumque efficiunt, cui recte deinceps tria illa: *hasta, sagitta, patera*, sine copula adiiiciuntur.

VII, 8 (35), 29. *res religionem in ipsa fide ponimus*. Vix putaverim, *novimus*, quae vulgaris lectio est, ita explicari posse, ut idem fere esse dicatur, quod *colimus*. Itaque, quamquam nemo adhuc in hac voce offendit, facere tamen non potui, quin scriberem *ponimus*.

VII, 9 (37), 14. *Reliquum* [*agmen sero*] *substitit*. Epist. p. 35. lacunam sic explevi: *agmen non*. Nunc non mihi idcirco minus aptum videtur, quia Alexander suis modo praecepit, ut, donec lucis aliquid superesset, fugientium tergis inhaerent.

VII, 9 (38), 19. *Elpinicon*. Quum, quod codices exhibent, *Excipinon*, nec sit nec possit esse nomen Graecum, ego, quoniam non putavi, monstrum illud relinquendum esse, nihilque, quod similis esset, repperi, scripsi *Elpinicon*.

VII, 11 (42), 15. *quibus* [*alii*], *quum cuneos inter saxa defigerent, gradus subdidere, quibus insisterent*. Codd. *subinde* pro *subdidere*, editores etiam *quibus* deleverunt. Codicum et editionum vulgarium et Zumptii scripturas falsas esse, ut alia omittam argumenta, una iam docet adverbii *subinde* collocatio: neque *quibus* tam temere omitti potest. Iam minime credibile est, qui adiectis funium laqueis evaserint, eosdem, quum tamen funes manibus tenerent, simul cuneos inter saxa defixisse, quibus insisterent: immo verisimile, ab aliis eos, ut in nitendo fieri solet, adiutos esse, et, quum pedum fultura egerent nec ipsi facile cuneos infigere possent, alios id fecisse atque ita illorum pedibus gradus subdidisse. Sic coniecturam meam satis defensam arbitror.

VII, 11 (42), 18. *in inviis et asperis*. Vulgo *et in asperis*, quod ineptum.

VIII, 1 (3), 24. *non alia re*. Nihil melius certiusve hac Zumptii coniectura, quam cur ipse non receperit, nescio: *alias*, quod vulgo legitur, et *simulatione* nullo modo opponi sibi possunt. VIII, 13 (45), 14. *nulla re melius quam audacia armati*.

VIII, 4 (15), 15. [*aegre*] *seque et arma sustentans*. *Aegre* desiderari iam vidit Mützellius: ipse tamen non interposuit.

VIII, 5 (19), 19. [*a victis*] *discere*. Interposui *a victis* de coniectura Freinshemii.

VIII, 6 (22), 18. *humanae mentes ingentia concupiscentes devoraverunt*. Plerique codd. *ingentes concupiscentiae*, quae sane nihili sunt: Mützellius ea ita mutavit coniectura, ut ego scripsi. Additamentum non modo bonum, sed etiam necessarium.

VIII, 6 (22), 19. *collaudatis quoque*. Codd. et vulg. *collaudatis*. *que*, Z. *collaudatis*. Rectius, opinor, ego mutavi: *quoque*, ut saepe apud Curtium, est *etiam*, adeo. Alexander eos, qui insidiaturi ipsi tota nocte perstiterant, adeo collaudavit.

VIII, 7 (25), 15. *parce* [*parentibus et*], *quorum orbis senectutem, suppliciiis ne oneraveris*. Vulgo *parce*, *quorum orbis senectutem suppliciiis ne oneraveris*. Inepta autem haec scriptura. Nam quum *parce* nihil fere aliud sit, nisi *supplicio ne afficias*, iam haec oritur sententia: *supplicio ne afficias eos, quorum orbis senectutem supplicio ne afficias*. Ieepius (p. 426.) *orbis* in *orbis* mutavit, cetera intacta reliquit: sed *parce, ne* — *oneraveris* pro *parce onerare*, quae iam ipsa poetica dicendi ratio est, non licet dicere. At felicissime tamen coniecit, *orbis* scribendum esse. Hoc ego retinui, expleta simul lacuna, quam inter *parce* et *quorum*, quae coniungi apte nequeunt, apparet esse. *Parentibus et*, quum *parce* sequatur, propter initii utriusque vocis similitudinem interciderunt. Iam vero acumen in sententia inest et acerbitas truci Hermolai ingenio accommodatissima. Infra, VIII, 8 (28), 18. Alexander haec Hermolai verba respiciens, *At nunc*, inquit, *mones me, ut vestris parentibus parcam*.

VIII, 8 (26), 2. *tamen non solum ipse* [*audivi, sed etiam, ut vos*] *audiretis, expressi*. H. l. tam aperta lacuna est, ut nemo de ea dubitet. In explenda ea Mützellium potius quam Zumptium secutus sum, quamquam ita *ipsi* in *ipse* mutandum erat. Deinde *etiam* addidi, quia Curtius illud, ubi verba *non solum, non modo* antecedunt, rarissime omittit, neque sane causa est, cur h. l. id fecisse eum statuamus et tam parci simus verborum.

VIII, 8 (26), 3. *et ferunt a tutoribus pupilli*. Elegantissima haec est Acidalii coniectura et dignissima profecto, quae recipiatur. Vulgo *ut* legitur. Editores non ausi sunt eam recipere, quia, quomodo codicum scriptura orta esset, non perspexerunt: nunc, accuratius cognita codicum natura, facile est intellectus. Intercidit enim prior verbi pars *fer*, deinde *ex ut* factum est *ut*.

VIII, 8 (29), 20. *horum manibus*. Vulgo *hominibus*. V. epist. p. 44.

VIII, 9 (30), 6. *Uterque rubro mari accipitur. Indus ripas multasque arbores — exsorbet*. Vulgo *utque r. m. a. findens ripas multas arbores — exsorbet*. Sic etiam Z., nisi quod codicum scripturam *utque* et *multasque* restituit. Hanc codicum Zumptiique lectionem falsam esse docet dicendi ratio ipsa. Quis enim apte coniungat *mari accipitur* et *findens ripas* et *arbores exsorbet*? quasi amnis tum demum ripas findat et arbores exsorbeat, quum mari accipiat. Licet vero prima verba *utque — accipitur* ad Gangem et Indum relata tolerari possint, sequentia tamen de uno Indo accipienda esse tum res ipsa docet, tum ex eo apparet, quod sequuntur haec: *Acesines eum auget*. Et Z. quidem *Indum* scripsit, in codd. tamen *eum* est, idque retinendum. Itaque Mützellius *Indus*, qui pro *utque* scripsit: quae mihi paulo audacior videtur esse coniectura, quum non valde similes sint litterarum ductus. Haec vero paene primaria in emendando Curtio lex est, ut in coniecturis faciendis quam proxime ad litterarum ductus, qui in codicibus inveniuntur, accedatur: in quibus coniecturis haec non servata lex est, de iis magna plerumque erit dubitatio. Itaque *utque*, quamquam, quod Curtius de utroque amne narrat, falsum est, tamen servandum. Vitium potius in participio *findens* inest. Etenim quid tandem est illud *findere ripas*? Comparat quidem Mützellius Horatianum *findere tellurem*, at longe id diversum sine dubio: nam terram sive campos profecto amnis perfluens findit, at quomodo ripas? Iam si *findere ripas* statuas esse i. q. *findendo (campos) efficere ripas*, quo modo Z. ad IV, 12 (45), 3. *dividere cornua* explicavit, primum ego de hac omnino explicatione dubitavim, deinde, quum ita quidem omnes omnino fluvii ripas findant, nemo profecto credat, id tanquam magnum aliquid et peculiare de celeberrimo flumine Indo Curtium nobis narrare. Itaque *findens* mutavi in *Indus*. Iam etiam *multasque* aptissimum, neque *multas*, ut vulgo, scribere opus est. *Exsorbere ripas* rectissime dicitur et rectius profecto, quam *findere ripas*.

VIII, 9 (30), 8. *Ganges * decursurum in mare intercipit, magnaque motu amnis uterque colliditur: quippe Ganges — obicit*. Vulgatam lectionem codicum auctoritate defensam et firmatam retinui. Z. de Indo et Acesine hic agi ratus Gangis nomen utroque loco omisit. Mützellius, quum de confluentibus Acesinis et Hydaspis Curtius IX, 4 (15), 9. similia hisce narret, priore loco *Ganges* in *Hydaspen* mutavit, altero omisit. Haec omnia magnae mihi videntur esse audaciae. De mea sententia potius verisimillimum est, de Gange h. l. agi. Nam quum editores recte statuant, Dyardanem, qui deinceps commemoratur, in Gangem influere, paene necessarium antea Gangis est nomen. Itaque post prius illud *Ganges* apposui lacunae signum: intercidit enim nomen amnis in Gangem influentis. Quis ille fuerit, non possumus scire: fortasse tamen Iomanes fuit, cuius nomen non adeo dissimile est, ut non potuerit post nomen Gangis intercidere.

VIII, 9 (30), 12. *aquilone maxime deurrunt*. Codd. *aquiloni m. decurrunt*, vulgo *aquilones m. deurrunt*. Codicum scripturam non potest artificiosa Zumptii explicatio tueri. Verum sine dubio est deurendi verbum: sed quum singularis numerus *is* — *mitis* sequatur, satis ille codicum auctoritate defensus, scripsi *aquilone* — *deurrunt*. Litterae *e* et *i*, deinde terminationes activi et passivi frequentissime in his codicibus permutantur.

VIII, 9 (30), 13. *Nec cur ibi se natura [inverterit, patescit] causa*. Epist. p. 26. proposui — *natura [inverterit], causa [impressa]*. Nunc melius duxi, unam quam duas statuere lacunas. Iam explicari fortasse potest, unde, quod in nonnullis codd. reperitur, *ingrescit* s. *nigrescit*, infra illud post *alluitur* locatum, profectum sit. Etenim si excidit *verterit*, ex *inpatescit* fieri sane poterat *ingrescit*. Sic X, 1 (5), 42. ex *invictus* quondam, postquam *victus* excidit, factum est in *quodam* (*quoddam*, *quosdam*).

VIII, 9 (32), 23. *Quum rex semet* —. Codd. aliquot *se ne*, vulgo *sane*, al. *sese* vel *se*. Forma *semet* Curtium delectari recte Z. annotavit.

VIII, 10 (38), 32. *admotas*. Voss. 1. Flor. BG. et a pr. m. Leid. Flor. A. *adiutas*, alii *auditas*, alii *aductas*. Vulgo *adductas*, Mützelius *advectas*. Ego *iu*, quod in codicibus est, *m* esse et *o* excidisse puto. Curtius enim turres semper moveri et admoveri dicit. IV, 6 (26), 9. V, 3 (10), 7. VI, 6 (24), 34. VIII, 2 (9), 26. VIII, 11 (41). 19.

VIII, 11 (41), 24. [*speciem*] *tamen* — *fecit*. Quod Mützellius interponendum esse vidit, *speciem*, recepi quidem, neque tamen ante *fecit*, ut Mützellius, sed ante *tamen* collocavi.

VIII, 12 (41), 2. *per funditores ac sagittarios*. Vulgo *cum funditore ac sagittario*: Z. Iunium secutus *cum* omisit. Quum vero *funditores ac sagittarios* in omnibus codd. sit, in Flor. et Leid. autem praeterea anteponatur *fere*, non dubitavi hoc mutare in *per*.

VIII, 13 (46), 26. [*Alexander*] *obscuritatem* —. Quum antecedit *terruisset alium*, et Alexander alii opponatur, Z. recte vidit, interponendum esse regis nomen: ipse tamen non interposuit. *At*, quod idem dixit addendum esse, certe necessarium non puto.

IX, 4 (15), 10. *aestu*. Sic de Ieepii (p. 63.) coniectura scripsi. Vulgo *metu*.

IX, 7 (27), 4. *Margianum*. Vulgo *Macerianum*, quod, quum corruptum sit, Zumptius in *Macarianum* mutavit. At Strabo Boxum tradit fuisse Persam, neque verisimile est, Bitonem Graeco usum esse sicario. Deinde de forma nominis dubitare licet: quippe Graece incolae urbis Macariae *Μακαρεῖς* vel *Μακαρεᾶται* appellantur. His de causis *Margianum* scripsi. Margiana, regio Asiae est, inter Bactrianam et Hyrcaniam sita.

IX, 7 (29), 19. *Ingens hic militum convenerat multitudo: inter quos qui erant Graeci, Dioxiippo studebant*. Recepi, quod Z. iam intellexit scribendum esse. Vulgo *ingens h. m., inter quos erant Graeci*,

qui D. s., convenerat multitudo. Secutus Z. codices est, nisi quod qui de coniectura transposuit.

IX, 8 (32), 17. *in regno*. Vulgo *in regnum*, quod h. l. haudquaquam ferri potest: Flor. G. *in regione*. Ceterum aliud fortasse latet vitium, quod tamen ut detegerem et corrigerem nondum mihi contigit.

IX, 9 (34), 1. [*compulit*] — *permittere*. Epist. p. 35. *perpulit* post *permittere* adiiciendum esse dixi, ubi Zumptius *coëgit* collocaverat. Nunc *compulit* commodiorem locum media in sententia posui: ibidem codex Theocren. *adegit* habet. *Perpellere* apud alios quidem scriptores cum infinitivo, apud Curtium semper cum *ut* particula constructur. Itaque quamquam constructio illa etiam apud Curtium minime improbari possit, nolui tamen eam in hunc scriptorem inferre.

IX, 9 (35), 12. *Hi contis navigia appellebant et, dum remos aptari prohibebant, consederant*. Vulgo *hi, dum pro et, dum*. Vulgaris haec lectio inepta est nec potest intelligi. Docere vult Curtius exemplo nautarum militumque Alexandri, in tumultu festinationem quoque tardam esse. Id tamen priore sententiae parte minime docetur, quum, quod malum ex eo, quod contis propellerentur navigia, ortum sit, non indicetur. Altera vero pars plane obscura est: neque enim quisquam perspicit, qui factum sit, ut nonnulli remos aptari prohiberent. Itaque *hi* mutavi in *et*. Etenim qui naves contis appellebant, eo ipso remos aptari prohibebant atque ita, quum contis non aequè bene atque remis regi illae possent, sed inhabiles essent, consederant. Iam *hi* — *quidam* — *aliae* sibi respondent: punctum igitur post *consederant* delendum et colon ponendum erat. Ceterum quod in Voss. 2. esse traditur, *propellebant*, magis placet, quam *appellebant*.

IX, 9 (35), 13. *omnes receperant*. Vulgo *non r*. Ineptum illud non mirum in modum Z. explicat: quippe totum locum non intellexit. Mützellius *non* omisit, quod, quum interdum illud male additum in codicibus sit, profecto reprehendi nequit. Ego tamen cum Schefферо *non* in *omnes* mutavi, quod sane rei accommodatissimum est. Tribus argumentis vel exemplis Curtius probat, quod docere vult. Alii enim ob festinationem contis, non remis naves propellebant, atque ita factum est, ut considerent: alii enavigare properantes non expectabant, donec satis nautarum adesset: ergo propter hominum paucitatem clauda et inhabilia navigia erant: alii denique omnes, quotquot ruebant, in naves inconsulte recipiebant atque propter nimiam hominum multitudinem celeriter navigare non poterant. Ex his apparet, *inconsulte* non ad *ruentes*, sed ad *receperant* pertinere.

IX, 10 (40), 16. *versa*. Vulgo *versi*. Licet quidem dicere (X, 7 (22), 1.) *in seditionem ac discordiam versa concio*, non puto autem, dici posse *homo in rabiem vertitur*. Quod ego scripsi, *in rabiem desperatione versa*, prorsus more Curtii dictum est. III, 8 (21), 20 *in sollicitudinem versa fiducia es*; VII, 2 (7), 12. V, 3 (12), 20.

ira in rabiem versa. IV, 6 (28), 29. IV, 10 (40), 14. IV, 16 (61), 12 VIII, 11 (40), 12. IX, 3 (11), 2. IX, 10 (40), 15.

X, 1 (1), 1. [*adducentes*]. V. epist. p. 36. Non persuadebo mihi, *adducentes* omitti posse, nisi mihi prorsus simile exemplum e bono depromptum auctore afferatur.

X, 1 (5), 42. *contra tantum.* Quum etiam codd. Florentini *traiectum* habeant, repudiavi coniecturam epist. p. 27. propositam. Quod nunc excogitavi, ad scripturam codicum prope videtur accedere, siquidem statuimus, syllabam *con* excidisse. *Tantum* apud ipsum Ciceronem pro *adeo* poni constat. Iustin. XII, 4, 1. *a Philippo illum patre tantum degenerasse.* Tacit. German. c. 45. *in tantum — degenerant.*

X, 2 (7), 6. 7. *Soli Athenienses non suae modo, sed etiam publicae vindices [libertatis], — assueti. Prohibuere igitur exules —.* Reiecta coniectura epist. p. 28. proposita, retinui codicum lectionem, nisi quod prima verba ex vulgari ratione scripsi et *ordinem hominum in ordinum omnium* mutavi: commate autem post Athenienses deleta, post *assueti* punctum posui, ut primaria sententia sic conformata sit: *Soli Athenienses vindices (erant vel extiterunt), quia colluvionem — aegre ferebant — assueti.*

X, 2 (8), 11. [*cum*] *fide facta professio est.* Non *professi sunt*, ut vulgo scribitur, sed *professio est* in codd. est: Ieepium igitur (p. 62.) secutus *cum* ante *fide* interposui.

X, 3 (11), 5. *quum — prohibiti aditu regis essent.* Vulgo *aditu venissent.* Conieci olim *revenissent*, sed ne hoc quidem, nisi addatur *in castra*, placere potest. Mützellius satis feliciter proposuit *remissi essent*: melior tamen fortasse nova mea coniectura *regis essent.* *Aditus* cum genitivo saepe construitur. Iustin. XXI, 6, 5. *per Parmenionem aditu regis obtento.*

X, 5 (18), 29. *ita et iuveni et in tantis admittenda rebus.* Vulgo *ita ut.* Quod ego posui, elegantius et consuetudini Curtii accommodatius est. VI, 11 (42), 15. *utpote et damnatus et inimicis — tormentibus.* IV, 10 (42), 32. *et dominus et iuvenis.* V, 10 (29), 15. *qualem et regem et virum fallerent.* VI, 10 (38), 13. *unde et paricidae et proditori tam alti quies somni?*


X, 6 (19), 5. *vices.* Vulgo *vires.* V. epist. p. 44. Zumptius, ut defendat, quod nequit defendi, Perdiccam statuit ita dignitatem anuli significare, ut Alexandrum dicat eo gazam regiam oclusisse. Praeclara profecto sententia, et Perdicca ipso et occasione, qua eius oratio habita est, dignissima!

X, 7 (22), 5. *Impensa probra, quae obiecerat —.* Vulgo *obiecerat om.*, codd. *impense.* Nihil quidem melius inveni, quam quod olim conieci, *intendit, sed*: nam quod Ieepius (p. 65.) excogitavit, *impetit, sed*, in Curtium non cadit: tutius tamen nunc duxi, nihil prorsus mutare, nisi quod *impensa* pro *impense* scripsi, atque lacunae signa ante *haud ambigue* collocare. Neque enim in iis, quae adhuc dixit Pithon, insunt probra.

X, 7 (23), 10. *suffragari spei publicae de novo rege paulo ante conceptae robur aetatis: experirentur modo stirpem Philippi et filium ac fratrem regum duorum: sibimetipsis potissimum crederent.* Vulgo *suffragari reipublicae d. n. r. p. a. concepto: robur aetatis experirentur: modo stirpem Philippi, et f. a. f. r. d., sibimetipsis potissimum crederent.* Correxit hunc locum Tellierius, quem Mützellius sequitur: ego tamen *publicae*, quod Mützellius omisit, retinui: deinde Meleagrum verbis *sibimetipsis potissimum crederent* non se significare, sed milites ipsos arbitror. Hortatur milites, ut sibi ipsis potius quam principibus credant.

X, 7 (23), 11. *si et nova.* Vulgo *si nova*, codd. *et si nova.*

X, 8 (25), 6. *quum regem adissent, interrogare eum coepit, an Perdiccam comprehendi ipse iussisset.* Vulgo *adisset.* Quod ego scripsi, in Flor. G. invenitur, in quo tamen codice male etiam *coeperunt* scriptum est. Res autem haec erat. Milites indignati, quod Perdiccas ad mortis periculum adductus esset, Meleagrum ultum ire decreverant. Meleager vero, qui seditionem providerat, paratus erat ad evitandam militum iram. Itaque quum illi regem adissent, ipse quoque aderat et coram militibus publice interrogavit eum, an Perdiccam comprehendi ipse iussisset: antea autem ei iam suppeditaverat, quod responderet. Ergo Meleagri instinctu rex respondit, se, non Meleagrum, iussisse. Sic Meleager periculum effugit.



Q. CURTII RUFII
DE GESTIS
ALEXANDRI MAGNI
REGIS MACEDONUM
LIBER III.

ARGUMENTUM.

I. Celaenarum urbe et arce recepta, primariam Phrygiae urbem Alexander ingreditur, in qua fatalem Gordii nodum solvit, ac deinde obviam Dareo ire statuit. II. Exercitus Persici lustratio: de quo quum Darei iussu Charidemus Atheniensis verum liberumque protulisset iudicium, capite multatus est. III. Thymodes Pharnabazo, hic Memnoni succedit. Darei somnium eiusque varia interpretatio. Pompae Persarum regum orto sole demum procedentium, tum copiarum Alexandri descriptio. IV. Desertas ab Arsame, Darei praefecto, Ciliciae fauces Alexander opportune occupat. V. Quum in Cydnum flumen abluendi corporis gratia intempestive descendisset, gravissimo morbo corripitur. VI. Mox a fido sapientique medico Philippo pristinae valetudini restituitur. VII. Vegetior factus Dareum aggredi constituit Sisenemque Persam imprudentia delinquentem occidi iubet. VIII. Darei ante pugnam consilia: tum exercitus Persici consternatio, proximae internecionis praesagium. IX. Utriusque aciei descriptio. X. Alexandri oratio ad milites. XI. Pugna ad Issum, in qua centena milia peditum ac decem milia equitum Persarum occumbunt, reliquis fuis fugatisque. XII. Matris et uxoris Darei aliarumque captivarum luctum levat Alexander. XIII. Darei gazam immensam cum ingenti nobilium numero praefectus Damasci Parmenioni tradit.

CAP. I.

- 1 (1 ed. Zumpt.) Inter haec Alexander, ad conducendum ex Peloponnēso militem Cleandro cum pecunia misso, Lyciae Pamphyliaeque rebus compositis, ad urbem Celaenas exercitum admovit. Media illa tempestate moenia interfluebat Marsyas amnis, fabulo-
- A. 333
ineunte
a. Chr.
n. 01.
111, 3.
- CURT. RUF. 1

sis Graecorum carminibus inclitus. Fons eius ex summo 3
 montis cacumine excurrens in subiectam petram magno
 strepitu aquarum cadit: inde diffusus circumiectos rigat
 campos, liquidus et suas dumtaxat undas trahens. Itaque 4
 color eius placido mari similis locum poëtarum mendacio
 fecit: quippe traditum est, Nymphas amore amnis retentas
 in illa rupe considerare. Ceterum quamdiu intra muros fluit, 5
 nomen suum retinet: at quum extra munimenta se evolvit,
 maiore vi ac mole agentem undas Lycum appellant.

Alexander quidem urbem destitutam a suis intrat, ar- 6
 cem vero, in quam confugerant, oppugnare adortus cadu-
 ceatorem praemisit, qui denuntiaret, ni dederent, ipsos
 ultima esse passuros. Illi caduceatorem in turrem et situ 7
 et opere multum editam perductum, quanta esset altitudo,
 intueri iubent ac nuntiare Alexandro, non eadem ipsum et
 incolas aestimatione munimenta metiri: se scire, inexplu-
 gnabiles esse: ad ultimum, pro fide morituros. Ceterum, 8
 ut circumsideri arcem et omnia sibi in dies artiora vide-
 runt esse, sexaginta dierum inducias pacti, ut, nisi intra
 eos auxilium Darëus ipsis misisset, dederent urbem, post-
 quam nihil inde praesidii mittebatur, ad praestitutam diem
 permisere se regi.

Superveniunt deinde legati Atheniensium, petentes, 9
 ut capti apud Granicum amnem redderentur sibi. Ille non
 hos modo, sed etiam ceteros Graecos restitui suis iussu-
 rum respondit, finito Persico bello.

(2) Ceterum Darëo imminens, quem nondum Euphrā- 10
 ten superasse cognoverat, undique omnes copias contra-
 hit, totis viribus tanti belli discrimen aditurus. Phrygia 11
 erat, per quam ducebatur exercitus, pluribus vicis quam
 urbibus frequens. Tunc habebat nobilem quondam Midæ 12
 regiam: Gordium nomen est urbi, quam Sangarius amnis
 interfluit, pari intervallo Pontico et Cilicio mari distantem.
 Inter haec maria angustissimum Asiae spatium esse com- 13
 perimus, utroque in artas fauces compellente terram. Quae
 quia continenti adhaeret, sed magna ex parte cingitur flu-
 ctibus, speciem insulae praebet ac, nisi tenue discrimen
 obiceret, quae nunc dividit maria, committeret.

14 Alexander, urbe in ditionem suam redacta, Iovis
 templum intrat. Vehiculum, quo Gordium, Midae patrem,
 vectum esse constabat, aspexit, cultu haud sane a viliori-
 15 bus vulgarisque usu abhorrens. Notabile erat iugum,
 astrictum compluribus nodis in semetipsos implicatis et
 16 celantibus nexus. Incolis deinde affirmantibus, editam
 esse oraculo sortem, Asiae potiturum, qui inexplicabile
 vinculum solvisset, cupido incessit animo sortis eius im-
 17 plendae. Circa regem erat et Phrygum turba et Macedo-
 num, illa expectatione suspensa, haec sollicita ex temera-
 ria regis fiducia: quippe serie vinculorum ita astricta, ut,
 unde nexus inciperet quove se conderet, nec ratione nec
 visu percipi posset, solvere aggressus iniecerat curam, ne
 18 in omen verteretur irritum inceptum. Ille nequicquam diu
 luctatus cum latentibus nodis, *Nihil*, inquit, *interest, quo-*
modo solvantur: gladioque ruptis omnibus loris oraculi
 sortem vel elusit vel implevit.

19 (3) Quum deinde Darēum, ubicunque esset, occupare
 statuisset, ut a tergo tuta relinqueret, Amphotērum classi
 ad oram Hellesponti, copiis autem praefecit Hegelōchum,
 Lesbum et Chium Coumque praesidiis hostium liberatu-
 20 ros. His talenta ad belli usum quingenta attributa: ad An-
 tipātrum et eos, qui Graecas urbes tuebantur, sexcenta
 missa: ex foedere naves sociis imperatae, quae Helle-
 21 sponto praesiderent. Nondum enim Memnōnem vita exces-
 sisse cognoverat: in quem omnes intenderat curas, satis
 gnarus, cuncta in expedito fore, si nihil ab eo moveretur.

22 Iamque ad urbem Ancyram ventum erat, ubi numero
 copiarum inito Paphlagoniam intrat: huic iuncti erant He-
 nēti, unde quidam Venētos trahere originem credunt.
 23 Omnis haec regio paruit regi, datisque obsidibus tributum,
 quod ne Persis quidem tulissent, pendere ne cogerentur,
 24 impetraverunt. Calas huic regioni praepositus est: ipse,
 assumptis, qui ex Macedonia nuper advenerant, Cappado-
 ciam petiit.

CAP. II.

1 (4) At Darēus nuntiata Memnōnis morte haud secus,

quam par erat, motus, omissa omni alia spe, statuit ipse decernere: quippe, quae per duces suos acta erant, cuncta damnabat, ratus, pluribus curam, omnibus abfuisse fortunam. Igitur castris ad Babyloniam positis, quo maiore 2 animo capessèrent bellum, universas vires in conspectum dedit et, circumdato vallo, quod decem milium armatorum multitudinem caperet, Xerxis exemplo numerum copiarum iniit. Orto sole ad noctem agmina, sicut descripta erant, 3 intravere vallum. Inde emissa occupaverant Mesopotamiae campos, equitum peditumque propemodum innumerable turba, maiorem, quam pro numero, speciem ferens. Persarum erant centum milia, in quibus eques triginta implebat. 4 Medi decem equitum, quinquaginta milia peditum habebant. Barcanorum equitum duo milia fuere, armati 5 bipennibus levibusque scutis cetrae maxime speciem reddentibus: peditum decem milia pari armatu sequebantur. Armenii quadraginta milia miserant peditum, additis septem milibus equitum. Hyrcāni, egregii, ut inter illas gentes, [equites,] sex milia expleverant, additis equitibus mille Tapūris. Derbīces quadraginta peditum milia arma- 7 verant: pluribus aere aut ferro praefixae hastae, quidam lignum igni duraverant. Hos quoque duo milia equitum ex eadem gente comitata sunt. A Caspio mari octo mi- 8 lium pedester exercitus venerat, ducenti equites. Cum his erant ignobiles aliae gentes: duo milia peditum, equitum duplicem paraverant numerum. His copiis triginta 9 milia Graecorum mercede conducta, egregiae iuventutis, adiecta sunt. Nam Bactriānos et Sogdiānos et Indos ceterosque rubri maris accolae, ignota etiam ipsi gentium nomina, festinatio prohibebat acciri. Nec quicquam illi 10 minus quam multitudo militum defuit.

(5) Cuius tum universae aspectu admodum laetus, purpuratis solita vanitate spem eius infantibus, conversus ad Charidēnum Atheniensem belli peritum et ob exilium infestum Alexandro, — quippe Athēnis, iubente eo, fuerat expulsus, — percontari coepit, salisne ei videretur instructus ad obterendum hostem. At ille et suae sortis et 11 regiae superbiae oblitus, *Verum, inquit, et tu forsitan au-*

dire nolis et ego, nisi nunc dixero, alias nequicquam con-
 12 *ſitebor. Hic tanti apparatus exercitus, haec tot gentium et*
totius orientis excita ſedibus ſuis moles finitimis poteſt eſſe
terribilis: nitet purpura auroque, fulget armis et opulentia,
 13 *quantam qui oculis non ſubiecere, animis concipere non po-*
sunt. Sed Macedonum acies, torva ſane et inculta, clypeis
hastisque immobiles cuneos et conferta robora virorum tegit.
Ipsi phalangem vocant, peditum ſtabile agmen: vir viro,
armis arma conſerta ſunt: ad nutum monentis intenti ſequi
 14 *ſigna, ordines ſervare didicerunt. Quod imperatur, omnes*
exaudiunt: obſistere, circumire, diſcurrere in cornu, mutare
 15 *pugnam non duces magis quam milites callent. Ac ne auri*
argentique ſtudio teneri putes, adhuc illa diſciplina pauper-
tate magiſtra ſtetit. Fatigatis humus cubile eſt: cibus, quem
 16 *occupati parant, ſatiat: tempora ſomni artiora quam noctis*
ſunt. Iam Theſſali equites et Acarnanes Aetoliſque, invicta
bello manus, fundis, credo, et hastis igne duratis repellentur?
Pari robore opus eſt. In illa terra, quae hoſ genuit, auxilia
quaerenda ſunt: argentum iſtud atque aurum ad conducen-
 17 *dum militem mitte. Erat Darío mite ac tractabile ingenium,*
nisi manſuetam naturam plerumque fortuna corrumpere.
Itaque veritatis impatiens hoſpitem ac ſupplicem tunc
 18 *quummaxime utilia ſuadentem abſtrahi iuſſit ad capitale*
ſupplicium. Ille ne tum quidem libertatis oblitus, Habeo,
inquit, paratum mortis meae ultorem: expetet poenas con-
ſilii mei ſpreti iſ ipſe, contra quem tibi ſuaſi. Tu quidem li-
 19 *centia regni tam ſubito mutatus documentum eris poſteris,*
homines, quum ſe permiſere fortunae, etiam naturam dedis-
cere. Haec vociferantem, quibus imperatum erat, iugu-
lant. Sera deinde poenitentia ſubit regem, ac vera dixiſſe
confessus ſepeliri eum iuſſit.

CAP. III.

1 (6) Thymōdes erat, Mentōris filius, impiger iuvenis:
 cui praeceptum eſt a rege, ut omnes peregrinos milites,
 in quibz plurimum habebat ſpei, a Pharnabāzo acciperet,
 opera eorum uſurus in bello: ipſi Pharnabāzo tradit im-
 perium, quod antea Memnōni dederat.

Anxium de instantibus curis agitabant etiam per 2
 somnum species imminentium rerum, sive illas aegritudo,
 sive divinatio animi praesagientis accersit. Castra Ale- 3
 xandri magno ignis fulgore collucere ei visa sunt, et paulo
 post Alexander adduci ad ipsum in eo vestis habitu, quo
 ipse fuisset, equo deinde per Babyloniam vectus subito cum
 ipso equo oculis esse subductus. Ad haec vates varia 4
 interpretatione curam distrinxerant. Alii laetum id regi
 somnium esse dicebant, quod castra hostium arsissent,
 quod Alexandrum, deposita regia veste, in Persico et vul-
 gari habitu perductum esse vidisset. Quidam non ita [laeta] 5
 augurabantur: quippe illustria Macedonum castra visa ful-
 gorem Alexandro portendere: quem regnum Asiae occu-
 paturum esse haud ambigere, quoniam in eodem habitu
 Darëus fuisset, quum appellatus est rex. Vetera quoque 6
 omina, ut fert sollicitudo, revocaverant: recensebant enim,
 Darëum in principio imperii vaginam acinacis Persicam
 iussisse mutari in eam formam, qua Graeci uterentur, pro-
 tinusque Chaldaeos interpretatos, imperium Persarum ad
 eos transiturum, quorum arma esset imitatus. Ceterum 7
 ipse et vatum responso, quod edebatur in vulgus, et spe-
 cie, quae per somnum oblata erat, admodum laetus castra
 ad Euphrâten moveri iubet.

(7) Patrio more Persarum traditum est, orto sole de- 8
 mum procedere. Die iam illustri signum e tabernaculo
 regis bucina dabatur. Super tabernaculum, unde ab om-
 nibus conspici posset, imago solis crystallo inclusa fulge-
 bat. Ordo autem agminis erat talis. Ignis, quem ipsi sa- 9
 crum et aeternum vocabant, argenteis altaribus praefere-
 batur. Magi proximi patrium carmen canebant. Magos 10
 trecenti et sexaginta quinque iuvenes sequebantur, puni-
 ceis amiculis velati, diebus totius anni pares numero:
 quippe Persis quoque in totidem dies descriptus est an-
 nus. Currum deinde Iovi sacratum albentes vehebant 11
 equi: hos eximiae magnitudinis equus, quem Solis appel-
 labant, sequebatur. Aureae virgae et albae vestes regen-
 tes equos adornabant. Haud procul erant vehicula decem, 12
 multo auro argentoque caelata. Sequebatur haec equita-

13 tus duodecim gentium variis armis et moribus. Proximi
ibant, quos Persae Immortales vocant, ad decem milia.
Cultus opulentiae barbarae non alios magis honestabat:
illi aureos torques, illi vestem auro distinctam habebant
14 manicatasque tunicas, gemmis etiam adornatas. Exiguo
intervallo, quos cognatos regis appellant, decem et quin-
que milia hominum. Haec vero turba muliebriter prope-
modum culta luxu magis quam decoris armis conspicua
15 erat. Doryphōroe vocabantur proximum his agmen, so-
liti vestem excipere regalem. Hi currum regis anteibant,
16 quo ipse eminens vehebatur. Utrumque currus latus deo-
rum simulacra ex auro argentoque expressa decorabant:
distinguebant internitentes gemmae iugum, ex quo emine-
bant duo aurea simulacra cubitalia, quorum alterum Nini,
alterum Beli gerebat effigiem. Inter haec auream aquil-
lam pinnas extendenti similem sacraverant.

17 (8) Cultus regis inter omnia luxuria notabatur. Pur-
18 pureae tunicae medium album intextum erat: pallam auro
distinctam aurei accipitres, velut rostris inter se concur-
rerent, adornabant: et zona aurea muliebriter cinctus aci-
19 nacem suspenderat, cui ex gemma vagina erat. Cidārim
Persae vocabant regium capitis insigne: hoc caerulea fa-
20 scia albo distincta circumibat. Currum decem milia hasta-
torum sequebantur: hastas argento exornatas, spicula auro
21 praefixa gestabant. Dextra laevaue regem ducenti ferme
nobilissimi propinquorum comitabantur. Horum agmen
claudebatur triginta milibus peditum, quos equi regis qua-
22 dringenti sequebantur. Intervallo deinde unius stadii ma-
trem Darēi Sisygambim currus vehebat, et in alio erat con-
iunx. Turba feminarum reginas comitantium equis vecta-
23 batur. Quindecim deinde, quas armamaxas appellabant,
sequebantur. In his erant liberi regis et qui educabant
eos spadonumque grex, haud sane illis gentibus vilis.
24 Tum regiae pellices trecentae et sexaginta vehebantur, et
ipsae regali cultu ornatae. Post quas pecuniam regis
sexcenti muli et trecenti cameli vehebant, praesidio sagit-
25 tiorum prosequente. Propinquorum amicorumque con-
iuges huic agmini proximae lixarumque et calorum gre-

ges vehebantur. Ultimi erant cum suis quisque ducibus, qui cogerent agmen, leviter armati. Contra si quis aciem 26 Macedonum intueretur, dispar facies erat, equis virisque non auro, non discolori veste, sed ferro atque aere fulgentibus. Agmen et stare paratum et sequi, nec turba 27 nec sarcinis praegrave, intentum ad ducis non signum modo, sed etiam nutum. Et castris locus et exercitui com meatus suppetebant. Ergo Alexandro in acie miles non 28 defuit: Darëus, tantae multitudinis rex, loci, in quo pugnavit, angustiis redactus est ad paucitatem, quam in hoste contempserat.

CAP. IV.

(9) Interea Alexander, Abistamëne Cappadociae prae- 1
posito, Ciliciam petens cum omnibus copiis [in] regionem, quae Castra Cyri appellatur, pervenerat. Stativa illic habuerat Cyrus, quum adversus Croesum in Lydiam duceret. Aberat ea regio quinquaginta stadia ab aditu, quo 2
Ciliciam intramus: Pylas incolae dicunt artissimas fauces, munimenta, quae manu ponimus, naturali situ imitante. Igitur Arsames, qui Ciliciae praeerat, reputans, quid initio belli Memnon suasisset, quondam salubre consilium sero exequi statuit: igni ferroque Ciliciam vastat, ut hosti solitudinem faciat: quicquid usui potest esse, corrumpit, sterile ac nudum solum, quod tueri nequibat, relicturus. Sed longe utilius fuit, angustias aditus, qui Ciliciam aperit, valido occupare praesidio iugumque opportune itineri imminens obtinere, unde inultus subeuntem hostem aut prohibere aut opprimere potuisset: nunc paucis, qui cal- 3
libus praesiderent, relictis, retro ipse concessit, populator terrae, quam a populationibus vindicare debebat. Ergo, qui relictis erant, proditos se rati ne conspectum quidem hostis sustinere valuerunt, quum vel pauciores locum ob- 4
tinere potuissent. 5

(10) Namque perpetuo iugo montis asperi ac prae- 6
rupti Cilicia includitur: quod quum a mari assurgat, velut sinu quodam flexuque curvatum, rursus altero cornu in diversum litus excurrit. Per hoc dorsum, qua maxime 7

introrsus mari cedit, asperi tres aditus et perangusti sunt, quorum uno Cilicia intranda est. Campestris eadem, qua vergit ad mare, planitiem eius crebris distinguuntibus rivis: Pyramus et Cydnus incliti amnes fluunt. Cydnus non spatio aquarum, sed liquore memorabilis: quippe leni tractu e fontibus labens puro solo excipitur, nec torrentes 9 incurrunt, qui placide manantis alveum turbent: itaque incorruptus idemque frigidissimus, — quippe multa riparum amoenitate inumbratus, — ubique fontibus suis simili 10 lis in mare evadit. Multa in ea regione monumenta, vulgata carminibus, vetustas exederat. Monstrabantur urbium sedes, Lyrnessi et Thebes, Typhōnis quoque specus et Corycium nemus, ubi crocum gignitur, ceteraque, in quibus nihil praeter famam duraverat.

11 (11) Alexander fauces iugi, quae Pylae appellantur, intravit. Contemplatus locorum situm non alias magis dicitur admiratus esse felicitatem suam: obrui potuisse vel saxis confitebatur, si fuissent, qui [in] subeuntes propelle- 12 rent. Iter vix quaternos capiebat armatos: dorsum montis imminebat viae non angustae modo, sed plerumque praeruptae, crebris oberrantibus rivis, qui ex radicibus 13 montium manant. Thracas tamen leviter armatos praecedere iusserat scrutarique calles, ne occultus hostis in subeuntes erumperet. Sagittariorum quoque manus occupaverat iugum: intentos arcus habebant, moniti, non iter ip- 14 sos inire, sed proelium. Hoc modo agmen pervenit ad urbem Tarson, cui tum maxime Persae subiiciebant ignem, 15 ne opulentum oppidum hostis invaderet. At ille, Parmenione ad inhibendum incendium cum expedita manu praemisso, postquam barbaros adventu suorum fugatos esse cognovit, urbem a se conservatam intrat.

CAP. V.

1 (12) Mediam Cydnus amnis, de quo paulo ^{A. 333} ante dictum est, interfluit, et tunc aestas erat, cuius ^{a. Chr. n.} Ol. III, 4. calor non aliam magis quam Ciliciae oram vapore solis 2 accendit, et diei fervidissimum tempus coeperat. Pulvere simul ac sudore perfusum regem invitavit liquor fluminis,

ut calidum adhuc corpus ablueret. Itaque veste deposita, in conspectu agminis, — decorum quoque futurum ratus, si ostendisset suis, levi et parabili cultu corporis se esse contentum, — descendit in flumen. Vixque ingressi subito horrore artus rigere coeperunt: pallor deinde suffusus est, et totum propemodum corpus vitalis calor reliquit. Expiranti similem ministri manu excipiunt nec satis competentem mentis in tabernaculum deferunt. Ingens sollicitudo et paene iam luctus in castris erat. Flentes querebantur, in tanto impetu cursuque rerum omnis aetatis ac memoriae clarissimum regem non in acie saltem, non ab hoste deiectum, sed abluentem aqua corpus ereptum esse et extinctum. Instare Darēum, victorem, antequam vidisset hostem. Sibi easdem terras, quas victoria peragrassent, repetendas: omnia aut ipsos aut hostes populos: per vastas solitudines, etiamsi nemo insequi velit, euntes fame atque inopia debellari posse. Quem signum daturum fugientibus? quem ausurum Alexandro succedere? Iam ut ad Hellespontum fuga penetrarent, classem, qua transeant, quem praeparaturum? Rursus in ipsum regem misericordia versa, illum florem iuventae, illam vim animi, eundem regem et commilitonem divelli a se et abrumpi immemores sui querebantur.

(13) Inter haec liberius meare spiritus coeperat: allevabat rex oculos et, paulatim redeunte animo, circumstantes amicos agnoverat, laxataque vis morbi ob hoc solum videbatur, quia magnitudinem mali sentiebat. Animi autem aegritudo corpus urgebat: quippe Darēum quinto die in Cilicia fore nuntiabatur. Vincitum ergo se tradi et tantam victoriam eripi sibi ex manibus obscuraque et ignobili morte in tabernaculo extingui se querebatur. Admissisque amicis pariter ac medicis, *In quo me, inquit, articulo rerum mearum fortuna deprehenderit, cernitis. Strepitum hostilium armorum exaudire mihi videor et, qui ultro intuli bellum, iam provocor. Darēus ergo, quum tam superbas litteras scriberet, fortunam meam in consilio habuit: sed nequicquam, si mihi arbitrio meo curari licet. Lenta remedia et segnes medicos non expectant tempora mea: vel mori*

strenue quam tarde convalescere mihi melius est. Proinde, si quid opis, si quid artis in medicis est, sciant, me non tam
 14 *mortis, quam belli remedium quaerere.* Ingentem omnibus incusserat curam tam praeceps temeritas eius. Ergo pro se quisque precari coepere, ne festinatione periculum au-
 15 geret, sed esset in potestate medentium: inexperta remedia haud iniuria ipsis esse suspecta, quum ad perniciem eius etiam a latere ipsius pecunia sollicitaret hostis.
 16 Quippe Darëus mille talenta interfectori Alexandri daturum se pronuntiari iusserat. Itaque ne ausurum quidem quemquam arbitrabantur experiri remedium, quod propter novitatem posset esse suspectum.

CAP. VI.

1 (14) Erat inter nobiles medicos ex Macedonia regem secutus Philippus, natione Acarnan, fidus admodum regi puero comes et custos salutis datus non ut regem modo,
 2 sed etiam ut alumnum eximia caritate diligebat. Is non praeceps se, sed strenuum remedium afferre tantamque vim morbi potione medicata levaturum esse promisit. Nulli promissum eius placebat praeter ipsum, cuius peri-
 3 culo pollicebatur. Omnia quippe facilius quam moram perpeti poterat: arma et acies in oculis erant, et victoriam in eo positam esse arbitrabatur, si tantum ante signa stare potuisset, id ipsum, quod post diem tertium medicamentum sumpturus esset (ita enim medicus praedixerat),
 4 aegre ferens. Inter haec a Parmeniōne, fidissimo purpuratorum, litteras accipit, quibus ei denuntiabat, ne salutem suam Philippo committeret: mille talentis a Darëo et spe
 5 nuptiarum sororis eius esse corruptum. Ingentem animo sollicitudinem litterae incusserant, et quicquid in utramque partem aut metus aut spes subiecerat, secreta aesti-
 6 matione pensabat. *Bibere perseverem? ut, si venenum datum fuerit, ne immerito quidem, quicquid acciderit, evenisse videatur? Damnem medici fidem? in tabernaculo ergo me opprimi patiar? At satius est, alieno me mori scelere, quam*
 7 *metu nostro.* Diu animo in diversa versato, nulli, quid

scriptum esset, enuntiat epistolamque, sigillo anuli sui impresso, pulvino, cui incumbebat, subiecit.

(15) Inter has cogitationes biduo absumpto, illuxit a 8
medico destinatus dies, et ille cum poculo, in quo medica- 9
mentum diluerat, intravit. Quo viso Alexander, levato cor-
pore in cubili, epistolam a Parmeniōne missam sinistra
manu tenens accipit poculum et haurit interritus: tum
epistolam Philippum legere iubet: nec a vultu legentis mo-
vit oculos, ratus, aliquas conscientiae notas in ipso ore
posse deprehendere. Ille, epistola perlecta, plus indigna- 10
tionis quam pavoris ostendit: proiectisque amiculo et lit-
teris ante lectum, *Rex, inquit, semper quidem spiritus meus*
ex te pependit, sed nunc vere, arbitror, sacro et venerabili
ore trahitur. Crimen parricidii, quod mihi obiectum est, tua 11
salus diluet. Servatus a me vitam mihi dederis: oro quaeso-
que, omisso metu, patere medicamentum concipi venis: laxa
paulisper animum, quem intempestiva sollicitudine amici sane
fideles, sed moleste seduli turbant. Non securum modo haec 12
vox, sed etiam laetum regem ac plenum bonae spei fecit.
Itaque, *Si dii, inquit, Philippe, tibi permisissent, quo modo*
maxime velles animum experiri meum, alio profecto voluis-
ses, sed certiore, quam expertus es, ne optasses quidem. Hac 13
epistola accepta, tamen, quod dilueras, bibi: et nunc crede,
me non minus pro tua fide quam pro mea salute esse solli-
citem. Haec locutus dextram Philippo offert.

(16) Ceterum tanta vis medicamenti fuit, ut, quae se- 14
cuta sunt, criminationem Parmeniōnis adiuverint. Inter-
clusus spiritus arte meabat. Nec Philippus quicquam
inexpertum omisit. Ille fomenta corpori admovit, ille tor-
pentem nunc cibi, nunc vini odore excitavit. Atque ut 15
primum mentis compotem esse sensit, modo matris soror-
umque, modo tantae victoriae appropinquantis admonere
non destitit. Ut vero medicamentum se diffudit in venas, 16
et sensim toto corpore salubritas percipi potuit, primum
animus vigorem suum, deinde corpus quoque expectatione
maturius recuperavit: quippe post tertium diem, quam in
hoc statu fuerat, in conspectum militum venit. Nec avidius 17
ipsum regem quam Philippum intuebatur exercitus: pro

se quisque dextram eius amplexi grates habebant velut praesenti deo. Namque haud facile dictu est, praeter ingentem illi genti erga reges suos venerationem, quantum huius utique regis vel admirationi dediti fuerint vel caritate flagraverint. Iam primum nihil sine divina ope aggredi videbatur: nam quum praesto esset ubique fortuna, temeritas in gloriam cesserat. Aetas quoque vix tantis matura rebus, sed abunde sufficiens, omnia eius opera honestabat. Et quae leviora haberi solent, plerumque in re militari gratiora vulgo sunt, exercitatio corporis inter ipsos, cultus habitusque paulum a privato abhorrens, militaris vigor: quis ille vel ingenii dotibus vel animi artibus, ut pariter carus ac venerandus esset, effecerat.

CAP. VII.

1 (17) At Darēus, nuntio de adversa valetudine eius accepto, celeritate, quantam capere tam grave agmen poterat, ad Euphrātem contendit iunctoque eo pontibus quinque tamen diebus traiecit exercitum, Ciliciam occupare festinans. Iam Alexander, viribus corporis receptis, ad urbem Solos pervenerat: cuius potius, ducentis talentis multae nomine exactis, arci praesidium militum imposuit. Vota deinde pro salute suscepta per ludum atque otium reddens ostendit, quanta fiducia barbaros sperneret: 4 quippe Aesculapio et Minervae ludos celebravit. Spectanti nuntius laetus affertur Halicarnasso, Persas acie a suis esse superatos, Myndios quoque et Caunios et pleraque 5 tractus eius suae facta ditionis. Igitur edito spectaculo ludicro castrisque motis et Pyrāmo amne ponte iuncto, ad urbem Mallon pervenit: inde alteris castris ad oppidum 6 Castabūlum. Ibi Parmenio regi occurrit, quem praemiseraat ad explorandum iter saltus, per quem ad urbem, Isson 7 nomine, penetrandum erat. Atque ille, angustiis eius occupatis et praesidio modico relicto, Isson quoque desertam a barbaris ceperat. Inde progressus, deturbatis, qui interiora montium obsidebant, praesidiis cuncta firmavit occupatoque itinere, sicut paulo ante dictum est, idem et 8 auctor et nuntius venit. Isson deinde rex copias admovit:

ubi consilio habito, utrumne ultra progrediendum foret, an ibi opperiendi essent novi milites, quos ex Macedonia adventare constabat, Parmenio non alium locum proelio aptiorem esse censebat. Quippe illic utriusque regis copias 9 numero futuras pares, quum angustiae multitudinem non caperent: planitiem ipsis camposque esse vitandos, ubi circumiri, ubi ancipiti acie opprimi possent. Timere, ne non virtute hostium, sed lassitudine sua vincerentur. Persas recentes subinde successuros, si laxius stare potuissent. Facile ratio tam salubris consilii accepta est. Itaque 10 inter angustias saltus hostem opperiri statuit.

(18) Erat in exercitu regis Sisēnes Perses: quondam 11 a praetore Aegypti missus ad Philippum donisque et omni honore cultus exilium patria sede mutaverat: secutus deinde in Asiam Alexandrum inter fideles socios habebatur. Huic epistolam Cretensis miles obsignatam anulo, 12 cuius signum haud sane notum erat, tradidit. Nabarzānes, praetor Darēi, miserat eam hortabaturque Sisēnem, ut dignum aliquid nobilitate atque moribus suis ederet: magno id ei apud regem honori fore. Has litteras Sisēnes, utpote 13 innoxius, ad Alexandrum saepe deferre tentavit: sed quum tot curis apparatuque belli regem videret urgeri, aptius subinde tempus expectans suspicionem initi scelesti consilii prae-buit. Namque epistola, priusquam ei redde- 14 retur, in manus Alexandri pervenerat, lectamque eam et ignoti anuli sigillo impresso Sisēni dari iusserat ad aestimandam fidem barbari. Qui quia per complures dies non 15 adierat regem, scelesto consilio eam visus est suppressisse et in agmine a Cretensibus haud dubie iussu regis occisus est.

CAP. VIII.

(19) Iamque Graeci milites, quos Thymōdes a Pharnabāzo acceperat, praecipua spes et propemodum unica, ad Darēum pervenerant. Hi magnopere suadebant, ut retro 2 abiret spatiososque Mesopotamiae campos repeteret: si id consilium damnaret, at ille divideret saltem innumera-biles copias neu sub unum fortunae ictum totas vires regni

- 3 cadere pateretur. Minus hoc regi quam purpuratis eius displicebat: ancipitem fidem et mercede venalem prodictionem imminere, et dividi non ob aliud copias velle, quam ut ipsi in diversa digressi, si quid commissum esset, traderent Alexandro. Nihil tutius fore, quam circumdatos eos exercitu toto obrui telis, documentum non inultae perfidiae futuros. At Darëus, ut erat sanctus ac mitis, se vero tantum facinus negat esse facturum, ut suam secutos fidem, suos milites, iubeat trucidari. Quem deinde amplius nationum exterarum salutem suam crediturum sibi, si tot militum sanguine imbuisset manus? Neminem stolidum consilium capite luere debere. Defuturos enim, qui suaderent, si suasisse periculosum esset. Denique ipsos quotidie ad se advocari in consilium variasque sententias dicere, nec tamen melioris fidei haberi, qui prudentius suaserit. Itaque Graecis nuntiare iubet, ipsum quidem benivolentiae illorum gratias agere, ceterum, si retro ire pergat, haud dubie regnum hostibus traditurum. Fama bella stare et eum, qui recedat, fugere credi. Trahendi vero belli vix ullam esse rationem. Tanta enim multitudini, utique quum iam hiems instaret, in regione vasta et invicem a suis atque hoste vexata non suffectura alimenta. Ne dividi quidem copias posse, servato more maiorum, qui universas vires discrimini bellorum semper obtulerint. Et hercule, terribilem antea regem et absentia sua ad vanam fiduciam elatum, postquam adventare se senserit, cautum pro temerario factum, delituisse inter angustias saltus ritu ignobilium ferarum, quae, strepitu praetereuntium audito, silvarum latebris se occuluerint. Iam etiam valetudinis simulatione frustrari suos milites. Sed non amplius ipsum esse passurum detrectare certamen. In illo specu, in quem pavidi recessissent, oppressurum esse cunctantes. Haec magnificentius iactata, quam verius.
- 12 (20) Ceterum pecunia omni rerumque pretiosissimis Damascum Syriae cum modico praesidio militum missis, reliquas copias in Ciliciam duxit, insequentibus more patrio agmen coniuge ac matre. Virgines quoque cum
- 13 parvo filio comitabantur patrem. Forte eadem nocte et

Alexander ad fauces, quibus Syria aditur, et Darēus ad eum locum, quem Amanicas Pylas vocant, pervenit. Nec dubitavere Persae, quin, Isso relicta, quam ceperant, Macedōnes fugerent. Nam etiam saucii quidam et invalidi, qui agmen non poterant persequi, excepti erant. Quos omnes instinctu purpuratorum barbara feritate saevientium, praecisis adustisque manibus, circumduci, ut copias suas noscerent, satisque omnibus spectatis nuntiare, quae vidissent, regi suo iussit. Motis ergo castris, superat Pinārum amnem, in tergis, ut credebatur, fugientium haesurus.

(21) At illi, quorum amputaverat manus, ad castra Macedōnum penetrant, Darēum, quanto maximo cursu posset, sequi nuntiantes. Vix fides habebatur. Itaque speculatores [in] maritimas regiones praemissos explorare iubet, ipse adesset, an praefectorum aliquis speciem prae-buisset universi venientis exercitus. Sed quum speculatores reverterentur, procul ingens multitudo conspecta est. Ignes deinde totis campis collucere coeperunt, omniaque velut continenti incendio ardere visa, quum incondita multitudo maxime propter iumenta laxius tenderet. Itaque eo ipso loco metari suos castra iusserat, laetus, quod omni expetierat voto, in illis potissimum angustiis decernendum fore. Ceterum, ut solet fieri, quum ultimi discriminis tempus adventat, in sollicitudinem versa fiducia est. Illam ipsam fortunam, qua aspirante res tam prospere gesserat, verebatur, — nec iniuria ex his, quae tribuisset sibi, — quamque mutabilis esset reputabat: unam superesse noctem, quae tanti discriminis moraretur eventum. Rursus occurrebat, maiora periculis praemia, et sicut dubium esset, an vinceret, ita illud utique certum esse, honeste et cum magna laude moriturum. Itaque corpora milites curare iussit ac deinde tertia vigilia instructos et armatos esse. Ipse in iugum editi montis ascendit multisque collucentibus facibus patrio more sacrificium diis praesidibus loci fecit. Iamque tertium, sicut praeceptum erat, signum tuba miles acceperat, itineri simul paratus ac proelio: strenueque iussi procedere oriente luce pervenerunt ad angustias, quas occupare decreverant. Darēum triginta

inde stadia abesse praemissi indicabant. Tunc consistere agmen iubet armisque ipse sumptis aciem ordinat.

(22) Darëo adventum hostium pavidi agrestes nuntiaverunt, vix credenti, occurrere etiam, quos ut fugientes
 25 sequebatur. Ergo non mediocris omnium animos formido [incesserat], — quippe itineri quam proelio aptiores erant, — raptimque arma capiebant. Sed ipsa festinatio discurrentium suosque ad arma vocantium maiorem me-
 26 tum incussit. Alii in iugum montis evaserant, ut hostium agmen inde prospicerent, equos plerique frenabant. Discors exercitus nec ad unum intentus imperium vario
 27 tumultu cuncta turbaverat. Darëus initio iugum montis cum parte copiarum occupare statuit, et a fronte et a tergo circumiturus hostem, a mari quoque, quo dextrum eius cornu tegebatur, alios obiecturus, ut undique urgeret.
 28 Praeter haec viginti milia praemissa cum sagittariorum manu Pinärum amnem, qui duo agmina interfluebat, transire et obicere sese Macedönum copiis iusserat: si id praestare non possent, retrocedere in montes et occulte
 29 circumire ultimos hostium. Ceterum destinata salubriter omni ratione potentior fortuna discussit: quippe alii prae metu imperium exequi non audebant, alii frustra exequ-
 30 bantur, quia, ubi partes labant, summa turbatur.

CAP. IX.

1 (23) Acies autem hoc modo stetit. Nabar-
 zānes equitatu dextrum cornu tuebatur, additis
 funditorum sagittariorumque viginti fere milibus.
 2 In eodem Thymōdes erat, Graecis peditibus mer-
 cede conductis, triginta milibus, praepositus. Hoc erat haud
 dubie robur exercitus, par Macedonicae phalangi acies.
 3 In laevo cornu Aristomēdes Thessālus viginti milia bar-
 barorum peditum habebat. In subsidiis pugnacissimas
 4 locaverat gentes. Ipsum regem in eodem cornu dimica-
 turum tria milia delectorum equitum, assueta corporis
 custodia, et pedestris acies, quadraginta milia, sequeban-
 5 tur. Hyrcāni deinde Medique equites: his proximi cete-
 rarum gentium, ultra eos dextra laevaue dispositi. Hoc

A. 333
 a. Chr. n.
 Ol. III, 4.
 mense Mae-
 macterione
 (Novembri.)

agmen, sicut dictum est, instructum sex milia iaculatorum funditorumque antecedeabant. Quicquid in illis angustiis 6
adiri poterat, impleverant copiae, cornuaque hinc ab iugo, illinc a mari stabant: uxorem matremque regis et alium feminarum gregem in medium agmen acceperant.

(24) Alexander phalangem, qua nihil apud Macedō- 7
nas validius erat, in fronte constituit. Dextrum cornu Nicānor, Parmeniōnis filius, tuebatur: huic proximi stabant Coenos et Perdiccas et Meleāger et Ptolemaeus et Amyntas, sui quisque agminis duces. In laevo, quod ad mare 8
pertinebat, Cratērus et Parmenio erant, sed Cratērus Parmeniōni parere iussus. Equites ab utroque cornu locati: dextrum Macedōnes, Thessālis adiunctis, laevum Peloponnesii tuebantur. Ante hanc aciem posuerat funditorum 9
manum, sagittariis admixtis. Thraces quoque et Cretenses ante agmen ibant, et ipsi leviter armati. At his, qui prae- 10
missi a Darēo iugum montis insederant, Agriānos opposuit, ex Graecia nuper advectos. Parmeniōni autem praeceperat, ut, quantum posset, agmen ad mare extenderet, quo longius abesset acies montibus, quos occupaverant barbari. At illi neque obstare venientibus nec circumire 11
praetergressos ausi, funditorum maxime aspectu terrii, profugerant: eaque res Alexandro tutum agminis latus, quod ne superne incessetur timuerat, praestitit. Triginta 12
et duo armatorum ordines ibant: neque enim latius extendi aciem patiebantur angustiae. Paulatim deinde laxare se sinus montium et maius spatium aperire coeperant, ita ut non pedes solum pluribus ordinibus incedere, sed etiam lateribus circumfundi posset equitatus.

CAP. X.

(25) Iam in conspectu, sed extra teli iactum utraque 1
acies erat, quum priores Persae inconditum et trucem sustulere clamorem. Redditur et a Macedonibus, maior 2
exercitus numero, iugis montium vastisque saltibus percussus: quippe semper circumiecta nemora petraeque, quantamcunque acceperere vocem, multiplicato sono referunt. Alexander ante prima signa ibat, identidem manu 3

suos inhibens, ne suspensi, acrius ob nimiam festina-
 4 tionem concitato spiritu, capessèrent proelium. Quum-
 que agmini obequitaret, varia oratione, ut cuiusque
 animis aptum erat, milites alloquebatur. Macedōnes, tot
 bellorum in Europa victores, ad subigendam Asiam at-
 que ultima orientis non ipsius magis quam suo ductu
 5 profecti, inveteratae virtutis admonebantur. Illos, ter-
 rarum orbis liberatores emensosque olim Hercūlis et
 Libēri patris terminos, non Persis modo, sed etiam omni-
 bus gentibus imposituros iugum: Macedōnum provin-
 cias Bactra et Indos fore. Minima esse, quae nunc in-
 6 tuerentur: sed omnia victoria aperiri. Non in praeruptis
 petris Illyriorum et Thraciae saxis sterilem laborem fore:
 spolia totius orientis offerri. Vix gladio futurum opus:
 totam aciem suo pavore fluctuantem unibonibus posse
 7 propelli. Victor ad haec Atheniensium Philippus pater
 invocabatur, domitaeque nuper Boeotiae et urbis in ea no-
 bilissimae, ad solum dirutae, species repraesentabatur
 animis. Iam Granicum amnem, iam tot urbes aut expugna-
 tas aut in fidem acceptas omniaque, quae post tergum
 erant, strata et pedibus ipsorum subiecta memorabat.
 8 Quum adierat Graecos, admonebat, ab his gentibus illata
 Graeciae bella Darēi prius, deinde Xerxis insolentia,
 aquam ipsos terramque poscentium, ut neque fontium
 9 haustum nec solitos cibos relinquerent deditis. Ab his
 templa ruinis et ignibus esse deleta, urbes eorum ex-
 pugnatas, foedera divini humanique iuris violata referebat.
 Illyrios vero et Thracas, rapto vivere assuetos, aciem
 hostium auro purpuraque fulgentem intueri iubebat, prae-
 10 dam, non arma gestantem. Irent et imbellibus feminis
 aurum viri eriperent. Aspera montium suorum iuga nudas-
 que calles et perpetuo rigentes gelu ditibus Persarum
 campis agrisque mutarent.

CAP. XI.

1 (26) Iam ad teli iactum pervenerant, quum Persarum
 equites ferociter in laevum cornu hostium invecti sunt:
 quippe Darēus equestri proelio decernere optabat, pha-

langem Macedonici exercitus robur esse coniectans. Iam-
que etiam dextrum Alexandri cornu circumibatur. Quod 2
ubi Macēdo conspexit, duabus alis equitum ad iugum montis
aussis subsistere, ceteros in medium belli discrimen stre-
nue transfert. Subductis deinde ex acie Thessälis equiti- 3
bus, praefectum eorum occulte circumire tergum suorum
iubet Parmenionique coniungi et, quod is imperasset, im-
pigre exequi. Iamque immissi in medium Persarum, un- 4
dique circumfusi, egregie [se] tuebantur, sed conferti et
quasi cohaerentes tela vibrare non poterant: simul erant
emissa, in eosdem concurrentia implicabantur, levique et
vano ictu pauca in hostem, plura in humum innoxia cade-
bant. Ergo comminus pugnam coacti conserere gladios
impigre stringunt. Tum vero multum sanguinis fusum est: 5
duae quippe acies ita cohaerebant, ut armis arma pulsa-
rent, mucrones in ora dirigerent. Non timido, non ignavo
cessare tum licuit: collato pede, quasi singuli inter se di-
micarent, in eodem vestigio stabant, donec vincendo lo-
cum sibi facerent. Tum demum ergo promovebant gradum, 6
quum hostem prostraverant. At illos novus excipiebat
adversarius fatigatos, nec vulnerati, ut alias solent, acie
poterant excedere, quum hostis instaret a fronte, a tergo
sui urgerent.

(27) Alexander non ducis magis quam militis munia 7
exequebatur, opimum decus caeso rege expetens. Quippe
Darēus curru sublimis eminebat, et suis ad se tuendum et
hostibus ad incessendum ingens incitamentum. Ergo fra- 8
ter eius Oxāthres, quum Alexandrum instare ei cerneret,
equites, quibus praeerat, ante ipsum currum regis obiecit,
armis et robore corporis multum super ceteros eminens,
animo vero et pietate in paucissimis. Illo utique proelio
clarus alios improvide instantes prostravit, alios in fugam
avertit. At Macedōnes, ut circa regem erant, mutua adhor- 9
tatione firmati cum ipso in equitum agmen irrumpunt. Tum
vero similis ruinae strages erat. Circa currum Darēi iace-
bant nobilissimi duces, ante oculos regis egregia morte de-
functi, omnes in ora proni, sicut dimicantes procubuerant,
adverso corpore vulneribus acceptis. Inter hos Atizÿes et 10

Rheomithres et Satāces, praetor Aegypti, magnorum exercituum praefecti, noscitabantur: circa eos cumulata erat peditum equitumque obscurior turba. Macedōnum quoque non quidem multi, sed promptissimi tamen caesi sunt: inter quos Alexandri dextrum femur leviter mucrone per-
11 strictum est. Iamque, quī Darēum vehebant equi, confossi hastis et dolore efferati iugum quatere et regem curru excutere coeperant: quum ille veritus, ne vivus veniret in hostium potestatem, desilit et in equum, qui ad hoc ipsum sequebatur, imponitur, insignibus quoque imperii, ne fugam proderent, indecore abiectis. Tum vero ceteri dissipantur metu et, qua cuique ad fugam patebat via, erumpunt, arma iacentes, quae paulo ante ad tutelam corporum
12 sumpserant: adeo pavor etiam auxilia formidat. Instabat fugientibus eques a Parmeniōne missus, et forte in illud cornu omnes fuga abstulerat.

At in dextro Persae Thessālos equites vehementer
14 urgebant. Iamque una ala ipso impetu proculcata erat, quum Thessāli, strenue circumactis equis dilapsi, rursus in proelium redeunt sparsosque et incompositos victoriae
15 fiducia barbaros ingenti caede prosternunt. Equi pariter equitesque Persarum serie laminarum [obtecti et] ob id graves genus certaminis, quod celeritate maxime constat, aegre moliebantur: quippe in circumagendis equis suis Thessāli inulti eos occupaverant.

16 (28) Hac tam prospera pugna nuntiata, Alexander, non ante ausus persequi barbaros, utrimque iam victor in-
17 stare fugientibus coepit. Haud amplius regem quam mille equites sequebantur, quum ingens multitudo hostium caderet. Sed quis aut in victoria aut in fuga copias numerat? Agebantur ergo a tam paucis pecorum modo, et idem me-
18 tus, quī cogebat fugere, fugientes morabatur. At Graeci, quī in Darēi partibus steterant, Amynta duce, (praetor hic Alexandri fuerat, tunc transfuga) abrupti a ceteris, haud
19 sane fugientibus similes evaserant. Barbari longe diversam fugam intenderunt: alii, qua rectum iter in Persidem ducebat, quidam circuitu rupes saltusque montium occultos petivere, pauci castra Darēi.

Sed iam illa quoque victor intraverat, omni quidem²⁰ opulentia ditia. Ingens auri argentique pondus, non belli, sed luxuriae apparatus, diripuerant milites. Quumque plus raperent, passim strata erant itinera vilioribus sarcinis, quas in comparatione meliorum avaritia contempserat. Iamque ad feminas perventum erat, quibus quo cariora²¹ ornamenta sunt, violentius detrahebantur: ne corporibus quidem vis ac libido parcebat. Omnia planctu²² tumultuque, prout cuique fortuna erat, repleverant, nec ulla facies mali deerat, quum per omnes ordines aetatesque victoris crudelitas ac licentia vagaretur. Tunc vero²³ impotentis fortunae species conspici potuit, quum ii, qui tamen Darēo tabernaculum exornaverant, omni luxu et opulentia instructum, eadem illa Alexandro, quasi veteri domino, reservabant. Namque id solum intactum omiserant milites, ita tradito more, ut victorem victi regis tabernaculo exciperent.

(29) Sed omnium oculos animosque in semet averte-²⁴ rant captivae mater coniunxque Darēi: illa non maiestate solum, sed etiam aetate venerabilis, haec formae pulchritudine, ne illa quidem sorte corruptae. Receperat in sinum filium nondum sextum annum aetatis egressum, in spem tantae fortunae, quantam pater eius paulo ante amiserat, genitum. At in gremio anus aviae iacebant adultae virgi-²⁵ nes duae, non suo tantum, sed etiam illius maerore confectae. Ingens circa eam nobilium feminarum turba constiterat, laceratis crinibus abscissaque veste, pristini decoris immemores, reginas dominasque veris quondam, tunc alienis nominibus invocantes. Illae suae calamitatis²⁶ oblitae, in utro cornu Darēus stetisset, quae fortuna discriminis fuisset, requirebant. Negabant, se captas, si viveret rex. Sed illum equos subinde mutantem longius fuga abstulerat.

In acie autem caesa sunt Persarum peditum centum²⁷ milia, decem equitum. At a parte Alexandri quattuor et quingenti saucii fuere, ex peditibus triginta omnino et duo desiderati sunt, equitum centum quinquaginta interfecti. Tantulo impendio ingens victoria stetit.

CAP. XII.

1 (30) Rex quidem Darēum persequendo fatigatus,
 postquam et nox appetebat et consequendi spes non erat,
 2 in castra paulo ante a suis capta pervenit. Invitari deinde
 amicos, quibus maxime assueverat, iussit (quippe summa
 dumtaxat cutis in femine perstricta non prohibebat inter-
 3 esse convivio): quum repente e proximo tabernaculo lu-
 gubris clamor barbaro ululatu planctuque permixtus epu-
 lantes contrruit. Cohors quoque, quae excubabat ad
 tabernaculum regis, verita, ne maioris motus principium
 4 esset, armare se coeperat. Causa subiti pavoris fuit, quod
 mater uxorque Darēi cum captivis nobilebus regem, quem
 interfectum esse credebant, ingenti gemitu eiulatuque de-
 5 flebant. Unus namque e captivis spadonibus, qui forte ante
 ipsarum tabernaculum steterat, amiculum, quod Darēus,
 sicut paulo ante dictum est, ne cultu proderetur, abiecerat,
 in manibus eius, qui repertum ferebat, agnovit ratusque,
 interfecto detractum esse, falsum nuntium mortis eius
 6 attulerat. Hoc mulierum errore comperto, Alexander for-
 tulae Darēi et pietati earum illacrimasse fertur. Ac primo
 Mithrēnem, qui Sardis tradiderat, peritum linguae Persi-
 7 cae, ire ad consolandas eas iusserat. Veritus deinde, ne
 proditor captivarum iram doloremque renovaret, Leonnā-
 tum ex purpuratis suis misit, iussum indicare, falso lamen-
 tari eas vivum. Ille cum paucis armigeris in tabernaculum,
 in quo captivae erant, pervenit missumque se a rege nun-
 8 tiare iubet. At hi, qui in vestibulo erant, ut armatos con-
 spexere, rati, actum esse de dominis, in tabernaculum
 currunt, vociferantes, adesse supremam horam missosque,
 9 qui occiderent captas. Itaque, ut quae nec prohibere pos-
 sent nec admittere auderent, nullo responso dato, tacitae
 10 opperiebantur victoris arbitrium. Leonnātus, expectato
 diu, qui se introduceret, postquam nemo procedere aude-
 bat, relictis in vestibulo satellitibus, intrat in tabernaculum.
 Ea ipsa res turbaverat feminas, quod irrupisse non admis-
 11 sus videbatur. Itaque mater et coniunx provolutae ad pe-
 des orare coeperunt, ut, priusquam interficerentur, Darēi
 corpus ipsis patrio more sepelire permitteret: functas

supremo in regem officio impigre sese morituras. Leonnā- 12
tus, et vivere Darēum et ipsas non incolumes modo, sed
etiam apparatu pristinae fortunae reginas fore. Tum de-
mum Darēi mater allevari se passa est.

(31) Alexander postero die, cum cura sepultis militi- 13
bus, quorum corpora invenerat, Persarum quoque nobilis-
simis eundem honorem haberi iubet matrique Darēi per-
mitti, quos vellet, patrio more sepeliret. Illa paucos arta 14
propinquitate coniunctos pro habitu praesentis fortunae
humari iussit, apparatus funerum, quo Persae suprema
officia celebrarent, invidiosum fore existimans, quum victo-
res haud pretiose cremarentur.

Iamque, iustis defunctorum corporibus solutis, prae- 15
mittit ad captivas, qui nuntiarent, ipsum venire, inhibita-
que comitantium turba tabernaculum cum Hephaestiōne
intrat. Is longe omnium amicorum carissimus erat regi, 16
cum ipso pariter educatus, secretorum omnium arbiter:
libertatis quoque in admonendo eo non alius ius habebat:
quod tamen ita usurpabat, ut magis a rege permissum
quam vindicatum ab eo videretur: et sicut aetate par erat
regi, ita corporis habitu praestabat. Ergo reginae illum 17
esse regem ratae suo more veneratae sunt. Inde ex capti-
vis spadonibus, quis Alexander esset, monstrantibus, Si-
sygambis advoluta est pedibus eius, ignorationem nun-
quam antea visi regis excusans. Quam manu allevans rex,
Non errasti, inquit, mater, nam et hic Alexander est.

(32) Equidem, hac continentia animi si ad ultimum vi- 18
tae perseverare potuisset, feliciorem fuisse crederem, quam
visus est esse, quum Libēri patris imitaretur triumphum,
ab Hellesponto usque ad Oceānum omnes gentes victoria
emensus. Sic vicisset profecto superbiam atque iram, 19
mala invicta: sic abstinuisset inter epulas caedibus ami-
corum egregiosque bello viros et tot gentium secum do-
mitores indicta causa veritus esset occidere. Sed nondum 20
fortuna se animo eius superfuderat: itaque orientem eam
moderate et prudenter tulit, ad ultimum magnitudinem eius
non cepit.

Tunc quidem ita se gessit, ut omnes ante eum reges 21

et continentia et clementia vincerentur. Virgines reginas, excellentis formae, tam sancte habuit, quam si eodem, quo
 22 ipse, parente genitae forent: coniugem eiusdem, quam nulla aetatis suae pulchritudine corporis vicit, adeo ipse non violavit, ut summam adhibuerit curam, ne quis captivo
 23 corpori illuderet: omnem cultum reddi feminis iussit, nec quicquam ex pristinae fortunae magnificentia captivis
 24 praeter fiduciam defuit. Itaque Sisygambis, *Rex*, inquit, *mereris, ut ea precemur tibi, quae Darëo nostro quondam precatæ sumus, et, ut video, dignus es [imperio], qui tantum regem non felicitate solum, sed etiam aequitate superaveris.*
 25 *Tu quidem matrem me et reginam vocas, sed ego me tuam famulam esse confiteor. Et praeteritæ fortunæ fastigium capio et praesentis iugum pati possum: tua interest, quantum in nos licuerit, si id potius clementia quam saevitia vis esse*
 26 *testatum.* Rex bonum animum habere eas iussit: Darëi filium collo suo admovit, atque nihil ille conspectu tunc primum a se visi contritus cervicem eius manibus amplectitur. Motus ergo rex constantia pueri, Hephaestiōnem intuens, *Quam vellem,* inquit, *Darëus aliquid ex hac indole hausisset!*

27 (33) Tum tabernaculo egressus, tribus aris in ripa Pinnari amnis Iovi atque Herculi Minervaeque sacratis, Syriam petit, Damascum, ubi regis gaza erat, Parmeniōne praemisso.

CAP. XIII.

1 * * atque quum praecessisse et Darëi satrapam comperisset, veritus, ne paucitas suorum sperneretur, accersere
 2 maiorem manum statuit. Sed forte in exploratores ab eo praemissos incidit natiōe Mardus, qui ad Parmeniōna perductus litteras ad Alexandrum a praefecto Damasci missas tradit ei: nec dubitare eum, quin omnem regiam suppellectilem cum pecunia traderet, adiecit. Parmenio, asservari eo iusso, litteras aperit: in quibus erat scriptum, ut mature Alexander aliquem ex ducibus suis mitteret cum manu exigua, [cui traderet], quaecunque rex penes ipsum reliquisset. Itaque Mardum, datis comitibus, ad proditorem

remittit. Ille e manibus custodientium lapsus Damascum
ante lucem intrat. Turbaverat ea res Parmeniōnis animum 4
insidias timentis, et ignotum iter sine duce non audebat
ingredi: felicitati tamen regis sui confisus agrestes, qui
duces itineris essent, excipi iussit. Quibus celeriter reper-
tis quarto die ad urbem pervenit, iam metuente praefecto,
ne sibi fides habita non esset. Igitur, quasi parum muni- 5
mentis oppidi fidens, ante solis ortum pecuniam regiam
(gazam Persae vocant) cum pretiosissimis rerum efferri
iubet, fugam simulans, re vera, ut praedam hosti offerret.

(34) Multa milia virorum feminarumque excedentem 6
oppido sequebantur, omnibus miserabilis turba praeter
eum, cuius fidei commissa erat. Quippe quo maior prodi-
tionis merces foret, obicere hosti parabat gratiorem omni
pecunia praedam, nobiles viros, praetorum Darēi coniu-
ges liberosque, praeter hos Graecarum urbium legatos,
quos Darēus, velut in arce tutissima, in proditoris reli-
querat manibus. Gangābas Persae vocant humeris onera 7
portantes: hi quum[frigus]tolerare non possent, — quippe
et procella subito nivem effuderat et humus rigebat gelu-
tum astricta, — vestes, quas cum pecunia portabant, auro
et purpura insignes induunt, nullo prohibere auso, quum
fortuna regis etiam humillimis in ipsum licentiam faceret.
Praebuere ergo Parmeniōni non spernendi agminis spe- 8
ciem: qui intentiore cura suos quasi ad iustum proelium
paucis adhortatus equis calcaria iubet subdere et acri im-
petu in hostem evehi. At illi, qui sub oneribus erant, omis- 9
sis per metum, capessunt fugam: armati quoque, qui eos
prosequebantur, eodem metu arma iactare ac nota diver-
ticula petere coeperunt. Praefectus, quasi et ipse conter- 10
ritus, simulans cuncta pavore compleverat. Iacebant totis
campis opes regiae, illa pecunia stipendio ingenti militum
praeparata, ille cultus tot nobilium virorum, tot illustrium
feminarum, aurea vasa, aurei freni, tabernacula regali
magnificentia ornata, vehicula quoque a suis destituta, in- 11
gentis opulentiae plena, facies etiam praedantibus tristes,
si qua res avaritiam moraretur. Quippe tot annorum in-
credibili et fidem excedente fortuna cumulata tunc alia

stirpibus lacerata, alia in coenum demersa eruebantur. non sufficebant praedantium manus praedae.

- 12 (35) Iamque etiam ad eos, qui primi fugerant, ventum erat: feminae pleraeque parvos trahentes liberos ibant. Inter quas fuere tres virgines, Ochi, qui ante Darēum regnaverat, filiae, olim quidem ex fastigio paterno rerum mutatione detractae, sed tum sortem earum crudelius ag-
- 13 gravante fortuna. In eodem grege uxor quoque eiusdem Ochi fuit Oxathrisque (frater hic erat Darēi) filia et coniunx Artabāzi, principis purpuratorum, [et] filius, cui Ilio-
- 14 nēo fuit nomen. Pharnabāzi quoque, cui summum imperium maritimae orae rex dederat, uxor cum filio excepta est, Mentōris filiae tres ac nobilissimi ducis Memnōnis coniunx et filius: — vixque ulla domus purpurati expers fuit
- 15 tantae cladis: — Lacedaemonii [quoque] et Athenienses, societatis fide violata Persas secuti: Aristogiton et Dropides et Iphicrātes, inter Athenienses genere famaue longe clarissimi: Lacedaemonii Pausippus et Onomastorides cum
- 16 Monimo et Callicratide, hi quoque domi nobiles. Summa pecuniae signatae fuit talentum duo milia et sexcenta, facti argenti pondus quingenta aequabat. Praeterea triginta milia hominum cum septem milibus iumentorum dorso onera
- 17 portantium capta sunt. Ceterum dii tantae fortunae proditorem, seri ultores, celeriter debita poena persecuti sunt. Namque unus e consciis eius, credo, regis vicem etiam in illa sorte reveritus, interfecti proditoris caput ad Darēum tulit, opportunum solatium prodito: quippe et ultus inimicum erat et nondum in omnium animis memoriam maiestatis suae exolevisse cernebat.

LIBER IV.

ARGUMENTUM.

- I. Alexander litteris a Dareo superbe scriptis regie respondet. Abdalonymum Sidoniis regem praeficit. Amyntas transfuga miro modo a Persis ipsis occiditur. Variarum variarum locis praefectorum Darei clades.
- II. Tyrus urbs, incolis Alexandrum recipere recusantibus, obsidetur.

III. Quae obsidio dubiis belli eventibus admodum nobilitata est. IV. Tandem vi capta funesto vastatur incendio. V. Darei iterata de pace submissioneque legatio ab Alexandro repudiatur: quo facto Graeci eum corona aurea donant: ille per praefectos plerasque Persarum provincias in potestatem suam redigit. VI. Ad bellum dum se accingit Dareus, Alexander Gazam expugnat eiusque praefectum Betim crudeli afficit supplicio. VII. Dein Aegyptum pergit et adit Iovis Hammonis oraculum. VIII. In Aegypto Alexandriam condit, Memphim petit, res Aegypti ordinat. IX. Dareus ad Arbela pervenit eoque invito Alexander Tigrim superat. X. Milites ob lunae defectum turbatos per Aegyptios vates confirmat Alexander. Persas vastatores conicit in fugam. Darei uxor captiva, moerore confecta, supremum diem obit, unde Alexandri lacrimae. Darei suspiciones luctusque et vota. XI. Pacem tertium quaesitam Dareus non impetrat, immo ad deditionem aut ad bellum ab Alexandro provocatur. XII. Ad proelium dum Persarum se exercitus parat, Macedones terrore velut lymphatico percussi arma alacriter capessunt. XIII. Consilia de nocturno proelio Parmenionis et Polypercontis Alexander damnat somnoque reffectus interrito vultu suos ad pugnam accendit. XIV. Alexandri ad Graecorum, Darei ad Persarum exercitus ante pugnam orationes. XV. Cruenti ad Arbela proelii descriptio. Victor Alexander Dareum victum persequitur. XVI. Parmenio in discrimine constitutus Alexandrum retrahit. Tandem integra victoria potiti Macedones reliquos Persas fuga sibi quaerere salutem cogunt.

CAP. I.

(1 ed. Zumpt.) Darēus, tanti modo exercitus rex, qui 1
triumphantis magis quam dimicantis more curru sublimis
inierat proelium, per loca, quae prope immensis agmini-
bus impleverat, iam inania et ingenti solitudine vasta, fu-
giebat. Pauci regem sequebantur: nam nec eodem omnes 2
fugam intenderant et, deficientibus equis, cursum eorum,
quos rex subinde mutabat, aequare non poterant. Onchas 3
deinde pervenit, ubi excepere eum Graecorum quattuor
milia, [omnis exercitus] iam regius. Tum ad Euphrāten
contendit, id demum credens fore ipsius, quod celeritate
praecipere potuisset.

At Alexander Parmeniōnem, per quem apud Damas- 4
cum recepta erat praeda, iussum, eam ipsam et captivos
diligenti asservare custodia, Syriae, quam Coelen vocant,
praefecit. Novum imperium Syri, nondum belli cladibus 5
satis domiti, aspernabantur: sed celeriter subacti obedi-
enter imperata fecerunt. Arādu quoque insula deditur regi.

6 Maritimam tum oram et pleraque longius etiam a mari recedentia rex eius insulae Strato possidebat: quo in fidem accepto castra movit ad urbem Marāthon.

7 (2) Ibi illi litterae a Darēo redduntur, quibus, ut superbe scriptis, vehementer offensus est. Praecipue eum movit, quod Darēus sibi regis titulum nec eundem Alexandri nomini adscripserat. Postulabat autem magis, quam petebat, ut, accepta pecunia, quantamcunque tota Macedonia caperet, matrem sibi et coniugem liberosque restitueret: de regno aequo, si vellet, Marte contenderet. Si saniora consilia tandem pati potuisset, contentus patrio, cederet alieni imperii finibus: socius amicusque esset. In ea se fidem et dare paratum et accipere.

- 10 Contra Alexander in hunc maxime modum rescripsit: *Rex Alexander Darēo. Cuius nomen sumpsisti, Darēus Graecos, qui oram Hellesponti tenent, coloniasque Graecorum Ionias omni clade vastavit: cum magno deinde exercitu mare*
- 11 *traiecit, illato Macedoniae et Graeciae bello. Rursus Xerxes, gentis eiusdem, ad oppugnandos nos cum immanium barbarorum copiis venit: qui navali proelio victus Mardonium tamen reliquit in Graecia, ut absens quoque popularetur*
- 12 *urbes, agros ureret. Philippum vero, parentem meum, quis ignorat ab his interfectum esse, quos ingentis pecuniae spe sollicitaverant vestri? Impia enim bella suscipitis et, quum habeatis arma, licemini hostium capita: sicut tu proxime talentis mille, tanti exercitus rex, percussorem in me emere voluisti.*
- 13 *Repello igitur bellum, non infero. Et dii quoque pro meliore stant causa: magnam partem Asiae in ditionem redegi meam, te ipsum acie vici. Quem etsi nihil a me impetrare oportebat, utpote qui ne belli quidem in me iura servaveris, tamen, si veneris supplex, et matrem et coniugem et liberos sine pretio recepturum esse promitto. Et vincere et consulere victis scio.*
- 14 *Quod si te committere nobis times, dabimus fidem, impune venturum. De cetero, quum mihi scribes, memento, non solum*
- 15 *regi te, sed etiam tuo scribere. Ad hanc perferendam Therrippus est missus.*

(3) Ipse in Phoenīcen descendit et oppidum Byblon traditum recepit. Inde ad Sidōna ventum est, urbem ve-

tustate famaue conditorum inclitam. Regnabat in ea¹⁶ Strato, Darēi opibus adiutus: sed quia deditionem magis popularium quam sua sponte fecerat, regno visus indignus, Hephaestionique permissum, ut, quem eo fastigio [e] Sidoniis dignissimum arbitraretur, constitueret regem. Erant Hephaestionis hospites clari inter suos iuvenes: qui,¹⁷ facta ipsis potestate regnandi, negaverunt, quemquam patrio more in id fastigium recipi, nisi regia stirpe ortum. Admiratus Hephaestion magnitudinem animi spernentis,¹⁸ quod alii per ignes ferrumque peterent, *Vos quidem macti virtute*, inquit, *estote, qui primi intellexistis, quanto maius esset, regnum fastidire, quam accipere. Ceterum date aliquem regiae stirpis, qui meminerit, a vobis acceptum habere se regnum.* Atque illi, quum multos imminere tantae spei¹⁹ cernerent, singulis amicorum Alexandri ob nimiam regni cupiditatem adulantes, statuunt, neminem esse potiore, quam Abdalonymum quendam, longa quidem cognatione stirpi regiae annexum, sed ob inopiam suburbanum hortum exigua colentem stipe. Causa ei paupertatis, sicut²⁰ plerisque, probitas erat: intentusque operi diurno strepitum armorum, qui totam Asiam concusserat, non exaudiebat.

(4) Subito deinde, de quibus ante dictum est, cum²¹ regiae vestis insignibus hortum intrant, quem forte steriles herbas eligens Abdalonymus repurgabat. Tum rege eo sa-²² lutato, alter ex his, *Habitus*, inquit, *hic vestis, quam cernis in meis manibus, cum isto squalore permutandus tibi est. Ablue corpus illuvie aeternisque sordibus squalidum: cape regis animum et in eam fortunam, qua dignus es, istam continentiam perfer. Et quum in regali solio residebis, vitae necisque omnium civium dominus, cave obliviscaris huius status, in quo accipis regnum, immo hercule, propter quem.* Somnio²³ similis res Abdalonymo videbatur: interdum, satisne sani essent, qui tam proterve sibi illuderent, percontabatur. Sed ut cunctanti squalor ablutus est, et iniecta vestis purpura auroque distincta, et fides a iurantibus facta, serio iam rex, iisdem comitantibus, in regiam pervenit.

Fama deinde, ut solet, strenue tota urbe discurret:²⁴ aliorum studium, aliorum indignatio eminebat: divitissi-

- mus quisque humilitatem inopiamque eius apud amicos
 25 Alexandri criminabatur. Admitti eum rex protinus iussit
 diuque contemplatus, *Corporis*, inquit, *habitus famae gene-*
ris non repugnat: sed libet scire, inopiam qua patientia tuler-
ris. Tum ille, *Utinam*, inquit, *eodem animo regnum pati*
 26 *possim! hae manus suffecere desiderio meo: nihil habenti*
nihil defuit. Magnae indolis specimen ex hoc sermone Ab-
 dalonÿmi cepit. Itaque non Stratōnis modo regiam su-
 ppellectilem attribui ei iussit, sed pleraque etiam ex Per-
 sica praeda: regionem quoque urbi appositam ditioni eius
 adiecit.
- 27 (5) Interea Amyntas, quem ad Persas ab Alexandro
 transfugisse diximus, cum quattuor milibus Graecorum
 ipsum ex acie persecutis fuga Tripōlin pervenit. Inde, in
 naves militibus impositis, Cyprum transmisit et, quum in
 illo statu rerum id quemque, quod occupasset, habiturum
 arbitraretur, velut certo iure possessum, Aegyptum petere
 decrevit, utrique regi hostis et semper ex ancipiti muta-
 28 tione temporum pendens. Hortatusque milites ad spem
 tantae rei docet, Satācem, praetorem Aegypti, cecidisse
 in acie: Persarum praesidium et sine duce esse et invali-
 dum: Aegyptios, semper praetoribus eorum infestos, pro
 29 sociis ipsos, non pro hostibus aestimatuos. Omnia expe-
 riri necessitas cogebat: quippe quum primas spes fortuna
 destituit, futura praesentibus videntur esse potiora. Igitur
 conclamant, duceret, quo videretur. Atque ille utendum
 animis, dum spe calerent, ratus ad Pelusium ostium pene-
 30 trat, simulans, a Darēo se esse praemisum. Potitus ergo
 Pelusii Memphim copias promovit: ad cuius famam Ae-
 gyptii, vana gens et novandis quam gerendis aptior rebus,
 ex suis quique vicis urbibusque ad hoc oppidum concur-
 runt ad delenda praesidia Persarum. Qui territi, tamen
 31 spem retinendi Aegyptum non omiserunt. Sed eos Amyn-
 tas proelio superatos in urbem compellit castrisque po-
 sitis victores ad populandos agros eduxit: ac, velut in
 32 medio positis fundis hostium, cuncta agebantur. Itaque
 Mazāces, quamquam infelici proelio suorum animos terri-
 tos esse cognoverat, tamen palantes et victoriae fiducia

incautos ostentans perpulit, ne dubitarent ex urbe erumpere et res amissas recuperare. Id consilium non ratione 33 prudentius quam eventu felicius fuit: ad unum omnes cum ipso duce occisi sunt. Has poenas Amyntas utrique regi dedit, nihilo magis ei, ad quem transfugerat, fidus, quam illi, quem deseruerat.

(6) Darēi praetores, qui proelio apud Isson super- 34 fuerant, cum omni manu, quae fugientes secuta erat, assumpta etiam Cappadōcum et Paphlagōnum iuventute, Lydiam recuperare tentabant. Antigōnus, praetor Alexandri, 35 Lydiae praeerat: qui, quamquam plerosque militum ex praesidiis ad regem dimiserat, tamen, barbaris spretis, in aciem suos eduxit. Eadem illic quoque fortuna partium fuit: tribus proeliis alia atque alia regione commissis Persae funduntur. Eodem tempore classis Macedōnum ex 36 Graecia accita Aristomēnen, qui ad Hellesponti oram recuperandam a Darēo erat missus, captis eius aut mersis navibus, superat. A Milesiis deinde Pharnabāzus, prae- 37 fectus Persicae classis, pecunia exacta et praesidio in urbem Chium introducto, centum navibus Andrum et inde Siphnum petiit. Has quoque insulas praesidiis occupat, pecunia multat.

Magnitudo belli, quod ab opulentissimis Europae 38 Asiaeque regibus in spem totius orbis occupandi gerebatur, Graeciae quoque et Cretae arma commoverat. Agis, 39 Lacedaemoniorum rex, octo milibus Graecorum, qui ex Cilicia profugi domos repetierant, contractis, bellum Antipatro, Macedoniae praefecto, moliebatur. Cretenses has 40 aut illas partes secuti nunc Spartanorum, nunc Macedōnum praesidiis occupabantur. Sed leviora inter illos fuere discrimina, unum certamen, ex quo cetera pendebant, in-tuente fortuna.

CAP. II.

(7) Iam tota Syria, iam Phoenice quoque, excepta 1 Tyro, Macedōnum erat, habebatque rex castra in continenti, a qua urbem angustum fretum dirimit. Tyros et 2 magnitudine et claritate ante omnes urbes Syriae Phoeni-

cesque memorabilis facilius societatem Alexandri acceptura videbatur, quam imperium. Coronam igitur auream donum legati afferebant commeatusque large et hospitaliter ex oppido advexerant. Ille dona, ut ab amicis, accipere iussit benigneque legatos allocutus Hercūli, quem praecipue Tyrii colerent, sacrificare velle se dixit: Macedōnum reges credere, ab illo deo ipsos genus ducere: se vero, ut id faceret, etiam oraculo monitum. Legati respondent, esse templum Hercūlis extra urbem in ea sede, quam Palaetŷron ipsi vocent: ibi regem deo sacrum rite facturum. Non tenuit iram Alexander, cuius alioqui pōtens non erat. Itaque, *Vos quidem*, inquit, *fiducia loci, quod insulam incolitis, pedestrem hunc exercitum spernitis: sed brevi ostendam, in continenti vos esse. Proinde sciatis licet, aut intraturum me urbem aut oppugnaturum.* Cum hoc responso dimissos monere amici coeperunt, ut regem, quem Syria, quem Phoenīce recepisset, ipsi quoque urbem intrare paterentur. At illi loco satis fisci obsidionem ferre decreverant.

(8) Namque urbem a continenti quattuor stadiorum fretum dividit: Afrīco maxime obiectum crebros ex alto fluctus in litus evolvit. Nec accipiendo operi, quo Macedōnes continenti insulam iungere parabant, quicquam magis quam ille ventus obstabat. Quippe vix leni et tranquillo mari moles agi possunt: Afrīcus vero prima quaeque congesta, pulsu illiso mari, subruit, nec ulla tam firma moles est, quam non exedant undae, et per nexus operum manantes et, ubi acrior flatus extitit, summi operis fastigio superfusae. Praeter hanc difficultatem haud minor alia erat: muros turresque urbis praealtum mare ambiebat: non tormenta nisi e navibus procul excussa mitti, non scalae moenibus applicari poterant: praeceps in salum murus pedestre interceperat iter: naves nec habebat rex et, si admovisset, pendentes et instabiles missilibus arceri poterant.

10 Inter quae parva dictu res Tyrriorum fiduciam accendit. Carthaginensium legati ad celebrandum sacrum anniversarium more patrio tunc venerant: quippe Carthaginem Tyrii condiderunt, semper parentum loco culti.

Hortari ergo Poeni coeperunt, ut obsidionem forti animo 11
paterentur: brevi Carthagine auxilia ventura. Namque
ea tempestate magna ex parte Punicis classibus maria ob-
sidebantur.

(9) Igitur bello decreto, per muros turresque A. 333 12
tormenta disponunt, arma iunioribus dividunt, opi-
fices, quorum copia urbs abundabat, in officinas ^{exeunte}
distribuunt. Omnia belli apparatu strepunt: ferreae quo-
que manus (harpagonas vocant), quas operibus hostium
iniicerent, corvique et alia tuendis urbibus excogitata
praeeparabantur. Sed quum fornacibus ferrum, quod ex- 13
cudi oportebat, impositum esset, admotisque follibus ignem
flatu accenderent, sanguinis rivi sub ipsis flammis exti-
tisse dicuntur: idque omen in Macedonum metum verte-
runt Tyrii. Apud Macedonas quoque quum forte panem 14
quidam militum frangerent, manantis sanguinis guttas no-
taverunt, territoque rege Aristander, peritissimus vatum,
si extrinsecus cruor fluxisset, Macedonibus id triste futu-
rum ait: contra, quum ab interiore parte manaverit, urbi,
quam obsidere destinassent, exitium portendere. Alexan- 15
der, quum et classem procul haberet et longam obsidionem
magno sibi ad cetera impedimento videret fore, caducea-
tores, qui ad pacem eos compellerent, misit: quos Tyrii
contra ius gentium occisos praecipitaverunt in altum. At-
que ille suorum tam indigna morte commotus urbem obsi-
dere statuit.

(10) Sed ante iacienda moles erat, quae continenti 16
urbem committeret. Ingens ergo animos militum despe-
ratio incessit, cernentium profundum mare, quod vix di-
vina ope posset impleri: quae saxa tam vasta, quas tam
proceras arbores posse reperiri? exhauriendas esse re-
giones, ut illud spatium exaggeraretur: exaestuare sem-
per fretum, quoque artius volutetur inter insulam et con-
tinentem, hoc acrius furere. At ille haudquaquam rudis 17
pertractandi militares animos speciem sibi Herculis in
somno oblatam esse pronuntiat, dextram porrigentis: illo
duce, illo aperiente, in urbem intrare se visum. Inter haec
caduceatores interfectos, gentium iura violata referebat:

unam esse urbem, quae cursum victoris morari ausa es-
 18 set. Ducibus deinde negotium datur, ut suos quisque ca-
 stiget, satisque omnibus stimulis opus orsus est. Magna
 vis saxorum ad manum erat, Tyro vetere praebente: ma-
 teries ex Libāno monte ratibus et turribus faciendis adve-
 19 hebatur. Iamque a fundo maris in altitudinem modicam
 opus excreverat, nondum tamen aquae fastigium aequa-
 bat, — et quo longius moles agebatur a litore, hoc magis,
 20 quicquid ingerebatur, praealtum absorbebat mare: — quum
 Tyrii, parvis navigiis admotis, per ludibrium exprobra-
 bant, illos armis inclitos dorso, sicut iumenta, onera ge-
 stare: interrogabant etiam, num maior Neptūno Alexander
 esset. Haec ipsa insectatio alacritatem militum accendit.

21 (11) Iamque paulum moles aqua eminebat, et simul
 aggeris latitudo crescebat, urbique admovebatur: quum
 Tyrii, magnitudine molis, cuius incrementum eos antea fe-
 fellerat, conspecta, levibus navigiis nondum commissum
 opus circumire coeperunt, missilibus quoque eos, qui pro
 22 opere stabant, incessere. Multis ergo impune vulneratis,
 quum et remove et appellere scaphas in expedito esset,
 23 ad curam semet ipsos tuendi ab opere converterant. Igi-
 tur rex munientibus coria velaque iussit obtendi, ut extra
 teli iactum essent, duasque turres ex capite molis erexit,
 24 e quibus in subeuntes scaphas tela ingeri possent. Contra
 Tyrii navigia procul a conspectu hostium litori appellunt
 expositisque militibus eos, qui saxa gestabant, obtrun-
 cant. In Libāno quoque Arābum agrestes, incomposi-
 tos Macedōnas adorti, triginta fere interficiunt, pauciori-
 bus captis.

CAP. III.

1 Ea res Alexandrum dividere copias coëgit: et ne
 segniter assidere uni urbi videretur, operi Perdiccan Cra-
 teronque praefecit, ipse cum expedita manu Arabiam
 petiit.

2 (12) Inter haec Tyrii navem magnitudine eximia, sa-
 xis arenaque a puppi oneratam, ita ut multum prora emi-
 neret, bitumine ac sulphure illitam remis concitaverunt.

et quum magnam vim venti vela quoque concepissent, celeriter ad molem successit: tum prora eius accensa, remiges desiluere in scaphas, quae ad hoc ipsum praeparatae sequebantur. Navis autem, igne concepto, latius fundere incendium coepit, quod, priusquam posset occurri, turres et cetera opera in capite molis posita comprehendit. At qui desiluerant in parva navigia, faces et quicquid alendo igni aptum erat in eadem opera ingerunt. Iamque non modo Macedonum turres, sed etiam summa tabulata conceperant ignem: quum hi, qui in turribus erant, partim haurirentur incendio, partim, armis omissis, in mare semet ipsi immitterent. At Tyrii, qui capere eos quam interficere mallent, natantium manus stipitibus saxisque lacerabant, donec debilitati impune navigiis excipi possent. Nec incendio solum opera consumpta, sed forte eodem die vehementior ventus totum ex profundo mare illisit in molem, crebrisque fluctibus compages operis verberatae se laxavere, saxaque interfluens unda medium opus rupit. Prorutis igitur lapidum cumulis, quibus iniecta terra sustinebatur, praeceps in profundum ruit, tantaeque molis vix ulla vestigia invenit Arabia rediens Alexander.

(13) Hic, quod in adversis rebus solet fieri, alius in alium culpam referebant, quum omnes verius de saevitia maris queri possent. Rex novi operis molem orsus in adversum ventum non latere, sed recta fronte direxit: ea cetera opera, velut sub ipsa latentia, tuebatur: latitudinem quoque aggeri adiecit, ut turres in medio excitatae procul teli iactu abessent. Totas autem arbores cum ingentibus ramis in altum iaciebant, deinde saxis onerabant rursusque cumulo eorum alias arbores iniiciebant: tum humus aggerebatur, superque alia strue saxorum arborumque cumulata velut quodam nexu continens opus iunxerant.

Nec Tyrii, quicquid ad impediendam molem excogitari poterat, segniter exequabantur. Praecipuum auxilium erat, qui procul hostium conspectu subibant aquam occultoque lapsu ad molem usque penetrabant, falcibus palmites arborum eminentium ad se trahentes: quae ubi se-

cutae erant, pleraque secum in profundum dabant: tum levatos onere stipites truncosque arborum haud aegre moliebantur: deinde totum opus, quod stipitibus fuerat innixum, fundamento lapso, sequebatur.

- 11 Aegro animi Alexandro nec, perseveraret, an abiret, satis certo classis Cypro advenit eodemque tempore Cleander, cum Graecis militibus in Asiam nuper advectus. Centum et nonaginta navium [classem] in duo dividit cornua: laevum Pnytagōras, rex Cypriorum, cum Cratērouebatur, Alexandrum in dextro quinquereimis regia vehebat.
- 12 Nec Tyrii, quamquam classem habebant, ausi navale inire certamen: triremes tris omnino ante ipsa moenia opposuerunt: quibus rex invectus, ipsas demersit.
- 13 (14) Postera die classe ad moenia admota, undique tormentis et maxime arietum pulsu muros quatit: quos Tyrii raptim obstructis saxis refecerunt, interiorem quoque murum, ut, si prior fefellisset, illo se tuerentur, undique orsi. Sed undique vis mali urgebat: moles intra teli iactum erat, classis moenia circumibat, terrestri simul navalique clade obruebantur. Quippe binas quadriremes Macedōnes inter se ita iunxerant, ut prorae cohaerent, puppes intervallo, quantum capere poterant, distarent.
- 15 Hoc puppium intervallum antennis asseribusque validis deligatis superque eos pontibus stratis, qui militem sustinerent, impleverant: sic instructas quadriremes ad urbem agebant: inde missilia in propugnantes ingerebantur tuto,
- 16 quia proris miles tegebatur. Media nox erat, quum classem, sicuti dictum est, paratam circumire muros iubet: iamque naves urbi undique admovebantur, et Tyrii desperatione torpebant: quum subito spissae nubes intendere se coelo, et, quicquid lucis internitebat, effusa caligine
- 17 extinctum est. Tum inhorrescens mare paulatim levare, deinde, acriore vento concitatum, fluctus ciere et inter se navigia collidere. Iamque scindi coeperunt vincula, quibus connexae quadriremes erant, ruere tabulata et cum
- 18 ingenti fragore in profundum secum milites trahere. Neque enim conserta navigia ulla ope in turbido regi poterant: miles ministeria nautarum, remex militis officia tur-

babat, et, quod in eiusmodi casu accidit, periti ignaris parebant: quippe gubernatores, alias imperare soliti, tum metu mortis iussa exequiebantur. Tandem remis pertinacius everberatum mare veluti eripientibus navigia classicis cessit, appulsaque sunt litori, lacerata pleraque.

(15) Iisdem forte diebus Carthaginensium legati triginta superveniunt, magis obsessis solatium, quam auxilium: quippe domestico bello Poenos impediri nec de imperio, sed pro salute dimicare nuntiabant. Syracusani tunc Africam urebant et haud procul Carthaginis muris locaverant castra. Non tamen defecere animis Tyrii, quamquam ab ingenti spe destituti erant, sed coniuges liberosque devehendos Carthaginem tradiderunt, fortius, quicquid accideret, laturi, si carissimam sui partem extra sortem communis periculi habuissent. Quumque unus e civibus in concione indicasset, oblatam esse per somnum sibi speciem Apollinis, quem eximia religione colerent, urbem deserentis, molemq; a Macedonibus in salo iactam in silvestrem saltum esse mutatam: quamquam auctor leviss erat, tamen ad deteriora credenda proni metu aurea catena devinxere simulacrum araeque Herculis, cuius numini urbem dicaverant, inseruere vinculum, quasi illo deo Apollinem retenturo. Syracusis id simulacrum devexerant Poeni et in maiore locaverant patria: multisque aliis spoliis urbium a semet captarum non Carthaginem magis quam Tyrum ornaverant. Sacrum quoque, quod equidem diis minime cordi esse crediderim, multis saeculis intermissum repetendi auctores quidam erant, ut ingenuus puer Saturno immolaretur: quod sacrilegium verius quam sacrum Carthaginenses, a conditoribus traditum, usque ad excidium urbis suae fecisse dicuntur. Ac nisi seniores obstitissent, quorum consilio cuncta agebantur, humanitatem dira superstitio vicisset.

(16) Ceterum efficacior omni arte necessitas non usitata modo praesidia, sed quaedam etiam nova admovit. Namque ad implicanda navigia, quae muros subibant, validis asseribus corvos et ferreas manus cum uncis ac falcibus illigaverant, ut, quum tormento asseres promovis-

25 sent, subito laxatis funibus, iniicerent. Unci quoque et
falces ex iisdem asseribus dependentes aut propugnatores
aut ipsa navigia lacerabant. Clypeos vero aereos multo
igne torrebant, quos repletos fervida arena coenoque de-
26 cocto e muris subito devolvebant. Nec ulla pestis magis
timebatur: quippe ubi loricam corpusque fervens arena
penetraverat, nec ulla vi excuti poterat et, quicquid atti-
gerat, perurebat, iacentesque arma, laceratis omnibus,
quīs protegi poterant, vulneribus inulti patebant: corvi
vero et ferreae manus tormento remissae plerosque ra-
piebant.

CAP. IV.

1 (17) His rex fatigatus statuerat, soluta obsidione, Ae-
gyptum petere. Quippe quum Asiam ingenti velocitate
percurrisset, circa muros unius urbis haerebat, tot maxi-
2 marum rerum opportunitate dimissa. Ceterum tam dis-
cedere irritum, quam morari pudebat: famam quoque, qua
plura quam armis everterat, ratus leviolem fore, si Ty-
rum quasi testem, se posse vinci, reliquisset. Igitur ne
quid inexpertum omitteret, plures naves admoveri iubet
3 delectosque militum imponi. Et forte belua, inusitatae mag-
nitudinis, super ipsos fluctus dorso eminens ad molem,
quam Macedōnes iecerant, ingens corpus applicuit diver-
beratisque fluctibus allevans semet utrimque conspecta
4 est: deinde a capite molis rursus alto se immersit ac,
modo super undas eminens magna sui parte, modo super-
fuis fluctibus condita, haud procul munimentis urbis
5 emersit. Utrisque laetus fuit beluae aspectus: Macedōnes
iter iaciendo operi monstrasse eam augurabantur, Tyrii,
Neptūnum, occupati maris vindicem, abripuisse beluam,
ac molem brevi profecto ruituram. Laetique omine eo ad
epulas dilapsi oneravere se vino, quo graves, orto sole, na-
vigia conscendunt, redimita floribus coronisque: adeo vi-
ctoriae non omen modo, sed etiam gratulationem praece-
perant.

5 (18) Forte rex classem in diversam partem agi ius-
serat, triginta minoribus navigiis relictis in litore: e qui-

bus Tyrii duobus captis cetera ingenti terruerunt metu, donec, suorum clamore audito, Alexander classem litori, a quo fremitus acciderat, admovit. Prima e Macedonum 7 navibus quinqueremis velocitate inter ceteras eminens occurrit: quam ut conspexere Tyriae, duae ex diverso in latera eius invectae sunt, in quarum alteram quinqueremis eadem concitata, et ipsa rostro icta est et illam invicem tenuit. Iamque ea, quae non cohaerebat, libero impetu 8 evecta in aliud quinqueremis latus invehebatur: quum opportunitate mira triremis e classe Alexandri in eam ipsam, quae quinqueremi imminabat, tanta vi impulsam est, ut Tyrius gubernator in mare excuteretur e puppi. Plures 9 deinde Macedonum naves superveniunt, et rex quoque aderat: quum Tyrii inhibentes remis aegre evellere navem, quae haerebat, portumque omnia simul navigia repetunt. Confestim rex insecutus portum quidem intrare non potuit, quum procul e muris missilibus summovertetur, naves autem omnes fere aut demersit aut cepit.

(19) Biduo deinde ad quietem dato militibus, iussis- 10 que et classem et machinas pariter admove, ut undique territis instaret, ipse in altissimam turrem ascendit, ingenti animo, periculo maiore. Quippe regio insigni et 11 armis fulgentibus conspicuus unus praecipue telis petebatur. Et digna prorsus spectaculo edidit: multos e muris propugnantes hasta transfixit, quosdam etiam comminus gladio clypeoque impulsos praecipitavit: quippe turris, ex qua dimicabat, muris hostium propemodum cohaerebat. Iamque, crebris arietibus saxorum compage laxata, 12 munimenta defecerant, et classis intraverat portum, et quidam Macedonum in turres hostium desertas evaserant: quum Tyrii, tot simul malis victi, alii supplices in templa confugiunt, alii, foribus aedium obseratis, occupant liberum mortis arbitrium, nonnulli ruunt in hostem, haud inulti tamen perituri, magna pars summa tectorum obtinebat, saxa 13 et quicquid fors in manus dederat ingerentes subeuntibus. Alexander, exceptis, qui in templa confugerant, omnes interfici ignemque tectis iniici iubet. His per praecones pro- 14 nuntiatis, nemo tamen armatus opem a diis petere susti-

nuit: pueri virginesque templa compleverant, viri in vestibulo suarum quisque aedium stabant, parata saevientibus turba. Multis tamen saluti fuere Sidonii, qui intra Macedonum praesidia erant. Hi urbem quidem inter victores intraverant, sed cognationis cum Tyriis memores (quippe utramque urbem Agenorem condidisse credebant) multos Tyrriorum, etiam protegentes, ad sua perduxere navigia: quibus occultati Sidona devecti sunt. Quindecim milia hoc furto subducta saevitiae sunt. Quantumque sanguinis fusum sit, vel ex hoc existimari potest, quod intra munimenta urbis sex milia armatorum trucidata sunt. Triste deinde spectaculum victoribus ira praebeuit regis. Duo milia, in quibus occidendi defecerat rabies, crucibus affixi per ingens litoris spatium pependerunt. Carthaginiensium legatis pepercit, addita denuntiatione belli, quod praesentium rerum necessitas moraretur.

19 (20) Tyros septimo mense, quam oppugnari coepta erat, capta est, urbs et vetustate originis et crebra fortunae varietate ad memoriam posteritatis insignis. Condita ab Agenore diu mare, non vicinum modo, sed quodcunque classes eius adierunt, ditionis suae fecit. Et si famae libet credere, haec gens litteras prima aut docuit aut didicit. Coloniae certe eius paene orbe toto diffusae sunt: Carthago in Africa, in Boeotia Thebae, Gades ad Oceanum. Credo, libero commeantes mari saepiusque adeundo ceteris incognitas terras elegisse sedes iuventuti, qua tunc abundabat: sive quia crebris motibus terrae (nam hoc quoque traditur) cultores eius fatigati nova et externa domicilia armis sibimet quaerere cogeantur. Multis ergo casibus defuncta et post excidium renata, nunc tamen, longa pace cuncta refovente, sub tutela Romanae mansuetudinis acquiescit.

A. 332
medio
a. Chr. n.
Ol. 112. 1.
mense
Hecatombaeone.

CAP. V.

1 (21) Iisdem ferme diebus Darēi litterae allatae sunt, tandem ut regi scriptae. Petebat, uti filiam suam (Statira erat nomen) nuptiis Alexander sibi adiungeret: dotem fore

omnem regionem inter Hellespontum et Halyn amnem sitam: inde orientem spectantibus terris contentum se fore. Si forte dubitaret, quod offerretur, accipere: nunquam diu 2
eodem vestigio stare fortunam semperque homines, quantamcunque felicitatem habeant, invidiam tamen sentire maiorem. Vereri se, ne avium modo, quas naturalis levitas 3
ageret ad sidera, inani ac puerili mentis affectu efferretur. Nihil difficilius esse, quam in illa aetate tantam capere fortunam. Multas se adhuc reliquias habere nec semper in- 4
ter angustias posse deprehendi: transeundum esse Alexandro Euphrāten Tigrinque et Araxen et Hydaspem, magna munimenta regni sui. Veniendum in campos, ubi paucitate suorum erubescendum sit. Mediam, Hyrcaniam, 5
Bactra et Indos, Oceāni accolas, quando aditurum? ne Sogdiānos et Arachosios nominem ceterasque gentes ad Caucāsum et Tanāim pertinentes. Senescendum fore tantum terrarum vel sine proelio obeunti. Se vero ad ipsum 6
vocare desineret: namque illius exitio se esse venturum. Alexander his, qui litteras attulerant, respondit, Darēum 7
sibi aliena promittere et, quod totum amiserit, velle partire. Doti sibi dari Lydiam, Iōnas, Aeolīdem, Hellesponti oram, victoriae suae praemia. Leges autem a victoribus dici, accipi a victis. In utro statu ambo essent, si solus ignoraret, quamprimum Marte decerneret. Se quoque, 8
quum transiret mare, non Ciliciam aut Lydiam, — quippe tanti belli exiguam hanc esse mercedem, — sed Persepōlim, caput regni eius, Bactra deinde et Ecbatāna ultimique orientis oram imperio suo destinasse. Quocunque ille fugere potuisset, ipsum sequi posse: desineret terrere fluminibus, quem sciret maria transisse.

(22) Reges quidem haec invicem scripserant. Sed 9
Rhodii urbem suam portusque dedebant Alexandro. Ille Ciliciam Socrāti tradiderat, Philōta regioni circa Tyrum iusso praesidere. Syriam, quae Coele appellatur, Andromācho Parmenio tradiderat, bello, quod supererat, interfuturus. Rex, Hephaestiōne Phoenīces oram classe 10
praetervehi iusso, ad urbem Gazam cum omnibus copiis venit.

- 11 Iisdem fere diebus sollemne erat ludicrum A. 332
 Isthmiorum, quod conventu totius Graeciae cele- a. Chr. n.
 bratur. In eo concilio Graeci, ut sunt temporaria aestate.
 ingenia, decernunt, ut quindecim legarentur ad regem, qui Ol. 112, 1.
 ob res pro salute ac libertate Graeciae gestas coronam au-
 12 ream donum victoriae ferrent. Iidem paulo ante incertae
 famae captaverant auram, ut, quocunque pendentes ani-
 mos tulisset fortuna, sequerentur.
- 13 (23) Ceterum non ipse modo rex obibat urbes adhuc
 iugum imperii recusantes, sed praetores quoque ipsius,
 egregii duces, pleraque invaserant. Calas Paphlagoniam,
 Antigonus Lycaoniam, Baläcrus, Hydarne, Darëi praetore,
 14 superato, Milëtum cepit: Amphotërus et Hegelöchus cen-
 tum sexaginta navium classe insulas inter Achaïam atque
 Asiam in ditionem Alexandri redegerunt. Tenëdo quo-
 que recepta, Chium, incolis ultro vocantibus, statuerant
 15 occupare: sed Pharnabäzus, Darëi praetor, comprehensis,
 qui res ad Macedönes trahebant, rursus Apollonïdi et
 Athenagörae, suarum partium viris, urbem cum modico
 16 praesidio militum tradit. Praefecti Alexandri in obsidione
 urbis perseverabant, non tam suis viribus, quam ipsorum,
 qui obsidebantur, voluntate. Nec fefellit opinio. Namque
 inter Apollonïden et duces militum orta seditio irrumpendi
 17 in urbem occasionem dedit, quumque, porta effracta, co-
 hors Macedönum intrasset, oppidani, olim consilio prodi-
 tionis agitato, aggregant se Amphotëro et Hegelöcho: Per-
 sarumque praesidio caeso Pharnabäzus cum Apollonïde
 18 et Athenagöra vincti traduntur, duodecim triremes cum
 suo milite ac remige, praeter eas triginta inanes, et pira-
 tici lembi Graecorumque tria milia, a Persis mercede con-
 ducta. His in supplementum copiarum suarum distribu-
 tis piratisque supplicio affectis, captivos remiges adiecere
 classi suae.
- 19 (24) Forte Aristonïcus, Methymnaeorum tyrannus,
 cum piraticis navibus, ignarus omnium, quae apud Chium
 acta erant, prima vigilia ad portus claustra successit in-
 terrogatusque a custodibus, quis esset, Aristonïcum ad
 20 Pharnabäzum venire respondit. Illi Pharnabäzum quidem

iam quiescere et non posse tum adiri, ceterum patere socio atque hospiti portum et postera die Pharnabāzi copiam fore affirmant. Nec dubitavit Aristonēus primus 21 intrare: secuti sunt ducem piratici lembi, ac dum applicant navigia crepidini portus, obiiicitur a vigilibus claustrum, et, qui proximi excubabant, ab iisdem excitantur: nullo ex his auso repugnare, omnibus catenae iniectae sunt, Amphotēro deinde Hegelochoque traduntur. Hinc 22 Macedōnes transiere Mitylēnen, quam Chares Atheniensis nuper occupatam duorum milium Persarum praesidio tenebat: sed quum obsidionem tolerare non posset, urbe tradita, pactus, ut incolumi abire liceret, Imbrum petit. Deditis Macedōnes pepercerunt.

CAP. VI.

(25) Darēus, desperata pace, quam per litteras legatosque impetrari posse crediderat, ad reparandas vires bellumque impigre renovandum intendit animum. Duces 2 ergo copiarum Babyloniam convenire, Bessum quoque, Bactrianorum ducem, propere quam maximo posset exercitu coacto, descendere ad se iubet. Sunt autem Bactriāni 3 inter illas gentes promptissimi, horridis ingeniis multumque a Persarum luxu abhorrentibus: siti haud procul Scytharum bellicosissima gente et raptu vivere assueta semper in armis erant. Sed Bessus, suspecta perfidia, haud 4 sane aequo animo in secundo se continens gradu, regem terrebat. Nam quum regnum affectaret, proditio, qua sola id assequi poterat, timebatur.

Ceterum Alexander, quam regionem Darēus petisset, 5 omni cura vestigans, tamen explorare non poterat, more quodam Persarum arcana regum mira celantium fide. Non 6 metus, non spes elicit vocem, qua prodantur occulta. Vetus disciplina regum silentium vitae periculo sanxerat. Lingua gravius castigatur, quam ullum probrum: nec magnam rem magis sustineri posse credunt ab eo, cui tacere grave sit, quod homini facillimum voluerit esse natura.

(26) Ob hanc causam Alexander omnium, quae apud 7

hostem gererentur, ignarus urbem Gazam obsidebat. Praeerat urbi Betis, eximiae in regem suum fidei, modico-
 8 que praesidio muros ingentis operis tuebatur. Alexander, aestimato locorum situ, agi cuniculos iussit, facili ac
 levi humo acceptante occultum opus: quippe multam
 arenam vicinum mare evomit, nec saxa cotesque, quae in-
 9 terpellent specus, obstant. Igitur ab ea parte, quam oppi-
 dani conspiciere non possent, opus orsus, ut a sensu eius
 averteret, turres muris admoveri iubet. Sed eadem hu-
 mus movendis inutilis turribus, desidente sabulo, agilita-
 tem rotarum morabatur et tabulata turrium perfringebat,
 multique vulnerabantur impune, quum idem recipiendis
 10 qui admovendis turribus labor eos fatigaret. Ergo recep-
 tui signo dato, postero die muros corona circumdari ius-
 sit ortoque sole, priusquam admoveret exercitum, opem
 11 deum exposcens sacrum patrio more faciebat. Forte prae-
 tervolans corvus glebam, quam unguibus ferebat, subito
 amisit: quae quum regis capiti incidisset, resoluta deflu-
 xit, ipsa autem avis in proxima turre consedit. Illita erat
 turris bitumine ac sulphure, in qua alis haerentibus fru-
 12 stra se allevare conatus a circumstantibus capitur. Digna
 res visa, de qua vates consuleret: et erat non intactae a
 superstitione mentis. Ergo Aristander, cui maxima fides
 habebatur, urbis quidem excidium augurio illo portendi,
 ceterum periculum esse, ne rex vulnus acciperet: itaque
 13 monuit, ne quid eo die inciperet. Ille, quamquam unam
 urbem sibi, quo minus securus Aegyptum intraret, ob-
 stare aegre ferebat, tamen paruit vati signumque receptum
 dedit.

(27) Hinc animus crevit obsessis, egressique porta
 recedentibus inferunt signa, cunctationem hostium suam
 14 fore occasionem rati. Sed acrius quam constantius proe-
 lium inierunt: quippe ut Macedonum signa circumagi vi-
 dere, repente sistunt gradum. Iamque ad regem proelia-
 ntium clamor pervenerat, quum denuntiati periculi haud
 sane memor loricam tamen, quam raro induebat, amicis
 15 orantibus, sumpsit et ad prima signa pervenit. Quo con-
 specto Arabs quidam, Darëi miles, maius fortuna sua fa-

cinus ausus, gladium clypeo tegens, quasi transfuga genibus regis advolvitur. Ille assurgere supplicem recipique inter suos iussit. At barbarus, gladio strenue in dextram 16 translato, cervicem appetit regis: qui, exigua corporis declinatione evitato ictu, in vanum manum barbari lapsam amputat gladio, denuntiato in illum diem periculo, ut arbitrabatur ipse, defunctus. Sed, ut opinor, inevitabile est 17 fatum. Quippe dum inter primores promptius dimicat, sagitta ictus est: quam per loricam adactam, stantem in humero medicus eius Philippus evellit. Plurimus deinde 18 sanguis manare coepit, omnibus territis, quia non, quam alte penetrasset telum, lorica obstante, cognoverant. Ipse, ne oris quidem colore mutato, suppressi sanguinem et vulnus obligari iussit. Diu ante ipsa signa, vel dissimulato 19 vel victo dolore, perstiterat: quum suppressus paulo ante sanguis medicamento, quo retentus erat, manare largius coepit, et vulnus, quod tepens adhuc dolorem non move- rat, frigente sanguine, intumuit. Linqui deinde animo et 20 submitti genu coepit: quem proximi exceptum in castra receperunt. Et Betis interfectum ratus urbem ovans victoria repetit.

(28) At Alexander, nondum percurato vulnere, agge- 21 rem, quo moenium altitudinem aequaret, extruxit pluribusque cuniculis muros subruui iussit. Oppidani ad pristinum 22 fastigium moenium novum extruxere munimentum, sed ne id quidem turres aggeri impositas poterat aequare. Itaque interiora quoque urbis infesta telis erant. Ultima 23 pestis urbis fuit cuniculo subrutus murus, per cuius ruinas hostis intravit. Ducebat ipse rex antesignanos, et dum incautius subit, saxo crus eius affligitur. Innixus tamen telo, 24 nondum prioris vulneris obducta cicatrice, inter primores dimicat, ira quoque accensus, quod duo in obsidione urbis eius vulnera acceperat. Betim, egregia edita pugna 25 multisque vulneribus confectum, deseruerunt sui, nec tamen segnius proelium capescebat, lubricis armis suo pariter atque hostium sanguine. Sed quum undique telis 26 [peteretur, ad postremum, exhaustis viribus, vivus in potestatem hostium pervenit]: quo adducto, insolenti gaudio iuvenis

elatus, alias virtutis etiam in hoste mirator, *Non, ut voluisti,*
 inquit, *morieris, Beti, sed, quicquid in captivum inveniri*
 27 *potest, passurum esse te cogita.* Ille non interrito modo, sed
 contumaci quoque vultu intuens regem nullam ad minas
 28 eius reddidit vocem. Tum Alexander, *Videtisne obstinatum*
ad tacendum? inquit. *Num genu posuit? num supplicem vo-*
cem misit? Vincam tamen silentium et, si nihil aliud, certe
 29 *gemitu interpellabo.* Ira deinde vertit in rabiem, iam tum
 peregrinos ritus nova subeunte fortuna. Per talos enim spi-
 rantis lora traiecta sunt, religatumque ad currum traxere
 circa urbem equi: gloriante rege, Achillem, a quo genus
 ipse deduceret, imitatum se esse poena in hostem capienda.
 30 Cecidere Persarum Arabumque circa decem milia: nec
 Macedonibus incruenta victoria fuit. Obsidio certe A. 332
 non tam claritate urbis nobilitata est, quam ge- a. Chr. n.
 minato periculo regis. aestate.
Ol. 112, 1.

Qui Aegyptum adire festinans Amyntan cum decem
 triremibus in Macedoniam ad inquisitionem novorum mi-
 31 litum misit. Namque etiam secundis atterebantur tamen
 copiae, devictarumque gentium militi minor quam do-
 mestico fides habebatur.

CAP. VII.

1 (29) Aegyptii olim Persarum opibus infensi, — quippe
 avare et superbe imperitatum sibi esse credebant, — ad
 spem adventus eius erexerant animos, utpote qui Amyn-
 tam quoque transfugam et cum precario imperio venien-
 2 tem laeti recepissent. Igitur ingens multitudo Pelusium,
 qua intraturus videbatur, convenerat. Atque ille septimo
 die, postquam a Gaza copias moverat, in regionem Ae-
 gypti, quam nunc Castra Alexandri vocant, pervenit.
 3 Deinde, pedestribus copiis Pelusium petere iussis, ipse
 cum expedita delectorum manu Nilo amne vectus est: nec
 sustinere adventum eius Persae, defectione quoque per-
 4 teriti. Iamque haud procul Memphi erat: in cuius praesi-
 dio Mazăces, praetor Darēi, relictus, [ad] Cercasōron amne
 superato, octingenta talenta Alexandro omnemque re-
 5 giam supellectilem tradidit. A Memphi eodem flumine

vectus ad interiora Aegypti penetrat compositisque rebus ita, ut nihil ex patrio Aegyptiorum more mutaret, adire Iovis Hammōnis oraculum statuit. Iter expeditis quoque 6 et paucis vix tolerabile ingrediendum erat: terra coeloque aquarum penuria est, steriles arenae iacent, quas ubi vapor solis accendit, fervido solo exurente vestigia, intolerabilis aestus existit. Luctandumque est non solum cum 7 ardore et siccitate regionis, sed etiam cum tenacissimo sabulo, quod praealtum et vestigio cedens aegre moliuntur pedes. Haec Aegyptii vero maiora iactabant. Sed in- 8 gens cupido animum stimulabat adeundi Iovem, quem generis sui auctorem, haud contentus mortali fastigio, aut credebatur esse aut credi volebat.

(30) Ergo cum his, quos ducere secum statuerat, secundo amne descendit ad Mareōtin paludem. Eo legati Cyrenensium dona attulere, A. 331
ineunte
a. Chr. n.
Ol. 112, 1. 9 pacem et ut adiret urbes suas petentes. Ille, donis acceptis amicitiaque coniuncta, destinata exequi pergit. Ac primo 10 quidem et sequenti die tolerabilis labor visus, nondum tam vastis nudisque solitudinibus aditis, iam tamen sterili et emoriente terra. Sed ut aperuere se campi alto obruti 11 sabulo, haud secus quam profundum aequor ingressi terram oculis requirebant. Nulla arbor, nullum culti soli occurrebat vestigium. Aqua etiam defecerat, quam utribus cameli vexerant, et in arido solo ac fervido sabulo nulla erat. Ad hoc sol omnia incenderat, siccaque et adusta 13 erant ora: quum repente, sive illud deorum munus sive casus fuit, obductae coelo nubes condidere solem, ingens aestu fatigatis, etiamsi aqua deficeret, auxilium. Enimvero 14 ut largum quoque imbrem excusserunt procellae, pro se quisque excipere eum, quidam, ob sitim impotentes sui, ore quoque hianti captare coeperunt. Quatriduum per 15 vastas solitudines absumptum est. Iamque haud procul oraculi sede aberant, quum complures corvi agmini occurrunt, modico volatu prima signa antecedentes, et modo humi residebant, quum lentius agmen incederet, modo se pennis levabant antecedentium iterque monstrantium ritu.

(31) Tandem ad sedem consecratam deo ventum est. 16

Incredibile dictu, inter vastas solitudines sita undique ambientibus ramis, vix in densam umbram cadente sole, connecta est, multique fontes, dulcibus aquis passim manantibus, alunt silvas. Coeli quoque mira temperies, verno tepori maxime similis, omnes anni partes pari salubritate percurrit. Accolae sedis sunt ab oriente proximi Aethiōpum. In meridiem versam Arābes spectant: Troglodytis cognomen est: horum regio usque ad rubrum mare excurrit. At qua vergit ad occidentem, alii Aethiōpes colunt, quos Scenītas vocant. A septentrione Nasamōnes sunt, gens Syrtica, navigiorum spoliis quaestuosa: quippe obsident litora et aestu destituta navigia notis sibi vadis occupant. Incolae nemoris, quos Hammonios vocant, dispersis tuguriis habitant: medium nemus pro arce habent, triplici muro circumdatum. Prima munitio tyrannorum veterem regiam clausit: in proxima coniuges eorum cum liberis et pellicibus habitant: hic quoque dei oraculum est: ultima munimenta satellitum armigerorumque sedes erant. Est et aliud Hammōnis nemus: in medio habet fontem, quem Solis aquam vocant: sub lucis ortum tepida manat, medio die, cuius vehementissimus est calor, frigida eadem fluit, inclinato in vesperam calescit, media nocte fervida exaestuat: quoque nox propius vergit ad lucem, multum ex nocturno calore decrescit, donec sub ipsum diei ortum assueto tepore languescat. Id, quod pro deo colitur, non eandem effigiem habet, quam vulgo diis artifices accommodaverunt: umbilico maxime similis est habitus, smaragdo et gemmis coagmentatus. Hunc, quum responsum petitur, navigio aurato gestant sacerdotes, multis argenteis pateris ab utroque navigii latere pendentibus: sequuntur matronae virginesque, patrio more inconditum quoddam carmen canentes, quo propitiari Iovem credunt, ut certum edat oraculum.

(32) Ac tum quidem regem propius adeuntem maximus natu e sacerdotibus filium appellat, hoc nomen illi parentem Iovem reddere affirmans. Ille se vero et accipere ait et agnoscere, humanae sortis oblitus. Consuluit deinde, an totius orbis imperium fatis sibi destinaret pater. Aequē

in adulationem compositus terrarum omnium rectorem fore ostendit. Post haec institit quaerere, an omnes paren-27 tis sui interfectores poenas dedissent. Sacerdos parentem eius negat ullius scelere posse violari, Philippi autem omnes interfectores luisse supplicia: adiecit, invictum fore, donec excederet ad deos. Sacrificio deinde facto, dona et 28 sacerdotibus et deo data sunt, permissumque amicis, ut ipsi quoque consulerent Iovem. Nihil amplius quaesierunt, quam, an auctor esset sibi divinis honoribus colendi suum regem. Hoc quoque acceptum fore Iovi vates respondet, ut ipsi victorem regem divino honore colerent. Vera et 29 salubri aestimatione fidem oraculi [pensanti] vana profecto responsa, sicut erant, videri potuissent: sed fortuna, quos uni sibi credere coëgit, magna ex parte avidos gloriae magis quam capaces facit. Iovis igitur filium se non so-30 'um appellari passus est, sed etiam iussit rerumque gestarum famam, dum augere vult tali appellatione, corrumpit. Et Macedōnes assueti quidem regio imperio, sed in maiore 31 libertatis umbra, quam ceterae gentes, immortalitatem affectantem contumacius, quam aut ipsis expediebat aut regi, aversati sunt. Sed haec suo quaeque tempori reserventur: 32 nunc cetera exequi pergam.

CAP. VIII.

(33) Alexander ab Hammōne rediens, ut Mareōtin pa- 1 ludem haud procul insula Pharo sitam venit, contemplatus loci naturam primum in ipsa insula statuerat urbem novam condere. Inde, ut apparuit, magnae sedis insulam haud ca- 2 pacem esse, elegit urbi locum, ubi nunc est Alexandriā, appellationem trahens ex nomine auctoris. Complexus, quicquid soli est inter paludem ac mare, octoginta stadiorum muris ambitum destinat et, qui exaedificandae urbi praeessent, relictis, Memphim petit. Cupido haud iniusta 3 quidem, ceterum intempestiva incesserat, non interiora modo Aegypti, sed etiam Aethiopiam invisere: Memnōnis Tithonique celebrata regia cognoscendae vetustatis avium trahebat paene extra terminos solis. Sed imminens 4 bellum, cuius multo maior supererat moles, otiosae pere-

grinationi tempora exemerat. Itaque Aegypto praefecit Aeschylum Rhodium et Peucesten Macedonem, quattuor milibus militum in praesidium regionis eius datis: claustra Nili fluminis Polemonem tueri iubet: triginta ad hoc triremes datae. Africae deinde, quae Aegypto iuncta est, praepositus Apollonius: vectigalibus eiusdem Africae Aegyptique Cleomenes. Ex finitimis urbibus commigrare Alexandriam iussis, novam urbem magna multitudine implevit.

Fama est, quum rex urbis futurae muros polenta, ut Macedonum mos est, destinasset, avium greges advolasse et polenta esse pastas: quumque id omen pro tristi a plerisque esset acceptum, respondisse vates, magnam illam urbem advenarum frequentiam culturam multisque eam terris alimenta praebituram.

(34) Regem, quum secundo amne deflueret, assequi cupiens Hector, Parmenionis filius, eximio aetatis flore, in paucis Alexandro carus, parvum navigium conscendit, pluribus, quam capere posset, impositis. Itaque mersa navis omnes destituit. Hector diu flumini obluctatus, quum madens vestis et adstricti crepidis pedes natare prohiberent, in ripam tamen semianimis evasit et ut primum fatigatus spiritum laxavit, quem metus et periculum intenderat, nullo adiuvante, (quippe in diversum evaserant alii) exanimatus est. Amissi eius desiderio vehementer afflictus est reperi-tumque corpus magnifico extulit funere.

Oneravit hunc dolorem nuntius mortis Andromachi, quem praefecerat Syriae: vivum Samaritae cremaverant. Ad cuius interitum vindicandum, quanta maxima celeritate potuit, contendit, advenientique sunt traditi tanti sceleris auctores. Andromacho deinde Memnona substituit, affectisque supplicio, qui praetorem interemerant, tyrannos, inter quos Methymnaeorum Aristonicum et Chrysolam, popularibus suis tradidit: quos illi ob iniurias tortos necaverunt.

Atheniensium deinde, Rhodiorum et Chiorum legatos audit. Athenienses victoriam gratulabantur et, ut captivi Graecorum suis restituerentur, orabant: Rhodii et Chii de praesidio querebantur. Omnes aequa desiderare visi im-

petrauerunt. Mitylenaeis quoque, ob egregiam in partes fidem, et pecuniam, quam in bellum impenderant, reddidit et magnam regionem finibus adiecit. Cypriorum quo- 14
que regibus, qui et a Darëo defecerant ad ipsum et oppugnanti Tyrum miserant classem, pro merito honos habitus est.

Amphotërus deinde, classis praefectus, ad liberandam 15
Cretam missus (namque et Persarum et Spartanorum armis pleraque eius insulae obsidebantur) ante omnia mare a piraticis classibus vindicare iussus: quippe obnoxium erat praedonibus, in bellum utroque rege con-
verso. His compositis, Hercüli Tyrio ex auro cra-
teram cum triginta pateris dicavit: imminensque
Darëo iter ad Euphräten pronuntiari iussit.

A. 331
a. Chr. n. 16
incipiente
vere.
Ol. 112, 1.

CAP. IX.

(35) At Darëus, quum ab Aegypto devertisse in Africam 1
hostem comperisset, dubitaverat, utrumne circa Mesopotamiam subsisteret, an interiora regni sui peteret, haud dubie potentior auctor praesens futurus ultimis gentibus impigre bellum capessendi, quas aegre per praefectos suos moliebatur. Sed ut idoneis auctoribus fama vulgavit, 2
Alexandrum cum omnibus copiis, quamecunque ipse adisset regionem, petiturum: haud ignarus, quam cum strenuo res esset, omnia longinquarum gentium auxilia Babyloniam contrahi iussit. Bactriäni Scythaeque et Indi convenerant: nam et ceterarum gentium copiae partibus simul affuerunt. Ceterum, quum dimidio ferme maior esset exercitus, quam 3
in Cilicia fuerat, multis arma deerant: quae summa cura comparabantur. Equitibus equisque tegumenta erant ex ferreis laminis serie inter se connexis: quis antea praeter iacula nihil dederat, scuta gladiique adiciebantur: equo- 4
rumque domandi greges peditibus distributi sunt, ut maior pristino esset equitatus: ingensque, ut crediderat, hostium terror ducentae falcatae quadrigae, unicum illarum gentium auxilium, secutae sunt. Ex summo temone 5
hastae praefixae ferro eminebant: utrimque a iugo ternos direxerat gladios: inter radios rotarum plura spicula emi-

nebant in adversum: aliae deinde falces summissae rotarum orbibus haerebant, et aliae in terram demissae, quicquid obvium concitatis equis fuisset, amputaturae.

6 (36) Hoc modo instructo exercitu ac perarmato, Babylonē copias movit. A parte dextra erat Tigris, nobilis fluvius, laevam tegebat Euphrātes, agmen Mesopotamiae
7 campos impleverat. Tigri deinde superato, quum audisset, haud procul abesse hostem, Satropāten, equitum praefectum, cum mille delectis praemisit. Mazaeo praetori sex
8 milia data, quibus hostem transitu amnis arceret: eidem mandatum, ut regionem, quam Alexander esset aditurus, popularetur atque ureret: quippe credebat, inopia debellari posse nihil habentem, nisi quod rapiendo occupasset: ipsi autem commeatus alii terra, alii Tigri amne subvehē-
9 bantur. Iam pervenerat Arbēla vicum, nobilem sua clade facturum. Hic commeatum sarcinarumque maiore parte deposita, Lycum amnem ponte iunxit et per dies quinque,
10 sicut ante Euphrāten, traiecit exercitum. Inde octoginta fere stadia progressus ad alterum amnem (Boumēlo nomen est) castra posuit. Opportuna explicandis copiis regio erat, equitabilis et vasta planities. Ne stirpes quidem et brevina virgulta operiunt solum, liberque prospectus oculorum etiam ad ea, quae procul recessere, permittitur. Itaque si qua campi eminebant, iussit aequari totumque fastigium extendi.

11 (37) Alexandro, qui numerum copiarum eius, quantum procul coniectari poterat, aestimabant, vix fecerunt fidem, tot milibus caesis, maiores copias esse reparatas.
12 Ceterum omnis periculi et maxime multitudinis contemptor undecimis castris ad Euphrāten pervenit: quo pontibus iuncto equites primos ire, phalangem
sequi iubet, Mazaeo, qui ad inhibendum transitum eius cum sex milibus equitum occurrerat, non auso
13 periculum sui facere. Paucis deinde non ad quietem, sed ad reparandos animos diebus datis militi, strenue hostem insequi coepit, metuens, ne interiora regni sui peteret sequendusque esset per loca omni solitudine atque inopia vasta. Igitur quarto die praeter Ar-

A. 331
a. Chr. n.
media
aestate.
Ol. 112, 2.
mense
Hecatombaeone.

bēla penetrat ad Tigrin. Tota regio ultra amnem recenti fumabat incendio: quippe Mazaeus, quaecunque adierat, haud secus quam hostis urebat. Ac primo, caligine, quam 15 fumus effuderat, obscurante lucem, insidiarum metu substitit: deinde, ut speculatores praemissi tuta omnia nuntiaverunt, paucos equitum ad tentandum vadum fluminis praemisit: cuius altitudo primo summa equorum pectora, mox, ut in medium alveum ventum est, cervices quoque aequabat. Nec sane alius ad orientis plagam tam violentus 16 invehitur, multorum torrentium non aquas solum, sed etiam saxa secum trahens. Itaque a celeritate, qua defluit, Tigri nomen est inditum, quia Persica lingua Tigrin sagittam appellant.

(38) Igitur pedes, velut divisus in cornua, circum-17 dato equitatu, levatis super capita armis, haud aegre ad ipsum alveum penetrat. Primus inter pedites rex egressus 18 in ripam vadum militibus manu, quando vox exaudiri non poterat, ostendit. Sed gradum firmare vix poterant, quum modo saxa lubrica vestigium fallerent, modo rapidior unda subduceret. Praecipuus erat labor eorum, qui hume-19 ris onera portabant: quippe quum semetipsos regere non possent, in rapidos gurgites incommodo onere auferebantur, et, dum sua quisque spolia consequi studet, maior inter ipsos quam cum amni orta luctatio est, cumulique sarcinarum passim fluitantes plerosque perculerant. Rex 20 monere, ut satis haberent arma retinere, cetera se redditurum. Sed neque consilium neque imperium accipi poterat: obstrepebat hinc metus, praeter hunc invicem 21 tantium mutuus clamor. Tandem, qua leniore tractu amnis aperit vadum, emersere, nec quicquam praeter paucas sarcinas desideratum est. Deleri potuit exercitus, si quis 22 vincere ausus esset, sed perpetua fortuna regis avertit inde hostem. Sic Granicum, tot milibus equitum peditumque in ulteriore stantibus ripa, superavit, sic angustis in Ciliciae callibus tantam multitudinem hostium: audaciae 23 quoque, qua maxime viguit, ratio minui potest, quia nunquam in discrimen venit, an temere fecisset. Mazaeus, qui, si transeuntibus flumen supervenisset, haud dubie

oppressurus fuit incompressos, in ripa demum et iam per-
 24 armatos adequitare coepit. Mille admodum equites prae-
 miserat. Quorum paucitate Alexander explorata, deinde
 contempta, praefectum Paeonium equitum Aristōna laxatis
 25 habenis invehi iussit. Insignis eo die pugna equitum et
 praecipue Aristōnis fuit: praefectum equitatus Persarum
 Satropāten directa in gutture hasta transfixit fugientemque
 per medios hostes consecutus ex equo praecipitavit et
 obluctanti caput gladio dempsit, quod relatum magna cum
 laude ante regis pedes posuit.

CAP. X.

1 (39) Biduo ibi rex stativa habuit: in proxi-
 2 mum deinde iter pronuntiari iussit. Sed prima
 fere vigilia luna deficiens primum nitorem sideris
 sui condidit, deinde, sanguinis colore suffuso, lu-
 men omne foedavit, sollicitisque sub ipsum tanti
 discriminis casum ingens religio et ex ea formido
 3 quaedam incussa est. Diis invitis in ultimas terras trahi
 se querebantur: iam nec flumina posse adiri nec sidera
 pristinum servare fulgorem: vastas terras, deserta omnia
 occurrere: in unius hominis iactationem tot milium san-
 guinem impendi: fastidio esse patriam, abdicari Philippum
 4 patrem, coelum vanis cogitationibus petere. Iam prope
 seditionem res erat, quum ad omnia interritus duces prin-
 cipesque militum frequentes adesse praetorio Aegyptios-
 que vates, quos coeli ac siderum peritissimos esse crede-
 5 bat, quid sentirent, expromere iubet. At illi, qui satis
 scirent, temporum orbis implere destinatas vices lunam
 que deficere, quum aut terram subiret, aut sole premere-
 tur, rationem quidem ipsis perceptam non edocent vulgus:
 6 ceterum affirmant, solem Graecorum, lunam esse Persa-
 rum, quotiensque illa deficiat, ruinam stragemque illis
 gentibus portendi: veteraque exempla percensent Persidis
 regum, quos adversis diis pugnasse lunae ostendisset de-
 7 fectio. Nulla res multitudinem efficacius regit, quam su-
 perstitio: alioquin impotens, saeva, mutabilis, ubi vana
 religione capta est, melius vatibus quam ducibus suis

A. 331
 a. Chr. n.
 nocte inter
 20. et 21.
 Septembr.
 interce-
 dente.
 Ol. 112, 2.

paret. Igitur edita in vulgus Aegyptiorum responsa rursus ad spem et fiduciam erexere torpentes.

(40) Rex impetu animorum utendum ratus secunda 8 vigilia castra movit: dextra Tigrim habebat, a laeva montes, quos Gordyaeos vocant. Hoc ingresso iter speculatores, 9 qui praemissi erant, sub lucis ortum Darëum adventare nuntiaverunt. Instructo igitur milite et composito agmine antecede-
bat. Sed Persarum moratores erant, mille ferme, 10 qui speciem magni agminis fecerant: quippe ubi explorari vera non possunt, falsa per metum augentur. His cognitis, 11 rex cum paucis suorum assecutus agmen refugientium ad suos, alios cecidit, alios cepit: equitesque praemisit simul speculatum, simul ut ignem, quo barbari cremaverant vicos, extingu-
rent. Quippe fugientes raptim tectis acervis- 12 que frumenti iniecerant flammam, quae, quum in summo haesissent, ad inferiora nondum penetraverant. Extincto 13 igitur igne, plurimum frumenti repertum est: copia aliarum quoque rerum abundare coeperunt. Ea res ipsa militi ad persequendum hostem animum incendit: quippe urente et populante eo terram, festinandum erat, ne incendio cuncta praeciperet. In rationem ergo necessitas versa est: 14 quippe Mazaeus, qui antea per otium vicos incenderat, iam fugere contentus pleraque inviolata hosti reliquit. Alexander haud longius centum quinquaginta stadiis Da- 15 rëum a se abesse compererat. Itaque ad satietatem quoque copia commeatum instructus quadriduo in eodem loco substitit.

Interceptae deinde Darëi litterae sunt, quibus Graeci 16 milites sollicitabantur, ut regem aut interficerent aut proderent: dubitavitque, an eas pro concione recitaret, satis confisus Graecorum quoque erga se benivolentiae ac fidei. Sed Parmenio deterruit, non esse talibus promissis im- 17 buendas aures militum affirmans: patere vel unius insidiis regem: nihil nefas esse avaritiae. Secutus consilii aucto- 18 rem castra movit.

(41) Iter facienti spado e captivis, qui Darëi uxorem comitabantur, deficere eam nuntiat et vix spiritum ducere. 19 Itineris continui labore animique aegritudine fatigata inter

socrus et virginum filiarum manus collapsa erat, deinde et
 20 extincta. Id ipsum nuntians alius supervenit. Et rex haud
 secus, quam si parentis suae mors nuntiata esset, crebros
 edidit gemitus lacrimisque obortis, quales Darëus profudis-
 set, in tabernaculum, in quo mater erat Darëi, defuncto
 21 assidens corpori, venit. Hic vero renovatus est maeror, ut
 prostratam humi vidit. Recenti malo priorum quoque ad-
 monita receperat in gremium adultas virgines, magna qui-
 dem mutui doloris solatia, sed quibus ipsa deberet esse
 22 solatio. In conspectu erat nepos parvulus, ob id ipsum
 miserabilis, quod nondum sentiebat calamitatem, ex maxi-
 23 ma parte ad ipsum redundantem. Crederes, Alexandrum
 inter suas necessitudines flere et solatia non adhibere, sed
 quaerere. Cibo certe abstinuit omnemque honorem funeri
 patrio Persarum more servavit, dignus hercule, qui nunc
 quoque tantum et mansuetudinis et continentiae ferat fru-
 24 ctum. Semel omnino eam viderat, quo die capta est, nec
 ut ipsam, sed ut Darëi matrem videret, eximiamque pul-
 chritudinem formae eius non libidinis habuerat incitamen-
 tum, sed gloriae.

25 (42) E spadonibus, qui circa reginam erant, Tyriōtes
 inter trepidationem lugentium elapsus per eam portam,
 quae, quia ab hoste aversa erat, levius custodiebatur, ad
 Darëi castra pervenit exceptusque a vigilibus in taberna-
 26 culum regis perducitur, gemens et veste lacerata. Quem
 ut conspexit Darëus, multiplici doloris expectatione com-
 motus et, quid potissimum timeret, incertus, *Vultus*, in-
 quit, *tuis nescio quod ingens malum praefert, sed cave mi-*
seri hominis auribus parcas: didici esse infelix, et saepe ca-
 27 *lamitatis solatium est, nosse sortem suam. Num, quod maxime*
suspicio et loqui timeo, ludibria meorum nuntiaturus es, mihi
 28 *et, ut credo, ipsis quoque omni tristiora supplicio?* Ad haec
 Tyriōtes, *Istud quidem procul abest*, inquit: *quantuscunque*
enim reginis honos ab his, qui parent, haberi potest, tuis a
victore servatus est, sed uxor tua paulo ante excessit e vita.
 29 Tum vero non gemitus modo, sed etiam eiulatus totis
 castris exaudiebantur, nec dubitavit Darëus, quin inter-
 fecta esset, quia nequisset contumeliam perpeti. Ex-

clamatque amens dolore: *Quod ego tantum nefas commisi, Alexander, quem tuorum propinquorum necavi, ut hanc vicem saevitiae meae redderes? Odisti me, non quidem provocatus: sed finge, iustum intulisse te bellum: cum feminis ergo agere debueras?* Tyriōtes affirmare per deos patrios, nihil 30 in eam gravius esse consultum: ingemuisse etiam Alexandrum morti et non parcius flevisse, quam ipse lacrimaret. Ob haec ipsa amantis animus in sollicitudinem suspicio- 31 nemque revolutus est, desiderium captivae profecto a consuetudine stupri ortum esse coniectans. Summotis igitur arbitris, uno dumtaxat Tyriōte retento, iam non flens, sed suspirans, *Videsne*, inquit, *Tyriōte, locum mendacio non esse? tormenta iam hic erunt: sed ne expectaveris per deos, si quid tibi tui regis reverentiae est: num, quod et scire expeto et quaerere pudet, ausus est et dominus et iuvenis?* Ille quaestioni corpus offerre, deos testes invocare, caste 33 sancteque habitam esse reginam. Tandem ut fides facta 34 est, vera esse, quae affirmaret spado, capite velato, diu flevit manantibusque adhuc lacrimis, veste ab ore reiecta, ad coelum manus tendens, *Dii patrii*, inquit, *primum mihi stabilite regnum: deinde, si de me iam transactum est, precor, ne quis potius Asiae rex sit, quam iste tam iustus hostis, tam misericors victor.*

CAP. XI.

(43) Itaque quamquam, frustra pace bis petita, omnia 1 in bellum consilia converterat, victus tamen continentia hostis ad novas pacis condiciones ferendas decem legatos, cognatorum principes, misit: quos Alexander, consilio advocato, introduci iussit. E quibus maximus natu, *Darrēum*, inquit, *ut pacem a te iam hoc tertium peteret, nulla vis subegit, sed tua iustitia et continentia expressit. Matrem, 2 coniugem, liberos eius, nisi quod sine illo sunt, captos esse non sensimus: pudicitiae earum, quae supersunt, curam haud secus quam parens agens reginas appellas, speciem pristinae fortunae retinere pateris. Vultum tuum video, qualis Darēi 4 fuit, quum dimitteremur ab eo: et ille tamen uxorem, tu hostem luges. Iam in acie stares, nisi cura te sepulturae eius*

- moraretur. Ecquid mirum est, si tam ab amico animo pacem petit? quid opus est armis, inter quos odia sublata sunt?*
- 5 *Antea imperio tuo finem destinabat Halyn amnem, qui Ly-*
diam terminat. Nunc, quicquid inter Hellespontum et Eu-
 6 *phrāten est, in dotem filiae offert, quam tibi tradit: Ochum*
filium, quem habes, pacis et fidei obsidem retine, matrem et
 7 *duas virgines filias redde: pro tribus corporibus triginta mi-*
lia talentū auri precatur accipias. Nisi moderationem
animi tui notam haberem, non dicerem, hoc esse tempus, quo
 8 *pacem non dare solum, sed etiam occupare deberes. Re-*
spice, quantum post te reliqueris: intueri, quantum petas.
Periculosum est praegrave imperium: difficile est enim, con-
 9 *tinere, quod capere non possis. Videsne, ut navigia, quae*
tam multa amiserit, quia nimiae opes magnae iacturae locum
faciunt. Facilius est, quaedam vincere, quam tueri: quam,
hercule, expeditius manus nostrae rapiunt, quam continent!
Ipsa mors uxoris Darēi admonere te potest, minus iam mise-
ricordiae tuae licere, quam licuit.
- 10 (44) Alexander, legatis excedere tabernaculo iussis,
 11 quid placeret, ad consilium refert. Diu nemo, quid senti-
 12 ret, ausus est dicere, incerta regis voluntate. Tandem
 13 Parmenio, antea suasisse, ait, ut captivos apud Damascum
 14 redimentibus redderet: ingentem pecuniam potuisse redigi
 15 ex his, qui nunc vincti virorum fortium occuparent manus.
 16 Et nunc magnopere censere, ut unam anum et duas puel-
 las, itinerum agminumque impedimenta, triginta milibus
 talentū auri permutet. Opimum regnum occupare posse
 conditione, non bello, nec quemquam alium inter Istrum
 et Euphrāten possedissee terras ingenti spatio intervallo-
 que discretas. Macedoniam quoque potius respiceret,
 quam Bactra et Indos intueretur. Ingrata oratio regi fuit
 Itaque ut finem dicendi fecit, *Et ego, inquit, pecuniam*
quam gloriam malletm, si Parmenion essem. Nunc Alexan-
der de paupertate securus sum et me non mercatorem meminī
 15 *esse, sed regem. Nihil quidem habeo venale, sed fortunam*
 16 *meam utique non vendo: captivos si placet reddi, honestius*
dono dabimus, quam pretio remitemus. Introductis deinde

legatis, ad hunc modum respondit: *Nuntiate Darëo, [gratiarum actionem apud hostem supervacaneam esse, et] me, quae fecerim clementer et liberaliter, non amicitiae eius tribuisse, sed naturae meae, [nec adversus calamitates, sed ad- 17 versus hostium vires contendere]. Bellum cum captivis et feminis gerere non soleo: armatus sit oportet, quem oderim. Quodsi saltem pacem bona fide peteret, deliberarem forsitan, 18 an darem. Verum enimvero, quum modo milites meos litteris ad proditionem, modo amicos ad perniciem meam pecunia sollicitet, ad internecionem mihi persequendus est, non ut iustus hostis, sed ut percussor veneficus. Conditiones vero 19 pacis, quas affertis, si accepero, victorem eum faciunt. Quae post Euphrâten sunt, liberaliter donat. Ubi igitur me affamini? numne obliti estis? nempe ultra Euphrâten sum. Summum ergo dotis, quam promittit, terminum castra mea transeunt. Hinc me depellite, ut sciam, vestrum esse, quod ceditis. Eadem liberalitate dat mihi filiam suam: nempe quam scio 20 alicui servorum eius nupturam. Multum vero mihi praestat, si me Mazaeo generum praeponit! Ite, nuntiate regi vestro, 21 et quae amisit et quae adhuc habet, praemia esse belli: hoc regente utriusque terminos regni, id quemque habiturum, quod proximae lucis assignatura fortuna est, [et me in Asiam 22 non venisse, ut ab aliis [leges] acciperem, sed ut aliis darem. Si secundus et non par mihi vellet haberi, facerem forsitan, quae petit. Ceterum nec mundus duobus solibus potest regi nec duo summa regna, salvo statu terrarum, potest habere. Proinde aut deditionem hodie aut in crastinum bellum paret: 23 nec aliam sibi, quam expertus est, polliceatur fortunam]. Le- 24 gati respondent, quum bellum in animo sit, facere eum simpliciter, quod spe pacis non frustraretur. Ipsos petere, ut quamprimum dimittantur ad regem: eum quoque bellum parare debere. Dimissi nuntiant, adesse certamen.*

CAP. XII.

(45) Ille quidem confestim Mazaeum cum tribus equi- 1
tum milibus ad itinera, quae hostis petiturus erat, occu-
panda praemisit. Alexander, corpori uxoris eius iustis 2

persolutis omnique graviore comitatu intra eadem muni-
 3 menta cum modico praesidio relicto, ad hostem conten-
 4 dit. In duo cornua diviserat peditem, utrique lateri equite
 4 circumdato: impedimenta sequebantur agmen. Praemis-
 sum deinde cum citis equitibus Menīdan iubet explorare,
 ubi Darēus esset. At ille, quum Mazaeus haud procul
 consedisset, non ausus ultra procedere, nihil aliud quam
 fremitum hominum hinnitumque equorum exaudisse nun-
 5 tiat. Mazaeus quoque, conspectis procul exploratoribus,
 in castra se recepit, adventus hostium nuntius. Igitur
 Darēus, qui in patentibus campis decernere optabat, ar-
 6 mari militem iubet aciemque disponit. In laevo cornu
 Bactriāni ibant equites, mille admodum, Dahae totidem, et
 Arachosii Susianique quattuor milia explebant. Hos quin-
 quaginta falcati currus sequebantur. Proximus quadrigis
 erat Bessus cum octo milibus equitum item Bactriānis.
 7 Massagētae duobus milibus agmen eius claudebant. Pe-
 dites his plurium gentium non immixtos, sed suae quas-
 que nationis iunxerat copias. Persas deinde cum Mardis
 8 Sogdianisque Ariobarzānes et Orontobātes ducebant. Illi
 partibus copiarum, summae Orsīnes praeerat, a septem
 Persis oriundus, ad Cyrum quoque, nobilissimum regem,
 9 originem sui referens. Hos aliae gentes, ne sociis qui-
 dem satis notae, sequebantur. Post quas quinquaginta
 quadrigas Phradātes magno Caspiorum agmine antecede-
 bat. Indi ceterique rubri maris accolae, nomina verius
 10 quam auxilia, post currus erant. Claudebatur hoc agmen
 aliis falcatis curribus quinquaginta: quīs peregrinum mili-
 tem adiunxerat. Hunc Armenii, quos minores appellant,
 Armenios Babylonii, utrosque Belitae et qui montes Cos-
 11 saeorum incolebant sequebantur. Post hos ibant Gor-
 tūāe, gentis quidem Euboicae, Medos quondam secuti, sed
 iam degeneres et patrii moris ignari. Applicuerat his
 Phrygas et Cataōnas. Parthienorum deinde gens, incol-
 entium terras, quas nunc Parthi Scythia profecti tenent,
 12 claudebant agmen. Haec sinistri cornus acies fuit. Dext-
 rum tenebant natio maioris Armeniae Cadusiique et Cap-
 padōces et Syri ac Medi. His quoque falcati currus quin-

quaginta erant. Summa totius exercitus, equites quadra- 13
ginta quinque milia, pedestris acies ducenta milia exple-
verat. Hoc modo instructi decem stadia procedunt iussi-
que subsistere armati hostem expectabant.

(46) Alexandri exercitum pavor, cuius causa non 14
suberat, invasit: quippe lymphati trepidare coeperunt,
omnium pectora occulto metu percurrente. Coeli fulgor,
tempore aestivo ardenti similis internitens, ignis prae-
buit speciem, flammasque ex Darēi castris splendere, velut
illati temere praesidiis, credebant. Quodsi percussis Ma- 15
zaeus, qui praesidebat itineri, supervenisset, ingens cla-
des accipi potuit: nunc, dum ille segnis in eo, quem oc-
cupaverat, tumulo sedet, contentus non lacessi, Alexander, 16
cognito pavore exercitus, signum ut consisterent dari, ante
ipsos arma deponere ac levare corpora iubet, admonens,
nullam subiti causam esse terroris, hostem procul stare.
Tandem compotes sui pariter arma et animos recepere: 17
nec quicquam ex praesentibus tutius visum est, quam eo-
dem loco castra munire. Postero die Mazaeus, qui cum 18
delectis equitum in edito colle, ex quo Macedōnum pro-
spiciebantur castra, consederat, sive metu, sive quia spe-
culari modo iussus erat, ad Darēum rediit. Macedōnes 19
eum ipsum collem, quem deseruerat, occupaverunt: nam
et tutior planitie erat et inde acies hostium, quae in campo
explicabatur, conspici poterat. Sed caligo, quam circa 20
humidi effuderant montes, universam equidem rei faciem
non abstulit, ceterum agminum discrimina atque ordinem
prohibuit perspicere. Multitudo inundaverat campos, fremitusque tot milium etiam procul stantium aures impleverat.
Fluctuari animo rex et modo suum, modo Parmeniōnis 21
consilium sera aestimatione perpendere: quippe eo ven-
tum erat, unde recipi exercitus, nisi victor, sine clade non
posset. [Movebat etiam eum multitudo hostium, respectu
paucitatis suae gentis: sed interdum reputabat, quantas 22
res cum hac gente gessisset quantosque populos fudis-
set.] Itaque, [quum spes metum vinceret, periculosius bel-
lum differre ratus, ne desperatio suis cresceret,] dissimu-
lato eo, mercenarium equitem ex Paeonia praecedere iubet.

23 Ipse phalangem, sicut antea dictum est, in duo cornua
 extenderat: utrumque cornu equites tegebant. Iamque
 nitidior lux, discussa caligine, aciem hostium ostenderat,
 et Macedōnes sive alacritate sive taedio expectationis in-
 gentem pugnantium more edidere clamorem. Redditus et
 24 pleverat. Nec iam contineri Macedōnes poterant, quin
 cursu quoque ad hostem contenderent. Melius adhuc ra-
 tus, in eodem tumultu castra munire, vallum iaci iussit:
 strenueque opere perfecto in tabernaculum, ex quo tota
 acies hostium conspiciebatur, secessit.

CAP. XIII.

1 (47) Tum vero universa futuri discriminis facies in
 oculis erat: armis insignibus equi virique splendebant, et
 omnia intentiore cura praeparari apud hostem sollicitudo
 2 praetorum agmina sua interequitantium ostendebat: ac
 pleraque inania, sicut fremitus hominum, equorum hinni-
 tus, armorum internitentium fulgor, sollicitam expectatione
 3 mentem turbaverant. Igitur sive dubius animi, sive ut
 suos experiretur, consilium adhibet, quid optimum factu
 4 esset, exquirens. Parmenio, peritissimus inter duces ar-
 tium belli, furto, non proelio opus esse censebat: intem-
 pesta nocte opprimi posse hostes: discordes moribus, lin-
 guis, ad hoc somno et improvise periculo territos, quando
 5 in nocturna trepidatione coituos? At interdiu primum
 terribiles occursuras facies Scytharum Bactrianorumque:
 hirta illis ora et intonsas comas esse, praeterea eximiam
 vastorum magnitudinem corporum. Vanis et inanibus mi-
 6 litum magis quam iustis formidinis causis moveri. De-
 inde tantam multitudinem circumfundi paucioribus posse.
 Non in Ciliciae angustiis et inviis callibus, sed in aperta
 7 et lata planitie dimicare. Omnes fere Parmeniōni assen-
 tiebantur: Polypercon haud dubie in eo consilio positam
 8 victoriam arbitrabatur. Quem intuens rex, — namque
 Parmeniōnem nuper acrius, quam vellet, increpitum rur-
 sus castigare non sustinebat, — *Latrunculorum*, inquit, *et*
furum ista sollertia est, quam praecipitis mihi: quippe illo-

rum votum unicum est, fallere. Meae vero gloriae semper 9 aut absentiam Darēi aut angustias locorum aut furtum noctis obstare non patiar: palam luce aggredi certum est: malo, me meae fortunae poeniteat, quam victoriae pudeat. Ad 10 haec illud quoque accedit: vigilias agere barbaros et in armis stare, ut ne decipi quidem possint, compertum habeo. Itaque ad proelium vos parate. Sic incitatos ad corpora curanda dimisit.

(48) Darēus id, quod Parmenio suaserat, hostem fa- 11 cturum esse coniectans frenatos equos stare magnamque exercitus partem in armis esse ac vigilias intentiore cura servari iusserat: ergo ignibus tota eius castra fulgebant. Ipse cum ducibus propinquisque agmina in armis stan- 12 tium circumibat, Solem et Mithren sacrumque et aeternum invocans ignem, ut illis dignam vetere gloria maiorumque monumentis fortitudinem inspirarent. Et profecto, si qua 13 divinae opis auguria humana mente concipi possent, deos stare secum. Illos nuper Macedōnum animis subitam incussisse formidinem: adhuc lymphatos ferri agique, arma iacentes: expetere praesides Persarum imperii debitas e vecordibus poenas. Nec ipsum ducem saniores esse: 14 quippe ritu ferarum praedam modo, quam expeteret, intuentem in perniciem, quae ante praedam posita esset, incurrere.

Similis apud Macedōnes quoque sollicitudo erat, noctemque, velut in eam certamine edicto, metu egerunt. Alexander non alias magis territus ad vota et preces Ari- 15 standrum vocari iubet. Ille in candida veste, verbenas manu praeferens, capite velato, praeibat preces regi, Iovem Minervamque [et] Victoriā propitianti. Tunc quidem 16 sacrificio rite perpetrato, reliquum noctis acquieturus in tabernaculum rediit. Sed nec somnum capere nec quietem pati poterat. Modo e iugo montis aciem in dextrum Persarum cornu demittere agitabat, modo recta fronte concurrere hosti, interdum haesitare, an potius in laevum detorqueret agmen. Tandem gravatum animi anxietate 17 corpus alior somnus oppressit.

(49) Iamque luce orta duces ad accipienda imperia

convenerant, insolito circa praetorium silentio attoniti:
 18 quippe alias accersere ipsos et interdum morantes casti-
 gare assueverat: tunc ne ultimo quidem rerum discrimine
 excitatum esse mirabantur et non somno quiescere, sed
 19 pavore marcere credebant. Non tamen quisquam ex cu-
 stodibus corporis intrare tabernaculum audebat: et iam
 tempus instabat, nec miles iniussu ducis aut arma capere
 20 poterat aut in ordines ire. Diu Parmenio cunctatus, cibum
 ut caperent, ipse pronuntiat. Iamque exire necesse erat:
 tunc demum intrat tabernaculum saepiusque nomine com-
 21 pellatum, quum voce non posset, tactu excitavit. *Multa*
lux, inquit, est: instructam aciem hostis admovit: tuus miles
adhuc inermis expectat imperium. Ubi est vigor ille animi
 22 *tui? nempe exoitare vigiles soles.* Ad haec Alexander: *Cre-*
disne, me prius somnum capere potuisse, quam exonerarem
animum sollicitudine, quae quietem morabatur? signumque
 23 pugnae tuba dari iussit. Et quum in eadem admiratione
 Parmenio perseveraret, quod solutum se curis somnum
 cepisse dixisset, *Minime, inquit, mirum est: ego enim, quum*
Darēus terram ureret, vicos excinderet, alimenta corrumpere-
 24 *ret, potens mei non eram: nunc vero quid metuam, quum acie*
decernere paret? Hercule, votum meum implevit. Sed huius
consilii postea quoque ratio reddetur: vos ite ad copias, qui-
bus quisque praeest. Ego iam adero et, quid fieri velim, ex-
 25 *ponam.* Raro admodum, admonitu magis amicorum quam
 metu discriminis adeundi, thorace uti solebat: tunc quo-
 que munimento corporis sumpto, processit ad milites. Haud
 alias tam alacrem viderant regem: et vultu eius interrito
 certam spem victoriae augurabantur.

26 (50) Atque ille, proruto vallo, exire copias iubet
 aciemque disponit. In dextro cornu locati sunt equites,
 quos agema appellabant. Praeerat his Clitus, cui iunxit
 Philōtae turmas: ceterosque praefectos equitum lateri eius
 27 applicuit. Ultima Meleāgri ala stabat, quam phalanx se-
 quebatur. Post phalangem Argyraspīdes erant: his Nicā-
 28 nor, Parmeniōnis filius, praeerat. In subsidiis cum manu sua
 Coenos, post eum Orestae Lyncestaeque sunt [positi]: post
 illos Polypercon, dux peregrini militis: huius agmini proxi-

mus Amyntas erat. Philippus Balācri Stymphaeos regebat, in societatem nuper ascitos. Haec dextri cornus facies erat. In laevo Cratērus Peloponnensium equites habebat, 29 Achaeorum et Locrensiū et Malieōn turmis sibi adiunctis. Hos Thessālī equites claudebant, Philippo duce. Peditum acies equitatu tegebatur. Frons laevi cornus haec erat. Sed ne circumiri posset a multitudine, ultimum agmen 30 valida manu cinxerat. Cornua quoque subsidiis firmavit. non recta fronte, sed a latere positis, ut, si hostis circumvenire aciem tentasset, parata pugnae forent. Hic Agri- 31 āni erant, quibus Attālus praeerat, adiunctis sagittariis Cretensibus. Ultimos ordines avertit a fronte, ut totam aciem orbe muniret. Illyrii hic erant, adiuncto milite mercede conducto. Thracas quoque simul obiecerat leviter armatos. Adeoque aciem versabilem posuit, ut, qui ul- 32 timi stabant, ne circumirentur, verti tamen et in frontem circumagi possent. Itaque non prima, quam latera, non latera munitiora fuere, quam terga.

(51) His ita ordinatis, praecipit, ut, si falcatos currus 33 cum fremitu barbari emitterent, ipsi, laxatis ordinibus, impetum incurrentium silentio exciperent, haud dubius, sine noxa transeursuros, si nemo se opponeret: sin autem sine fremitu immisissent, eos ipsi clamore terrerent pavidosque equos telis utrimque suffoderent. Qui cornibus prae- 34 erant, extendere ea iussi, ita ut nec circumvenirentur, si artius starent, nec tamen ultimam aciem exinanirent. Impedimenta cum captivis, inter quos mater liberique Darēi custodiebantur, haud procul acie in edito colle constituit, modico praesidio relicto. Laevum cornu, sicut alias, Parmeniōni tuendum datum: ipse in dextro stabat.

Nondum ad iactum teli pervenerant, quum Bion qui- 36 dam transfuga, quanto maximo cursu potuerat, ad regem pervenit, nuntians, murices ferreos in terram defodisse Darēum, qua hostem equites emissurum esse credebat, notatumque certo signo locum, ut fraus evitari a suis posset. Asservari transfuga iusso, duces convocat: exposi- 37 toque, quod nuntiatum erat, monet, ut regionem monstra tam declinent equitemque periculum edoceant.

38 (52) Ceterum hortantem exercitus exaudire non poterat, usum aurium intercipiente fremitu duorum agminum, sed in conspectu omnium duces et proximum quemque interequitans alloquebatur.

CAP. XIV.

1 Emensis tot terras in spem victoriae, de qua dimicandum foret, hoc unum superesse discrimen. Granicum hic amnem Ciliciaeque montes et Syriam Aegyptumque prae-euntibus raptas, ingentia spei gloriaeque incitamenta, re-
 2 ferebat. Reprehensos ex fuga Persas pugnatu-
 3 sent, hostium esse confessi. Nomina modo vana gentium ignotarum ne extimescerent. Neque enim ad belli discrimen pertinere, qui ab his Scythae, quive Cadusii appella-
 4 rentur. Ob id ipsum, quod ignoti essent, ignobiles esse.
 5 Nunquam ignorari viros fortes: at imbelles, ex latebris suis erutos, nihil praeter nomina afferre. Macedonas vir-
 6 tute assecutos, ne quis toto orbe locus esset, qui tales vi-
 7 ros ignoraret. Intuerentur barbarorum inconditum agmen alium nihil praeter iaculum habere, alium funda saxa li-
 8 brare, paucis iusta arma esse. Itaque illinc plures stare, hinc plures dimicatu-
 9 ros. Nec postulare se, ut fortiter capesserent proelium, ni ipse ceteris fortitudinis fuisset exemplum. Se ante prima signa dimicaturum. Spondere pro se tot cicatrices, totidem corporis decora: scire ipsos, unum paene se praedae communis exsortem in illis co-
 10 lendis ornandisque usurpare victoriae praemia. Haec se fortibus viris dicere. Si qui dissimiles eorum essent, illa fuisse dicturum: pervenisse eo, unde fugere non possent. Tot terrarum spatia emensis, tot annibus montibusque post tergum obiectis, iter in patriam et penates manu esse
 11 faciendum. Sic duces, sic proximi militum instincti sunt.

(53) Darëus in laevo cornu erat, magno suorum agmine, delectis equitum peditumque, stipatus, contempserat-

que paucitatem hostis, vanam aciem esse, extentis cornibus, ratus. Ceterum, sicut curru eminebat, dextra laeva- 9 que ad circumstantia agmina oculos manusque circumferens, *Terrarum*, inquit, *quas Oceānus hinc alluit, illinc claudit Hellespontus, paulo ante domini, iam non de gloria, sed de salute et, quod saluti praeponitis, de libertate pugnandum est. Hic dies imperium, quo nullum amplius vidit aetas, aut* 10 *constituet aut finiet. Apud Granicum minima virium parte cum hoste certavimus: in Cilicia victos Syria poterat excipere: magna munimenta regni Tigris atque Euphrātes erant. Ventum est eo, unde pulsus ne fugae quidem locus est. Om-* 11 *nia tam diutino bello exhausta post tergum sunt: non incolas suos urbes, non cultores habent terrae. Coniuges quoque et liberi sequuntur hanc aciem, parata hostibus praeda, nisi pro carissimis pignoribus corpora opponimus. Quod mea-* 12 *rum fuit partium, exercitum, quem paene immensa planities vix caperet, comparavi: equos, arma distribui: commeatus, ne tantae multitudini deessent, providi: locum, in quo acies explicari posset, elegi. Cetera in vestra potestate sunt: au-* 13 *dete modo vincere famamque, infirmissimum adversus fortes viros telum, contemnite.*

(54) *Temeritas est, quam adhuc pro virtute timuistis: quae ubi primum impetum effudit, velut quaedam animalia, emisso aculeo, torpet. Hi vero campi deprehendere pauci-* 14 *tatem, quam Ciliciae montes absconderant. Videtis ordines raros, cornua extenta, mediam aciem vanam et exhaustam: nam ultimi, quos locavit aversos, terga iam praebent. Obteri mehercule equorum ungulis possunt, etiamsi nil praeter falcatos currus emisero. Et bello vicerimus, si vicimus proe-* 15 *lio: nam ne illis quidem ad fugam locus est: hinc Euphrātes, illinc Tigris prohibet inclusos. Et quae antea pro illis erant,* 16 *in contrarium versa sunt. Nostrum mobile et expeditum agmen est, illud praeda grave. Implicatos ergo spoliis nostris trucidabimus, eademque res et causa erit victoriae et fructus. Quodsi quem e vobis nomen gentis movet, cogitet,* 17 *Macedōnum illic arma esse, non corpora. Multum enim sanguinem invicem hausimus, et semper gravior in paucitate iactura est. Nam Alexander, quantuscunque ignavis et timi-* 18

- dis videri potest, unum animal est et, si quid mihi creditis, temerarium et vecors, adhuc nostro pavore quam sua virtute*
 19 *felicior. Nihil autem potest esse diuturnum, cui non subest ratio. Licet felicitas aspirare videatur, tamen ad ultimum temeritati non sufficit. Praeterea breves et mutabiles vices*
 20 *rerum sunt, et fortuna nunquam simpliciter indulget. Forsitan ita dii fata ordinaverunt, ut Persarum imperium, quod secundo cursu per ducentos triginta annos ad summum fastigium evexerant, magno motu conculerent magis, quam affligerent admonerentque nos fragilitatis humanae, cuius*
 21 *nimia in prosperis rebus oblivio est. Modo Graecis ultro bellum inferebamus: nunc in sedibus nostris propulsamus illatum. Iactamur invicem varietate fortunae. Videlicet imperium, quia mutuo affectamus, una gens non capit.*
 22 (55) *Ceterum, etiamsi spes non subesset, necessitas tamen stimulare deberet: ad extrema perventum est. Matrem meam, duas filias, Ochum in spem huius imperii genitum, principes, illam sobolem regiae stirpis, duces vestros, regum instar, vinctos habet: nisi quid in vobis spei, ego maiore mei parte captivus sum. Eripite viscera mea ex vinculis: restituite mihi pignora, pro quibus ipsi mori non recusatis, parentem, liberos: nam coniugem in illo carcere amisi. Credite, nunc omnes hos tendere ad vos manus, implorare patrios deos, opem vestram, misericordiam, fidem exposcere, ut compedibus, ut servitute, ut precario victu ipsos liberetis. An creditis, aequo animo his servire, quorum reges esse fa-*
 23 *stidiunt? Video, admoveri hostium aciem: sed quo propius discrimen accedo, hoc minus his, quae dixi, possum esse contentus. Per ego vos deos patrios aeternumque ignem, qui praefertur altaribus, fulgoremque solis intra fines regni mei orientis, per aeternam memoriam Cyri, qui ademptum Medis Lydisque imperium primus in Persidem intulit: vin-*
 24 *dicare ab ultimo dedecore nomen gentemque Persarum. Ite alacres et spe pleni, ut, quam gloriam accepistis a maioribus vestris, posteris relinquatis. In dextris vestris iam libertatem, opem, spem futuri temporis geritis. Effugit mortem, quisquis contempserit: timidissimum quemque consequitur.*
 25 *Ipse non patrio more solum, sed etiam ut conspici possim,*

curru vehor nec recuso, quo minus imitemini me, sive fortitudinis exemplum sive ignaviae fuero.

CAP. XV.

(56) Interim Alexander, ut et demonstratum A. 331 1
a transfuga insidiarum locum circumiret et Darëo, a. Chr. n.
Kal. Octobr.
Ol. 112, 2.
qui cornu tuebatur, occurreret, agmen obliquum
incedere iubet. Darëus quoque eodem suum obvertit, 2
Besso admonito, ut Massagëtas equites in laevum Alexan-
dri cornu [a] latere invehi iuberet. Ipse ante se falcatos 3
currus habebat, quos signo dato universos in hostem ef-
fudit. Ruebant laxatis habenis aurigae, quo plures, non-
dum satis proviso impetu, obtinerent. Alios ergo hastae 4
multum ultra temonem eminentes, alios ab utroque latere
dimissae falces laceravere. Nec sensim Macedōnes cede-
bant, sed effusa fuga turbaverant ordines. Mazaeus quo- 5
que percussis metum incussit, mille equitibus ad diripienda
hostis impedimenta circumvehi iussis, ratus, captivos quo-
que, qui simul asservabantur, rupturos vincula, quum suos
appropinquantem vidissent. Non fefellerat Parmeniōnem, 6
qui in laevo erat: propere igitur Polydamanta mittit ad
regem, qui et periculum ostenderet et, quid fieri iuberet,
consuleret. Ille, audito Polydamante, *Abi, nuntia*, inquit, 7
Parmeniōni, si acie vicerimus, non nostra solum nos recupe-
ratueros, sed etiam, quae hostium sunt, occupatueros. Proinde 8
non est, quod virium quicquam subducat ex acie, sed, ut me,
ut Philippo patre dignum est, contempto sarcinarum damno,
fortiter dimicet. Interim barbari impedimenta turbaverant, 9
caesisque plerisque custodum captivi, vinculis ruptis,
quicquid obvium erat, quo armari possent, arripiunt et
aggregati suorum equitibus Macedōnas ancipiti circum-
ventos malo invadunt: laetique, qui circa Sisygambim 10
erant, vicisse Darëum, ingenti caede prostratos hostes, ad
ultimum etiam impedimentis exutos esse nuntiant: quippe
eandem fortunam ubique esse credebant et victores Per-
sas ad praedam discurren- 11
ptivis, ut animum a maerore allevaret, in eodem, quo an-
tea fuit, perseveravit. Non vox ulla excidit ei, non oris

- color vultusve mutatus est: sedit immobilis (credo, praecoci gaudio verita irritare fortunam), adeo ut, quid mallet, 12 intuentibus eam fuerit incertum. Inter haec Menidas, praefectus equitum Alexandri, cum paucis turmis opem impedimentis laturus advenerat, incertum, suone consilio, an regis imperio: sed non sustinuit Cadusiorum Scytharumque impetum: quippe vix tentato certamine refugit ad regem, amissorum impedimentorum testis magis, quam vindex.
- 13 Iam consilium Alexandri dolor vicerat, et, ne cura recuperandi sua militem a proelio averteret, non immerito verebatur. Itaque Arëten, ducem hastalorum (sarissophōros vocabant), adversus Scythas mittit.
- 14 (57) Inter haec currus, qui circa prima signa turba-
verant aciem, in phalangem inveci erant. Macedōnes con-
15 firmatis animis in medium agmen accipiunt. Vallo similis
acies erat: iunxerant hastas et ab utroque latere temere
incurrentium ilia suffodiebant. Circumire deinde currus et
16 propugnatores praecipitare coeperunt: ingens ruina equo-
rum aurigarumque aciem compleverat. Hi territos regere
non poterant, qui crebra iactatione cervicum non iugum
modo excusserant, sed etiam currus evërterant: vulnerati
interfectos trahebant, nec consistere territi nec progredi
17 debiles poterant. Paucae tamen evasere quadrigae in ulti-
mam aciem, iis, quibus inciderunt, miserabili morte con-
sumptis: quippe amputata virorum membra humi iacebant,
et quia calidis adhuc vulneribus aberat dolor, trunci quo-
que et debiles quidam arma tamen non omittebant, donec,
multo sanguine effuso, exanimati procumberent.
- 18 Interim Arêtes, Scytharum, qui impedimenta diripie-
bant, duce occiso, gravius territis instabat. Supervenere
deinde missi a Darëo Bactriāni pugnaeque vertere fortu-
nam. Multi ergo Macedōnum primo impetu obtriti sunt,
19 plures ad Alexandrum refugerunt. Tum Persae, clamore
sublato, qualem victores solent edere, ferociter in hostem,
quasi ubique profligatum, incurrerunt. Alexander territos
castigare, adhortari, proelium, quod iam elanguerat, solus
accendere, confirmatisque tandem animis ire in hostem
iubet.

(58) Rarior acies erat in dextro cornu Persarum: 20
namque inde Bactriāni discesserant ad opprimenda impedi-
menta. Itaque Alexander laxatos ordines invadit et multa
caede hostium invehitur. At qui in laevo cornu erant Per- 21
sae, spe, posse eum includi, agmen suum a tergo dimican-
tis opponunt: ingensque periculum in medio haerens
adisset, ni equites Agriāni, calcaribus subditis, circumfusus
regi barbaros adorti essent aversosque caedendo in se
obverti coëgissent. Turbata erat utraque acies. Alexander 22
et a fronte et a tergo hostem habebat: qui averso ei in-
stabant, ab Agriānis equitibus premebantur, et Bactriāni,
impedimentis hostium direptis, reversi ordines suos re-
cuperare non poterant: plura simul abrupta a ceteris ag-
mina, ubicunque alium alii fors miscuerat, dimicabant.
Duo reges, iunctis prope agminibus, proelium accenderant. 23
Plures Persae cadebant: par ferme utrimque numerus vul-
nerabatur: curru Darēus, Alexander equo vehebatur: 24
utrumque delecti tuebantur, sui immemores. Quippe
amisso rege nec volebant salvi esse nec poterant. Ante
oculos sui quisque regis mortem occumbere ducebat egre-
gium. Maximum tamen periculum adibant, quos maxime 25
tuebantur: quippe sibi quisque caesi regis expetebat decus.

(59) Ceterum, sive ludibrium oculorum sive vera spe- 26
cies fuit, qui circa Alexandrum erant, vidisse se credide-
runt paululum super caput regis placide volantem aqu-
lam, non sono armorum, non gemitu morientium territam:
diuque circa equum Alexandri pendenti magis quam vo-
lanti similis apparuit. Certe vates Aristander alba veste 27
indutus et dextra praeferens lauream militibus in pugnam
intentis avem monstrabat, haud dubium victoriae auspi-
cium. Ingens ergo alacritas et fiducia paulo ante territos 28
accendit ad pugnam, ulique postquam auriga Darēi, qui
ante ipsum sedens equos regebat, hasta transfixus est.
Nec aut Persae aut Macedōnes dubitavere, quin ipse rex
esset occisus. Ergo lugubri ululatu et incondito clamore 29
gemituque totam fere aciem adhuc aequo Marte pugnan-
tium turbavere cognati Darēi et armigeri: laevumque cornu
in fugam effusum destituerat currum, quem a dextra parte

30 stipati in medium agmen receperunt. Dicitur acinace stricto
 Darēus dubitasse, an fugae dedecus honesta morte vitaret.
 Sed eminens curru nondum omnem suorum aciem proelio
 31 excedentem destituere erubescibat: dumque inter spem
 et desperationem haesitat, sensim Persae cedebant et laxa-
 verant ordines. Alexander, mutato equo, — quippe plures
 fatigaverat, — resistentium adversa ora fodiebat, fugien-
 32 tium terga. Iamque non pugna, sed caedes erat, quum
 Darēus quoque currum suum in fugam vertit. Haerebat
 in tergis fugientium victor, sed prospectum oculorum nu-
 bes pulveris, quae ad coelum ferebatur, abstulerat: ergo
 haud secus quam in tenebris errabant, ad sonum notae
 33 vocis, ut signum, subinde coeūntes. Exaudiebant tamen
 strepitus habenarum, quibus equi currum vehentes iden-
 tūdem verberabantur: haec sola fugientis vestigia excepta
 sunt.

CAP. XVI.

1 (60) At in laevo Macedōnum cornu, quod Parmenio,
 sicut ante dictum est, tuebatur, longe alia fortuna utriusque
 partis res gerebatur. Mazaeus cum omni suorum equitatu
 2 vehementer invectus urgebat Macedōnum alas. Iamque
 abundans multitudine aciem circumvehi coeperat, quum
 Parmenio equites nuntiare iubet Alexandro, in quo discrimi-
 mine ipsi essent: ni mature subveniretur, non posse sisti
 3 fugam. Iam multum viae praeceperat rex, imminens fu-
 gientium tergis, quum a Parmeniōne tristis nuntius venit.
 Refrenare equos iussi, qui sequebantur, agmenque consti-
 tit, frendente Alexandro, eripi sibi victoriam e manibus
 4 et Darēum felicius fugere, quam se sequi. Interim ad Ma-
 zaeum superati regis fama pervenerat. Itaque, quamquam
 validior erat, tamen fortuna partium territus percussis
 languidius instabat. Parmenio ignorabat quidem causam
 sua sponte pugnae remissae, sed occasione vincendi stre-
 5 nue est usus. Thessālos equites ad se vocari iubet. *Ec-*
quid videtis, inquit, istos, qui ferociter modo instabant, pedem
referre, subito pavore perterritos? Nimirum nobis quoque
regis nostri fortuna vicit. Omnia Persarum caede strata sunt.

Quid cessatis? an ne fugientibus quidem pares estis? Vera 6
dicere videbatur, et spes languentes quoque erexerat.
Subditis calcaribus, proruere in hostem: et illi iam non
sensim, sed citato gradu recedebant, nec quicquam fugae,
nisi quod nondum terga verterant, deerat. Parmenio ta- 7
men ignarus, quaenam in dextro cornu fortuna regis es-
set, repressit suos: Mazaeus, dato pugnae spatio, non
recto itinere, sed maiore et ob id tutiore circumitu Tigrin
superat et Babyloniam cum reliquiis devicti exercitus
intrat.

(61) Darēus paucis fugae comitibus ad Lycum am- 8
nem contenderat: quo traiecto dubitavit, an solveret pon-
tem: quippe hostem iam affore nuntiabatur. Sed tot milia
suorum, quae nondum ad amnem pervenerant, ponte
resciso videbat hostis praedam fore. Abeuntem, quum 9
intactum sineret pontem, dixisse constat, malle se se-
quentibus iter dare, quam auferre fugientibus. Ipse in-
gens spatium fuga emensus media fere nocte Arbēla per-
venit.

Quis tot ludibria fortunae, ducum, agminum caedem 10
multiplicem, devictorum fugam, clades nunc singulorum,
nunc universorum aut animo assequi queat aut oratione
complecti? Propemodum saeculi res in unum illum diem
pro! fortuna cumulavit. Alii qua brevissimum patebat 11
iter, alii devios saltus et ignotas sequentibus calles pete-
bant. Eques pedesque confusi sine duce, armatis inermes,
integris debiles implicabantur. Deinde, misericordia in 12
metum versa, qui sequi non poterant, inter mutuos gemitus
deserebantur. Sitis praecipue fatigatos et saucios per-
urebat, passimque omnibus rivis prostraverant corpora,
praeterfluentem aquam hianti ore captantes. Quam quum 13
avide turbidam hausissent, tendebantur extemplo praecor-
dia, premente limo: resolutisque et torpentibus membris,
quum supervenisset hostis, novis vulneribus excitabantur.
Quidam, occupatis proximis rivis, deverterant longius, ut, 14
quicquid occulti humoris usquam manaret, exciperent,
nec ulla adeo avia et sicca lacuna erat, ut vestigantium
sitim falleret. E proximis vero itineri vicis ululatus senum 15

feminarumque exaudiebantur, barbaro ritu Darēum adhuc regem clamantium.

- 16 (62) Alexander, ut supra dictum est, inhibito suorum impetu, ad Lycum amnem pervenerat, ubi ingens multitudo fugientium oneraverat pontem: et plerique, quum hostis urgeret, in flumen se praecipitaverant gravesque armis et proelio ac fuga defatigati gurgitibus hauriebantur. Iamque non pons modo fugientes, sed ne amnis quidem capiebat agmina sua improvide subinde cumulantes: quippe ubi intravit animos pavor, id solum metuunt, quod 17 primum formidare coeperunt. Alexander, instantibus suis, impune abeuntem hostem permitteret sequi, hebetia esse tela et manus fatigatas tantoque cursu corpora exhausta 18 et praeceps in noctem diei tempus causatus est. Revera de laevo cornu, quod adhuc in acie stare credebat, sollicitus reverti ad ferendam opem suis statuit. Iamque signa converterat, quum equites a Parmeniōne missi illius quoque partis victoriam nuntiant. Sed nullum eo die maius periculum adiit, quam dum copias reducit in castra. Pauci eum et incompositi sequebantur, ovantes victoria:—quippe omnes hostes aut in fugam effusos aut in acie cecidisse 21 credebant:—quum repente ex adverso apparuit agmen equitum, qui primo inhibuere cursum, deinde, Macedōnum 22 paucitate conspecta, turmas in obvios concitaverunt. Ante signa rex ibat, dissimulato magis periculo, quam spreto. 23 Nec defuit ei perpetua in dubiis rebus felicitas: namque praefectum equitatus avidum certaminis et ob id ipsum incautius in se ruentem hasta transfixit: quo ex equo 24 lapso proximum ac dein plures eodem telo confodit. Invasere turbatos amici quoque: nec Persae inulti cadebant: quippe non universae acies, quam hae tumultuariae manus, 25 vehementius iniere certamen. Tandem barbari, quum obscura luce tutior fuga videretur esse, quam pugna, dispersis agminibus abiere. Rex extraordinario periculo defunctus incolumes suos reduxit in castra.
- 26 (63) Cecidere Persarum, quorum numerum victores finire potuerunt, milia XL: Macedōnum minus quam CCC. 27 desiderati sunt. Ceterum hanc victoriam rex maiore ex parte

virtuti quam fortunae suae debuit: animo, non, ut antea, loco vicit. Nam et aciem peritissime instruxit et promptissime 28 ipse pugnavit et magno consilio iacturam sarcinarum impedimentorumque contempsit, quum in ipsa acie summae rei videret esse discrimen: dubioque adhuc pugnae eventu pro victore se gessit: perculsos deinde hostium fudit, fugientes, quod in illo ardore animi vix credi potest, prudentius quam avidius persecutus est. Nam si, parte exercitus adhuc in acie stante, instare cedentibus perseverasset, aut culpa sua victus esset, aut aliena virtute vicisset. Iam si multitudinem equitum occurrentium extimuisset, victori aut foede fugiendum aut miserabiliter cadendum fuit. Ne duces quidem copiarum sua laude fraudandi sunt: 31 quippe vulnera, quae quisque excepit, indicia virtutis sunt. Hephaestionis brachium hasta ictum est: Perdicca et Coenobas 32 nos et Menidas sagittis prope occisi. Et si vere aestimare 33 Macedonas, qui tunc erant, volumus, fatebimur, et regem talibus ministris et illos tanto rege fuisse dignissimos.

LIBER V.

ARGUMENTUM.

- I. Dareo Mediae fines ingresso, Arbelis potitur Alexander et Babylone, cuius situs, amplitudo, corrupti mores describuntur. II. Militibus praemia proponit, ut iis otium excuteret. Susa urbem ac regum Persarum thesauros recipit, Sisymbrium solatur. III. Uxiorum regione superata, Madatem praefectum ac deditos et captivos tum libertate, tum immunitate donat Persidemque intrare cogitans ab Ariobarzane recedere cogitur. IV. Captivo quodam iter paucis cognitum aperiente, Persarum exercitum, ipso Ariobarzane occiso, delet. V. Ad Persepolim properans captivorum Graecorum IV milia liberat. VI. Opulentissima urbe Persepoli direpta, interiorum Persidis regionem petit ac Mardorum domat gentem. VII. Alexander in convivio a Thaide impulsus Persarum regiam incendit, deinde persequi Dareum statuit. VIII. Darei suos ad pugnam hortantis oratio. IX. Variarum principum sententiarum ac tumultus ob Nabarzanis, qui cum Besso prodicionis societatem inierat, consilium. X. Bessi et Nabarzanis de Dareo prodendo aut occidendo nefaria deliberatio, quam miris

artibus occultant. XI. Insidiae proditorum Dareo aperiuntur. Is tamen praesens Graecorum respuit auxilium, paratus perire, si saluum esse sui nollent milites. XII. Bessus Dareum fictis verbis et lacrimis delusum comprehendit aureisque vinctum compedibus in sordido vehiculo ad Alexandrum deducere parat. XIII. Alexander, audito Darei periculo, ad Persarum exercitum contendit. Bessus autem cum reliquis parricidis arma vultumque victoris metuens Dareum multis confossum vulneribus relinquit fugaque sibi consulit. Darei corpus repertum Alexander lacrimis prosequitur et ad Sisymbrium sepeliendum mittit.

CAP. I.

- 1 (1 ed. Zumpt.) Quae interim ductu imperioque Alexan-
- 2 dri vel in Graecia vel in Illyriis ac Thracia gesta sunt, si
- 3 suis quaeque temporibus reddere voluero, interrompen-
- 4 dae sunt res Asiae, quas utique ad fugam mortemque Da-
- 5 rēi universas in conspectum dari et, sicut inter se cohae-
- 6 rent, ita opere ipso coniungi haud paulo aptius videri
- 7 potest. Igitur ante, quae proelio apud Arbēla coniuncta
- 8 sunt, ordiar dicere.
- 9 Darēus media fere nocte Arbēla pervenerat, eodem-
- 10 que magnae partis amicorum eius ac militum fugam fortuna
- 11 compulerat. Quibus convocatis exponit, haud dubitare se,
- 12 quin Alexander celeberrimas urbes agrosque omni copia
- 13 rerum abundantes petiturus esset: praedam opimam pa-
- 14 ratamque ipsum et milites eius spectare. Id suis rebus tali
- 15 in statu saluti fore: quippe se deserta cum expedita manu
- 16 petiturum. Ultima regni sui adhuc intacta esse: inde bello
- 17 vires haud aegre reparaturum. Occuparet sane gazam
- 18 avidissima gens et ex longa fame satiare se auro, mox
- 19 futura praedae sibi: usu didicisse, pretiosam supellectilem
- 20 pellicesque et spadonum agmina nihil aliud fuisse, quam
- 21 onera et impedimenta: eadem trahentem Alexandrum, qui-
- 22 bus rebus antea vicisset, inferiorem fore. Plena omnibus
- 23 desperationis videbatur oratio, quippe Babyloniam, urbem
- 24 opulentissimam, dedi cernentibus: iam Susa, iam cetera
- 25 ornamenta regni causamque belli victorem occupaturum.
- 26 At ille docere pergit, non speciosa dictu, sed usu neces-
- 27 saria in rebus adversis sequenda esse: ferro geri bella,

non auro, viris, non urbium tectis: omnia sequi armatos: sic maiores suos percussos in principio rerum celeriter pristinam reparasse fortunam. Igitur, sive confirmatis 9 eorum animis, sive imperium magis quam consilium sequentibus, Mediae fines ingressus est.

(2) Paulo post Alexandro Arbēla traduntur, regia su- 10 plectile ditique gaza repleta: quattuor milia talentum fuere, praeterea pretiosae vestes, totius, ut supra dictum est, exercitus opibus in illam sedem congestis. Ingruen- 11 tibus deinde morbis, quos odor cadaverum totis iacentium campis vulgaverat, maturius castra movit. Euntibus a parte laeva Arabia, odorum fertilitate nobilis regio, campestre iter est. Inter Tigrin et Euphrāten iacentia tam 12 uberi et pingui solo sunt, ut a pastu repelli pecora dicantur, ne satietas perimat. Causa fertilitatis est humor, qui ex utroque amne manat, toto fere solo propter venas aquarum resudante. Ipsi amnes ex Armeniae montibus pro- 13 fluunt ac magno deinde aquarum divortio iter, quod coeperunt, percurrunt: duo milia et quingenta stadia emensi sunt, qui amplissimum intervallum circa Armeniae montes notaverunt. Iidem quum Mediae et Gordyaeorum terram 14 secare coeperunt, paulatim in artius coeunt et, quo longius manant, hoc angustius inter se spatium terrae relinquunt. Vicini maxime sunt in campis, quos incolae Mesopotamiam 15 appellant: mediam namque ab utroque latere concludunt. Iidem per Babyloniorum fines in rubrum mare irrumpunt. Alexander quartis castris ad Mennin urbem pervenit. Ca- 16 verna ibi est, ex qua fons ingentem bituminis vim effundit, adeo ut satis constet, Babylonios muros ingentis operis huius fontis bitumine interlitos esse.

(3) Ceterum Babyloniam procedenti Alexandro Ma- 17 zaeus, qui ex acie in eam urbem confugerat, cum adultis liberis supplex occurrit, urbem seque dedens. Gratus adventus eius fuit regi: quippe magni operis obsidio futura erat tam munitae urbis. Ad hoc vir illustris et manu 18 promptus famaue etiam proximo proelio celebris et ceteros ad deditionem sui incitaturus exemplo videbatur. Igitur hunc quidem benigne cum liberis excipit: ceterum 19

quadrato agmine, quod ipse ducebat, velut in aciem irent, ingredi suos iubet. Magna pars Babyloniorum constiterat in muris, avida cognoscendi novum regem: plures obviam
 20 egressi sunt. Inter quos Bagophānes, arcis et regiae pecuniae custos, ne studio a Mazaeo vinceretur, totum iter floribus coronisque constraverat, argenteis altaribus utroque latere dispositis, quae non tunc modo, sed omnibus
 21 odoribus cumulaverat. Dona eum sequebantur greges pecorum equorumque: leones quoque et pardales caveis
 22 praeferebantur. Magi deinde suo more carmen canentes, post hos Chaldaei Babyloniorumque non vates modo, sed etiam artifices cum fidibus sui generis ibant: laudes hi regum canere soliti, Chaldaei siderum motus et statas vi-
 23 ces temporum ostendere. Equites deinde Babylonii, suo equorumque cultu ad luxuriam magis quam ad magnificentiam exacto, ultimi ibant. Rex armatis stipatus oppidanorum turbam post ultimos pedites ire iussit: ipse cum curru urbem ac deinde regiam intravit. Postero die supellectilem Darēi et omnem pecuniam recognovit.

24 (4) Ceterum ipsius urbis pulchritudo ac vetustas non regis modo, sed etiam omnium oculos in semet haud immerito convertit. Semirāmis eam condiderat, non, ut ple-
 25 rique credidere, Belus, cuius regia ostenditur. Murus instructus laterculo coctili, bitumine interlitus, spatium XXX et duorum pedum [in] latitudinem amplectitur: quadrigae
 26 inter se occurrentes sine periculo commeare dicuntur. Altitudo muri L cubitorum eminent spatio: turres denis pedibus quam murus altiores sunt. Totius operis ambitus CCCLXV stadia complectitur: singulorum stadiorum structuram singulis diebus perfectam esse memoriae proditum est. Aedificia non sunt admota muris, sed fere spatium
 27 iugeri unius absunt. Ac ne totam quidem urbem tectis occupaverunt: per LXXX stadia habitatur, nec omnia continua sunt, credo, quia tutius visum est, pluribus locis spargi. Cetera serunt coluntque, ut, si externa vis ingruat, obses-
 28 sis alimenta ex ipsius urbis solo subministrentur. Euphrātes interfluit magnaeque molis crepidinibus coercetur. Sed omnium operum magnitudinem circumveniunt cavernae

ingentes, in altitudinem pressae ad accipiendum impetum fluminis, quod, ubi appositae crepidinis fastigium excessit, urbis tecta corripere, nisi essent specus lacusque, qui exciperent. Cocili laterculo structi sunt: totum opus bitumine adstringitur. Pons lapideus flumini impositus iungit urbem. Hic quoque inter mirabilia orientis opera numeratus est: quippe Euphrātes altum limum vehit, quo penitus ad fundamenta iacienda egesto vix sustinendo operi firmum reperiunt solum: arenae autem subinde cumulatae et saxis, quīs pons sustinetur, annexae morantur amnem, qui retentus acrius, quam si libero cursu mearet, illiditur. (5) Arcem quoque ambitu XX stadia complexam habent. XXX pedes in terram turrium fundamenta demissa sunt, ad LXXX summum munimenti fastigium pervenit. Super arcem, vulgatum Graecorum fabulis miraculum, pensiles horti sunt, summam murorum altitudinem aequantes multarumque arborum umbra et proceritate amoeni. Saxo pilae, quae totum onus sustinent, instructae sunt: super pilas lapide quadrato solum stratum est, patiens terrae, quam altam iniiciunt, et humoris, quo rigant terras: adeoque validas arbores sustinent moles, ut stipites earum VIII cubitorum spatium crassitudine aequent, in L pedum altitudinem emineant, frugiferaeque sint, ut si terra sua alerentur. Et quum vetustas non opera solum manu facta, sed etiam ipsam naturam paulatim exedendo perimat, haec moles, quae tot arborum radicibus premitur tantique nemoris pondere onerata est, inviolata durat: quippe XX [pedes] lati parietes sustinent, undecim pedum intervallo distantes, ut procul visentibus silvae montibus suis imminere videantur. Syriae regem Babylōne regnantem hoc opus esse molitum memoriae proditum est, amore coniugis victum, quae desiderio nemorum silvarumque in campestribus locis virum compulit amoenitatem naturae genere huius operis imitari.

(6) Diutius in hac urbe quam usquam constitit rex: nec alius locus disciplinae militari magis nocuit. Nihil urbis eius corruptius moribus, nihil ad irritandas illiciendasque immodicas cupiditates instructius. Liberos coniuges-

que cum hospitibus stupro coire, modo pretium flagitii detur, parentes maritique patiuntur. Convivales ludi tota Perside regibus purpuratisque cordi sunt: Babylonii maxime in vinum et quae ebrietatem sequuntur effusi sunt.

38 Feminarum convivia ineuntium in principio modestus est habitus: dein summa quaeque amicula exuunt paulatimque pudorem profanant: ad ultimum (honus auribus habitus sit) ima corporum velamenta proiiciunt. Nec meretricum hoc dedecus est, sed matronarum virginumque, apud quas
39 comitas habetur vulgati corporis vilitas. Inter haec flagitia exercitus ille domitor Asiae per XXXIV dies saginatus ad ea, quae sequebantur, discrimina haud dubie debilior futurus fuit, si hostem habuisset.

Ceterum, quo minus damnum sentiret, identidem in-
40 cremento renovabatur. Namque Amyntas Andromēni ab Antipätro Macedōnum peditum sex milia adduxit, D prae-
41 terea eiusdem generis equites: cum his DC Thracas, adiunctis peditibus suae gentis III milibus quingentis: et ex Peloponnēso mercenarius miles ad IV milia advenerat cum
42 CCCLXXX equitibus. Idem Amyntas adduxerat L principum Macedoniae liberos adultos ad custodiam corporis: quippe inter epulas hi sunt regis ministri, iidemque equos ineuntibus proelium admovent venantesque comitantur et vigiliarum vices ante cubiculi fores servant: magnorumque praefectorum et ducum haec incrementa sunt et rudimenta.

43 Igitur rex, arcis Babyloniae Agathōne praesidere iusso cum DCC Macedōnum trecentisque mercede conductis, praetores, qui regioni Babyloniae ac Ciliciae praessent, Menētem et Apollodōrum relinquit. Duo milia his militum cum mille talentis data: utrique praeceptum, ut in
44 supplēmentum milites legerent. Mazaeum transfugam satrapea Babyloniae donat, Bagophānem, qui arcem traderat, se sequi iussit: Armenia Mithrēni, Sardium proditori,
45 data est. Ex pecunia deinde Babyloniae tradita Macedōnum equitibus sexceni denarii tribut: peregrinus eques quingenos accepit, ducenos pedes, trium stipendium mensium.

CAP. II.

(7) His ita compositis, in regionem, quae Satrapēne 1 vocatur, pervenit. Fertilis terra, copia rerum et omni com-
 meatu abundans. Itaque diutius ibi substitit ac, ne desi- 2
 des otio demitterent animos, iudices dedit praemiaque
 proposuit de virtute militari certantibus. Novem, qui for- 3
 tissimi iudicati essent, singulis militum milibus praefuturi
 erant (chiliarchas vocabant), tunc primum in hunc nume-
 rum copiis distributis: namque antea quingenariae cohortes
 fuerant nec fortitudinis praemia cesserant. Ingens mili- 4
 tum turba convenerat, egregio interfutura certamini, testis
 eadem cuiusque factorum et de iudiciis latura senten-
 tiam: quippe verone an falso honos cuique haberetur,
 ignorari non poterat. Primus omnium virtutis causa dona- 5
 tus est Atharriās senior, qui omissum apud Halicarnasson
 a iunioribus proelium unus maxime accenderat: proximus
 ei Antigēnes visus est: tertium locum Philōtas Augaeus
 obtinuit: quartus Amyntae datus: post hos Antigōnus et ab
 eo Lyncestes Amyntas fuit: septimum locum Theodōtus,
 ultimum obtinuit Hellanīeus. In disciplinā quoque militaris 6
 rei a maioribus [tradita] pleraque summa utilitate mutavit.
 Nam quum ante equites in suam quisque gentem describe-
 rentur seorsus a ceteris, exempto nationum discrimine,
 praefectis, non utique suarum gentium, sed delectis, attri-
 buit. Tuba, quum castra movere vellet, signum dabat, cu- 7
 ius sonus plerumque, tumultuantium fremitu exoriente,
 haud satis exaudiebatur: ergo perticam, quae undique
 conspici posset, supra praetorium statuit, ex qua signum
 eminebat, pariter omnibus conspicuum: observabatur ignis
 noctu, fumus interdiu.

(8) Iamque Susa ei adituro Abulites, regionis eius 8
 praefectus, sive Darēi iussu, ut Alexandrum praeda reti-
 neret, sive sua sponte filium obviam misit, traditurum se
 urbem promittens. Benigne iuvenem excepit rex et eodem 9
 duce ad Choaspen amnem pervenit, delicatam, ut fama est,
 vehementem aquam. Hic Abulites cum donis regalis opulen- 10
 tiaē occurrit. Dromades cameli inter dona erant, velocita-

tis eximiae, XII elephantī a Darēo ex India acciti, iam non
 terror, ut speraverat, Macedōnum, sed auxilium, opes victi
 11 ad victorem transferente fortuna. Ut vero urbem intravit,
 incredibilem ex thesauris summam pecuniae egressit, L
 milia talentū argenti non signati forma, sed rudi pon-
 12 dere. Multi reges tantas opes longa aetate cumulaverant
 liberis posterisque, ut arbitrabantur, quas una hora in
 13 externi regis manus intulit. Consedit deinde in regia sella
 multo excelsiore, quam pro habitu corporis. Itaque quum
 pedes imum gradum non contingerent, unus ex regiis
 14 pueris mensam subdidit pedibus. Et quum spadonem,
 qui Darēi fuerat, ingemiscentem conspexisset rex, causam
 maestitiae requisivit. Ille indicat, Darēum vesci in ea so-
 litum seque sacram eius mensam ad ludibrium reciden-
 15 tem sine lacrimis conspicere non posse. Subiit ergo regem
 verecundia violandi hospitales deos, iamque subduci iu-
 bebatur, quum Philōtas: *Minime vero haec feceris, rex, sed*
omen quoque accipe, mensam, ex qua libavit hostis epulas,
tuis pedibus esse subiectam.

16 (9) Rex Persīdis finem aditurus Susa urbem Archelāo
 et praesidium III milium tradidit: Xenophīlo arcis cura
 mandata est, Macedōnum aetate gravibus praesidere arcis
 17 custodiae iussis: thesaurorum Callicrāti tutela permissa:
 satrapea regionis Susiānae restituta Abulitae. Matrem
 18 quoque Darēi et liberos in eadem urbe deponit. Ac forte
 Macedonicas vestes multamque purpuram dono ex Mace-
 donia sibi missam cum his, quae confecerant, tradi Sisy-
 gambi iubet: — omni namque honore eam et filii quoque
 19 pietate prosequebatur: — admonerique iussit, ut, si cordi
 quoque vestis esset, conficere eam neptes suas assueface-
 ret: dono se, quae docerent, dare. Ad hanc vocem lacri-
 mae obortae prodidere animum aspernantis id munus:
 quippe non aliud magis in contumeliam Persarum feminae
 20 accipiunt, quam admoveere lanae manus. Nuntiant, qui
 dona tulerant, tristem esse Sisygambim, dignaque res et
 excusatione et solatio visa. Ipse ergo pervenit ad eam et,
Mater, inquit, *hanc vestem, qua indutus sum, sororum non*
donum solum, sed etiam opus vides: nostri decipere me mo-

*res. Cave, obsecro, in contumeliam acceperis ignorationem 21
meam. Quae tui moris esse cognovi, ut spero, abunde servata
sunt. Scio, apud vos filio in conspectu matris nefas esse con- 22
sidere, nisi quum illa permisit: quotiescunque ad te veni, do-
nec, ut considerem, annueres, restiti. Procumbens venerari
me saepe voluisti: inhibui. Dulcissimae matri Olympiadi
nomen debitum tibi reddo.*

CAP. III.

(10) Mitigato animo eius, rex quartis castris pervenit 1
ad Tigrim fluvium: Pasitigrim incolae vocant. Oritur in
montibus Uxiorum et per L stadia silvestribus ripis prae-
ceps inter saxa devolvitur. Accipiunt deinde eum campi, 2
quos clementiore alveo praeterit, iam navium patiens. DC
sunt stadia mollioris soli, per quod leni tractu aquarum
Persico mari se insinuat. Amne superato, cum IX milibus 3
peditum et Agriānis sagittariisque [et] Graecorum merce-
nariorum tribus milibus, additis Thracum [mille], in regio-
nem Uxiorum pervenit. Finitima Susis est et in primam
Persidem excurrit, artum inter se et Susiānos aditum re-
linquens. Madātes erat regionis praefectus, haud sane 4
temporum homo: quippe ultima pro fide experiri decreve-
rat. Sed periti locorum Alexandrum docent, occultum iter 5
esse per calles et aversum ab urbe: si paucos misisset le-
viter armatos, super capita hostium evasuros. Quum 6
consilium placuisset, iidem itinerum fuerunt duces. M et
D mercede conducti et Agriāni fere mille Taurōni prae-
fecto dati ac post solis occasum iter ingredi iussi. Ipse, 7
tertia vigilia castris motis, circa lucis ortum superat an-
gustias caesaque materia cratibus et pluteis faciundis, ut,
qui turres admoverent, extra teli iactum essent, urbem
obsidere coepit. Praerupta erant omnia, saxis et cotibus 8
impedita. Multis ergo vulneribus depulsi, ut quibus non
cum hoste solum, sed etiam cum loco dimicandum esset,
subibant tamen, quia rex inter primos constiterat, inter- 9
rogans, tot urbium victores an erubescerent haerere in
obsidione castelli exigui et ignobilis, simul admonens,
iam * *.

Inter haec eminus petebatur: quem testudine obiecta milites, [ubi], ut inde cederet, percellere nequierant,uebantur.

- 10 (11) Tandem Tauron super arcem urbis se cum suo agmine ostendit: ad cuius conspectum et hostium animi
11 labare et Macedōnes acrius proelium inire coeperunt. Anceps oppidanos malum urgebat, nec sisti vis hostium poterat. Paucis ad moriendum, pluribus ad fugam animus fuit, magna pars in arcem concessit. Inde XXX oratoribus missis ad deprecandum, triste responsum a rege redditur,
12 non esse veniae locum. Itaque suppliciorum quoque metu percussi ad Sisygambim, Darēi matrem, occulto itinere ignotoque hostibus mittunt, qui peterent, ut ipsa regem mitigaret, haud ignari, parentis eam loco diligi colique. Et Madātes sororis eius filiam secum matrimonio iunxerat,
13 Darēum propinqua cognatione contingens. Diu Sisygambis supplicum precibus repugnauit, abnuens, deprecationem pro illis convenire fortunae, in qua esset: adiecitque, metuere sese, ne victoris indulgentiam fatigaret, saepius-
14 que cogitare, captivam esse se, quam reginam fuisse. Ad ultimum victa litteris Alexandrum ita deprecata est, ut id ipsum excusaret, quod deprecaretur: petere se, ut illis quoque, si minus, sibi ignosceret: pro necessario ac propinquo suo, iam non hoste, sed supplice, tantum vitam
15 precari. Moderationem clementiamque regis, quae tunc fuit, vel una haec res possit ostendere: non Madāti modo ignovit, sed omnes et deditos et captivos libertate atque immunitate donavit, urbem reliquit intactam, agros sine tributo colere permisit. A victore Darēo plura mater non impetrasset.
- 16 (12) Uxiorum dein gentem subactam Susianorum satrapae contribuit: divisisque cum Parmeniōne copiis illum campestri itinere procedere iubet, ipse cum expedito agmine iugum montium cepit, quorum perpetuum dorsum
17 in Persīdem excurrit. Omni hac regione vastata, tertio die Persīdem, quinto angustias, quas illi Susīdas pylas vocant, intrat. Ariobarzānes has cum XXV milibus peditum occupaverat rupes abscissas et undique praeruptas, in qua-

rum cacuminibus extra teli iactum barbari stabant, de industria quieti et paventibus similes, donec in artissimas fauces penetraret agmen. Quod ubi contemptu sui pergere 18 vident, tum vero ingentis magnitudinis saxa per montium prona devolvunt, quae incussa saepius subiacentibus petris maiore vi incidebant nec singulos modo, sed agmina proterebant. Fundis quoque excussi lapides et sagittae 19 undique ingerebantur. Nec id miserrimum fortibus viris erat, sed quod inulti, quod ferarum ritu, velut in fovea deprehen- si, caederentur. Ira igitur in rabiem versa, eminens 20 tia saxa complexi, ut ad hostem pervenirent, alius alium levantes conabantur ascendere. Ea ipsa multorum simul manibus correpta et convulsa in eos, qui commoverant, recidebant. Nec stare ergo poterant nec niti, ne testudine 21 quidem protegi, quum tantae molis onera propellerent barbari. Regem non dolor modo, sed etiam pudor temere in illas angustias eiecti exercitus angebat. Invictus ante eam 22 diem fuerat, nihil frustra ausus: impune Ciliciae fauces intraverat, mare quoque novum in Pamphyliam iter aperuerat: tunc haesitabat deprehensa felicitas, nec aliud remedium erat, quam reverti, qua venerat. Itaque signo receptui dato, densatis ordinibus scutisque super capita 23 concertis, retro evadere ex angustiis iubet. XXX fuere stadia, quae remensi sunt.

CAP. IV.

(13) Tum castris undique aperto loco positis, non consultare modo, quid agendum esset, sed vates quoque adhibere coepit a superstitione animi. Sed quid tum praedicere Aristander, cui plurimum credebat ex vatibus, poterat? Itaque damnatis intempestivis sacrificiis, peritos locorum convocari iubet. Per Mediam iter ostendebant tutum apertumque: sed rex deserere milites insepultos erubescere, 3 ita tradito more, ut vix ullum militiae tam sollemne esset munus, quam humandi suos. Captivos ergo, quos nuper 4 exceperat, vocari iubet: inter quos erat quidam Graecae Persicaeque linguae peritus, qui frustra eum in Persidem montium dorso exercitum ducere affirmat: silvestres esse

- calles, vix singulis pervios: omnia contegi frondibus im-
5 plexosque arborum ramos silvas committere. Namque Persis ab altero latere perpetuis montium iugis clauditur: quod in longitudinem MDC, in latitudinem CLXX stadia procurrit. Hoc dorsum a Caucāso monte ad rubrum mare pertinet: quaque defecit mons, aliud munimentum, fretum, obiectum
6 est. Planities deinde sub radicibus montium spatiosa procumbit, fertilis terra multisque vicis atque urbibus frequens. Araxes amnis per hos campos multorum aquas torrentium evolvit in Medum: Medus ad mare ad meridiem versus — minor amnis eo, quem accepit — evehitur, gignendaeque herbae non alius est aptior, quicquid alluit,
8 floribus vestiens. Platani quoque et populi contegunt ripas, ita ut procul visentibus continuata videantur montibus nemora riparum. Quippe obumbratus amnis presso in solum alveo dilabitur, imminetque colles, ipsi quoque
9 frondibus laeti, radices eorum humore subeunte. Regio non alia tota Asia salubrior habetur: temperat coelum hinc perpetuum iugum opacum et umbrosum, quod aestus levat, illinc mare adiunctum, quod modico tepore terras fovet.
- 10 (14) His captivus expositis interrogatus a rege, auditur an oculis comperta haberet, quae diceret, pastorem se fuisse et omnes eas calles percurrisse respondit: bis
11 captum, semel a Persis in Lycia, iterum ab ipso. Subit animum regis memoria oraculo editae sortis: quippe consulenti responsum erat, ducem in Persidem ferentis viae
12 Lycium civem fore. Igitur promissis, quanta et praesens necessitas exigebat et ipsius fortuna capiebat, oneratum armari iubet Macedōnum more et, quod bene verteret, monstrare iter: quamvis arduum et praeceps, evasurum se esse cum paucis, nisi forte crederet, quo ipse pecoris causa isset, Alexandrum pro gloria et perpetua laude ire
13 non posse. Etiam atque etiam docere captivus, quam difficile iter esset, maxime armatis. Tum rex, *Praedem*, inquit, *me accipe, neminem eorum, qui sequuntur, recusaturum*
14 *ire, qua duces*. Cratēro igitur ad custodiam castrorum relicto cum peditibus, quīs assueverat, et iis copiis, quas

Meleāger ducebat, et sagittariis equitibus M praecipit, ut castrorum specie manente, plures de industria ignes fieri imperet, quo magis barbari credant, ipsum regem in castris esse. Ceterum, si forte Ariobarzānes cognovisset, 15 per callium anfractus intrare, et ad occupandum iter suum partem copiarum tentasset opponere, Cratērus eum, illato terrore, retineret, ad propius periculum conversurum agmen: sin autem ipse hostem fefellisset et saltum occupasset, quum trepidantium barbarorum tumultum exaudisset [et] persequentium regem, id ipsum iter, quo pridie pulsi fuerant, ne dubitaret ingredi: quippe vacuum fore, hostibus in semet aversis.

(15) Ipse tertia vigilia, silenti agmine ac ne tuba quidem 17 dato signo, pergit ad demonstratum iter callium. Tri-dui alimenta portare militem iusserat, leviter armatum. Sed praeter invias rupes ac praerupta saxa, vestigium sub- 18 inde fallentia, nix cumulata vento ingredienti fatigabat: quippe, velut in foveas delati, hauriebantur et, quum a commilitonibus allevarentur, trahebant magis adiuvantes, quam sequebantur. Nox quoque et ignota regio ac dux, incertum, an satis fidus, multiplicabant metum: si custodes fefellisset, quasi feras bestias ipsos posse deprehendi: ex unius captivi vel fide vel anima pendere et regis salutem et suam. Tandem venere in iugum. A dextra iter ad ipsum 20 Ariobarzānen erat: hic Philōtam et Coenon cum Amynta et Polyperconte, expeditam habentes manum, relinquit, monitos, quia et eques pediti erat mixtus, ut, quum pinguis- 21 simum esset solum et pabuli fertile, sensim procederent: duces erant itineris de captivis dati. Ipse cum armigeris et ala, quam agema appellabant, ardua semita, sed longius a stationibus hostium remota, multa cum vexatione processit. Medius erat dies, et fatigatis necessaria quies: quippe tantundem itineris supererat, quantum 22 emensi erant, sed minus praecipitis atque ardui. Itaque 23 refectis cibo somnoque militibus, secunda vigilia surgit. Et cetera quidem haud aegre praeterit: ceterum, qua semontium iugum paulatim ad planiora demittit, ingens vorago, concursu cavata torrentium, iter ruperat. Ad hoc 24

arborum rami alius alio implicati et cohaerentes ut perpetuam obiecerant sepem. Desperatio igitur ingens, adeo ut
 25 vix lacrimis abstinerent, incesserat. Praecipue obscuritas terrori erat: nam etiamsi qua sidera internitebant, continenti fronde tectae arbores conspicerere prohibebant. Ne aurium quidem usus supererat, silvas quatiente vento, qui concurrentibus ramis maiorem, quam pro flatu, sonum
 26 edebat. Tandem expectata lux omnia, quae terribiliora nox fecerat, minuit: circumiri brevi spatio poterat eluvies, et sibi quisque dux itineris coeperat fieri.

27 (16) Evadunt ergo in editum verticem: ex quo hostium statione conspecta strenue armati a tergo se ostendunt nihil tale metuentibus: quorum pauci, qui congregari
 28 ausi erant, caesi sunt. Itaque hinc morientium gemitus, hinc ad suos recurrentium miserabilis facies integros quoque, antequam discrimen experirentur, in fugam avertit.
 29 Fremitu deinde in castra, quibus Cratērus praesidebat, illato, ad occupandas angustias, in quibus pridie haeserant, miles educitur. Simul et Philōtas cum Polyperconte Amyntaque et Coeno diversum iter ingredi iussus alium terro
 31 rem intulit barbaris. Undique ergo Macedōnum armis fulgentibus, ancipiti malo oppressi memorabile tamen proelium edunt. Ut opinor, ignaviam quoque necessitas acuit,
 32 et saepe desperatio spei causa est. Nudi complectebantur armatos et ingenti corporum mole secum ad terram detrahentes ipsorum telis plerosque fodiebant. Ariobarzānes
 33 tamen XL ferme equitibus et quinque milibus peditum stipatus per mediam aciem Macedōnum cum multo suorum atque hostium sanguine erupit, Persepōlim urbem,
 34 caput regionis, occupare festinans. Sed a custodibus urbis exclusus, consecutis strenue hostibus, cum omnibus fugae comitibus, renovato proelio, cecidit. Cratērus quoque, raptim agmine acto, supervenit.

CAP. V.

1 (17) Rex eodem loco, quo hostium copias fuderat, castra communit. Quamquam enim undique fugati hostes victoriam concesserant, tamen praealtae praecipitesque

fossae, pluribus locis obiectae, abruperant iter, sensimque et caute progrediendum erat, iam non hostium, sed locorum fraude suspecta. Procedenti ei litterae redduntur 2 a Tiridate, custode pecuniae regiae, indicantes, eos, qui in urbe essent, audito eius adventu, diripere velle thesauros dimissos: properaret occupare: expeditum iter esse, quamquam Araxes amnis interfluat. Nullam virtutem regis 3 istius magis quam celeritatem laudaverim. Relictis pedestribus copiis, tota nocte cum equitibus itineris tanto spatio fatigatis ad Araxen prima luce pervenit. Vici erant 4 in propinquo: quibus dirutis pontem ex materia eorum, subditis saxis, strenue induxit.

Iamque haud procul urbe erant, quum miserabile ag- 5 men, inter pauca fortunae exempla memorandum, regi occurrit. Captivi erant Graeci, ad quattuor milia fere, quos Persae vario suppliciorum modo affecerant: alios pedibus, 6 quosdam manibus auribusque amputatis inustisque barbararum litterarum notis in longum sui ludibrium reservaverant: et quum se quoque alienae ditionis esse cernerent, volentes regi occurrere non prohibuerant. Invisitata si- 7 mulacra, non homines videbantur, nec quicquam in illis praeter vocem poterat agnosci. Plures igitur lacrimas commovere, quam profuderant ipsi: quippe in tam multiplici variaque fortuna singulorum intuentibus similes quidem, sed tamen dispares poenas, quis maxime miserabilis esset, liquere non poterat. Ut vero Iovem illi tandem, Grae- 8 ciae ultorem, aperuisse oculos conclamavere, omnes pari supplicio affecti sibi videbantur. Rex, abstersis, quas profuderat, lacrimis, bonum habere animum iubet, visuros urbes suas coniugesque: et castra inde duo ab urbe stadia communit.

(18) Graeci excesserant vallo, deliberaturi, quid po- 9 tissimum a rege peterent: quumque aliis sedem in Asia rogare, aliis reverti domos placeret, Euctemon Cymaeus ita locutus ad eos fertur: *Ii, qui modo etiam ad opem pe- 10 tendam ex tenebris et carcere procedere erubuimus, ut nunc est, supplicia nostra, quorum nos pudeat magis, an poeniteat, incertum est, ostentare Graeciae velut laetum spectaculum*

- 11 *cupimus. Atqui optime miseras ferunt, qui abscondunt: nec ulla tam familiaris est infelicibus patria, quam solitudo et status prioris oblivio. Nam qui multum in suorum misericordia ponunt, ignorant, quam celeriter lacrimae inarescant.*
- 12 *Nemo fideliter diligit, quem fastidit: nam et calamitas querula est et superba felicitas. Ita suam quisque fortunam in consilio habet, quum de aliena deliberat. Nisi mutuo essemus miseri, olim alius alii potuissemus esse fastidio: quid mirum*
- 13 *est, fortunatos semper parem quaerere? Obsecro vos, olim vita defuncti quaeramus locum, in quo haec semesa membra obruamus, ubi horribiles cicatrices celet exilium. Grati prorsus coniugibus, quas iuvenes duximus, revertemur! Liberi in flore et aetatis et rerum agnoscent patres ergastuli detri-*
- 14 *menta? Et quota pars nostri tot obire terras potest? Procul Europa in ultima orientis relegati, senes, debiles, maiore membrorum parte multati, tolerabimus scilicet, quae armatos*
- 15 *et victores fatigarunt. Coniuges deinde, quas captis fors et necessitas unicum solatium applicuit, parvosque liberos trahimus nobiscum, an relinquimus? Cum his venientes nemo*
- 16 *agnoscere volet. Relinquemus ergo extemplo praesentia pignora, quum incertum sit, an visuri simus illa, quae petimus? Inter hos latendum est, qui nos miseros nosse coeperunt. Haec Euctemon.*
- 17 (19) Contra Theactētus Atheniensis orsus est dicere: Neminem pium habitu corporis suos aestimaturum, utique saevitia hostis, non natura calamitosos. Dignum esse omni malo, qui erubesceret fortuito: tristem enim de mortalitate ferre sententiam et desperare misericordiam, quia ipse
- 18 alteri denegaturus sit. Deos, quod ipsi nunquam optare ausi forent, offerre patriam, coniuges, liberos et quicquid
- 19 homines vel vita aestimant vel morte redimunt. Quin illi ex hoc carcere erumperent: alium domi esse coeli haustum, alium lucis aspectum: mores, sacra, linguae commercium etiam a barbaris expeti: quae ingenita ipsi omisuri sint sua sponte, non ob aliud tam calamitosi, quam
- 20 quod illis carere coacti essent. Se certe rediturum ad penates et in patriam tantoque beneficio regis usurum: si quos contubernii liberorumque, quos servitus coëgisset

agnoscere, amor detineret, relinquerent, quibus nihil patria carius esset.

Pauci huius sententiae fuere: ceteros consuetudo natura potior vicit. Consenserunt, petendum esse a rege, ut aliquam ipsis attribueret sedem. Centum ad hoc electi sunt: quos Alexander ratus, quod ipse praestare cogitabat, petituros, *Iumenta*, inquit, *assignari*, *quae vos veherent*, *et singulis vestrum milia denarium dari iussi*. *Quum redieritis in Graeciam, praestabo, ne quis statum suum, si haec calamitas absit, vestro credat esse meliorem*. Illi, obortis lacrimis, terram intuebantur nec aut erigere vultus aut loqui audebant: tandem, rege tristitiae causam exigente, Euctemon similia iis, quae in consilio dixerat, respondit. Atque ille non fortunae solum eorum, sed etiam poenitentiae misertus terna milia denarium singulis dari iussit: denae vestes adiectae sunt, et armenta cum pecoribus ac frumento data, ut coli serique attributus iis ager posset.

CAP. VI.

(20) Postero die convocatos duces copiarum docet, 1 nullam infestiorum urbem Graecis esse, quam regiam veterum Persidis regum. Hinc illa immensa agmina infusa: hinc Darum prius, dein Xerxem Europae impium intulisse bellum. Excidio illius parentandum esse maioribus. Iamque barbari, deserto oppido, qua quemque metus agebat, diffugerant: quum rex phalangem nihil cunctatus inducit. Multas urbes refertas opulentia regia partim expugnaverant, partim in fidem acceperant, sed urbis huius divitiae vicere praeterita. In hanc 3 totius Persidis opes congesserant barbari: aurum argentumque cumulatam erat, vestis ingens modus, supellex non ad usum, sed ad ostentationem luxus comparata. Itaque inter ipsos victores ferro dimicabatur: pro hoste erat, qui pretiosorem occupaverat praedam: et quum omnia, quae reperiebant, capere non possent, iam res non occupabantur, sed aestimabantur. Lacerabant regias vestes, 5 ad se quisque partem trahentes: dolabris pretiosae artis vasa caedebant: nihil neque intactum erat neque integrum

A. 330
a. Chr. n. 2
mense
Ianuario.
Ol. 112, 2.

- ferebatur: abrupta simulacrorum membra, ut quisque avel-
6 lerat, trahebat. Neque avaritia solum, sed etiam crudelitas
in capta urbe grassata est: auro argentoque onusti vilia
captorum corpora trucidabant, passimque obvii caede-
7 bantur, quos ante pretium sui miserabiles fecerat. Multi
ergo hostium manus voluntaria morte occupaverunt, pre-
tiosissima vestium induti e muris semetipsos cum coniu-
gibus ac liberis in praeceps iacentes. Quidam ignes (quod
paulo post facturis hostis videbatur) subiecerant aedibus,
8 ut cum suis vivi cremarentur. Tandem suis rex corporibus
et cultu feminarum abstinere iussit. Ingens captivae pe-
9 cuniae modus traditur, prope ut fidem excedat. Ceterum
aut de aliis quoque dubitabimus, aut credemus, in huius
urbis gaza fuisse C et XX milia talentum: ad quae vehenda
(namque ad usus belli secum portare decreverat) iumenta
10 et camelos a Susis et a Babylone contrahi iussit. Acces-
sere ad hanc pecuniae summam, captis Persagadis, sex
milia talentum. Cyrus Persagadum urbem condiderat, quam
Alexandro praefectus eius Gobares tradidit.
- 11 (21) Rex arcem Persepölis, III milibus Macedonum
praesidio relictis, Nicarchiden tueri iubet: Tiridati quoque,
qui gazam tradiderat, servatus est honos, quem apud Da-
reum habuerat: magnaue exercitus parte et impedimentis
ibi relictis Parmeniöna Craterumque praefecit. A. 330
- 12 Ipse cum mille equitibus peditumque expedita ^{a. Chr. n.}
manu interiorem Persidis regionem sub ipsum Ver- ^{vere.}
giliarum sidus petiit multisque imbribus et prope intole-
rabili tempestate vexatus procedere tamen, quo intende-
13 rat, perseveravit. Ventum erat ad iter perpetuis obsitum
nivibus, quas frigoris vis gelu adstrinxerat, locorumque
squalor et solitudines inviae fatigatum militem terrebant,
humanarum rerum terminos se videre credentem. Omnia-
vasta atque sine ullo humani cultus vestigio attoniti intue-
bantur et, antequam lux quoque et coelum ipsos defice-
14 rent, reverti iuebant. Rex castigare territicos supersedit:
ceterum ipse equo desiluit pedesque per nives et concre-
tam glaciem ingredi coepit. Erubuerunt non sequi pri-
mum amici, deinde copiarum duces, ad ultimum milites:

primusque rex dolabra glaciem perfringens iter sibi fecit: exemplum regis ceteri imitati sunt. Tandem propemodum 15 invias silvas emensi humani cultus rara vestigia et passim errantes pecorum greges repperere: et incolae, qui sparsis tuguriis habitabant, quum se callibus inviis septos esse credidissent, ut conspexere hostium agmen, interfectis, qui comitari fugientes non poterant, devios montes et nivibus obsitos petiverunt. Inde per colloquia captivo- 16 rum paulatim feritate mitigata, tradidere se regi. Nec in deditos gravius consultum.

Vastatis inde agris Persidis vicisque compluribus re- 17 dactis in potestatem, ventum est in Mardorum gentem bellicosam et multum a ceteris Persis cultu vitae abhorrentem. Specus in montibus fodiunt, in quos seque ac coniuges et liberos condunt: pecorum aut ferarum carne vescuntur. Ne feminis quidem pro naturae habitu molliora ingenia 18 sunt: comae prominent hirtae, vestis super genua est, funda vinciunt frontem: hoc et ornamentum capitis et telum est. Sed hanc quoque gentem idem fortunae impetus 19 domuit. Itaque tricesimo die, postquam a Persepöli profectus erat, eodem rediit. Dona deinde amicis ceterisque 20 pro cuiusque merito dedit. Propemodum omnia, quae in ea urbe ceperat, distributa.

CAP. VII.

(22) Ceterum ingentia animi bona, illam indolem, qua 1 omnes reges antecessit, illam in subeundis periculis constantiam, in rebus moliendis efficiendisque velocitatem, in deditos fidem, in captivos clementiam, in voluptatibus permissis quoque et usitatis temperantiam, haud tolerabili vini cupiditate foedavit. Hoste et aemulo regni reparante 2 tummaxime bellum, nuper subactis, quos vicerat, novumque imperium aspernantibus, de die inibat convivia, quibus feminae intererant, non quidem, quas violari nefas esset, quippe pellices, licentius, quam decebat, cum armato vivere assuetae. Ex his una Thais, et ipsa temulenta, maxi- 3 mam apud omnes Graecos initurum gratiam affirmat, si regiam Persarum iussisset incendi: expectare hoc eos,

- 4 quorum urbes barbari delessent. Ebrio scorto de tanta re
ferenti sententiam unus et alter, et ipsi mero onerati, as-
sentiuntur. Rex quoque avidior fuit, quam patientior:
Quin igitur ulciscimur Graeciam et urbi faces subdimus?
- 5 Omnes incaluerant mero: itaque surgunt temulenti ad in-
cendendam urbem, cui armati pepercerant. Primus rex
ignem regiae iniecit, tum convivae et ministri pellicesque.
Multa cedro aedificata erat regia: quae, celeriter igne
- 6 concepto, late fudit incendium. Quod ubi exercitus, qui
haud procul urbe tendebat, conspexit, fortuitum ratus ad
- 7 opem ferendam concurrit. Sed ut ad vestibulum regiae
ventum est, vident regem ipsum adhuc aggerentem igni
faces. Omissa igitur, quam portaverant, aqua, aridam ma-
teriem in incendium iacere coeperunt.
- 8 (23) Hunc exitum habuit regia totius orientis, unde
tot gentes antea iura petebant, patria tot regum, unicus
quondam Graeciae terror, molita mille navium classem et
exercitus, quibus Europa inundata est, contabulato mari
molibus perfossisque montibus, in quorum specus fretum
- 9 immissum est. Ac ne tam longa quidem aetate, quae ex-
cidium eius secuta est, resurrexit. Alias urbes habuere
Macedōnum reges, quas nunc habent Parthi: huius vesti-
gium non inveniretur, nisi Araxes amnis ostenderet. Haud
procul moenibus fluxerat: inde urbem fuisse XX stadiis
- 10 distantem credunt magis quam sciunt accolae. Pudebat
Macedōnes, tam praeclaram urbem a comissabundo rege
deletam esse. Itaque res in serium versa est, et imperave-
runt sibi, ut crederent, illo potissimum modo fuisse delen-
- 11 dam. Ipsum, ut primum gravatam ebrietate mentem quies-
reddidit, poenituisse constat et dixisse, maiores poenas
Persas Graecis daturus fuisse, si ipsum in solio regiaque
- 12 Xerxis conspiciere coacti essent. Postero die Lycio, itineris,
quo Persidem intraverat, duci, XXX talenta dono dedit.

Hinc in regionem Mediae transiit, ubi supplementum
novorum e Cilicia militum occurrit. Peditum erant quin-
que milia, equites mille: utrisque Platon Athenien-
sis praeerat. His copiis auctus Darēum persequi
statuit.

A. 330
mense
Maio.
Ol. 112, 2.

CAP. VIII.

(24) Ille iam Ecbatāna pervenerat. Caput Mediae urbs 1
 haec: nunc tenent Parthi, eaque aestiva agentibus sedes
 est. Adire deinde Bactra decreverat, sed veritus, ne cele-
 ritate Alexandri occuparetur, consilium iterque mutavit.
 Aberat ab eo Alexander stadia MD: sed iam nullum inter- 2
 vallum adversus velocitatem eius satis longum videbatur.
 Itaque proelio magis quam fugae se praeparabat. XXX 3
 milia peditum sequebantur, in quibus Graecorum erant
 quattuor milia, fidelitate erga regem ad ultimum invicta.
 Funditorum quoque et sagittariorum manus quattuor milia 4
 expleverat: praeter hos III milia et CCC equites erant,
 maxime Bactrianorum. Bessus praeerat, Bactriānae regio-
 nis praefectus. Cum hoc agmine Darēus paulum declina- 5
 vit via militari, iussis praecedere lixis impedimentorum-
 que custodibus. Consilio deinde advocato, *Si cum ignavis,* 6
inquit, et pluris qualemcunque vitam honesta morte aesti-
mantibus me fortuna iunxisset, tacerem potius, quam frustra
verba consumerem. Sed maiore, quam vellem, documento et vir- 7
tutem vestram et fidem expertus magis etiam conniti debeo, ut
dignus talibus amicis sim, quam dubitare, an vestri similes ad-
huc sitis. Ex tot milibus, quae sub imperio fuerunt meo, bis me 8
victum, bis fugientem persecuti estis. Fides vestra et constan-
tia, ut regem me esse credam, facit. Proditores et transfugae 9
in urbibus meis regnant: non hercule, quia tanto honore digni
habentur, sed ut praemiis eorum vestri sollicitentur animi.
Meam fortunam tamen, quam victoris, maluistis sequi, dignis-
simi, quibus, si ego non possim, dii pro me gratiam referant.
Et mehercule, referent. Nulla erit tam surda posteritas, 10
nulla tam ingrata fama, quae non in coelum vos debitis lau-
dibus ferat. (25) Itaque etiamsi consilium fugae, a qua mul-
tum abhorret animus, agitassem, vestra tamen virtute fretus
obviam issem hosti. Quousque enim in regno exulabo et per 11
fines imperii mei fugiam externum et advenam regem, quum
liceat experio belli fortunam aut reparare, quae amisi, aut
honestam morte defungi? Nisi forte satius est, expectare victo- 12
ris arbitrium et Mazaei et Mithrēnis exemplo precarium ac-
cipere regnum nationis unius, ut iam malit ille gloriae suae

- 13 *quam irae obsequi. Nec dii siverint, ut hoc decus mei capitis aut demere mihi quisquam aut condonare possit, nec hoc imperium vivus amittam, idemque erit regni mei, qui spiritus*
 14 *finis. Si hic animus, si haec lex, nulli non parata libertas est: nemo e vobis fastidium Macedonum, nemo vultum superbum ferre cogetur. Sua cuique dextra aut ultionem tot malorum*
 15 *pariet aut finem. Equidem, quam versabilis fortuna sit, documentum ipse sum nec immerito mitiores vices eius expecto. Sed si iusta ac pia bella dii aversantur, fortibus tamen viris*
 16 *licebit honeste mori. Per ego vos decora maiorum, qui totius orientis regna cum memorabili laude tenuerunt, per illos viros, quibus stipendium Macedonia quondam tulit, per tot navium classes in Graeciam missas, per tot tropaea regum oro et obtestor, ut nobilitate vestra gentisque dignos spiritus*
 17 *capiatis, ut eadem constantia animorum, qua praeterita tolerastis, experiamini, quicquid deinde fors tulerit. Me certe in perpetuum aut victoria egregia nobilitabit aut pugna.*

CAP. IX.

- 1 (26) Haec dicente Darëo, praesentis periculi species omnium simul corda animosque horrore perstrinxerat, nec aut consilium suppetebat aut vox: quum Artabāzus, vetustissimus amicorum, quem hospitem fuisse Philippi supra diximus, *Nos vero, inquit, pretiosissimam vestem induti armisque, quanto maximo cultu possumus, adornati regem in aciem sequemur, ea quidem mente, ut victoriam speremus,*
 2 *mortem non recusemus.* Assensu excepere ceteri hanc vocem. Sed Nabarzānes, qui in eodem consilio erat cum Besso, inauditi antea facinoris societate inita, regem suum per milites, quibus ambo praeerant, comprehendere et vincere decreverant, ea mente, ut, si Alexander ipsos insecutus foret, tradito rege vivo, inirent gratiam victoris, magni profecto cepisse Darëum aestimaturi: sin autem eum effugere potuissent, interfecto Darëo, regnum ipsi oc-
 3 cuparent bellumque renovarent. Hoc parricidium quum diu volutassent, Nabarzānes aditum nefariae spei prae-
 parans, *Scio, me, inquit, sententiam esse dicturum, prima specie haudquaquam auribus tuis gratam. Sed medici quoque*

graviores morbos asperis remediis curant, et gubernator, ubi naufragium timet, iactura, quicquid servari potest, redimit. Ego tamen, non ut damnum quidem facias, suadeo, sed ut te ac regnum tuum salubri ratione conserves. Diis adversis bellum inimus, et pertinax fortuna Persas urgere non desinit. Novis initiis et ominibus opus est. Auspiciū et imperium interim alii trade, qui tamdiu rex appelletur, donec Asia decedat hostis, victor deinde regnum tibi reddat. Hoc autem brevi futurum ratio promittit. Bactra intacta sunt, Indi et Sacae in tua potestate: tot populi, tot exercitus, tot equitum pedumque milia ad renovandum bellum vires paratas habent, ut maior belli moles supersit, quam exhausta sit. Quid rui-
mus beluarum ritu in perniciem non necessariam? Fortium virorum est, magis mortem contemnere, quam odisse vitam. Saepe taedio laboris ad vilitatem sui compelluntur ignavi: at nihil virtus inexpertum omittit. Itaque ultimum omnium mors est, ad quam non pigre ire satis est. Proinde si Bactra, quod 8 tutissimum receptaculum est, petimus, praefectum regionis eius Bessum regem temporis gratia statuamus. Compositis rebus, iusto regi tibi fiduciarium restituet imperium.

(27) Haud mirum est, Darēum non temperasse animo, 9 quamquam, tam impiae voci quantum nefas subesset, latebat. Itaque, Pessimum, inquit, mancipium, repperisti exoptatum tibi tempus, quo parricidium aperires? strictoque 10 acinace interfecturus eum videbatur, ni propere Bessus Bactrianique, [quasi] deprecarentur, tristium specie, ceterum, si perseveraret, vincturi, circumstetissent. Nabarzānes 11 interim elapsus, mox et Bessus consecutus copias, quibus praeerant, a cetero exercitu secedere iubent, secretum inituri consilium. Artabāzus convenientem praesenti fortuna 12 sententiam orsus mitigare Darēum, temporum identidem admonens, coepit: ferret aequo animo qualiumcunque, suorum tamen vel stultitiam vel errorem. Instare Alexandrum, gravem, etiamsi omnes praesto essent: quid futurum, si persecuti fugam ipsius alienentur? Aegre pa-
ruit Artabāzo: et quamquam movere castra statuerat, tur-
batis tamen omnium animis eodem in loco substitit. Sed attonitus maestitia simul et desperatione tabernaculo se

14 inclusit. Ergo in castris, quae nullius regebantur imperio,
 varii animorum motus erant, nec in commune, ut antea,
 15 consulebatur. Dux Graecorum militum Patron arma capere
 suos iubet paratosque esse ad exequendum imperium.
 16 Persae secesserant: Bessus cum Bactriānis erat tentabat-
 que Persas abducere, Bactra et intactae regionis opulenta
 simulque, quae manentibus instarent pericula, ostentans.
 Persarum omnium eadem fere fuit vox, nefas esse, deseri
 17 regem. Inter haec Artabāzus omnibus imperatoriis funge-
 batur officiis: ille Persarum tabernacula circumire, hortari,
 monere nunc singulos, nunc universos non ante destitit,
 quam satis constaret, imperata facturos. Idem aegre a
 Darēo impetravit, ut cibum caperet animumque rebus ad-
 verteret.

CAP. X.

1 (28) At Bessus et Nabarzānes olim agitatū scelus
 exequi statuunt, regni cupiditate accensi: Darēo autem in-
 2 columi tantas opes sperare non poterant. Quippe in illis
 gentibus regum eximia maiestas est: ad nomen quoque
 barbari conveniunt, et pristinae veneratio fortunae sequi-
 3 tur adversam. Inflabat impios animos regio, cui praeerant,
 armis virisque et spatio locorum nulli earum gentium se-
 cunda. Tertiam partem Asiae tenet: multitudo iuniorum
 4 exercitus, quos amiserat Darēus, aequabat. Itaque non il-
 lum modo, sed etiam Alexandrum spernebant, inde vires
 5 imperii repetituri, si regis potiri contigisset. Diu omnibus
 cogitatis, placuit, per milites Bactriānos ad omne obse-
 quium destinatos regem comprehendere mittique nuntium
 6 ad Alexandrum, qui indicaret, vivum asservari eum, si, id
 quod timebant, proditorem aspernatus esset, occisuri Da-
 7 rēum et Bactra cum suarum gentium manu petituri. Cete-
 rum propalam comprehendi Darēus non poterat, tot Per-
 sarum milibus laturis opem regi: Graecorum quoque fides
 8 timebatur. Itaque quod vi non poterant, fraude assequi
 tentant: poenitentiam secessionis simulare decreverant et
 9 excusare apud regem consternationem suam. Interim, qui
 Persas sollicitarent, mittuntur. Hinc spe, hinc metu milita-

res animos versant: ruinae rerum subdere illos capita: in perniciem trahi, quum Bactra pateant, exceptura eos donis et opulentia, animis quam concipere non possint.

(29) Haec agitantibus Artabāzus supervenit sive re- 10
gis iussu sive sua sponte, affirmans, mitigatum esse Darēum et eundem illis amicitiae gradum patere apud regem. Illi lacrimantes nunc purgare se, nunc Artabāzum orare, ut 11
causam ipsorum tueretur precesque perferret. Sic peracta 12
nocte, sub lucis exortum Bessus et Nabarzānes cum Bactriānis militibus in vestibulo praetorii aderant, titulum sollemnis officii occulto sceleri praeferentes. Darēus, signo ad eundum dato, currum pristino more conscendit. Nabarzānes ceterique parricidae procumbentes humi, quem 13
paulo post in vinculis habituri erant, sustinuerunt venerari: lacrimas etiam poenitentiae indices profuderunt: adeo humanis ingeniis parata simulatio est. Preces deinde suppli- 14
citer admotae Darēum natura simplicem et mitem non credere modo, quae affirmabant, sed flere etiam coegerunt. Ac ne tum quidem cogitati sceleris poenituit, quum intue- 15
rentur, qualem et regem et virum fallerent. Ille quidem securus periculi, quod instabat, Alexandri manus, quas solas timebat, effugere properabat.

CAP. XI.

(30) Patron autem, Graecorum dux, praecepit suis, 1
ut arma, quae in sarcinis antea ferebantur, induerent, ad omne imperium suum parati et intenti. Ipse currum regis 2
sequebatur, occasionem imminens alloquendi eum: quippe Bessi facinus praesenserat. Sed Bessus id ipsum metuens, custos verius quam comes, a curru non recedebat. Diu 3
ergo Patron cunctatus ac saepius sermone revocatus, inter fidem timoremque haesitans, regem intuebatur. Qui ut tan- 4
dem advertit oculos, Bubācen spadonem inter proximos currum sequentem percontari iubet, numquid ipsi velit dicere. Patron se vero, sed remotis arbitris loqui velle cum eo respondit: iussusque propius accedere sine interprete (nam haud rudis Graecae linguae Darēus erat), *Rex*, in- 5
quit, *ex L milibus Graecorum supersumus pauci, omnis for-*

*tunae tuae comites et in hoc tuo statu iidem, qui, florente te, fuimus, quascunque terras elegeris, pro patria et domesticis
6 rebus petitori. Secundae adversaeque res tuae copulavere nos tecum. Per hanc fidem invictam oro et obtestor, in nostris castris tibi tabernaculum statue, nos corporis tui custodes esse patiaris. Omisimus Graeciam, nulla Bactra sunt nobis: spes omnis in te, utinam etiam ceteris esset. Plura dici non attinet. Custodiam corporis tui externus et alienigena non deposce-
rem, si crederem, alium posse praestare.*

7 (31) Bessus, quamquam erat Graeci sermonis ignarus, tamen, stimulante conscientia, indicium profecto Patrōnem detulisse credebat: et, interpretis [ore] relato ser-
8 mone Graeci, exempta dubitatio est. Darēus autem, quantum ex vultu concipi poterat, haud sane territus percontari Patrōna causam consilii, quod afferret, coepit. Ille non ultra differendum ratus, *Bessus, inquit, et Nabarzānes insidiantur tibi: in ultimo discrimine et fortunae tuae et vita.*
9 *Hic dies aut parricidis aut tibi futurus ultimus.* Et Patron
10 quidem egregiam conservati regis gloriam tulerat. Eludant, rideant licet, quibus forte temere humana negotia volvi agique persuasum est: [equidem aeterna constitutione crediderim] nexuque causarum latentium et multo ante destinatarum suum quemque ordinem immutabili
11 lege percurrere. Darēus certe respondit, quamquam sibi Graecorum militum fides nota sit, nunquam tamen a popularibus suis recessurum. Difficilius sibi esse, damnare, quam decipi. Quicquid fors tulisset, inter suos perpeti malle, quam transfugam fieri. Sero se perire, si salvum
12 esse milites sui nollent. Patron, desperata regis salute, ad eos, quibus praeerat, rediit, omnia pro fide experiri paratus.

CAP. XII.

1 (32) At Bessus occidendi protinus regis impetum ceperat. Sed veritus, ne gratiam Alexandri, nisi vivum eum tradidisset, inire non posset, dilato in proximam noctem sceleris consilio, agere gratias incipit, quod perfidi hominis insidias, iam Alexandri opes spectantis, prudenter

cauteque vitasset. Donum eum hosti laturum fuisse regis caput. Nec mirari, hominem mercede conductum omnia 2 habere venalia: sine pignore, sine lare, terrarum orbis exulem, ancipitem hostem, ad nutum licentium circumferri. Purganti deinde se deosque patrios testes fidei suae invo- 3 canti Darēus vultu assentiebatur, haud dubius, quin vera deferrentur a Graecis: sed eo rerum ventum erat, ut tam periculosum esset, non credere suis, quam decipi. XXX 4 milia erant, quorum inclinata in scelus levitas timebatur: IV milia Patron habebat: quibus si credidisset salutem suam, damnata popularium fide, parricidio excusationem videbat offerri. Itaque praeoptabat, immerito quam iure 5 violari. Besso tamen insidiarum consilium purganti respondit, Alexandri sibi non minus iustitiam quam virtutem esse perspectam. Falli eos, qui prodicionis ab eo praemium expectent: violatae fidei neminem acriorem fore vindicem ultoremque. Iamque nox appetebat, quum Per- 6 sae more solito, armis positis, ad necessaria ex proximo vico ferenda discurrunt. At Bactriāni, ut imperatum a Besso erat, armati stabant.

(33) Inter haec Darēus Artabāzum acciri iubet: expo- 7 sitisque, quae Patron detulerat, haud dubitare Artabāzus, quin transeundum esset in castra Graecorum: Persas quoque, periculo vulgato, secuturos. Destinatus sorti suae et 8 iam nullius salubris consilii patiens unicum in illa fortuna opem, Artabāzum, ultimum illum visurus, amplectitur: perfususque mutuis lacrimis inhaerentem sibi avelli iubet: capite deinde velato, ne inter gemitus digredientem velut a rogo intueretur, in humum primum corpus abiecit. Tum 9 vero custodia eius assueti, quos regis salutem vel periculis vitae tueri oportebat, dilapsi sunt, armatis, quos iam adventare credebant, haud rati se futuros pares. Ingens ergo in tabernaculo solitudo erat, paucis spadonibus, quia, quo discederent, non habebant, circumstantibus regem. At ille, remotis arbitris, diu aliud atque aliud consilium 10 animo volutabat. Iamque solitudinem, quam paulo ante pro solatio petiverat, perosus Bubācen vocari iubet. Quem 11 intuens, *Ite, inquit, consulite vobis, ad ultimum regi vestro,*

ut decebat, fide exhibita. Ego hic legem fati mei expecto. Forsitan mireris, quod vitam non finiam: alieno scelere quam
 12 *meo mori malo.* Post hanc vocem spado gemitu non tabernaculum modo, sed etiam castra complevit. Irrupere deinde alii laceratisque vestibus lugubri et barbaro ululatu regem
 13 deplorare coeperunt. Persae, ad illos clamore perlato, attoniti metu nec arma capere, ne in Bactriānos inciderent, nec quiescere audebant, ne impie deserere regem viderentur.
 14 Varius ac dissonus clamor sine duce ac sine imperio totis castris referebatur.

(34) Besso et Nabarzāni nuntiaverant sui, regem a
 15 semetipso interemptum esse. Planctus eos deceperat. Itaque citatis equis advolant, sequentibus, quos ad ministerium sceleris delegerant: et quum tabernaculum intrassent, quia regem vivere spadones indicabant, comprehendi vincirique iusserunt. Rex curru paulo ante vectus et deorum auspiciis ac suis honoribus cultus, nulla externa ope admotus, captivus servorum suorum, in sordidum vehiculum
 16 pellibus undique contextum imponitur. Pecunia regis et supellex quasi belli iure diripitur: onustique praeda per
 17 scelus ultimum parta fugam intendunt. Artabāzus cum his, qui imperio parebant, Graecisque militibus Parthiēnen petebat, omnia tutiora parricidarum contuitu ratus. Persae promissis Bessi onerati, maxime, quia nemo alius erat, quem sequerentur, coniungere se Bactriānis, agmen eorum
 18 tertio assecuti die. Ne tamen honos regi non haberetur, aureis compedibus Darēum vinciunt, nova ludibria subinde excogitante fortuna. Et ne forte cultu regio posset agnosci, sordidis pellibus vehiculum intexerant: ignotiumenta agebant, ne percontantibus in agmine monstrari posset: custodes procul sequebantur.

CAP. XIII.

1 (35) Alexander, audito, Darēum movisse ab Ecbatānis, omisso itinere, quod patebat in Mediam, fugientem
 2 insequi pergit strenue. Tabas (oppidum est in Paraetacēne ultima) pervenit: ibi transfugae nuntiant, praecipitem fuga
 3 Bactra petere Darēum. Certiora deinde cognoscit ex Ba-

gistāne Babylonio: non equidem vinctum regem, sed in periculo esse aut mortis aut vinculorum affirmabat. Rex, 4 ducibus convocatis, *Maximum*, inquit, *opus, sed labor brevissimus superest. Darēus haud procul destitutus a suis aut oppressus. In illo corpore posita est nostra victoria, et tanta res celeritatis est praemium.* Omnes pariter conclamant, 5 paratos ipsos sequi: nec labori nec periculo parceret. Igitur raptim agmen cursus magis quam itineris modo ducit, ne nocturna quidem quiete diurnum laborem relaxante. Itaque quingenta stadia processit, perventumque erat in 6 vicum, in quo Darēum Bessus comprehenderat. Ibi Me- 7 lon, Darēi interpret, excipitur. Corpore aeger non potuerat agmen assequi et deprehensus celeritate regis transfugam se esse simulabat. Ex hoc acta cognoscit. Sed fatigatis necessaria quies erat. Itaque delectis equitum sex milibus, 8 trecentos, quos dimachas appellabant, adiungit: dorso hi graviora arma portabant, ceterum equis vehebantur: quum res locusque posceret, pedestris acies erat.

(36) Haec agentem Alexandrum adeunt Orsīlos et Mi- 9 thracēnes, qui Bessi parricidium exosi transfugerant nuntiabantque, stadia D abesse Persas: ipsos brevius iter monstraturos. Gratus regi adventus transfugarum fuit. 10 Itaque prima vespera, ducibus iisdem, cum expedita equitum manu monstratam viam ingreditur, phalange, quantum festinare posset, sequi iussa. Ipse quadrato agmine incedens ita cursum regebat, ut primi coniungi ultimis possent. CCC stadia processerant, quum occurrit Brocu- 11 bēlus, Mazaei filius, Syriae quondam praetor. Is quoque transfuga nuntiabat, Bessum haud amplius quam CC stadia abesse. Exercitum, utpote [qui nihil] praecaveret, in-compositum inordinatumque procedere. Hyrcaniam videri petituros. Si festinaret sequi, palantes superventurum. Darēum adhuc vivere. Strenuo alioquin cupiditatem con- 12 sequendi transfuga iniecerat. Itaque calcaribus subditis, effuso cursu eunt. Iamque fremitus hostium iter ingredientium exaudiebatur, sed prospectum ademerat pulveris nubes. Paulisper ergo inhibuit cursum, donec consideret pulvis. Iamque conspecti a barbaris erant et abeuntium 13

- agmen conspexerant, nequaquam futuri pares, si Besso tantum animi fuisset ad proelium, quantum ad parricidium fuerat. Namque et numero barbari praestabant et robore: ad hoc refecti cum fatigatis certamen inituri erant.
- 14 Sed nomen Alexandri et fama, maximum in bello utique momentum, pavidos in fugam avertit.
- 15 (37) Bessus vero et ceteri facinoris eius participes vehiculum Darēi assecuti coeperunt hortari eum, ut
- 16 conscenderet equum et se hosti fuga eriperet. Ille deos ultores adesse testatur et Alexandri fidem implorans negat, se parricidas velle comitari. Tum
- 17 multisque confossum vulneribus relinquunt. Iumenta quoque, ne longius prosequi possent, convulnerant, duobus servis, qui regem comitabantur, occisis
- 18 Hoc edito facinore, ut vestigia fugae spargerent, Nabarzānes Hyrcaniam, Bessus Bactra, paucis equitum comitantibus, petebant: barbari ducibus destituti, qua quemque aut spes ducebat aut pavor, dissipabantur: D tantum equites congregaverant se, incerti adhuc, resistere melius
- 19 esset, an fugere. Alexander, hostium trepidatione comperta, Nicanōrem cum equitum parte ad inhibendam fugam emittit: ipse cum ceteris sequitur. III ferme milia resistentia occisa sunt: reliquum agmen pecudum more intactum
- 20 agebatur, iubente rege, ut caedibus abstineretur. Nemo captivorum erat, qui monstrare Darēi vehiculum posset: singuli, ut quaeque prenderent, scrutabantur, nec tamen
- 21 ullum vestigium fugae regis extabat. Festinantem Alexandrum vix tria milia equitum persecuta sunt. At in eos, qui lentius sequebantur, incidebant universa fugientium
- 22 agmina. Vix credibile dictu: plures captivi, quam qui caperent erant: adeo omnem sensum territis fortuna penitus excusserat, ut nec hostium paucitatem nec multitudinem suam satis cernerent.
- 23 (38) Interim iumenta, quae Darēum vehebant, nullo regente, decesserant militari via et errore delata per quatuor stadia in quadam valle constiterant, aestu simulque
- 24 vulneribus fatigata. Haud procul erat fons, ad quem mon-

A. 330
a. Chr. n.
medio.
Ol. 112, 3
mense
Hecatom-
baeone.

stratum a peritis Polystrātus Macēdo siti maceratus accessit: ac dum galea haustam aquam sorbet, tela iumentorum deficientium corporibus infixā conspexit. Miratusque, con- 25 fossa potius quam abacta esse, semivivi hominis ***

[Supplementum Freinshemii.]

[gemitum percipit. Itaque more ingenii humani cupidus visendi, quid rei vehiculo isto conderetur, dimotis pellibus, quibus obtectum erat, Dareum multis vulneribus confossum repperit. Regius enim cultus et aureae catenae, quīs a parricidis vinctus fuerat, dubitationem eximebant. Non erat expers Graeci sermonis Dareus: gratiasque agebat diis, qui post tanta mala tamque gravia hoc tamen indulgissent solatii, ne omnino in solitudine extremum spiritum effunderet. *Itaque te, inquit, quisquis es mortalium, per communem hominum sortem, a qua nec maximos regum exemptos esse praesenti spectaculo moneris, rogo quaesoque, ut haec ad Alexandrum mandata mea perferas: nihil eorum, quae longe tristissima perpeesus sum, ne hunc quidem incomparabilis calamitatis exitum ita gravem mihi accidisse, ut hoc unum, quod post tanta in me meosque merita adversus clementissimum victorem inimico vivendum fuit et nunc ingrato moriendum est. Sed si qua postremis miserorum votis apud deos vis est, et cum ipso spiritu profusas preces mitius aliquod numen exaudit, ille quidem sospes et incolumis longeque supra contagium meae sortis et invidiam fortunae positus in solio Cyri gloriosam aetatem exigat: suaeque virtutis memor eum matri liberisque meis locum apud se esse patiatur, quem illi fide et obsequio meruerint. At parricidas promptum exitium consequatur, quod Alexander irrogabit, si non misericordia infelicis hostis, saltem odio facinorum, et ne impunita in aliorum etiam regum suumque ipsius exitium erumpant. Post haec, quum siti angeretur, allata per Polystratum aqua recreatus, Ergo, ait, hanc etiam tantis calamitatibus extremam accedere oportuit, ut bene merito gratiam referre non possim: al referet Alexander, Alexandro vero dii. Dextram deinde protendit eamque Alexandro, fidei regiae pignus, ferri iubens, apprehensa Polystrati manu, animam efflavit. Alexander an spiranti adhuc supervenerit, incertum est: illud constat, miserabili regis opulentissimi exitu comperto, copiosas lacrimas profudisse statimque chlamyde sibi detracta corpus operuisse et magno cum honore ad suos deferri iussisse, ut regio Persarum more curatum monumentis maiorum inferretur. Ingratitudinem hominum, a quīs pro summis beneficiis crudele exitium Dareus pertulit, quamquam suoapte ingenio horrendam et execrabilem, insigniore ad posteritatem infamia damnavit canis cuiusdam mira fides, qui ab omnibus familiaribus derelicto solus adfuit et, quam in vivum prae se tulit benevolentiam, morienti quoque constanter praestitit. Hunc vitae finem sortitus est ille, quem modo contumelia affici putabant, nisi regem regum et*

deorum consanguineum salutarent: magnoque iterum experimento approbatum est, neminem magis patere fortunae, quam qui pluribus eiusdem blanditiis irretitus iugum illius tota cervice receperit].

LIBER VI.

ARGUMENTUM.

I. Proelii inter Lacedaemonios atque Macedones descriptio. Agidis mors. Pax ab Alexandro victis Lacedaemoniis conceditur. II. Alexander bello invictus otio et deliciis frangitur: unde rumor in castris, qui torpentem excitat. III. Alexandri ad milites oratio, ut bellum in Asia inchoatum persequantur et absolvant. IV. Ziobetis, miri fluminis, descriptio. Alexander Nabarzani per litteras salutem quaerenti veniam pollicetur. Deinde mari Caspio et Hyrcaniae proximus quosdam Darei praefectos recipit in gratiam. V. Artabazo summa cum animi benivolentia excepto, Graecis, qui Dareum adiuverant, parcit Alexander et, Mardorum gente debellata, Amazonum reginae cupidini satisfacit. VI. Macedones Alexandri offenduntur moribus: qui, ut seditionem averteret, ad bellum Besso inferendum mentem convertit, quod stratagemate inchoat: Satibarzanem, quod defecisset, primum persequitur, barbaros a montibus fortiter dispellit, Artacoanam expugnat. VII. Coniurationem in Alexandrum Dimnus Nicomacho, hic per Cebalinum fratrem Alexandro detegit. Hinc mors Dimni, qui ipse sibi manus infert. VIII. Amicorum regionum consilio Philotas, Parmenionis filius, coniurationis auctor et particeps creditus, capitur ac, velato capite, in regiam abducitur. IX. De coniuratione adversus Philotam Alexandri ad milites oratio, in quorum concionem adductus Philotas defensionem parat. X. Philotae oratio, qua coniurationis accusationem copiose refellit. XI. Concio a quodam Bolone accensa in Philotam surgit. Is paulo post, ut se cruciatibus liberaret, -coniurationem sive fictam sive veram confitetur et a Macedonibus cum aliis a Nicomacho nominatis more patrio saxis obruitur.

[Supplementum Freinsheimii.]

[Dum ea per Asiam geruntur, ne in Graecia quidem Macedoniaque tranquillae res fuere. Regnabat apud Lacedaemonios Agis, Archidami filius, qui Tarentinis opem ferens ceciderat eodem die, quo Philippus Athenienses ad Chaeroneam vicit. Is, Alexandri per virtutem aemulus, cives suos stimulabat, ne Graeciam servitute Macedonum diutius premi paterentur: nisi in tempore providerent, idem iugum ad ipsos transiturum esse. Annitendum igitur, dum aliquae adhuc Persis ad resistendum vires essent: illis oppressis, adversus immanem potentiam frustra

avitae libertatis memores futuros. Sic instinctis animis, occasionem belli ex commodo coeptandi circumspiciebant. Igitur felicitate Memnonis invitati consilia cum ipso miscere aggressi sunt: et, postquam illerum laetarum initia intempestiva morte destituit, nihilo remissius agebant. Sed ad Pharnabazum et Autophradaten profectus Agis triginta argenti talenta decemque triremes impetravit, quas Agesilao fratri misit, ut in Cretam navigaret, cuius insulae cultores inter Lacedaemonios et Macedonas diversis studiis distrahebantur. Legati quoque ad Dareum missi sunt, qui in usum belli ampliorem vim pecuniae pluresque naves peterent. Atque haec eorum coepta clades ad Issum (nam ea intervenerat) adeo non interpellavit, ut etiam adjuverit. Quippe fugientem insecutus Alexander in longinqua loca magis magisque rapiebat: et ex ipso proelio mercenariorum ingens multitudo in Graeciam fuga penetraverat: quorum octo milia Persica pecunia conduxit Agis eorumque opera plerasque Cretensium urbes recepit. Quum deinceps Menon in Thraciam ab Alexandro missus barbaros ad defectionem impulsisset, adque eam comprimendam Antipater exercitum ex Macedonia in Thraciam duxisset, opportunitate temporis strenue usi Lacedaemonii totam Peloponnesum, paucis urbibus exceptis, in partes traxerunt confectoque exercitu viginti milium peditum cum equitibus bis mille Agidi summam imperii detulerunt. Antipater, ea re comperta, bellum in Thracia, quibus potest conditionibus, componit raptimque in Graeciam regressus ab amicis sociisque civitatibus auxilia cogit. Quibus convenientibus ad quadraginta pugnatorum milia recensuit. Advenerat et ex Peloponneso valida manus: sed quia dubiam ipsorum fidem resciverat, dissimulata suspicione, gratias egit, quod ad defendendam adversus Lacedaemonios Alexandri dignitatem affuissent: scripturum se id regi, gratiam in tempore relaturum. In praesens nihil opus esse maioribus copiis: itaque domos redirent, foederis necessitate expleta. Nuntios deinde ad Alexandrum mittit, de motu Graeciae certiores facturos. Atque illi regem apud Bactra demum consecuti sunt, quum interim Antipatri victoria et nece Agidis in Arcadia transactum esset. Sane iam pridem, tumultu Lacedaemoniorum cognito, quantum tot terrarum spatiis discretus potuit, providerat: Amphoterum cum Cypriis et Phoeniciis navibus in Peloponnesum navigare, Meneten tria milia talentum ad mare deferre iusserat, ut ex propinquo pecuniam Antipatro subministraret, quanta illum indigere cognovisset. Probe enim perspexerat, quanti ad omnia momenti motus istius inclinatio futura esset, quamquam deinceps, accepto victoriae nuntio, suis operibus id discrimen comparans murum eam pugnam fuisse cavillatus est. Ceterum principia eius belli haud improspere Lacedaemoniis fuere. Iuxta Corrhagum, Macedoniae castellum, cum Antipatri militibus congressi victores extiterant: et rei bene gestae fama etiam, qui suspensis mentibus fortunam spectaverant, in societatem eorum pertracti sunt. Una ex Eleis Achaeisque urbibus Pellene foedus aspernabatur, et in Arcadia Megalopolis, fida Macedonibus ob Philippi memoriam, a

quo beneficiis affecta fuerat. Sed haec arte circumsessa haud procul deditione aberat, nisi tandem Antipater subvenisset. Is postquam castra castris contulit seque numero militum alioque apparatu superiorem conspexit, quamprimum de summa rerum proelio contendere statuit: neque Lacedaemonii detrectavere certamen. Ita commissa est pugna, quae rem Spartanam maiorem in modum afflixit. Quum enim angustiis locorum, in quibus pugnabatur, confisi, ubi hosti nullum multitudinis usum futurum credebant, animose congressi essent, neque Macedones impigre resisterent, multum sanguinis fusum est. Sed postquam Antipater integram subinde manum laborantibus suis subsidio mittebat, impulsu Lacedaemoniorum acies gradum paulisper retulit. Quod conspicatus Agis cum cohorte regia, quae ex fortissimis constabat, se in medium]

CAP. I.

- 1 (1 ed. Zumpt.) * * * pugnae discrimen immisit ob-
- truncatisque, qui promptius resistebant, magnam
- 2 partem hostium propulit. Coeperant fugere victo-
- res [et], donec avidius sequentes in planum de-
- duxere, inulti cadebant: sed ut primum locus, in quo stare
- 3 possent, fuit, aequis viribus dimicatum est. Inter omnes ta-
- tamen Lacedaemonios rex eminebat non armorum modo et
- corporis specie, sed etiam magnitudine animi, quo uno
- 4 vinci non potuit. Undique nunc comminus, nunc eminus
- petebatur diuque arma circumferens alia tela clypeo exci-
- piebat, corpore alia vitabat, donec hasta femina perfossa,
- 5 plurimo sanguine effuso, destituere pugnantem. Ergo
- clypeo suo exceptum armigeri raptim in castra referebant,
- 6 iactationem vulnerum haud facile tolerantem. Non tamen
- omisere Lacedaemonii pugnam et, ut primum sibi quam
- hosti aequiorem locum capere potuerunt, densatis ordini-
- 7 bus, effuse fluentem in se aciem excepere. Non aliud dis-
- crimen vehementius fuisse memoriae proditum est. Dua-
- rum nobilissimarum bello gentium exercitus pari Marte
- 8 pugnabant. Lacedaemonii vetera, Macedones praesentia
- decora intuebantur: illi pro libertate, hi pro dominatione
- pugnabant: Lacedaemoniis dux, Macedonibus locus de-
- 9 erat. Diei quoque unius tam multiplex casus modo spem,
- modo metum utriusque partis augebat, velut de industria
- 10 inter fortissimos viros certamen aequante fortuna. Ceterum

A. 330
a. Chr. n.
ineunte
aestate.
Ol. 112, 2

angustiae loci, in quo haeserat pugna, non patiebantur totis ingredi viribus: spectabant ergo plures, quam inierant proelium, et, qui extra teli iactum erant, clamore invicem suos accendebant.

(2) Tandem Lacōnum acies languescere, lubrica arma 11 sudore vix sustinens: pedem deinde referre coepit et, urgente hoste, apertius fugere. Insequebatur dissipatos 12 victor et emensus cursu omne spatium, quod acies Lacōnum obtinuerat, ipsum Agin persequabatur. Ille, ut fugam 13 suorum et proximos hostium conspexit, deponi se iussit: expertusque membra, an impetum animi sequi possent, postquam deficere sensit, poplitibus semet excepit galea- 14 que strenue sumpta, clypeo protegens corpus, hastam dextra vibrabat, ultro vocans hostem, si quis iacenti spolia demere auderet. Nec quisquam fuit, qui sustineret 15 comminus congredi. Procul missilibus appetebatur, ea ipsa in hostem retorquens, donec lancea nudo pectori infixā est: qua ex vulnere evulsa inclinatum ac deficiens caput clypeo paulisper excepit, deinde, linquente spiritu pariter ac sanguine, moribundus in arma procubuit. Cecidere Lacedaemoniorum V milia et CCC, ex Macedonibus haud amplius mille: ceterum vix quisquam nisi saucius revertit in castra.

(3) Haec victoria non Spartam modo sociosque eius, sed etiam omnes, qui fortunam belli spectaverant, fregit. Nec fallebat Antipātrum, dissentire ab animis gratulantium 17 vultus: sed bellum finire cupienti opus erat decipi. Et quamquam fortuna rerum placebat, invidiam tamen, quia maiores res erant, quam quas praefecti modus caperet, metuebat. Quippe Alexander hostes vinci voluerat, Antipātrum vicisse ne tacitus quidem indignabatur, suae demptum gloriae existimans, quicquid cessisset alienae. Ita- 18 que Antipāter, qui probe nosset spiritus eius, non est ausus ipse agere arbitria victoriae, sed concilium Graecorum, quid fieri placeret, consuluit. A quo Lacedaemonii 20 nihil aliud, quam ut oratores mittere ad regem liceret, precati: a rege autem veniam defectionis praeter auctores impetraverunt: Megalepolitānis, quorum urbs obsessa erat

a defectionis sociis Achaeis et Elëis, CXX talenta dare iussi
 21 sunt. Hic fuit exitus belli, quod repente ortum, prius ta-
 men finitum est, quam Darëum Alexander apud Arbëla
 superaret.

CAP. II.

- 1 (4) Sed ut primum instantibus curis laxatus est ani-
 mus militarium rerum quam quietis otiique patientior, ex-
 cepere eum voluptates, et, quem arma Persarum non fre-
 2 gerant, vitia vicerunt: intempestiva convivia et perpotandi
 pervigilandique insana dulcedo ludique et greges pellicum,
 omnia in externum lapsa morem. Quem aemulatus, quasi
 potiolem suo, ita popularium animos oculosque pariter
 offendit, ut a plerisque amicorum pro hoste haberetur.
 3 Tenaces quippe disciplinae suae solitosque parco ac pa-
 rabili victu ad implenda naturae desideria defungi in pe-
 4 regrina et devictarum gentium mala impulerat. Hinc sae-
 pius comparatae in caput eius insidiae, secessio militum
 et liberior inter mutuas querelas dolor, ipsius deinde nunc
 ira, nunc suspiciones, quas excitabat inconsultus pavor,
 ceteraque his similia, quae deinde dicentur.
- 5 (5) Igitur quum intempestivis conviviis dies pariter
 noctesque consumeret, satietatem epularum ludis inter-
 pellabat, non contentus artificum, quos e Graecia excive-
 rat, turba: quippe captivae iuebantur suo ritu canere, in-
 6 conditum et abhorrens peregrinis auribus carmen. Inter
 quas unam rex ipse conspexit maestiolem quam ceteras
 et producentibus eam verecunde reluctantem. Excellens
 erat forma, et formam pudor honestabat: deiectis in ter-
 ram oculis et, quantum licebat, ore velato, suspicionem
 praebuit regi, nobiliolem esse, quam ut inter conviviales
 7 ludos deberet ostendi. Ergo interrogata, quatenam esset,
 neptem se Ochi, qui nuper regnasset in Persis, filio eius
 genitam, esse respondit: uxorem Hystaspis fuisse. Propin-
 quus hic Darëi fuerat, magni et ipse exercitus praetor.
 8 Adhuc in animo regis tenues reliquiae pristini moris hae-
 rebant. Itaque fortunam regia stirpe genitae et tam celebre
 nomen reveritus non dimitti modo captivam, sed etiam

restitui ei suas opes iussit, virum quoque requiri, ut re-
perto coniugem redderet.

Postero autem die praecepit Hephaestiōni, ut omnes 9
captivos in regiam iuberet adduci. Ibi singulorum nobili-
tate spectata, secrevit a vulgo, quorum eminebat genus.
Mille hi fuerunt: inter quos repertus est Oxāthres, Darēi
frater, non illius fortuna quam indole animi sui clarior. Sex et 10
viginti milia talentū proxima praeda redacta erant: e quīs
duodecim milia in congiarium militum absumpta sunt. Par
huic pecuniae summa custodum fraude subtracta est. Oxy- 11
dātes erat nobilis Perses, qui a Darēo capitali supplicio
destinatus cohibebatur in vinculis: huic liberato satrapeam
Mediae attribuit: fratremque Darēi recepit in cohortem
amicorum, omni vetustae claritatis honore servato.

(6) Hinc in Parthiēnen perventum est, tunc ignobilem 12
gentem, nunc caput omnium, qui post Euphrāten et Tigrim
amnes siti rubro mari terminantur. Scythae regionem 13
campestrem ac fertilem occupaverunt, graves adhuc acco-
lae. Sedes habent et in Europa et in Asia: qui super Bos-
pōrum colunt, adscribuntur Asiae: at qui in Europa sunt,
a laevo Thraciae latere ad Borysthēnem atque inde ad Ta-
nāim, alium amnem, recta plaga attinent. Tanāis Europam 14
et Asiam medius interfuit. Nec dubitatur, quin Scythae,
qui Parthos condidere, non a Bospōro, sed ex Europae re-
gione penetraverint.

Urbs erat ea tempestate clara Hecatompŷlos, condita 15
a Graecis: ibi stativa rex habuit, commeatibus undique
advectis. Itaque rumor, otiosi militis vitium, sine auctore
percrebruit, regem contentum rebus, quas gessisset, in Ma-
cedoniam protinus redire statuisse. Discurrunt lymphatis 16
similes in tabernacula et itineri sarcinas aptant: signum
datum crederes, ut vasa colligerent. Totis castris tumultus
hinc contubernales suos requirentium, hinc oneran-
tium plaustra perfertur ad regem. Fecerant fidem rumori 17
temere vulgato Graeci milites, redire iussi domos, quorum
equitibus singulis denariū sena milia dono dederat. Ipsi
quoque finem militiae adesse credebant. Haud secus, 18
quam par erat, territus Alexander, qui Indos atque ultima

orientis peragraré statuisset, praefectos copiarum in praetorium contrahit: obortisque lacrimis ex medio gloriae spatio revocari se, victi magis quam victoris fortunam in
 19 patriam relaturum, conquestus est: nec sibi ignaviam militum obstare, sed deorum invidiam, qui fortissimis viris subitum patriae desiderium admovissent, paulo post in
 20 eandem cum maiore laude famaue reductis. Tum vero pro se quisque operam suam offerre, difficillima quaeque poscere, polliceri militum quoque obsequium, si animos
 21 eorum leni et apta oratione permulcere voluisset. Nunquam infractos et abiectos recessisse, quotiens ipsius alacritatem et tanti animi spiritus haurire potuissent. Ita se facturum esse respondit: illi modo vulgi aures praepararent sibi: satisque omnibus, quae in rem videbantur esse, compositis vocari ad concionem exercitum iussit, apud quem talem orationem habuit.

CAP. III.

1 (7) *Magnitudinem rerum, quas gessimus, milites, in-*
tuentibus vobis, minime mirum est, et desiderium quietis et
 2 *satietaem gloriae occurrere. Ut omittam Illyrios, Triballos,*
Boeotiam, Thraciam, Spartam, Achaeos, Peloponnēsum,
quorum alia ductu meo, alia imperio auspicioque perdomui:
 3 *ecce, orsi bellum ab Hellesponto Iōnas, Aeolīdem servitū*
barbariae impotentis exemimus, Cariam, Lydiam, Cappado-
ciam, Phrygiam, Paphlagoniam, Pamphyliam, Pisīdas, Ci-
liciam, Syriam, Phoenīcen, Armeniam, Persīdem, Medos,
 4 *Parthiēnen habemus in potestate: plures provincias com-*
plexus sum, quam alii urbes ceperunt, et nescio, an enume-
ranti mihi quaedam ipsarum rerum multitudo subduxerit.
 5 *Itaque si crederem, satis certam esse possessionem terrarum,*
quas tanta velocitate domuimus, ego vero, milites, ad penates
meos, ad parentem sororesque et ceteros cives, vel retinentibus
vobis, erumperem, ut ibi potissimum parta vobiscum laude et
gloria fruerer, ubi nos uberrima victoriae praemia expe-
 6 *rerum per virtutem partarum secūra possessio. Sed in novo*
et, si verum fateri volumus, precario imperio, adhuc iugum

eius rigida cervice subeuntibus barbaris, tempore, milites, opus est, dum mitioribus ingeniis imbuantur, et efferatos mollior consuetudo permulceat. Fruges quoque maturitatem statuto tempore expectant: adeo etiam illa sensus omnis expertia tamen sua lege mitescunt. Quid? creditis, tot gentes alterius imperio ac nomine assuetas, non sacris, non moribus, non commercio linguae nobiscum cohaerentes, eodem proelio domitas esse, quo victae sunt? Vestris armis continentur, non suis moribus, et qui praesentes metuunt, in absentia hostes erunt. Cum feris bestiis res est, quas captas et inclusas, quia ipsarum natura non potest, longior dies mitigat.

(8) *Et adhuc sic ago, tanquam omnia subacta sint armis, quae fuerunt in ditione Darēi. Hyrcaniam Nabarzānes occupavit: Bactra non possidet solum parricida Bessus, sed etiam minatur: Sogdiāni, Dahae, Massagētae, Sacae, Indi sui iuris sunt. Omnes hi, simul terga nostra viderint, insequentur. Illi enim eiusdem nationis sunt, nos alienigenae et externi. Suis quisque autem placidius paret, etiam quum is praeest, qui magis timeri potest. Proinde aut, quae cepimus, omittenda sunt, aut, quae non habemus, occupanda. Sicut in corporibus aegris, milites, nihil, quod nociturum est, medici relinquunt, sic nos, quicquid obstat imperio, recidamus. Parva saepe scintilla contempta magnum excitavit incendium. Nihil tuto in hoste despicitur: quem spreveris, valentiorum negligentia facies. Ne Darēus quidem hereditarium Persarum accepit imperium, sed in sedem Cyri beneficio Bagōae, castrati hominis, admissus: ne vos magno labore credatis Bessum vacuum regnum occupaturum.*

(9) *Nos vero peccavimus, milites, si Darēum ob hoc vicimus, ut servo eius traderemus imperium: qui ultimum ausus scelus regem suum, etiam externae opis egentem, certe cui nos victores pepercissemus, quasi captivum in vinculis habuit, ad ultimum, ne a nobis conservari posset, occidit. Hunc vos regnare patiemini, quem equidem cruci affixum videre festino, omnibus regibus gentibusque et fidei, quam violavit, meritas poenas solventem? At hercule, si mox eundem Graecorum urbes aut Hellespontum vastare nuntiaturum erit vobis, quo dolore afficiemini, Bessum praemia vestrae occupavisse*

*victoriae? Tunc ad repetendas res festinabitis, tunc arma
 16 capietis. Quanto autem praestat, territum adhuc et vix mentis
 suae compotem opprimere! Quatridui nobis iter superest, qui
 tot proculcavimus nives, tot amnes superavimus, tot montium
 iuga transcucurrimus. Non mare illud, quod exaestuans iter
 fluctibus occupat, euntes nos moratur, non Ciliciae fauces et
 17 angustiae includunt: plana omnia et prona sunt. In ipso li-
 mine victoriae stamus. Pauci nobis fugitivi et domini sui in-
 terfectores supersunt. Egregium mehercule opus et inter
 prima gloriae vestrae numerandum posteritati famaeque
 tradetis, Darēi quoque hostis, finito post mortem illius odio,
 parricidas esse vos ultos, neminem impium effugisse vestras
 18 manus. Hoc perpetrato, quanto creditis Persas obsequentio-
 res fore, quum intellexerint, vos pia bella suscipere et Bessi
 scelerī, non nomini suo irasci?*

CAP. IV.

1 (10) Summa militum alacritate iubentium, quocunque
 2 vellet, duceret, oratio excepta est. Nec rex moratus im-
 petum: tertioque per Parthiēnen die ad fines Hyrcaniae
 penetrat, Cratēro relicto cum iis copiis, quibus praeerat,
 et ea manu, quam Amyntas ducebat, additis sexcentis
 3 equitibus et totidem sagittariis, ut ab incursione barbaro-
 rum Parthiēnen tueretur. Erigyium impedimenta, modico
 praesidio dato, campestri itinere ducere iubet. Ipse cum
 phalange et equitatu CL stadia emensus castra in valle,
 qua Hyrcaniam adeunt, communit. Nemus praealtis den-
 4 sisque arboribus umbrosum est, pingue vallis solum ri-
 gantibus aquis, quae ex petris imminentibus manant. Ex
 ipsis radicibus montium Ziobētis amnis effunditur, qui tria
 fere stadia in longitudinem universus fluit, deinde saxo,
 quod alveolum interpellat, percussus duo itinera, velut
 5 dispensatis aquis, aperit. Inde torrens et saxorum, per
 quae incurrit, asperitate violentior terram praeceps subit.
 Per CCC stadia conditus labitur rursusque, velut ex
 alio fonte conceptus, editur et novum alveum intendit,
 6 priore sui parte spatiosior. Quippe in latitudinem decem
 et trium stadiorum diffunditur rursusque angustioribus

coercitus ripis iter cogit: tandem in alterum amnem cadit, cui Ridagno nomen est. Incolae affirmabant, quaecunque 7 demissa essent in cavernam, quae propior est fonti, rursus, ubi aliud os amnis aperitur, existere. Itaque Alexander duos tauros, quae subeunt aquae terram, praecipitari iubet: quorum corpora, ubi rursus erumpit, expulsa videre, qui missi erant, ut exciperent.

(11) Quartum iam diem eodem loco quietem militi 8 dederat, quum litteras Nabarzānis, qui Darēum cum Besso interceperat, accipit, quarum sententia haec erat: se Darēo non fuisse inimicum, immo etiam, quae credidisset utilia esse, suasisse et, quia fidele consilium regi dedisset, prope occisum ab eo. Agitasse Darēum, custodiam 9 corporis sui contra ius fasque peregrino militi tradere, damnata popularium fide, quam per ducentos et triginta annos inviolatam regibus suis praestitissent. Se in prae-10 cipiti et lubrico stantem consilium a praesenti necessitate repetisse. Darēum quoque, quum occidisset Bagōan, hac excusatione satisfacisse popularibus, quod insidiantem sibi interemisset. Nihil esse miseris mortalibus spiritu ca-11 rius. Amore eius ad ultima esse propulsum. Sed ea magis esse secutum, quae coëgisset necessitas, quam quae optasset. In communi calamitate suam quemque habere 12 fortunam. Si venire se iuberet, sine metu esse venturum. Non timere, ne fidem datam tantus rex violaret: deos a deo falli non solere. Ceterum si, cui fidem daret, videretur 13 indignus, multa exilia patere fugienti: patriam esse, ubicunque vir fortis sedem sibi elegerit. Nec dubitavit Alexan-14 der fidem, quo Persae modo accipiebant, dare, inviolatum, si venisset, fore.

(12) Quadrato tamen agmine et composito ibat, speculatores subinde praemittens, qui explorarent loca. Levis 15 armatura ducebat agmen, phalanx eam sequebatur, post pedites erant impedimenta. Et gens bellicosa et naturae situs difficilis aditu curam regis intenderat. Namque per-16 petua valles iacet, usque ad mare Caspium patens. Duo terrae eius velut brachia excurrunt: media flexu modico sinum faciunt lunae maxime similem, quum eminent

- 17 cornua, nondum totum orbem sidere implente. Cercētae
et Mosŷni et Chalŷbes a laeva sunt, ab altera parte Leu-
cosŷri et Amazōnum campi: et illos, qua vergit ad septen-
18 trionem, hos ad occasum conversa prospectat. Mare Cas-
pium dulcius ceteris ingentis magnitudinis serpentes
alit: piscium in eo longe diversus ab aliis color est. Qui-
dam Caspium, quidam Hyrcanium appellant: alii sunt, qui
Maeotiam paludem in id cadere putent: et argumentum
afferunt aquam, quod dulcior sit, quam cetera maria: in-
19 fuso paludis humore mitescere. A septentrione ingens in
litus mare incumbit longeque agit fluctus et magna parte
exaestuans stagnat. Idem alio coeli statu recipit in se fre-
tum eodemque impetu, quo effusum est, relabens terram
naturae suae reddit. Et quidam credidere, non Caspium
mare esse, sed ex India in Hyrcaniam cadere, cuius fasti-
gium, ut supra dictum est, perpetua valle summittitur.
- 20 (13) Hinc rex XX stadia processit semita propemo-
dum invia, cui silva imminabat, torrentesque et eluvies
iter morabantur. Nullo tamen hoste obvio, penetrat, tan-
21 demque ad cultiora perventum est. Praeter alios commea-
tus, quorum tum copia regio abundabat, pomorum quoque
ingens modus nascitur, et uberrimum gignendis uvis so-
22 lum est. Frequens arbor faciem quercus habet, cuius folia
multo melle tinguntur: sed, nisi solis ortum incolae occu-
paverint, vel modico tepore sucus exstinguitur.
- 23 XXX hinc stadia processerat, quum Phrataphernes ei
occurrit, seque et eos, qui post Darēi mortem profugerant,
dedens: quibus benigne exceptis ad oppidum Arvas per-
24 venit. Hic ei Cratērus et Erigyius occurrunt. Praefectum
Tapurorum gentis Phradātem adduxerant. Hic quoque in
fidem receptus multis exemplo fuit experiendi clementiam
25 regis. Satrapen deinde Hyrcaniae dedit Manāpin: exul
hic, regnante Ocho, ad Philippum pervenerat: Tapurorum
quoque gentem Phradāti reddidit.

CAP. V.

- 1 (14) Iamque rex ultima Hyrcaniae intraverat, quum
Artabāzus, quem Darēo fidissimum fuisse supra diximus,

cum propinquis Darēi ac suis liberis modicaque Graecorum militum manu occurrit. Dextram venienti obtulit rex: 2 quippe et hospes Philippi fuerat, quum, Ocho regnante, exularet, et hospitii pignora in regem suum ad ultimum fides conservata vincebat. Comiter igitur exceptus, *Tu 3 quidem, inquit, rex, deos quaeso, perpetua felicitate floreas. Ego ceteris laetus hoc uno torqueor, quod praecipiti senectute diu frui tua bonitate non possum.* Nonagesimum et quintum annum agebat. Novem iuvenes, omnes eadem matre ge- 4 niti, patrem comitabantur: hos Artabāzus dexteræ regis admovit, precatus, ut tam diu viverent, donec utiles Alexandro essent. Rex pedibus iter plerumque faciebat: 5 tunc admoveri sibi et Artabāzo equos iussit, ne, ipso ingrediente pedibus, senex equo vehi erubesceret.

(15) Ut deinde castra sunt posita, Graecos, quos Ar- 6 tabāzus adduxerat, convocari iubet: at illi, nisi fides Lacedaemoniis quoque et Sinopensibus daretur, respondent, se, quid agendum ipsis foret, deliberaturos. Legati erant 7 Lacedaemoniorum missi ad Darēum, quo victo applicuerant se Graecis mercede apud Persas militantibus. Rex, 8 omissis sponsionum fideique pignoribus, venire eos iussit, fortunam, quam ipse dedisset, habituros. Diu cunctantes, plerisque consilia variantibus, tandem venturos se pollicentur. At Democrātes Atheniensis, qui maxime Macedō- 9 num opibus semper obstiterat, desperata venia, gladio se transfigit. Ceteri, sicut constituerant, ditioni Alexandri ipsos se permittunt. Mille et D milites erant: praeter hos 10 legati ad Darēum missi XC. In supplementum distributus miles, ceteri remissi domum praeter Lacedaemonios, quos tradi in custodiam iussit.

(16) Mardorum erat gens confinis Hyrcaniae, cultu 11 vitae aspera et latrociniis assueta. Haec sola nec legatos miserat nec videbatur imperata factura. Itaque rex indignatus, si una gens posset efficere, ne invictus esset, impedimentis cum praesidio relictis, invicta manu comitante, procedit. Noctu iter fecerat, et prima luce hostis in 12 conspectu erat: tumultus magis quam proelium fuit. Deturbati ex collibus, quos occupaverant, barbari profuge.

Brunt, proximique vici ab incolis deserti capiuntur. Interiora regionis eius haud sane adiri sine magna vexatione exercitus poterant. Iuga montium praealtae silvae rupesque inviae sepiunt: ea, quae plana sunt, novo munimenti
 14 genere impedierant barbari. Arbores densae sunt de industria consitae, quarum teneros adhuc ramos manu flectunt, quos intortos rursus inserunt terrae: inde velut ex
 15 alia radice laetiores virent trunci. Hos, qua natura fert, adolescere non sinunt: quippe alium alii quasi nexu conserunt, qui ubi multa fronde vestiti sunt, operiunt terram. Itaque occulti ramorum velut laquei perpetua sepe iter
 16 cludunt. Una ratio erat caedendo aperire saltum, sed hoc quoque magni operis. Crebri namque nodi duraverant stipites, et in se implicati arborum rami, suspensis
 17 circulis similes, lento vimine frustrabantur ictus. Incolae autem ritu ferarum virgulta subire soliti tum quoque intraverant saltum occultisque telis hostem lacesebant.

X (17) Ille venantium modo latibula scrutatus plerosque confodit: ad ultimum circumire saltum milites iubet, ut, si
 18 qua pateret, irrumperent. Sed ignotis locis plerique oberabant, exceptique sunt quidam, inter quos equus regis (Bucephalam vocabant), quem Alexander non eodem, quo ceteras pecudes, animo aestimabat. Namque ille nec in dorso insidere suo patiebatur alium et regem, quum vellet ascendere, sponte genua submittens excipiebat credebaturque sentire, quem veheret. Maiore ergo, quam decebat, ira simul ac dolore stimulatus equum vestigari iubet et per interpretem pronuntiari, ni reddidissent, neminem esse victurum. Hac denuntiatione territi cum ceteris donis
 20 equum adducunt. Sed ne sic quidem mitigatus caedi silvas iubet aggestaque humo e montibus planitiem ramis
 21 impeditam exaggerari. Iam aliquantum altitudinis opus creverat, quum barbari, desperato, regionem, quam occupaverant, posse retineri, gentem suam dedidere. Rex, obsequiis acceptis, Phradati parere eos iussit.

22 (18) Inde quinto die in stativa revertitur. Artabazum deinde, geminato honore, quem Darëus habuerat

ei, remittit domum. Iam ad urbem Hyrcaniae, in qua regia Darēi fuit, ventum erat. Ibi Nabarzānes, accepta fide, occurrit, dona ingentia ferens. Inter quae Bagōas²³ erat, specie singulari spado atque in ipso flore pueritiae, cui et Darēus assuetus fuerat et mox Alexander assuevit: eiusque maxime precibus motus Nabarzāni ignovit.

(19) Erat, ut supra dictum est, Hyrcaniae finitima²⁴ gens Amazōnum, circa Thermodonta amnem Themiscyrae incolentium campos. Reginam habebant Thalestrin, omnibus inter Caucāsum montem et Phasin amnem imperitantem. Haec cupidine visendi regis accensa finibus regni sui excessit et, quum haud procul abesset, praemisit indicantes, venisse reginam adeundi eius cognoscendique avidam. Protinus facta potestate veniendi, ceteris iussis subsistere, trecentis feminarum comitata processit: atque ut primum rex in conspectu fuit, equo ipsa desiluit, duas lanceas dextra praeferens. Vestis non toto Amazōnum²⁷ corpori obducitur: nam laeva pars ad pectus est nuda, cetera deinde velantur. Nec tamen sinus vestis, quem nodo colligunt, infra genua descendit. Altera papilla in-²⁸ tacta servatur, qua muliebris sexus liberos alant: adurit dextera, ut arcus facilius intendant et tela vibrent. In-²⁹ territo vultu regem Thalestris intuebatur, habitum eius haudquaquam rerum famae parem oculis perlustrans. Quippe omnibus barbaris in corporum maiestate veneratio est, magnorumque operum non alios capaces putant, quam quos eximia specie donare natura dignata est. Ceterum³⁰ interrogata, num aliquid petere vellet, haud dubitavit fateri, ad communicandos cum rege liberos se venisse, dignam, ex qua ipse regni generaret heredes. Feminini sexus se retenturam, marem reddituram patri. Alexander, an cum³¹ ipso militare vellet, interrogat: at illa causata, sine custode regnum reliquisse, petere perseverabat, ne se irritam spei abire pateretur. Acrior ad Venērem feminae cu-³² pido, quam regis, ut paucos dies subsisteret, perpulit. XIII dies in obsequium desiderii eius absumpti sunt. Tum illa regnum suum, rex Parthiēnen petiverunt.

CAP. VI.

- 1 (20) Hic vero palam cupiditates suas solvit conti-
 2 nentiamque et moderationem, in altissima quaque fortuna
 3 eminentia bona, in superbiam ac lasciviam vertit. Patrios
 4 mores disciplinamque Macedōnum regum salubriter tem-
 5 peratam et civilem habitum velut leviora magnitudine sua
 6 ducens Persicae regiae par deorum potentiae fastigium
 7 aemulabatur. Iacere humi venerabundos ipsum, paulatim-
 8 que servilibus ministeriis tot victores gentium imbuere et
 9 captivis pares facere expetebat. Itaque purpureum dia-
 10 dema, distinctum albo, quale Darēus habuerat, capiti cir-
 11 cumdedit vestemque Persicam sumpsit, ne omen quidem
 12 veritus, quod a victoris insignibus in devicti transiret ha-
 13 bitum. Et ille se quidem spolia Persarum gestare dicebat:
 sed cum illis quoque mores induerat, superbiamque ha-
 bitus animi insolentia sequebatur. Litteras quoque, quas
 in Europam mitteret, veteris anuli gemma obsignabat, his,
 quas in Asiam scriberet, Darēi anulus imprimebatur: ut
 appareret, unum animum duorum non capere fortunam.
- 7 Amicos vero et equites (hi namque principes militum)
 8 aspernantes quidem, sed recusare non ausos Persicis
 9 ornauerat vestibibus. Pellices CCC et LX, totidem, quot Da-
 10 rēi fuerant, regiam implebant, quas spadonum greges, et
 11 ipsi muliebria pati assueti, sequebantur.
- 9 (21) Haec luxu et peregrinis infecta moribus veteres
 10 Philippi milites, rudis natio ad voluptates, palam aversa-
 11 bantur, totisque castris unus omnium sensus ac sermo
 12 erat, plus amissum victoria, quam bello esse quaesitum.
 13 Tum maxime vinci ipsos dedique alienis moribus et ex-
 ternis: quo tandem ore domos, quasi in captivo habitu,
 reversuros? Pudere iam sui. Regem victis quam victori-
 bus similiorem ex Macedoniae imperatore Darēi satrapen
 factum. Ille non ignarus, et principes amicorum et exer-
 citum graviter offendi, gratiam liberalitate donisque re-
 parare tentabat. Sed, opinor, liberis pretium servitutis in-
 gratum est. Igitur ne in seditionem res verteretur, otium
 interpellandum erat bello, cuius materia opportune aleba-
 tur. Namque Bessus, veste regia sumpta, Artaxerxen ap-

pellari se iusserat Scythasque et ceteros Tanāis accolae contrahebat. Haec Satibarzānes nuntiabat, quem receptum in fidem regioni, quam antea obtinuerat, praefecit. Et 14 quum grave spoliis apparatuque luxuriae agmen vix moveretur, suas primum, deinde totius exercitus sarcinas, exceptis admodum necessariis, conferri iussit in medium. Planities spatiosa erat, in quam vehicula onusta perduxerant. Expectantibus cunctis, quid deinde esset imperaturus, iumenta iussit abduci suisque primum sarcinis face subdita ceteras incendi praecepit. Flagrabant, exurentibus 15 dominis, quae ut intacta ex urbibus hostium raperent, saepe flammis restinxerant, nullo sanguinis pretium audente deflere, quum regius opes idem ignis exureret. Brevis deinde oratio mitigavit dolorem, habilesque militiae 17 et ad omnia parati laetabantur, sarcinarum potius quam disciplinae fecisse iacturam. Igitur Bactriānam regionem 18 petebant.

(22) Sed Nicānor, Parmeniōnis filius, subita morte correptus magno desiderio sui affecerat cunctos. Rex ante 19 omnes maestus cupiebat quidem subsistere, funeri affuturus, sed penuria commeatuum festinare cogebat. Itaque Philōtas cum duobus milibus et DC relictus, ut iusta fratri persolveret: ipse contendit ad Bessum.

Iter facienti ei litterae afferuntur a finitimis satraparum, e quibus cognoscit, Bessum quidem hostili animo occurrere cum exercitu, ceterum Satibarzānem, quem satrapam Ariorum ipse praefecisset, defecisse ab eo. Itaque 21 quamquam Besso imminerebat, tamen ad Satibarzānem opprimendum praeverti optimum ratus levem armaturam et equestres copias educit totaque nocte itinere strenue facto improvisus hosti supervenit. Cuius cognito adventu Satibarzānes cum II milibus equitum (nec plures subito contrahi poterant) Bactra perfugit, ceteri proximos montes occupaverunt. Praerupta rupes est, qua spectat occidentem: 23 eadem, qua vergit ad orientem, leniore summissa fastigio, multis arboribus obsita, perennem habet fontem, ex quo largae aquae manant. Circuitus eius XXX et II stadia comprehendit. In vertice herbidus campus. In hoc multi-

tudinem imbellem considerare iubent: ipsi, qua rupes [adiri] poterat, arborum truncos et saxa obmoliuntur. XIII milia
 25 armata erant. In quorum obsidione Cratĕro relicto ipse Satibarzānem sequi festinat.

(23) Et quia longius abesse eum cognoverat, ad expugnandos eos, qui edita montium occupaverant, redit.
 26 Ac primo repurgari iubet, quicquid ingredi possent: deinde, ut occurrebant inviae cotes praeruptaeque rupes,
 27 irritus labor videbatur, obstante natura. Ille, ut erat animi semper obluctantis difficultatibus, quum et progredi arduum et reverti periculosum esset, versabat se ad omnes cogitationes, aliud atque aliud, ita ut fieri solet, ubi prima quaeque damnamus, subiiciente animo. Haesitanti, quod
 28 ratio non potuit, fortuna consilium subministravit. Vehemens Favonius erat, et multam materiam ceciderat miles, aditum per saxa molitus. Haec vapore torrida casu inarse-
 29 rat. Ergo aggeri alias arbores iubet et igni dari alimenta: celeriterque stipitibus cumulatis fastigium montis aequa-
 30 tum est. Tunc undique ignis iniectus cuncta comprehendit. Flammam in ora hostium ventus ferebat, fumus
 31 ingens velut quadam nube absconderat coelum. Sonabant incendio silvae, atque ea quoque, quae non incenderat miles, concepto igne, proxima quaeque adurebant. Barbari suppliciorum ultimum, si qua intermoreretur ignis, effugere tentabant, sed, qua flamma dederat locum, hostis
 32 obstabat. Varia igitur caede consumpti sunt: alii in medios ignes, alii petris praecipitavere se, quidam manibus hostium se obtulerunt, pauci semiustulati venere in potestatem.

33 (24) Hinc ad Cratĕrum, qui Artacoāna obsidebat, redit. Ille, omnibus praeparatis, regis expectabat adventum,
 34 captae urbis titulo, sicut par erat, cedens. Igitur Alexander turres admoveri iubet: ipsoque aspectu barbari territi, e muris supinas manus tendentes, orare coeperunt, iram in Satibarzānem, defectionis auctorem, reservaret, supplicibus semet dedentibus parceret. Rex, data venia non obsidionem modo solvit, sed omnia sua incolis reddidit.

Ab hac urbe digresso supplementum novorum mili-35
tum occurrit. Zoilus D equites ex Graecia adduxerat: III
milia ex Illyrico Antipater miserat: Thessali equites C et
XXX cum Philippo erant: ex Lydia II milia et DC, pere-
grinus miles, advenerant: CCC equites, gentis eiusdem,
sequebantur. Hac manu adiecta, Drangas [pervenit]. Bel-36
licosa natio est. Satrapes erat Barzaentes, sceleris in re-
gem suum particeps Besso. Is suppliciorum, quae merue-
rat, metu profugit in Indiam.

CAP. VII.

(25) Iam nonum diem stativa erant, quum A. 330 1
externa vi non tutus modo rex, sed invictus, in- a. Chr. n.
testino facinore petebatur. Dimnus, modicae apud mense
regem auctoritatis et gratiae, exoleti, cui Nico- Octobri. 2
macho erat nomen, amore flagrabat, obsequio uni sibi de- Ol. 112, 3.
diti corporis vinctus. Is, quod ex vultu quoque perspicere
poterat, similis attonito, remotis arbitris, cum iuvene se-
cessit in templum, arcana se et silenda afferre praefatus,
suspensumque expectatione per mutuam caritatem et pi- 4
gnora utriusque animi rogat, ut affirmet iureiurando, quae
commisisset, silentio esse tecturum. Et ille ratus, nihil, 5
quod etiam cum periurio detegendum foret, indicaturum,
per praesentes deos iurat. Tum Dimnus aperit, in tertium 6
diem regi insidias comparatas seque eius consilii fortibus
viris et illustribus esse participem. Quibus iuvenis audi- 7
tis se vero fidem in parricidio dedisse constanter abnuit,
nec ulla religione, ut scelus tegat, posse constringi. Di- 8
mnus et amore et metu amens, dexteram exoleti com-
plexus et lacrimans, orare primum, ut particeps consilii
operisque fieret: si id sustinere non posset, attamen ne 9
proderet se, cuius erga ipsum benivolentiae praeter alia
hoc quoque haberet fortissimum pignus, quod caput suum
permisisset fidei adhuc inexpertae. Ad ultimum aversari 10
scelus perseverantem mortis metu terret: ab illo capite
coniuratos pulcherrimum facinus inchoaturos. Alias de- 11
inde effeminatum et muliebriter timidum, alias proditorem
amatoris appellans, nunc ingentia promittens interdumque

regnum quoque, versabat animum tanto facinore procul
 12 abhorrentem. Strictum deinde gladium modo illius, modo
 suo admovens iugulo, supplex idem et infestus, expressit
 tandem, ut non solum silentium, sed etiam operam polli-
 13 ceretur. Namque abunde constantis animi et dignus, qui
 pudicus esset, nihil ex pristina voluntate mutaverat, sed
 14 se captum Dimni amore simulabat nihil recusare. Scisci-
 tari inde pergit, cum quibus tantae rei societatem inisset:
 plurimum referre, quales viri tam memorabili operi ad-
 15 moturi manus essent. Ille et amore et scelere male sanctus
 simul gratias agit, simul gratulatur, quod fortissimis iu-
 venum non dubitasset se adiungere, Demetrio, corporis
 custodi, Peucolão, Nicanōri. Adicit his Aphobētum, Io-
 leum, Dioxēnum, Archepōlim, Amyntam.

16 (26) Ab hoc sermone dimissus Nicomāchus ad fra-
 trem (Cebalīno erat nomen), quae acceperat, defert. Pla-
 cet, ipsum subsistere in tabernaculo, ne, si regiam intras-
 set, non assuetus adire regem, coniurati proditos se esse
 17 resciscerent. Ipse Cebalīnus ante vestibulum regiae — ne-
 que enim propius aditus ei patebat — consistit, opperiens
 aliquem amicorum ex prima cohorte, quo introduceretur ad
 18 regem. Forte, ceteris dimissis, unus Philōtas, Parmeniōnis
 filius, incertum, quam ob causam, substiterat in regia.
 Huic Cebalīnus ore confuso magnae perturbationis notas
 prae se ferens aperit, quae ex fratre compererat, et sine
 19 dilatione nuntiari regi iubet. Philōtas, collaudato eo, pro-
 tinus intrat ad Alexandrum: multoque invicem de aliis
 rebus sermone consumpto nihil eorum, quae ex Cebalīno
 20 cognoverat, nuntiat. Sub vesperam eum prodeuntem in
 vestibulo regiae excipit iuvenis, an mandatum executus
 21 foret, requirens. Ille non vacasse sermoni suo regem cau-
 satus discessit. Postero die Cebalīnus venienti in regiam
 praesto est intrantemque admonet pridie communicatae
 cum ipso rei. Ille curae sibi esse respondet: ac ne tum
 quidem regi, quae audierat, aperit. Coeperat Cebalīno esse
 22 suspectus. Itaque non ultra interpellandum ratus nobili
 iuveni (Metron erat ei nomen) super armamentarium po-
 23 sito, quod scelus pararetur, indicat. Ille, Cebalīno in arma-

mentario abscondito, protinus regi corpus forte curanti, quid ei index detulisset, ostendit.

(27) Rex, ad comprehendendum Dimnum missis satel-24
litibus, armanentarium intrat. Ibi Cebalinus gaudio elatus,
Habeo te, inquit, *incolumem ex impiorum manibus ereptum*.
Percontatus deinde Alexander, quae noscenda erant, or-25
dine cuncta cognoscit. Rursusque institit quaerere, quo-
tus dies esset, ex quo Nicomachus ad eum detulisset in-
dicium: atque illo fatente, iam tertium esse, existimans,26
haud incorrupta fide tanto post deferre, quae audierat,
vinciri eum iusserat. Ille clamitare coepit, eodem tempo-27
ris momento, quo audisset, ad Philotam decurrisse: ab eo
percontaretur. Rex item quaerens, an Philotam adisset, an28
institisset ei, ut perveniret ad se, perseverante eo affir-
mare, quae dixerat, manus ad coelum tendens, mananti-
bus lacrimis, hanc sibi a carissimo quondam amicorum
relatam gratiam querebatur. Inter haec Dimnus haud29
ignarus, quam ob causam accerseretur a rege, gladio, quo
forte erat cinctus, graviter se vulnerat occursuque satelli-
tum inhibitus perfertur in regiam. Quem intuens rex, *Quod*,30
inquit, *in te, Dimne, tantum cogitavi nefas, ut tibi Macedo-*
num regno dignior Philotas me quoque ipso videretur? Illum
iam defecerat vox. Itaque edito gemitu vultuque a con-
spectu regis averso, subinde collapsus extinguitur.

(28) Rex, Philota venire in regiam iusso, Cebalinus,31
inquit, *ultimum supplicium meritis, si in caput meum prae-*
paratas insidias biduo textit, huius criminis Philotam reum
substituit, ad quem protinus indicium detulisse se affirmat.
*Quo propiore gradu amicitiae me contingis, hoc maius est*32
dissimulationis tuae facinus, et ego Cebalino magis quam
Philotae id convenire fateor. Faventem habes iudicem, si,
quod admitti non oportuit, saltem negari potest. Ad haec33
Philotas haud sane trepidus, si animus vultu aestimaretur,
Cebalinum quidem scorti sermonem ad se detulisse, sed
ipsum tam levi auctori nihil credidisse respondit, veritum,
ne iurgium inter amatorem et exoletum non sine risu alio-
rum detulisset: quum Dimnus interemerit semet, qualia-34
cunque erant, non fuisse reticenda. Complexusque regem

orare coepit, ut praeteritam vitam potius quam culpam,
 35 silentii tamen, non facti ullius, intueretur. Haud facile
 dixerim, credideritne ei rex, an altius iram suppresserit:
 dextram reconciliatae gratiae pignus obtulit et contem-
 ptum magis quam celatum indicium esse videri sibi dixit.

CAP. VIII.

1 (29) Advocato tum consilio amicorum, cui tamen Phi-
 2 lōtas adhibitus non est, Nicomāchum introduci iubet. Is
 eadem, quae detulerat ad regem, ordine exposuit. Erat
 Cratērus regi carus in paucis et eo Philōtae ob aemulatio-
 3 nem dignitatis adversus: neque ignorabat, saepe Alexan-
 dri auribus nimia iactatione virtutis atque operae gravem
 fuisse et ob ea non quidem sceleris, sed contumaciae ta-
 4 men esse suspectum. Non aliam premendi inimici occa-
 sionem aptiorem futuram ratus, odio suo pietatis praefer-
 ens speciem, *Utinam, inquit, in principio quoque huius rei*
 5 *nobiscum deūberasses. Suavissemus, si Philōtae velles igno-*
scere, patereris potius, ignorare eum, quantum deberet tibi,
quam usque ad mortis metum adductum cogeres saepius de
periculo suo quam de tuo cogitare beneficio. Ille enim sem-
 6 *per insidiari tibi poterit, tu non semper Philōtae poteris igne-*
scere. Nec est, quod existimes, eum, quī tantum facinus au-
sus est, venia posse mutari. Scit, eos, qui misericordiam con-
 7 *sumpserunt, amplius sperare non posse. At ego, etiamsi ipse*
vel poenitentia vel beneficio tuo victus quiescere volet, patrem
eius Parmenionem, tanti ducem exercitus et inveterata apud
mīlites tuos auctoritate haud multum infra magnitudinis tuae
fastigium positum, scio non aequo animo salutem filii sui de-
 8 *biturum tibi. Quaedam beneficia odimus. Meruisse mortem*
confiteri pudet. Superest, ut malit videri iniuriam accepisse,
quam vitam. Proinde scito, tibi cum illis de salute esse pu-
 9 *gnandum. Satis hostium superest, ad quos persequendos*
ituri sumus: latus a domesticis hostibus muni. Hos si sum-
moves, nihil metuo ab externo.

10 (30) Haec Cratērus. Nec ceteri dubitabant, quin con-
 iurationis indicium suppressurus non fuisset, nisi auctor
 aut particeps. Quem enim pium et bonae mentis, non ami-

cum modo, sed ex ultima plebe, auditis, quae ad eum delata erant, non protinus ad regem fuisse cursurum? ne Cebalini quidem exemplo, qui ex fratre comperta ipsi nuntiasset, Parmeniōnis filium, praefectum equitatus, omnium arcanorum regis arbitrum! simulasse etiam, non vacasse sermoni suo regem, ne index alium internuntium quaereret. Nicomāchum religione quoque deum astrictum conscientiam suam exonerare properasse: Philōtam, consumpto per ludum iocumque paene toto die, gravatum esse pauca verba, pertinentia ad caput regis, tam longo et forsitan supervacuo inserere sermoni. At enim se non credidisse talia deferentibus pueris! Cur igitur extraxisset biduum, tanquam indicio haberet fidem? dimittendum fuisse Cebalinum, si delationem eius damnabat. In suo quemque periculo magnum animum habere, quum de salute regis timeretur, credulos esse debere, vana quoque deferentes admittere. Omnes igitur quaestionem de eo, ut participes sceleris indicare cogeretur, habendam esse decernunt. Rex admonitos, uti consilium silentio premerent, dimittit.

(31) Pronuntiari deinde iter in posterum iubet, ne qua novi initi consilii daretur nota. Invitatus est etiam Philōtas ad ultimas ipsi epulas, et rex non coenare modo, sed etiam familiariter colloqui cum eo, quem damnaverat, sustinuit. Secunda deinde vigilia, luminibus extinctis, cum paucis in regiam coeunt Hephaestion et Cratērus et Coenus et Erigyus, hi ex amicis: ex armigeris autem Perdiccas et Leonnātus. Per hos imperatum, ut, qui ad praetorium excubabant, armati vigilarent. Iam ad omnes aditus dispositi erant equites, itinera quoque obsidere iussi, ne quis ad Parmeniōnem, qui tum Mediae magnisque copiis praeerat, occultus evaderet. Atharriās autem cum trecentis armatis intraverat regiam: huic decem satellites traduntur, quorum singulos deni armigeri sequebantur. Hi ad alios coniuratos comprehendendos distributi sunt: Atharriās cum trecentis ad Philōtam missus clausum aditum domus moliebatur, quinquaginta iuvenum promptissimis stipatus: nam ceteros cingere undique domum iusserat, ne occulto aditu Philōtas posset elabi.

11 Illum sive securitate animi sive fatigatione resolutum
 somnus oppresserat: quem Atharrias torpentem adhuc
 22 occupat. Tandem ei, sopore discusso, quum iniicerentur
 catenae, *Vicit, inquit, bonitatem tuam, rex, inimicorum*
meorum acerbitas. Nec plura elocutum, capite velato, in regi-
 am adducunt.

23 (32) Postero die rex edixit, omnes armati coirent.
 Sex milia fere militum venerant: praeterea turba lixarum
 24 calorumque impleverant regiam. Philotas armigeri agmine
 suo tegebant, ne ante conspici posset a vulgo, quam rex
 25 allocutus milites esset. De capitalibus rebus vetusto Ma-
 cedonum modo inquirebat exercitus: in pace erat vulgi:
 et nihil potestas regum valebat, nisi prius valuisset aucto-
 26 ritas. Igitur Dimni primum cadaver infertur, plerisque,
 quid parasset quoque casu extinctus esset, ignaris.

CAP. IX.

1 Rex deinde in concionem procedit, vultu praeferens
 dolorem animi. Amicorum quoque maestitia expectatio-
 2 nem haud parvam rei fecerat. Diu rex, demisso in terram
 vultu, attonito stupentique similis stetit. Tandem recepto
 animo, *Paene, inquit, milites, paucorum hominum scelere*
vobis ereptus sum: deum providentia et misericordia vivo.
Conspectusque vestri venerabilis coëgit, ut vehementius par-
ricidis irascerer, quoniam spes, immo unus vitae meae fru-
ctus est, tot fortissimis viris et de me optime meritis referre
 3 *adhuc gratiam posse*. Interrupit orationem militum gemi-
 tus, obortaëque sunt omnibus lacrimae. Tum rex, *Quanto,*
inquit, maiorem in animis vestris motum excitabo, quum
tanti sceleris auctores ostendero! quorum mentionem adhuc
reformido et, tanquam salvi esse possint, nominibus abstineo.
 4 *Sed vincenda est memoria pristinae caritatis, et coniuratio*
impiorum civium detegenda. Quomodo autem tantum nefas
sileam? Parmenio, illa aetate, tot meis, tot parentis mei me-
ritis devinctus, omnium nobis amicorum vetustissimus, ducem
 5 *se sceleri tanto praebuit. Minister eius Philotas Peucolaum et*
Demetrium et hunc Dimnum, cuius corpus aspicitis, ceteros-
que, eiusdem amentiae, in caput meum subornavit.

(33) Fremitus undique indignantium querentiumque 6
 tota concione obstrepebat, qualis solet esse multitudinis,
 et maxime militaris, ubi aut studio agitur aut ira. Nico- 7
 mächus deinde et Metron et Cebalinus producti, quae quis-
 que detulerat, exponunt. Nullius eorum indicio Philōtas
 ut particeps sceleris destinabatur. Itaque, indignatione
 repressa, vox indicum silentio excepta est. Tum rex, 8
Qualis, inquit, ergo animi vobis videtur, qui huius rei dela-
tum indicium ad ipsum suppressit? Quod non fuisse vanum,
Dimni exitus declarat. Incertam rem deferens tormenta non 9
timuit Cebalinus: Metron ne momentum quidem temporis
distulit exonerare se, ut eo, ubi lavabar, irrumperet: Philōtas 10
solus nihil timuit, nihil credidit. O magni animi virum! Iste
regis periculo commoveretur, vultum mutaret, indicem tan-
tae rei sollicitus audiret! Subest nimirum silentio facinus, et 11
avida spes regni praecipitem animum ad ultimum nefas im-
pulit. Pater Mediae praeest. Ipse apud multos copiarum
duces meis praepotens viribus maiora, quam capit, spirat.
Orbitas quoque mea, quod sine liberis sum, spernitur. Sed 12
errat Philōtas. In vobis liberos, parentes, consanguineos ha-
beo: vobis salvis, orbus esse non possum.

(34) Epistolam deinde Parmeniōnis interceptam, quam 13
 ad filios Nicanōrem et Philōtam scripserat, recitat, haud
 sane indicium gravioris consilii praeferentem. Namque 14
 summa eius haec erat: *Primum vestri curam agite, deinde*
vestrorum: sic enim, quae destinavimus, efficiemus. Adiecit- 15
 que rex, sic esse scriptam, ut, sive ad filios pervenisset,
 a consciis posset intelligi, sive intercepta esset, falleret
 ignaros. *At enim Dimnus, quum ceteros participes sceleris 16*
indicaret, Philōtam non nominavit! Hoc quidem illius non
innocentiae, sed potentiae indicium est, quod sic ab iis timetur
etiam, a quibus prodi potest, ut, quum de se fateantur, illum
tamen celent. Ceterum Philōtam ipsius indicat vita. Hic 17
Amyntae, qui mihi consobrinus fuit et in Macedonia capiti
meo impias comparavit insidias, socium se et conscium ad-
iunxit. Hic Attālo, quo graviolem inimicum non habui, so-
rorem suam in matrimonium dedit. Hic, quum scripsissem 18
ei pro iure tam familiaris usus atque amicitiae, qualis sors

edita esset Iovis Hammōnis oraculo, sustinuit rescribere mihi, se quidem gratulari, quod in numerum deorum receptus essem, ceterum misereri eorum, quibus vivendum esset sub
 19 *eo, qui modum hominis excederet. Haec sunt etiam pridem animi alienati a me et invidentis gloriae meae indicia: quae equidem, milites, quamdiu licuit, in animo meo pressi. Vi-*
 20 *debar enim mihi partem viscerum meorum abrumpere, si, in quos tam magna contuleram, viliores mihi facerem. Sed iam non verba punienda sunt: linguae temeritas pervenit ad*
 21 *gladios. Hos, si mihi creditis, Philōtas in me acuit. [Id] si ipsi admiseritis, quo me conferam, milites? cui caput meum credam? Equitatuī, optimae exercitus parti, principibus nobilissimae iuventutis, unum praefeci: salutem, spem, victo-*
 22 *riam meam fidei eius tutelaeque commisi. Patrem in idem fastigium, in quo me ipsum posuistis, admovi: Mediam, qua nulla opulentior regio est, et tot civium sociorumque milia imperio eius ditionique subieci. Unde praesidium petieram,*
 23 *periculum extitit. Quam feliciter in acie occidissem, potius hostis praeda, quam civis victima! Nunc servatus ex periculis, quae sola timui, in haec incidi, quae timere non debui.*
 24 *Soletis identidem a me, milites, petere, ut saluti meae parcam. Ipsi mihi praestare potestis, quod suadetis ut faciam. Ad vestras manus, ad vestra arma confugio: invitis vobis, salvus esse nolo: volentibus, non possum, nisi vindicor.*

25 (35) Tum Philōtam, religatis post tergum manibus, obsoleto amiculo velatum iussit induci. Facile apparebat, motos esse tam miserabili habitu non sine invidia paulo
 26 ante conspecti. Ducem equitatus pridie viderant: sciebant, regis interfuisse convivio. Repente non reum quidem,
 27 sed etiam damnatum, immo vinctum intuebantur. Subibat animos Parmeniōnis quoque, tanti ducis, tam clari civis, fortuna, qui modo duobus filiis, Hectōre ac Nicanōre, orbatus cum eo, quem reliquum calamitas fecerat, absens
 28 diceret causam. Itaque Amyntas, regius praetor, inclinatum ad misericordiam concionem rursus aspera in Philōtam oratione commovit: proditos eos esse barbaris: neminem ad coniugem suam, neminem in patriam et ad parentes fuisse rediturum: velut truncum corpus, dempto

capite, sine spiritu, sine nomine, aliena terra, ludibrium hostis futuros. Haudquaquam pro spe ipsius Amyntae²⁹ oratio grata regi fuit, quod coniugum, quod patriae admonitos pigriores ad cetera munia exequenda fecisset.

(36) Tum Coenus, quamquam Philōtae sororem³⁰ trimonio secum coniunxerat, tamen acrius, quam quisquam, in Philōtam invectus est, parricidam esse regis, patriae, exercitus, clamitans: saxumque, quod forte ante³¹ pedes iacebat, arripuit, emissurus in eum, ut plerique credidere, tormentis subtrahere cupiens. Sed rex manum eius inhibuit, dicendi prius causam debere fieri potestatem reo nec aliter iudicari passurum se affirmans. Tum³² dicere iussus Philōtas, sive conscientia sceleris sive periculi magnitudine amens et attonitus, non attollere oculos, non hiscere audebat. Lacrimis deinde manantibus, lin-³³ quente animo, in eum, a quo tenebatur, incubuit: absteris-
sisque amiculo eius oculis paulatim recipiens spiritum ac vocem dicturus videbatur. Iamque rex intuens eum, *Ma-³⁴ cedōnes*, inquit, *de te iudicaturi sunt: quaero, an patrio sermone sis apud eos usurus*. Tum Philōtas, *Praeter Ma-³⁵ cedōnas*, inquit, *plerique adsunt, quos facilius, quae di-*
sam, percepturos arbitror, si eadem lingua fuero usus, qua tu egisti, non ob aliud, credo, quam ut oratio tua intelligi posset a pluribus. Tum rex, *Ecquid videtis, adeo etiam ser-³⁶ monis patrii Philōtam taedere? solus quippe fastidit eum dicere*. Sed dicat sane, utcunque ei cordi est, dum memineritis, aequae illum a nostro more quam a sermone abhorrere. Atque ita concione excessit.

CAP. X.

(37) Tum Philōtas, *Verba*, inquit, *innocenti reperire* ¹*facile est, modum verborum misero tenere difficile*. Itaque ²*inter optimam conscientiam et iniquissimam fortunam destitutus ignoro, quomodo et animo meo et tempori paream*. Ab-³*est quidem optimus causae meae iudex, qui cur me ipse audire noluerit, non mehercule excogito, quum illi, utrimque cognita causa, tam damnare me liceat, quam absolvere: non cognita vero, liberari ab absente non possum, qui a praesente*

- 4 *damnatus sum. Sed quamquam vincti hominis non superva-*
cua solum, sed etiam invisae defensio est, qui iudicem non do-
cere videtur, sed arguere: tamen, utcunque licet me dicere,
memet ipse non deseram nec committam, ut damnatus etiam
5 *mea sententia videar. Equidem, cuius criminis reus sim, non*
video. Inter coniuratos nemo me nominat: de me Nico-
machus nihil dixit: Cebalinus plus, quam audierat, scire non
6 *potuit. Atqui coniurationis caput me fuisse credit rex! Po-*
tuit ergo Dimnus eum praeterire, quem sequebatur? praeser-
tim quum quaerenti socios vel falso fuerim nominandus, quo
7 *facilius, qui tentabatur, posset impelli. Non enim detecto*
facinore nomen meum praeteriit, ut posset videri socio pe-
percisse: Nicomacho, quem taciturnum arcana de semetipso
credebat, confessus, aliis nominatis, me unum subtrahebat.
8 *Quaeso, commilitones, si Cebalinus me non adisset, nihil me*
de coniuratis scire voluisset, num hodie dicerem causam,
9 *nullo me nominante? Dimnus sune, si viveret adhuc, ut vellet*
mihi parcere: quid ceteri? qui de se confitebuntur, me vide-
licet subtrahent! Maligna est calamitas, et fere noxius,
10 *quum suo supplicio crucietur, acquiescit alieno. Tot conscii*
ne in equuleum quidem impositi verum fatebuntur? Atqui
nemo parcat morituro, nec cuiquam moriturus, ut opinor.
11 (38) *Ad verum crimen et ad unum revertendum mihi*
est: cur rem delatam ad te tacuisti? cur tam securus audisti?
Hoc, qualecunque est, confesso mihi, ubicunque es, Alexan-
der, remisisti: dexteram tuam amplexus, reconciliati pignus
12 *animi, convivio quoque interfui. Si credidisti mihi, absolutus*
sum, si pepercisti, dimissus: vel iudicium tuum serva. Quid
hac proxima nocte, qua digressus sum a mensa tua, feci?
quod novum facinus delatum ad te mutavit animum tuum?
13 *Gravi sopore acquiescebam, quum me malis indormientem*
meis inimici vinciendo excitaverunt. Unde et parricidae et
14 *proditori tam alti quies somni? Scelerati, conscientia obstre-*
pente, condormire non possunt: agitant eos furiae, non con-
summato modo, sed etiam cogitato parricidio. At mihi secu-
ritatem primum innocentia mea, deinde tua dextera obtulerat:
non timui, ne plus alienae crudelitati apud te liceret, quam
15 *clementiae tuae. Sed ne te mihi credidisse poeniteat: res ad*

me deferrebat a puero, qui non testem, non pignus indicii exhibere poterat, impleturus omnes metu, si coepisset audiri. Amatoris et scorti iurgio interponi aures meas credidi infelix et fidem eius suspectam habui, quod non ipse deferret, sed fratrem potius subornaret. Timui, ne negaret, mandasse sese Cebatino, et ego viderer multis amicorum regis fuisse periculi causa. Sic quoque, quum laeserim neminem, inveni, qui mallet, perire me, quam incolumem esse: quid inimicitarum creditis excepturum fuisse, si insontes lacessissem? At enim Dimnus se occidit! Num igitur facturum eum divinare potui? Minime. Ita, quod solum indicio fidem fecit, id me, quum a Cebatino interpellatus sum, movere non poterat.

(39) *At hercule, si conscius Dimno tanti sceleris fuissem, biduo illo, proditos esse nos, dissimulare non debui: Cebatinus ipse tolli de medio nulloque negotio potuit. Denique post delatum indicium, quo periturus eram, cubiculum regis solus intravi, ferro quidem cinctus. Cur distuli facinus? An sine Dimno non sum ausus? Ille igitur princeps coniurationis fuit! sub illius umbra Philotas latebam, qui regnum Macedonum affecto! Ecquis e vobis corruptus est donis? quem ducem, quem praefectum impensius colui? Mihi quidem obicitur, quod societatem patrii sermonis asperner, quod Macedonum mores fastidiam. Sic ergo imperio, quod dedignor, immineo! Iam pridem nativus ille sermo commercio aliarum gentium exolevit: tam victoribus, quam victis peregrina lingua discenda est. Non mehercule ista me magis laedunt, quam quod Amyntas, Perdiccae filius, insidiatus est regi: cum quo quod amicitia fuerit mihi, non recuso defendere, si fratrem regis non oportuit diligi a nobis. Sin autem in illo fortunae gradu positum etiam venerari necesse erat, utrum, quaeso, quod non divinavi, reus sum, an impiorum amicis insontibus quoque moriendum est? Quod si aequum est, cur tamdiu vivo? si iniustum, cur nunc demum occidor? At enim scripsi, misereri me eorum, quibus vivendum esset sub eo, qui se Iovis filium crederet. Fides amicitiae, veri consilii periculosa libertas, vos me decepistis! vos, quae sentiebam, ne reticerem, impulistis! Scripsisse me haec fateor regi, non de rege scripsisse. Non enim faciebam invidiam,*

sed pro eo timebam. Dignior mihi Alexander videbatur, qui Iovis stirpem tacitus agnosceret, quam qui praedicatione ia-
 28 *ctaret. Sed quoniam oraculi fides certa est, sit deus causae meae testis. Retinete me in vinculis, dum consulitur Hammon, dum arcanum et occultum scelus. Iupiter enim, qui regem nostrum dignatus est filium, neminem eorum, qui stirpi*
 29 *suae insidiati sunt, latere patietur. Si certiora oraculis creditis esse tormenta, ne hanc quidem exhibendae veritatis fidem deprecor.*

30 (40) *Solent rei capitis adhibere vobis parentes. Duos fratres ego nuper umisi: patrem nec ostendere possum nec*
 31 *invocare audeo, quum et ipse tanti criminis reus sit. Parum est enim, tot modo liberum parentem, in unico filio acquiescentem, eo quoque orbari, nisi ipse in rogum meum imponi-*
 32 *tur. Ergo, carissime pater, et propter me morieris et mecum! Ego tibi vitam adimo, ego senectutem tuam extinguo! Quid enim me procreabas infelicem, adversantibus diis? an ut hos*
 33 *ex me fructus perciperes, qui te manent? Nescio, adolescentia mea miserior sit, an senectus tua: ego in ipso robore aetatis eripior: tibi carnifex spiritum adimet, quem, si fortuna*
 34 *expectare voluisset, natura reposcebat. Admonuit me patris mei mentio, quam timide et cunctanter, quae Cebatinus detulerat ad me, indicare debuerim. Parmenio enim, quum audisset, venenum a Philippo medico regi parari, detertere eum voluit epistola scripta, quo minus medicamentum biberet, quod medicus dare constituerat. Num creditum est patri meo?*
 35 *num ullam auctoritatem eius litterae habuerunt? Ego ipse, quotiens, quae audieram, detuli, cum ludibrio credulitatis repulsus sum. Si et, quum indicamus, invisi et, quum tacemus,*
 36 *suspecti sumus, quid facere nos oportet? Quumque unus e circumstantium turba exclamasset: Bene meritis non insi-*
 37 *diari, Philōtas, Recte, inquit, quisquis es, dicis. Itaque si insidiatus sum, poenam non deprecor et finem facio dicendi, quoniam ultima verba gravia sunt visa auribus. Abducitur deinde ab his, qui custodiebant eum.*

CAP. XI.

1 (41) *Erat inter duces manu strenuus Bolon quidam,*

pacis artium et civilis habitus rudis, vetus miles, ab humili ordine ad eum gradum, in quo tunc erat, promotus: qui, 2 tacentibus ceteris, stolidi audacia ferox admonere eos coepit, quotiens suis quisque diversoriis, quae occupassent, proturbatus esset, ut purgamenta servorum Philôtæ reciperentur eo, unde commilitones expulisset. Auro ar- 3 gentoque vehicula eius onusta totis vicis stetisse, ac ne in viciniam quidem diversorii quemquam commilitonum receptum esse, sed per dispositos, quos supra somnum habebat, omnes procul relegatos, ne femina illa murmurantium inter se silentio verius quam sono excitaretur. Ludibrio ei fuisse rusticos homines Phrygasque et Pa- 4 phlagōnas appellatos: qui non erubesceret, Macēdo natus, homines linguae suae per interpretem audire. Nunc 5 cur Hammōnem consuli vellet? eundem Iovis arguisse mendacium, Alexandrum filium agnoscentis, scilicet veritum, ne invidiosum esset, quod dii offerrent. Quum 6 insidiaretur capiti regis et amici, non consuluisse eum Iovem: nunc ad oraculum mittere, dum pater eius sollicitetur, qui praesit in Media, et pecunia, cuius custodia commissa sit, perditos homines ad societatem sceleris impellat. Ipsos missuros ad oraculum, non qui Iovem in- 7 terrogent, quod ex rege cognoverint, sed qui gratias agant, qui vota pro incolumitate regis optimi persolvant. Tum vero universa concio accensa est, et a corporis cu- 8 stodibus initium factum, clamantibus, discerpendum esse parricidam manibus eorum. Id quidem Philôtas, qui graviora supplicia metueret, haud sane iniquo animo audiebat.

(42) Rex in concionem reversus, sive ut in custodia 9 quoque torqueret, sive ut diligentius cuncta cognosceret, concilium in posterum diem distulit et, quamquam in vesperam inclinabat dies, tamen amicos convocari iubet. Et ceteris quidem placebat, Macedōnum more obrui saxis, 10 Hephaestion autem et Cratērus et Coenus tormentis veritatem exprimendam esse dixerunt, et illi quoque, qui aliud suaserant, in horum sententiam transeunt. Consilio ergo 11 dimisso, Hephaestion cum Cratēro et Coeno ad quaestio-

12 nem de Philōta habendam consurgunt. Rex, Cratēro ac-
 cersito et sermone habito, cuius summa non edita est, in
 intimam diversorii partem secessit et, remotis arbitris, in
 13 multam noctem quaestionis expectavit eventum. Tortores
 in conspectum Philōtae omnia crudelitatis instrumenta
 14 proponunt. Et ille ultro, *Quid cessatis*, inquit, *regis inimi-*
cum, interfectorem, confitentem occidere? quid quaestione
opus est? cogitavi, volui. Cratērus exigere, ut, quae con-
 15 fiteretur, in tormentis quoque diceret. Dum corripitur,
 dum obligantur oculi, dum vestis exuitur, deos patrios,
 gentium iura nequicquam apud surdas aures invocabat.
 Per ultimos deinde cruciatus, utpote et damnatus et ini-
 16 micis in gratiam regis torquentibus, laceratur. Ac primo,
 quamquam hinc ignis, illinc verbera iam non ad quaestio-
 nem, sed ad poenam ingerebantur, non vocem modo, sed
 17 etiam gemitus habuit in potestate: sed postquam intumescens corpus ulceribus flagellorum ictus nudis ossibus
 incussos ferre non poterat, si tormentis adhibitori modum
 18 essent, dicturum se, quae scire expeterent, pollicetur. Sed
 finem quaestioni fore, iurare eos per Alexandri salutem
 volebat removerique tortores. Et utroque impetrato, *Cra-*
 19 *tēre*, inquit, *dic, quid me velis dicere.* Illo indignante,
 ludificari eum, rursusque revocante tortores, tempus pe-
 tere coepit, dum reciperet spiritum, cuncta, quae sciret,
 indicaturus.

20 Interim equites, nobilissimus quisque, et ii maxime,
 qui Parmeniōnem propinqua cognatione contingebant,
 postquam Philōtam torqueri fama vulgaverat, legem Ma-
 cedōnum veriti, qua cautum erat, ut propinqui eorum, qui
 regi insidiati essent, cum ipsis necarentur, alii se inter-
 ficiunt, alii in devios montes vastasque solitudines fugiunt,
 ingenti per tota castra terrore diffuso: donec rex, tumultu
 cognito, legem de supplicio coniunctorum sontibus re-
 mittere edixit.

21 (43) Philōtas verone an mendacio liberare se a cru-
 ciatu voluerit, anceps coniectura est, quoniam et vera
 confessis et falsa dicentibus idem doloris finis ostenditur:
 22 ceterum, *Pater*, inquit, *meus Hegelōcho quam familiariter*

usus sit, non ignoratis: illum dico Hegelöchum, qui in acie cecidit: omnium malorum nobis fuit causa. Nam quum pri-²³ mum Iovis filium se salutare iussit rex, id indigne ferens ille, hunc igitur regem agnoscimus, inquit, qui Philippum dedignatur patrem? actum est de nobis, si ista perpeti possumus. Non homines solum, sed etiam deos despicit, qui postu-²⁴ lat deus credi. Amisimus Alexandrum, amisimus regem: incidimus in superbiam nec diis, quibus se exaequat, nec hominibus, quibus se eximit, tolerabilem. Nostrone sanguine²⁵ deum fecimus, qui nos fastidiat? qui gravetur mortalium adire concilium? Credite mihi, et nos, si viri sumus, a diis adoptabimur. Quis proavum huius Alexandrum, quis deinde²⁶ Archeläum, quis Perdiccam occisos ultus est? hic quidem interfectoribus patris ignovit. Haec Hegelöchus dixit super²⁷ coenam: et postero die prima luce a patre accersor. Tristis erat et me maestum videbat. Audieramus enim, quae sollicitudinem incuterent. Itaque ut experiremur, utrumne vino²⁸ gravatus effudisset illa, an altiore concepta consilio, accersi eum placuit. Venit: eodemque sermone ultro repetito adiecit, se, sive auderemus duces esse, proximas a nobis partes vindicaturum, sive deesset animus, consilium silentio esse tecturum. Parmenioni, vivo adhuc Darëo, intempestiva res vide-²⁹ batur: non enim sibi, sed hosti esse occisuros Alexandrum: Darëo vero sublato, praemium regis occisi Asiam et totum orientem interfectoribus esse cessura. Approbatoque consilio in haec fides et data est et accepta. Quod ad Dimnum perti-³⁰ net, nihil scio: et haec confessus intelligo, non prodesse mihi, quod proximi sceleris expers sum. Illi, rursus tormentis ad-³¹ motis, quum ipsi quoque hastis os oculosque eius everberarent, expressere, ut hoc quoque crimen confiteretur. Exigentibus deinde, ut ordinem cogitati sceleris expone-³² ret, quum diu Bactra retentura regem viderentur, timuisse respondit, ne pater LXX natus annos, tanti exercitus dux, tantae pecuniae custos, interim extingueretur, ipsique spoliato tantis viribus occidendi regis causa non esset. Festinasse ergo se, dum praemium in manibus haberet,³³ repraesentare consilium: cuius patrem expertem fuisse nisi crederent, tormenta, quamquam iam tolerare non

34 posset, tamen non recusare. Illi collocuti, satis quaesitum videri, ad regem revertuntur.

(44) Qui postero die et, quae confessus erat Philōtas, recitari et ipsum, quia ingredi non poterat, iussit afferri.
 35 Omnia agnoscente eo, Demetrius, qui proximi sceleris particeps esse arguebatur, producitur. Multa affirmatione animique pariter constantia et vultus abnuens, quicquam
 36 in semetipsum: quum Philōtas, circumlatis oculis, ut incidere in Calin quendam haud procul stantem, propius eum iussit accedere. Illo perturbato et recusante transire ad eum, *Patieris*, inquit, *Demetrium mentiri rursusque me*
 37 *excruciari?* Calin vox sanguisque defecerant: et Macedōnes Philōtam inquinare innoxios velle suspicabantur, quia nec a Nicomăcho nec ab ipso Philōta, quum torqueretur, nominatus esset adolescens. Qui ut praefectos regis circumstantes se vidit, Demetrium et semetipsum id facinus
 38 cogitasse confessus est. Omnes ergo a Nicomăcho nominati more patrio, dato signo, saxis obruti sunt. Magno non salutis, sed etiam invidiae periculo liberatus erat Alexander: quippe Parmenio et Philōtas, principes amicorum, nisi palam sontes, sine indignatione totius exercitus non potuissent damnari. Itaque anceps quaestio fuit:
 40 dum infitatus est facinus, crudeliter torqueri videbatur, post confessionem Philōtas ne amicorum quidem misericordiam meruit.

LIBER VII.

ARGUMENTUM.

- I. Alexander Lyncestem, maiestatis reum, interfici iubet: deinde in Amyntam et Simmiam, Philotae amicos, inquit, qui suam innocentiam gravi oratione defendunt. II. Amynta et fratribus in gratiam receptis, Polydamas regis iussu celeriter in Mediam profectus Parmenionem interficit: unde indignatio et seditio militum Parmenionis oritur, quae tandem extinguitur. III. Varios populos Alexander domat et septendecim diebus cum exercitu Caucasum superat. IV. Bessus de bello adversus Alexandrum gerendo inter epulas con-

sultat, sapienti tamen Cobaris consilio non paret. Interim rex Bactra pervenit, ubi de Graecorum defectione et de Satibarzane ab Erigyio singulari certamine occiso nuntius ei affertur. V. Exercitus Alexandri, per Sogdianae deserta itinere facto, Oxum amnem singulari ratione superat. Bessus a Spitamene dolo captus ad Alexandrum adducitur, a quo Oxathri, Darei fratri, cruci figendus traditur. VI. Barbarorum et Macedonum erga regem benivolentia. Varias expugnat urbes. Alexandriam ad Tanaim amnem condit. VII. De bello Scythiis inferendo Alexander aeger ex vulnere cum suis init consilium. Aristander vates regis voluntati sua accommodat responsa. Menedemus a Spitamene per insidias cum duobus milibus peditum et CCC equitibus a Dahis interficitur: quod callide dissimulat Alexander. VIII. Dum exercitus ad bellum accingitur, Scytharum legati adveniunt ac de pace egregiam ad Alexandrum habent orationem. IX. Rex, legatis dimissis, Tanaim superat: bellum Scythiis infert: cum victis benigne agit. X. Sogdianorum nobilium invictus animus. Bessi supplicium. Novo milite augetur exercitus. XI. Petram ab Arimaze Sogdiano obsessam, situ naturae fere inexpugnabilem, ad deditionem cogit Alexander.

CAP. I.

(1 ed. Zumpt.) Philōtan sicut, recentibus sceleris eius 1 vestigiis, iure affectum supplicio censuerant milites, ita, postquam desierat esse, quem odissent, invidia in misericordiam vertit. Moverat et claritas iuvenis et patris eius 2 senectus atque orbitas. Primus Asiam aperuerat regi: 3 omnium periculorum eius particeps semper alterum in acie cornu defenderat, Philippo quoque ante omnes amicus et ipsi Alexandro tam fidus, ut occidendi Attalum non alio ministro uti mallet. Horum cogitatio subibat exerci- 4 tum, seditiosaeque voces referebantur ad regem. Quis ille haud sane motus satisque prudens, otii vitia negotio discuti, edicit, ut omnes in vestibulo regiae praesto sint. Quos ubi frequentes adesse cognovit, in concionem pro- 5 cessit. Haud dubie ex composito Atharrīas postulare coepit, ut Lyncestes Alexander, qui multo ante quam Philōtas regem voluisset occidere, exhiberetur. A duobus indici- 6 bus, sicut supra diximus, delatus tertium iam annum custodiebatur in vinculis. Eundem in Philippi quoque caedem coniurasse cum Pausania pro comperto fuit: sed quia primus Alexandrum regem salutaverat, supplicio ma-

7 gis quam crimini fuerat exemptus. Tunc quoque Antipā-
tri, soceri eius, preces iustam regis iram morabantur.
Ceterum recruduit soporatus dolor: quippe veteris peri-
8 culi memoriam praesentis cura renovabat. Igitur Alexan-
der ex custodia educitur iussusque dicere, quamquam
toto triennio meditatus erat defensionem, tamen haesitans
et trepidus pauca ex his, quae composuerat, protulit: ad
ultimum non memoria solum, sed etiam mens eum desti-
9 tuit. Nulli erat dubium, quin trepidatio conscientiae indi-
cium esset, non memoriae vitium. Itaque ex his, qui
proximi astiterant, obluctantem adhuc oblivioni lanceis
confoderunt.

10 (2) Cuius corpore ablato rex introduci iussit Amyntam et Simmiam: nam Polëmon, minimus ex fratribus,
11 quum Philôtam torqueri comperisset, profugerat. Omnium
Philôtæ amicorum hi carissimi fuerant, ad magna et honorata ministeria illius maxime suffragatione producti:
memineratque rex, summo studio ab eo conciliatos sibi,
nec dubitabat, huius quoque ultimi consilii fuisse partici-
12 pes: igitur olim sibi esse suspectos matris suae litteris,
quibus esset admonitus, ut ab his salutem suam tueretur.
Ceterum se invitum deteriora credentem, nunc manifestis
13 indiciis victum, iussisse vinciri. Nam pridie quam detegeretur Philôtæ scelus, quin secreto cum eo fuissent, non
posse dubitari. Fratrem vero, qui profugerit, quum de
14 Philôta quaereretur, aperuisse fugae causam. Nuper prae-
ter consuetudinem officii specie, amotis longius ceteris,
admovisse semetipsos lateri suo, nulla probabili causa
seque mirantem, quod non vice sua tali fungerentur offi-
cio, et ipsa trepidatione eorum perterritum strenue ad ar-
15 migeros, qui proxime sequebantur, recessisse. Ad haec
accedere, quod, quum Antiphānes, scriba equitum, Amyn-
tae denuntiasset pridie quam Philôtæ scelus deprehen-
sum esset, ut ex suis equis more solito daret his, qui
amisissent suos, superbe respondisse, nisi incepto de-
16 sisteret, brevi scitum, quis ipse esset. Iam linguae
violentiam temeritatemque verborum, quae in semetipsum
iacularentur, nihil aliud esse, quam scelesti animi indicem

ac testem. Quae si vera essent, idem meruisse eos, quod Philōtam: si falsa, exigere ipsum, ut refellant. Productus 17
deinde Antiphānes de equis non traditis et adiectis etiam
superbe minis indicat.

(3) Tum Amyntas, facta dicendi potestate, *Si nihil*, 18
inquit, *interest regis, peto, ut, dum dico, vinculis liberer.* Rex
solvi utrumque iubet: desiderantique Amyntae, ut habitus
quoque redderetur armigeri, lanceam dari iussit. Quam 19
ut laeva comprehendit, evitato eo loco, in quo Alexandri
corpus paulo ante iacuerat, *Qualiscunque*, inquit, *exitus nos*
manet, rex, confitemur, prosperum tibi debituros, tristiorem
fortunae imputaturos. Sine praeiudicio dicimus causam, 20
liberis corporibus animisque. Habitum etiam, in quo te co-
mitari solemus, reddidisti. Causam non possumus, fortunam
timere desinemus. Et quaeso, permittas mihi id primum de- 21
fendere, quod a te ultimum obiectum est. Nos, rex, sermonis
adversus maiestatem tuam habiti nullius conscii sumus nobis.
Dicerem, iampridem vicisse te invidiam, nisi periculum esset,
ne alia malignius dicta crederes blanda oratione purgari.
Ceterum etiamsi militis tui vel in agmine deficientis et fati- 22
gati vel in acie periclitantis vel in tabernaculo aegri et
vulnera curantis aliqua vox asperior esset accepta, merueram-
us fortibus factis, ut mallet ea tempori nostro imputare,
quam animo. Quum quid accidit tristius, omnes rei sunt: 23
corporibus nostris, quae utique non odimus, infestas admove-
mus manus: parentes liberis si occurrant, et ingrati et invisi
sunt. Contra quum donis honoramur, quum praemiis onusti
revertimur, quis ferre nos potest? quis illam animorum ala-
critatem continere? Militantium nec indignatio nec laetitia 24
moderata est: ad omnes affectus impetu rapimur. Vitupera-
mus, laudamus, miseremur, irascimur, utcunque praesens
movit affectio: modo Indiam adire et Oceanum libet, modo
coniugum et liberorum patriaeque memoria occurrit. Sed 25
has cogitationes, has inter se colloquentium voces signum
tuba datum finit: in suos quisque ordines currimus, et, quic-
quid irarum in tabernaculo conceptum est, in hostium effun-
ditur capita. Utinam Philōtas quoque intra verba peccasset!
Proinde ad id praevertar, propter quod rei sumus. 26

- (4) *Amicitiam, quae nobis cum Philōta fuit, adeo non eo infitias, ut expetisse quoque nos magnosque ex ea fructus*
 27 *percepisse confitear. An vero Parmenionis, quem tibi proximum esse voluisti, filium omnes paene amicos tuos dignatione*
 28 *vincentem cultum a nobis esse miraris? Tu hercule, si verum audire vis, rex, huius nobis periculi es causa. Quis enim alius effecit, ut ad Philōtam decurrerent, qui placere vellent tibi? Ab illo traditi ad hunc gradum amicitiae tuae ascendimus. Is apud te fuit, cuius gratiam expetere et iram timere*
 29 *possemus. Si non, propemodum in tua verba erratum est. Omnes, te praeunte, iuravimus, eosdem nos inimicos amicosque habituros esse, quos tu haberes: hoc sacramento pietatis obstricti aversaremur scilicet, quem tu omnibus prae-*
 30 *ferebas! Igitur, si hoc crimen est, paucos innocentes habes: immo hercule neminem. Omnes enim Philōtae amici esse voluerunt, sed totidem, quot volebant esse, non poterant. Ita, si a consciis amicos non dividis, ne ab amicis quidem sepa-*
 31 *rabis illos, qui idem esse voluerunt. Quod igitur conscientiae affertur indicium? Ut opinor, quia pridie familiariter et sine arbitris locutus est nobiscum. At ego purgare non possem, si pridie quicquam ex vetere vita ac more mutassem. Nunc vero, si, ut omnibus diebus, illo quoque, qui suspectus est, fecimus, consuetudo diluet crimen.*
- 32 (5) *Sed equos Antiphāni non dedimus, et pridie quam Philōtas detectus est, haec mihi cum Antiphāne res erat! qui si nos suspectos facere vult, quod illo die equos non dederimus, semetipsum, quod eos desideraverit, purgare non pot-*
 33 *erit. Anceps enim crimen est inter retinentem et exigentem: nisi quod melior est causa suum non tradentis, quam poscen-*
 34 *tis alienum. Ceterum, rex, equos decem habui, e quibus Antiphānes octo iam distribuerat his, qui amiserant suos. Omnino duos ipse habebam: quos quum vellet abducere homo superbissimus, certe iniquissimus, nisi pedes militare vellem,*
 35 *retinere cogebar. Nec infitias eo, liberi hominis animo locutum esse me cum ignavissimo et hoc unum militiae suae usurpante, ut alienos equos pugnaturis distribuat. Huc enim malorum ventum est, ut verba mea eodem tempore et Alexandro excusem et Antiphāni.*

At hercule, mater de nobis inimicis tuis scripsit! Utinam 36
prudentius esset sollicita pro filio et non inanes quoque species
anxio animo figuraret! Quare enim non adscribit metus sui
causam? denique non ostendit auctorem? Quo facto dictove
nostro mota tam trepidas tibi litteras scripsit? O miseram 37
conditionem meam, cui forsitan non periculosius est, tacere,
quam dicere! Sed utcunque cessura res est, malo, tibi de-
fensionem meam displicere, quam causam. Agnosces autem,
quae dicturus sum: quippe meministi, quum me ad perdu-
cendos ex Macedonia milites mitteres, dixisse te, multos in-
tegros iuvenes in domo tuae matris abscondi. Praecepisti 38
igitur mihi, ne quem praeter te intuerer, sed detrectantes mi-
litiā perducerem ad te. Quod equidem feci, et liberius,
quam expediebat mihi, executus sum tuum imperium. Gor-
giam, Hecataeum et Gorgitā, quorum bona opera uteris,
inde perduxi. Quid igitur iniquius est, quam me, qui, si tibi 39
non paruissem, iure daturus fui poenas, nunc perire, quia
parui? Neque enim ulla alia matri tuae persequendi nos
causa est, quam quod utilitatem tuam muliebri praeposuimus
gratiae. Sex milia Macedonum peditum et DC equites ad- 40
duxi, quorum pars secutura me non erat, si militiam detre-
ctantibus indulgere voluissem. Sequitur ergo, ut, quia illa
propter hanc causam irascitur nobis, tu mitiges matrem, qui
irae eius nos obtulisti.

CAP. II.

(6) Dum haec Amyntas agit, forte supervenerunt, qui 1
 fratrem eius Polemōnem, de quo ante dictum est, fugien-
 tem consecuti vinctum reducebant. Infesta concio vix in-
 hiberi potuit, quin protinus suo more saxa in eum iaceret.
 Atque ille sane interritus, *Nihil, inquit, pro me deprecor, 2*
modo ne fratrum innocentiae fuga imputetur mea. Haec si
defendi non potest, meum crimen sit. Horum ob id ipsum
melior est causa, quod ego, qui profugi, suspectus sum. At 3
 haec elocuto universa concio assensa est: lacrimae deinde
 omnibus manare coeperunt, adeo in contrarium repente
 mutatis, ut solum pro eo esset, quod maxime laeserat.
 Iuvenis erat primo aetatis flore pubescens, quem inter 4

equites tormentis Philōtae conturbatos alienus terror abstulerat: desertum eum a comitibus et haesitantem inter revertendi fugiendique consilium, qui secuti erant, occupaverunt. Is tum flere coepit et os suum converberare, maestus non suam vicem, sed propter ipsum periclitantium fratrum. Moveratque iam regem quoque, non concionem modo, sed unus erat implacabilis frater, qui terribili vultu intuens eum, *Tum, ait, demens, lacrimare debueras, quum equo calcaria subderes, fratrum desertor et desertorum comes. Miser, quo et unde fugiebas? Effecisti, ut reus capitis accusatoris uterer verbis.* Ille peccasse se, sed gravius in fratres quam in semetipsum fatebatur. Tum vero neque lacrimis neque acclamationibus, quibus studia sua multitudo proficitur, temperaverunt. Una vox erat pari emissa consensu, ut insontibus et fortibus viris parceret. Amici quoque, data misericordiae occasione, consurgunt flentesque regem deprecantur. Ille, silentio facto, *Et ipse, inquit, Amyntam mea sententia fratresque eius absolvo. Vos autem, iuvenes, malo beneficii mei oblivisci, quam periculi vestri meminisse. Eadem fide redite in gratiam mecum, qua ipse vobiscum revertor. Nisi, quae delata essent, excussissem, valde dissimulatio mea suspecta esse potuisset. Sed satius est, purgatos esse, quam suspectos. Cogitate, neminem absolvi posse, nisi qui dixerit causam. Tu, Amynta, ignosce fratri tuo. Erit hoc simpliciter etiam mihi reconciliati animi tui pignus.*

(7) Concione deinde dimissa, Polydamanta vocari iubet. Longe acceptissimus Parmeniōni erat, proximus lateri in acie stare solitus. Et quamquam conscientia fretus in regiam venerat, tamen, ut iussus est fratres suos exhibere, admodum iuvenes et regi ignotos ob aetatem, fiducia in sollicitudinem versa, trepidare coepit, saepius, quae nocere possent, quam quibus eluderentur, reputans. Iam armigeri, quibus imperatum erat, produxerant eos, quum exsanguem metu Polydamanta propius accedere iubet: submotisque omnibus, *Scelere, inquit, Parmenionis omnes pariter appetiti sumus, maxime ego ac tu, quos amicitiae specie fefellit. Ad quem persequendum puniendumque —*

vide, quantum fidei tuae credam — te ministro uti statui. Ob-
sides, dum hoc peragis, erunt fratres tui. Proficiscere in 15
Mediam et ad praefectos meos litteras scriptas manu mea
perfer. Velocitate opus est, qua celeritatem famae antecedas.
Noctu pervenire illuc te volo, postero die, quae scripta erunt,
exequi. Ad Parmeniōnem quoque epistolas feres, unam a me, 16
alteram Philōtae nomine scriptam. Signum anuli eius in mea
potestate est. Si pater credet, a filio impressum, quum te vi-
derit, nihil metuet.

(8) Polydāmas tanto liberatus metu impensius etiam, 17
 quam exigebatur, promittit operam: collaudatusque et
 promissis oneratus, deposita veste, quam habebat, Ara-
 bica induitur. Duo Arābes, quorum interim coniuges ac 18
 liberi, vinculum fidei, obsides apud regem erant, dati co-
 mites. Per deserta etiam ob siccitatem loca camelis un-
 decima die, quo destinaverat, perveniunt. Et priusquam 19
 ipsius nuntiaretur adventus, rursus Polydāmas vestem Ma-
 cedonicam sumit et in tabernaculum Cleandri (praetor hic
 regius erat) quarta vigilia pervenit. Redditis deinde litte- 20
 ris, constituerunt prima luce ad Parmeniōnem coire. Nam-
 que ceteri quoque, quibus litteras regis attulerat, ad eum
 venturi erant. Iam Parmeniōni Polydamanta venisse nun-
 tiaverunt. Qui dum lactatur adventu amici, simulque 21
 noscendi, quae rex ageret, avidus — quippe longo inter-
 vallo nullam ab eo epistolam acceperat — Polydamanta
 requiri iubet. Diversoria regionis illius magnos recessus 22
 habent amoenosquenemoribus manu consitis: ea praecipue
 regum satraparumque voluptas erat. Spatiabatur in ne- 23
 more Parmenion, medius inter duces, quibus erat impera-
 tum litteris regis, ut occiderent. Agendaе autem rei con-
 stituerant tempus, quum Parmenion a Polydamante litteras
 traditas legere coepisset. Polydāmas procul veniens, ut a 24
 Parmeniōne conspectus est, vultu laetitiae speciem prae-
 ferente, ad complectendum eum cucurrit: mutuaque gra-
 tulatione functu, Polydāmas epistolam a rege scriptam ei
 tradidit, Parmenion vinculum epistolae solvens, quidnam 25
 rex ageret, requirebat. Ille ex ipsis litteris cogniturum esse
 respondit. Quibus Parmenion lectis, *Rex*, inquit, *expedi-* 26

tionem parat in Arachosios. Strenuum hominem et nunquam cessantem! Sed tempus, saluti suae, tanta iam parva gloria,
 27 *parcere.* Alteram deinde epistolam, Philōtae nomine scriptam, laetus, quod ex vultu notari poterat, legebat. Tum latus eius gladio haurit Cleander, deinde iugulum ferit: ceteri exanimum quoque confodiunt.

28 (9) Et armigeri, qui ad aditum nemoris astiterant, cognita caede, cuius causa ignorabatur, in castra perve-
 29 niunt et tumultuoso nuntio milites concitant. Illi armati ad nemus, in quo perpetrata caedes erat, coeunt et, ni Polydāmas ceterique eiusdem noxae participes dedantur, murum circumdatum nemori eversuros denuntiant omnium-
 30 que sanguine duci parentaturos. Cleander primores eorum intromitti iubet litterasque regis scriptas ad milites recitat, quibus insidiae Parmeniōnis in regem precesque, ut
 31 ipsum vindicarent, continebantur. Igitur cognita regis voluntate non quidem indignatio, sed tamen seditio compressa est. Dilapsis pluribus, pauci remanserunt, qui, saltem ut corpus ipsius sepelire permitterent, precabantur.
 32 Diu id negatum est, Cleandri metu, ne offenderet regem. Pertinacius deinde precantibus, materiem consternationis subtrahendam ratus, capite deciso, truncum humare per
 33 misit. Ad regem caput missum est.

Hic exitus Parmeniōnis fuit, militiae domique clari viri. Multa sine rege prospere, rex sine illo nihil magnae rei gesserat. Felicissimo regi et omnia ad fortunae suae exigenti modum satisfecit. LXX natus annos iuvenis ducis et saepe etiam gregarii militis munia explevit: acer consilio, manu strenuus, carus principibus, vulgo militum
 34 acceptior. Haec impulerint illum ad regni cupiditatem, an tantum suspectum fecerint, ambigi potest, quia Philōtas ultimis cruciatibus victus verane dixerit, quae facta probari non poterant, an falsis tormentorum petierit finem, re quoque recenti, quum magis posset liquere, dubitatum est.

35 (10) Alexander, quos libere mortem Parmeniōnis conquestos esse compererat, separandos a cetero exercituro
 ratus in unam cohortem secrevit ducemque his Leonīdam

dedit, et ipsum Parmeniōni quondam intima familiaritate coniunctum. Fere iidem erant, quos alioquin rex habue-³⁶ rat invisos, et qui forte taedium laboris per litteras erant questi. Nam quum experiri vellet militum animos, admonuit, qui litteras in Macedoniam ad suos scripsisset, his, quos ipse mittebat, perlaturis cum fide, traderet. Simpliciter ad necessarios suos quisque scripserat, quae sentiebat: aliis gravis erat, plerisque non ingrata militia. Ita et agentium³⁷ gratias et querentium litterae exceptae sunt. Hanc seorsus cohortem a ceteris tendere ignominiae causa iubet, fortitudine usus in bello, libertatem linguae ab auribus credulis remoturus. Et consilium, temerarium forsitan, — quippe fortissimi iuvenes contumelia irritati erant, — sicut omnia alia, felicitas regis excepit. Nihil illis ad bella prom-³⁸ ptius fuit. Incitabat virtutem et ignominiae demendae cupido et quia fortia facta in paucis latere non poterant.

CAP. III.

(11) His ita compositis, Alexander, Ari-
norum satrape constituto, iter pronuntiari iubet
in Arimaspos, quos iam tunc mutato nomine Eu-
ergētas appellabant, ex quo frigore victusque
penuria Cyri exercitum affectum tectis et com meatibus iu-
verant. Quintus dies erat, ut in eam regionem pervenerat. 2
Cognoscit, Satibarzānem, qui ad Bessum defecerat, cum
equitum manu irrupisse rursus in Ariōs. Itaque Carānum
et Erigyium cum Artabāzō et Andronīco et sex milibus
Graecorum peditum **: DC equites sequebantur. Ipse LX 3
diebus gentem Euergetarum ordinavit, magna pecunia ob-
egregiam in Cyrum fidem donata.

Relicto deinde, qui iis praeesset, Amedīne
(scriba is Darēi fuerat), Arachosios, quorum re-
gio ad Ponticum mare pertinet, subegit. Ibi exer-
citus, qui sub Parmeniōne fuerat, occurrit. Sex
milia Macedōnum erant et CC nobiles et quinque milia
Graecorum cum equitibus DC, haud dubie robur omnium
virium regis. Arachosiis datus Menon praetor, IV milibus ā
peditum et DC equitibus in praesidium relictis.

A. 330 1
a. Chr. n
mense
Octobri.
Ol. 112, 3.

A. 330 4
a. Chr. n
exeunte
et a. 329
ineunte
Ol. 112, 3.

(12) Ipse rex nationem ne finitimis quidem satis notam, quippe nullo commercio colentem mutuos usus, cum
 6 exercitu intravit. Parapamisādae appellantur, agreste hominum genus et inter barbaros maxime inconditum. Lo-
 7 corum asperitas hominum quoque ingenia duraverat. Gelidissimum septentrionis axem ex magna parte spectant, Bactriānis ad occidentem coniuncti sunt: meridiana regio
 8 ad mare Indicum vergit. Tuguria latere puro struunt et, quia sterilis est terra materia, in nudo etiam montis dorso
 usque ad summum aedificiorum fastigium eodem laterculo
 9 utuntur. Ceterum structura latior ab imo paulatim incremento operis in artius cogitur, ad ultimum in carinae maxime modum coit. Ibi foramine relicto, superne lumen
 10 accipiunt. Ad medium vites et arbores, si quae in tanto terrae rigore durare potuerunt, obtegunt: penitus hieme defossae latent: quum nix discussa aperire humum coepit,
 11 coelo solique redduntur. Ceterum adeo altae nives premunt terram, gelu et perpetuo paene rigore constrictae, ut ne avium quidem feraeve ullius vestigium extet. Obscura coeli verius umbra quam lux, nocti similis, premit terram, vix ut, quae prope sunt, conspici possint.

12 (13) In hac tamen omnis humani cultus solitudine destitutus exercitus, quicquid malorum tolerari potest, pertulit, inopiam, frigus, lassitudinem, desperationem.
 13 Multos exanimavit rigor insolitus nivis: multorum adussit pedes: plurimorum oculis praecipue perniciosus fuit. Fatigati quippe in ipso gelu deficientia corpora sternerant: quae quum moveri desissent, vis frigoris ita adstrin-
 14 gebat, ut rursus ad surgendum conniti non possent. A commilitonibus torpentes excitabantur: neque aliud remedium erat, quam ut ingredi cogerentur. Tum demum, vitali
 15 calore moto, membris aliquis redibat vigor. Si qui tuguria barbarorum adire potuerunt, celeriter refecti sunt. Sed tanta caligo erat, ut aedificia nulla alia res quam fumus
 16 ostenderet. Illi, nunquam ante in terris suis advena viso, quum armatos repente conspicerent, exanimati metu, quicquid in tuguriis erat, afferebant, ut corporibus ipsorum
 17 parceretur, orantes. Rex agmen circumibat pedes, iacen-

tes quosdam erigens et alios, quum aegre sequerentur, adminiculo corporis sui excipiens. Nunc ad prima signa, nunc in medio, nunc in ultimo agmine, itineris multiplicato labore, aderat. Tandem ad loca cultiora perventum est, 18 commeatuque largo recreatus exercitus: simul et, qui consequi non potuerant, in illa castra venerunt.

(14) Inde agmen processit ad Caucāsū montem, 19 cuius dorsum Asiam perpetuo iugo dividit: hinc simul mare, quod Ciliciam subit, illinc Caspium fretum et amnem Araxen aliaque regionis Scythiae deserta spectat. Taurus, 20 secundae magnitudinis mons, committitur Caucāso, a Cappadocia se attollens Ciliciam praeterit Armeniaeque montibus iungitur. Sic inter se tot iuga velut serie cohaerentia 21 perpetuum habent dorsum, ex quo Asiae omnia fere flumina, alia in rubrum, alia in Caspium mare, alia in Hyrcanium et Ponticum decidunt. XVII dierum spatio A. 329 22 Caucāsū superavit exercitus. Rupes in eo X in a. Chr. n. circuitu stadia complectitur, quattuor in altitudi- vere nem excedit: in qua vinctum Promethēa fuisse an incipiente. Ol. 112, 3. tiquitas tradit. Condendae in radicibus montis urbi sedes 23 electa est. VII milibus seniorum Macedōnum et praeterea militibus, quorum opera uti desisset, permissum in novam urbem considerare. Hanc quoque Alexandriam incolae appellaverunt.

CAP. IV.

(15) At Bessus Alexandri celeritate perterritus, diis patriis sacrificio rite facto, sicut illis gentibus mos est, cum amicis ducibusque copiarum inter epulas de bello consultabat. Graves mero suas vires extollere, hostium nunc 2 temeritatem, nunc paucitatem spernere incipiunt. Praeci- 3 pue Bessus ferox verbis et parto per scelus regno superbus ac vix potens mentis dicere orditur, socordia Darēi crevisse hostium famam. Occurrisse enim in Ciliciae an- 4 gustissimis faucibus, quum retrocedendo posset perducere incautos in loca naturae situ invia, tot fluminibus obiectis, tot montium latebris, inter quas deprehensus hostis ne fugae quidem, nedum resistendi occasionem fuerit

5 habiturus. Sibi placere in Sogdiānos recedere, Oxum
 annem velut murum obiecturum hosti, dum ex finitimis
 6 gentibus valida auxilia concurrerent. Venturos autem Cho-
 rasmios et Dahas Sacasque et Indos et ultra Tanāim annem
 colentes Scythas, quorum neminem adeo humilem esse,
 ut humeri eius non possent Macedōnis militis verticem
 7 aequare. Conclamant temulenti, unam hanc sententiam sa-
 lubrem esse: et Bessus circumferri merum largius iubet,
 debellaturus super mensam Alexandrum.

8 (16) Erat in eo convivio Cobāres, natione Medus, sed
 magicae artis (si modo ars est, non vanissimi cuiusque
 ludibrium) magis professione quam scientia celebris, alio-
 9 qui moderatus et probus. Is quum praefatus esset, scire,
 servo utilius esse, parere dicto, quam afferre consilium,
 quum illos, qui pareant, idem quod ceteros maneat, qui
 vero suadeant, proprium sibi periculum **: [Bessus] **
 10 poculum ei etiam, quod habebat in manu, tradidit. Quo
 accepto Cobāres, *Natura*, inquit, *mortalium hoc quoque no-*
mine prava et sinistra dici potest, quod in suo quisque negotio
 11 *hebetior est, quam in alieno. Turbida sunt consilia eorum,*
qui sibi suadent. Obstat metus, alias cupiditas, nonnunquam
naturalis eorum, quae excogitaveris, amor: nam in te super-
bia non cadit. Expertus es utcunque, quod ipse reppereris,
 12 *aut solum aut optimum ducere. Magnum onus sustines capite,*
regium insigne. Hoc aut moderate perferendum est, aut,
quod abominor, in te ruet. Consilio, non impetu opus est.
 13 Adicit deinde, quod apud Bactriānos vulgo usurpabant,
 canem timidum vehementius latrare, quam mordere, altis-
 sima quaeque flumina minimo sono labi. Quae inserui, ut,
 qualiscunque inter barbaros potuit esse prudentia, trade-
 14 retur. His audientium expectationem suspenderat. Tum
 consilium aperit, utilius Besso, quam gratius. *In vestibulo,*
 inquit, *regiae tuae velocissimus consistit rex. Ante ille ag-*
 15 *men, quam tu mensam istam movebis. Nunc ab Tanāi exer-*
citum accerses et armis flumina oppones. Scilicet, qua tu
fugiturus es, hostis sequi non potest! Iter utrique commune
 est, *victori tutius. Licet strenuum metum putes esse, velocior*
 16 *tamen est spes. Quin validioris occupas gratiam dedisque te,*

utcunque cesserit, meliorem fortunam deditus quam hostis habiturus? Alienum habes regnum, quo facilius eo careas. 17 Incipies forsitan iustus esse rex, quum ipse fecerit, qui tibi et dare potest regnum et eripere. Consilium habes fidele, quod 18 diutius exequi supervacuum est. Nobilis equus umbra quoque virgae regitur: ignavus ne calcari quidem concitari potest. Bessus et ingenio et multo mero ferox adeo exarsit, ut vix 19 ab amicis, quo minus occideretur, — nam strinxerat quoque acinacem, — contineretur. Certe e convivio prosiluit, haudquaquam potens mentis. Cobāres inter tumultum elapsus ad Alexandrum transfugit.

(17) VIII milia Bactrianorum habebat armata Bessus, 20 quae, quamdiu propter coeli intemperiem Indiam potius Macedōnas petituos crediderant, obedienter imperata fecerunt: postquam adventare Alexandrum compertum est, in suos quisque vicos dilapsi Bessum reliquerunt. Ille 21 cum clientium manu, qui non mutaverant fidem, Oxoanne superato exustisque navigiis, quibus transierat, ne iisdem hostis uteretur, novas copias in Sogdiānis contrahabat.

Alexander Caucāsū quidem, ut supra dictum est, 22 transierat, sed inopia frumenti prope ad famem ventum erat. Suco ex sesamo expresso haud secus quam oleo 23 artus perungebant. Sed huius suci ducenis quadragenis denariis amphorae singulae, mellis denariis trecentis nonagenis, trecentis vini aestimabantur: tritici nihil aut admodum exiguum reperiebatur. Siros vocabant barbari, quos 24 ita sollerter abscondunt, ut, nisi qui defoderunt, invenire non possint: in his conditae fruges erant. In quarum penuria milites fluviatili pisce et herbis sustinebantur. Iam- 25 que haec ipsa alimenta defecerant, quum iumenta, quibus onera portabant, caedere iussi sunt: horum carne, dum in Bactriānos perventum, traxere vitam.

(18) Bactriānae terrae multiplex et varia natura est. 26 Alibi multa arbor et vitis largos mitesque fructus alit: solum pingue crebri fontes rigant: quae mitiora sunt, frumento conseruntur, cetera armentorum pabulo cedunt. Magnam deinde partem eiusdem terrae steriles arenae 27

tenent: squalida siccitate regio non hominem, non frugem alit: quum vero venti a Pontico mari spirant, quicquid sabuli in campis iacet, converrunt. Quod ubi cumulatum est, magnorum collium procul species est, omniaque pristini
 28 itineris vestigia intereunt. Itaque, qui transeunt campos, navigantium modo noctu sidera observant, ad quorum cursum iter dirigunt, et propemodum clarior est noctis
 29 umbra, quam lux. Ergo interdiu invia est regio, quia nec vestigium, quod sequantur, inveniunt et nitor siderum caligine absconditur. Ceterum si quos ille ventus, qui a mari
 30 exoritur, deprehendit, arena obruit. Sed qua mitior terra est, ingens hominum equorumque multitudo gignitur. Ita-
 31 que Bactriāni equites XXX milia expleverant. Ipsa Bactra, regionis eius caput, sita sunt sub monte Parapamīso. Bactrus amnis praeterit moenia. Is urbi et regioni dedit nomen.

32 (19) Hic regi stativa habenti nuntiatur ex Graecia Peloponnesiorum Laconumque defectio. Nondum enim victi erant, quum proficiscerentur tumultus eius principia nuntiaturi. Et alius praesens terror affertur, Scythas, qui ultra Tanāim amnem colunt, adventare, Besso ferentes opem. Eodem tempore, quae in gente Ariorum Carānus et Eri-
 33 gyus gesserant, perferuntur. Commissum erat proelium inter Macedōnes Ariosque. Transfuga Satibarzānes barbaris praeerat: qui quum pugnam segnem utrimque aequis viribus stare vidisset, in primos ordines adequitavit dempta-
 que galea, inhibitis, qui tela iaciebant, si quis viritim dimicare vellet, provocavit ad pugnam: nudum se caput in
 34 certamine habiturum. Non tulit ferociam barbari dux hostilis exercitus [Erigyus], gravis quidem aetate, sed et animi et corporis robore nulli iuvenum postferendus. Is, galea dempta, canitiem ostentans, *Venit, inquit, dies, quo aut victoria aut morte honestissima, quales amicos et milites*
 35 *Alexander habeat, ostendam.* Nec plura elocutus equum in hostem egit. Crederes imperatum, ut acies utraeque tela cohiberent. Protinus certe recesserunt, dato libero spatio, intenti in eventum non duorum modo, sed etiam suae sortis, quippe alienum discrimen secuturi. Prior barbarus

emisit hastam, quam Erigyius modica capitis declinatione vitavit, atque ipse infestam sarissam, equo calcaribus concito, in medio barbari gutture ita fixit, ut per cervice-
 merneret. Praecipitatus ex equo barbarus adhuc tamen 37
 repugnabat. Sed ille extractam e vulnere hastam rursus
 in os dirigit. Satibarzānes manu complexus, quo maturius
 interiret, ictum hostis adiuvit. Et barbari, duce amisso, 38
 quem magis necessitate quam sponte secuti erant, tunc
 haud immemores meritorum Alexandri arma Erigyio tra-
 dunt. Rex his quidem laetus, de Spartānis haudquaquam 39
 securus, magno tamen animo defectum eorum tulit, dicens,
 non ante ausos consilia nudare, quam ipsum ad fines In-
 diae pervenisse cognossent. Ipse Bessum persequens co- 40
 pias movit: cui Erigyius spolia barbari caesi, opimum belli
 decus, praeferens occurrit.

CAP. V.

(20) Igitur Bactrianorum regione Artabāzo tradita, 1
 sarcinas et impedimenta ibi cum praesidio relinquit. Ipse
 cum expedito agmine loca deserta Sogdianorum intrat,
 nocturno itinere exercitum ducens. Aquarum, ut ante di- 2
 ctum est, penuria prius desperatione quam desiderio bi-
 bendi sitim accendit. Per CCCC stadia ne modicus quidem
 humor existit. Arenas vapor aestivi solis accendit: quae 3
 ubi flagrare coeperunt, haud secus quam continenti incen-
 dio cuncta torrentur. Caligo deinde immodico terrae fer- 4
 vore excitata lucem tegit, camporumque non alia quam
 vasti et profundi aequoris species est. Nocturnum iter to- 5
 lerabile videbatur, quia rore et matutino frigore corpora
 levabantur. Ceterum cum ipsa luce aestus oritur, omnem-
 que naturalem absorbet humorem siccitas: ora visceraque
 penitus uruntur. Itaque primum animi, deinde corpora 6
 deficere coeperunt. Pigebat et consistere et progredi.
 Pauci a peritis regionis admoniti praepararant aquam. 7
 Haec paulisper repressit sitim: deinde crescente aestu
 rursus desiderium humoris accensus est. Ergo, quicquid
 vini oleique erat, oribus ingerebatur, tantaque dulcedo

8 bibendi fuit, ut in posterum sitis non timeretur. Gra-
 ves deinde avide hausto humore non sustinere arma,
 non ingredi poterant, et feliciores videbantur, quos aqua
 defecerat, quum ipsi sine modo infusam vomitu coge-
 9 rentur egerere. Anxium regem tantis malis circumfusi
 amici, ut meminisset sui, orabant: animi sui magnitudi-
 10 nem unicum remedium deficientis exercitus esse: quum
 ex his, qui praecesserant ad capiendum locum castris,
 duo occurrunt, utribus aquam gestantes, ut filiis suis,
 quos in eodem agmine esse et aegre pati sitim non igno-
 11 rabant, occurrerent. Qui quum in regem incidissent, alter
 ex eis, utre resoluta, vas, quod simul ferebat, implet, por-
 rigens regi. Ille accipit: percontatus, quibus aquam por-
 12 tarent, filiis ferre cognoscit. Tunc poculo pleno, sicut
 oblatum est, reddito, *Nec solus, inquit, bibere sustineo nec
 tam exiguum dividere omnibus possum. Vos currite et liberis
 vestris, quod propter illos attulistis, date.*

13 (21) Tandem ad flumen Oxum ipse pervenit prima
 fere vespera. Sed exercitus magna pars non potuerat con-
 sequi: in edito monte ignes iubet fieri, ut ii, qui aegre se-
 quebantur, haud procul castris ipsos abesse cognoscerent.
 14 Eos autem, qui primi agminis erant, mature cibo ac potione
 firmatos, implere alios utres, alios vasa, quibuscunque
 15 aqua portari posset, iussit ac suis opem ferre. Sed qui
 intemperantius hauserunt, intercluso spiritu, extincti sunt,
 multoque maior horum numerus fuit, quam ullo amiserat
 16 proelio. At ille thoracem adhuc indutus nec aut cibo re-
 fectus aut potu, qua veniebat exercitus, constitit nec ante
 ad curandum corpus recessit, quam praeterierant, qui
 agmen cludebant: totamque eam noctem cum magno animi
 17 motu perpetuis vigiliis egit. Nec postero die laetior erat,
 quia nec navigia habebat nec pons erigi poterat, circum
 amnem nudo solo et materia maxime sterili. Consilium
 igitur, quod unum necessitas subiecerat, init. Utres quam
 18 plurimos, stramentis refertos, dividit. His incubantes trans-
 navere amnem, quique primi transierant, in statione erant,
 dum traicerent ceteri. Hoc modo sexto demum die in ul-
 teriore ripa totum exercitum exposuit.

(22) Iamque ad persequendum Bessum statuerat pro-19
gredi, quum ea, quae in Sogdiānis erant, cognoscit. Spi-
tamēnes erat inter omnes amicos praecipuo honore cultus
a Besso. Sed nullis meritis perfidia mitigari potest: quae 20
tamen minus in eo invisa esse poterat, quia nihil ulli ne-
fastum in Bessum, interfectorem regis sui, videbatur. Ti-
tulus facinori speciosus praeferebatur, vindicta Darēi: sed
fortunam, non scelus oderat Bessi. Namque ut Alexan-21
drum flumen Oxum superasse cognovit, Dataphernem et
Catēnem, quibus a Besso maxima fides habebatur, in so-
cietatem cogitatae rei asciscit. Illi promptius adsunt, quam
rogabantur, assumptisque octo fortissimis iuvenibus talem
dolum intendunt. Spitamēnes pergit ad Bessum et, remo-22
tis arbitris, comperisse ait se, insidiari ei Dataphernem et
Catēnem, ut vivum Alexandro traderent, agentes: a se-
met occupatos esse et vinctos teneri. Bessus tanto merito, 23
ut credebat, obligatus partim gratias agit, partim avidus
explendi supplicii adduci eos iubet. Illi, manibus sua 24
sponte religatis, a participibus consilii trahebantur: quos
Bessus truci vultu intuens consurgit, manibus non tempe-
raturus. Atque illi, simulatione omissa, circumstant eum
et frustra repugnantem vinciunt, direpto ex capite regni
insigni lacerataque veste, quam e spoliis occisi regis in-
duerat. Ille deos, sui sceleris ultores, adesse confessus 25
adiecit, non Darēo iniquos fuisse, quem sic ulciscerentur,
sed Alexandro propitios esse, cuius victoriam semper
etiam hostes adiuvisent. Multitudo an vindicatura Bes-26
sum fuerit, incertum est, nisi illi, qui vinxerant, iussu
Alexandri fecisse ipsos ementiti dubios adhuc animi
terruissent. In equum impositum Alexandro tradituri
ducunt.

(23) Inter haec rex, quibus matura erat missio, electis 27
DCCCC fere, bina talenta equiti dedit, pediti terna dena-
riūm milia, monitosque, ut liberos generarent, remisit
domum. Ceteris gratiae actae, quod ad reliqua belli na-
vatueros operam pollicebantur. Dum Bessus perducitur, 28
perventum erat in parvulum oppidum: Branchīdae eius
incolae erant. Milāto quondam iussu Xerxis, quum e

Graecia rediret, transierant et in ea sede constiterant, quia templum, quod Didymēon appellatur, in gratiam
 29 Xerxis violaverant. Mores patrii nondum exoleverant, sed iam bilingues erant, paulatim a domestico externo sermone degeneres. Magno igitur gaudio regem excipiunt, urbem seque dedentes. Ille Milesios, qui apud
 30 ipsum militarent, convocari iubet. Vetus odium Milesii gerebant in Branchidarum gentem proditiōis ergo. His, sive iniuriae, sive originis meminisse mallent, liberum
 31 de Branchīdis permittit arbitrium. Variantibus deinde sententiis, se ipsum consideraturum, quid optimum factu esset, ostendit. Postero die occurrentibus Branchīdis, secum procedere iubet. Quumque ad urbem ventum esset,
 32 ipse cum expedita manu portam intrat: phalanx moenia oppidi circumire iussa et, dato signo, diripere urbem, proditorum receptaculum, ipsosque ad unum caedere. Illi
 33 inermes passim trucidantur, nec aut commercio linguae aut supplicum velamentis precibusque inhiberi crudelitas potest. Tandem, ut deiicerent fundamenta murorum, ab
 34 imo moliuntur, ne quod urbis vestigium extaret. Nemora quoque [et] lucos sacros non caedunt modo, sed etiam extirpant, ut vasta solitudo et sterilis humus, excussis
 35 etiam radicibus, linqueretur. Quae si in ipsos proditiōis auctores excogitata essent, iusta ultio esse, non crudelitas videretur: nunc culpam maiorum posterī luere, qui ne viderant quidem Milētum, ideo et Xerxi non potuerant prodere.

36 (24) Inde processit ad Tanāim amnem. Quo perductus est Bessus, non vinctus modo, sed etiam omni velamento corporis spoliatus. Spitamēnes eum tenebat collo inserta catena, tam barbaris, quam Macedonibus gratum
 37 spectaculum. Tum Spitamēnes, *Et te, inquit, et Darēum, reges meos, ultus interfectorem domini sui adduxi, eo modo captum, cuius ipse fecit exemplum. Aperiat ad hoc spectaculum oculos Darēs! Existat ab inferis, qui illo supplicio*
 38 *indignus fuit et hoc solatio dignus est!* Alexander, multum collaudato Spitamēne, conversus ad Bessum, *Cuius, inquit, ferae rabies occupavit animum tuum, quum regem de te*

optime meritum prius vincere, deinde occidere sustinuisti? Sed huius parricidii mercedem falso regis nomine persolvisti. Ibi ille facinus purgare non ausus regis titulum se usur-39 pare dixit, ut gentem suam tradere ipsi possit: qui si cessasset, alium fuisse regnum occupaturum. Et Alexander 40 Oxāthren, fratrem Darēi, quem inter corporis custodes habebat, propius iussit accedere tradique Bessum ei, ut cruci affixum, mutilatis auribus naribusque, sagittis configerent barbari asservarentque corpus, ut ne aves quidem contingerent. Oxāthres cetera sibi curae fore pollicetur: 41 aves non ab alio quam a Catēne posse prohiberi adiicit, eximiam eius artem cupiens ostendere: namque adeo certo ictu destinata feriebat, ut aves quoque exciperet. Nunc si 42 forsitan, sagittandi tam celebri usu, minus admirabilis videri ars haec possit, tunc ingens visentibus miraculum magnoque honori Catēni fuit. Dona deinde omnibus, qui 43 Bessum adduxerant, data sunt. Ceterum supplicium eius distulit, ut eo loco, in quo Darēum ipse occiderat, necaretur.

CAP. VI.

(25) Interea Macedōnes ad petendum pabulum incom- 1 posito agmine egressi a barbaris, qui de proximis montibus decurrerunt, opprimuntur, pluresque capti sunt, quam occisi: barbari autem captivos prae se agentes rursus in 2 montem recesserunt. XX milia latronum erant. Fundis sagittisque pugnam invadunt. Quos dum obsidet rex, inter 3 promptissimos dimicans sagitta ictus est, quae in medio crure fixa reliquerat spiculum. Illum quidem maesti et at- 4 toniti Macedōnes in castra referebant: sed nec barbaros fefellit subductus ex acie: quippe ex edito monte cuncta prospexerant. Itaque postero die misere legatos ad regem, 5 quos ille protinus iussit admitti solutisque fasciis, magnitudinem vulneris dissimulans, crus barbaris ostendit. Illi 6 iussi considerare affirmant, non Macedōnes quam ipsos tristiores fuisse, cognito vulnere ipsius: cuius si auctorem repperissent, dedituros fuisse: cum diis enim pugnare sacrilegos tantum. Ceterum se gentem in fidem dedere. 7

superatos virtute illius. Rex, fide data et captivis receptis, gentem in deditionem accepit. Castris inde motis, lectica militari ferebatur, quam pro se quisque eques pedesque subire certabant. Equites, cum quibus rex proelia inire solitus erat, sui muneris id esse censebant: pedes contra, quum saucios commilitones ipsi gestare assuevissent, eripi sibi proprium officium tum potissimum, quum rex gestandus esset, querebantur. Rex in tanto utriusque partis certamine et sibi difficilem et praeteritis gravem electionem futuram ratus invicem subire eos iussit.

- 10 (26) Hinc quarto die ad urbem Maracanda perventum est. LXX stadia murus urbis amplectitur: arx alio cingitur muro. Ac praesidio urbis relicto proximos vicos depopulatur atque urit.
- 11 Legati deinde Abiorum Scytharum superveniunt, liberi, ex quo decesserat Cyrus, tum imperata facturi. Iustissimos barbarorum constabat: armis abstinebant, nisi lacessiti: libertatis modico et aequali usu principibus humiliores pares fecerant. Hos benigne allocutus ad eos Scythas, qui Europam incolunt, Berdam quendam misit ex amicis, qui denuntiaret his, ne Tanāim, amnem regionis, iniussu regis transirent. Eidem mandatum, ut contemplaretur locorum situm et illos quoque Scythas, qui super Bospōrum colunt, viseret. Condendae urbi sedem super ripam Tanāis elegerat, claustrum et iam perdomitorum et quae deinde adire decreverat. Sed consilium distulit Sogdianorum nuntiata defectio, quae Bactriānos quoque
- 14 traxit. VII milia equitum erant, quorum auctoritatem ceteri sequebantur. Alexander Spitamēnem et Catēnem, a quibus ei traditus erat Bessus, haud dubius, quin eorum opera redigi possent in potestatem, qui novaverant res,
- 15 iussit accersi. At illi, defectionis, ad quam coercendam evocabantur, auctores, vulgaverant fama, Bactriānos equites a rege omnes, ut occiderentur, accersi idque imperatum ipsis: non sustinuisse tamen exequi, ne inexplabile in populares facinus admitterent: non magis Alexandri saevitiam quam Bessi parricidium ferre potuisse. Itaque

sua sponte iam motos metu poenae haud difficulter concitaverunt ad arma.

(27) Alexander, transfugarum defectione comperta, 16 Cratērum obsidere Cyropōlim iubet, ipse aliam urbem regionis eiusdem corona capit: signoque, ut puberes interficerentur, dato reliqui in praedam cessere victoris: urbs diruta est, ut ceteri cladis eius exemplo continerentur. Memacēni, valida gens, obsidionem non ut honestiorem 17 modo, sed etiam ut tutiorem ferre decreverant. Ad quorum pertinaciam mitigandam rex L equites praemisit, qui clementiam ipsius in deditos simulque inexorabilem animum in devictos ostenderent. Illi nec de fide nec de potentia regis ipsos dubitare respondent equitesque tendere extra munimenta urbis iubent: hospitaliter deinde exceptos gravesque epulis et somno intempesta nocte adorti interfecerunt. Alexander haud secus, quam par erat, mortus urbem corona circumdedit, munitiorem, quam ut primo impetu capi posset. Itaque Meleāgrum et Perdiccam in obsidionem iungit, [ipse ad Craterum proficiscitur,] Cyropōlim, ut ante dictum est, obsidentem. Statuerat autem par- 20 cere urbi conditae a Cyro: quippe non alium gentium illarum magis admiratus est, quam hunc regem et Semirāmim, quos et magnitudine animi et claritate rerum longe emicuisse credebat. Ceterum pertinacia oppidanorum iram 21 eius accendit. Itaque captam urbem diripi iussit [et] deleri. [Tum] Memacēnis haud iniuria infestus ad Meleāgrum et Perdiccam redit. Sed non alia urbs fortius obsidionem 22 tulit: quippe et militum promptissimi cecidere et ipse rex ad ultimum periculum venit. Namque cervix eius saxo ita icta est, ut, oculis caligine offusa, collaberetur, ne mentis quidem compos: exercitus certe, velut erepto eo, ingemuit. Sed invictus adversus ea, quae ceteros terrent, nondum 23 percurato vulnere, acrius obsidioni institit, naturalem celeritatem ira concitante. Cuniculo ergo suffossa moenia ingens nudavere spatium, per quod irrupit: victorque urbem dirui iussit.

(28) Hinc Menedēmum cum III milibus peditum et 24 DCCC equitibus ad urbem Maracanda misit. Spitamēnes

transfuga, praesidio Macedonum inde delecto, muris urbis eius incluserat se, haud oppidanis consilium defectionis approbantibus. Sequi tamen videbantur, quia prohibere
 25 non poterant. Interim Alexander ad Tanaim amnem redit et, quantum soli occupaverant castris, muro circumdedit. LX stadiorum urbis murus fuit: hanc quoque urbem
 26 Alexandriam appellari iussit. Opus tanta celeritate perfectum est, ut decimo septimo die, quam munimenta excitata erant, tecta quoque urbis absolverentur. Ingens militum certamen inter ipsos fuerat, ut suum quisque munus
 27 — nam divisum erat — primus ostenderet. Incolae novae urbi dati captivi, quos, reddito pretio dominis, liberavit: quorum posteri nunc quoque non apud eos tam longa aetate propter memoriam Alexandri exoleverunt.

CAP. VII.

1 (29) At rex Scytharum, cuius tum ultra Tanaim imperium erat, ratus, eam urbem, quam in ripa amnis Macedones condiderant, suis impositam esse cervicibus, fratrem, Carthasim nomine, cum magna equitum manu misit ad diruendam eam proculque amne submovendas Macedonum copias. Bactrianos Tanais ab Scythis, quos Europaeos vocant, dividit. Idem Asiam et Europam finis inter-
 2 fluit. Ceterum Scytharum gens haud procul Thracia sita ab oriente ad septentrionem se vertit Sarmatarumque, ut
 3 quidam credidere, non finitima, sed pars est. Recta deinde regione [ad] Alaunum ultra Istrum iacentem colit: ultima Asiae, quae Bactra sunt, stringit. Habitant, quae septentrioni propiora sunt: profundae inde silvae vastaeque solitudines excipiunt: rursus, quae et Tanaim et Bactra spe-
 4 ctant, humano cultu haud disparia sunt. Primus cum hac gente non provisum bellum Alexander gesturus, quum in conspectu eius obequitaret hostis, adhuc aeger ex vulnere, praecipue voce deficiens, quam et modicus cibus et cervicis extenuabat dolor, amicos in consilium advocari iubet.
 5 Terrebat eum non hostis, sed iniquitas temporis. Bactriani defecerant: Scythae etiam lacescebant: ipse non insistere in terra, non equo vehi, non docere, non hortari
 6

suos poterat. Ancipiti periculo implicitus, deos quoque 7 incusans, querebatur, se iacere segnem, cuius velocitatem nemo antea valuisset effugere: vix suos credere, non simulari valetudinem.

(30) Ita, qui post Darēum victum ariolos et vates con- 8 sulere desierat, rursus ad superstitionem, humanarum mentium ludibria, revolutus Aristandrum, cui credulitatem suam addixerat, explorare eventum rerum sacrificiis iubet. Mos erat aruspici- 9 bus, exta sine rege spectare et, quae portenderentur, referre. Inter haec rex, dum fibris 9 pecudum explorantur eventus latentium rerum, propius ipsum considerare amicos iubet, ne contentione vocis cicatricem infirmam adhuc rumperet. Hephaestio, Cratērus et Erigyus erant cum custodibus in tabernaculum admissi. *Discrimen, inquit, me occupavit meliore hostium quam 10 meo tempore. Sed necessitas ante rationem est, maxime in bello, quo raro permittitur tempora legere. Defecere Bac- 11 triāni, in quorum cervicibus stamus, et, quantum in nobis animi sit, alieno Marte experiuntur. Haud dubia fortuna, si omiserimus Scythas ultro arma inferentes: contempti ad illos, qui defecerunt, revertemur: si vero Tandēm transieri- 12 mus et ubique invictos esse nos Scytharum perniciē ac sanguine ostenderimus, quis dubitabit parere etiam Europae victoribus? Fallitur, qui terminos gloriae nostrae metitur 13 spatium, quod transituri sumus. Unus annis interfuit, quem si traicimus, in Europam arma proferimus. Et quanti 14 aestimandum est, dum Asiam subigimus, in alio quodammodo orbe tropaea statuere et, quae tam longo intervallo natura videtur diremis- 15 se, una victoria subito committere? At hercule, si paululum cessaverimus, in tergis nostris Scythae haerebunt. An soli sumus, qui flumina transnare possumus? Multa in nosmetipsos recident, quibus adhuc vicimus. Fortuna belli artem victos quoque docet. Utribus amnem 16 traiciendi exemplum fecimus nuper: hoc, ut Scythae imitari nesciant, Bactriāni docebunt. Praeterea unus gentis huius 17 exercitus adhuc venit, ceteri expectantur. Ita bellum vitando alemus et, quod inferre possumus, accipere cogemur. Ma- 18 nifesta est consilii mei ratio. Sed an permissuri sint mihi*

*Macedōnes animo uti meo, dubito, quia, ex quo hoc vulnus
19 accepi, non equo vectus sum, non pedibus ingressus. Sed si
me sequi vultis, valeo, amici. Satis virium est ad toleranda
ista: aut, si iam adest vitae meae finis, in quo tandem opere
melius extinguar?*

20 (31) Haec quassa adhuc voce, subdeficiens, vix proximi-
mis exaudientibus, dixerat, quum omnes a tam praecipiti
21 consilio regem deterrere coeperunt, Erigyus maxime, qui
haud sane auctoritate proficiens apud obstinatum animum
superstitionem, cuius potens non erat rex, incutere tenta-
vit dicendo, deos quoque obstare consilio magnumque
22 periculum, si flumen transisset, ostendi. Intranti Erigyio
tabernaculum regis Aristander occurrerat, tristitia exta
fuisse significans: haec ex vate comperta Erigyus nun-
23 tiabat. Quo inhibito Alexander non ira solum, sed etiam
pudore confusus, quod superstitio, quam celaverat, dete-
24 gebatur, Aristandrum vocari iubet. Qui ut venit, intuens
eum, *Non rex, inquit, sed privatus sum. Sacrificium ut fa-
ceres, mandavi: quid eo portenderetur, cur apud alium quam
apud me professus es? Erigyus arcana mea et secreta, te
prodente, cognovit. Quem certum mehercule habeo extorum*
25 *interprete uti metu suo. Tibi autem, qui scitius, quam potest*
[ille, interpretaberis], *denuntio, ipsi mihi indices, quid extis*
26 *cognoveris, ne possis infitiari, dixisse, quae dixeris.* Ille ex-
sanguis attonitoque similis stabat, per metum etiam voce
suppressa: tandemque, eodem metu stimulante, ne regis
expectationem moraretur, *Magni, inquit, laboris, non ir-
riti discrimen instare praedixi: nec me ars mea, quam beni-*
27 *volentia perturbat. Infirmitatem valetudinis tuae video et,*
quantum in uno te sit, scio. Vereor, ne praesenti fortunae
28 *tuae sufficere non possis.* Rex iussum confidere felicitati
suae remisit ad sacra: sibi ad gloriam concedere deos.
29 Consultanti inde cum iisdem, quonam modo flumen trans-
irent, supervenit Aristander, non alias laetiora exta vi-
disse se affirmans, utique prioribus longe diversa: tum
solicitudinis causas apparuisse, nunc prorsus egregie lita-
tūm esse.

30 (32) Ceterum, quae subinde nuntiata sunt regi, con-

tinuae felicitati rerum eius imposuerant labem. Menedē-31
 mum, ut supra dictum est, miserat ad obsidendum Spita-
 mēnem, Bactriānae defectionis auctorem. Qui, comperto
 hostis adventu, ne muris urbis includeretur, simul fretus,
 excipi posse, qua venturum sciebat, consedit occultus.
 Silvestre iter aptum insidiis tegendis erat: ibi Dahas con-32
 didit. Equi binos armatos vehunt, quorum invicem singuli
 repente desiliunt: equestris pugnae ordinem turbant. Equo-33
 rum velocitati par hominum pernitas. Hos Spitamēnes
 saltum circumire iussos pariter et a lateribus et a fronte et
 a tergo hosti ostendit. Menedēmus undique inclusus, ne34
 numero quidem par, diu tamen resistit, clamitans, nihil
 aliud superesse locorum fraude deceptis, quam honestae
 mortis solatium ex hostium caede. Ipsum praevalens35
 equus vehebat, quo saepius in cuneos barbarorum effusis
 habenis eVectus magna strage eos fuderat. Sed quum36
 unum omnes peterent, multis vulneribus exsanguis Hypsī-
 dem quendam ex amicis hortatus est, ut in equum suum
 ascenderet et se fuga eriperet. Haec agentem anima de-
 fecit, corpusque ex equo defluxit in terram. Hypsīdes37
 poterat quidem effugere, sed, amisso amico, mori statuit.
 Una erat cura, ne inultus occideret. Itaque, subditis cal-
 caribus equo, in medios hostes se immisit et, memorabili
 edita pugna, obrutus telis est. Quod ubi videre, qui caedi38
 supererant, tumulum paulo quam cetera editiorem capiunt:
 quos Spitamēnes fame in deditionem subacturus obsedit.
 Cecidere eo proelio peditum II milia, CCC equites. Quam39
 cladem Alexander sollerti consilio texit, morte denunciata
 his, qui ex proelio advenerant, si acta vulgassent.

CAP. VIII.

(33) Ceterum quum animo disparem vultum diutius 1
 ferre non posset, in tabernaculum super ripam fluminis de
 industria locatum secessit. Ibi sine arbitris singula animi 2
 consulta pensando noctem vigiliis extraxit, saepe pellibus
 tabernaculi allevatis, ut conspiceret hostium ignes, e qui-
 bus coniectare poterat, quanta hominum multitudo esset.
 Iamque lux appetebat, quum thoracem indutus procedit 3

ad milites, tum primum post vulnus proxime acceptum.
 4 Tanta erat apud eos veneratio regis, ut facile periculi,
 quod horrebant, cogitationem praesentia eius excuteret.
 5 Laeti ergo et manantibus gaudio lacrimis consalutant eum
 6 et, quod ante recusaverant bellum, feroces deposcunt. Ille
 se ratibus equitem phalangemque transportaturum esse
 7 pronuntiat: super utres iubet nare levius armatos. Plura
 nec dici res desideravit nec rex dicere per valetudinem
 8 potuit. Ceterum tanta alacritate militum rates iunctae sunt,
 ut in triduum ad XII milia effectae sint. Iamque ad trans-
 eundum omnia aptaverant, quum legati Scytharum XX
 more gentis per castra equis vecti nuntiare iubent regi,
 9 velle ipsos ad eum mandata perferre. Admissi in taberna-
 culum iussique considerare in vultu regis defixerant oculos,
 credo, quia magnitudine corporis animum aestimantibus
 10 modicus habitus haudquaquam famae par videbatur. Scy-
 this autem non, ut ceteris barbaris, rudis et inconditus
 sensus est: quidam eorum sapientiam capere dicuntur,
 11 quantamcunque gens capit semper armata. Sicque locu-
 tos esse apud regem memoriae proditum est. Abhorrent
 forsitan moribus nostris et tempora et ingenia cultiora
 sortitis: sed ut possit oratio eorum sperni, tamen fides
 nostra non debet: quae utcunque sunt tradita, incorrupta
 12 perferemus. Igitur unum ex his maximum natu ita locu-
 tum accepimus:

(34) *Si dii habitum corporis tui aviditati animi parem
 esse voluissent, orbis te non caperet: altera manu orientem,
 altera occidentem contingeres et hoc assecutus scire velles,
 13 ubi tanti numinis fulgor conderetur. Sic quoque concupiscis,
 quae non capis. Ab Europa petis Asiam: ex Asia transis in
 Europam: deinde, si humanum genus omne superaveris, cum
 silvis et nivibus et fluminibus ferisque bestiis gesturus es bel-
 14 lum. Quid? tu ignoras, arbores magnas diu crescere, una
 hora extirpari? Stultus est, qui fructus earum spectat, alti-
 tudinem non metitur. Vide, ne, dum ad cacumen pervenire
 contendis, cum ipsis ramis, quos comprehenderis, decidas.
 15 Leo quoque aliquando minimarum avium pabulum fuit, et
 ferrum rubigo consumit. Nihil tam firmum est, cui pericu-*

lum non sit etiam ab invalido. Quid nobis tecum est? Nun- 16
 quam terram tuam attigimus. Qui sis, unde venias, licetne
 ignorare in vastis silvis viventibus? Nec servire ulli possumus
 nec imperare desideramus. Dona nobis data sunt — ne Scytha- 17
 rum gentem ignores — iugum boum et aratrum, hasta, sagitta,
 patera. His utimur et cum amicis et adversus inimicos. Fru- 18
 ges amicis damus, boum labore quaesitas: patera cum iisdem
 vinum diis libamus: inimicos sagitta eminus, hasta comminus
 petimus. Sic Syriae regem et postea Persarum Medorumque
 superavimus, patuitque nobis iter usque in Aegyptum. At tu, 19
 qui te gloriaris ad latrones persequendos venire, omnium
 gentium, quas adisti, latro es. Lydiam cepisti, Syriam occu-
 pasti, Persidem tenes, Bactrianos habes in potestate, Indos
 petisti: iam etiam ad pecora nostra avaras et insatiabiles ma-
 nus porrigis. Quid tibi divitiis opus est, quae te esurire co- 20
 gunt? Primus omnium satietate parasti famem, ut, quo
 plura haberes, acrius, quae non habes, cuperes. Non succur- 21
 rit tibi, quamdiu circum Bactra haereas? dum illos subigis,
 Sogdiani bellare coeperunt. Bellum tibi ex victoria nascitur.
 Nam ut maior fortiorque sis, quam quisquam, tamen alieni-
 genam dominum pati nemo vult.

(35) Transi modo Tanaim: scies, quam late pateant, 22
 nunquam tamen consequeris Scythas. Paupertas nostra ve-
 locior erit, quam exercitus tuus, qui praedam tot nationum
 vehit. Rursus, quum procul abesse nos credes, videbis in tuis
 castris. Eadem enim velocitate et sequimur et fugimus. Scy- 23
 tharum solitudines Graecis etiam proverbiiis audio eludi. At
 nos deserta et humano cultu vacua magis quam urbes et opu-
 lentos agros sequimur. Proinde fortunam tuam pressis ma- 24
 nibus tene. Lubrica est nec invita teneri potest. Salubre con-
 silium sequens quam praesens tempus ostendit melius. Impone
 felicitati tuae frenos: facilius illam reges. Nostri sine pedi- 25
 bus dicunt esse fortunam, quae manus et pinnae tantum
 habet: quum manus porrigit, pinnae quoque comprehendere
 non sinit. Denique, si deus es, tribuere mortalibus beneficia 26
 debes, non sua eripere: sin autem homo es, id quod es, sem-
 per esse te cogita. Stultum est, eorum meminisse, propter
 quae tui obliviscaris. Quibus bellum non intuleris, bonis 27

amicis poteris uti. Nam et firmissima est inter pares amicitia et videntur pares, qui non fecerunt inter se periculum virium.
 28 *Quos viceris, amicos tibi esse cave credas: inter dominum et servum nulla amicitia est: etiam in pace belli tamen iura ser-*
 29 *vantur. Iurando gratiam Scythas sancire ne credideris: colendo fidem iurant. Graecorum ista cautio est, qui pacta consignant et deos invocant: nos religionem in ipsa fide ponimus. Qui non reverentur homines, fallunt deos. Nec tibi*
 30 *amico opus est, de cuius benivolentia dubites. Ceterum nos et Asiae et Europae custodes habebis: Bactra, nisi dividat Tanāis, contingimus: ultra Tanāim usque ad Thraciam colimus: Thraciae Macedoniam coniunctam esse fama est. Utrique imperio tuo finitimos hostes an amicos velis esse, considera. Haec barbarus.*

CAP. IX.

1 (36) Contra rex fortuna sua et consiliis eorum se usum esse respondet: nam et fortunam, cui confidat, et consilium suadentium, ne quid temere et audacter faciat, secum
 2 turum. Dimissisque legatis in praeparatas rates exercitum imposuit. In proris clypeatos locaverat, iussos in genua sub-
 3 sidere, quo tutiores essent adversus ictus sagittarum. Post hos, qui tormenta intenderent, stabant, et ab utroque latere et a fronte circumdati armatis. Reliqui, qui post tormenta constiterant, remigem loricam indutum scutorum testudine
 4 armati protegebant. Idem ordo in illis quoque ratibus, quae equitem vehebant, servatus est. Maior pars a puppe nantes equos loris trahebat. At illos, quos utres stramento
 5 repleti vehebant, obiectae rates tuebantur. Ipse rex cum delectis primus ratem solvit et in ripam dirigi iussit. Cui Scythae admotos ordines equitum in primo ripae margine opponunt, ut ne applicari quidem terrae rates possent.
 6 Ceterum praeter hanc speciem ripis praesidentis exercitus ingens navigantes terror invaserat: namque cursum gubernatores, quum obliquo flumine impellerentur, regere non poterant, vacillantesque milites et, ne excuterentur,
 7 solliciti nautarum ministeria turbaverant. Ne tela quidem conati nisu vibrare poterant, quum prior standi sine pe-

riculo quam hostem incessendi cura esset. Tormenta salutati fuerunt, quibus in confertos ac temere se offerentes haud frustra excussa sunt tela. Barbari quoque ingentem vim sagittarum infudere ratibus, vixque ullum fuit scutum, quod non pluribus simul spiculis perforaretur.

(37) Iamque terrae rates applicabantur, quum acies clypeata consurgit et hastas certo ictu, utpote libero nisu, mittit e ratibus: et ut territos recipientesque equos videre, alacres mutua adhortatione in terram desiluere. Turbati acriter pedem inferre coeperunt. Equitum deinde turmae, quae frenatos habebant equos, perfregere barbarorum aciem. Interim ceteri agmine dimicantium tecti aptavere se pugnae. Ipse rex, quod vigoris aegro adhuc corpori deerat, animi firmitate supplebat. Vox adhortantis non poterat audiri, nondum bene obducta cicatrice cervicis, sed dimicantem cuncti videbant. Itaque ipsi quidem dum fungebantur officio aliusque alium adhortati in hostem salutis immemores ruere coeperunt. Tum vero non ora, non arma, non clamorem hostium barbari tolerare poterunt, omnesque effusis habenis — namque equestris acies erat — capessunt fugam. Quos rex, quamquam vexationem invalidi corporis pati non poterat, per LXXX tamen stadia insequi perseveravit. Iamque linquente animo suis praecepit, ut, donec lucis aliquid superesset, fugientium tergis inhaerent: ipse, exhaustis etiam animi viribus, in castra se recepit. Reliquum [agmen sero] substitit. Transierant iam Libëri Patris terminos, quorum monumenta lapides erant, crebris intervallis dispositi, arboresque procerae, quarum stipites hedera contexerat: sed Macedonas ira longius provexit: quippe media fere nocte in castra redierunt, multis interfectis, pluribus captis, equosque M et DCCC abegere. Ceciderunt autem Macedonum equites LX, pedites C fere, mille saucii fuerunt.

(38) Haec expeditio deficientem magna ex parte Asiam fama tam opportuna victoriae domuit. Invictos Scythas esse crediderant: quibus fractis nullam gentem Macedonum armis parem fore confitebantur. Itaque Sacae misere legatos, qui pollicerentur, gentem imperata factu

18ram. Moverat eos regis non virtus magis, quam clementia
 in devictos Scythas: quippe captivos omnes sine pretio
 remiserat, ut fidem faceret, sibi cum ferocissimis gentium
 19de fortitudine, non de ira fuisse certamen. Benigne igitur
 exceptis Sacarum legatis, comitem Elpinicon dedit, adhuc
 admodum iuvenem, aetatis flore conciliatum sibi, qui, quum
 specie corporis aequaret Hephaestionem, ei lepore haud
 20sane virili par non erat. Ipse, Cratæro cum maiore parte
 exercitus modicis itineribus sequi iusso, ad Maracanda
 urbem contendit, ex qua Spitamenes, comperto eius ad-
 21ventu, Bactra perfugerat. Itaque quadriduo rex longum
 itineris spatium emensus pervenerat in eum locum, in quo,
 Menedæmo duce, II milia peditum et CCC equites amiserat.
 Horum ossa tumulo contegi iussit et inferias more patrio
 22dedit. Iam Cratærus cum phalange subsequi iussus ad re-
 gem pervenerat. Itaque ut omnes, qui defecerant, pariter
 belli clade premerentur, copias dividit urique agros et in-
 terfici puberes iussit.

CAP. X.

1 (39) Sogdiāna regio maiore ex parte deserta est:
 octingenta fere stadia in latitudinem vastae solitudines te-
 2nent. Ingens spatium rectae regionis est, per quam annis
 (Polytimētum vocant incolae) fertur. Torrentem eum ri-
 pae in tenuem alveum cogunt, deinde caverna accipit
 3et sub terram rapit. Cursus absconditi indicium est
 aquae meantis sonus, quum ipsum solum, sub quo tan-
 4tus annis fluit, ne modico quidem resudet humore. Ex
 captivis Sogdianorum ad regem XXX nobilissimi, cor-
 porum robore eximio, perducti erant: qui, ut per interpre-
 tem cognoverunt, iussu regis ipsos ad supplicium trahi,
 carmen laetantium modo canere tripudiisque et lasciviori
 corporis motu gaudium quoddam animi ostentare coepe-
 5runt. Admiratus rex, tanta magnitudine animi oppetere
 mortem, revocari eos iussit, causam tam effusae laetitiae,
 6quum supplicium ante oculos haberent, requirens. Illi,
 si ab alio occiderentur, tristes morituros fuisse respon-
 dent: nunc a tanto rege, victore omnium gentium, maiori-

bus suis redditos honestam mortem, quam fortes viri voto quoque expeterent, carminibus sui moris laetitiaque celebrare. Tum rex: *Quaero itaque, an vivere velitis non inimici 7 mihi, cuius beneficio victuri estis.* Illi nunquam se inimicos 8 ei, sed bello lacessitos hostes fuisse respondent. Si quis ipsos beneficio quam iniuria experiri maluisset, certaturos fuisse, ne vincerentur officio. Interrogatique, quo 9 pignore fidem obligaturi essent, vitam, quam acciperent, pignori futuram esse dixerunt: reddituros, quandoque repetisset. Nec promissum fefellerunt. Nam qui remissi domos ierant, fide continuere populares: quattuor inter custodes corporis retenti nulli Macedonum in regem caritate cesserunt.

(40) In Sogdianis Peucolao cum tribus milibus peditum (neque enim maiori praesidio indigebat) relicto, Bactra pervenit. Inde Bessum Ecbatana duci iussit, interfecto Darao poenas capite persoluturum. Iisdem fere diebus Ptolemaeus et Menidas peditum tria milia et equites mille adduxerunt, mercede militaturos. Alexander quoque ex Lycia cum pari numero peditum et D equitibus venit. Totidem ex Syria Asclepiodorum sequebantur: Antipater Graecorum VIII milia, in quibus DC equites erant, miserat. Itaque exercitu aucto, ad ca, quae defectione turbata erant, componenda processit, interfectisque consternationis auctoribus quarto die ad flumen Oxum perventum est. Hic, quia limum vehit, turbidus semper et insalubris est potui. Itaque puteos miles coeperat fodere. Nec tamen, humo alte egesta, existerat humor, quum in ipso tabernaculo regis conspectus est fons, quem quia tarde notaverant, subito extitisse finxerunt: rexque ipse credi voluit, deorum donum id fuisse. Superatis deinde annibus Ocho et Oxo, ad urbem Marganiam pervenit. Circa eam VI oppidis condendis electa sedes est: duo ad meridiem versa, quattuor spectantia orientem, modicis inter se spatiis distabant, ne procul repetendum esset mutuum auxilium. Haec omnia sita sunt in editis collibus, tum velut freni domitarum gentium, nunc originis suae oblita serviunt, quibus imperaverunt.

A. 328 10
a. Chr. n.
mensibus
hibernis.
Ol. 112, 4.

CAP. XI.

1 (41) Et cetera quidem pacaverat rex. Una erat petra,
 quam Arimāzes Sogdiānus cum XXX milibus armatorum
 obtinebat, alimentis ante congestis, quae tantae multitu-
 2 dini vel per biennium suppelerent. Petra in altitudinem
 XXX eminet stadia, circuitu C et L complectitur. Undique
 3 abscissa et abrupta semita perangusta aditur. In medio alti-
 tudinis spatio habet specum, cuius os artum et obscurum
 est: paulatim deinde ulteriora panduntur, ultima etiam altos
 recessus habent. Fontes per totum fere specum manant,
 e quibus collatae aquae per prona montis flumen emittunt.
 4 Rex, loci difficultate spectata, statuerat inde abire: cupido
 5 deinde incessit animo naturam quoque fatigandi. Prius
 tamen quam fortunam obsidionis experiretur, Cophen (Ar-
 tabāzi hic filius erat) misit ad barbaros, qui suaderet, ut de-
 derent rupem. Arimāzes loco fretus superbe multa respon-
 dit, ad ultimum, an Alexander etiam volare posset, interro-
 6 gat. Quae nuntiata regi sic accendere animum, ut adhibitis,
 cum quibus consultare erat solitus, indicaret insolentiam
 barbari, eludentis ipsos, quia pinnae non haberent. Se au-
 tem proxima nocte effecturum, ut crederet, Macedōnes
 7 etiam volare. *Trecentos, inquit, perniciosissimos iuvenes ea*
suis quisque copiis perducite ad me, qui per calles et paene
 8 *in vias rupes domi pecora agere consueverant.* Illi praestan-
 tes et levitate corporum et ardore animorum strenue ad-
 ducunt: quos intuens rex, *Vobiscum, inquit, o iuvenes et*
mei aequales, urbium invictarum ante me munimenta supera-
vi, montium iuga perenni nive obruta emensus sum, angus-
tias Ciliciae intravi, Indiae sine lassitudine vim frigoris sum
 9 *perpessus. Et mei documenta vobis dedi et vestra habeo. Pe-*
tra, quam videtis, unum aditum habet, quem barbari obsi-
dent: cetera negligunt: nullae vigiliae sunt, nisi quae castra
 10 *nostra spectant. Invenietis viam, si sollerter rimati fueritis*
aditus ferentes ad cacumen. Nihil tam alte natura constituit.
quo virtus non possit eniti. Experiendo, quae ceteri despera-
 11 *verunt, Asiam habemus in potestate. Evadite in cacumen,*
quod quum ceperitis, candidis velis signum mihi dabit: ego
 12 *copiis admotis hostem in nos a vobis convertam. Praemium*

erit ei, qui primus occupaverit verticem, talenta X: uno minus accipiet, qui proximus ei venerit, eademque ad decem homines servabitur portio. Certum autem habeo, vos non tam liberalitatem intueri meam, quam voluntatem.

(42) His animis regem audierunt, ut iam cepisse ver-13
ticem viderentur: dimissique ferreos cuneos, quos inter
saxa defigerent, validosque funes parabant. Rex circum-14
vectus petram, qua minime asper ac praeruptus aditus vi-
debatur, secunda vigilia, quod bene verteret, ingredi iubet.
Illi, alimentis in biduum sumptis, gladiis modo atque hastis
armati subire coeperunt. Ac primo pedibus ingressi sunt: 15
deinde, ut in praerupta perventum est, alii manibus emi-
nentia saxa complexi levavere semet, alii adiectis funium
laqueis evasere: quibus [alii], quum cuneos inter saxa de-
figerent, gradus subdidere, quis insisterent. Diem inter
metum laboremque consumpserunt. Per aspera enisis du-16
riora restabant, et crescere altitudo petrae videbatur. Illa
vero miserabilis erat facies, quum ii, quos instabilis gra-
dus fefellerat, ex praecipiti devolverentur. Mox eadem
in se patienda alieni casus ostendebat exemplum. Per 17
has tamen difficultates enituntur in verticem montis, om-
nes fatigatione continuati laboris affecti, quidam mul-
cati parte membrorum: pariterque eos et nox et somnus
oppressit. Stratis passim corporibus in inviis et asperis 18
saxorum, periculi instantis obliti in lucem quieverunt: tan-
demque velut ex alto sopore excitati, occultas subiectas-
que ipsis valles rimantes, ignari, in qua parte petrae tanta
vis hostium condita esset, fumum specu infra se ipsos
evolutum notaverunt. Ex quo intellectum, illam hostium 19
latebram esse. Itaque hastis imposuere, quod convenerat
signum: totoque e numero duos et XXX in ascensu inter-
isse agnoscunt.

(43) Rex non cupidine magis potiundi loci, quam vi-20
cem eorum, quos ad tam manifestum periculum miserat,
sollicitus toto die cacumina montis intuens restitit. Noctu
denum, quum obscuritas conspectum oculorum ademisset,
ad curandum corpus recessit. Postero die nondum 21
satis clara luce primus vela, signum capti verticis, con-

spexit. Sed ne falleretur acies, dubitare cogebat varietas
coeli, nunc internitente lucis fulgore, nunc condito. Verum
22 ut liquidior lux apparuit coelo, dubitatio exempta est: vo-
catumque Cophen, per quem barbarorum animos tentave-
rat, mittit ad eos, qui moneret, nunc saltem salubrius con-
siliū inirent: sin autem fiducia loci perseverarent, ostendi
23 a tergo iussit, qui ceperant verticem. Cophes admissus
suadere coepit Arimāzi petram tradere, gratiam regis ini-
turo, si tantas res molientem in unius rupis obsidione
haerere non coēgisset. Ille ferocius superbiorque, quam
24 antea, locutus abire Cophen iubet. At is presum manu
barbarum rogat, ut secum extra specum prodeat: quo im-
petrato iuvenes in cacumine ostendit eiusque superbiae
haud immerito illudens pinnas habere ait milites Alexan-
25 dri. Iamque e Macedōnum castris signorum concentus et
totius exercitus clamor audiebatur. Ea res, sicut plera-
que belli vana et inania, barbaros ad deditionem traxit.
Quippe occupati metu paucitatem eorum, qui a tergo
26 erant, aestimare non poterant. Itaque Cophen (nam trepi-
dantes reliquerat) strenue revocant et cum eo XXX prin-
cipes mittunt, qui petram tradant et, ut incolumibus abire
27 liceat, paciscantur. Ille quamquam verebatur, ne, con-
specta iuvenum paucitate, deturbarent eos barbari, tamen
et fortunae suae confisus et Arimāzi superbiae infensus
28 nullam se conditionem deditionis accipere respondit. Ari-
māzes, desperatis magis quam perditis rebus, cum pro-
pinquis nobilissimisque gentis suae descendit in castra.
quos omnes verberibus affectos sub ipsis radicibus pe-
29 trae crucibus iussit affigi. Multitudo dediticiorum incolis
novarum urbium cum pecunia capta dono data est: Artā-
bāzus in petrae regionisque, quae apposita esset ei, tutela
relictus.

LIBER VIII.

ARGUMENTUM.

I. Massagetis, Dahis, Sogdianis subactis, Scythae sui regis filiam Alexandro coniugem offerunt. Rex, leone interfecto et quattuor milibus ferarum in venatione deiectis, Clitum in convivio liberius locutum interfecit. II. Sera Alexandri poenitentia: bellicae deinde expeditiones adversus Bactrianos transfugas et Sysmithren. Philippi, strenuissimi iuvenis, et Erigyii, clarissimi ducis, obitus. III. Spitamenis uxorem interfecti mariti caput afferentem Alexander castris excedere iubet: provincias quasdam a praefectorum suorum iniuriis vindicat. IV. Frigoris nimia vi paene opprimitur exercitus, Gabazam aditurus. Alexandri constantia et erga gregarium militem humanitas: eiusdem, Oxyarte in fidem recepto, cum Roxane matrimonium. V. Cogitationibus in bellum Indicum versis, adulatorum fraude, nimia superbia elatus Alexander more Persarum Macedonas venerabundos ipsum salutare poscit, quod gravi oratione Callisthenes improbat. VI. Ex ignominia Hermolao, nobili puero, illata nascitur in caput Alexandri coniuratio: qua detecta cum auctoribus sceleris innocens Callisthenes in vincula coniicitur. VII. In Alexandri superbiam et crudelitatem invehitur, Callisthenem defendit Hermolaus. VIII. Hermolao Alexander respondet: Callisthenem et reliquos coniuratos necari iubet. IX. In Indiam movet Alexander. Disserit Curtius de Indiae situ, fluminibus, coeli temperie, animalibus, divitiis, de Indorum ingenio, regum luxuria, gymnosophistarum vita ac sapientia. X. Alexander Indiae cis Indum regulos nonnullos sibi occurrentes in fidem recipit, varias urbes et regiones deditionem detrectantes expugnat, in Mazagarum obsidione vulneratus se esse hominem fatetur. XI. Urbem Noram et petram Aornin ab Hercule frustra olim obsessam post multos labores tandem in ditionem redigit. XII. India cis Indum domita, Indum transit Alexander Omphimque se et sua tradentem restituit: mutua dona regia. XIII. Abisares se dedit, Barzaentes et Samaxus vincti in custodiam traduntur. Alexandri castra ad Hydaspem et bellum cum Poro: cuius copiis varia arte distractis ripam adversam occupat Alexander. XIV. Indorum et Macedonum insignis et cruenta pugna: Pori captivi magnanimitas et Alexandri regis clementia.

CAP. I.

(1 ed. Zumpt.) Alexander, maiore fama quam gloria in ditionem redacta petra, quum propter vagum hostem spargendae manus essent, in tres partes divisit exercitum.

Hephaestiōnem uni, Coenon alteri duces dederat: ipse ce-
 2 teris praeerat. Sed non eadem mens omnibus barbaris
 fuit. Armis quidam subacti, plures ante certamen impe-
 rata fecerunt: quibus eorum, qui in defectione persevera-
 3 verant, urbes agrosque iussit attribui. At exules Bactriāni
 cum DCCC Massagetarum equitibus proximos vicos vasta-
 verunt. Ad quos coercendos Attīnas, regionis eius prae-
 fectus, CCC equites, insidiarum, quae parabantur, ignarus,
 4 eduxit. Namque hostis in silvis, quae erant forte campo
 iunctae, armatum militem condidit, paucis propellentibus
 pecora, ut improvidum ad insidias praeda perduceret.
 5 Itaque incomposito agmine solutisque ordinibus Attīnas
 praedabundus sequebatur: quem praetergressum silvam,
 qui in ea consederant, ex improvise adorti cum omnibus
 6 interemerunt. Celeriter ad Cratērum huius cladis fama
 perlata est, qui cum omni equitatu supervenit: et Massa-
 gētae quidem iam refugerant, Dahae mille oppressi sunt:
 7 quorum clade totius regionis finita defectio est. Alexander
 quoque, Sogdiānis rursus subactis, Maracanda repetit. Ibi
 Berdes, quem ad Scythas super Bospōrum colentes mi-
 8 serat, cum legatis gentis occurrit. Phrataphernes quoque,
 qui Chorasmiis praeerat, Massagētis et Dahis regionum
 confinio adiunctus, miserat, qui facturum imperata polli-
 9 cerentur. Scythae petebant, ut regis sui filiam matrimonio
 sibi iungeret: si dedignaretur affinitatem, principes Mace-
 dōnum cum primoribus suae gentis connubio coire pate-
 retur: ipsum quoque regem venturum ad eum polliceban-
 10 tur. Utraque legatione benigne audita, Hephaestiōnem et
 Artabāzum opperiens stativa habuit: quibus adiunctis in
 regionem, quae appellatur Bazaīra, pervenit.

11 (2) Barbarae opulentiae in illis locis haud ulla sunt
 maiora indicia, quam magnis nemoribus saltibusque no-
 12 bilium ferarum greges clusi. Spatiosas ad hoc eligunt sil-
 vas, crebris perennium aquarum fontibus amoenas: muris
 nemora cinguntur turretsque habent venantium receptacula.
 13 Quattuor continuis aetatibus intactum saltum fuisse con-
 stabat: quem Alexander cum toto exercitu ingressus agi-
 14 tari undique feras iussit. Inter quas quum leo, magnitudi-

nis rarae, ipsum regem invasurus incurreret, forte Lysimachus, qui postea regnavit, proximus Alexandro venabulum oblicere ferae coeperat. Quo rex repulso et abire iusso adiecit, tam a semet uno, quam a Lysimacho leonem interfici posse. Lysimachus enim quondam, quum 15 venaretur in Syria, occiderat quidem eximiae magnitudinis feram solus, sed laevo humero usque ad ossa lacertus ad ultimum periculi pervenerat. Id ipsum exprobrans 16 ei rex fortius, quam locutus est, fecit. Nam feram non excepit modo, sed etiam uno vulnere occidit. Fabulam, 17 quae obiectum leoni a rege Lysimachum temere vulgavit, ab eo casu, quem supra diximus, ortam esse crediderim. Ceterum Macedones, quamquam prospero eventu defun- 18 ctus erat Alexander, tamen scivere gentis suae more, ne aut pedes venaretur aut sine delectis principum atque amicorum. Ille, IV milibus ferarum delectis, in eodem 19 saltu cum toto exercitu epulatus est.

(3) Inde Maracanda reditum est: acceptaque aetatis excusatione ab Artabazo provinciam eius destinat Clito. Hic erat, qui apud Granicum amnem nudo capite regem 20 dimicantem clypeo suo textit et Rhosacis manum capiti regis imminentem gladio amputavit: vetus Philippi miles multisque bellicis operibus clarus. Hellanice, quae Alexan- 21 drum educaverat, soror eius, haud secus quam mater a rege diligebatur. Ob has causas validissimam imperii partem fidei eius tutelaeque commisit. Iamque iter parare in 22 posterum iussus sollemni et tempestivo adhibetur convivio. In quo rex, quum multo incaluisset mero, immodicus aestimator sui, celebrare, quae gesserat, coepit, gravis etiam eorum auribus, qui sentiebant, vera memorari. Si- 23 lentium tamen habuere seniores, donec Philippi res orsus obterere nobilem apud Chaeronaeam victoriam sui operis fuisse iactavit ademptamque sibi malignitate et invidia patris tantae rei gloriam. Illum quidem, seditione inter Ma- 24 cedones milites et Graecos mercenarios orta, debilitatum vulnere, quod in ea consternatione acceperat, iacuisse, non alia re quam simulatione mortis tutiorem: se corpus eius protexisse clypeo suo ruentesque in illum sua manu

25 occisos. Quae patrem nunquam aequo animo esse confessum, invitum filio debentem salutem suam. Itaque post expeditionem, quam sine eo fecisset ipse in Illyrios, victorem scripsisse se patri, fusos fugatosque hostes nec
26 affuisse usquam Philippum. Laude dignos esse, non qui Samothrācum initia viserent, quum Asiam uri vastarique oporteret, sed eos, qui magnitudine rerum fidem antecessissent.

27 (4) Haec et his similia laeti audiere iuvenes, ingrata senioribus erant, maxime propter Philippum, sub quo diu-
28 tius vixerant: quum Clitus, ne ipse quidem satis sobrius, ad eos, qui infra ipsum cubabant, conversus Euripīdis rettulit carmen, ita ut sonus magis quam sermo exaudiri
29 posset a rege, quo significabatur, male instituisse Graecos, quod tropaeis regum dumtaxat nomina inscriberentur: alieno enim sanguine partam gloriam intercipi. Itaque rex, quum suspicaretur, malignius habitum esse sermonem,
30 percontari proximos coepit, quid ex Clito audissent. Et illis ad silendum obstinatis Clitus paulatim maiore voce Philippi acta bellaque in Graecia gesta commemorat, omnia
31 praesentibus praeferens. Hinc inter iuniores senesque orta contentio est, et rex, velut patienter audiret, quis Clitus obterebat laudes eius, ingentem iram conceperat. Ceterum quum animo videretur imperaturus, si finem procaciter orto sermoni Clitus imponeret, nihil eorum omittente,
33 magis exasperabatur. Iamque Clitus etiam Parmeniōnem defendere audebat et Philippi de Atheniensibus victoriam Thebarum praeferebat excidio, non vino modo, sed etiam
34 animi prava contentione proventus. Ad ultimum, *Si moriendum, inquit, est pro te, Clitus est primus: at quum victoriae arbitrium agis, praecipuum ferunt praemium, qui pro-*
35 *cacissime patris tui memoriae illudunt. Sogdiānam regionem mihi attribuis, totiens rebellem et non modo indomitam, sed quae ne subigi quidem possit. Mittor ad feras bestias, praeci-*
36 *pitia ingenia sortitas. Sed quae ad me pertinent, transeo: Philippi milites spernis, oblitus, nisi hic Aiharrīas senex iuniores pugnam detrectantes revocasset, adhuc nos circa Ha-*
37 *licarnassum haesuros fuisse. Quomodo igitur Asiam etiam*

cum istis iunioribus subiecisti? Verum est, ut opinor, quod avunculum tuum in Italia dixisse constat, ipsum in viros incidisse, te in feminas.

(5) Nihil ex omnibus inconsulte ac temere iactis re-38 gem magis moverat, quam Parmeniōnis cum honore mentio illata. Dolorem tamen rex pressit, contentus iussisse, ut convivio excederet. Nec quicquam aliud adiecit, quam,39 forsitan eum, si diutius locutus foret, exprobraturum sibi fuisse vitam a semetipso datam: hoc enim superbe saepe iactasse. Atque illum cunctantem adhuc surgere, qui40 proximi ei cubuerant, iniectis manibus, iurgantes monentesque conabantur abducere. Clitus, quum abstraheretur,41 ad pristinam violentiam ira quoque adiecta, suo pectore tergum illius esse defensum, nunc, postquam tanti meriti praeterierit tempus, etiam memoriam invisam esse proclamat. Attālī quoque caedem obiiciebat et ad ultimum Iovis,42 quem patrem sibi Alexander assereret, oraculum eludens, veriora se regi quam patrem eius respondisse dicebat. Iam tantum irae conceperat rex, quantum vix sobrius43 ferre potuisset. Enimvero olim mero sensibus victis, ex lecto repente prosiluit. Attoniti amici, ne positis quidem,44 sed abiectis poculis, consurgunt, in eventum rei, quam tanto impetu acturus esset, intenti. Alexander, rapta lan-45 cea ex manibus armigeri, Clitum adhuc eadem linguae intemperantia furem percutere conatus a Ptolemaeo et Perdicca inhibetur. Medium complexi et obluctari perse-46 verantem morabantur: Lysimāchus et Leonnāus etiam lanceam abstulerant. Ille militum fidem implorans com-47 prehendi se a proximis amicorum, quod Darēo nuper accidisset, exclamat signumque tuba dari, ut ad regiam armati coirent, iubet. Tum vero Ptolemaeus et Perdiccas genibus48 advoluti orant, ne in tam praecipiti ira perseveret spatiumque potius animo det: omnia postero die iustius executurum. Sed clausae erant aures, obstrepente ira. Itaque49 impotens animi procurrit in regiae vestibulum et, vigili excubanti hasta ablata, constitit in aditu, quo necesse erat nis, qui simul coenaverant, egredi. Abierant ceteri. Clitus50 ultimus sine lumine exibat. Quem rex, quisnam esset, in-

terrogat. Eminebat etiam in voce sceleris, quod parabat, 51 atrocitas. Et ille iam non suae, sed regis irae memor Clitum 52 esse et de convivio exire respondit. Haec dicentis latus hasta transfixit morientisque sanguine aspersus, *I nunc, inquit, ad Philippum et Parmeniōnem et Attālum.*

CAP. II.

- 1 (6) Male humanis ingeniis natura consuluit, quod plerumque non futura, sed transacta perpendimus. Quippe rex, postquam ira mente decesserat, etiam ebrietate discussa, magnitudinem facinoris sera aestimatione perspexit.
- 2 Videbat tunc, immodica libertate abusum, sed alioquin egregium bello virum et, nisi erubesceret fateri, servatorem sui occisum. Detestabile carnificis ministerium occupaverat rex, verborum licentiam, quae vino poterat im-
- 3 putari, nefanda caede ultus. Manabat toto vestibulo cruor paulo ante convivae: vigiles attoniti et stupentibus similes procul stabant, liberio-remque poenitentiam solitudo ex-
- 4 cipiebat. Ergo hastam ex corpore iacentis evulsam retorsit in semet iamque admoverat pectori, quum advolant vigiles et repugnanti e manibus extorquent allevatumque in
- 5 tabernaculum deferunt. Ille humi prostraverat corpus, gemitu eiulatuque miserabili totam personans regiam. Laniare deinde os unguibus et circumstantes rogare, ne se
- 6 tanto dedecori superstitem esse paterentur. Inter has preces tota nox extracta est. Scrutantemque, num ira deorum ad tantum nefas actus esset, subit, anniversarium sacrificium Libero Patri non esse redditum statuto tempore. Itaque inter vinum et epulas caede commissa, iram dei
- 7 fuisse manifestam. Ceterum magis eo movebatur, quod omnium amicorum animos videbat attonitos: neminem cum ipso sociare sermonem postea ausurum: vivendum esse in solitudine velut ferae bestiae, terrenti alias, alias timenti.
- 8 Prima deinde luce tabernaculo corpus, sicut adhuc cruentum erat, iussit inferri. Quo posito ante ipsum, lacrimis obortis, *Hanc, inquit, nutrici meae gratiam rettuli, cuius duo filii apud Milētum pro mea gloria occubuere mortem, hic frater, unicum orbitatis solatium, a me inter epulas occisus*

est. Quo nunc se conferet misera? Omnibus eius unus super- 9
sum, quem solum aequis oculis videre non poterit. Et ego,
servatorum meorum latro, revertar in patriam, ut ne dex-
tram quidem nutrici sine memoria calamitatis eius offerre
possim! Et quum finis lacrimis querelisque non fieret, 10
iussu amicorum corpus ablatum est. Rex triduum iacuit
inclusus. Quem ut armigeri corporisque custodes ad mo- 11
riendum obstinatum esse cognoverunt, universi in taber-
na culum irrumpunt diuque precibus ipsorum reluctatum
aegre vicerunt, ut cibum caperet. Quoque minus caedis 12
puderet, iure interfectum Clitum Macedōnes decernunt, se-
pultura quoque prohibitori, ni rex humari iussisset.

(7) Igitur decem diebus maxime ad confirmandum 13
 pudorem apud Maracanda consumptis, cum parte exerci-
 tus Hephaestiōnem in regionem Bactriānam misit, com-
 meatus in hiemem paraturum. Quam Clito autem destina- 14
 verat provinciam, Amyntae dedit: ipse Xenippa pervenit.
 Scythiae confinis est regio habitaturque pluribus ac fre-
 quentibus vicis, quia ubertas terrae non indigenas modo
 detinet, sed etiam advenas invitat. Bactrianorum exulum, 15
 qui ab Alexandro defecerant, receptaculum fuerat. Sed
 postquam regem adventare compertum est, pulsus ab inco-
 lis II milia fere et quingenti congregantur. Omnes equites 16
 erant, etiam in pace latrociniis assueti: tum ferocia inge-
 nia non bellum modo, sed etiam veniae desperatio effera-
 verat. Itaque ex improvviso adorti Amyntam, praetorem
 Alexandri, diu anceps proelium fecerant: ad ultimum, DCC 17
 suorum amissis, quorum CCC hostis cepit, dedere terga
 victoribus, haud sane inulti: quippe LXXX Macedōnum
 interfecerunt, praeterque eos CCC et L saucii facti sunt.
 Veniam tamen etiam post alteram defectionem impetra- 18
 verunt.

(8) His in fidem acceptis, in regionem, quam Nautāca 19
 appellat, rex cum toto exercitu venit. Satrapes erat Sy-
 simīthres, duobus ex sua matre filiis genitis: quippe apud
 eos parentibus stupro coire cum liberis fas est. Is, arma- 20
 tis popularibus, fauces regionis, qua in artissimum cogi-
 tur, valido munimento sepserat. Praeterfluebat torrens

amnis, terga petra claudebat: hanc manu perviam incolae
 21 fecerant. Sed aditus specus accipit lucem, interiora, nisi
 illato lumine, obscura sunt. Perpetuus cuniculus iter prae-
 22 bet in campos, ignotum, nisi indigenis. At Alexander,
 quamquam angustias naturali situ munitas valida manu
 barbari tuebantur, tamen arietibus admotis munimenta, quae
 manu adiuncta erant, concussit fundisque et sagittis pro-
 pugnantium plerosque deiecit: quos ubi dispersos fugavit,
 ruinas munimentorum supergressus ad petram admovit
 23 exercitum. Ceterum interveniebat fluvijs, coeuntibus aquis
 ex superiore fastigio in vallem: magnique operis videba-
 24 tur, tam vastam voraginem explere. Caedi tamen arbores
 et saxa congeri iussit: ingensque barbaros pavor, rudes ad
 talia opera, concusserat, excitatam molem subito cernentes.
 25 (9) Itaque rex, ad deditionem metu posse compelli ra-
 tus, Oxarten misit, nationis eiusdem, sed ditionis suae, qui
 26 suaderet duci, ut traderet petram. Interim ad augendam
 formidinem et turres admovebantur et excussa tormentis
 tela micabant. Itaque verticem petrae, omni alio praesidio
 27 damnato, petiverunt. At Oxartes trepidum diffidentemque
 rebus suis Sysimithrem coepit hortari, ut fidem quam vim
 Macedonum mallet experiri neu moraretur festinationem
 victoris exercitus in Indiam tendentis: cui quisquis semet
 offerret, in suum caput alienam cladem esse versurum.
 28 Et ipse quidem Sysimithres deditionem annuebat: ceterum
 mater eademque coniunx morituram se ante denuntians,
 quam in ullius veniret potestatem, barbari animum ad ho-
 nestiora quam tutiora converterat, pudebatque, libertatis
 29 maius esse apud feminas quam apud viros pretium. Ita-
 que dimisso internuntio pacis, obsidionem ferre decreve-
 rat. Sed quum hostis vires suasque pensaret, rursus mu-
 liebris consilii, quod praeceps magis quam necessarium
 30 esse credebat, poenitere eum coepit: revocatoque strenue
 Oxarte futurum se in regis potestate respondit, unum pre-
 catus, ne voluntatem et consilium matris suae proderet,
 31 quo facilius venia illi quoque impetraretur. Praemissum
 igitur Oxarten cum matre liberisque et totius cognationis
 grege sequebatur, ne expectato quidem fidei pignore,

quod Oxartes promiserat. Rex, equite praemisso, qui re-32
verti eos iuberet oppeririue praesentiam ipsius, super-
venit: et victimis Minervae ac Victoriae caesis, imperium
Sysimithri restituit, spe maioris etiam provinciae facta, si
cum fide amicitiam ipsius coluisset. Duos illi iuvenes, pa-33
tre tradente, secum militaturos sequi iussit.

(10) Relicta deinde phalange, ad subigendos, qui de-
fecerant, cum equite processit. Arduum et impeditum34
saxis iter primo utcunque tolerabant. Mox equorum non
ungulis modo attritis, sed corporibus etiam fatigatis, se-
qui plerique non poterant, et rarius subinde agmen fiebat,
pudorem, ut fere fit, immodico labore vincente. Rex ta-35
men subinde equos mutans sine intermissione fugientes
insequebatur. Nobiles iuvenes comitari eum soliti defece-
rant praeter Philippum. Lysimächi erat frater, tum pri-
mum adultus et, quod facile appareret, indolis rarae. Is36
pedes, incredibile dictu, per D stadia vectum regem comi-
tatus est, saepe equum suum offerente Lysimächo: nec
tamen, ut digrederetur a rege, effici potuit, quum lorica
indutus arma gestaret. Idem, quum perventum esset in37
saltum, in quo se barbari abdiderant, nobilem edidit pug-
nam regemque comminus cum hoste dimicantem protexit.
Sed postquam barbari in fugam effusi deseruere silvas,38
animus, qui in ardore pugnae corpus sustentaverat, liquit:
subitoque ex omnibus membris profuso sudore arboris
proximae stipiti se applicuit. Deinde, ne illo quidem ad-39
miniculo sustinente, manibus regis exceptus est, inter
quas collapsus exstinguitur. Maestum regem alius haud40
levis dolor excepit. Erigyus inter claros duces fuerat:
quem extinctum esse, paulo antequam reverteretur in cas-
tra, cognovit. Utriusque funus omni apparatu atque ho-
nore celebratum est.

CAP. III.

(11) Dahas deinde statuerat petere: ibi namque Spi-1
tamēnen esse cognoverat. Sed hanc quoque expeditio-
nem, ut pleraque alia, fortuna indulgendo ei nunquam fa-
tigata pro absente transegit. Spitamēnes uxoris immodico 2

amore flagrabat: quam aegre fugam et nova subinde exi-
 lia tolerantem in omne discrimen comitem trahebat. Illa
 malis fatigata identidem muliebres adhibere blanditias, ut
 tandem fugam sisteret victorisque Alexandri clementiam
 3 expertus placaret, quem eflugere non posset. Tres adulti
 erant liberi ex eo geniti: quos quum pectori patris admo-
 visset, ut saltem eorum misereri vellet, orabat: et quo ef-
 4 ficaciores essent preces, haud procul erat Alexander. Ille
 se prodi, non moneri ratus et formae profecto fiducia cu-
 pere eam quamprimum dedi Alexandro, acinacem strinxit,
 percussurus uxorem, nisi prohibitus esset fratrum eius
 5 occursum. Ceterum abire e conspectu iubet, addito metu
 mortis, si se oculis eius obtulisset: et ad desiderium le-
 6 vandum noctes agere inter pellices coepit. Sed penitus
 haerens amor fastidio praesentium accensus est. Itaque
 rursus uni ei deditus orare non destitit, ut tali consilio abs-
 tineret patereturque sortem, quamcunque iis fortuna fe-
 7 cisset: sibi mortem deditione esse leviolem. At illa pur-
 gare se, quod, quae utilia esse censebat, muliebriter
 forsitan, sed fida tamen mente suasisset: de cetero futu-
 8 ram in viri potestate. Spitamēnes simulato captus obse-
 quo de die convivium apparari iubet: vinoque et epulis
 9 gravis et semisomnus in cubiculum fertur. Quem ut alto
 et gravi somno sopitum esse sensit uxor, gladium, quem
 veste occultaverat, stringit caputque eius abscisum, cruore
 10 respersa, servo suo conscio facinoris tradit. (12) Eodem
 comitante, sicuti erat, cruenta veste, in Macedōnum castra
 pervenit nuntiarique Alexandro iubet, esse, quae ex ipsa
 11 deberet cognoscere. Ille protinus barbaram iussit admitti.
 Quam ut respersam cruore conspexit, ratus, ad deploran-
 12 dam contumeliam venisse, dicere, quae vellet, iubet. At
 illa servum, quem in vestibulo stare iusserat, introduci
 desideravit. Qui, quia caput Spitamēnis veste tectum ha-
 bebat, suspectus scrutantibus, quid occuleret, ostendit.
 13 Confuderat oris exsanguis notas pallor, nec, quis esset,
 nosci satis poterat. Ergo rex certior factus, humanum ca-
 put afferre eum, tabernaculo excessit percontatusque, quid
 14 rei sit, illo profitente, cognoscit. Variarum hinc cogitationes

invicem animum diversa agitantem commoverant. Meritum ingens in semet esse credebat, quod transfuga et proditor, tantis rebus, si vixisset, iniecturus moram, interfectus esset: contra facinus ingens aversabatur, quum optime meritum de ipsa, communium parentem liberorum, per insidias interemisset. Vicit tamen gratiam meriti sce-
 15 leris atrocitas, denuntiarique iussit, ut excederet castris neu licentiae barbarae exemplar in Graecorum mores et mitia ingenia transferret.

(13) Dahae, Spitamēnis caede comperta, Datapher-
 16 nem, defectionis eius participem, vinctum Alexandro seque dedunt. Ille maxima praesentium curarum parte liberatus convertit animum ad vindicandas iniurias eorum, quibus a praetoribus suis avare ac superbe imperabatur. Ergo Phratapherni Hyrcaniam et Mardos cum Tapūris tra-
 17 didit mandavitque, ut Phradāten, cui succedebat, ad se in custodiam mitteret. Arsāmi, Drangarum praefecto, substitutus est Stasānor: Arsāces in Mediam missus, ut Oxydātes inde discederet. Babylonia, demortuo Mazaeo, Stamēni subiecta est.

CAP. IV.

(14) His compositis, tertio mense ex hibernis
 movit exercitum, regionem, quae Gabāza appella-
 tur, aditurus. Primus dies quietum iter praebuit:
 proximus ei nondum quidem procellosus et tristis,
 obscurior tamen pristino, non sine minis crescentis mali
 praeteriit. Tertio ab omni parte coeli emicare fulgura et,
 nunc internitente luce, nunc condita, non oculos modo
 meantis exercitus, sed etiam animos terrere coeperunt.
 Erat prope continuus coeli fragor, et passim cadentium
 fulminum species visebatur, attonitisque auribus stupens
 agmen nec progredi nec consistere audebat. Tum repente
 imber grandinem incutiens torrentis modo effunditur. Ac
 primo quidem armis suis tecti exceperant, sed iam nec
 retinere arma lubricae et rigentes manus poterant nec
 ipsi destinare, in quam regionem obverterent corpora,
 quum undique tempestatis violentia maior, quam vitabatur,

A. 327 1
 a. Chr. n.
 vere
 appropin-
 quante. 2
 Ol. 113, 1.

5 occurreret. Ergo ordinibus solutis, per totum saltum errabundum agmen ferebatur, multique prius metu quam labore defatigati prostraverant humi corpora, quamquam
 7 imbrem vis frigoris concreto gelu astrinxerat. Alii se stipitibus arborum admoverant: id plurimis et adminiculum
 8 et suffugium erat. Nec fallebat ipsos, morti locum eligere, quum immobiles vitalis calor linqueret: sed grata erat pigritia corporum fatigatis, nec recusabant extinguere quiescendo. Quippe non vehemens modo, sed etiam pertinax vis mali insistebat, lucemque, naturale solatium, praeter tempestatem haud disparem nocti silvarum quoque umbra
 9 suppresserat. Rex unus tanti mali patiens circumire milites, contrahere dispersos, allevare prostratos, ostendere procul evolutum ex tuguriis fumum hortarique, ut proxima
 10 quaeque suffugia occuparent. Nec ulla res magis salutis fuit, quam quod multiplicato labore sufficientem malis quibus ipsi cesserant, regem deserere erubescabant.

11 (15) Ceterum efficacior in adversis necessitas, quam ratio, frigoris remedium invenit. Dolabris enim silvas sternere aggressi passim acervos struesque accenderunt.
 12 Continenti incendio ardere crederes saltum et vix inter flammam agminibus relictum locum. Hic calor stupentia membra commovit, paulatimque spiritus, quem continue-
 13 rat rigor, meare libere coepit. Excepere alios tecta barbarorum, quae in ultimo saltu abdita necessitas investigaverat, alios castra, quae in humido quidem, sed iam coeli mitescente saevitia, locaverunt. Duo milia militum atque
 14 lixarum calorumque pestis illa consumpsit. Memoriae proditum est, quosdam applicatos arborum truncis et non solum viventibus, sed etiam inter se colloquentibus similes esse conspectos, durante adhuc habitu, in quo mors quem-
 15 que deprehenderat. Forte Macædo gregarius miles, [aegre] seque et arma sustentans, tandem in castra pervenerat. Quo viso rex, quamquam ipse tummaxime admoto igne refovebat artus, ex sella sua exiit torpentemque militem et vix compotem mentis, demptis armis, in sua sede iussit
 16 considerare. Ille diu nec, ubi requiesceret, nec, a quo esset exceptus, agnovit. Tandem, recepto calore vitali, ut re-

giam sedem regemque vidit, territus surgit. Quem intuens 17 Alexander, *Ecquid intelligis, miles, inquit, quanto meliore sorte, quam Persae, sub rege vivatis? Illis enim in sella regis consedissee capital foret, tibi saluti fuit.* Postero die, convocat 18 lis amicis copiarumque ducibus, pronuntiari iussit, ipsum omnia, quae amissa essent, redditurum. Et promisso fides extitit. Nam Sysimithres multa iumenta et camelorum duo 19 milia adduxit pecoraque et armenta: quae distributa pariter militem et damno et fame liberaverunt. Rex gratiam 20 sibi relatum a Sysimithre praefatus sex dierum cocta cibaria ferre milites iussit, Sagos petens. Totam hanc regionem depopulatus XXX milia pecorum ex praeda Sysimithri dono dat.

(16) Inde pervenit in regionem, cui Oxyartes, satra- 21 pes nobilis, praeerat, qui se regis potestati fideique permisit. Ille, imperio ei reddito, haud amplius, quam ut duo ex tribus filiis secum militarent, exegit. Satrapes etiam 22 eum, qui penes ipsum relinquebatur, tradit. Barbara opulentia convivium, quo regem accipiebat, instruxerat. Id 23 quum multa comitate celebraret, introduci XXX nobiles virgines iussit. Inter quas erat filia ipsius, Roxane nomine, eximia corporis specie et decore habitus in barbaris raro. Quae quamquam inter electas processerat, omnium tamen 24 oculos convertit in se, maxime regis, minus iam cupiditatibus suis imperantis inter obsequia fortunae, contra quam non satis cauta mortalitas est. Itaque ille, qui uxorem Da- 25 rei, qui duas filias virgines, quibus forma praeter Roxanen comparari nulla poterat, haud alio animo quam parentis aspexerat, tunc in amorem virgunculae, si regiae stirpi compararetur, ignobilis ita effusus est, ut diceret, ad stabiliendum regnum pertinere, Persas et Macedones connubio iungi: hoc uno modo et pudorem victis et superbiam victoribus detrahi posse. Achillem quoque, a quo 26 genus ipse deduceret, cum captiva coisse: ne inferri nefas arbitrarentur, ita matrimonii iure velle iungi. Insperato 27 gaudio laetus pater sermonem eius excipit: et rex in medio cupiditatis ardore iussit afferri patrio more panem. Hoc erat apud Macedones sanctissimum coeuntium pignus:

28 quem divisum gladio uterque libabat. Credo, eos, qui
gentis mores condiderunt, parco et parabili victu osten-
dere voluisse iungentibus opes, quantulo contenti esse
29 deberent. Hoc modo rex Asiae et Europae introductam
inter convivales ludos matrimonio sibi adiunxit, e captiva
30 geniturus, qui victoribus imperaret. Pudebat amicos, su-
per vinum et epulas socerum ex deditis esse delectum:
sed post Cliti caedem libertate sublata, vultu, qui maxime
servit, assentiebantur.

CAP. V.

1 (17) Ceterum Indiam et inde Oceānum petiturus, ne
quid a tergo, quod destinata impedire posset, moveretur,
ex omnibus provinciis XXX milia iuniorum legi iussit et
ad se armata perducī, obsides simul habiturus et milites.
2 Cratērum autem ad persequendos Haustānem et Catēnem,
qui ab ipso defecerant, misit: quorum Haustānes captus
est, Catēnes in proelio occisus. Polypercon quoque re-
gionem, quae Bubacēne appellatur, in ditionem redegit.
3 Itaque, omnibus compositis, cogitationes in bellum Indi-
cum vertit. Dives regio habebatur non auro modo, sed
gemmis quoque margaritisque, ad luxum magis quam ad
4 magnificentiam exulta. Periti militares auro et ebore ful-
gere dicebant: itaque, necubi vinceretur, quum ceteris
praestaret, scutis argenteas laminas, equis frenos aureos
addidit, loricas quoque alias auro, alias argento adorna-
vit. CXX milia armatorum erant, quae regem ad id bellum
5 sequebantur. Iamque omnibus praeparatis, quod olim
prava mente conceperat, tunc esse maturum [ratus], quo-
nam modo coelestes honores usurparet, coepit agitare.
Iovis filium non dici tantum se, sed etiam credi volebat,
6 tanquam perinde animis imperare posset ac linguis, ita-
que more Persarum Macedōnas venerabundos ipsum sa-
lutare prosternentes humi corpora. Non deerat talia con-
cupiscenti pernicioosa adulatio, perpetuum malum regum,
7 quorum opes saepius assentatio quam hostis evertit. Nec
Macedōnum haec erat culpa, — nemo enim illorum quic-
quam ex patrio more labare sustinuit, — sed Graecorum,

qui professionem honestarum artium malis corruperant moribus. Agis quidam Argīvus, pessimorum carminum 8 post Choerilum conditor, et ex Sicilia Cleo (hic quidem non ingenii solum, sed etiam nationis vitio adulator) et cetera urbium suarum purgamenta, quae propinquis etiam maximorumque exercituum ducibus a rege praeferebantur, — hi tum coelum illi aperiebant Herculemque et Patrem Libērum et cum Pollūce Castōrem novo numini cessuros esse iactabant.

(18) Igitur festo die omni opulentia convivium exor- 9 nari iubet, cui non Macedōnes modo et Graeci, principes amicorum, sed etiam [barbari] nobiles adhiberentur. Cum quibus quum discubisset rex, paulisper epulatus convivio egreditur. Cleo, sicut praeparatum erat, sermonem 10 eum admiratione laudum eius instituit. Merita deinde percensuit, quibus uno modo referri gratiam posse, si, quem intelligerent deum esse, confiterentur, exigua turis impensa tanta beneficia pensaturi. Persas quidem non pie solum, 11 sed etiam prudenter reges suos inter deos colere: maiestatem enim imperii salutis esse tutelam. Ne Hercūlem quidem et Patrem Libērum prius dicatos deos, quam vicissent secum viventium invidiam: tantundem quoque posteros credere, quantum praesens aetas spopondisset. Quodsi ceteri dubitent, semetipsum, quum rex inisset con- 12 vivium, prostraturum humi corpus. Debere idem facere ceteros, et inprimis sapientia praeditos: ab illis enim cultus in regem exemplum esse prodendum. Haud perplexe 13 in Cañisthēnen dirigebatur oratio. Gravitas viri et prompta libertas invisā erat regi, quasi solus Macedōnas paratos ad tale obsequium moraretur.

(19) Is tum, silentio facto, unum illum intuentibus 14 ceteris, *Si rex, inquit, sermoni tuo affuisset, nullius profecto vox responsuri tibi desideraretur: ipse enim peteret, ne in peregrinos externosque ritus degenerare se cogeret neu rebus felicissime gestis invidiam tali adulatione contraheres. Sed* 15 *quoniam abest, ego tibi pro illo respondeo, nullum esse eundem et diuturnum et praecocem fructum coelestesque honores non dare te regi, sed auferre. Intervallo enim opus est, ut*

*credatur deus, semperque hanc gratiam magnis viris posteri
 16 reddunt. Ego autem seram immortalitatem precor regi, ut et
 vita diuturna sit et aeterna maiestas. Hominem consequitur
 17 aliquando, nunquam comitatur divinitas. Hercūlem modo et
 Patrem Libērum consecratae immortalitatis exempla refere-
 bas. Credisne, illos unius convivii decreto deos factos? Prius
 ab oculis mortalium amolita natura est, quam in coelum fama
 18 perveheret. Scilicet ego et tu, Cleo, deos facimus: a nobis
 divinitatis suae auctoritatem accepturus est rex. Potentiam
 tuam experiri libet: fac aliquem regem, si deum potes fa-
 19 cere. Facilius est, coelum dare, quam imperium? Dii propitii
 sine invidia, quae Cleo dixit, audierint eodemque cursu, quo
 fluxere adhuc res, ire patiantur. Nostris moribus velint nos
 esse contentos. Non pudet patriae, nec desidero, ad quem-
 modum rex mihi colendus sit, [a victis] discere. Quos equi-
 dem victores esse confiteor, si ab illis leges, quīs vivamus, ac-
 cipimus.*

20 (20) Aequis auribus Callisthēnes, veluti vindex pu-
 blicae libertatis, audiebatur. Expresserat non assensio-
 nem modo, sed etiam vocem, seniorum praecipue, quibus
 21 gravis erat inveterati moris externa mutatio. Nec quic-
 quam eorum, quae invicem iactata erant, rex ignorabat,
 quum post aulaea, quae lectis obduxerat, staret. Igitur ad
 Agin et Cleōnem misit, ut, sermone finito, barbaros tan-
 tum, quum intrasset, procumbere suo more paterentur:
 et paulo post, quasi potiora quaedam egisset, convivium
 22 repetit. Quem venerantibus Persis Polypercon, qui cuba-
 bat supra regem, unum ex his mento contingentem hu-
 mum per ludibrium coepit hortari, ut vehementius id qua-
 teret ad terram, elicitque iram Alexandri, quam olim
 23 animo capere non poterat. Itaque rex, *Tu autem*, inquit,
non veneraberis me? An tibi uni digni videmur esse ludibrio?
 Ille nec regem ludibrio nec se contemptu dignum esse
 24 respondit. Tum detractum eum lecto rex praecipitat in
 terram. Et quum is pronus corruisset, *Videsne*, inquit,
idem te fecisse, quod in alio paulo ante ridebas? Et tradi eo
 in custodiam iusso convivium solvit. Polyperconti qui-
 dem postea, castigato diu, ignovit.

CAP. VI.

In Callisthēnen olim contumaciae suspectum pervi- 1
caciore irae fuit. Cuius explendae matura obvenit oc-
casio.

(21) Mos erat, ut supra dictum est, principibus Ma- 2
cedōnum, adultos liberos regibus tradere ad munia haud
multum servilibus ministeriis abhorrentia. Excubabant, 3
servatis noctium vicibus, proximi foribus eius aedis, in
qua rex acquiescebat. Per hos pellices introducebantur
alio aditu, quam quem armati obsidebant. Iidem acceptos 4
ab agasonibus equos, quum rex ascensurus esset, admo-
vebant comitabanturque et venantem et in proeliis, omni-
bus artibus studiorum liberalium exculti. Praecipuus ho- 5
nor habebatur, quod licebat sedentibus vesci cum rege.
Castigandi eos verberibus nullius potestas praeter ipsum
erat. Haec cohors velut seminarium ducum praefecto- 6
rumque apud Macedōnas fuit: hinc habuere posteri re-
ges, quorum stirpibus post multas aetates Romani opes
ademerunt.

Igitur Hermolāus, puer nobilis ex regia cohorte, 7
quum aprum telo occupasset, quem rex ferire destinaverat,
iussu eius verberibus affectus est. Quam ignominiam
aegre ferens deflere apud Sostrātum coepit. Ex eadem co- 8
horte erat Sostrātus, amore eius ardens. Qui quum lace-
ratum corpus, in quo deperibat, intueretur, forsitan olim
ob aliam quoque causam regi infestus, iuvenem sua sponte
iam motum, data fide acceptaque, perpulit, ut occidendi
regem consilium secum iniret. Nec puerili impetu rem 9
executi sunt: quippe sollerter legerunt, quos in societa-
tem sceleris asciscerent. Nicostrātum, Antipātrum Ascle-
piodorumque et Philōtam placuit assumi: per hos adiecti
sunt Anticles, Elaptonius et Epimēnes. Ceterum agenda 10
rei haud sane facilis patebat via. Opus erat, eadem omnes
coniuratos nocte excubare, ne ab expertibus consilii im-
pedirentur: forte autem alius alia nocte excubabat. Itaque 11
in permutandis stationum vicibus ceteroque apparatu exe-
quendae rei triginta et duo dies absumpti sunt.

- 12 (22) Aderat nox, qua coniurati excubare debebant,
mutua fide laeti, cuius documentum tot dies fuerant. Ne-
minem metus spesve mutaverat: tanta omnibus vel in re-
13 gem ira vel fides inter ipsos fuit. Stabant igitur ad fores
aedis eius, in qua rex vescebatur, ut convivio egressum
14 in cubiculum deducerent. Sed fortuna ipsius simulque
epulantium comitas provexit omnes ad largius vinum:
ludi etiam convivales extraxere tempus, nunc laetantibus
coniuratis, quod sopitum aggressuri essent, nunc sollici-
15 tis, ne in lucem convivium extraheret. Quippe alios in
stationem oportebat prima luce succedere, ipsorum pos-
septimum diem reditura vice: nec sperare poterant, in
16 illud tempus omnibus duraturam fidem. Ceterum quum
iam lux appeteret, et convivium solvitur et coniurati ex-
ceperunt regem, laeti, occasionem exequendi sceleris ad-
motam: quum mulier, attonitae, ut creditum est, mentis,
conversari in regia solita, quia instinctu videbatur futura
praedicere, non occurrit modo abeunti, sed etiam semet
obiecit vultuque et oculis motum praeferens animi, ut re-
17 diret in convivium, monuit: et ille per ludum bene deos
suadere respondit revocatisque amicis in horam diei
18 ferme secundam convivii tempus extraxit. Iam alii ex co-
horte in stationem successerant, ante cubiculi fores ex-
cubituri, adhuc tamen coniurati stabant, vice officii sui
expleta: adeo pertinax spes est, quam humanae mentes
19 ingentia concupiscentes devoraverunt. Rex benignius
quam alias allocutus discedere eos ad curanda corpora,
quoniam tota nocte perstitissent, iubet. Data sunt singulis
quinquaginta sestertia, collaudatis quoque, quod etiam
aliis tradita vice tamen excubare perseverassent.
- 20 (23) Illi tanta spe destituti domos abeunt. Et ceteri
quidem expectabant stationis suae noctem: Epimēnes sive
comitate regis, qua ipsum inter coniuratos exceperat, re-
pente mutatus, sive quia coeptis deos obstare credebat,
fratri suo Eurylōcho, quem antea expertem esse consilii
21 voluerat, quid pararetur, aperit. Omnibus Philōtae suppli-
cium in oculis erat. Itaque protinus iniicit fratri manum
et in regiam pervenit excitatisque custodibus corporis ad

salutem regis pertinere, quae afferret, affirmat. Et tempus, 22
 quo venerant, et vultus, haud sane securi animi index, et
 maestitia e duobus alterius Ptolemaeum ac Leonnātum ex-
 cubantes ad cubiculi limen excitaverunt. Itaque apertis
 foribus et lumine illato, sopitum mero ac somno excitant
 regem. Ille, paulatim mente collecta, quid afferrent, inter-
 rogat. Nec cunctatus Eurylōchus non ex toto domum suam 23
 aversari deos dixit, quia frater ipsius, quamquam impium
 facinus ausus foret, tamen et poenitentiam eius ageret et
 per se potissimum profiteretur indicium. In eam ipsam
 noctem, quae decederet, insidias comparatas fuisse, au-
 ctores scelesti consilii esse, quos minime crederet rex.
 Tum Epimēnes cuncta ordine consciorumque nomina ex- 24
 ponit. Callisthēnen non ut participem facinoris nominatum
 esse constabat, sed solitum puerorum sermonibus vitupe-
 rantium criminantiumque regem faciles aures praeberere.
 Quidam adiiciunt, quum Hermolāus apud eum quoque 25
 verberatum se a rege quereretur, dixisse Callisthēnen, me-
 minisse debere eos, iam viros esse: idque ad consolan-
 dam patientiam verberum, an ad incitandum iuvenum dō-
 lorem dictum esset, in ambiguo fuisse.

Rex, animi corporisque sopore discusso, quum tanti 26
 periculi, quo evaserat, imago oculis oberraret, Eurylōchum
 L talentis et cuiusdam Tyridātis opulentis bonis protinus
 donat fratremque, antequam pro salute eius precaretur,
 restituit. Sceleris autem auctores interque eos Callisthē- 27
 nen vinctos asservari iubet: quibus in regiam adductis
 toto die et nocte proxima mero ac vigiliis gravis ac-
 quievit.

(24) Postero autem frequens consilium adhibuit, cui 28
 patres propinquire eorum, de quibus agebatur, inter-
 erant, ne de sua quidem salute securi: quippe Macedōnum
 more perire debebant, omnium devotis capitibus, qui san-
 guine contigissent eos. Rex introduci coniuratos praeter 29
 Callisthēnen iussit: atque, quae agitaverant, sine cuncta-
 tione confessi sunt. Increpantibus deinde universis eos, 30
 ipse rex, quo suo merito tantum in semet cogitassent fa-
 cinus, interrogat.

CAP. VII.

- 1 Stupentibus ceteris, Hermolāus, *Nos vero, inquit, quoniam, quasi nescias, quaeris, occidendi te consilium inivimus, quia non ut ingenuis imperare coepisti, sed quasi in mancipia*
- 2 *dominaris.* Primus ex omnibus pater ipsius Sopōlis, par-
ricidam etiam parentis sui clamitans esse, consurgit et, ad
os manu obiecta, scelere et malis insanientem ultra negat
- 3 audiendum. Rex, inhibito patre, dicere Hermolāum iubet,
quae ex magistro didicisset Callisthēne. Et Hermolāus,
Utor, inquit, beneficio tuo et dico, quae nostris malis didici.
- 4 *Quota pars Macedōnum saevitiae tuae superest? quotus quidem non e vilissimo sanguine? Attālus et Philōtas et Parmenio et Lyncestes Alexander et Clitus, quantum ad hostes pertinet, vivunt, stant in acie, te clypeis suis protegunt et pro gloria tua, pro victoria vulnera accipiunt: quibus tu egregiam*
- 5 *gratiam rettulisti. Alius mensam tuam sanguine suo aspersit, alius ne simplici quidem morte defunctus est. Duces exercituum tuorum in equuleum impositi Persis, quos vicerant, fuere spectaculo. Parmenio indicta causa trucidatus est, per*
- 6 *quem Attālum occideras. Invicem enim miserorum uteris manibus ad expetenda supplicia et, quos paulo ante ministros*
- 7 *caedis habuisti, subito ab aliis iubes trucidari.* Obstrepunt subinde cuncti Hermolāo, pater supremum strinxerat fer-
rum, percussurus haud dubie, ni inhibitus esset a rege:
quippe Hermolāum dicere iussit petiitque, ut causas sup-
plicii augentem patienter audirent.
- 8 (25) Aegre ergo coercitis, rursus Hermolāus, *Quam liberaliter, inquit, pueris rudibus ad dicendum agere permit- tis! at Callisthēnis vox carcere inclusa est, quia solus potest*
- 9 *dicere. Cur enim non producit, quum etiam confessi audiuntur? nempe quia liberam vocem innocentis audire metuis ac*
- 10 *ne vultum quidem pateris. Atqui nihil eum fecisse contendo. Sunt hic, qui mecum rem pulcherrimam cogitaverunt: nemo est, qui conscium fuisse nobis Callisthēnen dicat, quum morti*
- 11 *olim destinatus sit a iustissimo et patientissimo rege. Haec ergo sunt Macedōnum praemia, quorum ut supervacuo et sordido abuteris sanguine! At tibi XXX milia mulorum captivum aurum vehunt, quum milites nihil domum praeter*

*gratuitas cicatrices relaturi sint. Quae tamen omnia tolerare 12
potuimus, antequam nos barbaris dederes et novo more victo-
res sub iugum mitteres. Persarum te vestis et disciplina de-
lectat, patrios mores exosus es. Persarum ergo, non Mace-
dōnum regem occidere volumus et te transfugam belli iure
persequimur. Tu Macedōnas voluisti genua tibi ponere vene- 13
rarique te ut deum: tu Philippum patrem aversaris et, si quis
deorum ante Iovem haberetur, fastidires etiam Iovem. Mi- 14
raris, si liberi homines superbiam tuam ferre non possumus?
Quid speramus ex te, quibus aut insontibus moriendum est,
aut, quod tristius morte est, in servitute vivendum? Tu qui- 15
dem, si emendari potes, multum mihi debes. Ex me enim
scire coepisti, quid ingenui homines ferre non possint. De
cetero parce [parentibus et], quorum orbas senectutem, sup-
pliciis ne oneraveris: nos iube duci, ut, quod ex tua morte
petieramus, consequamur ex nostra. Haec Hermolāus.*

CAP. VIII.

(26) *At rex, Quam falsa sint, inquit, quae iste tradita 1
a magistro suo dixit, patientia mea ostendit. Confessum enim 2
ultimum facinus tamen non solum ipse [audivi, sed etiam,
ut vos] audiretis, expressi, non imprudens, quum permissem
latroni huic dicere, usurum eum rabie, qua compulsus est, ut
me, quem parentis loco colere deberet, vellet occidere. Nuper 3
quum procacius se in venatione gessisset, more patrio et ab
antiquissimis Macedoniae regum usurpato castigari eum
iussi. Hoc et oportet fieri et ferunt a tutoribus pupilli, a ma-
ritis uxores: servis quoque pueros huius aetatis verberare
concedimus. Haec est saevitia in ipsum mea, quam impia 4
caede voluit ulcisci. Nam in ceteros, qui mihi permittunt uti
ingenio meo, quam mitis sim, non ignoratis, et commemorare
supervacuum est. Hermolāo parricidarum supplicia non 5
probari, quum eadem ipse meruerit, minime hercule admiror.
Nam quum Parmenionem et Philōtam laudat, suae servit
causae. Lyncesten vero Alexandrum bis insidiatum capiti 6
meo a duobus indicibus liberavi, rursus convictum per bien-
nium tamen distuli, donec vos postularetis, ut tandem debito
supplicio scelus lueret. Attālū, antequam rex essem, hostem 7*

meo capiti fuisse meministis. Clitus utinam non coëgisset me sibi irasci! Cuius temerariam linguam probra dicentis mihi et vobis diutius tuli, quam ille eadem me dicentem tulisset.

8 *Regum ducumque clementia non in ipsorum modo, sed etiam in illorum, qui parent, ingeniis sita est. Obsequio mitigantur imperia: ubi vero reverentia excessit animis, et summa imis confundimus, vi opus est, ut vim repellamus.*

9 (27) *Sed quid ego mirer, istum crudelitatem mihi obie-*
cisse, qui avaritiam exprobrare ausus sit? Nolo singulos
vestrum excitare, ne invisam liberalitatem meam faciam, si
pudori vestro gravem fecero. Totum exercitum aspice: qui
paulo ante nihil praeter arma habebat, nunc argenteis cubat
lectis: mensas auro onerant, servorum greges ducunt, spolia de
10 *hostibus sustinere non possunt. At enim Persae, quos vicimus,*
in magno honore sunt apud me! Equidem moderationis meae
certissimum indicium est, quod ne victis quidem superbe im-
pero. Veni enim in Asiam, non ut funditus everterem gentes,
nec ut dimidia parte terrarum solitudinem facerem, sed ut
illos quoque, quos bello subegissem, victoriae meae non poeni-
11 *teret. Itaque militant vobiscum, pro imperio vestro sangui-*
nem fundunt, qui superbe habiti rebellassent. Non est diu-
turna possessio, in quam gladio inducimur: beneficiorum
12 *gratia sempiterna est. Si habere Asiam, non transire volu-*
mus, cum his communicanda est nostra clementia: horum
fides stabile et aeternum faciet imperium. Et sane plus ha-
bemus, quam capimus. Insatiabilis autem avaritiae est, ad-
13 *huc impleri velle, quod iam circumfluit. Veruntamen eorum*
mores in Macedonas transfundo! In multis enim gentibus
esse video, quae non erubescamus imitari: nec aliter tantum
imperium apte regi potest, quam ut quaedam et tradamus
illis et ab iisdem discamus.

14 (28) *Illud paene risu dignum fuit, quod Hermoläus*
postulabat a me, ut aversarer Iovem, cuius oraculo agnoscor.
15 *An etiam, quid dii respondeant, in mea potestate est? Obtulit*
mihi filii nomen: recipere ipsis rebus, quas agimus, haud
alienum fuit. Utinam Indi quoque deum esse me credant!
Fama enim bella constant, et saepe etiam, quod falso credi-
16 *tum est, veri vicem obtinuit. An me luxuriae indulgentem pu-*

tatis arma vestra auro argentoque adornasse? Assuetis, nihil vilius hac videri materia, volui ostendere, Macedōnas, invictos ceteris, ne auro quidem vinci. Oculos ergo primum 17 eorum sordida omnia et humilia spectantium capiam et docebo, nos non auri aut argenti cupidos, sed orbem terrarum subacturos venire. Quam gloriam tu, parricida, intercipere voluisti et Macedōnas, rege adempto, devictis gentibus dedere. At nunc mones me, ut vestris parentibus parcam! Non oportebat quidem vos scire, quid de his statuisssem, quo tristiores 18 periretis, si qua vobis parentum memoria et cura est: sed olim istum morem occidendi cum scelestis insontes propinquos parentesque solvi et profiteor, in eodem honore futuros omnes eos, in quo fuerunt. Nam tuum Callisthēnen, cui uni 19 vir videris, quia latro es, scio, cur produci velis: ut coram his probra, quae in me modo iecisti, modo audisti, illius quoque ore referantur. Quem, si Macēdo esset, tecum introduxissem, dignissimum te discipulo magistrum: nunc Olynthio non idem iuris est.

(29) Post haec consilium dimisit tradique damnatos 20 norum manibus, qui ex eadem cohorte erant, iussit. Illi, ut fidem suam saevitia regi approbarent, excruciatos necaverunt. Callisthēnes quoque tortus interiit, initi consilii 21 in caput regis innoxius, sed haudquaquam aulae et assentantium accommodatus ingenio. Itaque nullius caedes 22 maiorem apud Graecos Alexandro excitavit invidiam, quod praeditum optimis moribus artibusque, a quo revocatus ad vitam erat, quum, interfecto Clito, mori perseveraret, non tantum occiderit, sed etiam torserit, indicta quidem causa. Quam crudelitatem sera poenitentia consecuta est. 23

CAP. IX.

(30) Sed ne otium serendis rumoribus natum aleret, in Indiam movit, semper bello quam a. Chr. n. 1 post victoriam clarior. India tota ferme spectat exeunte vere. 2 orientem, minus in latitudinem, quam recta regione spatiosa. Quae austrum accipiunt, in altius terrae 3 fastigium excedunt: plana sunt cetera multisque inclitis omnibus Caucāso monte ortis placidum per campos iter

4 praebent. Indus gelidior est, quam ceteri: aquas vehit a
 5 colore maris haud multum abhorrentes. Ganges, omnium
 ab oriente fluvius eximius, ad meridianam regionem de-
 currit et magnorum montium iuga recto alveo stringit: inde
 6 eum obiectae rupes inclinant ad orientem. Uterque rubro
 mari accipitur. Indus ripas multasque arbores cum magna
 7 soli parte exsorbet, saxis quoque impeditus, quīs crebro
 reverberatur: ubi mollius solum reperit, stagnat insulas-
 8 que molitur: Acesines eum auget. Ganges * decursurum
 in mare intercipit, magnoque motu amnis uterque colli-
 ditur: quippe Ganges asperum os influenti obiicit, nec
 9 repercussae aquae cedunt. Dyardānes minus celebrer au-
 ditu est, quia per ultima Indiae currit: ceterum non cro-
 codilos modo, uti Nilus, sed etiam delphinos ignotasque
 10 aliis gentibus beluas alit. Ethimantus crebris flexibus sub-
 inde curvatus ab accolis rigantibus carpitur: ea causa est,
 cur tenues reliquias iam sine nomine in mare emittat.
 11 Multis praeter hos amnibus tota regio dividitur, sed igno-
 12 bilibus, quia non adeo interfluunt. Ceterum, quae pro-
 piora sunt mari, aquilone maxime deurrunt: is cohibitus
 iugis montium ad interiora non penetrat, ita alendis fru-
 13 gibus mitia. Sed adeo in illa plaga mundus stas tem-
 porum vices mutat, ut, quum alia fervore solis exaestuant,
 Indiam nives obruant, rursusque, ubi cetera rigent, illic
 intolerandus aestus existat. Nec, cur ibi se natura [inver-
 14 terit, patescit] causa. Mare certe, quo alluitur, ne colore
 quidem abhorret a ceteris. Ab Erythro rege inditum est
 nomen: propter quod ignari rubere aquas credunt.
 15 (31) Terra lini ferax: inde plerisque sunt vestes. Libri
 arborum, teneri haud secus quam chartae, litterarum no-
 16 tas capiunt. Aves ad imitandum humanae vocis sonum
 dociles sunt. Animalia inusitata ceteris gentibus, nisi in-
 17 vecta. Eadem terra rhinocerotas alit, non generat. Ele-
 phantorum maior est vis, quam quos in Africa domitant:
 18 et viribus magnitudo respondet. Aurum flumina vehunt,
 19 quae leni modicoque lapsu segnes aquas ducunt. Gem-
 mas margaritasque mare litoribus infundit: neque alia
 illis maior opulentiae causa est, utique postquam vitiorum

commercium vulgavere in exterarum gentes: quippe aestimantur purgamenta exaestuantis freti pretio, quod libido constituit. Ingenia hominum, sicut ubique, apud illos locorum quoque situs format. Corpora usque pedes carbaso velant, soleis pedes, capita linteis vinciunt: lapilli ex auribus pendent: brachia quoque et lacertos auro colunt, quibus inter populares aut nobilitas aut opes eminent. Capillum pectunt saepius, quam tondent: mentum semper intonsum est: reliquam oris cutem ad speciem levitatis exaequant.

(32) Regum tamen luxuria, quam ipsi magnificentiam appellant, super omnium gentium vitia. Quum rex semet in publico conspici patitur, turibula argentea ministri ferunt totumque iter, per quod ferri destinavit, odoribus complent. Aurea lectica, margaritis circumpendentibus, recubat: distincta sunt auro et purpura carbaso, quae indutus est: lecticam sequuntur armati corporisque custodes, inter quos ramis aves pendent, quas cantu seriis rebus obstreperere docuerunt. Regia auratas columnas habet: totas eas vitis auro caelata percurrit, aviumque, quarum visu maxime gaudent, argenteae effigies opera distinguunt. Regia adeuntibus patet, quum capillum pectit atque ornat: tunc responsa legationibus, tunc iura popularibus reddit. Dempitis soleis, odoribus illinuntur pedes. Venatus maximus labor est, inclusa vivario animalia inter vota cantusque pellicum figere. Binum cubitorum sagittae sunt, quas emittunt maiore nisu, quam effectum. Quippe telum, cuius in levitate vis omnis est, inhabili pondere oneratur. Brevia itinera equo conficit: longior ubi expeditio est, elephantum vehunt currum, et tantarum beluarum corpora tota contegunt auro. Ac ne quid perditis moribus desit, lecticis aureis pellicum longus ordo sequitur: separatim a reginae ordine agmen est aequatque luxuriam. Feminae epulas parant. Ab iisdem vinum ministratur, cuius omnibus Indis largus est usus. Regem mero somnoque sopitum in cubiculum pellices referunt, patrio carmine noctium invocantes deos.

(33) Quis credat, inter haec vitia curam esse sapientium

tiae? Unum agreste et horridum genus est, quod sapientes vocant. Apud hos occupare fati diem pulchrum, et vivos se cremari iubent, quibus aut segnis aetas aut incommoda valetudo est: expectatam mortem pro dedecore vitae habent. Nec ullus corporibus, quae senectus solvit, honos redditur: inquinari putant ignem, nisi qui spirantes recipit. Illi, qui in urbibus publicis moribus degunt, siderum motus scite spectare dicuntur et futura praedicere. Nec quemquam admovere leti diem credunt, cui expectare interrito liceat. Deos putant, quicquid colere coeperunt, arbores maxime, quas violare capital est. Menses in quinos denos descripserunt dies, anni plena spatia servantur. Lunae cursu notant tempora, non, ut plerique, quum orbem sidus implevit, sed quum se curvare coepit in cornua, et idcirco breviores habent menses, qui spatium eorum ad hunc lunae modum dirigunt. Multa et alia traduntur quibus morari ordinem rerum haud sane operae videbatur.

CAP. X.

- 1 (34) Igitur Alexandro fines Indiae ingresso gentium suarum reguli occurrerunt, imperata facturi, illum tertium Iove genitum ad ipsos pervenisse memorantes: Patrem Libërum atque Herculem fama cognitos esse, ipsum coram
- 2 adesse cernique. Rex benigne exceptos sequi iussit, iisdem itinerum ducibus usus. Ceterum quum amplius nemo occurreret, Hephaestiönem et Perdiccam cum copiarum parte praemisit ad subigendos, qui aversarentur imperium: iussitque ad flumen Indum procedere et navigia facere, quïs in ulteriora transportari posset exercitus.
- 3 Illi, quia plura flumina superanda erant, sic iunxere naves,
- 4 ut solutae plaustreis vehi possent rursusque coniungi. Post se Cratëro cum phalange iusso sequi, equitatum ac levem armaturam eduxit eosque, qui occurrerant, levi proelio
- 5 in urbem proximam compulit. Iam supervenerat Cratërus. Itaque ut principio terrorem incuteret genti nondum arma Macedönorum expertae, praecipit, ne cui parceretur, muni-
- 6 mentis urbis, quam obsidebat, incensis. Ceterum dum ob-

equitat moenibus, sagitta ictus est. Cepit tamen oppidum, et, omnibus incolis eius trucidatis, etiam in tecta saevitum est.

(35) Inde, domita ignobili gente, ad Nysam urbem 7 pervenit. Forte castris ante ipsa moenia in silvestri loco positis, nocturnum frigus vehementius quam alias horrore corpora affecit, opportunumque remedium ignis oblatum est. Caesis quippe silvis flammam excitaverunt, quae, 8 igni alita, oppidanorum sepulcra comprehendit. Vetusta cedro erant facta conceptumque ignem late fudere, donec omnia solo aequata sunt. Et ex urbe primum canum latratus, deinde etiam hominum fremitus auditus est. Tum et oppidani hostem, et Macedones ad urbem ipsos venisse cognoscunt. Iamque rex eduxerat copias et moenia obsidebat, quum hostium, qui discrimen tentaverant, obruti telis sunt. Aliis ergo deditionem, aliis pugnam experiri placebat: quorum dubitatione comperta circumsideri tantum eos et abstineri caedibus iussit: tandemque obsidionis malis fatigati dedidere se. A Libero Patre conditos se esse dicebant: et vera haec origo erat. Sita est sub radicibus montis, quem Meron incolae appellant. Inde Graeci mentiendi traxere licentiam, Iovis femine Libero Patrem esse celatum.

(36) Rex, situ montis cognito ex incolis, cum toto exercitu, praemissis commeatibus, verticem eius ascendit. Multa hedera vitisque toto gignitur monte: multae perennes aquae manant. Pomorum quoque varii salubresque suci sunt, sua sponte fortuitorum seminum fruges humo nutriente. Lauri baccharisque multa in illis rupibus agrestis est silva. Credo equidem, non divino instinctu, sed lascivia esse provectos, ut passim hederac ac vitium folia decerperent redimitique fronde toto nemore similes bacchantibus vagarentur. Vocibus ergo tot milium praesidem nemoris eius deum adorantium iuga montis collesque resonabant, quum orta licentia a paucis, ut fere fit, in omnes se repente vulgasset. Quippe velut in media pace per herbas aggestamque frondem prostravere corpora. Et rex fortuitam laetitiam non aversatus, large ad epulas omnibus

praebitis, per decem dies Liběro Patri operatum habuit
18 exercitum. Quis neget, eximiam quoque gloriam saepius
fortunae quam virtutis esse beneficium? quippe ne epu-
lantes quidem et sopitos mero aggredi ausus est hostis,
haud secus bacchantium ululantiumque fremitu perterri-
tus, quam si proeliantium clamor esset auditus. Eadem
felicitas ab Oceāno revertentes temulentos comissantesque
inter ora hostium texit.

19 (37) Hinc ad regionem, quae Daedāla vocatur, per-
ventum est. Deseruerant incolae sedes et in avios sil-
vestresque montes confugerant. Ergo Acadīra transit,
20 aequae uita et destituta incolentium fuga. Itaque rationem
belli necessitas mutavit. Divisis enim copiis, pluribus si-
mul locis arma ostendit, oppressique, ubi non expectave-
21 rant hostem, omni clade perdomiti sunt. Ptolemaeus plu-
rimas urbes, Alexander maximas cepit: rursusque, quas
22 distribuerat, copias iunxit. Superato deinde Choaspe
amne, Coenon in obsidione urbis opulentae (Beīram inco-
lae vocant) reliquit: ipse ad Mazāgas venit. Nuper Assa-
cāno, cuius regnum fuerat, demortuo, regioni urbique
23 praeerat mater eius Cleōphis. XXXVIII milia peditum
tuebantur urbem non situ solum, sed etiam opere muni-
tam. Nam qua spectat orientem, cingitur amne torrenti,
qui, praeruptis utrimque ripis, aditum ad urbem impedit.
24 Ad occidentem et a meridie velut de industria rupes prae-
altas admolita natura est, infra quas cavernae et voragi-
nes longa vetustate in altum cavatae iacent, quaque desi-
25 nunt, fossa ingentis operis obiecta est. XXXV stadia
murus urbis complectitur, cuius inferiora saxo, superiora
crudo latere sunt structa. Lateri vinculum lapides sunt,
quos interposuere, ut duriori materiae fragilis incumberet,
26 simulque terra humore diluta. Ne tamen universa consi-
deret, impositae erant trabes validae, quibus iniecta ta-
27 bulata muros et tegebant et pervios fecerant. Haec muni-
menta contemplantem Alexandrum consiliiue incertum,
quia nec cavernas, nisi aggere, poterat implere nec tor-
menta aliter muris admoveere, quidam e muro sagitta per-
28 cussit. Tum forte in suram incidit telum: cuius spiculo

evulso admoveri equum iussit: quo vectus, ne obligato quidem vulnere, haud segnius destinata exequebatur. Ce-
 29 terum quum crus saucium penderet, et, cruore siccato, frigescent vulnus aggravaret dolorem, dixisse fertur, se quidem Iovis filium dici, sed corporis aegri vitia sentire. Non tamen ante se recepit in castra, quam cuncta per-
 30 spexit et, quae fieri vellet, edixit.

(38) Ergo, sicut imperatum erat, alii extra urbem tecta moliebantur ingentemque vim materiae faciendo aggeri detrahebant, alii magnarum arborum stipites cum ramis ac moles saxorum in cavernas deliciebant. Iamque
 31 agger aequaverat summae fastigium terrae: itaque turre erigebantur: quae opera ingenti militum ardore intra nonum diem absoluta sunt. Ad ea visenda rex, nondum obducta vulnere cicatrice, processit laudatisque militibus admoveri machinas iussit, e quibus ingens vis telorum in propugnatores effusa est. Praecipue rudes talium operum
 32 terrebant mobiles turre, tantasque moles nulla ope, quae cerneretur, admotas deorum numine agi credebant: pila quoque muralia et excussas tormentis prae graves hastas negabant convenire mortalibus. Itaque, desperata urbis
 33 tutela, concessere in arcem. Inde, quia nihil obsessis praeter ditionem placebat, legati ad regem descendunt, veniam petitori. Qua impetrata regina venit cum
 34 magno nobilium feminarum grege, aureis pateris vina libantium. Ipsa, genibus regis parvo filio admoto, non ve-
 35 niam modo, sed etiam pristinae fortunae impetravit decus. Quippe appellata regina est: et credidere quidam, plus formae quam miserationi datum. Puero quoque certe
 36 postea ex ea utcunque genito Alexandro fuit nomen.

CAP. XI.

(39) Hinc Polypercon ad urbem Noram cum exercitu
 1 missus inconditos oppidanos proelio vicit: intra munimenta compulsos secutus urbem in ditionem redegit. Multa
 2 ignobilia oppida deserta a suis venere in regis potestatem. Quorum incolae armati petram, Aornin nomine, occupa-

verunt. Hanc ab Hercule frustra obsessam esse terraeque
 3 motu coactum absistere fama vulgaverat. Inopem consilii
 Alexandrum, quia undique praeceps et abrupta rupes erat,
 senior quidam peritus locorum cum duobus filiis adit, si
 pretium operae esset, aditum se monstraturum esse pro-
 4 mittens. LXXX talenta constituit daturum Alexander et,
 altero ex iuvenibus obside retento, ipsum ad exequenda,
 5 quae obtulerat, dimisit. Leviter armatis dux datus est
 Mullinus, scriba regis. Hos enim, circuitu qui fallerent
 6 hostem, in summum iugum placebat evadere. Petra non,
 ut pleraeque, modicis ac mollibus clivis in sublime fasti-
 gium crescit, sed in metae maxime modum erecta est, cu-
 ius ima spatiosiora sunt, altiora in artius coeunt, summa
 7 in acutum cacumen exsurgunt. Radices eius Indus amnis
 subit, praealtus, utrimque asperis ripis: ab altera parte
 voragines eluviesque praeruptae sunt. Nec alia expugnandi
 8 patebat via, quam ut replerentur. Ad manum silva erat,
 quam rex ita caedi iussit, ut nudi stipites iacerentur:
 quippe rami fronde vestiti impedissent ferentes. Ipse pri-
 mus truncam arborem iecit, clamorque exercitus, index
 alacritatis, secutus est, nullo detrectante munus, quod rex
 occupavisset.

9 (40) Intra septimum diem cavernas expleverant, quum
 rex sagittarios et Agrianos iubet per ardua niti: iuvenes-
 10 que promptissimos ex sua cohorte XXX delegit. Duces
 his dati sunt Charus et Alexander, quem rex nominis,
 quod sibi cum eo commune esset, admonuit. Ac primo,
 quia tam manifestum periculum erat, ipsum regem discri-
 11 men subire non placuit: sed ut signum tuba datum est,
 vir audaciae promptae conversus ad corporis custodes
 sequi se iubet primusque invadit in rupem. Nec deinde
 quisquam Macedonum substitit, relictisque stationibus sua
 12 sponte regem sequebantur. Multorum miserabilis fuit ca-
 sus, quos ex praerupta rupe lapsos amnis praeterfluens
 hausit, triste spectaculum etiam non periclitantibus: quum
 vero alieno exitio, quid ipsis timendum foret, admoneren-
 tur, in metum misericordia versa, non extinctos, sed semet-
 13 ipsos deflebant. Et iam eo perventum erat, unde sine per-

nicie, nisi victores, redire non possent, ingentia saxa in subeuntes provolventibus barbaris, quīs perculsi instabili et lubrico gradu praecipites recidebant. Evaserant tamen 14 Alexander et Charus, quos cum XXX delectis praemisera rex, et iam pugnare comminus coeperant: sed quum superne tela barbari ingererent, saepius ipsi feriebantur, quam vulnerabant. Ergo Alexander et nominis sui et pro- 15 missi memor, dum acrius quam cautius dimicat, confossus undique obruitur. Quem ut Charus iacentem conspexit, 16 ruere in hostem omnium praeter ultionem immemor coepit multosque hasta, quosdam gladio interemit: sed quum tot unum incesserent manus, super amici corpus procubuit exanimis. Haud secus, quam par erat, promptissimo- 17 rum iuvenum ceterorumque militum interitu commotus rex signum receptui dedit. Saluti fuit, quod sensim et intre- 18 pidi se receperunt, et barbari hostem depulisse contenti non inslitere cedentibus.

(41) Ceterum Alexander, quum statuisset desistere 19 incepto, — quippe nulla spes poliundae petrae offerebatur, — tamen speciem ostendit in obsidione perseverantis. Nam et itinera obsideri iussit et turres admoveri et fatigatis alios succedere. Cuius pertinacia cognita Indi per bi- 20 duum quidem ac duas noctes cum ostentatione non fiducia modo, sed etiam victoriae epulati sunt, tympana suo more pulsantes: tertia vero nocte tympanorum quidem 21 strepitus desierat audiri: ceterum ex tota petra faces refulgebant, quas accenderant barbari, ut tutior esset ipsis fuga, obscura nocte per invia saxa cursuris. Rex, Balācro, 22 qui specularetur, praemisso, cognoscit, petram fuga Indorum esse desertam. Tum dato signo, ut universi conclamarent, incomposite fugientibus metum incussit: multique, 23 tanquam adesset hostis, per lubrica saxa perque invias cotes praecipitati occiderunt: plures aliqua membrorum parte mulcati ab integris deserti sunt. Rex, locorum ma- 24 gis quam hostium victor, [speciem] tamen magnae victoriae sacrificiis et cultu deūm fecit. Arae in petra locatae sunt Minervae Victoriaeque. Ducibus itineris, quo subire 25 iusserat leviter armatos, etsi promissis minora praestite-

rant, pretium cum fide redditum est. Petrae regionisque ei adiunctae Sisocosto tutela permissa.

CAP. XII.

- 1 Inde processit Ecbolīna: et quum angustias itineris
obsideri XX milibus armatorum ab Erīce quodam com-
perisset, gravius agmen exercitus Coeno ducendum mo-
2 dicis itineribus tradidit. Ipse praegressus, per funditores
ac sagittarios dēturbatis, qui obsederant saltum, sequenti-
3 bus se copiis viam fecit. Indi sive odio ducis, sive gra-
tiam victoris inituri Erīcen fugientem adorti interemerunt
caputque eius atque arma ad Alexandrum detulerunt. Ille
facto impunitatem dedit, honorem denegavit exemplo.
- 4 (42) Hinc ad flumen Indum sextisdecimis castris
pervenit omniaque, ut praeceperat, ad traiciendum prae-
parata ab Hephaestiōne repperit. Regnabat in ea regione
Omphis, qui patri quoque fuerat auctor dedendi regnum
5 Alexandro et post mortem parentis legatos miserat, qui
consulerent eum, regnare se interim vellet, an privatum
6 opperiri eius adventum. Permissoque, ut regnaret, non
tamen ius datum usurpare sustinuit. Is benigne quidem
exceperat Hephaestiōnem, gratuitum frumentum copiis
eius adensus, non tamen ei occurrerat, ne fidem ullius,
7 nisi regis, experiretur. Itaque venienti obviam cum ar-
mato exercitu egressus est: elephantī quoque per modica
intervalla militum agmini immixti procul castellorum fe-
8 cerant speciem. Ac primo Alexander non socium, sed
hostem adventare credebat. Iamque et ipse arma milites
capere et equites discedere in cornua iusserat, paratus
ad pugnam. At Indus, cognito Macedōnum errore, iussis
subsistere ceteris, ipse concitat equum, quo vehebatur:
9 idem Alexander quoque fecit, sive hostis sive amicus oc-
curreret, vel sua virtute vel illius fide tutus. Coivere, quod
ex utriusque vultu posset intelligi, amicis animis: ceterum
sine interprete non poterat conseri sermo. Itaque adhi-
bito eo, barbarus occurrisse se dixit cum exercitu, totas
imperii vires protinus traditurum, nec expectasse, dum
10 per nuntios daretur fides. Corpus suum et regnum per

mittere illi, quem sciret gloriae militantem nihil magis quam famam timere perfidiae.

(43) Laetus simplicitate barbari rex et dextram fidei suae pignus dedit et regnum restituit. LVI elephantis erant, 11 quos tradidit Alexandro, multaue pecora eximiae magnitudinis, tauros ad III milia, pretiosum in ea regione acceptumque animis regnantium armentum. Quaerenti Alexandro, plures agricul-12 tores haberet, an milites, cum duobus regibus bellanti sibi maiore militum quam agrestium manu opus esse respondit. Abisāres et Porus erant, sed in Poro 13 eminebat auctoritas. Uterque ultra Hydaspem amnem regnabat et belli fortunam, quisquis arma inferret, experiri decreverat. Omphis, permittente Alexandro, et regium in-14 signe sumpsit et more gentis suae nomen, quod patris fuerat. Taxīlen appellavere populares, sequente nomine imperium, in quemcunque transiret. Igitur quum per tri-15 duum hospitaliter Alexandrum accepisset, quarto die et, quantum frumenti copiis, quas Hephaestion duxerat, praebitum a se esset, ostendit et aureas coronas ipsi amicisque omnibus, praeter haec signati argenti LXXX talenta dono dedit. Qua benignitate eius Alexander mire laetus 16 et, quae is dederat, remisit et mille talenta ex praeda, quam vehebat, adiecit multaue convivalia ex auro et argento vasa, plurimum Persicae vestis, XXX equos ex suis cum iisdem insignibus, quos assueverant, quum ipsum veherent. Quae liberalitas sicut barbarum obstrinxerat, 17 ita amicos ipsius vehementer offendit. E quibus Meleāger super coenam largiore vino usus gratulari se Alexandro dixit, quod saltem in India repperisset dignum talentis mille. Rex haud oblitus, quam aegre tulisset, quod Clitum 18 ob linguae temeritatem occidisset, iram quidem tenuit, sed dixit, invidos homines nihil aliud quam ipsorum esse tormenta.

CAP. XIII.

(44) Postero die legati Abisārae adiere regem. Omnia 1 ditioni eius, ita ut mandatum erat, mittebant: firmataque invicem fide remittuntur ad regem. Porum quoque 2

nominis sui fama ratus ad deditionem posse compelli,
 misit ad eum Cleochären, qui denuntiaret ei, ut stipen-
 dium penderet et in primo suorum finium aditu occurreret
 regi. Porus alterum ex his facturum sese respondit, ut
 3 intranti regnum suum praesto esset, sed armatus. Iam
 Hydaspen Alexander superare decreverat, quum Barzaën-
 tes, defectionis Arachosiis auctor, vinctus trigintaque ele-
 phanti simul capti perducuntur, opportunum adversus In-
 dos auxilium: quippe plus in beluis quam in exercitu spei
 4 ac virium illis erat. Samaxusque, rex exiguae partis In-
 dorum, qui Barzaënti se coniunxerat, vinctus adductus
 5 est. Igitur transfuga et regulo in custodiam, elephantis
 autem Taxili traditis, ad amnem Hydaspen pervenit, in
 cuius ulteriore ripa Porus consederat, transitu prohibitu-
 6 rus hostem. LXXX et V elephantos obiecerat, eximio cor-
 porum robore, utraque eos currus CCC et peditum XXX
 fere milia, in quibus erant sagittarii, sicuti ante dictum est,
 7 gravioribus telis, quam ut apte excuti possent. Ipsum ve-
 hebat elephante, super ceteras beluas eminens, armaque
 auro et argento distincta corpus rarae magnitudinis ho-
 nestabant. Par animus robori corporis et, quanta inter
 rudes poterat esse, sapientia.

8 (45) Macedōnas non conspectus hostium solum, sed
 etiam fluminis, quod transeundum erat, magnitudo terre-
 bat. Quattuor in latitudinem stadia diffusum, profundo
 alveo et nusquam vada aperiente, speciem vasti maris
 9 fecerat. Nec pro spatio aquarum late stagnantium impe-
 tum coercebat, sed, quasi in artum coeuntibus ripis, tor-
 rens et elisus ferebatur, occultaque saxa inesse ostende-
 10 bant pluribus locis undae repercussae. Terribilior erat
 facies ripae, quam equi virique compleverant. Stabant in-
 gentes vastorum corporum moles et de industria irritatae
 11 horrendo stridore aures fatigabant. Hinc amnis, hinc ho-
 stis capacia quidem bonae spei pectora et saepe se ex-
 perta improvise tamen pavore percusserant. Quippe
 inhabiles rates nec dirigi ad ripam nec tuto applicari posse
 12 credebant. Erant in medio amne insulae crebrae, in quas
 et Indi et Macedōnes nantes, levatis super capita armis,

transibant. Ibi levia proelia conserebantur, et uterque rex parvae rei discrimine summae experiebatur eventum. Ce-
 13 terum in Macedonum exercitu temeritate atque audacia
 insignes fuere Symmachus et Nicānor, nobiles iuvenes et
 perpetua partium felicitate ad spernendum omne pericu-
 lum accensi. Quis ducibus promptissimi iuvenum lanceis
 14 modo armati transnavere in insulam, quam frequens ho-
 stis tenebat, multosque Indorum, nulla re melius quam au-
 dacia armati, interemerunt. Abire cum gloria poterant, si
 15 unquam temeritas felix inveniret modum: sed dum super-
 venientes contemptim et superbe quoque expectant, cir-
 cumventi ab his, qui occulti enaverant, eminus obruti te-
 lis sunt. Qui effugerant hostem, aut impetu amnis ablati
 16 sunt aut vorticibus impliciti.

(46) Eaque pugna multum Pori fiduciam erexit, cun-
 cta cernentis e ripa. Alexander inops consilii tandem ad
 17 fallendum hostem talem dolum intendit. Erat insula in flu-
 mine amplior ceteris, silvestris eadem et tegendis insidiis
 apta. Fossa quoque praealta haud procul ripa, quam te-
 nebat ipse, non pedites modo, sed etiam cum equis viros
 poterat abscondere. Igitur ut a custodia huius opportuni-
 18 tatis oculos hostium averteret, Ptolemaeum omnibus tur-
 mis obequitare iussit procul insula et subinde Indos cla-
 more terrere, quasi flumen transnaturus foret. Per com-
 19 plures dies Ptolemaeus id fecit eoque consilio Porum
 quoque agmen suum ei parti, quam se petere simulabat,
 coëgit advertere. Iam extra conspectum hostis insula erat. 20
 Alexander in diversa parte ripae statui suum tabernacu-
 lum iussit assuetamque comitari ipsum cohortem ante id
 tabernaculum stare et omnem apparatus regiae magnifi-
 centiae hostium oculis de industria ostendi. Attalum
 21 etiam, aequalem sibi et haud disparem habitu oris et cor-
 poris, utique quum procul viseretur, veste regia exornat,
 praebiturum speciem, ipsum regem illi ripae praesidere
 nec agitare de transitu. Huius consilii effectum primo mo-
 22 rata tempestas est, mox adiuvit, incommoda quoque ad
 bonos eventus vertente fortuna. Traicere amnem cum ce-
 23 teris copiis in regionem insulae, de qua ante dictum est,

parabat, averso hoste in eos, qui cum Ptolemaeo inferiorē obsederant ripam: quum procella imbrem vix sub tectis tolerabilem effundit. Obrutique milites nimbo in terram refugerunt, navigiis ratibusque desertis: sed tumultuantium fremitus, obstrepentibus ventis, ab hoste non
 24 poterat audiri. Deinde momento temporis repressus est imber: ceterum adeo spissae intendere se nubes, ut conderent lucem, vixque colloquentium inter ipsos facies
 25 noscitantur. Terruisset alium obducta nox coelo, quum ignoto amne navigandum esset, forsitan hoste eam ipsam ripam, quam caeci atque improvidi et ex periculo gloriam
 26 accersentes [petebant], occupante: [Alexander] obscuritatem, quae ceteros terrebat, suam occasionem ratus, dato signo, ut omnes silentio ascenderent, ratem eam, qua
 27 ipse vehebatur, primam iussit expelli. Vacua erat ab hostibus ripa, quae petebatur: quippe adhuc Porus Ptolemaeum tantum intuebatur. Una ergo navi, quam petrae fluctus illiserat, haerente, ceterae evadunt: armaque capere milites et ire in ordines iussit.

CAP. XIV.

1 (47) Iamque agmen in cornua divisum ipse ducebat, quum Poro nuntiatur, armis virisque ripam obtineri et rerum adesse discrimen. Ac primo humani ingenii vitio spei suae indulgens
 Abisären belli socium (et ita convenerat) adven-
 2 tare credebat. Mox, liquidiore luce aperiente hostem, C quadrigas et III milia equitum venienti agmini obiecit. Dux erat copiarum, quas praemisit, Hages, frater ipsius, summa virium in curribus. Senos viros singuli vehebant, duos clypeatos, duos sagittarios, ab utroque latere dispositos: aurigae erant ceteri, haud sane inermes: quippe iacula complura, ubi comminus proeliandum
 4 erat, omissis habenis, in hostem ingerebant. Ceterum vix ullus usus huius auxilii eo die fuit. Namque, ut supra dictum est, imber violentius quam alias fusus campos lubricos et inequitabiles fecerat, gravesque et propemodum
 5 immobiles currus illuvie ac voraginibus haerebant. Contra

A. 326
 a. Chr. n.
 mense
 Aprili
 vel Maio.
 Ol. 113, 2
 mense
 Munychione.

Alexander expedito ac levi agmine strenue invectus est. Scythae et Dahae primi omnium invasere Indos: Perdiccam deinde cum equitibus in dextrum cornu hostium emisit. Iam undique pugna se moverat, quum hi, qui currus agebant, illud ultimum auxilium suorum rati effusis habenis in medium discrimen ruere coeperunt. Anceps id 7 malum utrisque erat: nam et Macedonum pedites primo impetu obterebantur et per lubrica atque invia immissi currus excutiebant eos, a quibus regebantur: aliorum turbati equi non in voragines modo lacunasque, sed etiam in amnem praecipitavere curricula: pauci telis hostium ex-9 acti penetravere ad Porum acerrime pugnam cientem.

(48) Is, ut dissipatos tota acie currus vagari sine rectoribus vidit, proximis amicorum distribuit elephantos. Post eos posuerat peditem ac sagittarios et tympana pul-10 sare solitos. Id pro cantu tubarum Indis erat, nec strepitu eorum movebantur, olim ad notum sonum auribus mitigatis. Herculis simulacrum agmini peditum praefere-11 batur. Id maximum erat bellantibus incitamentum, et deseruisse gestantes militare flagitium habebatur. Capitis 12 etiam sanxerant poenam his, qui ex acie non rettulissent, metu, quem ex illo hoste quondam conceperant, etiam in religionem venerationemque converso. Macedonas non beluarum modo, sed etiam ipsius regis aspectus parumper inhibuit. Beluae dispositae inter armatos speciem 13 turrium procul fecerant. Ipse Porus humanae magnitudinis propemodum excesserat formam. Magnitudini Pori adiacere videbatur belua, qua vehebatur, tantum inter ceteras eminens, quanto aliis ipse praestabat. Itaque Alexander contemplatus et regem et agmen Indorum, *Tandem*, inquit, *par animo meo periculum video. Cum bestiis simul et cum egregiis viris res est.* Intuensque Coenon, *Quum* 15 *ego*, inquit, *Ptolemaeo Perdiccae et Hephaestione comitatus in laevum hostium cornu impetum fecero, viderisque me in medio ardore certaminis, ipse dextrum move et turbatis signa infer. Tu, Antigène, et tu, Leonnate, et Tauron, invehimini in mediam aciem et urgebitis frontem. Hastae nos-* 16 *irae praelongae et validae non alias magis quam adversus*

beluas rectoresque earum usui esse poterunt: deturbate eos, qui vehuntur, et ipsas confodite. Anceps genus auxilii est et in suos acrius furit. In hostem enim imperio, in suos
 17 *pavore agitur.* Haec elocutus concitat equum primus: iamque, ut destinatum erat, invaserat ordines hostium, quum Coenus ingenti vi in laevum cornu invehitur.
 18 Phalanx quoque mediam Indorum aciem uno impetu perripit.

(49) At Porus, qua equitem invehī senserat, beluas agi iussit: sed tardum et paene immobile animal equorum
 19 velocitatem aequare non poterat. Ne sagittarum quidem ullus erat barbaris usus. Quippe longas et praegraves, nisi prius in terra statuerent arcum, haud satis apte et commode imponunt: tum, humo lubrica et ob id impediēte conatum, molientes ictus celeritate hostium occu-
 20 pantur. Ergo spreto regis imperio, (quod fere fit, ubi turbatis acrius metus quam dux imperare coepit) totidem
 21 erant imperatores, quot agmina errabant. Alius iungere aciem, alius dividere, stare quidam, et nonnulli circumvehi terga hostium iuebant. Nihil in medium consule-
 22 batur. Porus tamen cum paucis, quibus metu potior fuerat pudor, colligere dispersos, obviis hosti ire pergit ele-
 23 phantosque ante agmen suorum agi iubet. Magnum beluae iniecere terrorem, insolitusque stridor non equos modo, tam pavidum ad omnia animal, sed viros quoque
 24 ordinesque turbaverat. Iam fugae circumspiciebant locum paulo ante victores, quum Alexander Agriānos et Thracas leviter armatos, meliorem concursatione quam
 25 comminus militem, emisit in beluas. Ingentem hi vim telorum iniecere et elephantis et regentibus eos. Phalanx
 26 quoque instare constanter territis coepit. Sed quidam avidius persecuti beluas in semet irritavere vulneribus. Obriti ergo pedibus earum ceteris, ut parcius instarent,
 27 fuere documentum. Praecipue terribilis illa facies erat, quum manu arma virosque corripere et super se regentibus traderent. Anceps ergo pugna nunc sequentium, nunc fugientium elephantos in multum diei varium certamen extraxit: donec securibus (id namque genus auxilii

praeparatum erat) pedes amputare coeperunt. Copidas 29 vocabant gladios leviter curvatos, falcibus similes, quibus appetebant beluarum manus. Nec quicquam inexpertum non mortis modo, sed etiam in ipsa morte novi supplicii timor omittebat.

(50) Ergo elephanti vulneribus tandem fatigati suos 30 impetu sternunt, et, qui rexerant eos, praecipitati in terram ab ipsis obterebantur. Itaque pecorum modo magis pavidi quam infesti ultra aciem exigebantur, quum Porus, 31 destitutus a pluribus, tela multo ante praeparata in circumfusos ex elephanto suo coepit ingerere, multisque eminus vulneratis, expositus ipse ad ictus, undique petebatur. Novem iam vulnera hinc tergo, illinc pectore ex- 32 ceperat multoque sanguine profuso languidis manibus magis elapsa quam excussa tela mittebat. Nec segnius 33 belua instincta rabie, nondum saucia, invehebatur ordinibus, donec rector beluae regem conspexit, fluentibus membris omissisque armis, vix compotem mentis. Tum be- 34 luam in fugam concitat, sequente Alexandro: sed equus eius multis vulneribus confossus deficiensque procubuit, posito magis rege, quam effuso. Itaque dum equum mutat, tardius insecutus est. Interim frater Taxilis, regis 35 Indorum, praemissus ab Alexandro monere coepit Porem, ne ultima experiri perseveraret dederetque se victori. At 36 ille, quamquam exhaustae erant vires, deficiebatque sanguis, tamen ad notam vocem excitatus, *Agnosco*, inquit, *Taxilis fratrem, imperii regnique sui proditoris*: et telum, quod unum forte non effluxerat, contorsit in eum: quod per medium pectus penetravit ad tergum. Hoc ultimo 37 virtutis opere edito, fugere acrius coepit: sed elephantus quoque, qui multa exceperat tela, deficiebat. Itaque sistit fugam peditemque sequenti hosti obiecit. Iam Alexander 38 consecutus erat et, pertinacia Pori cognita, vetabat resistantibus parci. Ergo undique et in pedites et in ipsum Porem tela congesta sunt: quibus tandem gravatus labi ex belua coepit. Indus, qui elephantum regebat, descendere 39 eum ratus more solito elephantum procumbere iussit in genua: qui ut se submisit, ceteri quoque (ita enim insti-

tuti erant) demisere corpora in terram. Ea res et Porum et ceteros victoribus tradidit.

- 40 (51) Rex spoliari corpus Pori, interemptum esse credens, iubet, et, qui detraherent lorica vestemque, concurrere: quum belua dominum tueri et spoliantes coepit appetere levatumque corpus eius rursus dorso suo impo-
 41 nere. Ergo telis undique obruitur, confossoque eo in vehiculum Porus imponitur. Quem rex ut vidit allevantem oculos, non odio, sed miseratione commotus, *Quae, malum*, inquit, *amentia te coëgit, rerum mearum cognita fama, belli fortunam experiri, quum Taxiles esset in deditos cle-*
 42 *mentiae meae tam propinquum tibi exemplum?* At ille, *Quoniam*, inquit, *percontaris, respondebo ea libertate, quam interrogando fecisti. Neminem me fortiorem esse censebam. Meas enim noveram vires, nondum expertus tuas: fortiorem esse te belli docuit eventus. Sed ne sic quidem parum felix-*
 43 *sum, secundus tibi.* Rursum interrogatus, quid ipse victorem statuere debere censeret, *Quod hic*, inquit, *dies tibi*
 44 *suadet, quo expertus es, quam caduca felicitas esset.* Plus monendo profecit, quam si precatus esset. Quippe magnitudinem animi eius interritam ac ne fortuna quidem infractam non misericordia modo, sed etiam honore exci-
 45 pere dignatus est. Aegrum curavit haud secus, quam si pro ipso pugnasset: confirmatum contra spem omnium in amicorum numerum recepit: mox donavit ampliore regno,
 46 quam tenuit. Nec sane quicquam ingenium eius solidius aut constantius habuit, quam admirationem verae laudis et gloriae: simplicius tamen famam aestimabat in hoste, quam in cive. Quippe a suis credebatur magnitudinem suam destrui posse: eandem clariorem fore, quo maiores fuissent, quos ipse vicisset.

LIBER IX.

ARGUMENTUM.

I. Poro devicto, ad Hypasin usque penetrat Alexander variasque gentes et urbes, quarum mores describuntur, sibi subiicit. II. Gan-

garidas et Prasios aggressurus milites fatigatos et bellum detrectantes oratione ad perseverantiam adhortatur. III. Coenus pro exercitu Alexandro respondet, se paratos quidem esse sequi, sed exhaustos esse victoriis: assentiuntur ceteri duces et milites, quorum precibus victus rex ad Hydaspem revertitur classequae parata secundo amne devehitur. IV. Circa confluentes Hydaspis et Acesinis in Siburum fines pervenit indeque ad Mallos et Oxydracas. Oratione ad milites seditiosos habita, barbaros fugat eorumque oppidum, contempto vate Demophonte, obsidet. V. Alexander, qui praecipiti saltu se in urbem plenam armatorum solus immisit, graviter vulneratus ultimo tandem periculo a suis eripitur. Magnum eius ex vulnere periculum. VI. Nondum satis curato vulnere, barbaris se perisse credentibus ostendit atque amicis rogantibus, ut saluti suae publicaeque parceret, generose respondet, in instituto suo et consilio domandi orbis terrarum perseverans. VII. Graecorum quorundam in Bactriana defectio repressa. Malli et Oxydracae se dedunt. Horratas Macedo et Dioxippus Atheniensis imparibus armis singulari certamine inter se pugnant. Victor Dioxippus paulo post inimicorum calumniis ultra modum irritatus se ipse interimit. VIII. Donis a legatis Indorum acceptis, rex secundo Indo ad gentem Pataliam devehitur, domitis gentibus flumen accolentibus. Ptolemaei vulnus miraculo sanatum. IX. Alexander cupidine visendi Oceanum correptus non sine periculis propter aestus maritimos et nautarum imperitiam tandem voti sui compos redditur. X. Nearcho relicto, ut cum classe per Oceanum reverteretur, ipse rex per Arabitas et Oritas et ingentia Cedrosiae deserta movet, ubi exercitus cum summa fame et pestilentia luctatur. Tandem in Carmaniam pervenit eamque luxurioso agmine peragrat, Bacchi triumphum, victis Indiae gentibus, imitans.

CAP. I.

(1 ed. Zumpt.) Alexander tam memorabili victoria laetus, qua sibi orientis fines apertos esse censebat, Soli victimis caesis, milites quoque, quo promptioribus animis reliqua belli munia obirent, pro concione laudatos docuit, quicquid Indis virium fuisset, illa dimicatione prostratum: cetera opimam praedam fore celebratasque opes in ea regione eminere, quam peterent. Proinde iam vilia et obsoleta esse spolia de Persis: gemmis margaritisque et auro atque ebore Macedoniam Graeciamque, non suas tantum domos, repletum ire. Avidi milites et pecuniae et gloriae, simul quia nunquam eos affirmatio eius fefellerat, pollicentur operam: dimissisque cum bona spe navi-

gia exaedificari iubet, ut, quum totam Asiam percurrisset,
 4 finem terrarum, mare, inviseret. Multa materia navalis
 in proximis montibus erat: quam caedere aggressi magni-
 5 tudinis inusitatae repperere serpentes. Rhinocerotes quo-
 que, rarum alibi animal, in iisdem montibus erant. Cete-
 rum hoc nomen beluis inditum a Graecis: sermonis eius
 6 ignari aliud lingua sua usurpant. Rex, duabus urbibus
 conditis in utraque fluminis, quod superaverat, ripa, co-
 piarum duces coronis et mille aureis singulos donat: ce-
 teris quoque pro portione aut gradus, quem in amicitia
 7 obtinebant, aut navatae operae honos habitus est. Abi-
 sãres, qui, priusquam cum Poro dimicaretur, legatos ad
 Alexandrum miserat, rursus alios misit, pollicentes, om-
 nia facturum, quae imperasset, modo ne cogeretur corpus
 suum dedere: neque enim aut sine regio imperio victu-
 8 rum, aut regnaturum esse captivum. Cui Alexander nun-
 tiari iussit, si gravaretur ad se venire, ipsum ad eum esse
 venturum.

(2) Hinc, Poro amneque superato, ad interiora In-
 9 diae processit. Silvae erant prope in immensum spatium
 diffusae procerisque et in eximiam altitudinem editis ar-
 10 boribus umbrosae. Plerique rami instar ingentium stipi-
 tum flexi in humum rursus, qua se curvaverant, erigeban-
 tur, adeo ut species esset non rami resurgentis, sed arbo-
 11 ris ex sua radice generatae. Coeli temperies salubris.
 quippe et vim solis umbrae levant et aquae largae ma-
 12 nant e fontibus. Ceterum hic quoque serpentium magna
 vis erat, squamis fulgorem auri reddentibus. Virus haud
 ullum magis noxium est: quippe morsum praesens mors
 13 sequebatur, donec ab incolis remedium oblatum est. Hinc
 per deserta ventum est ad flumen Hyarōtim. Iunctum
 erat flumini nemus, opacum arboribus alibi inusitatis agre-
 14 stiumque pavonum multitudine frequens. Castris inde
 motis, oppidum haud procul positum corona capit obsi-
 dibusque acceptis stipendium imponit.

(3) Ad magnam deinde, ut in ea regione, urbem per-
 15 venit, non muro solum, sed etiam palude munitam. Ce-
 terum barbari vehiculis inter se iunctis dimicaturi occur-

rerunt: tela aliis hastae, aliis secures erant, transiliebant-
que in vehicula strenuo saltu, quum succurrere laboranti-
bus suis vellent. Ac primo insolitum genus pugnae Ma- 16
cedonas terruit, quum eminus vulnerarentur: deinde, spreto
tam incondito auxilio, ab utroque latere vehiculis circum-
fusi repugnantes fodere coeperunt. Et vincula, quīs 17
conserta erant, iussit incidi, quo facilius singula circum-
venirentur. Itaque, VIII milibus suorum amissis, in op-
pidum refugerunt. Postero die, scalis undique admotis, 18
muri occupantur: paucis pernicitas saluti fuit: qui, cognito
urbis excidio, paludem transnavere et in vicina oppida
ingentem intulere terrorem, invictum exercitum et deorum
profecto advenisse memorantes.

(4) Alexander, ad vastandam eam regionem Perdicca 19
cum expedita manu misso, partem copiarum Eumēni tra-
didit, ut is quoque barbaros ad deditiōnem compelleret:
ipse ceteros ad urbem validam, in quam aliarum quoque
confugerant incolae, duxit. Oppidani, missis, qui regem 20
deprecarentur, nihilominus bellum parabant. Quippe orta
seditio in diversa consilia diduxerat vulgum: alii omnia
deditiōne potiora, quidam nullam opem in ipsis esse du-
cebant. Sed dum nihil in commune consulitur, qui dedi- 21
tioni imminebant, apertis portis, hostem recipiunt. Ale- 22
xander, quamquam belli auctoribus iure poterat irasci,
tamen omnibus venia data et obsidibus acceptis, ad pro-
ximam deinde urbem castra movit. Obsides ducebantur 23
ante agmen. Quos quum ex muris agnovissent, utpote
gentis eiusdem, in colloquium convocaverunt. Illi ele-
mentiam regis simulque vim commemorando ad deditiō-
nem eos compulere: ceterasque urbes simili modo domi-
tas in fidem accepit.

(5) Hinc in regnum Sopithis perventum est. Gens, 24
ut barbari credunt, sapientia excellit bonisque moribus
regitur. Genitos liberos non parentum arbitrio tollunt 25
aluntque, sed eorum, quibus spectandi infantium habitum
cura mandata est. Si quos insignes aut aliqua parte mem-
brorum inutiles notaverunt, necari iubent. Nuptiis coeunt 26
non genere ac nobilitate coniunctis, sed electa corporum

27 specie, quia eadem aestimatur in liberis. Huius gentis oppidum, cui Alexander admoverat copias, ab ipso Sopithe obtinebatur. Clausae erant portae, sed nulli in muris turribusque se armati ostendebant, dubitabantque Macedones, deseruissent urbem incolae, an fraude se occu-
 28 lerent: quum, subito patefacta porta, rex Indus cum duobus adultis filiis occurrit, multum inter omnes barbaros eminens corporis specie. Vestis erat auro purpura-
 29 que distincta, quae etiam crura velabat: aureis soleis inseruerat gemmas: lacerti quoque et brachia margaritis
 30 ornata erant. Pendebant ex auribus insignes candore et magnitudine lapilli. Baculum aureum berylli distinguebant: quo tradito precatus, ut sospes acciperet, se liberosque et gentem suam dedit.

31 (6) Nobiles ad venandum canes in ea regione sunt: latratu abstinere dicuntur, quum viderunt feram, leonibus
 32 maxime infesti. Horum vim ut ostenderet Alexandro, in conceptu leonem eximiae magnitudinis iussit emitti et IV omnino admoveri canes, qui celeriter feram occupaverunt. Tum ex his, qui assueverant talibus ministeriis, unus canis leoni cum aliis inhaerentis crus avellere et,
 33 quia non sequebatur, ferro amputare coepit: ne sic quidem pertinacia victa, rursus aliam partem secare institit et inde non segnius inhaerentem ferro subinde caedebat. Ille in vulnere ferae dentes moribundus quoque infixerat: tantam in illis animalibus ad venandum cupiditatem ingerasse naturam memoriae proditum est. Equidem plura
 34 transcribo, quam credo: nam nec affirmare sustineo, de quibus dubito, nec subducere, quae accepi. Relicto igitur Sopithe in suo regno, ad fluvium Hypäsin processit, Hephaestione, qui diversam regionem subegerat, con-
 36 iuncto. Phegeus erat gentis proximae rex: qui, populatibus suis colere agros, ut assueverant, iussis, Alexandro cum donis occurrit, nihil, quod imperaret, detrectans.

CAP. II.

1 (7) Biduum apud eum substitit rex: tertio die amnem superare decreverat, transitu difficilem non spatio solum

aquarum, sed etiam saxis impeditum. Percontatus igitur 2
 Phegëa, quae noscenda erant, XI dierum ultra flumen per
 vastas solitudines iter esse cognoscit: excipere deinde
 Gangen, maximum totius Indiae fluminum: ulteriorem ri- 3
 pam colere gentes Gangarīdas et Prasios eorumque regem
 esse Aggrammen, XX milibus equitum ducentisque pedi-
 tum obsidentem vias. Ad hoc quadrigarum duo milia 4
 trahere et praecipuum terrorem elephantos, quos trium
 milium numerum explere dicebat. Incredibilia regi om- 5
 nia videbantur. Igitur Porum (nam cum eo erat) percon-
 tatur, an vera essent, quae dicerentur. Ille vires quidem 6
 gentis et regni haud falso iactari affirmat: ceterum, qui
 regnaret, non modo ignobilem esse, sed etiam ultimae
 sortis: quippe patrem eius, tonsorem vix diurno quaestu
 propulsantem famem, propter habitum haud indecorum
 cordi fuisse reginae. Ab ea in propiorem eius, qui tum 7
 regnasset, amicitiae locum admotum, interfecto eo per in-
 sidias, sub specie tutelae liberū eius invasisse regnum
 necatisque pueris hunc, qui nunc regnat, generasse, invi-
 sum vilemque popularibus, magis paternae fortunae quam
 suae memorem. Afirmatio Pori multiplicem animo re- 8
 gis iniecerat curam. Hostem beluasque spernebat, situm
 locorum et vim fluminum extimescebat: relegatos in ulti- 9
 mum paene rerum humanarum persequi terminum et eru-
 ere arduum videbatur. Rursus avaritia gloriae et insatia-
 bilis cupido famae nihil invium, nihil remotum videri si-
 nebat. Et interdum dubitabat, an Macedōnes tot emensi 10
 spatia terrarum, in acie et in castris senes facti, per ob-
 iecta flumina, per tot naturae obstantes difficultates secu-
 turi essent: abundantes onustosque praeda magis parta
 frui velle, quam acquirenda fatigari. Non idem sibi et 11
 militibus animi esse: [se], totius orbis imperium mente com-
 plexum, adhuc in operum suorum primordio stare: mili-
 tem, labore defatigatum, proximum quemque fructum,
 finito tandem periculo, expetere.

(8) Vicit ergo cupido rationem, et, ad concionem vo- 12
 cati militibus, ad hunc maxime modum disseruit: *Non
 ignoro, milites, multa, quae terrere vos possent, ab incolis*

- 13 *Indiae per hos dies de industria esse iactata: sed non est improvisa vobis mentientium vanitas. Sic Ciliciae fauces, sic Mesopotamiae campos, Tigrin et Euphrāten, quorum alterum vado transivimus, alterum ponte, terribilem fecerant*
- 14 *Persae. Nunquam ad liquidum fama perducitur: omnia, illa tradente, maiora sunt vero. Nostra quoque gloria, quum*
- 15 *sit ex solido, plus tamen habet nominis, quam operis. Modo quis beluas offerentes moenium speciem, quis Hydaspen amnem, quis cetera auditu maiora quam vero sustinere posse credebat? Olim hercule fugissemus ex Asia, si nos fabulae*
- 16 *debellare potuissent. Creditisne, elephantorum greges maiores esse, quam usquam armentorum sunt, quum et rarum sit animal nec facile capiatur multoque difficiliter mitige-*
- 17 *tur? Atqui eadem vanitas copias peditum equitumque numeravit. Nam flumen, quo latius fustum est, hoc placidius stagnat: quippe angustis ripis coercita et in angustiore alveum elisa torrentes aquas invehunt: contra spatium alvei*
- 18 *segnior cursus est. Praeterea in ripa omne periculum est, ubi applicantes navigia hostis expectat. Ita, quantumcunque flumen intervenit, idem futurum discrimen est evadentium in terram.*
- 19 (9) *Sed omnia ista vera esse fingamus. Utrumne vos magnitudo beluarum, an multitudo hostium terret? Quod pertinet ad elephantos, praesens habemus exemplum: in suos vehementius quam in nos incurrerunt: tam vasta corpora*
- 20 *securibus falcibusque mutilata sunt. Quid autem interest, totidem sint, quot Porus habuit, an tria milia, quum, uno aut altero vulneratis, ceteros in fugam declinari videamus?*
- 21 *Deinde paucos quoque incommode regunt: congregata vero tot milia ipsa se elidunt, ubi nec stare nec fugere potuerint inhabiles vastorum corporum moles. Equidem sic animalia ista contempsi, ut, quum haberem, ipse non opposuerim, sa-*
- 22 *tis gnarus, plus suis quam hostibus periculi inferre. At enim equitum peditumque multitudo vos commovet! Cum paucis enim pugnare soliti estis et nunc primum inconditam susti-*
- 23 *nebitis turbam. Testis adversus multitudinem invicti Macedonum roboris Granicus amnis et Cilicia inundata cruore Persarum et Arbēla, cuius campi devictorum a nobis ossibus*

*strati sunt. Sero hostium legiones numerare coepistis, post-24
quam solitudinem in Asia vincendo fecistis. Quum per Hel-
lespontum navigaremus, de paucitate nostra cogitandum fuit:
nunc nos Scythae sequuntur, Bactriana auxilia praesto sunt,
Dahae Sogdianique inter nos militant.*

(10) *Nec tamen illi turbae confido. Vestras manus 25
intueor, vestram virtutem rerum, quas gesturus sum, vadem
praedemque habeo. Quamdiu vobiscum in acie stabo, nec
mei nec hostium exercitus numero: vos modo animos mihi
plenos alacritatis ac fiduciae adhibete. Non in limine ope- 26
rum laborumque nostrorum, sed in exitu stamus: pervenimus
ad solis ortum et Oceanum, nisi obstat ignavia: inde victores,
perdomito fine terrarum, revertemur in patriam. Nolite,
quod pigri agricolae faciunt, maturos fructus per inertiam
amittere e manibus. Maiora sunt periculis praemia: dives 27
eadem et imbellis est regio. Itaque non tam ad gloriam vos
duco, quam ad praedam. Digni estis, qui opes, quas illud
mare litoribus invehit, referatis in patriam, digni, qui nihil
inexpertum, nihil metu omissum relinquatis. Per vos glo- 28
riamque vestram, qua humanum fastigium exceditis, perque
et mea in vos et in me vestra merita, quibus invicti contendi-
mus, oro quaesoque, ne humanarum rerum terminos adeun-
tem alumnum commilitonemque vestrum, ne dicam regem,
deseratis. Cetera vobis imperavi, hoc unum debiturus sum. 29
Et is vos rogo, qui nihil unquam vobis praecepi, quin pri-
mus me periculis obtulerim, qui saepe aciem clypeo meo texi,
ne infregeritis in manibus meis palmam, qua Herculem Li-
berumque Patrem, si invidia abfuerit, aequabo. Date hoc 30
precibus meis et tandem obstinatum silentium rumpite. Ubi
est ille clamor, alacritatis vestrae index? ubi ille meorum
Macedonum vultus? Non agnosco vos, milites, nec agnosci
videor a vobis. Surdas iamdudum aures pulso: aversos ani-
mos et infractos excitare conor.*

(11) *Quumque illi, in terram demissis capitibus, ta- 31
cere perseverarent, Nescio quid, inquit, in vos imprudens
deliqui, quod me ne intueri quidem vultis. In solitudine
mihi videor esse. Nemo respondet, nemo saltem negat. Quos 32
alloquor? quid autem postulo? Vestram gloriam et magni-*

tudinem vindicamus. Ubi sunt illi, quorum certamen paulo ante vidi, contendentium, qui potissimum vulnerati regis corpus exciperent? desertus, destitutus sum, hostibus deditus. Sed solus quoque ire perseverabo. Obiicite me fluminibus et beluis et illis gentibus, quarum nomina horretis. Inveniam, qui desertum a vobis sequantur: Scythae Bactriaeque erunt mecum, hostes paulo ante, nunc milites nostri.
 34 *Mori praestat, quam precario imperatorem esse. Ite reduces domos: ite deserto rege ovantes. Ego hic a vobis desperatae victoriae aut honestae morti locum inveniam.*

CAP. III.

- 1 Ne sic quidem ulli militum vox exprimi potuit. Expectabant, ut duces principesque ad regem perferrent, vulneribus et continuo labore militiae fatigatos non detrectare munia, sed sustinere non posse. Ceterum illi
 2 metu attoniti in terram ora defixerant. Igitur primo fremitus sua sponte, deinde gemitus quoque oritur, paulatimque liberius dolor erigi coepit, manantibus lacrimis, adeo ut rex, ira in misericordiam versa, ne ipse quidem quamquam cuperet, temperare oculis potuerit.
- 3 (12) Tandem, universa concione effusius flente, Coenus ausus est, cunctantibus ceteris, propius tribunal accedere, significans, se loqui velle. Quem ut videre milites detrahentem galeam capiti (ita enim regem alloqui mos
 4 est), hortari coeperunt, ut causam exercitus ageret. Tum Coenus, *Dii prohibeant, inquit, a nobis impias mentes: et profecto prohibent. Idem animus est tuis, qui fuit semper, ire, quo iusseris, pugnare, periclitari, sanguine nostro commendare posteritati tuum nomen. Proinde, si perseveras, inermes quoque et nudi et exsanguis, utcunque tibi cordi est,*
 5 *sequimur vel anteceditur. Sed si audire vis non fictas tuorum militum voces, verum necessitate ultima expressas, praebe, quaeso, propitias aures imperium atque auspicium tuum constantissime secutis et, quocunque pergis, secuturis.*
 6 *Vicisti, rex, magnitudine rerum non hostes modo, sed etiam milites. Quicquid mortalitas capere poterat, implevimus. Emensis maria terrasque melius nobis quam incolis omnia*

nota sunt. Paene in ultimo mundi fine consistimus. In 8
 alium orbem paras ire et Indiam quaeris, Indis quoque igno-
 tam: inter feras serpentesque degentes eruere ex latebris et
 cubilibus suis expetis, ut plura, quam sol videt, victoria lus-
 tres. Digna prorsus cogitatio animo tuo, sed altior nostro. 9
 Virtus enim tua semper in incremento erit, nostra vis iam in
 fine est. Intuere corpora exsanguia, tot perfossa vulneri-10
 bus, tot cicatricibus putria. Iam tela hebetia sunt, iam arma
 deficiunt. Vestem Persicam induimus, quia domestica sub-
 vehi non potest. In externum degeneravimus cultum. Quo-11
 tocuique lorica est? quis equum habet? iube quaeri, quam
 multos servi ipsorum persecuti sint, quid cuique supersit ex
 praeda. Omnium victores omnium inopes sumus. Nec lu-
 xuria laboramus, sed bello instrumenta belli consumpsimus.
 Hunc tu pulcherrimum exercitum nudum obiicies beluis? 12
 quarum ut multitudinem augeant de industria barbari, ma-
 gnum tamen esse numerum etiam ex mendacio intelligo.
 Quodsi adhuc penetrare in Indiam certum est, regio a meri-13
 die minus vasta est: qua subacta licebit decurrere in illud
 mare, quod rebus humanis terminum voluit esse natura. Cur 14
 circuitu petis gloriam, quae ad manum posita est? hic quo-
 que occurrit Oceanus. Nisi mavis errare, pervenimus, quo
 tua fortuna ducit. Haec tecum, quam sine te cum his, lo-15
 qui malui, non uti inirem circumstantis exercitus gratiam,
 sed ut vocem loquentium potius quam gemitum murmurant-
 ium audires.

(13) Ut finem orationi Coenus imposuit, clamor un-16
 dique cum ploratu oritur, regem, patrem, dominum con-
 fusis appellantium vocibus. Iamque et alii duces praeci-17
 pueque seniores, quibus ob aetatem et excusatio honestior
 erat et auctoritas maior, eadem precabantur. Ille nec 18
 castigare obstinatos nec mitigare poterat iratos. Itaque
 inops consilii desiluit e tribunali claudique regiam iussit,
 omnibus praeter assuetos adire prohibitis. Biduum irae 19
 datum est: tertio die processit erigique XII aras ex
 quadrato saxo, monumentum expeditionis suae, muni-
 menta quoque castrorum iussit extendi cubiliaque am-
 plioris formae, quam pro corporum habitu, relinqui, ut

speciem omnium augeret, posteritati fallax miraculum praeparans.

- 20 Hinc repetens, quae emensus erat, ad flumen Acesī-
nem locat castra. Ibi forte Coenus morbo extinctus est.
Cuius morte ingemuit quidem rex, adiecit tamen, propter
paucos dies longam orationem eum exorsum, tanquam
21 solus Macedoniam visurus esset. Iam in aqua classis,
quam aedificari iusserat, stabat. Inter haec Memnon ex
Thracia in supplementum equitum V milia, praeter eos ab
Harpālo peditum septem milia adduxerat armaque XXV
milia auro et argento caelata pertulerat, quīs distributis
22 vetera cremari iussit. Mille navigiis aditurus Oceānū
discordesque et vetera odia retractantes Porum et Taxī-
len, Indiae reges, firmata per affinitatem gratia, relinquit
in suis regnis, summo in aedificanda classe amborum stu-
23 dio usus. Oppida quoque duo condidit, quorum alterum
Nicaeam appellavit, alterum Bucephālam, equi, quem ami-
24 serat, memoriae ac nomini dedicans urbem. Elephan-
tis deinde et impedimentis terra sequi iussis, secundo
amne defluxit, quadraginta ferme stadia singulis diebus
procedens, ut opportunis locis exponi subinde copiae
possent

CAP. IV.

- 1 (14) Perventum erat in regionem, in qua
2 Hydaspes amnis Acesīni committitur. Hinc de-
currit in fines Siborum. Hi de exercitu Hercūlis
maiores suos esse memorant: aegros relictos
3 esse: cepisse sedem, quam ipsi obtinebant. Pelles fera-
rum pro veste, clavae tela erant: multaque, etiam quum
Graeci mores exolevissent, stirpis ostendebant vestigia.
4 Hinc, excensione facta, CC et L stadia excessit depopula-
5 tusque regionem oppidum, caput eius, corona cepit. XL
peditum milia gens in ripa fluminum opposuerat: quae,
amne superato, in fugam compulit inclusosque moenibus
expugnat. Puberes interfecti sunt, ceteri venierunt.
6 Alteram deinde urbem expugnare adortus magnaue vi
defendentium pulsus multos Macedōnum amisit. Sed

A. 326
a. Chr. n.
exeunte
Octobri.
Ol. 113, 3.

quum in obsidione perseverasset, oppidani, desperata salute, ignem subiecere tectis, se quoque ac liberos coniugesque incendio cremant. Quod quum ipsi augerent, 7 hostes extinguerent, nova forma pugnae erat. Delebant incolae urbem, hostes defendebant: adeo etiam naturae iura bellum in contrarium mutat. Arx erat oppidi in- 8 tacta, in qua praesidium dereliquit: ipse navigiis circumvectus est arcem.

(15) Quippe III flumina tota India praeter Gangem maxima munimento arcis applicant undas. A septentrione Indus alluit, a meridie Acesīnes Hydaspī confunditur. Ceterum amnium coetus maritimis similes fluctus 9 movet, multoque ac turbido limo, quod aquarum concursu subinde turbatur, iter, qua meant navigia, in tenuem alveum cogitur. Itaque quum crebri fluctus se inveherent 10 et navium hinc proras, hinc latera pulsarent, subducere nautae vela coeperunt. Sed ministeria eorum hinc aestu, hinc praerapida celeritate fluminum occupantur. In ocu- 11 lis omnium duo maiora navigia submersa sunt: leviora, quum et ipsa nequirent regi, in ripam tamen innoxia expulsa sunt. Ipse rex in rapidissimos vortices incidit, quibus intorta navis obliqua et gubernaculi impatiens agebatur. Iam vestem detraxerat corpori, proiecturus semet 12 in flumen, amicique, ut exciperent eum, haud procul nabant, apparebatque anceps periculum tam nataturi, quam navigare perseverantis. Ergo ingenti certamine conci- 13 tant remos, quantaque vis humana esse poterat, admota est, ut fluctus, qui se invehebant, everberarentur. Findi 14 crederes undas et retro gurgites cedere. Quibus tandem navis erepta non tamen ripae applicatur, sed in proximum vadum illiditur. Cum anni bellum fuisse crederes. Ergo aris pro numero fluminum positis sacrificioque facto, XXX stadia processit.

(16) Inde ventum est in regionem Oxydracarum 15 Mallorumque, quos alias bellare inter se solitos tunc periculi societas iunxerat. Nonaginta milia iuniorum pedum in armis erant, praeter hos equitum X milia nongentaeque quadrigae. At Macedōnes, qui omni discrimine 16

iam defunctos se esse crediderant, postquam integrum bellum cum ferocissimis Indiae gentibus superesse cognoverunt, improvise metu territi rursus seditiosis vocibus
 17 regem increpare coeperunt: Gangem amnem et quae ultra essent coactum transmittere non tamen finisse, sed mutasse bellum. Indomitae gentibus se obiectos, ut sanguine
 18 suo aperirent ei Oceānum. Trahi extra sidera et solem cogique adire, quae mortalium oculis natura subduxerit. Novis identidem armis novos hostes existere. Quos ut omnes fundant fugentque, quod praemium ipsos manere? caliginem ac tenebras et perpetuam noctem profundo incubantem mari, repletum immanium beluarum gregibus fretum, immobiles undas, in quibus emoriens natura defecerit.

19 Rex non sua, sed militum sollicitudine anxius, concione advocata, docet, imbelles esse, quos metuant. Nihil deinde praeter has gentes obstare, quominus terrarum spatia emensi ad finem simul mundi laborumque perveniant. Cessisse illis metuentibus Gangem et multitudinem nationum, quae ultra amnem essent: declinasse iter eo,
 20 ubi par gloria, minus periculum esset. Iam prospicere se Oceānum, iam perficere ad ipsos auram maris: ne inviderent sibi laudem, quam peteret. Hercūlis et Libēri Patris terminos transituros illos, regi suo parvo impendio immortalitatem famae daturus. Paterentur, se ex India redire, non fugere.

22 (17) Omnis multitudo, et maxime militaris, mobili impetu effertur. Ita seditionis non remedia quam principia maiora sunt. Non alias tam alacer clamor ab exercitu est redditus, iubentium, duceret diis secundis aequaretque gloria, quos aemularetur. Laetus his acclamationibus ad hostes protinus castra movet. Validissimae Indorum gentes erant et bellum impigre parabant: ducemque ex natione Oxydracarum, spectatae virtutis, elegerant, qui sub radicibus montis castra posuit lateque ignes, ut speciem multitudinis augeret, ostendit, clamore quoque ac sui moris ululatu identidem acquiescentes Macedōnas
 5 frustra terrere conatus. Iam lux appetebat, quum rex

fiduciae ac spei plenus alacres milites arma capere et exire in aciem iubet. Sed — haud traditur, metune, an oborta seditione inter ipsos — subito profugerunt barbari: certe avios montes et impeditos occupaverunt: quorum agmen rex frustra persecutus impedimenta cepit.

(18) Perventum deinde est ad oppidum Oxydraca-26 rum, in quod plerique confugerant, haud maiore fiducia moenium, quam armorum. Iam admovebat rex, quum 27 vates monere eum coepit, ne committeret, aut certe differret obsidionem: vitae eius periculum ostendi. Rex Demophontem (is namque vates erat) intuens, *Si quis, inquit, te arti tuae intentum et exta spectantem sic interpellet, non dubitem, quin incommodus ac molestus videri tibi possit.* Et quum ille ita prorsus futurum respondisset, *Censesne,* 29 inquit, *tantas res, non pecudum fibras ante oculos habenti ullum esse maius impedimentum, quam vatem superstitione captum?* Nec diutius, quam respondit, moratus admo-30 vi iubet scalas cunctantibusque ceteris evadit in murum. Angusta muri corona erat: non pinnae, sicut alibi, fastigium eius distinxerant, sed perpetua lorica obducta transitum seperat. Itaque rex haerebat magis quam stabat 31 in margine, clypeo undique incidentia tela propulsans: nam ubique eminens ex turribus petebatur. Nec subire 32 milites poterant, quia superne vi telorum obruebantur. Tandem magnitudinem periculi pudor vicit: quippe cernebant, cunctatione sua dedi hostibus regem. Sed festi-33 nando morabantur auxilia. Nam dum pro se quisque certat evadere, onerare scalas: quis non sufficientibus devoluti unicum spem regis fefellerunt. Stabat enim in conspectu tanti exercitus, velut in solitudine destitutus.

CAP. V.

(19) Iamque laevam, qua clypeum ad ictus circumfe-1 rebat, lassaverat, clamantibus amicis, ut ad ipsos desiliret, stabantque excepturi: quum ille rem ausus est incredibilem atque inauditam multoque magis ad famam temeritatis quam gloriae insignem. Namque in urbem hostium 2 plenam praecipiti saltu semetipse immisit, quum vix spe-

rare posset, dimicantem certe et non inultum esse mori-
 turum: quippe antequam assurgeret, opprimi poterat et
 3 capi vivus. Sed forte ita libraverat corpus, ut se pedi-
 bus exciperet. Itaque stans init pugnam: et ne circumiri
 4 posset, fortuna providerat. Vetusta arbor haud procul
 muro ramos multa fronde vestitos, velut de industria re-
 gem protegentes, obiecerat: huius spatioso stipiti corpus,
 ne circumiri posset, applicuit, clypeo tela, quae ex ad-
 5 verso ingerebantur, excipiens. Nam quum unum procul
 tot manus peterent, nemo tamen audebat propius acce-
 6 dere: missilia ramis plura quam clypeo incidebant. Pu-
 gnabat pro rege primum celebrati nominis fama, deinde
 desperatio, magnum ad honeste moriendum incitamentum.
 7 Sed quum subinde hostis afflueret, iam ingentem vim te-
 lorum exceperat clypeo, iam galeam saxa perfregerant,
 8 iam continuo labore gravia genua succiderant. Itaque
 contemptim et incaute, qui proximi steterant, incurre-
 runt: e quibus duos gladio ita excepit, ut ante ipsum
 exanimes procumberent. Nec cuiquam deinde propius
 incessendi eum animus fuit: procul iacula sagittasque
 mittebant.

9 (20) Ille ad omnes ictus expositus aegre iam exce-
 ptum poplitibus corpus tuebatur: donec Indus duorum
 cubitorum sagittam (namque Indis, ut antea diximus, huius
 magnitudinis sagittae erant) ita excussit, ut per thoracem
 10 paulum super latus dextrum infigeret. Quo vulnere af-
 flictus, magna vi sanguinis emicante, remisit arma, mori-
 bundo similis adeoque resolutus, ut ne ad evellendum
 quidem telum sufficeret dextera. Itaque ad expoliandum
 11 corpus, qui vulneraverat, alacer gaudio accurrit. Quem
 ut iniicere corpori suo manus sensit, credo, ultimi dede-
 coris indignitate commotus linquentem revocavit animum
 12 et nudum hostis latus subiecto mucrone hausit. Iacebant
 circa regem tria corpora, procul stupentibus ceteris: ille,
 ut, antequam ultimus spiritus deficeret, dimicans iam ex-
 13 lingeretur, clypeo se allevare conatus est et, postquam
 ad connitendum nihil supererat virium, dextera impenden-
 tes ramos complexus tentabat assurgere. Sed ne sic

quidem potens corporis rursus in genua procumbit, manu provocans hostes, si quis congredi auderet.

(21) Tandem Peucestes per aliam oppidi partem, de-14
turbatis propugnatoribus, muri vestigia persequens regi
supervenit. Quo conspecto Alexander, iam non vitae¹⁵
suae, sed mortis solatium supervenisse ratus, clypeo fati-
gatum corpus excepit. Subit inde Timaeus et paulo post
Leonnātus, huic Aristōnus supervenit. Indi quoque, quum¹⁶
intra moenia regem esse comperissent, omissis ceteris,
illuc concurrerunt urgebantque protegentes. Ex quibus
Timaeus, multis adverso corpore vulneribus acceptis egre-
giaque edita pugna, cecidit: Peucestes quoque tribus ia-¹⁷
culis confossus non se tamen scuto, sed regem tuebatur:
Leonnātus, dum avide ruentes barbaros summovet, cer-
vice graviter icta, semianimis procubuit ante regis pedes.
Iam et Peucestes vulneribus fatigatus summiserat clypeum:¹⁸
in Aristōno spes ultima haerebat. Hic quoque graviter
saucius tantam vim hostium ultra sustinere non poterat.
Inter haec ad Macedōnas regem cecidisse fama perlata¹⁹
est. Terruisset alios, quod illos incitavit. Namque peri-
culi omnis immemores dolabris perfringere murum et, qua
moliti erant aditum, irrupere in urbem Indosque plures
fugientes quam congredi ausos ceciderunt. Non senibus,²⁰
non feminis, non infantibus parcitur: quisquis occurrerat,
ab illo vulneratum regem esse credebant. Tandemque
internecione hostium iustae irae parentatum est. Ptole-²¹
maeum, qui postea regnavit, huic pugnae affuisse auctor
est Clitarchus et Timagēnes. Sed ipse, scilicet gloriae
suae non refragatus, afuisse se, missum in expeditionem,
memoriae tradidit. Tanta componentium vetusta rerum
monumenta vel securitas vel, par huic vitium, creduli-
tas fuit!

(22) Rege in tabernaculum relato, medici lignum sa-²²
gittae corpori infixum ita, ne spiculum moveretur, abs-
cidunt. Corpore deinde nudato, animadvertunt, hamos in-²³
esse telo nec aliter id sine pernicie corporis extrahi posse,
quam ut secando vulnus augerent. Ceterum, ne secantes²⁴
profluvium sanguinis occuparet, verebantur: quippe in-

gens telum adactum erat et penetrasse in viscera videba-
 25 tur. Critobūlus, inter medicos artis eximiae, sed in tanto
 periculo territus, [manus] admoveere metuebat, ne in ip-
 sius caput parum prosperae curationis recideret eventus.
 26 Lacrimantem eum ac metuentem et sollicitudine prope-
 modum exsanguem rex conspexerat. *Quid, inquit, quod-
 ve tempus expectas et non quamprimum hoc dolore me sal-
 tem moriturum liberas? An times, ne reus sis, quum insa-*
 27 *nabile vulnus acceperim?* At Critobūlus tandem, vel finito
 vel dissimulato metu, hortari eum coepit, ut se continen-
 dum praeberet, dum spiculum evelleret: etiam levem cor-
 28 poris motum noxium fore. Rex, quum affirmasset, nihil
 opus esse iis, qui semet continerent, sicut praeceptum
 erat, sine motu praebebat corpus. Igitur patefacto latius
 vulnere et spiculo evulso, ingens vis sanguinis manare
 coepit linq̄ue animo rex et, caligine oculis offusa,
 29 veluti moribundus extendi. Quumque profluvium medica-
 mentis frustra inhiherent, clamor simul atque ploratus
 amicorum oritur, regem expirasse credentium. Tandem
 constitit sanguis, paulatimque animum recepit et circum-
 30 stantes coepit agnoscere. Toto eo die ac nocte, quae se-
 cuta est, armatus exercitus regiam obsedit, confessus,
 omnes unius spiritu vivere. Nec prius recesserunt, quam
 compertum est, somno paulisper acquiescere. Hinc cer-
 tiorem spem salutis eius in castra rettulerunt.

CAP. VI.

(23) Rex, septem diebus curato vulnere necdum ob-
 ducta cicatrice, quum audisset, convalescere apud barbaros
 famam mortis suae, duobus navigiis iunctis, statui in me-
 dium undique conspicuum tabernaculum iussit, ex quo se
 ostenderet perisse credentibus: conspectusque ab incolis
 2 spem hostium falso nuntio conceptam inhibuit. Secundo
 deinde amne defluxit, aliquantum intervalli a cetera classe
 praecipiens, ne quies corpori invalido adhuc necessaria
 pulsu remorum impediretur.

3 Quarto, postquam navigare coeperat, die pervenit in
 regionem desertam quidem ab incolis, sed frumento et

pecoribus abundantem. Placuit is locus et ad suam et ad militum requiem. Mos erat principibus amicorum et custodibus corporis, excubare ante praetorium, quotiens adversa regi valetudo incidisset. Hoc tum quoque more servato, universi cubiculum eius intrant. Ille sollicitus, ne quid novi afferrent, quia simul venerant, percontatur, num hostium recens nuntiaretur adventus.

(24) At Cratærus, cui mandatum erat, ut amicorum preces perferret ad eum, *Credisne*, inquit, *adventu magis hostium — ut iam in vallo consisterent — sollicitos nos esse, quam cura salutis tuae, ut nunc est, tibi vilis?* Quantalibet vis omnium gentium conspiret in nos, impleat armis virisque totum orbem, classibus maria consternat, invisitas beluas inducat: tu nos praestabis invictos. Sed quis deorum hoc Macedoniae columen ac sidus diuturnum fore polliceri potest, quum tam avide manifestis periculis offeras corpus, oblitus, tot civium animas trahere te in casum? Quis enim tibi superstes aut optat esse aut potest? Eo pervenimus, auspiciū atque imperium secuti tuum, unde, nisi te reduce, nulli ad penates suos iter est. Quodsi adhuc de Persidis regno cum Darëo dimicares, etsi nemo vellet, tamen ne admirari quidem posset, tam promptae esse te ad omne discrimen audaciae: nam ubi paria sunt periculum ac praemium, et secundis rebus amplior fructus est et adversis solatium maius: tuo vero capite ignobilem vicum emi, quis ferat non tuorum modo militum, sed ullius gentis barbarae civis, qui tuam magnitudinem novit? Horret animus cogitatione rei, quam paulo ante vidimus. Eloqui timeo, invicti corporis spolia inertissimas manus fuisse infecturas, nisi te interceptum misericors in nos fortuna servasset. Totidem proditores, totidem desertores sumus, quot te non potuimus persequi. Universos licet milites ignominia notes, nemo recusabit luere id, quod ne admitteret, praestare non potuit. Patere nos, quaeso, alio modo esse viles tibi. Quocunque iusseris, ibimus. Obscura pericula et ignobiles pugnas nobis deposcimus: temetipsum ad ea serva, quae magnitudinem tuam capiunt. Cito gloria obsolescit in sordidis hostibus, nec quicquam indignius est, quam consumi eam, ubi non

- 15 *possit ostendi*. Eadem fere Ptolemaeus, et similia his ceteri. Iamque confusis vocibus flentes eum orabant, ut tandem exsatiatae laudi modum faceret ac saluti suae, id est publicae, parceret.
- 16 (25) Grata erat regi pietas amicorum. Itaque singu-
 17 los familiarius amplexus considerare iubet. Altiusque sermone repetito, *Vobis quidem*, inquit, *o fidissimi piissimique civium atque amicorum, grates ago habeoque, non solum eo nomine, quod hodie salutem meam vestrae praeponitis, sed quod a primordiis belli nullum erga me benivolentiae pignus atque indicium omisistis, adeo ut confitendum sit, nunquam mihi vitam meam fuisse tam caram, quam esse coepit, ut vo-*
 18 *bis diu frui possim. Ceterum non eadem est cogitatio eorum, qui pro me mori optant, et mea, [qui] quidem hanc benivolentiam vestram virtute meruisse me iudico. Vos enim diuturnum fructum ex me, forsitan etiam perpetuum, percipere cupiatis: ego me metior non aetatis spatio, sed gloriae.*
- 19 *Licuit paternis opibus contento intra Macedoniae terminos per otium corporis expectare obscuram et ignobilem senectutem: quamquam ne pigri quidem sibi fata disponunt, sed unicum bonum diuturnam vitam existimantes saepe acerba mors occupat: verum ego, qui non annos meos, sed victorias numero, si munera fortunae bene computo, diu vixi.*
- 20 *Orsus a Macedonia imperium Graeciae teneo, Thraciam et Illyrios subegi, Triballis Maedisque imperito, Asiam, qua Hellesponto, qua rubro mari subluitur, possideo. Iamque haud procul absum a fine mundi, quem egressus aliam naturam,*
 21 *aliud orbem aperire mihi statui. Ex Asia in Europae terminos momento unius horae transivi. Victor utriusque regionis post nonum regni mei, post vigesimum atque octavum aetatis annum, videorne vobis in excolenda gloria, cui me uni devovi, posse cessare? (26) Ego vero non deero et, ubicunque pugnabo, in theatro terrarum orbis esse me credam.*
- 22 *Dabo nobilitatem ignobilibus locis: aperiam cunctis gentibus terras, quas natura longe summoverat. In his operibus extinguere mihi, si fors ita feret, pulchrum est: ea stirpe sum genitus, ut multam prius quam longam vitam debeam optare*
- 23 *Obsecro vos, cogitate, nos pervenisse in terras, quibus femi-*

nae ob virtutem celeberrimum nomen est. Quas urbes Semirāmis condidit! quas gentes redegit in potestatem! quanta opera molita est! Nondum feminam aequavimus gloria, et iam nos laudis satietas cepit? Dii faveant, maiora adhuc restant. Sed ita nostra erunt, quae nondum attigimus, si²⁴ nihil parvum duxerimus, in quo magnae gloriae locus est. Vos modo me ab intestina fraude et domesticorum insidiis praestare securum: belli Martisque discrimen impavidus subibo. Philippus in acie tutior quam in theatro fuit: hostium²⁵ manus saepe vitavit, suorum effugere non valuit. Aliorum quoque regum exitus si reputaveritis, plures a suis quam ab hoste interemptos numerabitis. Ceterum, quoniam olim rei²⁶ agitatae in animo meo nunc promendae occasio oblata est, mihi maximus laborum atque operum meorum erit fructus, si Olympias mater immortalitati consecretur, quandocunque excesserit vita. Si licuerit, ipse praestabo hoc: si me praeceperit fatum, vos mandasse mementote. Ac tum quidem amicos dimisit: ceterum per complures dies ibi stativa habuit.

CAP. VII.

(27) Haec dum in India geruntur, Graeci milites nuper in colonias a rege deducti circa Bactra, orta inter ipsos seditione, defecerant, non tam Alexandro infensi, quam metu supplicii. Quippe occisis quibusdam popularium, 2 qui validiores erant, arma spectare coeperunt et, Bactriāna arce, quae casu negligentius asservata erat, occupata, barbaros quoque in societatem defectionis impulerant. Athē- 3 nodōrus erat princeps eorum, qui regis quoque nomen assumpserat, non tam imperii cupidine, quam in patriam revertendi cum his, qui auctoritatem ipsius sequebantur. Huic Bito quidam, nationis eiusdem, sed ob aemulationem 4 infestus, comparavit insidias invitalumque ad epulas per Boxum quendam Margiānum in convivio occidit. Postero 5 die, concione advocata, Bito ultro insidiatum sibi Athenodōrum plerisque persuaserat: sed aliis suspecta erat fraus Bitōnis, et paulatim in plures coepit manare suspicio. Itaque Graeci milites arma capiunt, occisuri Bitōnem, si 6

daretur occasio: ceterum principes eorum iram multitudi-
 7 nis mitigaverunt. Praeter spem suam Bito praesenti pe-
 riculo ereptus, paulo post insidiatus auctoribus salutis
 suae est: cuius dolo cognito et ipsum comprehenderunt
 8 et Boxum. Ceterum Boxum protinus placuit interfici, Bi-
 tōnem etiam per cruciatum necari. Iamque corpori tor-
 menta admovebantur, quum Graeci, incertum, ob quam
 9 causam, lymphatis similes ad arma discurrunt. Quorum
 fremitu exaudito, qui torquere Bitōnem iussi erant, omi-
 sere, veriti, ne id facere tumultuantium vociferatione pro-
 10 hiberentur. Ille, sicut nudatus erat, pervenit ad Graecos,
 et miserabilis facies supplicio destinati in diversum ani-
 11 mos repente mutavit, dimittiue eum iusserunt. Hoc modo
 poena bis liberatus cum ceteris, qui colonias a rege attri-
 butas reliquerunt, revertit in patriam. Haec circa Bactra
 et Scytharum terminos gesta.

12 (28) Interim regem duarum gentium, de quibus ante
 dictum est, centum legati adeunt. Omnes curru veheban-
 tur, eximia magnitudine corporum, decoro habitu: lineae
 13 vestes intexto auro purpuraque distinctae. Ei se dedere
 ipsos, urbes agrosque referebant, per tot aetates invio-
 latam libertatem illius primum fidei ditionique permissu-
 ros: deos sibi deditionis auctores, non metum: quippe
 14 intactis viribus iugum excipere. Rex, consilio habito, de-
 ditos in fidem accepit, stipendio, quod Arachosiis utraque
 natio pensitabat, imposito. Praeterea II milia et D equi-
 15 tes imperat: et omnia obedienter a barbaris facta. Invi-
 tatis deinde ad epulas legatis gentium regulisque, exornari
 convivium iussit. Centum aurei lecti modicis intervallis
 positi erant: lectis circumdederat aulaea purpura auroque
 fulgentia, quicquid aut apud Persas vetere luxu aut apud
 Macedōnas nova immutatione corruptum erat, confusis
 utriusque gentis vitiis, in illo convivio ostendens.

16 (29) Intererat epulis Dioxippus Atheniensis, pugil no-
 bilis et ob eximiam virtutem virium regi pernotus et gratus.
 Invidi malignique increpabant per seria et ludum, saginati
 corporis sequi inutilem beluam: quum ipsi proelium ini-
 17 rent, o'eo madentem praeparare ventrem epulis. Eadem

igitur in convivio Horrātas Macēdo iam temulentus exprobrare ei coepit et postulare, ut, si vir esset, postero die secum ferro decerneret: regem tandem vel de sua temeritate vel de illius ignavia iudicaturum. Et a Dioxippo contemptim 18 militarem eludente ferociam accepta conditio est. Ac postero die rex, quum etiam acrius certamen exposcerent, quia deterrire non poterat, destinata exequi passus est. Ingens hic militum convenerat multitudo: inter quos qui 19 erant Graeci, Dioxippo studebant. Macēdo iusta arma sumpserat, aereum clypeum, hastam, quam sarissam vocant, laeva tenens, dextra lanceam, gladioque cinctus, velut cum pluribus simul dimicaturus. Dioxippus oleo ni- 20 tens et coronatus laeva puniceum amiculum, dextra validum nodosumque stipitem praeferebat. Ea ipsa res omnium animos expectatione suspenderat: quippe armato congredi nudum dementia, non temeritas videbatur. Igi- 21 tur Macēdo haud dubius, eminus interfici posse, lanceam emisit: quam Dioxippus quum exigua corporis declinatione vitasset, antequam ille hastam transferret in dextram, assiluit et stipite mediam eam fregit. Amisso utroque telo, 22 Macēdo gladium coeperat stringere: quem occupatum complexu, pedibus repente subductis, Dioxippus arietavit in terram ereptoque gladio pedem super cervicem iacenti imposuit, stipitem intentans elisurusque eo victum, ni prohibitus esset a rege. Tristis spectaculi eventus non Mace- 23 donibus modo, sed etiam Alexandro fuit, maxime, quia barbari affuerant: quippe celebratam Macedōnum fortitudinem ad ludibrium recidissee verebatur. Hinc ad crimi- 24 nationem invidorum adapertae sunt aures regis. Et post paucos dies inter epulas aureum poculum ex composito subducitur, ministrique, quasi amisissent, quod amoverant, regem adeunt. Saepe minus est constantiae in rubore, 25 quam in culpa. Coniectum oculorum, quibus ut fur destinabatur, Dioxippus ferre non potuit: et quum excessisset convivio, litteris conscriptis, quae regi redderentur, ferro se interemit. Graviter mortem eius tulit rex, existimans, in- 26 dignationis esse, non poenitentiae testem, utique postquam falso insimulatum eum nimium invidorum gaudium ostendit.

CAP. VIII.

- 1 (30) Indorum legati dimissi domos paucis post diebus
cum donis revertuntur. Trecenti erant equites, mille tri-
ginta currus, quos quadriugi equi ducebant, lineae vestis
aliquantum, mille scuta Indica et ferri candidi talenta cen-
2 tum leonesque rarae magnitudinis et tigres, utrumque ani-
mal ad mansuetudinem domitum, lacertarum quoque in-
3 gentium pelles et dorsa testudinum. Cratæro deinde imperat
rex, haud procul amne, per quem erat ipse navigaturus,
copias duceret: eos autem, qui comitari eum solebant,
imponit in naves et in fines Mallorum secundo amne de-
vehitur.
- 4 Inde Sabarcas adiit, validam Indiae gentem, quae
populi, non regum imperio regebatur. Sexaginta milia pe-
ditum habebant, equitum sex milia: has copias currus
5 quingenti sequebantur. Tres duces spectatos virtute bel-
lica elegerant. At qui in agris erant proximi flumini, (fre-
quentes autem vicos, maxime in ripa, habebant) ut videre
totum amnem, qua prospici poterat, navigiis constratum
et tot militum arma fulgentia, territi nova facie deorum
exercitum et alium Libærum Patrem, celebre in illis genti-
6 bus nomen, adventare credebant. Hinc militum clamor,
hinc remorum pulsus variaequae nautarum voces hortan-
7 tium pavidas aures impleverant. Ergo universi ad eos,
qui in armis erant, currunt, furere clamitantes et cum diis
proelium inituros: navigia non posse numerari, quae in-
victos viros veherent. Tantumque in exercitum suorum
intulere terroris, ut legatos mitterent, gentem dedituros.
- 8 (31) His in fidem acceptis, ad alias deinde gentes
quarto die pervenit. Nihilo plus animi his fuit, quam cete-
ris fuerat. Itaque oppido ibi condito, quod Alexandriam
appellari iusserat, fines eorum, qui Musicāni appellantur,
9 intravit. Hic de Teriolte satrape, quem Parapainisādis
praefecerat, iisdem arguentibus, cognovit: multaque avare
10 ac superbe fecisse convictum interfici iussit. Oxyartes,
praetor Bactrianorum, non absolutus modo, sed etiam iure
amoris amplioris imperii donatus est finibus. Musicānis

deinde in ditionem redactis, urbi eorum praesidium imposuit.

Inde Praestos, et ipsam Indiae gentem, perventum¹¹ est. Porticānus rex erat, qui se munitae urbi cum magna manu popularium incluserat. Hanc Alexander tertio die, quam coeperat obsidere, expugnavit. Et Porticānus, quum¹² in arcem confugisset, legatos de conditione deditiois misit ad regem: sed antequam adirent eum, duae turres cum ingenti fragore prociderant, per quarum ruinas Macedōnes evasere in arcem: qua capta Porticānus cum paucis repugnans occiditur.

(32) Diruta igitur arce et omnibus captivis venunda-¹³ tis, Sambi regis fines ingressus est multisque oppidis in fidem acceptis validissimam gentis urbem cuniculo cepit. Barbaris simile monstri visum est, rudibus militarium ope-¹⁴ rum: quippe in media ferme urbe armati terra existebant, nullo suffossi specus ante vestigio facto. Octoginta milia¹⁵ Indorum in ea regione caesa Clitarchus est auctor, multosque captivos sub corona venisse. Rursus Musicāni¹⁶ defecerunt, ad quos opprimendos missus est Pithon, qui captum principem gentis eundemque defectionis auctorem adduxit ad regem. Quo Alexander in crucem sublato rursus amnem, in quo classem expectare se iusserat, repetit.

Quarto deinde die secundo amne pervenit ad oppidum,¹⁷ quod in regno erat Sambi. Nuper se ille dediderat, sed oppidani detrectabant imperium et clausurant portas. Quo-¹⁸ rum paucitate contempta rex quingentos Agriānos moenia subire iussit et sensim recedentes elicere extra muros hostem, secuturum profecto, si fugere eos crederet. Agriāni,¹⁹ sicut imperatum erat, lacessito hoste, subito terga vertunt: quos barbari effuse sequentes in alios, inter quos ipse rex erat, incidunt. Renovato ergo proelio, ex tribus milibus barbarorum sexcenti caesi sunt, mille capti, ceteri moenibus urbis inclusi.

(33) Sed non, ut prima specie laeta victoria, ita²⁰ eventu quoque fuit: quippe barbari veneno tinxerant gladios. Itaque saucii subinde expirabant, nec causa tam strenuae mortis excogitari poterat a medicis, quum etiam

21 leves plagae insanabiles essent. Barbari autem sperave-
 rant, incautum et temerarium regem excipi posse. Et forte
 22 inter promptissimos dimicans intactus evaserat. Praeci-
 pue Ptolemaeus laevo humero leviter quidem saucius, sed
 maiore periculo quam vulnere affectus regis sollicitudinem
 in se converterat. Sanguine coniunctus erat, et quidam
 Philippo genitum esse credebant, certe pellice eius ortum
 23 constabat. Idem corporis custos promptissimusque bel-
 lator et pacis artibus quam militiae maior et clarior, mo-
 dico civilique cultu, liberalis in primis adituque facili, ni-
 24 hil ex fastu regiae assumpserat. Ob haec regi an popu-
 laribus carior esset, dubitari poterat, tum certe primum
 expertus suorum animos, adeo ut fortunam, in quam
 postea ascendit, in illo periculo Macedōnes ominati esse
 25 videantur. Quippe non levior illis Ptolemaei fuit cura,
 quam regis: qui et proelio et sollicitudine fatigatus quum
 Ptolemaeo assideret, lectum, in quo ipse acquiesceret,
 26 iussit inferri. In quem ut se recepit, protinus altior inse-
 cutus est somnus. Ex quo excitatus per quietem vidisse
 se exponit speciem draconis oblatam, herbam ferentis ore,
 27 quam veneni remedium esse monstrasset: colorem quo-
 que herbae referebat, agniturum, si quis repperisset, affir-
 mans. Inventam deinde — quippe a multis simul erat
 requisita — vulneri imposuit: protinusque dolore finito
 28 intra breve spatium cicatrix quoque obducta est. Bar-
 baros ut prima spes fefellerat, se ipsos urbemque dedi-
 derunt.

(34) Hinc in proximam gentem Pataliam perventum
 est. Rex erat Moeris, qui, urbe deserta, in montes pro-
 29 fugerat. Itaque Alexander oppido potitur agrosque po-
 pulatur. Magnae inde praedae actae sunt pecorum ar-
 30 mentorumque, magna vis reperta frumenti. Ducibus de-
 inde sumptis amnis peritis, defluxit ad insulam medio
 ferme alveo enatam.

CAP. IX.

1 Ibi diutius subsistere coactus, quia duces socordius
 asservati profugerant, misit qui conquirerent alios: nec

reptis pervicax cupido visendi Oceānum adeundique terminos mundi [compulsi] sine regionis peritis flumini ignoto caput suum totque fortissimorum virorum salutem permittere. Navigabant ergo omnium, per quae ferebantur, ignari. Quantum inde abesset mare, quae gentes cohererent, quam placidum amnis os, quam patiens longarum navium esset, anceps et caeca aestimatio augurabatur. Unum erat temeritatis solatium perpetua felicitas. Iam 3 CCCC stadia processerant, quum gubernatores agnoscere ipsos auram maris et haud procul videri sibi Oceānum abesse indicant regi. Laetus ille hortari nauticos coepit, incumberent remis: adesse finem laboris omnibus votis expetitur: iam nihil gloriae deesse, nihil ob stare virtuti: sine ullo Martis discrimine, sine sanguine orbem terrae ab illis capi: ne naturam quidem longius posse procedere: brevi incognita, nisi immortalibus, esse visuros. Paucos tamen navigio emisit in ripam, qui agrestes vagos 5 exciperent, e quibus certiora nosci posse sperabat. Illi scrutati omnia tuguria tandem latentes repperere. Qui 6 interrogati, quam procul abesset mare, responderunt, nullum ipsos mare ne fama quidem accepisse: ceterum tertio die perveniri posse ad aquam amaram, quae corrumpere dulcem. Intellectum est, mare destinari ab ignaris naturae eius. Itaque ingenti alacritate nautici remigant, 7 et proximo quoque die, quo propius spes admovebatur, crescebat ardor animorum. Tertio iam die mixtum flumini subibat mare, leni adhuc aestu confundente dispares undas. Tum aliam insulam medio amni sitam evecti paulo 8 lentius, quia cursus aestu reverberabatur, applicant classem et ad commeatus petendos discurrunt, securi casus eius, qui supervenit ignaris.

(35) Tertia ferme hora erat, quum stata vice Oceā- 9 nus exaestuans invehiri coepit et retro flumen urgere. Quod primo coercitum, deinde vehementius pulsum maiore impetu adversum agebatur, quam torrentia praecipiti alveo incurrunt. Ignota vulgo freti natura erat, monstraque et 10 irae deūm indicia cernere videbantur. Identidem intumescere mare et in campos paulo ante siccos descendere

11superfusum. Iamque levatis navigiis et tota classe di-
spersa, qui expositi erant, undique ad naves trepidi et im-
12provisio malo attoniti recurrunt. Sed in tumultu festinatio
quoque tarda est. Hi contis navigia appellebant et, dum
13remos aptari prohibebant, consederant: quidam enavi-
gare properantes, sed non expectatis, qui simul esse de-
bebant, clauda et inhabilia navigia languide moliebantur:
aliae navium inconsulte ruentes omnes receperant: pari-
terque et multitudo et paucitas festinantes morabatur.
14Clamor hinc expectare, hinc ire iubentium dissonaeque
voces nunquam idem atque unum tendentium non oculo-
15rum modo usum, sed etiam aurium abstulerant. Ne in
gubernatoribus quidem quicquam opis erat, quorum nec
exaudiri vox a tumultuantibus poterat nec imperium a ter-
16ritis incompressisque servari. Ergo collidi inter se naves,
abstergerique invicem remi, et alii aliorum navigia urgere
coeperunt. Crederes, non unius exercitus classem vehi,
17sed duorum navale inisse certamen. Incutiebantur pup-
pibus prorae: premebantur a sequentibus, qui antece-
dentes turbaverant: iurgantium ira perveniebat etiam ad
manus.

18 (36) Iamque aestus totos circa flumen campos inun-
daverat, tumulis dumtaxat eminentibus, velut insulis par-
vis: in quos plerique trepidi, omissis navigiis, enare pro-
19perant. Dispersa classis partim in praealta aqua stabat,
qua subsederant valles, partim in vado haerebat, utcun-
que inaequale terrae fastigium occupaverant undae: quum
20subito novus et pristino maior terror incutitur. Recipro-
cari coepit mare, magno tractu aquis in suum fretum re-
currentibus, reddebatque terras paulo ante profundo salo
mersas. Igitur destituta navigia alia praecipitantur in
proras, alia in latera procumbunt. Strati erant campi sar-
cinis, armis, avulsarum tabularum remorumque fragmen-
21tis. Miles nec egredi in terram nec in nave subsistere
audebat, identidem praesentibus graviora, quae seque-
rentur, expectans. Vix, quae perpetiebantur, videre ipsos
22credebant, in sicco naufragia, in amni mare. Nec finis
malorum. Quippe aestum paulo post mare relaturum,

quo navigia allevarentur, ignari, famem et ultima sibimet ominabantur. Beluae quoque fluctibus destitutae terribiles vagabantur.

(37) Iamque nox appetebat, et regem quoque despe-²³ ratio salutis aegritudine affecerat. Non tamen invictum animum curae obruunt, quin tota nocte persideret in speculis equitesque praemitteret ad os amnis, ut, quum mare rursus exaestuare sensissent, praecederent. Navigia quo-²⁴ que et lacerata refici et eversa fluctibus erigi iubet paratosque esse et intentos, quum rursus mare terras inundasset. Tota ea nocte inter vigilias adhortationesque²⁵ consumpta, celeriter et equites ingenti cursu refugere et secutus est aestus. Qui primo, aquis leni tractu subeuntibus, coepit levare navigia, mox totis campis inundans etiam impulit classem: plaususque militum nauticorumque²⁶ insperatam salutem immodico celebrantium gaudio litoribus ripisque resonabat. Unde tantum redisset subito mare, quo pridie refugisset, quatenam esset eiusdem elementi natura, modo discors, modo imperio temporum obnoxia, mirabundi requirebant. Rex, quum ex eo, quod²⁷ acciderat, coniectaret, post solis ortum statum tempus esse, de media nocte, ut aestum occuparet, cum paucis navigiis secundo amne defluxit. Evectusque os eius quadringenta stadia processit in mare, tandem voti sui compos: praesidibusque et maris et locorum diis sacrificio facto ad classem rediit.

CAP. X.

(38) Hinc adversum flumen subit classis et altero die 1 appulsa est haud procul lacu salso, cuius incognita natura plerosque decepit, temere ingressos aquam. Quippe scabies corpora invasit, et contagium morbi etiam in alios vulgatum est. Oleum remedio fuit. Leonnato deinde 2 praemisso, ut puteos foderet, qua terrestri itinere ducturus exercitum videbatur, — quippe sicca erat regio, — ipse cum copiis subsistit, vernum tempus expectans. In-^{A. 325} terim et urbes plerasque condidit. ^{a. Chr. n.} Nearchos at- ^{Ol. 113, 3.} 3 que Onesicritus nauticae rei peritis imperavit, ut validis-

simas navium deducerent in Oceānum, progressique, quoad tuto possent, naturam maris noscerent: vel eodem amne vel Euphrāte subire eos posse, quum reverti ad se vellent.

4 (39) Iamque mitigata hieme et navibus, quae inutiles
5 videbantur, crematis terra ducebat exercitum. Nonis cas-
tris in regionem Arabitōn, inde totidem diebus in Cedro-
siorum perventum est. Liber hic populus, concilio ha-
bito, dedit se, nec quicquam deditis praeter commeatus
6 imperatum est. Quinto hinc die venit ad flumen: Arā-
bum incolae appellant. Regio deserta et aquarum inops
excipit: quam emensus in Orītas transit. Ibi maiorem
exercitus partem Hephaestiōni tradidit, levem armaturam
7 cum Ptolemaeo Leonnatoque partitus est. Tria simul ag-
mina populabantur Indos, magnaeque praedae actae sunt:
maritimos Ptolemaeus, ceteros ipse rex et ab alia parte
Leonnātus urebant. In hac quoque regione urbem condi-
dit, deductique sunt in eam Arachosii.

8 (40) Hinc pervenit ad maritimos Indos. Desertam
vastamque regionem late tenent ac ne cum finitimis qui-
9 dem ullo commercii iure miscentur. Ipsa solitudo natura
quoque immitia efferavit ingenia: prominent ungues nun-
10 quam recisi: comae hirsutae et intonsae sunt. Tuguria
conchis et ceteris purgamentis maris instruunt. Ferarum
pellibus tecti, piscibus sole duratis et maiorum quoque
11 beluarum, quas fluctus eiecit, carne vescuntur. Consum-
ptis igitur alimentis Macedōnes primo inopiam, deinde ad
ultimum famem sentire coeperunt, radices palmarum —
12 namque sola ea arbor gignitur — ubique rimantes. Sed
quum haec quoque alimenta defecerant, iumenta cadere
aggressi ne equis quidem abstinebant: et quum deessent,
quae sarcinas veherent, spolia de hostibus, propter quae
13 ultima orientis peragraverant, cremabant incendio. Fa-
mem deinde pestilentia secuta est: quippe insalubrium
ciborum novi suci, ad hoc itineris labor et aegritudo animi
vulgaverant morbos, et nec manere sine clade nec pro-
gredi poterant: manentes famēs, progressos acrior pesti-
14 lentia urgebat. Ergo strati erant campi paene pluribus

semivivis, quam cadaveribus. Ac ne levius quidem aegri sequi poterant: quippe agmen raptim agebatur, tantum singulis ad spem salutis ipsos proficere credentibus, quantum itineris festinando praeciperent. Igitur, qui defece-¹⁵ rant, notos ignotosque, ut allevarentur, orabant: sed nec iumenta erant, quibus excipi possent, et miles vix arma portabat, imminentisque et ipsis facies mali ante oculos erat. Ergo saepius revocati ne respicere quidem suos sustinebant, misericordia in formidinem versa. Illi relict¹⁶ deos testes et sacra communia regisque implorabant opem, quumque frustra surdas aures fatigarent, in rabiem desperatione versa, parem suo exitum similesque ipsis amicos et contubernales precabantur.

(41) Rex dolore simul ac pudore anxius, quia causa¹⁷ tantae cladis ipse esset, ad Phrataphernen Parthienorum satrapen misit, qui iuberet camelis cocta cibaria afferre, aliosque finitimarum regionum praefectos certiores necessitatis suae fecit. Nec cessatum est ab his. Itaque fame¹⁸ dumtaxat vindicatus exercitus tandem in Cedrosiae fines perducitur. Omnium rerum sola fertilis regio est, in qua stativa habuit, ut vexatos milites quiete firmaret. Hic¹⁹ Leonnāti litteras accepit, conflixisse ipsum cum octo milibus peditum et trecentis equitibus Oritarum prospero eventu. A Cratēro quoque nuntius venit, Ozīnen et Zari-²⁰ aspen, nobiles Persas, defectionem molientes oppressos a se, in vinculis esse. Praeposito igitur regioni Sibyrtio, (namque Menon, praefectus eius, nuper interierat morbo) in Carmaniam ipse processit. Aspastes erat satrapes gen-²¹ tis, suspectus, res novare voluisse, dum in India rex est. Quem occurrentem, dissimulata ira, comiter allocutus, dum²² exploraret, quae delata erant, in eodem honore habuit.

(42) Quum inde praefecti, sicut imperatum erat, equorum iumentorumque iugalium vim ingentem ex omni, quae sub imperio erat, regione misissent, quibus deerant impedimenta, restituit. Arma quoque ad pristinum re-²³ fecta sunt cultum: quippe haud procul a Perside aberant, non pacata modo, sed etiam opulenta. Igitur, ut supra²⁴ dictum est, aemulatus Patris Libēri non gloriam solum,

quam ex illis gentibus deportaverat, sed etiam famam, sive illud triumphus fuit ab eo primum institutus, sive bacchan-
 25 elato. Vicos, per quos iter erat, floribus coronisque sterni iubet, liminibus aedium crateras vino repletas et alia eximiae magnitudinis vasa disponi: vehicula deinde con-
 26 strata, ut plures capere milites possent, in tabernaculo-
 rum modum ornari, alia candidis velis, alia veste pretiosa.
 27 Primi ibant amici et cohors regia, variis redimita floribus coronisque: alibi tibicinum cantus, alibi lyrae sonus au-
 diebatur: item in vehiculis pro copia cuiusque adornatis comissabundus exercitus, armis, quae maxime decora
 erant, circumpendentibus. Ipsum convivaeque currus ve-
 28 hebat, crateris aureis eiusdemque materiae ingentibus po-
 culis prae-gravis. Hoc modo per dies septem bacchabun-
 dum agmen incessit, parata praeda, si quid victis saltem
 adversus comissantes animi fuisset: mille hercule, viri
 modo et sobrii, septem dierum crapula graves in suo tri-
 29 umpho capere potuerunt. Sed fortuna, quae rebus famam
 pretiumque constituit, hoc quoque militiae probrum vertit
 in gloriam. Et praesens aetas et posteritas deinde mirata
 est, per gentes nondum satis domitas incessisse temulen-
 30 tibus. Hunc apparatus carnifex sequebatur: quippe sa-
 trapes Aspastes, de quo ante dictum est, interfici iussus
 est. Adeo nec luxuriae quicquam crudelitas nec crudeli-
 tati luxuria obstat.

LIBER X.

ARGUMENTUM.

I. Cleander ceterique praefecti copiarum, quae in Media relictæ fue-
 rant, scelorum in provincia admissorum poenas dant. Nearchi et
 Onesicriti adventus. Alexandri de orbe terrarum subigendo consi-
 lia. Orsines, Persa nobilissimus, insons supplicio afficitur. Litte-
 rae ex India et Europa. II. Dum Alexander Susis stativa habens
 Graeciam motam pacare, ex militibus aere alieno liberatis seniores

domum remittere, reliquos retinere cogitat, in castris oritur seditio, quam gravi oratione et regia auctoritate compescit. III. IV. Seditiosis supplicio affectis, Asiaticorum militum concione advocata, eorum se opera posthac usurum dicit iisque corporis custodiam committit. Militum suorum poenitentia non movetur. [Sequitur magna lacuna.] V. Rex moribundus exercitum salutatur. Dicta et gesta eius ante obitum. Quantum a suis fuerit desideratus, praecipue vero a Darei matre, quae, audita eius morte, voluntariam mortem obit. Alexandri virtutes et vitia. VI. De rege, qui Alexandrum exciperet, inter Macedonas consultatio et variae sententiae. VII. Arrhidaem, Philippi ex pellice filium, fratrem Alexandri, regem salutatur Meleager: filio Alexandri ex Roxane futuro Perdiccam et Leonnatum tutores destinatur Pithon. Regiam peditibus stipatus irrumpit Arrhidaeus cum Meleagro: equitibus comitibus ex urbe excedere statuunt Perdiccas et Leonnatus. VIII. Perdiccas e vitae periculo servatus, campis occupatis, Babylonem fame premit. Arrhidaeus autem pacis studiosus tumultum media quadam ratione componere conatur. IX. Perdiccas, dum patrio more exercitum lustrat, Meleagrum et trecentos fere alios discordiae auctores dolo opprimit. X. Alexandri imperium dividit Perdiccas, summam Arrhidaeo et sibi, provincias copiarum ducibus tribuens. Rumor de Alexandro veneno necato. Corpus eius Aegyptiorum et Chaldaeorum more curatum Ptolemaeus Alexandriam transfert.

CAP. I.

(1 ed. Zumpt.) Iisdem fere diebus Cleander et Sital- 1
ces et cum Agathōne Heräcon superveniunt, qui Parme-
niōnem iussu regis occiderant, quinque milia peditum cum
equitibus mille [adducentes]. Sed et accusatores eos e 2
provincia, cui praefuerant, sequebantur: nec tot facinora,
quot admiserant, compensare poterant caedis perquam
gratae regi ministerio. Quippe quum omnia profana spo- 3
liassent, ne sacris quidem abstinerant, virginesque et
principes feminarum stupra perpessae corporum ludibria
deflebant. Invisum Macedōnum nomen avaritia eorum ac 4
libido barbaris fecerat. Inter omnes tamen eminebat Cle- 5
andri furor, qui nobilem virginem constupratam servo
suo pellicem dederat. Plerique amicorum Alexandri non 6
tam criminum, quae palam obiiciebantur, atrocitatem, quam
memoriam occisi per illos Parmeniōnis, quod tacitum pro-
desse reis apud regem poterat, intuebantur, laeti, recidis-
se iram in irae ministros nec ullam potentiam scelere quae-

7 **sitam** cuiquam esse diuturnam. Rex, cognita causa, pronuntiavit, ab accusatoribus unum et id maximum crimen esse praeteritum, desperationem salutis suae: nunquam enim talia ausuros, qui ipsum ex India sospitem aut op-
8 tassent reverti aut credidissent reversurum. Igitur hos quidem vinxit, DC autem militum, qui saevitiae eorum ministri fuerant, interfici iussit. Eodem die sumptum est supplicium de iis quoque, quos auctores defectionis Persarum Cratērus adduxerat.

10 (2) Haud multo post Nearchus et Onesicritus, quos longius in Oceānum procedere iusserat, superveniunt. Nuntiabant autem quaedam audita, alia comperta: insulam ostio amnis subiectam auro abundare, inopem equorum esse: singulos eos compererant ab iis, qui ex continenti
11 traicere auderent, singulis talentis emi. Plenum esse belluarum mare: aestu secundo eas ferri, magnarum navium corpora aequantes: truci cantu deterritas sequi classem cum magno aequoris strepitu, velut demersa navigia, sub-
12 isse aquas. Cetera incolis crediderant, inter quae, rubrum mare non a colore undarum, ut plerique crederent, sed
13 ab Erȳthro rege appellari: esse haud procul a continenti insulam palmis frequentibus consitam et in medio fere nemore columnam eminere, Erȳthri regis monumentum, literis gentis eius scriptam. Adiciebant, navigia, quae lixas mercatoresque vexissent, famam auri secutis gubernatoribus, in insulam esse transmissa nec deinde ab his
14 postea visa. Rex cognoscendi plura cupidine accensus rursus eos terram legere iubet, donec ad Euphrātis ostia appellerent classem: inde adverso amne Babyloña subituros.

17 (3) Ipse animo infinita complexus statuerat, omni ad orientem maritima regione perdomita, ex Syria petere Africam, Carthagini infensus, inde, Numidiaie solitudinibus peragratiss, cursum Gadis dirigere, — ibi namque columnas Hercūlis esse fama vulgaverat, — Hispanias deinde, quas Iberiam Graeci a flumine Ibēro vocabant, adire et praetervehi Alpes Italiaeque oram, unde in Epīrum brevis
18 cursus est. Igitur Mesopotamiae praetoribus imperavit,

materia in Libāno monte caesa devectaque ad urbem Syriae Thapsācum, septingentarum carinas navium ponere: septiremes omnes esse deducique Babyloniam. Cypriorum regibus imperatum, ut aes stuppamque et vela praeberent.

Haec agenti Pori et Taxilis regum litterae traduntur, 20 Abisāren morbo, Philippum, praefectum ipsius, ex vulnerere interisse oppressosque, qui vulnerassent eum. Igitur Philippo substituit Eudaemonem (dux erat Thracum), Abisāris regnum filio eius attribuit.

(4) Ventum est deinde Persagāda. Persica A. 324 22
 est gens, cuius satrapes Orsīnes erat, nobilitate a. Chr. n. ineunte.
 ac divitiis inter omnes barbaros eminens. Genus Ol. 113, 4. 23
 ducebat a Cyro, quondam rege Persarum: opes et a maioribus traditas habebat et ipse longa imperii possessione cumulaverat. Is regi cum omnis generis donis, non ipsi modo ea, sed etiam amicis eius daturus, occurrit. Equorum domiti greges sequebantur currusque argento et auro adornati, pretiosa supellex et nobiles gemmae, aurea magni ponderis vasa vestesque purpureae et signati argenti talentū tria milia. Ceterum tanta benignitas bar- 25
 baro causa mortis fuit. Nam quum omnes amicos regis donis super ipsorum vota coluisset, Bagōae spadoni, qui Alexandrum obsequio corporis devinxerat sibi, nullum honorem habuit. Admonitusque a quibusdam, quam Ale- 26
 xandro cordi esset, respondit, amicos regis, non scorta se colere nec moris esse Persis, mares ducere, qui stupro effeminarentur. His auditis, spado potentiam flagitio et 27
 dedecore quaesitam in caput nobilissimi et insontis exercuit. Namque gentis eiusdem levissimos falsis criminibus adstruxit, monitos, tum demum ea deferre, quum ipse iussisset. Interim, quotiens sine arbitris erat, credulas 28
 regis aures implebat, dissimulans causam irae, quo gravior criminantis auctoritas esset. Nondum suspectus erat 29
 Orsīnes, iam tamen vilior. Reus enim in secreto agebatur, latentis periculi ignarus: et importunissimum scortum, ne in stupro quidem et dedecoris patientia fraudis oblitum, quotiens amorem regis in se accenderat,

Orsīnem modo avaritiae, interdum etiam defectionis arguebat.

30 (5) Iam matura erant in perniciem innocentis mendacia, et fatum, cuius inevitabilis sors est, appetebat. Forte enim sepulcrum Cyri Alexander iussit aperiri, in quo erat
31 conditum eius corpus, cui dare volebat inferias. Auro argentoque repletum esse crediderat, — quippe ita fama Persae vulgaverant, — sed praeter clypeum eius putrem
32 et arcus duos Scythicos et acinacem nihil repperit. Ceterum, corona aurea imposita, amiculo, cui assueverat ipse, solium, in quo corpus iacebat, velavit, miratus, tanti nominis regem, tantis praeditum opibus, haud pretiosius
33 sepultum esse, quam si fuisset e plebe. Proximus erat lateri spado: qui regem intuens, *Quid mirum*, inquit, *est, inania sepulcra esse regum, quum satraparum domus au-*
34 *rum inde egestum capere non possint? Quod ad me attinet, ipse hoc bustum antea non videram: sed ex Darēo ita ac-*
35 *cepi, tria milia talentum condita esse cum Cyro. Hinc illa benignitas in te, ut, quod impune habere non poterat Orsī-*
36 *nes, donando etiam gratiam iniret.* Concitaverat iam animum in iram, quum hi, quibus negotium idem dederat, superveniunt. Hinc Bagōas, hinc ab eo subornati falsis
37 criminibus occupant aures. Antequam accusari se suspicaretur Orsīnes, in vincula est traditus. Non contentus supplicio insontis spado, ipse morituro manum iniecit. Quem Orsīnes intuens, *Audieram*, inquit, *in Asia olim regnasse feminas: hoc vero novum est, regnare castratum.*
38 Hic fuit exitus nobilissimi Persarum, nec insontis modo,
39 sed eximiae quoque benignitatis in regem. Eodem tempore Phradātes regnum affectasse suspectus occiditur. Coeperat esse praeceps ad repraesentanda supplicia, item
40 ad deteriora credenda. Scilicet res secundae valent commutare naturam, et raro quisquam erga bona sua satis cautus est. Idem enim paulo ante Lyncesten Alexandrum
41 delatum a duobus indicibus damnare non sustinuerat, humiliores quoque reos contra suam voluntatem, quia ceteris videbantur insontes, passus absolvi: hostibus victis
42 regna reddiderat: ad ultimum contra tantum ab semet-

ipso degeneravit, ut, invictus quondam adversus libidinem animi, arbitrio scorti aliis regna daret, aliis adimeret vitam.

(6) Iisdem fere diebus litteras a Coeno accipit de re-⁴³ bus in Europa et Asia gestis, dum ipse Indiam subegit. Zopyrio, Thraciae praepositus, quum expeditionem in⁴⁴ Getas faceret, tempestatibus procellisque subito coortis, cum toto exercitu oppressus erat. Qua cognita clade⁴⁵ Seuthes Odrÿsas, populares suos, ad defectionem compulerat. Amissa propemodum Thracia, ne Graecia quidem * *

[Freinsheimii Supplementum.]

[tumultibus inconcussa mansit. Nam Alexander, punita satraparum quorundam insolentia, quam, dum in extremo orbe Indorum armis attingitur, per summa scelera atque flagitia in provinciales exercuerant, ceterorum metum intenderat: qui in paribus delictis idem admissorum praemium expectantes in mercenariorum militum fidem confugiebant, illorum manibus, si ad supplicium poscerentur, salutem suam tutaturi: aut pecunia, quanta poterat, coacta, fugam inibant. Ea re cognita, litterae ad omnes Asiae praetores missae sunt, quibus inspectis e vestigio omnes peregrinos milites, qui stipendia sub ipsis facerent, dimittere iubebantur. Erat inter eos Harpalus, quem Alexander, quod ob ipsius amicitiam olim a Philippo eiectus solum vertisset, inter fidissimos habebat et post Mazaei mortem satrapia Babyloniae donaverat thesaurorumque custodiae praefecerat. Is igitur, quum fiduciam, quam in propensissima regis gratia habere poterat, magnitudine flagitiorum consumpsisset, quinque talentum milia ex gaza regia rapit conductaque sex milium mercenariorum manu in Europam evadit. Iampridem enim luxu et libidinibus in praeceps tractus desperataque apud regem venia adversus iram ipsius in alienis opibus subsidium circumspicere coeperat: et Athenienses, quorum non contemnendam potentiam et apud ceteros Graecos auctoritatem, tum occultum in Macedonas odium norat, sedulo coluerat. Itaque spem suis faciebat, Athenienses, adventu suo cognito copiisque et pecuniis, quas adduceret, coram inspectis, protinus arma consiliaque sociaturos esse. Nam apud populum imperitum et mobilem per homines improbos et avaritia venales omnia se muneribus consecuturum existimabat.]

CAP. II.

(7) Igitur triginta navibus Sunium transmittunt (pro-¹ montorium est Atticae terrae), unde portum urbis petere

2 decreverant. His cognitis, rex Harpālo Atheniensibus-
 que iuxta infestus classem parari iubet, Athēnas protinus
 3 petiturus. Quod consilium quum clam agitat, litterae ei
 redduntur, Harpālum intrasse quidem Athēnas, pecunia
 conciliasse sibi principum animos, mox, concilio plebis
 habito, iussum urbe excedere ad Graecos milites perve-
 4 brōne per insidias. His laetus in Europam traiciendi
 consilium omisit: sed exules praeter eos, qui civili san-
 guine aspersi erant, recipi ab omnibus Graecorum civita-
 5 tibus, quīs pulsi erant, iussit. Et Graeci haud ausi impe-
 rium aspernari, quamquam solvendarum legum id prin-
 cipium esse censebant, bona quoque, quae extarent, re-
 6 stituere damnatis. Soli Athenienses non suae modo, sed
 etiam publicae vindices [libertatis], colluvionem ordinum
 omnium quia aegre ferebant, non regio imperio, sed legi-
 7 bus moribusque patriis regi assueti. Prohibuere igitur
 exules finibus, omnia potius toleraturi, quam purgamenta
 quondam urbis suae, tunc etiam exilii, admitterent.
 8 (8) Alexander, senioribus militum in patriam A. 324
 remissis, tredecim milia peditum et duo milia a. Chr. n.
 equitum, quae in Asia retineret, eligi iussit, exi- ol. 113, 4.
 stimans, modico exercitu continere posse Asiam, quia
 pluribus locis praesidia disposuisset: nuperque conditas
 urbes, quas colonis repletset, res novare cupientibus ob-
 9 stare credebat. Ceterum priusquam secerneret, quos
 erat retenturus, edixit, ut omnes milites aes alienum pro-
 fiterentur. Grave plerisque esse compererat: et quam-
 quam ipsorum luxu contractum erat, dissolvere tamen
 10 ipse decreverat. Illi tentari ipsos rati, quo facilius ab in-
 tegris sumptuosos discerneret, prolatando aliquantum ex-
 traxerant temporis. Et rex satis gnarus, professioni aeris
 pudorem, non contumaciam obstare, mensas totis castris
 11 poni iussit et decem milia talentū proferri. Tum demum
 [cum] fide facta professio est, nec amplius ex tanta pecunia
 quam centum et triginta talenta superfuere. Adeo ille
 exercitus, tot divitissimarum gentium victor, plus tamen
 victoriae quam praedae deportavit ex Asia.

(9) Ceterum ut cognitum est, alios remitti domos, 12 alios reuineri, perpetuam eum regni sedem in Asia habiturum rati, vecordes et disciplinae militaris immemores seditiosis vocibus castra complent regemque ferocius quam alias adorti omnes simul missionem postulare coeperunt, deformia ora cicatricibus canitiemque caput ostentantes. Nec aut praefectorum castigatione aut verecundia 13 regis deterriti tumultuoso clamore et militari violentia volentem loqui inhihebant, palam professi, nusquam inde, nisi in patriam, vestigium esse moturos. Tandem silentio 14 facto, magis quia motum esse credebant, quam quia ipsi moveri poterant, quidnam acturus esset, expectabant. Ille, *Quid haec, inquit, repens consternatio et tam procax* 15 *atque effusa licentia denuntiat? Eloqui metuo: palam certe rupistis imperium, et precario rex sum, cui non alloquendi, non noscendi monendique aut intuendi vos ius reliquistis. Equidem, quum alios dimittere in patriam, alios mecum* 16 *paulo post deportare statuerim, tam illos acclamantes video, qui abituri sunt, quam hos, cum quibus praemissos subsequi statui. Quid hoc est rei? dispari in causa idem omnium* 17 *clamor est. Pervelim scire, utrum, qui discedunt, an, qui retinentur, de me querantur.* Crederes, uno ore omnes sus- 18 tulisse clamorem: ita pariter ex tota concione responsum est, omnes queri.

(10) Tum ille, *Non hercule, inquit, potest fieri, ut ad-* 19 *ducar, querendi simul omnibus hanc causam esse, quam ostenditis, in qua maior pars exercitus non est, utpote quum plures dimiserim, quam retenturus sum. Subest nimirum* 20 *altius malum, quod omnes avertit a me. Quando enim regem universus deseruit exercitus? Ne servi quidem uno grege profugiunt dominos, sed est quidam in illis pudor a ce-* 21 *teris destitutos relinquendi. Verum ego tam furiosae con-* 22 *sternationis oblitus remedia insanabilibus conor adhibere. Omnem hercule spem, quam ex vobis conceperam, damno nec ut cum militibus meis, — iam enim esse desistis, — sed ut cum ingrattissimis operis agere decrevi. Secundis rebus,* 22 *quae circumfluunt vos, insanire coepistis, obliti status eius, quem beneficio exuistis meo, digni hercule, qui in eodem con-*

senescatis, quoniam facilius est vobis, adversam quam se-
 23 cundam regere fortunam. En tandem! Illyriorum paulo
 ante et Persarum tributariis Asia et tot gentium spolia fa-
 stidio sunt. Modo sub Philippo seminudis amacula ex pur-
 pura sordent, aurum et argentum oculi ferre non possunt:
 lignea enim vasa desiderant et ex cratibus scuta rubiginem-
 24 que gladiatorum. Hoc cultu nitentes vos accepi, et quingenta
 talenta aeris alieni, quum omnis regia supellex haud am-
 plius quam sexaginta talentorum esset, meorum operum fun-
 damenta: quibus tamen — absit invidia! — imperium ma-
 25 ximae terrarum partis imposui. Asiaene pertaesum est,
 quae vos gloria rerum gestarum diis pares fecit? In Eu-
 ropam ire properatis, rege deserto, quum pluribus vestrum
 defuturum viaticum fuerit, ni aes alienum luissem, nempe
 26 in Asiatica praeda. Nec pudet profundo ventre devictarum
 gentium spolia circumferentes reverti velle ad liberos con-
 iugesque, quibus pauci praemia victoriae potestis ostendere.
 Nam ceterorum, dum etiam spei vestrae obviam istis, arma
 27 quoque pignori sunt. Bonis vero militibus cariturus sum,
 pellicum suarum concubinis: quibus hoc solum ex tantis
 opibus superest, in quod impenditur. Proinde fugientibus
 me pateant limites: facessite hinc ocius, ego cum Persis ab-
 euntium terga tutabor. Neminem teneo: liberate oculos meos,
 28 ingratis cives. Laeti vos excipient parentes liberique
 sine vestro rege redeuntes: obviam ibunt desertoribus trans-
 29 fugisque. Triumphabo mehercule de fuga vestra et, ubi-
 cunque ero, expetam poenas hos, cum quibus me relin-
 quitis, colendo praeferendoque vobis. Iam autem scietis,
 et quantum sine rege valeat exercitus et quid opis in me
 uno sit.

30 (11) Desiluit deinde frendens de tribunali et in me-
 dium armatorum agmen se immisit, notatos quoque, qui
 ferocissime oblocuti erant, singulos manu corripuit nec
 ausos repugnare tredecim asservandos custodibus corpo-
 ris tradidit.

CAP. III.

1 Quis crederet, saevam paulo ante concionem obtor

puisse subito metu et, quum ad supplicium videret trahi nihil ausos graviora quam ceteros, * *

[tam effusam antea licentiam atque seditiosam militum violentiam ita 2 compressam, ut non modo nullus ex omnibus irruenti regi restiterit, verum etiam cuncti pavore exanimati, attonitis similes, quid de ipsis quoque rex statuendum censeret, suspensa mente expectarent. Itaque]

sive nominis, quod gentes, quae sub regibus sunt, inter 3 deos colunt, sive propria ipsius veneratio, sive fiducia tanta vi exercentis imperium conterruit eos: singulare 4 certe ediderunt patientiae exemplum adeoque non sunt accensi supplicio commilitonum, quum sub noctem interfectos esse cognoscent, ut nihil omiserint, quod singuli magis obedienter et pie facerent. Nam quum postero 5 die prohibiti aditu regis essent, Asiaticis modo militibus admissis, lugubrem totis castris edidere clamorem, denuntiantes, protinus esse morituros, si rex perseveraret irasci.

(12) At ille, pervicacis ad omnia, quae agitasset, 6 animi, peregrinorum militum concionem advocari iubet, Macedonibus intra castra cohibitis: et quum frequentes coissent, adhibito interprete, talem orationem habuit: *Quum ex Europa traicerem in Asiam, multas nobiles gen- 7 tes, magnam vim hominum imperio meo me additurum esse sperabam. Nec deceptus sum, quod de his credidi fama. 8 Sed ad illa hoc quoque accessit, quod video fortes viros erga reges suos pietatis invictae. Luxu omnia fluere credideram 9 et nimia felicitate mergi in voluptates. At hercule, munia militiae hoc animorum corporumque robore aequae impigre toleratis et, quum fortes viri sitis, non fortitudinem magis quam fidem colitis. Hoc ego nunc primum profiteor, sed 10 olim scio. Itaque et delectum e vobis iuniorum habui et vos meorum militum corpori immiscui. Idem habitus, eadem arma sunt vobis, obsequium vero et patientia imperii longe praestantior est, quam ceteris. Ergo ipse Oxyartis Persae 11 filiam mecum in matrimonio iunxi, non dedignatus ex captiva liberos tollere. Mox deinde, quum stirpem generis 12 mei latius propagare cuperem, uxorem Darēi filiam duxi proximisque amicorum auctor fui ex captivis generandi li-*

*beros, ut hoc sacro foedere omne discrimen victi et victoris
 13 excluderem. Proinde genitos esse vos mihi, non uscitos mi
 lites credite. Asiae et Europae unum atque idem regnum
 est. Macedonum vobis arma do. Inveteravi peregrinam
 14 novitatem, et cives mei estis et milites. Omnia eundem du-
 cunt colorem: nec Persis Macedonum morem adumbrare
 nec Macedonibus Persas imitari indecorum. Eiusdem iuris
 esse debent, qui sub eodem rege victuri sunt. * * **

[Supplementum.]

15 [Hac oratione habita, Persis corporis sui custodiam credidit,
 Persas satellites, Persas apparitores fecit. Per quos quum Mace-
 dones, qui huic seditioni occasionem dedissent, vincti ad supplicia
 traherentur, unum ex iis auctoritate et aetate gravem ad regem ita
 locutum ferunt.]

CAP. IV.

1 (13) *Quousque, inquit, animo tuo etiam per supplicia,
 et quidem externi moris, obsequeris? Milites tui, cives tui,
 incognita causa, captivis suis ducentibus, trahuntur ad poe-
 nam. Si mortem meruisse iudicas, saltem ministros sup-
 2 plicii muta. Amico animo, si veri patiens fuisset, admo-
 nebatur, sed in rabiem ira pervenerat. Itaque rursus —
 nam parumper, quibus imperatum erat, dubitaverant —
 3 mergi in amnem, sicut vincti erant, iussit. Ne hoc quidem
 supplicium seditionem militum movit. Namque copiarum
 duces atque amicos eius manipuli adeunt, petentes, ut, si
 quos adhuc pristina noxa iudicaret esse contactos, iuberet
 interfici: offerre se corpora irae: trucidaret. * * **

[Supplementum Freinsheimii.]

[Tandem prae dolore vix mentis compotes universi concurrunt
 ad regiam armisque ante fores proiectis, tunicati astantes, nuda et
 obnoxia poenis corpora admitti flentes orabant. Non se deprecari,
 quin suppliciis sontium expiarentur, quae per contumaciam deli-
 quissent. Regis iracundiam sibi morte tristioresse. Quumque
 dies noctesque ante regiam persistentes miserabili clamore habitu-
 que poenitentiam suam approbarent, biluum tamen adversus hu-
 millimas suorum preces iracundia regis duravit. Tertio die victus

constantia supplicum processit incusataque leniter exercitus immodestia, non sine multis utrimque lacrimis, in gratiam se cum ipsis redire professus est. Digna tamen res visa est, quae maioribus hostiis expiaretur. Itaque sacrificio magnifice perpetrato, Macedonum simul Persarumque primores invitavit ad epulas. Novem milia eo convivio excepisse proditum est memoriae eosque omnes, invitante rege, ex eodem cratere libavisse, Graecis barbarisque vatibus tum alia fausta vota praeceuntibus, tum imprimis, ut ea utriusque imperii in idem corpus coalita societas perpetua foret. Maturata deinde est missio, et infirmissimus quisque exauctorati. Amicorum quoque seniorum quibusdam commeatum dedit: ex quibus Clitus, cognomento Albus, Gorgiasque et Polydamas et Antigenes fuere. Abuentibus non modo praeteriti temporis stipendia cum fide persolvit, verum etiam talentum adiecit in singulos milites, viatici nomine. Filios ex Asiaticis uxoribus susceptos (ad decem milia fuisse traduntur) apud se relinqui iussit, ne in Macedoniam cum parentibus transgressi et coniugibus liberisque prioribus permixti familias singulorum contentionibus et discordiis implerent, sibi curae fore pollicitus, ut patrio more instituti militiae artes edocerentur. Ita supra decem veteranorum milia dimissa sunt, additusque est Craterus, qui eos deduceret, ex praecipuis regis amicis. Cui si quid humanitus accidisset, Polyperconti parere iussi sunt. Litteris etiam ad Antipatrum scriptis honorem emeritis haberi praecepit, ut, quotiens ludi atque certamina ederentur, in primis ordinibus coronati spectarent, utque fato functorum liberi etiam impuberes in paterna stipendia succederent. Craterum Macedoniae continentibusque regionibus cum imperio praeesse placuit, Antipatrum cum supplemento iuniorum Macedonum ad regem pergere. Verebatur enim, ne per discordiam praefecti cum Olympiade gravis aliqua clades acciperetur. Nam multas ad Alexandrum epistolas mater, multas Antipater miserat, vicissimque alter alterum arroganter et acerbè pleraque facere criminabantur, quae ad dedecus aut detrimentum regiae maiestatis pertinerent. Postquam enim rumor occisi regis temere vulgatus in Macedoniam penetravisset, mater eius sororque Cleopatra tumultuatae fuerant, et haec quidem paternum regnum, Olympias Epirum invaserat. Forte, dum eiusmodi litterae redduntur, Hephæstion assuetus, omnium arcanorum se participem haberi, resignatas ab Alexandro simul inspiciebat. Neque vetuit eum rex, sed detractum digito anulum ori legentis admovit, nihil eorum, quae perscripta essent, in alios efferendum significans. Incusasse autem ambos fertur et matris insolentia permotus exclamasse, eam pro habitatione decem mensium, quam in utero sibi praeberisset, gravem mercedem exigere: Antipatrum vero suspectum habuisse, quasi parta ex Spartanis victoria tollentem animos et imperio tot iam in annos prorogato supra praefecti modum elatum. Itaque quum eius gravitas atque integritas a quibusdam praedicaretur, subiecit, exte-

rius quidem album videri, sed, si penitus introspectiatur, totum esse purpureum. Pressit tamen suspicionem suam neque ullum manifestius abalienati animi indicium praetulit. Credidere tamen plerique, Antipatrum, evocari se supplicii causa ratum, impiis machinationibus regiae mortis, quae paulo post secuta est, auctorem extitisse.

Interea rex, ut imminuti exercitus detrimenta sarciret, optimum quemque Persarum in Macedonicos ordines allegit: mille etiam praestantissimos segregavit ad propiorem sui corporis custodiam: aliam hastatorum manum, haud pauciores decem milibus, circa regium tabernaculum excubias agere iussit. Haec agenti Peucestes supervenit cum viginti sagittariorum funditorumque milibus, quos ex sua provincia coëgerat. His per exercitum distributis, profectus est Susis et, Pasitigri amne transmisso, apud Caras castra metatus est: inde, quadriduo per Sittacenen ductis copiis, Sambana processit, ubi per septem dies quietum agmen tenuit. Tridui deinde itinere emenso, Celonas perventum est. Oppidum hoc tenent Boeotia profecti, quos Xerxes sedibus suis excitos in orientem transtulit: servabantque argumentum originis peculiari sermone, ex Graecis plerumque vocibus constante: ceterum ob commerciorum necessitatem finitimorum barbarorum lingua utebantur. Inde Bagistanen ingressus est, regionem opulentam et abundantem arborum amoeno et fecundo foetu ceterisque ad vitae non usum modo, verum etiam delectationem pertinentibus. Gravis inter haec Eumeni cum Hephaestione simultas inciderat. Nam servos Eumenis diversorio, quod pro hero suo anteceperant, Hephaestio proturbavit, ut Enius tibicen eo reciperetur. Neque multo post, quum iam sopita odia viderentur, nova exorta contentione adeo recruderunt, ut etiam in atrox iurgium et acerba utrimque convicia prorumperent. Sed Alexandri interventu imperioque inimicitiae saltem in speciem abolitae sunt: quum ille quidem Hephaestioni etiam minatus esset, qui in flagrantissima regis gratia positus quamquam cupidum reconciliationis Eumenem pertinacius aversabatur.

Perventum deinde est in Mediae campos, ubi maximi equorum greges pascebantur. Nisaeos appellant, magnitudine et specie insignes. Supra quinquaginta milia ibi reperta, quum Alexander eo transiret, a comitibus illius annotatum est: olim triplo plures fuisse, sed inter bellorum turbas maximam eorum partem praedones abegisse. Ad triginta dies ibi substitit rex. Eo Atropates, Mediae satrapa, centum barbaras mulieres adduxit, equitandi peritas pel-tisque et securibus armatas: unde quidam crediderunt, Amazonum ex gente reliquias fuisse. Septimis deinde castris Ecbatana attigit, Mediae caput. Ibi sollemnia diis sacrificia fecit ludosque edidit et in convivia festosque dies laxavit animum, ut mox in novorum operum curam atque ministeria validior intenderetur. Sed ista volventem, velut iniecta manu, fatum alio traxit vitamque carissimo ami-

corum eius neque multo post ipsi quoque regi extorsit. Pueros in stadio certantes spectabat, quum nuntiatur, deficere Hephaestionem, qui, morbo ex crapula contracto, septimum iam diem decumbebat. Exterritus amici periculo statim consurgit et ad hospitium illius celeriter pergit: neque tamen prius eo pervenit, quam illum mors occupasset. Id regi omnium, quae in vita pertulerat, adversorum luctuosissimum accidisse certum habetur, eumque magnitudine doloris in lacrimas et lamenta victum multa animi de gradu deiectionis argumenta edidisse. Sed ea quidem varie traduntur: illud inter omnes constat, ut quam decentissimas exequias ei duceret, noluisse Ecbatanis sepeliri, sed Babylonem, quo ipse concessurus erat, a Perdicca deferri curasse ibique funus inaudito antehac exemplo duodecim talentum milibus locavisse. Per universum certe imperium lugeri eum iussit: et ne memoria eius in exercitu exolesceret, equitibus, quibus praefuerat, nullum praefecit ducem, sed Hephaestionis alam appellari voluit et, quae ille signa instituisset, ea non immutari. Funebria certamina ludosque, quales nunquam editi fuissent, meditata tria artificum milia coegit: qui non multo post in ipsius exequiis certasse feruntur. Nec amici tam effuso affectu ad conciliandam eius gratiam segniter usi certatim repperere, per quae memoria defuncti clarior honoratioque fieret. Igitur Eumenes, quum se ob simultatem cum Hephaestione regis indignationem incurrisse sensisset, multis auctor fuit seque et arma sua Hephaestioni consecrandi pecuniasque ad cohonestandum funus large contulit. Hoc exemplum imitati sunt ceteri: eoque mox processit assentationum impudentia, ut regi maerore et desiderio defuncti insanienti persuasum tandem fuerit, deum esse Hephaestionem. Quo quidem tempore ex copiarum ducibus Agathocles Samius ad extremum periculi venit, quod illius tumulum praeteriens illacrimasse visus esset. Ac nisi Perdiccas, venanti sibi Hephaestionem apparuisse ementitus, per deos omnes ipsumque Hephaestionem deierasset, ex ipso se cognovisse, Agathoclem non ut mortuum et vanae divinitatis titulis frustra ornatum flevisse, verum ob memoriam pristinae sodalitatis lacrimas non tenuisse, vir fortis et de rege bene meritis pietatis in amicum graves poenas innoxio capite pendisset.

Ceterum ut paulisper a luctu avocaret animum, in Cossaeorum gentem expeditionem suscepit. Iuga Mediae vicina Cossaei tenent, asperum et acre genus et praedando vitam tolerare solitum. Ab his Persarum reges annuo tributo pacem redimere consueverant, ne in subiecta decurrentes infestam latrocinii regionem facerent. Nam vim tentantes Persas facile reppulerant, asperitate locorum defensi, in quae se recipiebant, quotiens armis superabantur. Iidem munerebus quotannis placabantur, ut regi Ecbatani, ubi aestiva solebat agere, Babylonem remigranti tutus per ea loca transitus esset. Hos igitur Alexander bipartito agmine aggressus intra quadraginta dies perdomuit. Nam ab ipso rege et Ptolemaeo, qui partem exercitus

ducebat, saepe caesi, ut captivos suos reciperent, permisere se victori Ille validas urbes opportunis locis extrui iussit, ne, abducto exercitu, fera gens obedientiam exueret. Motis inde castris, ut militem expeditione recenti fessum reficeret, lento agmine Babylonem procedebat. Iamque vix triginta ab urbe stadiis aberat, quum Nearchus occurrit, quem per Oceanum et Euphratis ostia Babylonem praemiserat: orabatque, ne fatalem sibi urbem vellet ingredi. Comptum id sibi ex Chaldaeis, qui multis iam praedictionum eventibus artis suae certitudinem abunde probavissent. Rex fama eorum hominum constantique asseveratione motus, dimissis in urbem amicorum plerisque, alia via praeter Babylonem ducit ac ducentis inde stadiis stativa locat. Sed ab Anaxarcho philosopho edoctus, contemptis Chaldaeorum monitis, quorum disciplinam inanem aut supervacuam arbitrabatur, urbem intrat. Legationes eo ex universo ferme orbe confluerant. Quibus per complures dies studiose auditis, deinceps ad Hephaestionis exequias adiecit animum. Quae summo omnium studio ita celebratae sunt, ut nullius ad id tempus regis feralia magnitudine sumptuum apparatusque celebritate non vicerint. Post haec cupido incessit regi per Pallacopam amnem ad Arabum confinia navigandi: quo delatus, urbi condendae comoda sede reperta, Graecorum aetate aut vulneribus invalidos, si qui sponte remanserant ibi collocat. Quibus ex sententia perfectis iam futuri securus Chaldaeos irridebat, quod Babylonem non ingressus tantum esset incolumis, verum etiam excessisset. Enimvero revertenti per paludes, quas Euphrates in Pallacopam effusus efficit, foedum omen oblatum est. Quippe rami desuper impendentes detractum capiti regio diadema proiecerunt in fluctus. Quum deinde alia super alia prodigiosa et minacia nuntiarentur, procurandis iis Graeco simul barbaroque ritu continua sacra facta sunt. Neque tamen expiari praeterquam morte regis potuere. Qui, quum Nearchum excepisset convivio iamque cubitum iturus esset, Medii Larissaei obnixis precibus dedit, ut ad eum comissatum veniret. Ubi postquam tota nocte perpotasset, male habere coepit. Ingravescens deinde morbus adeo omnes vires intra sextum diem exhausit, ut ne vocis quidem potestas esset. Interea milites, sollicitudine desiderioque eius anxii, quamquam obtestantibus ducibus, ne valetudinem regis onerarent, expresserunt, ut in conspectum eius admitterentur.]

CAP. V.

- 1 (14) Intuentibus lacrimae abortae praebuere speciem
 2 iam non regem, sed funus eius visentis exercitus. Maeror
 tamen circumstantium lectum eminebat: quos ut rex ad-
 spexit, *Invenietis*, inquit, *quum excessero, dignum talibus*
 3 *viris regem?* Incredibile dictu audituque, in eodem habitu

corporis, in quem se composuerat, quum admissurus milites esset, durasse, donec a toto exercitu illud ultimum persalutatus est: dimissoque vulgo, velut omni vitae debito liberatus, fatigata membra reiecit. Propiusque adire 4 iussis amicis — nam et vox deficere iam coeperat — detractum anulum digito Perdiccae tradidit, adiectis mandatis, ut corpus suum ad Hammōnem ferri iuberent. Quae- 5 rentibus his, cui relinqueret regnum, respondit, ei, qui esset optimus: ceterum providere iam se, ob id certamen magnos funebres ludos parari sibi. Rursus Perdicca in- 6 terrogante, quando coelestes honores haberi sibi vellet, dixit, tum velle, quum ipsi felices essent. Suprema haec vox fuit regis, et paulo post extinguitur.

(15) Ac primo ploratu lamentisque et plan- A. 323 7
tibus tota regia personabat: mox, velut in vasta a. Chr. n.
solitudine, omnia tristi silentio muta torpebant, die 11. vel
ad cogitationes, quid deinde futurum esset, do- 13. mensis
lore converso. Nobiles pueri custodiae corporis eius as- 8
sueti nec doloris magnitudinem capere nec se ipsos intra vestibulum regiae tenere potuerunt vagique et furentibus
similes totam urbem luctu ac maerore compleverant, nul-
lis questibus omissis, quos in tali casu dolor suggerit.
Ergo qui extra regiam astiterant, Macedōnes pariter bar- 9
barique, concurrunt, nec poterant victi a victoribus in
communi dolore discerni. Persae iustissimum ac mitissi-
mum dominum, Macedōnes optimum ac fortissimum re-
gem invocantes certamen quoddam maeroris edebant.
Nec maestorum solum, sed etiam indignantium voces ex- 10
audiebantur, tam viridem et in flore aetatis fortunaeque
invidia deū ereptum esse rebus humanis. Vigor eius
et vultus educentis in proelium milites, obsidentis urbes,
evadentis in muros, fortes viros pro concione donantis
occurrabant oculis. Tum Macedōnes divinos honores ne- 11
gasse ei poenitebat, impiosque et ingratos fuisse se con-
fitebantur, quod aures eius debita appellatione frau-
dassent.

(16) Et quum diu nunc in veneratione, nunc in desi-
derio regis haesissent, in ipsos versa miseratio est. Ma- 12

cedonia profecti ultra Euphrāten [in] mediis hostibus novum imperium aspernantibus destitutos se esse cernebant: sine certo regis herede publicas vires ad se quemque tracturum. Bella deinde civilia, quae secuta sunt, mentibus augurabantur: iterum, non de regno Asiae, sed de rege, 13 ipsis sanguinem esse fundendum: novis vulneribus veteres rumpendas cicatrices: senes, debiles, modo petita missione a iusto rege, nunc morituros pro potentia forsitan 14 satellitis alicuius ignobilis. Has cogitationes volventibus nox supervenit terroremque auxit. Milites in armis vigilabant: Babylonii alius e muris, alius e culmine sui quisque 15 tecti prospectabant, quasi certiora visuri. Nec quisquam lumina audebat accendere. Et quia oculorum cessabat usus, fremitus vocesque auribus captabant ac plerumque vano metu territi per obscuras semitas, alius alii occur- 17 santes, invicem suspecti ac solliciti ferebantur. Persae, comis suo more detonsis, in lugubri veste cum coniugibus ac liberis non ut victorem et modo hostem, sed ut gentis suae iustissimum regem vero desiderio lugebant. Assueti sub rege vivere non alium, qui imperaret ipsis, digniorem fuisse confitebantur.

18 (17) Nec muris urbis luctus continebatur, sed proximam regionem ab ea, deinde magnam partem Asiae cis 19 Euphrāten tanti mali fama pervaserat. Ad Darēi quoque matrem celeriter perlata est. Abscissa ergo veste, qua induta erat, lugubrem sumpsit laceratisque crinibus humi 20 corpus abiecit. Assidebat ei altera ex neptibus, nuper amissum Hephaestiōnem, cui nupserat, lugens, proprias- 21 que causas doloris in communi maestitia retractabat. Sed omnium suorum mala Sisygambis una capiebat. Illa suam, illa neptium vicem flebat. Recens dolor etiam praeterita revocaverat. Crederes, modo amissum Darēum et pariter miserae duorum filiorum exequias esse ducendas. 22 Flebat simul mortuos vivosque. Quem enim puellarum acturum esse curam? quem alium futurum Alexandrum? iterum esse se captas, iterum excidisse regno. Qui, mortuo Darēo, ipsas tueretur, repperisse: qui post Alexandrum 23 respiceret, utique non reperturas. Subibat inter

haec animum, octoginta fratres suos eodem die ab Ocho, saevissimo regum, trucidatos adiectumque stragi tot filiorum patrem: e septem liberis, quos genuisset ipsa, unum superesse: ipsum Darëum floruisse paulisper, ut crudelius posset extingui. Ad ultimum dolori succubuit obvo-24 lutoque capite accidentes genibus suis neptem nepotemque aversata cibo pariter abstinuit et luce. Quinto, postquam mori statuerat, die extincta est. Magnum profecto 25 Alexandro indulgentiae in eam iustitiaeque in omnes captivos documentum est mors huius: quae, quum sustinuisset post Darëum vivere, Alexandro esse superstes erubuit.

(18) Et hercule, iuste aestimantibus regem liquet, bona 26 naturae eius fuisse, vitia vel fortunae vel aetatis. Vis in-27 credibilis animi, laboris patientia propemodum nimia, fortitudo non inter reges modo excellens, sed inter illos quoque, quorum haec sola virtus fuit, liberalitas saepe maiora 28 tribuentis, quam a diis petuntur, clementia in devictos, tot regna aut redditā, quibus ea dempserat bello, aut dono data, mortis, cuius metus ceteros exanimat, perpetua con-29 temptio, gloriae laudisque ut iusto maior cupido, ita et iuveni et in tantis admittenda rebus, iam pietas erga paren-30 tes, quorum Olympiāda immortalitati consecrare decreverat, Philippum ultus erat, iam in omnes fere amicos 31 benignitas, erga milites benivolentia, consilium par magnitudini animi et, quantam vix poterat aetas eius capere, sollertia, modus immodicarum cupiditatum, Veneris intra 32 naturale desiderium usus nec ulla, nisi ex permissio, voluptas ingentes profecto dotes erant. Illa fortunae: diis 33 aequare se et coelestes honores accersere et talia sua dentibus oraculis credere et dedignantibus venerari ipsum vehementius, quam par esset, irasci, in externum habitum mutare corporis cultum, imitari devictarum gentium mores, quos ante victoriam spreverat. Nam iracundiam et 34 cupidinem vini sicuti iuventa irritaverat, ita senectus mitigare potuisset. Fatendum est tamen, quum plurimum 35 virtuti debuerit, plus debuisse fortunae, quam solus omnium mortalium in potestate habuit. Quotiens illum a morte revocavit? quotiens temere in pericula vectum per-

36 petua felicitate protexit? Vitae quoque finem eundem illi quem gloriae statuit. Expectavere eum fata, dum, oriente perdomito aditoque Oceāno, quicquid mortalitas 37 capiebat, impleret. Huic regi ducique successor quaerebatur: sed maior moles erat, quam ut unus subire eam posset. Itaque nomen quoque eius et fama rerum in totum propemodum orbem reges ac regna diffudit, clarissimique sunt habiti, qui etiam minimae parti tantae fortunae adhaeserunt.

CAP. VI.

1 (19) Ceterum Babylōne (inde enim devertit oratio) corporis eius custodes in regiam principes amicorum ducesque copiarum advocavere. Secuta est militum turba cupientium scire, in quem Alexandri fortuna esset trans- 2 itura. Multi duces frequentia militum exclusi regiam intrare non poterant, quum praeco, exceptis, qui nominatim citarentur, adire prohiberet. Sed precarium spernebatur 3 imperium. Ac primum eiulatus ingens ploratusque renovatus est: deinde futuri expectatio, inhibitis lacrimis, silentium fecit. Tum Perdicca, regia sella in conspectum vulgi data, in qua diadema vestisque Alexandri cum armis erant, anulum sibi pridie traditum a rege in eadem sede posuit: quorum aspectu rursus obortae omnibus la- 5 crimae integravere luctum. Et Perdicca, *Ego quidem*, inquit, *anulum, quo ille regni atque imperii vices obsignare* 6 *erat solitus, traditum ab ipso mihi reddo vobis. Ceterum quamquam nulla clades huic, qua affecti sumus, par ab iratis diis excogitari potest, tamen magnitudinem rerum, quas egit, intuentibus credere licet, tantum virum deos accommodasse rebus humanis, quarum sorte completa cito repeterent* 7 *eum suae stirpi. Proinde quoniam nihil aliud ex eo superest, quam quod semper ab immortalitate seducitur, corpori hominique quam primum iusta solvamus, haud obliti, in qua* 8 *urbe, inter quos simus, quali praeside ac rege spoliati. Tractandum est, commilitones, cogitandumque, ut victoriam partam inter hos, de quibus parta est, obtinere possimus. Capite opus est: hocine uno, an pluribus, in vestra potestate*

est. Illud scire debetis, militarem sine duce turbam corpus esse sine spiritu. Sextus mensis est, ex quo Roxāne prae-9 gnans est: optamus, ut marem enitatur, cuius regnum, diis approbantibus, futurum, quando adoleverit. Interim, a quibus regi velitis, destinate. Haec Perdicca.

(20) Tum Nearchus, Alexandri modo sanguinem ac 10 stirpem regiae maiestati convenire, neminem ait posse mirari. Ceterum, expectari nondum ortum regem et, qui 11 iam sit, praeteriri, nec animis Macedōnum convenire nec tempori rerum. Esse e Barsine filium regis: huic diadema dandum. Nulli placebat oratio. Itaque suo more hastis 12 scuta quatientes obstrepere perseverabant. Iamque prope ad seditionem pervenerant, Nearchus pervacius tuente sententiam. Tum Ptolemaeus, *Digna prorsus est soboles,* 13 *inquit, quae Macedōnum imperet genti, Roxānes vel Barsinae, filius, cuius nomen quoque Europam dicere pigebit, maiore ex parte captivi. Est, cur Persas vicerimus, ut stirpi* 14 *eorum serviamus! quod iusti illi reges Darēus et Xerxes tot milium agminibus tantisque classibus nequicquam petiverunt. Mea sententia haec est, ut, sede Alexandri in regia* 15 *posita, qui consiliis eius adhibebantur, coeant, quotiens in commune consulto opus fuerit, eoque, quod maior pars eorum decreverit, stetur: duces praefectique copiarum his pareant.* Ptolemaeo quidam, pauciores Perdiccae assentie- 16 bantur. Tum Aristōnus orsus est dicere, Alexandrum consultum, cui relinqueret regnum, voluisse, optimum deligi. Iudicatum autem ab ipso optimum Perdiccam, cui anulum tradidisset. Neque enim unum eum assedissem morienti, 17 sed circumferentem oculos ex turba amicorum delegisse, cui traderet. Placere igitur, summam imperii ad Perdiccam deferri. Nec dubitavere, quin vera censeret. Itaque 18 universi procedere in medium Perdiccam et regis anulum tollere iuebant. Haerebat inter cupiditatem pudoremque et, quo modestius, quod expectabat, appeteret, pervacius oblaturus esse credebat. Itaque cunctatus diuque, 19 quid ageret, incertus ad ultimum tamen recessit et post eos, qui sederant proximi, constitit.

(21) At Meleāger, unus e ducibus, confirmato animo, 20

quem Perdiccae cunctatio erexerat, *Nec dii sierint*, inquit, *ut Alexandri fortuna tantique regni fastigium in istos humeros ruat: homines certe non ferent. Nihil dico de nobilioribus, quam hic est, sed de viris tantum, quibus invitis*
 21 *nihil perpeti necesse est. Nec vero interest, Roxānes filium, quandoque genitus erit, an Perdiccam regem habeatis, quum iste sub tutelae specie regnum occupaturus sit. Itaque nemo ei rex placet, nisi qui nondum natus est, et in tanta omnium festinatione non iusta modo, sed etiam necessaria exactos menses solus expectat et iam divinat, marem esse conce-*
 22 *ptum: quem vos dubitetis paratum esse vel subdere? Si medi-*
 23 *usfidiū Alexander hunc nobis regem pro se reliquisset, id solum ex his, quae imperasset, non faciendum esse cense-*
 24 *rem. Quin igitur ad diripiendos thesauros discurretis? ha-*
rum enim opum regiarum utique populus est heres. Haec
elocutus per medios armatos erupit, et, qui abeunti viam dederant, ipsum ad pronuntiatam praedam sequebantur.

CAP. VII.

1 (22) Iamque armatorum circa Meleāgrum frequens globus erat, in seditionem ac discordiam versa concione: quum quidam plerisque Macedōnum ignotus ex infima plebe, *Quid opus est*, inquit, *armis civilique bello habentibus*
 2 *regem, quem quaeritis? Arrhidaeus Philippo genitus, Alex-*
xandri paulo ante regis frater, sacrorum caerimoniarumque
consors modo, nunc solus heres, praeteritur a vobis. Quo
 3 *merito suo? quidve fecit, cur etiam gentium communi iure*
fraudetur? Si Alexandro similem quaeritis, nunquam re-
 4 *perietis: si proximum, hic solus est.* His auditis, concio primo silentium, velut iussa, habuit: conclamant deinde pariter, Arrhidaeum vocandum esse mortemque meritos,
 5 *qui concionem sine eo habuissent. Tum Pithon plenus lacrimarum orditur dicere, nunc vel maxime miserabilem esse Alexandrum, qui tam bonorum civium militumque fructu et praesentia fraudatus esset. Nomen enim memoriamque regis sui tantum intuentes ad cetera caligare eos.*
 6 * * * *haud ambigue in iuvenem, cui regnum destinabatur. Impensa probra, quae obiecerat, magis ipsi edium, quam*

Arrhidaeo contemptum attulerunt: quippe dum miserentur, etiam favere coeperunt. Igitur non alium regem se, 6 quam eum, qui ad hanc spem genitus esset, passuros pertinaci acclamatione declarant vocarique Arrhidaeum iubent. Quem Meleāger infestus invisusque Perdiccae strenue perducit in regiam: et milites Philippum consalutatum regem appellant.

(23) Ceterum haec vulgi erat vox, principum alia 8 sententia. E quibus Pithon consilium Perdiccae exequi coepit tutoresque destinat filio ex Roxāne futuro Perdiccam et Leonnātum, stirpe regia genitos. Adiecit, ut in 9 Europa Cratērus et Antipāter res administrarent. Tum iusiurandum a singulis exactum, futuros in potestate regis geniti Alexandro. Meleāger haud iniuria metu supplicii 10 territus cum suis secesserat. Rursus Philippum trahens secum irrupit in regiam, clamitans, suffragari spei publicae de novo rege paulo ante conceptae robur aetatis: experirentur modo stirpem Philippi et filium ac fratrem regum duorum: sibimetipsis potissimum crederent. Nullum pro- 11 fundum mare, nullum vastum fretum et procellosum tantos ciet fluctus, quantos multitudo motus habet, utique si et nova et brevi duratura libertate luxuriat. Pauci Per- 12 diccae modo electo, plures Philippo, quem spreverant, imperium dabant. Nec velle nec nolle quicquam diu poterant, poenitebatque modo consilii, modo poenitentiae ipsius. Ad ultimum tamen in stirpem regiam inclinavere studiis. Cesserat ex concione Arrhidaeus, principum au- 13 ctoritate conterritus: et, abeunte illo, conticuerat magis quam languerat militaris favor. Itaque revocatus vestem fratris — eam ipsam, quae in sella posita fuerat — induitur, et Meleāger, thorace sumpto, capit arma, novi regis 14 satellites. Sequitur phalanx hastis clypeos quatiens, expletura se sanguine illorum, qui affectaverant nihil ad ipsos pertinens regnum. In eadem domo familiaque imperii 15 vires remansuras esse gaudebant: hereditarium imperium stirpem regiam vindicaturam: assuetos esse nomen ipsum colere venerarique, nec quemquam id capere, nisi genitum, ut regnaret.

16 (24) Igitur Perdicca territus conclave, in quo Ale-
 xandri corpus iacebat, obserari iubet. Sexcenti cum ipso
 erant, spectatae virtutis: Ptolemaeus quoque se adiunxe-
 17 rat ei puerorumque regia cohors. Ceterum haud difficul-
 ter a tot milibus armatorum claustra perfracta sunt. Et
 rex quoque irruperat, stipatus satellitum turba, quorum
 18 princeps erat Meleāger. Iratusque Perdicca hos, qui Ale-
 xandri corpus tueri vellent, sevocat: sed, qui irruperant,
 eminus tela in ipsum iaciebant. Multisque vulneratis tan-
 dem seniores, demptis galeis, quo facilius nosci possent,
 precari, qui cum Perdicca erant, coepere, ut absisterent
 19 bello regique et pluribus cederent. Primus Perdicca arma
 deposuit, ceterique idem fecere. Meleāgro deinde sua-
 dente, ne a corpore Alexandri discederent, insidiis locum
 quaeri rati diversa regiae parte ad Euphrāten fugam in-
 20 tendunt. Equitatus, qui ex nobilissimis iuvenum constab-
 at, Perdiccam et Leonnātum frequens sequebatur, place-
 21 batque excedere urbe et tendere in campis. Sed Perdicca
 ne pedites quidem secuturos ipsum desperabat: itaque ne
 abducendo equites abruptisse a cetero exercitu videretur,
 in urbe subsistit.

CAP. VIII.

1 (25) At Meleāger regem monere non destitit, ius im-
 perii Perdiccae morte sancendum esse: ni occupetur im-
 potens animus, res novaturum: meminisse eum, quid de
 rege meruisset: neminem autem ei satis fidum esse, quem
 2 metuat. Rex patiebatur magis, quam assentiebatur. Ita-
 que Meleāger silentium pro imperio habuit misitque regis
 nomine, qui Perdiccam accerserent. Iisdem mandatum,
 3 ut occiderent, si venire dubitaret. Perdicca, nuntiato sa-
 tellitum adventu, sedecim omnino pueris regiae cohortis
 comitatus in limine domus suae constitit castigatosque,
 et Meleāgri mancipia identidem appellans, sic animi vul-
 tusque constantia terruit, ut vix meatis compotes fugerent.
 4 Perdicca pueros equos iussit conscendere et cum paucis
 amicorum ad Leonnātum pervenit, iam firmiore praesidio
 5 vim propulsaturus, si quis inferret. Postera die indigna

res Macedonibus videbatur, Perdiccam ad mortis periculum adductum, et Meleāgri temeritatem armis ultum ire decreverant. Atque ille, seditione provisa, quum regem 6 adissent, interrogare eum coepit, an Perdiccam comprehendendi ipse iussisset. Ille, Meleāgri instinctu, se iussisse respondit: ceterum non debere tumultuari eos, Perdiccam enim vivere.

(26) Igitur concione dimissa Meleāger equitum maxime defectione perterritus inopsque consilii — quippe in ipsum periculum reciderat, quod inimico paulo antea intenderat — triduum fere consumpsit incerta consilia volvendo. Et pristina quidem regiae species manebat: nam 8 et legati gentium regem adibant et copiarum duces aderant et vestibulum satellites armatique compleverant. Sed 9 ingens sua sponte maestitia ultimae desperationis index erat, suspectique invicem non adire propius, non colloqui audebant, secretas cogitationes intra se quoque volvente, et ex comparatione regis novi desiderium excitabatur amissi. Ubi ille esset, cuius imperium, cuius auspicium 10 secuti erant, requirebant. Destitutos se inter infestas indomitasque gentes, expetituras tot suarum cladum poenas, quandocunque oblata esset occasio. His cogitationibus 11 animos exedebant, quum annuntiatur, equites, qui sub Perdicca essent, occupatis circa Babylōna campis, frumentum, quod in urbem vehebatur, retinuisse. Itaque inopia 12 primum, deinde fames esse coepit, et, qui in urbe erant, aut reconciliandam cum Perdicca gratiam aut armis certandum esse censebant. Forte ita acciderat, ut, qui 13 in agris erant, populationem villarum vicorumque veriti confugerent in urbem, oppidani, quum ipsos alimenta deficerent, urbe [excederent], et utrique generi tutior aliena sedes quam sua videretur.

(27) Quorum consternationem Macedōnes veriti in 14 regiam coeunt quaeque ipsorum sententia esset exponunt. Placebat autem, legatos ad equites mitti de finienda discordia armisque ponendis. Igitur a rege legatur Padas 15 Thessālus et Amissus Megalepolitānus et Perilāus: qui, quum mandata regis edidissent, non aliter posituros arma

equites, quam si rex discordiae auctores dedidisset, tulere
 16 responsum. His renuntiatis, sua sponte arma milites capiunt. Quorum: tumultu e regia Philippus excitus, *Nihil, inquit, seditione est opus. Nam inter se certantium praemia, qui quieverint, occupabunt. Simul mementote, rem esse cum civibus, quibus spem gratiae cito abrumpere ad bellum civile properantium est. Altera legatione an mitigari possint, experiamur: et credo, nondum regis corpore sepulto, ad praestanda ei iusta omnes esse coituros. Quod ad me attinet, reddere hoc imperium malo, quam exercere civium sanguine: et si nulla alia concordiae spes est, oro*
 20 *quaesoque, eligite potiolem.* Obortis deinde lacrimis, diadema detrahit capiti, dextram, qua id tenebat, protendens, ut si quis se digniorem profiteretur, acciperet. Ingentem spem indolis ante eum diem fratris claritate suppressae ea moderata excitavit oratio. Itaque cuncti instare coeperunt, ut, quae agitasset, exequi vellet. Eosdem rursus legat, petitorios, ut Meleāgrum tertium ducem acciperent. Haud aegre id impetratum est. Nam et abducere Meleāgrum Perdicca a rege cupiebat et unum duobus impar
 23 rem futurum esse censebat. Igitur Meleāgro cum phalange obviam egresso Perdicca equitum turmas antecedens occurrit. Utrumque agmen, mutua salutatione facta, coit, in perpetuum, ut arbitrabantur, concordia et pace firmata.

CAP. IX.

1 (28) Sed iam fatis admovebantur Macedōnum genti bella civilia. Nam et insociabile est regnum et a pluribus
 2 expetebatur. Primum ergo collegere vires, deinde disperserunt: et quum pluribus corpus, quam capiebat, onerassent, cetera membra deficere coeperunt: quodque imperium sub uno stare potuisset, dum a pluribus sustine
 3 tur, ruit. Proinde iure meritoque populus Romanus salutem se principi suo debere profitetur, qui noctis, quam
 4 paene supremam habuimus, novum sidus illuxit. Huius hercule, non solis ortus lucem caliganti reddidit mundo, quum sine suo capite discordia membra trepidarent.

Quot ille tum extinxit faces! quot condidit gladios! quam tempestatem subita serenitate discussit! Non ergo revirescit solum, sed etiam floret imperium. Absit modo 6 invidia, excipiet huius saeculi tempora eiusdem domus utinam perpetua, certe diuturna posteritas. Ceterum, ut 7 ad ordinem, a quo me contemplatio publicae felicitatis averterat, redeam, Perdicca unicam spem salutis suae in Meleāgri morte deponebat: vanum eundem et infidum celeriterque res novaturum et sibi maxime infestum occupandum esse. Sed alta dissimulatione consilium premebat, ut opprimeret incautum. Ergo clam quosdam ex copiis, quibus praeerat, subornavit, ut, quasi ignoraret ipse, conquererentur palam, Meleāgrum aequatum esse Perdiccae. Quorum sermone Meleāger ad se relato furens ira 9 Perdiccae, quae comperisset, exponit. Ille, velut nova re exterritus, admirari, queri dolentisque speciem ostentare ei coepit: ad ultimum convenit, ut comprehenderentur tam seditiosae vocis auctores. Agit Meleāger gratias ample- 10 xusque Perdiccam fidem eius in se ac benivolentiam collaudat. Tum communi consilio rationem opprimendi no- 11 xios ineunt. Placet, exercitum patrio more lustrari: et probabilis causa videbatur praeterita discordia. Macedo- 12 num reges ita lustrare soliti erant milites, ut discissae canis viscera ultimo in campo, in quem deduceretur exercitus, ab utraque abiicerent parte, intra id spatium armati omnes starent, hinc equites, illinc phalanx.

(29) Itaque eo die, quem huic sacro destinaverant, 13 rex cum equitibus elephantisque constiterat contra pedites, quibus Meleāger praeerat. Iam equestre agmen move- 14 batur, et pedites subita formidine ob recentem discordiam haud sane pacati quicquam expectantes parumper addubitavere, an in urbem subducerent copias: quippe pro equitibus planities erat. Ceterum veriti, ne temere com- 15 militonum fidem damnarent, substitere, praeparatis ad dimicandum animis, si quis vim inferret. Iam agmina coibant, parvumque intervallum erat, quod aciem utramque divideret. Itaque rex cum una ala obequitare peditibus 16 coepit, discordiae auctores — quos tueri ipse debebat —

instinctu Perdiccae ad supplicia deposcens: minabaturque, omnes turmas cum elephantis inducturum se in recusantes. Stupebant improvise malo pedites, nec plus in ipso Meleāgro erat aut consilii aut animi. Tutissimum ex praesentibus videbatur, expectare potius quam movere fortunam. Tum Perdicca, ut torpentes et obnoxios vidit, CCC fere, qui Meleāgrum erumpentem ex concione, quae prima habita est post mortem Alexandri, secuti erant, a ceteris discretos elephantis in conspectu totius exercitus obiecit: omnesque beluarum pedibus obtriti sunt, nec prohibente Philippo nec auctore: apparebatque, id modo pro suo vindicaturum, quod approbasset eventus. Hoc bellorum civilium Macedonibus et omen et principium fuit. Meleāger, sero intellecta fraude Perdiccae, tum quidem, quia ipsius corpori vis non afferebatur, in agmine quietus stetit: at mox, damnata spe salutis, quum eius nomine, quem ipse fecerat regem, in perniciem suam abutentes videret inimicos, confugit in templum: ac ne loci quidem religione defensus occiditur.


CAP. X.

1 (30) Perdicca, perducto in urbem exercitu, consilium principum virorum habuit, in quo imperium ita dividi placuit, ut rex quidem summam eius obtineret: satrapes Ptolemaeus Aegypti et Africae gentium, quae in ditione
2 erant: Laomedonti Syria cum Phoenice data est: Philotae Cilicia destinata: Lyciam cum Pamphylia et maiore Phrygia obtinere iussus Antigonus: in Cariam Cassander, Me-
3 nander in Lydiam missi: Phrygiam minorem Hellesponto adiunctam Leonnati provinciam esse iusserunt: Cappadocia Eumeni cum Paphlagonia cessit, praeceptumque est, ut regionem eam usque ad Trapezunta defenderet, bellum cum Ariarathe gereret: solus hic detrectabat imperium.
4 Pithon Mediam, Lysimachus Thraciam appositaeque Thraciae Ponticas gentes obtinere iussi. Qui Indiae quique Bactris et Sogdianis ceterisque aut Oceani aut rubri maris accolis praeerant, quibus quisque finibus habuisset, imperii etiam ius obtinerent, decretum est: Perdicca ut cum

rege esset copiisque praeesset, quae regem sequebantur. Credidere quidam, testamento Alexandri distributas esse 5 provincias: sed famam eius rei, quamquam ab auctoribus tradita est, vanam fuisse comperimus. Et quidem suas 6 quisque opes, divisus imperii partibus, tuebantur: quas ipsi fundaverant, si unquam adversus immodicas cupiditates terminus staret. Quippe paulo ante regis ministri, 7 specie imperii alieni procurandi, singuli ingentia invaserant regna, sublatis certaminum causis, quum et omnes eiusdem gentis essent et a ceteris sui quisque imperii regione discreti. Sed difficile erat, eo contentos esse, quod 8 obtulerat occasio: quippe sordent prima quaeque, quum maiora sperantur. Itaque omnibus expeditius videbatur, augere regna, quam fuisset, accipere.

(31) Septimus dies erat, ex quo corpus regis iacebat 9 in solio, curis omnium ad formandum publicum statum a tam sollemni munere aversis. Et non aliis quam Meso-10 potamiae regione fervidior aestus existit, adeo ut pleraque animalia, quae in nudo solo deprehendit, extinguat: tantus est vapor solis et coeli, quo cuncta, velut igne, tor-11 rentur. Fontes aquarum et rari sunt et incolentium fraude 11 celantur: ipsis usus patet, ignotus est advenis. Ut tan-12 dem curare corpus exanimum amicis vacavit, nulla tabe, ne minimo quidem livore corruptum videre, qui intrave-13 rant. Vigor quoque, qui constat ex spiritu, non destitue-13 rat vultum. Itaque Aegyptii Chaldaei que, iussi corpus 13 suo more curare, primo non sunt ausi admovere, velut spiranti, manus: deinde precati, ut ius fasque esset mor-14 talibus, attrectare eum, purgavere corpus, repletumque est odoribus aureum solium, et capiti adiecta fortunae eius insignia. Veneno necatum esse credidere plerique: filium 14 Antipatri, inter ministros, Iollam nomine, patris iussu de-14 disse. Saepe certe audita erat vox Alexandri, Antipatrum regium affectare fastigium maioremque esse praefecti opi-15 bus ac titulo Spartanae victoriae inflatum, omnia a se data asserentem sibi. Credebant etiam, Cratærum cum veterum 15 militum manu ad interficiendum eum missum. Vim autem 16 veneni, quod in Macedonia gignitur, talem esse constat,

ut ferrum quoque exurat: ungulam iumentum dumtaxat pa-
17tientem esse suci. Stygem appellant fontem, ex quo pe-
stiferum virus emanat. Hoc per Cassandrum allatum
traditumque fratri Iollae et ab eo supremæ regis potioni
18inditum. Haec, utcumque sunt credita, eorum, quos ru-
mor asperserat, mox potentia extinxit. Regnum enim Ma-
19cedoniae Antipater et Graeciam quoque invasit: soboles
deinde excepit, interfectis omnibus, quicumque Alexan-
20dram etiam longinqua cognatione contigerant. Ceterum
corpus eius a Ptolemaeo, cui Aegyptus cesserat, Mem-
phim et inde paucis post annis Alexandriam translatum
est, omnisque memoriae ac nomini honos habetur.



INDEX NOMINUM.

A.

Abdalonymus IV, 1, 19—26.

Abii Scythae iustissimi barbarorum VII, 6, 11.

Abisares, rex Indiae, VIII, 12, 13. legatos ad Alexandrum mittit VIII, 13, 1. Pori socius VIII, 14, 1. rursus ad Alexandrum legatos mittit IX, 1, 7. morbo interit X, 1, 20.

Abistamenes Cappadociae praepositus III, 4, 1.

Abulites, Susianae praefectus, V, 2, 8, 17.

Acadira, Indiae urbs, VIII, 10, 19.

Acarnanes III, 2, 16. Acarnan (Philippus) III, 6, 1.

Acesines Indum auget VIII, 9, 8. IX, 3, 20. Hydaspes ei committitur IX, 4, 1, 8.

Achaei in acie Alexandri IV, 13, 29. socii defectionis Lacedaemoniorum VI, 1, 20. ab Alexandro subacti VII, 3, 2.

Achaia IV, 5, 14.

Achilles, a quo genus deduxit Alexander, IV, 6, 29. VIII, 4, 26.

Aegyptii semper infesti praetoribus IV, 1, 28. Persarum opibus infensi IV, 7, 1. vana gens IV, 1, 30. Aegyptii vates IV, 10, 4. Aegyptii corpus Alexandri curant X, 10, 13.

Aegyptum adit Alexander IV, 7, 2. petere decernit Amyntas IV, 1, 27. praetor Aegypti III, 7, 11.

CURT. RUF.

Aeolis IV, 5, 7. VI, 3, 3.

Aeschylus Rhodius Aegyptopraeficitur IV, 8, 4.

Aesculapius III, 7, 3.

Aethiopes accolae sedis Hammonis IV, 7, 18.

Aethiopia IV, 8, 3.

Aetoli III, 2, 16.

Africa IV, 3, 20. IV, 4, 20. IV, 9, 1. X, 1, 17. X, 10, 1. Aegypti iuncta IV, 8, 5. Africae elephantum VIII, 9, 17.

Agathon praesidere iussus archi Babyloniae V, 1, 43. X, 1, 1.

Agenor Tyri conditor IV, 4, 15, 19.

Aggrammes, Indiae rex, IX, 2, 3.

Agis, Lacedaemoniorum rex, IV, 1, 39. VI, 1, 3 sqq.

Agis Argivus, poeta, VIII, 5, 8.

Agriani (vel **Agrianes**), gens Thracica Macedoniae, in exercitu Alexandri militans III, 9, 16. IV, 13, 31. V, 3, 36. VIII, 11, 9. VIII, 14, 24. IX, 8, 18, 19.

Alaunus, mons Sarmatiae Europaeae, inter Borysthenem et Tanaim situs, VII, 7, 4. (cf. praefat. p. XV.)

Alexander Magnus, rex Macedonum, genus ab Hercule ducit IV, 2, 3. ab Achille IV, 6, 29. VIII, 4, 26. nodum Gordium solvit III, 1, 14. Persarum regiam incendit V, 7, 5. ducit Roxanem VIII, 4, 27. morbo affligitur III, 5, 3. vulne-

- ratur III, 11, 10. IV, 6, 17. VII, 6, 22. VIII, 10, 27. IX, 5, 9. moritur X, 5, 1. corpus eius Alexandriam transfertur X, 10, 20. veneno necatus creditur X, 10, 14. iudicium de eo X, 5, 26—35. III, 12, 18—20. VI, 2, 1. VI, 6, 1. Alexandri filius e Barsine X, 6, 11. frater Arrhidaeus X, 7, 2.
- Alexander** (ap. Arrian. IV, 7, 2. Asander) VII, 10, 12.
- Alexander** VIII, 11, 10. 14. 15.
- Alexander Lyncestes** VII, 1, 5. VIII, 7, 4. VIII, 8, 6. X, 1, 40.
- (**Alexander Molossus**,) rex Epiri, avunculus Alexandri Magni, VIII, 1, 37.
- Alexander** (Philhellen), rex Macedoniae, Magni proavus, VI, 11, 26.
- Alexandria Aegypti** IV, 8, 2. 5. 6. X, 10, 20.
- Alexandria ad Caucasum** condita VII, 3, 23.
- Alexandria in India** condita IX, 8, 8.
- Alexandria ad Tanaim** condita VII, 6, 25.
- Alpes** X, 1, 18.
- Amanicae pylae**, angustiae inter Syriam et Ciliciam sitae, III, 8, 13.
- Amardi v. Mardi**.
- Amazones** VI, 5, 24 sqq. Amazonum campi VI, 4, 17.
- Amedines**, scriba Darei, VII, 3, 4.
- Amissus Megalopolitanus** X, 8, 15.
- (**Amphictyonum**) concilium VI, 1, 19.
- Amphoterus**, praefectus classis Macedoniae, III, 1, 19. IV, 5, 14. IV, 8, 15.
- Amyntas**, Andromenis filius, III, 9, 7. IV, 6, 30. IV, 13, 28. V, 1, 40. V, 4, 20. 30. VI, 4, 2. coniurationis in regem arguitur VII, 1, 10 sqq.
- Amyntas Lyncestes** virtutis causa donatus V, 2, 5.
- Amyntas**, praetor Alexandri VIII, 2, 16. cf. VIII, 2, 14.
- Amyntas**, olim praetor Alexandri, postea transfuga III, 11, 18. Aegyptum petere decernit IV, 1, 27. ab Aegyptiis laete receptus IV, 7, 1. occiditur IV, 1, 33.
- Amyntas**, Perdiccae filius, Alexandro insidias comparavit VI, 9, 17. VI, 10, 24.
- Amyntas**, regius praetor, VI, 9, 28. 29.
- Amyntas** in exercitu Alexandri V, 2, 5. VI, 7, 15.
- Ancyra**, urbs Phrygiae, a Mida condita, III, 1, 22.
- Andromachus** Coelesyriae praeficitur VI, 5, 9. crematur a Samaritis IV, 8, 9.
- Andronicus** VII, 3, 2.
- Andrus insula** IV, 1, 37.
- Anticles** VIII, 6, 9.
- Antigenes**, praetor Alexandri. VIII, 14, 15. virtutis causa donatus V, 2, 5.
- Antigonus**, praetor Alexandri. Lydiae praefectus, Persas vincit IV, 1, 35. Lycaoniam capit IV, 5, 13. virtutis causa donatus V, 2, 5. Lyciam cum Pamphylia et maiore Phrygia obtinet X, 10, 2.
- Antipater**, Macedoniae et Graeciae praefectus, ab Alexandro pecuniam ad belli usum accipit III, 1, 20. Lacedaemonii bellum ei moliantur IV, 1, 39. eos vincit, invidente Alexandro, VI, 1, 18. Alexandri Lyncestae socer VII, 1, 7. regi supplementum mittit

- V, 1, 40. VII, 10, 12. regi suspectus fuit eumque veneno necasse creditus est X, 10, 14. post regis mortem res Europae curare iubetur X, 7, 9. invadit regnum Macedoniae et Graeciam X, 10, 18.
- Antipater**, ex regia cohorte, VIII, 6, 9.
- Antiphanes**, scriba equitum, VII, 1, 15. 17. 32. 35.
- Aornis** (al. **Aornus**), petra Indiae, VIII, 11, 2.
- Aphobetus** (al. **Aphoebeus**) VI, 7, 15.
- Apollo** Tyrius IV, 3, 21. 22.
- Apollodorus** V, 1, 43.
- Apollonides** IV, 5, 15—17.
- Apollonius** IV, 8, 5.
- Arabia** IV, 3, 1. 7. odorum fertilitate nobilis V, 1, 11. Arabica vestis VII, 2, 17.
- Arabes** IV, 6, 30. Arabes, quibus Troglodytis cognomen est. IV, 7, 18. Arabum agrestes in Libano IV, 2, 24. Arabis cuiusdam audacia IV, 6, 15.
- Arabitae**, gens Gedrosiae, IX, 10, 5.
- Arabus** (al. **Arabis**), Gedrosiae flumen, IX, 10, 6.
- Arachosii**, gens Asiae Indis vicina, IV, 5, 5. IV, 12, 6. VII, 2, 26. IX, 7, 14. subacti ab Alexandro VII, 3, 4. in coloniam deducti IX, 10, 7.
- Aradus**, insula prope oram Phoenices contra Marathum sita, IV, 1, 5.
- Araxes**, amnis Persidis, IV, 5, 4. V, 4, 7. V, 5, 2. 3. V, 7, 9. Armeniae VII, 3, 19.
- Arbela**, urbs (vel, ut Curtius dicit, vicus) Assyriae, Darei clade nobilis, IV, 9, 9. 14. IV, 16, 9. V, 1, 2. 3. VI, 1, 21. IX, 2, 23. traduntur Alexandro V, 1, 10.
- Archelaus**, rex Macedoniae, VI, 11, 26.
- Archelaus**, praetor Alexandri, V, 2, 16.
- Archepolis** VI, 7, 15.
- Aretes**, dux hastatorum, IV, 15, 13. 18.
- Argyraspides** IV, 13, 27.
- Ariani** iidem, qui **Arii**, VII, 3, 1. Alias Ariani nominantur incolae Arianae, quo nomine Gedrosia, Drangiana, Arachosia, Parapamisadae, Aria, Parthiene, Carmania, provinciae Persicae, comprehendebantur.
- Ariarathes** (II.), rex Cappadociae, X, 10, 3.
- Aridaeus** v. **Arrhidaeus**.
- Arii**, gens Asiae, incolae Ariae, provinciae Persicae supra Drangianam sitae, VII, 3, 2. VII, 4, 32. 33.
- Arimaspi** (al. **Ariaspaes**, **Agriaspae**) post Cyrum **Euergetae** appellati, gens Drangianae, VII, 3, 1.
- Arimazes** eiusque petra VII, 11, 1.
- Ariobarzanes**, praetor Darei, IV, 12, 7. defendit Susidas pylas V, 3, 17—V, 4, 33.
- Aristander** (Telmissensis), peritissimus vatum, IV, 2, 14. IV, 6, 12. IV, 13, 15. IV, 15, 27. V, 4, 2. VII, 7, 8—29.
- Aristogiton**, legatus Atheniensium ad Dareum, III, 13, 15.
- Aristomedes** Thessalus, praetor Darei, III, 9, 3.
- Aristomenes**, praetor Darei, IV, 1, 36.
- Ariston**, praefectus Paeonum equitum, IV, 9, 24.
- Aristonicus**, Methymnaeorum tyrannus, IV, 5, 19. necatur IV, 8, 11.

- Aristonus**, praetor Alexandri, IX, 5, 15. 18. sententia eius de successore Alexandri X, 6, 16.
- Armenia** VI, 3, 3. Mithreni data V, 1, 44. Armeniae montes V, 1, 13. VII, 3, 20. Armenia maior IV, 12, 12.
- Armenii** in exercitu Darei III, 2, 6. minores IV, 12, 10.
- Arrhidaeus** (al. **Aridaeus**) Philippo genitus X, 7, 2 — 7. post Alexandri mortem rex creatur X, 7, 7. 13. milites eum Philippum consalutant X, 7, 7. Hoc deinde nomine a Curtio appellatur X, 7, 10. 12. X, 8, 16. X, 9, 18. (X, 10, 1.)
- Arsaces** satrapes in Mediam mittitur VIII, 3, 17.
- Arsames**, Drangarum praefectus, VIII, 3, 17.
- Arsames**, Ciliciae praefectus, III, 4, 3.
- Artabazus**, princeps purpuratorum, Dareo fidiſſimus III, 10, 13. V, 9, 1. 12. 13. V, 10, 10. 11. V, 12, 7. 8. 18. hospes Philippi V, 9, 1. VI, 5, 2. occurrit Alexandro et comiter excipitur VI, 5, 1—6. geminato honore ab eo auctus VI, 5, 22. contra Satibarzanem missus VII, 3, 2. Bactrianis praefectus VII, 5, 1. VIII, 1, 10. 19.
- Artacoana** (al. **Artacacna**), urbs Ariae, provinciae Persicae, VI, 6, 33.
- Artaxerxes**. Sic Bessus se appellari iubet VI, 6, 13.
- Arvae**, oppidum Hyrcaniae aliunde non notum. VI, 4, 23.
- Asclepiodorus**, praetor Alexandri, VII, 10, 12.
- Asclepiodorus**, ex regia cohorte, VIII, 6, 9.
- Asia** III, 1, 13. III, 3, 5 VI, 2, 13. VII, 9, 17. IX, 6, 20. X, 1, 37.
- Aspastes**, satrapes Carmaniae, IX, 10, 21.
- Assacanus** Indus VIII, 10, 22.
- Atharrias** senior, chiliarcha, virtutis causa donatus V, 2, 5. VII, 1, 5. Philotam comprehendit VI, 8, 19 — 22. ad Halicarnassum egregie pugnat VIII, 1, 36.
- Athenae** III, 2, 10. X, 7, 2. 3.
- Athenienses** legatos mittunt ad Alexandrum III, 1, 9. IV, 8, 12. ad Dareum III, 13, 15. eorum victor Philippus III, 10, 7. VIII, 1, 33. infestus iis Alexander X, 2, 2. non recipiunt exules X, 2, 6. 7. Athenienses capti ad Granicum III, 1, 9.
- Athenagoras** IV, 5, 15 — 17.
- Atizyes**, Phrygiae satrapes, interficitur III, 11, 10.
- Attalus**, Philippi affinis, Cleopatrae avunculus, Alexandri inimicus gravissimus VI, 9, 17. VIII, 8, 7. iussu Alexandri per Parmenionem occiditur VII, 1, 3. VIII, 1, 42. VIII, 7, 4.
- Attalus**, Agrianorum praefectus, IV, 13, 31.
- Attalus**, dux phalangis, Alexandro aequalis VIII, 13, 21.
- Attica** terra X, 2, 1.
- Attinas**, praetor Alexandri. a Massagetis opprimitur VIII, 1, 3—5.
- Augaeus**, Augaea, urbe Macedoniae, oriundus, V, 2, 5.
- B.**
- Babylon** (vel **Babylonia**) IV, 9, 6. IV, 16, 7. V, 1, 7. 17. V, 6, 9. VIII, 3, 17. X, 1, 16. X, 6, 1. X, 8, 11. urbis descriptio V, 1, 24—35. Dareus ad Babylonem exercitum contrahit III, 2, 2. IV, 6, 2. IV, 9, 2.

- Babylonii** IV, 12, 10. corruptissimis moribus V, 1, 36—38. Babyloniorum fines V, 1, 15.
- Bacchus** (vel **Liber**) VIII, 2, 6. VIII, 5, 8. 11. VIII, 10, 17. IX, 2, 29. IX, 4, 21. ad Indos venit VIII, 10, 1. IX, 8, 5. eum aemulatus est Alexander IX, 10, 24. Bacchi termini III, 10, 5. termini in Scythia VII, 9, 15. triumphus III, 12, 18. ab eo condita Nysa VIII, 10, 11.
- Bactra**, provincia Persica et urbs, sita sub monte Parapamiso, III, 10, 5. IV, 5, 8. V, 8, 1. V, 9, 5. 8. V, 13, 2. 18. VI, 6, 22. VII, 4, 31. VII, 7, 4. VII, 8, 21. VII, 9, 20. VII, 10, 10. IX, 7, 1. 11. X, 10, 4.
- Bactriana** arx IX, 7, 2. regio V, 8, 4. VI, 6, 18. VIII, 2, 13. terra VII, 4, 26.
- Bactriani** III, 2, 9. IV, 9, 2. IV, 15, 18. V, 12, 6. 13. 19. IX, 8, 10. equites IV, 12, 6. V, 8, 4. VII, 4, 30. milites Alexandri IX, 2, 24. 33. mores IV, 6, 3. facies terribiles IV, 13, 5. regio Artabazo tradita VII, 5, 1. Amyntae VIII, 2, 14.
- Bactrus** amnis VII, 4, 31.
- Bagistanes** (al. **Bagysthenes**) Babylonius V, 13, 3.
- Bagoas** spado, interfectus a Dareo, quem regem fecerat, VI, 3, 12. VI, 4, 10.
- Bagoas**, spado alius, Alexandro dono datus VI, 5, 23. X, 1, 25. 36.
- Bagophanes** Persa V, 1, 20. 44.
- Balacrus**, praetor Alexandri, Philippi pater, IV, 5, 13. IV, 13, 28. VIII, 11, 22.
- Barcani**, gens Asiae Hyrcanis vicina, III, 2, 5.
- Barsine**, Alexandri pellex, X, 6, 11. 13. (Memnonis antea coniux III, 13, 14.)
- Barzaentes**, Drangarum satrapes, VI, 6, 36. VIII, 13, 3. 4.
- Bazaira** (al. **Bazaria**), regio Bactrianae, VIII, 1, 10.
- Beira** (al. **Bezira**, **Bazira**), urbs Indiae, VIII, 10, 22.
- Belitae**, gens ignota, IV, 12, 10.
- Belus** III, 3, 16. V, 1, 24.
- Berdes** Macedo ab Alexandro ad Scythas missus VIII, 1, 7. Acc. **Berdam** (al. **Penidam**) VII, 6, 12.
- Bessus**, Bactrianorum dux, IV, 6, 2. IV, 12, 6. IV, 15, 2. V, 8, 4. VI, 6, 19. 20. 21. VII, 4, 1 sqq. VII, 4, 20 sq. VII, 4, 40. VII, 5, 19 sq. VII, 5, 36 sq. VII, 6, 14. 15. perfidiae suspectus IV, 6, 4. Darei caedem agitat V, 9, 2. 8. 10. 11. 16. V, 10, 1. 12. V, 11, 2. 7. V, 12, 1. 6. 14. 19. eum comprehendit et interficit V, 13, 6. 9. 11. 13. 15. 18. fugiens Bactra petit V, 13, 18. Artaxerxes appellatur VI, 6, 13. ferox VII, 4, 19. ferox verbis VII, 4, 3. dolo captus Alexandri iussu Ecbatana ad supplicium ducitur VII, 10, 10.
- Betis** Gazam egregie defendit IV, 6, 7—29.
- Bion** transfuga IV, 13, 36.
- Bito**, Graecus seditiosus, IX, 7, 4—11. [VI, 3, 2.
- Boeotia** III, 10, 7. IV, 4, 20.
- Bolon** (al. **Belon**), dux in exercitu Alexandri, VI, 11, 1.
- Borysthenes**, fluvius Sarmatiae Europaeae, in Pontum Euxinum influens, VI, 2, 13.
- Bosporus** (**Cimmerius**), fretum, quo palus Maeotis cum Ponto Euxino coniungitur, VI, 2, 13. VII, 6, 12. VIII, 1, 7.

- Boumelus** (al. **Bumodus**), annis Assyriae, in Lycum influens, IV, 9, 10.
- Boxus** Margianus IX, 7, 4. 7. 8.
- Branchidae**, gens Mileto oriunda, oppidum in Sogdiana situm incolens, VII, 5, 28—35.
- Brocubelus** Persa, Mazaei filius, V, 13, 11.
- Bubacene**, regio ignota Asiae, VIII, 5, 2.
- Bubaces**, spado Darei, V, 11, 4. V, 12, 10.
- Bucephala** (vel **Bucephalia**), urbs Indiae, ab Alexandro condita IX, 3, 23.
- Bucephalas**, equus Alexandri, VI, 5, 18. IX, 3, 23.
- Byblos**, urbs Phoenices, IV, 1, 15.
- C.**
- Cadusii**, gens Asiae bellicosa, ad mare Caspium habitans, IV, 12, 12. IV, 14, 3. IV, 15, 12.
- Calas**, Paphlagoniae praefectus, III, 1, 24. IV, 5, 13.
- Calis** VI, 11, 36. 37.
- Callicrates** V, 2, 17.
- Callicratides**, legatus Lacedaemoniorum ad Dareum, III, 13, 15.
- Callisthenes** Olynthius VIII, 8, 19. VIII, 5, 20. VII, 6, 24. 25. VIII, 7, 3. 8. 10. gravitas eius et prompta libertas Alexandro invisae VIII, 5, 13. contumaciae suspectus VIII, 6, 1. vinctus asservatur VIII, 6, 27. 29. tortus interit VIII, 8, 21.
- Cappadoces** IV, 1, 34. IV, 12, 12.
- Cappadocia** III, 1, 24. III, 4, 1. VI, 3, 3. VII, 3, 20. Eumeni cedit X, 10, 3.
- Caranus**, praetor Alexandri, VII, 3, 2. VII, 4, 32.
- Caria** VI, 3, 3. Cassandro data X, 10, 2.
- Carmania**, provincia regni Persici, ad sinum Persicum sita, IX, 10, 20.
- Carthago**, Tyrionum colonia, IV, 2, 10. 11. IV, 3, 20. IV, 4, 20. infensus ei Alexander X, 1, 17. Carthaginensium legati IV, 2, 10. IV, 3, 19. IV, 4, 18.
- Carthasis** Scythia VII, 7, 1.
- Caspii**, gens Mediae septentrionalis, ad mare Caspium habitans, IV, 12, 9.
- Caspium mare** III, 2, 8. VI, 4, 16. 18. 19. VII, 3, 21. Caspium fretum VII, 3, 19.
- Cassander**, Antipatri filius, X, 10, 17. Cariae praeficitur X, 10, 2.
- Castabulum**, oppidum Ciliciae, III, 7, 5.
- Castor** cum Polluce VIII, 5, 8.
- Castra Alexandri**, Aegypti regio ignota, IV, 7, 2.
- Castra Cyri**, regio prope Ciliciam, III, 4, 1.
- Cataones**, gens Cappadociae, IV, 12, 11.
- Catenes** VII, 5, 21. 22. 41. 42. Bactrianos ad defectionem sollicitat VII, 6, 15. in proelio occiditur VIII, 5, 2.
- Caucasus** mons IV, 5, 5. V, 4, 5. VI, 5, 25. VII, 3, 19. VII, 4, 22. VIII, 9, 3.
- Caunii**, incolae Cauni, urbis Cariae, III, 7, 4.
- Cebalinus** VI, 7, 16 sqq.
- Cedrosia** (vel **Gedrosia**), provincia regni Persici, Indiae vicina, IX, 10, 18.
- Cedrosii** IX, 10, 5.
- Celaenae**, urbs Phrygiae, III, 1, 1.
- Cercasoros**, oppidum Aegypti, in sinistra Nili ripa situm, iuxta

- quod Nilus primum dividitur, IV, 7, 4. (cf. praefat. p. IX.)
- Cercetae**, gens Sarmatiae Asiae in ora Ponti, non, ut Curtius scribit, ad Caspium mare habitans (hodie Tscherkessen), VI, 4, 17.
- Chaeronea** VIII, 1, 23.
- Chaldaei**, vates, III, 3, 6. Alexandro Babylonem intranti occurrunt V, 1, 22. corpus Alexandri curant X, 10, 13.
- Chalybes**, gens Asiae, in ora Ponti, non, ut Curtius tradit, ad Caspium mare habitans, VI, 4, 17.
- Chares** Atheniensis IV, 5, 22.
- Charidemus** Atheniensis III, 2, 10, 19.
- Charus** (fort. Chares) VIII, 11, 10.
- Chius** insula praesidiis Persicis tenetur III, 1, 19. IV, 5, 14, 19. urbs IV, 1, 37. Chiorum legati ad Alexandrum IV, 8, 12.
- Choaspes**, amnis Susianae, delicatam vehit aquam V, 2, 9. amnis Indiae VIII, 10, 22.
- Choerilus**, poeta, VIII, 5, 8.
- Chorasmii**, gens Sogdianae, ad Oxum fluvium habitans, VII, 4, 6. praeest iis Phrataphernes VIII, 1, 8.
- Chrysolaus** IV, 8, 11.
- Cidaris** regium capitis insigne III, 3, 19.
- Cilicia** III, 4, 1—4. 6. 7. III, 5, 1. 10. III, 7, 1. III, 8, 12. IV, 1, 39. IV, 5, 8. IV, 9, 3. IV, 14, 10. V, 1, 43. V, 7, 12. VI, 3, 3. VII, 3, 19. inundata cruore Persarum IX, 2, 23. Socrati tradita IV, 5, 9. Philotae destinatur X, 10, 2. Ciliciae montes IV, 14, 1. fauces V, 3, 22. IX, 2, 13. angusti Ciliciae calles IV, 9, 22. in Ciliciae angustis (angustis?) et inviis callibus IV, 13, 6. fauces et angustiae VI, 3, 16.
- Cilicium mare** III, 1, 12.
- Cleander**, praetor Alexandri, III, 1, 1. IV, 3, 11. VII, 2, 19. Parmenionem occidit VII, 2, 30. 32. X, 1, 1. eius furor X, 1, 5.
- Cleo** Siculus VIII, 5, 8. 10. 18. 19. 21.
- Cleochares** VIII, 13, 2.
- Cleomenes**, vectigalibus Aegypti praepositus, IV, 8, 5.
- Cleophis**, regina Indiae, VIII, 10, 22.
- Clitarchus**, rerum scriptor, IX, 5, 21. IX, 8, 15.
- Clitus**, praetor Alexandri, praefectus equitum IV, 13, 26. Artabazi provincia ei destinatur VIII, 1, 19. VIII, 2, 14. Alexandri iram excitat VIII, 1, 28—34. 41. 45. hasta ab eo transfigitur VIII, 1, 50—52. VIII, 2, 12. VIII, 7, 4. VIII, 8, 7. 22. VIII, 12, 18.
- Cobares** magus, natione Medus, VII, 4, 8—19.
- Coelesyria** IV, 1, 4. IV, 5, 9.
- Coenus**, praetor Alexandri, III, 9, 7. IV, 13, 28. IV, 16, 32. V, 4, 20. 30. VI, 8, 17. VI, 9, 30. VI, 11, 10. 11. VIII, 1, 1. VIII, 10, 22. VIII, 12, 1. VIII, 14, 15. 17. exercitus causam agit IX, 3, 3 sqq. IX, 3, 16. morbo extinguitur IX, 3, 20.
- Coenus** alius X, 1, 43.
- Cohortanus** s. **Cohortandus** v. **Oxyartes**.
- Cophes**, Artabazi filius, VII, 11, 5. 22. 23. 26.
- Corycium** nemus prope Corycum, urbem Ciliciae, III, 4, 10.
- Cossaei**, gens montes incolens, quibus Susiana a Media dividitur, IV, 12, 10.

Cous insula III, 1, 19.

Craterus, praetor Alexandri, III, 9, 8. IV, 3, 1. II. IV, 13, 29. V, 4, 14. 15. 29. 34. V, 6, 11. VI, 4, 2. 23. VI, 6, 25. 33. VI, 8, 10. 17. VI, 11, 10. 11. 14. 18. VII, 6, 16. VII, 7, 9. VII, 9, 20. 22. VIII, 1, 6. VIII, 5, 2. VIII, 10, 4. 5. IX, 6, 6. IX, 8, 3. IX, 10, 19. X, 1, 9. regi carus et eo Philotae adversus VI, 8, 2. cum Antipatro in Europares administrare iussus X, 7, 9. ad interficiendum Antipatrum missus credebatur X, 10, 15.

Creta IV, 1, 38. ad eam liberandam Amphoterus mittitur IV, 8, 15.

Cretenses modo Macedonum, modo Lacedaemoniorum partes sequuntur IV, 1, 40. Cretenses sagittarii in exercitu Alexandri IV, 13, 31. III, 7, 15. III, 9, 9.

Critobulus, medicus Alexandri, IX, 5, 25. 27.

Croesus III, 4, 1.

Cydnus, amnis Ciliciae, III, 4, 7. 8. 9. III, 5, 1.

Cymaeus, oriundus Cyme, urbe Aeolidis, V, 5, 9.

Cypriorum reges IV, 8, 14. X, 1, 19. rex Pnytagoras IV, 3, 11.

Cyprus IV, 1, 27. classis inde advenit Alexandro IV, 3, 11.

Cyrenenses legatos cum donis ad Alexandrum mittunt IV, 7, 9.

Cyropolis, urbs Sogdianae, VII, 6, 16. 19.

Cyrus, nobilissimus Persarum rex, IV, 12, 8. X, 1, 23. III, 4, 1. imperium primus in Persidem intulit IV, 14, 24. condidit Persagadum urbem V, 6, 10. exercitum eius iuvant Arimaspi VII, 3, 1. 3. decessit VII, 6, 11. eius sepulcrum aperit Alexander X, 1, 30.

qui eum maxime admiratus est VII, 6, 20. eius sedes VI, 3, 12. Cyri castra v. castra.

D.

Daedala, regio Indiae, VIII, 10, 19.

Dahae, gens Margianae, ad Margum fluvium colens, IV, 12, 6. VII, 4, 6. VII, 7, 32. VIII, 1, 6. 8. Spitamenem recipiunt VIII, 3, 1. 16. sub Alexandro militant VIII, 14, 5. IX, 2, 24.

Damascus, urbs Syriae, III, 8, 12. III, 12, 27. III, 13, 2. 3. IV, 1, 4. IV, 44, 11.

Dareus Codomannus per Bagoam in sedem Cyri admissus VI, 3, 12. mite ei ac tractabile ingenium, sed veritatis impatiens III, 2, 17. sanctus ac mitis III, 8, 5. natura simplex et mitis V, 10, 14. haud rudis Graecae linguae V, 11, 5. ad Babylonem exercitum contrahit III, 2, 2. eius somnium et pompa III, 3, 2 sqq. Ciliciam occupare festinat III, 7, 1. improspere apud Issum pugnat III, 9—11. fugit III, 11, 11. IV, 1, 1—3. eius mater et coniux captivae III, 11, 24. litterae ad Alexandrum superbe scriptae IV, 1, 7—9. aliae litterae, ut regi scriptae IV, 5, 1. duces copiarum Babyloniam convenire et omnia longinquarum gentium auxilia contrahi iubet IV, 6, 2. IV, 9, 2. mors uxoris IV, 10, 19. tertia de pace legatio IV, 11, 1. vincitur ad Arbela IV, 15. 16. fugit IV, 16, 8. V, 1, 3 sqq. Ecbatana, caput Mediae, pervenit V, 8, 1. Nabarzanes et Bessus comprehendere eum et vincere decernunt V, 9, 2. vincitur V, 12, 15—20. occiditur V, 13, 16.

- vaginam acinacis Persicam iussit mutari III, 3, 6. eius tabernaculum III, 11, 23. amiculum III, 12, 5. Bagoae spadoni assuetus erat VI, 5, 23.
- Dareus**, Hystaspis filius, III, 10, 8. IV, 1, 10. V, 6, 1
- Dataphernes** VII 5, 21. 22. vinctus a Dahis Alexandro deditur VIII, 3, 16.
- Demetrius**, corporis custos (Alexandri), VI, 7, 15. VI, 11, 35. 36. 37.
- Democrates** Atheniensis VI, 5, 9.
- Demophon** vates IX, 4, 28.
- Derbices**, gens Margianae, ad Oxum fluvium et mare Caspium habitans, III, 2, 7.
- Didymeon**, templum et oraculum Apollinis prope Miletum, VII, 5, 28.
- Dimnus**, coniurationis in Alexandrum particeps, comprehensus se ipse interficit VI, 7, 2—30. 34. VI, 9, 8. 16. VI, 10, 6. 9. 19. 20. VI, 11, 30.
- Dioxenus** VI, 7, 15.
- Dioxippus** Atheniensis, pugil nobilis, IX, 7, 16—26.
- Drangae**, gens Asiae, supra Gedrosiam colens, VI, 6, 36. VIII, 3, 17.
- Dropides**, Atheniensium ad Dareum legatus, III, 13, 5.
- Dyardanes** fluvius, per ultima Indiae currens, VIII, 9, 9.
- E.**
- Ecbatana**, caput Mediae, IV, 5, 8. V, 8, 1. V, 13, 1. VII, 10, 10.
- Ecbolima** (al. **Embolima**), urbs Indiae, VIII, 12, 1.
- Elaptonius** VIII, 6, 9.
- Elei**, socii defectionis Lacedaemoniorum, VI, 1, 20.
- Elpinicos** (al. **Excipinos**) iuvenis, aetatis flore conciliatus Alexandro, VII, 9, 19. (cf. praefat. p. XVII.)
- Eneti** v. **Heneti**.
- Epimenes** VIII, 6, 9. 20. 24.
- Epirus** X, 1, 18.
- Erigyus**, praetor Alexandri, VI, 4, 3. 24. inter claros duces VIII, 2, 40. ex amicis VI, 8, 17. adversus Satibarzanem missus VII, 3, 2. quem singulari certamine prosternit VII, 4, 34. 36. dissuadet Alexandro bellum Scythicum VII, 7, 9. 21. 22. 24. extinctus VIII, 2, 40.
- Erix** (al. **Eryx**) quidam, Indus, VIII, 12, 1. 3.
- Erythraeum mare**, cur ita appellatum, VIII, 9, 14.
- Erythrus** (al. **Erythras**) rex VIII, 9, 14. X, 1, 13. 14.
- Ethimanthus** (al. **Erymanthus**), Indiae fluvius, VIII, 9, 10.
- Euboica** gens (Gortuarum), in Asia habitans, IV, 12, 11.
- Euctemon** Cymaens V, 5, 9.
- Eudaemon**, dux Thracum, X, 1, 21.
- Euergetae** v. **Arimaspi**.
- Eumenes** Cardianus, praetor et ἀρχιγαμάρτης Alexandri, IX, 1, 19. post Alexandri mortem Cappadociae et Paphlagoniae praeficitur X, 10, 3.
- Euphrates** amnis III, 1, 10. III, 3, 7. III, 7, 1. IV, 1, 3. IV, 8, 16. IV, 9, 6. 9. 12. IV, 11, 5. 13. V, 1, 12. VI, 2, 12. IX, 2, 13. IX, 10, 3. X, 1, 16. X, 5, 12. 18. ortus eius cursusque V, 1, 13—15. interfluit Babylonem V, 1, 28. altum limum vehit V, 1, 29. munimentum regni Persici IV, 5, 4. IV, 14, 10. 15.
- Euripides** VIII, 1, 28.
- Europa** V, 6, 1. V, 7, 8. VI, 2, 13. 14.

Eurylochus VIII, 6, 20. 23. 26.
Excipinos v. **Elpinicos**.

G.

Gabaza (vel **Gazaba**), regio Sogdianae, VIII, 4, 1.
Gades, colonia Tyri, IV, 4, 20. X, 1, 17.
Gamaxus v. **Samaxus**.
Gangabas Persae vocant humeris onera portantes III, 13, 7.
Gangaridae, gens Indiae, ulteriorem ripam Gangis colens, IX, 2, 3.
Ganges, fluvius Indiae maximus, VIII, 9, 5. 8. IX, 2, 2. IX, 4, 8. 17. 20.
Gaza, urbs Palaestinae, IV, 5, 10. IV, 6, 7. IV, 7, 2.
Gedrosia v. **Cedrosia**.
Getae, gens Thraciae, X, 1, 44.
Gobares, praefectus urbis Persagadum, V, 6, 10.
Gordium, urbs Phrygiae, III, 1, 12.
Gordius, Midiae pater, III, 1, 14.
Gordyaei (al. **Gordueni** vel **Cordueni**), gens Armeniae, V, 1, 14.
Gordyaei montes, in Armenia siti, IV, 10, 8.
Gorgatas VII, 1, 38.
Gorgias VII, 1, 38.
Gortuae, gens olim Euboica, Persas quondam in Asiam secuta, non nota aliunde, IV, 12, 11.
Graecia IV, 5, 11. V, 11, 6. VI, 2, 5. IX, 6, 20.
Graeci sub Dareo militant III, 2, 9. III, 9, 2. III, 11, 18. IV, 1, 3. V, 8, 3. V, 12, 7. 18. eorum erga Dareum fides V, 8, 3. V, 10, 7. V, 11, 11. praecipua Darei spes III, 8, 1. capti ad Granicum III, 1, 9. captivi Graecorum IV, 8, 12. milites in exercitu Alexandri III, 10, 8. VI, 2, 17. Graeci

captivi a Persis variis suppliciiis affecti V, 5, 5. Graeci decernunt Alexandro coronam auream IV, 5, 11. eorum concilium VI, 1, 19. fabulosa carmina III, 1, 2. fabulae V, 1, 32. mores VIII, 3, 15. VIII, 5, 7. temporaria ingenia IV, 5, 11. mentiendi licentia VIII, 10, 12. Graeca lingua V, 11, 5. Graecus sermo V, 11, 7. Graecae urbes III, 1, 20. III, 13, 6. eorum ad Dareum legati III, 13, 6.
Granicus, amnis Mysiae, III, 1, 9. III, 10, 7. IV, 9, 22. IV, 14, 1. 10. VIII, 1, 20. IX, 2, 23.

H.

Hages, frater Pori, VIII, 14, 2.
Halicarnassus, urbs Dorica Cariae, III, 7, 4. VIII, 1, 36. proelium apud Halicarnassum V, 2, 5.
Halys amnis IV, 5, 1. Lydiam terminat IV, 11, 5.
Hammon VI, 10, 28. eius sedes IV, 7, 16—21. nemus IV, 7, 22. effigies IV, 7, 23. oraculum IV, 7, 5. 24. VI, 9, 18. ad eum corpus suum ferri iubet Alexander X, 5, 4.
Hammonii IV, 7, 20.
Harpalus, satrapes Babyloniae post Mazaei mortem et thesaurorum custodiae praefectus, IX, 3, 21. X, 2, 2. 3.
Haustanes VIII, 5, 2.
Hecataeus VII, 1, 38.
Hecatompylos, urbs Parthienae, VI, 2, 15.
Hector, Parmenionis filius, IV, 8, 7—9. VI, 9, 27.
Hegelochus, praetor Alexandri, III, 1, 19. IV, 5, 14.
Hegelochus, familiaris Parmenionis, VI, 11, 22. 27.
Hellanice Cliti soror, Alexan-

- dri nutrix, VIII, 1, 21. eius duo filii pro Alexandri gloria occubere mortem VIII, 2, 8.
- Hellanicus** virtutis causa donatus V, 2, 5.
- Hellespontus** III, 1, 19. 20. III, 5, 7. III, 12, 18. IV, 1, 36. IV, 5, 1. 7. IV, 11, 5. IV, 14, 9. VI, 3, 3. IX, 2, 24. IX, 6, 20. X, 10, 3.
- Hephaestion**, praetor Alexandri eique longe omnium amicorum carissimus, III, 12, 15. 16. 26. IV, 1, 16. 17. 18. IV, 5, 10. VI, 2, 9. VI, 8, 17. VI, 11, 10. 11. VII, 7, 9. VIII, 1, 1. 10. VIII, 2, 13. VIII, 10, 2. VIII, 12, 4. 6. 15. VIII, 14, 15. IX, 1, 35. IX, 10, 6. in matrimonium duxerat filiam Darei X, 5, 20.
- Heracon** X, 1, 1.
- Hercules** III, 12, 27. III, 10, 5. dicatus deus VIII, 5, 8. 11. 17. eum aequare studet Alexander IX, 2, 29. termini III, 10, 5. IX, 4, 21. species eius in somno oblata Alexandro IV, 2, 17. Hercules Tyrius IV, 8, 16. eum praecipue Tyrri colunt IV, 2, 3. 17. IV, 3, 22. crateram ei dicat Alexander IV, 8, 16. Hercules Indicus, cuius simulacrum apud Indos agmini peditum praefertur, VIII, 14, 11. in India fuit VIII, 10, 1. IX, 2, 29. IX, 4, 21. Aornis petra frustra ab eo obsessa VIII, 11, 2. Siborum maiores de exercitu eius erant IX, 4, 2. Macedonum reges ab Hercule genus ducunt IV, 2, 3. columnae Herculis X, 1, 17.
- Hermolaus**, ex regia cohorte, VIII, 6, 7. 25. eius oratio VIII, 7, 1—15.
- Hispaniae** X, 1, 18.
- Horitae** v. **Oritae**.
- Horratas** Macedo IX, 7, 17—22.
- Hyarotis** (vel **Hydraotes**), amnis Indiae, in Acesinem influens, IX, 1, 13.
- Hydarnes**, Darei praetor, IV, 5, 13.
- Hydaspes**, fluvius Indiae, VIII, 12, 13. VIII, 13, 5. (8.) IX, 2, 15. Acesini committitur IX, 4, 1. 8. munimentum regni Persici IV, 5, 4.
- Hypasis** (vel **Hyphasis**, **Hypanis**), fluvius Indiae, in Acesinem influens, IX, 1, 35.
- Hypsides** VII, 7, 36. 37.
- Hyrcani**, gens bellicosa, egregii equites, III, 2, 6. III, 9, 5.
- Hyrcania**, regio Asiae, ad mare Caspium supra Parthienem sita, IV, 5, 5. V, 13, 11. 18. VI, 4, 2. 3. 19. 25. VI, 5, 1. VIII, 3, 17. urbs Hyrcaniae (Zadracarta?) VI, 5, 22. finitima gens Amazonum VI, 5, 24.
- Hyrcanium** quidam mare Caspium appellant VI, 4, 18. VII, 3, 12.
- Hystaspes** Persa VI, 2, 7.

I.

- Iberia** a Graecis vocatae sunt Hispaniae a flumine Ibero X, 1, 18.
- Ilioneus**, Artabazi filius, III, 13, 13.
- Illyricum** VI, 6, 35.
- Illyrii** V, 1, 1. rapto vivere assueti III, 10, 9. eorum praeceptae petrae III, 10, 6. ab Alexandro subacti VI, 3, 2. IX, 6, 20. X, 2, 23. milites Alexandri III, 10, 9. IV, 13, 31.
- Imbrus** insula IV, 5, 22.
- Indi** III, 2, 9. III, 10, 5. VII, 4, 6. conveniunt ad Dareum IV, 9, 2. accolae rubri maris III, 2, 9. IV, 12, 9. Oceani IV, 5, 5. X,

- 10, 4. in potestate Darei V, 9, 5. maritimi IX, 10, 8. largus iis vini usus VIII, 9, 30.
- India** X, 10, 4. describitur VIII, 5, 3. 4. VIII, 9, 2 sqq. Indis quoque ignota IX, 3, 8. vis frigoris Indiae VII, 11, 8.
- Indicum mare** v. **Mare Indicum**.
- Indus** amnis VIII, 10, 2. VIII, 12, 4. IX, 4, 8. gelidior, quam ceteri amnes VIII, 9, 4. praealtus, utrimque asperis ripis, VIII, 11, 7.
- Ioleus** (al. **Ioceus**, **Ioecus**, **Loceus**) VI, 7, 15. (cf. praefat. p. XIII.)
- ollas**, filius Antipatri, X, 10, 14, 17.
- Iones** IV, 5, 7. VI, 3, 3.
- Ioniae** Graecorum coloniae IV, 1, 10.
- Iphicrates**, Atheniensium ad Dareum legatus, III, 13, 15.
- Issos**, urbs Ciliciae, III, 7, 6. 7. 8. III, 8, 14. IV, 1, 34.
- Ister** (s. **Danubius**) IV, 11, 13. VII, 7, 4.
- Isthmiorum** ludicrum IV, 5, 11.
- Italia** VIII, 1, 37. X, 1, 18.
- Iupiter**, Graeciae ultor, V, 5, 8. Iovis Hammonis oraculum IV, 7, 5. eius filium non dici tantum se, sed etiam credi vult Alexander VIII, 5, 5. eum propitiat IV, 13, 15. ara ei sacrata III, 12, 27. templum III, 1, 14. Iupiter Persarum III, 3, 11.
- L.**
- Lacedaemonii** (s. **Lacones** VI, 1, 11. VII, 4, 32.) deficiunt ab Alexandro, sed ab Antipatro vincuntur VI, 1, 1 sqq. veniam impetrant praeter auctores VI, 1, 20. eorum ad Dareum legati III, 13, 6. 15. VI, 5, 6. 7. 10. defectio VII, 4, 32. v. **Spartani**.
- Laomedon** Syriae praeficitur X, 10, 2.
- Leonidas** VII, 2, 35.
- Leonnatus**, praetor Alexandri, III, 12, 10. 12. VIII, 1, 46. VIII, 6, 22. VIII, 14, 15. IX, 5, 15. IX, 10, 2. 6. 7. 19. X, 7, 20. X, 8, 4. ex purpuratis Alexandri III, 12, 7. ex armigeris VI, 8, 17. stirpe regia genitus X, 7, 8. Phrygia minor Hellesponto adiuncta eius provincia X, 10, 3.
- Lesbus** insula III, 1, 19.
- Leucosyri**, gens Asiae, ad Pontum Euxinum habitans, (cf. **Cercetae**, **Chalybes**, **Mosyni**) VI, 4, 17.
- Libanus**, mons Phoenices, IV, 2, 18. X, 1, 19. in Libano Arabum agrestes Macedones adoriuntur IV, 2, 24.
- Liber Pater** v. **Bacchus**.
- Locrenses** equites in acie Alexandri IV, 13, 29.
- Lycaonia**, regio Asiae, supra Ciliciam sita, IV, 5, 13.
- Lycia**, regio Asiae minoris, inter Cariam et Pamphyliam sita, V, 4, 40. VII, 10, 12. eius res compositae III, 1, 1. eam obtinet Antigonus X, 10, 2. Lycius civis V, 4, 11. dux itineris V, 7, 12.
- Lycus** amnis, qui et Marsyas appellatur, in Maeandrum influens, III, 1, 5.
- Lycus**, fluvius Assyriae, in Tigrim influens, IV, 9, 9. IV, 16,
- Lydi** IV, 14, 24. [8. 16.]
- Lydia**, regio Asiae minoris, III, 4, 1. IV, 5, 7. 8. VI, 6, 35. VII, 8, 19. eam terminat Halys IV, 11, 5. ei praestit Antigonus IV, 1, 35. eam recuperare tentant praetores Darei IV, 1, 34. 35. provincia Menandri X, 10, 2.

Lyncestae, gens Illyrica, in Macedonia habitans, in exercitu Alexandri IV, 13, 28.

Lyncestes v. **Alexander Lyncestes** et **Amyntas Lyncestes**. [10.

Lyrnessus, urbs Troadis, III, 4,

Lysimachus, praetor Alexandri, qui postea in Thracia regnavit, VIII, 1, 14. 46. X, 10, 4.

M.

Macedonia VI, 2, 15.

Macedones assueti regio imperio IV, 7, 31. toto orbe noti IV, 14, 4. Alexandro rege dignissimi IV, 16, 33. gens bello nobilissima VI, 1, 7. 8. eorum armis nulla gens par VII, 9, 17. VIII, 8, 16. in acie senes facti IX, 2, 10. patrii moris tenaces VIII, 5, 7. liberatores orbis III, 10, 4. 5. Macedonum acies III, 2, 13. III, 3, 27. tropaea VII, 7, 14. regum genus IV, 2, 3. genti ingenita erga reges suos veneratio III, 6, 17. fortitudo III, 10, 4. IX, 7, 23. nomen IV, 14, 17. barbaris avium eorum nomen propter avaritiam ac libidinem praetorum X, 1, 4. lex de propinquis coniuratorum necandis VI, 11, 20. VIII, 6, 28. bella civilia X, 9, 1. Macedonicae phalangis vis III, 9, 2. Macedonicae vestes V, 2, 18.

Macerianus v. **Margianus**.

Madates Persa V, 3, 4. 12.

Maedi, gens Thracica, IX, 6, 20.

Maeotia (vel **Maeotis**) palus VI, 4, 18.

Magi III, 3, 9. V, 1, 22. magica ars, vanissimi cuiusque ludibrium, VII, 4, 8.

Malienses (*Μαλιείς*), gens Thessaliae, equites in exercitu Alexandri, IV, 13, 29.

Malli, gens Indiae, IX, 4, 15. IX, 8, 3.

Mallos, urbs Ciliciae, III, 7, 5.

Manapis (al. **Menapis**), satrapes Hyrcaniae, IV, 4, 25.

Maracanda, urbs Sogdianae, VII, 6, 10. 24. VII, 9, 20. VIII, 1, 7. 19. VIII, 2, 13.

Marathos, urbs Phoenices, IV, 1, 6.

Mardonius IV, 1, 11.

Mardi (al. **Amardi**), gens bellicosa, per plures Asiae regiones, ut Persidem, Hyrcaniam, Margianam, Armeniam, dispersa, III, 13, 2. 3. IV, 12, 17. multum a ceteris Persis cultu vitae abhorrens V, 6, 17. gens confinis Hyrcaniae, cultu vitae aspera et latrociniiis assueta VI, 5, 11. VIII, 3, 17.

Mare Caspium III, 2, 8. VI, 4, 16. 18. 19. VII, 3, 21. Hyrcanium VI, 4, 18. VII, 3, 21. Cilicium III, 1, 12. Indicum VII, 3, 7. rubrum III, 2, 9. IV, 7, 18. IV, 12, 9. V, 4, 5. VI, 2, 12. VIII, 9, 14. X, 1, 13. X, 10, 4. Persicum V, 3, 2. Ponticum (i. e. Pontus Euxinus) III, 1, 12. VII, 3, 4. VII, 4, 27.

Mareotis palus, in Aegypto prope Alexandriam sita, IV, 7, 9. IV, 8, 1.

Margania (al. **Marginia**), urbs Sogdianae, VII, 10, 15.

Margianus, incola Margianae, provinciae Persicae supra Ariam sitae, IX, 7, 4. (Vulgo **Macerianus** scriptum est. cf. praefat. p. XX.)

Marsyas amnis III, 1, 2.

Massagetae, gens Scythica, prope Caspium mare colens, IV, 12, 6. IV, 15, 2. VIII, 1, 3. 6. 8.

Mazaces, praetor Darei, praef-

- fectus urbis Memphis, IV, 1, 32.
IV, 7, 4.
- Mazaëus**, praetor Darei, IV, 9,
7. 12. 14. IV, 10, 14. IV, 11,
20. IV, 12, 1. 4. 5. 15. 18. IV,
15, 5. IV, 16, 1. 4. 7. Babylo-
nem seque dedit Alexandro V,
1, 17. 20. transfuga satrapea
Babyloniae donatur V, 1, 44.
demortuus VIII, 3, 17.
- Mazagae** (al. *Massaga*), urbs
Indiae, regia Assacani, VIII, 10,
22.
- Medi** III, 2, 4. III, 9, 5. IV, 12,
14. V, 4, 2. V, 7, 12. V, 8, 1.
V, 13, 1. VI, 2, 11. VIII, 3, 17.
- Media** IV, 5, 5. V, 1, 9. 11. 12.
IV, 14, 24. VI, 3, 3. VII, 8, 18.
X, 10, 4. Mediae praeest Parme-
nion VI, 8, 18. Media nulla opu-
lentior regio VI, 9, 22.
- Medus**, fluvius Persidis, qui in
Media oritur et in Araxen se ef-
fundit. Curtius contra tradit, Ara-
xen multorum aquas torrentium
evolvere in Medum, V, 4, 7.
- Megalepolitani** VI, 1, 20.
- Meleager**, praetor Alexandri, III,
9, 7. IV, 13, 27. V, 4, 14. VII,
6, 19. 21. VIII, 12, 17. X, 6,
20. X, 7, 1. 7. 10. 14. 17. 19.
X, 8, 1—7. 22. 23. X, 9, 7—
10. 13. 17. 18. 20.
- Melon**, Darei interpres, V, 13, 7.
- Memaceni**, gens Asiae, prope
Iaxarten fluvium, quem Curtius
Tanaim nominat, colens, VII, 6,
17. 21.
- Memnon** Rhodius, nobilissimus
dux, III, 13, 14. III, 4, 3. eius
mors III, 1, 21. III, 2, 1.
- Memnon**, praetor Alexandri, Sy-
riae praefectus, IV, 8, 11. (alius)
supplementa e Thracia adducit
IX, 3, 21.
- Memnon**, Tithoni filius, IV, 8, 3.
- Memphis**, urbs Aegypti, in
nistra Nili ripa sita, IV, 1, 30.
IV, 7, 4. 5. IV, 8, 2. X, 10, 20.
- Menander**, praetor Alexandri,
X, 10, 2.
- Menedemus**, praetor Alexan-
dri, VII, 6, 24. VII, 7, 31. VII,
9, 21.
- Menes**, praetor Alexandri, V, 1,
43.
- Menidas**, praetor Alexandri, IV,
12, 4. IV, 15, 12. IV, 16, 32
VII, 10, 11.
- Mennis**, urbs Babyloniae, non
nota aliunde, V, 1, 16.
- Menon**, Arachosiis praetor datus,
VII, 3, 5. morbo interiit IX, 10,
20.
- Mentor**, Thymodis pater, III, 3,
1. eius filiae III, 13, 14.
- Meros**, mons Indiae, VIII, 10, 12.
- Mesopotamia** IV, 9, 1. unde
dicta V, 1, 15. fervidissimus in
ea regione aestus X, 10, 10.
eius campi III, 2, 3. III, 8, 2.
IV, 9, 6. V, 1, 15. IX, 2, 13.
praetores X, 1, 19.
- Methymnaei**, incolae Methym-
nae, urbis in insula Lesbo sitae,
IV, 5, 19. IV, 8, 11.
- Metron**, nobilis iuvenis, super
armamentarium positus, VI, 7,
22. VI, 9, 7. 9.
- Midas** III, 1, 12. pater Gordius
III, 1, 14.
- Milesii** VII, 5, 29. 30. pecu-
niam ab iis exigit Pharnabazus
IV, 1, 37.
- Miletus**, urbs Ionum, in Caria
sita, IV, 5, 13. VII, 5, 28. 35.
VIII, 2, 8.
- Minerva** III, 7, 3. III, 12, 27.
IV, 13, 15. VIII, 2, 32. VIII, 11,
24.
- Mithracenes** Persa V, 13, 9.
- Mithrenes** Persa, Sardium pro-

ditor, III, 12, 6. Armenia ei ab Alexandro data V, 1, 44. V, 8, 12.
Mithres (vel **Mithras**), deus veterum Persarum, a Sole diversus, IV, 13, 12. Postea tamen Sol ipsè Mithras vocatus est.
Mitylenaei IV, 8, 13.
Mitylene, urbs Lesbi insulae, IV, 5, 22.
Moeris, rex Indicus, IX, 8, 28.
Monimus, Lacedaemoniorum ad Dareum legatus, III, 13, 15.
Mosyni (vel **Mosynoeci**), gens Ponti, in ora Ponti Euxini, non, ut Curtius narrat, ad Caspium mare habitans, VI, 4, 17.
Mullinus, scriba Alexandri regis, VIII, 11, 5. Nomen corruptum videtur.
Musicani, gens Indiae, IX, 8, 8. IX, 8, 16.
Myndii, incolae Myndi, urbis Doricae in Caria sitae, III, 7, 4.

N.

Nabarzanes, praetor Darei, III, 7, 12. III, 9, 1. cum Besso insidiatur Dareo V, 9, 2. 3. 11. V, 10, 1. 12. 13. V, 11, 8. V, 12, 14. Hyrcaniam fuga petit V, 13, 18. VI, 3, 9. eius litterae ad Alexandrum VI, 4, 8. occurrit Alexandro VI, 5, 22. 23.
Nasamones, gens Africae, IV, 7, 19. (cf. Syrtica gens.)
Nautaca, regio Sogdianae, non procul ab Oxo flumine sita, VIII, 2, 19.
Nearchus, praefectus classis Macedonicae, IX, 10, 3. X, 1, 10. eius sententia de successore Alexandri X, 6, 10.
Neptunus IV, 2, 20. IV, 4, 5.
Nicaea, urbs Indiae, ab Alexandro condita, IX, 3, 23.
Nicanor, Parmenionis filius, III,

9, 7. IV, 13, 27. V, 13, 19. subita morte correptus VI, 6, 18. VI, 9, 13. 27.
Nicanor VI, 7, 15.
Nicanor, nobilis iuvenis in exercitu Macedonum, VIII, 13, 13.
Nicarchides arci Persepolis ab Alexandro praeficitur V, 6, 11.
Nicomachus exoletus VI, 7, 2. 16. 25. VI, 8, 1. 12. VI, 10, 7. VI, 11, 37. 38.
Nicostratus, ex regia cohorte, VIII, 6, 9.
Nilus IV, 7, 3. eius claustra IV, 8, 4. crocodilos alit VIII, 9, 9.
Ninus III, 3, 16.
Nora (al. **Ora**), urbs Indiae, VIII, 11, 1.
Numidia X, 1, 17.
Nymphae III, 1, 4.
Nysa, urbs Indiae, a Libero patre condita, VIII, 10, 7.

O.

Oceanus IV, 14, 9. IX, 3, 14. IX, 9, 9. X, 5, 36.
Ochus, amnis Asiae, influens, ut alii tradunt, in mare Caspium, ut alii, in Oxum fluvium, VII, 10, 15.
Ochus, Darei filius, sex annos natus, (III, 11, 24. III, 12, 26.) IV, 11, 6. IV, 14, 22.
Ochus, Artaxerxes III., qui ante Dareum regnaverat, III, 13, 12. 13. VI, 2, 7. VI, 4, 25. VI, 5, 2. saevissimus regum X, 5, 23. eius filiae tres III, 13, 12. uxor III, 13, 13. neptis VI, 2, 7.
Odrysaе, gens Thraciae, X, 1, 45.
Olympias, Alexandri mater, V, 2, 22. IX, 6, 26. eam immortalitati consecrare decrevit Alexander IX, 6, 26. X, 5, 30.
Olynthius, incola Olynthi, coloniae Graecae in Macedonia ad

- sinum Toronaeum sitae, VIII, 8, 19.
- Omphis** (ap. Diodor. Sic. **Mophis**), Taxilis filius, rex Indiae, permittente Alexandro nomen patris assumit VIII, 12, 4. 14.
- Onchae** (al. **Unchae**), oppidum Syriae, non aliunde notum, IV, 1, 3.
- Onesicritus**, summus classis Macedonicae in Oceanum missae gubernator (*ἀρχικυβερνήτης*) et vitae Alexandri scriptor, IX, 10, 3. X, 1, 10.
- Onomastorides**, Lacedaemoniorum ad Dareum legatus, III, 13, 15.
- Orestae**, gens Epirotica, Macedoniae adiecta, IV, 13, 28.
- Oritae** (al. **Horitae**), gens Gedrosiae, IX, 10, 6.
- Orsilos** Persa V, 13, 9.
- Orsines**, satrapes Persagadum, nobilitate ac divitiis inter omnes barbaros eminens X, 1, 22. genus ducebat a Cyro X, 1, 23. a septem Persis oriundus IV, 12, 8. eius supplicium X, 1, 29. 35. 37.
- Oxartes** VIII, 2, 25. 27. 30. 31.
- Oxathres**, Darei frater, III, 11, 8. III, 13, 13. VI, 2, 9. VII, 5, 40.
- Oxus**, amnis Asiae, qui in Parapamiso oritur et in mare Caspium influit, VII, 4, 5. VII, 4, 21. VII, 5, 13. turbidus semper et insalubris potui VII, 10, 13. 15.
- Oxyartes** (cuius nomen VIII, 4, 21. in codicibus male mutatum est in **Cohortandus**, ex quo Iunius et Modius fecerunt **Cohortanus**) Persa, praetor Bactrianorum, Roxanes pater, VIII, 4, 21. X, 3, 11. amplioris imperii donatus finibus IX, 8, 10.
- Oxydates** Persa VI, 2, 11. VIII, 3, 17.
- Oxydracae**, gens Indiae, IX, 4, 15. 24. 26.
- Ozines**, nobilis Persa, IX, 10, 19.

P.

- Paeones**, gens Macedoniae, IV, 9, 24.
- Paconia** IV, 12, 22.
- Palaetyros** IV, 2, 4.
- Pamphylia**, regio Asiae minoris, mari adiacens, III, 1, 1. V, 3, 22. VI, 3, 3. Antigono datur X, 10, 2.
- Paphlagones** IV, 1, 34. VI, 11, 4.
- Paphlagonia**, regio Asiae minoris, inter Bithyniam et Pontum ad Pontum Euxinum sita, III, 1, 22. eam capit Calas IV, 5, 13. cedit Eumeni X, 10, 3.
- Paraetacene**, regio Persidis, V, 13, 2.
- Parapamisadae** (vel **Paropamisadae**), gens Asiae, ad montem Parapamisum habitans, Indiae vicina, VII, 3, 6. IX, 8, 9.
- Parapamisus** (vel **Paropamisus**), mons Asiae, Indiae vicinus, in quo Oxus et Indus amnes oriuntur. Nominatur etiam Caucasus Indicus. VII, 4, 31.
- Parmenio**, praetor Alexandri, fidissimus purpuratorum IV, 6, 4. peritissimus inter duces artium belli IV, 13, 4. princeps amicorum VI, 11, 39. militiae domique clarus vir VII, 2, 33. omnium periculorum Alexandri particeps, Philippo ante omnes amicus et ipsi Alexandro fidissimus VII, 1, 3. — III, 4, 15. III, 6, 14. III, 7, 6. 8. III, 9, 8. 10. III, 11, 3. 13. III, 12, 27. III, 13, 2. 3. 4. 8. IV, 1, 4. IV, 5, 9. IV, 10, 17. IV, 11, 11. IV, 13, 7. 11. 20. 23. 27. 35. IV, 15,

6. 7. IV, 16, 1—4. 7. 19. V, 3, 16. V, 6, 11. VI, 8, 7. 11. 18. VI, 9, 4. 13. 27. VI, 10, 34. VI, 11, 20. 29. VII, 1, 27. VII, 2, 11. 13. 16. 20. 23—25. 30. VIII, 1, 33. 52. VIII, 7, 4. VIII, 8, 5. X, 1, 1. 6. Alexandri iussu indicta causa (VIII, 7, 5.) a Cleandro occiditur VII, 2, 27.
- Parthi v. Parthieni.**
- Parthiene**, provincia Persica, Hyrcaniae, infra quam sita erat, adiecta, V, 12, 18. VI, 2, 12. VI, 3, 3. VI, 4, 2. VI, 5, 32.
- Parthieni**, incolae Parthienes, IV, 12, 11. VI, 2, 12. IX, 10, 17. Discernuntur ab iis apud Curtium Parthi, regni Parthici ab Arsace conditi incolae. Parthienorum gens, incolentium terras, quas nunc Parthi Scythia profecti tenent IV, 12, 11. At eandem tamen utramque esse gentem Curtius ipse significat hisce: Parthienen, tunc ignobilem gentem, nunc caput omnium, qui post Euphraten et Tigrim amnes siti rubro mari terminantur VI, 2, 12. — Scythae, qui Parthos condidere VI, 2, 14. Alias urbes habuere Macedonum reges, quas nunc habent Parthi V, 7. 9. Caput Mediae urbs haec (Ecbatana) nunc tenent Parthi V, 8, 1.
- Pasargadae v. Persagadae.**
- Pasas** Thessalus X, 8, 15.
- Pasitigris**, Asiae fluvius. Oritur in montibus Uxiorum et Persico mari se insinuat V, 3, 1. 2. Alii tamen scriptores tradunt, extremam Tigridis cum Euphrate coniuncti partem Pasitigrim nominari.
- Patalia**, gens Indiae, IX, 8, 28. Ab aliis insula Pattalene com-
CURT. RUF.
- memoratur, ad ostia Indi sita, et oppidum Pattala.
- Patron**, dux Graecorum militum Darei, V, 9, 15. V, 11, 1. 3. 4. 7. 8. 9. 12. V, 12, 4. 7.
- Pausanias**, Philippi regis interfecto, VII, 1, 6.
- Pausippus**, Lacedaemoniorum ad Dareum legatus, III, 13, 15.
- Peloponnenses** IV, 13, 29.
- Peloponnesii** III, 9, 8. VII, 4, 31.
- Peloponnesus** III, 1, 1, V, 1, 41. VI, 3, 2.
- Pelusium**, urbs Aegypti, ad orientale Nili ostium (Pelusiacum) sita, IV, 1, 30. IV, 7, 2. 3. Pelusium (i. e. Pelusiacum) ostium IV, 1, 29.
- Perdiccas**, rex Macedonum, VI, 11, 26.
- Perdiccas** (s. **Perdicca**), unus e praestantissimis praetoribus Alexandri, cui hic moribundus detractum anulum digito tradidit X, 5, 4, atque ita significare visus est, eum optimum esse X, 6, 16. — III, 9, 7. IV, 3, 1. IV, 16, 32. VI, 8, 17. VII, 6, 19. 21. VIII, 1, 45. 48. VIII, 10, 2. VIII, 14, 5. 15. IX, 1, 19. X, 6, 4—9. 17—18. 20. X, 7, 7. 8. 16. 18—21. X, 8, 1—6. 11. 12. 22. 23. X, 9, 7—10. 18. 20. X, 10, 1. 4.
- Perilaus** X, 8, 15.
- Persae**: agminis eorum ordo III, 3, 9 sqq. feminis lanificium contumeliosum V, 2, 19. filii non consident in conspectu matris, nisi quum illa permisit V, 2, 22. imperium per ducentos triginta annos ad summum fastigium evectum IV, 14, 20. detondent comas in luctu X, 5, 17. capital Persis, in sella regis con-

- sedisse VIII, 4, 17. a septem Persis oriundus IV, 12, 8.
- Persagadae** (vel **Pasargadae**), vetus Persidis caput, non procul a Persepoli ad Cyrum fluvium situm, a Cyro rege conditum V, 6, 10. X, 1, 22.
- Persepolis**, caput Persidis et regni Persici, prope Araxen fluvium situm, V, 4, 33. V, 6, 1. IV, 5, 8. regia totius orientis V, 7, 8. eius divitiae V, 6, 2 sqq. diripitur a Macedonibus V, 6, 4 sqq. redit Alexander V, 6, 19. incendit eam V, 7, 5 sqq. arx V, 6, 11.
- Persicum mare** v. **Mare Persicum**.
- Persis**, provincia regni Persici, III, 11, 19. V, 1, 37. V, 2, 16. V, 3, 3. 16. 17. V, 6, 12. VI, 2, 3. opulenta IX, 10, 23. situs V, 4, 4. 5. reges IV, 10, 6. V, 6, 1. eam intrat Alexander V, 3, 17. Cyrus imperium primus in Persidem intulit IV, 14, 24.
- Peucestes** Macedo Aegyptio praeficitur IV, 8, 4.
- Peucestes** (εἰς τῶν ὑπασπιστῶν Diod. XVII, 99.) Alexandro periclitanti supervenit IX, 5, 14. 17. 18.
- Peucolaus**, praetor Alexandri, VII, 10, 10.
- Pharnabazus**, praetor Darei, III, 3, 1. III, 8, 1. IV, 1, 37. IV, 5, 15. 17. 19. 20. eius uxor et filius III, 13, 14.
- Pharos** insula, obiecta Alexandriae (cf. Caesar b. c. III, 112.), IV, 8, 1.
- Phasis**, fluvius Ponti, iuxta oppidum Phasin in Pontum Euxinum influens, VI, 5, 25.
- Phegeus**, rex Indicus, IX, 1, 36. IX, 2, 2.
- Philippus**, Alexandri pater, III, 7, 11. IV, 15, 8. VII, 1, 3. VIII, 1, 20. X, 2, 23. victor Atheniensium III, 10, 7. VIII, 1, 33. eius interfectores IV, 7, 27. IV, 1, 12. VII, 1, 6. Alexander eum ultus est X, 5, 30. eum dedignatur patrem VI, 11, 23. IV, 10, 3. in acie tutior quam in theatro fuit IX, 6, 25. eius hospes Artabazus V, 9, 1. VI, 5, 2. Manapis exul ad Philippum pervenit VI, 4, 25. Philippo genitus Ptolemaeus IX, 8, 22.
- Philippus** Acarnan, medicus Alexandri, III, 6, 1. 4. 9. 14. 17. IV, 6, 17. VI, 10, 34.
- Philippus Arrhidaeus** v. **Arrhidaeus**.
- Philippus Balacri** (filius), praetor Alexandri, IV, 13, 28.
- Philippus**, dux Thessalorum equitum, IV, 13, 29. VI, 6, 35.
- Philippus**, Lysimachi frater, VIII, 2, 35.
- Philippus**, satrapes partis Indiae (Arrian. VI, 2, 3. VI, 15, 2.), ex vulnere interit X, 1, 20. (Arrian. VI, 27, 2.)
- Philotas Augaeus** virtutis causa donatus V, 2, 5. v. **Augaeus**.
- Philotas**, Parmenionis filius, IV, 13, 26. V, 2, 15. V, 4, 20. 30. VI, 6, 19. praeparatas in caput regis insidias biduo tegit VI, 7, 18 sqq. ipse perfidiae suspectus accusatur et occiditur VI, 7, 27 — VI, 11, 40. VII, 1, 1. VIII, 7, 4. VIII, 8, 5.
- Philotas**, praetor Alexandri, regioni circa Tyrum iussus praesidere IV, 5, 9.
- Philotas**: Cilicia ei destinata X, 10, 2. [6, 9.]
- Philotas**, ex regia cohorte, VIII,

- Phoenice** IV, 1, 15. IV, 2, 1. IV, 5, 10. VI, 3, 3. Laomedonti datur X, 10, 2.
- Phradates**, praefectus gentis Tapurorum, IV, 12, 9. VI, 4, 24. VI, 5, 21. VIII, 3, 17. occiditur X, 1, 39.
- Phrataphernes** satrapes Alexandro se dedit VI, 4, 23. Hyrcaniam et Mardos cum Tapuris Alexander ei tradit VIII, 3, 17. Parthienorum satrapes IX, 10, 17.
- Phrataphernes**, qui Chorasmitis praerat, VIII, 1, 8.
- Phryges**, Alexandri milites, IV, 12, 11. homines rustici VI, 11, 4.
- Phrygia**, regio Asiae minoris, III, 1, 11. VI, 3, 3. pluribus vicis quam urbibus frequens III, 1, 11. Phrygiam maiorem Antigonus obtinet X, 10, 2. minorem Leonnatus X, 10, 3.
- Pinarus**, fluvius Ciliciae, prope Issum in sinum Issicum influens, III, 8, 16. 28. III, 12, 27.
- Pisidae**, gens Asiae minoris, VI, 3, 3.
- Pithon**, praetor Alexandri, IX, 8, 16. X, 7, 4. 8. X, 10, 4.
- Platon** Atheniensis V, 7, 12.
- Pnytagoras**, rex Cypriorum, IV, 3, 11.
- Poeni** (i. e. Carthaginenses) IV, 2, 11. IV, 3, 22.
- Polemon** claustra Nili tueri iubetur ab Alexandro IV, 8, 4.
- Polemon**, Andromenis filius, Amyntae et Simmiae frater, VII, 1, 10. VII, 2, 1.
- Pollux** VIII, 5, 8.
- Polydamas** acceptissimus Parmenioni, proximus lateri in acie stare solitus VII, 2, 11. IV, 15, 6. 7. iussu Alexandri Parmenionem occidit VII, 2, 11—27. 29.
- Polypercon**, praetor Alexandri, IV, 13, 7. dux peregrini militis IV, 13, 28. V, 4, 20. 30. VIII, 5, 2. 22. 24. VIII, 11, 1.
- Polystratus** Macedo V, 13, 24.
- Polytimetus**, amnis Sogdianae, VII, 10, 2.
- Ponticum mare** v. **Mare Ponticum**.
- Ponticae** gentes X, 10, 4.
- Porticanus**, rex Indicus, IX, 8, 11. 12.
- Porus**, rex Indiae, VIII, 12, 13. corpus rarae magnitudinis et animus par robori corporis VIII, 13, 7. VIII, 14, 13. pertinacia VIII, 14, 38. ad deditionem eum Alexander nominis sui fama frustra compellere conatur VIII, 13, 2. in ulteriore Hydaspis amnis ripa consedit VIII, 13, 5. 16. 19. 27. pugna commissa ab Alexandro superatur, sed benigne tractatur VIII, 14, 1 — 46. IX, 1, 7. 8. IX, 2, 5. Porus et Taxiles discordes, sed reconciliatur gratia IX, 3, 22. Pori litterae ad Alexandrum X, 1, 20.
- Praesti**, gens Indiae, IX, 8, 11.
- Prasii**, gens Indiae, ulteriorem ripam Gangis colens, IX, 2, 3.
- Prometheus** VII, 3, 22.
- Ptolemaeus**, Lagi filius, praetor Alexandri, qui postea in Aegypto regnavit IX, 5, 21. Philippo genitus esse credebatur IX, 8, 22. (in libro derebus gestis Alexandri scripto) gloriae suae non est refragatus IX, 5, 21. retinet Alexandrum interficere volentem Clitum VIII, 1, 45. 48. — VIII, 6, 22. plurimas (in India) urbes, Alexander maximas capit VIII, 10, 21. VIII, 13, 18. 19. VIII, 14. 15. IX, 6, 15. vulneratur IX, 8, 22. 25. populatur Indos IX, 10, 6. 7. non vult successo-

rem Alexandri eligi X, 6, 13.
16. X, 7, 16. satrapes Aegypti
et Africae gentium X, 10, 1. 20.
Pyramus, fluvius Asiae mino-
ris, prope Mallum in mare in-
fluens, III, 4, 7. III, 7, 5.

R.

Rheomithres, praetor Darei,
III, 11, 10.

Rhodii urbem suam portusque
dedunt Alexandro IV, 5, 9. que-
runtur de praesidio IV, 8, 12.

Rhosaces (al. **Rhoesaces**)
satrapes: manum eius capiti
Alexandri imminuentem amputat
Clitus VIII, 1, 20.

Ridagnus (al. **Ridagus**),
amnis Parthiae, in quem Ziobe-
tis cadit, VI, 4, 6.

Romana mansuetudo IV, 4, 21.

Romanus populus X, 9, 3.

Roxane, Oxyartis filia, uxor
Alexandri, VIII, 4, 23. 25. prae-
gnans X, 6, 9. 13. 21. X, 7, 8.

Rubrum mare v. **Mare ru-
brum**.

S.

Sabarcae, gens Indiae, IX, 8, 4.

Sacae, gens Scythica, Massagetis
vicina (hodie Kirghis-Kosaken),
V, 9, 5. VII, 4, 6. VII, 9, 17. 19.

Sagi, gens vel regio ignota Sog-
dianae, VIII, 4, 20.

Samaritae, incolae Samariae,
regionis Palaestinae, IV, 8, 9.

Samaxus (al. **Gamaxus**), rex
Indorum, VIII, 13, 4.

Sambus, rex Indicus, IX, 8,
13. 17.

Samothracum initia VIII, 1, 26.

Sangarius, fluvius Asiae mino-
ris, in Pontum Euxinum influens,
III, 1, 12.

Sardes, caput Lydiae, III, 12, 6.
V, 1, 44.

Sarmatae, gens maxima Euro-
pae et Asiae, cuius non finitima,
sed pars est Scytharum gens,
VII, 7, 3.

Sataces (al. **Sabaces**), prae-
tor Aegypti, III, 11, 10. IV, 1, 28.

Satibarzanes, satrapes Ario-
rum, VI, 6, 13. 20. 21. 22. 25.
34. VII, 3, 2. VII, 4, 33. 37.

Satrapene, regio ignota Asiae,
V, 2, 1. Mutandum fortasse no-
men in Sittacene, quae regio
est Assyriae.

Satropates, equitatus Persarum
praefectus, IV, 9, 7. 25.

Saturno pueri immolati IV, 3, 23.

Scenitae, Aethiopes, IV, 7, 19.

Scythae, gens haud procul Thra-
cia sita, Sarmatarum non fini-
tima, sed pars, VII, 7, 3. sedes
eorum in Europa et in Asia VI,
2, 13. Asiatici super Bosporum
colunt, Europaei ad Borysthenem
atque ad Tanaim attinent VI, 2,
13. ab Europaeis Scythiis Tanais
Bactrianos dividit VII, 7, 2. Ta-
nais accolae VI, 6, 13. ultra Ta-
naim colentes VII, 4, 6. 32. rex
Scytharum, cuius ultra Tanaim
imperium, VII, 7, 1. Tanais, amnis
regionis, quam Scythae Europaei
incolunt, VII, 6, 12. Scythae, qui
super Bosporum colunt, VII, 6, 12.
VI, 2, 13. VIII, 1, 7. terribiles
facies Scytharum IV, 13, 5. pro-
ceritas VII, 4, 6. sapientia VII,
8, 10. bellicosissima gens et rap-
pto vivere assueta IV, 6, 3. in-
victi ante Alexandrum VII, 9, 17.
18. arcus Scythicus X, 1, 31. mi-
litant sub Dareo IV, 9, 2. IV, 14,
3. IV, 15, 12. 13. Alexander ve-
at eos transire Tanaim VII, 6, 12.
bellum cum iis gesturus est, dis-
suadentibus amicis, VII, 6, 5 sqq.
Scytharum legati ad eum veniunt

- VII, 8, 8. eorum oratio VII, 8, 12—30. Alexander Tanaim transit Scythasque fugat VII, 9, 2 sqq. Scythae Alexandri milites VIII, 14, 5. IX, 2, 24. 33. Scytharum solitudines VII, 8, 23.
- Scythae Abii** v. **Abii**.
- Scythiae** deserta VII, 3, 19.
- Semiramis** Babylonem condidit V, 1, 24. eius gesta IX, 6, 23. eam et Cyrum Alexander maxime admiratur VII, 6, 20.
- Seuthes** (III.), rex Odrysarum, X, 1, 45.
- Sibi**, gens Indiae, IX, 4, 2.
- Sibyrtius** Cedrosiae praeponitur IX, 10, 20.
- Sicilia** VIII, 5, 8.
- Sidon**, urbs Phoenices, vetustate famaue conditorum inclita, IV, 1, 15. IV, 4, 15.
- Sidonii** IV, 1, 16. IV, 4, 15.
- Simmias**, Andromenis filius, VII, 1, 10.
- Sinopenses**, incolae Sinopes, coloniae Graecae in Cappadocia ad Pontum Euxinum sitae: eorum ad Dareum legati VI, 5, 6.
- Siphnus**, insula maris Aegaei, una ex Cycladibus, IV, 1, 37.
- Sisenes** (al. **Sisines**) Perses in exercitu Alexandri III, 7, 11—15.
- Sisocostus** VIII, 11, 24.
- Sisygambis**, mater Darei, III, 3, 22. captiva III, 11, 24. III, 12, 17. 24. non fidit victoriae suorum IV, 15, 10. 11. aspernatur munus Alexandri V, 2, 19. 20. mater ab eo appellatur V, 2, 20. 22. deprecatur eum pro necessario suo V, 3, 14. luget mortem Alexandri et inedia extinguitur X, 5, 19—24.
- Sitalces**, praetor Alexandri, X, 1, 1. [5, 9.]
- Socrates**, Ciliciae satrapes, IV, **Sogdiana**, provincia regni Persici, inter Oxum et Iaxarten amnes supra Bactrianam sita, VIII, 1, 35. maiore ex parte deserta VII, 10, 1.
- Sogdiani** III, 2, 9. IV, 5, 5. IV, 12, 7. VII, 4, 5. VII, 5, 1. VII, 8, 21. VII, 10, 4, 10. VIII, 1, 7. X, 10, 4. inter Macedones militans IX, 2, 24.
- Soli**, urbs Ciliciae, III, 7, 2.
- Sopithes** (al. **Sophites**) IX, 1, 24.
- Sopolis**, pater Hermolai, VIII, 7, 2.
- Sostratus**, ex regia cohorte, VIII, 6, 7. 8.
- Sparta** ab Alexandro perdomita VI, 3, 2. VI, 1, 16.
- Spartani** IV, 8, 15. VII, 4, 39.
- Spitamenes** inter omnes amicos praecipuo honore cultus a Besso VII, 5, 19. 22. 36 sq. VII, 6, 14. 24. VII, 7, 31. 33. 38. VII, 9, 20. VIII, 3, 1. 2. 8. 12. 16.
- Stamenes**, satrapes Babyloniae, VIII, 3, 17.
- Stasanor**, Drangarum praefectus, VIII, 3, 17.
- Statira**, filia Darei, IV, 5, 1.
- Strato**, rex Aradi, IV, 1, 6.
- Strato**, rex Sidonis, IV, 1, 16. 26.
- Stymphaei** (vel **Tymphaei**), gens Epirotica, milites in exercitu Alexandri IV, 13, 28. (cf. praefat. p. IX.)
- Styx** fons X, 10, 17.
- Sunium** X, 2, 1.
- Susa**, caput Susianae, provinciae Persicae, iuxta Babyloniam sita, inter ornamenta regni V, 1, 7. adit ea Alexander V, 2, 8 sqq. tradit Archelao V, 2, 16. finitima regio Uxiorum V, 3, 3. V, 6, 9.
- Susiani** (vel **Susii**), incolae Susianae, IV, 12, 6. V, 3. 3. 16.

Susides pylae, angustiae inter regionem Uxiorum et Persidem sitae, V, 3, 17.

Symmachus VIII, 13, 13.

Syracusae IV, 3, 22.

Syri IV, 1, 5. IV, 12, 12.

Syria, provincia Persica, supra Arabiam sita, III, 8, 12. III, 12, 27. IV, 2, 1. IV, 8, 9. IV, 14, 1. V, 1, 35. V, 13, 11. VI, 3, 3. VII, 8, 18. VII, 10, 12. X, 1, 17. X, 1, 2.

Syria, quam Coelen vocant, v. **Coelesyria**.

Syrtica gens h. e. gens Syrticam, regionem maritimam Africae septentrionalis, inter utramque Syrtim sitam, incolens, IV, 7, 19.

Sysimithres Sogdianus VIII, 2, 19. 27. 28. 32. VIII, 4, 19. 20.

T.

Tabae, oppidum Paraetacenes, V, 13, 2.

Tanaïs a Curtio errore a Graecis auctoribus profecto nominatur Iaxartes, fluvius Asiae, Sogdianam a Scythis nomadibus dividens et in mare Caspium influens. Europam et Asiam interfuit VI, 2, 14. VII, 7, 1. 2. 4. IV, 5, 5. VII, 4, 6. VII, 5, 36. VII, 6, 12. 13. 25. VII, 8, 22. 30.

Tapuri (al. **Tapyri**), gens Asiae, inter Derbices et Hyrcanos ad mare Caspium colens, VI, 4, 24. 25. VIII, 3, 17. equites in exercitu Darei militant III, 2, 6.

Tarsos, urbs Ciliciae, III, 4, 14.

Tauron praefectus V, 3, 6. 10. VIII, 14, 15. [VII, 3, 20.

Taurus, mons Asiae minoris,

Taxiles pater et filius, reges Indiae, VIII, 12, 14. VIII, 13, 5. VIII, 14, 35. 41. IX, 3, 22. X, 1, 20. cf. **Omphis**.

Tenedos insula IV, 5, 14.

Terioltes, satrapes Parapamisadarum, IX, 8, 9.

Thais V, 7, 3.

Thalestris, Amazonum regina, VI, 5, 25.

Theaetetus Atheniensis V, 5, 17.

Thebae Boeotiae, colonia Tyri, IV, 4, 20. earum excidium VIII, 1, 33. [4, 10.

Thebe, oppidum Troadis, III,

Themiscyra, regio Ponti, VI, 5, 24.

Theodotus virtutis causa donatus V, 2, 5.

Thermodon, fluvius Ponti, VI, 5, 24.

Thersippus legatus Alexandri IV, 1, 15.

Thessali equites III, 2, 16. III, 9, 8. III, 11, 13. 14. IV, 13, 29. IV, 16, 5. VI, 6, 35.

Thimbro, interfector Harpali, X, 2, 3.

Thracia V, 1, 1. VI, 2, 13. VI, 3, 2. VII, 7, 3. IX, 3, 21. IX, 6, 20. X, 1, 45. X, 10, 4. Thraciae saxa III, 10, 6.

Thracēs raptō vivere assueti III, 10, 9. milites Alexandri leviter armati III, 4, 13. III, 9, 9. IV, 13, 31. V, 1, 41. V, 3, 3. VIII, 14, 24. dux Thracum Eudaemon X, 1, 21.

Thymodes, Mentoris filius, III, 3, 1. III, 8, 1. III, 9, 2.

Tigris, nobilis fluvius Asiae, ex Armeniae montibus profluit et in sinum Persicum (in rubrum mare, ut Curtius tradit,) se effundit V, 1, 12—15. IV, 9, 6. 7. 8. 14. IV, 10, 8. IV, 14, 15. IV, 16, 7. VI, 2, 12. IX, 2, 13. inter munimenta regni IV, 5, 4. IV, 14, 10. Persica lingua Tigrin sagittam appellant IV, 9, 16.

Timaeus Alexandrum defendens
cadi IX, 5, 15. 16.

Timagenes, rerum scriptor, IX,
5, 21.

Tiridates (al. **Tyridates**),
custos pecuniae regiae (Darei)
Persepoli asservatae, V, 5, 2. V,
6, 11. VIII, 6, 26.

Tithonus IV, 8, 3.

Trapezus, urbs Ponti Cappado-
cii, ad Pontum Euxinum sita, X,
10, 3.

Triballi, gens Thracica, in Moe-
sia habitans, ab Alexandro sub-
acta VII, 3, 2. IX, 6, 20.

Tripolis Phoenices IV, 1, 27.

Troglodytae, gens Africae,
IV, 7, 18.

Typhonis specus III, 4, 10.

Tyridates v. **Tiridates**.

Tyriotes spado IV, 10, 25 sqq.

Tyrus, urbs Phoenices, magnitu-
dine et claritate ante omnes ur-
bes Syriae Phoenicesque memo-
rabilis IV, 2, 2. a continenti
quattuor stadiorum fretum divi-
dit IV, 2, 7. condita ab Agenore
IV, 4, 19. coloniae eius paene
orbe toto diffusae IV, 4, 20. op-
pugnatur ab Alexandro et septi-
mo mense capitur IV, 2, 1 —
IV, 4, 19.

Tyrii Carthaginem condiderunt

IV, 2, 10. haec gens litteras
prima aut docuit aut didicit IV,
4, 19.

U.

Unchae v. **Onchae**.

Uxii, gens Susianae, Persarum
finibus vicina, V, 3, 16. eorum
regio V, 3, 3. montes V, 3, 1.

V.

Veneti, gens Italiae superioris,
ab Henetis trahere originem cre-
duntur III, 1, 22.

Vergiliarum (Pleiadum) sidus
V, 6, 12.

X.

Xenippa, regio Sogdianae, Scy-
thiae confinis, VIII, 2, 14.

Xenophilus V, 2, 16.

Xerxes, rex Persarum, III, 2, 2.
III, 10, 8. IV, 1, 11. V, 6, 1.
V, 7, 11. VII, 5, 28. X, 6, 14.

Z.

Zariaspes, nobilis Persa, IX,
10, 19.

Ziobetis, fluvius Parthiae, VI,
4, 4—7.

Zoilus, praetor Alexandri, VI,
6, 35.

Zopyrio, Thraciae praepositus,
X, 1, 44.



6. 7. IV, 16, 1—4. 7. 19. V, 3, 16. V, 6, 11. VI, 8, 7. 11. 18. VI, 9, 4. 13. 27. VI, 10, 34. VI, 11, 20. 29. VII, 1, 27. VII, 2. 11. 13. 16. 20. 23—25. 30. VIII, 1, 33. 52. VIII, 7, 4. VIII, 8, 5. X, 1, 1. 6. Alexandri iussu indicta causa (VIII, 7, 5.) a Cleandro occiditur VII, 2, 27.
- Parthi v. Parthieni.**
- Parthiene**, provincia Persica, Hyrcaniae, infra quam sita erat, adiecta, V, 12, 18. VI, 2, 12. VI, 3, 3. VI, 4, 2. VI, 5, 32.
- Parthieni**, incolae Parthienes, IV, 12, 11. VI, 2, 12. IX, 10, 17. Discernuntur ab iis apud Curtium Parthi, regni Parthici ab Arsace conditi incolae. Parthienorum gens, incolentium terras, quas nunc Parthi Scythia profecti tenent IV, 12, 11. At eandem tamen utramque esse gentem Curtius ipse significat hisce: Parthienen, tunc ignobilem gentem, nunc caput omnium, qui post Euphraten et Tigrim amnes siti rubro mari terminantur VI, 2, 12. — Scythae, qui Parthos condidere VI, 2, 14. Alias urbes habuere Macedonum reges, quas nunc habent Parthi V, 7, 9. Caput Mediae urbs haec (Ecbatana) nunc tenent Parthi V, 8, 1.
- Pasargadae v. Persagadae.**
- Pasas** Thessalus X, 8, 15.
- Pasitigris**, Asiae fluvius. Oritur in montibus Uxiorum et Persico mari se insinuat V, 3, 1. 2. Alii tamen scriptores tradunt, extremam Tigridis cum Euphrate coniuncti partem Pasitigrim nominari.
- Patalia**, gens Indiae, IX, 8, 28. Ab aliis insula Pattalene com-
CURT. RUF.
- memoratur, ad ostia Indi sita, et oppidum Pattala.
- Patron**, dux Graecorum militum Darei, V, 9, 15. V, 11, 1. 3. 4. 7. 8. 9. 12. V, 12, 4. 7.
- Pausanias**, Philippi regis interfector, VII, 1, 6.
- Pausippus**, Lacedaemoniorum ad Dareum legatus, III, 13, 15.
- Peloponnenses** IV, 13, 29.
- Peloponnesii** III, 9, 8. VII, 4, 31.
- Peloponnesus** III, 1, 1, V, 1, 41. VI, 3, 2.
- Pelusium**, urbs Aegypti, ad orientale Nili ostium (Pelusiacum) sita, IV, 1, 30. IV, 7, 2. 3. Pelusium (i. e. Pelusiacum) ostium IV, 1, 29.
- Perdiccas**, rex Macedonum, VI, 11, 26.
- Perdiccas** (s. *Perdicca*), unus e praestantissimis praetoribus Alexandri, cui hic moribundus detractum anulum digito tradidit X, 5, 4, atque ita significare visus est, eum optimum esse X, 6, 16. — III, 9, 7. IV, 3, 1. IV, 16, 32. VI, 8, 17. VII, 6, 19. 21. VIII, 1, 45. 48. VIII, 10, 2. VIII, 14, 5. 15. IX, 1, 19. X, 6, 4—9. 17—18. 20. X, 7, 7. 8. 16. 18—21. X, 8, 1—6. 11. 12. 22. 23. X, 9, 7—10. 18. 20. X, 10, 1. 4.
- Perilaus** X, 8, 15.
- Persae**: agminis eorum ordo III, 3, 9 sqq. feminis lanificium contumeliosum V, 2, 19. filii non consident in conspectu matris, nisi quum illa permisit V, 2, 22. imperium per ducentos triginta annos ad summum fastigium evectum IV, 14, 20. detondent comas in luctu X, 5, 17. capital Persis, in sella regis con-

- sedisse VIII, 4, 17. a septem Persis oriundus IV, 12, 8.
- Persagadae** (vel **Pasargadae**), vetus Persidis caput, non procul a Persepoli ad Cyrum fluvium situm, a Cyro rege conditum V, 6, 10. X, 1, 22.
- Persepolis**, caput Persidis et regni Persici, prope Araxen fluvium situm, V, 4, 33. V, 6, 1. IV, 5, 8. regia totius orientis V, 7, 8. eius divitiae V, 6, 2 sqq. diripitur a Macedonibus V, 6, 4 sqq. redit Alexander V, 6, 19. incendit eam V, 7, 5 sqq. arx V, 6, 11.
- Persicum mare** v. **Mare Persicum**.
- Persis**, provincia regni Persici, III, 11, 19. V, 1, 37. V, 2, 16. V, 3, 3. 16. 17. V, 6, 12. VI, 2, 3. opulenta IX, 10, 23. situs V, 4, 4. 5. reges IV, 10, 6. V, 6, 1. eam intrat Alexander V, 3, 17. Cyrus imperium primus in Persidem intulit IV, 14, 24.
- Peucestes** Macedo Aegypto praeficitur IV, 8, 4.
- Peucestes** (εἰς τῶν ὑπασπιστῶν Diod. XVII, 99.) Alexandro periclitanti supervenit IX, 5, 14. 17. 18.
- Pencolaus**, praetor Alexandri, VII, 10, 10.
- Pharnabazus**, praetor Darei, III, 3, 1. III, 8, 1. IV, 1, 37. IV, 5, 15. 17. 19. 20. eius uxor et filius III, 13, 14.
- Pharos** insula, obiecta Alexandriae (cf. Caesar b. c. III, 112.), IV, 8, 1.
- Phasis**, fluvius Ponti, iuxta oppidum Phasin in Pontum Euxinum influens, VI, 5, 25.
- Phegeus**, rex Indicus, IX, 1, 36. IX, 2, 2.
- Philippus**, Alexandri pater, III, 7, 11. IV, 15, 8. VII, 1, 3. VIII, 1, 20. X, 2, 23. victor Atheniensium III, 10, 7. VIII, 1, 33. eius interfectores IV, 7, 27. IV, 1, 12. VII, 1, 6. Alexander eum ultus est X, 5, 30. eum dedignatur patrem VI, 11, 23. IV, 10, 3. in acie tutior quam in theatro fuit IX, 6, 25. eius hospes Artabazus V, 9, 1. VI, 5, 2. Manapis exul ad Philippum pervenit VI, 4, 25. Philippo genitus Ptolemaeus IX, 8, 22.
- Philippus** Acarnan, medicus Alexandri, III, 6, 1. 4. 9. 14. 17. IV, 6, 17. VI, 10, 34.
- Philippus Arrhidaeus** v. **Arrhidaeus**.
- Philippus Balacri** (filius), praetor Alexandri, IV, 13, 28.
- Philippus**, dux Thessalorum equitum, IV, 13, 29. VI, 6, 35.
- Philippus**, Lysimachi frater, VIII, 2, 35.
- Philippus**, satrapes partis Indiae (Arrian. VI, 2, 3. VI, 15, 2.), ex vulnere interit X, 1, 20. (Arrian. VI, 27, 2.)
- Philotas Augaeus** virtutis causa donatus V, 2, 5. v. **Augaeus**.
- Philotas**, Parmenionis filius, IV, 13, 26. V, 2, 15. V, 4, 20. 30. VI, 6, 19. praeparatas in caput regis insidias biduo tegit VI, 7, 18 sqq. ipse perfidiae suspectus accusatur et occiditur VI, 7, 27 — VI, 11, 40. VII, 1, 1. VIII, 7, 4. VIII, 8, 5.
- Philotas**, praetor Alexandri, regioni circa Tyrum iussus praesidere IV, 5, 9.
- Philotas**: Cilicia ei destinata X, 10, 2. [6, 9.
- Philotas**, ex regia cohorte, VIII,

- Phoenice** IV, 1, 15. IV, 2, 1. IV, 5, 10. VI, 3, 3. Laomedonti datur X, 10, 2.
- Phradates**, praefectus gentis Tapurorum, IV, 12, 9. VI, 4, 24. VI, 5, 21. VIII, 3, 17. occiditur X, 1, 39.
- Phrataphernes** satrapes Alexandro se dedit VI, 4, 23. Hircaniam et Mardos cum Tapuris Alexander ei tradit VIII, 3, 17. Parthienorum satrapes IX, 10, 17.
- Phrataphernes**, qui Chorasmiis praeerat, VIII, 1, 8.
- Phryges**, Alexandri milites, IV, 12, 11. homines rustici VI, 11, 4.
- Phrygia**, regio Asiae minoris, III, 1, 11. VI, 3, 3. pluribus vicis quam urbibus frequens III, 1, 11. Phrygiam maiorem Antigonus obtinet X, 10, 2. minorem Leonnatus X, 10, 3.
- Pinarus**, fluvius Ciliciae, prope Issum in sinum Issicum influens, III, 8, 16. 28. III, 12, 27.
- Pisidae**, gens Asiae minoris, VI, 3, 3.
- Pithon**, praetor Alexandri, IX, 8, 16. X, 7, 4. 8. X, 10, 4.
- Platon** Atheniensis V, 7, 12.
- Pnytagoras**, rex Cypriorum, IV, 3, 11.
- Poeni** (i. e. Carthaginenses) IV, 2, 11. IV, 3, 22.
- Polemon** claustra Nili tueri iubetur ab Alexandro IV, 8, 4.
- Polemon**, Andromenis filius, Amyntae et Simmiae frater, VII, 1, 10. VII, 2, 1.
- Pollux** VIII, 5, 8.
- Polydamas** acceptissimus Parmenioni, proximus lateri in acie stare solitus VII, 2, 11. IV, 15, 6. 7. iussu Alexandri Parmenionem occidit VII, 2, 11—27. 29.
- Polypercon**, praetor Alexandri, IV, 13, 7. dux peregrini militis IV, 13, 28. V, 4, 20. 30. VIII, 5, 2. 22. 24. VIII, 11, 1.
- Polystратus** Macedo V, 13, 24.
- Polytimetus**, amnis Sogdianae, VII, 10, 2.
- Ponticum mare** v. **Mare Ponticum**.
- Ponticae gentes** X, 10, 4.
- Porticanus**, rex Indicus, IX, 8, 11. 12.
- Porus**, rex Indiae, VIII, 12, 13. corpus rarae magnitudinis et animus par robori corporis VIII, 13, 7. VIII, 14, 13. pertinacia VIII, 14, 38. ad dedicationem eum Alexander nominis sui fama frustra compellere conatur VIII, 13, 2. in ulteriore Hydaspis amnis ripa consedit VIII, 13, 5. 16. 19. 27. pugna commissa ab Alexandro superatur, sed benigne tractatur VIII, 14, 1 — 46. IX, 1, 7. 8. IX, 2, 5. Porus et Taxiles discordes, sed reconciliatur gratia IX, 3, 22. Pori litterae ad Alexandrum X, 1, 20.
- Praesti**, gens Indiae, IX, 8, 11.
- Prasii**, gens Indiae, ulteriorem ripam Gangis colens, IX, 2, 3.
- Prometheus** VII, 3, 22.
- Ptolemaeus**, Lagi filius, praetor Alexandri, qui postea in Aegypto regnavit IX, 5, 21. Philippo genitus esse credebatur IX, 8, 22. (in libro de rebus gestis Alexandri scripto) gloriae suae non est refragatus IX, 5, 21. retinet Alexandrum interficere volentem Clitum VIII, 1, 45. 48. — VIII, 6, 22. plurimas (in India) urbes, Alexander maximas capit VIII, 10, 21. VIII, 13, 18. 19. VIII, 14. 15. IX, 6, 15. vulneratur IX, 8, 22. 25. populatur Indos IX, 10, 6. 7. non vult successore-

rem Alexandri eligi X, 6, 13.
16. X, 7, 16. satrapes Aegypti
et Africae gentium X, 10, 1. 20.
Pyramus, fluvius Asiae mino-
ris, prope Mallum in mare in-
fluens, III, 4, 7. III, 7, 5.

R.

Rheomithres, praetor Darei,
III, 11, 10.
Rhodii urbem suam portusque
dedunt Alexandro IV, 5, 9. que-
runtur de praesidio IV, 8, 12.
Rhosaces (al. **Rhoesaces**)
satrapes: manum eius capiti
Alexandri imminentem amputat
Clitus VIII, 1, 20.
Ridagnus (al. **Ridagus**),
amnis Parthiae, in quem Ziobe-
tis cadit, VI, 4, 6.
Romana mansuetudo IV, 4, 21.
Romanus populus X, 9, 3.
Roxane, Oxyartis filia, uxor
Alexandri, VIII, 4, 23. 25. prae-
gnans X, 6, 9. 13. 21. X, 7, 8.
Rubrum mare v. **Mare ru-
brum**.

S.

Sabarcae, gens Indiae, IX, 8, 4.
Sacae, gens Scythica, Massagetis
vicina (hodie Kirghis-Kosaken),
V, 9, 5. VII, 4, 6. VII, 9, 17. 19.
Sagi, gens vel regio ignota Sog-
dianae, VIII, 4, 20.
Samaritae, incolae Samariae,
regionis Palaestinae, IV, 8, 9.
Samaxus (al. **Gamaxus**), rex
Indorum, VIII, 13, 4.
Sambus, rex Indicus, IX, 8,
13. 17.
Samothracum initia VIII, 1, 26.
Sangarius, fluvius Asiae mino-
ris, in Pontum Euxinum influens,
III, 1, 12.
Sardes, caput Lydiae, III, 12, 6.
V, 1, 44.

Sarmatae, gens maxima Euro-
pae et Asiae, cuius non finitima,
sed pars est Scytharum gens,
VII, 7, 3.
Sataces (al. **Sabaces**), prae-
tor Aegypti, III, 11, 10. IV, 1, 28.
Satibarzanes, satrapes Ario-
rum, VI, 6, 13. 20. 21. 22. 25.
34. VII, 3, 2. VII, 4, 33. 37.
Satrapene, regio ignota Asiae,
V, 2, 1. Mutandum fortasse no-
men in Sittacene, quae regio
est Assyriae.
Satropates, equitatus Persarum
praefectus, IV, 9, 7. 25.
Saturno pueri immolati IV, 3, 23.
Scenitae, Aethiopes, IV, 7, 19.
Scythae, gens haud procul Thra-
cia sita, Sarmatarum non fini-
tima, sed pars, VII, 7, 3. sedes
eorum in Europa et in Asia VI,
2, 13. Asiatici super Bosporum
colunt, Europaei ad Borysthenem
atque ad Tanaim attinent VI, 2,
13. ab Europaeis Scythis Tanais
Bactrianos dividit VII, 7, 2. Ta-
nais accolae VI, 6, 13. ultra Ta-
naim colentes VII, 4, 6. 32. rex
Scytharum, cuius ultra Tanaim
imperium, VII, 7, 1. Tanais, amnis
regionis, quam Scythiae Europaei
incolunt, VII, 6, 12. Scythae, qui
super Bosporum colunt, VII, 6, 12.
VI, 2, 13. VIII, 1, 7. terribiles
facies Scytharum IV, 13, 5. pro-
ceritas VII, 4, 6. sapientia VII,
8, 10. bellicosissima gens et rap-
to vivere assueta IV, 6, 3. in-
victi ante Alexandrum VII, 9, 17
18. arcus Scythicus X, 1, 31. mi-
litant sub Dareo IV, 9, 2. IV, 14,
3. IV, 15, 12. 13. Alexander ve'at
eos transire Tanaim VII, 6, 12.
bellum cum iis gesturus est, dis-
suadentibus amicis, VII, 6, 5 sqq.
Scytharum legati ad eum veniunt

- VII, 8, 8. eorum oratio VII, 8, 12—30. Alexander Tanaïm transit Scythasque fugat VII, 9, 2 sqq. Scythae Alexandri milites VIII, 14, 5. IX, 2, 24. 33. Scytharum solitudines VII, 8, 23.
- Scythae Abii v. Abii.**
- Scythiae** deserta VII, 3, 19.
- Semiramis** Babylonem condidit V, 1, 24. eius gesta IX, 6, 23. eam et Cyrum Alexander maxime admiratur VII, 6, 20.
- Seuthes** (III.), rex Odrysarum, X, 1, 45.
- Sibi**, gens Indiae, IX, 4, 2.
- Sibyrtius** Cedrosiae praepositus IX, 10, 20.
- Sicilia** VIII, 5, 8.
- Sidon**, urbs Phoenices, vetustate famaue conditorum inclita, IV, 1, 15. IV, 4, 15.
- Sidonii** IV, 1, 16. IV, 4, 15.
- Simmias**, Andromenis filius, VII, 1, 10.
- Sinopenses**, incolae Sinopes, coloniae Graecae in Cappadocia ad Pontum Euxinum sitae: eorum ad Dareum legati VI, 5, 6.
- Siphnus**, insula maris Aegaei, una ex Cycladibus, IV, 1, 37.
- Sisenes** (al. **Sisines**) Perses in exercitu Alexandri III, 7, 11—15.
- Sisocostus** VIII, 11, 24.
- Sisygambis**, mater Darei, III, 3, 22. captiva III, 11, 24. III, 12, 17. 24. non fudit victoriae suorum IV, 15, 10. 11. aspernatur munus Alexandri V, 2, 19. 20. mater ab eo appellatur V, 2, 20. 22. deprecatur eum pro necessario suo V, 3, 14. luget mortem Alexandri et inedia extinguitur X, 5, 19—24.
- Sitalces**, praetor Alexandri, X, 1, 1. [5, 9.]
- Socrates**, Ciliciae satrapes, IV, **Sogdiana**, provincia regni Persici, inter Oxum et Iaxartem amnes supra Bactrianam sita, VIII, 1, 35. maiore ex parte deserta VII, 10, 1.
- Sogdiani** III, 2, 9. IV, 5, 5. IV, 12, 7. VII, 4, 5. VII, 5, 1. VII, 8. 21. VII, 10, 4, 10. VIII, 1, 7. X, 10, 4. inter Macedones militans IX, 2, 24.
- Soli**, urbs Ciliciae, III, 7, 2.
- Sopithes** (al. **Sophites**) IX, 1, 24.
- Sopolis**, pater Hermolai, VIII, 7, 2.
- Sostratus**, ex regia cohorte, VIII, 6, 7. 8.
- Sparta** ab Alexandro perdomita VI, 3, 2. VI, 1, 16.
- Spartani** IV, 8, 15. VII, 4, 39.
- Spitamenes** inter omnes amicos praecipuo honore cultus a Besso VII, 5, 19. 22. 36 sq. VII, 6, 14. 24. VII, 7, 31. 33. 38. VII, 9, 20. VIII, 3, 1. 2. 8. 12. 16.
- Stamenes**, satrapes Babyloniae, VIII, 3, 17.
- Stasanor**, Drangarum praefectus, VIII, 3, 17.
- Statira**, filia Darei, IV, 5, 1.
- Strato**, rex Aradi, IV, 1, 6.
- Strato**, rex Sidonis, IV, 1, 16. 26.
- Stymphaei** (vel **Tymphaei**), gens Epirotica, milites in exercitu Alexandri IV, 13, 28. (cf. praefat. p. IX.)
- Styx** fons X, 10, 17.
- Sunium** X, 2, 1.
- Susa**, caput Susianae, provinciae Persicae, iuxta Babyloniam sitae, inter ornamenta regni V, 1, 7. adit ea Alexander V, 2, 8 sqq. tradit Archelao V, 2, 16. finitima regio Uxiorum V, 3, 3. V, 6, 9.
- Susiani** (vel **Susii**), incolae Susianae, IV, 12, 6. V, 3. 3. 16.

Susides pylae, angustiae inter regionem Uxiorum et Persidem sitae, V, 3, 17.

Symmachus VIII, 13, 13.

Syracusae IV, 3, 22.

Syri IV, 1, 5. IV, 12, 12.

Syria, provincia Persica, supra Arabiam sita, III, 8, 12. III, 12, 27. IV, 2, 1. IV, 8, 9. IV, 14, 1. V, 1, 35. V, 13, 11. VI, 3, 3. VII, 8, 18. VII, 10, 12. X, 1, 17. X, 1, 2.

Syria, quam Coelen vocant, v. **Coelesyria**.

Syrtica gens h. e. gens Syrticam, regionem maritimam Africae septentrionalis, inter utramque Syrtim sitam, incolens, IV, 7, 19.

Sysimithres Sogdianus VIII, 2, 19. 27. 28. 32. VIII, 4, 19. 20.

T.

Tabae, oppidum Paraetacenes, V, 13, 2.

Tanaïs a Curtio errore a Graecis auctoribus profecto nominatur Iaxartes, fluvius Asiae, Sogdianam a Scythiis nomadibus dividens et in mare Caspium influens. Europam et Asiam interfuit VI, 2, 14. VII, 7, 1. 2. 4. IV, 5, 5. VII, 4, 6. VII, 5, 36. VII, 6, 12. 13. 25. VII, 8, 22. 30.

Tapuri (al. **Tapryi**), gens Asiae, inter Derbices et Hyrcanos ad mare Caspium colens, VI, 4, 24. 25. VIII, 3, 17. equites in exercitu Darei militant III, 2, 6.

Tarsos, urbs Ciliciae, III, 4, 14.

Tauron praefectus V, 3, 6. 10. VIII, 14, 15. [VII, 3, 20.

Taurus, mons Asiae minoris,

Taxiles pater et filius, reges Indiae, VIII, 12, 14. VIII, 13, 5. VIII, 14, 35. 41. IX, 3, 22. X, 1, 20. cf. **Omphis**.

Tenedos insula IV, 5, 14.

Terioltes, satrapes Parapamisadarum, IX, 8, 9.

Thais V, 7, 3.

Thalestris, Amazonum regina, VI, 5, 25.

Theaetetus Atheniensis V, 5, 17.

Thebae Boeotiae, colonia Tyri, IV, 4, 20. earum excidium VIII, 1, 33. [4, 10.

Thebe, oppidum Troadis, III,

Themiscyra, regio Ponti, VI, 5, 24.

Theodotus virtutis causa donatus V, 2, 5.

Thermodon, fluvius Ponti, VI, 5, 24.

Thersippus legatus Alexandri IV, 1, 15.

Thessali equites III, 2, 16. III, 9, 8. III, 11, 13. 14. IV, 13, 29. IV, 16, 5. VI, 6, 35.

Thimbro, interfectior Harpali, X, 2, 3.

Thracia V, 1, 1. VI, 2, 13. VI, 3, 2. VII, 7, 3. IX, 3, 21. IX, 6, 20. X, 1, 45. X, 10, 4. Thraciae saxa III, 10, 6.

Thracēs raptō vivere assueti III, 10, 9. milites Alexandri leviter armati III, 4, 13. III, 9, 9. IV, 13, 31. V, 1, 41. V, 3, 3. VIII, 14, 24. dux Thracum Eudaemon X, 1, 21.

Thymodes, Mentoris filius, III, 3, 1. III, 8, 1. III, 9, 2.

Tigris, nobilis fluvius Asiae, ex Armeniae montibus profluit et in sinum Persicum (in rubrum mare, ut Curtius tradit,) se effundit V, 1, 12—15. IV, 9, 6. 7. 8. 14. IV, 10, 8. IV, 14, 15. IV, 16, 7. VI, 2, 12. IX, 2, 13. inter munimenta regni IV, 5, 4. IV, 14, 10. Persica lingua Tigrin sagittam appellant IV, 9, 16.

Timacus Alexandrum defendens
cadit IX, 5, 15. 16.

Timagenes, rerum scriptor, IX,
5, 21.

Tiridates (al. **Tyridates**),
custos pecuniae regiae (Darei)
Persepoli asservatae, V, 5, 2. V,
6, 11. VIII, 6, 26.

Tithonus IV, 8, 3.

Trapezus, urbs Ponti Cappado-
cii, ad Pontum Euxinum sita, X,
10, 3.

Triballi, gens Thracica, in Moe-
sia habitans, ab Alexandro sub-
acta VII, 3, 2. IX, 6, 20.

Tripolis Phoenices IV, 1, 27.

Troglodytae, gens Africae,
IV, 7, 18.

Typhonis specus III, 4, 10.

Tyridates v. **Tiridates**.

Tyriotes spado IV, 10, 25 sqq.

Tyrus, urbs Phoenices, magnitu-
dine et claritate ante omnes ur-
bes Syriae Phoenicesque memo-
rabilis IV, 2, 2. a continenti
quattuor stadiorum fretum divi-
dit IV, 2, 7. condita ab Agenore
IV, 4, 19. coloniae eius paene
orbe toto diffusae IV, 4, 20. op-
pugnatur ab Alexandro et septi-
mo mense capitur IV, 2, 1 —
IV, 4, 19.

Tyrii Carthaginem condiderunt

IV, 2, 10. haec gens litteras
prima aut docuit aut didicit IV,
4, 19.

U.

Unchae v. **Onchae**.

Uxii, gens Susiana, Persarum
finibus vicina, V, 3, 16. eorum
regio V, 3, 3. montes V, 3, 1.

V.

Veneti, gens Italiae superioris,
ab Henetis trahere originem cre-
duntur III, 1, 22.

Vergiliarum (Pleiadum) sidus
V, 6, 12.

X.

Xenippa, regio Sogdianae, Scy-
thiae confinis, VIII, 2, 14.

Xenophilus V, 2, 16.

Xerxes, rex Persarum, III, 2, 2.
III, 10, 8. IV, 1, 11. V, 6, 1.
V, 7, 11. VII, 5, 28. X, 6, 14.

Z.

Zariaspes, nobilis Persa, IX,
10, 19.

Ziobetis, fluvius Parthiae, VI,
4, 4—7.

Zoilus, praetor Alexandri, VI,
6, 35.


Zopyrio, Thraciae praepositus,
X, 1, 44.



ERNESTO RENAN

INSTITUTI FRANCICI SOCIO

B. M



Suetonius Tranquillus C.

C. SÜETONI TRANQUILLI

QUAE SUPERSUNT OMNIA.

RECENSUIT

CAROLUS LUDOVICUS ROTH


BRISIGAVUS.



L I P S I A E

SUMPTIBUS ET TYPIS B. G. TEUBNERI.

MDCCCLXXI.



AD LECTOREM PRAEFATIO.

Suetoniana studia, splendidissimis olim commendata omnibus Politiani Erasmi Lipsii, deinde Casauboni Groviorum patris et filii Graevii Burmanni Oudendorpii Ernesti laboribus nobilitata, nostro saeculo valde refriescere coeperunt. Nam qui proximis temporibus Suetonio edendo manum admoverunt, scholarum commodis consulere satis habuerunt et ipse Fridericus Augustus Wolf, quamvis criticis subsidiis non deficeretur, doctorum hominum expectationi impar visus est. Praeterea nonnulli de fide rerum a Tranquillo conscriptarum audabili studio exposuerunt; de verbis emendandis librique specie universa ad pristinam integritatem revocanda omnia acta esse visa sunt. Neque id prorsus falso; nam ab egregiis illis editoribus tam libri veteres magno numero inquisiti et ad emendationem adhibiti sunt, quam emendationes ingeniosae corruptis locis inventae, ut sane qui vel acervum variae lectionis augere elaboraret vel harridolando operam daret, paucorum, sicut mea fert opinio, gratiam esset consecuturus.

Verum hoc nondum satis perfectum esse videtur, ut ex infinito librorum numero optimi et antiquissimi eligantur ac tamquam duces fidi, quos nusquam nisi in apertos errores inciderint ipsi deserere liceat, observentur. Multis in rebus, quae leviores videntur, ut est vocabulorum collocatio aut scribendi ratio aut capitum distinctio, editionum priorum curatores morem semel receptum vulgatumque sequi quam ex libris immutare maluerunt. Sed nostra aetate intellectum est, nullam esse rationem vulgatae lectionis ac ne in minimis quidem rebus habendam, nisi optimorum librorum accederet auctoritas. Itaque

postquam tali aequabilitate complures scriptores antiqui felici eventu ad optimos libros exacti sunt, eandem constantiam in hoc scriptore non diutius desiderari passus sumus, et nisi voluntatem vires defecerunt, hoc praestare conati sumus, ut antiquissimos eosdemque optimos libros nostra editio ubique et in omnibus rebus aequaliter referret. Id quem ad modum instituendum existimaverimus, docebimus, postquam de vita et scriptis Suetonii breviter exposuerimus.

Suetonii
vita.

C. Suetonius Tranquillus quo oppido, quo genere¹⁾ quo anno natus sit, nec ipse in iis quidem libris qui aetatem tulerunt tradidit, neque apud alios scriptores memoriae proditum reperio. Ad Cisalpinam Galliam referendum existimat Vossius de hist. Lat. 1, 31 argumento haec ita firmo usus, quod familiaris fuerit Plinii hominis Tranpadani. Ipse commemorat patrem Suetonium Laetum nomine et legionis XIII G. P. F. tribunum angusticlavium interfuisse Betriacensi bello Aprili mense anni 69. Laetum mox militia perfunctum matrimonio operadedisse putarim, cum filius ei natus sit Tranquillus primis Vespasiani annis. Puer et patrem et avum audit de rebus quibus ipsi interfuerant narrantes p. 127, 27. 213, 24. cfr. p. 300, 5. Adulescentiam Domitianus imperante a. 81—96 egit Romae p. 248, 36. 259, 18. 198, 6; quorum locorum postremus ad annum fere 99 pertinere videtur, quo anno mortuus est Vologaesius Parthorum rex.

De virili aetate Tranquilli non adeo tenuis memoria superest in Plinianis epistulis. Earum scripti sunt novem libri priores post Domitiani mortem et ante Plinii

1) Huius gentis antiquiorem non novi quam C. Suetonium Paulinum sub Claudio et Nerone bellica laude clarum itemque rerum a se gestarum scriptorem (Plin. n. h. 5 §. 14), qui postremo in Betriacensi acie Othonianis copiis interque eas legioni XIII praefuit, ut refert Tacitus hist. 2, 24. 44. Omnium postremus esse videtur Suetonius Optatianus, qui Taciti imperatoris a. 275 et 276 vitam scripsit, ut Vopiscus tradit Tacito 11. Tranquillinus quidam Sanctus est ecclesiae Romanae.

proconsulatum Bithynicum, id est intra annos 97 et 108; qui enim decimus inscribi solet, liber singularis est epistularum ad Traianum et a Traiano datarum, isque post proconsulatum circiter annum 112 editus est paucis mensibus ante Plinii mortem, ut docet Henzen ad Orellianas Inscriptiones 3 p. 124. Spectat igitur Plinii epistularum Tranquillo inscriptarum vetustissima annos XXVI egressum, novissima quadragesimum nondum ingressum. Sunt vero hae 1, 18 et 24. 3, 8. 5, 10. 9, 34. 10, 94 et 95 ed. Keil. In his epistulis Plinius honori et commodis rei quae familiari Suetonii in contubernium suum recepti omnibus modis et diligentissime consulit. Tribunatum militarem petenti impetravit rursusque petentis gratia in propinquum aliquem transtulit, modico pretio praediolum urbi vicinum multisque rebus commendatum comparavit, causam apud centumviros acturum et somnio perterritum non modo verbis consolatus est, sed etiam dilatione aliquot dierum expetita confirmavit, in expoliendis libellis quos dudum absolverat nimium cunctantem blanditiis ad edendum exhortatus est. Neque minus Tranquillus Plinio decem fere annis maiori honoribusque multum antecedenti omnem reverentiam praestabat et consilio, si usu venerat, adiuwabatur, denique a. 109 cum extraordinario imperio in Bithyniam ac Pontum missum comitatus est. Operae pretium est audire quibus verbis ex Bithynia a. 110 scriptis Plinius amico parum felix matrimonium experto ius trium liberorum a Traiano Caesare impetraverit: *Suetonium Tranquillum*, inquit, *probissimum honestissimum eruditissimum virum, et mores eius secutus et studia, iam pridem in contubernium adsumpsi tantoque magis diligere coepi, quanto hunc propius inspexi.*

Quantum ex his Plinianis locis intelligere licet, Tranquillus nullis muneribus aut militaris aut publicae rei functus privatam ac scholasticam vitam exegit, dum Plinium epistulis scribendis adjuvat otiumque vel litteris impendit vel discipulis vel clientibus. Hinc fit ut scholasticum hominem (i. e. rhetoricum professorem cfr. infra p. 271, 17) Plinius 1, 24 appellet, *γραμματικὸν* et

φιλόλογον p. 275, 6. 303, 15 Graeci. Libros non ante quadragesimum aetatis annum edidit, sed dudum scribere instituerat libellos quosdam a Plinio admodum desideratos; qui fuerintne de Viris illustribus an alii non decerno, certe de vita Caesarum aliquanto post edidit.

Plinio mortuo Tranquillus ad C. Septicii Clari amicitiam atque officia transiit, cui iam pridem ut amicissimo Plinii carus esse debuit. Is anno 119 praefectus praetorio factus Tranquillum ita promeritus est, ut de vita Caesarum libros VIII ei mitteret p. 286, 3; quippe Septicio maxime intercedente factum esse videtur ut epistularum magisterium simulque non mediocrem gratiae locum apud Hadrianum principem p. 40, 22 obtineret, unde mox una cum amico delectus est. Refert enim Spartianus cap. 11, Hadrianum e Britannia, ubi anno 121 muro per LXXX milia passuum ducendo intentus fuerit, Septicio Claro praefecto praetorii et Suetonio Tranquillo epistularum magistro multisque aliis, quos apud Sabinam uxorem iniussu suo familiariter se tunc egisse cognosset, quam reverentia domus aulicae postularet, successores dedisse. Morosam enim, et asperam mulierem perosus, quia dimittere principe se non satis dignum existimabat, et omni extraneorum coetu prohibuit nec tamen despiciatui esse aulicis passus est. Suetonius quo tempore hanc acerbitatem principis expertus est quinquagenarius fuit, vitaeque quod fuit reliquum litterarum studio conscribendisque libris dedisse videtur.

Novissimam vivi mentionem factam video a M. Frontone in epistula ad M. Aurelium adulescentem data, editionis Mediolanensis p. 103. Romanae p. 174, Berolinensis p. 16. Eam epistulam postremis Hadriani annis scriptam statuit Niebuhrius, fortasse rectius primis Pii temporibus tribuisset. Fuit quidem vetusti codicis pagina illa adeo oblitterata, ut pauca legi potuerint eaque parum inter se cohaerentia. Verum cum verba reputo * *Tranquilli industriae, qui nisi sciret quanto opere me diligeres, voluntarium hoc negotium sibi numquam expetisset*, itemque ea quae praecedunt *Invenit autem me Tranquillus, cum fri-*

geret, etiamnunc vetantem, satis clare cognoscere mihi videor, haud ita benevole quidem sensisse de Tranquillo Frontonem, sed Marcus credo iniuriam ab avo illatam cupidior fuit reparandi quam continuandi. Licebit igitur existimare, non defuisse optimo seni per extremam senectutem gratiam Antoninorum.

De scriptis Suetonii expositurus eum ordinem sequar, ut primum de iis dicam quae supersunt, dein de amissis. Prioris generis duo sunt, sed ne ea quidem ab omni parte integra; nam de vita Caesarum libri principio carent, libellus de Grammaticis et rhetoribus sine.

De vita Caesarum libros octo Hadriano imperante editos esse, iam olim e locis p. 254, 8 et 40, 22 intellectum est; sed invento demum Lydi libro, qui est de magistratibus Romanorum, Parisiis editus a. 1812, sciri potuit non alio anno quam 120 vulgatos esse. Lydus enim, studiosissimus Tranquilli (verba repetivi p. 286, 2) Caesarum vitas dicatas ait Septimio praefecto cohortium praetorianarum. Eo loco pro Septimio Septicius reponendum esse eum de quo supra diximus, primus I. D. Fuss in epistola ad Hasium Leodii 1820 edita docuit, postea multi certatim demonstrarunt; ac fortasse ne peccavit quidem librarius, cum Lydi codex Parisinus Suppl. graec. n. 257. tam foede commaculatus ac dilaceratus sit, ut ea litterula essetne κ an μ equidem discernere non quiverim. Is Septicius cum per biennium a. 119—121 praefectura functus sit, iam nullus dubitandi locus relictus est.

De vita Caesarum libri
a. 120 editi.

Sed Lydiānus locus non minus commode in lucem ἀκέραιοι. emersit ad aliam doctorum hominum controversiam dirimendam, quae de principio Caesarum amisso an extante agitabatur. Mutilum esse primum librum docti dudum viderunt et primi quidem commemorati ab Raphaelē Volaterrano commentariorum urbanorum Romae a. 1506 editorum libro 19, cuius haec sunt verba: *Opinio grammaticorum nonnullorum est primam vitam Caesaris haud integram reperiri, cum verisimile non sit ipsius incunabula generis tacuisse adeoque ex abrupto exorsum*

esse, cum ceterorum omnium, etiam ignobilium, altius originem repetierit: itaque 'Iulius Caesar' in principio addita esse verba. Eandem sententiam cum doctissimus quisque tulisset ut Turnebus Ursinus Glandorpius, et vel mederi ei iacturae studuisset a. 1521 Io. Lud. Vives compositis supplementi instar aliquot capitibus, quae postea Laevinus Torrentius ampliora fecit, solus Isaacus Casaubonus, ceterum Tranquilli interpretum facile princeps, extitit qui Caesaris vitam illaesam ad nos pervenisse sibi persuaderet, mire commentus potuisse scriptorem in alio libro de Iulia gente Caesarisque adulescentia exposuisse. Recentium satis erit dugs appellasse Fr. A. Wolfium qui initio Caesaris aliquot stellulas defectus significandi causa apposuit, et Niebuhrium qui plane gemina lacuna Plutarchi Caesarem laborare animadvertit. Iam postquam Lydi locus innotuit, dubitare nemo sanus potest. Sed ut omnem rem complectar, haec fere desiderantur:

1) exterior libri titulus. Vetustissimi enim libri Memmianus et Vaticanus Lipsii, praeterea Parisinus 5804 et Haganus (?) Wolfii, denique commemorati a Volaterrano et Vive ita incipiunt: *annum agens sextum decimum patrem amisit sequentibusque consulibus*, nusquam adiecto Divi Iulii nomine. Temptaverunt quidem reliquorum librorum scribae multis modis hiatum explere, dum unum nomen *Caesar* vel duo *Iulius Caesar* primo, secundo, tertio loco adiciunt, quin etiam trina nomina *Divus Iulius Caesar* vel *Iulius Caesar Divus* vel *Caius Iulius Caesar* primo loco praetexunt, verum eo magis quam incertitiam produnt consulum nominibus non suppletis. Neque minus de vano haustae sunt vulgares operis inscriptiones *de XII Caesaribus*, *de vita XII Caesarum*, *de vita et moribus duodecim Caesarum* aliaeque similes, cum in Memmiano libro omnino nulla appareat (nam barbaram manum saeculi XIV non curo) verusque libri titulus antiquitus ab nonnullis librariis, nunc a nobis debuerit ex insequentium vitarum clausulis et inscriptionibus tamquam postliminii iure recipiari.

2) praefatio ad C. Septiciū Clarū praefectū praetorio vel praefectū praetorianarum cohortium, in qua de consilio suo scriptorem docuisse suspicor quae lectorum scire intererat.

3) Caesarum gentile stemma, *στέμμα συγγενικὸν Καισάρων* (uti scriptum fuisse iudicavi p. 283, 8 et 287, 25 vel a Suida vel Suidae auctore). Desiderari a lectoribus talem generis Caesarum descriptionem, vulgaria exempla Suetonii documento sunt eius modi stemmatis instructa. Neque ignorasse veteres id artificium, testis est Tranquillus ipse p. 188, 8.

4) Libri primi, qui de Divo Iulio est, initium. Necessario enim Tranquillus, quem ad modum in reliquis vitis facere consuevit, de Iuliae familiae origine Albana ac Troiana eiusdemque incrementis, tum de Caesarum nomine et genere, postremo de ipsius Divi Iulii ortu futuraeque magnitudinis signis, de puerili institutione et magistris exposuerat. Inde superesse arbitror frustulum p. 286, 9 relatum, quod perperam Broukhusius ex p. 79, 35, Casaubonus adeo ex p. 226, 31 — 33 derivatum voluerat. De Caesarum nomine Spartianus quoque in Aelio Vero cap. 2 et Servius ad Verg. Aen. 1, 286 Tranquillo auctore usi esse videntur. De magistro ipse mentionem fecit p. 260, 15.

Omnia haec quae modo enumeravimus complectenti facile videbitur integer quaternio deperisse eius exempli, unde nostra omnia propagata sunt. Facta esse ea iactura debet post Lydum qui saeculo VI medio scripsit, et ante IX saeculum quo Memmianus liber scriptus est, omnium ut integerrimus ita et vetustissimus, sed capite et ipse truncatus et tamquam res salva esset, maiuscula littera initiali et versiculo rubricato ornatus.

Distribuit Suetonius opus de Caesarum vita in libros ^{distincti in} octo; certe nulla videtur esse idonea causa, cur veteri testimonio p. 283, 8 fidem derogemus. Librorum enim Suetonianorum hac in re nulla auctoritas esse potest, postquam titulo una cum principio operis deperdito ipsa quoque descriptio obscurari coepta est. Itaque factum

est ut in antiquissimo Memmiano codice duodecim vitae nominibus imperatorum distinguerentur omnes, sed non ultra quinque primas Divi Iulii, Divi Augusti, Tiberii, C. Caligulae²⁾, Divi Claudii vitas numerandi vocabula servarentur liber primus, liber secundus, liber tertius, liber quartus, liber quintus. Ac ne hoc quidem praetermittendum est, quod in eodem libro Caesares sex primi singulis versiculis litterarum maiorum et rubricatarum incipiunt, sex posteriorum tantum duo, Galba et Vitellius. Procedente tempore malum latius serpsit, cum interruptum numerorum ordinem librarius aliquis ita resarciendum existimaret, ut singulis vitis singulos libros tribueret, id est libros distingueret duodecim. Ea labes iam codicem Mediceum tertium (pl. 68, 7) qui inter minus integros de antiquissimis est, occupavit, ut mirum videri non debeat, quod Vincentius Bellovacensis et Iacobus Magni et alii mediae aetatis scriptores cum vetustissimis editoribus hunc ordinem secuti sint. Sed cum reputaverimus tres Flavios coniunctos librum efficere minorem quam vel unum Tiberium, tresque 'aestivos' imperatores ne Caligulam quidem aequare magnitudine, comparatis etiam aliorum scriptorum ut Diogenis Laertii rationibus, recte ac merito Isaacum Casaubonum anno 1595 iudicabimus Suidae auctoritati concessisse.

item in ca-
pita.

Capitulum quoque distinctionem ne silentio trans-
eam, nolui eum quidem ordinem numerandique morem per-
turbare, quem a scribis quinto decimo saeculo inductum
primisque editionibus receptum Erasmus numeris in mar-
gine editionis Basiliensis a. 1518 appositis sanxisse vide-
tur in perpetuum; neque is tam ineptus est ut abiici de-
buerit. Sed nolui tamen nescius esses, lector benevole,
reperisse me in Memmiano codice aliam capitulum divisio-
nem tam commodam tamque luculentam, ut ipsius Tran-
quilli manu instituta esse videatur. Eam igitur, paucis
modo aliter administratis quae necessario refigenda

2) *Tranquilli librum vitam Caligulae continentem* Lampri-
dus quoque commemorat in *Commodo* cap. 10.

erant, in hac editione accurate expressam esse scito versiculorum initiis reductis.

De vita Caesarum libri octo quo tempore editi, quo principio praediti, qua ratione in libros et capita divisi fuerint, exposuimus; iam dicendum est, quo consilio et quo scribendi genere compositi, denique quibus iudiciis a posteris excepti sint.

Amisso operis initio cum auctorem ipsum de consilio suo laborisque adiumentis disserentem non habeamus, hoc mihi videtur ante omnia ac probe tenendum esse, ut in vitarum scriptoribus, non in historiarum auctoribus collocari se voluerit³⁾. Itaque inique faceret, qui prooemia, orationes, morum adumbrationes et si quae solent huius generis altiora et ampliora ab historicis cum rerum gestarum memoria coniungi, a Tranquillo desideraret; talia neque scripsit neque se scripturum recepit, hoc unum secutus ut Caesarum duodecim vitam neque quicquam praeterea componeret. Tale consilium haudquaquam improbandum duco, cum res enarrandae sunt, quarum summa ad unum principem regio quidem nomine carentem sed potestate plus quam regia praeditum delata est; immo laudandum esse existimo, cum scriptorem aliquem video intellexisse hoc se scribendi genere, quod in vitis exponendis versetur, facilius quam historica arte, rara illa et praeclara, et sibi et aliis satis esse facturum.

Sed hoc tamen concedendum est, Suetonianum genus Operis vitia neque ad Taciti Agricolam neque ad Plutarcheas vitas accedere. Primum enim temporum nimium indiligens est, cum non modo ad annorum numeros praeter natalem fatalemque diem nihil fere retulerit, sed ne per aetatis quidem gradus distinxerit eius hominis cuius vitam persequitur, mores corroboratos, immutatos, corruptos; hinc fit ut illius morum tam bonorum quam malorum singula documenta inveniamus multa, sed universi ingenii mox in

3) Id ne Vopiscum quidem latuit, qui in Probo cap. 2 non ut Sallustios, inquit, Livios Tacitos Trogos... imitarer, sed Marium Maximum, Suetonium Tranquillum etc.

melius mox in peius mutati, denique perfecti ac consummati nusquam plenam imaginem videamus adumbratam. Deinde hoc in Suetonio reprehendendum est, quod rerum publicarum minus diligens fuit quam Caesarum personis dignum videtur. De re publica pace belloque vel aucta vel deminuta, de civium provincialiumque statu, de legibus et magistratibus pauca quaedam et disiecta adnotavit, totus fere in id intentus, ut a Caesaribus suis nihil humani alienum fuisse doceret. Hinc factum est ut in Divi Augusti vita Agrippae et Maecenatis laudes, in Tiberio Seiani scelera verbis vel nullis vel parcissimis illustrarentur; hinc C. Caligulae spurcissimum illud quadriennium integri libri spatium explevit; hinc trium principum rebellio, nisi Taciti historias fortuna servasset, obscurissima foret.

Laborat igitur Suetonianum genus vitiis quibusdam non exiguis, quae cum vitae studiorumque genere scriptoris videntur coniuncta fuisse. Publicis enim muneribus numquam functus nec magis animi quadam magnitudine naturali adiutus, sed libros indefesso studio legere excerpere inter se conferre solitus, facilius singularia et aliquo modo exstantia facta vel dicta animadvertere ac per capita componere quam aequabilem copiosumque rerum ordinem, qui quasi vitae humanae decursum aliquem imitaretur, pertexere potuit. Inde explicare licet, quod quae de eius Illustribus viris supersunt, quoniam sunt hominum litteris deditorum vitae, accedente etiam insigni singularum brevitate, perfectionis speciem habent maiorem; Caesares vero, sive nati sunt et educati ad spem imperandi, sive provecta aetate ad principatum accesserunt, ad unam eandemque fere capitum formulam descripti sunt, ut grammaticum hominem agnoscere tibi videre, qui ex auctorum infinita multitudine notabilia quaeque decerpta et in discretos adversariorum forulos disposita interiecto tempore componere et stilo formare aggressus est.

tes. Sunt tamen his ipsis vitiis laudes coniunctae, quas prudens historicarum rerum iudex maximi faciet: in col-

ligendis rebus eximia ac plane singularis fides et diligentia, in conscribendis prudentia et verborum elegantia rara. De fontibus, ut nunc loquimur, Suetonii nostra memoria multi egerunt vel omnium vel singularum vitarum, ut Schweiger Golbéry Krause Prutz Egger Hirzel Wiedemann, quos honoris causa appello, sed inter omnes convenit, ubique idoneos secutum auctores, numquam consilio, rarissime errore falsa tradidisse. Frequenter scriptores a se consultos nominatim affert, Acta quoque populi et senatus, ipsas Caesarum epistolas autographas p. 76, 22. 197, 1 ad quas ipsi aditus patebat, inspexit, ne libellis quidem sine nomine vulgatis famosisque versiculis neglectis, sed optimos quosque auctores et quantum fieri potuit rebus gestis aequales secutus. Quanta cura in diversitate tradentium vel minutas res tractaverit, exemplo esse potest p. 121 sq. disputatio de loco ubi C. Caligula natus sit. Quam diligenter primarios auctores sequi soleat, documento est Divi Augusti index rerum a se gestarum, quem monumentum Ancyranum dicere consuevimus, non modo commemoratus p. 85, 29, sed per totam Augusti vitam collatus et in usum conversus, ut non raro vel eadem verba remanserint, ut p. 46, 32. 47, 13—17. 57, 37—58, 7. Nonnumquam nimium brevitatis studium fraudi fuit, ut quae discerni et poterant et debebant in unum coniungeret. De iis historicis, quorum libri aetatem tulerunt, Velleium Iosephum Plutarchum nusquam consuluisse videtur, Tacitum si per aetatem legere potuit et legit, id quod p. 186, 26. 196, 37 credibile fit⁴⁾, certe ducem neque in Tiberii rebus tradendis, quod Sievers putabat, neque in rebellionem trium principum enarranda secutus est.

In componendis rebus eum fere morem tenet, ut repetitis ex antiquitate familiae vel gentis originibus, ipsius imperatoris, cuius vitam scribit, pueritiam virilem-

4) Multa parum idonea affert Krause de Suetonii fontibus p. 4. 5. 70. Berol. 1831. Male et Niebuhr in praelectt. hist. Rom. 3 p. 204 (aliter p. 28) et Boetticher in lexico Taciteo p. XXII Tacitum putarant post Suetonium scripsisse.

que aetatem usque ad imperii initia annorum ordine exponat, tum vero mores per universum imperii spatium publice privatimque proditos singillatim neque per tempora sed per species virtutum vel vitiorum exsequatur (p. 20, 13. 41, 18; 65, 17) denique rursus temporum ordinem sequens indicia mox futurae mortis ipsumque obitum cum testamenti quibusdam capitibus enarret. Neque tamen eundem semper ordinem in explicandis moribus servavit, sed ubi res postulare visa est, vel a publicis vel a privatis moribus initium sumpsit primumque locum vel minoribus vel maioribus rebus dedit. Per omnia hanc sibi legem scripsisse videtur, ne ulla in re incertam aut suam aut aliorum opinionem sequeretur neque interpositis disputationibus lectorum animos praepararet, sed ubique exempla luculenta proponeret resque rebus coniungeret. Adde miram scribendi brevitatem verborumque parcimoniam, et intelliges recte dici solere, nullam fere scriptorem tam exiguo libro tantam rerum multitudinem ac tot exquisita veteris historiae et vitae documenta comprehendisse.

Dicendi genere usus est simplici ac puro, nullam fere elegantiae laudem affectante nisi singulis in verbis proprietatem, in iunctis perspicuitatem. Praesenti tempore de praeteritis rebus rarissime usus est, ut p. 9, 11. 207, 27. Sed nulli virtuti aequae ac brevitati inservit ob eamque causam eius Caesaris, cuius vitam scribit, nomen rarissime ponit et participia unus omnium maxime non contemnenda arte frequentat.

Apud posteros existimatio.

His igitur virtutibus cum Suetonianae Caesarum vitae commendarentur, mirandum non est magno omnium plausu esse exceptas. Nam non modo frequenter lectatae et a posterioribus historicis, sive pristinae sive Christianae religioni addicti fuerunt, excerptae et imitando expressae sunt, sed vel ad Graecos pervenerunt et per totam mediam aetatem in usu esse non desierunt. Colligenti veterum scriptorum locos vel nominatim vel tacite Tranquillo debitos apparebit, nullam fere Caesarum paginam testimoniis insequentium scriptorum destitui.

Antiquissimus est Polyaeus, qui excerpta e Divi Iulii et Divi Augusti vitis quadraginta fere annis postquam editae sunt in suis *Strategematis* 8, 23. 24 reposuit. Cassium quoque Dionem Suetonio studiose usum esse, etsi non confitetur, arguit locus 64, 11—13 quo loco ea quae Suetonius p. 213, 23 patris sui fide in litteras retulerat, tamquam apud historicos inventa repetivit. De Latinis antiquissimus est Tertullianus, Christianus Afer; quo non multo posteriores Spartianus, Lampridius, Capitolinus, Vopiscus Augustae historiae scriptores, si non prorsus contemnendi sunt, Tranquilli imitationi debent. Quarti saeculi scriptores Eutropius, S. Aurelius Victor, Hieronymus et Paulus Orosius tantam copiam verborum Suetonianorum descripserunt, ut vel ad emendationem illorum adhibendi sint; Decimus Ausonius hexametris ter duodecim Caesarum nomina, annos, mortes complexus est.

Omitto Vergilii Lucani Iuvenalis commentatores, sed hoc praetereundum non est, sexto saeculo Ioannem Laurentium Lydum et Ioannem Antiochenum laudabilem operam Suetonii vitis ceterisque scriptis impendisse, Graecos homines; quo tempore in Occidente tanta Latinarum litterarum incuria inceserat, ut cum ingenti aliorum librorum bonorum multitudine etiam Suetoniana opera pleraque perirent et vel de vita Caesarum libri octo, de quibus agimus, non multum abesset quin intercerderent.

Unum exemplar tantae ruinae superfuit, idque vitis minoribus maioribusque, hic illic lacunis quoque et interpolationibus foedatum⁵⁾, quin etiam integro quater-

Diversorum
exemplorum
origo.

5) Exempla infra ponuntur. Ne tituli quidem vitarum incorrupti manserunt (certe C. Caligula non esse a manu scriptoris constat) quamquam multo peiora ab editoribus admessa sunt, ut Caesar, Octavianus etc. Ceterum scriptum fuisse videtur id exemplar binis laterculis, versiculis litterarum XVIII vel XIX, quod coniicio e loco p. 197, 5 ubi omnes libri habentur:

*maxime non mediocri studio
maxima etc.*

nione ab initio mutilatum. Id exemplar, conservatum ut ego existimo in Francia imperante Carolo Magno, quo principe veterum litterarum novum studium exarsit, multiplicatis exemplis describi coeptum, eorum quae ad nos pervenerunt omnium communis origo et quasi parens factum est. Itaque saeculo nono⁶⁾ prima post migrationem gentium reperiuntur vestigia operis de vita Caesarum lecti et in usum conversi. Et circiter annum quidem 830 Einhardus in recessu Seligenstadensi in saltu Odanwald vitam Caroli Magni conscripsit, Suetonii Caesaribus et praecipue Divi Augusti vita tam strenue usus, ut non modo omnem libelli descriptionem sed etiam integras haud raro sententias inde repetiverit, et nonnumquam, ut iam Casaubonus iudicavit, imitandi studio suae historiae veritatem transgressus esse videatur. Eodem saeculo VIII medio Servatus Lupus epist. 91 p. 137 ed. Baluz. Suetonium Tranquillum de vita Caesarum, qui apud Fuldenses in duos nec magnos codices divisus exstaret, sibi mitti iussit, quoniam in sua vicinitate (fuit autem abbas Ferrariae in dioecesi Galliae Senonensi) nullum inveniretur exemplum. Postremo superest hodie quoque Memmianus codex omnium qui inventi sunt et antiquissimus et optimus, qui nunc Parisiis asservatur numero 6115 distinctus, sed olim in Turo-nensi S. Martini coenobio Alcuini doctrina nobilitato exstabat, saeculo VIII exeunte scriptus.

Insequentium scriptorum digni sunt qui propter familiaritatem Suetonii nominentur Ioannes Saresberien-sis in Policratico S. XII, Vincentius Bellovacensis in

et p. 105, 24 ubi in Memmiano libro sic scribitur:

aucorum senatorum ino-

P pia etc.

Illic integrum vocabulum, hic unam litteram primo loco ver-siculi motam arbitror.

6) Maxime notabile est Paulum Diaconum Suetonii plane ignarum videri; (Hist. misc. 6, 16, 7, 20, 9, 2 ex Orosio descripta) neque enim dubito quin si hunc novisset, in con-sarcinanda sua anno circiter 780 Historia Miscella uberrimos hinc fructus decerpisset.

Speculo historiali S. XIII, Iacobus Magni in Sophilogio S. XIV.

Exemplorum typographica arte multiplicatorum, quas editiones appellare usu receptum est, antiquissima sunt Romana duo, anno 1470 emissa (alterum Sextili mense et Ioannis Antonii Campani cura, foliorum 125, alterum Decembri ex recognitione Ioannis Andreae Aleriensis episcopi foliorum 107) et Venetum unum foliorum 162 anno 1471 vulgatum. Hae tres editiones, principes appellandae, cum ex scriptis codicibus pro se quaeque expressa sit, etsi in multis rebus inter se differunt, cum exempli causa in Veneta editione Graeca verba ubique omissa sint, in Romanis capitum descriptio a vulgari discrepet, in universum tamen iudicanti simillimae inter se et recentissimorum pessimorumque librorum, quales sunt Perizonianus et Harleimensis, propago dicendae sunt.

Editiones
principes.

Posteriorum editorum prae ceteris propter receptas e melioribus libris emendationes laudem consecuti sunt Philippus Beroaldus a. 1493 et 1506, Desiderius Erasmus a. 1518, Robertus Stephanus a. 1543, Isaacus Casaubonus a. 1595 et 1610, Ioannes Augustus Ernesti a. 1748 et 1775, Franciscus Oudendorpius a. 1751. Etsi editiones non correxerunt, tamen vel in commentariis Suetonianis vel aliis opusculis bonas librorum lectiones prolatas commendaverunt hi fere: Angelus Politianus, Ioannes Baptista Pius, Henricus Glareanus, Hadrianus Turnebus, Theodorus Pulmannus, Laevinus Torrentius, Iustus Lipsius, Ianus Gruterus, Caspar Barthius, Claudius Salmasius, Ioannes Georgius Graevius, Iacobus Gronovius, Petrus Burmannus. Corrigendi officio, cum veteribus libris destituerentur, plerumque non male functi sunt divinando Marcus Antonius Sabellicus a. 1490, Ioannes Baptista Egnatius a. 1516, Sigismundus Gelenius a. 1533 et 1546 (hunc enim repetitionibus Erasmaniae editionis Basiliae factis praefuisse existimo).

Posteriorum
critici.

Scriptorum librorum per universam Germaniam et Galliam et Italiam ingens numerus reperitur, eorumque

Codicum
multitudo.

multi ab editoribus vel leviter inspecti vel diligenter collati sunt. Sic ut exemplis utar, Parisiis in Imperiali bibliotheca libri XXIV numero servantur, per Alamanniam Basilienses, Friburgenses, Turicenses singulos, Bernenses (non Bremenses) duos habent. Sed in tanto numero pauci sunt, quorum collatione hodie Suetonius liber adiuvari posse videatur. Et antiquitate et integritate reliquos, quotquot adhuc innotuerunt, omnes longe superat et quasi obscurat Memmianus liber Parisinus 6115. Itaque paulo copiosius de eo dicendum existimo.

Codex Mem-
mianus.

Prodiit, ut iam diximus, e Turonensi bibliotheca (inscripsit enim saec. XIII bibliothecarius aliquis: iste liber est de armario bī martini tūr) anno circiter 1562 per turbas, ut ego existimo, Hugenicis pervenitque in bibliothecam Henrici Memmii (de Mesmes) supplicum libellorum in regia magistri. Nam quod Robertum Stephanum in emendanda editione Parisina anni 1543 Memmiano codice usum esse Graevius alique voluerunt, id falsum est⁷⁾. Primus, quantum investigare potui, Memmiano codici operam dedit Hadrianus Turnebus a. 1564, qui in Adversariorum parte media lib. 13—24 Errico Memmio dedicata, neque tamen eius nomine librum appellare ausus, multa inde prolata commendavit. Similiter et Petrus Pithoeus⁸⁾ et Ioannes⁹⁾ Obsopoeus, cum

7) Lectiones consideranti, quas Stephanus primus in ordinem verborum recepit, apparebit ad manum ei duos libros scriptos fuisse, quorum alterum codicem Parisinum 6116 vel 5802 fuisse arbitror, alterum similem aliquem Medicei primi et Copesiani et Hulsiani, fortasse Parisinum regium 5801. Ad illud genus haec pertinent: p. 63, 26 *et ut unus*; p. 85, 4 *iam tunc*; p. 213, 6 *tamen* omisum; p. 218, 12 *lactassent*; p. 237, 1 *et statuarum*; p. 252, 4 *conatur*. Ad posterius haec: p. 11, 36 *fluminibusque*; p. 37, 1 *et* omisum; p. 142, 6 *capere*; p. 244, 19 *et methodium*. Memmiani codicis apud Stephanum ego ne vestigium quidem reperi.

8) Pithoeus iam in Subsecivis suis Octobri mense a. 1564 editis nonnulla e 'vetusto et optimo libro' prodidit; plura Casaubonus, qui Pithoeana excerpta a. 1594 per Iacobum Bongarsium acceperat.

9) Barthius aliquoties Vincentium Obsopoeum adiungit, sa-

ad Stephaniana exemplaria Memmiani codicis discrepantiam adnotarent, quorum exemplorum alterum ad Casaubonum pervenit, alterum per manus Casp. Barthii, Gottliebii Kortte, P. D. Longolii et Fr. Augusti Wolf postremo Berolinum delatum est, Memmii possessoris nomen prodere nondum sustinuerunt¹⁰). Itaque factum est, ut vel Pithoei et Obsopoei codices commemorarentur qui nulli fuerunt, vel pro diversis auctoritatibus numerarentur codices Turonensis, Pithoeanus, Memmianus, qui unus fuit. Postea Casaubonus ad secundam suam editionem corrigendam Iacobi Memmii, Henrici filii, beneficio ipsum Memmianum librum utendum accepit, pauloque post eundem ad Casauboni exemplum a. 1610 impressum Claudius Salmasius contulit, quod exemplum¹¹) ad manus fuit Schildio a. 1647, Graevio a. 1672, Iacobo Gronovio a. 1698, Oudendorpio a. 1751, nunc Leidae servatur. Ex Memmiorum possessione quando egregius ille liber in Emerici Bigot, qui a. 1689 mortuus est, bibliothecam no. 196 transierit, non comperi; sed a. 1706 cum reliquis Bigotianis emptus et no. 5984 (ita apud Montfaucon) notatus in Regiam bibliothecam illatus est. Ibi Richardi Bentleii iussu (quem Suetonii editionem praeparatam habuisse noramus e Diario Veneto 18 p. 458, pluribus intelleximus editis a. 1842 Bentleii epistolis, de quibus expositum est in Museo Rhenano 8 p. 13. 21.) Memmianum codicem anno circiter 1719 inspexerunt Ioannes Walkerus et Thomas Bentleius, Richardi ex fratre filius, cuius rei ille mentionem fecit in adnotatis ad Ciceronem de deorum natura 2, 57 in Davisiana editione, hic ad Caesarem de bello civili 1, 1 anno 1742 a se editum.

tis inepte, qui Parisiis non vixerit et Gesnero teste ante a. 1539 mortuus sit.

10) Solus, quantum scio, XV saeculo Dionysius Lambinus in adnotationibus ad Aemilium Probum a. 1568 conscriptis (Cim. I. Dat. 86. Hann. 51) Erricum Memmium egregium Suetonii codicem ms. domi habere aperte professus est.

11) Inde Salmasiani codicis mentio; ne apud ipsum quidem Salmasium aliter scriptum reperi quam *V. C.* vel *optimus codex*.

Posteriorum qui hunc pretiosissimum librum tractaverit neminem novi. Actum igitur egisse non videbor, quod per caniculares ferias a. 1855 Parisios profectus hunc librum diligentia quantum fieri potuit maxima contuli. Qua in re magnopere me iuvit bibliothecariorum ac praecipue Ernesti Renan humanitas, contubernalis mei amicissimi Eduardi Wölfflin comitas. Quodsi iterum collato Memmiano libro Suetoniani operis emendationem promovere mihi contigit, his viris eius rei maxima gratia habenda est.

Ut de externa specie libri pauca dicam, distinctus est hodie numero 6115 et 'Codex Memmianus' a bibliothecariis inscriptus, ut illis quidem de libri origine et proveniunt dubium fuisse non potuerit. Constat foliis quaternariis pergamenis 126 per quaterniones complicatis, et ita quidem ut bibliopecti stupore is quaternio qui in Divo Augusto p. 52, 33—69, 36 verba continet *titulis restituit* et quae sequuntur usque ad *vasa Corinthia* post duos insequentes quaterniones collocatus sit. Titulo primore caret, sed falsum est id quod Thomas Bentleius tradiderat, ne maiuscula quidem littera incipere vocabulum omnium primum quod est *Annum*. Quinque enim verba *Annum agens sextum decimum patrem* liquore rubro et maiusculis litteris scripta sunt et principe quidem littera A reliquarum altitudinem aliquantum superante; ut vel hac re eluceat, non in hoc ipso exemplo iacturam primi quaternionis factam esse. Scriptura saeculi VIII luculenta est, compendiis admodum paucis impedita. Varias manus emendatrices expertus est, quae vel ex alio exemplo vel coniectando pristinam scripturam immutarent. Scribam initio legendi satis imperitum primo libro produnt vocabula integra compendiis superscripta, cum super L. *lucio* vel *lucii*, super M. *marcus* vel *marci* vel *marco*, super P. R. *populi romani*, aliquando super C. *curtius* additum sit. Nonnumquam grammaticum agere conatus est, ut p. 4, 32 ubi ad vocabulum quod est *nutantis* in margine adnotavit *ubique suetonius accusativum III^e declinationis pluralem in is ponit*.

Memmianum codicem omnium qui aetatem tulerunt integerrimum esse, ab initio omnes intellexerunt et praedicaverunt. Sed tamen cavendum est ne nimiam de eo expectationem concipiamus et reliquos prae eo omnes contemnamus. Errant enim cum Richardo Benteio qui Suetonianos codices ad unum omnes ex hoc tamquam primario parente natos voluerunt. Ea opinio adeo falsa est ut ne unum quidem librum, certe eorum de quibus constat, liceat ex eo descriptum dicere. Laborat enim vitiis quibusdam, quorum ceteri libri omnes expertes sunt. Sic verborum plus minusve p. 38, 16 *vallo per*; p. 58, 14 *ipsum*; p. 169, 19 *imperii quarto decimo*; p. 193, 38 *magna iam ordinum frequentia vix repertae Capitolii claves, cum ex oratione*; p. 211, 17 *statim*; p. 236, 20 *ac magis*; p. 249, 31 *conspiratione* desideratur in hoc libro, comparet in reliquis omnibus, quod fieri nullo pacto potuisset, si hic liber omnium origo communis esset. Ac si quis non ex ipso Memmiano codice, sed ex gemino aliquo eiusque simillimo reliquos descendisse diceret, ne is quidem recte iudicaret. Magnus enim est locorum numerus, ubi cum Memmiano multi alii eadem corruptela affecti sunt. Sic versiculum qui p. 22, 6 de tribus medius est, non Memmianus modo sed Parisini quoque 5801 et 5804, Mediceus tertius et a prima manu Mediceus secundus (*primum* puto scriptum oportuit) omiserunt, eundem vetustissimus quidam epitomator et Ioannes Saresberiensis 3, 14 ignoraverunt, frustra fuit Benteius cum ad margines Memmiani libri alicubi delitescere speraret. Verum nec desiderari potest ille versiculus et alii librorum generi debetur. E diverso verba insiticia *in bonam partem*, quae p. 131, 33 addita sunt ad vocabulum *notos*, Memmianus itemque multi alii libri admiserunt, sed carent eo additamento cum Mediceo primo et tertio aliisque multis libris editiones omnes.

His exemplis satis demonstratum esse videtur, Memmianum codicem non eum esse, unde tamquam e simplici radice reliquorum librorum suboles enata sit. Fuerunt enim iam nono saeculo quo ille scriptus est etsi non toti-

dem librorum discrimina quot temporum decursu facta sunt, at eadem certe genera ac familiae.

Codex Medi-
ceus tertius

In optimis et antiquissimis codicibus post Memmianum iure censetur Florentinus Mediceus plutei 68 numero 7 (ap. Montfaucon 10) Saec. XI. binis columnis scriptus. Tertium vulgo nominant Mediceorum¹²⁾ eorum, quos Iacobus Friderici f. Gronovius ad margines Gryphiani exempli a. 1544 editi collatos possidebat, sed aliqua conscientia praepeditus neque ipse in sua editione adhibuit neque aliis utendos permisit; donec Abrahamus Gronovius patre suo mortuo eas copias Oudendorpio tradidit. Non male collati esse videntur, sed frequenter numeri quibus distinguuntur 1. 2. 3. nescio cuius vitio confusi sunt, qua re eorum librorum auctoritas minus certa fide nititur. Huius igitur tertii praestantiam iam Politianus cognoverat ideoque contulerat a. 1480; nam is Florentinus codex ex D. Marci bibliotheca quem contulisse se ait non alius fuit atque Mediceus 3, id quod ex vitiis illi propriis intelligitur; verba p. 129, 21 *ut quidam putant*; p. 249, 7 *illos sibi reddidisse*; p. 250, 22 *iusserrat* deesse Politianus et Gronovius prodiderunt soli. Is igitur liber ad Memmianum proxime¹³⁾ accedit ac saepe solus cum eo vel recta servavit vel corruptus est, cfr. p. 21, 30 *et vi Nicomedi* scriptum; p. 32, 26 et 76, 12 et 92, 31 *libris et ingenium et eius* omissa. Sed multo saepius a Memmiano desciscit et ad alterum genus, cuius est Mediceus primus, deflectit, ut vel cum eo solo peccet, ut p. 19, 36 *in dies* et p. 104, 14 *umquam* omittens, vel cum multitudine deteriorum librorum Mediceo primo affinium eadem corruptela laboret: Tornacensem

aeque affi-
nes.

12) Novem Suetonii exempla Medicea enumerant et Montfaucon et Bandini, plut. 64, 3—9. 66, 39. 68, 7 (Montf. 10) pleraque saec. XV.

13) Eos dico qui constanter comparati sunt. Nam Parisinum 5804 saec. XV. ubique fere cum Memmiano facere deprehendi. Certe Parisinorum solus cum Memmiano p. 3, 8 *Annum agens sextum*; p. 53, 3 *exempli in perniciem*; p. 107, 18 *eam amplius* scriptum habet.

dico, Copesianum, Hulsianum, Bernenssem, Palatinos tres, Viterbiensem, Guelferbytanum primum¹⁴). Hi omnes p. 128, 16 *de caelo venit nobis rex* et p. 168, 33 *rectas facite* quasi interpretandi causa interponunt, p. 224, 7 *incertum sponte an evocatus* scribunt, p. 245, 9 *in provinciis* omittunt.

14) Mediceus primus, plutei 66 numero 39, saeculi XI Gronovio videbatur; Bandini saec. XIII ineuntis docet. — Tornacensem codicem pervetustum e monasterio S. Martini ablatum Gulielmus Montioius Anglus anno circiter 1515 Erasmo, Erasmus a. 1530 Glareano dono dedit. Postea tamen a Tornacensibus recipiatus est, cum et Delrio (ad Senecam tragicum p. 239) eum viderit et Torrentius nova eius collatione usus sit. Desiderabatur in eo Domitiani maxima pars a cap. 2. — Henrici Copesii librum nitidissime scriptum Graevius contulit eademque collatione usus est Burmannus. Ad saeculum XIII retulerunt, sed ad XV vel unum illud *quod* pro cui scribi solitum trahit. — Hulsii consulis Hagensis librum, qui item recentioris aetatis fuit, Burmannus adhibuit a Stavereno collatum. Hulsiana bibliotheca cum a. 1730 Hagae venierit, Haganus ille codex, quem in auctione Longolius emit, postea Harlessius possedit et Wolfius, nunc Berolinensis bibliotheca habet, membraneus foliorum 46 maximorum, idem esse videri potest atque Hulsianus. Mirum tamen quod Wolfius dicit, prima verba esse *Annum agens sextum decimum* et per omnia codicem Memmiano simillimum esse (intelligebat credo Obsopoei collationem, qua et ipsa utebatur) cum Hulsianus *Annum agens Caesar s. d.* habuerit. — Bernenses (Bremenses nulli sunt) duo saeculi XIV, alter olim Danielis et Bongarsii, nunc numero 104 distinctus, alter no. 206 et originis incertae, a Bremio et Ochsnero Wolfii gratia collati sunt, certe per Divi Iulii vitam. Ego cum Steigeri V. C. benivolentia utrumque domi haberem, priore propter incredibilem litterarum exilitatem prorsus abstinui, posteriorem hic illic inspexi. Is Graeca ubique praetermittit in lacuna. — Palatinorum trium codicum, qui illo tempore Heidelbergae fuerunt, nunc Romae custodiuntur numeris Palat. 896 sqq. distincti, excerpta quaedam edidit Ianus Gruterus a. 1611, paene inutilia, cum non aequabili diligentia percucurrerit, sed in locis controversis et suspectis modo inspexerit; fuerunt nisi fallor saec. XIV et XV. — Viterbiensis libri, quem Italus quidam, cuius nomen elutum est, *Perusini aeris fugiens intemperiem . . . Viterbii in propriis aedibus annum agens aetatis XXVIII*

codex Vati-
canus Lipsii.

Difficillima res est de Vaticano codice quodam, e quo paucas lectiones a Lipsio collectas Pulmannus a. 1574 edidit. Eiusdem libri Lipsius ipse in Antiquis lectionibus et in Electis mentionem fecit, tresque lectiones a Pulmanno non positas Torrentius protulit¹⁵⁾. Fertur sine distinctione capitum scriptus esse, cum notis (?) et tres priores tantum libros, Divum Iulium Divum Augustum et Tiberium, continuisse, amisso ut videtur altero tomo. Quamquam Lipsiana excerpta tam negligenter facta sunt,

a. 1460 transcripsit, postea I. Ang. Hemandus, tum Io. Mannesserius, nunc Parisina bibliotheca no. 5806 possidet, collationem Casaubonus a. 1595 Genevae instituit miroque eius amore captus supparem dicere ausus est Memmiano. Sed convenit ei omnium maxime cum Palatinorum primo; nam p. 3, 8 *Iulius Caesar Divus annum agens*; p. 151, 19 *copreis XL trophæis*; p. 201, 36 *per tres menses*; p. 234, 32 *e Caesaris ministris*, hi soli codices scriptum habuerunt. Eundem tamen Palatinum Gruterus quoque plurimi fecit et nominavit aliquando librum simplicem et innocentem. Fuit tamen secundus aliquanto sincerior. Tertius ad codicem aliquem propaginis Paris. 6116. Med. 2. etc. contaminatus esse videtur, e. gr. p. 214, 16. — Guelferbytani primi, Gudiani 268. saec. XI (?) paucas quasdam lectiones Wolfius prodidit a Langero submissas. Sed desidia sensim obrepente in C. Caligulae et Divi Claudii vitis rarissime, in Neronis semel, in posterioribus ne semel quidem vel huius libri vel aliorum mentionem fecit. — Torrentianorum codicum unus alterve hic foret commemorandus, si Torrentio codices suos quatuor saepius nominatim distinguere placuisset; iam vero ita loqui solet: 'codex unus, haud malus, optimus, noster, pervetustus, libri duo, quatuor' et similiter, ut eius labor hodie paene inutilis sit. — Parisinorum codicum praeter Viterbiensem hic nominandi sunt no. 5801 saec. XII optimus, quem Casaubonum quoque inspexisse probant omissa p. 182, 20 verba *alteri pluris aliquanto rosaria*; tum Notre-Dame 188 saec. XIII, excerpta continens; postremo no. 5805. 5810. 6117. saec. XV.

15) Pauculae adnotationes e Vaticano codice a Politiano a. 1480 factae hunc Vaticanum an alium spectent equidem ignoro. Fulvii Ursini e V. C. excerpta, quae dicit, plerumque commenticia sunt, ex Erasmi Stephani Torrentii editionibus conficta. Nimis timide de eius fide dubitarunt Iac. Gronovius et Oudendorpius. Raro non mentitur, ut cum *capita* commemorat p. 71, 16.

ut saepe per decem vel duodecim deinceps capita ne una quidem varietas proferatur, in secundo et tertio libro integrae p. 59—85 et p. 110—118 silentio transeantur, tamen vel in his miseris speciminibus vestigia praeclaræ indolis insunt manifesta. Sic p. 38, 16 et 25 *magno intervallo per et Aemilio Papo* solus utrumque recte habet; omnium maximum sit, quod p. 12, 1 lacunam explere videtur numero *CCCC* addito, qui et ipse apud Eutropium exstat. Operae igitur pretium faceret qui hunc Vaticanum codicem requireret inventique apices omnes rimaretur et cum vulgatis componeret. Bibliothecae Vaticanae numeri ad Suetonium spectantes hi sunt: 1860. 1904—1915. 2966. 3335. 3336.

Interim non negligendum est tertium codicum genus, ad quod referendi sunt codex Parisinus 6116 a me diligenter examinatus et Mediceus secundus apud Oudendorpium, tum incertae originis excerpta Lislæana, Cuiaciana, Bongarsiana, Vossiana¹⁶⁾.

Codex Parisinus 6116 eiusque similes.

16) Codex Parisinus numero nunc 6116, in XII libros divisus, nullis capitum intervallis, incipiens sic: *Gaii Suetonii tranquilli de vita cesarum lib. I. Incipit divus Iulius. Annum agens cesar*, in fine *Sidonii* (i. e. Ausonii) *versus. Cesareos* etc. continens, saeculo XII scriptus, supra versus et in marginibus secunda manu multifariam correctus, ad manum fuisse videtur iam Stephano a. 1543 et Turnebo qui per tota Adversaria multa inde protulit, certe Casaubono, qui ad Divi Iulii cap. 78 perantiquum appellavit. Contuli ego mense Augusto 1855, cum de vetustioribus Parisinis hunc Memmiano dissimillimum esse expertus essem. — Codicem Medicum secundum, plutei 64 numero 8, foliorum quaternariorum 72, variis lectionibus marginalibus oppletum, saec. XIII ineunte scriptum, Iacobus Gronovius contulit, adhibuit Oudendorpius. — De Excerptis impedita res est. Primum nominandus est Hier. Groslothus Lislæus Aurelianensis. Is igitur excerpta e codice aliquo ad Lipsium mittenda curavit, quae ille accepisse negavit a. 1587, vide Syllogem Burmannianam I p. 347. 359. Idem Casaubono a. 1595 schedas tradidit, ex eodem ut videtur vetere codice decerptas. Eum codicem Cuiacianum fuisse et a Bongarsio collatum, certis argumentis probari posse confido. Lipsius enim in adnotatis ad Suetonium a Burmanno editis Cuiacii MS. saepius commemorat et superest in Lei-

Hoc genus haud dubie vehementer corruptum est, cum intra paucas paginas, ut exemplo utar, p. 244, 23 verba *sponte in Catthos* et quae sequuntur usque ad duas; p. 249, 5 et p. 250, 3. 4 Graeca omnia; p. 250, 32 *commendanti* omittat; p. 248, 34 *intra urbem* interpolet; p. 243, 24 *in thermis*; p. 247, 34 *e remotioribus* et *tribunos*; p. 248, 28 *et accusati et accusatores* scriptum ostendat. Nihilo minus tamen non plane spernendum est, immo cum antiquissimo per se cohaesisse intelliges, postquam reputaveris non modo Memmiani libri scripturam saepe eo solo confirmari, sed vel Memmiano et

densi bibliotheca Cuiaciani codicis collatio Lipsii manu ad margines editionis 1574 apposita, ut collationem a Groslotio Lipsio transmissam appareat non perisse. Iam et Groslotius (in Burmanni sylloge I p. 358) Bongarsium ait pro *senatumque* p. 175, 24 coniecisse *scenamque*, et Casaubonus *citharae* p. 175, 26 dicit Bongarsium e codice Cuiaciano enotasse (itemque p. 224, 7). Atqui reperio *Ÿ. scenamque et citharae* scriptum et *incertum sponte* deletum in Excerptis Bongarsianis, id est in Bernensi exemplo editionis 1574, cuius ad margines Bongarsius perpetuam collationem codicis alicuius adscripsit. Eum codicem in Bernensi exemplo Bongarsius saepe obscure significat *Sic V. C.* adscribens, bis tantum ad p. 164, 14 et 24 *proxima* et *gestatione* adnotat *Sic Cu.* Cuiacianum igitur codicem a Bongarsio anno circiter 1580 collatum eiusque collationis exempla ad Groslotium, Lipsium, Casaubonum pervenisse existimo. In tanto testium numero nonnulla turbata esse non est mirandum, sed alter altero propius ad Bongarsiana mea accedere solet. Sic p. 240, 33 Bongarsius e codice excerpserat *pellibus al. paludibus*; id ipsum refert vetus Lipsii, *pedibus vel paludibus* habere fertur Cuiacianus, Lislacii codd. pars *pellibus* pars *paludibus*. Item p. 139, 23 *speculatoribus* habet Bongarsii autographon et Cuiacianus apud Casaubonum, *saepe speculatoribus* habere dicuntur excerpta Groslotiana apud Casaubonum et Cuiaciana apud Burmannum. Quidquid id est, is codex multis nominibus nobilitatus simillimus est Parisino 6116 et magis etiam Mediceo secundo. — Eademque res est cum excerptis Vossianis, quae Isaacus Vossius ad editionem a. 1592 in Leidensi bibliotheca servatam adscripsit. Ea sive e Mediceo aliquo codice ut Oudendorpius existimavit, sive ut equidem putare malo ex Anglico aliquo desumpta sunt, pertinent ad id tertium genus, de quo dicere instituimus.

reliquis omnibus corruptis in hoc solo recta superesse. Hoc ut compluribus exemplis demonstrem, huic generi librorum debetur p. 22, 6 integer versiculus, p. 108, 2 verbum *creditur*; p. 164, 6 pronomen *qui*; idem additamenti liberum est p. 45, 21 *patre*; p. 141, 1 *omnem*; p. 150, 23 *domo*; p. 204, 24 *sui*¹⁷⁾; Graeca optime servavit p. 84, 3 *προπέμψατε*; 168, 33 *τρώσας*; singula verba integra praebuit p. 16, 12 *et fugientem*; p. 34, 20 *Cascae*; p. 38, 25 *Papo*; p. 56, 10 *recensum*; p. 56, 37 *circove*¹⁸⁾; p. 97, 11 *sinistra*¹⁹⁾; p. 103, 32 *remotus*; p. 147, 13 *novi*; p. 159, 10 *exciēte*; p. 176, 21 *admissis a*; p. 183, 27 *rete*; p. 183, 31 *alia*; p. 209, 10 *Ferentio*; p. 242, 32 *initia*; p. 247, 22 *Paeti*; p. 252, 4 *conatur*.

Hi igitur libri, de quibus exposui, ad emendationem ut idonei ita necessarii esse videntur. Reliqui quorum ingens est multitudo, novicii et a grammaticis correcti, auctoritatem habent nullam. Nusquam enim ex antiquitate ullam lectionem servarunt quae non in Memmiano aut in duorum generum vetustioribus exemplis scripta exstet. Fit tamen nonnumquam, ut feliciter coniectando vel in uno libro novicio vel in compluribus aliquod vitium sublatum sit, ideoque ab eo qui singularum correctionum auctoritates persequitur pro Sabellico aut Beroaldo appellandus sit codex Cortianus vel Basiliensis, id est ignotus quidam grammaticus saeculi XV, cuius haud improbabile commentum in hunc vel illum librum devenit.

Codices
saec. XV

Hoc ut exemplis aliquot illustrem, primum lacunas commemoro per Divum Iulium in omnibus libris bonis et antiquis repertas. Unum vocabulum p. 14, 37 excidit, quod e Cicerone recipari debuit et reciperatam denique est a. 1596, verbum *regnandi*; verum XV saeculo

17) Huc fortasse aliquis referat etiam p. 11, 21 *perfecitque utrumque*; p. 62, 15 *solere*.

18) Id nunc praefero propter p. 287, 14.

19) Ita enim scribi oportuit secundum Monum. Ancyranum 2, 44 ubi Augustus quos inquit *sinistra fortuna mihi eripuit*.

magistri aliquot de coniectura vel *regni* vel *imperii* supplere maluerunt, quod utrumque in principes quoque editiones transiit. Eam lacunam quae p. 26, 19 complura verba absorpsit, grammaticus quidam saeculo XV tam commode resarsit, ut in eius coniectura acquiesci potuerit. Receperunt codices Perizonianus, Parisini 5809. 5811. 5814 et editiones Romanae principes. Difficilior visus hiatus p. 36, 20; explere studuerunt sex septem magistri alter altero probabilius, omnium pessime is cuius commentum in Parisino 5809, Turicensi, Cortiano inventum postremo in editionibus subsedit. Contra facillima res fuit in restituendo eo loco, qui p. 24, 34—36 lacuna hiabat, supersunt enim verba elapsa in commentariis Caesarianis. Tamen non comparent nisi in Parisinis quattuor 5803. 5812. suppl. Lat. 140. Sorbonne 914, in Basiliensi et Vindobonensi 183, itemque cum levi varietate in margine Medicei primi et in Parisino 5810, ex editionibus in Lugdunensi a. 1508. Alius quidam magister pauciora verba haec *ceteri quam bene atque emendate* satis esse ratus Parisino 5805, a. 1453 scripto, et Bealdo a. 1506 persuasit.

Neque minus noviciorum librorum auctoritas eo infringitur, quod non certa et constanti aliqua affinitate cum antiquis exemplis coniunguntur, sed diversorum exemplorum collatione contaminati modo ad hanc modo ad illam librorum stirpem pertinere videntur. Sic Basiliensis codex F I 12 et Vindobonensis 183 (Vind. 1. appellavit Oudendorpius) qui libri inter se tam similes sunt ut pro uno haberi possint, accedentibus reliquis similibus, Perizoniano, Harlemensi, Corsendonciano, Nonniano, Lindenbrogiano, Ferrariensi, Vratislaviensibus duobus²⁰), Parisinis 5812. suppl. Lat. 140. Sorb. 914. tribus-

20) Perizonianus codex notis marginalibus oppletus a. 1545 Roma Vesaliam delatus est, tum a Guil. Noomsio ad Iacobum Perizonium, postremo in Leidensem bibliothecam pervenit. Usi sunt Burmannus et Oudendorpius. — Ut Perizonianus codex ad Romanam editionem Io. Andreae proxime accedit, ita editioni principi Venetae nullus similior est Harlemensi in bibl.

que editionibus principibus plerumque cum tertio genere faciunt, quod supra Par. 6116. Med. 2 etc. efficere dixi, ut cum p. 207, 10 *maiora et tristiora*; p. 208, 34 *gibbus vel caro*; p. 214, 16 *et apud Culiternam* scriptum habent; p. 229, 21 *sedentem*; p. 236, 26 *ad extemporalitatem usque* omittunt. Iidem tamen libri quod p. 217, 27 *factionis suae*; p. 238, 11 *adverso rumore*; p. 243, 20 *quid sibi* habent; quod p. 248, 34 *intra urbem* omittunt; p. 117, 24 *praecipitandum*; p. 240, 1 *in servos* addunt, ad secundum librorum genus, cuius sunt Mediceus 1, Tornacensis etc. correcti sunt, non aequaliter quidem omnes, sed ut fors ferebat modo plures modo pauciores, tum rarius tum crebrius.

Plane eadem res de his quinque codicibus Pinelliano, Foucaultiano et Friburgensi, tum de Cortiano et Vindobonensi 2¹⁾ dicenda est, nisi quod aliis locis et ab aliis

publ. quem Phil. Rullaeus et Franc. Oudendorpius Graevii Burmannique gratia contulerunt; sub finem Divi Iulii deest tota pagina. — Corsendoncensis collegii itemque Alvari Nonnii medici codicibus usus est Theodorus Pulmannus a. 1574. — Frid. Lindenbrogii codicis nescio cuius specimina Casaubono donavit a. 1596. — Librum Ferrariensem i. e. qui fuerat olim Io. Bapt. Panaeti Ferrariensis, Torrentius a. 1578 consuluit. — Vratislaviensium librorum in bibl. Rehdigeriana positorum C. E. Chr. Schneider in programme a. 1817 excerptas quasdam lectiones edidit, sed (nescio cur tam sinistro consilio usus) tantum eas quas nemodum in aliis libris observasset.

21) Ferd. Pinelli Itali librum a. 1569 Obertus Gifanius Venetiis contulit; eius collationis rarissima specimina Torrentius dedit, paulo plura Ioannes Schefferus in Miscellaneis Observationibus t. IX p. 328 sqq. — Codicis cuiusdam Romae a. 1444 scripti, qui Nic. Ios. Foucaulti († 1721) fuit, ex a. 1737 bibliothecae senatus Lipsiensis Rep. I. fol. 9. est, non indiligentem collationem Baumgarten Crusius repeti iussit I. p. XV. — Friburgensem codicem eum dico, quem olim signo 'P. 60' distinctum senilis manus Ios. P... Mog. 23 Nov. 1818 *indubie prorsus manu saec. duodecimi* scriptum persuadere voluit, tum Iosephus Lassberg Moguntiacy emit, postea (anno circiter 1830, cf. Golbéry notice sur Suétone p. 11) Io. Leon. Hug celeberrimus theologus suo sibi aere comparavit et testa-

magistris correcti sunt. Interdum cum secundo, nonnumquam cum tertio librorum genere ita consentiunt, ut ex utroque conflati esse debeant. Verba iactavit p. 68, 27; *defuit stanti* p. 163, 28; omissum *Catuli* p. 199, 22 et *in provinciis* p. 245, 9; additum p. 237, 5 *natam secundum genus produnt*; omissa p. 11, 21 *perfectique utrumque*; p. 20, 21 *diligenter ac raderetur*; p. 48, 8 *delictorum*; p. 62, 15 *solere*; p. 102, 30 *Archelaum Cappadocem* exemplata sint cum tertio genere affinitatis.

Codices ex
cerptorum.

Postquam exemplorum et formulis et calamo scriptorum mentionem fecimus non nimium levem, paucis commemoranda sunt Excerpta quaedam e Caesaribus facta; videntur enim vel haec ad critice facitandam aliquod momentum conferre posse, tantoque maius quanto antiquiora sunt. Eius igitur generis tria exempla novi, Lipsiense a Theod. Moebio in Schneidewini Philologo I p. 636 sqq. descriptum, Parisina duo a me a. 1855 inspecta. Et Lipsiensis quidem codex, senatorius ille Rep. I. 4. 48 saeculo XIV scriptus et initio mutilus, eadem Excerpta continet, quae in Parisinorum altero no. 8818 saec. XI. integra et emendate scripta reperiuntur. Initium hoc est: *Ex Libris Suetonii Tranquilli de vita Caesarum. Iulius Caesar questor adhuc gades hispaniarum cum venisset visa apud herculis* etc. p. 5, 20. Sequuntur ex omnium Caesarum vitis, praeter Claudii

mento a. 1846 Friburgensi bibliothecae legavit. Eum codicem Theodori Bergk benivolentia ad me missum examinavi et reliquis sui generis paulo meliorem esse deprehendi. Scriptus est caractere Romano, qui imperitos facile fallat, saec. XV. — Cortianus codex uno folio mutilatus, in quo scriptae erant p. 239, 29 — 242, 8, ceterum picturis numismatisque eleganter ornatus quin item saec. XV scriptus sit noli dubitare. Tales multos Parisiis vidi. Fuerat Lyseri contulitque ad exemplum Genevense a. 1611 Gottlieb Korte, cuius labore et Ernesti et Oudendorpius usi sunt. Quo delatus sit et codex et collatio, ignoro. — Vindobonensem 2, ut Oudendorpius appellavit, 184 ut bibliothecarii distinxerunt, saec. XVI ineunte scriptum, contulit Oudendorpii gratia van Swieten nobilissimus medicus ad exemplum Iunckerianum a. 1722.

Galbae Othonis, narratiunculae quaedam dictorum vel factorum memorabilium. Postremo adduntur de Traiano et Ioviano pauci versiculi ex Orosio²²⁾ descripti. Codice Suetoniano usus est is qui hoc florilegium compilavit antiquissimo, qui plerumque cum Memmiano et virtutibus et vitiis conspirabat, verum nonnumquam integrior illo fuisse videtur. Sic quod legitur in hac epitome *turpius pereo* pro *turpiter* p. 195, 38, id codici nondum lacunoso debetur; fortasse etiam omissum *quo* p. 72, 18 nondum interpolato. — Alter codex Parisinus, 'Notre-Dame 188' inscriptus et a multis inspectus, saec. XIII conscriptus est multorumque tam poetarum quam oratorum Latinorum modo continua capita modo decerptos flosculos continet. Ac Suetoniana compilatio multo uberior quidem est superiore, sed haud aequè eleganter facta, cum nunc pleni instar apographi esse possit, nunc multarum paginarum, ut p. 3—18; 38—46; 78—97; 118—124; 155—162; 167—173 nulla aut vix tenuia quaedam vestigia reliquerit. Adhibuit scriptor codicem in XII libros distributum et Medicei primi simillimum, ut haec exempla demonstrant: p. 5, 27. 28 *concitaverunt* et *potiundi*; 30, 10 *mirabilem*; 75, 35 *eloquentiae*; 195, 26 *coram se*. Illud quoque non indignum memoria duco, haec utraque excerpta pro integro Suetonio²³⁾ ad manus scriptoribus duobus mediae aetatis *pr-*

22) Praeter Suetonium et Orosium non video cur plures libros is scriptor adhibuisse dicatur, neque ulla est causa cur Suetonii exemplum statuas ei ad manum fuisse miro quodam modo concinnatum, quo et ipso Orosius usus sit. Quaecumque a Tranquillo aliena sunt, Orosio debentur. Maximum sit p. 183, 27 *retibus aureis quae funibus purpureis vel coccineis extrahebantur*, ubi Orosiana *retibus aureis quae purpureis funibus extrahebantur* necessario substituenda fuerunt, quod in Suetoniano exemplo corrupte *veste aurato* scriptum exstabat. Sic enim Memmianus. Item p. 22, 6 versiculum integrum ignorat cum Memmiano.

23) Ceterum non nego Orosio quoque auctore Saresberiensem Suetonii verba afferre ut 8, 18 et 19. Semel neque sine cautione per se nominatim appellavit Suetonium,

λογικωτάτοις fuisse, et illa quidem Ioanni Saresberienſi, qui Policraticum ſuum a. 1161 ſcripſit, haec Vincentio Bellovacenſi, qui a. 1244 Speculum ſuum hiſtoriale abſolvit²⁴) et in libris VI—X dimidiam fere partem illorum excerptorum repetivit.

Eutropius,
Victor, Oro-
sius, Lydus.

Postremo loco commemorandi ſunt ii ſcriptores, qui Romano imperio nondum everſo Suetonianum opus legunt atque inde tamquam ex copioſo flumine canales ſuos derivaverunt. Qui cum multo antiquiores ſint omnibus libris ſuperſtitibus, dubiis lectionibus nonnumquam ſua auctoritate magnum pondus conferre poſſunt, Eutropium dico, Victorem, Oroſium et Lydum. Id ut aliquot exemplis demonſtrem, Eutropius lectionem *duodecim* p. 237, 18 confirmat per aliquot ſaecula vitii typographici gratia ab editoribus ſpretam, verborum ordinem p. 241, 10 *congeſſit quantas* vindicat, p. 12, 1 Vaticano codici lacunam explenti patrocinatur; Aurelius Victor p. 238, 6 *virum* recte omitti docet et p. 195, 38 vetuſtis Excerptis *pereo* praeſentibus calculum adiicit; Oroſius vocabulum *omnium* p. 109, 9 aliena manu inculcatum eſſe docet; Lydus in ſuo exemplo p. 56, 37 *circove* lectum eſſe prodit. Quaedam lectiones ex hiſ ſcriptoribus vel nulla Suetonianorum librorum auctoritate accedente videbantur recipien-

de Fortuna Galbae ſcribens 5, 4; et mirabere credo mecum enumeratos 8, 18 extr. deinceps *Suetonium*, Q. Curtium, Cornelium Tacitum, T. Livium, Serenum et *Tranquillum*. De Vincentio quaerere operae non fuit.

24) Ioannis Saresberienſis conferenda ſunt capita 1, 7, 1, 13. 2, 10. 3, 14. 4, 8. 8, 7. 8, 19. Epitoma illa uſum eſſe, multis rebus probatur ut defectu verſiculi p. 22, 6 et nominis *Crassus* p. 171, 2; tum lectionibus hiſ p. 72, 18. 25 *loco stomachis* et *buccatas*; p. 182, 35 *testiculis*; p. 229, 21 *sq. debilis*; *orantibus*; *defuit eventus*; p. 240, 35 *factum quod ſibi eſſet paenitendum*. Vincentium Bellovacensem alteris excerptis uſum eſſe arguunt ſcriptionis differentiae hae: p. 23, 33 *Eloquentia mirabili*; 27, 31 *lasciviendi paſſim*; 62, 29 *ſuis ſerio*; 63, 32 *ita amicos*; 72, 33 *bibit*. *Sed pro portione*; 104, 7. 9 *in quaestura* et *sestertia decem*; 106, 12 *animum vertit*. *Satis*; 111, 33. 37 et *Cassium* et non ſolum; 128, 26 *inter duos fratres* etc.

dae esse, ut p. 234, 4 *salutatur* e Victore, p. 154, 8 *agui-lae* ex Orosio. Addent fortasse alii p. 11, 37 *centena* ex Eutropio, p. 154, 9 *moverive*, p. 161, 6 *Christo*, p. 189, 33 *milia funerum* ex Orosio.

Enumeravi quibus adiumentis criticis ad emendan-
dos Caesares critico uti liceat; sed ne sic quidem vulne-
ribus vel omnibus vel gravioribus medendi copia facta
est. Restant multa, quae nulla umquam ars humana sa-
nare posse videtur, lacunas dico et interpolationes vetu-
stissimis temporibus factas et in omnia exempla nostra
transmissas. Lacunas complures supra indicavi, praeterea
addendae sunt hae maiores et minores p. 10, 15. 58, 2.
83, 12. 89, 18. 108, 4. 130, 36. 131, 32. 163, 28. 168, 21.
172, 13. 187, 17. 27. 202, 3. 220, 30. 231, 25. 232, 23.
239, 1. 242, 37. 250, 36. Ad eas explendas sensus re-
periri possunt plus minusve probabiles, verba recipiari
non possunt. Multo facilius interpolationes inventae
sunt hae p. 14, 33. 40, 31. 109, 31. 123, 19. 132, 36.
178, 24.

Multa inseri poterant huic prologo de singularibus
quibusdam rebus ad syntaxin et orthographian Tranquilli
pertinentia, sed cum festinandum sit, pauca modo et quasi
per saturam addo. In subiungendis temporibus orationis
obliquae interdum praesenti utitur, ubi imperfectum ex-
spectabas. Sic p. 10, 31 *elegit* — *ut sit*; p. 61, 27 *visum*
est, *ut qui perferunt* — *exigant*, *possint*; p. 63, 20 *cen-*
suit — *de iis qui* — *edant*; p. 97, 25 *recusavit* — *ut*
unus proclamaret: *aut agat aut desistat!* *alter coram ex-*
probraret — *polliciti sint* — *praestet*; p. 135, 4 *iactavit ne*
— *possint*. Sed magis etiam est mirandum, quod tempore
perfecto et imperfecto non raro promiscue usus esse vi-
detur: p. 11, 1 *non temperavit quin* — *iactaret ac* — *re-*
sponderit; p. 18, 10 *confluxit, ut* — *manerent* — *ac saepe*
elisi exanimatique sint; p. 107, 36 *obtreclavit ut* — *eleva-*
rit et — *increparet*; p. 115, 36 *experiebatur quae* —
fuisset, quid — *sint*; p. 146, 21 *consensit ut* — *convoca-*
rent, quidam — *censuerint*; p. 150, 17 *nec dubium est*
(quin) *reliquerit ac* — *nuncuparet*: p. 226, 20 *rediit* —

Omnium co-
dicum vitia.

De conian-
ctivo obser-
vatio.

ut qui — obligaret — et descenderit. Sic enim libri. Quae exempla eo libentius congeSSI, quod nonnulla temere in hac quoque editione ad regulam artis correctae sunt.

Orthogra-
phica.

In orthographicis rebus non vulgarem rationem observavi, ut certum aliquem scribendi modum vel vetustiorum vel recentiorum mordicus retinerem et ludimagistri instar per totam editionem inculcarem (hoc enim legentibus relinquendum duco, qui quidquid oculos offenderit emendare scilicet poterunt) sed ubique librorum auctoritati obsecutus sum. Quodsi negari non potest, unum eundemque scriptorem intra unius paginae spatium *deum* et *deorum*, *vectigalium* et *vectigaliorum*, *quibus* et *quis*, *aedes* et *aedis*, *tres* et *tris*, *vetere* et *veteri*, *dextra* et *dextera*, *adolescere* et *adulescentes* et multa similia ad idem exemplum scripsisse, quidni *nactus* quoque et *nactus*, *sed* et *set*, *conlega* et *collegium*, *adferre* et *allatus*, *comparavi* et *componantur*, *coloniis* et *colonis*, *obiit* et *obit* et innumerabilia id genus alia idem scriptor admiserit, vel auribus vel iudicio vel casui obtemperans? Nam admodum pauca in his rebus scimus et plura discendi facultas tamdiu adempta erit, quamdiu consequentes esse, ut hodierno verbo utar, id est opiniones et praeiudicia sequi, quam vetustatem explorare malemus. Numquam perspecta esset Notkeri et Sangallensium illa regula, qua modo *bruader dohter got*, modo *pruader tohter cot* scripserunt, nisi summa cum fide eorum scripta expressa essent. Est igitur vehementer optandum, ut tandem aliquando puerile illud consequentiae studium valere iubeamus et has quoque minutias ad libros exigamus. Fidissimum ducem habemus in Suetonio Memmianum codicem, cuius orthographica consuetudo ad libros palimpsestos proxime accedit; cum igitur ducem, ubicumque fieri posse²⁵) vi-

25) Sequi nolui in aperte falsis ut *provincia*, quod Niebuhr probavit, nummi lapidesque damnant. Admittere ausus non sum, fortasse iniuria, *hrinocerotem* *Hrianum* *Hrodum* et *Hrodios*; sic enim in Memmiano aliisque libris scriptum reperio, qui iidem *rhethorem* *Rhenum* *Rhodanum* solito more prae-

debatur, secutus sum e. gr. in scribendis Graecis vocabulis litteris vel Graecis vel Latinis²⁶).

Restat ut adnotationis criticae rationem exponam. Brevitati ut consulerem, earum tantum lectionum auctoritates apposui, quae vel ex libris correctis vel ex doctorum hominum coniectura receptae sunt. Sciat igitur lector harum rerum studiosus, ubi nihil adnotatum invenerit, Memmianum aliosve veteres ac bonos libros nobiscum consentire; ubi ii vitiosi esse ac necessario deserendi videbantur, nominatim afferri vel codicum saec. XV vel grammatici alicuius posterioris emendationem. Ita brevem quendam universae rei criticae conspectum habebit et non minus de librorum bonitate quam de doctorum hominum per quattuor fere saecula meritis iudicare poterit. Ab hac tamen consuetudine nonnumquam in partem ut spero potiozem discessi, ita ut et bonorum librorum quam secutus eram auctoritatem appellarem et coniecturam ingeniosi critici non satis certam nec receptam commemorarem.

Adnotatio
critica.

4, 17 *triumphalem* Vatic. Memm. Med3. pro *triumphalem virum*, cfr. 187, 9. 238, 6. 248, 4 | 23 *dignatione* Ursinus || 5, 4 *et in* Casaubonus pro *sed in* || 6, 16 *Ambronas* Oudendorpius || 8, 5 *administratione* cod Basil. Edd. *ab administratione* cod Cort. Guelf 1. 2. Bern 1 pro *ab ministracione* | 19 *Vettio Iudice* Lambinus Ursinus | 32 *ornarentur* Lambinus pro *ordinarentur* || 10, 3 *ad viginti* Casaubonus pro *ac viginti* | 15 *inductum quendam* pr. Guelf 1. *induxit* Stephanus. *induxit Vettium* pr. Ursinus. *subornasse inductum* pr. Oudendorpius. *indicem subornavit Vettium inductum* pr. ego | 30 *cuivis* — *ido-*

bent. Addendus est *Thrascypolis* Thrax p. 102, 30 quem librarii in *Thrascypolim* corruerunt. Varronis is mos fuit etiam alias observatus, cfr. Cornutus p. 2285 P. Priscianus 1, 5, 25.

26) Sic dedi *geronticos*; *Apragopolim*; *dialectos*; *artius* — *holocleros*; *T₁rrhenicon*; *Carchedoniacon*; *Hecatebeletes*; *Halosin Ilii*; *eulacto*; *clinopalen* et similia. Hac quoque in re ad vetustos libros redeundum existimo, nam apud veteres, ut apud nos in immiscendis vocabulis Gallicis, alii aliter facere consueverant.

neas et materia Iacobus Gronovius, cfr. supra p. XXXV ||
 11, 1 *responderet* Torrentius pro *responderit*, cfr. supra
 p. XXXV | 21 *per utrumque* Vratisl 2. Casaubonus pro
utrumque, cfr. supra p. XXIX | 37 *centena* Eutropius ||
 12, 1 *eique* CCCC Vatic. *eique sestertium* quadringenties
 Eutropius. *eique annum imperavit sestertium* Historia
 miscella. φόρον Paeianius. *eique sestertium quater millies*
 Lipsius | 33 *e praeda* ego. *ex praeda* Ursinus pro *et*
praedia || 13, 19 *obrogasset* Stephanus pro *abrogasset* ||
 14, 33 interpolationem proscrispsit Casaubonus | 37 *re-*
gnandi Scriverius, cfr. supra p. XXIX || 15, 22 *esto*, inquit
 Erasmus || 17, 32 *e scaena* Turnebus pro *scaena* || 18, 18
novis Ursinus pro *nobis* | 28 *edidisset* Stephanus pro *de-*
disset || 19, 2 *iis* Egnatius pro *his* | 6 *quadraginta* ed Ba-
 siliensis 1533. *quingaginta* Casaubonus pro *decem* | 9 *ii*
 Egnatius pro *hi* || 22, 17 *primo* Torrentius pro *proximo* |
sestertio Oudendorpius pro *sestertium* | 30 *Naso* Mancinel-
 lus pro *vasa* || 23, 33 *militarique re* Lipsius. *militari quo-*
que re cod Basil. Vindob 1. *militarique arte* Nic. Hein-
 sius pro *militari quare* || 24, 25 *Caesaris* omittunt Paris
 6116. Med 2. Exc Voss. ed Rom 2. | 34 *Cuius* — *emen-*
date omittunt libri, cfr. supra p. XXX || 25, 11 *primus*
 Ursinus pro *primum* | 17 *volet* Stephanus. *velit* Ernesti
 pro *vellet* || 26, 19 de lacunae supplemento cfr. supra
 p. XXX | 32 *aquilifer* Egnatius pro *aquilifero* || 27, 7
forma ego. *fortuna* Memm. *fortuna* reliqui | 15 *se subtra-*
hebat ego pro *subtrahebat* || 29, 2 *in* delet Burmannus |
 18 *deversoriolo eo* Casaubonus pro *deversorio loco* || 30, 25
rebellaverant Stephanus pro *rebellaverunt* || 31, 26 *Amplius*
 Vatic. pro *Amprius* || 32, 18 *valuit* cod Viterb. Vindob 1.
 Basil. Cort. ed Basil 1533 pro *voluit* | 26 *libris* omittunt
 Memm. Med 3. item Med 1 a prima manu, cfr. p. 192, 29 ||
 34, 15 *Tillius* Manutius pro *Tullius* | 19 *Cascis* Beroaldus
 pro *Cassius* || 35, 6 *reliquo* Lipsius pro *reliquos* | 32 *ad*
manum Beroaldus. *ad munus* Faehse. *idoneum* Nic. Hein-
 sius. *odorum* Oudendorpius || 36, 20 *sollicitum* maluisse.
Quidam dicere etiam ego, cfr. p. XXX | 36 *primos con-*
secrato ed Basil 1546 pro *primo consecratos* || 38, 14 *mi-*

nores cod Copes. Vindob 1. Basil. al. Sabellicus. *minos*
Memm. minis Med 1. 3. al. *romanas* Paris 6116. al. Edd. |
16 *intervallo per* Vatic. Med 1. 3. al. *inter* Memm. *magna*
vi per Paris 6116. al. Edd. || 39, 18 *profiteri* cod Viterb.
Stephanus pro *confiteri* | 31 *farinast* Politianus pro *fa-*
rina est vel *farina si* || 40, 22 *cubiculi Lares* Lipsius pro
cubiculares | 31 *quod* — *Roma est* delenda censet Guyet
et Cannegieter, cfr. Lydus p. 101, 12 Bonn. || 42, 21 *par-*
tibus Beroaldus pro *patribus* || 43, 28 *compecto* Io Fr Gro-
novius. *compacto* Lipsius pro *conspecto* || 44, 31 *Cleopa-*
tra Memm. Io Fr Gronovius pro *Cleopatrae* | 34 *CN. Do-*
mitium oportuit. cfr. p. 201, 37 || 45, 4 *repetita Italia*
Scheffer pro *repetit alia* | 28 *Ptolemaeeum* Bernegger ||
46, 29 *Ubios* Pithoeus, sed cfr. Tacitus ann. 2. 26. Victor
epit. 1, 7 || 48, 28 *Sicilia* cod Basil. Edd. pro *Cilicia* |
32 *perfecto* ego pro *inperfecto* || 49, 30 *Iulius* Memm. ||
50, 21 *primum* Memm. pro *primo* || 52, 6 *sestertii* Io Fr Gro-
novius pro *sestertium* | 35 *professus* Exc Notre Dame,
Vindob 2. Gruterus pro *professus est* || 53, 3 *exempli in*
Memm. Paris 5804; item Paris 5801 a prima manu pro
exempli correxit quae in | 10 *grassaturas* Salmasius.
grassaturad Memm. pro *grassatores* | 13 *exussit* Guelf 1.
Beroaldus pro *excussit* | 21 *addidit* Stephanus pro *ad-*
dixit | 23 *vicesimo* Cuiacius pro *tricesimo* vel *tricesimo* ||
55, 23 *protinus a* quidam apud Torrentium pro *protinus* |
36 *ex improbat* Edd. pro *in exprobratis* || 56, 12 *mensum*
ego. quaternuum mensuum Memm. *mensium* reliqui |
13 *sui quisque* Egnatius. *suam cuiusque* Duker, cfr. ta-
bula Heracleensis cap. 6 et 7 | 15 *Scaptiensibus tribulibus*
Beroaldus pro *Scaptensibus tribubus* | 20 *civitatem Roma-*
nam cod Basil. Vindob 1. 2. Cort. ed Rom 1. Beroaldus
pro *civitates Romanas*, cfr. p. 205, 37 | 37 *circove* Paris
6116. Med 2. Frib. Basil. alii, Lydus infra p. 287, 14; cfr.
supra p. XXIX || 57, 7 *sestertio* Ernesti pro *sestertium* |
9 *treccenos* Torrentius pro *tricen* | 33 *post se* cod Basil.
Vindob 1 pro *posse*; cfr. p. 96, 38 | 34 *posthac* Med 2.
Frib. Fouc. Stephanus pro *post hanc* | 35 *duceret* Ste-
phanus || 58, 2 *Munera* supplet Perizonius. *Circensibus*

ludis gladiatorisq[ue] muneribus frequentissime editis interiecit plerumque bestiarum Africanarum venationes vel similia, cfr. p. 158, 10 sqq. ego | 22 L. Icium Torrentius pro Licium vel Lycium vel Litium || 59, 21 aberat cod Nonn. Cort. ed Basil 1533 pro aderat || 60, 1 loco ed Basil 1533 pro longo | 2 ludis et scena Stephanus. ludis et scenã Memm. pro ludos et scenam | 12 ab se Beroaldus. ad se Paris 6116. Med 2. Exc Voss. Frib. pro se || 62, 10 sed violentius Pithoeus pro sedulo lentius | 33 adaperta Beroaldus pro adoperta || 63, 12 vir virum Torrentius ut p. 54, 20 pro triumvirum, sed cfr. p. 55, 13 | 17 nec magna Torrentius | 26 tribu Erasmus. tribubus cod Palat 1. Edd. pro tribus | 37 eripere Iuncker pro eriperet || 64, 11 consensu ed Rom 1. 2 pro concessu | 31 huic urbi Oudendorpius pro huic || 66, 20 Vinicio Gifanius, sed cfr. Orellii inscriptt. no. 3309 | 23 notare Lipsius pro natare | 30 mensum ego. mensuum Memm. pro mensium || 67, 2; 3 Phoebe; Phoebes Gifanius pro foede; foedes | 25 Salvadienum ed Basil 1533 pro Salvidenium | 35 sui ed Basil 1533 pro suae | 38 frigoris Lipsius pro rigoris || 68, 2 hic Torrentius pro et hic | 16 Licinum Torrentius pro Licinium | et Celadum Casaubonus pro Enceladum || 69, 4 viro cod Basil. Vindob 1. Beroaldus pro viri || 71, 6 technyphion ego || 72, 2 ludios Beroaldus pro ludos | 18 quo omittunt vetusta Excerpta et Egnatius, cfr. supra p. XXXIII || 73, 10 evigilandum Casaubonus pro vigilandum | 32 et a memoria Lipsius pro etiam memoriam || 74, 22 subucula et Beroaldus pro subuculae | 32 aut ego pro at || 75, 1 segestria ego. segestro Cuiacius pro sestertio | 17 scriptos cod Cort. Burmannus pro scriptis || 76, 2 urbibus, cfr. Priscianus 10, 8, 43 | 14 Verrius Beroaldus, adversus temporum rationes. Granius Casaubonus | 16 inanis Io Fr Gronovius pro inanibus | 28 bacelum Erasmus | et pro pullo Edd. ut pullum pullaceum ego || 77, 4 per Arei Salmasius pro sperarei || 79, 2 Hierosolyma Burmannus pro Hierosolymam | 21 matronae convenirent Ernesti. matronae domum irent Graevius || 80, 8 Caesarem Drusum Müller apud Baumg. Crusium | 21 in eius sinum remp. quam ego, cfr.

p. 84, 25. 153, 2. *in eius signum reip. quam* Memm. *in sinum eius signum* Med 1. 3. *in eius sinum signum reip. quam* Par 6116. Exc Bong. Frib. Pinell. Basil. *in eius sinu signum reip. quod* Edd. || 81, 3 *significari* Stephanus, cfr. p. 26, 26. 203, 6 | 34 *et exitum ego. ac exitum vel atque exitum* Edd. pro *at exitum* | 35 *praesagiente. Philippis* ed Iuntina 1510 pro *praesagiente Philippo* || 83, 12 *similium* supplet Oudendorpius || 84, 1 εἰ δέ τι ἔχοι ego. ἐπειδὴ τι ἔχει Iac Gronovius. ΕΤCΙΑΕΤΙΑΧΟΙ Memm. ΕΥCΔΕΤΙΑΧΟΙ Paris 6116. ΕΤΙCΙΑΕΤΙΑΧΟΙ Med 1. || 84, 2 τὸ παίγνιον, κρότον δότε ego. τῷ παιγνίῳ δότε κρότον Iac Gronovius pro ΤΟΠΑΙCΝΙΟΔΟΤΕΚΡΟΤΟΝ | 3 ἡμᾶς et προπέμψατε ego. ὑμεῖς et τι ποιεῖτε vel κτυπήσατε vel πομπύσατε Edd. ΕΜΑC et ΤΙΠΟΠΑΙΨΑΤΕ Memm. ΗΕΜΑC et ΡΟΠΜΨΑΤΗ Paris 6116 | 35 *pro rostris sub veteribus* Egnatius || 85, 21 *vicies sestertium* quidam apud Casaubonum pro *vicena sestertia* || 86, 14 *triumphos septem* ed Rom 1. 2 | 18 *quo* cod Huls. Vindob 1. Beroaldus pro *quod* | 27 *Inregillensis* Fasti Capitolini et Livius 8, 15, 5 || 87, 8 *Glician* Sigonius pro *Ilycian* | 31 *inter-sertus* Memm. || 88, 9 *Pater Tiberii Nero quaestor* Med 3. et plurimi | 36 *L. que* ego pro *q.* cfr. p. 41, 13. 14 | 37 *laboriosam* Pithoeus. *laxoriosam* Memm. a prima manu pro *luxuriosam* | *exercitam* Egnatius pro *exercitalam* || 89, 2 *iterum* Ursinus pro *item* | 3 *ab iis* Egnatius pro *ab his* | 18 *Troiam* Memm. pro *Troianis*; deesse videtur *lusi* | 36 *et umentibus* Lipsius. *et mentibus* Memm. a prima manu pro *et tumentibus* || 91, 20 *gymnasia* ed Lugd 1508 || 92, 29 *Nemausenses* cod Perizon. Beroaldus. *Resainenses* Iac Gronovius pro *Remausenses* || 94, 22 *est multique* ed Gryph. 1548. *et multi* Stephanus pro *est multi* || 95, 14 *ac maioribus* ed Ven 1. Erasmus | 30 *ageret* Edd. pro *augeret* || 96, 13 ΜΟΥΙCΑCΙCΤΕΤΡΑΤΗΓΩΝ Memm. Paris 6116. Μούσαις τε Med 1. 2. 3. Μούσαις Edd. Μούσαις καλὰ vel ἄριστε Turnebus. Μούσαις ἄριστα Casaubonus. τοῖς ἐμοῖς ᾧ ἄριστε Iac Gronovius. τοῖς σοῖς σοί τε Oudendorpius. ταῖς μου ἴσα σαῖς τε ego | 18 *Ii* ego. *hui* Memm. pro *hi* | 24 γ' ego. δ' Edd. pro τ || 97, 11 *si-*

nistra fortuna, cfr. supra p. XXIX | 20 *mimo* Io Fr Gronovius pro *animo* || 98, 1 *quidem* Stephanus pro *quidam* | 2 *iis* Casaubonus. *hiis* Memm. pro *his* || 99, 23 *senatui semper servire* Bergk || 100, 2 *adsuescerent* Duker; cfr. p. 109, 17 || 101, 8 *mullos* Beroaldus pro *mulos* | 20 *ab iis* Egnatius pro *ab his* || 102, 24 *meruerant* Beroaldus pro *meruerunt* | 30 *Rhascypolim* Beroaldus. *Hrascypolim* ego pro *Thrascypolim*; cfr. supra p. XXXVII || 103, 2 *Callippides* ed Basil 1533 pro *Gallipides* | 8 et Erasmus pro *sed* | 17 *mari* Stephanus pro *maris* || 104, 3 *Gallo* pro *Gallio* Torrentius. *Cestio Gallo* ego || 105, 5 et *quicquam* cod Vindob 2. Cort. Periz. ed Rom 1. 2, *sed* cfr. p. 192, 9. 193, 18 | 18 *gratorum* Turnebus. *gretorum* Paris 6116 pro *Graecorum* | 22 *iis* ed Rom 2. pro *his* | 32 *sestertio* Gla-reanus pro *sestertium* || 107, 26 *iis* ego pro *his* | 28 *dilexit*, *alterius virtutibus alterius vitiis* Lipsius || 108, 4 *secreto ostentant quae* Memm. Med 3. Paris 5801 et 5804. Copes. Huls. Haganus Wolfii. *secreto vel secreta obstarent per quae plurimi. nisi ea secreto ostendenti auferenda ipsumque iugulandum curasset. Propter quae vel similia supplenda censeo* | 5 *creberrime* Beroaldus pro *celeberrime* | 16 *exitium* Beroaldus pro *exitum* || 109, 9 *Horum* Memm. a prima manu, Orosius 7, 4 pro *Horum omnium* | 31 *id est lutum a sanguine maceratum* proscipsit ed Iuntina 1510 || 110, 26 *Tam bibit* Gruterus | 33 *remediorum* Graevius pro *remedium* || 111, 11 *praetoriarum* Lipsius | 27 *libertis* ego pro *liberis* | *etiam uxoribus suis* cod Bern. Periz. ed Rom 2 || 112, 1 et Beroaldus pro *sed* | 26 *evocat* Beroaldus pro *evocabat* || 114, 10 *tali* Muretus pro *talis* || 115, 38 *Minois* ed Rom 2 pro *Minonis*, cfr. p. 199, 25 || 116, 15 *subvectus* ego pro *subvectus est* || 117, 20 *inlatis* cod Basil. Vindob 1. marg Periz. pro *inlatus* || 120, 15 *divexanti* Torrentius pro *diu vexanti* || 122, 21 *sola restat publici* Scriverius pro *sola auctor restat et publici* | 26 *ioco* Beroaldus pro *loco* | 31 et *conspectu* ego. *conspetu* Paris 6116. Edd. pro *ex conspectu* | 32 *ablegari* Beroaldus pro *oblegari* || 123, 1 *uno et vicesimo* Oudendorpius | 11 *ne* cod Basil. Erasmus pro *nec* | 19 *serpentis id*

genus proscripsit Graevius | 25 *iam tunc* Politianus. *vero tunc* Erasmus. *hoste tunc* Med 1. 2. Copes. Cort. al. Beroaldus. *hoste* Paris 6116. Exc Cuiac. al. *ne tunc* Med 3. *uete* Memm. | 28 *Enniam*, *Naevii Macronis* Casaubonus || 125, 6 *is* Memm. *pro his* | 16 *habeo et* cod Cort. Vindob 2. ed Rom 1. *pro et habeo* || 126, 4 *Liviae Augustae* Beroaldus | 8 *adiecit* Beroaldus *pro adfecit* | 29 *fascias* Beroaldus *pro fasces* || 127, 12 *ad Puteolanas* Torrentius *pro Puteolanas* | 18 *quercea* ego. *quercica* Memm. *quercica* Paris 6116. Edd. *quercina* cod Basil. Vindob 1. *querquea* Historia miscella. *aerea* Med 1. 3. Aur Victor. *aurea* Politianus. *quernea* cod Cort. Vindob 2 || 128, 23 *e Graecia* ed Argent 1515. Egnatius *pro egregia* || 129, 12 *Siculasque* Sabellicus *pro singulasque* | 18 *Lurconem* Lipsius *pro Lyrgonem* | 28 *oboluisset* Beroaldus *pro obolevisset* vel *abolevisset* || 130, 12 *prostraverit* Beroaldus. *prostravit* Burmannus *pro prostravit* | 36 *non prius excidis* videtur. *quam enicam uxorio nomine dignatus est* Paris 6116. Med 2. al. Edd. || 131, 28 *serens* cod Basil. al. ed Rom 1. 2. *pro ferens* | 32 *gladiatoribus deesse* videtur | 33 *paegnariis* ego. *pegniaries* Memm. *pegmaris* Med 1. 3. *pegmares* Paris 6116. al. Edd. | 34 *obiciebat* Burmannus *pro subiciebat* || 132, 36 *hoc est inverecundiam delevit* Egnatius | 38 *et in omnes* cod Palat 3. Sabellicus *pro et hominis* || 134, 3 *et miles* Ruhnkenius | 24 *demetetur* Graevius || 135, 4 *ne qui r. p. p. reum* Rutgersius | 16 *hoplomacho* Sabellicus *pro aplomacho* | 20 *Nemorensi* Sabellicus *pro Nemoressi* | 29 *neque suae* omittunt omnes praeter Exc Notre Dame, Periz. ed Rom 2 || 136, 18 *symphonias* Exc Notre Dame, cod Basil. al. *pro symphro.* vel *simphro.* || 137, 19 *sestertio* Ernesti *pro sestertium* | 21 *libertos* Beroaldus. *liberios* Memm. *pro liberos* || 138, 16 *distinctisque* ed Basil 1533. *discretisque* Oudendorpius. *districtisque* Memm. a prima manu *pro distructisque* vel *destructisque* || 139, 5 *antea iter* Iac Gronovius *pro ante alter* | 18 *sex milium* Lipsius. *senum milium* Casaubonus || 141, 1 *urbem omnem* petit Memm. Med 1. 3. Copes. | 2 *avertendos* Sabellicus *pro vertendos* | 30 *efferebat* Edd. *pro efferebat* || 142, 2 *in-*

somnia ed Rom 1. pro *insomnio* | 3 *uis* cod Frib. ed Rom 1. 2
 pro *his* | 12 *at vero maiore* Med 3. Iuncker. *ad vero maiore*
 Memm. *ad vero maiora* Paris 6116. plurimi. *ad maiora*
vero Exc Paris 8818. Exc Notre Dame, cod Basil. Beroal-
 dus. *at vero ad maiora* Heinsius | 20 *propere reversus*
 Cannegieter pro *prope reversus* vel *propere versus* || 143,
 18 *Threx* Torrentius pro *Thrax* || 144, 29 *ut* ed Rom 1. 2
 pro *et* || 145, 17 *actor* Beroaldus pro *auctor* | 34 *iratum*
 Lipsius || 146, 21 *convocarint* Oudendorpius pro *convoca-*
rent, cfr. supra p. XXXV || 148, 20 *Iulo* Pulmannus propter
 Horatii *carm.* 4, 2, 2. cfr. p. 265, 9 || 149, 17 *artius* et
holocleros Augustus scribere maluit quam ἄρτιος et ὀλο-
 κλήρως. cfr. supra p. XXXVII | 20 ἡλαττωσθαι Beroaldus
 pro ἐλαττωσθαι | 29 *Silani* Beroaldus pro *Silvani* | 33
montem omittunt Med 2. 3. Paris 6116 || 150, 7 *nam* ego.
 NAM Memm. Paris 6116. al. πάνυ vel λίαν Edd. | 17 *e*
 ed Rom 2. pro *ne* | *nuncuparit* ed Rom 1. pro *nuncupa-*
ret, cfr. supra p. XXXV | 17 *quoque* Ernesti pro *que* | 31
exposceret cod Huls. Vindob 1. Basil. Casaubonus pro
exposcerent || 151, 1 *resarturum* Beroaldus pro *resarsu-*
rum | 3 *sestertii* Iac Gronovius pro *sestertium* || 152, 36
Liviae omittit Memm. || 153, 3 *ab viva* Lipsius pro *ab*
avia || 154, 2 *Polionis* Memm. | 8 *aquilae* Torrentius ex
 Orosio pro *aquila* | 9 *moverive* Orosius | 34 *an* Stepha-
 nus pro *in* || 156, 16 *principali* Sabellicus pro *principa-*
lem | 21 *Stoechadas* ed Ven 1. pro *Stochadas* || 157, 9 *civi*
 Ursinus pro *civis* | 10 *Poppaeae* Egnatius pro *Pompeae*
 vel *Popeae* | 12 *potiusque* ed Rom 2. pro *potius quam* |
 24 *ecfosso* ego pro *exfosso* | 28 *salo* Stephanus pro *solo* ||
 158, 12 *et delet* Madvig ad Cic. de finibus p. 288 | 24 *datu-*
rus edixerat ed Basil 1533 pro *daturum se dixerat* || 159, 4
aut non Memm. Med 3. Paris 6116. *aut vos* Med 1. *autem non*
vel avete vos codd. et edd. saec. XV. | 7 *vacillatione* cod
 Basil. al. Edd. pro *bacillatione* | 18 *dira ave* ego. *dira avi*
 Turnebus. *dira aut* Memm. Paris 5801 et 5805. *dira aut in*
urbe aut reliqui | 19 *pro rostris* Memm. Paris 5801. Med 3.
commonito vel *commonente* pro *rostris reliqui* | 28 *ū* Ste-
 phanus pro *hi* vel *hii* || 160, 11 *communi* ed Basil 1533 pro

communis | 36 *Esquilino* cod Basil. al. Edd. pro *Esquilinio* || 161, 6 *Christo* Orosius, Beroaldus | 12 *Dryidarum* ego. *Druidarum* Exc Notre Dame, cod Basil. al. Erasmus pro *Driadarum* vel *Dryadarum* | 17 *icit* Sabellicus pro *iecit* || 162, 15 *Pompeiis impuberem* Torrentius. *Pompeiis puberem* Lipsius pro *Pompeium puberem* | 16 *cum ei* Lipsius pro *cui et* || 163, 28 *vel stanti* Paris 6116. Med 1. 2. al. Edd. *stanti* Exc Notre Dame, Copes. Frib. Vindob 2. Cort. *et veterum stanti* Memm. Med 3. *ei, verum stanti* Oudendorpius. *et veteri vel stanti* Vindob 1. Basil. *ceterum stanti* Exc Cuiac. || 164, 2 *sexageni* Lipsius | 6 *qui — vescerentur* Paris 6116. al. Edd. *vescerentur* Memm. *vescenti* Med 1. 3. Frib. Vindob 2. Cortianus | 19 *evigilabat* Casaubonus pro *vigilabat* | 20 *interdiu* Beroaldus pro *interdum* || 166, 13 *scriberet* ego | 14 *modo veniam* cod Gandensis, Torrentius pro *veniam modo* | 26 *nec tamen* Ursinus pro *nec ante* | 32 *iis* Egnatius pro *his* || 167, 8 *descripsitque* Torrentius. *ac descripsit* Oudendorpius pro *descripsit* | 10 *quaesturae* Beroaldus pro *quaestore* | 20 *λάλει καὶ μὴ θίγγανε* Turnebus pro *λαλεῖ καὶ μὴ θίγγαναι* || 168, 18 *ἄνδρ' ἀπαμύνασθαι* ego pro *ἄνδρα ἐπαμύνασθαι* | 21 *alterum* supplet Ursinus, *et Casaubonus, Claudium* ego | 33 *καὶ ἰάσεται* Victorius pro *πεισεται* vel *πεισεται* || 169, 13 *clystera* cod Copes. Salmasius. *clysteram* Memm. Med 1. 3 pro *clystere* vel *clystere* rem, cfr. p. 177, 32. 178, 27. 180, 3. 193, 19. || 171, 23 *et* 26 *iis* Egnatius pro *his* || 172, 8 *repentem* quidam apud Casaubonum | 13 *ioco* Sabellicus pro *loco* | 13 *quae quarentibus* Casaubonus pro *quaerentibus* | 19 *Anti* ego. *Antii* Turnebus pro *ante* || 173, 3 *at* ego. *ad* Memm. Med 3 pro *et* vel *est* || 174, 2 *et consecravit* cod Vindob 2. Frib. Fouc. *consecravitque* ed Rom 1. 2 pro *consecravit* | 34 *catadromum* cod Basil. al. Beroaldus pro *gatatadromum* | 35 *inscribitur* Erasmus pro *scribitur* | 38 *avium* cod Basil. al. Edd. pro *aulum* || 175, 7 *quadragenos senatores sexagenosque* Lipsius | 11 *C numero* Oudendorpius | 22 *toti* cod Basil. al. Edd. || 176, 4 *tiara deducta* Beroaldus pro *diariam deductam* | 9 *tamquam nullo residuo* Lipsius ||

177, 26 *despicere* cod Periz. ed Rom 1. 2 pro *despicere* ||
 178, 16 *sufferti* Sabellicus pro *sufferri* vel *sufferi* | 24
pueris — *laeviis* Memm. *pueris* — *velis* Med 1. 3. *pueri*
 — *levis* Paris 6116. *purpureis* — *laenis* ego || 179, 2 *Non*
dubitavit — *dare* Exc Notre Dame, cod Basil. al. Edd. |
 2 *an* Io Fr Gronovius pro *in* | 15 *prasinum* Beroaldus
 pro *prasini* | 37 *Casii* Sabellicus pro *Cassii* || 182, 17 *ga-*
nea Salmasius pro *ganeae* | *institorio* Turnebus pro *insti-*
torlo | 19 *sestertio* Salmasius pro *sestertium* | 26 *sollemnia*
 cod Vindob 2. Cort. Oudendorpius. *sollemne* Turnebus pro
sollemni | 38 *affirmabant* Memm. || 183, 22 *Spiculum* Be-
 roaldus pro *Speculum* | 29 *falerataque* Salmasius. et
phalerata Paris 6116. al. Edd. *falerata* Memm. Med 1. 3.
 al. | *cimazacum* Memm. Exc Cuiac. *cymazacum* Med 1. 2. 3.
cumzymazacum Paris 6116. *Mazacum* Edd. *Mazycum* ego ||
 184, 31 *fuissent, quo essent* Casaubonus || 185, 19 *maceria*
 Gutherius pro *materia* | 23 *venen. inclyta* cod Vindob 2.
 Cort. Ernesti || 186, 22 *L. Agerinum* Edd. *Agerinum* Tur-
 nebus pro *lagerinum* || 187, 6 *Poppaeam* Sabellicus pro
Pompeiam. Et sic in seqq. | 17 *fingeret* omittunt cod Ba-
 sil. al. Edd. *fingeret et* Med 1. 3. al. | 27 *inter* omittit
 Torrentius. *item* cod Periz. Harl. Edd. *interemit* cod Frib. ||
 188, 9 *Barbillo* Vater e Dione | 29 *quam duarum hora-*
rum cod Bern. *quam III horarum* cod Guelf. || 190, 4 *μη-*
τροπτόνοι Sabellicus, Dio, Philostrat. Soph. init. | 5 *ΝΕΟ-*
ΥΗΦΟΝ Memm. Paris 6116. Turnebus | 17 *πάτερ* — *μη-*
τερ Edd. pro *πατηρ* — *μητηρ* | 20 *notarat* Oudendorpius
 pro *notaret* | 30 *διαθρέψει* Turnebus, Dio. *διατρεσφει*
 Memm. *διατρεφει* Paris 6116 || 191, 10 *gaudentis* Beroal-
 dus pro *gaudentibus* vel *gaudendi* | 27 *elaboratae* Burman-
 nus pro *laboratae* || 192, 30 *a se consule* cod Vindob 2.
 Cort. Ernesti pro *a consule* || 193, 14 *lucranti* Oudendor-
 pius pro *lucrancia* | 19 *raderet* Turnebus | 20 *ascopera*
 Politianus. *ascoma* Turnebus pro *ascopa* | 21 *egi quod*
 Gruterus | 35 *exaudita uxoris vox* cod Frib. || 194, 6 *de-*
sisse cod Lovaniensis, Torrentius pro *dedisse* vel *deci-*
disse || 195, 11 *aversum* Io Fr Gronovius pro *versum* | 19
pallio instratum Exc Notre Dame, Torrentius | 28 *Phaonti*

Memm. pro *Phaontis* vel *Phaonte* | 38 *turpiter* omittunt
 Med 3. Bern. *turpius pereco* Exc 8818. Io Saresb. H Canne-
 gieter. *turpius peream* Victor || 196, 12 *Icelus* Turne-
 bus pro *hic eius* | 16 *Eclogae* ed Basil 1533 pro *Eglogae* |
 17 *Acte* Beroaldus pro *acti* vel *actia* | 19 *colli* cod Ber-
 nensis, Stephanus pro *collo* vel *colle* || 197, 5 *non medio-*
cre studium. Maxime Sabellicus pro *maxime non me-*
diocre studium maxima | 29 *icunculam* Egnatius pro
acunculam || 199, 25 *Minonis* Memm. cfr. p. 115, 38 || 200,
 32 *Livii* cod Harlem. Beroaldus pro *Livia* | *Ocellae* ed Ba-
 sil 1533 pro *Ocellare* || 201, 15 *autem* omittunt Paris 6116
 a prima manu, Med 2. Periz. Harl. ed Ven 1 | 37 *CN. Do-*
mitio oportuit, cfr. p. 44, 34 || 202, 3 *in locum Gaetulici*
 ego. *Gaetulico* Stephanus pro *lici* | 5 *paenula* Salmasius.
paenulis cod Basil. al. ed Rom 2 pro *paenulas* || 205, 19
exorsis Beroaldus pro *exorsus* | *venit Onesimus* Ant Au-
 gustinus. *venit Dorsennus* Lachmann pro *venitione simus* |
 27 *Ii* cod Bernensis pro *Hi* | 37 *civitates* Memm. Med 1. 3.
 al. cfr. p. 56, 20 || 207, 9 *terrae tremor* Erasmus pro *terra*
et tremor vel *terra tremore* | 10 *maiora et tristiora* Pa-
 ris 6116. Med 2. Basil. al. Edd. || 208, 13 *Germaniciano-*
rum Turnebus pro *Germaniciorum* | 13 *Ii* cod Bern. pro
Hi | 18 *capillo prae calvitie arripere* Paris 6116. Med 2.
 Frib. Basil. Harl. Periz. Edd. | 19 *addidit* Paris 6116 pro
abdidit | 26 *Patrobii* Sabellicus pro *Patrobil* | 29 *Aurelia*
via Torrentius pro *Aureliae viae* | 36 *abundantis* Graevius
 pro *abundanti* vel *abundans* | 38 *pronioris* Stephanus ||
 210, 24 *Id* Casaubonus pro *Et* || 211, 1 *militem* ed Basil
 1546. *milites* Burmannus | 17 *statim* omittit Memmianus ||
 212, 2 *ratione* Erasmus pro *oratione* | 16 *prolapsus* Paris
 6116. al. cfr. p. 214, 23 | 18 *αὐλοῖς* cod Periz. Pius pro
ΔΟΥΛΟΙΣ vel *ΑΥΛΟΙΣ* | 26 *Placuerat* Torrentius pro
Et placuerat || 213, 38 *et* Oudendorpius pro *sed* || 214, 19
scambusque Turnebus pro *cambusque* Memm. || 215 *Q.*
Clodii Muretus. *Q. Longini* Lipsius. *Q. Eulogii* Casaubonus
 pro *que elogii* | 216, 33 *statim* omittunt Paris 6116. Med 2.
 Exc Cuiac. || 217, 26 *Vini* Torrentius pro *Iuni* | 27 *factio-*
nis suae Med 1. 3. al. Edd. || 218, 32 *lustratisque* cod Pe-

riz. ed Rom 2 pro *lustravitque* || 220, 7 *solvit* ed Basil 1533
 pro *coluit* | 9 *circumforaneo* Sabellicus pro *circumforano*,
 cfr. Cic. pro Cluentio 14, 40 | 25 *phoenicopterorum* ego
 pro *phoenicopterum* | 30 *farra* cod Frib. Basil. al. ed
 Rom 1. 2. *farris frusta* Exc Cuiac. *farris grana* Ouden-
 dorpheus. *liba farris* ego || 221, 38 *reclamantibus* cod Pa-
 lat 3. Huls. Bern. Beroaldus pro *declamantibus* || 222, 30
uis cod Frib. Bern. al. | 38 *subiecto* cod Frib. Vindob 2. al.
 ed Rom 1. 2. Ven 1. Eutropius, Victor || 225, 10 *Sabinis*
 Sabellicus pro *Samnis* vel *Sannis* | 24 *tribunus* quidam
 apud Glareanum, Torrentius; cfr. p. 236, 33. 297, 8 |
 26 *illam* Torrentius pro *etiam* | 27 *hanc* Duker pro *ac* |
 28 *infensum* Lipsius pro *infensus* || 226, 15 *amicos* cod
 Cort. Vindob 2. Harl. Periz. ed Rom 1. 2 | 20 *obligarit*
 Egnatius pro *obligaret*, cfr. supra p. XXXV | 23 *cui* cod Ba-
 sil. Vindob 1. Sabellicus pro *qui* || 227, 12 *quae* omittunt
 Memm. Med 1. 3. item Paris 6116 a prima manu. *quae erat*
 omittit codex Torrentii, Ernesti || 228, 10 *statuam* — *con-*
versam cod Periz. ed Rom 1. 2 pro *statua* — *conversa* |
 36 *V. Kl. Iul.* Paris 6116 a sec. manu, Vindob 1. Basil.
V. Non. Iul. Ernesti e Tacito hist. 2, 79 || 231, 25 *et*
supplet ed Ven 1. *que* cod Bern. *aut* ego | 33 *clausulam*
 Duker pro *clausulae* || 232, 13 *reperietur* Scriverius pro
reperiretur | 23 *laetatus* supplent cod Bern. item Med 2. a
 sec. manu, al. Edd. sed oportuit *laetatus est et* || 233, 4
quadrages Budaeus | 12 *Coae Veneris* Graevius pro *coe-*
venerit | 19 *Apollinari* Edd. *Apelli* cod Frib. a sec. manu,
 Torrentius pro *appellari* | 24 *pristina* Memm. pro *pristi-*
nae | 25 *Cybiosacten* Torrentius pro *Cybiotanten* | 30 *se-*
stertio Io Fr Gronovius pro *sestertium* || 234, 2 *evigilabat*
 Graevius pro *vigilabat* | 4 *salutatur* ego ex Aurelio Victore
 pro *salutabatur* || 235, 1 *et pactus est* Iac Gronovius. *pactus-*
que est cod Periz. ed Rom 1. 2 pro *pactus est* | 7 *ponere*
et ego pro *poneret* vel *ponerent* | 16 *Cutillas* Beroaldus
 pro *Cutillas* || 236, 6 *IIII* Memm. a prima manu | 20 *ac*
magis omittit Memm. | 34 *summa industriae* — *modestiae*
fama cod Periz. ed Rom 1. 2 pro *summae industriae* —
modestia et fama || 237, 4 *Arrecinam* scribendum, cfr.

Orelli-Henzen inscriptt. no. 5429 | 9 *Taricheas* cod Frib. a sec. manu, Ursinus. *Taricheam* Herm Barbarus pro *Trachias* vel *Thracias* | 18 *VII propugnatores* ed Iuntina 1510 | 19 *ea* Memm. Guyetus pro *eam* | 36 *ad se* omittit Paris 6116 a prima manu || 238, 18 *cognitionibus* Torrentius pro *contionibus* | 33 *celeriter* Calderinus pro *celebriter* || 239, 1 *rata* supplet Egnatius | 30 *publice* cod Torrentii. *publice nisi* Memm. Med 3. Pal 2. *nisi sibi publice* cod Bern. Pal 1. Egnatius pro *nisi sibi perisse testatus est publice* || 240, 33 *pallulis* Memm. Med 3. al. cfr. Seneca de ira 3, 22, 2. *paludibus* Paris 6116. Med 2. al. *paludamentis* Med 1. Copes. Bern. Basil. al. || 241, 10 *quantas congegit* ed Ven 1 | 26 *variae* Memm. Med 3. Paris 6116. al. *vanae* Med 1. Huls. al. Edd. | 31 *nam* Iac Gronovius. *quia vel quam* Exc Cuiac. *quoniam* Oudendorpius pro *quam* || 242, 9 *opibus* Memm. Paris 6116. al. pro *operibus*, cfr. p. 67, 35 | 27 *palamque* cod Bern. Frib. Bas. al. Edd. cfr. p. 32, 32. *et palam* Med 3 pro *palam* | 32 *sibi tempus horarum* cod Bern. | 38 *consalutavit* ego. *consulatu filium vit* Memm. Bern. *consulatus filium et* Paris 6116. Med 2. al. *consalutaverat ut* cod Frib. Basil. al. Edd. vocabulo *filium* quod ex superiore versiculo repetitum est recte deleto || 243, 21 *Maecium* Oudendorpius pro *Metium* | 27 *iis* cod Bern. Frib. pro *his* | 34 *virgines* Lipsius pro *virginis* || 244, 3 *ederentque* Memm. Torrentius pro *redderentque* | 8 *sacro* Torrentius. *sacro cum* Iac Gronovius. *sacrorum quidem die* Sabellicus pro *sacrorum* | 19 *et odium* Memm. Paris 6116. Beroaldus pro *metodium* vel *exmethodium* || 241, 1 *communi rerum usu* Memm. Paris 6116. Beroaldus pro *communes rerum usus* | 3 *gregum* Beroaldus pro *grecum* | 36 *Scantina* Sabellicus pro *cantina* vel *catinia* || 246, 1 *Ocellatis* Beroaldus | 17 *e diverso* delet Ernesti | 21 *iis* cod Bern. Egnatius pro *his* | 37 *impuberem* ed Basil 1533 pro *puberem* || 247, 9 *in exilio* Torrentius pro *exilio* | 12 *abductam* Beroaldus pro *adductam* | 16 *Pompusianum* ego pro *Pomposianum*, cfr. p. 232, 9 | 18 *membrana* Scriberius. *membranis* Beroaldus pro *membranas* | 32 *investigat* Stephanus pro *in-*

vestigato || 248, 1 *actorem* cod Lislæi, Torrentius pro *auctorem* | 4 *Arrecinum* scribendum, cfr. Orelli-Henzen inscriptt. no. 5429 | 29 *dictumve* Torrentius pro *dictumque* | 34 *vel* IoFr Gronovius pro *velut* | 249, 9 *revocatam* Salmasius pro *vocatam* vel *evocatam* | 22 *arci* Memm. *arti* Paris 6116. al. *arcui* Med 1. 3. al. Edd. ἀρχεῖ Turnebus | 23 *quot* cod Basil. ed Rom 1. 2 pro *quod* | 31 *conspiratione* omittit Memm. || 250, 2 *namque quod* Memm. Paris 6116. al. | 2. 3 Graeca habent Memm. Med 1. 3. Politianus (Beroaldus) soli | ἡγὼ ego. ἡγὼ Politianus. ΚΑΙ Memm. | σοὶ τράγῃ ego. Καὶ τράγῃ Politianus. COIKAPΘΕ Memm. | 10 *tempore* Memm. a prima manu pro *tempore vero* vel *tempore quoque* | 16 *audendam* Edd. pro *audiendam* | 36 *negantem* Stephanus || 251, 13 *circa* libri omnes, cfr. p. 148, 35 | 30 *obvoluto* ad Paris 6116. al. Edd. *obvoluto in* Med 1. 3. al. *obvolutam* Memm. | *dolonem* Iac Ferrarius pro *dolum* | 34 *et Saturius* Paris 6116. al. Edd. *est et Satur* Memm. Med 3 | 35 *arae* Ernesti pro *curae* || 252, 5 *conatur* Paris 6116. Exe Cuiac. Stephanus pro *conatum* | 8 *Phyllis* cod Vindob2. ed Rom2. pro *Phyllix* | 19 *ad hoc* Memm. Med 1. 3. al. | 19 *et animum* Med 1. 3. al. *animum* Memm. Paris 6116. al. Edd. | 33 *effingeret* Beroaldus | 34 *scopo* Stephanus | 38 *reparari* Duker, cfr. p. 107, 20. 267, 14 || 253, 5 *alieno* cod Frib. Palat3. ed Rom2. Ven1. *alfeno* Memm. Paris 6116. al. *alieno* *alfeno* Med 3. al. *alieno* *alphabeto* Med 1. al. | 6 *et dictorum* Exe Notre Dame, Torrentius | 9 *et canum* Med 1. 3. al. | *et conditionem* ego | 21 *devellcret* Guyet pro *divelleret* || 254, 7 *rei p. statum* Paris 6116. al. Edd. *statum rei p.* Med 1. 3. al. *rerum statum publice* Memm.

De grammaticis et rhetoribus libellus.

Iam dicendum est de Tranquilli libello, exiguo illo et mutilato, qui de Grammaticis et Rhetoribus inscribitur. Eum libellum partem olim fuisse maioris operis, quod de Illustribus viris Suetonius scriptum reliquit, infra docebimus, cum de deperditis eius libris dicetur. Nunc de hoc libello solo, ut separatim inventus et vulgatus est, agam, hoc tantum praefatus, unum libellum fuisse de grammaticis et rhetoribus, non duos. No-

vum enim caput, non librum, prima scriptoris verba p. 268 *Rhetorica quoque apud nos perinde atque grammatica* etc. aperte produnt. Sed ne in codicibus quidem satis idonea argumenta diversae opinionis invenias. Interponit quidem Berolinensis liber verba haec: *Eiusdem de rhetoricis* (sic) *libellus incipit*, Harleianus et Parisinus haec: *Suetonii Tranquilli de grammaticis liber primus explicet. sequitur eiusdem de rhetoribus liber (secundus)* Vaticanus 4498 haec: *Liber primus finit. Suetonii Tranquilli historici de Rhetoribus Liber II.* Verum hi libri levi sunt auctoritate, ac fides potius iis habenda, qui vel nihil tituli vel *de rhetoribus* tantum interserunt, quales sunt Leidensis, Gudianus, Farnesianus, Vaticani 1518 et 1862, alii. Is quoque titulus, qui vulgares editiones inde ab Aldina anni 1508 occupavit: *C. Suetonii Tranquilli libri duo, de illustribus grammaticis et claris rhetoribus*, prostremis modo verbis vetustiorum aliquot editionum auctoritatem sequitur, maiorem partem ab Aldo concinnatus est.

Hunc libellum post Hieronymum²⁷⁾ qui legerit aut commemoraverit, neminem novi. Multis igitur saeculis pro deperdito haberi debuit, donec circiter a. 1452 Enoc Asculanus, Germania Daniaque peragrata, cum alia antiquitatis monumenta (de quibus videndi Orellius ad Ciceronis epistolas ed. 2 p. XLIII, Massmann ad Taciti Germaniam p. 11 et T. Mommsen in Museo Rhenano 6 p. 627) tum Taciti duos libellos, de Germania et de Oratoribus, cum hoc Suetoniano, uno ut videtur codice comprehensos, reperit in Italiamque attulit. Vide Iovianum Pontanum a. 1460 haec tradentem infra p. 288. Cui auctori assentiendum existimo referenti *mendosos iam tum et imperfectos* i. e. extrema parte mutilatos fuisse hos grammaticos et rhetoras; sed fidem denegandam, cum a Polentono Patavino alterum Suetonii codicem, in quo alia Illustrium virorum pars inesset, concrematum arguit.

saeculo XV
medio in-
ventus.

27) Gellium quoque huic libello debere arbitror, quae 15, 11 non nimium diligenter de philosophis et rhetoribus retulit.

Nam in Polentonianis scriptis, quorum gratia scelus illud commissum esse fertur, nullas Suetonii lacinias ac plane nulla veterum scriptorum vestigia nisi vulgatorum exstare demonstravit Ritschl in Parergis Plautinis I p. 632.

Omnes igitur qui inveniuntur codices novicii sunt, i. e. altera parte saeculi XV scripti²⁸⁾ ut sane mirandum sit tam brevi tempore tantam lectionum diversitatem in exemplis ex uno propagatis subnasci potuisse. Haec exempla nulli usui forent, nisi liber ille ab Henochio inventus vel perisset vel ignoto loco lateret. Nunc ut res se habet, boni libri a corruptis distinguendi sunt et critico diligenter sequendi.

Codices scripti.

Libelli de Grammaticis et rhetoribus codices scripti, quantum ego comperi, universi reperiuntur numero XV²⁹⁾. Ex iis aequabili diligentia ad emendationem collati sunt quinque: Leidensis, quem singulari de causa Perizonianum appellant, Gudianus, Berolinensis, Harleianus, Parisinus. De iis statim uberius dicitur. Nondum diligenter examinati vel ne inspecti quidem sunt libri Italici novem, quorum quinque Romae in Pontificia bibliotheca, singuli Venetiis, Mediolanii, Florentiae, Neapoli servantur; unum Havniensis bibliotheca possidet in Dania³⁰⁾.

28) Annorum notas hi praeferunt: 1460 Leidensis, 1462 Harleianus, 1464 Venetus, 1477 Berolinensis.

29) Inde ne specie quidem veri ornari potuit verbum ab homine doctissimo eodemque bibliothecario Amadeo Peyron iactatum, qui in Notitia librorum a Valperga bibl. Taurin. donatorum Lips. 1820 p. 85 Inclinat, inquit, animus ut credam Suetonium de grammaticis, *cuius teste Casaubono vestigium quidem nullum in librariis vel locupletissimis apparet*, ab impostoribus philologis Italiae saec. XV esse profectum.

30) Romanorum tituli hi sunt: Vaticani tres 1518. 1862. 4498, Ottobonianus 1455, Urbinas 1194. Eorum Achilles Statius, cum hunc libellum a. 1565 Romae ederet, duos, non tres, consuluit et quidem, ut opinor, primo loco enumeratos. — Venetus codex in Marciana bibliotheca Class. XIV, 1 notatus, olim Patavii in bibl. S. Ioannis in Viridiario repositus, scriptus est Bononiae a. 1464; cfr. Massmann ad Taciti Germaniam, Thomas in Münchner gel. Anz. 1853 no. 1. 2. — Mediolanii Ambrosianum codicem commemorat Montfaucon

In hac raritate scriptorum exemplorum typis quoque Editiones
principes impressorum ratio habenda est, eoque magis quod scriptis aetate supparia sunt et ex scriptis codicibus fideliter repetita. Diligentissima igitur investigatione per plurimas bibliothecas facta ego et amici tres editiones invenimus principum nomine appellandas, quod suum quaeque scriptum librum sequitur, rarissimas omnes. Nominamus Incertam, Venetam, Florentinam.

Incerta Incertae editionis, quae urbem annum typographum nusquam prodit, exempla foliis XV constant quaternariis versiculorum XXIV. Titulus maiusculis litteris hic est: *Suetonii Tranquilli de | grammaticis et rhetoribus clarissimis libellus foeliciter incipit.* postremus versiculus hic: *cibo. FINIS AMEN.* Göttingense exemplar Osann comparavit, Stuttgartinum Francisci Pfeiffer V. C. benivolentia transmissum ego; praeterea exstat Venetiis in bibl. Marciana. Prodisse bibliographi Venetiis circiter a. 1472 ex officina Nicolai Ienson opinantur, mavult humanissimus Iosephus Valentinelli Mediolanensem arbitrari³¹⁾.

Veneta Venetam editionem cum Modesto de re militari et libello de magistratibus coniunctam impresserunt Barth. Cremonensis ac Barth. de Carlo Vercellensis consocii Venetiis a. 1474³²⁾, inscripsit *Reverendissimo domino do-*

bibl. bibl. 1 p. 524. — Florentinus in Laurentiana plut. 89 cod. 8 Caesares quoque Suetonii continet, sed in Grammaticis p. 265, 1 post *Hic initio* deficit. — Neapolitanus, olim Farnesianus 121, hodie inscribitur Bibl. Reg. IV. c. 21. — De Havniensi, qui olim Ioannis Grammii fuit, cfr. Arntzen praef. ad Aur. Victorem.

31) Venetum enim exemplum Class. XIV, 176 uno volumine colligatum est cum Mediolanensi aliqua editione (Hain no. 6964) cuius typographicam quoque speciem refert. Ceterum repetivit et emendavit Incertam editionem Beroaldus, ut ferunt Bononiae a. 1504; neque enim novi nisi Friburgi inventam repetitionem, quam M. Schurerius Argentorati a. 1510 emisit *ex castigatione Philippi Beroaldi*; cfr. Schröter ad Aur. Victorum de viris illustribus p. XII. Beroaldi igitur emendationes a nemine commemoratas ex hac repetitione cognovi.

32) Idem exemplum Maittaire descripsit, P. Pithoeus nisi

mino Iohāni etc. Ioh̄s Aloisius Tuscanus advocatus consistorialis, invenerunt Parisiis (Incunab. no. 1133) meaque gratia diligentissime contulerunt Iacobus Hunziker Helvetius et Andreas Frigell Suecus. Tranquilli libellus folia XV quaternaria 29^a—43^b complectitur, incipit *Suetonius de grammaticis*, desinit *abstinuit cibo*. | *LAVS DEO*.

Florentina.

Tertia est Florentina editio a. 1478 impressa et foliis quaternariis XIV constans. Initium est *C. Suetonii Tranquilli*. | *de grammaticis, et rhetori* | *bus. claris. liber. incipit. finis cibo*: | *Nil. amplius. reperitur*. | *Impressum Florentiae a* | *pud Sanctum Iacobum de* | *Ripoli. MCCCCLXXVIII*³³). Duo exempla Lipsiae bibl.

fallor tamquam codicem contulit. Germanum typothetam *fol-gares* p. 267, 19 et *victas* p. 269, 36 produnt. De quibusdam rebus bibliographicis videndi Schweiger 2 p. 615. Hain no. 11443. Nescio vetustiorne sit an posterior ea impressio, quam prodisse putant ex Romana officina vel Ioannis Gensberg vel Ioannis Schurener de Boppardia.

33) Principem dico hanc Florentinam editionem non tam certis rationibus inductus, quam quod antiquiorem eius generis non novi. Collatis enim similibus exemplis aetate inferioribus, suspicari licet de vetustiore aliqua editione nondum inventa, unde et Florentina et reliquae derivatae esse videantur. Verum cum eam rem nunc ad liquidum perducere non queam, satis habeo trium posteriorum editionum notitiam addere. Hoc enim exemplum, ut bonitate sua meruit, omnium saepissime recusum est.

1. In bibl. univ. Lipsiensis (Hist. lat. 146) itemque Vratislaviensis editio servatur folia quaternaria VIII versuum XXX continens, urbis anni typographi indicii destituta. ita incipiens *C. Suetonii Tranquilli de gramma- | ticis: et rhetoribus claris libellus*. ita desinens *abstinens cibo*. | *Suetonii Trāqlli de claris Grāmaticis: & rhetorib*⁹. *Finis*. Bibliographi docent adiunctam olim fuisse Apicio de re coquinaria circiter a. 1500 Venetiis per Bernardinum Venetum impresso. Lipsiense exemplum a Moebio missum conferens vitia quaedam Florentinae editionis sublata, pauca nova illata cognovi ope ut videtur editionis Incertae a. 1474; ita p. 267, 27 habet *Scriptū vero ex variis*; p. 269, 28 *porta*.

2. Veteris editionis Mediolanensis Iac. Bongarsius a. 1595 Casaubono spem fecerat, sed non inventam mittere non pot-

Senatoria possidet, unde nonnulla excerpserit Ernesti, plura Baumgarten-Crusius 1 p. XVI. XLII prodidit, omnia amicissimus Theodorus Moebius mecum communicavit.

Vulgatae lectionis principium Aldina est editio, ab Aldo Pio Manutio et Ioanne Baptista Egnatio Venetiis a. 1508 curata et Plinii epistolis adiuncta. Ad eam praeparandam editores non scripto quodam libro usos esse existimo, verum tribus editionibus quas modo principes dixi, diversissimis inter se, comparatis et quasi in unum collatis libellum emendatiorem reddiderunt, quam usque eo editus fuerat. Et fundamentum impressionis Venetam a. 1474 esse voluerunt, id quod ex quibusdam rebus exiguis quae oculos fallere solent, litteras dico vel maiusculas vel minusculas, interpungendi signa, vitia quoque

Aldina
editio.

uerat, cfr. Casauboni epistolae ed. Graev. p. 31. Verum a. 1610 Casaubonus ad manum sibi fuisse testatur editionem cum Aurelii Victoris viris illustribus coniunctam et Mediolani per Alex. Minutianum *ante centum et octo annos* i. e. anno 1502 excusam, quae sibi scripti libri instar fuisset. Pleraque lectiones ab eo commemoratas pluresque omissas Bongarsii manu adscriptas reperi in exemplo Antverpiensis editionis a. 1574, quod Bernae servatur. In eo exemplo littera *M* quae ex editione, littera *P* quae e Petaviano, nunc Parisino codice scripto excerpta sunt distinguuntur. Bernensi exemplo Casaubonum usum esse, fidem faciunt coniecturae aliquot Bongarsianae *ex Bongarsii codice* ab illo prolatae, convincunt hic illic notae *M* et *P* confusae vel Pithoei codex pro Petaviano ex compendio *P* factus. Praeterea eam editionem nemo vidit, neque hodie bibliographi aliam Virorum illustrium editionem Mediolanensem ab Alex. Minutiano impressam norunt nisi de a. 1509 eamque Grammaticis carentem. Ceterum fuit illa mera repetitio Florentinae vel similis alicuius, sine ullis vestigiis manus emendatricis.

3. Achilles Statius Romae a. 1565 veterem quandam editionem consuluit cum Florentina ubique fere consentientem, nonnumquam Venetae Bernardini accedentem, ut p. 259, 22 *e ludendo*; p. 269, 25 *portu*; sed haud ita raro nunc in omittendis vocabulis (p. 261, 14 et 16 *Varrone* et *Murena*; p. 264, 9 *que*; p. 271, 19 *dum*) nunc in nominibus mutandis (p. 258, 6 *L. Aelius*; p. 263, 16 *Taberius*; 21, 31 *Hirtius* et *Hirtio*) suo quoque arbitrio agentem.

nonnulla typographica, intelligitur. Tum e Florentina editione a. 1478, quae veterum omnium longe optima est, lectionibus ferme CCLXX receptis totidem fere emendationes intulerunt. Sed ne Incertam quidem neglexerunt, circiter XXV locis, ut p. 260, 22 *reperi*; p. 266, 7 *quoad*; p. 269, 21. 28 *adiectis et infuit*; p. 271, 10 *actaque ita* ad illam editionem sive potius Beroaldinam eius repetitionem refectis; Beroaldum enim emendationes quaedam, ut p. 258, 6 *Praeconinus*; p. 266, 30 *praesagiente*, prodere videntur. His si addideris pauca suo arbitrio administrata, ut Graecis litteris vocabula Graeca scripta, Ciceronis locum p. 263, 25 sqq. e Cicerone suppletum, praenomen *Q* pro *M* p. 258, 9 correctum, in p. 257, 17 *et etsi* p. 265, 19 additum, deletum p. 261, 25 corruptum vocabulum (*natum, natus, nominatus*) et p. 266, 27 *vero*: omnem Aldinam editionem explicatam et quasi in luce positam habebis. Restant tamen, non est enim celandum, etiam nunc obscura haec: *oratores* additum p. 257, 6; *Satrii* p. 264, 14 et *quidam* p. 269, 36 scriptum; quorum primum et tertium in Berolinensi, medium in Leidensi libro exstat, impressum ante Aldum non cognovi.

His igitur virtutibus excellens Aldina recensio digna et habita est et fuit, quae ab insequentibus vel per omnia vel paucis mutatis repeteretur. Inter criticos proximae aetatis laudandi sunt Robertus Stephanus, Elias Vinetus, Achilles Statius, et inde a Casaubono ii qui de universo Suetonio bene meruerunt. Nam coniunctim cum libris de vita Caesarum primi Antonius Gryphius Lugduni a. 1566 et Theodorus Pulmannus Antverpiae a. 1574 edere instituerunt.

Novum edendi fundamentum iecit Ludovicus Tross Hammone a. 1841 eiusque exemplum imitatus Fridericus Osann Gissae 1854, Leidensi libro ubicumque fieri salva ratione potuit typis expresso. Qua in re cum non satis considerate illi egisse videantur, certa iam quaerenda sunt argumenta, quibus boni libri a corruptis, singulae lectiones probae a falsis distinguantur.

Meliora igitur ea exempla dico, quae Indicem praescriptum habent eorum grammaticorum et rhetorum, quorum vias libellus integer continebat. Is index necessario antiquissimus et vel Henochiano libro antiquior est, cum et deperditae partis nomina servaverit, cfr. infra p. 272, et ad superstitem partem emendationis³⁴⁾ non-nihil conferat. Fortasse ne erraret quidem, si quis Plinii maioris, Gellii, Hygini, Polyaei exemplis usus ipsi Suetonio tribueret.

Libri meliores.

Hunc igitur nominum indicem in capite libelli scriptum habent libri hi:

1. Vaticani duo ab Achille Statio a. 1565 inspecti, hodie nisi fallor numeris 1518 et 1862 distincti, quorum uterque Taciti quoque Germaniam et de Oratoribus, praeterea prior Porphyryonis scholia Horatiana continet. Varietates a Statio proditas plerasque in Leidensi quoque vel Gudiano libro invenias, sed uter utri similior sit in illa distinguendi negligentia non dixeris³⁵⁾. Verum cum in Tacito illi secundum Leidensem optimi existimentur, utique dignissimi sunt qui Suetonii quoque gratia diligenter examinentur.

2. Leidensis XVIII Periz. c. 21 cum duobus Taciti libellis coniunctus. Scriptus est a. 1460 ab Ioviano Pontano, fortasse Neapoli, cfr. p. 288, tum a. 1742 incertum unde a Leidensibus et aere quidem quod Perizonius le-

34) Praenomina grammaticorum, quae iam in Henochiano libro effluxerant noto illo scribarum more capitales litteras omittendi, ut ab miniatore ornatiores addantur, Indicis ope recuperata sunt p. 260, 34. 261, 24. 262, 15. 264, 26. 270, 21; ac de postremorum duorum veritate aliunde quoque constat. Item nomen *Voltacilius* p. 270, 13 indici debetur, ab Hieronymo confirmatur. Ceterum vitia quoque index sua habet, ut cum p. 267, 6 praenomen, p. 263, 16 integrum nomen omittit, p. 265, 18 *fryginum* offert pro *hygino*; nam p. 265, 29 praenomen *C.* in Gudiano quidem indice corruptum non est.

35) Forsitan priorem Gudiano, posteriorem Leidensi similiorem suspicari licet, cum in libello de Germania Leidensis et Vaticanus 1862 concinere soleant.

gaverat emptus. Librum omnium optimum et integerrimum (etiam nunc, postquam Gudianus accessit) diligenter descripserunt et contulerunt Ludovicus Tross in editione Hammone a. 1841 vulgata, Frid. Ritschl in Parergis Plautinis 1 p. 609, Io. Ferd. Massmann ad Taciti Germaniam.

3. Gudianus 93, Guelferbyti repositus cfr. Ebert bibl. Guelferb. p. 159, foliorum quaternariorum septem, optimus. Mea gratia diligentissime contulit amicissimus vir Theodorus Moebius Lipsiensis.

Praeterea in Vaticano 4498, in quo volumine super duos Taciti libellos eiusdem Agricola, item Plinius de viris illustribus multaque alia scripta continentur, Massmann eundem nominum indicem praefixum inveniri refert. Nec minus in Neapolitano sive Farnesiano idem videri poterit scriptus esse, cum certe in Taciteis libellis exemplar illud superiorum et maxime Vaticani 1518 comes sit perpetuus. Contra omissus est, consilio puto editoris, in Florentina editione a. 1478; namque ea cum libris modo enumeratis alioqui conspirare solet.

Libri deteriores.

Iam his libris alterum librorum genus opponitur indice illo destitutum, numero maius, bonitate inferius. Diligenter collati sunt hi:

1. Berolinensis, simul cum Caesarum vitis ab Antonio Sinibaldo Neapoli a. 1477 scriptus. Eius collationem non indiligenter factam Frid. Osann acceperat, multo accuratiorem mihi dono dedit Rudolphus Burckhardt Basiliensis, nostrae disciplinae non ita pridem alumnus. Non esse hunc codicem exscriptum e Veneta editione a. 1474, cum qua mira ei necessitudo intercedit, multa comprobant, ut una eademque pagina 258 hae lectiones: *viveret, atque magis, pretia vero, ingressu, epistola ostendit, rigida*, quarum loco editio illa has praefert: *vixerit, ac magis, pretia, gressu, epistola, tigida*.

2. Harleianus 2639, Londinii in museo Britannico repositus, scriptus ut videtur a. 1462 et cum Tacito de Oratoribus coniunctus. Examinavit a. 1851 Frid. Osann.

3. Parisinus 7773, quondam Petavianus, cum eodem Taciti libello cohaerens, omnium librorum et pessimus et

a plurimis inspectus. Primus enim P. Pithoeus ad Taciti dialogum a. 1580 editum hunc librum (*exemplar Italicum* dicit) consuluit, cfr. A. E. Egger in Zimmermanni Zeitschr. f. d. AW. 1836 p. 337 sqq. sed Suetonianae quoque parti eodem anno operam datam lectio *incipere* p. 271, 14 persuadet, a Pithoeo in praefatione ad Quintiliani declamationes e *vet. suo exemplari* prodita³⁶). Secundus est Iacobus Bongarsius, cuius collationem ad margines Pulmanianae editionis adscriptam Casaubonus a. 1595 accepit et ego beneficio C. L. Steigeri V. C. bibliothecae Bernensis praefecti domi habui. Deinde a. 1610 Casaubonus librum ipsum a Paulo Petavio commodatum inspexit. Postea Isaaci Vossii collatio, quae Leidae asservatur, et Burmanno et Oudendorpio praesto fuit. Nostro saeculo Friderici Aug. Wolf precibus obsecutus Lécluse, deinde suam editionem praeparans Osann, denique a. 1855 ego et amicissimus Iacobus Hunziker diligentissime comparavimus.

His scriptis libris editiones impressae addantur Incerta et Veneta a. 1474, in quibus et ipsis Index desideratur.

36) Difficillima quaestio visa est de Pithoei codice aliquo, quem N. Faber ad M. Senecam rhetorem, Casaubonus in utraque editione, Andreas Schottus in Observationibus humanis p. 28 sqq. Bongarsius in exemplo Bernensi commemoraverunt, nemo vidit. Ea difficultas iam soluta est, postquam Veneta editio a. 1474 e tenebris emersit. Nam ut paucis absolvam rem multis verbis non dignam, a Pithoeo exemplum aliquod impressum conscribillatum fuit collationibus duabus, altera libri Parisini 7773, altera editionis Venetae a. 1474. Eae duae collationes cum a Pithoeo obscure significatae essent, factum est ut qui illo exemplo uterentur modo notas confunderent (sicut cum p. 257, 23 *recitarent*, p. 266, 2 *animos*, quae lectiones in Parisino reperiuntur, e Pithoei libro attulerunt) modo Pithoei membranas appellarent quae vetus editio dicenda fuit. De universa re non falso nos iudicasse, comprobent lectiones p. 259, 18 *principem Romae*, 20 *declarare*, 32 *infantiam*; p. 262, 8 *rerum Romanarum*; p. 266, 19 *militaris verna*; p. 267, 9 *Sic cum Romae* nusquam nisi apud Pithoeum et in Veneta editione inventae.

Iam collatis inter se libris indice vel praeditis vel destitutis si quis inquisierit, utri universam scriptionem fidelius et integrius referant, hos posteriores multis locis reperiet pariter omnes corruptos ita, ut necessario corrigi debeant et plerumque possint ex prioribus, illos vero, etsi non incorruptos, at tam egregios cognoscet, ut ex alteris certe corrigi possint nusquam³⁷⁾. Distingui-
mus igitur duo librorum genera, quorum alterum indice praefixo notabile codices Vaticanos 1518 et 1862, Leiden-
sem, Gudianum, Neapolitanum, praeterea Florentinam editionem complectitur simulque interna sua praestantia commendatur, alterum libros continens Vaticanum 4498, Florentinum, Venetum, Berolinensem, Harleianum, Parisinum cum editionibus Incerta ac Veneta a. 1474 et indice caret et auctoritate. Et indicem quidem per se spectatum ad librorum bonitatem nihil facere, Florentina editio et Vaticanus liber 4498 convincunt, quorum illa indice carens meliori librorum generi, hic indice praeditus deteriori assignandus fuit. Sed facilius hoc argumento tibi persuadebis, deteriores libros omnes ex aliquo exemplo melioris generis iam satis depravato, qualis Vaticanus 4498 est, facta insuper indicis iactura, esse derivatos.

Rem ut paulo diligentius exemplis illustremus, libri Berolinensis Harleianus Parisinus, itemque nisi fallor Vaticanus 4498 et Florentinus, postremo Veneta editio ac plerumque Incerta³⁸⁾ vocabula omittunt *scilicet* p. 257, 3 et 259, 15; *ita* p. 264, 20; *eo* p. 265, 23; *quae* p. 268, 17; corrupte praebent p. 263, 15 *nuper factum*, 26 *praesente scire*, 31 *habuero*; p. 264, 30 *liberalis antiquus*; p. 265,

37) Nam p. 271, 14 *incipere*, quod solus Parisinus codex habet pro *in opere*, felici coniecturae deberi Harleianus aperte demonstrat. Obstare videtur locus p. 270, 26 ubi Leid. Gud. ed Flor. a C. habent pro *ab*; atqui de Vaticanis et Neapolitano nondum constat.

38) Duobus codicibus is qui Incertam editionem paravit usus esse videtur.

14 *Scribonia uxoris filia*; p. 266, 14 *auctoritatem*, 37 *inde callium vel inde carnum*; p. 268, 10 *interrupto*.

Sed praeter ea vitia, corruptione ut fit latius serpente, libri Harleianus et Parisinus cum editionibus Veneta et fere Incerta haec habent communia: omiserunt p. 259, 20 *remoto*, p. 261, 24 *est*; addiderunt p. 268, 31 et 269, 21 *et*; corrupte scripserunt p. 260, 23 *non impen-sius*; p. 261, 8 *omni sermone*; p. 262, 12 *noto celeri et*; p. 267, 11 *quamvis se*; p. 268, 21 *ostendamus*; p. 270, 10 *subiratoque*. Tum multis locis tam Berolinensis codex et Veneta editio³⁹⁾, quam Harleianus et Parisinus codex, qui propter similitudinem pro uno haberi possunt, vel una cum editionibus Veneta et Incerta⁴⁰⁾ vel soli⁴¹⁾ gravissimos errores admiserunt.

Satis demonstratum esse videtur, id quod docere in-stituimus, nullam esse posterioris generis auctoritatem. Restant prioris familiae libri bene collati tres, Leidensis Gudianus et Florentina editio, quibus quatenus ratio cum posteriore genere intercedat et quomodo inter se ipsi cohaereant iam videndum est. Et deteriores quidem libri cum nullo bonorum saepius⁴²⁾ conspirant quam cum Gu-

De libris me-
lioribus iu-
dicium.

39) E. c. omiserunt p. 257, 15 *in urbem*, 17 *Palatii*; p. 265, 11 *philosophi*, 35 *Augusto etiam insinuat*; p. 268, 18 *maiorum et neque*; addiderunt p. 257, 21 *sunt*; p. 263, 3 *idem*, 14 *dicebat*; p. 264, 3 *aedem* etc.

40) Omittunt e. c. *inde* p. 260, 38; *Romam* p. 261, 1; *Herman* p. 261, 32; praebent p. 261, 22 *exemplum pro filium* etc.

41) Exemplis non opus est. Hoc tantum demonstro, Parisinum librum Harleiano aliquanto peiorem esse. Parisinus enim omisit haec: p. 261, 25 *notus*, p. 264, 22 *Latine*, p. 265, 33 *permansit*, p. 266, 31 *omnium*, p. 267, 7 *donec taedio ad studia se contulit*, 20 *quaedam*, p. 270, 11 *appellat*; idem corrupte exhibet p. 259, 35 *patrio*, p. 260, 30 *principium*, p. 266, 27 *variis ac*, p. 267, 6 *Valerius quibus*, p. 270, 6 *virorum*. Quibus vitiis omnibus, si Osanno fides habenda est, Harleianus codex inquinatus non est.

42) Ceterum notabile exemplum est p. 260, 15 *pueri adhuc*, quae interpolatio de bonis libris solam editionem Florentinam occupavit.

diano, ut ex simillimo aliquo eius descendisse illi debeant. Namque is solus de tribus p. 260, 25 *grammatica*, p. 264, 36 *superiore*, p. 266, 14 *verbo*, quae vera sunt, cum deterioribus libris servavit; item solus cum illis haec corrupta p. 259, 11 *tam*, 13 *ipsis*, 15 *alias*, p. 264, 5 *improbi*, p. 271, 16 *adoranter*, et interpolata p. 262, 38 *et*, p. 264, 11 *domino*, et omissum p. 265, 19 *puerum* ostendit; denique p. 267, 11 omisso in ordine et suppleto ad marginem vocabulo *omnes*, et p. 268, 14 ubi *Latinos* habet in ordine, *Latine .f.* in margine, deteriorum librorum diversitatem facilem reddit explicatu.

De ipsis libris probatae fidei tribus Leidensis minime saepe erroribus turbatus est, sed ne is quidem tam sincerus ut, ubi solus contra reliquos omnes stat, ei maxime concedendum esse videatur. Nam qui eum pro primario habeant et tamquam reliquorum omnium parentem revereantur, iam nullos hodie esse video, et sane deponenda talis opinio fuit de codice ne semel quidem exscripto. Pontanus igitur omne vitiorum genus librariis consuetum sed raro commisit. Nonnulla festinando depravata ipse emendavit, ut p. 257, 4. 259, 21; 34. 260, 5; 35. 262, 5. 264, 12; 24; 27. 266, 20. 269, 28; quibus locis *discipulis*, *parentum nostrorum*, *Opimius*, *duas litteras*, *peremptorum*, *cogimus*, et *doctrinam*, *versiculis*, *exercitanda docentium genera*, *filium comitatus*, *absoluta* properante calamo scripta ipse ita restituit uti apud nos leguntur. Alia non correxit aperte ab ipso peccata, ut p. 258, 26 *Laccus*, p. 260, 9 *Dionis*, p. 261, 14 *Varone*, p. 263, 10 *Crateri*, p. 269, 15 *anascenas et catascenas*, p. 270, 10 *Atracino*, nec omissum p. 267, 3 *qui cum* supplevit. Tum coniectando quoque Pontanum indulsisse produnt supra pristinam scripturam addita haec: p. 257, 7 *notum est ac*, 23 *retrectarent*, 28 *Vectius et Q.* p. 262, 36 *Miretur*, p. 265, 9 *et in iis*, p. 266, 20 *textrinus*, p. 271, 17 *adornate ut ne*, et p. 262, 31 ubi *georgustio a γεωργῶν colo terram* reponendum esse existimavit. Etiam in libelli titulo verba *De viris illustribus liber* et *Grammatici illustres* quin idem addiderit, dubitare non sinunt ea quae infra p. 288 prae-

fatus est. Hinc fit ut reliquas quoque diversitates in solo Leidensi libro repertas scribentis vel errore vel arbitrio ortas putem, ideoque in ordinem non receperim. Sunt vero hae: p. 258, 14 *Post hos*, 29 *valuit*, 32 *diligenter aliquid*, p. 259, 13 *apparandam*, 22 *e ludo*, p. 260, 37 *moxque equo*, p. 263, 6 *Mirati summum*, p. 264, 37 *publicaverat*, p. 266, 33 *pepercisse*, p. 268, 3 *paululo*, 14 *convenient*, p. 269, 6 *non una*, 10 *et presse*, p. 270, 5 *idem mihi*, 15 *studia*, 26 *Manvino*. Recepti tamen quae vel sine libro recipienda erant: p. 258, 4 *generque*, 8 *optimatium*, p. 262, 38 *cauliculi*, p. 270, 38 *salsum*.

Ad confirmandam codicis Leidensis fidem non raro dubiam atque ancipitem multum Florentina editio confert, multo plus Gudianus codex. Quippe editioni, cuius singularia enumerare non attinet, tam propinqua cum Leidensilibro origo est, ut non raro easdem maculas traxerit, ut p. 257, 24 *et ceteris*, p. 260, 10 *Scytobachionis*, p. 263, 11 *quasi*, 17 *litterarum* omissum, p. 264, 36 *inferiore*, p. 266, 26 *nec ni*, p. 267, 17 *unum vel*, p. 270, 10 *ordinarium*, 14 *et*, p. 271, 27 *Pisonem personalem*, 31 *in ispeum erat*⁴³⁾.

At vero Gudianus codex, idem et optimus et plurima singularia⁴⁴⁾ continens, tam longe a Leidensi distat, ut numquam in vitiis, nisi antiquissimis, conspirent nec nisi vera communia habeant. Gudianum codicem cum ante nos nemo consuluisset, cavendum fuit ne nova⁴⁵⁾ eius

43) Etiam cum Berolinensi libro, quod mirandum est, Leidensis lapsus quosdam communes habet, ut p. 260, 38 *non omissum*, p. 263, 24 *et magister Ciceronis*, p. 268, 10 *non essent*.

44) Exempla haec sint: p. 257, 17 *cum in regione*, p. 258, 23 *conductum ut multos*, 27 *quidem docuit ad*, p. 261, 13 *cum in iudicio*, 17 *aetatis* omissum, p. 262, 2 *censebatur*. Sic philologus. Quod, 16 *cuius*, 20 *vel ex his*, 22 κατὰ γραμματικὸν supra versum. 38 *et libra*, in margine una, p. 263, 35 *consuetudinemque*, p. 264, 4 *fuit*, p. 265, 11 *Q. atque Sexti*, 21 *grammaticum quendam Graecum*, p. 268, 4 *cui* omissum, p. 270, 17 *eius* omissum, p. 271, 26 *sua magna invilia*.

45) Non dubito quin inventa nunc primum in Gudiano

bonitate occaecati nimium ei obsequeremur. Eandem igitur legem quam in Leidensi nobis scripseramus, ut ne singularia captaremus, sed communia teneremus, hic quoque servavimus. Itaque consensum Gudiani libri cum Leidensi pro firmissimo pignore lectionis pristinae, id est in Henochiano archetypo inventae, habuimus; ubi dissentire videbamus, in neutrum proniores, vel reliquorum librorum vel ipsius rei ratione habita veterem lectionem assequi studuimus.

Haec ut aliquot exemplis confirmem, consensu codicum Leidensis et Gudiani stabilita existimavi: p. 258, 26 *Iaccus* non aspiratum, p. 260, 15 *adhuc* omissum, 30 *suum annalium Ennii*, p. 262, 24 *Is scripsit*, p. 264, 33 *Catulinae*, p. 266, 1 *inscribuntur*, p. 268, 21 *ostenderemus*, p. 271, 23 *optulisset*. Eodem consensu p. 265, 34 *conditionem*, p. 271, 25 *conditionem* posui. In dissensu librorum plerumque auctoritati Leidensis⁴⁶⁾ obsecutus (e. c. p. 259, 37 *simul*, p. 262, 29 *Dictynna*, 37 *sit sapientiam*, p. 269, 10 *consuerant*, 28 *affuit*) nonnumquam tamen Gudiano oboediendum putavi, ut in his: p. 257, 7 *adnotatum*, p. 258, 14 *Posthac*, 19 *Laevius*, p. 259, 18 *repeto*, p. 260, 25 *grammatica*, p. 263, 16 *Eros*, p. 264, 36 *superiore*, p. 265, 1 *Pasicles*, 3 et 5 *Zmyrnae* et *Zmyrna* (p. 259, 37 *Smyrnae* Suetonius ab se dedit) p. 266, 14 *verbo*, p. 269, 24 *Ostiam*, 32 *imposuerunt*, p. 270, 10 *ordearium*, p. 272, 11 *Verginius*. Rarissime ab utroque recedendum fuit, sicut p. 263, 22 *Memmi* scripsi pro *Memmia*, p. 270, 26 *ab* pro *a C.* Semel p. 269, 10 ubi alter *atque* alter *et* praebebat, uterque solus, e Florentina editione et deterioribus libris *ac* recipiendum duxi.

similiter in Vaticano 1518 aliisque libris insint. Namque e Vaticanis quoque suis Achilles Statius haec prodidit: p. 259, 31 *Servius post hoc*, p. 261, 6 *neglegentia*, p. 263, 16 *Straberius*, p. 264, 33 *Catulinae*, 36 *superiore*, 37 *perite*, p. 269, 28 *infuit*, p. 272, 4 *Caestius*, 11 *Verginius*.

46) Eiusdem libri auctoritate p. 264, 25 *Epirota*, 27 *clauit* nititur, illic vocabulo *et* subnotato, hic *inclauit* a correctore scripto. Item p. 270, 25 *Epidi* a prima manu est.

Denique beneficio Gudiani codicis, et optimi et a Moebio accuratissime collati, factum est ut orthographica ratio paulo diligentius quam adhuc factum erat institui posset. Eius enim auctoritate *Nicia*, *Crassicius*, *Porcius* (addendus fuit *Albucius*) *c* littera, tum *Dionysi*, *Pompei*, *venalici*, *Brundusi*, etiam *repetit* p. 260, 38 simplici *i*, deinde praenomina⁴⁷⁾ et numeralia vel omnibus litteris vel compendiis, postremo *auctor*, *ceteri*, *causa*, *milia*, *litterae*, *nummum* et similia sic ut vides scripta sunt.

Ceterum quaestio haec orthographica ad deperditum illum codicem Henochianum, cuius quandam speciem et adumbrasse et restituisse nobis videtur, revocanda erit. Ac si recte disputatum est, codicum adhuc collatorum omnium proxime ad illud exemplum accedere Leidensem et Gudianum, opinionem nobis quidem assensu comprobare non licebit, quam docti quidam homines de aetate illius concepisse videntur. Nos intra XIII saeculum consistemus, idque duabus potissimum rationibus inducti, orthographica et tachygraphica.

Henochianus liber.

Nostram de vita Caesarum editionem si quis cum libello de grammaticis conferre voluerit, in hoc admodum diversum genus scribendi vocabula animadvertet. Rarissime enim veteris scripturae vestigia, et quidem ea fere quae librariorum odium quasi subterfugerunt, deprehendet, praepositionum in verbis compositis sincere scriptarum exemplum nullum⁴⁸⁾, accusativi pluralis tertiae declinationis in *is* terminati unum⁴⁹⁾, simplicis *i* lit-

47) Namque hac in parte Pontanus, qui Leidensem codicem exscripsit, uni legendi facilitati inserviens, non raro imprudentius egit, dum v. c. pro CN. *Gn.* reponit, C. et L. in *Caium* et *Lutium* resolvit, Cornelium et Augustum in *Corn.* et *Aug.* coartat, quin etiam pro M. Ciceronis p. 263, 24 *magister Ciceronis* scribit.

48) Excipiendum p. 257, 7 *adnotatum*, olim in *ad notum* et *at notum* corruptum; nam p. 267, 14 boni libri omnes *annotare* habent.

49) p. 268, 26 *grandis*; nam p. 263, 8 *omnis* non habent nisi Parisinus codex et Incerta editio, qui libri antiquitatis affectatione etiam *quom* pro *cum* scribere solent. Ac-

terae pro duplici positae⁵⁰⁾ pauca inveniet; contra saepissime *Antonii*, *Sallustii* etc. et vel obŭicere et subiŭciam scriptum et de singulis vocabulis *adolescentes*⁵¹⁾, *epistola*, *pene*, *tentare*, *concionari*, *quatuor*, *vindicavit*, *Brundusi*, *quanquam*, *unquam*, *nunquam* sic ut vides scripta offendet. Omnia haec reputans codici Henochiano maiorem quam saeculi XIII aetatem tribuere non audebit.

Eodem altera quaestionis pars, quam tachygraphicam dixi, spectare videtur. Henochianus liber, si recte statuimus Leidensem et Gudianum codicem duo quasi apographa eius esse, necessario omni genere compendiorum et siglorum refertus fuit, quorum lectio persaepe difficilis atque ambigua esset. Passim compendia agnoscas, quibus vocabula *et et etiam*, *hoc et haec*, *nihil et nil*, terminationes in perfectis *erunt et ere et* similia aegre distinguerentur. In singulis vocabulis tria exempla pono inventa pagina 271 dimidiata. Versu enim 18 pro eo quod est *tantum non* alter scribe *tamen non*, alter *tantum modo* dedit; versu 27 quoddam compendium ille *personalem*, hic *proconsulem* explicavit; versu 31 ille *in ispeum*, hic *in conspectu* invenisse sibi visus est. At vero haud scio an quisquam rei peritus genus scripturae tam compendiarium antiquius saeculo XIII habiturus sit.

Quarundam diversitatum per codices inventarum causas in ipso Henochiano libro quaerendas esse puto; fit enim nonnumquam tam in Leidensi quam Gudiano libro, ut duae lectiones altera supra alteram scriptae sint. Sic p. 261, 21 in utroque *marmoreo* legitur supra posterius o littera *a* addita; p. 264, 33 ille *Catelinæ u* imposito, hic *Catulinae* imposito *i* ostendit; p. 269, 33 ille *rescogniti sunt* deleta tamen priore *s*, hic *recogniti sunt et*

cedant tamen Graeca *acroasis*, *paraphrasis*, *thesis*, *synthesis*.

50) cfr. supra p. LXV. Adde *Sexti*, *Spoleti*, *Mediolani*, *Brundusi*.

51) Semel *adulescentibus et neglegentia* invenitur. Adde *antiquos* p. 263, 29.

supra *l' res cognita est habet*⁵²⁾. Apparet puto eius modi varietates in ipso archetypo a librariis esse inventas.

Postremo vitiis quoque et lacunis Henochianus liber corruptus fuit non paucis. Ad quae tollenda doctorum hominum iudicium et divinatio quid valuerit, haec adnotatio docebit:

Adnotatio
critica.

257, 6 *qui iidem* Stephanus pro *quidem* | 7 *adnotatum* Gud. et Beroaldus pro *ad notum* vel *at notum* | 8 *Graeca* Bongarsius | 21 *tamen sunt imitati* Berol. ed Ven. *imitatis* quidam apud Wolfium, Th Mommsen | 28 *L. Aelius* Egger, sed cfr. Charisius p. 114 P. | 28 *Vectiusque* Iac Gronovius, *Vettiusque* Oudendorpius pro *Vectius* Q.

258, 4 *generque* Leid. et Carrio pro *gener* Q. | 6 *Prae-*
coninus Beroaldus pro *Praeconius*, cfr. Plinius n. h. 33
§ 29. 37 § 9. Caesar b. G. 3, 20 | 7 *Stilo* Berol. et Ste-
phanus pro *Istilo* | 8 *tantus* Berol. ed Ven. mss Statii pro
tantum | 8 *optimatium* Leid. pro *optimatum*, cfr. p. 3, 25.
6, 37. 7, 38. 42, 22 | 3 *Metellum* ego, Q. *Metellum* Aldus
pro *M. Metellum* | 13 *praemortua* Stephanus pro *prae-*
mortui | 14 *Posthac* Gudianus. *Post haec*, *Post hoc*, *Post*
hos reliqui | 14 *ars* Bongarsius | 19 *Laevius* Gud. *Levius*
Berol. *Laeneus*, *Leneus*, *Lenaeus* reliqui. *Cilnius* Grae-
vius, *Maecenas* Osann | 20 *agasma* (ΑΓΑΣΜΑ) Baum-
garten-Crusius pro *agacema*. ἄγμα Aldus, ἄγαλμα Iac
Gronovius, ἀγάπημα Toupius | 21 *a Calvisio* Sabino Th
Mommsen, cfr. Seneca epist. 27, 5—8. *ab Titio* Beroaldus,
ab L. Sextio Oudendorpius | 23 *conductum multos edo-*
cuisse Berol. ed Ven. *conductum ut* Gud. Casaubonus.
Lacunam ita fere *tot annis L. Titium et Romae et in pro-*
vinciis multos edocuisse explet Th Mommsen | 26 *Pescen-*
nus Osann. *Fescennius* Leid. *Sescennius* Gud. | 31 *libello*
quodam Bongarsius | 37 *Ticida* Leid. et Gyraldus. *Tigida*,
Rigida, *Sigida* reliqui.

52) Adde p. 259, 6 *titulo* et *titulos*, p. 260, 23 *ut hoc*
et *ut hic*, p. 264, 27 *claruit* et *inclaruit*, 37 *parietis* et *perite*,
p. 268, 14 *Latinos* et *Latine* .f. p. 269, 35 *synthests* et *syn-*
taxis etc.

259, 14 *ethologias* Beroaldus pro *aethologias*, *ethiologias*, *ethimologias* | 30 *negavit* Stephanus, *negabat* Schottus | 31 *post huius* Leid. Par. Harl. ms Statii. *postinus*, *postunus*, *posthumius*, *post hoc*, *post hic* reliqui. *Saevius Postunus* idem *ABC Marcus docebit* Th Bergk, cfr. Aratus ap. Stephanum Byz. Γάργαρα | 37 *simul* Leid. Berol. *simulque* reliqui.

260, 1 *quia* Ernesti pro *qui quia* | 2 *inscripsisse* Wolf | 4 *L litteram* I Fr Gronovius pro *litteram* | 9 *Alexandriae* (et *quidem* Th Mommsen | 15 *pueri* Leid. Gud. Berol. *pueri adhuc* reliqui | 23 *ut hoc* vel *ut hic* omnes praeter ed Flor. | 25 *grammatica* Gud. Harl. Paris. ed Inc. cfr. p. 261, 22. *grammaticae* reliqui | 30 *suum* et *Ennii* omittit ed Ven. | 38 *repetiit* Leid. ed Inc. | 38 *non* omittit Leid. Berol.

261, 5 *peri alogon* Beroaldus, *περιαλγής* Toupius | 21 *marmorea* Leid. et Gud. supra verum, Bongarsius pro *marmoreo* | 32 *L. Aelium* Gros | 34 *filium* supplet Statius, *discipulum* Casaubonus, *servum* Oudendorpius | 34 *hermam*, in marg. *aere* Gud.

262, 1 *vindicavit* Paris. et Statius pro *vendicavit* | 14 *Sallustii* delet Bongarsius | 15 *Bursini* Gud. | 24 *Is scripsit* Leid. Gud. ed Mediol. pro *Inscripsit* | 29 *saecula per* maneat Mommsen | 29 *Diana* Gud. ed Flor. | 34 *assulas* Beroaldus pro *assylas* | 36 *Miretur* Leid. supra verum et Guyetus.

263, 1 *pergula* sub Mommsen | 8 *omnis* Paris. ed Inc. | 12 *filio quoque* Gud. Harl. Paris. ed Inc. pro *filioque* | 16 *Eros* Gud. et Scaliger pro *heros* | 16 *suomet aere* ego pro *uometre* vel *nametra* | 17 *litterarum* omittit Leid. ed Flor. | 22 *Memmi* ego. *Memmia* Leid. Gud. pro *Memmii* | 28 *Niciae* addidit ed Flor. | 30 *ποιητοῦ ἀν παρμεβεβλημένοι* et 36 *velim cum mihi ille iucundus esse non* addidit Aldus | 36 *possit* Aldus pro *possem*, *possum*, *possim* | 37 *Santra* Statius pro *satyra*.

264, 9 *Catonis verborum* vet ed Statii, Vinetus, Mommsen | 10 *Athenis* N Heinsius pro *catheis* vel *calenis* | 11 *suum* Leid. mss Statii, ed Flor. pro *suum domino* vel *domino suo* | 14 *Attici* Beroaldus pro *Satti* (*Attici Sati* Berol. ed Ven.) | 20 *itu ut* Leid. Gud. edd Flor. Inc. pro *ut* | 23 *Ver-*

gilium Gud. | 31 *eius* delet NHeinsius | 32 *ne quem* S Gelenius et Statius pro *neque* | 33 *Catulinae* ms Statii, Gud. in ordine, Leid. supra versum pro *Catilinae* | 36 *inferiore* Leid. ed Flor. | 36 *hemicyclium* Gud. ms Statii pro *hemicyclum* | 38 *Crassicius* Gud. pro *Crassilius*.

265, 3 *pergula* ed Ven. et Beroaldus pro *parcula* vel *percula* | 3 et 5 *Zmyrnae* et *Zmyrna* Gud. Harl. Paris. pro *Smyrnae* et *Smyrna* | 9 *Iulum* Wolf, sed cfr. ad p. 148, 20 | 11 *Sextii* NFaber | 19 *puerum* Leid. edd Flor. Inc. omittunt reliqui | 25 *Licino* Bergk pro *Licinio*, cfr. Orelli-Henzen inscriptt. no 644. 3124. 3260. 3 p. 316 | 35 *Quo delegante* Statius pro *Quod elegantem*.

266, 1 *inscribuntur* Leid. Gud. Vinetus pro *scribuntur* | 14 *verbo* Gud. Harl. Paris. pro *verba* | 17 *deicit* S Gelenius, quidam apud Casaubonum | 19 *Remmius* Statius. *Reminius* Leid. in ordine pro *Rhemmius* | 19 *Pa-laemon* Aldus pro *Palemon* | 19 *Vicetinus* Vinetus ex Hieronymo pro *Vicentinus* | 30 *praesagente* ed Ven. *praesa-giente* Beroaldus | 31 *Vergilio* Gud. | 33 *pepercisse* Leid. | 38 *insitam* ed Inc. et S Gelenius et Mommsen pro *institutam* | 38 *CCCLX* uvas Ursinus pro *CCCLXV* vasa.

267, 10 *repeteret* Schottus pro *repetere* | 11 *omnes contemni* Leid. Berol. ed Flor. *contemni*, in margine *omnes* Gud. *se contemni* Harl. Paris. edd Inc. Ven. | 17 *unum vel alterum* Leid. ed Flor. sed cfr. p. 113, 11. 227, 6. 269, 22. 297, 34 | 18 *pomeridianis* Aldus | 20 *perraro*. *Nimis pauca* Vinetus et Statius pro *perraro nimis*. *Pauca*

268, 2 *grammatica sero* Beroaldus | 3 *paululo* Leid. | 5 *S. C.* et *C.* omittunt libri, addidit Stephanus ex Gellio 15, 11. *S. Cōf.* post *rhetoribus* v. 8 addiderat ed Ven. | 11 *ita edixerunt* Berol. ed Ven. pro *ita dixerunt*, *item dixerunt*, *item edixerunt* | 12 *renuntiatum* ed Ven. pro *nae (ne) renuntiatum* | 14 *convenient* Leid. | 14 *Latinos* Gud. Berol. ed Ven. *Latine .f.* vel *scilicet* Gud. in margine, Leid. Harl. Paris. edd Inc. Flor. | 20 *consuerunt* Berol. ed Flor. pro *consueverunt* | 20 *visum est* Stephanus e Gellio 15, 11 | 21 *nostra sententia* Gud. secunda manu et Guyetus | 25 *consulibus* delet NFaber | 31 *bis quoque* Gud.

269, 6 *non una* Leid. | 13 *tum ... tum* Berol. ed Inc. Stephanus, Vinetus pro *dum ... dum* | 14 *aut historiis demere* Stephanus | 16 *exoleverunt* Beroaldus pro *exoluerunt* | 18 *tradebantur* Harl. Paris. | 24 *Ostiam* Gud. pro *hostiam* | 28 *affuit* Leid. Berol. ms Statii, ed Flor. *infuit* Gud. ms Statii, ed Inc. *fuit* Harl. Paris. ed Ven. | 32 *imposuerunt* Gud. Paris. pro *imposuere* | 34 *liber* delet Stephanus | 34 *libertatem* Vinetus pro *libertate* | 35 *appellatione Graeca* Schottus, sed cfr. v. 20 | 35 *syntaxis* Gud. ed Flor. *theses* Ernesti. ὑποθέσεις NFaber.

270, 5 *mihidem* Leid. | 9 *significat* Muretus pro *significabat* cfr. p. 261, 9. 297, 19. | 10 *ordinarium* Leid. ms Statii, ed Flor. | 13 *Vollacilius* Harl. Paris. ed Inc. Index, Hieronymus. *Volcatius* Berol. ed Ven. *Otacilius* Leid. Gud. ed Flor. | 13 *Plautus* sive *Plotus* Hieronymus. *Plutius* ed Ven. *Pilius* Aldus | 13 *ostiarius* Berol. pro *hostiarius* | 14 *et studia* Leid. | 20. 21 *ad id tempus*. *M. Epidius* ego pro *Ad id tempus Epidius*, cfr. p. 125, 11. 162, 8. 238, 1. *M. Epidius* Index | 23 *C.* delet Dion Vossius quia *Ti.* oportuit | 26 *se ab* Berol. Harl. Paris. edd Inc. Ven. *se a C.* Leid. Gud. ed Flor. | 26 *Nucerino* Beroaldus pro *Nuncino*, *Nucino*, *Nunciono*, *Nuntio*, *Mancino*, *Minemo* | 32 *extrisse* pro *extricte* Statius. *extitisse* Harl. Paris. ed Inc. | 32 *in eiusdem* Guyetus | 36 *Adhibes* Beroaldus pro *tibi et* | 37 *compotorum* Stephanus pro *competitorum* | 38 *cui addidit* Beroaldus | 38 *in te quae* Beroaldus pro *in quem* | 38 *salsum* Leid. (?) et Beroaldus pro *falsum*.

271, 1 *in te addidit* Beroaldus | 1 *dicta addidit* Stephanus | 5 *immunia* Beroaldus pro *immuni* | 6 *Albucius* NFaber pro *Albutius* | 13 *demittere* Iac Gronovius pro *dimittere* | 14 *incipere* Harl. manu secunda, Paris. et Faernus pro *in opere* | 16 *autem* Berol. ed Ven. pro *aut* | 16 *genere* Stephanus, Vinetus pro *gemere* | 18 *tantum non* NFaber et Pithoeus pro *tamen non vel tantum modo* | 28 *cohibente lictore* Stephanus | 28 *et ita* ego pro *ita*.

Pro subscriptione habent *Amplius repertum non est adhuc*. *desunt rhetores XI.* Leid. *vacat in exemplari Neapolitanus*, *nil amplius reperitur* ed Flor.

Deperditorum Suetonii librorum reliquias pri- Fragmenta.
 mus Isaacus Casaubonus in priore editione sua a. 1595
 collegit addiditque nonnullas in secunda a. 1610 vul-
 gata⁵³). Ei syllogae postquam Schildius Terentii vitam
 et Iacobus Gronovius a. 1698 tria fragmenta p. 281, 25.
 302, 17. 304, 32 adiecit, posteriores editores nihil quod
 adderent habuisse videntur. Nostra aetate cum de sin-
 gulis quibusdam partibus complures, tum de universis
 Suetonii scriptis laudabiliter Iosephus Regent Vratisla-
 viae a. 1856 commentatus est. Equidem in disponendis
 Tranquilli libris Suidam ducem sequendum esse existi-
 mavi, qui etsi auctore ignoto usus est tamen nulla in re
 falsa tradidisse videtur; in ordinandis vero librorum par-
 ticulis internam quandam probabilitatem sectari necessa-
 rio satis habui.

Suetonium libros non conscripsisse nisi Latina lin- Libri ludieri
 gua omnes adhuc credidisse video; neque ego si aliter
 statuo, certo aliquo vel testimonio vel argumento utor.
 Sed mirum tamen videtur, quod aliquot librorum mentio-
 nem a Latinis nullam, contra satis frequentem a Graecis
 scriptoribus factam animadverto. Possit hoc aliquis ita
 explicare velle, ut insignia quaedam loca, sicut haud
 dubie in libris de vita Caesarum factum est, aut libellos
 etiam quosdam integros a Graecis sermonis Latini peri-
 tis conversos dicat. Verum talis opinio rei expediendae
 non videtur satis facere posse. Tanta enim est inter-
 dum allatorum a Suetonio e veteribus Graecorum scri-
 ptoribus multitudo vel versuum vel proverbiorum, tanta
 in explicandis Graecorum moribus ac vocabulorum origi-
 nibus rimandis diligentia atque ubertas, ut quibus lecto-
 ribus nisi Graecis haec scripta arbitrare, quo sermone
 nisi Graeco composita dicas vix reperiatis. Perlegat mihi

53) In secunda accesserunt p. 276, 9. 280, 8 et 33.
 282, 8. 287, 38. 299, 13. 303, 31. 304, 4. 306, 24. Harum
 aliquam partem Petro Pithoeo deberi puto, cfr. Casauboni
 epist. ed. Graev. p. 110. Lucani vitam a Theodoro Cantero
 accepit a. 1596, ut ex Casauboni epistolis ed. Almelov. p. 646
 intelligitur.

aliquis ea quae p. 275—278 de ludis Graecorum oblectamentisque convivalibus, tum quae p. 282 de conviciis et maledictis apud eosdem usitatis relata sunt, neque dubito quin mihi assensurus sit, cum illos libellos Graeco sermone scriptos fuisse iudico. Nec per se improbabile est, utroque sermone scripsisse hominem ab aetate Frontonis, Favorini, Marci Antonini haud ita longe remotum.

In libris ludorum hoc quoque addi posse videtur. Si ut Romanorum ita Graecorum quoque ludos Tranquillus Latine exposuit, cur non potius quattuor libros ludicae rei coniunctim edidit, quorum duo Graecorum, totidem Romanorum ludos, et alter quidem pueriles convivalesque iocos, alter certamina ac spectacula publica contineret? Sed clare traditum est, nec causam ambigendi video, uno libro Graecorum iocos, duobus Romanorum spectacula et certamina fuisse exposita, i. e. ab originibus repetita et veterum scriptorum testimoniis illustrata. Neque ullum reperio spectaculorum Graeciae tractatorum vestigium. Inde conficio, ut hi tituli non pro unius corporis partibus habeantur, quod multis placuit, sed probe distinguantur. Alterum opus monobiblon Graece scriptum Graecorum lusus iocosque tractabat, alterum Latinum Romanorum primo libro rem scenicam, secundo circenses explicabat. Titulum p. 278, 36 qui est in libro de puerorum lusibus suspectum habeo, nec solis puerilibus ludis librum de duobus alterum repletum fuisse credo. Sed utrum Servio pro *in libro* scribendum fuerit *in capite*, an diversum omnino a superioribus hoc opus tertiumque de re ludica Tranquillus scripserit, non decerno. Casaubonus *de Graecorum lusibus* reponebat. Ceterum opus multa rerum varietate conspicuum Tertuliano et Diomedii etiam non monentibus usui fuit. Sed nonnulla, ut ea quae p. 279, 27 de *congiariis* a Numa rege populo datis et p. 280, 28 de origine vocabuli *sica* nimis nugatorie traduntur, falso ad Suetonium auctorem relata arbitror. In ultimo frusto p. 280, 36 vocabulum *viros* excidisse videtur; nec minus epigramma excidit, qualia Martialis 8, 43. 9, 78. 10, 43 lusit.

Ex eo libro, qui sexto loco ponitur de nominibus⁵⁴⁾ et genere vestium, haud scio an Nonius Marcellus capite XIV, quod est de genere vestimentorum cum testimoniis, particulas decerpserit non contemnendas; solet enim ille auctorum suorum ut Gellii scrinia tacite expilare. Sed eum locum, qui p. 281, 25 legitur de trabearum generibus a Numa Pompilio inventis, Suetonii ut credam, Byzantini fabulatores non persuadent; certe Servio potius fidem habeo non nimium dissimilia p. 282, 3 e Suetonio proferenti, nec ignoraverunt illi Graeculi Servianum commentarium. Habet quidem Ioannes Lydus illis similia, et Chrysostomus quoque ad 1 Corinth. homilia XXVI non licere ait sine cingulo et chlamyde ad Caesarem ingredi; sed ante Diocletianum, de quo Eutropius 9, 26 videndus est, talia scribi potuisse nego.

De maledictis librum Graece scriptum videri, paulo ante significavi. De sordidiore argumenti genere comparare licet cum aliorum scriptiones, tum ipsius Tranquilli libellum qui fuit de meretricibus p. 302, 15.

De
maledictis.

Ad Romana instituta referri ea quae de triumpho agunt, instituto mere Romano neque usquam nisi Romae agi solito, mirum commentum dixit Bernhardy, mire sane miratus. De vocabulo quod est triumphus eiusque origine similia eorum quae Tranquillus docuisse fertur, Zonaras quoque tradit 12, 32 t. 2 p. 619 Bonn.

Romana in-
stituta.

De libris de vita Caesarum supra singulatim dictum est.

De Romanorum viris illustribus qui olim scripserant, Varro Santra Nepos Hyginus⁵⁵⁾, eos Sue-

De viris
illustribus

54) Ineptum *κνρίων*, quod apud Suidam post *ὀνομαίων* legitur, me invito typotheta omisit. Sed certe hac in re plane divinum hominem dixeris, qui cum sagacissimo Bernhardy casu in idem incidit.

55) Hos ita Hieronymus coniungit infra p. 287, 35. Verbo commemorandus etiam est 'Tarquiti' de illustribus viris disserens' apud Lactantium div. inst. 1, 10, 1 eoque magis quod fuerunt qui Tranquilli nomen reponerent. Sed

lonius ita secutus est, ut viros rebus bellicis civilique virtute claros excluderet⁵⁶) et solos eos, qui litteris id est libris scribendis inclaruissent, perscriberet⁵⁷). Et quantum iudicare hodie licet, opus condidit fide brevitate rerumque varietate sic excellens, ut non mediocrem doctorum hominum plausum ferret. Nam et integras nonnumquam vitas inde decerptas codicibus poetarum aliorumque scriptorum commentatores solebant praefigere, et Hieronymus Stridonensis, qui de doctissimis veteris ecclesiae doctoribus fuit, has vitas tanti fecit, ut non modo a. 380 in convertendo augendoque Eusebii chronico multas inde particulas 'curiosissime excerptas' admisceret, sed etiam a. 392 in catalogo suo ecclesiasticorum scriptorum componendo hunc potissimum quem imitaretur ducem et exemplum sibi sumeret. Denique aliquot paginas eius operis integras anno circiter 1452 Enoc Asculanus ex Germaniae partibus in Italiam attulit. Libellum enim de Grammaticis et rhetoribus superstitem libri de Viris illustribus particulam esse, et statim intellectum est, ut a Pontano p. 288, et Hieronymi excerptis abunde confirmatur.

Itaque speciem eorum librorum communem hanc fuisse dicas, ut in singulorum principiis Suetonius de arte vel disciplina exponeret nonnulla coniunctim, quae

de Tarquitio iam G. I. Vossius bene exposuit. Antiquissima memoria apud Vergilium exstat Catalecton 7, 3 sive Anthologiae Meyer. no. 90.

56) Id et Hieronymi verba et ipsa fragmenta docent. Iniuria igitur loco p. 283, 1 qui de Ventidio Basso est Vinetus et alii abusi sunt, ut de ducibus quoque illustribus librum fuisse persuaderent. Ne de regibus quidem librum in illustribus fuisse, locus Ausonii declarat infra p. 303, 19 alatus. De Viris illustribus, qui Plinii nomine circumferuntur, Suetonio tributis infra p. CII sq. dicam.

57) Scriptorum illustrium potius quam Virorum illustrium libros inscriptos fuisse Vinetus arbitrabatur (isque sui ipse immemor, qui de Ducibus quoque librum statuisset) et Casaubonus libros Virorum in litteris illustrium appellavit, uterque Hieronymo et Suida invitis.

initia, quae incrementa, quas mutationes habuerit, tum de claris scriptoribus (cfr. p. 259, 24. 269, 37) singulatim ageret, temporumque ordinem secutus eorum vitam et scripta breviter perscriberet. Quam vero diligenter singula⁵⁸⁾ perscrutatus sit auctorumque testimoniis confirmaverit, praeclaro exemplo Terentii vita demonstrat.

Hac editione libellum quidem de Grammaticis et rhetoribus, ut adhuc fuit, separatim reliquimus; ceteras autem reliquias ita inter se composuimus, ut vitas quae supersunt integrae cum brevibus illis chronici Hieronymiani notationibus coniungeremus ac pro librorum et temporum ratione disposeremus. Meminerit igitur lector, ea loca Hieronymi singula pro tenui quadam umbra copiosarum vitarum, quales nonnullas fortuna servavit, esse habenda, universa vero ne dimidia quidem partis operis a Tranquillo scripti nomina prodere ac memoriam. Nam cum grammaticorum XXII superstitem Hieronymus non amplius quinque, rhetorum autem XVI tantum decem mentione dignos iudicaverit, itaque de vitis XXXVIII quindecim reddat aliquo modo in epitomen contractas: plus quam dimidiam partem Illustrium virorum, quorum vitas a Suetonio plene scriptas manibus tenebat, praetermisisse et quod in eo fuit oblivioni tradidisse dici poterit⁵⁹⁾. Sed iniqui ne simus, gratia ei potius habenda erit eorum quae servavit quam irascendum propter ea quae suppressit.

Et vere Suetonio reddenda esse omnia fere quae de Romanis scriptoribus⁶⁰⁾ apud Hieronymum leguntur, post Pontacum et Scaligerum, Eusebiani chronici edito-

58) Ita quae p. 258, 12 leguntur, Varroni debentur, cfr. Plinius n. h. 25 § 24.

59) Vide modo oratores p. 289 et historicos p. 300, quorum non antiquiores commemoravit Cicerone et Cornelio Nepote.

60) Non omnino omnia; nam aliunde petitum est v. c. id quod Remmio Palaemoni subiunxit: *qui quondam interrogatus quid inter stillam et guttam interesset, gutta inquit stat stilla cadit*. Vide etiam infra adnot. 63.

res, tot docti homines intellexerunt nostraque aetate Fridericus Ritschl in *Parergis* 1 p. 619, Carolus Fridericus Hermann in *programme Göttingae* a. 1848 edito, Theodorus Mommsen in *dissertationibus societatis Saxonicae* 1 p. 673 tam luculente demonstraverunt, ut res pro confecta haberi debeat. Itaque excusatione opus non erit, quod illa Hieronymi additamenta in hoc Suetonianarum reliquiarum corpus recepi. Cum tamen vel illis egregiis iudiciis dubitationes aliquot relictæ sint, p. 272, 28 et p. 301, 18 ea seposui, quorum auctor Suetonius utrum sit necne etiam nunc incertum est. Recipere ausus non sum, quamquam fortasse eidem Suetonio debitas, notationes nonnullas a Cassiodorio ad annos ab urbe condita 515. 568. 639. 769 Varr. adscriptas, de quibus Theodorus Bergk benevole me commonefecerat.

Singulis particulis numeros annorum ab u. c. subdidi, quos Hieronymo addere placuit, eosque simplices, ubi editiones conspirare, complures, ubi variare inter se videbam. Eius modi numeros consulatibus finitos Tranquillus, ut integrae vitae demonstrant, raro prodiderat ipse; plerosque Hieronymus adscripsit, suis ratiocinationibus usus persaepe vel errore vel festinatione vitiosis. Qua de re Ritschl in *Parergis* p. 623 et van Heusde in *Epistola de Lucilio* p. 7 egerunt.

Quot libris Tranquillus illustres viros perscripserit, neque a Suida proditum est neque coniecturis investigatum. Hoc tantum pro certo affirmare licet, praeter superstitem libellum qui de Grammaticis et rhetoribus est, singulos libros fuisse de Oratoribus, de Poetis⁶¹⁾, de Historicis. Neque tamen causam video idoneam, cur reliquos scriptores, ut iurisconsultos ac maxime philosophos Illustrium virorum appellatione et honore privatos a Tranquillo ex-

61) Poetas duobus libris expositos fuisse Mommsen opinatur, altero epicos et lyricos, altero comoediarum et tragoediarum et mimorum scriptores.

istinem. Me quidem contradicentem non habebit, qui totum corpus Latinarum litterarum historiae Suetonianae septem vel octo libellis constitisse sibi persuaserit.

Fortasse quaerat aliquis ecquid exstet indicii, unde eluceat quo potissimum tempore Suetonius hos libros edidisse videatur; neque praetermittenda sunt quae ad eam rem diiudicandam pertineant. Quod si illustrium virorum ab illo scriptorum aetate postremos contulerimus cum iis quos non scripsit, probabile iudicium facere videbimur; vivorum enim nominibus et vitis abstinuit necessario.

Commemoravit igitur p. 272 Quintilianum, Isaeum, Iulium Tironem rhetores, quos antequam libri de Illustribus viris ederentur diem obisse oportet. Iam Quintilianus vel Domitiano vel Nerva imperante fato concessit⁶²⁾, Isaeus sub initia principatus Traiani annum sexagesimum excesserat teste Plinio epist. 2, 3, 5. cfr. Iuvenalis 3, 74; Iulium Tironem, quem nonnulli imperite cum Ciceronis liberto (cfr. p. 289, 14) confuderunt, idem Plinius epist. 6, 31 mortuum esse tradit cum Traianus in Dacia esset, i. e. anno 105 vel 106. Hinc certissime sequitur, ut post annum 106 hi libri editi sint.

Nunc videndum de iis quos Tranquillus non scripsit. Eorum tres nomino, Iuvenalem Tacitum Plinium⁶³⁾. Iuvenalis vitarum, quas editas vide apud Ottonem Iahn p. 386, nullam Suetonii ac ne satis quidem vetustam esse, iam inter omnes constat; singulae enim plus minusve fabulosae sunt et nulla fide dignae, cum de ipsa poetae aetate taceant aut falsa tradant, quem a. 127 in vivis

62) Falso viventem nonnulli a Plinio et Iuvenale commemorari voluerunt. Pliniana epistola 6, 32 si vere ad Quintilianum data est, nihil causae apparet cur de Fabio magis quam de Nonio capiatur; rhetorem omnia excludunt, cfr. 2, 14, 9. 6, 6, 3. Iuvenalis locus 7, 189 de mortuo agit, cum ille non soleat nisi mortuos carpere.

63) Nam de Salvio Iuliano et Frontone et Ulpiano, quos Hermann, credo ut centenarium numerum compleret, postremos fecit, Hieronymus Eutropium lib. VIII. auctorem habuit.

fuisse compertum est. Hinc patet quam male superiorum nonnulli ut Salmasius unam earum vitarum Suetonio tribuerint; praeterea nulla librorum auctoritate hoc fecerunt, et redarguit eos Hieronymi in chronico et Diomedis in satiricorum enumeratione de Iuvenale silentium. Deinde Tacitum scimus a. 116 Annalibus scribendis (Annal. 2, 61. 4, 4) operam dedisse, cuius de vita ac morte nec Hieronymus nec alius quisquam prodidit. Sed ne Plinii quidem amicissimi hominis et optime de se meriti ullam mentionem Tranquillus in suis Illustribus fecerat, ut nondum mortui. Alioquin fieri non potuisset, ut Hieronymus⁶⁴) cum omnibus fere posterioribus ex duobus Pliniis unum faceret et quae apud Tertullianum apolog. 2. de Plinii ad Traianum epistola meminerat scripta, ea cum Suetoniana vita Plinii maioris tam misere coniungeret quam factum videmus p. 300, 27. Atqui ex inscriptione testamentaria (Orelli-Henzen inscriptt. 3 p. 124) Plinium ante a. 114 mortuum esse intelligitur.

Ex iis quae disputavi sequitur ut Suetonius Viros suos illustres intra annos 106 et 113 scripserit. Ac nisi animus me fallit, illa Tranquilli volumina sive libelli, quos perfectos iam et absolutos Plinius epist. 5, 10 sed nimia cunctatione edendi nondum vulgatos queritur, non alii sunt atque Illustrium libelli, quos amici admonitione impulsus ante iter in Bithyniam susceptum videri potest emisisse.

De singulis Hieronymi locis quaerere nostri instituti non est, et commodius ab C. Fr. Hermannno quae rerum veritatem spectant petentur. Neque tamen de Livio Andronico p. 291, 12 Cassiodorii verba praetermittam, qui ad a. 515 *His consulibus inquit ludis Romanis primum tragoedia et comoedia a L. Livio ad scaenam data.*

Terentii
vita.

P. Terentii vitam p. 292, 1—295, 1 Aelius Donatus quod in prologum commentii sui Terentiani recepit, integram nobis servavit. Vetustissimas editiones inde

64) Numeros p. Chr. n. 107—109 Hieronymus, 113 Cassiodorius, 117 Prosper Plinio dederunt.

ab a. 1472 impressas Hain enumerat no. 6382 sqq. De emendanda bene meruerunt Robertus Stephanus⁶⁵⁾ a. 1529 et Fridericus Lindenbrogius a. 1602, uterque Parisiis et Parisinis subsidiis usus. Et plurima, nisi omnia fallunt, codici Regio 7920 Saec. XI. debuerunt, quem ego quoque benevolentia Iacobi Hunziker diligentissime collatum habui. Eius libri tanta est praestantia, ut vel post Stephanum et Lindenbrogium bonarum lectionum mihi quoque spicilegium relictum fuerit haudquaquam paenitendum. Non nulli usui fuit et Lindenbrogio, ut suspicor, et mihi alter codex Parisinus 7921 Saec. XV. chartaceus, ab eodem amico examinatus; sed is veterum editionum⁶⁶⁾ tam similis est, ut emendantis studium parum adiuvet. Eandemque Leidensis codicis rationem esse ab Ritschelio certior factus sum; nam de Theodori Boendermakeri Ultraiectini exemplo nihil ad Terentianam vitam Westerhovius attulit. Ceterum hic brevitati eo magis studere licebit, quod et de summa re critica et de singulis plerisque copiosius exposui in Museo Rhenano 12 p. 174, quo studiosos lectores delegeo. Meminerit igitur qui hoc exemplum cum prioribus conferre volet, nusquam Parisinorum codicum ac praecipue vetustioris auctoritatem a me desertam esse nisi lectore monito.

292, 2 *serviit* ego pro *servit* vel *servivit* | 7 *sit* Aldus a. 1517 pro *est* | 7 *ad dominum Romanum* Iac Gronovius. *adduci Romam ibique venire* Schopen, cfr. p. 265, 20. Gellius 5, 14, 26 | 17 *vocem divinam* Muretus a. 1555 pro *vocem dum et* vel *voce divina* | 18 *Philum* ego pro *firum* vel *furium* | 19 *ab hisce* Aldus. Ad lacunam explendam *propter* (vel *ob*) *morum elegantiam*: *Redis* addiderim, cfr. Mus. Rhen. 12 p. 187 | 23 *Mortuust Stymp halo* ego

65) Nam quod in Museo Rhenano 12 p. 174 modo suspicatus eram videri Erasmus nihil nisi Stephani editionem repetisse, id postea ita se habere cognovi Stephanus enim ex veteri codice Donati commentum multis locis castigavit. Erasmus paucula modo et ex ingenio mutavit.

66) Quibus in conferendis me adiuverunt amicissime Ioannes Zündel Bernas et Gustavus Becker Lübecensis.

pro *Mortuus est in falo (phalo)* | 23 *in oppido* ego pro *oppido* | 24 *nil ter Wolf* pro *nil* | 25 *id Wolf* pro *idem* | 29 et 34 *Caecilio et Caecilii Crinitus et Muretus* pro *Caerio et Caerii* ex p. 291, 38; etiam p. 294, 25 Parisinus prior *Celio* habet | 30 *dicitur Th Mommsen*; totus vers. et amplius a Parisino priore abest | 35 *dinumeratione Schopen* pro *denumeratione vel de enumeratione* | 37 *Hecyra sumnota Th Mommsen* | 38 *die* omittunt veteres edd. pro *nova* Ritschl.

293, 6 *eamque Schopen* pro *namque vel eandem* | 8 *isti edd.* pro *ipsi* | 11 *cum Aldus* pro *quod* | 14 *tempore* omittunt Parisini | 19 *domui* ego pro *demu vel domi* | 28 *Santra Erasmus* pro *Satra* | 32 *Popillio Muretus* pro *Popilio, Pompilio, Popillo* | 34 *dicantur* ego pro *dicuntur vel dicerentur* | 37 *qua Ascensius a. 1504 et Hare* pro *qui vel quia*, cfr. p. 59, 23.

294, 1 *percipiendi edd.* pro *percipienda*; addi quoque potuit *ad* | 3 *egressus urbem est Stephanus* | 6 *et navem ut* pro *navem (navim) ut* ego. *navim cum edd.* | 9 *e Menandro Schildius a. 1656*, sed cfr. Cicero de finibus 1, 3, 7. Gellius 2, 23, 6. Donatus in appendice huius vitae | 10 *Arcadiae Stymphalo sive Leucadia Erasmus. sinu Leucadiae Parisinus posterior, Edd.* | 12 *ex* ego pro *ac ex vel acri* | 16 *in via Burmannus*, sed cfr. p. 116, 15. 147, 28. 208, 29. 231, 19. 252, 9. 291, 25. 295, 14 | 16 *villam* delet Schopen, sed cfr. p. 113, 28 | 16 *Quo magis miror etc.* delet Bothe, sed cfr. p. 162, 17. 262, 10 | 18 *nil Publius Scipio profuit, nil ei Laelius Aldus* ex p. 292, 23 | 19 *id Wolf* pro *idem* | 24 *dices Ascensius, Aldus* | 25 *Vulcatius Seb Brant a. 1503* pro *Vulcanus* | 33 *tu in summis o Stephanus* pro *tu in summisso vel tam summisso* | 37 *neve* pro *neque* ego. *neque in edd.* | 37 *despectus edd.* pro *despecta ex vel despecta* | 38 *ac* ego pro *au vel et*.

Horatii vita.

Q. Horatii Flacci vitam ab aliquo⁶⁷⁾ veterum

67) Fortasse Acrone, cum Porphyrio ipsum se dicat de vita poetae narrationem scripsisse, ad Satir. 1, 6, 41.

commentatorum Horatii servatam primum⁶⁸) a. 1548 Petrus Nannius Alcmariensis miscellaneorum p. 72, tum in Horatianis editionibus Muretus a. 1555, Lambinus a. 1567 et Cruquius a. 1578 vulgaverunt. Haec exempla tam multis rebus inter se differunt, ut sane mirandum sit qua ratione omnia ex uno eodemque vetere libro hausta esse dicantur; quippe codice, qui Gandavi in bibliotheca S. Petri Blandinia asservabatur, antiquissimo Nannius per se et Mureti gratia Antonius Morillonus, denique Cruquius usi esse volunt. Et Cruquius quidem minimum negotii facessit, cum totus fere ex Mureto et Lambino pendeat, interdum ad Nannium inclinet, semel tantummodo scripto libro aliquid debeat⁶⁹). Porro Lambinus ne tantillum quidem e vetere libro desumpsit; sed is compositis Nannii et Mureti exemplis 'emendatiorem' ut ipse ait, ut mihi videtur corruptiorem scriptionem reddidit sui ingenii placitis. At Muretus tot lectiones proprias Nannioque ignoratas habet easque tam diversa natura, ut alter quidam codex Morillono qui eius auctor est praesto fuisse debeat, cuius ille collatione emendatum Nannianum exemplum e Flandria Venetias miserit⁷⁰).

68) Diu ante Nannium Petrus Crinitus eam vitam sibi notam fuisse significavit, de poetis Lat. 3, 38. Memoria non indignum est, quae a Suetonio referuntur Augusti ad Flaccum epistolae 'confictas illi visas esse neque dignas tanto principe eiusque summa eruditione'. Criniti librum editum vidi a. 1508, sed antiquior editio exstare dicitur de a. 1500.

69) Vocabulum *quosdam* p. 298, 2 et in scriptis exstat neque a quoquam ante Cruquium typis impressum est. Sed p. 297, 3 *Quintus*, 4 *quidem*, 10 *in gratiam*, 12 *demonstratur*, 15 *hinno me*, 18 *ut hoc*, 24 *suggestere*, 33 *putissimum*, p. 298, 15 *ne accusem brevitatem* Lambino obsecutus, p. 297, 5 *exprobrasset in altercatione*, 16 *extremis Esquiliis*, 29 *habeo*, p. 298, 27 *epistola obscura* suo genio indulgens, utraque sine librorum auctoritate scripsit. Praeterea p. 297, 36 *deprehendisse se* 'in Blandiniis manuscriptis' lacunam ait, de qua explenda desperaret.

70) Hoc aliquot exemplis demonstrandum esse intelligo. Multa quidem ab Nannio nimia festinatione corrupta Morillonus ex eodem libro diligentius inspecto correxisse potest, ut

De meis libris Gandavensi exemplo Nannii simillimum esse video Parisinum 8214, in quo pariter p. 297, 10 *deinde et locum in amborum amicitia*, 21 *a te*, 22 *iuvabit*, p. 298, 19 *οικωαντατος*, 24 *tiburtini* scripta reperio; ad Morilloni sive Mureti Gandavensem proxime accedit Parisinus 7972.

Scripta exempla Horatianae vitae, quantum ego compertum habeo, XI numero exstant, Parisiis quinque, Bonnae Guelferbyti Vratislaviae Monachii Venetiis Romae singula⁷¹). Eorum novem ita cognita sunt ut vel do

cum vocabula rectius ordinat, vel cum p. 297, 6 *brachio se pro cubito*, 26 *convictor* pro *victor* scribit, 12 *ubi inquit* et p. 298, 12 *Item Horatius* omittit, p. 297, 31 *enim*, 32 *eum*, 38 *suorum*, p. 298, 2 *vero*, 17 *corpusculum non*, 24 *meas* addit; potest inquam, si Nannio insignem in describendo socordiam imputare volumus. Sed non potest p. 297, 10 *mox* pro *deinde* et p. 298, 19 *οικωλήστατος* pro *οικωαντατος* in eodem libro invenisse, cum etiam meorum librorum pars hoc, pars illud ostendat. Apparet igitur alter quidam codex; quem tamen ne descriptum a Morillono sed tantummodo collatum existimes, lectiones nonnullae argumento sunt ex Nanniano superstitēs, quas, si vitam exscripsisset integram, correctas oportuit. Sic p. 297, 12 *monstratur* et 298, 17 *sed si tibi*, 23 *domusque eius* relicta, p. 297, 16 *iudiciis* et 298, 6 *ad se* omīssa, maxime p. 297, 36 *credidit* receptum, quae omnia in nullo praeterea libro exstant, certissima sunt exempli Nanniani vestigia.

71) Parisini codices regii hi sunt: 7971 olim Floriacensis, 7972 olim Ioannis Iacobi Mentell. 7974 a Dionysio Gothofredo Puteanis fratribus dono datus, 7977 olim Nicolai de Clemangiis, 8214 Colbertinus, omnes Saec. X. Post Rutgersium et Vanderburgium ego cunctos contuli a. 1855, vid. Philologus Schneidewini 10 p. 310 sqq. — Bonnae in bibliotheca Eduardi Heine liber Barcinone in Hispania comparatus servatur, saec. X scriptus et a Francisco Ritter in edito a. 1856 Horatio collatus. — Guelferbytanum codicem Helmst. 338 Ferrariae a. 1461 scriptum ait Ebert p. 91. — Vratislaviensem Rehdigeranum Sect. I. 5. 4 chartaceum satisque recentem C. E. Gläser excerpsit in Museo Rhenano a. 1848 p. 440. — Monacensis 375 saec. XII. Carolus Kirchner Novarum quaestionum p. 43. 46 mentionem fecit. — Venetum S. Marci class. XIV. no. 202 Iosephus Valentinelli in litteris ad me datis commemoravit. — E Vaticano Reginae

singulis verbis vel de universo genere iudicare liceat. Distinguendi enim sunt ab integris libris quos impressa exempla referunt ii codices, qui amplius dimidia parte breviores sunt, Parisinum dico 7977, Bonnensem, Monacensem, Vaticanum⁷²⁾. Ii enim libri de 69 versiculis, quos in nostro exemplo Horatii vita complectitur, non plus quam 30 servaverunt, excidere passi verba p. 297, 15 *Augustus* et quae sequuntur usque ad p. 298, 11 *Caesar*, tum 23 *domusque* — 27 *tenebatur*, postremo 30 *post* — 33 *tabulas*. Tam brevem Horatii vitam fortasse aliquis interpolationum quarundam memor antiquissimam et genuinam putet; verum si proprius rem inspexerit, omissa deprehendet ea quae omnium minime abesse possunt⁷³⁾, contra suspecta omnia tenacissime servata. Itaque ea brevis librario alicui debetur, qui inutili scilicet verborum prolixitati omitendo medendum existimavit.

Sequuntur ea loca, quae in libris minus bene se habere visa sunt.

1701 Carolus Fea nonnulla protulit. — Non numeravi collegii Genblacensis codicem antiquissimum, in quo Pulmannus eandem vitam reperisse se ait.

72) Haec ita plane uti perscribo in Parisino libro se habere scito. Nam de reliquis res paulo obscurior est. In Bonnensi magna illa lacuna omnino eadem indicatur, sed extrema inde a vocabulo *domusque* pauca illa et erasa abesse omnia dicuntur. In Monacensi libro 'deficere mediam fere partem' Kirchner p. 43 testatus est. De Vaticani lacunis Fea nihil tradidit, sed tam allatae ex parte superstitae lectiones quam non allatae in partibus interceptis (sine auctore p. 297, 21 *ingerere* commemoravit Ritter) eum librum mutilatis accensendum esse arguunt.

73) Nam eorum quae in prima lacuna exciderunt (non improbante Crinito, cfr. adnot. 68.) Horatiana scholia supra p. 296, 35 et 39 bis nominatim mentionem fecerunt. Ne postremus quidem locus excipiendus est, cui non omissione sed emendatione subveniendum esse iudico. Vitiosum enim illud *nonum* scribae non Suetonio imputo, cum et Hieronymus *LVII* recte habeat et in alia Horatii vita, quae ex Suetoniana excerpta est (Kirchner nov. quaest. p. 44) *septuagesimo septimo* scriptum sit.

297, 4 *vero* Muretus. *fere* Casaubonus | 5 *traditum est* Lambinus. Totum locum *ut vere* — *emungentem* Christianus Iani deleri vult collato Auctore ad Herennium 4, 54. Adde Macrobius Saturn. 7, 3, 6. Plutarchum Moral. p. 631 D. Diogenem Laertium 4, 46. Suidam s. v. ἀγκών. Proverb. Schott. 1, 9. | 10 *Augusto in gratiam insinuatus* Lambinus | 11 *dilexerit* Par 7977. Bonn. Muretus et Vinetus pro *dilexit* | 14 *tu tuum* Muretus pro *tutum* | 15 *innulo* ego. *hinnulo* Oudendorpius, cfr. Nonius p. 122, 6. Plinius n. h. 8 § 172. *hinno me* Lambinus. *mulo me* Baumgarten-Crusius. *Ninnio* P. Pithoeus. *mimo, minio, nimio, muno, ninio* libri | 18 *obtulit, ut hoc* Lambinus | 21 *a te* Par 8214, Nannius pro *te* | *adducere* Par 8214, Muretus | *igitur* Muretus | 24 *suggerere destitit* Lambinus | 32 ἀνθυπερηφανούμεν Casaubonus. ἀνθυπερηφανεύομεν Nannius. ὑπερηφανεύομεθα Lambinus. ἀνθυπερηφανούμεν Muretus pro ANΘΠΕΡΕΦΑΝΟΥΜΕΝ | 33 *puttissimum* Lambinus | *penem* Muretus pro *paene, poenae, pene* | 36 *perpetuo* Edd. cfr. Gellius 2, 12, 1.

298, 3 *mentionem factam* Lambinus | *Iratum* Lambinus | 4 *loqueris* Henr Stephanus | 6 *ad se* omittunt Edd. | 12 *Item Horatius habitu* ms Nannii | *brevis fuit* Edd. | 14 *Dionysius* Nannius. *Onesimus* Gläser. *Anysius* est apud Lydum p. 61, 20 Bonn. | *ut a causante* ego. *ut accusem te* Bentley. *ne accusem te* Casaubonus. *ut non accusem brevitatem* Nannius. *ut accusantem* libri | 17 *sed si tibi* Bonn. (?) Edd. | 18 *ut* Par 7977. Vatic. Bonn. quo Salmasius pro *cum* | 19 ὀγκωδέστατος Nannius pro ΟΤΚΩΔΗΚΤΑΤΟC | 20 *Venereas* Edd. | 21 *scortum d. h. dispositum* — *coitus obviaret* Par 7977. Bonn. *specula in* (vel *toto*) *cubiculo scortans* Oudendorpius, Lessing, Gläser. Totum locum *Ad res* — *referretur* proscribunt Dacier, Bentley, Lessing; cfr. *ita ut cubiculo speculato uleretur quo se coeuntem videret* in alia vita Horatii. *ut cubiculum suum speculis adornaret quatenus et coitum suum spectare posset* de Cratino in Scholiis ad Horatii epist. 1, 19, 1. Similia de Hostio habet Seneca quaest. natur. 1, 16. de Tiberio Suetonius supra

p. 104, 18 | 23 *aut Tarentini* Lambinus | 29 *Marcio Bongarsius* ad Iustinum 12, 15 et Casaubonus pro *Mario* | 30 *post septimum* Vinetus, cfr. supra adnot. 73 | 33 *Hu-matus* omittit Henr Stephanus.

Persii vitam eam quae ad nos pervenit alienam Persii vita. esse a Suetonio et veteres libri docent, 'de commentario Probi Valerii sublatam' testantes⁷⁴⁾, et scriptio ipsa misere perturbata nullaue in re luculentam Tranquilli orationem referens. Commentatorem aliquem produnt auctorem verba quae in illa vita exstant haec 'hunc ipsum librum imperfectum reliquit', imperitum hominem haec 'Neronem illius temporis principem'. Ac ne quis Hieronymi loco p. 299, 5 posito abutatur ad patrocinandum Suetonio, sive Casaubono potius et Barthio qui primi Persianam vitam Suetonii esse voluerunt, illo loco nihil efficitur, nisi quod unusquisque per se intelligit, de Persio quoque in Illustribus viris actum fuisse; nam quo anno aliquis et ubi natus sit mortuusque, id certe ne postremus quidem vitae scriptor praetermisit.

Verum alia res est de Lucani vita p. 299, 13 re- Lucani vita, lata, unde re vera⁷⁵⁾ Hieronymus ea verba quae prae-
posuimus excrispsit. Accedunt Suetoniani ingenii⁷⁶⁾ ae-
stili tam aperta vestigia, ut docti homines post Scali-
gerum⁷⁷⁾ Casaubonum Salmasium ad unum omnes de Il-
lustribus viris excerptam esse consenserint. Neque ta-
men pro integra haberi debet. Desiderantur enim initio

74) Recentiores libri et impressi Cornuti nomen prae-
scriptum habent.

75) Nam diversa satis ea sunt quae in altera Lucani vita
leguntur: *venas sibi praecidit*.

76) Iniquior Tranquilli in Lucanum animus eiusdemque
de Seneca iudicium acrius (supra p. 196, 35) a scriptore
non abhorrent antiquorum studiosissimo et Quintiliani si non
disciplina at certe iudicio admiratore.

77) In Appendice Virgiliana sive Catalectis Lugduni
a. 1573 editis, ad Culicis initium. Iacobus quoque Bongar-
sius in codice Bernensi 45 adnotavit: *puto a Suetonio Tran-*
quillo hanc vitam esse descriptam.

cum ipso nomine ea quae ad genus Annaeorum ipsiusque poetae aetatem accuratius definiendam pertinebant, quae consulto scholiasten omisisse crediderim, postquam alteram vitam quae Vaccae fertur integram perscripsit⁷⁸⁾ has res diligentissime exsecutam. Tum in posterioribus quoque nonnulla minus levigata sunt, ut pristina elegantia omittendo contrahendoque obscurata esse videatur. At p. 299, 21 non scholiastae consilio, sed librarii lapsu ea excidisse apparet quae de fuga Lucani et itinere Athenas facto studiisque philosophiae scripta fuerunt.

Haec vita post editionem principem a. 1475 factam toties cum Lucani carmine vulgata est, ut sane mirandum sit et Scaligerum formis non excusam putavisse et Casaubonum secundae suae editioni⁷⁹⁾ addidisse tamquam ineditam⁸⁰⁾. Scripti libri inspecti sunt adhuc VIII numero, quorum bini Bernae et Parisiis, singuli Montepessuli Cassellis Berolini asservantur, unus incertum ubi la-

78) Superest eius generis codex Bernensis 370 idemque omnium emendatissimus. In eo enim post vocabulum *accessio*, quod ultimum est vitae a Vacca conscriptae, continuo sequuntur *Prima ingenii* etc. parvulo relicto intervallo nulloque titulo interposito.

79) A. 1610. Sed iam a. 1596 acceperat, a Theodoro Cantero Ultraiectino e veteri codice descriptam, cfr. Casauboni epistolae p. 646 Almel. quod exemplum Almeloveenus ad vulgatas editiones refinxisse videtur. Desumptam a Cantero C. Fr. Weber opinabatur ex aliqua priscarum editionum cum quibus nonnulla communia habet, ut p. 299, 15 interpolata verba *Qui tantae levitatis et immoderatae linguae fuit*. At eadem verba Berolinensis quoque liber habet; et haec certe p. 299, 12 *M. Annaeus Lucanus Cordubensis*, 21 *ruri*, p. 300, 1 *parricidam*, 3 *suis*, 5 sqq. *Poemata etiam eius* etc. utique in scriptis libris reperta, nemo typothetae tradiderat ante Casaubonum. Dubitare igitur noli quin codice ms. Canterus usus sit, et tali quidem qui ad Bernensem 45 proxime accedebat, cfr. p. 299, 20 *Hic in initio*, 21 *longe*, p. 300, 2 *libero arbitrio*, 5 *etiam eius*.

80) Primum ad vetusta exempla accessisse Hugonem Grotium video, qui in sua editione a. 1614 emissa Casaubonum alioquin referens, uncis ea inclusit quae ab antiquis editionibus abesse animadverterat.

tet⁸¹). Omnium optimus et ex antiquissimo derivatus est liber Bernensis 370, qui raro reliquorum ope emendari potest, nonnulla solus recte servavit⁸²). Ad id exemplum duo librorum genera satis inter se diversa et fluxa fide alterum altero melius quasi alternis vicibus accedere solent. Priore Cassellanus Wittianus Berolienensis cum editione principe continetur, alterum Montepessulanus et Parisinus 7502 longiusque haud raro aberrantes Parisinus 8039 et Bernensis 45 cum Canteri libro constituunt. Cum priore igitur genere Bernensis ille 370 ab initio additamento nominum liber est, cum posteriore nullum vocabulum desiderari passus est p. 299, 20. 21. 36. Singula notabilia haec fere sunt:

299, 15 *a Baumgarten-Crusius, a Cn. Weber pro cum | cum Pompeio a Caesare Grotius | 24 recitante se Canterus pro recitante, recitantes, recitantem | 25 recessisse Bern 370. recessit Par 8039. Neronem recessisse Canterus. cum recessisset Omnibonus. recessisset reliqui | 26 posthac Par 7502 | 28 emissio Edd. (male. Similiter alvus deici et descendere dicitur, equi ventrem facere) | 33 multus Omnibonus pro multis | 36 parem omittunt omnes praeter Bern 370. Montep. Par 7502.*

81) De Bernensibus no. 45 et 370 olim Bongarsianis saec. X. scriptis copiosius exponit Sinner p. 507. 510. Eiusdem aetatis dicuntur esse Parisini Regii, alter no. 7502 olim Colbertinus, alter 8039 olim Thuani. Illos mea gratia C. L. de Steiger, hos Iac. Hunziker contulerant, cum postea eosdem in scriptione academica Caroli Fr. Weber Marburgi a. 1856 edita tam diligenter collatos reperi, ut admodum pauca mihi relicta sint vel addenda vel emendanda. — De Montepessulano no. 113, olim Buherii Divionensis, saec. IX exeunte scripto cfr. Catalogue général des manuscrits des départements I p. 325. Collatum habuit Oudendorpius a Drevillio. — Cassellanus liber saec. XII. et Berolinensis no. 35 saec. XIV. apud Weberum collati reperiuntur. — Deperditus esse videtur codex saec. X. ab Oudendorpio non satis diligenter collatus, quem olim Sixtinus et Sixius, a. 1727 Ioannes de Witt possidebat senator Amstelodamensis.

82) Male p. 299, 37 et, p. 300, 6 *venalia* omisit solus, p. 299, 34 *praedicenda* habet cum plerisque. Idem solus recte p. 299, 25 *recessisse*, p. 300, 3 *exaravit* ostendit.

300, 3 *corrigendis* Bern 370. Montep. Par 7502 pro *corrigendos*, cfr. p. 193, 1. 195, 26. *de corrigendis* Salmasius | 4 *Poemata*—*quoque* omittit Omnibonus | 5 *etiam* omittit Grotius; sed locus lacunosus esse videtur | 6 *venalia* omittit Bern 370, supra versum habet Berol. cfr. p. 101, 13.

De vita Iuvenalis quod satis sit, supra p. LXXVII sq. dictum erit.

Plinii Secundi vita.

Plinii Secundi vitam codices Naturalis historiae permulti ac vetustissimi servaverunt scriptam inter testimonia de utroque Plinio ex antiquis scriptoribus collecta. Duo enim Plinii, quorum alter Vespasiani alter Traiani familiaris fuit, non per tenebras mediae demum aetatis pro uno haberi coepti sunt, sed iam inde ab ineunte tertio saeculo homines non indocti, ut Serenus Samonicus ipseque Macrobius, eum errorem admiserant. Gravius etiam est, Hieronymum⁸³⁾ quoque tam in commentario Iesaeae cap. 54 t. 4 p. 637 Vallars. Plinium Secundum 'eundem oratorem et philosophum' libro de naturali historia XXXVII auctorem citavisse, quam in Chronico 'Plinium Secundum Novocomensem oratorem et historicum, qui periit dum visit Vesuvium' in medio Traiani principatu⁸⁴⁾ collocavisse. Sed is Hieronymi error quamvis Pliniorum memoriae obfuerit, tamen paene

83) Is Plinianas epistolas prorsus ignorasse videtur; neque enim umquam commemoravit et quae de Christianis inde affert, ea ex Eusebii chronico et hist. eccl. desumpsit cum ipsa Tertullianei apologetici mentione.

84) Ad a. 107 vel 109 apud Hieronymum, ad a. 117 apud Prosperum, ad a. 113 apud Cassiodorium. Ita per manus quasi chronographorum usque ad Bedam et Marianum Scotum et Hermannum Contractum idem error traditus est, donec circiter a. 1313 Ioannes presbyter mansionarius ecclesiae Veronensis perlectis Plinii epistolis duos Plinios fuisse docuit, quorum tamen maiorem temere suae civitati vindicare studuit. De hoc Ioanne Mansionario post Vossium et Maffeiū et Tartarollium (cfr. Th. Mommsen in Schneidewini Philologo 1 p. 180) diligentissime Antonius Rezzonicus egit in Disquisitionum Plinianarum duobus voluminibus Parmae 1763 et 1767 editis, quod opus grande et confusum hodie in oblivionem fere venit.

opportunus evenit Tranquillo vel nobis vitam p. 300, 29 relatam ei auctori adserentibus. Hieronymus enim adversus Scaligerum Casaubonum Salmasium Vossium, qui ab imperito homine saeculo VI illam vitam scriptam opinati sunt, pro Tranquillo sponsor producendus est. Qui nisi apud bonum aliquem auctorem invenisset scriptum, Plinium Secundum Novocomensem historicum perisse, dum viseret Vesuvium: certe in eius modi oblivionem et inconsiderantiam non incurrisset, ut ad a. 79 montem Vesuvium scriberet regiones vicinas et urbes cum hominibus exussisse, et XXX annis post unum de iis hominibus traderet insignem habitum esse historicum. Deleri volunt verba 'periit dum visit Vesuvium' ab omnibus libris chronographisque servata, sed ne 'historicus' quidem in minorem Plinium convenit⁸⁵). Falsi arguunt in maiore 'Novocomensem' patriam, sed Veronae suae auctorem non habent aut vetustiore aut certiore Mansionario Veronensi. Maneat igitur verbis ab Hieronymo tamquam invito positis sua auctoritas. At quem auctorem de vitis Illustrium virorum habuit praeter Tranquillum?

Sed ut mittamus Hieronymum, ipsa Plinii vita nihil sane habet quo Suetonium auctorem suspectum reddat. Inscriptus est titulus 'Ex catalogo virorum illustrium Tranquilli' aut 'Suetonius Tranquillus in libro de viris illustribus', reperitur in multis codicibus et vel saec. XI scriptis, nihil inest aperte falsum aut ineptum, nonnulla tam in principio quam in fine propria sunt ac nusquam alibi scripta, denique sermo non abhorret. Et debuisse utique in Illustribus viris locum Plinio assignari, neminem latet⁸⁶).

85) Eum quoque historicum fuisse demonstrare vult Vallarsius ad eum locum chronici. Ceterum quos codices idem Vallarsius liberos esse ait additamento illo, quod est de Vesuvio, timo ne saeculo XV. non vetustiores sint.

86) Intellexit hoc Casaubonus quoque, sed mira iudicandi perversitate vitam p. 301, 5 positam, quam Mansionarius ille e Suetoniana et Plinii epistolis 3, 5. 6, 16 et suis inepitiis concinnavit, vetustiore existimavit.

Nihilo minus tamen qualis ad nos transmissa est, non a Tranquillo scriptam sed ab aliquo scholiaste breviorē factam existimo. Desidero enim ut maxime necessaria annorum vitae numerum LVI et historicorum operum pleniorē memoriā. Amplius non addo, cum e. gr. notationem natalis fatalisque anni consulum nominibus factam Hieronymi lapsus excludat. Et ne tantum quidem deesse crederem, nisi veterum librorum lacunae et corruptelae ad id credendum inducerent. Initio enim vitae ab aliquot codicibus, qui de antiquissimis sunt, duo vocabula, plane ut in Lucani vita factum vidimus, absunt; tum in media, ubi edidimus 'cum Germanis gesta sunt, XX voluminibus' plerique libri *cum Romanis*, fortasse omnes XXXVII vel XXXVIII voluminibus habent, ut duorum operum tituli 'bellorum Germaniae lib. XX' et 'A fine Aufidii Bassi lib. XXXI' in unum coaluisse videantur⁸⁷).

Descripsit vitam circiter a. 1244 Vincentius Bellovacensis Spec. hist. 11, 67 (eumque secutus Walter Burley) item Franciscus Petrarcha circiter a. 1348 de viris illustribus ed. Basil. 1563 p. 427. Formis excuderunt Naturalis historiae editores inde a principe Veneto a. 1469 plurimi; quod ignorans⁸⁸) Elias Vinetus a. 1556 Suetonii de grammaticis libello addidit ut ineditam, missam sibi ab Arnolfo Ferron, qui Tolosae ex vetusto codice bibl. Petri Fuxensis (de Foix) Cardinalis descripserat. Denique eiusdem gratia, ut qua potissimum Novocomensium ambitio niteretur, Rezzonicus duo maxima volumina conscripsit, sed critico parum adiumenti subministravit.

300, 29. 30 Titulum et verba *Plinius Secundus* non habent Toletanus, Vindobon. 9, Paris 6796 A, Barberinus

87) Vinetus quoque *huic Plinianaē vitae loco aliquid accidisse* putat.

88) Eum errorem libere confessus est in secunda editione a. 1570 vel 1571 facta, quam bibliographis incognitam esse miror. Certe in Casauboniana repetitione p. 32 errorem excusat 'abhinc annos quindecim' commissum.

2503 | 30 pro *Novocomensis* libri nonnulli *novecomensis*, *novemcomenses*, *novem quo menses*, *novem menses*, *novem mensibus* habent | 30 de *equestribus militiis* cfr. infra p. 160, 18. Plinius epist. 7, 25, 2. Orelli-Henzen inscriptt. no. 6930 | 33 *liberalibus artibus* Rezzonicus | 35 *Romanis* plurimi libri. *Germanis* Toletanus, Escorialenses, al. Edd. | 35 *XX* Edd. pro *XXXVII* vel *XXXVIII* | 37 *clade* Hermolaus Barbarus. *Stabiis* Vinetus a. 1556 pro *gades* vel *grades* || 300, 1 *liburnica* Toletanus, ed. Tarvis. 1479 pro *liburnicas*, vel *liburnicam* | 1 *pertendisset* Burmannus, cfr. p. 4, 31. 15, 20. 116, 22. 139, 24 | 3 *existimat* Vinetus | 4 *oraverit* Vinetus.

De Lucani patre p. 301, 38 iniuria Lipsium arbitror emendandi causa *ob bona* — *perimitur* proposuisse, cum Tacitus quoque Ann. 16, 17 Melam tradat rem familiarem filii interfecti acriter requisisse. Sed praenomen rectius *M.* scribitur apud Vaccam.

Quae de Institutione officiorum p. 302, 31 supersunt, ubi ‘diversos ponens usus’ i. e. varia componens e veteribus poetis testimonia Suetonius infertur, tum ea quae de Regibus p. 303, 27 exempli causa afferuntur regum nomina nusquam alibi prodita, documento esse possunt quam litterate peritus et patrii sermonis et historiae exterarum gentium Tranquillus fuerit quamque gravem iacturam in singulis eius libellis fecerimus.

De Rebus variis locum a Charisio servatum librarii negligentia corruptum puto; neminem enim latebit p. 303, 35 in enumerandis secundum litterarum ordinem praepositionibus turbas datas esse, et maximam partem eius summae quae XVIII Graecarum numerum superaret intercidisse. Nam restituendum est *Graecae*, quod ante Keilium edebatur.

P. 304, 6 in eo quod est *isto vilius hominis erit caena* multi vocabulum *hominis* corruptum putaverunt, reponebantque *hodie* Palmerius, *hodie nobis* Casaubonus, *domini* Scriverius, *haec mihi* Passeratius, *hoc est* Bentleius; sed fortasse vicarium est cuiuslibet nominis proprii. Equidem in soloecismo *vilis erit caena* magis offendo.

De Prato s.
Pratis.

Ad loca ab Isidoro ex Prato sive libris Pratorum Tranquilli excerpta egregium nuper subsidium accessit sollertia Gustavi Becker Lübecensis, cui libelli de Natura rerum debetur editio non modo in verbis emendatior quam Arevaliana fuit, sed in auctoritatibus etiam colligendis multo diligentior. Is igitur non satis habuit ad Suetonium referre quae Isidorus nominatim inde attulit, sed et quae proxime vel praecedere vel insequerentur, ut cap. 37 et 38, quin etiam nonnulla a Tranquilli nomine longe remota, sicut in primis sex capitibus, eidem auctori tribuenda esse satis probabiliter docuit. Cuius argumentationis summa haec est, ut caput 37, quo venti enumerantur quater terni, totum eodemque ordine versibus leoninis⁸⁹⁾ infra p. 305, 27 citatis includi ibique Tranquillo tribui moneret, tum de signis tempestatum cap. 38 Varronis et Nigidii auctoritates reconditoris doctrinae quam pro Isidoro esse demonstraret, denique ad prima capita, quae sunt de diebus et mensibus et annis, duo Suetonii frustula p. 305, 36 et 306, 18 proxime accedere doceret. Nos tamen, ut in re non plane certa, intra manifestam nomineque finitam auctoritatem consistendum duximus.

Collati ad p. 304, 18 codices X sunt antiquissimi omnes, Basilienses tres, Bernenses⁹⁰⁾ quattuor, Bambergenses duo, Bruxellanus unus, quorum titulos scripturaeque discrepantiam studiosus lector apud Beckerum inve-

89) Addi potuit hoc quoque, videri illi versificatori praeter librum de Natura rerum ad manus fuisse carmen de Ventis (cfr. Meyer Anthol. no. 1056. Wernsdorf 5 p. 523) quod Arevalus ab Eugenio Toletano, qui a. 657 mortuus est, conscriptum existimat, Wernsdorfius vel Isidoro antiquius iudicat. At ille carminis scriptor Suetonio haud dubie usus est, cum tria ventorum nomina Graeca solus subministret, ab Isidoro et recentiore versificatore omissa, a Tranquillo necessario posita. Cum Suetonio facit ventorum rota in museo Pio-Clementino marmorea.

90) Quos nostra gratia inspexit Ioannes Zünde V. C.

niet integram. Horum p. 304, 19 *Pratis* servarunt Basilienses duo et a prima manu Bambergensis posterior, *partis* vel *parthis* vel *partes* vel *partibus* sex, *partes non libertis*⁹¹⁾ unus habet | 21 *lulligines* Cicero quoque de divin. 2, 145 et Plinius n. h. 18, 361 norunt | 28 *litora* soli Basil. 1. et Bamb. 2, reliqui *litore* habent | 29 *Numquid* ex Basil. 2. recepi, cum *Ecquid* Bamb. 2, *Quid* reliqui offerant.

Caput quod perscribitur p. 304, 32 non habent nisi pauci libri, Basilienses duo, Bambergensis prior, Bruxellanus. Primus e Bodleiano codice protulit Iacobus Gronovius a. 1698, emendavit quinque libris Italicis usus Arevalus Romae a. 1803. Argumenti causa comparari possunt Isidorus etymol. XIII, 17. 18. 21. XIV, 8, 41; 43. et Festus s. v. *flustra*, *tullii*, *torrens*. Notabilia haec sunt: 32 *Pratis* omnes | 33 *Externum* Arevalus pro *Extremum* | 36 et *Adriaticum* Bodl. Brux. Bamb. 1. || 305, 3 *Vada* Basil. 1. 2. *vaga*, *vuga*, *vuaga* reliqui | 5 *brachea* i. e. βραχέα Odofredus Müller pro *brachia* | 9 *Poenico* Iac. Gronovius pro *ponico*, *punico*, *pontico*, *pontifico* | 11 *sub laetu* Bodl. *sublata* Arevalus | 12 *abstrusas* Bodl. Brux. Bamb. 1. *omnes latebras subluta mole abstrusos sinus* Ribbeck. *omnes latebras obiecta mole obstruas sinus* ego | 13 *Atta* Iac. Gronovius pro *aota*, *cato*, *atila* | 13 pro *polo* Basil. 2. *populo* Bodl. *porro populo* ego | 17 *qui* Arevalus | 18 *torrens terrae* Arevalus ex Varrone de l. l. 6, 6. de re r. 1, 2, 5 et Festo s. v. *torrens*, invito Isidoro, cfr. etymol. 13, 21, 2. differ. 1, 244 | 19 *Tulli* Becker | 20 *Aniene* Iac. Gronovius pro *aniense*, *animensae*, *asiense* | 21 *praecipiti* ego pro *praecipite*, *praecipilia*, *praecipitio*; cfr. Horatius carm. 1, 7, 13. Statius silv. 1, 5, 25.

Ad p. 305, 22 decem libri, terni Basilienses et Berenses, bini Bambergenses et Monacenses, collati sunt:

91) Id ex glossemate nomen libri accrevisse puto. Similiter enim p. 304, 32 ad *Pratis* complures libri in *annalibus* vel in *annalibus libris patrum*, et p. 305, 9 ad in bello *Poenico* additum habent in *inscriptione*.

23 *certis* omnes, *propriis* Arevalus | 25 *Thracias* ego, *tracias* Basil3. Bamb2. *tracidas* reliqui octo. *Thrascias* Grialus, sed is fuit in XII. Thraciam ventum nominant Aristoteles p. 979 Weise, Galenus, Philargyrius ad Verg. Ge. 4, 298, marmor Pio-Clementinum; cfr. Zimmermann Zeitschr. f. d. AW. 1841 p. 131. 136 | 25 *Gallia* Bamb2. et a secunda manu Monac1. *gallicia*, *gallaecia*, *galatia* reliqui; eadem variatio Etymol. 13, 11.

In Prisciani tribus locis quod Dorvillius coniecit *Praetorum*, probavi, quamquam libri constanter *Praetorum* retinent, ultimo loco excepto, ubi codex unus et alter *praeorum* habet vel *paetorum*. Sed cum de Praetorum libris res extra dubitationem posita sit, Praetorum vix⁹²⁾ Latine dicantur, cum praesertim unum Praetorum locum Isidorus de Pratis decerpserit, vel ne nimium dicam in libello ubi Pratis usus est perscripserit, excellentem emendationem non diutius excludendam existimavi. Ceterum Priscianusne an librarius erroris arguendus sit, non magis decerno quam utri *Plaetoria* lex, de qua Heracleensis tabula cap. VIII fidem facit, in *Laetoriam* corrupta imputetur.

P. 306, 1 *galbeoli* alias non nominantur; *galbulos* Martialis, *galganos* Plinius novit | 3 in libro X. Prati puto | 6 *Suetonius Tranquillus* scripsi pro eo quod in codice legitur *Sitonius* (vel *Sidonius*) *Crancillus*; similiter p. 282, 3 et 8 *Sitonius* et *Sytonius* Petrus Daniel ediderat, et p. 306, 11 codex Bernensis *Stanio* habet | 8 *existimatur* ego pro *aestimatur* | 16 *scriba librarius* a Varrone de re r. 3, 2, 14 commemoratur | 18 *conluviales* olim fuisse videntur, a conluvie rerum dicti | 21 *fugit* ego pro *sugit* | 25 *Verrius Flaccus* .. *probavit* .. *huic adsentiens* Scaliger; de Verrio Flacco et Granio Flacco intelligit Odofr. Müller |

92) Neque enim in censum veniunt magistratum sacerdotumque commentarii, ut *Augurum libri* apud Varronem de l. l. 5, 21; Varronis vero *Augurum libri* (vel *liber* potius) apud Macrobiurn Saturn. 1, 16, 19, *Tribuumque liber* ab ipso de l. l. 5, 56 appellatus Rerum divinarum humanarumque partes fuerunt.

28 *libello suo* non intelligo. Ceterum *adde* . . *inchoatam* supra quoque p. 65, 10 habemus.

Libellum *Differentiarum Semonum*, qui ex Suetonii Tranquilli Prato excerptus esse dicitur, ab hac editione excludere nolui, quamquam sponte confiteor talem qualis est a Suetonio neque scribi neque a Remmio Palaemone desumi potuisse. Sed cum semel tantum formis impressus sit eiusque editionis exempla et rarissima sint et corruptissima, nolui lectori harum rerum studioso quasi abscondere libellum nuper aliquoties in disceptationem vocatum et saltem titulo de meliore nota commendatum, denique a nobis, nisi animus fallit, aliquanto emendationem factum.

Exstat libellus quantum explorare potui, non amplius semel manu scriptus, in codice Saec. IX, qui olim Ioannis Bouhier Divione fuit, nunc Montepessulanus est, numero 306 distinctus. In eo codice, ut singulatim exponitur in *Catalogue général des manuscrits des départements* 1 p. 409, *Synonymica opuscula* complura insunt, non tantum Agroecii et Isidori genuina, sed Probi Valerii quoque et Virgilii et Ciceronis vel subditicia vel suspecta, praeterea eiusdem generis alia sine auctorum nominibus. Ex eo codice cum alia tum hanc particulam descripsit Philippus d'Orville ediditque a. 1749 in *Miscellaneis observationibus* novis 9 p. 977 sqq. Eiusdem antiquissimi codicis copiam a Friderico Dübner factam donoque sibi datam Fridericus Ritschl mihi utendam permisit, cuius beneficii maximas egregio viro gratias ago. Titulus⁹³⁾ est: *INCIPIVNT differentiae sermonum Remi Palemonis ex libro Suetonii, subscriptio*

93) Ipsi titulo quasi prologi instar haec praemissa sunt: 'Palemon Vicetinus insignis grammaticus Romae habetur; qui quondam interrogatus quid inter stillam et guttam interesset, Gutta inquit stat, stilla cadit' quae verba ex Hieronymi chronico descripta supra adnot. 60 commemoravimus. Sed errore factum est ut Dorvillius eumque secutus Handius hunc prologum libello proxime praescripto tamquam epilogum subiungerent.

haec: Explicit praescriptae verborum differentiae ex libro Suetonii Tranquillini qui inscribitur Pratum. Inde ego integrum titulum composui p. 306, 35.

Ad emendandum libellum vehementer depravatum contulerunt nonnihil duae differentiarum scriptiones simillimae, quae eodem codice Montepessulano continentur. Altera superiori proxime praecedens ita incipit: 'Inter auxilium et praesidium et subsidium' ita desinit: 'Inter ultorem et vindicem hoc interest, quod ulciscimur nos accepta iniuria, vindicamus ne accipiamus'. Maiorem eius scriptionis partem edidit a. 1605 Elias Putsche in Grammaticis suis p. 2203 sqq. Postremam partem supplevit ex ipso codice editor catalogi supra citati p. 412 sq. et ex apographo Dorvilliano Ferdinandus Hand in programme Ienensi a. 1848. Alteram differentiarum syllogen, quae ita incipit: 'Inter polliceri et promittere' et Isidori Hispalensis esse fertur, primi ediderunt Iacobus du Breul cum Isidoro Paris. 1601 et Dionysius Gothofredus in Grammaticis suis a. 1602, isque Bongarsiane codice usus. Eius libelli ego quoque maiorem partem reperi in codice Basiliensi F III 15^a Saec. VIII. Nonnulla Arevalus contulit.

Iam si quis de auctoritate huius libelli quaerat, hoc primum moneo, qualis est talem neque a Suetonio neque ab ullo vetere scriptore compositum esse posse: tanta est rerum perscriptarum commixtio ac perturbatio. Titulus differentias quidem sermonum pollicetur et est sane maior pars eius argumenti, sed interponuntur permulta plane diversi generis, de declinationibus nominum et verborum vel ad communem loquendi usum vel ad magistrorum praecepta dirigendis, de generibus nominum, de originibus vocabulorum, de recte intelligendis verbis quibusdam rarioribus, eaque tam disiecta et quasi fortuito passim sparsa, tum repetita quoque bis terve atque etiam repugnantia inter se, ut certum quoddam scribendi genus certumque scriptoris consilium non agnoscas, sed adversaria quaedam perlustrare tibi videare privatum in

usum confecta et ex variis libris inter legendum excerpta. Incipit tandem post mediam ferme partem p. 314, 3 integer differentiarum libellus alienis rebus non permixtus et litterarum ordine ab A ad V deductus⁹⁴). Sed vel ea pars, per se satis aequabilis, eo suspicionem movet quod aliae scriptiones eius generis complures circumferuntur, plane geminae huius, neque tamen Remmii et Suetonii sed vel Isidori vel nullius nomine inscriptae. Auget suspicionem quod Ciceronis quoque et Vergilii in eodem codice inveniuntur similes libelli, quorum sane nullam esse cum illis auctoribus necessitudinem inter omnes constat⁹⁵). Denique is libellus tantopere destituitur omni eruditione solidiore, contra ea adeo ineptiis scatet, ut non modo Suetonii sed ne Romani quidem hominis esse possit. Vide modo quae p. 307, 6 de nomine quod est *honos*, p. 308, 11 de adiectivo *aeneus* vel potius *æneus*, p. 309, 24 de numeralibus *duo* et *ambo*, p. 310, 18 et 24 de nomine *cors* et de adverbio *rursus*, p. 318, 27 de *seriis* rebus nugatur misellus ille grammatista, et statim de scriptore vetustatis cogitare desieris. Nam de absurdis vocabulorum originibus dicere praetermitto, cum in hoc genere vel apud antiquissimos nihil fere incredibile sit.

Nihilo minus tamen vestigia quaedam melioris doctrinae agnosco, quae tenui saltem filo ostendant cum antiquitate Romana hanc scriptionem coniungi. Tale est Nigidii p. 318, 21 frustulum nusquam alibi oblatum, talis auctoritas p. 310, 28 allata Procelli, quem eundem existimare licebit qui 'Porcellus grammaticus' apud Senecam rhetorem in secunda Suasoria p. 14, 19 Burs. dicitur, talia quae de *lustris* p. 315, 13 et de adverbio quod est *simitu*

94) Maguum hiatum p. 314, 10 significatum probabiliter explebit, qui duarum scriptionum, quas modo in subsidium critico vocandas diximus, competentes particulas conquisierit.

95) Video tamen Ciceronis synonyma, itemque Plinii Secundi sive Frontonis differentias verborum et nominum olim perscriptas fuisse in extremo libro Charisii; cfr. A. Mai ad Frontonem p. 416 ed. Rom.

p. 319, 20 traduntur. Nec pauca apud bonos artis doctores, Festum dico et Charisium⁹⁶), similiter invenies per-scripta atque hic scribuntur. Postremo ad vindicandam titulo aliquam auctoritatem Hieronymi locus qui de Palaemone eiusque distinguendorum vocabulorum studio est facere poterit⁹⁷).

Haec si recte in utramque partem disputata esse videntur, vere Suetonius homonymica quaedam ex Palaemonis libro decerpta in Pratum suum intulit, idque caput posterior aliquis magister descripsit similibusque differentiis adauctum et observationibus grammaticis diversi generis interpolatum haud sane feliciter amplius fecit. Sed quae sint antiquae genuinaeque libelli partes, quae noviciae, id neque facile est explorare et a consilio huius editionis alienum. Emendationum autemstrarum et brevissime et commodissime rationem reddemus, si mutata a nobis codicis lectionem quae quidem memoria digna videatur, hic apposuerimus.

307, 4 *terra* | 7 *fit honotes ut dotes sacerdotes* | 8 *honores ut arbores* | 13 *possit esse absconsum nam cum* | 18 *habundat* | 21 *opus* | 22 *quod et animus*, supra *s* addito *m* | 27 *pomerium ubi pome* | 28 *et sacer* | 29 *ales sunt* | 32 *velum lineae* | 36 et 37 absunt a Dübneri apographo.

308, 4 *amstitiae* | 7 *vincli* | 11 *aenes fieret* | 19 *ita dater et* | 22 *circumdatur* | 24 *annua vota* | 30 *cui usus*.

96) Cfr. Festus s. v. *ad*, *apud*, *lacerare*, *lustra*, *miseratur*, *monstrum*, *obsecrare*, *properare*, *supervacaneum*, *tuor*. Charisii comparanda sunt ea verba quibus p. 75 P. *pugillares*, p. 85 *pometa*, p. 86 *mi et mihi*, p. 100 *plurium an plurum*, p. 102 *ficus an ficos* illustrat. Eorum quae p. 319, 7. 320, 30 leguntur, in Veronensibus scholiis ad Verg. Aen. 1, 1 et 8, 106 gemina invenies.

97) Desideratur in nostro quidem libello illa differentia Palaemonis nomine nobilitata, et alia legitur p. 319, 27. Sed et illam et hanc ea collectio servavit quae Isidori fertur, apud Arevalum et Gothofredum itemque in Basiliensi codice scripta. Itaque nostram farraginem qui compilavit, non ignoratione omisit, sed consulto prologi instar praeposuit illam Palaemonis differentiam.

309, 5 *qui huc* | 7 *Quodsi huc* | 17 *Inter vellere* |
24 *Duobus an* | 27 *hos duos* | 28 *locus* | *ut ambi* | 29 *duo*
ut ambo | 32 *Currit an* | *eaque nunc audi vel eaque nun-*
ciandi | 33 *p̄l t̄pr.* *Nam* | 37 *verbum erit.*

310, 2 *saturnalis facit ut subsellis* | 3 *feri saturnalis* |
6 *Inter gnavum et ignarum et gnarum* | 16 *nec late inī*
littera | 24 *Rursus an* | 31 *tribunalis* | *animalis* | 32 *mo-*
nosyllabam in | *fortasse quia sal vel quia sol* | 38 *enim*
phlycton.

311, 3 *Pugil. pugil an pugillares an pugilaria nec*
pugillar dici | 4 *neutraliter suppleo* | *codicis* | 16 *et de*
hoc | *quia integer em hoc pane quia cum fractur dici-*
mus | 19 *Plurimum an* | 20 *plurimum deberi* | 22 *pro*
dunt | *debere di* | 27 *Huiusquemodi, semper sic* | 34 *dix*
erunt qua | 37 *caeruleum est.*

312, 7 *eniena fruenda* | 8 *Inter timorem metum pavo*
rem et formidinem: timor suppleo | 9 *animus* | 10 *sepes*
sine | 11 *et ei equus* | 13 *animus* | 16 *summe* | 22 *terre*
minuat | 23 *circa quam* | 26 *seorsum seponitur 2 manu* |
29 *fortasse pertinet, non ad rem* | 33 *horat* | 35 *rationem* ;
37 *quod d'o* | 38 *pullicus.*

313, 2 *ot illi vel ét illi* | *vindentur* | 3 *locis* | 6 *trati*
additur post arbitrii | 9 *aliquod* | *aliquod* | 10 *veluti p;*
merium | 11 *pus murum* | 14 *inicientem* | 16 *iniciens* |
20 *etim* | 21 *quod iab* | 22 *quod ad lanugi et quod* | 25 *est*
quia licito | 28 *inlicitatis saepius* | 29 *fortasse dici inlici-*
tatores | 34 *noxae* | 37 *fortasse comminus duorum.*

314, 3 *venit* | 4 *cogitit* | *laborare* | 5 *idem quod* |
8 *locum* | *persona* | 13 *Imbrem et imber suppleo* | *vis* |
14 *idem pulso* | *a nubibus* | 15 *aliqua* | 16 *serena* | 18 *et*
peccatoris | 20 *de ea* | 25 *Inter et itener* | *quod qui* |
27 *unum est suppleo* | 28 *totius* | 31 *Invenitur* | 32 *natu-*
ram | *fortasse tamen principia et speciem initii.*

315, 3 *Inducia* | *inducie nomine numero* | 5 *pacem* ;
pepigessem | 6 *ut in* | 7 *imbecilliozem altero* | 11 *fortasse*
cum membratim discerpit | 18 *id Hand pro* | 20 *numero singulari* | 22 *omnes conditiones* | 25 *in*
que reperta | 28 *artius legent* | 30 *fortasse VI. DC*

31 *maximus* | *filio parentes cognato* | 32 *et ludricum*
33 *ludricum quod*

316, 1 *alterius ut melice at casum miserari tantum*
affectum insontis amicitia | 2 *mutilati versus Verg. Georg*
1, 466 et 41 | 3 *opus si ipsius* | 5 *futura prospicit Isido-*
dorus Arevali | 12 *opera* | 15 *allerio* | 19 *quantitatis* |
21 *hominem quidem* | 23 *noctis ut interdiu diei Bondam* |
25 *omniam noticiam* | 26 *aliquis scit* | 29 *Nefarius et* |
34 *et oliva et olium et vol'a fructus* | 35 *olivetum unde*
olivum liquorem appellant ut querquetum prynetum. verum

317, 3 *ovata aut super aequum* | 7 *quam oris* |
8 *precatur aut* | 14 *oculi* | 15 *interdum tenebrae nox* |
16 *corporibus in caelo conspicitur ut comeete* | 17 *cognitu.*
fortasse modum naturae cognitae | *egreditur serpens cum*
pedibus aut cum | 23 *peccora bis* | 29 *vasa Hand pro*
bacha. Alii libri vaga, vacua, virga habent | 30 *ama-*
leta | 35 *dominus proprius est locus* | 37 *spicatur.*

318, 2 *dubiae rei prospicit forāmā spicatur. Pro-*
hiberet | 4 *porro iubere* | 8 *fortasse obesorum hominum* |
12 *et regale* | 14 *relinquimur* | 16 *dicimus olea fructus*
est oliva arbor multitudo dicitur relictos, cfr. p. 316, 34 |
18 *Recidivum et Redivivum olim fuit v literis* | 20 *de-*
fructis. Addendum paratur | 27 *servus et iasper* | 29 *sce-*
leratus autem est suo | 31 *infamis autem scerum.*

319, 1 *dissimilare* | *dissimilamus* | 7 *cruhorem* | 8 *est*
eo quod | 14 *ine ceteris* | 15 *inopiam multorum id* | 16 *in*
sensus | 19 *subtractum* | *immineat* | 20 *simitu Arevalus*
pro similitum | 21 *similitum loci* | 22 *tamquam similitum* |
24 *monstrator sanguinis* | 25 *qui quod dicit* | 29 *voluntatis* |
30 *tergora — hominis absunt ab apographo Dübneriano* |
31 *et terga animalis* | 33 *Tum et tur. tum ordinis signif c*
temporis | 37 *a nb' accipimus.*

320, 6 *vades qui vas ipsum aut aliut* | 8 *praedes qui*
praesenti du et idem dat | 12 *umidum ponitur infectum et*
madidum | 13 *a medium* | 17 *Vis vires* | 21 *Verecor et*
reverecor bis | 23 *plaga* | *exiit* | 25 *plaga* | 27 *Volupta-*
tem et voluptatem. voluntas | 30 *quod virtutibus modis* |
32 *differtur.*

Flosculis atque herbis e Prato decerptis addentem quoque iudicarem caput de vocibus animantium, si de auctoritate paulo securior essem. Solus enim Boxhornius ad Plauti Menaechmos 4, 2, 91 'Vetus grammaticus Sidonius, inquit, cuius fragmentum de vocibus animantium in aliquot Glossariis nostris mss. legitur: *noctua cucubat*'. Eiusmodi glossaria de sonis animalium duo Leidensia edidit Burmannus in Anthologia, vetustissimum exemplum Aldhelmus, qui a. 709 mortuus est, servavit apud A. Maium in Classicis 5 p. LII et 569. Sed Sidonium⁹⁸⁾ grammaticum praeter Boxhornium, levis auctoritatis hominem, in hac re nemo appellavit; alioquin haec verborum de sonis animalium enumeratio non iniucundum Pratorum caput videri posset implevisse.

Denique paucis dicendum est de iis libris, quos iniuria quidam a Suetonio scriptos esse opinati sunt.

Pseudepi-
grapha.

Ac primum quidem commemorandus est error vix credibilis ac tamen longe diuque vagatus, quo Caesariani belli Gallici ceterorumque eius corporis bellorum scriptor Suetonius Tranquillus habitus est. Eum errorem de Caesarianis codicibus, ut aliquot exemplis utar, Bongarsianus antiquissimus et optimus statim primo libro ineunte prae se fert, tum Hamburgensis libro VII et VIII extremo, Colbertinus 2957 apud Montfaucon, Medicus LXVIII, 7 de quo supra p. XXIV dictum est. Accedat Vindobonensis codex 60, historiam miscellaneam nondum formis impressam continens, in qua bella deinceps Gallicum Civile Africanum Alexandrinum Hispaniense 'a Suetonio milite Caesaris et forsitan proavo eius qui de vita Caesarum scripsit' composita esse traduntur. Sed idem error antiquissimus est, cum quinto saeculo ineunte Orosius in Hispania, medio Sidonius Apollinaris in Gallia ei obnoxius fuerit. Ille enim suo Caesarianorum bellorum summario, quod ex superstitionibus Divi Iulii commen-

Commentarii
Caesariani.

98) Supra vidimus p. XCIV Suetonii nomen frequenter in Sitionum et Sidonium abisse. De Sidonio Citerio Syracusano, qui Ausonii aequalis fuisse dicitur, res admodum suspecta est, an umquam vixerit.

tariis contractum Historiis 6, 7 sqq. inseruit, haec verba praeposuit: 'Hanc historiam Suetonius Tranquillus plenissime explicuit, cuius nos competentes portiunculas decerpimus'. Eadem verba Paulus Diaconus in Historiam suam miscellam recepit multique scriptores mediae aetatis repetiverunt, donec a. 1544 Robertus Stephanus hanc scilicet 'Eutropii⁹⁹⁾ epitomen belli Gallici ex Suetonii Tranquilli monumentis quae desiderantur' separato libello ederet, quam posteriores nonnulli cum Caesarianis commentariis coniunxerunt. Neque minus Sidonius Apollinaris epistolarum 9, 14, ubi difficillimam rem esse ait Iulii Caesaris laudes celebrare, cum Livii volumina, 'opera Suetonii', Iuveni Martialis historia, Balbi ephemeris¹⁰⁰⁾ fando adaequanda sint, bellorum et ipse scriptorem videtur Suetonium existimavisse. Quodsi quis quaerat, quo modo tam turpis error oriri potuerit, hoc mihi omnium maxime probatur, ut codicum quorundam Caesarianorum principio praescriptum fuisse putem Suetonii vel integrum Divum Iulium vel eum locum qui infra p. 24, 21 de commentariis Gallici civilisque belli Pompeiani legitur. Ita fieri potuit, ut Suetonii nomen in principio grandibusque litteris scriptum pro titulo universi corporis haberetur. Ceterum vel post renatas litteras eidem errori obstrinxisse se Ludovicum nescio quem Caduaccum cognovi.

de Viris
illustribus.

Satis notus est libellus de Viris illustribus, qui hodie Andreae Schotti auctoritate et exemplo cum Aurelio Victore edi solet; nec latet quantum is negotii doctis hominibus creaverit. Scripti enim libri omnes Plinium auctorem demonstrant, hunc fere titulum praeferentes: *Gaii Plinii Secundi oratoris Veronensis de viris illustribus liber* sive *libellus*. Verum exigua est librorum auctoritas, cum ita recentes omnes sint ut ne ad XIII

99) Eutropii enim nomine illo tempore Miscella historia Pauli circumferebatur.

100) Balbi ephemeridem Carolus Nipperdey p. 36 de octavo belli Gallici libro intelligit, qui liber ad Balbum missus est.

quidem saeculum ullus referri possit¹⁰¹). Itaque postquam intellectum est nullum umquam Plinium oratorem Veronensem fuisse, at de duobus Pliniis qui vere scriptis nobilitati sunt neutrum tale opusculum reliquisse, alios auctores quos de Illustribus viris scripsisse constabat substituere coeperunt, virgula quasi divina Suetonium, deinde Cornelium Nepotem, denique nostra aetate Hyginum significantes¹⁰²). Et Suetonium quidem recens inventa Virorum illustrium particula, quae de Grammaticis et rhetoribus est, adeo commendare videbatur, ut iam a. 1474 Angelus Sabinus in paradoxis in Iuvenalem Romae editis 'Suetonium de viris illustribus' aliquoties auctorem appellaret eodemque tempore 'Suetonius Tranquillus de preclare gestis Romanorum' Mediolani prodierit non semel, ut Hain docet no. 2132 sq. 15133 sq. Insequenti quoque saeculo non pauca eius generis exempla impressa sunt, postremum quod norim Cracoviae a. 1524. De Suetonio cogitare desierunt, postquam Hieronymo duce intellexerunt nullum in eius Illustribus viris regibus et imperatoribus locum fuisse.

Dialogum de oratoribus esse qui mallent Suetonio quam Tacito tribuere Baluzius in Miscellaneis 2 p. 451 Paris. 1678 significavit; quinam illi essent quibusque argumentis usi, neque apud Baluzium neque alias tra-

Dialogus de
oratoribus.

101) Antiquissima nisi fallor libelli memoria apud Ioannem Mansionarium Veronensem reperitur, qui in commentariolo de duobus Pliniis anno circiter 1313 scripto, cfr. supra adnot. 84, *Plinius iunior*, inquit, — *fecit etiam — librum Virorum illustrium a Phoca rege Albanorum usque ad Cleopatram in XCVIII capitulis secundum ipsorum virorum numerum; in quo vitas ipsorum et merita mirabili et aperta brevitate describit*. Meminerit lector hunc Ioannem omnium primum Plinium maiorem Novocomensibus adimere et Veronae suae vindicare studuisse. Non raro Franciscus quoque Petrarcha in Viris suis illustribus circiter a. 1348 scriptis Plinii huius verba nominatim affert, v. c. ea quae cap. 5. 5. 10, 2. 42, 1. 76, 1 leguntur.

102) De primis Cornelii Nepotis patronis, ut Hermolao Barbaro et Iano Parrhasio videndus est Machanaeus ad Vir. ill. cap. 45. De Hygino carissimus mihi Eduardus Wölfflin cogitavit in Ampelianis quaestionibus p. 38 sqq.

de Animantium
natura naturis.

ditum reperi. Eam coniecturam temere iactam bene refutavit Eckstein in commentatione de illo dialogo edita p. 45 sq.

Suetonius de Animantium naturis quando vixerit et quo modo scripserit, citatus ille a Guilelmo Malmesburiensi de gestis pontificum Anglorum 1, 2 et a Giraldo Cambrensi in Itinerario Hiberniae 1, 7, quorum ille anno circiter 1125, hic 1180 scripsit, explorare mihi non licuit.

Itaque postquam omnia fere quae Suetonianam crisin spectant pro ingenii facultate illustrare studui, restat ut hanc meam curam lectorum benevolentiae commendem errorumque veniam petam. Vitia typographica ne superessent, et a me et ab amicissimo Eduardo Wölfflin sedulo opera data est, sed in plagulas iam expurgatas nescio quo miro postliminii iure nonnulla furtim illata sunt. Ea quae vel ipse admisi vel antiquitus commissa non sustuli, laetabor si a doctioribus emendabuntur.

Scripsi Basiliae Kal. Dec. 1857.

Carolus Ludovicus Roth.

CORRIGENDA.

5, 34	setius	248, 4	Arrecinum
44, 9	hostium	275, 1	TRANQUILLI
48, 35	ἀμείνων	2	RELIQUIAE
53, 5	grassatorum	279, 9	initio Neptunum
83, 15	πίστην	10	vocabant. Dehinc
20	πίστον	280, 20	invenimus:
90, 21	incursionibus	281, 16	Alexandrinus
98, 35	satis facientem	282, 16	λιπαινόμενος· οὐτα
108, 22	diem		Τράγκυλλος
154, 38	togatumne	303, 15	φιλόλογος
157, 9	cuiusque:	304, 33	adserit
160, 23	publicavit; ingratos	316, 27	Natum
183, 38	pascuis	324, a,	Agamemnon 111, 32.
187, 35	filium	331, b,	18 Drusus 148, 22. 149, 14
190, 6	magna		150, 3; 10.
213, 38	exaravit		19 128, 4.
237, 4	Arrecinam		20 172, 27.
			22 190, 18.

C. SUETONI TRANQUILLI DE VITA CAESARUM

AD C. SEPTICIUM CLARUM PRAEFECTUM PRAETORIO

LIBRI VIII.

Τράγκυλλος, ὁ Σουητώνιος χρηματίσας, γραμματικὸς Ῥωμαῖος, ἔγραψε συγγενικὸν Καيسάρων· περιέχει δὲ βίους καὶ διαδοχὰς αὐτῶν ἀπὸ Ἰουλίου ἕως Διομετιανοῦ, βιβλία ἡ.

Suidas s. v. Τράγκυλλος.

Τράγκυλλος τοὺς τῶν Καيسάρων βίους ἐν γράμμασιν ἀποτίνων Σεπτικίῳ, ὃς ἦν ὕπαρχος τῶν πραιτωριανῶν σπειρῶν ἐπ' αὐτοῦ, πραιφέκτον αὐτὸν τῶν πραιτωριανῶν ταγμάτων καὶ φαλάγγων ἡγεμόνα τυγχάνειν ἐδήλωσεν.

*Ioannes Laurentius Lydus de magistrat
Rom. II, 6.*



G. SUETONI TRANQUILLI DE VITA CAESARUM

LIBER I.

DIVUS IULIUS.

* * *

Suetonius ait in vita Caesaris, responsa esse data per totum orbem, nasci invictum imperatorem.

Servius ad Verg. Aen. 6, 799.

* * *

Annum agens sextum decimum patrem amisit; sequenti-¹
busque consulibus flamen Dialis destinatus, dimissa Cossutia,
10 quae familia equestri sed admodum dives praetextato despon-
sata fuerat, Corneliam Cinnae quater consulis filiam duxit
uxorem, ex qua illi mox Iulia nata est; neque ut repudiaret
compelli a dictatore Sulla ullo modo potuit. Quare et sacer-
dotio et uxoris dote et gentilicis hereditatibus multatus, diver-
15 sarum partium habebatur, ut etiam discedere e medio et quam-
quam morbo quartanae adgravante prope per singulas noctes
commutare latebras cogeretur, seque ab inquisitoribus pe-
cunia redimeret; donec per virgines Vestales, perque Ma-
mercum Aemilium et Aurelium Cottam propinquos et adfines
20 suos veniam impetravit. Satis constat Sullam, cum deprecanti-
bus amicissimis et ornatissimis viris aliquandiu denegasset
atque illi pertinaciter contenderent, expugnatum tandem pro-
clamasse, sive divinitus sive aliqua coniectura, *vincerent*
ac sibi haberent, dum modo scirent eum, quem incolumem
tanto opere cuperent, quandoque optimatum partibus,

quas secum simul defendissent, exitio futurum; nam Caesari multos Marios inesse.

- 2 Stipendia prima in Asia fecit Marci Thermi praetoris contubernio; a quo ad accersendam classem in Bithyniam missus, desedit apud Nicomedem, non sine rumore prostratae regi⁵ pudicitiae; quem rumorem auxit, intra paucos rursus dies repetita Bithynia per causam exigendae pecuniae, quae deberetur cuidam libertino clienti suo. Reliqua militia secundiore fama fuit et a Thermo in expugnatione Mytilenarum corona
3 civica donatus est. Meruit et sub Servilio Isaurico in Cilicia,¹⁰ sed brevi tempore. Nam Sullae morte comperta, simul spe novae dissensionis, quae per Marcum Lepidum movebatur, Romam propere redit. Et Lepidi quidem societate, quamquam magnis condicionibus invitaretur, abstinuit, cum ingenio eius diffusus tum occasione, quam minorem opinione¹⁵
4 offenderat. Ceterum composita seditione civili Cornelium Dolabellam consularem et triumphalem repetundarum postulavit; absolutoque Rhodum secedere statuit, et ad declinandam invidiam et ut per otium ac requiem Apollonio Moloni clarissimo tunc dicendi magistro operam daret. Huc dum hi²⁰ bernis iam mensibus traicit, circa Pharmacussam insulam a praedonibus captus est, mansitque apud eos, non sine summa indignatione, prope quadraginta dies cum uno medico et cubicularis duobus. Nam comites servosque ceteros initio statim ad expediendas pecunias, quibus redimeretur, dimiserat.²⁵ Numeratis deinde quinquaginta talentis, expositus in litore non distulit quin e vestigio classe deducta persequeretur abeuntis, ac redactos in potestatem supplicio, quod saepe illis minatus inter iocum fuerat, adficeret. Vastante regiones proximas Mithridate ne desiderare in discrimine sociorum vide³⁰ retur, ab Rhodo, quo pertenderat, transiit in Asiam, auxiliisque contractis et praefecto regis provincia expulso nutantis ac dubias civitates retinuit in fide.
- 5 Tribunatu militum, qui primus Romam reverso per suffragia populi honor optigit, actores restituendae tribuniciae po³⁵ testatis, cuius vim Sulla diminuerat, enixissime iuvit. L. etiam Cinnae uxoris fratri, et qui cum eo civili discordia Lepidum secuti post necem consulis ad Sertorium confugerant, reditum

in civitatem rogatione Plotia confecit, habuitque et ipse super ea re contionem.

Quaestor Iuliam amitam uxoremque Corneliam defunctas 6 laudavit e more pro rostris. Et in amitae quidem laudatione de eius ac patris sui utraque origine sic refert: *Amitae meae Iuliae maternum genus ab regibus ortum, paternum cum diis immortalibus coniunctum est. Nam ab Anco Marcio sunt Marcii Reges, quo nomine fuit mater; a Venere Iulii, cuius gentis familia est nostra. Est ergo in genere* 10 *et sanctitas regum, qui plurimum inter homines pollent, et caerimonia deorum, quorum ipsi in potestate sunt reges.* In Corneliae autem locum Pompeiam duxit Quinti Pompei filiam, L. Sullae neptem; cum qua deinde divortium fecit, adulteratam opinatus a Publio Clodio, quem inter publicas 15 caerimonias penetrasse ad eam muliebri veste tam constans fama erat, ut senatus quaestionem de pollutis sacris decreverit.

Quaestori ulterior Hispania obvenit; ubi cum mandatu 7 PR. iure dicundo conventus circumiret Gadisque venisset, 20 animadversa apud Herculis templum Magni Alexandri imagine, ingemuit et quasi pertaesus ignaviam suam, quod nihil dum a se memorabile actum esset in aetate, qua iam Alexander orbem terrarum subegisset, missionem continuo efflagitavit. ad captandas quam primum maiorum rerum occasiones in 25 urbe. Etiam confusum eum somnio proximae noctis (nam visus erat per quietem stuprum matri intulisse) coiectores ad amplissimam spem incitaverunt, arbitrium terrarum orbis portendi interpretantes, quando mater, quam subiectam sibi vidisset, non alia esset quam terra, quae omnium parens haberetur. Decedens ergo ante tempus colonias Latinas de pe- 30 tenda civitate agitantes adiit, et ad audendum aliquid concitasset, nisi consules conscriptas in Ciliciam legiones paulisper ob id ipsum retinuissent.

Nec eo secius maiora mox in urbe molitus est. Siquidem 9 35 ante paucos dies quam aedilitatem iniret, venit in suspicionem conspirasse cum Marco Crasso consulari, item Publio Sulla et L. Autronio post designationem consulatus ambitus condemnatis, ut principio anni senatum adorirentur, et trueidatis

quos placitum esset, dictaturam Crassus invaderet, ipse ab eo magister equitum diceretur, constitutaque ad arbitrium re publica, Sullae et Autronio consulatus restitueretur. Meminerunt huius coniurationis Tanusius Geminus in historia, Marcus Bibulus in edictis, C. Curio pater in orationibus. De hac 5 significare videtur et Cicero, in quadam ad Axium epistula referens, Caesarem in consulatu confirmasse regnum, de quo aedilis cogitavit. Tanusius adicit, Crassum paenitentia vel metu diem caedi destinatum non obisse, et idcirco ne Caesarem quidem signum, quod ab eo dari convenerat, dedisse; 10 convenisse autem Curio ait, ut togam de umero deiceret. Idem Curio sed et M. Actorius Naso auctores sunt, conspirasse eum etiam cum Gnaeo Pisone adolescente, cui ob suspicionem urbanae coniurationis provincia Hispania ultro extra ordinem data sit; pactumque, ut simul foris ille, ipse 15 Romae ad res novas consurgerent, per Ambranos et Transpadanos; destitutum utriusque consilium morte Pisonis.

10 Aedilis praeter comitium ac forum basilicasque etiam Capitolium ornavit porticibus ad tempus extructis, in quibus abundante rerum copia pars apparatus exponeretur. Vena-
tiones autem ludosque et cum collega et separatim edidit, quo factum est, ut communium quoque inpensarum solus gratiam caperet, nec dissimularet collega eius Marcus Bibulus, *evenisse sibi quod Polluci: ut enim geminis fratribus aedes in foro constituta tantum Castoris vocaretur, ita 25 suam Caesarisque munificentiam unius Caesaris dici.* Adiecit insuper Caesar etiam gladiatorium munus, sed aliquanto paucioribus quam destinaverat paribus; nam cum multiplici undique familia comparata inimicos exterruisset, cautum est de numero gladiatorum, quo ne maiorem cuiquam habere 30 Romae liceret.

11 Conciliato populi favore temptavit per partem tribunorum, ut sibi Aegyptus provincia plebi scito daretur, nactus extraordinarii imperii occasionem, quod Alexandrini regem suum socium atque amicum a senatu appellatum expulerant, 35 resque vulgo inprobabatur. Nec obtinuit adversante optimatum factione, quorum auctoritatem ut quibus posset modis in vicem deminueret, tropaea Gaii Marii de Iugurtha deque

Cimbris atque Teutonis, olim a Sulla disiecta, restituit, atque in exercenda de sicaris quaestione eos quoque sicariorum numero habuit, qui proscriptione ob relata civium Romanorum capita pecunias ex aerario acceperant, quamquam exceptos Cornelis legibus. Subornavit etiam qui Gaio Rabirio 12 perduellionis diem diceret, quo praecipuo adiutore aliquot ante annos Luci Saturnini seditiosum tribunatum senatus coercuerat, ac sorte iudex in reum ductus tam cupide condemnavit, ut ad populum provocanti nihil aequae ac iudicis acerbitas profuerit. Deposita provinciae spe pontificatum maximum 13 petit, non sine profusissima largitione; in qua reputans magnitudinem aeris alieni, cum mane ad comitia descenderet, praedixisse matri osculanti fertur, *domum se nisi pontificem non reversurum*. Atque ita potentissimos duos competitores 15 multumque et aetate et dignitate antecedentes superavit, ut plura ipse in eorum tribubus suffragia quam uterque in omnibus tulerit.

Praetor creatus, detecta coniuratione Catilinae senatu- 14 que universo in socios facinoris ultimam statuente poenam, solus municipatim dividendos custodiendosque publicatis bonis censuit. Quin et tantum metum iniecit asperiora suadentibus, identidem ostentans quanta eos in posterum a plebe Romana maneret invidia, ut Decimum Silanum consulem designatum non piguerit sententiam suam, quia mutare turpe 25 erat, interpretatione lenire, velut gravius atque ipse sensisset exceptam. Obtinuisset adeo, transductis iam ad se pluribus et in his Cicerone consulis fratre, nisi labantem ordinem confirmasset M. Catonis oratio. Ac ne sic quidem impedire rem destitit, quoad manus equitum Romanorum, quae 30 armata praesidii causa circumstabat, inmoderatus perseveranti necem comminata est, etiam strictos gladios usque eo intentans, ut sedentem una proximi deseruerint, vix pauci complexu togaque obiecta protexerint. Tunc plane deterritus non modo cessit, sed et in reliquum anni tempus curia abstinuit.

35 Primo praeturae die Quintum Catulum de refectione Capitolii sed disquisitionem populi vocavit, rogatione promulgata, qua curationem eam in alium transferebat; verum impar optimatium conspirationi, quos relicto statim novorum consulum

officio frequentes obstinatosque ad resistendum concucurrisse
 16 cernebat, hanc quidem actionem deposuit. Ceterum Caecilio Metello tribuno plebis turbulentissimas leges adversus collegarum intercessionem ferenti auctorem propugnatoremque se pertinacissime praestitit, donec ambo administratione 5 rei publicae decreto patrum submoverentur. Ac nihilo minus permanere in magistratu et ius dicere ausus, ut comperit paratos, qui vi ac per arma prohiberent, dimissis lictoribus abiectaque praetexta domum clam refugit, pro conditione temporum quieturus. Multitudinem quoque biduo post sponte 10 et ultro confluentem operamque sibi in adserenda dignitate tumultuosius pollicentem conpescuit. Quod cum praeter opinionem evenisset, senatus, ob eundem coetum festinato coactus, gratias ei per primores viros egit, accitumque in curiam et amplissimis verbis conlaudatum in integrum resti- 15 tuit, inducto priore decreto.

17 Recidit rursus in discrimen aliud, inter socios Catilinae nominatus et apud Novium Nigrum quaestorem a Lucio Vettio indice et in senatu a Quinto Curio, cui, quod primus consilia coniuratorum detexerat, constituta erant publice praemia. 20 Curius e Catilina se cognovisse dicebat, Vettius etiam chirographum eius, Catilinae datum, pollicebatur. Id vero Caesar nullo modo tolerandum existimans, cum inplorato Ciceronis testimonio quaedam se de coniuratione ultro ad eum detulisse docuisset, ne Curio praemia darentur effecit; Vettium pignoribus captis, et direpta supellectile male mulcatum ac pro rostris in contione paene discerptum, coiecit in carcerem; eodem Novium quaestorem, quod compellari apud 25 se maiorem potestatem passus esset.

18 Ex praetura ulteriorem sortitus Hispaniam, retinentes 30 creditores interventu sponsorum removit, ac neque more neque iure, ante quam provinciae ornarentur, profectus est: incertum, metune iudicii, quod privato parabatur, an quomaturius sociis inplorantibus subveniret; pacataque provincia, pari festinatione, non expectato successore, ad triumphum simul consulatumque decessit. Sed cum, edictis iam comitis, ratio eius haberi non posset nisi privatus introisset urbem, et ambienti ut legibus solveretur multi contradice-

rent, coactus est triumphum, ne consulatu excluderetur, dimittere. E duobus consulatus competitoribus, Lucio Luc-
 ceio Marcoque Bibulo, Luceium sibi adiunxit, pactus ut is,
 quoniam inferior gratia esset pecuniaque polleteret, nummos
 5 de suo, communi nomine, per centurias pronuntiaret. Qua
 cognita re optimates, quos metus ceperat nihil non ausu-
 rum eum in summo magistratu concordi et consentiente col-
 lega, auctores Bibulo fuerunt tantundem pollicendi, ac ple-
 rique pecunias contulerunt, ne Catone quidem abnuente eam
 10 largitionem e re publica fieri.

Igitur cum Bibulo consul creatur. Eandem ob causam
 opera ab optimatibus data est, ut provinciae futuris consu-
 libus minimi negotii, id est silvae callesque, decernerentur.
 Qua maxime iniuria instinctus, omnibus officiis Gnaeum Pom-
 15 peium adsectatus est, offensum patribus, quod, Mithridate
 rege victo, cunctantius confirmarentur acta sua; Pompeio-
 que Marcum Crassum reconciliavit, veterem inimicum ex
 consulatu, quem summa discordia simul gesserant; ac so-
 cietatem cum utroque iniit, ne quid ageretur in re publica,
 20 quod displicuisset ulli e tribus. Inito honore primus omnium 20
 instituit, ut tam senatus quam populi diurna acta confierent
 et publicarentur. Antiquum etiam retulit morem, ut quo
 mense fasces non haberet, accensus ante eum iret, lictores
 pone sequerentur. Lege autem agraria promulgata, obnun-
 25 tiantem collegam armis foro expulit, ac postero die in se-
 natu conquestum, nec quoquam reperto qui super tali con-
 sternatione referre aut censere aliquid auderet, qualia multa
 saepe in levioribus turbis decreta erant, in eam coegit de-
 sperationem, ut, quoad potestate abiret, domo abditus nihil
 30 aliud quam per edicta obnuntiaret.

Unus ex eo tempore omnia in re publica et ad arbitrium
 administravit, ut nonnulli urbanorum, cum quid per iocum
 testandi gratia signarent, non Caesare et Bibulo, sed Iulio
 et Caesare consulibus actum scriberent, bis eundem prae-
 35 ponentes, nomine atque cognomine; utque vulgo mox fer-
 rentur hi versus:

Non Bibulo quicquam nuper sed Caesare factum est:

Nam Bibulo fieri consule nil memini.

Campum Stellatē, maioribus consecratum, agrumque Campanum, ad subsidia rei publicae vectigalem relictum, divisit extra sortem ad viginti milibus civium, quibus terni pluresve liberi essent. Publicanos remissionem petentis tertia mercedum parte relevavit, ac, ne in locatione novorum vectigalium inmoderatus liceretur, propalam monuit. Cetera item, quae cuique libuissent, dilargitus est, contradicente nullo, ac, si conaretur quis, absterito. Marcum Catonem interpellantem extrahi curia per lictorem ducique in carcerem iussit. Lucio Lucullo liberius resistenti tantum calumniarum metum iniecit, ut ad genua ultro sibi accideret. Cicerone in iudicio quodam deplorante temporum statum, Publium Clodium inimicum eius, frustra iam pridem a patribus ad plebem transire nitentem, eodem die horaque nona transduxit. Postremo in universos diversae factionis *** indictum praemiis, ut se de inferenda Pompeio nece sollicitatum a quibusdam profiteretur, productusque pro rostris auctores ex compacto nominaret; sed uno atque altero frustra nec sine suspicione fraudis nominatis, desperans tam praecipitis consilii eventum, intercepisse veneno indicem creditur.

21 Sub idem tempus Calpurniam, L. Pisonis filiam successuri sibi in consulatu, duxit uxorem, suamque, Iuliam, Gnaeo Pompeio conlocavit, repudiato priore sponso Servilio Caepione, cuius vel praecipua opera paulo ante Bibulum inpu-gnaverat. Ac post novam adfinitatem Pompeium primum 25 rogare sententiam coepit, cum Crassum soleret, essetque consuetudo, ut quem ordinem interrogandi sententias consul Kal. Ianuariis instituisset, eum toto anno conservaret.

22 Socero igitur generoque suffragantibus, ex omni provinciarum copia Gallias potissimum elegit, cuius emolumento 30 et opportunitate idonea sit materia triumphorum. Et initio quidem Galliam Cisalpinam, Illyrico adiecto, lege Vatinia accepit; mox per senatum Comatam quoque, veritis patribus ne, si ipsi negassent, populus et hanc daret. Quo gaudio elatus non temperavit, quin paucos post dies frequenti curia 35 iactaret, *invitis et gementibus adversariis adeptum se quae concupisset, proinde ex eo insultaturum omnium capitibus*; ac negante quodam per contumeliam facile hoc

ulli feminae fore, responderet quasi adludens, *in Syria quoque regnasse Semiramin, magnamque Asiae partem Amazonas tenuisse quondam.*

Functus consulatu, Gaio Memmio Lucioque Domitio prae-²³
⁵toribus de superioris anni actis referentibus, cognitionem senatui detulit; nec illo suscipiente, triduoque per inritas altercationes absumpto, in provinciam abiit; et statim quaestor eius in praeiudicium aliquot criminibus arreptus est. Mox et ipse a Lucio Antistio TR. PL. postulatus, ap-
¹⁰pellato demum collegio optinuit, cum rei publicae causa abesset reus ne fieret. Ad securitatem ergo posterius temporis in magno negotio habuit obligare semper annuos magistratus, et e petitoribus non alios adiuvere aut ad honorem pati pervenire, quam qui sibi recepissent propugnatu-
¹⁵ros absentiam suam; cuius pacti non dubitavit a quibusdam ius inrandum atque etiam syngrapham exigere. Sed cum Lucius²⁴
Domitius consulatus candidatus palam minaretur, consulem se effecturum quod praetor nequisset adempturumque ei exercitus, Crassum Pompeiumque in urbem provinciae suae Lu-
²⁰cam extractos compulit, ut detrudendi Domitii causa consulatum alterum peterent, perfecitque per utrumque, ut in quinquennium sibi imperium prorogaretur. Qua fiducia ad legiones, quas a re publica acceperat, alias privato sumptu addidit, unam etiam ex Transalpinis conscriptam, vocabulo
²⁵quoque Gallico (Alauda enim appellabatur) quam disciplina cultuque Romano institutam et ornatam, postea universam civitate donavit. Nec deinde ulla belli occasione, ne iniusti quidem ac periculosi abstinuit, tam foederatis quam infestis ac feris gentibus ultro lacescit, adeo ut senatus quon-
³⁰dam legatos ad explorandum statum Galliarum mittendos decreverit, ac nonnulli dedendum eum hostibus censuerint. Sed prospere decedentibus rebus, et saepius et plurium quam quisquam umquam dierum supplicationes impetravit. Gessit²⁵
autem novem annis, quibus in imperio fuit, haec fere.
³⁵ Omnem Galliam, quae saltu Pyrenaeo Alpibusque et monte Gebenna, fluminibus Rheno ac Rhodano continetur, patetque circuitu ad bis et tricies centum milia passuum, praeter socias ac bene meritas civitates, in provinciae for-

mam redegit, eique *** in singulos annos stipendii nomine
 inposuit; Germanos, qui trans Rhenum incolunt, primus Ro-
 manorum ponte fabricato adgressus, maximis adfecit cladi-
 bus; adgressus est et Britannos ignotos antea, superatisque
 pecunias et obsides imperavit: per tot successus ter, nec
 5 amplius, adversum casum expertus: in Britannia classe vi
 tempestatis prope absumpta, et in Gallia ad Gergoviam le-
 gione fusa, et in Germanorum finibus Titurio et Aurunculeio
 26 legatis per insidias caesis. Eodem temporis spatio matrem
 primo, deinde filiam, nec multo post nepotem amisit. Inter 10
 quae, consternata Publi Clodi caede re publica, cum senatus
 unum consulem nominatimque Gnaeum Pompeium fieri cen-
 suisset, egit cum tribunis plebis collegam se Pompeio desti-
 nantibus, id potius ad populum ferrent ut absenti sibi, quan-
 doque imperii tempus expleri coepisset, petitio secundi con- 15
 sulatus daretur, ne ea causa maturius et imperfecto adhuc
 bello decederet. Quod ut adeptus est, altiora iam meditans
 et spei plenus nullum largitionis aut officiorum in quem-
 quam genus publice privatimque omisit. Forum de manu-
 biis inchoavit, cuius area super sestertium milies constitit. 20
 Munus populo epulumque pronuntiavit in filiae memoriam,
 quod ante eum nemo. Quorum ut quam maxima expectatio
 esset, ea quae ad epulum pertinerent, quamvis macellaris
 ablocata, etiam domesticatim apparabat. Gladiatores notos,
 sicubi infestis spectatoribus dimicarent, vi rapiendos reser- 25
 vandosque mandabat. Tirones neque in ludo neque per la-
 nistas, sed in domibus per equites Romanos atque etiam per
 senatores armorum peritos erudiebat, precibus enitens, quod
 epistulis eius ostenditur, ut disciplinam singulorum susciperent
 ipsique dictata exercentibus darent. Legionibus stipendium 30
 in perpetuum duplicavit. Frumentum, quotiens copia esset,
 etiam sine modo mensuraque praebuit, ac singula interdum
 27 mancipia e praeda viritim dedit. Ad retinendam autem Pom-
 pei necessitudinem ac voluntatem Octaviam sororis suae ne-
 ptem, quae Gaio Marcello nupta erat, condicionem ei detulit, 35
 sibi quae filiam eius in matrimonium petit, Fausto Sullae desti-
 natam. Omnibus vero circa eum atque etiam parte magna
 senatus gratuito aut levi foenore obstrictis, ex reliquo quo-

que ordinum genere vel invitatos vel sponte ad se commentantis uberrimo congiario prosequabatur, liberos insuper servulosque cuiusque, prout domino patronove gratus qui esset. Tum reorum aut obaeratorum aut prodigae iuventutis subsidium unicum ac promptissimum erat, nisi quos gravior criminum vel inopiae luxuriaeve vis urgeret, quam ut subveniri posset a se; his plane palam *bello civili opus esse* dicebat. Nec minore studio reges atque provincias per terrarum orbem adliciebat, aliis captivorum milia dono offerens, aliis 10 citra senatus populique auctoritatem, quo vellent et quotiens vellent, auxilia submittens, superque Italiae Galliarumque et Hispaniarum, Asiae quoque et Graeciae potentissimas urbes praecipuis operibus exornans; donec, attonitis iam omnibus, et quorsum illa tenderent reputantibus, Marcus Claudius Marcellus consul edicto praefatus, de summa se re publica acturum, rettulit ad senatum, ut ei succederetur ante tempus, quoniam bello confecto pax esset ac dimitti deberet victor exercitus; et ne absentis ratio comitiis haberetur, quando nec plebi scito Pompeius postea obrogasset. (Acciderat autem, ut is legem de iure magistratuum ferens eo capite, quo petitione honorum absentis submovebat, ne Caesarem quidem exciperet, per oblivionem; ac mox, lege iam in aes incisa et in aerarium condita, corrigeret errorem.) Nec contentus Marcellus provincias Caesari et privilegium 25 eripere, retulit etiam, ut colonis, quos rogatione Vatinia Novum Comum deduxisset, civitas adimeretur, quod per ambitionem et ultra praescriptum data esset.

Commotus his Caesar, ac iudicans, quod saepe ex eo auditum ferunt, *difficilius se principem civitatis a primo ordine in secundum quam ex secundo in novissimum detrudi*, summa ope restitit, partim per intercessores tribunos, partim per Servium Sulpicium alterum consulem. Insequenti quoque anno Gaio Marcello, qui fratri patrueli suo Marco in consulatu successerat, eadem temptante, collegam eius Aemilium Paulum, Gaiumque Curionem violentissimum tribunorum ingenti mercede defensores paravit. Sed cum obstinatius omnia agi videret et designatos etiam consules e parte diversa, senatum litteris deprecatus est, ne sibi beneficium 35

populi adimeretur, aut ut ceteri quoque imperatores ab exercitibus discederent; confisus, ut putant, facilius se, simul atque libuisset, veteranos convocaturum quam Pompeium novos milites. Cum adversariis autem pepigit, ut, dimissis octo legionibus Transalpinaque Gallia, duae sibi legiones et⁵ Cisalpina provincia, vel etiam una legio cum Illyrico concederetur, quoad consul fieret. Verum neque senatu interveniente et adversariis negantibus, ullam se de re publica facturos pactionem, transiit in citeriorem Galliam, conventibusque peractis Ravennae substitit, bello vindicaturus, si¹⁰ quid de tribunis plebis intercedentibus pro se gravius a senatu constitutum esset.

Et praetextum quidem illi civilium armorum hoc fuit; causas autem alias fuisse opinantur. Gnaeus Pompeius ita dictitabat, quod neque opera consummare quae instituerat,¹⁵ neque populi expectationem, quam de adventu suo fecerat, privatis opibus explere posset, turbare omnia ac permiscere voluisse. Alii timuisse dicunt, ne eorum, quae primo consulatu adversus auspicia legesque et intercessionem gessisset, rationem reddere cogeretur; cum M. Cato identidem nec sine²⁰ iure iurando denuntiaret, delaturum se nomen eius simul ac primum exercitum dimisisset; cumque vulgo fore praedicarent, ut si privatus redisset, Milonis exemplo circumpositis armatis causam apud iudices diceret. Quod probabilius facit Asinius Pollio, Pharsalica acie caesos profligatosque²⁵ adversarios prospicientem haec eum ad verbum dixisse referens: *Hoc voluerunt; tantis rebus gestis Gaius Caesar condemnatus essem, nisi ab exercitu auxilium petissem.* Quidam putant captum imperii consuetudine pensitatisque suis et inimicorum viribus, usum occasione rapiendae domi-³⁰ nationis, quam aetate prima concupisset. Quod existimasse videbatur et Cicero, scribens de Officiis tertio libro semper Caesarem in ore habuisse [est in Phoenissis: εἴπερ γὰρ ἀδικεῖν, χορή, τυραννίδος πέρι κάλλιστον ἀδίκημα· τὰ δ' ἄλλα εὐσεβεῖν χορεῶν] Euripidis versus, quos sic ipse con-³⁵ vertit:

*Nam si violandum est ius, regnandi gratia
Violandum est: aliis rebus pietatem colas.*

Cum ergo sublatam tribunorum intercessionem ipsosque 31
 urbe cecissee nuntiatum est, praemissis confestim clam cohorti-
 bus, ne qua suspicio moveretur, et spectaculo publico per
 dissimulationem interfuit et formam, qua ludum gladiatorium
 5 erat aedificaturus, consideravit et ex consuetudine convivio se
 frequenti dedit. Dein post solis occasum, mulis e proximo
 pistrino ad vehiculum iunctis, occultissimum iter modico co-
 mitatu ingressus est; et cum luminibus extinctis decessisset
 via, diu errabundus, tandem ad lucem duce reperto, per
 10 angustissimos tramites pedibus evasit; consecutusque cohortis
 ad Rubiconem flumen, qui provinciae eius finis erat, paulum
 constitit, ac reputans quantum moliretur, conversus ad
 proximos *Etiam nunc inquit regredi possumus; quod si*
ponticulum transierimus, omnia armis agenda erunt.
 15 Cunctanti ostentum tale factum est. Quidam eximia magni- 32
 tudine et forma in proximo sedens repente apparuit, harundine
 canens; ad quem audiendum cum praeter pastores pluri-
 mi etiam ex stationibus milites concurrissent interque eos
 et aeneatores, rapta ab uno tuba prosilivit ad flumen et in-
 20 genti spiritu classicum exorsus pertendit ad alteram ripam.
 Tunc Caesar *Eatur inquit, quo deorum ostenta et inimi-*
corum iniquitas vocat. Jacta alea est, inquit. Atque ita 33
 traiecto exercitu, adhibitis tribunis plebis, qui pulsati super-
 venerant, pro contione fidem militum flens ac veste a pectore
 25 discissa invocavit. Existimatur etiam equestres census pol-
 lictus singulis; quod accidit opinione falsa. Nam cum in
 adloquendo exhortandoque saepius digitum laevae manus
 ostentans adfirmaret, se ad satis faciendum omnibus, per
 quos dignitatem suam defensurus esset, anulum quoque aequo
 30 animo detracturum sibi, extrema contio, cui facilius erat vi-
 dere contionantem quam audire, pro dicto accepit, quod visu
 suspicabatur; promissumque ius anulorum cum milibus qua-
 dringenis, fama distulit.

Ordo et summa rerum, quas deinceps gessit, sic se ha- 34
 35 bent. Picenum Umbriam Etruriam occupavit, et Lucio Do-
 mitio, qui per tumultum successor ei nominatus Corfinium
 praesidio tenebat, in dicionem redacto atque dimisso, secun-
 dum Superum mare Brundisium tetendit, quo consules Pom-

peiusque confugerant, quam primum transfretaturi. Hos frustra per omnis moras exitu prohibere conatus, Romam iter co vertit appellatisque de re publica patribus, validissimas Pompei copias, quae sub tribus legatis M. Petreio et L. A. anio et M. Varrone in Hispania erant, invasit, professus ante inter suos, *ire se ad exercitum sine duce, et inde reversurum ad ducem sine exercitu.* Et quamquam obsidione Massiliae, quae sibi in itinere portas clauserat, summaque frumentariae rei paenuria retardante, brevi tamen omnia subegit. Hinc urbe repetita, in Macedoniam transgressus, Pompeium, per quattuor paene menses maximis obsessum operibus, ad extremum Pharsalico praelio fudit et fugientem Alexandriam persecutus, ut occisum deprehendit, cum Ptolemaeo rege, a quo sibi quoque insidias tendi videbat, bellum sane difficillimum gessit, neque loco neque tempore aequo, sed hieme anni et intra moenia copiosissimi ac sollertissimi hostis, inops ipse omnium rerum atque inparatus. Regnum Aegypti victor Cleopatrae fratrique eius minori permisit, veritus provinciam facere, ne quandoque violentiorem praesidem nacta novarum rerum materia esset. Ab Alexandria in Syriam et inde Pontum transiit, urgentibus de Pharnace nuntiis, quem Mithridatis Magni filium ac tunc occasione temporum bellantem iamque multiplici successu praeferocem, intra quintum quam adfuerat diem, quattuor quibus in conspectum venit horis, una profligavit acie; crebro commemorans Pompei felicitatem, cui praecipua militiae laus de tam inbelli genere hostium contigisset. Dehinc Scipionem ac Iubam reliquias partium in Africa refoventis devicit, Pompei liberos in Hispania. Omnibus civilibus bellis nullam cladem nisi per legatos suos passus est, quorum C. Curio in Africa periit, C. Antonius in Illyrico in adversariorum devenit potestatem, P. Dolabella classem in eodem Illyrico, CN. Domitius Calvinus in Ponto exercitum amiserunt. Ipse prosperrime semper ac ne ancipiti quidem umquam fortuna, praeterquam bis, dimicavit: semel ad Dyrrachium, ubi pulsus, non instante Pompeio, negavit eum vincere scire, iterum in Hispania ultimo proelio cum desperatis rebus etiam de consciscenda nece cogitavit.

Confectis bellis quinquies triumphavit, post devictum 37
 Scipionem quater eodem mense, sed interiectis diebus, et
 rursus semel post superatos Pompei liberos. Primum et ex-
 cellentissimum triumphum egit Gallicum, sequentem Alexan-
 5 drinum, deinde Ponticum, huic proximum Africanum, novis-
 simum Hispaniensem, diverso quemque apparatu et instru-
 mento. Gallici triumphi die Velabrum praetervehens paene
 curru excussus est, axe diffracto, ascenditque Capitolium ad
 lumina, quadraginta elephantis dextra atque sinistra lychnu-
 10 chos gestantibus. Pontico triumpho inter pompae fercula
 trium verborum praetulit titulum veni, vidi, vici non acta
 belli significantem, sicut ceteris, sed celeriter confecti no-
 tam. Veteranis legionibus praedae nomine in pedites sin- 38
 gulos super bina sestertia, quae initio civilis tumultus nume-
 15 raverat, vicena quaterna milia nummum dedit. Adsignavit et
 agros, sed non continuos, ne quis possessorum expelleretur.
 Populo praeter frumenti denos modios ac totidem olei libras
 trecenos quoque nummos, quos pollicitus olim erat, viritim
 divisit, et hoc amplius centenos pro mora. Annuam etiam ha-
 20 bitationem Romae usque ad bina milia nummum, in Italia non
 ultra quingenos sestertios remisit. Adiecit epulum ac visce-
 rationem, et post Hispaniensem victoriam duo prandia; nam
 cum prius parce neque pro liberalitate sua praebitum iudicaret,
 quinto post die aliud largissimum praebuit. Edidit spectacula 39
 25 varii generis: munus gladiatorium, ludos etiam regionatim urbe
 tota et quidem per omnium linguarum histriones, item circen-
 ses, athletas, naumachiam. Munere in foro depugnavit Fu-
 rius Leptinus stirpe praetoria et Q. Calpenus, senator quon-
 dam actorque causarum. Pyrricham saltaverunt Asiae Bithy-
 30 niaeque principum liberi. Ludis Decimus Laberius eques
 Romanus mimum suum egit, donatusque quingentis sestertiis
 et anulo aureo, sessum in quattuordecim e scaena per or-
 chestram transiit. Circensibus, spatio circi ab utraque parte
 producto et in gyrum euripo addito, quadrigas bigasque et
 35 equos desultorios agitaverunt nobilissimi iuvenes. Troiam
 lusit turma duplex, maiorum minorumque puerorum. Vena-
 tiones editae per dies quinque, ac novissime pugna divisa in
 duas acies, quingenis peditibus, elephantis vicenis, tricenis

equitibus hinc et inde commissis. Nam quo laxius dimicaretur, sublatae metae inque earum locum bina castra exadversum constituta erant. Athletae, stadio ad tempus extracto regione Marti campi, certaverunt per triduum. Navali proelio, in minore Codeta defosso lacu biremes ac triremes quadriremesque Tyriae et Aegyptiae classis magno pugnatorum numero conflixerunt. Ad quae omnia spectacula tantum undique confluit hominum, ut plerique advenae aut inter vicos aut inter vias tabernaculis positae manerent; ac saepe praeturbae elisi exanimatique sint plurimi et in his duo senatores.

40 Conversus hinc ad ordinandum rei publicae statum, fastos correxit, iam pridem vitio pontificum per intercalandi licentiam adeo turbatos, ut neque messium feriae aestate neque vindemiarum autumnis competere; annumque ad cursum solis accommodavit, ut trecentorum sexaginta quinque dierum esset, et intercalario mense sublato unus dies quarto quoque anno intercalaretur. Quo autem magis in posterum ex Kalendis Ianuariis novis temporum ratio congrueret, inter Novembrem ac Decembrem mensem interiecit duos alios: fuitque is annus, quo haec constituebantur, quindecim mensium cum intercalario, qui ex consuetudine in eum annum incidere-

41 rat. Senatum supplevit, patricios adlegit, praetorum aedilium quaestorum, minorum etiam magistratuum numerum ampliavit; nudatos opere censorio aut sententia iudicum de ambitu condemnatos restituit. Comitibus cum populo partitus est ut, exceptis consulatus competitoribus, de cetero numero candidatorum pro parte dimidia quos populus vellet pronuntiarentur, pro parte altera quos ipse edidisset. Et edebat per libellos circum tribum missos scriptura brevi: *Caesar dictator illi tribui. Commendo vobis illum et illum, ut vestro suffragio suam dignitatem teneant.* Admisit ad honores et proscriptorum liberos. Iudicia ad duo genera iudicum redegit, equestris ordinis ac senatorii; tribunos aerearios, quod erat tertium, sustulit.

Recensum populi nec more nec loco solito, sed vicatim, per dominos insularum egit, atque ex viginti trecentisque milibus accipientium frumentum e publico ad centum quinquaginta retraxit; ac ne qui novi coetus recensionis causa

moveri quandoque possent, instituit, quot annis in demortuorum locum ex iis, qui recens non essent, subsortitio a praetore fieret. Octoginta autem civium milibus in transmarinas colonias distributis, ut exhaustae quoque urbis frequentia suppeteret, sanxit, ne quis civis maior annis viginti minorve quadraginta, qui sacramento non teneretur, plus triennio continuo Italia abesset, neu qui senatoris filius nisi contubernalis aut comes magistratus peregre proficisceretur; neve ii, qui pecuariam facerent, minus tertia parte puberum ingenuorum inter pastores haberent. Omnisque medicinam Romae professos et liberalium artium doctores, quo libentius et ipsi urbem incolerent et ceteri adpeterent, civitate donavit. De pecuniis mutuis, disiecta novarum tabularum expectatione, quae crebro movebatur, decrevit tandem, ut debitores creditoribus satis facerent per aestimationem possessionum, quanti quasque ante civile bellum comparassent, deducto summae aeris alieni, si quid usurae nomine numeratum aut perscriptum fuisset; qua condicione quarta pars fere crediti deperibat. Cuncta collegia, praeter antiquitus constituta, distraxit. Poenas facinorum auxit; et cum locupletes eo facilius scelere se obligarent, quod integris patrimoniis exulabant, parricidas, ut Cicero scribit, bonis omnibus, reliquos dimidia parte multavit. Ius laboriosissime ac severissime dixit. Repetundarum convictos etiam ordine senatorio movit. Diremit nuptias praetorii viri, qui digressam a marito post biduum statim duxerat, quamvis sine probri suspitione. Peregrinarum mercium portoria instituit. Lecticarum usum, item conchyliatae vestis et margaritarum, nisi certis personis et aetatibus perque certos dies, ademit. Legem praecipue sumptuariam exercuit, dispositis circa macellum custodibus, qui obsonia contra vetitum retinerent deportarentque ad se, submissis nonnumquam lictoribus atque militibus, qui, si qua custodes fefellissent, iam adposita et triclinio auferrent.

Nam de ornanda instruendaque urbe, item de tuendo ampliandoque imperio plura ac maiora in dies destinabat: in primis Martis templum, quantum nusquam esset, extruere, repleto et conplanato lacu, in quo naumachiae spectaculum

ediderat, theatrumque summae magnitudinis Tarpeio monti accubans; ius civile ad certum modum redigere, atque ex immensa diffusaque legum copia optima quaeque et necessaria in paucissimos conferre libros; bibliothecas Graecas Latinasque quas maximas posset publicare, data Marco⁵ Varroni cura comparandarum ac digerendarum; siccare Pomptinas paludes; emittere Fucinum lacum; viam munire a mari Supero per Appennini dorsum ad Tiberim usque; perfodere Isthmum; Dacos, qui se in Pontum et Thraciam effuderant, coercere; mox Parthis inferre bellum per Ar-¹⁰meniam minorem, nec nisi ante expertos adgredi proelio.

Talia agentem atque meditantem mors praevenit. De qua prius quam dicam, ea quae ad formam et habitum et cultum et mores, nec minus quae ad civilia et bellica eius studia pertineant non alienum erit summatim exponere.

¹⁵ Fuisse traditur excelsa statura, colore candido, teretibus membris, ore paulo pleniore, nigris vegetisque oculis, validitudine prospera; nisi quod tempore extremo repente animo linqui atque etiam per somnum exterreri solebat. Comitiali quoque morbo bis inter res agendas correptus est. Circa²⁰ corporis curam morosior, ut non solum tonderetur diligenter ac raderetur, sed velleretur etiam, ut quidam exprobraverunt; calvitii vero deformitatem iniquissime ferret, saepe obtrectatorum iocis obnoxiam expertus. Ideoque et deficientem capillum revocare a vertice adsueverat, et ex²⁵ omnibus decretis sibi a senatu populoque honoribus non aliud aut recepit aut usurpavit libentius quam ius laureae coronae perpetuo gestandae.

Etiam cultu notabilem ferunt; usum enim lato clavo ad manus fimbriato, nec ut umquam aliter quam super eum³⁰ cingeretur, et quidem fluxiore cinctura; unde emanasse Sullae dictum optimates saepius admonentis, *ut male prae-*
⁴⁶ *cinctum puerum caverent.* Habitavit primo in Subura modicis aedibus; post autem pontificatum maximum in Sacra via domo publica. Munditiarum lautitiarumque studiosissi-³⁵ mum multi prodiderunt: villam in Nemorensi a fundamentis inchoatam magnoque sumptu absolutam, quia non tota ad animum ei responderat, totam diruisse, quamquam tenuem

adhuc et obaeratum; in expeditionibus tessellata et sectilia pavimenta circumtulisse; Britanniam petisse spe margari- 47
tarum, quarum amplitudinem conferentem interdum sua manu exegisse pondus; gemmas, toreumata, signa, tabulas
5 operis antiqui semper animosissime comparasse; servitia rectora politioraque inmenso pretio, et cuius ipsum etiam puderet, sic ut rationibus vetaret inferri; convivatum assi- 48
due per provincias duobus tricliniis, uno quo sagati palliative, altero quo togati cum inlustrioribus provinciarum dis-
10 cumberent. Domesticam disciplinam in parvis ac maioribus rebus diligenter adeo severeque rexit, ut pistorem, alium quam sibi panem convivis subicientem, compedibus vinxerit; libertum gratissimum ob adulteratam equitis Romani uxorem, quamvis nullo querente, capitali poena adfecerit.
15 Pudicitiae eius famam nihil quidem praeter Nicomedis 49 contubernium laesit, gravi tamen et perenni obprobrio et ad omnium convitia exposito. Omitto Calvi Licini notissimos versus:

Bithynia quicquid

20 *Et paedicator Caesaris umquam habuit.*

Praetereo actiones Dolabellae et Curionis patris, in quibus eum Dolabella *pelicem reginae, spondam interiorem regiae lecticae*, ac Curio *stabulum Nicomedis et Bithynicum fornitem* dicunt. Missa etiam facio edicta Bibuli,
25 quibus proscripsit *collegam suum Bithynicam reginam, eique antea regem fuisse cordi, nunc esse regnum*. Quo tempore, ut Marcus Brutus refert, Octavius etiam quidam, valitudine mentis liberius dicax, conventu maximo, cum Pompeium regem appellasset, ipsum reginam salutavit.
30 Sed C. Memmius etiam ad cyathum et vinum Nicomedi stetit obicit, cum reliquis exoletis, pleno convivio, accubantibus nonnullis urbicis negotiatoribus, quorum refert nomina. Cicero vero non contentus in quibusdam epistulis scripsisse, a satellitibus eum in cubiculum regium eductum
35 in aureo lecto veste purpurea decubuisse, floremque aetatis a Venere orti in Bithynia contaminatum, quondam etiam in senatu defendenti ei Nysae causam, filiae Nicomedis, beneficiaque regis in se commemoranti *Remove*, inquit,

istaec, oro te; quando notum est, et quid ille tibi et quid illi tute dederis. Gallico denique triumpho milites eius inter cetera carmina, qualia currum prosequentes ioculariter canunt, etiam illud vulgatissimum pronuntiaverunt:

Gallias Caesar subegit, Nicomedes Caesarem:

Ecce Caesar nunc triumphat qui subegit Gallias,

Nicomedes non triumphat qui subegit Caesarem.

- 50 Pronum et sumptuosum in libidines fuisse constans opinio est, plurimasque et illustres feminas corrupisse, in quibus Postumiam Servi Sulpicii, Lolliam Auli Gabini, Tertullam 10 Marci Crassi, etiam CN. Pompei Muciam. Nam certe Pompeio et a Curionibus patre et filio et a multis exprobratum est, quod cuius causa post tres liberos exegisset uxorem et quem gemens Aegisthum appellare consuesset, eius postea filiam potentiae cupiditate in matrimonium recepisset. Sed ante alias dilexit Marci Bruti matrem Serviliam, cui et primo suo consulatu sexagiens sestertio margaritam mercatus est et bello civili super alias donationes amplissima praedia ex auctionibus hastae minimo addixit; cum quidem, plerisque vilitatem mirantibus, facetissime Cicero 20 *Quo melius*, inquit, *emptum sciatis, Tertia deducta*; existimabatur enim Servilia etiam filiam suam Tertiam Caesaris conciliare. Ne provincialibus quidem matrimoniis abstinuisset, vel hoc disticho apparet iactato aequae a militibus per Gallicum triumphum:

Urbani, servate uxores, moechum calvom adducimus.

Aurum in Gallia effutuisti, hic sumpsisti mutuum.

- 52 Dilexit et reginas, inter quas Eunoen Mauram Bogudis uxorem, cui maritoque eius plurima et immensa tribuit, ut Naso scripsit, sed maxime Cleopatram, cum qua et con- 30 vivia in primam lucem saepe protraxit et eadem nave thalamego paene Aethiopia tenus Aegyptum penetravit, nisi exercitus sequi recusasset, quam denique accitam in urbem nonnisi maximis honoribus praemisque auctam remisit, filiumque natum appellare nomine suo passus est. Quem quidem 35 nonnulli Graecorum similem quoque Caesari et forma et incessu tradiderunt. M. Antonius adgnitum etiam ab eo senatui adfirmavit, quae scire C. Matium et C. Oppium reli-

quosque Caesaris amicos; quorum Gaius Oppius, quasi plane defensione ac patrocínio res egeret, librum edidit, non esse Caesaris filium, quem Cleopatra dicat. Helvius Cinna TR. PL. plerisque confessus est habuisse se scriptam
 5 paratamque legem, quam Caesar ferre iussisset cum ipse abesset, uti uxores liberorum quaerendorum causa quas et quot vellet ducere liceret. Ac ne cui dubium omnino sit, et impudicitiae et adulteriorum flagrasse infamia, Curio pater quadam eum oratione omnium mulierum virum et omnium
 10 virorum mulierem appellat.

Vini parcissimum ne inimici quidem negaverunt. Marci 53
 Catonis est, *unum ex omnibus Caesarem ad evertendam rem publicam sobrium accessisse*. Nam circa victum Gaius Oppius adeo indifferentem docet, ut quondam ab hospite
 15 conditum oleum pro viridi adpositum, aspernantibus ceteris, solum etiam largius appetisse scribat, ne hospitem aut neglegentiae aut rusticitatis videretur arguere. Abstinentiam 54
 neque in imperiis neque in magistratibus praestitit. Ut enim quidam monumentis suis testati sunt, in Hispania procon-
 20 sule et a sociis pecunias accepit emendicatas in auxilium aeris alieni et Lusitanorum quaedam oppida, quamquam nec imperata detrectarent et adveniēti portas patefacere, diripuit hostiliter. In Gallia fana templaque deum donis re-
 ferta expilavit, urbes diruit saepius ob praedam quam ob
 25 delictum; unde factum, ut auro abundaret ternisque milibus nummum in libras promercale per Italiam provinciasque divenderet. In primo consulatu tria milia pondo auri furatus e Capitolio, tantundem inaurati aeris reposuit. Societates ac
 regna pretio dedit, ut qui uni Ptolemaeo prope sex milia
 30 talentorum suo Pompeique nomine abstulerit. Postea vero evidentissimis rapinis ac sacrilegis et onera bellorum civilium et triumphorum ac munerum sustinuit impendia.

Eloquentia militarique re aut aequavit praestantissimo- 55
 rum gloriam aut excessit. Post accusationem Dolabellae
 35 haud dubie principibus patronis adnumeratus est. Certe Cicero ad Brutum, oratores enumerans, negat se videre, cui debeat Caesar cedere, atque eum elegantem, splendidam quoque atque etiam magnificam et generosam quodam modo

rationem dicendi tenere, et ad Cornelium Nepotem de eodem ita scripsit: *Quid? oratorum quem huic antepones eorum, qui nihil aliud egerunt? quis sententiis aut acutior aut crebrior? quis verbis aut ornatior aut elegantior?* Genus eloquentiae dum taxat adulescens adhuc Strabonis Caesaris secutus videtur, cuius etiam ex oratione, quae inscribitur *pro Sardis*, ad verbum nonnulla transtulit in divinationem suam. Pronuntiasset autem dicitur voce acuta, ardenti motu gestuque, non sine venustate. Orationes aliquas reliquit, inter quas temere quaedam feruntur. *Pro Quinto Metello* non immerito Augustus existimat magis ab actuaris exceptam male subsequentibus verba dicentis, quam ab ipso editam; nam in quibusdam exemplaribus invenio ne inscriptam quidem *pro Metello*, sed *quam scripsit Metello*, cum ex persona Caesaris sermo sit Metellum seque adversus communium obtreptatorum criminationes purgantis. *Apud milites quoque in Hispania* idem Augustus vix ipsius putat, quae tamen duplex fertur: una quasi priore habita proelio, altera posteriore, quo Asinius Pollio ne tempus quidem contionandi habuisse eum dicit subita hostium incursione. Reliquit et rerum suarum commentarios Gallici civilisque belli Pompeiani. Nam Alexandrini Africique et Hispaniensis incertus auctor est: alii Oppium putant, alii Hirtium qui etiam Gallici belli novissimum imperfectumque librum suppleverit. De commentariis Caesaris Cicero in eodem Bruto sic refert: *Commentarios scripsit valde quidem probandos: nudi sunt, recti et venusti, omni ornatu orationis tamquam veste detracta; sed dum voluit alios habere parata, unde sumerent qui vellent scribere historiam, ineptis gratum fortasse fecit qui illa volent calamistris inurere, sanos quidem homines a scribendo deterruit.* De isdem commentariis Hirtius ita praedicat: *Adeo probantur omnium iudicio, ut praerepta, non praebita facultas scriptoribus videatur. Cuius tamen rei maior nostra quam reliquorum est admiratio; ceteri enim, quam bene atque emendate, nos etiam, quam facile atque celeriter eos perscripserit, scimus.* Pollio Asinius param diligenter parumque integra veritate compositos pu-

tat, cum Caesar pleraque et quae per alios erant gesta temere crediderit, et quae per se, vel consulto vel etiam memoria lapsus perperam ediderit; existimatque rescripturum et correcturum fuisse. Reliquit et *de Analogia* duos libros
 5 et *Anticatones* totidem, ac praeterea poema quod inscribitur *Iter*. Quorum librorum primos in transitu Alpium, cum ex citeriore Gallia conventibus peractis ad exercitum rediret, sequentes sub tempus Mundensis proelii fecit; novissimum, dum ab urbe in Hispaniam ulteriorem quarto et vicensimo die
 10 pervenit. Epistolae quoque eius ad senatum extant, quas primus videtur ad paginas et formam memorialis libelli convertisse, cum antea consules et duces nonnisi transversa charta scriptas mitterent. Extant et ad Ciceronem, item ad familiares domesticis de rebus, in quibus, si qua occultius
 15 perferenda erant, per notas scripsit, id est sic structo litterarum ordine, ut nullum verbum effici posset: quae si quis investigare et persequi volet, quartam elementorum litteram, id est D pro A et perinde reliquas commutet. Feruntur et a puero et ab adolescentulo quaedam scripta, ut *Laudes Hercu-*
 20 *culis*, tragoedia *Oedipus*, item *Dicta collectanea*: quos omnis libellos vetuit Augustus publicari in epistula, quam brevem admodum ac simplicem ad Pompeium Macrum, cui ordinandas bibliothecas delegaverat, misit.

25 *Armorum et equitandi peritissimus, laboris ultra fidem* 57
patiens erat. In agmine nonnumquam equo, saepius pedibus anteibat, capite detecto, seu sol seu imber esset; longissimas vias incredibili celeritate confecit, expeditus, meritorea reda, centena passuum milia in singulos dies; si flumina morarentur, nando traiciens vel innixus inflatis utribus, ut
 30 persaepe nuntios de se praevenerit. In obeundis expeditio- 58
 nibus dubium cautior an audentior, exercitum neque per insidiosa itinera duxit umquam nisi perspeculatus locorum situs, neque in Britanniam transvexit, nisi ante per se portus et navigationem et accessum ad insulam explorasset. At
 35 idem, obsessione castrorum in Germania nuntiata, per stationes hostium Gallico habitu penetravit ad suos. A Brundisio Dyrrachium inter oppositas classes hieme transmisit cessantibusque copiis, quas subsequi iusserat, cum ad accer-

sendas frustra saepe misisset, novissime ipse clam noctu parvulum navigium solus obvoluto capite conscendit, neque aut quis esset ante detexit aut gubernatorem cedere adversae tempestati passus est, quam paene obrutus fluctibus. Ne religione quidem ulla a quoquam incepto absterritus umquam vel retardatus est. Cum immolanti aufugisset hostia, profectionem adversus Scipionem et Iubam non distulit. Prolapsus etiam in egressu navis, verso ad melius omine *Teneo te*, inquit, *Africa*. Ad eludendas autem vaticinationes, quibus felix et invictum in ea provincia fataliter Scipionum nomen ferebatur, despectissimum quendam ex Corneliorum genere, cui ad opprobrium vitae Salvitoni cognomen erat, in castris secum habuit.

- 60 Proelia non tantum destinato, sed ex occasione sumebat ac saepe ab itinere statim, interdum spurcissimis tempestatibus, cum minime quis moturum putaret; nec nisi tempore extremo ad dimicandum cunctatior factus est, quo saepius vicisset, hoc minus experiendos casus opinans, nihilque se tantum adquisiturum victoria, quantum *** [*auferre calamitas posset. Nullum umquam*] hostem fudit, quin castris quoque exueret: ita nullum spatium perterritis dabat. Ancipiti proelio equos dimittebat et in primis suum, quo maior permanendi necessitas imponeretur auxilio fugae erepto.
- 61 Utebatur autem equo insigni, pedibus prope humanis et in modum digitorum ungulis fissis, quem natum apud se, cum haruspices imperium orbis terrae significare domino pronuntiassent, magna cura aluit nec patientem sessoris alterius primus ascendit; cuius etiam instar pro aede Veneris Genetricis postea dedicavit.
- 62 Inclinatam aciem solus saepe restituit obsistens fugientibus retinensque singulos et contortis faucibus convertens in hostem et quidem adeo plerumque trepidos, ut aquilifer moranti se cuspide sit comminatus,
- 63 alius in manu detinentis reliquerit signum. Non minora illa constantiae eius, immo maiora etiam indicia fuerint. Post aciem Pharsalicam cum praemissis in Asiam copiis per angustias Hellesponti vectoria navicula traiceret, L. Cassium partis adversae cum decem rostratis navibus obvium sibi neque refugit et comminus tendens, ultro ad deditionem horta-

tus, supplicem ad se recepit. Alexandriae circa oppugna- 64
tionem pontis eruptione hostium subita compulsus in scapham,
pluribus eodem praecipitantibus, cum desilisset in mare,
nando per ducentos passus evasit ad proximam navem, elata
5 laeva, ne libelli quos tenebat madefierent, paludamentum
mordicus trahens, ne spolio poteretur hostis.

Militem neque a moribus neque a forma probabat, sed 65
tantum a viribus, tractabatque pari severitate atque indulgentia.
Non enim ubique ac semper, sed cum hostis in proximo
10 esset, coercebat: tum maxime exactor gravissimus disciplinae,
ut neque itineris neque proelii tempus denuntiaret, sed
paratum et intentum momentis omnibus quo vellet subito edu-
ceret. Quod etiam sine causa plerumque faciebat, praecipue
pluviis et festis diebus. Ac subinde, observandum se admo-
15 nens, repente interdiu vel nocte se subtrahebat augebatque
iter, ut serius subsequenter defetigaret. Fama vero hosti- 66
lium copiarum perterritos non negando minuendove, sed in-
super amplificando ementiendoque confirmabat. Itaque cum
expectatio adventus Iubae terribilis esset, convocatis ad con-
20 tionem militibus *Scitote*, inquit, *paucissimis his diebus re-*
gem adfuturum cum decem legionibus, equitum triginta,
leris armaturae centum milibus, elephantis trecentis. Pro-
inde desinant quidam quaerere ultra aut opinari, mihi-
que, qui compertum habeo, credant; aut quidem vetustis-
25 *sima nave impositos quocumque vento in quascumque ter-*
ras iubebo avari.

Delicta neque observabat omnia neque pro modo exse- 67
quebatur, sed desertorum ac seditiosorum et inquisitor et
punitor acerrimus, conivebat in ceteris. Ac nonnumquam
30 post magnam pugnam atque victoriam, remisso officiorum
munere, licentiam omnem passim lasciviendi permittebat,
iactare solitus, *milites suos etiam unguentatos bene pu-*
gnare posse. Nec milites eos pro contione, sed blandiore
nomine commilitones appellabat, habebatque tam cultos
35 ut argento et auro politis armis ornaret, simul et ad speciem
et quo tenaciores eorum in proelio essent metu damni. Di-
ligeat quoque usque adeo, ut audita clade Tituriana barbam
capillumque summiserit nec ante dempserit quam vindicasset.

68 Quibus rebus et devotissimos sibi et fortissimos reddidit. Ingresso civile bellum centuriones cuiusque legionis singulos equites e viatico suo optulerunt, universi milites gratuitam et sine frumento stipendioque operam; cum tenuiorum tutelam locupletiores in se contulissent. Neque in tam diuturno spatio quisquam omnino descivit, plerique capti concessam sibi sub conditione vitam, si militare adversus eum vellent, recusarunt; famem et ceteras necessitates, non cum obsiderentur modo sed et si ipsi alios obsiderent, tantopere tolerabant, ut Dyrrachina munitione Pompeius viso genere panis 10 ex herba, quo sustinebantur, *cum feris sibi rem esse dixerit*, amoverique ocius nec cuiquam ostendi iusserit, ne patientia et pertinacia hostis animi suorum frangerentur.

Quanta fortitudine dimicarint, testimonio est quod adverso semel apud Dyrrhachium proelio poenam in se ultro 15 depoposcerunt, ut consolandos eos magis imperator quam puniendos habuerit. Ceteris proeliis innumeras adversariorum copias, multis partibus ipsi pauciores, facile superarunt. Denique una sextae legionis cohors praeposita castello quattuor Pompei legiones per aliquot horas sustinuit, paene omnis 20 confixa multitudine hostilium sagittarum, quarum centum ac triginta milia intra vallum reperta sunt. Nec mirum, si quis singulorum facta respiciat, vel Cassi Scaevae centurionis vel Gai Acili militis, ne de pluribus referam. Scaeva, excusso oculo, transfixus femore et humero, centum et viginti ictibus scuto perforato, custodiam portae commissi castelli retinuit. Acilius navali ad Massiliam proelio, iniecta in puppem hostium dextera et abscisa, memorabile illud apud Graecos Cynaegiri exemplum imitatus, transiluit in navem, umbone obvios agens. 30

69 Seditionem per decem annos Gallicis bellis nullam omnino moverunt, civilibus aliquas, sed ut celeriter ad officium redierint, nec tam indulgentia ducis quam auctoritate. Non enim cessit umquam tumultuantibus atque etiam obviam semper iit; et nonam quidem legionem apud Placentiam, quam 35 quam in armis adhuc Pompeius esset, totam cum ignominia missam fecit aegreque post multas et supplicis preces, nec nisi exacta de sontibus poena, restituit; decimanos autem

Romae cum ingentibus minis summoque etiam urbis periculo missionem et praemia flagitantes, ardente tunc in Africa bello, neque adire cunctatus est, quamquam deterrentibus amicis, neque dimittere; sed una voce, qua Quirites eos pro militibus appellarat, tam facile circumegit et flexit, ut ei milites esse confestim responderint et quamvis recusantem ultro in Africam sint secuti; ac sic quoque seditiosissimum quemque et praedaë et agri destinati tertia parte multavit.

Studium et fides erga clientis ne iuveni quidem defuerunt. 71
 10 Masintham nobilem iuvenem, cum adversus Hiempsalem regem tam enixe defendisset ut Iubae regis filio in altercatione barbam invaserit, stipendiarium quoque pronuntiatum, et abstrahentibus statim eripuit occultavitque apud se diu et mox, ex praetura proficiscens in Hispaniam, inter officia
 15 prosequentium fascesque lictorum lectica sua avexit.

Amicos tanta semper facilitate indulgentiaque tractavit, 72
 ut Gaio Oppio comitanti se per silvestre iter correptoque subita validudine deversoriolo eo, quod unum erat, cesserit et ipse humi ac sub divo cubuerit. Iam autem rerum potens
 20 quosdam etiam infimi generis ad amplissimos honores provexit, cum ob id culparetur, professus palam, *si grassatorum et sicariorum ope in tuenda sua dignitate usus esset, talibus quoque se parem gratiam relaturum.*

Simultates contra nullas tam graves excepit unquam, ut 73
 25 non occasione oblata libens deponeret. Gai Memmi, cuius asperrimis orationibus non minore acerbitate rescripserat, etiam suffragator mox in petitione consulatus fuit. Gaio Calvo post famosa epigrammata de reconciliatione per amicos agenti ultro ac prior scripsit. Valerium Catullum, a quo
 30 sibi versiculis de Mamurra perpetua stigmata imposita non dissimulaverat, satis facientem eadem die adhibuit caenae hospitioque patris eius, sicut consueverat, uti perseveravit. Sed et in ulciscendo natura lenissimus, piratas, a quibus 74
 captus est, cum in dicionem redegisset, quoniam suffixurum
 35 se cruci ante iuraverat, iugulari prius iussit, deinde suffigi; Cornelio Phagitae, cuius quondam nocturnas insidias aeger ac latens, ne perduceretur ad Sullam, vix praemio dato evaserat, numquam nocere sustinuit; Philemonem a manu ser-

vum, qui necem suam per venenum inimicis promiserat, non gravius quam simplici morte puniit; in Publium Clodium, Pompeiae uxoris suae adulterum atque eadem de causa pollutarum caerimoniarum reum, testis citatus, negavit se quicquam comperisse, quamvis et mater Aurelia et soror Iulia 5 apud eosdem iudices omnia ex fide retulissent; interrogatusque, cur igitur repudiasset uxorem, *Quoniam*, inquit, *meos* 75 *tam suspicione quam crimine iudico carere oportere*. Moderationem vero clementiamque cum in administratione tum in victoria belli civilis admirabilem exhibuit. Denuntiante 10 Pompeio, pro hostibus se habiturum qui rei publicae defuissent, ipse medios et neutrius partis suorum sibi numero futuros pronuntiavit. Quibus autem ex commendatione Pompei ordines dederat, potestatem transeundi ad eum omnibus fecit. Motis apud Ilerdam deditionis conditionibus, cum, assiduo 15 inter utrasque partes usu atque commercio, Afranius et Petreius deprehensos intra castra Iulianos subita paenitentia interfecissent, admissam in se perfidiam non sustinuit imitari. Acie Pharsalica proclamavit ut civibus parceretur, deincepsque nemini non suorum quem vellet unum partis adversae 20 servare concessit. Nec ulli perisse nisi in proelio reperientur, exceptis dum taxat Afranio et Fausto et Lucio Caesare iuvene; ac ne hos quidem voluntate ipsius interemptos putant, quorum tamen et priores post impetratam veniam rebellaverant et Caesar, libertis servisque eius ferro et igni 25 crudelem in modum enectis, bestias quoque ad munus populi comparatas contrucidaverat. Denique tempore extremo etiam quibus nondum ignoverat cunctis in Italiam redire permisit magistratusque et imperia capere; sed et statuas Luci Sullae atque Pompei a plebe disiectas reposuit; ac si qua posthac 30 aut cogitarentur gravius adversus se aut dicerentur, inhibere maluit quam vindicare. Itaque et detectas coniurationes conventusque nocturnos non ultra arguit, quam ut edicto ostenderet esse sibi notas, et acerbe loquentibus satis habuit pro contione denuntiare ne perseverarent, Aulique Caecinae cri- 35 minosissimo libro et Pitholai carminibus maledicentissimis laceratam existimationem suam civili animo tulit.

76 Praegravant tamen cetera facta dictaque eius, ut et ab-

usus dominatione et iure caesus existimetur. Non enim honores modo nimios recepit: continuum consulatum, perpetuam dictaturam, praefecturamque morum, insuper praenomen Imperatoris, cognomen Patris patriae, statuum inter
 5 reges, suggestum in orchestra; sed et ampliora etiam humano fastigio decerni sibi passus est: sedem auream in curia et pro tribunali, tensam et ferculum circensi pompa, templa, aras, simulacra iuxta deos, pulvinar, flaminem, lupercos, appellationem mensis e suo nomine; ac nullos non honores
 10 ad libidinem cepit et dedit. Tertium et quartum consulatum titulo tenus gessit, contentus dictaturae potestate decretae cum consulatibus simul, atque utroque anno binos consules substituit sibi in ternos novissimos menses, ita ut medio tempore comitia nulla habuerit praeter tribunorum et aedilium
 15 plebis, praefectosque pro praetoribus constituerit, qui ap-
 sente se res urbanas administrarent. Pridie autem Kalendas Ianuarias repentina consulis morte cessantem honorem in paucas horas petenti dedit. Eadem licentia spreto patrio more, magistratus in pluris annos ordinavit, decem praetoris
 20 viris consularia ornamenta tribuit, civitate donatos, et quosdam e semibarbaris Gallorum, recepit in curiam. Praeterea monetae publicisque vectigalibus peculiares servos praeposuit. Trium legionum, quas Alexandreae relinquebat, curam et imperium Rufini liberti sui filio, exsoleto suo, demandavit.
 25 Nec minoris inpotentiae voces propalam edebat, ut Titus 77
Ampius scribit, Nihil esse rem publicam, appellationem modo sine corpore ac specie. Sullam nescisse litteras, qui dictaturam deposuerit. Debere homines consideratius iam loqui secum, ac pro legibus habere quae dicat. Eoque
 30 arrogantiae progressus est, ut, haruspice tristitia et sine corde exta quondam nuntiante, *futura diceret laetiora, cum vellet; nec pro ostento ducendum, si pecudi cor defuisset.*

Verum praecipuam et exitiabilem sibi invidiam hinc ma-
 xime movit. Adeuntis se cum plurimis honorificentissimisque
 35 decretis universos patres conscriptos sedens pro aede Veneris Genetricis excepit. Quidam putant retentum a Cornelio Balbo, cum conaretur assurgere: alii, ne conatum quidem omnino, sed etiam admonentem Gaium Trebatium ut assur-

geret minus familiari vultu respexisse. Idque factum eius tanto intolerabilius est visum, quod ipse triumphanti et subsellia tribunicia praetervehenti sibi unum e collegio Pontium Aquilam non assurrexisse adeo indignatus sit, ut proclamaverit: *Repete ergo a me Aquila rem publicam tribunus!* 5 et nec destiterit per continuos dies quicquam cuiquam nisi sub exceptione polliceri, *si tamen per Pontium Aquilam* 79 *licuerit*. Adiecit ad tam insignem despecti senatus contumeliam multo arrogantius factum. Nam cum in sacrificio Lati- narum revertente eo inter immodicas ac novas populi accla- 10 mationes quidam e turba statuae eius coronam lauream candida fascia praeligata inposuisset, et tribuni plebis Epidius Marullus Caesetiusque Flavus coronae fasciam detrahi hominemque duci in vincula iussissent; dolens seu parum prospere motam regni mentionem, sive ut ferebat, ereptam sibi 15 gloriam recusandi, tribunos graviter increpitos potestate privavit. Neque ex eo infamiam affectati etiam regii nominis discutere valuit, quamquam et plebei regem se salutanti, *Caesarem se, non regem esse* responderit, et Lupercalibus pro rostris a consule Antonio admotum saepius capiti suo 20 diadema reppulerit atque in Capitolium Iovi Optimo Maximo miserit. Quin etiam varia fama percrebruit, migraturum Alexandream vel Ilium, translatis simul opibus imperii exhaustaque Italia dilectibus et procuratione urbis amicis permissa, proximo autem senatu Lucium Cottam quindecimvirum 25 sententiam dicturum, ut, quoniam libris fatalibus contineretur, Parthos nisi a rege non posse vinci, Caesar rex appellaretur. Quae causa coniuratis maturandi fuit destinata nego- 80 tia, ne assentiri necesse esset.

Consilia igitur, dispersim antea habita et quae saepe 30 bini ternive ceperant, in unum omnes contulerunt, ne populo quidem iam praesenti statu laeto, sed clam palamque detrectante dominationem atque assertores flagitante. Peregrinis in senatum allectis, libellus propositus est: *Bonum factum: ne quis senatori novo curiam monstrare velit!* et 35 illa vulgo canebantur:

Gallos Caesar in triumphum ducit, idem in curiam.

Galli bracas deposuerunt, latum clavum sumpserunt.

Quinto Maximo suffecto trimenstrique consule theatrum introeunte, cum lictor animadverti ex more iussisset, ab universis conclamatum est, non esse eum consulem. Post remotos Caesetium et Marullum tribunos reperta sunt proximis comitiis complura suffragia consules eos declarantium. Subscripsere quidam Luci Bruti statuæ: *Utinam viveres!* item ipsius Caesaris:

Brutus, quia reges eiecit, consul primus factus est:

Hic, quia consules eiecit, rex postremo factus est.

10 Conspiratum est in eum a sexaginta amplius, Gaio Cassio Marcoque et Decimo Bruto principibus conspirationis. Qui primum cunctati, utrumne in Campo per comitia tribus ad suffragia vocantem partibus divisis e ponte deicerent atque exceptum trucidarent, an in Sacra via vel in aditu theatri
15 adorirentur: postquam senatus Idibus Martiis in Pompei curiam edictus est, facile tempus et locum praetulerunt.

Sed Caesari futura caedes evidentibus prodigiis denun-
tiata est. Paucos ante menses, cum in colonia Capua ducti lege Iulia coloni ad extruendas villas vetustissima
20 sepulchra dissicerent, idque eo studiosius facerent, quod aliquantum vasculorum operis antiqui scrutantes reperiebant, tabula aenea in monumento, in quo dicebatur Capys conditor Capuae sepultus, inventa est, conscripta litteris
25 verbisque Graecis hac sententia, *Quandoque ossa Capiis detecta essent, fore ut Iulo prognatus manu consanguineorum necaretur magnisque mox Italiae cladibus vindicaretur.* Cuius rei, ne quis fabulosam aut commenticiam putet, auctor est Cornelius Balbus, familiarissimus Caesaris. Proximis diebus equorum greges, quos in traiciendo
30 Rubicone flumine consecrarat ac vagos et sine custode dimiserat, comperit pertinacissime pabulo abstinere ubertimque flere. Et immolantem haruspex Spurinna monuit, *caveret periculum, quod non ultra Martias Idus proferretur.* Pridie autem easdem Idus avem regaliolum, cum
35 laureo ramulo Pompeianae curiae se inferentem, volucres varii generis ex proximo nemore persecutae ibidem discerpserunt. Ea vero nocte, cui inluxit dies caedis, et ipse sibi visus est per quietem interdum supra nubes volitare,

alias cum love dextram iungere; et Calpurnia uxor imaginata est, conlabi fastigium domus maritumque in gremio suo confodi; ac subito cubiculi fores sponte patuerunt.

Ob haec simul et ob infirmam valitudinem diu cunctatus, an se contineret et quae apud senatum proposuerat agere differret, tandem Decimo Bruto adhortante, ne frequentis ac iam dudum opperientis destitueret, quinta fere hora progressus est libellumque insidiarum indicem, ab obvio quodam porrectum, libellis ceteris, quos sinistra manu tenebat quasi mox lecturus, commiscuit. Dein pluribus hostiis caecis, cum litare non posset, introiit curiam sprete religione Spurinnamque irridens et ut falsum arguens, quod sine ulla sua noxa Idus Martiae adessent: quamquam is venisse quidem eas diceret, sed non praeterisse. Assidentem conspirati specie officii circumsteterunt; ilicoque Cimber Tillius, qui primas partes susceperat, quasi aliquid rogaturus propius accessit, renuentique et gestu in aliud tempus differenti ab utroque umero togam adprehendit; deinde clamantem: *Ista quidem vis est*, alter e Cascais aversum vulnerat, paulum infra iugulum. Caesar Cascae brachium arreptum graphio traiecit, conatusque prosilire alio vulnere tardatus est; utque animadvertit undique se strictis pugionibus peti, toga caput obvolvitur, simul sinistra manu sinum ad ima crura deduxit, quo honestius caderet etiam inferiore corporis parte velata. Atque ita tribus et viginti plagis confossus est, uno modo ad primum ictum gemitu sine voce edito; etsi tradiderunt quidam Marco Bruto irruenti dixisse: *Καὶ σὺ τέκνον*; Exanimis, diffugientibus cunctis, aliquandiu iacuit, donec lecticae impositum, dependente brachio, tres servoli domum retulerunt. Nec in tot vulneribus, ut Antistius medicus existimabat, letale ullum repertum est, nisi quod secundo loco in pectore acceperat.

Fuerat animus coniuratis corpus occisi in Tiberim trahere, bona publicare, acta rescindere, sed metu Marci Antonii consulis et magistri equitum Lepidi destiterunt. Postulante ergo Lucio Pisone socero testamentum eius aperitur recitaturque in Antoni domo, quod Idibus Septembribus proximis in Lavicano suo fecerat demandaveratque virgini

Vestali maximae. Quintus Tubero tradit, heredem ab eo scribi solitum ex consulatu ipsius primo usque ad initium civilis belli CN. Pompeium, idque militibus pro contione recitatum. Sed novissimo testamento tres instituit heredes
 5 sororum nepotes, Gaium Octavium ex dodrante, et Lucium Pinarium et Quintum Pedium ex quadrante reliquo; in ima cera Gaium Octavium etiam in familiam nomenque adoptavit; plerosque percussorum in tutoribus fili, si qui sibi nasceretur, nominavit, Decimum Brutum etiam in secundis heredi-
 10 bus. Populo hortos circa Tiberim publice, et viritim trecentos sestertios legavit.

Funere indicto rogos exstructus est in Martio campo 84 iuxta Iuliae tumulum et pro rostris aurata aedes ad simulacrum templi Veneris Genetricis collocata; intraque lectus
 15 eburneus auro ac purpura stratus, et ad caput tropaeum cum veste, in qua fuerat occisus. Praeferentibus munera, quia suffecturus dies non videbatur, praeceptum, ut omisso ordine, quibus quisque vellet itineribus urbis, portaret in Campum. Inter ludos cantata sunt quaedam ad miserationem et in-
 20 vidiam caedis eius accommodata ex Pacuvi Armorum iudicio:

Men servasse, ut essent qui me perderent?

et ex Electra Atili ad similem sententiam. Laudationis loco consul Antonius per praeconem pronuntiavit senatus consultum, quo omnia simul ei divina atque humana decreverat,
 25 item ius iurandum, quo se cuncti pro salute unius astrinxerant; quibus perpauca a se verba addidit. Lectum pro rostris in forum magistratus et honoribus functi detulerunt. Quem cum pars in Capitolini Iovis cella cremare pars in curia Pompei destinaret, repente duo quidam, gladiis succincti
 30 ac bina iacula gestantes, ardentibus cereis succenderunt, confestimque circumstantium turba virgulta arida et cum subselliis tribunalia, quicquid praeterea ad donum aderat, conguessit. Deinde tibicines et scenici artifices vestem, quam ex triumphorum instrumento ad praesentem usum induerant,
 35 detractam sibi atque discissam iniecere flammae, et veteranorum militum legionarii arma sua, quibus exculti funus celebrabant; matronae etiam pleraeque ornamenta sua, quae gerebant, et liberorum bullas atque praetextas.

- In summo publico luctu exterarum gentium multitudo circulatim suo quaeque more lamentata est, praecipueque Iudaei, qui etiam noctibus continuis bustum frequentarunt.
- 85 Plebs statim a funere ad domum Bruti et Cassii cum facibus tetendit atque aegre repulsa, obvium sibi Helvium Cinnam per errorem nominis, quasi Cornelius is esset, quem graviter pridie contionatum de Caesare requirebat, occidit caputque eius praefixum hastae circumtulit; postea solidam columnam prope viginti pedum lapidis Numidici in foro statuit scripsitque: Parenti Patriae. Apud eam longo tempore sacrificare, vota suscipere, controversias quasdam interposito per Caesarem iure iurando distrahere perseveravit.
- 86 Suspicionem Caesar quibusdam suorum reliquit, neque voluisse se diutius vivere, neque curasse quod valitudine minus prospera uteretur, ideoque et quae religiones mone-
rent et quae renuntiarent amici neglexisse. Sunt qui putent, confisum eum novissimo illo senatus consulto ac iure iurando etiam custodias Hispanorum cum gladiis adinspectantium se removisse. Alii e diverso opinantur, insidias undique imminentis subire semel quam cavere *** [*sollicitum* 20
maluisse. Quidam dicere etiam] solitum ferunt, *Non tam sua quam rei publicae interesse, uti salvus esset: se iam pridem potentiae gloriaeque abunde adeptum; rem publicam, si quid sibi eveniret, neque quietam fore et ali-*
- 87 *quanto deteriore conditione civilia bella subituram.* Illud 25 plane inter omnes fere constitit, talem ei mortem paene ex sententia obtigisse. Nam et quondam, cum apud Xenophontem legisset Cyrum ultima valitudine mandasse quaedam de funere suo, aspernatus tam lentum mortis genus subitam sibi celeremque optaverat; et pridie quam occideretur, in 30 sermone nato super caenam apud Marcum Lepidum, quinquam esset finis vitae commodissimus, repentinum inopinatumque praetulerat.
- 88 Periit sexto et quinquagesimo aetatis anno atque in deorum numerum relatus est, non ore modo decernentium 35 sed et persuasione volgi. Siquidem ludis, quos primos consecrato ei heres Augustus edebat, stella crinita per septem continuos dies fulsit, exorians circa undecimam horam, credi-

tumque est animam esse Caesaris in caelum recepti; et hac de causa simulacro eius in vertice additur stella.

Curiam, in qua occisus est, obstrui placuit Idusque Martias parricidium nominari, ac ne umquam eo die senatus ageretur. Percussorum autem fere neque triennio quis-
5 quam amplius supervixit, neque sua morte defunctus est. Damnati omnes alius alio casu periit, pars naufragio, pars proelio; nonnulli semet eodem illo pugione, quo Caesarem violaverant, interemerunt.

C. SUETONI TRANQUILLI DE VITA CAESARUM

LIBER II.

DIVUS AUGUSTUS.

1 Gentem Octaviam Velitris praecipuam olim fuisse, multa 5
declarant. Nam et vicus celeberrima parte oppidi iam pri-
dem Octavius vocabatur et ostendebatur ara Octavio conse-
crata, qui bello dux finitimo, cum forte Marti rem divinam
faceret, nuntiata repente hostis incursione, semicruda exta
rapta foco prosecuit, atque ita proelium ingressus victor 10
redit. Decretum etiam publicum extabat, quo cavebatur ut
in posterum quoque simili modo exta Marti redderentur, re-
2 liquiaeque ad Octavios referrentur. Ea gens a Tarquinio
Prisco rege inter minores gentis adlecta in senatum, mox
a Servio Tullio in patricias traducta, procedente tempore 15
ad plebem se contulit, ac rursus magno intervallo per Di-
vum Iulium in patriciatum redit. Primus ex hac magistratum
populi suffragio cepit C. Rufus. Is quaestorius CN. et C.
procreavit, a quibus duplex Octaviorum familia defluxit
conditione diversa. Siquidem Gnaeus et deinceps ab eo reli- 20
qui omnes functi sunt honoribus summis. At C. eiusque po-
steri, seu fortuna seu voluntate, in equestri ordine con-
stiterunt usque ad Augusti patrem. Proavus Augusti se-
cundo Punico bello stipendia in Sicilia tribunus militum fecit
Aemilio Papo imperatore. Avus municipalibus magisteriis 25
contentus abundante patrimonio tranquillissime senuit.

Sed haec alii; ipse Augustus nihil amplius quam eque-
stri familia ortum se scribit vetere ac locuplete, et in qua
primus senator pater suus fuerit. M. Antonius libertinum ei

proavum exprobrat, restionem e pago Thurino, avum argentarium. Nec quicquam ultra de paternis Augusti maioribus repperi.

C. Octavius pater a principio aetatis et re et existima-
 5 tione magna fuit, ut equidem mirer hunc quoque a nonnullis
 argentarium atque etiam inter divisores operasque campe-
 stris proditum; amplis enim innutritus opibus, honores et
 adeptus est facile et egregie administravit. Ex praetura
 Macedoniam sortitus, fugitivos, residuam Spartaci et Cati-
 10 linae manum, Thurinum agrum tenentis, in itinere delevit,
 negotio sibi in senatu extra ordinem dato. Provinciae prae-
 fuit non minore iustitia quam fortitudine; namque Bessis ac
 Thracibus magno proelio fuis, ita socios tractavit, ut epi-
 stolae M. Ciceronis extent quibus Quintum fratrem, eodem
 15 tempore parum secunda fama proconsulatum Asiae admini-
 strantem, hortatur et monet, imitetur in promerendis sociis
 vicinum suum Octavium. Decedens Macedonia, prius quam 4
 profiteri se candidatum consulatus posset, mortem obiit re-
 pentinam, superstitibus liberis Octavia maiore, quam ex
 20 Ancharia, et Octavia minore item Augusto, quos ex Atia
 tulerat. Atia M. Atio Balbo et Iulia, sorore C. Caesaris, ge-
 nita est. Balbus, paterna stirpe Aricinus, multis in familia
 senatoriis imaginibus, a matre Magnum Pompeium artissimo
 contingebat gradu functusque honore praeturae inter viginti-
 25 viros agrum Campanum plebi Iulia lege divisit. Verum idem
 Antonius, despiciens etiam maternam Augusti originem,
 proavum eius Afri generis fuisse et modo unguentariam ta-
 bernam modo pistrinum Ariciae exercuisse obicit. Cassius
 quidem Parmensis quadam epistola non tantum ut pistoris,
 30 sed etiam ut nummulari nepotem sic taxat Augustum:
*Materna tibi farinast ex crudissimo Ariciae pistrino:
 hanc finxit manibus collybo decoloratis Nerulonensis
 mensarius.*

Natus est Augustus M. Tullio Cicerone C. Antonio 5
 33 cons. VIII. Kal. Octob., paulo ante solis exortum, re-
 gione Palati, ad Capita bubula, ubi nunc sacrarium habet,
 aliquanto post quam excessit constitutum. Nam ut senatus
 actis continetur, cum C. Laetorius, adulescens patricii ge-

neris, in deprecanda graviore adulterii poena praeter aetatem atque natales hoc quoque patribus conscriptis allegaret, esse possessorem ac velut aedituum soli, quod primum Divus Augustus nascens attigisset, peteretque donari quasi proprio suo ac peculiari deo, decretum est ut ea pars domus 5 consecraretur. Nutrimentorum eius ostenditur adhuc locus in avito suburbano iuxta Velitras permodicus et cellae penuariae instar, tenetque vicinitatem opinio tamquam et natus ibi sit. Huc introire nisi necessario et caste religio est, concepta opinione veteri, quasi temere adeuntibus 10 horror quidam et metus obiciatur, sed et mox confirmata. Nam cum possessor villae novus seu forte seu temptandi causa cubitum se eo contulisset, evenit ut post paucissimas noctis horas exturbatus inde subita vi et incerta paene semianimis cum strato simul ante fores inveniretur. 15

7 Infanti cognomen Thurino inditum est, in memoriam maiorum originis, vel quod regione Thurina recens eo nato pater Octavius adversus fugitivos rem prospere gesserat. 20 Thurinum cognominatum satis certa probatione tradiderim, nactus puerilem imagunculam eius aeream veterem, ferreis et paene iam exolescentibus litteris hoc nomine inscriptam, quae dono a me principi data inter cubiculi Lares colitur. Sed et a M. Antonio in epistolis per contumeliam saepe 25 Thurinus appellatur, et ipse nihil amplius quam mirari se rescribit, pro obprobrio sibi prius nomen obici. Postea Gai Caesaris et deinde Augusti cognomen assumpsit, alterum testamento maioris avunculi, alterum Munati Planci sententia, cum, quibusdam censentibus Romulum appellari oportere quasi et ipsum conditorem urbis, praevaluisset, ut Augustus potius vocaretur, non tantum novo sed etiam am- 30 pliorem cognomine, [quod loca quoque religiosa et in quibus augurato quid consecratur augusta dicantur, ab auctu vel ab avium gestu gustave, sicut etiam Ennius docet scribens:

Augusto augurio postquam inclyta condita Roma est.]

8 Quadrimus patrem amisit. Duodecimum annum agens 35 aviam Iuliam defunctam pro contione laudavit. Quadriennio post virili toga sumpta, militaribus donis triumpho Caesaris Africano donatus est, quanquam experts belli propter aeta-

tem. Profectum mox avunculum in Hispanias adversus CN. Pompei liberos, vixdum firmus a gravi valitudine, per infestas hostibus vias paucissimis comitibus naufragio etiam facto subsecutus, magnopere demeruit, approbata cito
 5 etiam morum indole super itineris industriam.

Caesare post receptas Hispanias expeditionem in Dacos et inde in Parthos destinante, praemissus Apolloniam studiis vacavit. Utque primum occisum eum heredemque se comperit, diu cunctatus an proximas legiones imploraret, id quidem consilium ut praeceps in maturumque omisit, ceterum urbe
 10 repetita hereditatem adiit, dubitante matre, vitrico vero Marcio Philippo consulari multum dissuadente. Atque ab eo tempore exercitibus comparatis primum cum M. Antonio M. que Lepido deinde tantum cum Antonio per duodecim fere
 15 annos, novissime per quattuor et quadraginta solus rem p. tenuit.

Proposita vitae eius velut summa, partes singillatim neque per tempora sed per species exsequar, quo distinctius demonstrari cognoscique possint.

20 Bella civilia quinque gessit: Mutinense, Philippense, Perusinum, Siculum, Actiacum; e quibus primum ac novissimum adversus M. Antonium, secundum adversus Brutum et Cassium, tertium adversus L. Antonium triumviri fratrem, quartum adversus Sextum Pompeium CN. F. Omnium bello-
 25 rum initium et causam hinc sumpsit: nihil convenientius ducens quam necem avunculi vindicare tuerique acta, confestim ut Apollonia rediit, Brutum Cassiumque et vi necopiantis et (quia provisum periculum subterfugerant) legibus adgredi reosque caedis absentis deferre statuit. Ludos autem victoriae Caesaris, non audentibus facere quibus opti-
 30 gerat id munus, ipse edidit. Et quo constantius cetera quoque exequeretur, in locum TR. PL. forte demortui candidatum se ostendit, quanquam patricius necdum senator. Sed adversante conatibus suis M. Antonio consule, quem vel
 35 praecipuum adiutorem speraverat, ac ne publicum quidem et translativum ius ulla in re sibi sine pactione gravissimae mercedis impertiente, ad optimates se contulit, quibus eum invisum sentiebat, maxime quod D. Brutum obsessum Muti-

nae provincia a Caesare data et per senatum confirmata expellere armis niteretur. Hortantibus itaque nonnullis percussores ei subornavit, ac fraude deprehensa periculum in vicem metuens veteranos simul in suum ac rei p. auxilium quanta potuit largitione contraxit; iussusque comparato exercitui 5 pro praetore praeesse et cum Hirtio ac Pansa, qui consulum suscepant, D. Bruto opem ferre, demandatum bellum tertio mense confecit duobus proeliis. Priore Antonius fugisse eum scribit ac sine paludamento equoque post biduum demum apparuisse, sequenti satis constat non modo ducis, 10 sed etiam militis functum munere atque in media dimicatione, aquilifero legionis suae graviter saucio, aquilam umeris sub-

11 isse diuque portasse. Hoc bello cum Hirtius in acie, Pansa paulo post ex vulnere perissent, rumor increbruit ambos opera eius occisos, ut Antonio fugato, re p. consulibus orbata 15 solus victores exercitus occuparet. Pansae quidem adeo suspecta mors fuit, ut Glyco medicus custoditus sit, quasi venenum vulnere indidisset. Adicit his Aquilius Niger, alterum e consulibus Hirtium in pugnae tumultu ab ipso inter-

12 emptum. Sed ut cognovit Antonium post fugam a M. Lepido receptum ceterosque duces et exercitus consentire pro partibus, causam optimatum sine cunctatione deseruit, ad praetextum mutatae voluntatis dicta factaque quorundam calumniatus, quasi alii se puerum, alii ornandum tollendumque iactassent, ne aut sibi aut veteranis par gratia referretur. Et quo 25 magis paenitentiam prioris sectae approbaret, Nursinos grandi pecunia et quam pendere nequirent multatos extorres oppido egit, quod Mutinensi acie interemptorum civium tumulto publice extracto ascripserant, pro libertate eos occubuisse.

13 Inita cum Antonio et Lepido societate, Philippense quo- 30 que bellum, quamquam invalidus atque aeger, duplici proelio transegit, quorum priore castris exutus vix ad Antoni cornu fuga evaserat. Nec successum victoriae moderatus est, sed capite Bruti Romam misso, ut statuae Caesaris subiceretur, in splendidissimum quemque captivum non sine ver- 35 borum contumelia saeviit; ut quidem uni suppliciter sepulturam precanti respondisse dicatur, *iam istam volucrum fore potestatem*; alios, patrem et filium, pro vita rogantis

sortiri vel micare iussisse, ut alterutri concederetur, ac spectasse utrumque morientem, cum patre, quia se optulerat, occiso filius quoque voluntariam occubisset necem. Quare ceteri, in his M. Favonius ille Catonis aemulus, cum catenati
 5 producerentur, imperatore Antonio honorifice salutato, hunc foedissimo convitio coram prosciderunt.

Partitis post victoriam officiis, cum Antonius Orientem ordinandum, ipse veteranos in Italiam reducendos et municipalibus agris conlocandos recepisset, neque veteranorum
 10 neque possessorum gratiam tenuit, alteris pelli se, alteris non pro spe meritorum tractari querentibus. Quo tempore 14
 L. Antonium fiducia consulatus, quem gerebat, ac fraternae potentiae res novas molientem confugere Perusiam coegit et ad deditionem fame compulit, non tamen sine magnis suis
 15 et ante bellum et in bello discriminibus. Nam cum spectaculo ludorum gregarium militem in quattuordecim ordinibus sedentem excitari per apparitorem iussisset, rumore ab obtreptatoribus dilato quasi eundem mox et discruciatum necasset, minimum afuit, quin periret concursu et indignatione
 20 turbae militaris. Saluti fuit, quod qui desiderabatur repente comparuit incolumis ac sine iniuria. Circa Perusinum autem murum sacrificans paene interceptus est a manu gladiatorum, quae oppido eruperat. Perusia capta in plurimos animadver- 15
 tit, orare veniam vel excusare se conantibus una voce occurrens, *moriendum esse*. Scribunt quidam, trecentos ex dediticiis electos utriusque ordinis ad aram Divo Iulio exstructam Idibus Martiis hostiarum more mactatos. Extiterunt qui traderent, conpecto eum ad arma isse, ut occulti adversarii et quos metus magis quam voluntas contineret, facultate L. An-
 30 toni ducis praebita, detegerentur devictisque is et confiscatis, promissa veteranis praemia persolverentur.

Siculum bellum inchoavit in primis, sed diu traxit inter- 16
 missum saepius, modo reparandarum classium causa, quas tempestatibus duplici naufragio et quidem per aestatem amiserat, modo pace facta, flagitante populo ob interclusos com-
 35 meatus famemque ingravescentem; donec navibus ex integro fabricatis ac viginti servorum milibus manumissis et ad remum datis, portum Iulium apud Baias, inmisso in Lucrinum et Aver-

num lacum mari, effecit. In quo cum hieme tota copias exercuisset, Pompeium inter Mylas et Naulochum superavit, sub horam pugnae tam arto repente somno devinctus, ut ad dandum signum ab amicis excitaretur. Unde praebitam Antonio materiam putem exprobrandi, *ne rectis quidem oculis eum aspicere potuisse instructam aciem, verum supinum, caelum intuentem, stupidum cubuisse, nec prius surrexisse ac militibus in conspectum venisse quam a M. Agrippa fugatae sint ostium naves.* Alii dictum factumque eius criminantur, quasi classibus tempestate perditis exclamaverit, *etiam invito Neptuno victoriam se adepturum,* ac die circensium proximo sollemni pompae simulacrum dei detraxerit. Nec temere plura ac maiora pericula ullo alio bello adiit. Traiecto in Siciliam exercitu, cum partem reliquam copiarum continenti repeteret, oppressus ex inproviso a Demochare et Apollophane praefectis Pompei, uno demum navigio aegerime effugit. Iterum cum praeter Locros Regium pedibus iret et prospectis biremibus Pompeianis terram legentibus, suas ratus, descendisset ad litus, paene exceptus est. Tunc etiam per devios tramites refugientem servus Aemili Pauli comitis eius, dolens proscriptum olim ab eo patrem Paulum et quasi occasione ultionis oblata, interficere conatus est.

Post Pompei fugam collegarum alterum M. Lepidum, quem ex Africa in auxilium evocat, superbientem viginti legionum fiducia summasque sibi partes terrore et minis vindicantem spoliavit exercitu supplicemque concessa vita Circios in perpetuum relegavit.

- 17 M. Antonii societatem semper dubiam et incertam reconciliationibusque variis male focilatam abruptit tandem, et quo magis degenerasse eum a civili more approbaret, testamentum, quod is Romae, etiam de Cleopatra liberis inter heredes nuncupatis, reliquerat, aperiundum recitandumque pro conatione curavit. Remisit tamen hosti iudicato necessitudines amicosque omnes, atque inter alios C. Sosium et T. Domitium tunc adhuc consules. Bononiensibus quoque publice, quod in Antoniorum clientela antiquitus erant, gratiam fecit coniurandi cum tota Italia pro partibus suis. Nec multo post navali proelio apud Actium vicit, in serum dimicatione protra-

cta, ut in nave victor pernoctaverit. Ab Actio cum Samum in hiberna se recepisset, turbatus nuntiis de seditione praemia et missionem poscentium, quos ex omni numero confecta victoria Brundisium praemiserat, repetita Italia, tempestate in traiectu bis conflictatus (primo inter promuntoria Peloponnesi atque Aetoliae, rursus circa montes Ceraunios, utrobique parte liburnicarum demersa, simul eius, in qua vehebatur, fuis armamentis et gubernaculo diffracto) nec amplius quam septem et viginti dies, donec desideria militum
 10 ordinarentur, Brundisii commoratus, Asiae Syriaeque circuitu Aegyptum petit obsessaque Alexandria, quo Antonius cum Cleopatra confugerat, brevi potitus est. Et Antonium quidem, seras conditiones pacis temptantem, ad mortem adigit viditque mortuum. Cleopatrae, quam servatam triumpho
 15 magnopere cupiebat, etiam psyllus admovit, qui venenum ac virus exurgerent, quod perisse morsu aspidis putabatur. Ambobus communem sepulturae honorem tribuit ac tumulum ab ipsis inchoatum perfici iussit. Antonium iuvenem, maiorem de duobus Fulvia genitis, simulacro Divi Iuli, ad quod
 20 post multas et irritas preces confugerat, abreptum interemit. Item Caesarionem, quem ex Caesare Cleopatra concepissee praedicabat, retractum e fuga supplicio adfecit. Reliquos Antonii reginaeque communes liberos non secus ac necessitudine iunctos sibi et conservavit et mox pro conditione cuius-
 25 que sustinuit ac fovit. Per idem tempus conditorium et corpus Magni Alexandri, cum prolatum e penetrali subiecisset oculis, corona aurea imposita ac floribus aspersis veneratus est, consultusque, num et Ptolemaeum inspicere vellet, *regem se voluisse ait videre, non mortuos*. Aegyptum in provinciae formam redactam ut feraciorem habilioremque annona
 30 urticae redderet, fossas omnis, in quas Nilus exaestuat, oblimatas longa vetustate militari opere deterisit. Quoque Actiacae victoriae memoria celebratior et in posterum esset, urbem Nicopolim apud Actium condidit ludosque illic quinquennales constituit et ampliato vetere Apollinis templo locum castrorum, quibus fuerat usus, exornatum navalibus
 35 spoliis Neptuno ac Marti consecravit.

Tumultus posthac et rerum novarum initia coniurationes-19

que complures, prius quam invalescerent indicio detectas, compressit alias alio tempore: Lepidi iuvenis, deinde Varronis Murenæ et Fanni Caepionis, mox M. Egnati, exin Plauti Rufi Lucique Pauli progeneri sui, ac præter has L. Audasi, falsarum tabularum rei ac neque ætate neque corpore integri, item Asini Epicadi ex gente Parthina ibridæ, ad extremum Telephi, mulieris servi nomenclatoris. Nam ne ultimæ quidem sortis hominum conspiratione et periculo caruit. Audasius atque Epicadus Iuliam filiam et Agrippam nepotem ex insulis, quibus continebantur, rapere ad exercitus, Telephus quasi debita sibi fato dominatione et ipsum et senatum adgredi destinarant. Quin etiam quondam iuxta cubiculum eius lixa quidam ex Illyrico exercitu, ianitoribus deceptis, noctu deprehensus est cultro venatorio cinctus, imposne mentis an simulata dementia, incertum; nihil enim exprimi quaestione potuit.

- 20 Externa bella duo omnino per se gessit, Delmaticum adulescens adhuc, et Antonio devicto Cantabricum. Delmatico etiam vulnera excepit, una acie dextrum genu lapide ictus, altera et crus et utrumque brachium ruina pontis con-
 20 sauciatus. Reliqua per legatos administravit, ut tamen quibusdam Pannonicis atque Germanicis aut interveniret aut non longe abesset, Ravennam vel Mediolanium vel Aquileiam
 21 usque ab urbe progrediens. Domuit autem partim ductu partim auspiciis suis Cantabriam, Aquitaniam, Pannoniam, Del-
 25 matiam cum Illyrico omni, item Raetiam et Vindelicos ac Salassos, gentes Inalpinas. Coercuit et Dacorum incursiones, tribus eorum ducibus cum magna copia caesis, Germanosque ultra Albim fluvium summovit, ex quibus Suebos et Sigambros dedentis se traduxit in Galliam atque in proximis
 30 Rheno agris conlocavit. Alias item nationes male quietas ad obsequium redegit. Nec ulli genti sine iustis et necessariis causis bellum intulit, tantumque afuit a cupiditate quoquo modo imperium vel bellicam gloriam augendi, ut quorundam barbarorum principes in aede Martis Ultoris iurare
 35 coegerit mansuros se in fide ac pace quam peterent, a quibusdam vero novum genus obsidum, feminas, exigere temptaverit, quod neglegere marum pignera sentiebat; et tamen

potestatem semper omnibus fecit, quotiens vellent obsides recipiendi. Neque aut crebrius aut perfidiosius rebellantis graviore umquam ultus est poena, quam ut captivos sub lege venundaret, ne in vicina regione servirent neve intra tricenisimum annum liberarentur. Qua virtutis moderationisque fama Indos etiam ac Scythas, auditu modo cognitos, pellexit ad amicitiam suam populique Rom. ultro per legatos petendam. Parthi quoque et Armeniam vindicanti facile cessarunt et signa militaria, quae M. Crasso et M. Antonio ademerant, reposcenti reddiderunt obsidesque insuper optulerunt, denique, pluribus quondam de regno concertantibus, nonnisi ab ipso electum probaverunt.

Ianum Quirinum, semel atque iterum a condita urbe ante 22 memoriam suam clausum, in multo brevioris temporis spatio 15 terra marique pace parta ter clusit. Bis ovans ingressus est urbem, post Philippense et rursus post Siculum bellum. Curulis triumphos tris egit, Delmaticum, Actiacum, Alexandrinum, continuo triduo omnes. Graves ignominias cladesque 23 duas omnino nec alibi quam in Germania accepit, Lollianam 20 et Varianam, sed Lollianam maioris infamiae quam detrimenti, Varianam paene exitiabilem, tribus legionibus cum duce legatisque et auxiliis omnibus caesis. Hac nuntiata excubias per urbem indixit, ne quis tumultus existeret, et praesidibus provinciarum propagavit imperium, ut a peritis et 25 assuetis socii continerentur. Vovit et magnos ludos Iovi Optimo Maximo, si res p. in meliorem statum vertisset: quod factum Cimbrico Marsicoque bello erat. Adeo denique consternatum ferunt, ut per continuos menses barba capilloque summisso caput interdum foribus illideret, vociferans: *Quintili Vare, legiones redde!* diemque cladis quot annis maestum habuerit ac lugubrem. In re militari et commutavit 24 multa et instituit, atque etiam ad antiquum morem nonnulla revocavit.

Disciplinam severissime rexit: ne legatorum quidem cui- 35 quam, nisi gravate hibernisque demum mensibus, permisit uxorem intervisere. Equitem R., quod duobus filiis adulescentibus causa detrectandi sacramenti pollices amputasset, ipsum bonaque subiecit hastae; quem tamen, quod imminere

emptioni publicanos videbat, liberto suo addixit, ut relegatum in agros pro libero esse sineret. Decimam legionem contumacius parentem cum ignominia totam dimisit, item alias immodeste missionem postulantibus citra commoda emeritorum praemiorum exauctoravit. Cohortes, si quae cessissent loco, decimatas hordeo pavit. Centuriones statione deserta, itidem ut manipulares, capitali animadversione puniit, pro cetero delictorum genere variis ignominis adfecit, ut stare per totum diem iuberet ante praetorium, interdum tunicatos discinctosque, nonnumquam cum decempedis, vel 10
 25 etiam cespitem portantes. Neque post bella civilia aut in contione aut per edictum ullos militum commilitones appellabat, sed milites, ac ne a filiis quidem aut privignis suis imperio praeditis aliter appellari passus est, ambitiosius id existimans, quam aut ratio militaris aut temporum quies aut sua 15 domusque suae maiestas postularet. Libertino milite, praeterquam Romae incendiorum causa et si tumultus in graviore annona metueretur, bis usus est: semel ad praesidium coloniarum Illyricum contingentium, iterum ad tutelam ripae Rheni fluminis; eosque, servos adhuc viris feminisque pecuniosioribus indictos ac sine mora manumissos, sub priore vexillo habuit, neque aut commixtos cum ingenuis aut eodem modo armatos.

Dona militaria, aliquanto facilius phaleras et torques, quicquid auro argentoque constaret, quam vallares ac mura- 25 les coronas, quae honore praecellerent, dabat; has quam parcissime et sine ambitione ac saepe etiam caligatis tribuit. M. Agrippam in Sicilia post navalem victoriam caeruleo vexillo donavit. Solos triumphales, quamquam et socios expeditionum et participes victoriarum suarum, numquam donis 30 impertiendos putavit, quod ipsi quoque ius habuissent tribuendi ea quibus vellent. Nihil autem minus perfecto duci quam festinationem temeritatemque convenire arbitrabatur. Crebro itaque illa iactabat: *Σπεύδε βραδέως! Ἀσφαλὴς γάρ ἐστ' αμείνων ἢ θρασὺς στρατηλάτης*. Et, *Sat celeriter fieri quidquid fiat satis bene*. Proelium quidem aut bellum suscipiendum omnino negabat, nisi cum maior emolumentum spes quam damni metus ostenderetur. Nam minima

commoda non minimo sectantis discrimine similes aiebat esse aureo hamo piscantibus, cuius abrupti damnum nulla captura pensari posset.

Magistratus atque honores et ante tempus et quosdam 26
 5 novi generis perpetuosque cepit. Consulatum vicesimo aetatis anno invasit, admotis hostiliter ad urbem legionibus, missisque qui sibi nomine exercitus deposcerent; cum quidem cunctante senatu Cornelius centurio, princeps legationis, reiecto sagulo ostendens gladii capulum, non dubitasset
 10 in curia dicere: *Hic faciet, si vos non feceritis*. Secundum consulatum post novem annos, tertium anno interiecto gessit, sequentis usque ad undecimum continuavit, multisque mox, cum deferrentur, recusatis duodecimum magno, id est septemdecim annorum, intervallo et rursus tertium decimum
 15 biennio post ultro petiit, ut C. et Lucium filios amplissimo praeditus magistratu suo quemque tirocinio deduceret in forum. Quinque medios consulatus a sexto ad decimum annuos gessit, ceteros aut novem aut sex aut quattuor aut tribus mensibus, secundum vero paucissimis horis. Nam die Kal. Ian.
 20 cum mane pro aede Capitolini Iovis paululum curuli sella praesedisset, honore abiit suffecto alio in locum suum. Nec omnes Romae, sed quartum consulatum in Asia, quintum in insula Samo, octavum et nonum Tarracone init.

Triumviratum rei p. constituendae per decem annos ad-27
 25 ministravit; in quo restitit quidem aliquandiu collegis ne qua fieret proscriptio, sed inceptam utroque acerbius exercuit. Namque illis in multorum saepe personam per gratiam et preces exorabilibus, solus magnopere contendit ne cui parceretur, proscripsitque etiam C. Toranium tutorem suum,
 30 eundem collegam patris sui Octavi in aedilitate. Iunius Saturninus hoc amplius tradit, cum peracta proscriptione M. Lepidus in senatu excusasset praeterita et spem clementiae in posterum fecisset, quoniam satis poenarum exactum esset, hunc e diverso professum, *ita modum se proscribendi*
 35 *statuisse, ut omnia sibi reliquerit libera*. In cuius tamen pertinaciae paenitentiam postea T. Vinium Philopoemenem, quod patronum suum proscriptum celasse olim diceretur, equestri dignitate honoravit. In eadem hac potestate mul-

tiplici flagravît invidia. Nam et Pinarium equitem R. cum, contionante se admissa turba paganorum, apud milites subscribere quaedam animadvertisset, curiosum ac speculatorem ratus, coram confodi imperavit; et Tedium Afrum consulem designatum, quia factum quoddam suum maligno sermone carpsisset, tantis conterruit minis, ut is se praecipitaverit; et Quintum Gallium praetorem, in officio salutationis tabellas duplices veste tectas tenentem, suspicatus gladium occulere, nec quidquam statim, ne aliud inveniretur, ausus inquirere, paulo post per centuriones et milites raptum e tribunali, servilem in modum torsit ac fatentem nihil iussit occidi, prius oculis eius sua manu effossis; quem tamen scribit conloquio petito insidiatum sibi coniectumque a se in custodiam, deinde urbe interdicta dimissum, naufragio vel latronum insidiis perisse. Tribuniciam potestatem perpetuam recepit, in qua semel atque iterum per singula lustra collegam sibi cooptavit. Recepit et morum legumque regimen aequè perpetuum, quo iure, quamquam sine censurae honore, censum tamen populi ter egit: primum ac tertium cum collega, medium solus.

28 De reddenda re p. bis cogitavit: primum post oppressum statim Antonium, memor obiectum sibi ab eo saepius, quasi per ipsum staret ne redderetur; ac rursus taedio diuturnae valitudinis, cum etiam magistratibus ac senatu domum accitis rationarium imperii tradidit. Sed reputans, et se privatum non sine periculo fore et illam plurium arbitrio temere committi, in retinenda perseveravit, dubium, eventu meliore an voluntate. Quam voluntatem, cum prae se identidem ferret, quodam etiam edicto his verbis testatus est: *Ita mihi salvam ac sospitem rem p. sistere in sua sede liceat, atque eius rei fructum percipere, quem peto, ut optimi status auctor dicar, et moriens ut feram mecum spem, mansura in vestigio suo fundamenta rei p. quae iecero. Fecitque ipse se compotem voti, nisus omni modo, ne quem novi status paeniteret.*

Urbem, neque pro maiestate imperii ornatam et inundationibus incendiisque obnoxiam, excoluit adeo, ut iure sit gloriatu, *marmoream se relinquere, quam latericiam ac-*

cepisset. Tutam vero, quantum provideri humana ratione potuit, etiam in posterum praestitit. Publica opera plurima²⁹ extruxit, e quibus vel praecipua: Forum cum aede Martis Ultoris, templum Apollinis in Palatio, aedem Tonantis Iovis⁵ in Capitolio. Fori extruendi causa fuit hominum et iudiciorum multitudo, quae videbatur non sufficientibus duobus etiam tertio indigere; itaque festinatius necdum perfecta Martis aede publicatum est, cautumque ut separatim in eo publica iudicia et sortitiones iudicum fierent. Aedem Martis¹⁰ bello Philippensi, pro ultione paterna suscepto, voverat; sanxit ergo, ut de bellis triumphisque hic consuleretur senatus, provincias cum imperio petitori hinc deducerentur, quique victores redissent, huc insignia triumphorum conferrent. Templum Apollinis in ea parte Palatinae domus excitavit,¹⁵ quam fulmine ictam desiderari a deo haruspices pronuntiarent; addidit porticus cum bibliotheca Latina Graecaque, quo loco iam senior saepe etiam senatum habuit decuriasque iudicum recognovit. Tonanti Iovi aedem consecravit liberatus periculo, cum expeditione Cantabrica per nocturnum iter²⁰ lecticam eius fulgur praestrinxisset servumque praelucentem exanimasset. Quaedam etiam opera sub nomine alieno, nepotum scilicet et uxoris sororisque, fecit, ut porticum basilicamque Gai et Luci, item porticus Liviae et Octaviae theatrumque Marcelli. Sed et ceteros principes viros saepe hortatus est, ut pro facultate quisque monumentis vel novis vel reffectis et excultis urbem adornarent. Multaque a multis tunc extructa sunt, sicut a Marcio Philippo aedes Hercules Musarum, a L. Cornificio aedes Dianae, ab Asinio Pollione atrium Libertatis, a Munatio Planco aedes Saturni, a Cornelio Balbo theatrum, a Statilio Tauro amphitheatrum, a M. vero Agrippa complura et egregia.

Spatium urbis in regiones vicosque divisit instituitque, ut³⁰ illas annui magistratus sortito tuerentur, hos magistri e plebe cuiusque viciniae lecti. Adversus incendia excubias nocturnas vigilesque commentus est; ad coercendas inundationes alveum Tiberis laxavit ac repurgavit, completum olim rudibus et aedificiorum prolationibus coartatum. Quo autem facilius undique urbs adiretur, desumpta sibi Flaminia via

Arimino tenuis munienda, reliquas triumphalibus viris ex manubiali pecunia sternendas distribuit.

Aedes sacras vetustate conlapsas aut incendio absumptas refecit easque et ceteras opulentissimis donis adornavit, ut qui in cellam Capitolini Iovis sedecim milia pondo auri gemasque ac margaritas quingenties sestertii una donatione 31 contulerit. Postquam vero pontificatum maximum, quem numquam vivo Lepido auferre sustinuerat, mortuo demum suscepit, quidquid fatidicorum librorum Graeci Latineque generis nullis vel parum idoneis auctoribus vulgo ferebatur, 10 supra duo milia contracta undique cremavit ac solos retinuit Sibyllinos, hos quoque dilectu habito; condiditque duobus forulis auratis sub Palatini Apollinis basi. Annum a Divo Iulio ordinatum, sed postea neglegentia conturbatum atque confusum, rursus ad pristinam rationem redegit; in cuius ordinatione Sextilem mensem e suo cognomine nuncupavit, 15 magis quam Septembrem quo erat natus, quod hoc sibi et primus consulatus et insignes victoriae optigissent. Sacerdotum et numerum et dignitatem sed et commoda auxit, praecipue Vestalium virginum. Cumque in demortuae locum 20 aliam capi oporteret, ambirentque multi ne filias in sortem darent, adiuravit, si cuiusquam neptium suarum competeret aetas, oblaturum se fuisse eam. Nonnulla etiam ex antiquis caerimonis paulatim abolita restituit, ut Salutis augurium, Diale flaminium, sacrum Lupercale, ludos Saeculares et Comitalicios. 21 Lupercalibus vetuit currere inberbes, item Saecularibus ludis iuvenes utriusque sexus prohibuit ullum nocturnum spectaculum frequentare nisi cum aliquo maiore natu propinquorum. Compitales Lares ornari bis anno instituit, vernis floribus et aestivis. 33

Proximum a dis immortalibus honorem memoriae ducum praestitit, qui imperium P. R. ex minimo maximum reddidissent. Itaque et opera cuiusque manentibus titulis restituit et statuas omnium triumphali effigie in utraque fori sui porticu dedicavit, professus edicto *commentum id se, ut ad illorum velut exemplar et ipse, dum viveret, et insequentium aetatium principes exigerentur a civibus.* Pompei quoque statuam contra theatri eius regiam marmoreo Iano

superposuit, translatam e curia, in qua C. Caesar fuerat occisus.

Pleraque pessimi exempli in perniciem publicam aut³² ex consuetudine licentiaque bellorum civilium duraverant aut per pacem etiam extiterant; nam et grassa torum plurimi palam se ferebant succincti ferro, quasi tuendi sui causa, et rapti per agros viatores sine discrimine liberi servique ergastulis possessorum supprimebantur, et plurimae factiones titulo collegi novi ad nullius non facinoris societatem coibant. Igitur grassaturas dispositis per opportuna loca stationibus inhibuit, ergastula recognovit, collegia praeter antiqua et legitima dissolvit. Tabulas veterum aerari debitorum, vel praecipuam calumniandi materiam, exussit; loca in urbe publica iuris ambigui, possessoribus adiudicavit; diuturnorum reorum et ex quorum sordibus nihil aliud quam voluptas inimicis quaereretur nomina abolevit, condicione proposita, ut si quem quis repetere vellet, par periculum poenae subiret. Ne quod autem maleficio negotiumve impunitate vel mora elaberetur, triginta amplius dies, qui honoraris ludis occupabantur, actui rerum accommodavit. Ad tris iudicum decurias quartam addidit ex inferiore censu, quae ducentariorum vocaretur iudicaretque de levioribus summis. Iudices a vicensimo aetatis anno adlegit, id est quinquennio maturius quam solebant. Ac plerisque iudicandi munus detractantibus, vix concessit ut singulis decuriis per vices annua vacatio esset, et ut solitae agi Novembri ac Decembri mense res omitterentur. Ipse ius dixit assidue et in noctem³³ nonnumquam, si parum corpore valeret, lectica pro tribunali collocata vel etiam domi cubans. Dixit autem ius non diligentia modo summa sed et lenitate, siquidem manifesti parricidii reum, ne culleo insueretur, quod nonnisi confessi adficiuntur hac poena, ita fertur interrogasse: *certe patrem tuum non occidisti?* Et cum de falso testamento ageretur omnesque signatores lege Cornelia tenerentur, non tantum³⁵ duas tabellas, damnatoriam et absolutoriam, simul cognoscentibus dedit, sed tertiam quoque, qua ignosceretur iis, quos fraude ad signandum vel errore inductos constitisset. Appellationes quot annis urbanorum quidem litigatorum prae-

tori delegabat urbano, ac provincialium consularibus viris, quos singulos cuiusque provinciae negotiis praeposuisset.

34 Leges retractavit et quasdam ex integro sanxit, ut sumptuariam et de adulteriis et de pudicitia, de ambitu, de maritandis ordinibus. Hanc cum aliquanto severius quam ceteras emendasset, prae tumultu recusantium perferre non potuit, nisi adempta demum lenitave parte poenarum et vacatione trienni data auctisque praemiis. Sic quoque abolitionem eius publico spectaculo pertinaciter postulante equite, accitos Germanici liberos receptosque partim ad se partim in patris 10 gremium ostentavit, manu vultuque significans ne gravarentur imitari iuvenis exemplum. Cumque etiam in maturitate sponsarum et matrimoniorum crebra mutatione vim legis eludi sentiret, tempus sponsas habendi coartavit, divortiis modum imposuit. 15

35 Senatorum affluentem numerum deformi et incondita turba (erant enim super mille, et quidam indignissimi et post necem Caesaris per gratiam et praemium adlecti, quos orcinus vulgus vocabat) ad modum pristinum et splendorem redegit duabus lectionibus: prima ipsorum arbitratu, quo vir virum 20 legit, secunda suo et Agrippae; quo tempore existimatur lorica sub veste munitus ferroque cinctus praesedis, decem valentissimis senatorii ordinis amicis sellam suam circumstantibus. Cordus Cremutius scribit, ne admissum quidem tunc quemquam senatorum nisi solum et praetemptato 25 sinu. Quosdam ad excusandi se verecundiam compulsi servavitque etiam excusatis insigne vestis et spectandi in orchestra epulandique publice ius. Quo autem lecti probatique et religiosius et minore molestia senatoria munera fungerentur, sanxit, ut prius quam consideret quisque ture ac mero 30 supplicaret apud aram eius dei, in cuius templo coiretur, et ne plus quam bis in mense legitimus senatus ageretur, Kal. et Idibus, neve Septembri Octobrive mense ullos adesse alios necesse esset quam sorte ductos, per quorum numerum decreta confici possent; sibi quoque instituit consilia sortiri 35 semenstria, cum quibus de negotiis ad frequentem senatum referendis ante tractaret. Sententias de maiore negotio non more atque ordine sed prout libuisset perrogabat, ut perinde

quisque animum intenderet ac si censendum magis quam ad-sentiendum esset.

Auctor et aliarum rerum fuit, in quis: ne acta senatus 36 publicarentur, ne magistratus deposito honore statim in 5 provincias mitterentur, ut proconsulibus ad mulos et tabernacula quae publice locari solebant certa pecunia constitueretur, ut cura aerari a quaestoribus urbanis ad praetorios praetoresve transiret, ut centumviralem hastam quam quaesturam functi consueverant cogere decemviri cogerent. Quoque 37 10 plures partem administrandae rei p. caperent, nova officia excogitavit: curam operum publicorum, viarum, aquarum, alvei Tiberis, frumenti populo dividundi, praefecturam urbis, triumviratum legendi senatus, et alterum recognoscendi turmas equitum, quotiensque opus esset. Censores creari de- 15 sitos longo intervallo creavit. Numerum praetorum auxit. Exegit etiam, ut quotiens consulatus sibi daretur, binos pro singulis collegas haberet, nec optinuit, reclamantibus cunctis satis maiestatem eius imminui, quod honorem eum non solus sed cum altero gereret. Nec parcius in bellica virtute 38 20 honoranda, super triginta ducibus iustos triumphos et aliquanto pluribus triumphalia ornamenta decernenda curavit.

Liberis senatorum, quo celerius rei p. assuescerent, protinus a virili toga latum clavum induere et curiae interesse permisit, militiamque auspicantibus non tribunatum modo 25 legionum, sed et praefecturas alarum dedit; ac ne qui expers castrorum esset, binos plerumque laticlavios praeposuit singulis alis.

Equitum turmas frequenter recognovit, post longam intercapedinem reducto more travectionis. Sed neque detrahi 30 quemquam in trahendo ab accusatore passus est, quod fieri solebat, et senio vel aliqua corporis labe insignibus permisit, praemisso in ordine equo, ad respondendum quotiens citarentur pedibus venire; mox reddendi equi gratiam fecit eis, qui maiores annorum quinque et triginta retinere eum 35 nollent; impetratisque a senatu decem adiutoribus, unum 39 quemque equitum rationem vitae reddere coegit atque ex improbatis alios poena, alios ignominia notavit, plures admonitione, sed varia. Lenissimum genus admonitionis fuit tra-

ditio coram pugillarum, quos taciti et ibidem statim legerent; notavitque aliquos, quod pecunias levioribus usuris
 40 mutuati graviore foenore collocassent. Ac comitiis tribuniciis si deessent candidati senatores, ex equitibus R. creavit, ita ut potestate transacta, in utro vellent ordine manerent. 5 Cum autem plerique equitum attrito bellis civilibus patrimonio spectare ludos e quattuordecim non auderent metu poenae theatralis, pronuntiavit non teneri ea, quibus ipsis parentibusve equester census umquam fuisset.

Populi recensum vicatim egit, ac ne plebs frumentationum causa frequentius ab negotiis avocaretur, ter in annum quaternum mensum tesserarum dare destinavit; sed desideranti consuetudinem veterem concessit rursus, ut sui cuiusque mensis acciperet. Comitiorum quoque pristinum ius reduxit ac multiplici poena coercito ambitu, Fabianis et Scaptiensibus 15 tribulibus suis die comitiorum, ne quid a quoquam candidato desiderarent, singula milia nummum a se dividebat.

Magni praeterea existimans sincerum atque ab omni collusione peregrini ac servilis sanguinis incorruptum servare populum, et civitatem Romanam parcissime dedit et manu- 20 mittendi modum terminavit. Tiberio pro cliente Graeco petenti rescripsit, non aliter se daturum, quam si praesens sibi persuasisset, quam iustas petendi causas haberet; et Liviae pro quodam tributario Gallo roganti civitatem negavit, immunitatem optulit affirmans, facilius se passurum fisco de- 25 trahi aliquid, quam civitatis Romanae vulgari honorem. Servos non contentus multis difficultatibus a libertate et multo pluribus a libertate iusta removisse, cum et de numero et de conditione ac differentia eorum qui manumitterentur curiose cavisset, hoc quoque adiecit, ne vinctus umquam tortusve 30 quis ullo libertatis genere civitatem adipisceretur.

Etiam habitum vestitumque pristinum reducere studuit, ac visa quondam pro contione pullatorum turba, indignabundus et clamitans:

En Romanos, rerum dominos, gentemque togatam! 35 negotium aedilibus dedit, ne quem posthac paterentur in foro circave nisi positus lacernis togatum consistere.

41 Liberalitatem omnibus ordinibus per occasiones frequen-

ter exhibuit. Nam et invecta urbi Alexandrino triumpho regia gaza tantam copiam nummariae rei effecit, ut foenore diminuto plurimum agrorum pretiis accesserit, et postea quotiens ex damnatorum bonis pecunia superflueret, usum eius
 5 gratuitum iis qui cavere in duplum possent ad certum tempus indulisit. Senatorum censum ampliavit ac pro octingentorum milium summa duodecies sestertio taxavit, supplevitque non habentibus. Congiaria populo frequenter dedit, sed diversae fere summae: modo quadringenos, modo trecenos,
 10 nonnumquam ducenos quinquagenosque nummos; ac ne minores quidem pueros praeteriit, quamvis nonnisi ab undecimo aetatis anno accipere consuessent. Frumentum quoque in annonae difficultatibus saepe levissimo, interdum nullo pretio viritim admensus est tesserasque nummarias duplicavit. Sed
 15 ut salubrem magis quam ambitiosum principem scires, querentem de inopia et caritate vini populum severissima coercuit voce, *satis provisum a genere suo Agrippa perductis pluribus aquis, ne homines sitirent*. Eidem populo promissum quidem congiarium reposcenti, *bonae se fidei esse*
 20 respondit; non promissum autem flagitanti turpitudinem et impudentiam edicto exprobravit affirmavitque, *non daturum se quamvis dare destinaret*. Nec minore gravitate atque constantia, cum proposito congiario multos manumissos insertosque civium numero comperisset, negavit accepturos
 25 quibus promissum non esset, ceterisque minus quam promiserat dedit, ut destinata summa sufficeret. Magna vero quondam sterilitate ac difficili remedio, cum venalicias et lanistarum familias peregrinosque omnes, exceptis medicis et praceptoribus, partimque servitiorum urbe expulisset; ut tandem
 30 annona convaluit, *impetum se cepisse scribit frumentationes publicas in perpetuum abolendi, quod earum fiducia cultura agrorum cessaret: neque tamen perseverasse, quia certum haberet post se per ambitionem quandoque restitui*. Atque ita posthac rem temperavit, ut non minorem
 35 aratorum ac negotiantium quam populi rationem deduceret.

Spectaculorum et assiduitate et varietate et magnificentia
 43 omnes antecessit. *Fecisse se ludos ait suo nomine quater, pro aliis magistratibus, qui aut abessent aut non suffice-*

rent, ter et vices. Fecitque nonnumquam viciatim ac pluribus scaenis per omnium linguarum histriones * * * non in foro modo, nec in amphitheatro, sed et in circo et in Septis, et aliquando nihil praeter venationem edidit; athletas quoque, exstructis in campo Martio sedilibus ligneis; item navale proelium, circa Tiberim cavato solo, in quo nunc Caesarum nemus est. Quibus diebus custodes in urbe disposuit, ne raritate remanentium grassatoribus obnoxia esset. In circo aurigas cursoresque et confectores ferarum, et nonnumquam ex nobilissima iuventute, produxit. Sed et Troia¹⁰ iae lusum edidit frequentissime maiorum minorumque puerorum, prisci decorique moris existimans, clarae stirpis indolem sic notescere. In hoc ludicro Nonium Asprenatem lapsu debilitatum aureo torque donavit passusque est ipsum posterosque Torquati ferre cognomen. Mox finem fecit talia¹⁵ edendi, Asinio Pollione oratore graviter invidioseque in curia questo Aesernini nepotis sui casum, qui et ipse crus frangerat.

Ad scenicas quoque et gladiatorias operas et equitibus Romanis aliquando usus est, verum prius quam senatus consulto²⁰ interdiceretur. Postea nihil sane praeterquam adolescentulum L. Icium honeste natum exhibuit, tantum ut ostenderet; quod erat bipedali minor, librarum septemdecim ac vocis immensae. Quodam autem muneris die Parthorum obsides, tunc primum missos, per mediam arenam ad spectaculum in-²⁵ duxit superque se subsellio secundo collocavit. Solebat etiam citra spectaculorum dies, si quando quid invisitatum dignumque cognitu advectum esset, id extra ordinem quolibet loco publicare: ut rhinocerotem apud Septa, tigrim in scaena, anguem quinquaginta cubitorum pro comitio. ³⁰

Accidit votivis Circensibus, ut correptus valitudine lectica cubans tensas deduceret; rursus commissione ludorum, quibus theatrum Marcelli dedicabat, evenit ut laxatis sellae curulis compagibus caderet supinus. Nepotum quoque suorum munere cum consternatum ruinae metu populum retinere et³⁵ confirmare nullo modo posset, transiit e loco suo atque in ea parte consedit, quae suspecta maxime erat.

44 Spectandi confusissimum ac solutissimum morem correxit

ordinavitque, motus iniuria senatoris, quem Puteolis per celeberrimos ludos consessu frequenti nemo receperat. Facto igitur decreto patrum ut, quotiens quid spectaculi usquam publice ederetur, primus subselliorum ordo vacaret senatoribus, Romae legatos liberarum sociarumque gentium vetuit in orchestra sedere, cum quosdam etiam libertini generis mitti deprendisset. Militem secrevit a populo. Maritis e plebe proprios ordines assignavit, praetextatis cuneum suum, et proximum paedagogis, sanxitque ne quis pullatorum media cavea sederet. Feminis ne gladiatores quidem, quos promiscue spectari sollemne olim erat, nisi ex superiore loco spectare concessit. Solis virginibus Vestalibus locum in theatro, separatim et contra praetoris tribunal, dedit. Athletarum vero spectaculo muliebre secus omne adeo summovit, ¹⁵ ut pontificalibus ludis pugilum par postulatum distulerit in insequentis diei matutinum tempus, edixeritque, *mulieres ante horam quintam venire in theatrum, non placere*. Ipse ⁴⁵ circenses ex amicorum fere libertorumque caenaculis spectabat, interdum ex pulvinari, et quidem cum coniuge ac ²⁰ liberis sedens. Spectaculo plurimas horas, aliquando totos dies aberat, petita venia commendatisque qui suam vicem praesidendo fungerentur. Verum quotiens adesset, nihil praeterea agebat, seu vitandi rumoris causa, quo patrem Caesarem vulgo reprehensum commemorabat, quod inter ²⁵ spectandum epistolis libellisque legendis aut rescribendis vacaret, seu studio spectandi ac voluptate, qua teneri se neque dissimulavit umquam et saepe ingenue professus est. Itaque corollaria et praemia in alienis quoque muneribus ac ludis et crebra et grandia de suo offerebat, nullique Graeco ³⁰ certamini interfuit, quo non pro merito quemque certantium honorarit. Spectavit autem studiosissime pugiles et maxime Latinos, non legitimos atque ordinarios modo, quos etiam committere cum Graecis solebat, sed et catervarios oppidanos, inter angustias vicorum pugnantis temere ac sine arte. ³⁵ Universum denique genus operas aliquas publico spectaculo praebeantium etiam cura sua dignatus est: athletis et conservavit privilegia et ampliavit; gladiatores sine missione edi prohibuit; coercitionem in histriones magistratibus, omni

tempore et loco lege vetere permissam, ademit praeterquam ludis et scena. Nec tamen eo minus aut xysticorum certationes aut gladiatorum pugnas severissime semper exegit. Nam histrionum licentiam adeo compescuit, ut Stephanionem togatarium, cui in puerilem habitum circumtonsam matronam ministrasse compererat, per trina theatra virgis caesum relegaverit, Hylan pantomimum, querente praetore, in atrio domus suae nemine excluso flagellis verberarit, et Pyladen urbe atque Italia summovertit, quod spectatorem, a quo exhibilabatur, demonstrasset digito conspicuumque fecisset. 10

46 Ad hunc modum urbe urbanisque rebus administratis, Italiam duodetriginta coloniarum numero, deductarum ab se, frequentavit operibusque ac vectigalibus publicis plurifariam instruxit, etiam iure ac dignatione urbi quodam modo pro parte aliqua adaequavit, excogitato genere suffragiorum, 15 quae de magistratibus urbicis decuriones colonici in sua quisque colonia ferrent et sub die comitiorum obsignata Romam mitterent. Ac necubi aut honestorum deficeret copia aut multitudinis suboles, equestrem militiam petentis etiam ex commendatione publica cuiusque oppidi ordinabat; at iis, 20 qui e plebe regiones sibi revisenti filios filiasve approbarent, singula nummorum milia pro singulis dividebat.

47 Provincias validiores et quas annuis magistratuum imperiis regi nec facile nec tutum erat, ipse suscepit, ceteras proconsulibus sortito permisit; et tamen nonnullas commu- 25 tavit interdum atque ex utroque genere plerasque saepius adiit. Urbium quasdam, foederatas sed ad exitium licentia praecipites, libertate privavit, alias aut aere alieno laborantis levavit, aut terrae motu subversas denuo condidit, aut merita erga populum R. adlegantes Latinitate vel civitate do- 30 navit. Nec est, ut opinor, provincia, excepta dum taxat Africa et Sardinia, quam non adierit. In has fugato Sex. Pompeio traicere ex Sicilia apparantem continuae et immodicae tempestates inhibuerunt, nec mox occasio aut causa traiciendi fuit. 35

48 Regnorum quibus belli iure potitus est, praeter pauca, aut isdem quibus ademerat reddidit, aut alienigenis contribuit. Reges socios etiam inter semet ipsos necessitudinibus

mutuis iunxit, promptissimus affinitatis cuiusque atque amicitiae conciliator et fautor; nec aliter universos quam membra partisque imperii curae habuit, rectorem quoque solitus apponere aetate parvis aut mente lapsis, donec adolescerent
5 aut resipiscerent; ac plurimorum liberos et educavit simul cum suis et instituit.

Ex militaribus copiis legiones et auxilia provinciatim dis- 49
tribuit, classem Miseni et alteram Ravennae ad tutelam Superi et Inferi maris conlocavit, ceterum numerum partim in
10 urbis partim in sui custodiam adlegit, dimissa Calagurritanorum manu, quam usque ad devictum Antonium, item Germanorum, quam usque ad cladem Varianam inter armigeros circa se habuerat. Neque tamen umquam plures quam tres cohortes in urbe esse passus est easque sine castris, reli-
15 quas in hiberna et aestiva circa finitima oppida dimittere assuerat. Quidquid autem ubique militum esset, ad certam stipendiorum praemiorumque formulam adstrinxit, definitis pro gradu cuiusque et temporibus militiae et commodis missionum, ne aut aetate aut inopia post missionem sollicitari
20 ad res novas possent. Utque perpetuo ac sine difficultate sumptus ad tuendos eos prosequendosque suppeteret, aerarium militare cum vectigalibus novis constituit.

Et quo celerius ac sub manum adnuntiari cognoscique posset, quid in provincia quaque gereretur, iuvenes primo
25 modicis intervallis per militaris vias, dehinc vehicula disposuit. Commodius id visum est, ut qui a loco perferunt litteras, interrogari quoque, si quid res exigant, possint. In di- 50
plomatibus libellisque et epistolis signandis initio sphinge usus est, mox imagine Magni Alexandri, novissime sua,
30 Dioscuridis manu sculpta, qua signare insecuti quoque principes perseverarunt. Ad epistolas omnis horarum quoque momenta nec diei modo sed et noctis, quibus datae significarentur, addebat.

Clementiae civilitatisque eius multa et magna documenta 51
35 sunt. Ne enumerem, quot et quos diversarum partium venia et incolumitate donatos principem etiam in civitate locum tenere passus sit: Iunium Novatum et Cassium Patavinum e plebe homines alterum pecunia, alterum levi exilio punire

satis habuit, cum ille Agrippae iuvenis nomine asperrimam de se epistolam in vulgus edidisset, hic convivio pleno proclamasset, neque votum sibi neque animum deesse confo- diendi eum. Quadam vero cognitione, cum Aemilio Aeliano Cordubensi inter cetera crimina vel maxime obiceretur quod 5 male opinari de Caesare soleret, conversus ad accusatorem commotoque similis *Velim, inquit, hoc mihi probes; faciam sciat Aelianus et me linguam habere, plura enim de eo loquar;* nec quicquam ultra aut statim aut postea inquisiit. Tiberio quoque de eadem re, sed violentius, apud se per 10 epistolam conquerenti ita rescripsit: *Aetati tuae, mi Tiberi, noli in hac re indulgere et nimium indignari quemquam esse, qui de me male loquatur; satis est enim, si hoc habemus ne quis nobis male facere possit.*

52 Templā, quamvis sciret etiam proconsulibus decerni so- 15 lere, in nulla tamen provincia nisi communi suo Romaeque nomine recepit (nam in urbe quidem pertinacissime abstinuit hoc honore) atque etiam argenteas statuas olim sibi positas conflavit omnis exque iis aureas cortinas Apollini Palatino dedicavit. 20

Dictaturam magna vi offerente populo, genu nixus de- 30 iecta ab umeris toga nudo pectore deprecatus est. Domini appellationem ut maledictum et obprobrium semper exhorruit. Cum, spectante eo ludos, pronuntiatum esset in mimo: *O dominum aequum et bonum!* et universi quasi de ipso 25 dictum exultantes comprobassent, et statim manu vultuque indecoras adulationes repressit et insequenti die gravissimo corripuit edicto; dominumque se posthac appellari ne a liberis quidem aut nepotibus suis vel serio vel ioco passus est, atque eius modi blanditias etiam inter ipsos prohibuit. Non 30 temere urbe oppidove ullo egressus aut quoquam ingressus est nisi vespera aut noctu, ne quem officii causa inquietaret. In consulatu pedibus fere, extra consulatum saepe adaper- ta sella per publicum incessit. Promiscuis salutationibus admittebat et plebem, tanta comitate adeuntium desideria exci- 35 piens, ut quendam ioco corripuerit, quod *sic sibi libellum porrigere dubitaret, quasi elephanto stipem.* Die senatus numquam patres nisi in curia salutavit et quidem sedentis,

ac nominatim singulos nullo submonente; etiam discedens eodem modo sedentibus valere dicebat. Officia cum multis mutuo exercuit, nec prius dies cuiusque sollemnes frequentare desiit, quam grandi iam natu et in turba quondam spon-
 5 saliorum die vexatus. Gallum Terrinium senatorem minus sibi familiarem, sed captum repente oculis et ob id inedia mori destinantem praesens consolando revocavit ad vitam.

In senatu verba facienti dictum est: *Non intellexi*, et ab
 alio: *Contradicerem tibi, si locum haberem*. Interdum ob
 10 immodicas disceptantium altercationes e curia per iram se proripienti quidam ingesserunt, *licere oportere senatoribus de re p. loqui*. Antistius Labeo senatus lectione, cum vir virum legeret, M. Lepidum hostem olim eius et tunc exulantem legit, interrogatusque ab eo an essent alii digniores,
 15 *suum quemque iudicium habere* respondit. Nec ideo libertas aut contumacia fraudi cuiquam fuit. Etiam sparsos de se
 in curia famosos libellos nec expavit et magna cura redarguit ac ne requisitis quidem auctoribus, id modo censuit, cognoscendum posthac de iis, qui libellos aut carmina ad in-
 20 famiam cuiuspiam sub alieno nomine edant.

Locis quoque quorundam invidiosis aut petulantibus laces-
 situs, contradixit edicto. Et tamen ne de inhibenda testamen-
 torum licentia quicquam constitueretur, intercessit. Quotiens magistratuum comitiis interesset, tribus cum candidatis suis
 25 circuibat supplicabatque more sollemni. Ferebat et ipse suffragium in tribu, ut unus e populo. Testem se in iudiciis et interrogari et refelli, aequissimo animo patiebatur. Forum angustius fecit, non ausus extorquere possessoribus proximas domos. Numquam filios suos populo commendavit
 30 ut non adiceret: *Si merebuntur*. Eisdem praetextatis adhuc assurrectum ab universis in theatro et a stantibus plausum, gravissime questus est. Amicos ita magnos et potentes in civitate esse voluit, ut tamen pari iure essent quo ceteri legibusque iudiciariis aequae tenerentur. Cum Asprenas No-
 35 nius artius ei iunctus causam veneficii, accusante Cassio Severo, diceret, consuluit senatum, *quid officii sui putaret; cunctari enim se, ne si superesset, eripere legibus reum, sin deesset, destituere ac praedamnare amicum existima-*

retur; et consentientibus universis sedit in subselliis per aliquot horas, verum tacitus et ne laudatione quidem iudiciali data. Affuit et clientibus, sicut Scutario cuidam, evocato quondam suo, qui postulabatur iniuriarum. Unum omnino e reorum numero, ac ne eum quidem nisi precibus eripuit, 5 exorato coram iudicibus accusatore, Castricum, per quem de coniuratione Murenæ cognoverat.

57 Pro quibus meritis quantopere dilectus sit, facile est aestimare. Omitto senatus consulta, quia possunt videri vel necessitate expressa vel verecundia. Equites R. natalem 10 eius sponte atque consensu biduo semper celebrarunt. Omnes ordines in lacum Curti quot annis ex voto pro salute eius stipem faciebant, item Kal. Ian. strenam in Capitolio, etiam absenti, ex qua summa pretiosissima deorum simulacra mercatus, vicatim dedicabat, ut Apollinem Sandaliarium et Io- 15 vem Tragoedum aliaque. In restitutionem Palatinae domus incendio absumptae veterani, decuriae, tribus, atque etiam singillatim e cetero genere hominum libentes ac pro facultate quisque pecunias contulerunt, delibante tantum modo eo summarum acervos neque ex quoquam plus denario aufe- 20 rente. Revertentem ex provincia non solum faustis ominibus, sed et modulatis carminibus prosequabantur. Observatum etiam est, ne quotiens introiret urbem, supplicium de 58 quoquam sumeretur. Patris patriae cognomen universi repente maximoque consensu detulerunt ei: prima plebs, 25 legatione Antium missa; dein, quia non recipiebat, ineunti Romae spectacula frequens et laureata; mox in curia senatus, neque decreto neque adclamatione, sed per Valerium Messalam. Is mandantibus cunctis, *Quod bonum, inquit, faustumque sit tibi domuique tuae, Caesar Auguste! sic 30 enim nos perpetuam felicitatem rei p. et laeta huic urbi precari existimamus: senatus te consentiens cum populo R. consalutat patriae patrem.* Cui lacrimans respondit Augustus his verbis (ipsa enim, sicut Messalae, posui): *Compos factus votorum meorum, P. C. quid habeo aliud deos 35 immortales precari, quam ut hunc consensum vestrum ad ultimum finem vitae mihi perferre liceat?*

59 Medico Antonio Musae cuius opera ex ancipiti morbo

convaluerat, statuam aere conlato iuxta signum Aesculapi statuerunt. Nonnulli patrum familiarum testamento caverunt, ut ab heredibus suis praelato titulo victimae in Capitolium ducerentur votumque pro se solveretur, quod superstitem
 5 Augustum reliquissent. Quaedam Italiae civitates diem, quo primum ad se venisset, initium anni fecerunt. Provinciarum pleraeque super templa et aras ludos quoque quinquennales paene oppidatim constituerunt. Reges amici atque socii et
 10 singuli in suo quisque regno Caesareas urbes condiderunt et cuncti simul aedem Iovis Olympii Athenis, antiquitus inchoatam, perficere communi sumptu destinaverunt Genioque eius dedicare; ac saepe regnis relictis, non Romae modo sed et provincias peragranti cotidiana officia togati ac sine regio insigni, more clientium praestiterunt.

15 Quoniam, qualis in imperis ac magistratibus regendaque per terrarum orbem pace belloque re p. fuerit, exposui: referam nunc interiorem ac familiarem eius vitam, quibusque moribus atque fortuna domi et inter suos egerit a iuventa usque ad supremum vitae diem.

20 Matrem amisit in primo consulatu, sororem Octaviam quinquagensimum et quartum agens aetatis annum. Utrique cum praecipua officia vivae praestitisset, etiam defunctae honores maximos tribuit.

Sponsam habuerat adulescens P. Servili Isaurici filiam, 62
 25 sed reconciliatus post primam discordiam Antonio, expostulantibus utriusque militibus ut et necessitudine aliqua iungerentur, privignam eius Claudiam, Fulviae ex P. Clodio filiam, duxit uxorem vixdum nubilem, ac similtate cum Fulvia socru orta dimisit intactam adhuc et virginem. Mox Scriboniam in
 30 matrimonium accepit, nuptam ante duobus consularibus, ex altero etiam matrem. Cum hac quoque divortium fecit, pertaesus, ut scribit, morum perversitatem eius, ac statim Liviam Drusillam matrimonio Tiberi Neronis et quidem praegnantem abduxit, dilexitque et probavit unice ac perseve-
 35 ranter.

Ex Scribonia Iuliam, ex Livia nihil liberorum tulit, cum 63 maxime cuperet. Infans, qui conceptus erat, immaturus est editus. Iuliam primum Marcello, Octaviae sororis suae filio

tantum quod pueritiam egresso, deinde, ut is obiit, M. Agrippae nuptum dedit, exorata sorore, ut sibi genero cederet; nam tunc Agrippa alteram Marcellarum habebat et ex ea liberos. Hoc quoque defuncto, multis ac diu, etiam ex equestri ordine, circumspectis condicionibus, Tiberium privignum suum elegit coegitque praegnantem uxorem, et ex qua iam pater erat, dimittere. M. Antonius scribit, primum eum Antonio filio suo despondisse Iuliam, dein Cotisoni Getarum regi, quo tempore sibi quoque in vicem filiam regis in matrimonium petisset. 10

64 Nepotes ex Agrippa et Iulia tres habuit C. et L. et Agrippam, neptes duas Iuliam et Agrippinam. Iuliam L. Paulo censoris filio, Agrippinam Germanico sororis suae nepoti collocavit. Gaium et L. adoptavit, domi per assem et libram emptos a patre Agrippa, tenerosque adhuc ad curam rei p. 15 admovit et consules designatos circum provincias exercitusque dimisit. Filiam et neptes ita instituit, ut etiam lanificio assuefaceret, vetaretque loqui aut agere quicquam nisi propalam et quod in diurnos commentarios referretur; extraneorum quidem coetu adeo prohibuit, ut L. Vicinio, claro 20 decoroque iuveni, scripserit quondam, *parum modeste fecisse eum, quod filiam suam Baias salutatum venisset*. Nepotes et litteras et notare aliaque rudimenta per se plerumque docuit ac nihil aequae elaboravit quam ut imitarentur chirographum suum; neque caenavit una, nisi ut in imo lecto 25 assiderent, neque iter fecit, nisi ut vehiculo anteirent aut 30 circa adequarent. Sed laetum eum atque fidentem et subole et disciplina domus Fortuna destituit. Iulias, filiam et neptem, omnibus probris contaminatas relegavit; C. et L. in duodeviginti mensum spatio amisit ambos, Gaio in Lycia, Lucio Massiliae defunctis. Tertium nepotem Agrippam simulque privignum Tiberium adoptavit in foro lege curiata; ex quibus Agrippam brevi ob ingenium sordidum ac ferox abdicavit seposuitque Surrentum.

Aliquanto autem patientius mortem quam dedecora suorum tulit. Nam C. Lucique casu non adeo fractus, de filia absens ac libello per quaestorem recitato notum senatui fecit abstinuitque congressu hominum diu prae pudore, etiam de

necanda deliberavit. Certe cum sub idem tempus una ex consociis liberta Phoebe suspensio vitam finisset, *maluisse se ait Phoebes patrem fuisse*. Relegatae usum vini omnemque delicatorem cultum ademit neque adiri a quopiam libero servove, nisi se consulto, permisit, et ita ut certior fieret, qua is aetate, qua statura, quo colore esset, etiam quibus corporis notis vel cicatricibus. Post quinquennium demum ex insula in continentem lenioribusque paulo condicionibus transtulit eam. Nam ut omnino revocaret, exorari nullo modo potuit, deprecanti saepe P. R. et pertinacius instanti tales filias talesque coniuges pro contione inprecatus. Ex nepte Iulia post damnationem editum infantem adgnosci aliquo vetuit. Agrippam nihilo tractabiliorem, immo in dies amentiolem in insulam transportavit sepsitque insuper custodia militum. Cavit etiam S. C. ut eodem loci in perpetuum contineretur, atque ad omnem et eius et Iuliarum mentionem ingemiscens, proclamare etiam solebat:

Αἰθ' ὄφελον ἄγαμός τ' ἔμειναι ἄγονός τ' ἀπολέσθαι!
nec aliter eos appellare, quam tris vomicas ac tria carcino-
mata sua.

Amicitias neque facile admisit et constantissime retinuit, 66 non tantum virtutes ac merita cuiusque digne prosecutus, sed vitia quoque et delicta, dum taxat modica, perpessus. Neque enim temere ex omni numero in amicitia eius afflicti 25 reperientur praeter Salvidienum Rufum, quem ad consulatum usque, et Cornelium Gallum, quem ad praefecturam Aegypti, ex infima utrumque fortuna provexerat. Quorum alterum res novas molientem damnandum senatui tradidit, alteri ob ingratum et malivolum animum domo et provinciis suis inter- 30 dixit. Sed Gallo quoque et accusatorum denuntiationibus et senatus consultis ad necem compulso, laudavit quidem pietatem tantopere pro se indignantium, ceterum et inlacrimavit et vicem suam conquestus est, *quod sibi soli non liceret amicis, quatenus vellet, irasci*. Reliqui potentia atque 35 opibus ad finem vitae sui quisque ordinis principes floruerunt, quanquam et offensis intervenientibus. Desideravit enim nonnumquam, ne de pluribus referam, et M. Agrippae patientiam et Maecenatis taciturnitatem, cum ille ex levi frigo-

ris suspitione et quod Marcellus sibi anteferebatur, Mytilenas se relictis omnibus contulisset, hic secretum de comperta Murenæ coniuratione uxori Terentiæ prodidisset.

Exegit et ipse in vicem ab amicis benivolentiam mutuan, tam a defunctis quam a vivis. Nam quamvis minime appetere hereditates, ut qui numquam ex ignoti testamento capere quicquam sustinuerit, amicorum tamen suprema iudicia morosissime pensavit, neque dolore dissimulato, si parcius aut citra honorem verborum, neque gaudio, si grate pieque quis se prosecutus fuisset. Legata vel partes hereditatum, a quibuscumque parentibus relictæ sibi, aut statim liberis eorum concedere, aut si pupillari ætate essent, die virilis togæ vel nuptiarum cum incremento restituere consuevit.

67 Patronus dominusque non minus severus quam facilis et clemens, multos libertorum in honore et usu maximo habuit, ut Licinum et Celadum aliosque. Cosmum servum, gravissime de se opinantem non ultra quam compedibus coercuit. Diomedem dispensatorem, a quo simul ambulante incurrenti repente fero apro per metum obiectus est, maluit timiditatis arguere quam noxæ, remque non minimi periculi, quia tamen fraudes aberat, in iocum vertit. Idem Polum ex acceptissimis libertis mori coegit compertum adulterare matronas; Thallo a manu, quod pro epistola prodita denarios quingentos accepisset, crura ei fregit; paedagogum ministrosque C. filii, per occasionem valitudinis mortisque eius superbe avareque in provincia grassatos, oneratos gravi pondere cervicibus præcipitavit in flumen.

68 Prima iuventa variorum dedecorum infamiam subiit. Sextus Pompeius ut effeminatum insectatus est; M. Antonius adoptionem avunculi stupro meritum; item L. Marci frater quasi pudicitiam, delibatam a Caesare, Aulo etiam Hirtio in Hispania trecentis milibus nummum substraverit, solitusque sit crura suburere nuce ardenti, quo mollior pilus surgeret. Sed et populus quondam universus ludorum die et accepit in contumeliam eius et adsensu maximo conprobavit versum in scaena pronuntiatum de gallo Matris deum tympanizante:
69 *Videsne, ut cinaedus orbem digito temperat?* Adulteria quidem exercuisse ne amici quidem negant, excusantes sane

non libidine, sed ratione commissa, quo facilius consilia adversariorum per cuiusque mulieres exquireret. M. Antonius super festinatas Liviae nuptias obiecit et *feminam consularem e triclinio viro coram in cubiculum abductam, rursus in*
 5 *convivium rubentibus auriculis incomptiore capillo reductam; dimissam Scriboniam, quia liberius doluisset nimiam potentiam pelicis; conditiones quaesitas per amicos, qui matres familias et adultas aetate virgines denudarent atque perspicerent, tamquam Thoranio mangone vendente.*
 10 *Scribit etiam ad ipsum haec, familiariter adhuc necdum plane inimicus aut hostis: Quid te mutavit, quod reginam in eo? uxor mea est. Nunc coepi, an abhinc annos novem? Tu deinde solam Drusillam inis? ita valeas, uti tu, hanc epistolam cum leges, non inieris Tertullam aut Terentillam*
 15 *aut Rufillam aut Salviam Titiseniam aut omnes. An refert, ubi et in qua arrigas?*

Caena quoque eius secretior in fabulis fuit, quae vulgo 70 *δωδεκάθεος* vocabatur; in qua deorum dearumque habitu discubuisse convivas et ipsum pro Apolline ornatum, non
 20 *Antoni modo epistolae singulorum nomina amarissime enumerantis exprobrant, sed et sine auctore notissimi versus:*

Cum primum istorum conduxit mensa choragum,

Sexque deos vidit Mallia sexque deus;

Impia dum Phoebi Caesar mendacia ludit,

25 *Dum nova divorum caenat adulteria:*

Omnia se a terris tunc numina declinarunt,

Fugit et auratos Iuppiter ipse thronos.

Auxit caenae rumorem summa tunc in civitate penuria ac fames, adclamatumque est postridie, *omne frumentum deos*
 30 *comedisse et Caesarem esse plane Apollinem, sed Tortorem:* quo cognomine is deus quadam in parte urbis colebatur. Notatus est et ut pretiosae supellectilis Corinthiorumque praecupidus, et aleae indulgens. Nam et proscriptionis tempore ad statuam eius ascriptum est:

35 *Pater argentarius, ego Corinthiarius,*

cum existimaretur quosdam propter vasa Corinthia inter proscriptos curasse referendos; et deinde bello Siciliensi epigramma vulgatum est:

*Postquam bis classe victus naves perdidit,
Atquando ut vincat, ludit assidue aleam.*

71 Ex quibus sive criminibus sive maledictis infamiam impudicitiae facillime refutavit et praesentis et posterae vitae castitate; item lautitiarum invidiam, cum et Alexandria capta 5 nihil sibi praeter unum murrinum calicem ex instrumento regio retinuerit, et mox vasa aurea assiduissimi usus conflaverit omnia. Circa libidines haesit; postea quoque, ut ferunt, ad vitandas virgines promptior, quae sibi undique etiam ab uxore conquirentur. Aleae rumorem nullo modo expavit,¹⁰ lusitque simpliciter et palam oblectamenti causa etiam senex, ac, praeterquam Decembri mense, aliis quoque festis et profestis diebus. Nec id dubium est. Autographa quadam epistula Caenavi, ait, *mi Tiberi, cum isdem; accesserunt convivae Vinicius et Silius pater. Inter caenam lusimus* 15 *geronticos et heri et hodie; talis enim iactatis, ut quisque canem aut senionem miserat, in singulos talos singulos denarios in medium conferebat, quos tollebat universos, qui Venerem iecerat. Et rursus aliis litteris: Nos, mi Tiberi, Quinquatrus satis iucunde egimus; lusimus enim* 20 *per omnis dies forumque aleatorium calfecimus. Frater tuus magnis clamoribus rem gessit; ad summam tamen perdidit non multum, sed ex magnis detrimentis praeter spem paulatim retractus est. Ego perdididi viginti milia nummum meo nomine, sed cum effuse in lusu liberalis* 25 *fuissem, ut soleo plerumque. Nam si quas manus remisii cuique exegissem, aut retinuissem quod cuique donavi, vicissem vel quinquaginta milia. Sed hoc malo; benignitas enim mea me ad caelestem gloriam efferet. Scribit ad filiam: Misi tibi denarios ducentos quinquaginta, quos sin-* 30 *gulis convivis dederam, si vellent inter se inter caenam vel talis vel par impar ludere.*

72 In ceteris partibus vitae continentissimum fuisse constat ac sine suspicione ullius vitii. Habitavit primo iuxta Romanum forum, supra Scalas anularias, in domo quae Calvi ora- 35 toris fuerat; postea in Palatio, sed nihilo minus aedibus modicis Hortensianis, et neque laxitate neque cultu conspicuis, ut in quibus porticus breves essent Albanarum columnarum,

et sine marmore ullo aut insigni pavimento conclavia. Ac per annos amplius quadraginta eodem cubiculo hieme et aestate mansit, quamvis parum salubrem valitudini suae urbem hieme experiretur, assidueque in urbe hiemaret. Si quando quid
 5 secreto aut sine interpellatione agere proposuisset, erat illi locus in edito singularis, quem Syracusas et technophyon vocabat: huc transibat, aut in alicuius libertorum suburbanum; aeger autem in domo Maecenatis cubabat. Ex secessibus praecipue frequentavit maritima insulasque Campaniae, aut
 10 proxima urbi oppida, Lanuvium, Praeneste, Tibur, ubi etiam in porticibus Herculis templi persaepe ius dixit. Ampla et operosa praetoria gravabatur. Et neptis quidem suae Iuliae, profuse ab ea extracta, etiam diruit ad solum, sua vero quamvis modica non tam statuarum tabularumque pictarum
 15 ornatu, quam xystis et nemoribus excoluit rebusque vetustate ac raritate notabilibus: qualia sunt Capreis immanium belluarum ferarumque membra praegrandia, quae dicuntur Gigantum ossa et arma Heroum. Instrumenti eius et supellectilis
 73 parsimonia apparet etiam nunc residuis lectis atque mensis, quorum pleraque vix privatae elegantiae sint. Ne toro quidem cubuisse aiunt nisi humili et modice instrato. Veste non temere alia quam domestica usus est, ab sorore et uxore et filia neptibusque confecta; togis neque restrictis neque fuis, clavo nec lato nec angusto, calciamentis altiusculis, ut pro-
 25 cerior quam erat videretur. Et forensia autem et calceos numquam non intra cubiculum habuit ad subitos repentinosque casus parata.

Convivabatur assidue nec umquam nisi recta, non sine
 74 magno ordinum hominumque dilectu. Valerius Messala tradit, neminem umquam libertinorum adhibitum ab eo caenae
 30 excepto Mena, sed asserto in ingenuitatem post proditam Sexti Pompei classem. Ipse scribit, invitasse se quendam, in cuius villa maneret, qui speculator suus olim fuisset. Convivia nonnumquam et serius inibat et maturius relinquebat,
 35 cum convivae et caenare inciperent prius quam ille discumberet, et permanerent digresso eo. Caenam ternis ferculis, aut cum abundantissime senis praebebat, ut non nimio sumptu, ita summa comitate. Nam et ad communionem sermonis

tacentis vel summissim fabulantis provocabat, et aut acroamata et histriones aut etiam triviales ex circo ludios interponebat ac frequentius aretalogos.

- 75 Festos et sollemnes dies profusissime, nonnumquam tantum ioculariter celebrabat. Saturnalibus, et si quando alias libuisset, modo munera dividebat, vestem et aurum et argentum, modo nummos omnis notae, etiam veteres regios ac peregrinos, interdum nihil praeter cilicia et sponcias et rutabula et forpices atque alia id genus, titulis obscuris et ambiguis. Solebat et inaequalissimarum rerum sortes et 10 aversas tabularum picturas in convivio venditare incertoque casu spem mercantium vel frustrari vel explere, ita ut per singulos lectos licitatio fieret et seu iactura seu lucrum communicaretur. Cibi (nam ne haec quidem omiserim) minimi erat atque vulgaris fere. Secundarium panem et pisciculos 15 minutos et caseum bubulum manu pressum et ficos virides biferas maxime appetebat; vescebaturque et ante caenam quocumque tempore et loco, quo stomachus desiderasset. Verba ipsius ex epistolis sunt: *Nos in essedo panem et palmulas gustavimus. Et iterum: Dum lectica ex regia domum redeo, panis unciam cum paucis acinis uvae duracinae comedi.* Et rursus: *Ne Iudaeus quidem, mi Tiberi, tam diligenter sabbatis ieiunium servat quam ego hodie servavi, qui in balineo demum post horam primam noctis duas buceas manducavi prius quam ungui inciperem.* 25 Ex hac inobservantia nonnumquam vel ante initum vel post dimissum convivium solus caenitabat, cum pleno convivio 77 nihil tangeret. Vini quoque natura parcissimus erat. Non amplius ter bibere eum solitum super caenam in castris apud Mutinam, Cornelius Nepos tradit. Postea quotiens largissime 30 se invitaret, senos sextantes non excessit, aut si excessisset, reiciebat. Et maxime delectatus est Raetico, neque temere interdiu bibit. Pro potione sumebat perfusum aqua frigida panem, aut cucumeris frustum vel lactuculae thyrsum, aut recens aridumve pomum suci vinosioris. 35

- 78 Post cibum meridianum, ita ut vestitus calciatusque erat, reiectis pedibus paulisper conquiescebat, opposita ad oculos manu. A caena in lecticulam se lucubratoriam recipiebat;

ibi, donec residua diurni actus aut omnia aut ex maxima parte conficeret, ad multam noctem permanebat. In lectum inde transgressus, non amplius cum plurimum quam septem horas dormiebat, ac ne eas quidem continuas, sed ut in illo temporis spatio ter aut quater expergisceretur. Si interruptum somnum recipere, ut evenit, non posset, lectoribus aut fabulatoribus arcessitis resumebat, producebatque ultra primam saepe lucem. Nec in tenebris vigilavit umquam nisi assidente aliquo. Matutina vigilia offende-
 10 officii vel sacri causa maturius evigilandum esset, ne id contra commodum faceret, in proximo cuiuscumque domesticorum caenaculo manebat. Sic quoque saepe indigens somni, et dum per vicos deportaretur et deposita lectica inter aliquas moras condormiebat.

15 Forma fuit eximia et per omnes aetatis gradus venustis-79
 sima; quamquam et omnis lenocinii neglegens et in capite comendo tam incuriosus, ut raptim compluribus simul tonsoribus operam daret, ac modo tonderet modo raderet barbam, eoque ipso tempore aut legeret aliquid aut etiam scriberet.
 20 Vultu erat vel in sermone vel tacitus adeo tranquillo serenoque, ut quidam e primoribus Galliarum confessus sit inter suos, eo se inhibitum ac remollitum, quo minus, ut destinarat, in transitu Alpium per simulationem conloquii propius admissus, in praecipitium propelleret. Oculos habuit
 25 claros ac nitidos, quibus etiam existimari volebat inesse quiddam divini vigoris, gaudebatque, si qui sibi acrius con-
 tuenti quasi ad fulgorem solis vultum summitteret; sed in senecta sinistro minus vidit; dentes raros et exiguos et scabros; capillum leviter inflexum et subflavum; supercilia con-
 30 iuncta; mediocres aures; nasum et a summo eminentiorem et ab imo deductiorem; colorem inter aquilum candidumque; staturam brevem, (quam tamen Iulius Marathus, libertus et a memoria eius, quinque pedum et dodrantis fuisse tradit) sed
 35 quae commoditate et aequitate membrorum occuleretur, ut nonnisi ex comparatione astantis alicuius procerioris intellegi posset.

Corpore traditur maculoso, dispersis per pectus atque
 80 alvum genetivis notis in modum et ordinem ac numerum

stellarum caelestis ursae, sed et callis quibusdam, ex pruriginē corporis adsiduoque et vehementi strigilis usu plurifariam concretis ad impetiginis formam. Coxendice et femore et crure sinistro non perinde valebat, ut saepe etiam inclaudicaret; sed remedio harenarum atque harundinum confirmabatur. Dextrae quoque manus digitum salutarem tam imbecillum interdum sentiebat, ut torpentem contractumque frigore vix cornei circuli supplemento scripturae admooveret. Questus est et de vesica, cuius dolore calculis demum per urinam eiectis levabatur.

- 81 Graves et periculosas valitudines per omnem vitam aliquot expertus est; praecipue Cantabria domita, cum etiam distillationibus iocinere vitiato ad desperationem redactus, contrariam et ancipitem rationem medendi necessario subiit: quia calida fomenta non proderant, frigidis curari coactus auctore Antonio Musa.

- Quasdam et anniversarias ac tempore certo recurrentes experiebatur; nam sub natalem suum plerumque languebat; et initio veris praecordiorum inflatione temptabatur, austrinis autem tempestatibus gravedine. Quare quassato corpore, neque frigora neque aestus facile tolerabat. Hieme quaternis cum pingui toga tunicis et subucula et thorace laneo et feminalibus et tibialibus muniebatur, aestate apertis cubiculi foribus, ac saepe in peristylō saliente aqua atque etiam ventilante aliquo cubabat. Solis vero ne hiberni quidem patiens, domi quoque nonnisi petasatus sub divo spatiabatur. Itinera lectica et noctibus fere, eaque lenta ac minuta faciebat, ut Praeneste vel Tibur biduo procederet; ac si quo pervenire mari posset, potius navigabat. Verum tantam infirmitatem magna cura tuebatur, in primis lavandi raritate (unguebatur enim saepius). Aut sudabat ad flammam, deinde perfundebatur egelida aqua vel sole multo tepefacta; aut quotiens nervorum causa marinis albulisque calidis utendum esset, contentus hoc erat ut insidens ligneo solio, quod ipse Hispanico verbo durentam vocabat, manus ac pedes alternis iactaret.
- 83 Exercitationes campestris equorum et armorum statim post civilia bella omisit et ad pilam primo folliculumque transiit, mox nihil aliud quam vectabatur et deambulabat, ita

ut in extremis spatiis subsultim decurreret, segestria vel lodicula involutus. Animi laxandi causa modo piscabatur hamo, modo talis aut ocellatis nucibusque ludebat cum pueris minutis, quos facie et garrulitate amabilis undique conquirebat, 5 praecipue Mauros et Syros. Nam pumilos atque distortos et omnis generis eiusdem, ut ludibria naturae malique ominis abhorrebat.

Eloquentiam studiaque liberalia ab aetate prima et cupide 84 et laboriosissime exercuit. Mutinensi bello in tanta mole 10 rerum et legisse et scripsisse et declamasse cotidie traditur. Nam deinceps neque in senatu neque apud populum neque apud milites locutus est umquam nisi meditata et composita oratione, quamvis non deficeretur ad subita extemporali facultate. Ac ne periculum memoriae adiret aut in ediscendo 15 tempus absumeret, instituit recitare omnia. Sermones quoque cum singulis atque etiam cum Livia sua graviores non nisi scriptos et e libello habebat, ne plus minusve loqueretur ex tempore. Pronuntiabat dulci et proprio quodam oris sono, dabatque assidue phonasco operam; sed nonnumquam, 20 infirmatis faucibus, praeconis voce ad populum concionatus est.

Multa varii generis prosa oratione composuit, ex quibus 85 nonnulla in coetu familiarium velut in auditorio recitavit, sicut *Rescripta Bruto de Catone*, quae volumina cum iam 25 senior ex magna parte legisset, fatigatus Tiberio tradidit perlegenda; item *Hortationes ad philosophiam*, et aliqua *De vita sua*, quam tredecim libris, Cantabrico tenus bello nec ultra, exposuit. Poetica summatim attigit. Unus liber extat, scriptus ab eo hexametris versibus, cuius et argumentum et 30 titulus est *Sicilia*; extat alter aequae modicus *Epigrammatum*, quae fere tempore balinei meditabatur. Nam tragœdiam magno impetu exorsus, non succedenti stilo, abolevit quaerentibusque amicis, quidnam Aïax ageret, respondit, Aïacem suum in spongeam incubuisse.

35 Genus eloquendi secutus est elegans et temperatum, vitiis 86 tatis sententiarum ineptiis atque concinnitate et *reconditorum verborum*, ut ipse dicit, *foetoribus*; praecipuamque curam duxit, sensum animi quam apertissime exprimere. Quod quo

facilius efficeret aut necubi lectorem vel auditorem obturbaret ac moraretur, neque praepositiones urbibus addere neque coniunctiones saepius iterare dubitavit, quae detractae afferunt aliquid obscuritatis, etsi gratiam augment. Cacozelos et antiquarios, ut diverso genere vitiosos, pari fastidio spre-⁵ vit, exagitabatque nonnumquam; in primis Maecenatem suum, cuius *myrobrechis*, ut ait, *cincinnos* usque quaque persequitur et imitando per iocum irridet. Sed nec Tiberio parcit et exoletas interdum et reconditas voces aucupanti. M. quidem Antonium ut insanum increpat, quasi ea scribentem,¹⁰ quae mirentur potius homines quam intellegant; deinde ludens malum et inconstans in eligendo genere dicendi ingenium eius, addit haec: *Tuque dubitas, Cimberne Annius an Veranius Flaccus imitandi sint tibi, ita ut verbis, quae Crispus Sallustius excerpsit ex Originibus Catonis, uta-¹⁵ ris? an potius Asiaticorum oratorum inanis sententiis verborum volubilitas in nostrum sermonem transferenda?* Et quadam epistola Agrippinae neptis ingenium conlaudans, *Sed opus est, inquit, dare te operam, ne moleste scribas et loquaris.*

⁸⁷ Cotidiano sermone quaedam frequentius et notabiliter usurpasse eum, litterae ipsius autographae ostentant, in quibus identidem, cum aliquos numquam soluturos significare vult, *ad Kal. Graecas soluturos* ait; et cum hortatur ferenda esse praesentia, qualiacumque sint, *contenti²⁵ simus hoc Catone*; et ad exprimendam festinatae rei velocitatem, *celerius quam asparagi cocuntur*; ponit assidue et pro stulto *baceolum apud pullum pulleiaceum*, et pro cerrito *vacerosum*, et *vapide* se habere pro male, et *betizare* pro languere, quod vulgo *lachanizare* dicitur; item *simus³⁰* pro sumus, et *domos* genitivo casu singulari pro domus. Nec umquam aliter haec duo, ne quis mendam magis quam consuetudinem putet.

Notavi et in chirographo eius illa praecipue: non dividit verba nec ab extrema parte versuum abundantis litteras in³⁵ alterum transfert, sed ibidem statim subicit circumducitque.

⁸⁸ Orthographiam, id est formulam rationemque scribendi a grammaticis institutam, non adeo custodit ac videtur eorum

potius sequi opinionem, qui perinde scribendum ac loquamur existiment. Nam quod saepe non litteras modo sed syllabas aut permutat aut praeterit, communis hominum error est. Nec ego id notarem, nisi mihi mirum videretur tradidisse aliquos, legato eum consulari successorem dedisse ut rudi et indocto, cuius manu *ixi* pro *ipsi* scriptum animadverterit. Quotiens autem per notas scribit, B pro A, C pro B ac deinceps eadem ratione sequentis litteras ponit; pro X autem duplex A.

10 Ne Graecarum quidem disciplinarum levio- re studio tene- 89
batur. In quibus et ipsis praestabat largiter, magistro dicendi
usus Apollodoro Pergameno, quem iam grandem natu Apol-
loniam quoque secum ab urbe iuvenis adhuc eduxerat, de-
inde eruditione etiam varia repletus per Arei philosophi filio-
15 rumque eius Dionysi et Nicanoris contubernium; non tamen
ut aut loqueretur expedite aut componere aliquid auderet;
nam et si quid res exigeret, Latine formabat vertendumque
alii dabat. Sed plane poematum quoque non imperitus, dele-
ctabatur etiam comoedia veteri et saepe eam exhibuit specta-
20 culis publicis. In evolvendis utriusque linguae auctoribus
nihil aequae sectabatur, quam praecepta et exempla publice
vel privatim salubria, eaque ad verbum excerpta aut ad do-
mesticos aut ad exercituum provinciarumque rectores aut ad
urbis magistratus plerumque mittebat, prout quique moni-
25 tione indigerent. Etiam libros totos et senatui recitavit et
populo notos per edictum saepe fecit, ut orationes Q. Metelli
de prole augenda et Rutili *de modo aedificiorum*, quo ma-
gis persuaderet utramque rem non ab se primo animadver-
sam, sed antiquis iam tunc curae fuisse.

30 Ingenia saeculi sui omnibus modis fovit; recitantis et be-
nigne et patienter audit, nec tantum carmina et historias, sed
et orationes et dialogos. Componi tamen aliquid de se nisi
et serio et a praestantissimis, offendebatur admonebatque
praetores, ne paterentur nomen suum commissionibus obso-
35 lesferi.

Circa religiones talem accepimus. Tonitrua et fulgura 90
paulo infirmius expavescebat, ut semper et ubique pellem
vituli marini circumferret pro remedio, atque ad omnem ma-

ioris tempestatis suspicionem in abditum et concamaratum locum se reciperet, consternatus olim per nocturnum iter transcurso fulguris, ut praediximus.

91 Somnia neque sua neque aliena de se neglegebat. Philippensi acie quamvis statuisset non egredi tabernaculo propter valitudinem, egressus est tamen amici somnio monitus; cessitque res prospere, quando captis castris lectica eius, quasi ibi cubans remansisset, concursu hostium confossa atque lacerata est. Ipse per omne ver plurima et formidulosissima et vana et irrita videbat, reliquo tempore rariora et minus vana. Cum dedicatam in Capitolio aedem Tonanti Iovi assidue frequentaret, somniavit, queri Capitolinum Iovem cultores sibi abduci, seque respondisse, Tonantem pro ianitore ei appositum; ideoque mox tintinnabulis fastigium aedis rediit, quod ea fere ianuis dependebant. Ex nocturno visu etiam stipem quot annis die certo emendicabat a populo, cavam manum asses porrigentibus praebens.

92 Auspicia et omina quaedam pro certissimis observabat: si mane sibi calceus perperam ac sinister pro dextro induceretur, ut dirum; si terra marive ingrediente se longinquam profectionem forte rorasset, ut laetum maturique et prosperi reditus. Sed et ostentis praecipue movebatur. Enatam inter iuncturas lapidum ante domum suam palmam in compluvium deorum Penatium transtulit, utque coalesceret magno opere curavit. Apud insulam Capreas veterrimae ilicis demissos iam ad terram languentisque ramos convaluisse adventu suo, adeo laetatus est, ut eas cum re p. Neapolitanorum permutaverit, Aenaria data. Observabat et dies quosdam, ne aut postridie nundinas quoquam proficisceretur, aut Nonis quicquam rei seriae inchoaret; nihil in hoc quidem aliud devitans, ut ad Tiberium scribit, quam *δυσσφημίαν* nominis.

93 Peregrinarum caerimoniarum sicut veteres ac praeceptas reverentissime coluit, ita ceteras contemptui habuit. Namque Athenis initiatus, cum postea Romae pro tribunali de privilegio sacerdotum Atticae Cereris cognosceret et quaedam secretiora proponerentur, dimisso consilio et corona circumstantium solus audiit disceptantes. At contra non modo in peragrandae Aegypto paulo deflectere ad visendum

Apin supersedit, sed et Gaium nepotem, quod Iudaeam prae-
tervehens apud Hierosolyma non supplicasset, conlaudavit.

Et quoniam ad haec ventum est, non ab re fuerit subtexere, 94
quae ei prius quam nasceretur et ipso natali die ac deinceps
evenerint, quibus futura magnitudo eius et perpetua felicitas
sperari animadvertique posset.

Velitris antiquitus tacta de caelo parte muri, responsum
est eius oppidi civem quandoque rerum potiturum; qua fidu-
cia Veliterni et tunc statim et postea saepius paene ad exi-
10 tium sui cum populo R. belligeraverant; sero tandem docu-
mentis apparuit, ostentum illud Augusti potentiam porten-
disse.

Auctor est Iulius Marathus, ante paucos quam nasceretur
menses prodigium Romae factum publice, quo denuntiabatur,
15 regem P. R. naturam parturire; senatum exterritum censuisse,
ne quis illo anno genitus educaretur; eos qui gravidas ux-
ores haberent, quod ad se quisque spem traheret, curasse ne
senatus consultum ad aerarium deferretur.

In Asclepiadis Mendetis Theologumenon libris lego,
20 Atiam, cum ad sollemne Apollinis sacrum media nocte ve-
nisset, posita in templo lectica, dum ceterae matronae dor-
mirent, obdormisse; draconem repente irrepsisse ad eam
pauloque post egressum; illam expergefactam quasi a con-
cubitu mariti purificasse se; et statim in corpore eius extitisse
25 maculam velut picti draconis, nec potuisse umquam exigi,
adeo ut mox publicis balineis perpetuo abstinuerit; Augustum
natum mense decimo et ob hoc Apollinis filium existimatum.
Eadem Atia prius quam pareret somniavit, intestina sua ferri
ad sidera explicarique per omnem terrarum et caeli ambitum.
30 Somniavit et pater Octavius, utero Atiae iubar solis exor-
tum.

Quo natus est die, cum de Catilinae coniuratione agere-
tur in curia et Octavius ob uxoris puerperium serius affuisset,
nota ac vulgata res est P. Nigidium, comperta morae causa,
35 ut horam quoque partus acceperit, affirmasse dominum terra-
rum orbi natum. Octavio postea, cum per secreta Thraciae
exercitum duceret, in Liberi patris luco barbara caerimonia
de filio consulenti, idem affirmatum est a sacerdotibus, quod

infuso super altaria mero tantum flammae emicuisset, ut supergressa fastigium templi ad caelum usque ferretur, unique omnino Magno Aléxandro apud easdem aras sacrificanti simile provenisset ostentum. Atque etiam sequenti statim nocte videre visus est filium mortali specie ampliorem, cum fulmine et sceptro exuviisque Iovis Optimi Maximi ac radiata corona, super laureatum currum, bis senis equis candore eximio trahentibus. Infans adhuc, ut scriptum apud C. Drusum extat, repositus vespere in cunas a nutricula loco plano, postera luce non comparuit, diuque quaesitus tandem in altissima turri repertus est, iacens contra solis exortum.

Cum primum fari coepisset, in avito suburbano obstrepentis forte ranas silere iussit, atque ex eo negantur ibi ranae coaxare. Ad quartum lapidem Campanae viae in nemore prandenti ex improviso aquila panem ei e manu rapuit, et cum altissime evolasset, rursus ex improviso leniter delapsa reddidit.

Q. Catulus post dedicatum Capitolium duabus continuis noctibus somniavit: prima, Iovem Optimum Maximum e praetextatis compluribus circum aram ludentibus unum secrevisse, atque in eius sinum rem p. quam manu gestaret reposuisse; at insequenti, animadvertisse se in gremio Capitolini Iovis eundem puerum, quem cum detrahi iussisset, prohibitum monitu dei, tamquam is ad tutelam rei p. educaretur; ac die proximo obvium sibi Augustum, cum incognitum alias haberet, non sine admiratione contuitus, simillimum dixit puero, de quo somniasset. Quidam prius somnium Catuli aliter exponunt, quasi Iuppiter compluribus praetextatis tutorem a se poscentibus, unum ex eis demonstrasset ad quem omnia desideria sua referrent, eiusque osculum delibatum digitis ad os suum retulisset.

M. Cicero C. Caesarem in Capitolium prosecutus, somnium pristinae noctis familiaribus forte narrabat: puerum facie liberali, demissum e caelo catena aurea, ad fores Capitoli constitisse eique Iovem flagellum tradidisse; deinde repente Augusto viso, quem ignotum plerisque adhuc avunculus Caesar ad sacrificandum acciverat, affirmavit ipsum esse, cuius imago secundum quietem sibi obversata sit.

Sumentem virilem togam tunica lati clavi, resuta ex utraque parte, ad pedes decidit. Fuerunt qui interpretarentur, non aliud significare, quam ut is ordo cuius insigne id esset quandoque ei subiceretur.

5 Apud Mundam Divus Iulius, castris locum capiens cum silvam caederet, arborem palmae repertam conservari ut omen victoriae iussit; ex ea continuo enata suboles adeo in paucis diebus adolevit, ut non aequiperaret modo matricem, verum et obtegeret frequentareturque columbarum nidis, 10 quamvis id avium genus duram et asperam frondem maxime vitet. Illo et praecipue ostento motum Caesarem ferunt, ne quem alium sibi succedere quam sororis nepotem vellet.

In secessu Apolloniae Theogenis mathematici pergulam comite Agrippa ascenderat; cum Agrippae, qui prior consulebat, magna et paene incredibilia praedicerentur, reticere ipse genituram suam nec velle edere perseverabat, metu ac pudore ne minor inveniretur. Qua tamen post multas adhortationes vix et cunctanter edita, exilivit Theogenes adoravitque eum. Tantam mox fiduciam fati Augustus habuit, ut 20 thema suum vulgaverit nummumque argenteum nota sideris Capricorni, quo natus est, percusserit.

Post necem Caesaris reverso ab Apollonia et ingrediente 95 eo urbem, repente liquido ac puro sereno circulus ad speciem caelestis arcus orbem solis ambiit, ac subinde Iuliae 25 Caesaris filiae monimentum fulmine ictum est. Primo autem consulatu et augurium capienti duodecim se vultures ut Romulo ostenderunt, et immolanti omnium victimarum iocinera replicata intrinsecus ab ima fibra paruerunt, nemine peritorum aliter coiectante quam laeta per haec et magna portendi.

30 Quin et bellorum omnium eventus ante praesensit. Con-96 tractis ad Bononiam triumvirorum copiis, aquila tentorio eius supersedens duos corvos hinc et inde infestantis afflixit et ad terram dedit; notante omni exercitu, futuram quandoque inter collegas discordiam talem qualis secuta est, et exitum praesagiente. Philippis Thessalus quidam de futura victoria nuntiavit auctore Divo Caesare, cuius sibi species itinere avic 35 occurrisset.

Circa Perusiam, sacrificio non litanti cum augeri hostias
SÜETONIUS.

imperasset, ac subita eruptione hostes omnem rei divinae apparatus abstulissent, constitit inter haruspices, quae periculosa et adversa sacrificanti denuntiata essent, cuncta in ipsos recasura qui exta haberent; neque aliter evenit. Pridie quam Siciliensem pugnam classe committeret, deambulanti in litore piscis e mari exilivit et ad pedes iacuit. Apud Actium descendenti in aciem asellus cum asinario occurrit, homini Eutychus, bestiae Nicon erat nomen; utriusque simulacrum aeneum victor posuit in templo, in quod castrorum suorum locum vertit.

97 Mors quoque eius, de qua hinc dicam, divinitasque post mortem evidentissimis ostentis praecognita est. Cum lustrum in campo Martio magna populi frequentia conderet, aquila eum saepius circumvolavit, transgressaque in vicinam aedem super nomen Agrippae ad primam litteram sedit; quo animad-
verso vota, quae in proximum lustrum suscipi mos est, collegam suum Tiberium nuncupare iussit: nam se, quanquam conscriptis paratisque iam tabulis, negavit suscepturum quae non esset soluturus. Sub idem tempus ictu fulminis ex inscriptione statuae eius prima nominis littera effluxit; respon-
sum est, centum solos dies posthac victurum, quem numerum C littera notaret, futurumque ut inter deos referretur, quod aesar, id est reliqua pars e Caesaris nomine, Etrusca lingua deus vocaretur.

Tiberium igitur in Illyricum dimissurus et Beneventum
usque prosecuturus, cum interpellatores aliis atque aliis causis in iure dicendo detinerent, exclamavit, quod et ipsum mox inter omina relatum est, *non, si omnia morarentur, amplius se posthac Romae futurum*; atque itinere inchoato Asturam perrexit, et inde, praeter consuetudinem de nocte,
ad occasionem aurae evectus causam valitudinis contraxit ex
98 profluvio alvi. Tunc Campaniae ora proximisque insulis circuitis, Caprearum quoque secessui quadriduum impendit, remississimo ad otium et ad omnem comitatem animo.

Forte Puteolanum sinum praetervehenti vectores nautae-
que de navi Alexandrina, quae tantum quod appulerat, candidati coronatique et tura libantes fausta omina et eximias laudes congesserant, *per illum se vivere, per illum navi-*

gare, libertate atque fortunis per illum frui. Qua re admodum exhilaratus, quadragenos aureos comitibus divisit iusque iurandum et cautionem exegit a singulis, non alio datam summam quam in emptionem Alexandrinarum mercium absumpturos. Sed et ceteros continuos dies inter varia munuscula togas insuper ac pallea distribuit, lege proposita ut Romani Graeco, Graeci Romano habitu et sermone uterentur. Spectavit assidue exercentes ephebos, quorum aliqua adhuc copia ex vetere instituto Capreis erat; isdem etiam epulum in conspectu suo praebuit, permissa, immo exacta iocandi licentia diripiendique pomorum et obsoniorum rerumque *missilia. Nullo denique genere hilaritatis abstinuit.

Vicinam Capreis insulam Apragopolim appellabat, a desidia secedentium illuc e comitatu suo. Sed ex dilectis unum, Masgaban nomine, quasi conditorem insulae *κτιστήν* vocare consuerat. Huius Masgabae ante annum defuncti tumulum cum e triclinio animadvertisset magna turba multisque luminibus frequentari, versum compositum ex tempore clare pronuntiavit:

20 *Κτιστοῦ δὲ τύμβον εἰσορῶ πυρούμενον.*

conversusque ad Thrasyllum Tiberi comitem, contra accubantem et ignarum rei, interrogavit cuiusnam poetae putaret esse; quo haesitante, subiecit alium:

Ὁρᾷς φάεσσι Μασγάβαν τιμώμενον;

25 ac de hoc quoque consuluit. Cum ille nihil aliud responderet quam, cuiuscumque essent optimos esse, cachinnum sustulit atque in iocos effusus est. Mox Neapolim traiecit, quanquam etiam tum infirmis intestinis morbo variante; tamen et quinquennale certamen gymnicum honori suo institutum
30 perspectavit et cum Tiberio ad destinatum locum contendit. Sed in redeundo adgravata valitudine, tandem Nolae succubuit revocatumque ex itinere Tiberium diu secreto sermone detinuit, neque post ulli maiori negotio animum accomodavit.

Supremo die identidem exquirens, an iam de se tumultus 99
35 foris esset, petito speculo, capillum sibi comi ac malas labantes corrigi praecepit, et admissos amicos percontatus, *ecquid iis videretur mimum vitae commode transegisse*, adiecit et clausulam:

εἰ δέ τι

ἔχοι καλῶς τὸ παίγνιον, κρότον δότε
καὶ πάντες ἡμᾶς μετὰ χαρᾶς προπέμψατε.

Omnibus deinde dimissis, dum advenientes ab urbe de Drusi filia aegra interrogat, repente in osculis Liviae et in hac voce ⁵ defecit: *Livia, nostri coniugi memor vive, ac vale!* sortitus exitum facilem et qualem semper optaverat. Nam fere quotiens audisset cito ac nullo cruciatu defunctum quempiam, sibi et suis *εὐθανασίαν* similem (hoc enim et verbo uti solebat) precabatur. Unum omnino ante efflatam animam si- ¹⁰ gnum alienatae mentis ostendit, quod subito pavefactus a quadraginta se iuvenibus abripi questus est. Id quoque magis praesagium quam mentis deminutio fuit, siquidem totidem mi- ¹⁰⁰ lites praetoriani extulerunt eum in publicum. Obiit in cubiculo eodem, quo pater Octavius, duobus Sextis, Pompeio et ¹⁵ Appuleio, cons. XIII. Kal. Septemb. hora diei nona, septuagesimo et sexto aetatis anno, diebus V. et XXX. minus.

Corpus decuriones municipiorum et coloniarum a Nola Bovillas usque deportarunt, noctibus propter anni tempus, cum interdiu in basilica cuiusque oppidi vel in aedium sacra- ²⁰ rum maxima reponeretur. A Bovillis equester ordo suscepit, urbique intulit atque in vestibulo domus conlocavit. Senatus et in funere ornando et in memoria honoranda eo studio certatim progressus est, ut inter alia complura censuerint quidam, funus triumphali porta ducendum, praecedente Victoria ²⁵ quae est in curia, canentibus neniam principum liberis utriusque sexus; alii, exequiarum die ponendos anulos aureos ferreosque sumendos; nonnulli, ossa legenda per sacerdotes summorum collegiorum. Fuit et qui suaderet, appellationem mensis Augusti in Septembrem transferendam, quod hoc ge- ³⁰ nitus Augustus, illo defunctus esset; alius, ut omne tempus a primo die natali ad exitum eius saeculum Augustum appellaretur et ita in fastos referretur. Verum adhibito honoribus modo, bifariam laudatus est: pro aede Divi Iuli a Tiberio et pro rostris veteribus a Druso Tiberi filio, ac senatorum ume- ³⁵ ris delatus in Campum crematusque. Nec defuit vir praetorius, qui se effigiem cremati euntem in caelum vidisse iuraret. Reliquias legerunt primores equestris ordinis, tunicati et

discincti pedibusque nudis, ac Mausoleo condiderunt. Id opus inter Flaminiam viam ripamque Tiberis sexto suo consulatu extruxerat circumiectasque silvas et ambulationes in usum populi iam tum publicarat.

- 5 Testamentum, L. Planco C. Silio cons. III. Non. Apriles, 191 ante annum et quattuor menses quam decederet, factum ab eo ac duobus codicibus, partim ipsius partim libertorum Polybi et Hilarionis manu, scriptum depositumque apud se virgines Vestales cum tribus signatis aequae voluminibus protulerunt. Quae omnia in senatu aperta atque recitata sunt. Heredes instituit primos: Tiberium ex parte dimidia et sextante, Liviam ex parte tertia, quos et ferre nomen suum iussit, secundos: Drusum Tiberi filium ex triente, ex partibus reliquis Germanicum liberosque eius tres sexus virilis, tertio
- 15 gradu: propinquos amicosque compluris. Legavit populo R. quadringenties, tribubus tricies quinquies sestertium, praetorianis militibus singula milia nummorum, cohortibus urbanis quingenos, legionaris trecenos nummos: quam summam repraesentari iussit, nam et confiscatam semper repositamque
- 20 habuerat. Reliqua legata varie dedit produxitque quaedam ad vicies sestertium, quibus solvendis annum diem finiit, excusata rei familiaris mediocritate, nec plus perventurum ad heredes suos quam milies et quingenties professus, quamvis viginti proximis annis quaterdecies milies ex testamentis amicorum percepisset, quod paene omne cum duobus paternis
- 25 patrimoniis ceterisque hereditatibus in rem p. absumsisset. Iulias filiam neptemque, si quid iis accidisset, vetuit sepulcro suo inferri. Tribus voluminibus, uno mandata de funere suo complexus est, altero indicem rerum a se gestarum, quem
- 30 vellet incidi in aeneis tabulis, quae ante Mausoleum statuerentur, tertio breviarium totius imperii, quantum militum sub signis ubique esset, quantum pecuniae in aerario et fiscis et vectigaliorum residuis. Adiecit et libertorum servorumque nomina, a quibus ratio exigi posset.
-

C. SÜETONI TRANQUILLI
DE VITA CAESARUM
LIBER III.
TIBERIUS.

1 Patricia gens Claudia (fuit enim et alia plebeia, nec po- 5
tentia minor nec dignitate) orta est ex Regillis, oppido Sa-
binorum. Inde Romam recens conditam cum magna clientium
manu conmi-gravit, auctore Tito Tatío consorte Romuli, vel,
quod magis constat, Atta Claudio gentis principe, post reges
exactos sexto fere anno; atque in patricias cooptata, agrum 10
insuper trans Anienem clientibus locumque sibi ad sepulturam
sub Capitolio publice accepit. Deinceps procedente tempore
duodetriginta consulatus, dictaturas quinque, censuras septem,
triumphos sex, duas ovationes adeptus est. Cum prænominibus
cognominibusque variis distingueretur, Luci prænomen 15
consensu repudiavit, postquam e duobus gentilibus præditis
eo alter latrocinii, caedis alter convictus est. Inter cognomina
autem et Neronis assumpsit, quo significatur lingua Sa-
bina fortis ac strenuus.

2 Multa multorum Claudiorum egregia merita, multa etiam 20
sequi admissa in rem p. extant. Sed ut præcipua comem-
orem, Appius Caecus societatem cum rege Pyrrho ut parum
salubrem iniri dissuasit. Claudius Caudex primus freto classe
traiecto Poenos Sicilia expulit. Tib. Nero advenientem ex
Hispania cum ingentibus copiis Hasdrubalem, prius quam 25
Annibali fratri coniungeretur, oppressit. Contra Claudius
Regillianus, decemvir legibus scribendis, virginem ingenuam
per vim libidinis gratia in servitutem asserere conatus, causa

plebi fuit *secedendi* rursus a patribus. Claudius Drusus, statua sibi diademata ad Appi Forum posita, Italiam per clientelas occupare temptavit. Claudius Pulcher apud Siciliam, non pascentibus in auspicando pullis ac per contemptum religionis mari demersis, quasi *ut biberent quando esse nol-
lent*, proelium navale iniit; superatusque, cum dictatorem dicere a senatu iuberetur, velut iterum inludens discrimini publico, Glician viatorem suum dixit.

Extant et feminarum exempla diversa aequae, siquidem gentis eiusdem utraque Claudia fuit, et quae navem cum sacris Matris deum Idaeae obhaerentem Tiberino vado extraxit, precata propalam, *ut ita demum se sequeretur, si sibi pudicitia constaret*; et quae novo more iudicium maiestatis apud populum mulier subiit, quod in conferta multitudine aegre procedente carpento palam optaverat, *ut frater suus Pulcher revivesceret atque iterum classem amitteret, quo minor turba Romae foret*. Praeterea notatissimum est, Claudios omnis, excepto dum taxat P. Clodio, qui ob expellendum urbe Ciceronem plebeio homini atque etiam natu minori in adoptionem se dedit, optimates adsertoresque unicos dignitatis ac potentiae patriciorum semper fuisse, atque adversus plebem adeo violentos et contumaces, ut ne capitis quidem quisquam reus apud populum mutare vestem aut deprecari sustinuerit; nonnulli in altercatione et iurgio tribunos plebi pulsaverint. Etiam virgo Vestalis fratrem, iniussu populi triumphantem, ascenso simul curru, usque in Capitolium prosecuta est, ne vetare aut intercedere fas cuiquam tribunorum esset.

Ex hac stirpe Tiberius Caesar genus trahit, et quidem utrumque: paternum a Tiberio Nerone, maternum ab Appio Pulchro, qui ambo Appi Caeci filii fuerunt. Insertus est et Liviorum familiae, adoptato in eam materno avo. Quae familia, quanquam plebeia, tamen et ipsa admodum floruit, octo consulatibus, censuris duabus, triumphis tribus, dictatura etiam ac magisterio equitum honorata; clara et insignibus viris, ac maxime Salinatore Drusisque. Salinator universas tribus in censura notavit levitatis nomine, quod, cum se post priorem consulatum multa inrogata condemnasset,

consulem iterum censoremque fecissent. Drusus, hostium duce Drauso comminus trucidato, sibi posterisque suis cognomen invenit. Traditur etiam pro praetore ex provincia Gallia retulisse aurum, Senonibus olim in obsidione Capitoli datum, nec, ut fama est, extortum a Camillo. Eius abnepos, 5 ob eximiam adversus Gracchos operam patronus senatus dictus, filium reliquit, quem in simili dissensione multa varie molientem diversa factio per fraudem interemit.

4 Pater Tiberi, quaestor C. Caesaris Alexandrino bello classi praepositus, plurimum ad victoriam contulit. Quare et 10 pontifex in locum P. Scipionis substitutus et ad deducendas in Galliam colonias, in quis Narbo et Arelate erant, missus est. Tamen Caesare occiso, cunctis turbarum metu abolitionem facti decernentibus, etiam de praemiis tyrannicidarum referendum censuit. Praetura deinde functus, cum exitu anni 15 discordia inter triumviros orta esset; retentis ultra iustum tempus insignibus L. Antonium consulem, triumviri fratrem, ad Perusiam secutus, deditione a ceteris facta, solus permansit in partibus ac primo Praeneste, inde Neapolim evasit, servisque ad pilleum frustra vocatis in Siciliam profugit. Sed 20 indigne ferens, nec statim se in conspectum Sexti Pompei admissum et fascium usu prohibitum, ad M. Antonium traiecit in Achaïam. Cum quo, brevi reconciliata inter omnis pace, Romam redit, uxoremque Liviam Drusillam, et tunc gravidam et ante iam apud se filium enixam, petenti Augusto concessit. 25 Nec multo post diem obiit, utroque liberorum superstite, Tiberio Drusoque Neronibus.

5 Tiberium quidam Fundis natum existimaverunt, secuti levem coniecturam, quod materna eius avia Fundana fuerit, et quod mox simulacrum Felicitatis ex S. C. publicatum ibi sit. 30 Sed ut plures certioresque tradunt, natus est Romae in Palatio XVI. Kal. Dec. M. Aemilio Lepido iterum, L. Munatio Planco cons. per bellum Philippense. Sic enim in fastos actaque in publica relatum est. Nec tamen desunt, qui partim antecedente anno, Hirti ac Pansae, partim insequenti, Ser- 35 vili Isaurici L. que Antonii consulatu, genitum eum scribant.

6 Infantiam pueritiamque habuit laboriosam et exercitam, comes usque quaque parentum fugae; quos quidem apud Nea-

- polim sub inruptionem hostis navigium clam petentis vagitu suo paene bis prodidit, semel cum a nutricis ubere, iterum cum a sinu matris raptim auferretur ab iis, qui pro necessitate temporis mulierculas levare onere temptabant. Per Siciliam quoque et per Achaïam circumductus, ac Lacedaemoniis publice, quod in tutela Claudiorum erant, demandatus, digrediens inde itinere nocturno discrimen vitae adiit, flamma repente e silvis undique exorta, adeoque omnem comitatum circumplexa, ut Liviae pars vestis et capilli amburerentur.
- 10 Munera, quibus a Pompeia, Sex. Pompei sorore, in Sicilia donatus est, clamis et fibula item bullae aureae, durant ostendunturque adhuc Bais. Post reditum in urbem a M. Gallio senatore testamento adoptatus, hereditate adita mox nomine abstinuit, quod Gallius adversarum Augusto partium fuerat.
- 15 Novem natus annos defunctum patrem pro rostris laudavit. Dehinc pubescens Actiaco triumpho currum Augusti comitatus est sinisteriore funali equo, cum Marcellus Octaviae filius dexteriore veheretur. Praesedit et asticis ludis, et Troiam* circensibus, ductor turmae puerorum maiorum.
- 20 Virili toga sumpta, adulescentiam omnem spatiumque in-7 sequentis aetatis usque ad principatus initia per haec fere transegit. Munus gladiatorium in memoriam patris et alterum in avi Drusi dedit, diversis temporibus ac locis, primum in foro, secundum in amphitheatro, rudiariis quoque quibusdam
- 25 revocatis auctoramento centenum milium; dedit et ludos, sed absens: cuncta magnifice, impensa matris ac vitrici.
- Agrippinam, Marco Agrippa genitam, neptem Caecili Attici equitis R. ad quem sunt Ciceronis epistolae, duxit uxorem; sublatoque ex ea filio Druso, quanquam bene convenientem
- 30 rursusque gravidam dimittere, ac Iuliam Augusti filiam festim coactus est ducere, non sine magno angore animi, cum et Agrippinae consuetudine teneretur et Iuliae mores improbare; ut quam sensisset sui quoque sub priore marito appetentem, quod sane etiam vulgo existimabatur. Sed Agrippi-
- 35 nam et abegisse post divortium doluit, et semel omnino ex occurso visam adeo contentis et umentibus oculis prosecutus est, ut custoditum sit ne umquam in conspectum ei posthac veniret. Cum Iulia primo concorditer et amore mutuo vixit;

mox dissedit, et aliquanto gravius, ut etiam perpetuo secubaret, intercepto communis fili pignore, qui Aquileiae natus infans extinctus est. Drusum fratrem in Germania amisit, cuius corpus, pedibus toto itinere praegrediens, Romam usque pervexit.

8 Civilium officiorum rudimentis regem Archelaum Trallianos et Thessalos, varia quosque de causa, Augusto cognoscente defendit; pro Laodicensi Thyatirensi Chiis, terrae motu afflictis opemque implorantibus, senatum deprecatus est; Fan-
nium Caepionem, qui cum Varrone Murena in Augustum con- 10
spiraverat, reum maiestatis apud iudices fecit et condemnavit. Interque haec duplicem curam administravit, annonae quae artior inciderat, et repurgandorum tota Italia ergastulorum, quorum domini in invidiam venerant quasi exceptos sup-
primerent, non solum viatores sed et quos sacramenti metus 15
ad eius modi latebras compulisset.

9 Stipendia prima expeditione Cantabrica tribunus militum fecit, dein ducto ad Orientem exercitu regnum Armeniae Tigrani restituit ac pro tribunali diadema imposuit. Recepit et signa, quae M. Crasso ademerant Parthi. Post hoc Comatam 20
Galliam anno fere rexit, et barbarorum incursionibus et principum discordia inquietam. Exin Raeticum Vindelicumque bellum, inde Pannonicum, inde Germanicum gessit. Raetico atque Vindelico gentis Alpinas, Pannonico Breucos et Dalmatas subegit, Germanico quadraginta milia dediticiorum traiecit in Galliam iuxtaque ripam Rheni sedibus adsignatis collocavit. Quas ob res et ovans et curru urbem ingressus est, prius, ut quidam putant, triumphalibus ornamentis honoratus, novo nec antea cuiquam tributo genere honoris.

Magistratus et maturius inchoavit et paene iunctim percucurrit, quaesturam, praeturam, consulatum; interpositoque tempore consul iterum etiam tribuniciam potestatem in quin- 10
quennium accepit. Tot prosperis confluentibus, integra aetate ac validudine statuit repente secedere seque e medio quam longissime amovere: dubium, uxorisne taedio, quam 35
neque criminari aut dimittere auderet neque ultra perferre posset, an ut vitato assiduitatis fastidio auctoritatem absentia tueretur atque etiam augeret, si quando indiguisset sui res p.

Quidam existimant, adultis iam Augusti liberis, loco et quasi
 possessione usurpati a se diu secundi gradus sponte cessisse,
 exemplo M. Agrippae qui, M. Marcello ad munera publica
 admoto, Mytilenas abierit, ne aut obstare aut obtrectare prae-
 5 sens videretur. Quam causam et ipse, sed postea, reddidit.
 Tunc autem honorum satietatem ac requiem laborum praeten-
 dens, commeatum petit; neque aut matri suppliciter precanti,
 aut vitrico deseri se etiam in senatu conquerenti veniam de-
 dit. Quin et pertinacius retinentibus, cibo per quatrimum
 10 abstinuit. Facta tandem abeundi potestate, relictis Romae
 uxore et filio confestim Ostiam descendit, ne verbo quidem
 cuiquam prosequentium reddito paucosque admodum in di-
 gressu exosculatus. Ab Ostia oram Campaniae legens, inbe- 11
 cillitate Augusti nuntiata, paulum substitit. Sed increbre-
 15 scente rumore quasi ad occasionem maioris spei commoraretur,
 tantum non adversis tempestatibus Rhodum enavigavit,
 amoenitate et salubritate insulae iam inde captus cum ad eam
 ab Armenia rediens appulisset. Hic modicis contentus aedibus
 nec multo laxiore suburbano, genus vitae civile admodum in-
 20 stituit, sine lictore aut viatore gymnasium interdum obambulans,
 mutuaque cum Graeculis officia usurpans prope ex aequo.

Forte quondam in disponendo die mane praedixerat, quid-
 quid aegrorum in civitate esset visitare se velle; id a proxi-
 mis aliter exceptum, iussique sunt omnes aegri in publicam
 25 porticum deferri ac per valitudinum genera disponi. Percul-
 sus ergo inopinata re diuque quid ageret incertus, tandem
 singulos circuit, excusans factum etiam tenuissimo cuique et
 ignoto. Unum hoc modo neque praeterea quicquam notatum
 est, in quo exseruisse ius tribuniciae potestatis visus sit: cum
 30 circa scholas et auditoria professorum assiduus esset, moto
 inter antisophistas graviore iurgio, non defuit qui eum inter-
 venientem et quasi studiosiorem partis alterius convitio inces-
 seret. Sensim itaque regressus domum, repente cum appa-
 ritoribus prodiit citatumque pro tribunali voce praeconis con-
 35 vitiatorem rapi iussit in carcerem.

Comperit deinde Iuliam uxorem ob libidines atque adul-
 teria damnatam, repudiumque ei suo nomine ex auctoritate
 Augusti remissum; et quamquam laetus nuntio, tamen officii

duxit, quantum in se esset, exorare filiae patrem frequentibus litteris et vel utcumque meritaë, quidquid umquam dono dedisset, concedere. Transacto autem tribuniciaë potestatis tempore, confessus tandem, nihil aliud secessu devitasse se quam aemulationis cum C. Lucioque suspicionem, petit ut sibi 5 securo iam ab hac parte, conroboretis his et secundum locum facile tutantibus, permitteretur revisere necessitudines, quarum desiderio teneretur. Sed neque impetravit ultroque etiam admonitus est, *dimitteret omnem curam suorum, quos tam* 12 *cupide reliquisset.* Remansit igitur Rhodi contra voluntatem, 10 vix per matrem consecutus, ut ad velandam ignominiam quasi legatus Augusto abesset.

Enimvero tunc non privatum modo, sed etiam obnoxium et trepidum egit, mediterraneis agris additus vitansque praeternavigantium officia, quibus frequentabatur assidue, nemine 15 cum imperio aut magistratu tendente quoquam quin deverteret Rhodum. Et accesserunt maioris sollicitudinis causae. Namque privignum Gaium Orienti praepositum, cum visendi gratia traiecisset Samum, alieniorem sibi sensit ex criminatibus M. Lolli comitis et rectoris eius. Venit etiam in sus- 20 spitionem, per quosdam beneficii sui centuriones a comneatu castra repetentis mandata ad complures dedisse ambigua et quae temptare singulorum animos ad novas res viderentur. De qua suspitione certior ab Augusto factus, non cessavit efflagitare aliquem cuiuslibet ordinis custodem factis atque 25 dictis suis. Equi quoque et armorum solitas exercitationes omisit redegitque se, deposito patrio habitu, ad pallium et crepidas, atque in tali statu biennio fere permansit, contem- 30 tior in dies et invisior, adeo ut imagines eius et statuas Nemausenses subverterint, ac familiari quondam convivio mentione eius orta, extiterit qui Gaio polliceretur, confestim se, si iuberet, Rhodum navigaturum caputque exulis (sic enim appellabatur) relaturum. Quo praecipue non iam metu sed discrimine coactus est, tam suis quam matris inpensissimis precibus reditum exposulare, impetravitque, adiutus aliquan- 35 tum etiam casu. Destinatum Augusto erat, nihil super ea renisi ex voluntate maioris fili statuere; is forte tunc M. Lollio offensior, facilis exorabilisque in vitricum fuit. Permittente

ergo Gaio revocatus est, verum sub conditione ne quam partem curamve rei p. attingeret.

Rediit octavo post secessum anno, magna nec incerta spe 14
futurorum, quam et ostentis et praedictionibus ab initio aeta-
5 tis conceperat.

Praegnans enim Livia cum, an marem editura esset, variis
captaret ominibus, ovum incubanti gallinae subductum nunc
sua nunc ministrarum manu per vices usque fovit, quoad pul-
lus insigniter cristatus exclusus est. Ac de infante Scribo-
10 nius mathematicus praeclara spopondit, etiam regnatorum
quandoque, sed sine regio insigni, ignota scilicet tunc adhuc
Caesarum potestate. Et ingresso primam expeditionem ac
per Macedoniam ducente exercitum in Syriam, accidit ut apud
Philippos sacrae olim victricium legionum arae sponte subi-
15 tis conlucere ignibus; et mox, cum Illyricum petens iuxta
Patavium adisset Geryonis oraculum, sorte tracta, qua mone-
batur ut de consultationibus in Aponi fontem talos aureos iaceret,
evenit ut summum numerum iacti ab eo ostenderent;
hodieque sub aqua visuntur hi tali. Ante paucos vero quam
20 revocaretur dies aquila, numquam antea Rhodi conspecta, in
culmine domus eius assedit; et pridie quam de reditu certior
fieret, vestimenta mutanti tunica ardere visa est. Thrasyllum
quoque mathematicum, quem ut sapientiae professorem con-
tubernio admoverat, tum maxime expertus est, affirmantem,
25 nave provisa gaudium afferri; cum quidem illum, durius et
contra praedicta cadentibus rebus, ut falsum et secretorum
temere conscium, eo ipso momento, dum spatiatur una, prae-
cipitare in mare destinasset.

Romam reversus, deducto in forum filio Druso, statim e 15
30 Carinis ac Pompeiana domo Esquilias in hortos Maecenatianos
transmigravit totumque se ad quietem contulit, privata
modo officia obiens ac publicorum munerum expers.

Gaio et Lucio intra triennium defunctis, adoptatur ab
Augusto simul cum fratre eorum M. Agrippa, coactus prius
35 ipse Germanicum fratris sui filium adoptare. Nec quicquam
postea pro patre familias egit aut ius, quod amiserat, ex
ulla parte retinuit. Nam neque donavit neque manumisit, ne
hereditatem quidem aut legata percepit ulla aliter quam ut

- peculio referret accepta. Nihil ex eo tempore praetermissum est ad maiestatem eius augendam, ac multo magis post quam, Agrippa abdicato atque seposito, certum erat, uni spem successio-
 16 cessionis incumbere; data rursus potestas tribunicia in quinquennium, delegatus pacandae Germaniae status, Parthorum legati, mandatis Augusto Romae redditis, eum quoque adire in provincia iussi. Sed nuntiata Illyrici defectione, transiit ad curam novi belli, quod, gravissimum omnium externorum bellorum post Punica, per quindecim legiones paremque auxiliorum copiam triennio gessit, in magnis omnium rerum difficultatibus summaque frugum inopia. Et quanquam saepius revocaretur, tamen perseveravit, metuens ne vicinus et praevalens hostis instaret ultro cedentibus. Ac perseverantiae grande pretium tulit, toto Illyrico, quod inter Italiam regnumque Noricum et Thraciam et Macedoniam interque Danubium flumen et sinum maris Hadriatici patet, perdomito et in dicionem redacto.
 17 Cui gloriae amplior adhuc ex opportunitate cumulus accessit. Nam sub id fere tempus Quintilius Varus cum tribus legionibus in Germania periit, nemine dubitante quin victores Germani iuncturi se Pannoniis fuerint, nisi debellatum prius Illyricum esset. Quas ob res triumphus ei decretus est, multique et magni honores. Censuerunt etiam quidam ut Pannonicus, alii ut Invictus, nonnulli ut Pius cognominaretur. Sed de cognomine intercessit Augustus, eo contentum repromittens, quod se defuncto suscepturus esset.
 25 Triumphum ipse distulit, maesta civitate clade Variana; nihilo minus urbem praetextatus et laurea coronatus intravit positumque in Saepthis tribunal, senatu astante, conscendit, ac medius inter duos consules cum Augusto simul sedit; unde, populo consalutato, circum templa deductus est.
 30 18 Proximo anno repetita Germania, cum animadverteret Varianam cladem temeritate et negligentia ducis accidisse, nihil non de consilii sententia egit; semper alias sui arbitrii contentusque se uno, tunc praeter consuetudinem cum compluribus de ratione belli communicavit. Curam quoque solito exactiorem praestitit. Traiecturus Rhenum, commeatum omnem ad certam formulam adstrictum non ante transmisit, quam consistens apud ripam explorasset vehiculorum onera,

ne qua deportarentur nisi concessa aut necessaria. Trans Rhenum vero eum vitae ordinem tenuit, ut sedens in cespite nudo cibum caperet, saepe sine tentorio pernoctaret, praecepta sequentis diei omnia (et si quid subiti muneris iniungendum esset, per libellos) daret; addita monitione ut, de quo quisque dubitaret, se nec alio interprete quacumque vel noctis hora uteretur. Disciplinam acerrime exegit, animadversionum et ignominiarum generibus ex antiquitate repetitis, atque etiam legato legionis, quod paucos milites cum liberto suo trans ripam venatum misisset, ignominia notato. Proelia, quamvis minimum fortunae casibusque permetteret, aliquanto constantius inibat quotiens lucubrante se, subito ac nullo propellente, decideret lumen et extingueretur, confidens, ut aiebat, ostento sibi a maioribus suis in omni ducatu expertissimo. Sed re prospere gesta, non multum afuit quin a Bructero quodam occideretur, cui inter proximos versanti et trepidatione detecto tormentis expressa confessio est cogitati facinoris. A Germania in urbem post biennium regressus triumphum, quem distulerat, egit, prosequentibus etiam legatis, quibus triumphalia ornamenta impetrarat. Ac prius quam in Capitolium flecteret, descendit e curru seque praesidenti patri ad genua summisit. Batonem Pannonium ducem, ingentibus donatum praemiis, Ravennam transtulit, gratiam referens, quod se quondam cum exercitu iniquitate loci circumclusum passus esset evadere. Prandium dehinc populo mille mensis, et congiarium treceños nummos viritim dedit. Dedicavit et Concordiae aedem, item Pollucis et Castoris suo fratrisque nomine, de manubiis. Ac non multo post, lege per consules lata ut provincias cum Augusto communiter administraret simulque censum ageret, condito lustrum in Illyricum profectus est. Et statim ex itinere revocatus iam quidem adfectum, sed tamen spirantem adhuc Augustum reperit fuitque una secreto per totum diem.

Scio vulgo persuasum quasi, egresso post secretum sermonem Tiberio, vox Augusti per cubicularios excepta sit: *Miserum populum R. qui sub tam lentis maxillis erit!* Ne illud quidem ignoro aliquos tradidisse, Augustum palam nec dissimulanter morum eius diritatem adeo improbasse, ut non-

numquam remissiores hilarioresque sermones superveniente eo abrumperet; sed expugnatum precibus uxoris adoptionem non abnuisse, vel etiam ambitione tractum, ut tali successore desiderabilior ipse quandoque fieret. Adduci tamen nequeo quin existimem, circumspectissimum et prudentissimum principem, in tanto praesertim negotio, nihil temere fecisse; sed vitiis Tiberii virtutibusque perpensis potiores duxisse virtutes, praesertim cum et rei p. causa adoptare se eum pro contione iuraverit, et epistolis aliquot ut peritissimum rei militaris utque unicum P. R. praesidium prosequatur. Ex quibus in exemplum pauca hinc inde subieci.

*Vale, iucundissime Tiberi, et feliciter rem gere, ἐυοὶ καὶ ταῖς *μὸν ἰσά κακτε στρατηγῶν. Iucundissime et ita sim felix, vir fortissime et dux νομικώτατε, vale.*

Ordinem aestivorum tuorum! Ego vero, mi Tiberi, et inter tot rerum difficultates καὶ τὸσάυτην ἀποθυμίαν τῶν στρατευομένων non potuisse quemquam prudentius gerere se quam tu gesseris, existimo. Ii quoque qui tecum fuerunt omnes constitentur, versum illum in te posse dici:

Unus homo nobis vigilando restituit rem. 20

Sive quid incidit de quo sit cogitandum diligentius, sive quid stomachor valde, medius Fidius Tiberium meum desidero, succurritque versus ille Homericus

*Τούτου γ' ἐσπομένοιο, καὶ ἐκ πυρὸς αἰδομένοιο
"Ἄμψω νοστήσαιμεν, ἐπεὶ περλόιδε νοῆσαι.*

25

Attenuatum te esse continuatione laborum cum audio et lego, di me perdant nisi cohorrescit corpus meum; teque oro ut parcas tibi, ne si te languere audierimus, et ego et mater tua expiremus et de summa imperi sui populus R. periclitetur.

30

Nihil interest valeam ipse necne, si tu non valebis.

Deos obsecro, ut te nobis conservent et valere nunc et semper patiantur, si non P. R. perosi sunt.

22 *Excessum Augusti non prius palam fecit, quam Agrippa iuvene interempto. Hunc tribunus militum custos appositus occidit, lectis codicillis, quibus ut id faceret iubebatur; quos codicillos dubium fuit, Augustusne moriens reliquisset, quo materiam tumultus post se subduceret; an nomine Augusti*

Livia et ea conscio Tiberio an ignaro, dictasset. Tiberius renuntianti tribuno, factum esse quod imperasset, *neque imperasse se et redditurum eum senatui rationem* respondit, invidiam scilicet in praesentia vitans. Nam mox silentio rem
 5 obliteravit. Iure autem tribuniciae potestatis coacto senatu 23 inchoataque adlocutione, derepente velut impar dolori congemuit, utque uon solum vox sed et spiritus deficeret optavit ac perlegendum librum Druso filio tradidit. Inlatum deinde Augusti testamentum, non admissis signatoribus nisi senatorii
 10 ordinis, ceteris extra curiam signa agnoscentibus, recitavit per libertum. Testamenti initium fuit: *Quoniam atrox fortuna Gaium et Lucium filios mihi eripuit, Tiberius Caesar mihi ex parte dimidia et sextante heres esto.* Quo et ipso aucta suspitio est opinantium, successorem ascitum eum
 15 necessitate magis quam iudicio, quando ita praefari non abstinerit.

Principatum, quamvis neque occupare confestim neque 24 agere dubitasset, et statione militum, hoc est vi et specie dominationis assumpta, diu tamen recusavit, impudentissimo
 20 mimo nunc adhortantis amicos increpans ut *ignaros, quanta bellua esset imperium*, nunc precantem senatum et procumbentem sibi ad genua ambiguis responsis et callida cunctatione suspendens; ut quidam patientiam rumperent atque unus in tumultu proclamaret: *Aut agat, aut desistat!* alter coram
 25 exprobraret, ceteros, quod polliciti sint tarde praestare, sed ipsum, quod praestet tarde polliceri. Tandem quasi coactus, et querens *miseram et onerosam iniungi sibi servitutem*, recepit imperium; nec tamen aliter, quam ut depositurum se quandoque spem faceret. Ipsius verba sunt: *Dum veniam ad*
 30 *id tempus, quo vobis aequum possit videri dare vos aliquam senectuti meae requiem.*

Cunctandi causa erat metus undique imminentium discri- 25 minum, ut saepe *lupum se auribus tenere* diceret. Nam et servus Agrippae Clemens nomine non contemnendam manum
 35 in ultionem domini compararat, et L. Scribonius Libo vir nobilis res novas clam moliebatur, et duplex seditio militum in Illyrico et in Germania exorta est. Flagitabant ambo exercitus multa extra ordinem, ante omnia ut aequarentur stipendio

praetorianis. Germaniciani quidem etiam principem detractabant non a se datum, summaque vi Germanicum, qui tum iis praeerat, ad capessendam rem p. urgebant, quamquam obfirmate resistentem. Quem maxime casum timens, *partes sibi quas senatui liberet, tuendas in re p. depoposcit, quando 5 universae sufficere solus nemo posset, nisi cum altero vel etiam cum pluribus.* Simulavit et valitudinem, quo aequiore animo Germanicus celerem successionem vel certe societatem principatus opperiretur. Compositis seditionibus Clementem quoque, fraude deceptum, redegit in potestatem. Libonem, 10 ne quid in novitate acerbius fieret, secundo demum anno in senatu coarguit, medio temporis spatio tantum cavere contentus; nam et inter pontifices sacrificanti simul pro secespita plumbeum cultrum subiciendum curavit, et secretum petenti nonnisi adhibito Druso filio dedit, dextramque obambulantis 15 veluti incumbens, quoad perageretur sermo, continuit.

26 Verum liberatus metu, civilem admodum inter initia ac paulo minus quam privatum egit. Ex plurimis maximisque honoribus praeter paucos et modicos non recepit. Natalem suum, plebeis incurrentem circensibus, vix unius bigae adiectione honorari passus est. Temples, flamines, sacerdotes decerni sibi prohibuit, etiam statuas atque imagines nisi permittente se poni: permisitque ea sola conditione, ne inter simulacra deorum sed inter ornamenta aedium ponerentur. Intercessit et quo minus in acta sua iuraretur, et ne mensis 25 September Tiberius, October Livius vocarentur. Praenomen quoque imperatoris cognomenque patris patriae, et civicam in vestibulo coronam recusavit; ac ne Augusti quidem nomen, quamquam hereditarium, ullis nisi ad reges ac dynastas epistolis addidit. Nec amplius quam mox tres 30 consulatus, unum paucis diebus, alterum tribus mensibus, tertium absens usque in Idus Maias gessit.

27 Adulationes adeo aversatus est, ut neminem senatorum aut officii aut negotii causa ad lecticam suam admiserit, consularem vero, satisfacientem sibi ac per genua orare conantem, ita suffugerit ut caderet supinus; atque etiam, si quid in sermone vel in continua oratione blandius de se diceretur, non dubitaret interpellare ac reprehendere et commutare

continuo. Dominus appellatus a quodam, denuntiavit ne se amplius contumeliae causa nominaret. Alium dicentem sacras eius occupationes et rursus alium, auctore eo senatum se adisse, verba mutare et pro auctore suasorem, pro sacris laboriosas dicere coegit. Sed et adversus convicia malosque rumores et famosa de se ac suis carmina firmus ac patiens, subinde iactabat, *in civitate libera linguam mentemque liberas esse debere*; et quondam senatu cognitionem de eius modi criminibus ac reis flagitante, *Non tantum*, inquit, *otii habemus, ut implicare nos pluribus negotiis debeamus; si hanc fenestram aperueritis, nihil aliud agi sinetis: omnium inimicitiae hoc praetexto ad nos deferentur*. Extat et sermo eius in senatu percivilis: *Siquidem locutus aliter fuerit, dabo operam ut rationem factorum meorum dictorumque reddam; si perseveraverit, in vicem eum odero*.

Atque haec eo notabilia erant, quod ipse in appellandis venerandisque et singulis et universis prope excesserat humanitatis modum. Dissentiens in curia a Q. Haterio, *Ignoscas*, inquit, *rogo, si quid adversus te liberius sicut senator dixerō*. Et deinde omnis adloquens: *Dixi et nunc et saepe alias P. C. bonum et salutarem principem, quem vos tanta et tam libera potestate instruxistis, senatui servire debere et universis civibus saepe, et plerumque etiam singulis; neque id dixisse me paenitet, et bonos et aequos et faventes vos habui dominos et adhuc habeo*.

Quin etiam speciem libertatis quandam induxit, conservatis senatui ac magistratibus et maiestate pristina et potestate. Neque tam parvum quicquam neque tam magnum publici privatique negotii fuit, de quo non ad patres conscriptos referretur: de vectigalibus ac monopolis, de extruendis reficendisve operibus, etiam de legendo vel exauctorando milite ac legionum et auxiliorum descriptione, denique quibus imperium prorogari aut extraordinaria bella mandari, quid et qua forma regum litteris rescribi placeret. Praefectum alae, de vi et rapinis reum, causam in senatu dicere coegit. Numquam curiam nisi solus intravit; lectica quondam introlatus aeger, comites a se removit. Quaedam adversus sententiam suam

decerni, ne questus quidem est. Negante eo destinatos magistratus abesse oportere, ut praesentes honori adquiescerent, praetor designatus liberam legationem impetravit. Iterum censente, ut Trebianis legatam in opus novi theatri pecuniam ad munitionem viae transferre concederetur, opti-
nere non potuit quin rata voluntas legatoris esset. Cum senatus consultum per discessionem forte fieret, transeuntem eum in alteram partem, in qua pauciores erant, secutus est nemo.

Cetera quoque nonnisi per magistratus et iure ordinario agebantur, tanta consulum auctoritate ut legati ex Africa adierint eos querentes, trahi se a Caesare ad quem missi forent. Nec mirum, cum palam esset, ipsum quoque eisdem
32 et assurgere et decedere via. Corripuit consulares exerciti-
bus praepositos, quod non de rebus gestis senatui scriberent, 15
quodque de tribuendis quibusdam militaribus donis ad se referrent, quasi non omnium tribuendorum ipsi ius haberent. Praetorem conlaudavit, quod honore inito consuetudinem antiquam retulisset de maioribus suis pro contione memorandi. Quorundam illustrium exequias usque ad rogam fre-
20 quentavit.

Parem moderationem minoribus quoque et personis et rebus exhibuit. Cum Rhodiorum magistratus, quod litteras publicas sine subscriptione ad se dederant, evocasset, ne verbo quidem insectatus ac tantum modo iussos subscribere
25 remisit. Diogenes grammaticus, disputare sabbatis Rhodi solitus, venientem eum, ut se extra ordinem audiret, non admiserat ac per servolum suum in septimum diem distulerat; hunc Romae, salutandi sui causa pro foribus adstantem, nihil amplius quam ut post septimum annum rediret admonuit.
30 Praesidibus onerandas tributo provincias suadentibus rescripsit, *boni pastoris esse tondere pecus, non deglubere.*

33 Paulatim principem exeruit, praestititque etsi varium diu, commodiorem tamen saepius et ad utilitates publicas proniorum. Ac primo eatenus interveniebat, ne quid perperam fieret. 35
Itaque et constitutiones senatus quasdam rescidit, et magistratibus pro tribunali cognoscentibus plerumque se offerebat consiliarium assidebatque iuxtim vel exadversum in parte

primori; et si quem reorum elabi gratia rumor esset, subitus
 aderat iudicesque aut e plano aut e quaesitoris tribunali le-
 gum et religionis et noxae, de qua cognoscerent, admonebat;
 atque etiam, si qua in publicis moribus desidia aut mala con-
 5 suetudine labarent, corrigenda suscepit. Ludorum ac mune- 34
 rum impensas corripuit, mercedibus scenicorum recisis pari-
 busque gladiatorum ad certum numerum redactis. Corinthio-
 rum vasorum pretia in immensum exarsisse tresque mullos
 10 triginta milibus nummum venisse graviter conquestus, ad-
 hibendum supellectili modum censuit annonamque macelli
 senatus arbitrato quot annis temperandam, dato aedilibus ne-
 gotio popinas ganeasque usque eo inhibendi, ut ne opera
 quidem pistoria proponi venalia sinerent. Et ut parsimoniam
 publicam exemplo quoque iuaret, sollemnibus ipse caenis
 15 pridiana saepe ac semesa obsonia apposuit dimidiatumque
 aprum, affirmans, *omnia eadem habere, quae totum.*

Cotidiana oscula edicto prohibuit, item strenarum com-
 mercium ne ultra Kal. Ian. exerceretur. Consuerat quadri-
 plam strenam, et de manu, reddere; sed offensus interpellari
 20 se toto mense ab iis qui potestatem sui die festo non habuis-
 sent, ultra non tulit. Matronas prostratae pudicitiae, quibus 35
 accusator publicus deesset, ut propinqui more maiorum de
 communi sententia coercerent auctor fuit. Eq. R. iuris
 iurandi gratiam fecit, uxorem in stupro generi compertam
 25 dimitteret, quam se numquam repudiaturum ante iuraverat.
 Feminae famosae, ut ad evitandas legum poenas iure ac di-
 gnitate matronali exolverentur, lenocinium profiteri coepe-
 rant, et ex iuventute utriusque ordinis profligatissimus quis-
 que, quo minus in opera scaenae harenaeque edenda senatus
 30 consulto teneretur, famosi iudicii notam sponte subibant; eos
 easque omnes, ne quod refugium in tali fraude cuiquam esset,
 exilio adfecit. Senatori latum clavum ademit, cum cognosset,
 sub Kal. Iul. demigrasse in hortos, quo vilius post diem
 aedes in urbe conduceret. Alium et quaestura removit, quod
 35 uxorem pridie sortitionem ductam postridie repudiasset. Ex- 36
 ternas caerimonias, Aegyptios Iudaicosque ritus compescuit,
 coactis qui superstitione ea tenebantur religiosas vestes cum
 instrumento omni comburere. Iudaeorum iuventutem per spe-

ciem sacramenti in provincias gravioris caeli distribuit, reliquos gentis eiusdem vel similia sectantes urbe summovit, sub poena perpetuae servitutis nisi obtemperassent. Expulit et mathematicos, sed deprecantibus ac se artem desituros promittentibus veniam dedit.

37 In primis tuendae pacis a grassaturis ac latrociniis seditio-
numque licentia curam habuit. Stationes militum per Italiam
solito frequentiores disposuit. Romae castra constituit, qui-
bus praetorianae cohortes, vagae ante id tempus et per hos-
pitia dispersae, containerentur.

Populares tumultus et ortos gravissime coercuit et ne
orerentur sedulo cavit. Caede in theatro per discordiam ad-
missa, capita factionum et histriones, propter quos disside-
batur, relegavit, nec ut revocaret umquam ullis populi preci-
bus potuit evinci. Cum Pollentina plebs funus cuiusdam
primipilaris non prius ex foro misisset, quam extorta pecu-
nia per vim heredibus ad gladiatorium munus, cohortem ab
urbe et aliam a Cotti regno, dissimulata itineris causa, dete-
ctis repente armis concinentibusque signis per diversas por-
tas in oppidum immisit, ac partem maiorem plebei ac decu-
rionum in perpetua vincula coiecit. Abolevit et ius morem-
que asylorum, quae usquam erant. Cyzicenis in cives R.
violentius quaedam ausis publice libertatem ademit, quam
Mithridatico bello meruerant.

Hostiles motus, nulla postea expeditione suscepta, per
legatos compescuit, ne per eos quidem nisi cunctanter et
necessario. Reges infestos suspectosque comminationibus
magis et querellis quam vi repressit; quosdam per blanditias
atque promissa extractos ad se non remisit, ut Marobodum
Germanum, Rhascypolim Thracem, Archelaum Cappadocem,
cuius etiam regnum in formam provinciae redegit.

38 Biennio continuo post adeptum imperium pedem porta
non extulit; sequenti tempore praeterquam in propinqua op-
pida et, cum longissime, Antio tenus nusquam afuit, idque
perraro et paucos dies; quamvis provincias quoque et exer-
citus revisurum se saepe pronuntiasset et prope quot annis
profectionem praepararet, vehiculis comprehensis, commea-
tibus per municipia et colonias dispositis, ad extremum vota

pro itu et reditu suo suscipi passus, ut vulgo iam per iocum Callippides vocaretur (quem cursitare ac ne cubiti quidem mensuram progredi proverbio Graeco notatum est). Sed or-
batus utroque filio, quorum Germanicus in Syria, Drusus
5 Romae obierat, secessum Campaniae petit; constanti et opinione et sermone paene omnium quasi neque rediturus umquam et cito mortem etiam obiturus. Quod paulo minus utrumque evenit; nam neque Romam amplius rediit, et paucos post dies iuxta Tarracinam in praetorio, cui Speluncae nomen est, incaenante eo complura et ingentia saxa fortuito
10 superne delapsa sunt, multisque convivarum et ministrorum elisis, praeter spem evasit.

Peragrata Campania, cum Capuae Capitolium, Nolae
templum Augusti, quam causam profectionis praetenderat,
15 dedicasset, Capreas se contulit, praecipue delectatus insula, quod uno parvoque litore adiretur, septa undique praeruptis immensae altitudinis rupibus et profundo mari. Statimque revocante assidua obtestatione populo propter cladem, qua apud Fidenas supra viginti hominum milia gladiatorio munere
20 amphitheatri ruina perierant, transiit in continentem potestatemque omnibus adeundi sui fecit: tanto magis, quod urbe egrediens ne qui se interpellaret edixerat ac toto itinere aduentis submoverat.

Regressus in insulam, rei p. quidem curam usque adeo
25 abiecit, ut postea non decurias equitum umquam supplerit, non tribunos militum praefectosque, non provinciarum praesides ullos mutaverit, Hispaniam et Syriam per aliquot annos sine consularibus legatis habuerit, Armeniam a Parthis occupari, Moesiam a Dacis Sarmatisque, Gallias a Germanis vastari
30 neglexerit: magno dedecore imperii nec minore discrimine. Ceterum secreti licentiam nactus et quasi civitatis oculis
42 remotus, cuncta simul vitia male diu dissimulata tandem profudit: de quibus singillatim ab exordio referam. In castris tiro etiam tum propter nimiam vini aviditatem pro Tiberio
35 Biberius, pro Claudio Caldus, pro Nerone Mero vocabatur. Postea princeps in ipsa publicorum morum correctione cum Pomponio Flacco et L. Pisone noctem continuumque biduum epulando potandoque consumpsit, quorum alteri Syriam

provinciam, alteri praefecturam urbis confestim detulit, codicillis quoque iucundissimos et omnium horarum amicos professus. Sestio Gallo, libidinoso ac prodigo seni, olim ab Augusto ignominia notato et a se ante paucos dies apud senatum increpito, caenam ea lege condixit, ne quid ex consuetudine immutaret aut demeret, utque nudis puellis ministrantibus caenaretur. Ignotissimum quaesturae candidatum nobilissimis anteposuit ob epotam in convivio, propinante se, vini amphoram. Asellio Sabino sestertia ducenta donavit pro dialogo, in quo boleti et ficedulae et ostreae et turdi certamen induxerat. Novum denique officium instituit a voluptatibus, praeposito equite R. T. Caesonio Prisco. Secessu vero Capreensensi etiam sellaria excogitavit, sedem arcanarum libidinum, in quam undique conquisiti, puellarum et exoletorum greges monstrosique concubitus repertores, quos spintrias appellabat, triplici serie conexi, in vicem incestarent coram ipso, ut aspectu deficientis libidines excitaret. Cubicula plurifariam disposita tabellis ac sigillis lascivissimarum picturarum et figurarum adornavit librisque Elephantidis instruxit, ne cui in opera edenda exemplar imperatae schemae deesset. In silvis quoque ac nemoribus passim Venerios locos commentus est, prostantisque per antra et cavas rupes ex utriusque sexus pube Paniscorum et Nympharum habitu, quae palam iam et vulgo, nomine insulae abutentes, Caprineum dictitabant.

44 Maiore adhuc ac turpiore infamia flagravit, vix ut referri audirive, nedum credi fas sit, quasi pueros primae teneritudinis, quos pisciculos vocabat, institueret, ut natanti sibi inter femina versarentur ac luderent, lingua morsuque sensim adpetentes; atque etiam quasi infantes firmiores, necdum tamen lacte depulsos, inguini ceu papillae admooveret; promior sane ad id genus libidinis et natura et aetate. Quare Parrasi quoque tabulam, in qua Meleagro Atalanta ore morigeratur, legatam sibi sub conditione, ut si argumento offenderetur decies pro ea sestertium acciperet, non modo praetulit, sed et in cubiculo dedicavit. Fertur etiam in sacrificando quondam captus facie ministri acerram praeferentis nequisse abstinere, quin paene vixdum re divina peracta ibidem statim

seductum constupraret, simulque fratrem eius tibicinem; atque utrique mox, quod mutuo flagitium exprobrarant, crura fregisse. Feminarum quoque, et quidem illustrium, capitibus 45 quanto opere solitus sit inludere, evidentissime apparuit Mal-loniae cuiusdam exitu, quam perductam nec quicquam amplius pati constantissime recusantem delatoribus obiecit, ac ne ream quidem interpellare desiit, ecquid paeniteret; donec ea relicto iudicio domum se abripuit ferroque transegit, obscaenitate oris hirsuto atque olido seni clare exprobrata. Unde 10 mora in Atellanico exhodio, proximis ludis adsensu maximo excepta, percrebruit, *hircum velulum Capreis naturam ligurrire*.

Pecuniae parcus ac tenax, comites peregrinationum ex- 46 peditionumque numquam salario, cibariis tantum sustentavit, 15 una modo liberalitate ex indulgentia vitrici prosecutus, cum tribus classibus factis pro dignitate cuiusque, primae sescenta sestertia, secundae quadringenta distribuit, ducenta tertiae, quam non amicorum, sed gratorum appellabat.

Princeps neque opera ulla magnifica fecit (nam et quae 47 20 sola susceperat, Augusti templum restitutionemque Pompeiani theatri, imperfecta post tot annos reliquit) neque spectacula omnino edidit; et iis, quae ab aliquo ederentur, rarissime interfuit, ne quid exposceretur, utique postquam co-moedum Actium coactus est manumittere. Paucorum senatorum 25 inopia sustentata, ne pluribus opem ferret, negavit se aliis subventurum, nisi senatui iustas necessitatum causas probassent. Quo pacto plerosque modestia et pudore deterruit, in quibus Hortalum, Quinti Hortensi oratoris nepotem, qui permodica re familiari auctore Augusto quattuor liberos tu- 30 lerat.

Publice munificentiam bis omnino exhibuit, proposito 48 milies sestertio gratuito in trienni tempus, et rursus quibusdam dominis insularum, quae in monte Caelio deflagrarant, pretio restituto. Quorum alterum magna difficultate numma- 35 ria, populo auxilium flagitante, coactus est facere, cum per senatus consultum sanxisset, ut foeneratores duas patrimonii partes in solo collocarent, debitores totidem aeris alieni statim solverent, nec res expediretur; alterum ad mitigandam

temporum atrocitatem. Quod tamen beneficium tanti aestimavit, ut montem Caelium appellatione mutata vocari Augustum iusserit. Militi post duplicata ex Augusti testamento legata nihil umquam largitus est, praeterquam singula milia denariorum praetorianis, quod Seiano se non accommodassent, et quaedam munera Syriacis legionibus, quod solae nullam Seiani imaginem inter signa coluissent. Atque etiam missiones veteranorum rarissimas fecit, ex senio mortem, ex morte compendium captans. Ne provincias quidem liberalitate ulla sublevavit, excepta Asia, disiectis terrae motu civitatibus.

49 Procedente mox tempore etiam ad rapinas convertit animum. Sat constat, CN. Lentulum augurem, cui census maximus fuerit, metu et angore ad fastidium vitae ab eo actum et ut ne quo nisi ipso herede moreretur; condemnatam et 15 generosissimam feminam Lepidam, in gratiam Quirini consularis praedivitis et orbi, qui dimissam eam e matrimonio post vicensimum annum veneni olim in se comparati arguebat; praeterea Galliarum et Hispaniarum Syriaeque et Graeciae principes confiscatos ob tam leve ac tam inpudens calumniarum genus, ut quibusdam non aliud sit obiectum, quam quod partem rei familiaris in pecunia haberent; plurimis etiam civitatibus et privatis veteres immunitates et ius metallorum ac vectigalium adempta; sed et Vononem regem Parthorum, qui pulsus a suis quasi in fidem P. R. cum ingenti gaza Antiochiam se receperat, spoliatum perfidia et occisum.

50 Odium adversus necessitudines in Druso primum fratre detexit (prodita eius epistola, qua secum de cogendo ad restituendam libertatem Augusto agebat) deinde et in reliquis. Iuliae uxori tantum afuit ut relegatae, quod minimum est, 30 officii aut humanitatis aliquid impertiret, ut ex constitutione patris uno oppido clausam domo quoque egredi et commercio hominum frui vetuerit; sed et peculio concesso a patre praebitisque annuis fraudavit, per speciem publici iuris, quod nihil de his Augustus testamento cavisset. Matrem Liviam 35 gravatus velut partes sibi aequas potentiae vindicantem, et congressum eius assiduum vitavit et longiores secretioresque sermones, ne consiliis, quibus tamen interdum et egere et

uti solebat, regi videretur. Tulit etiam perindigne actum in senatu, ut titulis suis quasi Augusti, ita et Liviae filius adiceretur. Quare non parentem patriae appellari, non ullum insignem honorem recipere publice passus est; sed et
 6 frequenter admonuit, maioribus nec feminae convenientibus negotiis abstinere, praecipue ut animadvertit, incendio iuxta aedem Vestae et ipsam intervenisse populumque et milites, quo enixius opem ferrent, adhortatam, sicut sub marito solita esset. Dehinc ad similitudinem usque processit hac, ut ferunt, 51
 10 de causa. Instanti saepius, ut civitate donatum in decurias adlegeret, negavit alia se conditione adlecturum, quam si pateretur ascribi albo, *extortum id sibi a matre*. At illa commota veteres quosdam ad se Augusti codicillos de acerbitate et intolerantia morum eius e sacrario protulit atque
 15 recitavit. Hos et custoditos tam diu et exprobratos tam infeste adeo graviter tulit, ut quidam putent, inter causas secessus hanc ei vel praecipuam fuisse. Toto quidem triennio, quo vivente matre afuit, semel omnino eam nec amplius quam uno die paucissimis vidit horis; ac mox neque
 20 aegrae adesse curavit defunctamque et, dum adventus sui spem facit, complurium dierum mora corrupto demum et tabido corpore funeratam prohibuit consecrari, quasi id ipsa mandasset. Testamentum quoque eius pro irritum habuit, omnisque amicitias et familiaritates, etiam quibus ea funeris
 25 sui curam moriens demandaverat, intra breve tempus afflixit, uno ex iis, equestris ordinis viro, et in antliam condemnato.

Filiorum neque naturalem Drusum neque adoptivum Ger- 52
 manicum patria caritate dilexit, alterius vitiis infensus. Nam Drusus fluxioris remissiorisque vitae erat. Itaque ne mortuo
 30 quidem perinde adfectus est, sed tantum non statim a funere ad negotiorum consuetudinem rediit, iustitio longiore inhibito. Quin et Iliensium legatis paulo serius consolantibus, quasi oblitterata iam doloris memoria, irridens *se quoque*
 35 *ctorem amisissent*. Germanico usque adeo obtrectavit, ut et praeclara facta eius pro supervacuis elevarit et gloriosissimas victorias ceu damnosas rei p. increparet. Quod vero Alexandream propter immensam et repentinam famem

inconsulto se adisset, questus est in senatu. Etiam causa mortis fuisse ei per CN. Pisonem legatum Syriae creditur, quem mox huius criminis reum putant quidam mandata prolaturum, nisi ea secreto ostendant *** quae multifariam inscriptum et per noctes creberrime adclamatum est: *Redde Germanicum!* Quam suspicionem confirmavit ipse postea, coniuge etiam ac liberis Germanici crudelem in modum afflictis.

53 Nurus Agrippinam, post mariti mortem liberius quiddam questam, manu apprehendit Graecoque versu *Si non domi- 10 naris*, inquit, *filiola*, *iniuriam te accipere existimas?* nec ullo mox sermone dignatus est. Quondam vero inter caenam porrecta a se poma gustare non ausam etiam vocare desiit, simulans veneni se crimine accersi; cum praestructum utrumque consulto esset, ut et ipse temptandi gratia offerret et illa 15 quasi certissimum exitium caveret. Novissime calumniatus modo ad statuam Augusti modo ad exercitus confugere velle, Pandatariam relegavit, convitiantique oculum per centurionem verberibus excussit. Rursus mori inedia destinanti, per vim ore diducto, infulciri cibum iussit. Sed et perseveran- 20 tem atque ita absumptam criminosis insectatus est, cum dicm quoque natalem eius inter nefastos referendum suasisset. Imputavit etiam, quod non laqueo strangulatam in Gemonias abiecerit: proque tali clementia interponi decretum passus est, quo sibi gratiae agerentur et Capitolino Iovi donum ex 25 auro sacraretur.

54 Cum ex Germanico tres nepotes, Neronem et Drusum et Gaium, ex Druso unum Tiberium haberet, destitutus morte liberorum maximos natu de Germanici filiis, Neronem et Drusum, patribus conscriptis commendavit diemque utriusque 30 tirocinii congiario plebei dato celebravit. Sed ut comperit, ineunte anno pro eorum quoque salute publice vota suscepta, egit cum senatu, *non debere talia praemia tribui nisi expertis et aetate provectis:* atque ex eo, patefacta interiore animi sui nota, omnium criminationibus obnoxios reddidit, 35 variaque fraude inductos, ut et concitarentur ad convitia et concitati proderentur, accusavit per litteras amarissime congestis etiam probis, et iudicatos hostis fame necavit: Nero-

nem in insula Pontia, Drusum in ima parte Palatii. Putant Neronem ad voluntariam mortem coactum, cum ei carnifex quasi ex senatus auctoritate missus laqueos et uncas ostentaret, Druso autem adeo alimenta subducta ut tomentum e
 5 culcita temptaverit mandere, amborum sic reliquias dispersas ut vix quandoque colligi possent.

Super veteres amicos ac familiares viginti sibi e nu-55 mero principum civitatis depoposcerat, velut consiliarios in negotiis publicis. Horum vix duos anne tres incolumis
 10 praestitit, ceteros alium alia de causa perculit, inter quos cum plurimorum clade Aelium Seianum; quem ad summam potentiam non tam benivolentia provexerat, quam ut esset cuius ministerio ac fraudibus liberos Germanici circumveniret, nepotemque suum ex Druso filio naturalem ad successionem
 15 imperii confirmaret.

Nihilo lenior in convictores Graeculos, quibus vel ma-56 xime adquiescebat. Xenonem quendam exquisitius sermocinantem cum interrogasset, quaenam illa tam molesta dialectos esset, et ille respondisset Doridem, relegavit Cinariam, existimans exprobratum sibi veterem secessum, quod Dorice
 20 Rhodii loquantur. Item cum soleret ex lectione cotidiana quaestiones super caenam proponere et comperisset Seleucum grammaticum a ministris suis perquirere, quos quoque tempore tractaret auctores, atque ita praeparatum venire,
 25 primum a contubernio removit, deinde etiam ad mortem compulit.

Saeva ac lenta natura ne in puero quidem latuit: quam 57 Theodorus Gadareus rhetoricae praeceptor et perspexisse primus sagaciter et assimilasse aptissime visus est, subinde
 30 in obiurgando appellans eum *πηλὸν αἷματι πεφυραμένον* [id est lutum a sanguine maceratum.] Sed aliquanto magis in principe eluxit, etiam inter initia cum adhuc favorem hominum moderationis simulatione captaret. Scurram, qui praeter-
 eunte funere clare mortuo mandaratum, ut nuntiaret Augusto,
 35 *nondum reddi legata quae plebei reliquisset*, adtractum ad se recipere debitum ducique ad supplicium imperavit, et patri suo verum referre. Nec multo post in senatu Pompeio cuidam equiti R. quiddam perneganti, dum vincula minatur,

affirmavit fore, *ut ex Pompeio Pompeianus fieret*, acerba cavillatione simul hominis nomen incessens veterumque partium fortunam. Sub idem tempus, consulente praetore an iudicia maiestatis cogi iuberet, exercendas esse leges respondit et atrocissime exercuit. Statuae quidam Augusti caput demserat, ut alterius imponeret; acta res in senatu et, quia ambigebatur, per tormenta quaesita est. Damnato reo paulatim genus calumniae eo processit, ut haec quoque capitalia essent: circa Augusti simulacrum servum cecidisse, vestimenta mutasse, nummo vel anulo effigiem impressam latrinae aut lupanari intulisse, dictum ullum factumve eius existimatione aliqua laesisse. Perit denique et is, qui honorem in colonia sua eodem die decerni sibi passus est, quo decreti et Augusto olim erant.

59 Multa praeterea specie gravitatis ac morum corrigendorum, sed et magis naturae optemperans, ita saeve et atrociter factitavit, ut nonnulli versiculis quoque et praesentia exprobrarent et futura denuntiarent mala:

*Asper et immitis, breviter vis omnia dicam?
Dispeream, si te mater amare potest.*

20

*Non es eques; quare? Non sunt tibi milia centum:
Omnia si quaeras, et Rhodus exilium est.*

*Aurea mutasti Saturni saecula, Caesar:
Incolumi nam te ferrea semper erunt.*

*Fastidit vinum, quia iam sitit iste cruorem:
Tam bibit hunc avide, quam bibit ante merum.*

25

*Aspice Felicem (sibi, non tibi) Romule, Sullam,
Et Marium, si vis, aspice, sed reducem,
Nec non Antoni civilia bella moventis
Non semel infectas aspice caede manus,
Et dic: Roma perit, regnavit sanguine mullo,
Ad regnum quisquis venit ab exilio.*

30

Quae primo, quasi ab impatientibus remediorum ac non tam ex animi sententia quam bile et stomacho fingerentur, vole-

bat accipi, dicebatque identidem: *Oderint, dum probent!*
Dein vera plane certa que esse ipse fecit fidem.

In paucis diebus quam Capreas attigit piscatori, qui sibi 60
secretum agenti grandem mullum inopinanter obtulerat, per-
5 fricari eodem pisce faciem iussit, territus, quod is a tergo
insulae per aspera et devia erepsisset ad se; gratulanti autem
inter poenam, quod non et lucustam, quam praegrandem ce-
perat, obtulisset, lucusta quoque lacerari os imperavit. Mi-
litem praetorianum ob subreptum e viridiario pavonem capite
10 punit. In quodam itinere lectica, qua vehebatur, vepribus
impedita, exploratorem viae, primarum cohortium centu-
rionem, stratum humi paene ad necem verberavit. Mox in 61
omne genus crudelitatis erupit, numquam deficiente materia,
cum primo matris, deinde nepotum et nurus, postremo Seiani
15 familiares atque etiam notos persequeretur; post cuius inter-
itum vel saevissimus extitit. Quo maxime apparuit, non tam
ipsum ab Seiano concitari solitum, quam Seianum quaerenti
occasionem sumministrasse; etsi commentario, quem de vita
sua summam breviterque composuit, ausus est scribere,
20 *Seianum se punisse, quod comperisset furere adversus*
liberos Germanici filii sui: quorum ipse alterum suspecto
iam, alterum oppresso demum Seiano interemit.

Singillatim crudeliter facta eius exequi longum est: ge-
nera, velut exemplaria saevitiae, enumerare sat erit. Nullus
25 a poena hominum cessavit dies, ne religiosus quidem ac
sacer; animadversum in quosdam ineunte anno novo. Accu-
sati damnatique multi cum libertis atque etiam liberis suis.
Interdictum ne capite damnatos propinqui lugerent. Decreta
accusatoribus praecipua praemia, nonnumquam et testibus.
30 Nemini delatorum fides abrogata. Omne crimen pro capitali
receptum, etiam paucorum simpliciumque verborum. Obie-
ctum est poetae, quod in tragoedia Agamemnonem probris
laccessisset; obiectum et historico, quod Brutum Cassiumque
ultimos Romanorum dixisset; animadversum statim in aucto-
35 res scriptaque abolita, quamvis probarentur ante aliquot
annos, etiam Augusto audiente recitata. Quibusdam custo-
diae traditis non modo studendi solatium ademptum, sed etiam
sermonis et conloqui usus. Citati ad causam dicendam par-

tim se domi vulneraverunt certi damnationis et ad vexationem ignominiamque vitandam, partim in media curia venenum hauerunt; et tamen conligatis vulneribus ac semianimes palpitantesque adhuc in carcerem rapti. Nemo punitorum non in Gemonias abiectus uncoque tractus, viginti uno die abiecti⁵ tractique, inter eos feminae et pueri. Immaturae puellae, quia more tradito nefas esset virgines strangulari, vitiatae prius a carnifice, dein strangulatae. Mori volentibus vis adhibita vivendi. Nam mortem adeo leve supplicium putabat, ut cum audisset unum e reis, Carnulum nomine, anticipasse¹⁰ eam, exclamaverit: *Carnulus me evasit*. Et in recognoscendis custodiis precanti cuidam poenae maturitatem respondit: *Nondum tecum in gratiam redii*. Annalibus suis vir consularis inseruit, frequenti quondam convivio, cui et ipse affuerit, interrogatum eum subito et clare a quodam na¹⁵ no astante mensae inter copreas, cur Paconius maiestatis reus tam diu viveret, statim quidem petulantiam linguae obiurgasse, ceterum post paucos dies scripsisse senatui ut de poena Paconi quam primum statueret.

- 62 Auxit intenditque saevitiam, exacerbatus indicio de morte²⁰ filii sui Drusi. Quem cum morbo et intemperantia perissee existimaret, ut tandem veneno interemptum fraude Livillae uxoris atque Seiani cognovit, neque tormentis neque supplicio cuiusquam pepercit, soli huic cognitioni adeo per totos dies deditus et intentus, ut Rhodiensem hospitem, quem fa²⁵ miliaribus litteris Romam evocarat, advenisse sibi nuntiatum, torqueri sine mora iusserit, quasi aliquis ex necessariis quaestioni adesset, deinde errore detecto, et occidi, ne vulgaret iniuriam. Carnificinae eius ostenditur locus Capreis, unde damnatos post longa et exquisita tormenta praecipitari coram³⁰ se in mare iubebat, excipiente classiariorum manu et contis atque remis elidente cadavera, ne cui residui spiritus quicquam inesset. Excogitaverat autem inter genera cruciatus etiam, ut larga meri potione per fallaciam oneratos, repente veretris deligatis, fidicularum simul urinaeque tormento dis³⁵ tenderet. Quod nisi eum et mors praevenisset et Thrasyllus consulto, ut aiunt, differre quaedam spe longioris vitae compulisset, plures aliquanto necaturus ac ne reliquis quidem

nepotibus parsurus creditur, cum et Gaium suspectum haberet, et Tiberium ut ex adulterio conceptum aspernaretur. Nec abhorret a vero; namque identidem *felix Priamum vocabat, quod superstes omnium suorum extitisset.*

5 Quam inter haec non modo invisus ac detestabilis, sed 63
praetrepidus quoque atque etiam contumeliis obnoxius vixerit, multa indicia sunt. Haruspices secreto ac sine testibus consuli vetuit. Vicina vero urbi oracula etiam dissicere conatus est, sed maiestate Praenestinarum sortium territus destitit,
10 cum obsignatas devectasque Romam non repperisset in arca nisi relata rursus ad templum. Unum et alterum consulares, oblatis provinciis non ausus a se dimittere, usque eo detinuit, donec successores post aliquot annos praesentibus daret; cum interim manente officii titulo etiam delegaret plurima
15 assidue, quae illi per legatos et adiutores suos exequenda curarent. Nurum ac nepotes numquam aliter post damnatio- 64
nem quam catenatos obsutae lectica loco movit, prohibitis per militem obviis ac viatoribus respicere usquam vel consistere.

20 Seianum res novas molientem, quamvis iam et natalem 65
eius publice celebrari et imagines aureas coli passim videret, vix tandem et astu magis ac dolo quam principali auctoritate subvertit. Nam primo, ut a se per speciem honoris dimitteret, collegam sibi adsumpsit in quinto consulatu, quem longo
25 intervallo absens ob id ipsum susceperat. Deinde spe affinitatis ac tribuniciae potestatis deceptum inopinantem criminatus est pudenda miserandaque oratione, cum inter alia patres conscriptos precaretur, mitterent alterum e consulibus, qui se senem et solum in conspectum eorum cum aliquo militari
30 praesidio perduceret. Sic quoque diffidens tumultumque metuens, Drusum nepotem, quem vinculis adhuc Romae continebat, solvi, si res posceret, ducemque constitui praeceperat. Aptatis etiam navibus ad quascumque legiones meditabatur fugam, speculabundus ex altissima rupe identidem si-
35 gna, quae, ne nuntii morarentur, tolli procul, ut quidque factum foret, mandaverat. Verum et oppressa coniuratione Seiani nihilo securior aut constantior, per novem proximos menses non egressus est villa, quae vocatur Iovis.

66 Urebant insuper anxiam mentem varia undique convitia, nullo non damnatorum omne probri genus coram vel per libellos in orchestra positos ingerente. Quibus quidem diversissime adiciebatur, modo ut prae pudore ignota et celata cuncta cuperet, nonnumquam eadem contemneret et proferret 5 ultro atque vulgaret. Quin et Artabani Parthorum regis laceratus est litteris, parricidia et caedes et ignaviam et luxuriam obicientis, monentisque ut voluntaria morte maximo iustissimi-
67 moque civium odio quam primum satis faceret. Postremo semet ipse pertaesus, tali epistulae principio tantum non 10 summam malorum suorum professus est:

Quid scribam vobis P. C. aut quo modo scribam, aut quid omnino non scribam hoc tempore, dii me deaque peius perdant quam cotidie perire sentio, si scio. 15

Existimant quidam praescisse haec eum peritia futurorum ac multo ante, quanta se quandoque acerbitas et infamia maneret, prospexisse; ideoque, ut imperium inierit, et patris patriae appellationem et ne in acta sua iuraretur obstinatissime recusasse, ne mox maiore dedecore impar tantis honoribus inveniretur. Quod sane ex oratione eius, quam de utraque re habuit, colligi potest; vel cum ait, *similem se semper sui futurum nec umquam mutaturum mores suos, quam diu sanae mentis fuisset; sed exempli causa cavendum esse, ne se senatus in acta cuiusquam obligaret, qui 25 aliquo casu mutari posset.* Et rursus

Si quando autem, inquit, de moribus meis devotoque vobis animo dubitaveritis, (quod prius quam eveniat, opto ut me supremus dies huic mutatae vestrae de me opinioni eripiat) nihil honoris adiciet mihi patria appellatio, vobis 30 autem exprobrabit aut temeritatem delati mihi eius cognominis aut inconstantiam contrarii de me iudicii.

68 Corpore fuit amplo atque robusto, statura quae iustam excederet; latus ab humeris et pectore, ceteris quoque membris usque ad imos pedes aequalis et congruens; sinistra 35 manu agiliore ac validiore, articulis ita firmis, ut recens et integrum malum digito terebraret, caput pueri vel etiam adulescentis talitro vulneraret. Colore erat candido, capillo

pone occipitium summissiore ut cervicem etiam obtegeret, quod gentile in illo videbatur; facie honesta, in qua tamen crebri et subiti tumores, cum praegrandibus oculis et qui, quod mirum esset, noctu etiam et in tenebris viderent, sed
 5 ad breve et cum primum a somno patuissent; deinde rursum hebescebant. Incedebat cervice rigida et obstipa, adducto fere vultu, plerumque tacitus, nullo aut rarissimo etiam cum proximis sermone eoque tardissimo, nec sine molli quadam digitorum gesticulatione. Quae omnia ingrata
 10 atque arrogantiae plena et animadvertit Augustus in eo et excusare temptavit saepe apud senatum ac populum, professus naturae vitia esse, non animi. Valitudine prosperima usus est, tempore quidem principatus paene toto prope inlaesa, quamvis a tricesimo aetatis anno arbitrato
 15 eam suo rexit sine adiumento consiliove medicorum.

Circa deos ac religiones neglegentior, quippe addictus 69 mathematicae plenusque persuasionis, cuncta fato agi. Tonitrua tamen praeter modum expavescebat et turbatiore caelo numquam non coronam lauream capite gestavit, quod
 20 fulmine afflari negetur id genus frondis.

Artes liberales utriusque generis studiosissime coluit. 70 In oratione Latina secutus est Corvinum Messalam, quem senem adulescens observarat. Sed adfectione et morositate nimia obscurabat stilum, ut aliquanto ex tempore quam
 25 a cura praestantior haberetur. Composuit et carmen lyricum, cuius est titulus *Conquestio de morte L. Caesaris*. Fecit et Graeca poemata imitatus Euphorionem et Rhianum et Parthenium, quibus poetis admodum delectatus, scripta omnium et imagines publicis bibliothecis inter veteres et
 30 praecipuos auctores dedicavit, et ob hoc plerique eruditorum certatim ad eum multa de his ediderunt. Maxime tamen curavit notitiam historiae fabularis usque ad ineptias atque derisum; nam et grammaticos, quod genus hominum praecipue, ut diximus, appetebat, eius modi fere quaestionibus
 35 experiebatur, *quae mater Hecubae, quod Achilli nomen inter virgines fuisset, quid Sirenes cantare sint solitae?* Et quo primum die post excessum Augusti curiam intravit, quasi pietati simul ac religioni satis facturus, Minois

exemplo, ture quidem ac vino verum sine tibicine supplicavit,
 71 ut ille olim in morte filii. Sermone Graeco quamquam alio-
 qui promptus et facilis, non tamen usque quaque usus est,
 abstinuitque maxime in senatu; adeo quidem, ut monopolium
 nominaturus veniam prius postularret, quod sibi verbo pere- 5
 grino utendum esset; atque etiam cum in quodam decreto
 patrum *ἐμβλημα* recitaretur, commutandam censuit vocem,
 et pro peregrina nostratem requirendam aut si non reperire-
 tur, vel pluribus et per ambitum verborum rem enuntiandam.
 Militem quoque, Graece testimonium interrogatum, nisi Latine 10
 respondere vetuit.

72 Bis omnino toto secessus tempore Romam redire conatus
 (semel triremi usque ad proximos naumachiae hortos sub-
 vectus, disposita statione per ripas Tiberis, quae obviam
 prodeuntis submoveret, iterum Appia usque ad septimum 15
 lapidem) sed prospectis modo nec aditis urbis moenibus
 rediit; primo incertum qua de causa, postea ostento territus.
 Erat ei in oblectamentis serpens draco, quem ex consuetu-
 dine manu sua cibaturus cum consumptum a formicis invenis-
 set, monitus est ut vim multitudinis caveret. Rediens ergo 20
 propere Campaniam, Asturae in languorem incidit, quo pau-
 lum levatus Circeios pertendit. Ac ne quam suspicionem in-
 firmitatis daret, castrensibus ludis non tantum interfuit, sed
 etiam missum in harenam aprum iaculis desuper petit; statim-
 que latere convulso et, ut exaestuaret, afflatus aura in gra- 25
 viorem recidit morbum. Sustentavit tamen aliquandiu, quam-
 vis Misenum usque devectus nihil ex ordine cotidiano praeter-
 mitteret, ne convivia quidem aut ceteras voluptates, partim
 intemperantia partim dissimulatione. Nam Chariclen medi-
 cum, quod commeatu afuturus e convivio egrediens manum 30
 sibi osculandi causa apprehendisset, existimans temptatas ab
 eo venas, remanere ac recumbere hortatus est, caenamque
 protraxit. Nec abstinuit consuetudine quin tunc quoque in-
 stans in medio triclinio, astante lictore, singulos valere di-
 73 centis appellaret. Interim cum in actis senatus legisset, di-
 missos ac ne auditos quidem quosdam reos, de quibus stric-
 tim et nihil aliud quam nominatos ab indice scripserat, pro
 contempto se habitum fremens repetere Capreas quoquo

modo destinavit, non temere quicquam nisi ex tuto ausurus. Sed tempestatibus et ingravescente vi morbi retentus, paulo post obiit in villa Lucullana, octavo et septuagesimo aetatis anno, tertio et vicesimo imperii, XVII. Kl. Ap. CN. Acer-
 5 ronio Proculo C. Pontio Nigrino cons. s.

Sunt qui putent, venenum ei a Gaio datum lentum atque tabificum; alii, in remissione fortuitae febris cibum desideranti negatum; nonnulli, pulvinum iniectum, cum extractum sibi deficienti anulum mox resipiscens requisisset. Seneca
 10 eum scribit, intellecta defectione, exemptum anulum quasi alicui traditurum parumper tenuisse, dein rursus aptasse digito, et compressa sinistra manu iacuisse diu immobilem; subito vocatis ministris ac nemine respondente, consurrexisse, nec procul a lectulo deficientibus viribus concidisse.

15 Supremo natali suo Apollinem Temenitem et amplitudinis 74 et artis eximiae, advectum Syracusis ut in bibliotheca templi novi poneretur, viderat per quietem affirmantem sibi, non posse se ab ipso dedicari. Et ante paucos quam obiret dies turris Phari terrae motu Capreis concidit. Ac Miseni cinis
 20 e favilla et carbonibus ad calc faciendum triclinium inlatis, extinctus iam et diu frigidus, exarsit repente prima vespera atque in multam noctem pertinaciter luxit.

Morte eius ita laetatus est populus, ut ad primum nun- 75 tium discurrentes pars: *Tiberium in Tiberim!* clamitarent, 25 pars Terram matrem deosque Manes orarent, *ne mortuo sedem ullam nisi inter impios darent*, alii uncum et Gemonias cadaveri minarentur, exacerbati super memoriam pristinae crudelitatis etiam recenti atrocitate. Nam cum senatus consulto cautum esset ut poena damnatorum in decimum semper
 30 diem differretur, forte accidit ut quorundam supplicii dies is esset, quo nuntiatum de Tiberio erat. Hos implorantis hominum fidem, quia absente adhuc Gaio nemo extabat qui adiri interpellarique posset, custodes, ne quid adversus constitutum facerent, strangulaverunt abieceruntque in Gemonias.
 35 Crevit igitur invidia, quasi etiam post mortem tyranni saevitia permanente. Corpus ut moveri a Miseno coepit, conclamantibus plerisque *Atellam potius deferendum et in amph-*

theatro semiustilandum, Romam per milites deportatum est, crematumque publico funere.

- 76 Testamentum duplex ante biennium fecerat, alterum sua, alterum liberti manu, sed eodem exemplo, obsignaveratque etiam humillimorum signis. Eo testamento heredes aequis⁵ partibus reliquit Gaium ex Germanico et Tiberium ex Druso nepotes, substituitque in vicem; dedit et legata plerisque, inter quos virginibus Vestalibus, sed et militibus universis plebeique Romanae viritim, atque etiam separatim vicorum magistris.
-

C. SUETONI TRANQUILLI DE VITA CAESARUM

LIBER III.

C. CALIGULA.

5 Germanicus, C. Caesaris pater, Drusi et minoris Anto- 1
niae filius, a Tiberio patruo adoptatus, quaesturam quinquen-
nio ante quam per leges liceret et post eam consulatum
statim gessit, missusque ad exercitum in Germaniam, excessu
Augusti nuntiato, legiones universas, imperatorem Tiberium
10 pertinacissime recusantis et sibi summam rei p. deferentis in-
certum pietate an constantia maiore compescuit, atque hoste
mox devicto triumphavit. Consul deinde iterum creatus ac
prius quam honorem iniret ad componendum Orientis statum
expulsus, cum Armeniae regem devicisset, Cappadociam in
15 provinciae formam redegisset, annum agens aetatis quartum
et tricensimum diuturno morbo Antiochiae obiit, non sine
veneni suspicione. Nam praeter livores, qui toto corpore
erant, et spumas, quae per os fluebant, cremati quoque cor
inter ossa incorruptum repertum est: cuius ea natura existima-
20 tur, ut tinctum veneno igne confici nequeat. Obiit autem, ut 2
opinio fuit, fraude Tiberi, ministerio et opera CN. Pisonis,
qui sub idem tempus Syriae praepositus, nec dissimulans
offendendum sibi aut patrem aut filium, quasi plane ita ne-
cesse esset, etiam aegrum Germanicum gravissimis verborum
25 ac rerum acerbitatibus nullo adhibito modo adfecit; propter
quae, ut Romam rediit, paene discerptus a populo, a senatu
capitis damnatus est. Omnes Germanico corporis animique 3
virtutes, et quantas nemini cuiquam, contigisse satis constat:
formam et fortitudinem egregiam, ingenium in utroque elo-

quentiae doctrinaeque genere praecellens, benivolentiam
 singularem, conciliandaeque hominum gratiae ac promerendi
 amoris mirum et efficax studium. Formae minus congruebat
 gracilitas crurum, sed ea quoque paulatim repleta assidua
 equi vextatione post cibum. Hostem comminus saepe per-
 cussit. Oravit causas etiam triumphalis; atque inter cetera
 studiorum monimenta reliquit et comoedias Graecas. Domi
 forisque civilis, libera ac foederata oppida sine lictoribus
 adibat. Sicubi clarorum virorum sepulcra cognosceret, in-
 ferias Manibus dabat. Caesarum clade Variana veteres ac
 dispersas reliquias uno tumultu humaturus, colligere sua manu
 et comportare primus adgressus est. Obtrectatoribus etiam,
 qualescumque et quantacumque de causa nactus esset, lenis
 adeo et innoxius, ut Pisoni decreta sua rescindent, cliente-
 las divexanti non prius suscensere in animum induxerit, quam
 beneficiis quoque et devotionibus impugnari se comperisset;
 ac ne tunc quidem ultra progressus, quam ut amicitiam ei
 more maiorum renuntiaret mandaretque domesticis ultionem,
 si quid sibi accideret. Quarum virtutum fructum uberrimum
 tulit, sic probatus et dilectus a suis, ut Augustus, (omitto
 enim necessitudines reliquas) diu cunctatus an sibi successo-
 rem destinaret, adoptandum Tiberio dederit; sic vulgo favo-
 rabilis, ut plurimi tradant, quotiens aliquo adveniret vel si-
 cunde discederet, prae turba occurrentium prosequentiumve
 nonnumquam eum discrimen vitae adisse, e Germania vero
 post compressam seditionem revertenti praetorianas cohortes
 universas prodisse obviam, quamvis pronuntiatum esset
 ut duae tantum modo exirent, populi autem Romani sexum,
 aetatem, ordinem omnem usque ad vicesimum lapidem effu-
 disse se. Tamen longe maiora et firmita de eo iudicia in
 morte ac post mortem extiterunt. Quo defunctus est die,
 lapidata sunt templa, subversae deum arae, Lares a quibus-
 dam familiares in publicum abiecti, partus coniugum expositi.
 Quin et barbaros ferunt, quibus intestinum quibusque adver-
 sus nos bellum esset, velut in domestico communique ma-
 iore, consensisse ad indutias; regulos quosdam barbarum
 posuisse et uxorum capita rasisse ad indicium maximi luctus;
 regum etiam regem et exercitatione venandi et convictu me-

gistanum abstinuisse, quod apud Parthos iustiti instar est. Romae quidem, cum ad primam famam valitudinis attonita et 6 maesta civitas sequentis nuntios opperiretur, et repente iam vesperi incertis auctoribus convaluisse tandem precrebruisset, 5 passim cum luminibus et victimis in Capitolium concursus est ac paene revolsae templi fores, ne quid gestientis vota reddere moraretur, expergefactus e somno Tiberius gratulantium vocibus atque undique concinentium:

Salva Roma, salva patria, salvus est Germanicus.

10 Et ut demum fato functum palam factum est, non solatiis ullis, non edictis inhiberi luctus publicus potuit, duravitque etiam per festos Decembris mensis dies. Auxit gloriam desideriumque defuncti et atrocitas insequentium temporum, cunctis nec temere opinantibus reverentia eius ac metu re- 15 pressam Tiberi saevitiam, quae mox eruperit. Habuit in 7 matrimonio Agrippinam, M. Agrippae et Iuliae filiam, et ex ea novem liberos tulit: quorum duo infantes adhuc rapti, unus iam puerascens insigni festivitate, cuius effigiem habitu Cupidinis in aede Capitolinae Veneris Livia dedicavit, Augu- 20 stus in cubiculo suo positam, quotiensque introiret, exosculabatur; ceteri superstites patri fuerunt, tres sexus feminini, Agrippina Drusilla Livilla, continuo triennio natae; totidem mares, Nero et Drusus et C. Caesar. Neronem et Drusum senatus Tiberio criminante hostes iudicavit.

25 C. Caesar natus est pridie Kl. Sept. patre suo et C. Fonteio Capitone coss. Ubi natus sit, incertum diversitas tradentium facit. CN. Lentulus Gaetulicus Tiburi genitum scribit, Plinius Secundus in Treveris, vico Ambitarvio supra Confluentes; addit etiam pro argumento, aras ibi ostendi in- 30 scriptas: ob Agrippinae puerperium. Versiculi imperante mox eo divulgati apud hibernas legiones procreatum indicant:

In castris natus, patriis nutritus in armis,

Iam designati principis omen erat.

35 Ego in actis Anti editum invenio. Gaetulicum refellit Plinius quasi mentitum per adulationem, ut ad laudes iuvenis gloriosique principis aliquid etiam ex urbe Herculi sacra sumeret, abusumque audentius mendacio, quod ante annum fere

natus Germanico filius Tiburi fuerat, appellatus et ipse C. Caesar; de cuius amabili pueritia immaturoque obitu supra diximus. Plinium arguit ratio temporum. Nam qui res Augusti memoriae mandarunt, Germanicum exacto consulatu in Galliam missum consentiunt, iam nato Gaio. Nec Plini opinio-⁵ nem inscriptio arae quicquam adiuverit, cum Agrippina bis in ea regione filias enixa sit, et qualiscumque partus sine ullo sexus discrimine puerperium vocetur, quod antiqui etiam puellas pueras, sicut et pueros puellös dictitarent. Extat et Augusti epistula, ante paucos quam obiret menses ad Agrip-¹⁰ pinam neptem ita scripta de Gaio hoc (neque enim quisquam iam alius infans nomine pari tunc supererat:) *Puerum Gaium XV. Kl. Iun. si dii volent ut ducerent Talarius et Asil-
lius, heri cum iis constitui. Mitto praeterea cum eo ex
servis meis medicum, quem scripsi Germanico si vellet ut*¹⁵
*retineret. Valebis, mea Agrippina, et dabis operam ut
valens pervenias ad Germanicum tuum.* Abunde parere arbitror, non potuisse ibi nasci Gaium, quo prope bimulus demum perductus ab urbe sit. Versiculorum quoque fidem eadem haec elewant et eo facilius, quod ii sine auctore sunt.²⁰ Sequenda est igitur, quae sola restat publici instrumenti auctoritas, praesertim cum Gaius Antium, omnibus semper locis atque secessibus praelatum, non aliter quam natale solum dilexerit tradaturque etiam sedem ac domicilium imperii tae-²⁵ dio urbis transferre eo destinasse.

- 9 Caligulae cognomen castrensi ioco traxit, quia manipulario habitu inter milites educabatur. Apud quos quantum praeterea per hanc nutrimentorum consuetudinem amore et gratia valuerit, maxime cognitum est cum post excessum Augusti tumultuantis et in furorem usque praecipites solus haut du-³⁰ bie et conspectu suo flexit. Non enim prius destiterunt, quam ablegari eum ob seditionis periculum et in proximam civitatem demandari animadvertissent; tunc demum ad paenitentiam versi reprenso ac retento vehiculo, invidiam quae sibi³⁵ fieret deprecata sunt. Comitatus est patrem et Syriaca expeditione. Unde reversus primum in matris, deinde ea relegata in Liviae Augustae proaviae suae contubernio mansit; quam defunctam praetextatus etiam tunc pro rostris laudavit.

Transitque ad Antoniam aviam et undevicensimo aetatis anno, accitus Capreas a Tiberio, uno atque eodem die togam sumpsit barbamque posuit, sine ullo honore qualis contigerat tirocinio fratrum eius. Hic omnibus insidiis temptatus elicientium cogentiumque se ad querelas, nullam umquam occasionem dedit, perinde obliterato suorum casu ac si nihil cuiquam accidisset; quae vero ipse pateretur, incredibili dissimulatione transmittens tantique in avum et qui iuxta erant obsequii, ut non immerito sit dictum, *nec servum meliorem ullum, nec deteriorem dominum fuisse*. Naturam tamen saevam atque 11 probrosam ne tunc quidem inhibere poterat, quin et animadversionibus poenisque ad supplicium datorum cupidissime interesset, et ganeas atque adulteria capillamento celatus et veste longa noctibus obiret, ac scaenicas saltandi canendique 15 artes studiosissime appeteret; facile id sane Tiberio patiente, si per has mansuefieri posset ferum eius ingenium. Quod sagacissimus senex ita prorsus perspexerat, ut aliquotiens praedicaret, exitio suo omniumque Gaium vivere et se natricem [serpentis id genus] P. R. Phaethontem orbi terrarum 20 educare.

Non ita multo post Iuniam Claudillam M. Silani nobilissimi viri F. duxit uxorem. Deinde augur in locum fratris sui Drusi destinatus, prius quam inauguraretur ad pontificatum traductus est insigni testimonio pietatis atque indolis, cum, 25 deserta desolataque reliquis subsidiis aula, Seiano iam tunc suspecto mox et oppresso, ad spem successionis paulatim admo-
veretur. Quam quo magis confirmaret, amissa Iunia ex partu, Enniam Naeviam, Macronis uxorem, qui tum praetorianis cohortibus praeerat, sollicitavit ad stuprum, pollicitus et 30 matrimonium suum, si potitus imperio fuisset; deque ea re et iure iurando et chirographo cavit. Per hanc insinuatus Macroni, veneno Tiberium adgressus est, ut quidam opinantur, spirantique adhuc detrahi anulum et, quoniam suspicionem retinentis dabat, pulvinum iussit inici, atque etiam fauces 35 manu sua oppressit, liberto, qui ob atrocitatem facinoris exclamaverat, confestim in crucem acto. Nec abhorret a veritate, cum sint quidam auctores, ipsum postea etsi non de perfecto, at certe de cogitato quondam parricidio professum;

gloriatum enim assidue in commemoranda sua pietate, ad ulciscendam necem matris et fratrum introisse se cum pugione cubiculum Tiberii dormientis, et misericordia correptum abiecto ferro recessisse; nec illum, quamquam sensisset, aut inquirere quicquam aut exequi ausum.

- 13 Sic imperium adeptus, P. R. (vel dicam hominum genus?) voti compotem fecit, exoptatissimus princeps maximae parti provincialium ac militum, quod infantem plerique cognoverant; sed et universae plebi urbanae ob memoriam Germanici patris miserationemque prope afflictæ domus. Itaque ut a Miseno movit quamvis lugentis habitu et funus Tiberi prosequens, tamen inter altaria et victimas ardentisque taedas densissimo et laetissimo obviorum agmine incescit, super fausta nomina sidus et pullum et pupum et alumnum
14 appellantium; ingressoque urbem, statim consensu senatus et irrupentis in curiam turbæ, inrita Tiberii voluntate, qui testamento alterum nepotem suum praetextatum adhuc coheredem ei dederat, ius arbitriumque omnium rerum illi permissum est, tanta publica laetitia ut tribus proximis mensibus ac ne totis quidem supra centum sexaginta milia victimarum caesa tradantur.

Cum deinde paucos post dies in proximas Campaniae insulas traiecisset, vota pro reditu suscepta sunt, ne minimam quidem occasionem quoquam omittente in testificanda sollicitudine et cura de incolumitate eius. Ut vero in adversam valitudinem incidit, pernoctantibus cunctis circa Palatium, non defuerunt qui depugnatu-
ros se armis pro salute aegri quique capita sua titulo proposito voverent. Accessit ad immensum civium amorem notabilis etiam externorum favor. Namque Artabanus Parthorum rex, odium semper contemptumque Tiberi prae se ferens, amicitiam huius ultro petiit venitque ad colloquium legati consularis, et transgressus Euphraten aquilas et signa Romana Caesarumque imagines adoravit.

- 15 Incendebat et ipse studia hominum omni genere popularitatis. Tiberio cum plurimis lacrimis pro contione laudato funeratoque amplissime, confestim Pandateriam et Pontias ad transferendos matris fratrisque cineres festinavit,

tempestate turbida, quo magis pietas emineret, adiitque venerabundus ac per semet in urnas condidit; nec minore scaena Ostiam, praefixo in biremis puppe vexillo, et inde Romam Tiberi subvectos, per splendidissimum quemque
 5 equestris ordinis medio ac frequenti die duobus ferculis Mausoleo intulit, inferiasque is annua religione publice instituit, et eo amplius matri Circenses carpentumque quo in pompa traduceretur; at in memoriam patris Septembrem mensem Germanicum appellavit. Post haec Antoniae aviae,
 10 quidquid umquam Livia Augusta honorum cepisset, uno senatus consulto congeffit; patrum Claudium, equitem R. ad id tempus, collegam sibi in consulatu assumpsit; fratrem Tiberium die virilis togae adoptavit appellavitque principem iuventutis; de sororibus auctor fuit, ut omnibus sacramentis
 15 adiceretur: *neque me liberosque meos cariores habebo quam Gaium habeo et sorores eius*; item relationibus consulum: *quod bonum felixque sit C. Caesari sororibusque eius*.

Pari popularitate damnatos relegatosque restituit; criminum, si quae residua ex priore tempore manebant, omnium gratiam fecit; commentarios ad matris fratrumque suorum causas pertinentis, ne cui postmodum delatori aut testi maneret ullus metus, convectos in forum, et ante clare obtestatus deos neque legisse neque attigisse quicquam, con-
 25 cremavit; libellum de salute sua oblatum non recepit, contendens, *nihil sibi admissum cur cuiquam invisus esset*, negavitque se delatoribus aures habere. Psinthrias mon- 16 strosarum libidinum, aegre ne profundo mergeret exoratus, urbe submovit. Titi Labieni, Cordi Cremuti, Cassi Severi
 30 scripta, senatus consultis abolita, requiri et esse in manibus lectitarique permisit, *quando maxime sua interesset ut facta quaeque posteris tradantur*. Rationes imperii, ab Augusto proponi solitas set a Tiberio intermissas, publicavit. Magistratibus liberam iuris dictionem et sine sui ap-
 35 pellatione concessit. Equites R. severe curioseque, nec sine moderatione, recognovit, palam adempto equo quibus aut probri aliquid aut ignominiae inesset, eorum qui minore culpa tenerentur nominibus modo in recitatione praeteritis.

Ut levior labor iudicantibus foret, ad quattuor prioris quintam decuriam addidit. Temptavit et comitorum more revocato suffragia populo reddere. Legata ex testamento Tiberi quamquam abolito, sed et Iuliae Augustae, quod Tiberius suppresserat, cum fide ac sine calumnia repraesentata persolvit. Ducentesimam auctionum Italiae remisit; multis incendiorum damna supplevit; ac si quibus regna restituit, adiecit et fructum omnem vectigaliorum et redditum medii temporis, ut Antiocho Commagene sestertium milies confiscatum. Quoque magis nullius non boni exempli fautor videretur, mulieri libertinae octoginta donavit, quod excruciatam gravissimis tormentis de scelere patroni reticuisset. Quas ob res inter reliquos honores decretus est ei clipeus aureus, quem quot annis certo die collegia sacerdotum in Capitolium ferrent, senatu prosequente, nobilibusque pueris ac puellis carmine modulato laudes virtutum eius canentibus. Decretum autem ut dies, quo cepisset imperium, Parilia vocaretur, velut argumentum rursus conditae urbis.

17 Consulatus quattuor gessit, primum ex Kl. Iul. per duos menses, secundum ex Kl. Ian. per xxx. dies, tertium usque in Idus Ian., quartum usque septimum Idus easdem. Ex omnibus duos novissimos coniunxit. Tertium autem Luguduni inivit solus, non ut quidam opinantur superbia neglegentiae, sed quod defunctum sub Kalendarum diem collegam rescisse absens non potuerat. Congiarium populo bis dedit trecenos sestertios, totiens abundantissimum epulum senatui equestrique ordini, etiam coniugibus ac liberis utroque; posteriore epulo forensia insuper viris, feminis ac pueris fascias purpurae ac conchylii distribuit. Et ut laetitiam publicam in perpetuum quoque augeret, adiecit diem Saturnalibus appellavitque Iuvenalem.

18 Munera gladiatoria, partim in amphitheatro Tauri partim in Septis, aliquot edidit, quibus inseruit catervas Afrorum Campanorumque pugilum ex utraque regione electissimorum. Neque spectaculis semper ipse praesedit, sed interdum aut magistratibus aut amicis praesidendi munus iniunxit. Scaenicos ludos et assidue et varii generis ac multifariam fecit, quondam et nocturnos, accensis tota urbe luminibus.

Sparsit et missilia variarum rerum, et panaria cum obsonio viritim divisit; qua epulatione equiti R. contra se hilarius avidiusque vescenti partes suas misit, sed et senatori ob eandem causam codicillos, quibus praetorem eum extra ordinem designabat. Edidit et circenses plurimos a mane ad vesperam, interiecta modo Africanarum venatione modo Troiae decursione, et quosdam praecipuos, minio et chrysocolla constrato circo, nec ullis nisi ex senatorio ordine aurigantibus. Commisit et subitos, cum e Gelotiana apparatus
 10 circi prospicientem pauci ex proximis Maenianis postulassent.

Novum praeterea atque inauditum genus spectaculi ex-
 19 cogitavit. Nam Baiarum medium intervallum ad Puteolanas moles, trium milium et sescentorum fere passuum spatium, ponte coniunxit, contractis undique onerariis navibus et
 15 ordine duplici ad anchoras conlocatis, superiectoque aggere terreno ac directo in Appiae viae formam. Per hunc pontem ultro citro commeavit biduo continenti, primo die fale-
 rato equo insignisque quercea corona et caetra et gladio aureaque clamide, postridie quadrigario habitu curriculoque
 20 biugi famosorum equorum, prae se ferens Dareum puerum ex Parthorum obsidibus, comitante praetorianorum agmine et in essedis cohorte amicorum. Scio plerosque existimasse, talem a Gaio pontem excogitatum aemulatione Xerxis, qui
 non sine admiratione aliquanto angustiores Hellespontum
 25 contabulaverit; alios, ut Germaniam et Britanniam, quibus imminebat, alicuius immensi operis fama territaret. Sed avum meum narrantem puer audiebam, causam operis ab interioribus aulicis proditam quod Thrasyllus mathematicus
 anxio de successore Tiberio et in verum nepotem proniori
 30 affirmasset, *non magis Gaium imperaturum quam per Baianum sinum equis discursurum.*

Edidit et peregre spectacula, in Sicilia Syracusis asticos
 ludos, et in Gallia Luguduni miscellos; sed hic certamen
 quoque Graecae Latinaeque facundiae, quo certamine ferunt
 35 victoribus praemia victos contulisse, eorundem et laudes componere coactos; eos autem, qui maxime displicuissent, scripta sua spongea linguave delere iussos, nisi ferulis obiurgari aut flumine proximo mergi maluissent.

21 Opera sub Tiberio semiperfecta, templum Augusti theatrumque Pompei, absolvit. Inchoavit autem aquae ductum regione Tiburti et amphitheatrum iuxta Saepta, quorum operum a successore eius Claudio alterum peractum, omis-
sum alterum est. Syracusis conlapsa vetustate moenia deo-
rumque aedes reffectae. Destinaverat et Sami Polycratis regiam restituere, Mileti Didymum peragere, in iugo Al-
pium urbem condere, sed ante omnia Isthmum in Achaia
perforare, miseratque iam ad dimetiendum opus primipila-
22 rem. Hactenus quasi de principe; reliqua ut de monstro 10
narranda sunt.

Compluribus cognominibus adsumptis (nam et pius et
castrorum filius et pater exercituum et optimus
maximus Caesar vocabatur) cum audiret forte reges,
qui officii causa in urbem advenerant, concertantis apud se 15
super caenam de nobilitate generis, exclamavit: *Εἰς κοί-
ρανός ἔστω, εἰς βασιλεύς!* nec multum afuit quin statim
diadema sumeret speciemque principatus in regni formam
converteret. Verum admonitus, et principum et regum se
excessisse fastigium, divinam ex eo maiestatem asserere 20
sibi coepit; datoque negotio ut simulacra numinum reli-
gione et arte praeclara, inter quae Olympi Iovis, appor-
tarentur e Graecia, quibus capite dempto suum imponeret,
partem Palatii ad forum usque promovit, atque aede Casto-
ris et Pollucis in vestibulum transfigurata, consistens saepe 25
inter fratres deos, medium adorandum se adeuntibus exhi-
bebat; et quidam eum Latiam Iovem consalutarunt.
Templum etiam numini suo proprium et sacerdotes et ex-
cogitatissimas hostias instituit. In templo simulacrum sta-
bat aureum iconicum, amiciebaturque cotidie veste, quali 30
ipso uteretur. Magisteria sacerdotii ditissimus quisque et
ambitione et licitatione maxima vicibus comparabant. Ho-
stiae erant phoenicopteri, pavones, tetraones, numidicae,
meleagrides, phasianae, quae generatim per singulos dies
immolarentur. Et noctibus quidem plenam fulgentemque 35
lunam invitabat assidue in amplexus atque concubitum, in-
terdiu vero cum Capitolino Iove secreto fabulabatur, modo
insusurrans ac praebens in vicem aurem, modo clarius nec

sine iurgiis. Nam vox comminantis audita est: *"Ἡ μὲρ ἀνά-
ειρ, ἢ ἐργὸν σέ"* donec exoratus, ut referebat, et in con-
tubernium ultro invitatus, super templum Divi Augusti
ponte transmisso, Palatium Capitoliumque coniunxit. Mox,
5 quo propior esset, in area Capitolina novae domus funda-
menta iecit.

Agrippae se nepotem neque credi neque dici ob igno-23
bilitatem eius volebat, suscensebatque, si qui vel oratione
vel carmine imaginibus eum Caesarum insererent. Praedi-
10 cabat autem matrem suam ex incesto, quod Augustus cum
Iulia filia admisisset, procreatam; ac non contentus hac
Augusti insectatione, Actiacas Sicalasque victorias, ut fu-
nestas P. R. et calamitosas, vetuit sollemnibus feriis cele-
brari. Liviam Augustam proaviam, Ulixem stolatum iden-
15 tidem appellans, etiam ignobilitatis quadam ad senatum
epistula arguere ausus est, quasi materno avo decurione
Fundano ortam; cum publicis monumentis certum sit, Aufi-
dium Lurconem Romae honoribus functum. Aviae Antoniae
secretum petenti denegavit, nisi ut interveniret Macro prae-
20 fectus, ac per istius modi indignitates et taedia causa ex-
titit mortis, dato tamen, ut quidam putant, et veneno;
nec defunctae ullum honorem habuit, prospexitque e tri-
clinio ardentem rogum. Fratrem Tiberium inopinantem,
repente immisso tribuno militum, interemit; Silanum item
25 socerum ad necem secandasque novacula fauces compulit:
causatus in utroque, quod hic ingressum se turbatius mare
non esset secutus ac spe occupandi urbem, si quid sibi per
tempestates accideret, remansisset; ille antidotum oboluis-
set, quasi ad praecavenda venena sua sumptum; cum et
30 Silanus inpatientiam nauseae vitasset et molestiam navi-
gandi, et Tiberius propter assiduam et ingravescentem tus-
sim medicamento usus esset. Nam Claudium patrum non-
nisi in ludibrium reservavit.

Cum omnibus sororibus suis consuetudinem stupri fecit, 24
35 plenoque convivio singulas infra se vicissim conlocabat,
uxore supra cubante. Ex iis Drusillam vitiasse virginem
praetextatus adhuc creditur atque etiam in concubitu eius
quondam deprehensus ab Antonia avia, apud quam simul

educabantur; mox Lucio Cassio Longino consulari conlocatam abduxit et in modum iustae uxoris propalam habuit; heredem quoque bonorum atque imperii aeger instituit. Eadem defuncta, iustitium indixit, in quo risisse lavisae caenasse cum parentibus aut coniuge liberisve capital fuit. Ac ⁵ maeroris impatiens, cum repente noctu profugisset ab urbe transcucurrissetque Campaniam, Syracusas petit, rursusque inde propere rediit, barba capilloque promisso; nec umquam postea quantiscumque de rebus, ne pro contione quidem populi aut apud milites, nisi per numen Drusillae deie- ¹⁰ ravit. Reliquas sorores nec cupiditate tanta nec dignatione dilexit, ut quas saepe exoletis suis prostraverit; quo facilius eas in causa Aemili Lepidi condemnavit quasi adulteras et insidiarum adversus se conscias ei. Nec solum chirographa omnium, requisita fraude ac stupro, divulgavit, sed et ¹⁵ tres gladios in necem suam praeparatos Marti Ultori, addito elogio, consecravit.

- ²⁵ Matrimonia contraxerit turpius an dimiserit an tenuerit, non est facile discernere. Liviam Orestillam C. Pisoni nubentem, cum ad officium et ipse venisset, ad se deduci ²⁰ imperavit, intraque paucos dies repudiatam biennio post relegavit, quod repetisse usum prioris mariti tempore medio videbatur. Alii tradunt, adhibitum caenae nuptiali, mandasse ad Pisonem contra accumbentem: *Noli uxorem meam premere!* statimque e convivio abduxisse secum ac proximo ²⁵ die edixisse, *matrimonium sibi repertum exemplo Romuli et Augusti*. Lolliam Paulinam, C. Memmio consulari exercitus regenti nuptam, facta mentione aviae eius ut quondam pulcherrimae, subito ex provincia evocavit ac perductam a marito coniunxit sibi, brevique missam fecit, interdicto ³⁰ cuiusquam in perpetuum coitu. Caesoniam neque facie insigni neque aetate integra matremque iam ex alio viro trium filiarum, sed luxuriae ac lasciviae perditae, et ardentius et constantius amavit, ut saepe clamide peltaque et galea ornatam ac iuxta adequitantem militibus ostenderit, amicis ³⁵ vero etiam nudam; uxorio nomine * dignatus est quam enixam, uno atque eodem die professus et maritum se eius et patrem infantis ex ea natae. Infantem autem, Iuliam

Drusillam appellatam, per omnium dearum templa circumferens, Minervae gremio imposuit alendamque et instituentem commendavit. Nec ullo firmiore indicio sui seminis esse credebat quam feritatis, quae illi quoque tanta iam
 5 tunc erat, ut infestis digitis ora et oculos simul ludentium infantium incesset. Leve ac frigidum sit his addere, quo
 propinquos amicosque pacto tractaverit, Ptolemaeum regis Iubae filium, consobrinum suum, (erat enim et is M. Antonii ex Selene filia nepos) et in primis ipsum Macronem,
 10 ipsam Enniam, adiutores imperii: quibus omnibus pro necessitudinis iure proque meritorum gratia cruenta mors persoluta est.

Nihilo reverentior leniorve erga senatum, quosdam summis honoribus functos ad essedum sibi currere togatos per
 15 aliquot passuum milia, et caenanti modo ad pluteum modo ad pedes stare succinctos linteo passus est; alios cum clam interemisset, citare nihilo minus ut vivos perseveravit, paucos post dies voluntaria morte perisse mentitus. Consulibus oblitis de natali suo edicere abrogavit magistratum, fuitque
 20 per triduum sine summa potestate res p. Quaestorem suum in coniuratione nominatum flagellavit, veste detracta subiectaque militum pedibus, quo firme verberaturi insisterent.

Simili superbia violentiaque ceteros tractavit ordines. Inquietatus fremitu gratuita in circo loca de media nocte
 25 occupantium, omnis fustibus abegit; elisi per eum tumultum viginti amplius equites R. totidem matronae, super innumeram turbam ceteram. Scaenicis ludis, inter plebem et equitem causam discordiarum serens, decimas maturius dabat, ut equestria ab infimo quoque occuparentur. Gladia
 30 torio munere, reductis interdum flagrantissimo sole velis, emitti quemquam vetabat remotoque ordinario apparatu, tabidis feris vilissimos senioque confectos gladiatores, * quoque paegniaris patres familiarum notos sed insignis debilitate aliqua corporis obiciebat. Ac nonnumquam, horreis prae-
 35 clusis, populo famem indixit.

Saevitiam ingenii per haec maxime ostendit. Cum ad 27 saginam ferarum muneri praeparatarum carius pecudes compararentur, ex noxiis laniandos adnotavit et custodiarum

seriem recognoscens, nullius inspecto elogio, stans tantum modo intra porticum mediam, *a calvo ad calvum* duci imperavit. Votum exegit ab eo, qui pro salute sua gladiatoriam operam promiserat, spectavitque ferro dimicantem, nec dimisit nisi victorem et post multas preces. Alterum, qui se periturum ea de causa voverat, cunctantem pueris tradidit; verbenatum infulatumque votum reposcentes per vicos agerent, quoad praecipitaretur ex aggere. Multos honesti ordinis, deformatos prius stigmatum notis, ad metalla et munitiones viarum aut ad bestias condemnavit, aut bestiarum more quadripedes cavea coercuit, aut medios serra dissecuit; nec omnes gravibus ex causis, verum male de munere suo opinatos, vel quod numquam per genium suum deierassent. Parentes supplicio filiorum interesse coegbat; quorum uni validitudinem excusanti lecticam misit, alium a spectaculo poenae epulis statim adhibuit atque omni comitate ad hilaritatem et iocos provocavit. Curatorem munerum ac venationum, per continuos dies in conspectu suo catenis verberatum, non prius occidit quam offensus putrefacti cerebri odore. Atellanae poetam ob ambigui ioci versiculum media amphitheatri harena igni cremavit. Equitem R. obiectum feris, cum se innocentem proclamasset, re-
28 duxit, abscisaque lingua rursus induxit. Revocatum quendam a vetere exilio sciscitatus, quidnam ibi facere consuesset, respondente eo per adulationem: *Deos semper oravi ut, quod evenit, periret Tiberius, et tu imperares*, opinans sibi quoque exules suos mortem imprecari, misit circum insulas, qui universos contrucidarent. Cum discerpi senatorem concupisset, subornavit, qui ingredientem curiam repente hostem publicum appellantes invaderent, gra-
30 phisque confossum lacerandum ceteris traderent; nec ante satiatus est quam membra et artus et viscera hominis tracta
29 per vicos atque ante se congesta vidisset. Immanissima facta augebat atrocitate verborum. Nihil magis in natura sua laudare se ac probare dicebat quam, ut ipsius verbo
35 utar, *ἀδιαρτησίαν* [hoc est inverecundiam]. Monenti Antoniae aviae tamquam parum esset non oboedire: *Memento ait omnia mihi et in omnis licere!* Trucidaturus fratrem,

quem metu venenorum praemuniri medicamentis suspicabatur: *Antidotum* inquit *adversus Caesarem*? Relegatis sororibus *non solum insulas habere se, sed etiam gladios* minabatur. Praetorium virum ex secessu Anticyrae, quam
5 valitudinis causa petierat, propagari sibi commeatum saepius desiderantem cum mandasset interimi, adiecit, *necessariam esse sanguinis missionem, cui tam diu non prodesset elleborum*. Decimo quoque die numerum puniendorum ex custodia subscribens, *rationem se purgare* dicebat. Gal-
10 lis Graecisque aliquot uno tempore condemnatis, gloriabatur, *Gallograeciam se subegisse*. Non temere in quem-30 quam nisi crebris et minutis ictibus animadverti passus est, perpetuo notoque iam praecepto: *Ita feri ut se mori sentiat!* Punito per errorem nominis alio quam quem destina-
15 verat, ipsum quoque paria meruisse dixit. Tragicum illud subinde iactabat:

Oderint, dum metuant!

Saepe in cunctos pariter senatores, ut Seiani clientis, ut matris ac fratrum suorum delatores, invectus est, prolatis
20 libellis, quos crematos simulaverat, defensivaque Tiberi saevitia quasi necessaria, cum tot criminantibus credendum esset. Equestrem ordinem ut scaenae harenaeque devotum assidue proscidit. Infensus turbae faventi adversus studium suum, exclamavit: *Utinam P. R. unam cervicem haberet!*
25 Cumque Tetrinius latro postularetur, *et qui postularent, Tetrinios esse* ait. Retiari tunicati quinque numero gregatim dimicantes sine certamine ullo totidem secutoribus succubuerant; cum occidi iuberentur, unus resumpta fuscina omnes victores interemit: hanc ut crudelissimam caedem et
30 deflevit edicto et eos, qui spectare sustinuissent, execratus est. Queri etiam palam de conditione temporum suorum 31 solebat, quod nullis calamitatibus publicis insignirentur; Augusti principatum clade Variana, Tiberi ruina spectaculorum apud Fidenas memorabilem factum, suo oblivionem
35 imminere prosperitate rerum; atque identidem exercituum caedes, famem, pestilentiam, incendia, hiatum aliquem terrae optabat.

Animum quoque remittenti ludoque et epulis dedito ea-32

dem factorum dictorumque saevitia aderat. Saepe in conspectu prandentis vel comissantis seriae quaestiones per tormenta habebantur, miles decollandi artifex quibuscumque e custodia capita amputabat. Puteolis dedicatione pontis, quem excogitatum ab eo significavimus, cum multos e litore⁵ invitasset ad se, repente omnis praecipitavit, quosdam gubernacula apprehendentes contis remisque detrussit in mare. Romae publico epulo servum ob detractam lectis argenteam laminam carnifici confestim tradidit, ut manibus abscisis atque ante pectus e collo pendentibus, praecedente¹⁰ titulo qui causam poenae indicaret, per coetus epulantium circumduceretur. Murmillonem e ludo, rudibus secum battuentem et sponte prostratum, confodit ferrea sica ac more victorum cum palma discucurrit. Admota altaribus victima, succinctus poparum habitu elato alte malleo cultrarium macta-¹⁵ vit. Lautiore convivio effusus subito in cachinnos, consiliibus, qui iuxta cubabant, quidnam rideret blande quaerentibus *Quid, inquit, nisi uno meo nutu iugulari utrumque*
³³*vestrum statim posse?* Inter varios iocos, cum assistens simulacro Iovis Apellen tragoedum consulisset uter illi²⁰ maior videretur, cunctantem flagellis discidit, conlaudans subinde vocem deprecantis quasi etiam in gemitu praedulcem. Quotiens uxoris vel amiculæ collum exoscularetur, addebat: *Tam bona cervix simul ac iussero demetur.* Quin et subinde iactabat, *exquisiturum se vel fidiculis de*²⁵
Caesonia sua, cur eam tanto opere diligeret.

³⁴ Nec minore livore ac malignitate quam superbia saevitiaque paene adversus omnis aevi hominum genus grassatus est. Statuas virorum inlustrum, ab Augusto ex Capitolina area propter angustias in campum Martium conlatas, ita³⁰ subvertit atque disiecit ut restitui salvis titulis non potuerint, vetuitque posthac viventium cuiquam usquam statuam aut imaginem nisi consulto et auctore se poni. Cogitavit etiam de Homeri carminibus abolendis, *cur enim sibi non licere,* dicens, *quod Platoni licuisset, qui eum e civitate quam*³⁵
constituebat eiecerit? Sed et Virgilii ac Titi Livi scripta et imagines paulum afuit quin ex omnibus bibliothecis amoveret, quorum alterum ut nullius ingenii minimaeque doctri-

nae, alterum ut verbosum in historia negligentemque carpebat. De iuris quoque consultis, quasi scientiae eorum omnem usum aboliturus, saepe iactavit, *se mehercule effecturum ne quid respondere possint praeter eum*. Ve-
 5 tera familiarum insignia nobilissimo cuique ademit, Torquato torquem, Cincinnato crinem, CN. Pompeio stirpis antiquae Magni cognomen. Ptolemaeum, de quo retuli, et arcessitum e regno et exceptum honorifice, non alia de causa repente percussit, quam quod, edente se munus, in-
 10 gressum spectacula convertisse hominum oculos fulgore purpureae abollae animadvertit. Pulchros et comatos, quotiens sibi occurrerent, occipitio raso deturpabat. Erat Esius Proculus patre primipilari, ob egregiam corporis amplitudinem et speciem Colosseros dictus; hunc spectaculis de-
 15 tractum repente et in harenam deductum Threci et mox hoplomacho comparavit, bisque victorem constringi sine mora iussit et pannis obsitum vicatim circumduci ac mulieribus ostendi, deinde iugulari. Nullus denique tam abiectae condicionis tamque extremae sortis fuit, cuius non commodis obtrectaret. Nemorensi regi, quod multos iam annos
 20 poteretur sacerdotio, validiorem adversarium subornavit. Cum quodam die muneris essedario Porio, ob prosperam pugnam servum suum manumittenti, studiosius plausum esset, ita proripuit se spectaculis, ut calcata lacinia togae
 25 praiceps per gradus iret, indignabundus et clamitans *dominum gentium populum ex re levissima plus honoris gladiatori tribuentem quam consecratis principibus aut praesenti sibi*.

Pudicitiae neque suae neque alienae pepercit. M. Lepi-
 30 dum, Mnesterem pantomimum, quosdam obsides dilexisse fertur commercio mutui stupri. Valerius Catullus, consulari familia iuvenis, stupratum a se ac latera sibi contubernio eius defessa etiam vociferatus est. Super sororum incesta et notissimum prostitutae Pyrallidis amorem non te-
 35 mere ulla inlustriore femina abstinuit; quas plerumque cum maritis ad caenam vocatas praeterque pedes suos transeuntis diligenter ac lente mercantium more considerabat, etiam faciem manu adlevans, si quae pudore submitterent; quotiens

deinde libuisset egressus triclinio, cum maxime placitam sevocasset, paulo post recentibus adhuc lasciviae notis reversus vel laudabat palam vel vituperabat, singula enumerans bona malave corporis atque concubitus. Quibusdam absentium maritorum nomine repudium ipse misit, iussitque in acta ita referri.

37 Nepotatus sumptibus omnium prodigorum ingenia superavit, commentus novum balnearum usum, portentosissima genera ciborum atque caenarum, ut calidis frigidisque unguentis lavaretur, pretiosissima margarita aceto liquefacta sorberet, convivis ex auro panes et obsonia apponeret, *aut frugi hominem esse oportere dictitans aut Caesarem.* Quin et nummos non mediocris summae e fastigio basilicae Iuliae per aliquot dies sparsit in plebem. Fabricavit et deceris Liburnicas gemmatis puppibus, versicoloribus velis, magna thermarum et porticum et tricliniorum laxitate magnaque etiam vitium et pomiferarum arborum varietate; quibus discumbens de die inter choros ac symphonias litora Campaniae peragraret. In extructionibus praetiorum atque villarum, omni ratione posthabita, nihil tam efficere concupiscebat quam quod posse effici negaretur. Et iactae itaque moles infesto ac profundo mari, et excisae rupes durissimi silicis, et campi montibus aggere aequati, et complanata fossuris montium iuga, incredibili quidem celeritate, cum morae culpa capite lueretur. Ac ne singula enumerem, immensas opes, totumque illud Ti. Caesaris vices ac septies milies sestertium non toto vertente anno absumpsit.

38 Exhaustus igitur atque egens ad rapinas convertit animum, vario et exquisitissimo calumniarum et auctionum et vectigalium genere. Negabat iure civitatem Romanam usurpare eos, quorum maiores sibi posterisque eam impetrasent, nisi si filii essent, neque enim intellegi debere posteros ultra hunc gradum; prolataque Divorum Iuli et Augusti diplomata ut vetera et obsoleta deflebat. Arguebat et perperam editos census, quibus postea quacumque de causa quicquam incrementi accessisset. Testamenta primipilarium, qui ab initio Tiberi principatus neque illum neque se heredem reliquissent, ut ingrata rescidit; item cetero-

rum ut irrita et vana, quoscumque quis diceret herede Caesare mori destinasse. Quo metu iniecto cum iam et ab ignotis inter familiares et a parentibus inter liberos palam heres nuncuparetur, derisores vocabat, quod post nuncupationem
 5 vivere perseverarent, et multis venenatas matteas misit. Cognoscebat autem de talibus causis, taxato prius modo summae ad quem conficiendum consideret, confecto demum excitabatur. Ac ne paululum quidem morae patiens, super quadraginta reos quondam ex diversis criminibus una sen-
 10 tentia condemnavit, gloriatusque est expergefata e somno Caesonia, *quantum egisset, dum ea meridiaret.*

Auctione proposita, reliquias omnium spectaculorum subiecit ac venditavit, exquirens per se pretia et usque eo extendens, ut quidam immenso coacti quaedam emere ac
 15 bonis exuti venas sibi inciderent. Nota res est, Aponio Saturnino inter subsellia dormitante, monitum a Gaio praekonem ne praetorium virum crebro capitis motu nutantem sibi praeteriret, nec licendi finem factum, quoad tredecim gladiatores sestertio nonagies ignorantibus addicerentur. In 39
 20 Gallia quoque, cum damnatarum sororum ornamenta et suppellectilem et servos atque etiam liberos immensis pretiis vendidisset, invitatus lucro, quidquid instrumenti veteris aulae erat ab urbe repetiit, comprehensis ad deportandum meritoriis quoque vehiculis et pistrinensibus iumentis, adeo
 25 ut et panis Romae saepe deficeret et litigatorum plerique, quod occurrere absentes ad vadimonium non possent, causa caderent. Cui instrumento distrahendo nihil non fraudis ac lenocinii adhibuit, modo avaritiae singulos increpans et quod non puderet eos locupletiores esse quam se, modo paenitentiam simulans quod principalium rerum privatis copiam faceret. Compererat provincialem locupletem ducenta se-
 30 stertia numerasse vocatoribus, ut per fallaciam convivio interponeretur, nec tulerat moleste tam magno aestimari honorem caenae suae; huic postero die sedenti in auctione
 35 misit, qui nescio quid frivoli ducentis milibus traderet dice retque, caenaturum apud Caesarem vocatu ipsius.

Vectigalia nova atque inaudita primum per publicanos, 40
 deinde, quia lucrum exuberabat, per centuriones tribunos-

- que praetorianos exercuit, nullo rerum aut hominum genere omisso, cui non tributum aliquid imponeret. Pro edulibus, quae tota urbe venirent, certum statumque exigebatur; pro litibus ac iudiciis ubicumque conceptis quadragesima summae, de qua litigaretur, nec sine poena, si quis composuisse vel donasse negotium convinceretur; ex gerulorum diurnis quaestibus pars octava; ex capturis prostituerum quantum quaeque uno concubitu mēferet; additumque ad caput legis, ut tenerentur publico et quae meretricium quive lenocinium fecissent, nec non et matrimonia obnoxia essent. 10
- 41 Eius modi vectigalibus indictis neque propositis, cum per ignorantiam scripturae multa commissa fierent, tandem flagitante populo proposuit quidem legem, sed et minutissimis litteris et angustissimo loco, uti ne cui describere liceret. Ac ne quod non manubiarum genus experiretur, lupanar in 15 Palatio constituit, distinctisque et instructis pro loci dignitate compluribus cellis, in quibus matronae ingenuique starent, misit circum fora et basilicas nomenclatores ad invitandos ad libidinem iuvenes senesque; praebita advenientibus pecunia fenebris, appositique qui nomina palam subnotarent, quasi adiuvantium Caesaris redditus. Ac ne ex lusu quidem aleae compendium spernens, plus mendacio atque etiam periurio lucrabatur. Et quondam proximo conlusori demandata vice sua progressus in atrium domus, cum praetereuntis duos equites R. locupletis sine mora corripere 25 fiscarique iussisset, exultans rediit gloriansque, numquam se prosperiore alea usum.
- 42 Filia vero nata, paupertatem nec iam imperatoria modo sed et patria conquerens onera, conlationes in alimonium ac dotem puellae recepit. Edixit et strenas ineunte anno se 30 recepturum stetitque in vestibulo aedium Kl. Ian. ad captandas stipes, quas plenis ante eum manibus ac sinu omnis generis turba fundebat. Novissime contrectandae pecuniae cupidine incensus, saepe super immensos aureorum acervos patentissimo diffusos loco et nudis pedibus spatatus et toto 35 corpore aliquandiu volutatus est.
- 43 Militiam resque bellicas semel attigit, neque ex destinato, sed cum ad visendum nemus flumenque Clitumni Meva-

niam processisset, admonitus de supplendo numero Bata-
vorum, quos circa se habebat, expeditionis Germanicae
impetum cepit; neque distulit, sed legionibus et auxiliis un-
dique excitis, dilectibus ubique acerbissime actis, contracto
5 et omnis generis commeatu quanto numquam antea, iter in-
gressus est confecitque modo tam festinanter et rapide, ut
praetorianae cohortes contra morem signa iumentis impo-
nere et ita subsequi cogerentur, interdum adeo segniter et
delicate, ut octaphoro veheretur, atque a propin quarum
10 urbium plebe verri sibi vias et conspergi propter pulverem
exigeret.

Postquam castra attigit, ut se acrem ac severum ducem 44
ostenderet, legatos, qui auxilia serius ex diversis locis ad-
duxerant, cum ignominia dimisit; at in exercitu recensendo,
15 plerisque centurionum maturis iam, et nonnullis ante paucis-
simos quam consummaturi essent dies, primos pilos ademit,
causatus senium cuiusque et imbecillitatem; ceterorum in-
crepita cupiditate, commoda emeritae militiae ad sescento-
rum * milium summam recidit. Nihil autem amplius quam
20 Adminio Cynobellini Britannorum regis filio, qui pulsus a
patre cum exigua manu transfugerat, in deditionem recepto,
quasi universa tradita insula, magnificas Romam litteras
misit, monitis speculatoribus, ut vehiculo ad forum usque
et curiam pertenderent, nec nisi in aede Martis ac frequente
25 senatu consulibus traderent.

Mox, deficiente belli materia, paucos de custodia Ger- 45
manos traici oculique trans Rhenum iussit, ac sibi post
prandium quam tumultuosissime adesse hostem nuntiari. Quo
facto, proripuit se cum amicis et parte equitum praetoria-
30 norum in proximam silvam, truncatisque arboribus et in
modum tropaeorum adornatis, ad lumina reversus, eorum
quidem qui secuti non essent timiditatem et ignaviam corri-
puit, comites autem et participes victoriae novo genere ac
nomine coronarum donavit, quas distinctas solis ac lunae
35 siderumque specie exploratorias appellavit. Rursus obsides
quosdam abductos e litterario ludo clamque praemissos, de-
serto repente convivio, cum equitatu insecutus veluti pro-
fugos ac reprehensos in catenis reduxit; in hoc quoque

mimo praeter modum intemperans. Repetita caena, renuntiantis coactum agmen sicut erant loricatos ad discumbendum adhortatus est. Monuit etiam notissimo Virgili versu, *durarent secundisque se rebus servarent.*

Atque inter haec absentem senatum populumque gravissimo obiurgavit edicto, quod *Caesare proeliante et tantis discriminibus obiecto, tempestiva convivia, circum et* 46 *theatra et amoenos secessus celebrarent.* Postremo quasi perpetraturus bellum, directa acie in litore Oceani ac ballistis machinisque dispositis, nemine gnaro aut opinante quid- 10 nam coepturus esset, repente ut conchas legerent galeasque et sinus replerent imperavit, *spolia Oceani* vocans *Capitolio Palatioque debita*, et in indicium victoriae altissimam turrem excitavit, ex qua ut Pharo noctibus ad regendos navium cursus ignes emicarent; pronuntiatoque militi 15 donativo centenis viritim denariis, quasi omne exemplum liberalitatis supergressus *Abite*, inquit, *laeti, abite locupletes!*

47 Conversus hinc ad curam triumphi, praeter captivos ac transfugas barbaros Galliarum quoque procerissimum quem- 20 que et (ut ipse dicebat) *ἀξιολογίσμεινον*, ac nonnullos ex principibus legit ac seposuit ad pompam, coegitque non tantum rutilare et summittere comam, sed et sermonem Germanicum addiscere et nomina barbarica ferre. Praecepit etiam triremis, quibus introierat Oceanum, magna ex parte 25 itinere terrestri Romam devehi. Scripsit et procuratoribus, triumphum appararent quam minima summa, sed quantus numquam alius fuisset, quando in omnium hominum bona ius haberent.

48 Prius quam provincia decederet, consilium iniit nefandae 30 atrocitatis, legiones, quae post excessum Augusti seditio- nem olim moverant, contrucidandi, quod et patrem suum Germanicum ducem et se infantem tunc obsedissent, vixque a tam praecipiti cogitatione revocatus, inhiberi nullo modo potuit quin decimare velle perseveraret. Vocatas itaque 35 ad concionem inermes, atque etiam gladiis depositis, equitatu armato circumdedit. Sed cum videret suspecta re plerosque dilabi ad resumenda si qua vis fieret arma, profugit

contionem confestimque urbem petit, deflexa omni acerbitate in senatum, cui ad avertendos tantorum dedecorum rumores palam minabatur; querens inter cetera fraudatum se iusto triumpho, cum ipse paulo ante, ne quid de honoribus suis ageretur, etiam sub mortis poena denuntiasset. Aditus ergo in itinere a legatis amplissimi ordinis ut maturaret orantibus, quam maxima voce *Veniam inquit, veniam, et hic mecum!* capulum gladii crebro verberans, quo cinctus erat. Edixit et *reverti se, sed iis tantum qui optarent, equestri ordini et populo; nam se neque civem neque principem senatui amplius fore.* Vetuit etiam quemquam senatorum sibi occurrere, atque omisso vel dilato triumpho ovans urbem natali suo ingressus est; intraque quartum mensem periit, ingentia facinora ausus et aliquanto maiora moliens. Siquidem proposuerat Antium, deinde Alexandream commigrare, interempto prius utriusque ordinis electissimo quoque. Quod ne cui dubium videatur, in secretis eius reperti sunt duo libelli diverso titulo, alteri gladius, alteri pugio index erat; ambo nomina et notas continebant morti destinatorum. Inventa et arca ingens variorum venenorum plena, quibus mox a Claudio demersis infecta maria traduntur, non sine piscium exitio, quos enectos aestus in proxima litora eiecit.

Statura fuit eminenti, colore expallido, corpore enormi, gracilitate maxima cervicis et crurum, oculis et temporibus concavis, fronte lata et torva, capillo raro ac circa verticem nullo, hirsutus cetera. Quare transeunte eo prospicere ex superiore parte, aut omnino quacumque de causa capram nominare, criminose et exitiale habebatur. Vultum vero natura horridum ac tetrum etiam ex industria efferebat, componens ad speculum in omnem terrorem ac formidinem.

Valitudo ei neque corporis neque animi constitit. Puer comitali morbo vexatus, in adolescentia ita patiens laborum erat, ut tamen nonnumquam subita defectione ingredi, stare, colligere semet ac sufferre vix posset. Mentis valitudinem et ipse senserat ac subinde de secessu deque purgando cerebro cogitavit. Creditur potionatus a Caesonia uxore

amatorio quidem medicamento, sed quod in furorem vert-
 rit. Incitabatur insomnia maxime; neque enim plus quam
 tribus nocturnis horis quiescebat, ac ne iis quidem placida
 quiete, sed pavida miris rerum imaginibus, ut qui inter ce-
 teras pelagi quondam speciem conloquentem secum videre
 visus sit. Ideoque magna parte noctis vigiliae cubandique
 taedio nunc toro residens, nunc per longissimas porticus va-
 gus invocare identidem atque expectare lucem consue-
 rat.

51 Non inmerito mentis validitudini attribuerim diversissima in
 eodem vitia, summam confidentiam et contra nimium metum. 10
 Nam qui deos tanto opere contemneret, ad minima tonitrua
 et fulgura conivere, caput obvolvere, at vero maiore pro-
 ripere se e strato sub lectumque condere solebat. Peregri-
 natione quidem Siciliensi irrisis multum locorum miraculis,
 repente a Messana noctu profugit Aetnaei verticis fumo ac 15
 murmure pavefactus. Adversus barbaros quoque minacissi-
 mus, cum trans Rhenum inter angustias densumque agmen
 iter essedo faceret, dicente quodam non mediocre fore
 consternationem sicunde hostis appareat, equum ilico con-
 scendit ac propere reversus ad pontes, ut eos calonibus et 20
 impedimentis stipatos repperit, impatiens morae per manus
 ac super capita hominum translatus est. Mox etiam audita
 rebellione Germaniae, fugam et subsidia fugae classes ap-
 parabat, uno solatio adquiescens, transmarinas certe sibi
 superfuturas provincias, si victores Alpium iuga, ut Cimbri, 25
 vel etiam urbem, ut Senones quondam, occuparent; unde
 credo percussoribus eius postea consilium natum, apud
 tumultuantes milites ementiendi, ipsum sibi manus intulisse
 nuntio malae pugnae perterritum.

52 Vestitu calciatuque et cetero habitu neque patrio neque 30
 civili, ac ne virili quidem ac denique humano semper usus
 est. Saepe depictas gemmatasque indutus paenulas, manu-
 leatus et armillatus in publicum processit; aliquando serica-
 tus et cycladatus; ac modo in crepidis vel cothurnis, modo
 in speculatoria caliga, nonnumquam socco muliebri; ple- 35
 rumque vero aurea barba, fulmen tenens aut fuscinam aut
 caduceum deorum insignia; atque etiam Veneris cultu con-
 spectus est. Triumphalem quidem ornatum etiam ante ex-

peditionem assidue gestavit, interdum et Magni Alexandri thoracem repetitum e conditorio eius.

Ex disciplinis liberalibus minimum eruditioni, eloquen- 53
 tiae plurimum attendit, quantumvis facundus et promptus,
 5 utique si perorandum in aliquem esset. Irato et verba et
 sententiae suppetebant, pronuntiatio quoque et vox, ut ne-
 que eodem loci prae ardore consisteret et exaudiretur a
 procul stantibus. Peroraturus, *stricturum se lucubrationis*
suae telum minabatur; lenius comtiusque scribendi genus
 10 adeo contemnens, ut Senecam tum maxime placentem *com-*
missiones meras componere, et *harenam esse sine calce*
 diceret. Solebat etiam prosperis oratorum actionibus re-
 scribere et magnorum in senatu reorum accusationes defen-
 sionesque meditari ac, prout stilus cesserat, vel onerare
 15 sententia sua quemque vel sublevare, equestri quoque or-
 dine ad audiendum invitato per edicta.

Sed et aliorum generum artes studiosissime et diversissi- 54
 mas exercuit. Threx et auriga, idem cantor atque saltator,
 battuebat pugnatoriis armis, aurigabat extructo plurifariam
 20 circo; canendi ac saltandi voluptate ita efferebatur, ut ne
 publicis quidem spectaculis temperaret quo minus et tra-
 goedo pronuntianti concineret, et gestum histrionis quasi
 laudans vel corrigens palam effingeret. Nec alia de causa
 videtur eo die, quo periit, pervigilium indixisse quam ut
 25 initium in scenam prodeundi licentia temporis auspicaretur.
 Saltabat autem nonnumquam etiam noctu; et quondam tres
 consulares secunda vigilia in Palatium accitos multaque et
 extrema metuentis super pulpitem conlocavit, deinde re-
 pente magno tibiaram et scabellorum crepitu cum palla tuni-
 30 caque talari prosiluit ac desaltato cantico abiit. Atque hic
 tam docilis ad cetera natum nesciit.

Quorum vero studio teneretur, omnibus ad insaniam fa- 55
 vit. Mnesterem pantomimum etiam inter spectacula oscula-
 batur, ac si qui saltante eo vel leviter obstreperet, detrahi
 35 iussum manu sua flagellabat. Equiti R. tumultuanti per cen-
 turionem denunciavit, abiret sine mora Ostiam perferretque
 ad Ptolemaeum regem in Mauritaniam codicillos suos; quo-
 rum exemplum erat: *Ei quem istoc misi, neque boni quic-*

quam neque mali feceris! Threces quosdam Germanis corporis custodibus praeposuit. Myrmillonum armaturas recidit. Columbo victori, leviter tamen saucio, venenum in plagam addidit, quod ex eo Columbinum appellavit; (sic certe inter alia venena scriptum ab eo repertum est) praesinae factioni ita addictus et deditus, ut caenaret in stabulo assidue et maneret. Agitatori Eutycho commissatione quadam in apophoretis vicies sestertium contulit. Incitato equo, cuius causa pridie circenses, ne inquietaretur, viciniae silentium per milites indicare solebat, praeter equile mar-
moreum et praesepe eburneum praeterque purpurea teg-
menta ac monilia e gemmis, domum etiam et familiam et
supellectilem dedit, quo lautius nomine eius invitati accipe-
rentur; consulatum quoque traditur destinasse.

- 56 Ita bacchantem atque grassantem non defuit plerisque
animus adoriri. Sed una alteraque conspiratione detecta,
aliis per inopiam occasionis cunctantibus, duo consilium
communicaverunt perfecervntque, non sine conscientia po-
tentissimorum libertorum praefectorumque praetori; quod
ipsi quoque etsi falso in quadam coniuratione quasi parti-
cipes nominati, suspectos tamen se et invisos sentiebant.
Nam et statim seductis magnam fecit invidiam, dstricto
gladio affirmans *sponte se periturum, si et illis morte*
dignus videretur, nec cessavit ex eo criminari alterum al-
teri atque inter se omnis committere.

25

Cum placuisset Palatinis ludis spectaculo egressum me-
ridie adgredi, primas sibi partes Cassius Chaerea tribunus
cohortis praetoriae depoposcit, quem Gaius senioreni iam
ut mollem et effeminatum denotare omni probro consuerat et
modo signum petenti Priapum aut Venerem dare, modo
ex aliqua causa agenti gratias osculandam manum offerre
formatam commotamque in obscenum modum.

- 57 Futurae caedis multa prodigia extiterunt. Olympiae si-
mulacrum Iovis, quod dissolvi transferrique Romam placue-
rat, tantum cachinnum repente edidit, ut machinis labe-
factis opifices diffugerint; supervenitque ilico quidam Cas-
sius nomine, iussum se somnio affirmans immolare taurum
Iovi. Capitolium Capuae Id. Mar. de caelo tactum est,

35

item Romae cella Palatini atriensis. Nec defuerunt qui con-
 iectarent, altero ostento periculum a custodibus domino
 portendi, altero caedem rursus insignem, qualis eodem die
 facta quondam fuisset. Consulenti quoque de genitura sua
 5 Sulla mathematicus certissimam necem appropinquare affir-
 mavit. Monuerunt et Fortunae Antiatinae, ut a Cassio cave-
 ret; qua causa ille Cassium Longinum Asiae tum procon-
 sulem occidendum delegaverat, immemor Chaeream Cas-
 sium nominari. Pridie quam periret somniavit, consistere
 10 se in caelo iuxta solium Iovis, impulsusque ab eo dextri
 pedis pollice et in terras praecipitatum. Prodigiorum loco
 habita sunt etiam, quae forte illo ipso die paulo prius acci-
 derant. Sacrificans respersus est phoenicopteri sanguine;
 et pantomimus Mnester tragoediam saltavit, quam olim Neo-
 15 ptolemus tragoedus ludis, quibus rex Macedonum Philippus
 occisus est, egerat; et cum in Laureolo mimo, in quo
 actor proripiens se ruina sanguinem vomit, plures secun-
 darum certatim experimentum artis darent, cruore scena
 abundavit. Parabatur et in noctem spectaculum, quo argu-
 20 menta inferorum per Aegyptios et Aethiopas explicarentur.
 VIII. Kl. Febr. hora fere septima, cunctatus an ad pran-
 dium surgeret marcente adhuc stomacho pridiani cibi onere,
 tandem suadentibus amicis egressus est. Cum in crypta,
 per quam transeundum erat, pueri nobiles ex Asia ad eden-
 25 das in scaena operas evocati praepararentur, ut eos inspi-
 ceret hortareturque restitit, ac nisi princeps gregis algere se
 diceret, redire ac repraesentare spectaculum voluit. Du-
 plex dehinc fama est: alii tradunt adloquenti pueros a tergo
 Chaeream cervicem gladio caesim graviter percussisse, prae-
 30 missa voce: *Hoc age!* dehinc Cornelium Sabinum, alterum
 e coniuratis, tribunum ex adverso traiecissee pectus; alii
 Sabinum, sumnota per conscios centuriones turba, signum
 more militiae petisse, et Gaio Iovem dante Chaeream ex-
 clamasse: *Accipe ratum!* respicientique maxillam ictu disci-
 35 disse. Iacentem contractisque membris clamitantem *se vi-*
vere ceteri vulneribus triginta confecerunt; nam signum
 erat omnium: *Repete!* Quidam etiam per obscena ferrum
 adegerunt. Ad primum tumultum lecticari cum asseribus in

auxilium accucurrerunt, mox Germani corporis custodes, ac nonnullos ex percussoribus, quosdam etiam senatores innoxios interemerunt.

59 Vixit annis viginti novem, imperavit triennio et decem mensibus diebusque octo. Cadaver eius clam in hortos La-⁵ mianos asportatum, et tumultuario rogo semiambustum levi caespite obrutum est, postea per sorores ab exilio reversas erutum et crematum sepultumque. Satis constat, prius quam id fieret hortorum custodes umbris inquietatos; in ea quoque domo, in qua occubuerit, nullam noctem sine aliquo¹⁰ terrore transactam, donec ipsa domus incendio consumpta sit. Perit una et uxor Caesonia gladio a centurione confossa, et filia parieti inlisa.

60 Conditionem temporum illorum etiam per haec aestimare quivis possit. Nam neque caede vulgata statim creditum est,¹⁵ fuitque suspitio, ab ipso Gaio famam caedis simulatam et emissam, ut eo pacto hominum erga se mentes deprehenderet; neque coniurati cuiquam imperium destinaverunt; et senatus in asserenda libertate adeo consensit, ut consules primo non in curiam, quia Iulia vocabatur, sed in Capi-²⁰ tolium convocarint, quidam vero sententiae loco abolendam Caesarum memoriam ac diruenda templa censuerint. Observatum autem notatumque est in primis, Caesares omnes, quibus Gai praenomen fuerit, ferro perisse, iam inde ab eo, qui Cinnanis temporibus sit occisus.

C. SUETONI TRANQUILLI
DE VITA CAESARUM

LIBER V.

DIVUS CLAUDIUS.

5 Patrem Claudii Caesaris Drusum, olim Decimum mox
Neronem praenomine, Livia, cum Augusto gravida nupsis-
set, intra mensem tertium peperit, fuitque suspicio, ex
vitrico per adulterii consuetudinem procreatum. Statim certe
vulgatus est versus:

10 *Τοῖς εὐτυχοῦσι καὶ τρίμηνα παῖδια.*

Is Drusus in quaesturae praeturaeque honore dux Raetici,
deinde Germanici belli Oceanum septemtrionalem primus
Romanorum ducum navigavit transque Rhenum fossas novi
et immensi operis effecit, quae nunc adhuc Drusinae vo-
15 cantur. Hostem etiam frequenter caesum ac penitus in in-
timas solitudines actum non prius destitit insequi, quam
species barbarae mulieris, humana amplior, victorem ten-
dere ultra sermone Latino prohibuisset. Quas ob res ovandi
ius et triumphalia ornamenta percepit; ac post praeturam
20 confestim inito consulatu atque expeditione repetita, supre-
mum diem morbo obiit in aestivis castris, quae ex eo Sce-
lerata sunt appellata. Corpus eius per municipiorum colo-
niarumque primores, suscipientibus obviis scribarum decur-
ris, ad urbem devectum sepultumque est in campo Martio.
25 Ceterum exercitus honorarium ei tumulum excitavit, circa
quem deinceps statim die quot annis miles decurreret Gallia-
rumque civitates publice supplicarent. Praeterea senatus
inter alia complura marmoreum arcum cum tropaeis via Ap-

pia decrevit et Germanici cognomen ipsi posterisque eius. Fuisse autem creditur non minus gloriosi quam civilis animi; nam ex hoste super victorias opima quoque spolia captasse summoque saepius discrimine duces Germanorum tota acie insectatus; nec dissimulasse umquam pristinum se rei p. 5 statum, quandoque posset, restitutum. Unde existimo nonnullos tradere ausos, suspectum eum Augusto revocatumque ex provincia et quia cunctaretur, interceptum veneno. Quod equidem magis ne praetermitterem rettuli, quam quia verum aut veri simile putem, cum Augustus 10 tanto opere et vivum dilexerit, ut coheredem semper filiis instituerit, sicut quondam in senatu professus est, et defunctum ita pro concione laudaverit, ut deos precatus sit, *similes ei Caesares suos facerent, sibiue tam honestum quandoque exitum darent quam illi dedissent*. Nec con- 15 tentus elogium tumulo eius versibus a se compositis insculpsisse, etiam vitae memoriam prosa oratione composuit.

- Ex Antonia minore complures quidem liberos tulit, verum tres omnino reliquit: Germanicum, Livillam, Claudium.
- 2 Claudius natus est Iulio Antonio, Fabio Africano cons. 20 Kl. Aug. Luguduni, eo ipso die quo primum ara ibi Augusto dedicata est, appellatusque Tiberius Claudius Drusus. Mox fratre maiore in Iuliam familiam adoptato, Germanici cognomen assumpsit. Infans autem relictus a patre, ac per omne fere pueritiae atque adolescentiae tempus variis et te- 25 nacibus morbis conflictatus est, adeo ut animo simul et corpore hebetato, ne progressa quidem aetate ulli publico privatoque muneri habilis existimaretur. Diu atque etiam post tutelam receptam alieni arbitrii et sub paedagogo fuit; quem barbarum et olim superiumentarium ex industria sibi 30 appositum, ut se quibuscumque de causis quam saevissime coerceret, ipse quodam libello conqueritur. Ob hanc eandem valitudinem et gladiatorio munere, quod simul cum fratre memoriae patris edebat, palliolatus novo more praesedit; et togae virilis die circa mediam noctem sine sollemni 35
- 3 officio lectica in Capitolium latus est. Disciplinis tamen liberalibus ab aetate prima non mediocrem operam dedit ac saepe experimenta cuiusque etiam publicavit. Verum ne

sic quidem quicquam dignitatis assequi aut spem de se com-
modiorem in posterum facere potuit.

Mater Antonia *portentum eum hominis* dictitabat, *nec absolutum a natura, sed tantum inchoatum*; ac si quem
5 socordiae argueret, *stultio*rem aiebat *filio suo Claudio*.
Avia Augusta pro despectissimo semper habuit, non affari
nisi rarissime, non monere nisi acerbo et brevi scripto aut
per internuntios solita. Soror Livilla cum audisset quando-
que imperaturum, tam iniquam et tam indignam sortem
10 P. R. palam et clare detestata est. Nam avunculus maior
Augustus quid de eo in utramque partem opinatus sit, quo
certius cognoscatur, capita ex ipsius epistulis posui.

Collocutus sum cum Tiberio, ut mandasti mea Livia, 4
quid nepoti tuo Tiberio faciendum esset ludis Martiali-
15 *bus. Consentit autem uterque nostrum, semel nobis esse*
statuendum, quod consilium in illo sequamur. Nam si
est artius (ut ita dicam) holocleros, quid est quod dubi-
temus, quin per eosdem articulos et gradus producendus
sit, per quos frater eius productus sit? Sin autem
20 *ἡλαττωσθαι sentimus eum et βεβλάφθαι καὶ εἰς τὴν τοῦ*
σώματος καὶ εἰς τὴν τῆς ψυχῆς ἀρτιότητα, prae'benda
materia deridendi et illum et nos non est hominibus τὰ
τοιαῦτα σκώπτειν καὶ μνηκτοῖξιν εἰωθόσιν. Nam sem-
per aestuabimus, si de singulis articulis temporum deli-
25 *berabimus, μὴ προὔποκειμένου ἡμῖν posse arbitremur*
eum gerere honores, necne. In praesentia tamen quibus
de rebus consulis, curare eum ludis Martialibus tricli-
nium sacerdotum non displicet nobis, si est passurus se
ab Silani filio homine sibi affini admoneri, ne quid
30 *faciat quod conspici et derideri possit. Spectare eum*
circenses ex pulvinari, non placet nobis; expositus enim
in fronte prima spectaculorum, conspicietur. In Alba-
num montem ire eum, non placet nobis, aut esse Romae
Latinarum diebus. Cur enim non praeficitur urbi, si
35 *potest sequi fratrem suum in montem? Habes nostras,*
mea Livia, sententias, quibus placet semel de tota re
aliquid constitui, ne semper inter spem et metum fluctue-
mur. Licebit autem, si voles, Antoniae quoque nostrae

des hanc partem epistolae huius legendam. Rursus alteris litteris:

Tiberium adulescentem ego vero, dum tu aberis, cotidie invitabo ad caenam, ne solus caenet cum suo Sulpicio et Athenodoro. Qui vellem diligentius et minus 5 μετεώρως deligeret sibi aliquem, cuius motum et habitum et incessum imitaretur. Misellus ἀτυχεῖ nam ἐν τοῖς σπουδαίοις, ubi non aberravit eius animus, satis apparet ἡ τῆς ψυχῆς αὐτοῦ εὐγένεια. Item tertiis litteris:

Tiberium nepotem tuum placere mihi declamantem 10 potuisse, peream nisi, mea Livia, admiror. Nam qui tam ἀσαφῶς loquatur, qui possit cum declamat σαφῶς dicere quae dicenda sunt, non video.

Nec dubium est, quid post haec Augustus constituerit et reliquerit eum nullo praeter auguralis sacerdotii honore im-
pertitum, ac ne heredem quidem nisi inter tertios ac paene
extraneos e parte sexta nuncuparit, legato quoque non
amplius quam octingentorum sestertiorum prosecutus.

5 Tiberius patruus petenti honores consularia ornamenta detulit; sed instantius legitimos flagitanti id solum codicillis 20 rescripsit, *quadraginta aureos in Saturnalia et Sigillaria misisse ei.* Tunc demum abiecta spe dignitatis, ad otium concessit, modo in hortis et suburbano modo in Campaniae secessu delitescens, atque ex contubernio sordidissimorum hominum super veterem segnitiae notam ebrie-
tatis quoque et aleae infamiam subiit. 25

6 Cum interim, quamquam hoc modo agenti, numquam aut officium hominum aut reverentia publice defuit. Eque-
ster ordo bis patronum eum perferendae pro se legationis
elegit, semel cum deportandum Romam corpus Augusti hu-
meris suis ab consulibus exposceret, iterum cum oppres-
sum Seianum apud eosdem gratularetur; quin et spectaculis
advenienti assurgere et lacernas deponere solebat. Senatus
quoque, ut ad numerum sodalium Augustalium sorte ducto-
rum extra ordinem adiceretur, censuit et mox ut domus ei, 35
quam incendio amiserat, publica impensa restitueretur, di-
cendaeque inter consulares sententiae ius esset. Quod de-
cretum abolitum est, excusante Tiberio imbecillitatem eius

ac damnum liberalitate sua resarturum pollicente. Qui tamen moriens et in tertiis heredibus eum ex parte tertia nuncupatum, legato etiam circa sestertii vicies prosecutus commendavit insuper exercitibus ac senatui populoque R. inter
5 ceteras necessitudines nominatim.

Sub Gaio demum fratris filio, secundam existimationem 7 circa initia imperii omnibus lenociniis colligente, honores auspicatus consulatum gessit una per duos menses, evenitque ut primitus ingredienti cum fascibus forum praetervolans
10 aquila dexteriore umero consideret. Sortitus est et de altero consulatu in quartum annum; praeseditque nonnumquam spectaculis in Gai vicem, adclamante populo: *Felicit*
ter partim *patruo imperatoris* partim *Germanici fratri!* Nec eo minus contumeliis obnoxius vixit. Nam et si paulo 8
15 serius ad praedictam caenae horam occurrisset, nonnisi aegre et circuito demum triclinio recipiebatur, et quotiens post cibum addormisceret, quod ei fere accidebat, olearum aut palmularum ossibus incessebatur, interdum ferula flagrove velut per ludum excitabatur a copreis. Solebant et
20 manibus sterentis socci induci, ut repente expergefactus faciem sibimet confricaret.

Sed ne discriminibus quidem caruit. Primum in ipso 9 consulatu, quod Neronis et Drusi, fratrum Caesaris, statuas segnius locandas ponendasque curasset, paene honore sum-
25 motus est; deinde extraneo vel etiam domesticorum aliquo deferente assidue varieque inquietatus. Cum vero detecta esset Lepidi et Gaetulici coniuratio, missus in Germaniam inter legatos ad gratulandum, etiam vitae periculum adiit, indignante ac fremente Gaio patrum potissimum ad se mis-
30 sum quasi ad puerum regendum, adeo ut non defuerint, qui traderent praecipitatum quoque in flumen, sicut vestitus advenerat. Atque ex eo numquam non in senatu novissimus consularium sententiam dixit, ignominiae causa post omnis interrogatus. Etiam cognitio falsi testamenti recepta est, in
35 quo et ipse signaverat. Postremo sestertium octogies pro introitu novi sacerdotii coactus impendere, ad eas rei familiaris angustias decedit, ut cum obligatam aerario fidem liberare non posset, in vacuum lege praediatrica venalis

10 pependere sub edicto praefectorum. Per haec ac talia maxima aetatis parte transacta, quinquagesimo anno imperium cepit quantumvis mirabili casu. Exclusus inter ceteros ab insidiatoribus Gai, cum, quasi secretum eo desiderante, turbam submoverent, in diaetam, cui nomen est 5 *Hermæum*, recesserat; neque multo post rumore caedis exterritus, prorepsit ad solarium proximum interque praetenta foribus vela se abdidit. Latentem discurrens forte gregarius miles, animadversis pedibus, e studio sciscitandi quisnam esset, agnovit, extractumque et prae metu ad ge- 10 nua sibi accidit imperatorem salutavit. Hinc ad alios commilitones fluctuantis nec quicquam adhuc quam frementis perduxit. Ab his lecticae impositus et, quia sui diffugerant, vicissim succollantibus in castra delatus est tristis ac trepidus, miserante obviam turba quasi ad poenam raperetur 15 insons. Receptus intra vallum, inter excubias militum pernoctavit, aliquanto minore spe quam fiducia. Nam consules cum senatu et cohortibus urbanis forum Capitoliumque occupaverant, asserturi communem libertatem; accitusque et ipse per TR. PL. in curiam ad suadenda quae viderentur, *vi* 20 *se et necessitate teneri* respondit. Verum postero die, et senatu segniore in exequendis conatibus per taedium ac dissensionem diversa censentium, et multitudine quae circumstabat unum rectorem iam et nominatim exposcente, armatos pro contione iurare in nomen suum passus est promisit- 25 que singulis quina dena sestertia, primus Caesarum fidem militis etiam praemio pigneratus.

11 Imperio stabilito, nihil antiquius duxit quam id biduum, quo de mutando rei p. statu haesitatum erat, memoriae eximere. Omnium itaque factorum dictorumque in eo veniam 30 et oblivionem in perpetuum sanxit ac praestitit, tribunis modo ac centurionibus paucis e coniuratorum in Gaium numero interemptis, exempli simul causa et quod suam quoque caedem depoposcisse cognoverat. Conversus hinc ad officia pietatis, ius iurandum neque sanctius sibi neque cre- 35 brius instituit quam per Augustum. Aviae Liviae divinos honores et circensi pompa currum elephantorum, Augustino similem, decernenda curavit; parentibus inferias publi-

cas, et hoc amplius patri circenses annuos natali die; matri carpentum, quo per circum duceretur, et cognomen Augustae, ab viva recusatum. Ad fratris memoriam, per omnem occasionem celebratam, comoediam quoque Graecam Neapolitano certamine docuit ac de sententia iudicum coronavit. Ne Marcum quidem Antonium inhonoratum ac sine grata mentione transmisit, testatus quondam per edictum, tanto impensius petere se ut natalem patris Drusi celebrarent, quod idem esset et avi sui Antonii. Tiberio marmoreum arcum iuxta Pompei theatrum, decretum quidem olim a senatu verum omis-
 10 sum, peregit. Gai quoque etsi acta omnia rescidit, diem tamen necis, quamvis exordium principatus sui, vetuit inter festos referri.

At in semet augendo parcus atque civilis, praenomine
 15 Imperatoris abstinuit, nimios honores recusavit, sponsalia filiae natalemque geniti nepotis silentio ac tantum domestica religione transegit. Neminem exulum nisi ex senatus auctoritate restituit. Ut sibi in curiam praefectum praetori tribunosque militum secum inducere liceret, utque rata essent quae
 20 procuratores sui in iudicando statuerent, precario exegit. Ius nundinarum in privata praedia a consulibus petit. Cognitionibus magistratuum ut unus e consiliariis frequenter interfuit; eosdem spectacula edentis surgens et ipse cum cetera turba voce ac manu veneratus est. TR. PL. adeuntibus se pro tribu-
 25 nali excusavit, quod propter angustias non posset audire eos nisi stantes. Quare in brevi spatio tantum amoris favorisque collegit, ut cum profectum eum Ostiam perisse ex insidiis nuntiatum esset, magna consternatione populus et militem quasi proditorem, et senatum quasi parricidam diris execra-
 30 tionibus incessere non ante destiterit, quam unus atque alter et mox plures, a magistratibus in rostra producti, salvum et appropinquare affirmarent.

Nec tamen expers insidiarum usque quaque permansit,
 13 sed et a singulis et per factionem et denique civili bello infestatus est. E plebe homo nocte media iuxta cubiculum eius
 35 cum pugione deprehensus est; reperti et equestris ordinis duo in publico cum dolone ac venatorio cultro praestolantes, alter ut egressum theatro, alter ut sacrificantem apud Martis

aedem adoreretur. Conspiraverunt autem ad res novas Gallus Asinius et Statilius Corvinus, Pollionis ac Messalae oratorum nepotes, assumptis compluribus libertis ipsius atque servis. Bellum civile movit Furius Camillus Scribonianus, Delmatiae legatus; verum intra quintum diem oppressus est, legionibus, quae sacramentum mutaverant, in paenitentiam religione conversis, postquam, denuntiato ad novum imperatorem itinere, casu quodam ac divinitus neque aquilae ornari neque signa convelli moverique potuerunt.

- 14 Consulatus super pristinum quattuor gessit; ex quibus duo primos iunctim, sequentis per intervallum, quarto quemque anno, semenstrem novissimum, bimenstris ceteros, tertium autem, novo circa principem exemplo, in locum demortui suffectus. Ius et consul et extra honorem laboriosissime dixit, etiam suis suorumque diebus sollemnibus, nonnumquam festis quoque antiquitus et religiosis. Nec semper praescripta legum secutus, duritiam lenitatemve multarum ex bono et aequo, perinde ut adficeretur, moderatus est; nam et iis, qui apud privatos iudices plus petendo formula excidissent, restituit actiones, et in maiore fraude convictos, legitimam poenam 20
- 15 supergressus ad bestias condemnavit. In cognoscendo autem ac decernendo mira varietate animi fuit, modo circumspectus et sagax, interdum inconsultus ac praeceps, nonnumquam frivolus amentique similis. Cum decurias rerum actu expungeret, eum, qui dissimulata vacatione quam beneficio liberorum habebat responderat, ut cupidum iudicandi dimisit; alium interpellatum ab adversariis de propria lite, negantemque cognitionis rem, sed ordinari iuris esse, agere causam confestim apud se coegit, *proprio negotio documentum daturum, quam aequus iudex in alieno negotio futurus esset.* 30
- Feminam non agnoscentem filium suum, dubia utrimque argumentorum fide, ad confessionem compulsit indicto matrimonio iuvenis. Absentibus secundum praesentes facillime dabat, nullo delectu, culpane quis an aliqua necessitate cessasset. Proclamante quodam, praecidendas falsario manus, carnificem statim acciri cum machaera mensaque lanionia flagitavit. Peregrinitatis reum, orta inter advocatos levi contentione, totagumne an palleatum dicere causam oporteret, quasi aequi-

tatem integram ostentans, mutare habitum saepius et prout accusaretur defendereturve, iussit. De quodam etiam negotio ita ex tabella pronuntiasse creditur, *secundum eos se sentire, qui vera proposuissent*. Propter quae usque eo evilit, ut passim ac propalam contemptui esset. Excusans quidam testem e provincia ab eo vocatum negavit praesto esse posse, dissimulata diu causa; ac post longas demum interrogationes *Mortuus est, inquit: puto, licuit*. Alius gratias agens, quod reum defendi pateretur, adiecit: *Et tamen fieri solet*. Illud quoque a maioribus natu audiebam, adeo causicos patientia eius solitos abuti, ut descendentem e tribunali non solum voce revocarent, sed et lacinia togae retenta, interdum pede apprehenso detinerent. Ac ne cui haec mira sint, litigatori Graeculo vox in altercatione excidit: *Καὶ σὺ γέρον εἰ καὶ μαρός*. Equitem quidem Romanum obscenitatis in feminas reum, sed falso et ab impotentibus inimicis conficto crimine, satis constat, cum scorta meritoria citari adversus se et audiri pro testimonio videret, graphium et libellos, quos tenebat in manu, ita cum magna stultitiae et saevitiae exprobratione iecisse in faciem eius, ut genam non leviter perstrinxerit.

Gessit et censuram, intermissam diu post Plancum Paulum- 16 que censores; sed hanc quoque inaequaliter varioque et animo et eventu. Recognitione equitum iuvenem probri plenum, sed quem pater probatissimum sibi affirmabat, sine ignominia dimisit, *habere* dicens *censorem suum*; alium corruptelis adulteriisque famosum nihil amplius quam monuit, *ut aut parcius aetatulae indulgeret aut certe cautius*; addiditque: *Quare enim ego scio, quam amicam habeas?* Et cum, orantibus familiaribus, dempsisset cuidam appositam 30 notam, *Litura tamen, inquit, extet!* Splendidum virum Graeciaeque provinciae principem, verum Latini sermonis ignarum, non modo albo iudicum erasit, sed in peregrinitatem redegit. Nec quemquam nisi sua voce, utcumque quis posset, ac sine patrono rationem vitae passus est reddere. Notavit 35 que multos, et quosdam inopinantis et ex causa novi generis, quod se inscio ac sine commeatu Italia excessissent; quendam vero et quod comes regis in provincia fuisset, referens, maiorum temporibus Rabirio Postumo, Ptolemaeum Alexan-

driam crediti servandi causa secuto, crimen maiestatis apud iudices motum. Plures notare conatus, magna inquisitorum negligentia sed suo maiore dedecore, innoxios fere repperit, quibuscumque caelibatum aut orbitatem aut egestatem obiceret, maritos, patres, opulentos se probantibus; eo quidem, 5 qui sibimet vim ferro intulisse arguebatur, inlaesum corpus veste deposita ostentante. Fuerunt et illa in censura eius notabilia, quod essedum argenteum, sumptuose fabricatum ac venale ad Sigillaria, redimi concidique coram imperavit; quodque uno die XX edicta proposuit, inter quae duo, quorum 10 altero admonebat, ut uberi vinearum proventu bene dolia picarentur; altero, nihil aequae facere ad viperae morsum quam taxi arboris sucum.

- 17 Expeditionem unam omnino suscepit, eamque modicam. Cum, decretis sibi a senatu ornamentis triumphalibus, levio- 15 rem maiestati principali titulum arbitraretur velletque iusti triumphus decus, unde acquireret Britanniam potissimum elegit, neque temptatam ulli post Divum Iulium et tunc tumultuantem ob non redditos transfugas. Huc cum ab Ostia navigaret, vehementi circio bis paene demersus est, prope Liguriam iuxtaque 20 Stoechadas insulas. Quare a Massilia Gesoriacum usque pedestri itinere confecto, inde transmisit, ac sine ullo proelio aut sanguine intra paucissimos dies parte insulae in deditionem recepta, sexto quam profectus erat mense Romam rediit, triumphavitque maximo apparatu. Ad cuius spectaculum com- 25 meare in urbem non solum praesidibus provinciarum permisit, verum etiam exulibus quibusdam; atque inter hostilia spolia navalem coronam fastigio Palatinae domus iuxta civicam fixit, traecti et quasi domiti Oceani insigne. Currum eius Messalina uxor carpento secuta est; secuti et triumphalia ornamenta 30 eodem bello adepti, sed ceteri pedibus et in praetexta, Crassus Frugi equo phalerato et in veste palmata, quod eum honorem iteraverat.

- 18 Urbis annonaeque curam sollicitissime semper egit. Cum Aemiliana pertinacius arderent, in diribitorio duabus noctibus 35 mansit, ac deficiente militum ac familiarum turba, auxilio plebem per magistratus ex omnibus vicis convocavit ac positae ante se cum pecunia fisci, ad subveniendum hortatus est,

repraesentans pro opera dignam cuique mercedem. Artiore autem annona ob assiduas sterilitates, detentus quondam medio foro a turba conviciisque et simul fragminibus panis ita infestatus, ut aegre nec nisi postico evadere in Palatium
 5 valuerit, nihil non excogitavit ad invehendos etiam tempore hiberno commeatus. Nam et negotiatoribus certa lucra proposuit, suscepto in se damno, si cui quid per tempestates accidisset, et naves mercaturae causa fabricantibus magna commoda constituit pro conditione cuiusque; civi vacationem
 10 legis Papiae Poppaeae, Latino ius Quiritium, feminis ius IIII liberorum; quae constituta hodieque servantur.

Opera magna potiusque necessaria quam multa perfecit, 20 sed vel praecipua: ductum aquarum a Gaio inchoatum, item emissarium Fucini lacus portumque Ostiensem, quamquam
 15 sciret ex iis alterum ab Augusto precantibus assidue Marsis negatum, alterum a Divo Iulio saepius destinatum ac propter difficultatem omisum. Claudiae aquae gelidos et uberes fontes, quorum alteri Caeruleo, alteri Curtio et Albudigno nomen est, simulque rivum Anienis novi lapideo opere in urbem
 20 perduxit, divisitque in plurimos et ornatissimos lacus. Fucinum adgressus est, non minus compendii spe quam gloriae, cum quidam privato sumptu emissuros se repromitterent, si sibi siccati agri concederentur. Per tria autem passuum milia partim ecfosso monte partim exciso, canalem absolvit aegre
 25 et post undecim annos, quamvis continuis XXX hominum milibus sine intermissione operantibus. Portum Ostiae extruxit, circumducto dextra sinistraque brachio et ad introitum profundo iam salo mole obiecta; quam quo stabilius fundaret, navem ante demersit, qua magnus obeliscus ex Aegypto
 30 fuerat advectus, congestisque pilis superposuit altissimam turrem in exemplum Alexandrini Phari, ut ad nocturnos ignes cursum navigia dirigerent.

Congiaria populo saepius distribuit. Spectacula quoque 21 complura et magnifica edidit, non usitata modo ac solitis
 35 locis, sed et commentitia et ex antiquitate repetita, et ubi praeterea nemo ante eum. Ludos dedicationis Pompeiani theatri, quod ambustum restituerat, e tribunali posito in orchestra commisit, cum prius apud superiores aedes supplicasset,

perque mediam caveam, sedentibus ac silentibus cunctis, descendisset. Fecit et Saeculares, quasi anticipatos ab Augusto nec legitimo tempori reservados, quamvis ipse in historiis suis prodat, intermissos eos Augustum multo post, diligentissime annorum ratione subducta, in ordinem redegis-⁵ se. Quare vox praeconis irrita est, invitantis more sollemni ad ludos, *quos nec spectasset quisquam nec spectaturus esset*, cum superessent adhuc qui spectaverant, et quidam histri-
onum producti olim tunc quoque producerentur. Circenses frequenter etiam in Vaticano commisit, nonnumquam inter-¹⁰ iecta per quinos missus venatione. Circo vero maximo marmoreis carceribus auratisque metis, quae utraque et tofina ac lignea antea fuerant, exculto, propria senatoribus constituit loca promiscue spectare solitis; ac super quadrigarum certamina Troiae lusum exhibuit et Africanas, conficiente turma¹⁵ equitum praetorianorum, ducibus tribunis ipsoque praefecto; praeterea Thessalos equites, qui feros tauros per spatia circi agunt insiliuntque defessos et ad terram cornibus detrahunt.

Gladiatoria munera plurifariam ac multiplicia exhibuit:²⁰ anniversarium in castris praetorianis sine venatione apparatusque, iustum atque legitimum in Septis; ibidem extraordinarium et breve dierumque paucorum, quodque appellare coepit sportulam, quia primum daturus edixerat, *velut ad subitam condictamque caenulam invitare se populum*. Nec²⁵ ullo spectaculi genere communior aut remissior erat, adeo ut oblatos victoribus aureos prolata sinistra pariter cum vulgo voce digitisque numeraret, ac saepe hortando rogandoque ad hilaritatem homines provocaret, dominos identidem appellans, immixtis interdum frigidis et arcessitis iocis; qualis³⁰ est ut cum Palumbum postulantis daturum se promisit, *si captus esset*. Illud plane quantumvis salubriter et in tempore: cum essedario, pro quo quattuor filii deprecabantur, magno omnium favore indulsisset rudem, tabulam ilico misit admo-
nens populum, *quanto opere liberos suscipere deberet, quos*³⁵ *videret et gladiatori praesidio gratiaequae esse*. Edidit et in Martio campo expugnationem direptionemque oppidi ad imaginem bellicam et deditionem Britanniae regum, praese-

ditque paludatus. Quin et emissurus Fucinum lacum naumachiam ante commisit. Sed cum proclamantibus naumachiaris: *Have imperator, morituri te salutant!* respondisset: *Aut non!* neque post hanc vocem quasi venia data quisquam
 5 dimicare vellet, diu cunctatus an omnis igni ferroque absumeret, tandem e sede sua prosiluit ac per ambitum lacus non sine foeda vacillatione discurrens, partim minando partim adhortando ad pugnam compulit. Hoc spectaculo classis Siculo et Rhodia concurrerunt, duodenarum triremium singulae,
 10 exciente bucina Tritone argenteo, qui e medio lacu per machinam emerserat.

Quaedam circa caerimonias civilemque et militarem mo- 22
 rem, item circa omnium ordinum statum domi forisque aut correxit, aut exoleta revocavit, aut etiam nova instituit. In
 15 cooptandis per collegia sacerdotibus neminem nisi iuratus nominavit; observavitque sedulo, ut quotiens terra in urbe movisset, ferias advocata contione praetor indiceret, utque dira ave in Capitolio visa obsecratio haberetur, eamque ipse iure maximi pontificis pro rostris populo praeiret summotaque
 20 operariorum servorumque turba.

Rerum actum, divisum antea in hibernos aestivosque men- 23
 ses, coniunxit. Iuris dictionem de fidei commissis, quot annis et tantum in urbe delegari magistratibus solitam, in perpetuum atque etiam per provincias potestatibus demandavit.
 25 Capiti Papiae Poppaeae legis a Tiberio Caesare, quasi sexagenarii generare non possent, addito obrogavit. Sanxit ut pupillis extra ordinem tutores a consulibus darentur, utque ii, quibus a magistratibus provinciae interdicerentur, urbe quoque et Italia summoventur. Ipse quosdam novo exemplo
 30 relegavit, ut ultra lapidem tertium vetaret egredi ab urbe.

De maiore negotio acturus in curia, medius inter consulum sellas tribunicio subsellio sedebat. Commeatus a senatu peti solitos benefici sui fecit. Ornamenta consularia etiam 24
 procuratoribus ducenariis indulsit. Senatoriam dignitatem recusantibus equestrem quoque ademit. Latum clavum, quamvis initio affirmasset non lecturum se senatorem nisi civis R. abnepotem, etiam libertini filio tribuit, sed sub conditione si prius ab equite R. adoptatus esset; ac sic quoque reprehend-

sionem verens, et Appium Caecum censorem, generis sui proauctorem, libertinorum filios in senatum adlegisse docuit, ignarus, temporibus Appi et deinceps aliquandiu libertinos dictos non ipsos, qui manu emitterentur, sed ingenuos ex his procreatos. Collegio quaestorum pro stratura viarum gladiatorium munus iniunxit detractaque Ostiensi et Gallica provincia, curam aerari Saturni reddidit, quam medio tempore praetores aut, uti nunc, praetura functi sustinuerant.

Triumphalia ornamenta Silano, filiae suae sponso, nondum puberi dedit, maioribus vero natu tam multis tamque facile, ut epistula communi legionum nomine extiterit petentium, ut legatis consularibus simul cum exercitu et triumphalia darentur, ne causam belli quoquo modo quaerent. Aulo Plautio etiam ovationem decrevit ingressoque urbem obviam progressus, et in Capitolium eunti et inde rursus revertenti latus textit. Gabinio Secundo, Cauchis gente Germanica superatis, cognomen Cauchius usurpare concessit.

25 Equestris militias ita ordinavit, ut post cohortem alam, post alam tribunatum legionis daret; stipendiaque instituit et imaginariae militiae genus, quod vocatur supra numerum, quo absentes et titulo tenus fungerentur. Milites domos senatorias salutandi causa ingredi etiam patrum decreto prohibuit. Libertinos, qui se pro equitibus R. agerent, publicavit. Ingratos et de quibus patroni quererentur revocavit in servitutem advocatisque eorum negavit, se adversus liberos ipsorum ius dicturum. Cum quidam aegra et adfecta mancipia in insulam Aesculapii taedio medendi exponerent, omnes qui exponerentur liberos esse sanxit, nec redire in dicionem domini, si convaluissent; quod si quis necare quem mallet quam exponere, caedis crimine teneri. Viatores ne per Italiae oppida nisi aut pedibus aut sella aut lectica transirent, monuit edicto. Puteolis et Ostiae singulas cohortes ad arcendos incendiorum casus collocavit.

Peregrinae conditionis homines vetuit usurpare Romana nomina dum taxat gentilicia. Civitatem R. usurpantes in campo Esquilino securi percussit. Provincias Achaïam et Macedoniam, quas Tiberius ad curam suam transtulerat, senatui reddidit. Lyciis ob exitiabiles inter se discordias libertatem

ademit, Rhodiis ob paenitentiam veterum delictorum reddidit. Iliensibus, quasi Romanae gentis auctoribus, tributa in perpetuum remisit, recitata vetere epistula Graeca senatus populi-
 5 licentis, si consanguineos suos Ilienses ab omni onere immunes praestitisset. Iudaeos impulsore Chresto assidue tumultuantis Roma expulit. Germanorum legatis in orchestra sedere permisit, simplicitate eorum et fiducia commotus, quod in popularia deducti, cum animadvertissent Parthos et
 10 Armenios sedentis in senatu, ad eadem loca sponte transierant, nihilo deteriorem virtutem aut conditionem suam praedicantes. Dryidarum religionem apud Gallos dirae immanitatis, et tantum civibus sub Augusto interdictam, penitus abolevit; contra sacra Eleusinia etiam transferre ex Attica Romanam conatus est, templumque in Sicilia Veneris Erycinae
 15 vetustate conlapsum ut ex aerario pop. R. reficeretur, auctor fuit. Cum regibus foedus in foro icit porca caesa ac vetere fetialium praefatione adhibita. Sed et haec et cetera totumque adeo ex parte magna principatum non tam suo quam uxorum libertorumque arbitrio administravit, talis ubique ple-
 20 rumque, qualem esse eum aut expediret illis aut liberet.

Sponsas admodum adulescens duas habuit: Aemiliam 26
 Lepidam Augusti proneptem, item Liviam Medullinam, cui et cognomen Camillae erat, e genere antiquo dictatoris Camilli. Priorem, quod parentes eius Augustum offenderant,
 25 virginem adhuc repudiavit, posteriorem ipso die, qui erat nuptiis destinatus, ex valitudine amisit. Uxores deinde duxit Plautiam Urgulanillam triumphali, et mox Aeliam Paetnam consulari patre. Cum utraque divortium fecit, sed cum Pae-
 30 tina ex levibus offensis, cum Urgulanilla ob libidinum probra et homicidii suspicionem. Post has Valeriam Messalinam, Barbatii Messalae consobrini sui filiam, in matrimonium accepit. Quam cum comperisset super cetera flagitia atque dedecora C. Silio etiam nupsisse dote inter auspices consi-
 35 gnata, supplicio adfecit confirmavitque pro contione apud praetorianos, *quatenus sibi matrimonia male cederent, permansurum se in caelibatu, ac nisi permansisset, non recusaturum confodi manibus ipsorum.* Nec durare valuit

- quin de condicionibus continuo tractaret, etiam de Paetinae, quam olim exegerat, deque Lolliae Paulinae, quae C. Caesari nupta fuerat. Verum inlecebris Agrippinae, Germanici fratris sui filiae, per ius osculi et blanditiarum occasiones pellectus in amorem, subornavit proximo senatu qui cense-⁵ rent, cogendum se ad ducendum eam uxorem, quasi rei p. maxime interesset, dandamque ceteris veniam talium coniugiorum, quae ad id tempus incesta habebantur. Ac vix uno interposito die confecit nuptias; non repertis qui sequerentur exemplum, excepto libertino quodam, et altero primipilari,¹⁰ cuius nuptiarum officium et ipse cum Agrippina celebravit.
- 27 Liberos ex tribus uxoribus tulit: ex Urgulanilla Drusum et Claudiam, ex Paetina Antoniam, ex Messalina Octaviam et quem primo Germanicum, mox Britannicum cognominavit. Drusum Pompeis impuberem amisit, piro per lusum in sublime¹⁵ iactato et hiatu oris excepto strangulatum, cum ei ante paucos dies filiam Seiani despondisset. Quo magis miror fuisse, qui traderent fraude a Seiano necatum. Claudiam ex liberto suo Botere conceptam, quamvis ante quintum mensem divortii natam alique coeptam, exponi tamen ad matris ianuam et nudam iussit abici. Antoniam CN. Pompeio Magno, deinde Fausto Sullae, nobilissimis iuvenibus, Octaviam Neroni privigno suo collocavit, Silano ante desponsam. Britannicum, vicesimo imperii die inque secundo consulatu natum sibi, parvulum etiam tum, et militi pro contione manibus suis gestans²⁵ et plebi per spectacula gremio aut ante se retinens assidue commendabat faustisque omnibus cum adclamantium turba prosequabatur. E generis Neronem adoptavit, Pompeium atque Silanum non recusavit modo, sed et interemit.
- 28 Libertorum praecipue suscepit Posiden spadonem, quem³⁰ etiam Britannico triumpho inter militares viros hasta pura donavit; nec minus Felicem, quem cohortibus et alis provinciaeque Iudaeae praeposuit, trium reginarum maritum; et Harpocran, cui lectica per urbem vehendi spectaculaque publice edendi ius tribuit; ac super hos Polybium ab studiis,³⁵ qui saepe inter duos consules ambulabat; sed ante omnis Narcissum ab epistulis, et Pallantem a rationibus, quos decreto quoque senatus non praemiis modo ingentibus, sed et

quaestoriis praetoriisque ornamentis honorari libens passus est; tantum praeterea acquirere et rapere, ut querente eo quondam de fisci exiguitate non absurde dictum sit, *abundaturum, si a duobus libertis in consortium reciperetur*. His, 29
 5 ut dixi, uxoribusque addictus, non principem se, sed ministrum egit, compendio cuiusque horum vel etiam studio aut libidine honores exercitus impunitates supplicia largitus est, et quidem insciens plerumque et ignarus. Ac ne singillatim minora quoque enumerem, revocatas liberalitates eius, iudicia rescissa, suppositos aut etiam palam immutatos datorum officiorum codicillos: Appium Silanum consocerum suum, Iuliasque alteram Drusi, alteram Germanici filiam, crimine incerto nec defensione ulla data occidit, item CN. Pompeium maioris filiae virum, et L. Silanum minoris sponsum. Ex qui-
 15 bus Pompeius in concubitu dilecti adolescentuli confossus est, Silanus abdicare se praetura ante IIII. Kl. Ian. morique initio anni coactus, die ipso Claudii et Agrippinae nuptiarum. In quinque et triginta senatores trecentosque amplius equites R. tanta facilitate animadvertit, ut, de nece consularis viri
 20 renuntiante centurione factum esse quod imperasset, negaret quicquam se imperasse, nihilo minus rem comprobaret, affirmantibus libertis officio milites functos, quod ad ultionem imperatoris ultro procucurrissent. Nam illud omnem fidem ex-
 25 cesserit quod nuptiis, quas Messalina cum adultero Silio fecerat, tabellas dotis et ipse consignaverit, inductus, quasi de industria simularentur ad avertendum transferendumque periculum, quod imminere ipsi per quaedam ostenta portenderetur.

Auctoritas dignitasque formae non defuit* vel stanti vel 30
 sediti ac praecipue quiescenti; (nam et prolixo nec exili corpore erat, et specie canitiaeque pulchra, opimis cervicibus) ceterum et ingredientem destituebant poplites minus firmi, et remisse quid vel serio agentem multa dehonestabant: risus indecens, ira turpior spumante rictu, umentibus naribus, praeterea linguae titubantia, caputque cum semper, tum in
 35 quantulocumque actu vel maxime tremulum. Valitudine sicut 31
 olim gravi, ita princeps prospera usus est, excepto stomachi dolore, quo se correptum etiam de consciscenda morte cogitasse dixit.

32 Convivia agitavit et ampla et assidua, ac fere patentissimis locis ut plerumque sesceni simul discumberent. Convivatus est et super emissarium Fucini lacus, ac paene summersus, cum emissa impetu aqua redundasset. Adhibebat omni caenae et liberos suos cum pueris puellisque nobilibus, 5 qui more veteri ad fulcra lectorum sedentes vescerentur. Convivae, qui pridie scyphum aureum subripuisse existimabatur, revocato in diem posterum calicem fictilem apposit. Dicitur etiam meditat. edictum, quo veniam daret flatum crepitumque ventris in convivio emittendi, cum periclitatum 10 quendam prae pudore ex continentia repperisset.

33 Cibi vinique quocumque et tempore et loco appetentissimus, cognoscens quondam in Augusti foro, ictusque nidore prandii, quod in proxima Martis aede Saliis apparabatur, deserto tribunali ascendit ad sacerdotes unaque decubuit. 15 Nec temere umquam triclinio abscessit nisi distentus ac madens, et ut statim supino ac per somnum hianti pinna in os inderetur ad exonerandum stomachum. Somni brevissimi erat (nam ante mediam noctem plerumque evigilabat) ut tamen interdum nonnumquam in iure dicendo obdormisceret, vixque 20 ab advocatis de industria vocem augentibus excitaretur. Libidinis in feminas profusissimae, marum omnino expers. Aleam studiosissime lusit; de cuius arte librum quoque emisit; solitus etiam in gestatione ludere, ita essedo alveoque adaptatis ne lusus confunderetur. 25

34 Saevum et sanguinarium natura fuisse, magnis minimisque apparuit rebus. Tormenta quaestionum poenasque paricidarum repraesentabat exigebatque coram. Cum spectare antiqui moris supplicium Tiburi concupisset, et deligatis ad palum noxiis carnifex deesset, accitum ab urbe vesperam 30 usque opperiri perseveravit. Quocumque gladiatorio munere, vel suo vel alieno, etiam forte prolapsos iugulari iubebat, maxime retiarios, ut expirantium facies videret. Cum par quoddam mutuis ictibus concidisset, cultellos sibi parvulos ex utroque ferro in usum fieri sine mora iussit. Bestiaris 35 meridianisque adeo delectabatur, ut et prima luce ad spectaculum descenderet et meridie, dimisso ad prandium populo, persederet, praeterque destinatos etiam levi subitaque de

causa quosdam committeret, de fabrorum quoque ac ministrorum atque id genus numero, si automatum vel pegma vel quid tale aliud parum cessisset. Induxit et unum ex nomenclatoribus suis, sic ut erat togatus.

- 5 Sed nihil aequae quam timidus ac diffidens fuit. Primis imperii diebus quamquam, ut diximus, iactor civilitatis, neque convivia inire ausus est nisi ut speculatores cum lanceis circumstarent militesque vice ministrorum fungerentur, neque aegrum quemquam visitavit nisi explorato prius cubiculo culcitisque et stragulis praetemptatis et excussis. Reliquo autem tempore salutatoribus scrutatores semper apposit, et quidem omnibus et acerbissimos. Sero enim ac vix remisit, ne feminae praetextatique pueri et puellae contrectarentur, et ne cuius comiti aut librario calamariae aut graphiariae thecae adimerentur. Motu civili cum eum Camillus, non dubitans etiam citra bellum posse terreri, contumeliosa et minaci et contumaci epistula cedere imperio iuberet vitamque otiosam in privata re agere, dubitavit adhibitis principibus viris, an optemperaret. Quasdam insidias temere delatas adeo 35 expavit, ut deponere imperium temptaverit. Quodam, ut supra rettuli, cum ferro circa sacrificantem se deprehenso, senatum per praecones propere convocavit lacrimisque et vociferatione miseratus est conditionem suam, cui nihil tutiusquam esset, ac diu publico abstinuit. Messalinae quoque 25 amorem flagrantissimum non tam indignitate contumeliarum quam periculi metu abiecit, cum adultero Silio adquiri imperium credidisset; quo tempore foedum in modum trepidus ad castra confugit, nihil tota via quam *essetne sibi salvum imperium* requirens. Nulla adeo suspicio, nullus auctor tam 37 levis extitit, a quo non mediocri scrupulo iniecto ad cavendum ulciscendumque compelleretur. Unus ex litigatoribus seducto in salutatione affirmavit, vidisse se per quietem occidi eum a quodam; dein paulo post, quasi percussorem agnosceret, libellum tradentem adversarium suum demonstravit: confestim 35 que is pro depresso ad poenam raptus est. Pari modo oppressum ferunt Appium Silanum; quem cum Messalina et Narcissus conspirassent perdere, divisim partibus, alter ante lucem similis attonito, patroni cubiculum inrupit, affirmans som-

niasse se vim ei ab Appio inlatam; altera, in admirationem formata, sibi quoque eandem speciem aliquot iam noctibus obversari rettulit; nec multo post ex composito inrumpere Appius nuntiatus, cui pridie ad id temporis ut adesset praeceptum erat, quasi plane repraesentaretur somnii fides, accessi statim ac mori iussus est. Nec dubitavit postero die Claudius ordinem rei gestae perferre ad senatum ac liberto gratias agere, quod pro salute sua etiam dormiens excubaret. Irae atque iracundiae conscius sibi, utramque excusavit
 38 edicto distinxitque, pollicitus *alteram quidem brevem et innoxiam, alteram non iniustam fore*. Ostiensibus, quia sibi subeunti Tiberim scaphas obviam non miserint, graviter correptis, eaque cum invidia, ut in ordinem se coactum conscriberet, repente tantum non satis facientis modo veniam dedit. Quosdam in publico parum tempestive adeuntis manu
 15 sua reppulit. Item scribam quaestorium, itemque praetura functum senatorem inauditos et innoxios relegavit, quod ille adversus privatum se intemperantius affuisset, hic in aedilitate inquilinos praediorum suorum, contra vetitum cocta vendentes, multasset villicumque intervenientem flagellas-
 20 set. Qua de causa etiam coercitionem popinarum aedilibus ademitt.

Ac ne stultitiam quidem suam reticuit, simulatamque a se ex industria sub Gaio, quod aliter evasurus perventurusque ad susceptam stationem non fuerit, quibusdam oratiunculis testatus est; nec tamen persuasit, cum intra breve tempus liber editus sit, cui index erat *Μωροῦν ἐπανάστασις*, argumentum autem, stultitiam neminem fingere.

39 Inter cetera in eo mirati sunt homines et oblivionem et inconsiderantiam, vel ut Graece dicam, *μετεωρίαν* et *ἀβλεψίαν*.
 30 Occisa Messalina, paulo post quam in triclinio decubuit, *cur domina non veniret* requisivit. Multos ex iis, quos capite damnaverat, postero statim die et in consilium et ad aleae lusum admoneri iussit et, quasi morarentur, ut somniculosos per nuntium increpuit. Ducturus contra fas Agrippinam uxorem, non cessavit omni oratione *filiam et alumnam et in gremio suo natam atque educatam* praedicare. Adsciturus in nomen Neronem, quasi parum reprehenderetur, quod

adulto iam filio privignum adoptaret, identidem divulgavit, *neminem umquam per adoptionem familiae Claudiae insertum.*

Sermonis vero rerumque tantam saepe negligentiam ⁴⁰ ostendit, ut nec quis nec inter quos, quove tempore ac loco verba faceret, scire aut cogitare existimaretur. Cum de laniis ac vinariis ageretur, exclamavit in curia: *Rogo vos, quis potest sine offula vivere?* descripsitque abundantiam veterum tabernarum, unde solitus esset vinum olim et ipse ¹⁰ petere. De quaesturae quodam candidato inter causas suffragationis suae posuit, *quod pater eius frigidam aegro sibi tempestive dedisset.* Inducta teste in senatu, *Haec inquit matris meae liberta et ornatrix fuit, sed me patronum semper existimavit; hoc ideo dixi, quod quidam sunt ad-* ¹⁵ *huc in domo mea, qui me patronum non putant.* Sed et pro tribunali, Ostiensibus quiddam publice orantibus, cum excanduisset, *nihil habere se vociferatus est, quare eos demereatur; si quem alium, et se liberum esse.* Nam illa eius cotidiana et plane omnium horarum et momentorum ²⁰ erant: *Quid, ego tibi Telegenius videor?* et *Ἀάλει, καὶ μὴ θίγγανε!* multaque talia etiam privatis deformia, nedum principi, neque infacundo neque indocto, immo etiam pertinaciter liberalibus studiis dedito.

Historiam in adolescentia, hortante T. Livio, Sulpicio ⁴¹ ²⁵ vero Flavo etiam adiuvante, scribere adgressus est. Et cum primum frequenti auditorio commisisset, aegre perlegit, refrigeratus saepe a semet ipso. Nam cum initio recitationis, defractis compluribus subsellis obesitate cuiusdam, risus exortus esset, ne sedato quidem tumultu temperare potuit, ³⁰ quin ex intervallo subinde facti reminisceretur cachinnosque revocaret. In principatu quoque et scripsit plurimum et assidue recitavit per lectorem. Initium autem sumpsit historiae post caedem Caesaris dictatoris, sed et transiit ad inferiora tempora coepitque a pace civili, cum sentiret neque libere ³⁵ neque vere sibi de superioribus tradendi potestatem relictam, correptus saepe et a matre et ab avia. Prioris materiae duo volumina, posterioris unum et quadraginta reliquit. Composuit et *De vita sua* octo volumina, magis inepte quam ine-

leganter; item *Ciceronis defensionem adversus Asini Galli libros* satis eruditam. Novas etiam commentus est litteras tres, ac numero veterum quasi maxime necessarias addidit; de quarum ratione cum privatus adhuc volumen edidisset, mox princeps non difficulter optinuit ut in usu quoque pro-⁵ miscuo essent. Extat talis scriptura in plerisque libris ac diurnis titulisque operum.

- 42 Nec minore cura Graeca studia secutus est, amorem praestantiamque linguae occasione omni professus. Cuidam barbaro Graece ac Latine disserenti *Cum utroque*, inquit,¹⁰ *sermone nostro sis paratus*; et in commendanda patribus conscriptis Achaia, *gratam sibi provinciam ait communium studiorum commercio*; ac saepe in senatu legatis perpetua oratione respondit. Multum vero pro tribunali etiam Homericis locutus est versibus. Quotiens quidem hostem vel insi-¹⁵ diatorem ultus esset, excubitori tribuno signum de more poscenti non temere aliud dedit, quam:

"Ἀνδρ' ἀπαμύνασθαι, ὅτε τις πρότερος χαλεπήνῃ.

Denique et Graecas scripsit historias, Tyrrhenicon viginti, Carchedoniacon octo. Quarum causa veteri Alexandriae²⁰ Musio * additum ex ipsius nomine; institutumque ut quot annis in altero Tyrrhenicon libri, in altero Carchedoniacon diebus statutis velut in auditorio recitarentur toti a singulis per vices.

- 43 Sub exitu vitae signa quaedam, nec obscura, paenitentis²⁵ de matrimonio Agrippinae deque Neronis adoptione dederat. Siquidem, commemorantibus libertis ac laudantibus cognitionem, qua pridie quandam adulterii ream condemnarat, *sibi quoque in fatis esse iactavit omnia impudica, sed non impunita matrimonia*; et subinde obvium sibi Britannicum³⁰ artius complexus hortatus est, *ut cresceret rationemque a se omnium factorum acciperet*; Graeca insuper voce persecutus: *ὁ τρώσας καὶ ἰάσεται*. Cumque impubi teneroque adhuc, quando statura permetteret, togam dare destinasset, adiecit: *Ut tandem populus R. verum Caesarem habeat*.³⁵
- 44 Non multoque post testamentum etiam conscripsit ac signis omnium magistratuum obsignavit. Prius igitur quam ultra progrederetur, praeventus est ab Agrippina, quam praeter haec

conscientia quoque, nec minus delatores multorum criminum arguebant.

Et veneno quidem occisum convenit; ubi autem et per quem dato, discrepat. Quidam tradunt, epulanti in arce cum
5 sacerdotibus per Halotum spadonem praegustatorem; alii, domestico convivio per ipsam Agrippinam, quae boletum medicatum avidissimo ciborum talium optulerat. Etiam de subsequentibus diversa fama est. Multi statim hausto veneno obmutuisse aiunt, excruciatumque doloribus nocte tota defecisse prope lucem. Nonnulli inter initia consopitum, deinde cibo affluente evomuisse omnia, repetitumque toxico, incertum pultine addito, cum velut exhaustum refici cibo oporteret, an immisso per clystera, ut quasi abundantia laboranti etiam hoc genere egestionis subveniretur. Mors eius celata est, do-
15 nec circa successorem omnia ordinarentur. Itaque et quasi pro aegro adhuc vota suscepta sunt, et inducti per simulationem comoedi, qui velut desiderantem oblectarent. Excessit III. Id. Octob. Asinio Marcello, Acilio Aviola coss. sexagesimo quarto aetatis, imperii quarto decimo anno, funeratusque est
20 sollemni principum pompa et in numerum deorum relatus; quem honorem a Nerone destitutum abolitumque recepit mox per Vespasianum. Praesagia mortis eius praecipua fuerunt: 46 exortus crinitae stellae, quam cometen vocant, tactumque de caelo monumentum Drusi patris, et quod eodem anno ex
25 omnium magistratuum genere plerique mortem obierant. Sed nec ipse ignorasse aut dissimulasse ultima vitae suae tempora videtur, aliquot quidem argumentis. Nam et cum consules designaret, neminem ultra mensem quo obiit designavit, et in senatu, cui novissime interfuit, multum ad concordiam
30 liberos suos cohortatus, utriusque aetatem suppliciter patribus commendavit, et in ultima cognitione pro tribunali *accessisse ad finem mortalitatis*, quamquam abominantibus qui audiebant, semel atque iterum pronuntiavit.

C. SUETONI TRANQUILLI DE VITA CAESARUM

LIBER VI.

NERO.

- 1 Ex gente Domitia duae familiae claruerunt, Calvinorum⁵ et Aenobarborum. Aenobarbi auctorem originis itemque cognominis habent L. Domitium, cui rure quondam revertenti iuvenes gemini augustiore forma ex occurso imperasse traduntur, nuntiaret senatui ac populo victoriam, de qua incertum adhuc erat; atque in fidem maiestatis adeo permulsisse¹⁰ malas, ut e nigro rutilum aerique adsimilem capillum redderent. Quod insigne mansit et in posteris eius, ac magna pars rutila barba fuerunt. Functi autem consulatibus septem, triumpho censuraque duplici, et inter patricios adlecti perseveraverunt omnes in eodem cognomine. Ac ne prae nomina¹⁵ quidem tulla praeterquam Gnaei et Luci usurparunt; eaque ipsa notabili varietate, modo continuantes unum quodque per trinas personas, modo alternantes per singulas. Nam primum secundumque ac tertium Aenobarborum Lucios, sequentis rursus tres ex ordine Gnaeos accepimus, reliquos²⁰ nonnisi vicissim tum Lucios tum Gnaeos. Pluris e familia cognosci referre arbitror, quo facilius appareat ita degenerasse a suorum virtutibus Nero, ut tamen vitia cuiusque quasi
- 2 tradita et ingenita retulerit. Ut igitur paulo altius repetam, atavus eius CN. Domitius in tribunatu pontificibus offensior,²⁵ quod alium quam se in patris sui locum cooptassent, ius sacerdotum subrogandorum a collegiis ad populum transtulit, at in consulatu Allobrogibus Arvernisque superatis, elephanto per provinciam vectus est, turba militum quasi

inter sollemnia triumphi prosequente. In hunc dixit Licinius Crassus orator, *non esse mirandum, quod aeneam barbam haberet, cui os ferreum, cor plumbeum esset.* Huius filius praetor C. Caesarem abeuntem consulatu, quem adversus auspicia legesque gessisse existimabatur, ad disquisitionem senatus vocavit; mox consul imperatorem ab exercitibus Gallicis retrahere temptavit, successorque ei per factionem nominatus, principio civilis belli ad Corfinium captus est. Unde dimissus Massiliensis obsidione laborantis cum adventu suo confirmasset, repente destituit, acieque demum Pharsalica occubuit; vir neque satis constans et ingenio truci, in desperatione rerum mortem timore appetitam ita expavit, ut haustum venenum paenitentia evomuerit medicumque muniverit, quod sibi prudens ac sciens minus noxium temperasset. Consultante autem CN. Pompeio de mediis ac neutram partem sequentibus, solus censuit hostium numero habendos.

Reliquit filium omnibus gentis suae procul dubio praefectum. Is inter conscios Caesarianae necis quamquam insons damnatus lege Pedia, cum ad Cassium Brutumque se propinqua sibi cognatione iunctos contulisset, post utriusque interitum classem olim commissam retinuit, auxit etiam, nec nisi partibus ubique profligatis M. Antonio sponte et ingentis meriti loco tradidit; solusque omnium ex iis, qui pari lege damnati erant, restitutus in patriam, amplissimos honores percucurrit; ac subinde redintegrata dissensione civili, eidem Antonio legatus, delatam sibi summam imperii ab iis, quos Cleopatrae pudebat, neque suscipere neque recusare fidenter propter subitam valitudinem ausus, transiit ad Augustum et in diebus paucis obiit, nonnulla et ipse infamia aspersus. Nam Antonius eum desiderio amicae Serviliae Naidis transfugisse iactavit.

Ex hoc Domitius nascitur, quem emptorem familiae pecuniaeque in testamento Augusti fuisse mox vulgo notatum est, non minus aurigandi arte in adolescentia clarus quam deinde ornamentis triumphalibus ex Germanico bello. Verum arrogans, profusus, immitis censorem L. Plancum via sibi decedere aedilis coegit; praeturae consulatusque honore equites R. matronasque ad agendum mimum produxit in scaenam.

Venationes et in circo et in omnibus urbis regionibus dedit, munus etiam gladiatorium, sed tanta saevitia, ut necesse fuerit
 5 Augusto clam frustra monitum edicto coercere. Ex Antonia maiore patrem Neronis procreavit, omni parte vitae detestabilem. Siquidem comes ad Orientem C. Caesaris iuvenis, 5 occiso liberto suo, quod potare quantum iubebatur recusarat, dimissus e cohorte amicorum nihilo modestius vixit. Sed et in viae Appiae vico repente puerum citatis iumentis haud ignarus obtrivit, et Romae medio foro cuidam equiti R. liberius iurganti oculum eruit; perfidiae vero tantae, ut non 10 modo argentarios pretiis rerum coemptarum, sed et in praetura mercede palmarum aurigarios fraudaverit; notatus ob haec et sororis ioco,* querentibus dominis factionum repraesentanda praemia in posterum sauxit. Maiestatis quoque et adulteriorum incestique cum sorore Lepida sub excessu Ti- 15 beri reus, mutatione temporum evasis decessitque Pyrgis morbo aquae intercutis, sublato filio Nerone ex Agrippina, Germanico genita.

6 Nero natus est Anti post VIII mensem quam Tiberius excessit, XVIII. Kl. Ian. tantum quod exoriente sole, paene 20 ut radiis prius quam terra contingeretur. De genitura eius statim multa et formidolosa multis coiectantibus, praesagio fuit etiam Domitii patris vox, inter gratulationes amicorum *negantis quicquam ex se et Agrippina nisi detestabile et malo publico nasci potuisse*. Eiusdem futurae infelicitatis 25 signum evidens die lustrico extitit; nam C. Caesar, rogante sorore ut infanti quod vellet nomen daret, intuens Claudium patrum suum, a quo mox principe Nero adoptatus est, *eius se dixit dare*, neque ipse serio sed per iocum, et aspernante Agrippina, quod tum Claudius inter ludibria aulae erat. 30

Trimulus patrem amisit; cuius ex parte tertia heres, ne hanc quidem integram cepit, correptis per coheredem Gaium universis bonis. Et subinde matre etiam relegata, paene inops atque egens apud amitam Lepidam nutritus est, sub 35 duobus paedagogis saltatore atque tonsore. Verum Claudio imperium adepto, non solum paternas opes recipervit, sed et Crispi Passieni vitrici sui hereditate ditatus est. Gratia quidem et potentia revocatae restitutaeque matris usque eo

floruit, ut emanaret in vulgus, missos a Messalina uxore Claudii, qui eum meridianem, quasi Britannici aemulum, strangularent. Additum fabulae, at eosdem dracone e pulvino se proferente contreritos refugisse. Quae fabula exorta est, deprensis in lecto eius circum cervicalia serpentis exuviis; quas tamen aureae armillae ex voluntate matris inclusas dextro brachio gestavit aliquandiu, ac taedio tandem maternae memoriae abiecit, rursusque extremis suis rebus frustra requisivit.

10 Tener adhuc necdum matura pueritia circensibus ludis Troiam constantissime favorabiliterque ludit. Undecimo aetatis anno a Claudio adoptatus est Annaeque Senecae iam tunc senatori in disciplinam traditus. Ferunt, Senecam proxima nocte visum sibi per quietem C. Caesari praecipere, et fidem
15 somnio Nero brevi fecit, prodita immanitate naturae quibus primum potuit experimentis. Namque Britannicum fratrem, quod se post adoptionem Aenobarbum ex consuetudine salutasset, ut subditivum apud patrem arguere conatus est. Amitam autem Lepidam ream testimonio coram afflixit, gratificans matri, a qua rea premebatur.

Deductus in forum tiro populo congiarium, militi donativum proposuit, indictaque decursione praetorianis scutum sua manu praetulit; exin patri gratias in senatu egit. Apud eundem consulem pro Bononiensibus Latine, pro Rhodis atque Iliensibus Graece verba fecit. Auspicatus est et iuris dictionem praefectus urbi sacro Latinarum, celeberrimis patronis non tralaticias ut assolet et brevis, sed maximas plurimasque postulationes certatim ingerentibus, quamvis interdictum a Claudio esset. Nec multo post duxit uxorem Octaviam, ediditque pro Claudii salute circenses et venationem.

30 Septemdecim natus annos, ut de Claudio palam factum est, inter horam sextam septimamque processit ad excubitores, cum ob totius diei diritatem non aliud auspicandi tempus accommodatius videretur: proque Palati gradibus imperator
35 consalutatus, lectica in castra et inde raptim appellatis militibus in curiam delatus est, discessitque iam vesperi, ex immensis, quibus cumulabatur, honoribus tantum patris patriae nomine recusato propter aetatem.

9 Orsus hinc a pietatis ostentatione, Claudium apparatissimo funere elatum laudavit et consecravit. Memoriae Domitii patris honores maximos habuit. Matri summam omnium rerum privatarum publicarumque permisit. Primo etiam imperii die signum excubanti tribuno dedit *Optimam matrem*,⁵ ac deinceps eiusdem saepe lectica per publicum simul vectus est. Antium coloniam deduxit, ascriptis veteranis e praetorio additisque per domicilii translationem ditissimis primipilariis; ubi et portum operis sumptuosissimi fecit.

10 Atque ut certiore adhuc indolem ostenderet, *ex Augusti*¹⁰ *praescripto* imperaturum se professus, neque liberalitatis neque clementiae, ne comitatis quidem exhibendae ullam occasionem omisit. Graviora vectigalia aut abolevit aut minuit. Praemia delatorum Papiae legis ad quartas redegit. Divisis populo viritim quadringenis nummis, senatorum nobilissimo¹⁵ cuique, sed a re familiari destituto annua salaria, et quibusdam quingena, constituit, item praetorianis cohortibus frumentum menstruum gratuitum. Et cum de supplicio cuiusdam capite damnati ut ex more subscriberet admoneretur: *Quam vellem*, inquit, *nescire litteras!* Omnis ordines sub²⁰ inde ac memoriter salutavit. Agenti senatui gratias respondit: *Cum meruero*. Ad campestris exercitationes suas admisit et plebem, declamavitque saepius publice; recitavit et carmina, non modo domi sed et in theatro, tanta universorum laetitia, ut ob recitationem supplicatio decreta sit, eaque²⁵ pars carminum aureis litteris Iovi Capitolino dicata.

11 Spectaculorum plurima et varia genera edidit: iuvenales, circenses, scenicos ludos, gladiatorium munus. Iuvenalibus senes quoque consulares anusque matronas recepit ad lulum. Circensibus loca equiti secreta a ceteris tribuit, commisitque³⁰ etiam camelorum quadrigas. Ludis, quos pro aeternitate imperii susceptos appellari maximos voluit, ex utroque ordine et sexu plerique ludicras partes sustinuerunt; notissimus eques R. elephanto supersidens per catadromum decucurrit; inducta Afrani togata, quae Incendium inscribitur, concessumque ut scaenici ardentis domus supellectilem diriperent ac sibi haberent; sparsa et populo missilia omnium rerum per omnes dies: singula cotidie milia avium cuiusque generis,

multiplex penus, tesserae frumentariae, vestis, aurum, argentum, gemmae, margaritae, tabulae pictae, mancipia, iumenta, atque etiam mansuetae ferae, novissime naves, insulae, agri. Hos ludos spectavit e prosceni fastigio. Munere, quod in 12
 5 amphitheatro ligneo regione Martii campi intra anni spatium fabricato dedit, neminem occidit, ne noxiorum quidem; exhibuit autem ad ferrum etiam quadringentos senatores sescentosque equites Romanos, et quosdam fortunae atque existimationis integrae, ex isdem ordinibus confectores quoque ferarum et varia harenae ministeria; exhibuit et naumachiam marina aqua, innantibus beluis; item pyrrichas quasdam e numero ephoborum, quibus post editam operam diplomata civitatis Romanae singulis optulit. Inter pyrricharum argumenta taurus Pasiphaam ligneo iuvencae simulacro abditam iniit, ut
 10 multi spectantium crediderunt; Icarus primo statim conatu iuxta cubiculum eius decidit ipsumque cruore respersit. Nam perraro praesidere, ceterum accubans, parvis primum foraminibus, deinde toto podio adaperto spectare consuevit.

Instituit et quinquennale certamen primus omnium Romae
 20 more Graeco triplex, musicum gymnicum equestre, quod appellavit Neronia; dedicatisque thermis atque gymnasio, senatui quoque et equiti oleum praebuit. Magistros toto certamini praeposuit consulares sorte, sede praetorum. Deinde in orchestram senatumque descendit, et orationis quidem carminisque Latini coronam, de qua honestissimus quisque contenderat, ipsorum consensu concessam sibi recepit, citharae autem a iudicibus ad se delatam adoravit ferrique ad Augusti statuam iussit. Gymnico, quod in Septis edebat, inter buthysiae apparatus barbam primam posuit, conditamque in
 30 auream pyxidem et pretiosissimis margaritis adornatam Capitolio consecravit. Ad athletarum spectaculum invitavit et virgines Vestales, quia Olympiae quoque Cereris sacerdotibus spectare conceditur.

Non immerito inter spectacula ab eo edita et Tiridatis in 13
 35 urbem introitum retulerim. Quem Armeniae regem, magnis pollicitationibus sollicitatum, cum destinato per edictum die ostensurus populo propter nubilum distulisset, produxit quo opportunissime potuit, dispositis circa fori templa armatis

cohörtibus, curuli residens apud rostra triumphantis habitu, inter signa militaria atque vexilla; et primo per devexum pulpitu subeuntem admisit ad genua adlevatumque dextra exosculatus est, dein precanti tiara deducta diadema inposuit, verba supplicis interpretata praetorio viro multitudini pronuntiante; perductum inde in theatrum ac rursus supplican-tem iuxta se latere dextro conlocavit. Ob quae imperator
 14 consulatus, laurea in Capitolium lata, Ianu geminu clausit, tam nullo quam residuo bello.

Consulatus quattuor gessit : primum bimenstrem, secundum et novissimu semenstres, tertiu quadrimenstrem; medios duos continuavit, reliquos inter annua spatia variavit.
 15 In iuris dictione postulato-ribus, nisi sequenti die ac per libellos, non temere respondit. Cognoscendi morem eum tenuit, ut continuis actionibus omissis singillatim quaeque per vices
 15 ageret. Quotiens autem ad consultandum secederet, neque in commune quicquam neque propalam deliberabat, sed et conscriptas ab uno quoque sententias tacitus ac secreto legens, quod ipsi libuisset perinde atque pluribus idem videretur pronuntiabat.

In curiam libertinorum filios diu non admisit; admissis a prioribus principibus honores denegavit. Candidatos, qui supra numerum essent, in solatium dilationis ac morae legionibus praeposuit. Consulatu in senos plerumque menses dedit. Defunctoque circa Kl. Ian. altero e consulibus, nemi-
 25 nem substituit, improbens exemplum vetus Canini Rebili uno die consulis. Triumphalia ornamenta etiam quaestoriae dignitatis et nonnullis ex equestri ordine tribuit, nec utique de causa militari. De quibusdam rebus orationes ad senatu missas, praeterito quaestoris officio, per consulem plerum-
 30 que recitabat. Formam aedificiorum urbis novam excogitavit, et ut ante insulas ac domos porticus essent, de quarum solariis incendia arcerentur; easque sumptu suo extruxit. Destinarat etiam Ostia tenu moenia promovere atque inde fossa mare veteri urbi inducere.

Multa sub eo et animadversa severe et coercita, nec minus instituta: adhibitus sumptibus modus; publicae caenae ad sportulas redactae; interdictum ne quid in popinis cocti

praeter legumina aut holera veniret, cum antea nullum non obsonii genus proponeretur; afflicti suppliciis Christiani, genus hominum superstitionis novae ac maleficae; vetiti quadrigariorum lusus, quibus inveterata licentia passim vagantibus
 5 fallere ac furari per iocum ius erat; pantomimorum factiones cum ipsis simul relegatae; adversus falsarios tunc pri- 17
 mum repertum, ne tabulae nisi pertusae ac ter lino per foramina traiecto obsignarentur; cautum ut testamentis primae duae cerae, testatorum modo nomine inscripto, vacuae
 10 signaturis ostenderentur, ac ne qui alieni testamenti scriptor legatum sibi ascriberet; item ut litigatores pro patrociniis certam iustamque mercedem, pro subsellis nullam omnino darent, praebente aerario gratuita; utque rerum actu ab aerario causae ad forum ac reciperatores transferrentur, et ut
 15 omnes appellationes a iudicibus ad senatum fierent.

Augendi propagandique imperii neque voluntate ulla ne- 18
 que spe motus umquam, etiam ex Britannia deducere exercitum cogitavit, nec nisi verecundia, ne obtrectare parentis gloriae videretur, destitit. Ponti modo regnum concedente
 20 Polemone, item Alpium defuncto Cottio in provinciae formam redegit.

Peregrinationes duas omnino suscepit, Alexandrinam et 19
 Achaicam; sed Alexandrina ipso profectionis die destitit, turbatus religione simul ac periculo. Nam cum circumitis
 25 templis in aede Vestae resedisset, consurgenti ei primum lacinia obhaesit, deinde tanta oborta caligo est, ut dispicere non posset. In Achaia Isthmum perfodere adgressus, praetorianos pro contione ad inchoandum opus cohortatus est, tubaque signo dato primus rastello humum effodit et corbulae
 30 congestam umeris extulit. Parabat et ad Caspiae portas expeditionem, conscripta ex Italicis senum pedum tironibus nova legione, quam Magni Alexandri phalanga appellabat.

Haec partim nulla reprehensione, partim etiam non mediocri laude digna in unum contuli, ut secernerem a probis
 35 ac sceleribus eius, de quibus dehinc dicam.

Inter ceteras disciplinas pueritiae tempore imbutus et 20
 musica, statim ut imperium adeptus est, Terpnium citharodum, vigentem tunc praeter alios, arcessiit diebusque con-

tinuis post caenam canenti in multam noctem assidens, paulatim et ipse meditari exerceique coepit, neque eorum quicquam omittere, quae generis eius artifices vel conservandae vocis causa vel augendae factitarent; sed et plumbeam chartam supinus pectore sustinere, et clystere vomituque purgari, et abstinere pomis cibusque officientibus; donec blandiente profectu (quamquam exiguae vocis et fuscae) prodire in scenam concupiit, subinde inter familiares Graecum proverbium iactans, *occultae musicae nullum esse respectum*. Et prodit Neapoli primum, ac ne concusso quidem repente¹⁰ motu terrae theatro ante cantare destitit, quam inchoatum absolveret nomon. Ibidem saepius et per complures cantavit dies; sumpto etiam ad reficiendam vocem brevi tempore, impatiens secreti a balineis in theatrum transiit, mediaque in orchestra frequente populo epulatus, *si paulum subbibisset*,¹⁵ *aliquid se sufferti tinnituum* Graeco sermone promisit. Captus autem modulatis Alexandrinorum laudationibus, qui de novo commeatu Neapolim confluerant, plures Alexandria evocavit. Neque eo segnius adolescentulos equestris ordinis et quinque amplius milia e plebe robustissimae iuven-²⁰tutis undique elegit, qui divisi in factiones, plausuum genera condiscerent (bombos et imbrices et testas vocabant) operamque navarent cantanti sibi, insignes pinguissima coma et excellentissimo cultu* pueris ac sine anulo laeviis, quorum duces quadringena milia sestertia merebant.²⁵

- 21 Cum magni aestimaret cantare etiam Romae, Neroneum agona ante praestitutam diem revocavit, flagitantibusque cunctis caelestem vocem respondit quidem *in hortis* se copiam volentibus facturum, sed adiuvante vulgi preces etiam statione militum, quae tunc excubabat, *repraesentaturum* se³⁰ pollicitus est libens; ac sine mora nomen suum in albo profitentium citharoedorum iussit ascribi, sorticulaque in urnam cum ceteris demissa, intravit ordine suo, simul praefecti praetorii citharam sustinentes, post tribuni militum, iuxtaque amicorum intimi. Utque constitit, peracto principio, *Niobam* se³⁵ *cantaturum* per Cluvium Rufum consularem pronuntiavit et in horam fere decimam perseveravit, coronamque eam et reliquam certaminis partem in annum sequentem distulit, ut

saepius canendi occasio esset. Quod cum tardum videretur, non cessavit identidem se publicare. Dubitavit etiam an privatis spectaculis operam inter scenicos daret, quodam praetorum sestertium decies offerente. Tragoedias quoque cantavit personatus, heroum deorumque item heroidum ac dearum personis effectis ad similitudinem oris sui et feminae, prout quamque diligeret. Inter cetera cantavit Canacen parturientem, Oresten matricidam, Oedipodem excaecatam, Herculem insanum. In qua fabula fama est, tirunculum militem positum ad custodiam aditus, cum eum ornari ac vinciri catenis, sicut argumentum postulabat, videret, accurrisse ferendae opis gratia.

Equorum studio vel praecipue ab ineunte aetate flagravit, plurimusque illi sermo, quamquam vetaretur, de circensibus erat; et quondam tractum prasinum agitatore inter condiscipulos querens, obiurgante paedagogo, de Hectore se loqui ementitus est. Sed cum inter initia imperii eburneis quadrigis cotidie in abaco luderet, ad omnis etiam minimos circenses e secessu commeabat, primo clam, deinde propalam; ut nemini dubium esset, eo die utique affuturum. Neque dissimulabat velle se palmarum numerum ampliare; quare spectaculum multiplicatis missibus in serum protrahebatur, ne dominis quidem iam factionum dignantibus nisi ad totius diei cursum greges ducere. Mox et ipse aurigare atque etiam spectari saepius voluit, positoque in hortis inter servitia et sordidam plebem rudimento, universorum se oculis in circo maximo prae-buit, aliquo liberto mittente mappam unde magistratus solent. Nec contentus harum artium experimenta Romae dedisse, Achaïam, ut diximus, petit, hinc maxime motus: instituerant civitates, apud quas musici agones edi solent, omnes citharoedorum coronas ad ipsum mittere. Eas adeo grate recipiebat, ut legatos, qui pertulissent, non modo primos admitteret, sed etiam familiaribus epulis interponeret. A quibusdam ex his rogatus ut cantaret super caenam, exceptusque effusius, *solos scire audire Graecos, solosque se et studiis suis dignos* ait. Nec profectione dilata, ut primum Cassiopen traiecit, statim ad aram Iovis Casii cantare auspicatus, certamina deinceps obiit omnia. Nam et quae diver-

sissimorum temporum sunt, cogi in unum annum, quibusdam etiam iteratis, iussit, et Olympiae quoque praeter consuetudinem musicum agona commisit. Ac ne quid circa haec occupatum avocaret detineretve, cum praesentia eius urticas res egere a liberto Helio admoneretur, rescriptis his verbis: 5

Quamvis nunc tuum consilium sit et votum celeriter reverti me, tamen suadere et optare potius debes, ut Nerone dignus revertar.

Cantante eo, ne necessaria quidem causa excedere theatro licitum est. Itaque et enixae quaedam in spectaculis dicuntur, et multi taedio audiendi laudandique, clausis oppidorum portis, aut furtim desiluisse de muro aut morte simulata funere elati. Quam autem trepide anxieque certaverit, quanta adversariorum aemulatione, quo metu iudicum, vix credi potest. Adversarios, quasi plane conditionis eiusdem, observare, captare, infamare secreto, nonnumquam ex occursum maledictis incessere, ac si qui arte praecellerent, conrumperere etiam solebat. Iudices autem prius quam inciperet reverentissime adloquebatur, *omnia se facienda fecisse, sed eventum in manu esse Fortune; illos ut sapientis et doctos viros fortuita debere excludere;* atque, ut auderet hortantibus, aequiore animo recedebat, ac ne sic quidem sine sollicitudine, taciturnitatem pudoremque quorundam pro tristitia et malignitate arguens suspectosque sibi dicens. In certando vero ita legi oboediebat, ut numquam excreare ausus, sudorem quoque frontis brachio detergeret; atque etiam in tragico quodam actu, cum elapsum baculum cito resumpsisset, pavidus et metuens ne ob delictum certamine summo veretur, non aliter confirmatus est quam adiurante hypocrita, non animadversum id inter exultationes succlamationesque populi. Victorem autem se ipse pronuntiabat; qua de causa et praeconio ubique contendit. Ac ne cuius alterius hieronicarum memoria aut vestigium extaret usquam, subverti et unco trahi abique in latrinas omnium statuas et imagines imperavit. Aurigavit quoque plurifariam, Olympiis vero etiam decemiugem, quamvis id ipsum in rege Mithradate carmine quodam suo reprehendisset; sed excussus curru ac rursus repositus, cum perdurare non posset, destitit ante decursum; 30

neque eo setius coronatus est. Decedens deinde provinciam universam libertate donavit, simulque iudices civitate Romana et pecunia grandi. Quae beneficia e medio stadio Isthmiorum die sua ipse voce pronuntiavit.

5 Reversus e Graecia Neapolim, quod in ea primum artem 25 protulerat, albis equis introiit, disiecta parte muri, ut mos hieroniarum est; simili modo Antium, inde Albanum, inde Romam; sed et Romam eo curru, quo Augustus olim triumphaverat, et in veste purpurea distinctaque stellis aureis clamide, coronamque capite gerens Olympiacam, dextra manu Pythiam, praeunte pompa ceterarum cum titulis, ubi et quos quo cantionum quove fabularum argumento vicisset; sequentibus currum ovantium ritu plausoribus, Augustianos militesque se triumphi eius clamitantibus. Dehinc, diruto circi 15 maximi arcu, per Velabrum forumque Palatium et Apollinem petit. Incedenti passim victimae caesae sparso per vias identidem croco, ingestaeque aves ac lemnisci et bellaria. Sacras coronas in cubiculis circum lectos posuit, item statuas suas citharoedico habitu (qua nota etiam nummum percussit.) 20 Ac post haec tantum afuit a remittendo laxandoque studio, ut conservandae vocis gratia neque milites umquam, nisi absens aut alio verba pronuntiante, appellaret neque quicquam serio iocove egerit, nisi astante phonasco, qui moneret, *parceret arteriis ac sudarium ad os applicaret;* 25 multisque vel amicitiam suam optulerit vel similitatem indixerit, prout quisque se magis parciusve laudasset.

Petulantiam, libidinem, luxuriam, avaritiam, crudelitatem 26 sensim quidem primo et occulte et velut iuvenili errore exercuit, sed ut tunc quoque dubium nemini foret, naturae 30 illa vitia, non aetatis esse. Post crepusculum statim adrepto pilleo vel galero popinas inibat circumque vicos vagabatur ludibundus, nec sine pernicie tamen. Siquidem redeuntis a caena verberare ac repugnantes vulnerare cloacisque demergere assuerat, tabernas etiam effringere et expilare; Quintana 35 domi constituta, ubi partae et ad licitationem dividendae praedae pretium absumeretur. Ac saepe in eius modi rixis oculorum et vitae periculum adiit, a quodam laticlavio, cuius uxorem adtrectaverat, prope ad necem caesus. Quare num-

quam postea publico se illud horae sine tribunis commisit
 procul et occulte subsequenter. Interdium quoque clam ge-
 statoria sella delatus in theatrum, seditionibus pantomimorum
 e parte proscaeni superiore signifer simul ac spectator ade-
 rat; et cum ad manus ventum esset lapidibusque et subsellio-
 rum fragminibus decerneretur, multa et ipse iecit in populum,
 27 atque etiam praetoris caput consauciavit. Paulatim vero in-
 valescentibus vitiis, iocularia et latebras omisit nullaue dis-
 simulandi cura ad maiora palam erupit.

Epulas a medio die ad mediam noctem protrahabat, refo- 10
 tus saepius calidis piscinis ac tempore aestivo nivatis; cae-
 nitabatque nonnumquam et in publico, naumachia praeculsa
 vel Martio campo vel circo maximo, inter scortorum totius
 urbis et ambubaiarum ministeria. Quotiens Ostiam Tiberi
 deflueret aut Baianum sinum praeternavigaret, dispositae per 15
 litora et ripas deversoriae tabernae parabantur insignes
 ganea et matronarum institorio copas imitantium atque hinc
 inde hortantium ut appelleret. Indicebat et familiaribus cae-
 nas, quorum uni mitellita quadragies sestertio constitit, alteri
 pluris aliquanto rosaria. 20

28 Super ingenuorum paedagogia et nuptarum concubinitus
 Vestali virgini Rubriae vim intulit, Acten libertam paulum
 afuit quin iusto sibi matrimonio coniungeret, summissis con-
 sularibus viris qui regio genere ortam peierarent; puerum
 Sporum exectis testibus etiam in muliebrem naturam trans- 25
 figurare conatus, cum dote et flammeo per sollemnia nuptia-
 rum celeberrimo officio deductum ad se pro uxore habuit.
 Extatque cuiusdam non inscitus iocus, *bene agi potuisse cum
 rebus humanis, si Domitius pater talem habuisset uxorem.*
 Hunc Sporum, Augustarum ornamentis excultum lecticaque 30
 vectum, et circa conventus mercatusque Graeciae ac mox
 Romae circa Sigillaria comitatus est, identidem exosculans.
 Nam matris concubinitum appetisse et ab obtrectatoribus eius,
 ne ferox atque impotens mulier et hoc genere gratiae prae-
 valeret, deterritum, nemo dubitavit, utique postquam mere- 35
 tricem, quam fama erat Agrippinae simillimam, inter concu-
 binas recepit. Olim etiam quotiens lectica cum matre vehe-
 retur, libidinum incestu ac maculis vestis proditum affirmant.

Suam quidem pudicitiam usque adeo prostituit, ut conta-
 minatis paene omnibus membris novissime quasi genus lusus
 excogitaret, quo ferae pelle contactus emitteretur e cavea
 virorumque ac feminarum ad stipitem deligatorum inguina
 5 invaderet, et cum affatim desaevisset, conficeretur a Dory-
 phoro liberto; cui etiam, sicut ipsi Sporus, ita ipse denupsit,
 voces quoque et heulatus vim patientium virginum imitatus.
 Ex nonnullis comperi persuasissimum habuisse eum, *neminem*
hominem pudicum aut ulla corporis parte purum esse, ve-
 10 *rum plerosque dissimulare vitium et callide optegere;*
 ideoque professis apud se obsemitatem cetera quoque con-
 cessisse delicta.

Divitiarum et pecuniae fructum non alium putabat quam
 profusionem, *sordidos ac deparcos esse quibus impensa-*
 15 *rum ratio constaret, praelautos vereque magnificos qui*
abuterentur ac perderent. Laudabat mirabaturque avuncu-
 lum Gaium nullo magis nomine, quam quod ingentis a Tibe-
 rio relictas opes in brevi spatio prodegisset. Quare nec
 largiendi nec absumendi modum tenuit. In Tiridatem, quod
 20 vix credibile videatur, octingena nummum milia diurna ero-
 gavit abeuntique super sestertium milies contulit. Menecra-
 ten citharoedum et Spiculum myrmillonem triumphalium viro-
 rum patrimonii aedibusque donavit. Cercopithecum Pane-
 rotem feneratorem, et urbanis rusticisque praediis locupleta-
 25 tum, prope regio extulit funere. Nullam vestem bis induit.
 Quadringenis in punctum sestertiis aleam lusit. Piscatus est
 rete aurato et purpura coccoque funibus nexis. Numquam
 minus mille carrucis fecisse iter traditur, soleis mularum ar-
 genteis, canusinatis mulionibus, armillata falerataque Maza-
 30 cum turba atque cursorum.

Non in alia re tamen damnosior quam in aedificando, do-
 31 mum a Palatio Esquilias usque fecit, quam primo transito-
 riam, mox incendio absumptam restitutamque auream no-
 minavit. De cuius spatio atque cultu suffecerit haec retulisse.
 35 Vestibulum eius fuit, in quo colossus CXX pedum staret ip-
 sius effigie; tanta laxitas, ut porticus triplices miliarias ha-
 beret; item stagnum maris instar, circumsaepum aedificiis ad
 urbium speciem; rura insuper, arvis atque vinetis et pascis

silvisque varia, cum multitudine omnis generis pecudum ac ferarum. In ceteris partibus cuncta auro lita, distincta gemmis unionumque conchis erant; caenationes laqueatae tabulis eburneis versatilibus, ut flores, fistulatis, ut unguenta desuper spargerentur; praecipua caenationum rotunda, quae 5 perpetuo diebus ac noctibus vice mundi circumageretur; balineae marinis et albulis fluentes aquis. Eius modi domum cum absolutam dedicaret, hactenus comprobavit, ut se diceret *quasi hominem tandem habitare coepisse*.

Praeterea inchoabat piscinam a Miseno ad Avernum la- 10 cum, contactam porticibusque conclusam, quo quidquid totis Bais calidarum aquarum esset converteretur; fossam ab Averno Ostiam usque, ut navibus nec tamen mari iretur, longitudinis per centum sexaginta milia, latitudinis, qua contrariae quinquereemes commearent. Quorum operum perficien- 15 dorum gratia quod ubique esset custodiae in Italiam deportari, etiam scelere convictos nonnisi ad opus damnari praeceperat.

Ad hunc impendiorum furorem, super fiduciam imperii, etiam spe quadam repentina immensarum et reconditarum opum 20 impulsus est ex indicio equitis R. pro comperto pollicentis, thesauros antiquissimae gazae, quos Dido regina fugiens Tyro secum extulisset, esse in Africa vastissimis specubus 32 abditos, ac posse erui parvula molientium opera. Verum ut spes fefellit, destitutus, atque ita iam exhaustus et egens ut 25 stipendia quoque militum et commoda veteranorum protrahi ac differri necesse esset, calumniis rapinisque intendit animum.

Ante omnia instituit, ut e libertorum defunctorum bonis pro semisse dextans ei cogeretur, qui sine probabili causa 30 eo nomine essent, quo fuissent ullae familiae quas ipse contingeret; deinde, ut ingratorum in principem testamenta ad fiscum pertinerent, ac ne impune esset studiosis iuris, qui scripsissent vel dictassent ea; tunc ut lege maiestatis facta dictaque omnia, quibus modo delator non deesset, teneren- 35 tur. Revocavit et praemia coronarum, quae umquam sibi civitates in certaminibus detulissent. Et cum interdixisset usum amethystini ac Tyrii coloris, summisissetque qui nun-

dinarum die pauculas uncias venderet, praecusit cunctos negotiatores. Quin etiam inter canendum animadversam matronam in spectaculis vetita purpura cultam demonstrasse procuratoribus suis dicitur, detractamque ilico non veste modo sed et bonis exuit. Nulli delegavit officium ut non adiceret: *Scis quid mihi opus sit!* et *Hoc agamus, ne quis quicquam habeat!* Ultimo templis compluribus dona detraxit simulacraque ex auro vel argento fabricata conflavit, in iis Penatium deorum, quae mox Galba restituit.

10 Parricidia et caedes a Claudio exorsus est; cuius necis 33 etsi non auctor, at conscius fuit, neque dissimulanter, ut qui boletos, in quo cibi genere venenum is acceperat, quasi deorum cibum posthac proverbio Graeco conlaudare sit solitus. Certe omnibus rerum verborumque contumeliis mortuum insectatus est, modo stultitiae modo saevitiae arguens; nam et morari eum desisse inter homines producta prima syllaba iocabatur, multaque decreta et constituta, ut insipientis atque deliri, pro irritis habuit; denique bustum eius consepiri, nisi humili levique maceria, neglexit.

20 Britannicum non minus aemulatione vocis, quae illi iucundior suppetebat, quam metu ne quandoque apud hominum gratiam paterna memoria praevaleret, veneno adgressus est. Quod acceptum a quadam Lucusta, venenariorum indice, cum opinione tardius cederet, ventre modo Britannici moto, 25 accersitam mulierem sua manu verberavit arguens, pro veneno remedium dedisse; excusantique, minus datum ad occultandam facinoris invidiam, *Sane inquit legem Iuliam timeo!* coegitque se coram in cubiculo quam posset velocissimum ac praesentaneum coquere; deinde in aedo expertus, 30 postquam is quinque horas protraxit, iterum ac saepius re-coctum porcello obiecit; quo statim exanimato, inferri in triclinium darique caenanti secum Britannico imperavit. Et cum ille ad primum gustum concidisset, comitali morbo ex consuetudine correptum apud convivas ementitus, postero die 35 raptim inter maximos imbres tralaticio extulit funere. Lucustae pro navata opera impunitatem praediaque ampla, sed et discipulos dedit.

Matrem, facta dictaque sua exquirentem acerbius et cor- 34

rigentem, hactenus primo gravabatur ut invidia identidem oneraret, quasi cessurus imperio Rhodumque abiturus, mox et honore omni et potestate privavit, abductaque militum et Germanorum statione, contubernio quoque ac Palatio expulit; neque in divexanda quicquam pensi habuit, summissis 5 qui et Romae morantem litibus et in secessu quiescentem per convicia et iocos terra marique praetervehentes inquietarent. Verum minis eius ac violentia territus perdere statuit; et cum ter veneno temptasset sentiretque antidotis praemunitam, lacunaria, quae noctu super dormientem laxata machina de- 10 ciderent, paravit. Hoc consilio per conscios parum celato, solutilem navem, cuius vel naufragio vel camarae ruina periret, commentus est, atque ita reconciliatione simulata, iucundissimis litteris Baias evocavit ad sollemnia Quinquatrum simul celebranda; datoque negotio trierarchis, qui liburni- 15 cam qua advecta erat velut fortuito concursu confringerent, protraxit convivium, repetentique Baulos in locum corrupti navigii machinosum illud optulit, hilare prosecutus atque in digressu papillas quoque exosculatus. Reliquum temporis cum magna trepidatione vigilavit, opperiens coeptorum exi- 20 tum. Sed ut diversa omnia nandoque evasisse eam comperit, inops consilii L. Agerinum libertum eius, salvam et incolumem cum gaudio nuntiantem, abiecto clam iuxta pugione ut percussorem sibi subornatum arripi constringique iussit, matrem occidi, quasi deprehensum crimen voluntaria morte vi- 25 tasset. Adduntur his atrociora, nec incertis auctoribus: ad visendum interfectae cadaver accurrisse, contrectasse membra, alia vituperasse, alia laudasse, sitique interim oborta bibisse. Neque tamen conscientiam sceleris, quamquam et militum et senatus populique gratulationibus confirmaretur, aut 30 statim aut umquam postea ferre potuit, saepe confessus exagitari se materna specie verberibusque Furiarum ac taedis ardentibus. Quin et facto per Magos sacro evocare Manes et exorare temptavit. Peregrinatione quidem Graeciae et Eleusinis sacris, quorum initiatione impii et scelerati voce prae- 35 conis summoventur, interesse non ausus est.

Iunxit parricidio matris amitae necem. Quam cum ex duritie alvi cubantem visitaret, et illa tractans lanuginem eius,

ut assolet, iam grandis natu per blanditias forte dixisset: *Simul hanc excepero, mori volo*: conversus ad proximos *confestim se positurum* velut irridens ait, praecepitque medicis ut largius purgarent aegram, necdum defunctae bona
 5 invasit, suppresso testamento, ne quid abscederet.

Uxores praeter Octaviam duas postea duxit: Poppaeam 35
 Sabinam, quaestorio patre natam et equiti R. antea nuptam, deinde Statiliam Messalinam, Tauri bis consulis ac triumphalis abneptem. Qua ut poteretur, virum eius Atticum Vestinum consulem in honore ipso trucidavit. Octaviae consuetudinem cito aspernatus, corripientibus amicis *sufficere illi debere* respondit *uxoria ornamenta*. Eandem mox saepe frustra strangulare meditatus, dimisit ut sterilem, sed improbante divortium populo nec parcente convitiis, etiam rele-
 10 gavit, denique occidit sub crimine adulteriorum adeo inpu-
 15 denti falsoque, ut in quaestione pernegantibus cunctis Anicetum paedagogum suum indicem subiecerit, qui fingeret * dolo stupratam a se fateretur. Poppaeam, duodecimo die post divortium Octaviae in matrimonium acceptam, dilexit
 20 unice; et tamen ipsam quoque ictu calcis occidit, quod se ex aurigatione sero reversum gravida et aegra conviciis incesserat. Ex hac filiam tulit Claudiam Augustam, amisitque admodum infantem.

Nullum adeo necessitudinis genus est, quod non scelere
 25 perculerit. Antoniam Claudi filiam, recusantem post Poppaeae mortem nuptias suas, quasi molitricem novarum rerum interemit. Similiter * inter ceteros aut affinitate aliqua sibi aut propinquitate coniunctos; in quibus Aulum Plautium iuvenem, quem cum ante mortem per vim conspurcasset,
 30 *Eat nunc inquit mater mea et successorem meum osculetur!* iactans dilectum ab ea et ad spem imperii impulsus. Privignum Rufium Crispinum Poppaea natum, impuberem adhuc, quia ferebatur ducatus et imperia ludere, mergendum mari, dum piscaretur, servis ipsius demandavit. Tuscum nutricis
 35 filiam relegavit, quod in procuratione Aegypti balineis in adventum suum exstructis lavisset. Senecam praeceptorem ad necem compulit, quamvis saepe commeatum petenti bonisque cedenti persancte iurasset, suspectum se frustra per-

iturumque potius quam nociturum ei. Burro praefecto remedium ad fauces pollicitus, toxicum misit. Libertos divites et senes, olim adoptionis mox dominationis suae fautores atque rectores, veneno, partim cibis partim potionibus indito, intercepit.

36 Nec minore saevitia foris et in externos grassatus est. Stella crinita, quae summis potestatibus exitium portendere vulgo putatur, per continuas noctes oriri coeperat. Anxius ea re, ut ex Balbillo astrologo didicit, solere reges talia ostenta caede aliqua illustri expiare atque a semet in capita 13 procerum depellere, nobilissimo cuique exitium destinavit; enimvero multo magis et quasi per iustam causam duabus coniurationibus provulgatis, quarum prior maiorque Pisoniana Romae, posterior Vinicianae Beneventi conflata atque detecta est. Coniurati e vinculis triplicium catenarum dixere 15 causam, cum quidam ultro crimen faterentur, nonnulli etiam imputarent, tamquam *aliter illi non possent nisi morte succurrere dedecorato flagitiis omnibus*. Damnatorum liberi urbe pulsati enectique veneno aut fame; constat, quosdam cum paedagogis et capsaris uno prandio pariter necatos, alios 20 diurnum victum prohibitos quaerere.

37 Nullus posthac adhibitus dilectus aut modus interimendi quoscumque libuisset quacumque de causa. Sed ne de pluribus referam, Salvidieno Orfito obiectum est quod tabernae 25 tres de domo sua circa forum civitatibus ad stationem locasset, Cassio Longino iuris consulto ac luminibus orbato, quod in vetere gentili stemmate C. Cassi percussoris Caesaris imagines retinuisset, Paeto Thraseae tristior et paedagogi vultus. Mori iussis non amplius quam horarum spatium dabat; ac ne quid morae interveniret, medicos admovebat qui cun- 30 ctantes continuo curarent (ita enim vocabatur venas mortis gratia incidere). Creditur etiam polyphago cuidam Aegypti generis, crudam carnem et quidquid daretur mandere assueto, concupisse vivos homines laniandos absumendosque obicere. Elatus inflatusque tantis velut successibus, negavit 35 *quemquam principum scisse quid sibi liceret*, multasque nec dubias significationes saepe iecit, ne reliquis quidem se parsurum senatoribus, eumque ordinem sublaturum

quandoque e re p. ac provincias et exercitus equiti R. ac libertis permissurum. Certe neque adveniens neque proficiens quemquam osculo impertiit, ac ne resalutatione quidem; et in auspicando opere Isthmi magna frequentia clare
 5 *ut sibi ac populo R. bene res verteret* optavit, dissimulata senatus mentione.

Sed nec populo aut moenibus patriae pepercit. Dicente 38 quodam in sermone communi:

Ἐμοῦ θανόντος γαῖα μυχθήτω πυρί!

10 *Immo*, inquit, *ἔμοῦ ζῶντος!* planeque ita fecit. Nam quasi offensus deformitate veterum aedificiorum et angustiis flexurisque vicorum, incendit urbem tam palam, ut plerique consulares cubicularios eius, cum stuppa taedaeque in praediis suis deprehensos, non attigerint; et quaedam horrea circa
 15 domum Auream, quorum spatium maxime desiderabat, ut bellicis machinis labefacta atque inflammata sint, quod saxeo muro constructa erant. Per sex dies septemque noctes ea clade saevitum est, ad monumentorum bustorumque diversoria plebe compulsa. Tunc praeter immensum numerum insu-
 20 larum domus priscorum ducum arserunt hostilibus adhuc spoliis adornatae, deorumque aedes ab regibus ac deinde Punicis et Gallicis bellis votae dedicataeque, et quidquid visendum atque memorabile ex antiquitate duraverat. Hoc incendium e turre Maecenatiana prospectans laetusque *flammae*,
 25 ut aiebat, *pulchritudine* Halosin Ilii in illo suo scaenico habitu decantavit. Ac ne non hinc quoque quantum posset praedae et manubiarum invaderet, pollicitus cadaverum et ruderum gratuitam egestionem, nemini ad reliquias rerum suarum adire permisit; conlationibusque non receptis modo
 30 verum et efflagitatis provincias privatorumque census prope exhaustit. Accesserunt tantis ex principe malis probrisque 39 quaedam et fortuita: pestilentia unius autumnus, quo triginta funerum milia in rationem Libitinae venerunt; clades Britannica, qua duo praecipua oppida magna civium sociorumque
 35 caede direpta sunt; ignominia ad Orientem, legionibus in Armenia sub iugum missis aegreque Syria retenta. Mirum et vel praecipue notabile inter haec fuerit, nihil eum patientius quam maledicta et convitia hominum tulisse, neque in

ullos leniorem quam qui se dictis aut carminibus lacessissent extitisse. Multa Graece Latineque proscripta aut vulgata sunt, sicut illa:

Νέρων Ὀρέστῃς Ἀλκμέων μητροκτόνος.

Νεόνυμφον Νέρων ἰδίαν μητέρα ἀπέκτεινε.

5

Quis negat Aeneae magnae de stirpe Neronem?

Sustulit hic matrem, sustulit ille patrem.

Dum tendit citharam noster, dum cornua Parthus,

Noster erit Paeon, ille Hecatebeletes.

Roma domus fiet: Veios migrate, Quirites,

Si non et Veios occupat ista domus.

10

Sed neque auctores requisit et quosdam per indicem delatos ad senatum adfici graviore poena prohibuit. Transeuntem eum Isidorus Cynicus in publico clara voce corripuerat, quod *Naupli mala bene cantitaret, sua bona male disponeret*; et Datus Atellanarum histrio in cantico quodam *Ὑγίαινε πάτερ, ὕγίαινε μήτερο!* ita demonstraverat, ut bibentem natantemque faceret, exitum scilicet Claudii Agrippinaeque significans, et in novissima clausula *Orcus vobis ducit pedes* senatum gestu notarat. Histrionem et philosophum Nero nihil amplius quam urbe Italiaque summovit, vel contemptu omnis infamiae vel ne fatendo dolorem irritaret ingenia.

40 Talem principem paulo minus quattuordecim annos perpessus terrarum orbis tandem destituit, initium facientibus Gallis duce Iulio Vindice, qui tum eam provinciam pro praetore optinebat.

Praedictum a mathematicis Neroni olim erat, fore, ut quandoque destitueretur; unde illa vox eius celeberrima: *Τὸ τέχνηον ἡμᾶς διαθρέψει*, quo maiore scilicet venia meditarietur citharoedicam artem, principi sibi gratam, privato necessariam. Sponponderant tamen quidam destituto Orientis dominationem, nonnulli nominatim regnum Hierosolymorum, plures omnis pristinae fortunae restitutionem. Cui spei pro-

30

nior, Britannia Armeniaque amissa ac rursus utraque recepta, defunctum se fatalibus malis existimabat. Ut vero, consulto Delphis Apolline, septuagensimum ac tertium annum cavendum sibi audivit, quasi eo demum obiturus, ac nihil
 5 coniectans de aetate Galbae, tanta fiducia non modo senectam sed etiam perpetuam singularemque concepit felicitatem, ut amissis naufragio pretiosissimis rebus non dubitaverit inter suos dicere, *pisces eas sibi relatu*ros.

Neapoli de motu Galliarum cognovit die ipso quo matrem
 10 occiderat, adeoque lente ac secure tulit ut gaudentis etiam suspicionem praeberet, tamquam occasione nata spoliandarum iure belli opulentissimarum provinciarum; statimque in gymnasium progressus, certantis athletas effusissimo studio spectavit. Caenae quoque tempore interpellatus tumultuo-
 15 sioribus litteris, hactenus excanduit, ut malum iis qui descissent minaretur. Denique per octo continuos dies non rescribere cuquam, non mandare quid aut praecipere conatus, rem silentio oblitteravit. Edictis tandem Vindicis con-
 20 tumeliosis et frequentibus permotus, senatum epistula in ultionem sui reiue publicae adhortatus est, excusato languore faucium, propter quem non adesset. Nihil autem aequè doluit, quam ut malum se citharoedum increpitum ac pro Nerone Aenobarbum appellatum. Et nomen quidem gentile, quod sibi per contumeliam exprobraretur, resumpturum se
 25 professus est, deposito adoptivo, cetera convitia, ut falsa, non alio argumento refellebat, quam quod etiam inscitia sibi tanto opere elaboratae perfectaeque a se artis obiceretur, singulos subinde rogitans, *nossentne quemquam praestantio*rem. Sed urgentibus aliis super alios nuntiis, Romam
 30 praetrepidus rediit; leviterque modo in itinere frivolo auspicio mente recreata, cum adnotasset insculptum monumento militem Gallum ab equite R. oppressum trahi crinibus, ad eam speciem exiluit gaudio caelumque adoravit. Ac ne tunc quidem aut senatu aut populo coram appellato, quosdam e
 35 primoribus viris domum evocavit, transactaque raptim consultatione, reliquam diei partem per organa hydraulica novi et ignoti generis circumduxit, ostendensque singula, de ratione ac difficultate cuiusque disserens, *iam se etiam prola*-

turum omnia in theatrum affirmavit, si per Vindicem liceat.

42 Postquam deinde etiam Galbam et Hispanias descivisse cognovit, conlapsus animoque male fracto diu sine voce et prope intermortuus iacuit, utque resipit, veste discissa, capite converberato, *actum de se pronuntiavit*, consolantique nutriculae et aliis quoque iam principibus similia accidissememoranti, *se vero praeter ceteros inaudita et incognita pati respondit, qui summum imperium vivus amitteret.* Nec eo setius quicquam ex consuetudine luxus atque desidiae¹⁰ omisit vel imminuit; quin immo, cum prosperi quiddam ex provinciis nuntiatum esset, super abundantissimam caenam iocularia in defectionis duces carmina lasciveque modulata, quae vulgo notuerunt, etiam gesticulatus est; ac spectaculis theatri clam inlatus, cuidam scenico placenti nuntium misit,¹⁵ *abuti eum occupationibus suis.*

43 Initio statim tumultus, multa et inmania, verum non abhorrentia a natura sua creditur destinasse: successores percussoresque summittere exercitus et provincias regentibus, quasi conspiratis idemque et unum sentientibus; quidquid²⁰ ubique exulum, quidquid in urbe hominum Gallicanorum esset contrucidare (illos ne desciscentibus adgregarentur, hos ut consocios popularium suorum atque fautores;) Gallias exercitibus diripiendas permittere; senatum universum veneno per convivia necare; urbem incendere, feris in populum immissis,²⁵ quo difficilius defenderentur. Sed absterritus non tam paenitentia quam perficiendi desperatione, credensque expeditionem necessariam, consules ante tempus privavit honore atque in utriusque locum solus iniit consulatum, quasi fatale esset, non posse Gallias debellari nisi a se consule. Ac susceptis³⁰ fascibus, cum post epulas triclinio digrederetur, innixus umeris familiarium, affirmavit, *simul ac primum provinciam attigisset, inermem se in conspectum exercituum proditurum nec quicquam aliud quam fleturum, revocatisque ad paenitentiam defectoribus insequenti die laetum inter*³⁵ *laetos cantaturum epinicia, quae iam nunc sibi componi oporteret.*

44 In praeparanda expeditione primam curam habuit deligendi

vehicula portandis scaenicis organis, concubinasque quas secum educeret tondendi ad virilem modum et securibus peltisque Amazonicis instruendi. Mox tribus urbanas ad sacramentum citavit, ac nullo idoneo respondente certum dominis servorum numerum indixit; nec nisi ex tota cuiusque familia probatissimos, ne dispensatoribus quidem aut amanuensibus exceptis, recepit. Partem etiam census omnes ordines conferre iussit, et insuper inquilinos privatarum aedium atque insularum pensionem annuam repraesentare fisco; exegitque ingenti fastidio et acerbitate nummum asperum, argentum pustulatum, aurum ad obrussam, ut plerique omnem collationem palam recusarent, consensu flagitantes, a delatoribus potius revocanda praemia quaecumque cepissent. Ex annonae quoque caritate lucranti adcrevit invidia; nam et forte accidit, ut in publica fame Alexandrina navis nuntiaretur pulverem luctatoribus aulicis advexisse.

Quare omnium in se odio incitato, nihil contumeliarum defuit quin subiret. Statuae eius a vertice cirrus appositus est cum inscriptione Graeca, *nunc demum agona esse, et traderet tandem!* Alterius collo ascopera deligata, simulque titulus: *Ego quid potui? sed tu culleum meruisti.* Ascriptum et columnis, iam Gallos eum cantando excitasse. Iam noctibus iurgia cum servis plerique simulantes, crebro Vindicem poscebant.

Terrebatur ad hoc evidentibus portentis somniorum et auspicio-
rum et ominum, cum veteribus tum novis. Numquam antea somniare solitus, occisa demum matre vidit per quietem, navem sibi regenti extortum gubernaculum, trahique se ab Octavia uxore in artissimas tenebras et modo pinnatarum formicarum multitudine oppleri, modo a simulacris gentium ad Pompei theatrum dedicatarum circumiri arcerique progressu; asturconem, quo maxime laetabatur, posteriore corporis parte in simiae speciem transfiguratum, ac tantum capite integro hinnitus edere canoros. De Mausoleo, sponte foribus patefactis, exaudita vox est nomine eum cientis. Kl. Ian. exornati Lares in ipso sacrificii apparatu conciderunt; auspicanti Sporus anulum muneri optulit, cuius gemmae sculptura erat Proserpinae raptus; votorum nuncupatione, magna iam ordinum fre-

quentia, vix repertae Capitoli claves. Cum ex oratione eius, qua in Vindicem perorabat, recitaretur in senatu, daturos poenas sceleratos ac brevi dignum exitum facturos, conclamatum est ab universis: *Tu facies, Auguste!* Observatum etiam fuerat, novissimam fabulam cantasse eum publice Oedipodem exulem atque in hoc desisse versu:

Θανεῖν μ' ἄνωγε σύγγραμος, μήτηρ, πατήρ.

47 Nuntiata interim etiam ceterorum exercituum defectione, litteras praudenti sibi redditas concerpserat, mensam subvertit, duos scyphos gratissimi usus, quos Homeros a caelatura carminum Homeri vocabat, solo inlinit, ac sumpto a Lucusta veneno et in auream pyxidem condito, transiit in hortos Servilianos, ubi, praemissis libertorum fidissimis Ostiam ad classem praeparandam, tribunos centurionesque praetorii de fugae societate temptavit. Sed partim tergiversantibus, partim aperte 15 detrectantibus, uno vero etiam proclamante: *Usque adeone mori miserum est?* varie agitavit, Parthosne an Galbam supplex peteret, an atratus prodiret in publicum proque rostris quanta maxima posset miseratione veniam praeteritorum precaretur, ac ni flexisset animos, vel Aegypti praefecturam concedi sibi oraret. Inventus est postea in scrinio eius hac de 20 re sermo formatus; sed deterritum putant, ne prius quam in forum perveniret discerneretur.

Sic cogitatione in posterum diem dilata, ad mediam fere noctem excitatus, ut comperit stationem militum recessisse, 25 prosiluit e lecto misitque circum amicos, et quia nihil a quoquam renuntiabatur, ipse cum paucis hospitium singulorum adiit. Verum clausis omnium foribus, respondente nullo, in cubiculum rediit, unde iam et custodes diffugerant, direptis etiam stragulis, amota et pyxide veneni; ac statim Spiculum myrmillonem vel quemlibet alium percussorem, cuius manu periret, 30 requisivit, et nemine reperto, *Ergo ego*, inquit, *nec amicum habeo nec inimicum?* procurritque, quasi praecipitaturus se 48 in Tiberim. Sed revocato rursus impetu, aliquid secretioris latebrae ad colligendum animum desideravit, et offerente Phronte liberto suburbanum suum inter Salariam et Nomentanam viam circa quartum miliarium, ut erat nudo pede atque tunica- 35 tus, paenulam obsoleti coloris superinduit, adopertoque capite

et ante faciem optento sudario equum inscendit, quattuor solis comitantibus, inter quos et Sporus erat. Statimque tremore terrae et fulgure adverso pavefactus, audiit e proximis castris clamorem militum et sibi adversa et Galbae prospera ominantium, 5 etiam ex obviis viatoribus quendam dicentem: *Hi Neronem persequuntur*, alium sciscitantem: *Ecquid in urbe novi de Nerone?* Equo autem ex odore abiecti in via cadaveris consternato, detecta facie agnitus est a quodam missicio praetoriano et salutatus. Ut ad deverticulum ventum est, dimissis 10 equis, inter fruticeta ac vepres per harundineti semitam aegre nec nisi strata sub pedibus veste ad aversum villae parietem evasit. Ibi hortante eodem Phaonte, ut interim in specum egestae harenae concederet, negavit *se vicum sub terram iturum*, ac parumper commoratus, dum clandestinus ad villam 15 introitus pararetur, aquam ex subiecta lacuna poturus manu hausit et *Haec est*, inquit, *Neronis decocta!* dein, divolsa sentibus paenula, traiectos surculos rasis. Atque ita quadripes per angustias effossae cavernae receptus in proximam cellam, decubuit super lectum modica culcita, vetere pallio strato, in- 20 structum; fameque et iterum siti interpellante, panem quidem sordidum oblatum aspernatus est, aquae autem tepidae aliquantum bibit. Tunc uno quoque hinc inde instante ut quam 49 primum se impendentibus contumeliis eriperet, scrobem coram fieri imperavit, dimensus ad corporis sui modulum, com- 25 ponique simul, si qua invenirentur, frusta marmoris, et aquam simul ac ligna conferri curando mox cadaveri, flens ad singula atque identidem dictitans: *Qualis artifex pereo!*

Inter moras perlato a cursore Phaonti codicillos praeripuit legitque, se hostem a senatu iudicatum et quaeri, ut punia- 30 tur *more maiorum*, interrogavitque quale id genus esset poenae; et cum comperisset, nudi hominis cervicem inseri furcae, corpus virgis ad necem caedi, contreritus duos pugiones, quos secum extulerat, arripuit, temptataque utriusque acie rursus condidit, causatus *nondum adesse fatalem horam*; ac modo 35 Sporum hortabatur ut lamentari ac plangere inciperet, modo orabat ut se aliquis ad mortem capessendam exemplo iuaret; interdum segnitiam suam his verbis increpabat: *Vivo deformiter, turpiter** — οὐ πρόπει Νέρωνι, οὐ πρόπει — νήφειν

δεῖ ἐν τοῖς τοιούτοις — ἄγε ἔγειρε σεαυτόν! Iamque equites appropinquabant, quibus praeceptum erat ut vivum eum adtraherent. Quod ut sensit, trepidanter effatus:

Ἴππων μὲν ὠκυπόδων ἀμφὶ κτύπος οὐατα βάλλει — ferrum iugulo adegit, iuvante Epaphrodito a libellis. Semianimisque adhuc irrumpenti centurioni et paenula ad vulnus adposita in auxilium se venisse simulanti non aliud respondit quam *Sero!* et *Haec est fides!* Atque in ea voce defecit, extantibus rigentibusque oculis usque ad horrorem formidinemque visentium. Nihil prius aut magis a comitibus exegerat 10 quam ne potestas cuiquam capitis sui fieret, sed ut quoquo modo totus cremaretur. Permisit hoc Icelus, Galbae libertus, non multo ante vinculis exolutus, in quae primo tumultu coniectus fuerat.

50 Funeratus est impensa ducentorum milium, stragulis albis 15 auro intextis, quibus usus Kl. Ian. fuerat. Reliquias Ecloge et Alexandria nutrices cum Acte concubina gentili Domitiorum monumento condiderunt, quod prospicitur e campo Martio impositum colli Hortulorum. In eo monumento solium porphyretici marmoris, superstante Lunensi ara, circumseptum est lapide Thasio. 20

51 Statura fuit prope iusta, corpore maculoso et faetido, subflavo capillo, vultu pulchro magis quam venusto, oculis caesis et hebetioribus, cervice obesa, ventre proiecto, gracillimis cruribus, valitudine prospera (nam qui luxuriae immoderatissi- 25 mae esset, ter omnino per quattuordecim annos languit, atque ita ut neque vino neque consuetudine reliqua abstineret;) circa cultum habitumque adeo pudendus, ut comam semper in gradus formatam peregrinatione Achaica etiam pone verticem summiserit, ac plerumque, synthesinam indutus, ligato circum 30 collum sudario prodierit in publicum sine cinctu et discalciatus.

52 Liberalis disciplinas omnis fere puer attigit. Sed a philosophia eum mater avertit, monens imperaturo contrariam esse: a cognitione veterum oratorum Seneca praeceptor, quo diu- 35 tius in admiratione sui detineret. Itaque ad poeticam pronus, carmina libenter ac sine labore composuit nec, ut quidam putant, aliena pro suis edidit. Venere in manus meas pugillares

libellique cum quibusdam notissimis versibus, ipsius chirographo scriptis, ut facile appareret non tralatos aut dictante aliquo exceptos, sed plane quasi a cogitante atque generante exaratos; ita multa et deleta et inducta et superscripta inerant.

5 Habuit et pingendi fingendique non mediocre studium. 53

Maxime autem popularitate efferebatur, omnium aemulus, qui quoquo modo animum vulgi moverent. Exiit opinio, post scaenicas coronas proximo lustro descensurum eum ad Olympia inter athletas; nam et luctabatur assidue, nec aliter certamina gymnica tota Graecia spectaverat quam brabeutarum more in stadio humi assidens ac, si qua paria longius recessissent, in medium manibus suis protrahens. Destinaverat etiam, quia Apollinem cantu, Solem aurigando aequiperare existimaretur, imitari et Herculis facta; praeparatumque leonem aiunt, 15 quem vel clava vel brachiorum nexibus in amphitheatri arena spectante populo nudus elideret. Sub exitu quidem vitae pa- 54 lam voverat, si sibi incolumis status permansisset, proditulum se partae victoriae ludis etiam hydraulam et choraulam et utricularium, ac novissimo die histrionem saltaturumque Virgili 20 Turnum. Et sunt qui tradant, Paridem histrionem occisum ab eo quasi gravem adversarium. Erat illi aeternitatis perpetuae- 55 que famae cupido, sed inconsulta. Ideoque multis rebus ac locis, vetere appellatione detracta, novam indixit ex suo nomine, mensem quoque Aprilem Neroneum appellavit; desti- 25 naverat et Romam Neropolim nuncupare.

Religionum usque quaque contemptor, praeter unius Deae 56 Syriae. Hanc mox ita sprevit ut urina contaminaret, alia superstitione captus, in qua sola pertinacissime haesit. Siquidem icunculam puellarem, cum quasi remedium insidiarum a plebeio quodam et ignoto muneri accepisset, detecta confestim coniuratione, pro summo numine trinisque in die sacrificiis colere perseveravit, volebatque credi monitione eius futura praenosceret. Ante paucos quam periret menses attendit et extispicio, nec umquam litavit.

35 Obiit tricensimo et secundo aetatis anno, die quo quondam 57 Octaviam interemerat, tantumque gaudium publice praebuit, ut plebs pilleata tota urbe discurreret. Et tamen non defuerunt qui per longum tempus vernis aestivisque floribus tumu-

lum eius ornarent, ac modo imagines praetextatas in rostris proferrent, modo edicta quasi viventis et brevi magno inimicorum malo reversuri. Quin etiam Vologaesus Parthorum rex, missis ad senatum legatis de instauranda societate, hoc etiam magno opere oravit ut Neronis memoria coleretur. Denique cum post viginti annos, adulescente me, extitisset conditionis incertae qui se Neronem esse iactaret, tam favorable nomen eius apud Parthos fuit, ut vehementer adiutus et vix redditus sit.

C. SUETONI TRANQUILLI
DE VITA CAESARUM

LIBER VII.

GALBA. OTHO. VITELLIUS.

G A L B A .

5 Progenies Caesarum in Nerone defecit: quod futurum, 1
compluribus quidem signis, sed vel evidentissimis duobus ap-
paruit. Liviae, olim post Augusti statim nuptias Veientanum
suum revisenti, praetervolans aquila gallinam albam, ramulum
lauri rostro tenentem, ita ut rapuerat, demisit in gremium;
10 cumque nutrirī alitem, pangi ramulum placuisset, tanta pullo-
rum suboles provenit, ut hodieque ea villa ad Gallinas voce-
tur, tale vero lauretum, ut triumphaturi Caesares inde laureas
decerperent; fuitque mos triumphantibus, illas confestim eo-
dem loco pangere; et observatum est, sub cuiusque obitum ar-
15 borem ab ipso institutam elanguisse. Ergo novissimo Neronis
anno et silva omnis exaruit radicitus, et quidquid ibi gallina-
rum erat interiit; ac subinde tacta de caelo Caesarum aede,
capita omnibus simul statuis deciderunt, Augusti etiam sce-
ptrum e manibus excussum est.

20 Neroni Galba successit nullo gradu contingens Caesarum 2
domum, sed haud dubie nobilissimus magnaque et vetere pro-
sapia, ut qui statuarum titulis pronepotem se Quinti Catuli Ca-
pitolini semper ascripserit, imperator vero etiam stemma in
atrio proposuerit, quo paternam originem ad Iovem, maternam
25 ad Pasiphaam Minois uxorem referret.

Imagines et elogia universi generis exequi longum est, fa- 3

miliae breviter attingam. Qui primus Sulpiciorum cognomen Galbae tulit cur aut unde traxerit, ambigitur. Quidam putant, quod oppidum Hispaniae frustra diu oppugnatum inlitis demum galbano facibus succenderit; alii, quod in diuturna valitudine galbeo, id est remediis lana involutis, assidue uteretur; nonnulli, quod praepinguis fuerit visus, quem galbam Galli vocent; vel contra, quod tam exilis, quam sunt animalia quae in aesculis nascuntur appellanturque galbae. Familiam illustravit Servius Galba consularis, temporum suorum et eloquentissimus, quem tradunt Hispaniam ex praetura optinentem, triginta Lusitanorum milibus perfidia trucidatis, Viriathini belli causam extitisse. Eius nepos ob repulsam consulatus infensus Iulio Caesari, cuius legatus in Gallia fuerat, conspiravit cum Cassio et Bruto, propter quod Pedia lege damnatus est. Ab hoc sunt imperatoris Galbae avus ac pater: avus clarior studiis quam dignitate (non enim egressus praeturae gradum) multiplicem nec incuriosam historiam edidit; pater consulatu functus, quamquam brevi corpore, atque etiam gibber, modicaeque indico facultatis, causas industrie actitavit. Uxores habuit Mummiam Achaicam, neptem Catuli proneptemque L. Mummi, qui Corinthum excidit; item Liviam Ocellinam ditem admodum et pulchram, a qua tamen nobilitatis causa appetitus ultro existimatur, et aliquanto enixius post quam subinde instanti vitium corporis secreto posita veste detexit, ne quasi ignaram fallere videretur. Ex Achaica liberos Gaium et Servium procreavit, quorum maior Gaius attritis facultatibus urbe cessit, prohibitusque a Tiberio sortiri anno suo proconsulatum voluntaria morte obiit.

- 4 Ser. Galba Imp. M. Valerio Messala, CN. Lentulo cons. natus est VIII. Kl. Ian. in villa colli superposita prope Terracinam, sinistrorsus Fundos petentibus, adoptatusque a noverca sua Livi nomen et Ocellae cognomen assumpsit, mutato praenomine; nam Lucium mox pro Servio usque ad tempus imperii usurpavit. Constat Augustum puero adhuc, salutanti se inter aequales, apprehensa buccula dixisse: *Καὶ σὺ τέκνον τῆς ἀρχῆς ἡμῶν παραρῶξῃ*. Sed et Tiberius, cum comperisset imperaturum eum verum in senecta, *Vivat sane, ait, quando id ad nos nihil pertinet!* Avo quoque eius ful

gur procuranti, cum exta de manibus aquila rapuisset et in frugiferam quercum contulisset, responsum est, summum sed serum imperium portendi familiae; et ille irridens *Sane*, inquit, *cum mula pepererit*. Nihil aequè postea Galbam tem-
5 ptantem res novas confirmavit quam mulae partus, ceterisque ut obscenum ostentum abhorrentibus, solus pro laetissimo ac cepit memor sacrificii dictique avi.

Sumpta virili toga, somniavit Fortunam dicentem, stare se ante fores defessam, et nisi ocius reciperetur, cuicumque ob-
10 vio praedae futuram. Utque evigilavit, aperto atrio simulacrum aeneum deae cubitali maius iuxta limen invenit, idque gremio suo Tusculum, ubi aestivare consuevit, avexit et in parte aedium consecratum menstruis deinceps supplicationibus et pervigilio anniversario coluit.

15 Quamquam autem nondum aetate constanti, veterem civitatis exoletumque morem ac tantum in domo sua haerentem obstinatissime retinuit, ut liberti servique bis die frequentes adessent ac mane salvere, vesperi valere sibi singuli dicerent. Inter liberales disciplinas attendit et iuri. Dedit et matrimo-
20 nio operam; verum, amissa uxore Lepida duobusque ex ea filiis, remansit in caelibatu, neque sollicitari ulla condicione amplius potuit, ne Agrippinae quidem, viduatae morte Domitii, quae maritum quoque adhuc necdum caelibem Galbam adeo omnibus sollicitaverat modis, ut in conventu matronarum correpta iurgio atque etiam manu pulsata sit a matre
25 Lepidae.

Observavit ante omnis Liviam Augustam, cuius et vivae gratia plurimum valuit et mortuae testamento paene ditatus est; sestertium namque quingenties cum praecipuum inter le-
30 gatarios habuisset, quia notata non perscripta erat summa, herede Tiberio legatum ad quingenta revocante, ne haec quidem accepit.

Honoribus ante legitimum tempus initis, praetor com-
6 missione ludorum Floraliū novum spectaculi genus, elephantos funambulos, edidit; exin provinciae Aquitaniae anno fere praefuit; mox consulatum per sex menses ordinarium gessit, evenitque ut in eo ipse L. Domitio patri Neronis, ipsi Salvius Otho pater Othonis succederet, velut praesagium in-

sequentis casus, quo medius inter utriusque filios extitit imperator.

A Gaio Caesare [*in locum Gaetu*]lici substitutus, postridie quam ad legiones venit, sollemni forte spectaculo plaudentes inhibuit, data tessera, ut manus paenula continerent; statim-⁵ que per castra iactatum est:

Disce miles militare, Galba est, non Gaetulicus!

Pari severitate interdixit commeatus peti. Veteranum ac tiro- nem militem opere assiduo corroboravit, matureque barbaris, qui iam in Galliam usque proruperant, coercitis, praesenti¹⁰ quoque Gaio talem et se et exercitum approbavit, ut inter in- numeras contractasque ex omnibus provinciis copias neque testimonium neque praemia ampliora ulli perciperent; ipse maxime insignis, quod campestem decursionem scuto mode- ratus, etiam ad essedum imperatoris per viginti passuum milia¹⁵ cucurrit.

- 7 Caede Gai nuntiata, multis ad occasionem stimulantibus, quietem praetulit. Per hoc gratissimus Claudio receptusque in cohortem amicorum, tantae dignationis est habitus, ut cum subita ei validudo nec adeo gravis incidisset, dilatus sit expe-²⁰ ditionis Britannicae dies. Africam pro consule biennio optinu- it extra sortem electus ad ordinandam provinciam et intestina dissensione et barbarorum tumultu inquietam; ordinavitque magna severitatis ac iustitiae cura, etiam in parvulis rebus. Militi, qui per expeditionem artissima annona residuum ciba-²⁵ riorum tritici modium centum denariis vendidisse arguebatur, vetuit, simul atque indigere cibo coepisset, a quoquam opem ferri; et is fame extabuit. At in iure dicendo cum de proprie- tate iumentum quaereretur, levibus utrimque argumentis et testi- bus ideoque difficili coniectura veritatis, ita decrevit ut ad la-³⁰ cum, ubi adaquari solebat, duceretur capite involuto, atque ibidem revelato eius esset, ad quem sponte se a potu rece- pisset.

- 8 Ob res et tunc in Africa et olim in Germania gestas orna-³⁵ menta triumphalia accepit et sacerdotium triplex, inter quin- decimviros sodalesque Titios item Augustales cooptatus; at- que ex eo tempore prope ad medium Neronis principatum in secessu plurimum vixit, (ne ad gestandum quidem umquam iter

ingressus quam ut secum vehiculo proximo decies sestertium in auro efferret) donec in oppido Fundis moranti Hispania Tarraconensis oblata est. Acciditque, ut cum provinciam ingressus sacrificaret intra aedem publicam, puero e ministris acerram tenenti capillus repente toto capite canesceret, nec defuerunt qui interpretarentur, significari rerum mutationem successurumque iuveni senem, hoc est ipsum Neroni. Non multo post in Cantabriae lacum fulmen decidit, repertaeque sunt duodecim secures, haud ambiguum summae imperii signum.

10 Per octo annos varie et inaequabiliter provinciam rexit, 9 primo acer et vehemens, et in coercendis quidem delictis vel immodicus. Nam et nummulario non ex fide versanti pecunias manus amputavit mensaeque eius adfixit, et tutorem, quod pupillum, cui substitutus heres erat, veneno necasset, cruce ad-

15 fecit; implorantique leges et civem Romanum se testificant, quasi solatio et honore aliquo poenam levaturus, mutari multoque praeter ceteras altiore et dealbatam statui crucem iussit. Paulatim in desidiam segnitiei que conversus est, ne quid materiae praeberet Neroni, et, ut dicere solebat, *quod nemo*

20 *rationem otii sui reddere cogeretur.*

Carthagine nova conventum agens tumultuari Gallias comperit, legato Aquitaniae auxilia implorante; supervenerunt et Vindicis litterae hortantis, ut humano generi assertorem ducemque se accommodaret. Nec diu cunctatus, conditionem partim metu partim spe recepit; nam et mandata Neronis de nece sua ad procuratores clam missa deprenderat, et confirmabatur cum secundissimis auspiciis et omnibus virginis honestae vaticinatione, tanto magis quod eadem illa carmina sacerdos Iovis Cluniae ex penetrali somnio monitus eruerat, ante ducentos annos similiter a fatidica puella pronuntiata. Quorum carminum sententia erat, *oriturum quandoque ex Hispania principem dominumque rerum.*

Igitur cum quasi manumissioni vacaturus conscendisset tribunal, propositis ante se damnatorum occisorumque a Nerone quam plurimis imaginibus et astante nobili puero, quem exulantem e proxima Baleari insula ob id ipsum acciverat, deploravit temporum statum, consalutatusque imperator legatum se senatus ac populi R. professus est. Deiniustitio indicto,

e plebe quidem provinciae legiones et auxilia conscripsit super exercitum veterem legionis unius duarumque alarum et cohortium trium; at e primoribus prudentia atque aetate praestantibus velut instar senatus, ad quos de maiore re quotiens opus esset referretur, instituit. Delegit et equestris ordinis 5 iuvenes, qui manente anulorum aureorum usu evocati appellerentur excubiasque circa cubiculum suum vice militum agerent. Etiam per provincias edicta dimisit, auctor singulis universisque conspirandi simul, et ut qua posset quisque opera communem causam iuvarent. 10

- Per idem fere tempus in munitione oppidi, quod sedem bello delegerat, repertus est anulus opere antiquo, sculptura gemmae Victoriā cum tropaeo exprimente; ac subinde Alexandrina navis Dertosam appulit armis onusta, sine gubernatore, sine nauta ac vectore ullo, ut nemini dubium esset, iustum 15 piumque et faventibus diis bellum suscipi; cum repente ex inopinato prope cuncta turbata sunt. Alarum altera castris appropinquantem paenitentia mutati sacramenti destituere conata est aegreque retenta in officio, et servi, quos a liberto Neronis ad fraudem praeparatos muneri acceperat, per angiportum in 20 balneas transeuntem paene interemerunt; nisi cohortantibus in vicem ne occasionem omitterent, interrogatisque de qua occasione loquerentur, expressa cruciatu confessio esset.
- 11 Accessit ad tanta discrimina mors Vindicis, qua maxime consternatus destitutoque similis non multum afuit quin vitae re- 25 nuntiaret. Sed supervenientibus ab urbe nuntiis ut occisum Neronem cunctosque in verba sua iurasse cognovit, deposita legati suscepit Caesaris appellationem, iterque ingressus est paludatus ac dependente a cervicibus pugione ante pectus; nec prius usum togae recipervit quam oppressis qui novas res 30 moliebantur, praefecto praetori Nymphidio Sabino Romae, in Germania Fonteio Capitone, in Africa Clodio Macro legatis.
- 12 Praecesserat de eo fama saevitiae simul atque avaritiae, quod civitates Hispaniarum Galliarumque, quae cunctantius sibi accesserant, gravioribus tributis, quasdam etiam murorum 35 destructione punisset et praepositos procuratoresque supplicio capitis adfecisset cum coniugibus ac liberis; quodque oblatam a Tarraconensibus e vetere templo Iovis coronam auream

librarum quindecim conflasset ac tres uncias, quae ponderi deerant, iussisset exigi. Ea fama et confirmata et aucta est, ut primum urbem introiit. Nam cum classiarios, quos Nero ex remigibus iustos milites fecerat, redire ad pristinum statum
 5 cogeret, recusantis atque insuper aquilam et signa pertinacius flagitantis non modo inmisso equite disiecit, sed decimavit etiam. Item Germanorum cohortem a Caesaribus olim ad custodiam corporis institutam multisque experimentis fidelissimam, dissolvit ac sine commodo ullo remisit in patriam, quasi CN.
 10 Dolabellae, iuxta cuius hortos tendebat, proniorem. Illa quoque verene an falso per ludibrium iactabantur, adposita lautiore caena ingemuisse eum; et ordinario quidem dispensatori breviarium rationum offerenti paropsidem leguminis pro sedulitate ac diligentia porrexisset, Cano autem choraulae mire pla-
 15 centi denarios quinque donasse, prolatos manu sua e pecularibus loculis suis.

Quare adventus eius non perinde gratus fuit, idque proximo 13 spectaculo apparuit. Siquidem Atellanis notissimum canticum exorsis: *Venit Onesimus a villa*, cuncti simul spectatores
 20 consentiente voce reliquam partem retulerunt ac saepius versu repetito egerunt. Maiore adeo et favore et auctoritate adeptus 14 est quam gessit imperium, quamquam multa documenta egregii principis daret; sed nequaquam tam grata erant, quam invisa quae secus fierent.

25 Regebatur trium arbitrio, quos una et intra Palatium habitantis nec umquam non adhaerentis paedagogos vulgo vocabant. Ii erant T. Vinius legatus eius in Hispania, cupiditatis immensae; Cornelius Laco ex assessore praefectus praetorii, arrogantia socordiaque intolerabilis; libertus Icelus, paulo
 30 ante anulis aureis et Marciani cognomine ornatus ac iam summae equestris gradus candidatus. His diverso vitiorum genere grassantibus adeo se abutendum permisit et tradidit, ut vix sibi ipse constaret, modo acerbior parciorque, modo remissior ac negligentior quam conveniret principi electo atque illud
 35 aetatis.

Quosdam claros ex utroque ordine viros suspicione minima inauditos condemnavit. Civitatem R. raro dedit, iura trium liberorum vix uni atque alteri, ac ne is quidem nisi ad certum

praefinitumque tempus. Iudicibus sextam decuriam adici precantibus non modo negavit, sed et concessum a Claudio beneficium, ne hieme initioque anni ad iudicandum evocarentur, eripuit. Existimabatur etiam senatoria et equeſtria officia bienni spatio determinaturus, nec daturus nisi invitis ac recusantibus. Liberalitates Neronis, non plus decimis concessis, per quinquaginta equites R. ea condicione revocandas curavit exigendasque, ut et si quid scaenici aut xystici donatum olim vendidissent, auferretur emptoribus, quando illi pretio absumptoolvere nequirent.

At contra nihil non per comites atque liberos pretio addici, aut donari gratia passus est, vectigalia immunitates, poenas innocentium impunitates noxiorum. Quin etiam, populo R. deponente supplicium Haloti et Tigillini, solos ex omnibus Neronis emissariis vel maleficientissimos incolumes praestitit atque insuper Halotum procuratore amplissima ornavit, pro Tigillino etiam saevitiae populum edicto increpuit.

Per haec prope universis ordinibus offensus, vel praecipua flagrabat invidia apud milites. Nam cum in verba eius absentis iurantibus donativum grandius solito praepositi pronuntiassent, neque ratam rem habuit et subinde iactavit, *legere se militem, non emere consuesse*; atque eo quidem nomine omnis, qui ubique erant, exacerbavit. Ceterum praetorianos etiam metu et indignitate commovit, removens subinde plerosque, ut suspectos et Nymphidi socios. Sed maxime fremebat superioris Germaniae exercitus, fraudari se praemis navatae adversus Gallos et Vindicem operae. Ergo primi obsequium rumpere ausi, Kl. Ian. adigi sacramento nisi in nomen senatus recusarunt statimque legationem ad praetorianos cum mandatis destinaverunt, *displicere imperatorem in Hispania factum; eligerent ipsi quem cuncti exercitus comprobarent*.

Quod ut nuntiatum est, despectui esse non tam senectam suam quam orbitatem ratus, Pisonem Frugi Licinianum, nobilem egregiumque iuvenem ac sibi olim probatissimum testamentoque semper in bona et nomen adscitum, repente e media salutantium turba adprehendit filiumque appellans perduxit in castra ac pro contione adoptavit, ne tunc quidem donativi ulla mentione facta. Quo faciliorem occasionem M.

Salvio Othoni prae-buit perficiendi conata intra sextum adoptionis diem.

Magna et assidua monstra iam inde a principio exitum ei, 18
qualis evenit, portenderant. Cum per omne iter dextra sini-
5 straque oppidatim victimae caederentur, taurus securis ictu
consternatus rupto vinculo essedum eius invasit elatisque pe-
dibus totum cruore perfudit; ac descendentem speculator im-
pulsu turbae lancea prope vulneravit. Urbem quoque et deinde
Palatium ingressum excepit terrae tremor et assimilis quidam
10 mugitui sonus. Secuta sunt aliquanto manifestiora. Monile,
margaritis gemmisque consertum, ad ornandam Fortunam suam
Tusculanam ex omni gaza secreverat; id repente quasi augu-
stiore dignius loco Capitolinae Veneri dedicavit, ac proxima
nocte somniavit speciem Fortunae querentis fraudatam se
15 dono destinato, minantisque erepturam et ipsam quae dedisset.
Cumque exterritus luce prima ad expiandum somnium, prae-
missis qui rem divinam appararent, Tusculum excucurrisset,
nihil invenit praeter tepidam in ara favillam atratumque iuxta
senem in catino vitreo thus tenentem et in calice fictili merum.
20 Observatum etiam est, Kl. Ian. sacrificanti coronam de capite
excidisse, auspicanti pullos avolasse; adoptionis die neque
milites adlocuturo castrensem sellam de more positam pro tri-
bunali, oblitis ministris, et in senatu curulem perverse collo-
catam. Prius vero quam occideretur sacrificantem mane ha- 19
25 ruspex identidem monuit, caveret periculum, non longe per-
cussores abesse.

Haud multo post cognoscit teneri castra ab Othone, ac
plerisque ut eodem quam primum pergeret suadentibus, (posse
enim auctoritate et praesentia praevalere) nihil amplius quam
30 continere se statuit et legionariorum firmare praesidiis, qui
multifariam diverseque tendebant. Loricam tamen induit lin-
team, quamquam haud dissimulans parum adversus tot mucro-
nes profuturam. Sed extractus rumoribus falsis, quos con-
spirati, ut eum in publicum elicerent, de industria dissiparant,
35 paucis temere affirmantibus transactum negotium, oppressos,
qui tumultuarentur, advenire frequentis ceteros gratulabundos
et in omne obsequium paratos; iis ut occurreret prodiit, tanta
fiducia ut militi cuidam occisum a se Othonem glorianti Quo

auctore? responderit; atque in forum usque processit. Ibi equites, quibus mandata caedes erat, cum per publicum dimota paganorum turba equos adegissent, viso procul eo, parumper restiterunt; dein rursum incitati desertum a suis contrucidarunt.

- 20 Sunt qui tradant, ad primum tumultum proclamasse eum: *Quid agitis commilitones? ego vester sum, et vos mei!* donativum etiam pollicitum. Plures autem prodiderunt, optulisse ultro iugulum et *ut hoc agerent, ac ferirent, quando ita videretur*, hortatum. Illud mirum admodum fuerit, neque 10 praesentium quemquam opem imperatori ferre conatum et omnes qui arcessirentur sprevisse nuntium, excepta Germanicianorum vexillatione. Ii ob recens meritum quod se aegros et invalidos magnopere fovisset, in auxilium advolaverunt, sed serius, itinere devio per ignorantiam locorum retardati. 15

Iugulatus est ad lacum Curti ac relictus ita uti erat, donec gregarius miles a frumentatione rediens abiecto onere caput ei amputavit; et quoniam capillo arripere non poterat, in gremium addidit, mox inserto per os pollice ad Othonem detulit. Ille laxis calonibusque donavit, qui hasta suffixum non sine lu- 20 dibrio circum castra portarunt, adclamantes identidem: *Galba Cupido, fruaris aetate tua!* maxime irritati ad talem iocorum petulantiam, quod ante paucos dies exierat in vulgus, laudanti cuidam formam suam ut adhuc floridam et vegetam respondisse eum: *Ἐτι μὲν μένος ἔμπεδόν ἐστιν.* Ab is Patro- 25 bii Neroniani libertus centum aureis redemptum eo loco, ubi iussu Galbae animadversum in patronum suum fuerat, abiecit. Sero tandem dispensator Argivus et hoc et ceterum truncum in privatis eius hortis Aurelia via sepulturae dedit.

- 21 Statura fuit iusta, capite praecalvo, oculis caeruleis, 30 adunco naso, manibus pedibusque articulari morbo distortissimis, ut neque calceum perpeti nec libellos evolvere aut tenere omnino valeret. Excreverat etiam in dexteriore latere eius caro, praependebatque adeo ut aegre fascia substringe- 22 retur. Cibi plurimi traditur, quem tempore hiberno etiam ante 35 lucem capere consuevit, inter caenam vero usque eo abundantis, ut congestas super manus reliquias circumferri iuberet spargique ad pedes stantibus. Libidinis in mares pronior, et

eos nonnisi praeduros exoletosque; ferebant in Hispania Icelum e veteribus concubinis, de Neronis exitu nuntiantem, non modo artissimis osculis palam exceptum ab eo, sed ut sine mora velleretur oratum, atque seductum.

5 Periit tertio et septuagesimo aetatis anno, imperii mense 23 septimo. Senatus, ut primum licitum est, statuam ei decreverat rostratae columnae superstantem in parte fori, qua trucidatus est; sed decretum Vespasianus abolevit, percussores sibi ex Hispania in Iudaeam submisisse opinatus.

OTHO.

10 Maiores Othonis orti sunt oppido Ferentio, familia vetere 1 et honorata atque ex principibus Etruriae. Avus M. Salvius Otho, patre equite R. matre humili incertum an ingenua, per gratiam Liviae Augustae, in cuius domo creverat, senator est factus, nec praeturae gradum excessit.

15 Pater L. Otho, materno genere praeclaro multarumque et magnarum propinquitatum, tam carus tamque non absimilis facie Tiberio principi fuit, ut plerique procreatum ex eo crederent. Urbanos honores, proconsulatum Africae et extraordinaria imperia severissime administravit. Ausus etiam est
20 in Illyrico milites quosdam, quod motu Camilli ex paenitentia praepositos suos quasi defectionis adversus Claudium auctores occiderant, capite punire, et quidem ante principia se coram, quamvis ob id ipsum promotos in ampliorem gradum a Claudio sciret. Quo facto sicut gloriam auxit, ita gratiam minuit;
25 quam tamen mature recipere detecta equitis R. fraude, quem prodentibus servis necem Claudio parare compererat. Namque et senatus honore rarissimo, statua in Palatio posita, persecutus est eum et Claudius adlectum inter patricios conlaudans amplissimis verbis, hoc quoque adiecit: *Vir, quo meliores*
30 *liberos habere ne opto quidem.* Ex Albia Terentia splendida femina duos filios tulit, L. Titianum et minorem M. cognominem sibi; tulit et filiam, quam vixdum nubilem Druso Germanici filio despondit.

2 Otho imperator IIII. Kl. Mai. natus est Camillo Arruntio, Domitio Aenobarbo cons. A prima adulescentia prodigus ac procax, adeo ut saepe flagris obiurgaretur a patre, ferebatur et vagari noctibus solitus, atque invalidum quemque obviorum vel potulentum corripere ac distento sago impositum in subli- 5 me iactare. Post patris deinde mortem libertinam aulicam gratiosam, quo efficacius coleret, etiam diligere simulavit quamvis anum ac paene decrepitam; per hanc insinuatus Neroni, facile summum inter amicos locum tenuit congruentia morum, ut vero quidam tradunt, et consuetudine mutui stupri. Ac tan- 10 tum potentia valuit, ut damnatum repetundis consularem virum, ingens praemium pactus, prius quam plane restitutionem ei impetrasset non dubitaret in senatum ad agendas gratias introducere. Omnium autem consiliorum secretorumque particeps, 3 die, quem necandae matri Nero destinarat, ad avertendas sus- 15 spiciones caenam utrique exquisitissimae comitatis dedit; item Poppaeam Sabinam tunc adhuc amicam eius, abductam marito demandatamque interim sibi, nuptiarum specie recepit, nec corrupisse contentus, adeo dilexit ut ne rivalem quidem Nero- nem aequo tulerit animo. Creditur certe non modo missos ad 20 arcessendam non recepissee, sed ipsum etiam exclusisse quondam pro foribus astantem miscentemque frustra minas et preces ac depositum reposcentem. Quare diducto matrimonio, sepositus est per causam legationis in Lusitaniam. Id satis visum, ne poena acrior mimum omnem divulgaret, qui tamen 25 sic quoque hoc disticho enotuit:

Cur Otho mentito sit, quaeritis, exul honore?

Uxoris moechus coeperat esse suae.

4 Provinciam administravit quaestorius per decem annos, moderatione atque abstinencia singulari. Ut tandem occasio ul- 30 tionis data est, conatibus Galbae primus accessit; eodemque momento et ipse spem imperii cepit magnam quidem et ex conditione temporum, sed aliquanto maiorem ex affirmatione Seleuci mathematici. Qui cum eum olim superstitem Neroni fore spo- pondisset, tunc ultro inopinatus advenerat, imperaturum 35 quoque brevi repromittens. Nullo igitur officii aut ambitionis in quemquam genere omisso, quotiens caena principem acciperet, aureos excubanti cohorti viritim dividebat, nec minus

alium alia via militum demerebatur. Cuidam etiam de parte
 inium cum vicino litiganti, adhibitus arbiter, totum agrum red-
 emit emancipavitque; ut iam vix ullus esset, qui non et sen-
 tiret et praedicaret solum successione imperii dignum. Spe- 5
 raverat autem fore ut adoptaretur a Galba, idque in dies expe-
 ctabat. Sed postquam Pisone praelato spe decidit, ad vim con-
 versus est, instigante super animi dolorem etiam magnitudine
 aeris alieni. Neque enim dissimulabat, *nisi principem se stare*
non posse; nihilque referre ab hoste in acie an in foro
 10 *sub creditoribus caderet.* Ante paucos dies servo Caesaris
 pro impetrata dispensatione decies sestertium expresserat;
 hoc subsidium tanti coepti fuit. Ac primo quinque speculato-
 ribus commissa res est, deinde decem aliis, quos singuli binos
 produxerant; omnibus dena sestertia repraesentata et quin-
 15 quagena promissa. Per hos sollicitati reliqui, nec adeo multi,
 haud dubia fiducia, in ipso negotio pluris adfuturos. Tulerat 6
 animus post adoptionem statim castra occupare caenantemque
 in Palatio Galbam adgredi, sed obstitit respectus cohortis,
 quae tunc excubabat, ne oneraretur invidia, quod eiusdem sta-
 20 tionis et Gaius fuerat occisus et desertus Nero. Medium quo-
 que tempus religio et Seleucus exemit.

Ergo destinata die, praemonitis consciis ut se in foro sub
 aede Saturni ad Miliarium aureum opperirentur, mane Galbam
 salutavit, utque consueverat osculo exceptus, etiam sacrifi-
 25 canti interfuit audivitque praedicta haruspicis. Deinde liberto
 adesse architectos nuntiante, quod signum convenerat, quasi
 venalem domum inspecturus abscessit, proripuitque se postica
 parte Palati ad constitutum. Alii febrem simulasse aiunt eam-
 que excusationem proximis mandasse, si quaereretur. Tunc
 30 abditus propere muliebri sella in castra contendit, ac deficien-
 tibus lecticariis cum descendisset cursumque cepisset, laxato
 calceo restitit, donec omissa mora succollatus, et a praesente
 comitatu imperator consalutatus, inter faustas adclamationes
 strictosque gladios ad principia devenit, obvio quoque non
 35 aliter ac si conscius et particeps foret adhaerente. Ibi missis
 qui Galbam et Pisonem trucidarent, ad conciliandos pollicita-
 tionibus militum animos nihil magis pro contione testatus est,
 quam id demum se habiturum, quod sibi illi reliquissent.

7 Dein vergente iam die ingressus senatum, positaque brevi ratione quasi raptus de publico et suscipere imperium vi coactus gesturusque communi omnium arbitrio, Palatium petit. Ac super ceteras gratulantium adulantiumque blanditias ab infima plebe appellatus Nero, nullum indicium recusantis dedit, immo, ut quidam tradiderunt, etiam diplomatibus primisque epistulis suis ad quosdam provinciarum praesides Neronis cognomen adiecit. Certe et imagines statuasque eius reponi, passus est et procuratores atque libertos ad eadem officia revocavit, nec quicquam prius pro potestate subscripsit quam quingentes sesterium ad peragendam Auream domum.

Dicitur ea nocte per quietem pavefactus gemitus maximos edidisse, repertusque a concursantibus humi ante lectum iacens, per omnia piaculorum genera Manes Galbae, a quo deturbari expellique se viderat, propitiare temptasse; postridie quoque in augurando tempestate orta graviter prolapsus identidem obmurmurasse:

Τί γάρ μοι καὶ μακροῖς ἀνλοῖς;

8 Sub idem vero tempus Germaniciani exercitus in Vitelli verba iurant. Quod ut comperit, auctor senatui fuit mittere dae legationis, quae doceret electum iam principem, quietem et concordiam suaderet; et tamen per internuntios ac litteras consortem imperii generumque se Vitellio optulit. Verum haud dubio bello, iamque ducibus et copiis quas Vitellius praemiserat appropinquantibus, animum fidemque erga se praetorianorum paene internecone amplissimi ordinis expertus est. Placuerat per classarios arma transferri remittique navibus; ea cum in castris sub noctem promerentur, insidias quidam suspecti tumultum excitaverunt; ac repente omnes nullo certo duce in Palatium cucurrerunt caedem senatus flagitantes, repulsisque tribunorum, qui inhibere temptabant, nonnullis et occisis, sic ut erant cruenti, ubinam imperator esset requirentes, per-ruperunt in triclinium usque, nec nisi viso destiterunt.

Expeditionem autem impigre atque etiam praepropere inchoavit, nulla ne religionum quidem cura, sed et motis necdum conditis ancilibus, (quod antiquitus infaustum habetur) et die, quo cultores deum Matris lamentari et plangere incipiunt; praeterea adversissimis auspiciis. Nam et victima Diti patri caesa

litavit, cum tali sacrificio contraria exta potiora sint, et primo egressu inundationibus Tiberis retardatus, ad vicensimum etiam lapidem ruina aedificiorum praecusam viam offendit. Simili temeritate, quamvis dubium nemini esset quin trahi bellum oporteret, quando et fame et angustiis locorum urgeretur hostis, quam primum tamen decertare statuit, sive impatiens longioris sollicitudinis speransque ante Vitelli adventum profligari plurimum posse, sive impar militum ardori pugnam de-
 5 poscentium. Nec ulli pugnae affuit substititque Brixelli.

10 Et tribus quidem verum mediocribus proelis apud Alpes circaque Placentiam et ad Castoris, quod loco nomen est, vicit; novissimo maximoque apud Betriacum fraude superatus est, cum spe colloquii facta, quasi ad conditionem pacis militibus eductis, ex inproviso atque in ipsa consalutatione dimi-
 15 candum fuisset. Ac statim moriendi impetum cepit, ut multi nec frustra opinantur, magis pudore ne tanto rerum hominumque periculo dominationem sibi asserere perseveraret, quam desperatione ulla aut diffidentia copiarum; quippe residuis integrisque etiam nunc quas secum ad secundos casus detinue-
 20 rat, et supervenientibus aliis e Dalmatia Pannoniaque et Moesia, ne victis quidem adeo afflictis ut non in ultionem ignominiae quidvis discriminis ultro et vel solae subirent.

Interfuit huic bello pater meus Suetonius Laetus, tertiae 10 decimae legionis tribunus angusticlavius. Is mox referre crebro solebat, Othonem etiam privatum usque adeo detestatum
 25 civilia arma, ut memorante quodam inter epulas de Cassi Bruti exitu cohorrerit; nec concursurum cum Galba fuisse, nisi confideret sine bello rem transigi posse; tunc ad despicendam vitam exemplo manipularis militis concitatum, qui
 30 cum cladem exercitus nuntiaret nec cuiquam fidem faceret, ac nunc mendaci nunc timoris quasi fugisset ex acie argueretur, gladio ante pedes eius incubuerit. Hoc viso proclamasse eum aiebat, non amplius se in periculum talis tamque bene meritos coniecturum.

35 Fratrem igitur fratrisque filium et singulos amicorum cohortatus ut sibi quisque pro facultate consuleret, ab amplexu et osculo suo dimisit omnis, secretoque capto binos codicillos exaravit, ad sororem consolatorios, et ad Messalinam Neronis,

quam matrimonio destinarat, commendans reliquias suas et memoriam. Quidquid deinde epistularum erat, ne cui periculo aut noxae apud victorem forent, concremavit. Divisit et pecunias domesticis ex copia praesenti. Atque ita paratus intentusque iam morti, tumultu inter moras exorto ut eos, qui discedere et abire coeptabant, corripere quasi desertores detinerique sensit, *Adiciamus inquit vitae et hanc noctem!* (his ipsis totidemque verbis) vetuitque vim cuiquam fieri; et in serum usque patente cubiculo, si quis adire vellet, potestatem sui praebuit. Post hoc sedata siti gelidae aquae potione, arripuit duos pugiones et explorata utriusque acie, cum alterum pulvino subdidisset, foribus adopertis artissimo somno quievit. Et circa lucem demum expergefactus, uno se traiecit ictu infra laevam papillam, irrumpentibusque ad primum gemitum modo celans modo detegens plagam, exanimatus est et celeriter (nam ita praeceperat) funeratus, tricensimo et octavo aetatis anno et nonagensimo et quinto imperii die.

Tanto Othonis animo nequaquam corpus aut habitus competit. Fuisse enim et modicae staturae et male pedatus scam- busque traditur, munditiarum vero paene muliebrum, vulso corpore, galericulo capiti propter raritatem capillorum adaptato et adnexo, ut nemo dinosceret; quin et faciem cotidie rasitare ac pane madido linere consuetum, idque instituisse a prima lanugine, ne barbatus umquam esset; sacra etiam Isidis saepe in lintea religiosaque veste propalam celebrasse. Per quae factum putem, ut mors eius minime congruens vitae maiore miraculo fuerit. Multi praesentium militum cum plurimo fletu manus ac pedes iacentis exosculati, fortissimum virum, unicum imperatorem praedicantes, ibidem statim nec procul a rogo vim suae vitae attulerunt; multi et absentium, accepto nuntio, prae dolore armis inter se ad internecionem concurrerunt. Denique magna pars hominum, incolumem gravissime detestata, mortuum laudibus tulit, ut vulgo iactatum sit etiam, Galbam ab eo non tam dominandi quam rei publicae libertatis restituendae causa interemptum.

VITELLIUS.

Vitelliorum originem alii aliam et quidem diversissimam 1
 tradunt, partim veterem et nobilem, partim vero novam et
 obscuram atque etiam sordidam; quod ego per adulatorem
 obtrectatoresque imperatoris Vitelli evenisse opinarer, nisi
 5 aliquanto prius de familiae conditione variatum esset. Extat Q.
 Elogi ad Quintum Vitellium Divi Augusti quaestorem libellus,
 quo continetur, Vitellios Fauno Aboriginum rege et Vitellia,
 quae multis locis pro numine coleretur, ortos toto Latio im-
 perasse; horum residuam stirpem ex Sabinis transisse Ro-
 10 mam atque inter patricios adlectam; indicia stirpis mansisse
 diu viam Vitelliam ab Ianiculo ad mare usque, item coloniam
 eiusdem nominis, quam gentili copia adversus Aequiculos
 tutandam olim depoposcissent; tempore deinde Samnitici
 belli praesidio in Apuliam misso, quosdam ex Vitellis subse-
 15 disse Nuceriae, eorumque progeniem longo post intervallo
 repetisse urbem atque ordinem senatorium. Contra plures 2
 auctorem generis libertinum prodiderunt, Cassius Severus
 nec minus alii eundem et sutorem veteramentarium, cuius
 filius sectionibus et cognituris uberius compendium nactus,
 20 ex muliere vulgari, Antiochi cuiusdam furnariam exercentis
 filia, equitem R. genuerit. Sed quod discrepat, sit in medio.
 Ceterum P. Vitellius domo Nuceria, sive ille stirpis antiquae
 sive pudendis parentibus atque avis, eques certe R. et rerum
 Augusti procurator, quattuor filios amplissimae dignitatis co-
 25 gnominis ac tantum praenominibus distinctos reliquit Aul.
 Q. P. L. Aulus in consulatu obiit, quem cum Domitio Neronis
 Caesaris patre inierat, praelautus alioqui famosusque cae-
 narum magnificentia. Quintus caruit ordine, cum auctore Ti-
 berio secerni minus idoneos senatores removerique placuis-
 30 set. P., Germanici comes, CN. Pisonem inimicum et interfe-
 ctorem eius accusavit condemnavitque, ac post praeturae
 honorem inter Seiani conscios arreptus et in custodiam fratris
 datus scalpro librario venas sibi incidit, nec tam mortis pae-

nitentia quam suorum obtestatione obligari curarique se passus, in eadem custodia morbo periit. L. ex consulatu Syriae praepositus, Artabanum Parthorum regem summis artibus non modo ad colloquium suum, sed etiam ad veneranda legionum signa pellexit. Mox cum Claudio principe duos in⁵ super ordinarios consulatus censuramque gessit. Curam quoque imperii sustinuit, absente eo expeditione Britannica; vir innocens et industrius, sed amore libertinae perinfamis, cuius etiam salivis melle commixtis, ne clam quidem aut raro sed cotidie ac palam, arterias et fauces pro remedio fovebat. Idem miri in adulando ingenii, primus C. Caesarem adorare ut deum instituit, cum reversus ex Syria non aliter adire ausus esset quam capite velato circumvertensque se, deinde procumbens. Claudium uxoribus libertisque addictum ne qua non arte demereretur, pro maximo munere a Messalina petit,¹⁵ ut sibi pedes praeberet excalciandos; detractumque socculum dextrum inter togam tunicasque gestavit assidue, nonnumquam osculabundus. Narcissi quoque et Pallantis imagines aureas inter Lares coluit. Huius et illa vox est: *Saepe facias!* cum Saeculares ludos edenti Claudio gratularetur.²⁰

3 Decessit paralyti altero die quam correptus est, duobus filiis superstitibus, quos ex Sextilia probatissima nec ignobili femina editos consules vidit, et quidem eodem ambos totoque anno, cum maiori minor in sex menses successisset. Defunctum senatus publico funere honoravit, item statua pro rostris cum hac inscriptione: pietatis immobilis erga principem.

A. Vitellius L. filius Imperator natus est VIII. Kl. Oct. vel ut quidam VII. Id. Sept. Druso Caesare, Norbano Flacco cons. Genituram eius praedictam a mathematicis ita parentes ex³⁰ horruerunt, ut pater magno opere semper contenderit, ne qua ei provincia vivo se committeretur, mater et missum ad legiones et appellatum imperatorem pro afflicto statim lamentata sit. Pueritiam primamque adulescentiam Capreis egit inter Tiberiana scorta, et ipse perpetuo spintheriae cognomine notatus existimatusque corporis gratia initium et causa incrementorum patri fuisse, sequenti quoque aetate omnibus probris contaminatus. Praecipuum in aula locum

5 flagrantibus cunctis promittere audentem ideoque egressum
theatro revocaverat, quasi perseverantis populi legatione sus-
cepta, exorandumque praebuerat.

10 cae post haec curamque operum publicorum administravit,
et voluntate dispari et existimatione. In provincia singularem
innocentiam praestitit biennio continuato, cum succedenti fra-
tri legatus substitisset; at in urbano officio dona atque orna-
menta templorum subripuisse et commutasse quaedam fereba-
15 tur, proque auro et argento stannum et aurichalcum suppo-
suisse.

20 set, manu emisit brevique, ut creditum est, interemit, insinu-
latur in super parricidii et quasi paratum ad scelus venenum
ex conscientia hausisset. Duxit mox Galeriam Fundanam
praetorio patre, ac de hac quoque liberos utriusque sexus
tulit, sed marem titubantia oris prope mutum et elinguem.

30 vinctialibus copiis profundam gulam eius expleri, ut cuius
evidens sit contemptu magis quam gratia electum. Satis
constat, exituro viaticum defuisse, tanta egestate rei familia-
ris, ut uxore et liberis, quos Romae relinquebat, meritorio
caenaculo abditis, domum in reliquam partem anni abloca-
35 ret, utque ex aure matris detractum unionem pigneraverit ad
itineris impensas. Creditorum quidem praestolantium ac de-
tinentium turbam et in iis Sinuessanos Formianosque, quo-
rum publica vectigalia interverterat, nonnisi terrore calu-

mniae amovit, cum libertino cuidam acerbius debitum reposcenti iniuriarum formulam, quasi calce ab eo percussus, intendisset nec aliter quam extortis quinquaginta sestertiis remisisset.

Advenientem male animatus erga principem exercitus⁵ pronusque ad res novas libens ac supinis manibus exceptit, velut dono deum oblatum, ter consulis filium, aetate integra, facili ac prodigo animo. Quam veterem de se persuasionem Vitellius recentibus etiam experimentis auxerat, tota via caligatorum quoque militum obvios exosculans, perque stabula¹⁰ ac deversoria mulionibus ac viatoribus praeter modum comis, ut mane singulos, *iamne ientassent*, sciscitaretur seque fecisse ructu quoque ostenderet. Castra vero ingressus nihil cuiquam poscenti negavit atque etiam ultro ignominiosis¹⁵ notas, reis sordes, damnatis supplicia dempsit. Quare vixdum mense transacto, neque diei neque temporis ratione habita, ac iam vespere, subito a militibus e cubiculo raptus, ita ut erat, in veste domestica, imperator est consalutatus circumlatusque per celeberrimos vicos, strictum Divi Iulii gladium tenens, detractum delubro Martis atque in prima gratulatione porre-²⁰ ctum sibi a quodam; nec ante in praetorium rediit quam flagrante triclinio ex conceptu camini, cum quidem consternatis et quasi omine adverso anxiiis omnibus, *Bono*, inquit, *animo estote! nobis adluxit*; nullo sermone alio apud milites usus. Consentiente deinde etiam superioris provinciae²⁵ exercitu, qui prius a Galba ad senatum defecerat, cognomen Germanici delatum ab universis cupide recepit, Augusti distulit, Caesaris in perpetuum recusavit. Ac subinde caede Gal-³⁰ bae adnuntiata, compositis Germanicis rebus, partitus est copias, quas adversus Othonem praemitteret, quasque ipse perduceret. Praemisso agmine laetum evenit auspiciū, siquidem a parte dextra repente aquila advolavit, lustratisque signis ingressos viam sensim antecessit. At contra ipso movente, statuae equestres, cum plurifariam ei ponerentur, fractis repente cruribus pariter corruerunt, et laurea, quam³⁵ religiosissime circumdederat, in profluentem excidit; mox Viennae pro tribunali iura reddenti gallinaceus supra umerum ac deinde in capite astitit. Quibus ostentis par respon-

dit exitus; nam confirmatum per legatos suos imperium per se retinere non potuit.

De Betriacensi victoria et Othonis exitu, cum adhuc in 10 Gallia esset, audiit, nihilque cunctatus, quidquid praetorianarum cohortium fuit, ut pessimi exempli, uno exauctoravit edicto iussas tribunis tradere arma. Centum autem atque viginti, quorum libellos Othoni datos invenerat exposcentium praemium ob editam in caede Galbae operam, conquiri et supplicio adfici imperavit, egregie prorsus atque magnifice 10 et ut summi principis spem ostenderet, nisi cetera magis ex natura et priore vita sua quam ex imperii maiestate gessisset. Namque itinere inchoato, per medias civitates ritu triumphantium vectus est, perque flumina delicatissimis navigiis et variarum coronarum genere redimitis, inter profusissimos ob- 15 soniorum apparatus, nulla familiae aut militis disciplina, rapinas ac petulantiam omnium in iocum vertens; qui non contenti epulo ubique publice praebito, quoscumque libuisset in libertatem asserebant, verbera et plagas, saepe vulnera, nonnumquam necem repraesentantes adversantibus. Utque 20 campos, in quibus pugnatum est, adit, abhorrentis quosdam cadaverum tabem, detestabili voce confirmare ausus est, *optime olere occisum hostem, et melius civem*. Nec eo setius ad leniendam gravitatem odoris plurimum meri propalam hausit passimque divisit. Pari vanitate atque insolentia lapidem memoriae Othonis inscriptum intuens, *dignum* 25 *eo Mausoleo* ait, pugionemque, quo is se occiderat, in Agrippinensem coloniam misit Marti dedicandum. In Appennini quidem iugis etiam pervigilium egit. Urbem denique ad 11 classicum introiit paludatus ferroque succinctus, inter signa 30 atque vexilla, sagulatis comitibus, ac detectis commilitonum armis.

Magis deinde ac magis omni divino humanoque iure neglecto, Alliensi die pontificatum maximum cepit, comitia in decem annos ordinavit seque perpetuum consulem. Et ne 35 cui dubium foret, quod exemplar regendae rei p. eligeret, medio Martio campo adhibita publicorum sacerdotum frequentia inferias Neroni dedit, ac sollemni convivio citharoeum placentem palam admonuit, ut *aliquid et de dominico di-*

- ceret*, inchoantique Neroniana cantica primus exultans etiam
 12 plausit. Talibus principiis, magnam imperii partem nonnisi
 consilio et arbitrio vilissimi cuiusque histrionum et auriga-
 rum administravit, et maxime Asiatici liberti. Hunc adule-
 scentulum mutua libidine constupratum, mox taedio profugum 5
 cum Puteolis poscam vendentem reprehendisset, coiecit in
 compedes statimque solvit et rursus in deliciis habuit; iterum
 deinde ob nimiam contumaciam et ferocitatem gravatus, cir-
 cumforaneo lanistae vendidit dilatumque ad finem muneris
 repente subripuit, et provincia demum accepta manumisit, ac 10
 primo imperii die aureis donavit anulis super caenam, cum
 mane, rogantibus pro eo cunctis, detestatus esset severissime
 talem equestris ordinis maculam.
- 13 Sed vel praecipue luxuriae saevitiaeque deditus, epulas
 trifariam semper, interdum quadrifariam dispertiebat, in ien- 15
 tacula et prandia et caenas comissationesque, facile omnibus
 sufficiens vomitandi consuetudine. Indicebat autem aliud
 alii eadem die, nec cuiquam minus singuli apparatus quadrin-
 genis milibus nummum constituerunt. Famosissima super ce-
 teras fuit caena data ei adventicia a fratre, in qua duo milia 20
 lectissimorum piscium, septem avium apposita traduntur.
 Hanc quoque exuperavit ipse dedicatione patinae, quam ob
 immensam magnitudinem *clipeum Minervae πολιοῦχου* di-
 citabat. In hac scarorum iocinera, phasianarum et pavonum
 cerebella, linguas phoenicopterorum, murenarum lactes, a 25
 Parthia usque fretoque Hispanico per navarchos ac triremes
 petitarum, commiscuit. Ut autem homo non profundae modo
 sed intempestivae quoque ac sordidae gulae, ne in sacrificio
 quidem umquam aut itinere ullo temperavit, quin inter altaria
 ibidem statim viscus et * farris paene rapta e foco manderet, 30
 circaque viarum popinas fumantia obsonia, vel pridiana at-
 que semesa.
- 14 Pronus vero ad cuiuscumque et quacumque de causa
 necem atque supplicium, nobiles viros, condiscipulos et ae-
 quales suos, omnibus blanditiis tantum non ad societatem 35
 imperii adlice factos, vario genere fraudis occidit; etiam unum
 veneno manu sua porrecto in aquae frigidae potione, quam
 is adfectus febre poposcerat. Tum foeneratorum et stipula-

torum publicanorumque, qui umquam se aut Romae debitum aut in via portorium flagitassent, vix ulli pepercit; ex quibus quendam in ipsa salutatione supplicio traditum statimque revocatum, cunctis clementiam laudantibus, coram interfici
 5 iussit, velle se dicens *pascere oculos*; alterius poenae duos filios adiecit deprecari pro patre conatos. Sed et equitem R. proclamantem, cum raperetur ad poenam: *Heres meus es!* exhibere testamenti tabulas coegit, utque legit coheredem sibi libertum eius ascriptum, iugulari cum liberto imperavit.
 10 Quosdam et de plebe ob id ipsum, quod Venetae factioni clare male dixerant, interemit, contemptu sui et nova spe id ausos opinatus. Nullis tamen infensior quam vernaculis et mathematicis, ut quisque deferretur, inauditum capite puniebat, exacerbatus, quod post edictum suum, quo iubebat intra
 15 Kl. Oct. urbe Italiaque mathematici excederent, statim libellus propositus est, *et Chaldaeos dicere, bonum factum, ne Vitellius Germanicus intra eundem Calendarum diem usquam esset*. Suspectus et in morte matris fuit, quasi aegrae praeberi cibum prohibuisset, vaticinante Cattha muliere, cui
 20 velut oraculo adquiescebat, ita demum firmiter ac diutissime imperaturum, si superstes parenti extitisset. Alii tradunt ipsam taedio praesentium et imminentium metu venenum a filio impetrasse, haud sane difficulter.

Octavo imperii mense desciverunt ab eo exercitus Moe-
 25 siarum atque Pannoniae, item ex transmarinis Iudaicus et Syriaticus, ac pars in absentis pars in praesentis Vespasiani verba iurarunt. Ad retinendum ergo ceterorum hominum studium ac favorem, nihil non publice privatimque nullo adhibito modo largitus est. Dilectum quoque ea condicione in
 30 urbe egit, ut voluntariis non modo missionem post victoriam, sed etiam veteranorum iustaeque militiae commoda polliceretur. Urgenti deinde terra marique hosti hinc fratrem cum classe ac tironibus et gladiatorum manu opposuit, hinc Betriacenses copias et duces; atque ubique aut superatus aut
 35 proditus, salutem sibi et milies sestertium a Flavio Sabino Vespasiani fratre pepigit; statimque pro gradibus Palati apud frequentes milites, cedere se imperio quod invitus recepisset, professus, cunctis reclamantibus rem distulit, ac

nocte interposita, primo diluculo sordidatus descendit ad rostra multisque cum lacrimis eadem illa, verum e libello, testatus est. Rursus interpellante milite ac populo et ne deficeret hortante omnemque operam suam certatim pollicente, animum resumpsit Sabinumque et reliquos Flavianos nihil iam metuentis vi subita in Capitolium compulit, succensoque templo Iovis Optimi Maximi oppressit. Cum et proelium et incendium e Tiberiana prospiceret domo inter epulas, non multo post paenitens facti et in alios culpam conferens, vocata contione iuravit coegitque iurare et ceteros, nihil sibi antiquius quiete publica fore. Tunc solutum a latere pugionem consuli primum, deinde illo recusante magistratibus ac mox senatoribus singulis porrigens, nullo recipiente, quasi in aede Concordiae positurus abscessit. Sed quibusdam adclamantibus, *ipsum esse Concordiam*, rediit nec solum retinere se ferrum affirmavit, verum etiam Concordiae recipere cognomen; suavitque senatui, ut legatos cum virginibus Vestalibus mitterent, pacem aut certe tempus ad consultandum petiuros.

Postridie responsa opperienti nuntiatum est per exploratorem, hostes appropinquare. Continuo igitur abstrusus gestatoria sella, duobus solis comitibus, pistore et coco, Aventinum et paternam domum clam petit, ut inde in Campaniam fugeret; mox levi rumore et incerto, tamquam pax impetrata esset, referri se in Palatium passus est. Ubi cum deserta omnia reperisset, dilabentibus et qui simul erant, zona se aureorum plena circumdedit confugitque in cellulam ianitoris, religato pro foribus cane lectoque et culcita obiectis.

Irruperant iam agminis antecessores ac nemine obvio rimabantur, ut fit, singula. Ab his extractus e latebra, sciscitantes, quis esset (nam ignorabatur) et ubi esse Vitellium sciret, mendacio elusit; deinde agnitus, rogare non destitit, quasi quaedam de salute Vespasiani dicturus, ut custodiretur interim vel in carcere, donec religatis post terga manibus, iniecto cervicibus laqueo, veste discissa seminudus in forum tractus est inter magna rerum verborumque ludibria per totum viae Sacrae spatium, reducto coma capite, ceu noxii solent, atque etiam mento mucrone gladii subrecto, ut

visendam praeberet faciem neve summitteret; quibusdam stercore et caeno incessentibus, aliis incendiarium et patinarium vociferantibus, parte vulgi etiam corporis vitia exprobrante; erat enim in eo enormis proceritas, facies rubida
⁵ plerumque ex vinulentia, venter obesus, alterum femur subdebile impulsu olim quadrigae, cum auriganti Gaio ministratorem exhiberet. Tandem apud Gemonias minutissimis ictibus excarnificatus atque confectus est, et inde unco tractus in Tiberim.

- ¹⁰ Periit cum fratre et filio anno vitae septimo quinquage-¹⁸ simo; nec fefellit coniectura eorum qui augurio, quod factum ei Viennae ostendimus, non aliud portendi praedixerant, quam venturum in alicuius Gallicani hominis potestatem; siquidem ab Antonio Primo adversarum partium duce oppressus est,
¹⁵ cui Tolosae nato cognomen in pueritia Becco fuerat: id valet gallinaei rostrum.
-

C. SUETONI TRANQUILLI DE VITA CAESARUM

LIBER VIII.

**DIVUS VESPASIANUS. DIVUS TITUS.
DOMITIANUS.**

DIVUS VESPASIANUS.

1 Rebellionem trium principum et caede incertum diu et quasi vagum imperium suscepit firmavitque tandem gens Flavia, obscura illa quidem ac sine ullis maiorum imaginibus, sed tamen rei p. nequaquam paenitenda; constet licet, Domitianum cupiditatis ac saevitiae merito poenas luisse. 5

T. Flavius Petro, municeps Reatinus, bello civili Pompeianarum partium centurio an evocatus, profugit ex Pharsalica acie domumque se contulit, ubi deinde venia et missione impetrata coactiones argentarias factitavit. Huius filius, cognomine Sabinus, expertus militiae (etsi quidam eum 10 primipilarem, nonnulli, cum adhuc ordines duceret, sacramento solutum per causam valitudinis tradunt) publicum quadragesimae in Asia egit; manebantque imagines a civitatibus ei positae sub hoc titulo: *Καλῶς τελευτήσαντι*. Postea faenus apud Helvetios exercuit ibique diem obiit, superstitibus 15 uxore Vespasia Polla et duobus ex ea liberis, quorum maior Sabinus ad praefecturam urbis, minor Vespasianus ad principatum usque processit. Polla, Nursiae honesto genere orta, patrem habuit Vespasium Pollionem, ter tribunum militum praefectumque castrorum, fratrem senatorem praetoriae dignitatis. Locus etiam ad sextum miliarium a Nursia Spo-

tium euntibus in monte summo appellatur Vespasiae, ubi Vespasiorum complura monumenta extant, magnum indicium splendoris familiae et vetustatis. Non negaverim iactatum a quibusdam, Petronis patrem e regione Transpadana fuisse mancipem operarum, quae ex Umbria in Sabinos ad culturam agrorum quot annis commeare soleant; subsedissem autem in oppido Reatino, uxore ibidem ducta. Ipse ne vestigium quidem de hoc, quamvis satis curiose inquirerem, inveni.

10 Vespasianus natus est in Sabinis ultra Reate vico modico, 2 cui nomen est Phalacrine, XV. Kl. Decb. vesperi, Q. Sulpicio Camerino, C. Poppaeo Sabino cons. quinquennio ante quam Augustus excederet; educatus sub paterna avia Tertulla in praediis Cosanis. Quare princeps quoque et locum incunabulorum assidue frequentavit, manente villa qualis fuerat
15 olim, ne quid scilicet oculorum consuetudini deperiret; et aviae memoriam tanto opere dilexit, ut sollemnibus ac festis diebus pocillo quoque eius argenteo potare perseveraverit.

Sumpta virili toga, latum clavum, quamquam fratre adepto, 20 diu aversatus est, nec ut tandem appeteret compelli nisi a matre potuit. Ea demum extudit magis convicio quam precibus vel auctoritate, dum eum identidem per contumeliam anteambulonem fratris appellat.

Tribunatum militum in Thracia meruit; quaestor Cretam 25 et Cyrenas provinciam sorte cepit; aedilitatis ac mox praeturae candidatus, illam non sine repulsa sextoque vix adeptus est loco, hanc prima statim petitione et in primis; praetor infensum senatui Gaium ne quo non genere demereretur, ludos extraordinarios pro victoria eius Germanica depoposcit, poenaeque coniuratorum addendum censuit ut insepulti
30 proicerentur. Egit et gratias ei apud amplissimum ordinem, quod se honore caenae dignatus esset.

Inter haec Flaviam Domitillam duxit uxorem, Statili Ca- 3 pellae equitis R. Sabratensis ex Africa delicatam olim Latinaeque condicionis, sed mox ingenuam et civem Rom. reciperatorio iudicio pronuntiatam, patre asserente Flavio Librale Ferenti genito nec quicquam amplius quam quaestorio scriba. Ex hac liberos tulit Titum et Domitianum et Domi-

tillam. Uxori ac filiae superstes fuit, atque utramque adhuc privatus amisit. Post uxoris excessum Caenidem, Antoniae libertam et a manu, dilectam quondam sibi revocavit in contubernium, habuitque etiam imperator paene iustae uxoris loco.

4 Claudio principe Narcissi gratia legatus legionis in Germaniam missus est; inde in Britanniam translatus, tricies cum hoste confligit. Duas validissimas gentes superque viginti oppida et insulam Vectem Britanniae proximam in dicionem redegit, partim Auli Plauti legati consularis partim Claudii ipsius ductu. Quare triumphalia ornamenta et in brevi spatio duplex sacerdotium accepit, praeterea consulatum, quem gessit per duos novissimos anni menses. Medium tempus ad proconsulatum usque in otio secessuque egit, Agrippinam timens potentem adhuc apud filium et defuncti quoque Narcissi amici perosam.

Exim sortitus Africam, integerrime nec sine magna dignatione administravit, nisi quod Hadrumeti seditione quadam rapa in eum iacta sunt. Rediit certe nihilo opulentior, ut qui, prope labefactata iam fide, omnia praedia fratri obligavit necessarioque ad mangonicos quaestus sustinendae dignitatis causa descenderit; propter quod vulgo mulio vocabatur. Convictus quoque dicitur ducenta sestertia expressisse iuveni, cui latum clavum adversus patris voluntatem impetrat, eoque nomine graviter increpitus.

Peregrinatione Achaica inter comites Neronis, cum cantante eo aut discederet saepius aut praesens obdormisceret, gravissimam contraxit offensam, prohibitusque non contubernio modo sed etiam publica salutatione, secessit in parvam ac deviam civitatem, quoad latenti etiamque extrema metuenti provincia cum exercitu oblata est.

Percrebuerat Oriente toto vetus et constans opinio, esse in fatis ut eo tempore Iudaea profecti rerum potirentur. Id de imperatore Romano, quantum postea eventu paruit, praedictum Iudaei ad se trahentes rebellarunt, caesoque praeposito legatum insuper Syriae consularem suppetias ferentem, rapta aquila, fugaverunt. Ad hunc motum comprimendum cum exercitu ampliore et non instrenuo duce, cui tamen tuto tanta res committeretur, opus esset, ipse potissimum dele-

ctus est, ut et industriae expertae nec metuendus ullo modo ob humilitatem generis ac nominis. Additis igitur ad copias duabus legionibus, octo alis, cohortibus decem, atque inter legatos maiore filio assumpto, ut primum provinciam attingit, 5 proximas quoque convertit in se, correcta statim castrorum disciplina, unoque et altero proelio tam constanter inito, ut in oppugnatione castelli lapidis ictum genu, scuto sagittas aliquot exceperit.

Post Neronem Galbamque, Othone ac Vitellio de princi- 5
10 patu certantibus, in spem imperii venit, iam pridem sibi per haec ostenta conceptam.

In suburbano Flaviorum quercus antiqua, quae erat Marti sacra, per tres Vespasiae partus, singulos repente ramos a frutice dedit, haud dubia signa futuri cuiusque fati: primum 15 exilem et cito arefactum, (ideoque puella nata non perannavit) secundum praevalidum ac prolixum et qui magnam felicitatem portenderet, tertium vero instar arboris. Quare patrem Sabinum ferunt, haruspicio insuper confirmatum, renuntiassse matri, nepotem ei Caesarem genitum; nec illam quic- 20 quam aliud quam cachinnasse, mirantem, *quod adhuc se mentis compote deliraret iam filius suus.*

Mox, cum aedilem eum C. Caesar, succensens curam verrendis viis non adhibitam, luto iussisset oppleri congesto per milites in praetextae sinum, non defuerunt qui interpreta- 25 rentur, quandoque proculcatam desertamque rem p. civili aliqua perturbatione in tutelam eius ac velut in gremium deventuram.

Prandente eo quondam, canis extrarius e trivio manum humanam intulit mensaeque subiecit. Caenante rursus, bos 30 arator decusso iugo triclinium irrupit, ac fugatis ministris quasi repente defessus procidit ad ipsos accumbentis pedes cervicemque summisit. Arbor quoque cupressus in agro avito sine ulla vi tempestatis evulsa radicitus atque prostrata, insequenti die viridior ac firmior resurrexit.

35 At in Achaia somniavit, initium sibi suisque felicitatis futurum, simul ac dens Neroni exemptus esset; evenitque ut sequenti die progressus in atrium medicus dentem ei ostenderet, tantumque quod exemptum.

Apud Iudaeam Carmeli dei oraculum consulentem ita confirmavere sortes, ut quidquid cogitaret volveretque animo, quamlibet magnum, id esse proventurum pollicerentur; et unus ex nobilibus captivis Iosepus, cum coiceretur in vincula, constantissime asseveravit fore ut ab eodem brevi solveretur, verum iam imperatore. Nuntiabantur et ex urbe praesagia, Neronem diebus ultimis monitum per quietem, ut tensam Iovis Optimi Maximi e sacrario in domum Vespasiani et inde in circum deduceret; ac non multo post, comitia secundi consulatus ineunte Galba, statuam Divi Iuli ad Orientem sponte conversam; acieque Betriacensi, prius quam committeretur, duas aquilas in conspectu omnium conflixisse, victaque altera supervenisse tertiam ab solis exortu ac victricem abegisse. Nec tamen quicquam ante temptavit, promptissimis atque etiam instantibus suis, quam sollicitatus quorundam et ignotorum et absentium fortuito favore.

Moesiaci exercitus bina e tribus legionibus milia, missa auxilio Othoni, postquam ingressis iter nuntiatum est, victum eum ac vim vitae suae attulisse, nihilo setius Aquileiam usque perseveraverunt, quasi rumori minus crederent. Ibi per occasionem ac licentiam omni rapinarum genere grassati, cum timerent ne sibi reversis reddenda ratio ac subeunda poena esset, consilium inierunt eligendi creandique imperatoris; neque enim deteriores esse aut Hispaniensi exercitu qui Galbam, aut praetoriano qui Othonem, aut Germaniciano qui Vitellium fecissent. Propositis itaque nominibus legatorum consularium, quot ubique tunc erant, cum ceteros alium alia de causa improbarent, et quidam e legione tertia, quae sub exitu Neronis translata ex Syria in Moesiam fuerat, Vespasianum laudibus ferrent, assensere cuncti nomenque eius vexillis omnibus sine mora inscripserunt. Et tunc quidem compressa res est, revocatis ad officium numeris parumper. Ceterum divulgato facto, Tiberius Alexander praefectus Aegypti primus in verba Vespasiani legiones adegit Kl. Iul. qui principatus dies in posterum observatus est. Iudaicus deinde exercitus V. Idus Iul. apud ipsum iuravit.

Plurimum coeptis contulerunt iactatum exemplar epistulae verae sive falsae defuncti Othonis ad Vespasianum, ex-

trema obtestatione ultionem mandantis et ut rei p. subveniret optantis; simul rumor dissipatus, destinasse victorem Vitellium permutare hiberna legionum et Germanicas transferre in Orientem ad securiorem mollioremque militiam. Praeterea
 5 ex praesidibus provinciarum Licinius Mucianus et e regibus Vologaesús Parthus, ille deposita simultate, quam in id tempus ex aemulatione non obscure gerebat, Syriacum promisit exercitum, hic quadraginta milia sagittariorum. Suscepto 7
 igitur civili bello ac ducibus copiisque in Italiam praemissis, 10
 interim Alexandriam transiit, ut claustra Aegypti optineret. Hic cum de firmitate imperii capturus auspiciu aedem Serapidis summotis omnibus solus intrasset, ac propitiato multum deo tandem se convertisset, verbenas coronasque et panificia, ut illic assolet, Basilides libertus obtulisse ei visus
 15 est; quem neque admissum a quoquam et iam pridem propter nervorum validitudinem vix ingredi longeque abesse constabat. Ac statim advenere litterae, fusas apud Cremonam Vitelli copias, ipsum in urbe interemptum nuntiantes.

Auctoritas et quasi maiestas quaedam ut scilicet inopinato et adhuc novo principi deerat; haec quoque accessit. E plebe quidam luminibus orbatus, item alius debili crure sedentem pro tribunali pariter adierunt, orantes opem validitudini demonstratam a Serapide per quietem: restitutum oculos, si inspuisset; confirmaturum crus, si dignaretur calce
 25 contingere. Cum vix fides esset ullo modo rem successuram, ideoque ne experiri quidem auderet, extremo hortantibus amicis palam pro contione utrumque temptavit, nec eventus defuit. Per idem tempus Tegeae in Arcadia instinctu vaticinantium effossa sunt sacro loco vasa operis antiqui, atque
 30 in iis assimilis Vespasiano imago.

Talis tantaque cum fama in urbem reversus, acto de Iudaeis triumpho, consulatus octo veteri addidit; suscepit et censuram, ac per totum imperii tempus nihil habuit antiquius quam prope afflictam nutantemque rem p. stabilire primo,
 35 deinde et ornare.

Milites pars victoriae fiducia, pars ignominiae dolore ad omnem licentiam audaciamque processerant; sed et provinciae civitatesque liberae, nec non et regna quaedam tumultu-

tuosius inter se agebant. Quare Vitellianorum quidem et exauctoravit plurimos et coercuit, participibus autem victoriae adeo nihil extra ordinem indulsit, ut etiam legitima praemia sero persolverit. Ac ne quam occasionem corrigendi disciplinam praetermitteret, adulescentulum fragrantem unguento, cum sibi pro impetrata praefectura gratias ageret, nutu aspernatus, voce etiam gravissima increpuit: *Mahissem alium oboluisse!* litterasque revocavit; classarios vero, qui ab Ostia et Puteolis Romam pedibus per vices com-
meant, petentes constitui aliquid sibi calciarii nomine, quasi
parum esset sine responso abegisse, iussit post haec excal-
ciatos cursitare; et ex eo ita cursitant.

Achaïam, Lyciam, Rhodum, Byzantium, Samum liber-
tate adempta, item Thraciam, Ciliciam et Commagenen-
ditionis regiae usque ad id tempus, in provinciarum for-
mam redegit. Cappadociae propter adsiduos barbarorum
incursus legiones addidit, consularemque rectorem imposuit
pro eq. R.

Deformis urbs veteribus incendiis ac ruinis erat; vacuas
areas occupare et aedificare, si possessores cessarent, cui-
cumque permisit. Ipse restitutionem Capitolii adgressus, ru-
deribus purgandis manus primus admovit ac suo collo quae-
dam extulit; aerearumque tabularum tria milia, quae simul
conflagraverant, restituenda suscepit, undique investigatis
exemplaribus: instrumentum imperii pulcherrimum ac vetu-
stissimum, quo continebantur paene ab exordio urbis senatus
consulta, plebi scita de societate et foedere ac privilegio
9 cuicumque concessis. Fecit et nova opera templum Pacis
foro proximum, Divique Claudi in Caelio monte coeptum
quidem ab Agrippina, sed a Nerone prope funditus destru-
ctum; item amphitheatrum urbe media, ut destinasse compe-
rerat Augustum.

Amplissimos ordines, et exhaustos caede varia et conta-
minatos veteri neglegentia, purgavit supplevitque recenso
senatu et equite, summotis indignissimis et honestissimo
quoque Italicorum ac provincialium allecto. Atque uti no-
tum esset, utrumque ordinem non tam libertate inter se quam
dignitate differre, de iurgio quodam senatoris equitisque R.

ita pronuntiavit, *non oportere maledici senatoribus, remaledici civile fasque esse.*

Litium series ubique maiorem in modum excreverant, 10
manentibus antiquis intercapedine iuris dictionis, accedenti-
bus novis ex condicione tumultuque temporum; sorte elegit
per quos rapta bello restituerentur, quique iudicia centum-
viralia, quibus peragendis vix suffectura litigatorum videba-
tur aetas, extra ordinem diiudicarent redigerentque ad bre-
vissimum numerum.

10 Libido atque luxuria coercente nullo invaluerat; auctor 11
senatui fuit decernendi, ut quae se alieno servo iunxisset,
ancilla haberetur; neve filiorum familiarum foeneratoribus
exigendi crediti ius umquam esset, hoc est ne post patrum
quidem mortem.

15 Ceteris in rebus statim ab initio principatus usque ad exi-
tum civilis et clemens, mediocritatem pristinam neque dissi- 12
mulavit umquam ac frequenter etiam prae se tulit. Quin et
conantis quosdam originem Flavii generis ad conditores Rea-
tinos comitemque Herculis, cuius monimentum extat Salaria
20 via, referre irrisit ultro. Adeoque nihil ornamentorum ex-
trinsecus cupide appetivit, ut triumphi die fatigatus tarditate
et taedio pompae non reticuerit, *merito se plecti, qui tri-
umphum, quasi aut debitum maioribus suis aut speratum
umquam sibi, tam inepte senex concupisset.* Ac ne tribu-
25 niciam quidem potestatem * patris patriae appellationem nisi
sero recepit. Nam consuetudinem scrutandi salutantes ma-
nente adhuc bello civili omiserat.

Amicorum libertatem, causidicorum figuras ac philoso- 13
phorum contumaciam lenissime tulit. Licinium Mucianum
30 notae impudicitiae, sed meritorum fiducia minus sui reveren-
tem, numquam nisi clam et hactenus retaxare sustinuit, ut
apud communem aliquem amicum querens adderet clausu-
lam: *Ego tamen vir sum.* Salvium Liberalem in defensione
divitis rei ausum dicere: *quid ad Caesarem, si Hipparchus*
35 *sestertium milies habet?* et ipse laudavit. Demetrium Cy-
nicum in itinere obvium sibi post damnationem, ac neque
assurgere neque salutare se dignantem, oblatrantem etiam
nescio quid, satis habuit canem appellare.

- 14 Offensarum inimicitiarumque minime memor executorve, Vitellii hostis sui filiam spendidissime maritavit dotavitque etiam et instruxit. Trepidum eum interdicta aula sub Nerone quaerentemque, quidnam ageret aut quo abiret, quidam ex officio admissionis simul expellens, *abire Morboviam* iusserat. In 5 hunc postea deprecantem haud ultra verba excanduit, et quidem totidem fere atque eadem. Nam ut suspicione aliqua vel metu ad perniciem cuiusquam compelleretur tantum afuit, ut, monentibus amicis cavendum esse Mettium Pompusianum, quod volgo crederetur genesim habere imperatoriam, insuper consulem fecerit, spondens quandoque beneficii memorem futurum.
- 15 Non temere quis punitus insons reperietur, nisi absente eo et ignaro aut certe invito atque decepto. Helvidio Prisco, qui et reversum se ex Syria solus privato nomine Vespasia- 15 num salutaverat et in praetura omnibus edictis sine honore ac mentione ulla transmiserat, non ante succensuit quam altercationibus insolentissimis paene in ordinem redactus. Hunc quoque, quamvis relegatum primo, deinde et interfici iussum, magni aestimavit servare quoquo modo, missis qui 20 percussores revocarent; et servasset, nisi iam perisse falso renuntiatum esset. Ceterum neque caede cuiusquam umquam * iustis suppliciis inlacrimavit etiam et ingemuit.
- 16 Sola est, in qua merito culpetur, pecuniae cupiditas. Non enim contentus ommissa sub Galba vectigalia revocasse, 25 nova et gravia addidisse, auxisse tributa provinciis, nonnullis et duplicasse, negotiationes quoque vel privato pudendas propalam exercuit, coemendo quaedam, tantum ut pluris postea distraheret. Ne candidatis quidem honores, reisve tam innoxiiis quam nocentibus absolutiones venditare cunctatus 30 est. Creditur etiam procuratorum rapacissimum quemque ad ampliora officia ex industria solitus promovere, quo locupletiores mox condemnaret; quibus quidem volgo pro sponse dicebatur uti, quod quasi et siccos madefaceret et exprimeret umentis.

35

Quidam natura cupidissimum tradunt, idque exprobratum ei a sene bubulco, qui, negata sibi gratuita libertate, quam imperium adeptum suppliciter orabat, proclamaverit, *vulpem*

pilum mutare, non mores. Sunt contra qui opinentur, ad manubias et rapinas necessitate compulsum summa aerarii fiscique inopia; de qua testificatus sit initio statim principatus, professus *quadringenties millies opus esse, ut res p.*
5 *stare posset.* Quod et veri similis videtur, quando et male partis optime usus est. In omne hominum genus liberalissimus, 17
explevit census senatorium, consulares inopes quingenis sestertiis annuis sustentavit, plurimas per totum orbem civitates terrae motu aut incendio afflictas restituit in melius,
10 ingenia et artes vel maxime fovit. Primus e fisco Latinis 18
Graecisque rhetoribus annua centena constituit; praestantis poetas, nec non et artifices, Coae Veneris, item Colossi re-
fectorem insigni congiario magnaue mercede donavit; me-
chanico quoque, grandis columnas exigua impensa perductu-
15 rum in Capitolium pollicenti, praemium pro commento non
mediocre optulit, operam remisit, praefatus *sineret se plebe-*
culam pascere. Ludis, per quos scaena Marcelliani theatri 19
restituta dedicabatur, vetera quoque acroamata revocaverat.
Apellari tragoedo quadringenta, Terpno Diodoroque cithar-
20 oedis ducena, nonnullis centena, quibus minimum quadragena
sestertia super plurimas coronas aureas dedit. Sed et con-
vivabatur assidue, ac saepius recta et dapsile, ut macellarios
adiuvaret. Dabat sicut Saturnalibus viris apophoreta, ita per
Kl. Mart. feminis; et tamen ne sic quidem pristina cupidita-
25 tis infamia caruit. Alexandrini Cybiosacten eum vocare per-
severaverunt, cognomine unius e regibus suis turpissimarum
sordium. Sed et in funere Favor archimimus personam eius
ferens imitansque, ut est mos, facta ac dicta vivi, interroga-
tis palam procuratoribus, quanti funus et pompa constaret,
30 ut audit, *sestertio centiens,* exclamavit, *centum sibi sester-*
tia darent, ac se vel in Tiberim proicerent.

Statura fuit quadrata, compactis firmisque membris, vultu 29
veluti nitentis; de quo quidam urbanorum non infacete: si-
quidem petenti, ut et in se aliquid diceret, *Dicam,* inquit,
35 *cum ventrem exonerare desieris.* Valitudine prosperrima
usus est, quamvis ad tuendam eam nihil amplius quam fauces
ceteraque membra sibimet ad numerum in sphaeristerio defri-
caret, inediaque unius diei per singulos menses interponeret.

21 Ordinem vitae hunc fere tenuit. In principatu maturius semper ac de nocte evigilabat; dein perlectis epistolis officiorumque omnium breviariis, amicos admittebat, ac dum salutatur, et calciabat ipse se et amiciebat; postque decisa quaecumque obvenissent negotia, gestationi et inde quieti vacabat, accubante aliqua pallacarum, quas in locum defunctae Caenidis plurimas constituerat; a secreto in balineum tricliniumque transibat. Nec ullo tempore facilius aut indulgentior traditur, eaque momenta domestici ad aliquid petendum magnopere captabant. 10

22 Et super caenam autem et semper alias comissimus, multa ioco transigebat; erat enim dicacitatis plurimae, etsi scurrilis et sordidae, ut ne praetextatis quidem verbis abstineret. Et tamen nonnulla eius facetissima extant, in quibus et haec. Mestrium Florum consularem, admonitus ab eo, 15 plaustra potius quam plostra dicenda, postero die Flaurum salutavit. Expugnatus autem a quadam, quasi amore suo deperiret, cum perductae pro concubitu sestertia quadringenta donasset, admonente dispensatore, quem ad modum summam rationibus vellet inferri, *Vespasiano*, inquit, *ad-* 20 *mato*. Utebatur et versibus Graecis tempestive satis et de quodam procerae staturae improbiusque nato:

μακρὰ βιβὰς, κραδάων δολιχόσκιον ἔγχος·
et de Cerulo liberto, qui dives admodum ob subterfugiendum quandoque ius fisci ingenuum se et Lachetem mutato nomine 25 coeperat ferre:

ὦ Λάχης, Λάχης,
ἐπὰν ἀποθάνης, αὐτίς ἐξ ἀρχῆς ἔσει
Κήρυλος.

Maxime tamen dicacitatem adfectabat in deformibus lucris, ut 30 invidiam aliqua cavillatione dilueret transferretque ad sales.

Quendam e caris ministris dispensationem cuidam quasi fratri petentem cum distulisset, ipsum candidatum ad se vocavit; exactaque pecunia, quantam is cum suffragatore suo pepigerat, sine mora ordinavit; interpellanti mox ministro 35 *Alium tibi*, ait, *quaere fratrem; hic, quem tuum putas, meus est*. Mulionem in itinere quodam suspicatus ad calciandas mulas desiluisse, ut adeunti litigatori spatium moram-

que praeberet, interrogavit *quanti calciasset*, et pactus est
 lucri partem. Reprehendenti filio Tito, quod etiam urinae
 vectigal commentus esset, pecuniam ex prima pensione ad-
 movit ad nares, sciscitans *num odore offenderetur*; et illo
 5 negante *Atquin inquit e lotio est*. Nuntiantis legatos, decre-
 tam ei publice non mediocris summae statuam colosseam, ius-
 sit vel continuo ponere, et cavam manum ostentans et *pa-
 ratam basim* dicens. Ac ne in metu quidem ac periculo mor-
 tis extremo abstinuit iocis. Nam cum inter cetera pro-
 10 digia Mausoleum derepente patuisset et stella crinita in caelo
 apparuisset, alterum ad Iuniam Calvinam e gente Augusti
 pertinere dicebat, alterum ad Parthorum regem qui capilla-
 tus esset; prima quoque morbi accessione *Vae inquit, puto
 deus fio*.

15 Consulatu suo nono temptatus in Campania motiunculis 24
 levibus protinusque urbe repetita, Cutilias ac Reatina rura,
 ubi aestivare quot annis solebat, petit. Hic cum super urguen-
 tem valitudinem creberrimo frigidae aquae usu etiam inte-
 stina vitiasset, nec eo minus muneribus imperatoriis ex con-
 20 suetudine fungeretur, ut etiam legationes audiret cubans, alvo
 repente usque ad defectionem soluta, *imperatorem ait stan-
 tem mori oportere*; dumque consurgit ac nititur, inter ma-
 nus sublevantium extinctus est VIII. Kl. Iul. annum agens
 aetatis sexagensimum ac nonum, superque mensem ac diem
 25 septimum.

Convenit inter omnis, tam certum eum de sua suorum- 25
 que genitura semper fuisse, ut post assiduas in se coniura-
 tiones ausus sit adfirmare senatui, *aut filios sibi successuros
 aut neminem*. Dicitur etiam vidisse quondam per quietem
 30 stateram media parte vestibuli Palatinae domus positam exa-
 mine aequo, cum in altera lance Claudius et Nero starent, in
 altera ipse ac filii. Nec res fefellit, quando totidem annis
 parique temporis spatio utrique imperaverunt.

DIVUS TITUS.

- 1 Titus, cognomine paterno, amor ac deliciae generis humani, (tantum illi ad promerendam omnium voluntatem vel ingenii vel artis vel fortunae superfuit, et, quod difficillimum est, in imperio; quando privatus atque etiam sub patre principe ne odio quidem, nedum vituperatione publica caruit) 5
- 2 Natus est III. Kl. Ian. insigni anno Gaiana nece, prope Septizonium, sordidis aedibus, cubiculo vero perparvo et obscuro; (nam manet adhuc et ostenditur) educatus in aula cum Britannico simul, ac paribus disciplinis et apud eosdem magistros institutus. Quo quidem tempore aiunt metoposco- 10 pum, a Narcisso Claudi liberto adhibitum, ut Britannicum inspiceret, constantissime affirmasse, illum quidem nullo modo, ceterum Titum, qui tunc prope astabat, utique imperatorem. Erant autem adeo familiares, ut de potione, qua Britannicus hausta periit, Titus quoque iuxta cubans gustasse credatur 15 gravique morbo afflictatus diu. Quorum omnium mox memor, statuam ei auream in Palatio posuit, et alteram ex eборе equestrem, quae Circensi pompa hodieque praefertur, dedit
- 3 cavit prosecutusque est. In puero statim corporis animique dotes explenduerunt, magisque ac magis deinceps per aeta- 20 tis gradus: forma egregia et cui non minus auctoritatis inesset quam gratiae, praecipuum robur, quamquam neque procerata statura et ventre paulo proiectiore; memoria singularis, docilitas ad omnis fere tum belli tum pacis artes. Armorum et equitandi peritissimus, Latine Graeceque, vel in orando 25 vel in fingendis poematibus, promptus et facilis ad extemporalitatem usque; sed ne musicae quidem rudis, ut qui cantaret et psalleret iucunde scienterque. E pluribus comperi, notis quoque excipere velocissime solitum, cum amanuensibus suis per ludum iocumque certantem, imitarique chiro- 30 grapha quaecumque vidisset, ac saepe profiteri, *maximum falsarium esse potuisse*.
- 4 Tribunus militum et in Germania et in Britannia meruit summa industriae, nec minore modestiae fama, sicut apparet

statuarum et imaginum eius multitudine ac titulis per utramque provinciam.

Post stipendia foro operam dedit, honestam magis quam assiduam, eodemque tempore Arrecinam Tertullam, patre
5 eq. R. sed praefecto quondam praetorianarum cohortium, duxit uxorem et in defunctae locum Marciam Furnillam splendidi generis; cum qua, sublata filia, divortium fecit.

Ex quaesturae deinde honore legioni praepositus, Tarcheas et Gamalam urbes Iudaeae validissimas in potestatem
10 redegit, equo quadam acie sub feminibus amisso alteroque inscenso, cuius rector circa se dimicans occubuerat.

Galba mox tenente rem p. missus ad gratulandum, qua- 5
qua iret convertit homines, quasi adoptionis gratia arceseretur. Sed ubi turbari rursus cuncta sensit, redit ex
15 itinere, aditoque Paphiae Veneris oraculo, dum de navigatione consulit, etiam de imperii spe confirmatus est. Cuius brevi compos, et ad perdomandam Iudaeam relictus, novissima Hierosolymorum oppugnatione duodecim propugnatores totidem sagittarum confecit ictibus, cepitque ea natali filiae
20 suae tanto militum gaudio ac favore, ut in gratulatione imperatorem eum consalutaverint et subinde decedentem provincia detinuerint, suppliciter nec non et minaciter efflagitantes, aut remaneret aut secum omnis pariter abduceret. Unde nata suspicio est, quasi desciscere a patre Orientisque
25 regnum sibi vindicare temptasset; quam suspensionem auxit, postquam Alexandriam petens in consecrando apud Memphim bove Apide diadema gestavit, de more quidem rituque priscae religionis; sed non deerant qui sequius interpretarentur. Quare festinans in Italiam, cum Regium, dein Puteolos oneraria nave appulisset, Romam inde contendit expeditissimus
30 inopinantique patri, velut arguens rumorum de se temeritatem, *Veni inquit, pater, veni.* Neque ex eo destitit participem atque etiam tutorem imperii agere.

Triumphavit cum patre censuramque gessit una, eidem
35 collega et in tribunicia potestate et in septem consulatibus fuit; receptaque ad se prope omnium officiorum cura (cum patris nomine et epistolas ipse dictaret et edicta conscribere orationesque in senatu recitaret etiam quaestoris vice)

praefecturam quoque praetori suscepit numquam ad id tempus nisi ab eq. R. administratam, egitque aliquanto incivilius et violentius. Siquidem suspectissimum quemque sibi, summissis qui per theatra et castra quasi consensu ad poenam deposcerent, haud cunctanter oppressit. In his Aulum Caecinam consularem, vocatum ad caenam ac vixdum triclinio egressum, confodi iussit; sane urgente discrimine, cum etiam chirographum eius praeparatae apud milites contionisprehendisset. Quibus rebus sicut in posterum securitati satis cavuit, ita ad praesens plurimum contraxit invidiae, ut non temere quis tam adverso rumore magisque invitis omnibus transierit ad principatum.

7 Praeter saevitiam suspecta in eo etiam luxuria erat, quod ad mediam noctem comissationes cum profusissimo quoque familiarium extenderet; nec minus libido, propter exoletorum et spadonum greges propterque insignem reginae Berenices amorem, cui etiam nuptias pollicitus ferebatur; suspecta rapacitas, quod constabat in cognitionibus patris nundinari praemiarique solitum; denique propalam alium Neronem et opinabantur et praedicabant. At illi ea fama pro bono cessit conversaque est in maximas laudes, neque vitio ullo reperto et contra virtutibus summis.

Convivia instituit iucunda magis quam profusa. Amicos elegit, quibus etiam post eum principes ut et sibi et rei p. necessariis adquieverunt praecipueque sunt usi. Berenicen statim ab urbe dimisit, invitum invitam. Quosdam e gratissimis delicatorem, quamquam tam artifices saltationis, ut mox scaenam tenuerint, non modo fovere prolixius, sed spectare omnino in publico coetu supersedit. Nulli civium quicquam ademit; abstinuit alieno, ut si quis umquam; ac ne concessas quidem ac solitas conlationes recepit. Et tamen nemine ante se munificentia minor, amphitheatro dedicato thermisque iuxta celeriter exstructis, munus edidit apparatissimum largissimumque; dedit et navale proelium in veteri naumachia, ibidem et gladiatores atque uno die quinque milia omne genus ferarum.

8 Natura autem benivolentissimus, cum ex instituto Tiberi omnes dehinc Caesares beneficia a superioribus concessa

principibus aliter * non haberent, quam si eadem isdem et ipsi dedissent, primus praeterita omnia uno confirmavit edicto, nec a se peti passus est. In ceteris vero desideriis hominum obstinatissime tenuit, ne quem sine spe dimitteret; quin et admonentibus domesticis, quasi plura polliceretur quam praestare posset, *non oportere ait quemquam a sermone principis tristem discedere*; atque etiam recordatus quondam super caenam, quod nihil cuiquam toto die praestitisset, memorabilem illam meritoque laudatam vocem edidit:

10 *Amici, diem perdididi.*

Populum in primis universum tanta per omnis occasiones comitate tractavit, ut proposito gladiatorio munere, *non ad suum, sed ad spectantium arbitrium* editurum se professus sit; et plane ita fecit. Nam neque negavit quicquam

15 petentibus et ut quae vellent peterent ultro adhortatus est. Quin et studium armaturae Threcum prae se ferens, saepe cum populo et voce et gestu ut fautor cavillatus est, verum maiestate salva nec minus aequitate. Ne quid popularitatis praetermitteret, nonnumquam in thermis suis admissa plebe

20 lavit.

Quaedam sub eo fortuita ac tristia acciderunt, ut conflagratio Vesvii montis in Campania, et incendium Romae per triduum totidemque noctes, item pestilentia quanta non temere alias. In iis tot adversis ac talibus non modo principis sol-

25 licitudinem sed et parentis affectum unicum praestitit, nunc consolando per edicta, nunc opitulando quatenus suppeteret facultas. Curatores restituendae Campaniae e consularium numero sorte duxit; bona oppressorum in Vesvio, quorum heredes non extabant, restitutioni afflictarum civitatum attribuit.

30 Urbis incendio *nihil publice perisse* testatus, cuncta praetiorum suorum ornamenta operibus ac templis destinavit praeposuitque compluris ex equestri ordine, quo quaeque maturius peragerentur. Medendae valitudini leniendisque morbis nullam divinam humanamque opem non adhibuit, in-

35 sito omni sacrificiorum remediorumque genere.

Inter adversa temporum et delatores mandatoresque erant ex licentia veteri. Hos assidue in foro flagellis ac fustibus caesos ac novissime traductos per amphitheatrum are-

nam, partim subici ac venire imperavit, partim in asperimas insularum avehi. Utque etiam similia quandoque ausuros perpetuo coereret, vetuit inter cetera de eadem re pluribus legibus agi, quaerive de cuiusquam defunctorum statu ultra certos annos.

9 Pontificatum maximum ideo se professus accipere ut puras servaret manus, fidem praestitit, nec auctor posthac cuiusquam necis nec conscius, quamvis interdum ulciscendi causa non deesset, sed *periturum se potius quam perditurum* adiurans. Duos patricii generis convictos in adfectione imperii, nihil amplius quam ut desisterent monuit, docens *principatum fato dari*, si quid praeterea desiderarent, promittens se tributurum; et confestim quidem ad alterius matrem, quae procul aberat, cursores suos misit, qui anxiae salvum filium nuntiarent, ceterum ipsos non solum familiari caenae adhibuit, sed et insequentidie gladiatorum spectaculo circa se ex industria conlocatis oblata sibi ferra-
mentis pugnantium inspicienda porrexit. Dicitur etiam, cognita utriusque genitura, *imminere ambobus periculum* adfirmasse, *verum quandoque et ab alio*; sicut evenit.

Fratrem insidiari sibi non desinentem, sed paene ex professo sollicitantem exercitus, meditantem fugam, neque occidere neque seponere ac ne in minore quidem honore habere sustinuit, sed, ut a primo imperii die, consortem successoremque testari perseveravit, nonnumquam secreto precibus et lacrimis orans, *ut tandem mutuo erga se animo*
10 *vellet esse*. Inter haec morte praeventus est, maiore hominum damno quam suo.

Spectaculis absolutis, in quorum fine populo coram ubertim fleverat, Sabinos petit aliquanto tristior, quod sacrificanti hostia aufugerat quodque tempestate serena tonuerat. Deinde ad primam statim mansionem febrim nactus, cum inde lectica transferretur, suspexisse dicitur dimotis pallulis caelum, multumque conquestus *eripi sibi vitam inmerenti*; neque enim *extare ullum suum factum paenitendum, excepto*
dum *taxat uno*. Id quale fuerit, neque ipse tunc prodidit neque cuiquam facile succurrit. Quidam opinantur consuetudinem recordatum, quam cum fratris uxore habuerit; sed

nullam habuisse, persancte Domitia iurabat: haud negatura, si qua omnino fuisset, immo etiam gloriatura, quod illi promptissimum erat in omnibus probris.

Excessit in eadem qua pater villa Id. Septb. post bien- 11
 5 nium ac menses duos diesque XX. quam successerat patri, altero et quadragesimo aetatis anno. Quod ut palam factum est, non secus atque in domestico luctu maerentibus publice cunctis, senatus prius quam edicto convocaretur ad curiam concurrir, obseratisque adhuc foribus, deinde apertis, tantas 10 mortuo gratias egit laudesque congegissit, quantas ne vivo quidem umquam atque praesenti.

DOMITIANUS.

Domitianus natus est VIII. Kl. Novemb. patre consule 1
 designato inituroque mense insequenti honorem, regione ur-
 bis sexta ad Malum Punicum, domo quam postea in templum
 15 gentis Flaviae convertit. Pubertatis ac primae adulescentiae tempus tanta inopia tantaque infamia gessisse fertur, ut nul-
 lum argenteum vas in usu haberet. Satisque constat Clo-
 dium Pollionem praetorium virum, in quem est poema Nero-
 nis quod inscribitur Luscio, chirographum eius conservasse
 20 et nonnumquam protulisse noctem sibi pollicentis; nec de-
 fuerunt qui affirmarent, corruptum Domitianum et a Nerva
 successore mox suo. Bello Vitelliano confugit in Capito-
 lium cum patruo Sabino ac parte praesentium copiarum, sed
 irrumpentibus adversariis et ardente templo apud aedituum
 25 clam pernoctavit, ac mane Isiaci celatus habitu interque sa-
 crificulos vanae superstitionis, cum se trans Tiberim ad con-
 discipuli sui matrem comite uno contulisset, ita latuit, ut scru-
 tantibus qui vestigia subsecuti erant, deprehendi non potue-
 rit. Post victoriam demum progressus et Caesar consaluta-
 30 tus, honorem praeturae urbanae consulari potestate suscepit
 titulo tenus, (nam iuris dictionem ad collegam proximum

transtulit) ceterum omnem vim dominationis tam licenter exercuit, ut iam tum qualis futurus esset ostenderet. Ne exequar singula, contractatis multorum uxoribus, Domitiam Longinam Aelio Lamiae nuptam etiam in matrimonium abduxit, atque uno die super XX. officia urbana aut peregrina distribuit, *mirari se Vespasiano dictitante, quod successorem non*
 2 *et sibi mitteret.* Expeditionem quoque in Galliam Germaniasque neque necessariam et dissuadentibus paternis amicis inchoavit, tantum ut fratri se et opibus et dignatione adaequaret.

Ob haec correptus, quo magis et aetatis et conditionis admoneretur, habitabat cum patre una, sellamque eius ac fratris, quotiens prodirent, lectica sequebatur ac triumphum utriusque Iudaicum equo albo comitatus est. In sex consulatibus nonnisi unum ordinarium gessit, eumque cedente ac
 15 suffragante fratre. Simulavit et ipse mire modestiam, in primisque poeticae studium, tam insuetum antea sibi quam postea spretum et abiectum, recitavitque etiam publice. Nec tamen eo setius, cum Vologaesus Parthorum rex auxilia ad-
 20 versus Alanos ducemque alterum ex Vespasiani liberis deposcisset, omni ope contendit ut ipse potissimum mitteretur; et quia discussa res est, alios Orientis reges ut idem postularent donis ac pollicitationibus sollicitare temptavit.

Patre defuncto, diu cunctatus an duplum donativum militi offerret, numquam iactare dubitavit *relictum se participem*
 25 *imperii, sed fraudem testamento adhibitam;* neque cessavit ex eo insidias struere fratri clam palamque, quoad correptum gravi valitudine, prius quam plane efflaret animam, pro mortuo deserui iussit; defunctumque nullo praeterquam consecrationis honore dignatus, saepe etiam carpsit obliquis
 30 orationibus et edictis.

3 Inter initia principatus cotidie secretum sibi horarum sumere solebat, nec quicquam amplius quam muscas captare ac stilo praeacuto configere; ut cuidam interroganti, essetne quis intus cum Caesare, non absurde responsum sit a Vibio
 35 Crispo, *ne muscam quidem.* Deinde uxorem Domitiam, ex qua in secundo suo consulatu filium tulerat *** alteroque anno consalutavit Augustam; eandem, Paridis histrionis amore

deperditam, repudiavit, intraque breve tempus impatiens discidii, quasi efflagitante populo, reduxit.

Circa administrationem autem imperii aliquandiu se varium praestitit, mixtura quoque aequabili vitiorum atque virtutum; donec virtutes quoque in vitia deflexit: quantum coniectare licet, super ingenii naturam inopia rapax, metu saevus.

Spectacula assidue magnifica et sumptuosa edidit non in 4 amphitheatro modo, verum et in circo; ubi praeter sollemnes
10 bigarum quadrigarumque cursus proelium etiam duplex, equestre ac pedestre, commisit; at in amphitheatro navale quoque. Nam venationes gladiatoresque et noctibus ad lych-nuchos; nec virorum modo pugnas, sed et feminarum. Praeterea quaestoriis muneribus, quae olim omissa revocaverat,
15 ita semper interfuit, ut populo potestatem faceret bina paria e suo ludo postulandi, eaque novissima aulico apparatu induceret. Ac per omne gladiatorum spectaculum ante pedes ei stabat puerulus coccinatus parvo portentosoque capite, cum quo plurimum fabulabatur, nonnumquam serio. Audi-
20 tus est certe, dum ex eo quaerit, *ecquid sciret, cur sibi visum esset ordinatione proxima Aegypto praeficere Maecium Rufum*. Edidit navalis pugnas paene iustarum classium, effosso et circumstructo iuxta Tiberim lacu, atque inter maximos imbres perspectavit.

25 Fecit et ludos Saeculares, computata ratione temporum ad annum non quo Claudius proxime, sed quo olim Augustus ediderat; in iis circensium die, quo facilius centum missus peragerentur, singulos a septenis spatiis ad quina corripuit.

30 Instituit et quinquennale certamen Capitolino Iovi triplex, musicum equestre gymnicum, et aliquanto plurium quam nunc est coronarum. Certabant enim et prosa oratione Graece Latineque, ac praeter citharoedos chorocitharistae quoque et psilocitharistae; in stadio vero cursu etiam virgines. Certamini praesedit crepidatus purpureaque amictus toga Graecanica, capite gestans coronam auream cum effigie Iovis ac
35 Iunonis Minervaeque; adsidentibus Diali sacerdote et collegio Flavialium pari habitu, nisi quod illorum coronis inerat

et ipsius imago. Celebrabat et in Albano quot annis Quinquatria Minervae, cui collegium instituerat, ex quo sorte ducti magisterio fungerentur ederentque eximias venationes et scenicos ludos, superque oratorum ac poetarum certamina.

Congiarium populo nummorum trecentorum ter dedit, atque inter spectacula muneris largissimum epulum. Septimontiali sacro quidem, senatui equitique panariis, plebei sportellis cum obsonio distributis, initium vescendi primus fecit; dieque proximo omne genus rerum missilia sparsit, et quia pars maior intra popularia deciderat, quinquagenas tesseras in singulos cuneos equestris ac senatorii ordinis pronuntiavit.

5 Plurima et amplissima opera incendio absumpta restituit, in quis et Capitolium, quod rursus arserat; sed omnia sub 15 titulo tantum suo ac sine ulla pristini auctoris memoria. Novam autem excitavit aedem in Capitolio Custodi Iovi, et forum quod nunc Nervae vocatur, item Flaviae templum gentis et stadium et Odium et naumachiam, e cuius postea lapide maximus circus, deustis utrimque lateribus, extru- 20 ctus est.

6 Expeditiones partim sponte suscepit, partim necessario: sponte in Catthos, necessario unam in Sarmatas, legione cum legato simul caesa, in Dacos duas, primam Oppio Sabino consulari oppresso, secundam Cornelio Fusco, praefecto cohortium praetorianarum, cui belli summam commiserat. De Catthis Dacisque post varia proelia duplicem triumphum egit. De Sarmatis lauream modo Capitolino Iovi rettulit.

Bellum civile motum a L. Antonio, superioris Germaniae 30 praeside, confecit absens felicitate mira, cum ipsa dimicationis hora resolutus repente Rhenus transituras ad Antonium copias barbarorum inhibuisset. De qua victoria praesagiis prius quam nuntiis comperit, siquidem ipso quo dimicatum erat die statuam eius Romae insignis aquila circum- 35 plexa pinnis clangores laetissimos edidit; pauloque post occisum Antonium adeo vulgatum est, ut caput quoque adportatum eius vidisse se plerique contenderent.

Multa etiam in communi rerum usu novavit: sportulas 7
publicas sustulit, revocata rectorum caerarum consuetudine;
duas circensibus gregum factiones aurati purpureique panni
ad quattuor pristinas addidit; interdixit histrionibus scenam,
5 intra domum quidem exercendi artem iure concessio; castrari
mares vetuit; spadonum, qui residui apud mangones erant,
pretia moderatus est. Ad summam quondam ubertatem vini,
frumenti vero inopiam existimans nimio vinearum studio neg-
legi arva, edixit, ne quis in Italia novellaret, utque in pro-
10 vinciiis vineta succiderentur, relicta ubi plurimum dimidia
parte; nec exequi rem perseveravit. Quaedam ex maximis
officiis inter libertinos equitesque R. communicavit. Gemi-
nari legionum castra prohibuit, nec plus quam mille nummos
a quoquam ad signa deponi; quod L. Antonius apud duarum
15 legionum hiberna res novas moliens fiduciam cepisse etiam
ex depositorum summa videbatur. Addidit et quartum sti-
pendium militi, aureos ternos.

Ius diligenter et industrie dixit, plerumque et in foro 8
pro tribunali extra ordinem; ambitiosas centumvirorum sen-
20 tentias rescidit; recipiarios, ne se perfusoriis assertioni-
bus accomodarent, identidem admonuit; nummarios iudices
cum suo quemque consilio notavit. Auctor et TR. PL. fuit
aedilem sordidum repetundarum accusandi iudicesque in eum
a senatu petendi. Magistratibus quoque urbicis provincia-
25 rumque praesidibus coercendis tantum curae adhibuit, ut ne-
que modestiores umquam neque iustiores extiterint; e quibus
plerosque post illum reos omnium criminum vidimus. Sus-
cepta correctione morum licentiam theatralem promiscue
in equite spectandi inhibuit; scripta famosa vulgoque edita,
30 quibus primores viri ac feminae notabantur, abolevit, non sine
auctorum ignominia; quaestorium virum, quod gesticulandi
saltandique studio teneretur, movit senatu; probrosis feminis
lecticae usum ademit iusque capiendi legata hereditatesque;
equitem R. ob reductam in matrimonium uxorem, cui dimis-
35 sae adulterii crimen intenderat, erasit iudicum albo; quos-
dam ex utroque ordine lege Scantinia condemnavit; incesta
Vestaliu virginu, a patre quoque suo et fratre neglecta,
varie ac severe coercuit, priora capitali supplicio, posteriora

more veteri. Nam cum Oculatis sororibus, item Varronillae liberum mortis permisisset arbitrium corruptoresque earum relegasset, mox Corneliam maximam virginem, absolutam olim, dein longo intervallo repetitam atque convictam defodi imperavit, stupratoresque virgis in comitio ad necem caedi, ⁵ excepto praetorio viro; cui, dubia etiam tum causa et incertis quaestionibus atque tormentis de semet professo, exilium indulsit. Ac ne qua religio deum impune contaminaretur, monimentum, quod libertus eius e lapidibus templo Capitolini Iovis destinatis filio extruxerat, diruit per milites, os- ¹⁰ saque et reliquias quae inerant mari mersit.

- 9 Inter initia usque adeo ab omni caede abhorrebat, ut absente adhuc patre recordatus Virgilii versum:

Impia quam caesis gens est epulata iuvenis,
edicere destinavit, ne boves immolarentur. Cupiditatis quo- ¹⁵
que atque avaritiae vix suspicionem ullam aut privatus umquam aut princeps aliquandiu dedit, immo e diverso magna saepe non abstinentiae modo sed etiam liberalitatis experimenta. Omnis circa se largissime prosecutus, nihil prius aut acrius monuit quam ne quid sordide facerent. Relictas ²⁰
sibi hereditates ab iis, quibus liberi erant, non recepit. Legatum etiam ex testamento Rusci Caepionis, qui caverat ut quot annis ingredientibus curiam senatoribus certam summam viritim praestaret heres suus, irritum fecit. Reos, qui ante quinquennium proximum apud aerarium pependissent, ²⁵
universos discrimine liberavit, nec repeti nisi intra annum eaque conditione permisit, ut accusatori qui causam non teneret exilium poena esset. Scribas quaestorios negotiantis, ex consuetudine sed contra Clodiam legem, venia in praeteritum donavit. Subsiciva, quae divisus per veteranos agris ³⁰
carptim superfuerunt, veteribus possessoribus ut usu capta concessit. Fiscales calumnias magna calumniantium poena repressit, ferebaturque vox eius: *Princeps qui delatores non castigat, irritat.*

- 10 Sed neque in clementiae neque in abstinentiae tenore ³⁵
permansit, et tamen aliquanto celerius ad saevitiam descivit quam ad cupiditatem. Discipulum Paridis pantomimi impuberem adhuc et cum maxime aegrum, quod arte formaque

non absimilis magistro videbatur, occidit; item Hermogenem Tarsensem propter quasdam in historia figuras, libraris etiam, qui eam descripserant, cruci fixis. Patrem familias, quod Threcem myrmilloni parem, munerario imparem dixerat, detractum spectaculis in harenam, canibus obiecit, cum hoc titulo: *Impie locutus parmularius*.

Complures senatores, in iis aliquot consulares, interemit; ex quibus Civicam Cerealem in ipso Asiae proconsulatu, Salvidienum Orfitum, Acilium Glabrimonem in exilio, quasi molitores rerum novarum; ceteros levissima quemque de causa: Aelium Lamiam ob suspiciosos quidem, verum et veteres et innoxios iocos, quod post abductam uxorem laudanti vocem suam eutacto dixerat, quodque Tito hortanti se ad alterum matrimonium responderat: *Μὴ καὶ σὺ γαμῆσαι θέλεις*; Salvium Cocceianum, quod Othonis imperatoris patruus sui diem natalem celebraverat; Mettium Pomposianum, quod habere imperatoriam genesim vulgo ferebatur, et quod depictum orbem terrae in membrana contionesque regum ac ducum ex Tito Livio circumferret, quodque servis nomina Marconis et Hannibalis indidisset; Sallustium Lucillum Britanniae legatum, quod lanceas novae formae appellari Luculleas passus esset; Iunium Rusticum, quod Paeti Thraseae et Helvidi Prisci laudes edidisset appellassetque eos sanctissimos viros; cuius criminis occasione philosophos omnis urbe Italiaque summovit. Occidit et Helvidium filium, quasi scaenico exodio sub persona Paridis et Oenones divortium suum cum uxore taxasset; Flavium Sabinum alterum e patruelibus, quod eum comitorum consularium die destinatum perperam praeco non consulem ad populum, sed imperatorem pronuntiasset.

Verum aliquanto post civilis belli victoriam saevior, plerosque partis adversae, dum etiam latentis conscios investigat, novo quaestionis genere distorsit, immisso per obscaena igne; nonnullis et manus amputavit. Satisque constat, duos solos e notioribus venia donatos, tribunum lativulvum et centurionem, qui se, quo facilius expertes culpae ostenderent, impudicos probaverant et ob id neque apud ducem neque apud milites ullius momenti esse potuisse.

Erat autem non solum magnae, sed etiam callidae inopi- 11

nataeque saevitiae. Actorem summarum pridie quam cruci fingeret in cubiculum vocavit, assidere in toro iuxta coegit, securum hilaremque dimisit, partibus etiam de caena dignatus est. Arrecinum Clementem consularem, unum e familiaribus et emissariis suis, capitis condemnaturus, in eadem vel 5 etiam maiore gratia habuit, quoad novissime simul gestanti, conspecto delatore eius, *Vis inquit hunc nequissimum servum cras audiamus?*

Et quo contemptius abuteretur patientia hominum, numquam tristiore sententiam sine praefatione clementiae pronuntiavit, ut non aliud iam certius atrocis exitus signum esset quam principii lenitas. Quosdam maiestatis reos in curiam induxerat, et cum praedixisset, *experturum se illa die quam carus senatui esset*, facile perfecerat ut etiam more maiorum puniendi condemnarentur; deinde atrocitate poenae 15 conterritus, ad leniendam invidiam, intercessit his verbis: (neque enim ab re fuerit ipsa cognoscere) *Permittite, patres conscripti, a pietate vestra impetrari, quod scio me difficulter impetraturum, ut damnatis liberum mortis arbitrium indulgeatis; nam et parceris oculis vestris et 20 intellegent me omnes senatui interfuisse.*

- 12 Exhaustus operum ac munerum impensis stipendioque, quod adiecerat, temptavit quidem ad relevandos castrenses sumptus, numerum militum deminuere; sed cum et obnoxium se barbaris per hoc animadverteret, neque eo setius in 25 explicandis oneribus haereret, nihil pensi habuit quin prae-daretur omni modo. Bona vivorum ac mortuorum usquequaque quolibet et accusatore et crimine corripiebantur. Satis erat, obici quaecumque factum dictumve adversus maiestatem principis. Confiscabantur alienissimae hereditates vel uno existente, qui diceret audisse se ex defuncto, cum vi- 30 veret, heredem sibi Caesarem esse. Praeter ceteros Iudaicus fiscus acerbissime actus est; ad quem deferebantur, qui vel inprofessi Iudaicam viverent vitam, vel dissimulata origine imposita genti tributa non pependissent. Interfuisse me 35 adulescentulum memini, cum a procuratore frequentissimoque consilio inspiceretur nonagenarius senex, an circumsectus esset.

Ab iuventa minime civilis animi, confidens etiam, et cum verbis tum rebus immodicus, Caenidi patris concubinae, ex Histria reversae osculumque ut assuerat offerenti, manum prae-buit; generum fratris indigne ferens albatos et ipsum
 5 ministros habere, proclamavit: *Οὐκ ἀγαθὸν πολυκοιραν-
 νῆν*. Principatum vero adeptus, neque in senatu iactare du-
 10 bitavit, *et patri se et fratri imperium dedisse, illos sibi
 reddidisse*; neque in reducenda post divortium uxore edi-
 cere, revocatam eam *in pulvinar suum*. Adclamari etiam
 15 in amphitheatro epuli die libenter audiit: *Domino et dominae
 feliciter!* Sed et Capitolino certamine cunctos ingenti con-
 sensu precantis, ut Palfurium Suram restitueret, pulsum olim
 senatu ac tunc de oratoribus coronatum, nullo responso di-
 gnatus, tacere tantum modo iussit voce praeconis. Pari ar-
 20 rogantia, cum procuratorum suorum nomine formalem dicta-
 ret epistulam, sic coepit: *Dominus et deus noster hoc fieri
 iubet*. Unde institutum posthac, ut ne scripto quidem ac
 sermone cuiusquam appellaretur aliter. Statuas sibi in Ca-
 pitolio nonnisi aureas et argenteas poni permisit ac ponde-
 25 ris certi. Ianos arcusque cum quadrigis et insignibus trium-
 phorum per regiones urbis tantos ac tot extruxit, ut cui-
 dam Graece inscriptum sit: *ar ci*. Consulatus septemdecim
 cepit, quot ante eum nemo; ex quibus septem medios conti-
 nuavit, omnes autem paene titulo tenus gessit, nec quem-
 30 quam ultra Kl. Mai. plerosque ad Idus usque Ianuarias. Post
 autem duos triumphos, Germanici cognomine assumpto, Se-
 ptembrem mensem et Octobrem ex appellationibus suis Ger-
 manicum Domitianumque transnominavit, quod altero susce-
 pisset imperium, altero natus esset.

35 Per haec terribilis cunctis et invisus, tandem oppressus
 est amicorum libertorumque intimorum conspiratione, simul
 et uxoris. Annum diemque ultimum vitae iam pridem suspec-
 tum habebat, horam etiam, nec non et genus mortis. Adu-
 lescentulo Chaldaei cuncta praedixerant; pater quoque su-
 40 per caenam quondam fungis abstinenter palam irriserat ut
 ignarum sortis suae, quod non ferrum potius timeret. Quare
 pavidus semper atque anxius, minimis etiam suspicionibus
 praeter modum commovebatur; ut edicti de excidendis vineis

propositi gratiam facere non alia magis re compulsus credatur, quam quod sparsi libelli cum his versibus erant:

*Κἂν με φάγῃς ἐπὶ ῥίξαν, ὅμως ἔτι καρποφορήσω,
Ὅσσον ἐπισπείσαι σολί, τράγε, θυομένω.*

Eadem formidine oblatum a senatu novum et excogitatum honorem, quamquam omnium talium appetentissimus, recusavit, quo decretum erat ut, quotiens gereret consulatum, eq. R. quibus sors obtigisset, trabeati et cum hastis militaribus praecederent eum inter lictores apparitoresque.

Tempore suspecti periculi appropinquante, sollicitior in dies, porticum, in quibus spatari consuevit, parietes phengite lapide distinxit, e cuius splendore per imagines quidquid a tergo fieret provideret. Nec nisi secreto atque solus plerasque custodias, receptis quidem in manum catenis, audiebat. Utque domesticis persuaderet, ne bono quidem exemplo audendam esse patroni necem, Epaphroditum a libellis capitali poena condemnavit, quod post destitutionem Nero in adipiscenda morte manu eius adiutus existimabatur. Denique Flavium Clementem patruelem suum, contemptissimae inertiae, cuius filios etiam tum parvulos successores palam destinaverat et, abolito priore nomine, alterum Vespasianum appellari iusserat, alterum Domitianum, repente ex tenuissima suspitione tantum non in ipso eius consulatu interemit. Quo maxime facto maturavit sibi exitium.

Continuis octo mensibus tot fulgura facta nuntiataque sunt, ut exclamaverit: *Feriat iam, quem volet!* Tactum de caelo Capitolium templumque Flaviae gentis, item domus Palatina et cubiculum ipsius, atque etiam e basi statuæ triumphalis titulus excussus vi procellae in monimentum proximum decidit. Arbor, quæ privato adhuc Vespasiano eversa surrexerat, tunc rursus repente corruit. Praenestina Fortuna, toto imperii spatio annum novum commendanti laetam eandemque semper sortem dare assueta, extremo tristissimam reddidit, nec sine sanguinis mentione.

Minervam, quam superstitiose colebat, somniavit excedere sacrario * negantemque ultra se tueri eum posse, quod exarmata esset a Iove. Nulla tamen re perinde commotus est, quam responso casuque Ascletharionis mathematici. Hunc

delatum nec infitiantem, iactasse se quae providisset ex arte, sciscitatus est, quis ipsum maneret exitus; et affirmantem, fore ut brevi laceraretur a canibus, interfici quidem sine mora, sed ad coarguendam temeritatem artis sepeliri quoque accuratissime imperavit. Quod cum fieret, evenit ut, repentina tempestate defecto funere, semiustum cadaver discerperent canes, idque ei caenanti a mimo Latino, qui praeteriens forte animadverterat, inter ceteras diei fabulas referretur.

Pridie quam periret, cum oblatos tuberes servari iussisset 16
 10 in crastinum, adiecit: *Si modo uti licuerit!* et conversus ad proximos affirmavit, *fore ut sequenti die luna se in aquario cruentaret factumque aliquod existeret, de quo loquerentur homines per terrarum orbem.* At circa mediam noctem ita est exterritus, ut e strato prosiliret. Dehinc mane haruspiciem ex
 15 Germania missum, qui consultus de fulgure mutationem rerum praedixerat, audit condemnavitque; ac dum exulceratam in fronte verrucam vehementius scalpit, profluente sanguine, *Utinam inquit hactenus!* Tunc horas requirenti pro quinta, quam metuebat, sexta ex industria nuntiata est. His velut
 20 transacto iam periculo laetum, festinantemque ad corporis curam Parthenius cubiculo praepositus convertit, nuntians esse, qui magnum nescio quid afferret, nec differendum. Itaque summotis omnibus, in cubiculum se recepit atque ibi occisus est.

De insidiarum caedisque genere haec fere divulgata sunt. 17
 25 Cunctantibus conspiratis, quando et quo modo, id est lavantemne an caenantem, adgrederentur, Stephanus, Domitillae procurator, et tunc interceptarum pecuniarum reus, consilium operamque optulit. Ac sinisteriore brachio, velut aegro, laniis fasciisque per aliquot dies ad avertendam suspicionem ob-
 30 voluto, ad ipsam horam dolonem interiecit; professusque conspiracy indicium et ob hoc admissus, legenti traditum a se libellum et attonito suffodit inguina. Saucium ac repugnantem adorti Clodianus cornicularius, et Maximus Partheni libertus, et Saturius decurio cubiculariorum, et quidam e gladiatorio
 35 ludo vulneribus septem contrucidarunt. Puer, qui arae Larum cubuli ex consuetudine assistens interfuit caedi, hoc amplius narrabat, iussum se a Domitiano ad primum statim vulnus pugionem pulvino subditum porrigere ac ministros vocare, ne-

que ad caput quidquam excepto capulo, et praeterea clausa omnia repperisse; atque illum interim arrepto deductoque ad terram Stephano, conluctatum diu, dum modo ferrum extorquere, modo quamquam laniatis digitis oculos effodere conatur.

Occisus est XIII. Kl. Octb. anno aetatis quadragensimo quinto, imperii quinto decimo. Cadaver eius, populari sandapila per vespillones exportatum, Phyllis nutrix in suburbano suo Latina via funeravit; sed reliquias templo Flaviae gentis clam intulit, cineribusque Iuliae Titi filiae, quam et ipsam edr-¹⁰ carat, commiscuit.

- 18 Statura fuit procera, vultu modesto ruborisque pleno, grandibus oculis, verum acie hebetiore; praeterea pulcher ac decens, maxime in iuventa, et quidem toto corpore, exceptis pedibus, quorum digitos restrictiores habebat; postea cal-¹⁵ vitio quoque deformis et obesitate ventris et crurum gracilitate, quae tamen ei valitudine longa remacruerant. Commendari se verecundia oris adeo sentiebat, ut apud senatum sic quondam iactaverit: *Usque adhuc certe et animum meum probastis et vultum.* Calvitio ita offende-²⁰ batur, ut in contumeliam suam traheret, si cui alii ioco vel iurgio obiectaretur; quamvis libello, quem de cura capillorum ad amicum edidit, haec etiam, simul illum seque consolans, inseruerit:

Οὐχ ὀράας, οἷος καὶ καλὸς τε μέγας τε;

- Eadem me tamen manent capillorum fata, et forti animo*²⁵
fero comam in adulescentia senescentem. Scias nec gra-
19 *tius quicquam decore nec brevius.* Laboris impatiens, pedibus per urbem non temere ambulavit, in expeditione et agmine equo rarius, lectica assidue vectus est. Armorum nullo, sagittarum vel praecipuo studio tenebatur. Centenas varii³⁰ generis feras saepe in Albano secessu conficientem spectare plerique, atque etiam ex industria ita quarundam capita figentem, ut duobus ictibus quasi cornua efficeret. Nonnumquam in pueri procul stantis praebentisque pro scopulo dispansam dexteræ manus palmam, sagittas tanta arte direxit, ut³⁵ omnes per intervalla digitorum innocue evaderent.

- 20 Liberalia studia imperii initio neglexit, quamquam bibliothecas incendio absumptas impensissime reparare curasset,

exemplaribus undique petitis, missisque Alexandream qui describerent emendarentque. Numquam tamen aut historiae carminibusve noscendis operam ullam aut stilo vel necessario dedit. Praeter commentarios et acta Tiberi Caesaris nihil
 5 lectitabat; epistolas orationesque et edicta alieno formabat ingenio. Sermonis tamen nec inelegantis, dictorum interdum etiam notabilium, *Vellem inquit tam formosus esse, quam Maetius sibi videtur*; et cuiusdam caput varietate capilli sub-
 10 rutilum et incanum *perfusam nivem mulso* dixit; condicio-
nem principum miserrimam aiebat, quibus de coniuratione comperta non crederetur nisi occisis.

Quotiens otium esset, alea se oblectabat, etiam profestis diebus matutinisque horis, ac lavabat de die, prandebatque ad
 15 satietatem, ut non temere super caenam praeter Matianum malum et modicam in ampulla potiunculam sumeret. Convivabatur frequenter ac large, sed paene raptim; certe non ultra solis occasum, nec ut postea comissaretur. Nam ad horam somni nihil aliud quam solus secreto deambulabat.

Libidinis nimiae, assiduitatem concubitus velut exercitatio-
 20 nis genus clinopalen vocabat; eratque fama, quasi concubinas ipse develleret naretque inter vulgatissimas meretrices. Fratris filiam, adhuc virginem oblatam in matrimonium sibi cum devinctus Domitiae nuptiis pertinacissime recusasset, non multo post alii conlocatam, corruptit ultro et quidem vivo et-
 25 iam tum Tito; mox patre ac viro orbatam ardentissime palamque dilexit, ut etiam causa mortis extiterit coactae conceptum a se abigere.

Occisum eum populus indifferenter, miles gravissime tulit
 30 statimque Divum appellare conatus est, paratus et ulcisci, nisi duces defuissent; quod quidem paulo post fecit, expostulatis ad poenam pertinacissime caedis auctoribus. Contra senatus adeo laetatus est, ut repleta certatim curia non temperaret, quin mortuum contumeliosissimo atque acerbissimo adclama-
 35 tionum genere laceraret, scalas etiam inferri clipeosque et imagines eius coram detrahi et ibidem solo affligi iuberet, novissime eradendos ubique titulos abolendamque omnem memoriam decerneret.

Ante paucos quam occideretur menses cornix in Capitolio

elocuta est: "Εσται πάντα καλῶς· nec defuit qui ostentum sic interpretaretur:

Nuper Tarpeio quae sedit culmine cornix

Est bene non potuit dicere, dixit: erit.

Ipsum etiam Domitianum ferunt somniasse, gibbam sibi pone⁵ cervicem auream enatam, pro certoque habuisse, beatiorem post se laetio⁵remque portendi rei p. statum. Sicut sane brevi evenit, abstinentia et moderatione insequentium principum.

C. SUETONIUS TRANQUILLUS

DE

GRAMMATICIS ET RHETORIBUS.

THE UNIVERSITY OF CHICAGO

1891

RECEIVED OF THE UNIVERSITY OF CHICAGO

DE GRAMMATICIS.

Grammatica Romae ne in usu quidem olim, nedum in honore ullo erat, rudi scilicet ac bellicosa etiam tum civitate, necdum magnopere liberalibus disciplinis vacante. Initium quoque eius mediocre extitit, siquidem antiquissimi doctorum, qui iidem et poetae et semigraeci erant, (Livium et Ennium dico, quos utraque lingua domi forisque docuisse adnotatum est) nihil amplius quam Graecos interpretabantur, aut si quid ipsi Latine composuissent praelegebant. Nam quod nonnulli tradunt duos libros de litteris syllabisque, item de metris ab eodem Ennio editos, iure arguit L. Cotta non poetae sed posterioris Ennii esse, cuius etiam de augurandi disciplina volumina ferantur.

Primus igitur, quantum opinamur, studium grammaticae in urbem intulit Crates Mallotes, Aristarchi aequalis, qui missus ad senatum ab Attalo rege inter secundum ac tertium Punicum bellum sub ipsam Ennii mortem, cum regione Palatii prolapsus in cloacae foramen crus fregisset, per omne legationis simul et valitudinis tempus plurimas acroasis subinde fecit assidueque disseruit, ac nostris exemplo fuit ad imitandum. Hactenus tamen imitati, ut carmina parum adhuc divulgata vel defunctorum amicorum vel si quorum aliorum probassent, diligentius retractarent ac legendo commentandoque etiam ceteris nota facerent; ut C. Octavius Lampadio Naevii Punicum bellum, quod uno volumine et continenti scriptura expositum divisit in septem libros; ut postea Q. Vargunteius annales Ennii, quos certis diebus in magna frequentia pronuntiabat; ut Laelius Archelaus Vettiusque Philocomus Lucilii satyras familiaris sui, quas legisse se apud

Archelaum Pompeius Lenaeus, apud Philocomum Valerius Cato praedicant.

Instruxerunt auxeruntque ab omni parte grammaticam L. Aelius Lanuvinus generque Aelii Ser. Clodius, uterque eques
 3 Ro. multique ac varii et in doctrina et in re p. usus. Aelius 5
 cognomine duplici fuit; nam et Praeconinus, quod pater eius
 praeconium fecerat, vocabatur, et Stilo, quod orationes nobi-
 lissimo cuique scribere solebat; tantus optimatum fautor, ut
 Metellum Numidicum in exilium comitatus sit. Servius, cum
 librum soceri nondum editum fraude interceptisset, et ob hoc 10
 repudiatus pudore ac taedio secessisset ab urbe, in podagrae
 morbum incidit; cuius impatiens veneno sibi perunxit pedes
 et enecuit ita, ut parte ea corporis quasi praemortua viveret.

Posthac magis ac magis et gratia et cura artis increvit,
 ut ne clarissimi quidem viri abstinerint quo minus et ipsi ali- 15
 quid de ea scriberent, utque temporibus quibusdam super
 viginti celebres scholae fuisse in urbe tradantur; pretia vero
 grammaticorum tanta mercedesque tam magnae, ut constet
 Lutatium Daphnidem, quem Laevius Melissus per cavillationem
 nominis Panos agasma dicit, DCC. milibus nummum a Q. 20
 Catulo emptum ac brevi manumissum, L. Apuleium ab Eficio
 Calvino equite Romano praedivite quadringenis annuis *con-
 ductos multos edoceret. Nam in provincias quoque gramma-
 tica penetraverat, ac nonnulli de notissimis doctoribus pere-
 gre docuerunt, maxime in Gallia Togata; inter quos Octa- 25
 vius Teucer et Pescennius Iaccus et Oppius Chares; hic qui-
 dem ad ultimam aetatem, et cum iam non ingressu modo
 deficeretur sed et visu.

4 Appellatio grammaticorum Graeca consuetudine invaluit;
 sed initio litterati vocabantur. Cornelius quoque Nepos libello 30
 quo distinguit litteratum ab erudito, litteratos quidem vulgo
 appellari ait eos qui aliquid diligenter et acute scienterque
 possint aut dicere aut scribere, ceterum proprie sic appellan-
 dos poetarum interpretes, qui a Graecis grammatici nomen-
 tur. Eosdem litteratores vocitatos Messala Corvinus in quadam 35
 epistola ostendit, *non esse sibi dicens rem cum Furio Biba-
 culo, ne cum Ticide quidem aut litteratore Catone*; signi-
 ficat enim haud dubie Valerium Catonem, poetam simul gram-

maticumque notissimum. Sunt qui litteratum a litteratore distinguant, ut Graeci grammaticum a grammatista, et illum quidem absolute, hunc mediocriter doctum existiment. Quorum opinionem Orbilius etiam exemplis confirmat; namque *apud*
 5 *maiores ait, cum familia alicuius venalis produceretur, non temere quem litteratum in titulo, sed litteratorem inscribi solitum esse, quasi non perfectum litteris, sed imbutum.*

Veteres grammatici et rhetoricam docebant, ac multorum
 10 de utraque arte commentarii feruntur. Secundum quam consuetudinem posteriores quoque existimo, quanquam iam discretis professionibus, nihilo minus vel retinuisse vel instituisse et ipsos quaedam genera institutionum ad eloquentiam praeparandam, ut problemata, paraphrasis, allocutiones, etho-
 15 logias atque alia hoc genus; ne scilicet sicci omnino atque aridi pueri rhetoribus traderentur. Quae quidem omitti iam video, desidia quorundam et infantia; non enim fastidio putem. Me quidem adolescentulo, repeto quendam Principem nomine alternis diebus declamare, alternis disputare, nonnullis vero
 20 mane disserere, post meridiem remoto pulpito declamare solitum. Audiebam etiam, memoria patrum quosdam e grammatici statim ludo transisse in forum atque in numerum praestantissimorum patronorum receptos.

Clari professores et de quibus prodi possit aliquid dum
 25 taxat a nobis, fere hi fuerunt.

Sevius Nicanor primus ad famam dignationemque docendo 5
 pervenit, fecitque praeter commentarios, quorum tamen pars maxima intercepta dicitur, satyram quoque, in qua libertinum se ac duplici cognomine esse per haec indicat:

30 *Sevius Nicanor Marci libertus negabit:*

*Sevius post huius * idem ac Marcus docebit.*

Sunt qui tradant, ob infamiam quandam eum in Sardiniam secessisse ibique diem obisse.

Aurelius Opilius, Epicurei cuiusdam libertus, philoso- 6
 35 phiam primo, deinde rhetoricam, novissime grammaticam docuit. Dimissa autem schola, Rutilium Rufum damnatum in Asiam secutus, ibidem Smyrnae simul consenuit, composuitque variae eruditionis aliquot volumina, *ex quibus novem*

unius corporis, quia scriptores ac poetas sub clientela Musarum iudicaret, non absurde et fecisse et scripsisse se ait ex numero divarum et appellatione. Huius cognomen in plerisque indicibus et titulis per unam L litteram scriptum animadverto, verum ipse id per duas effert in parastichide libelli, qui inscribitur pinax.

- 7 M. Antonius Gnipho, ingenuus in Gallia natus sed expositus, a nutritore suo manumissus institutusque (Alexandriae quidem, ut aliqui tradunt, in contubernio Dionysi Scytobrachionis; quod equidem non temere crediderim, cum temporum ratio vix congruat) fuisse dicitur ingenii magni, memoriae singularis, nec minus Graece quam Latine doctus; praeterea comi facilique natura, nec unquam de mercedibus pactus, eoque plura ex liberalitate discentium consecutus. Docuit primum in Divi Iulii domo pueri, deinde in sua privata. Docuit autem et rhetoricam, ita ut quotidie praecepta eloquentiae traderet, declamaret vero nonnisi nundinis. Scholam eius claros quoque viros frequentasse aiunt, in iis M. Ciceronem, etiam cum praetura fungeretur. Scripsit multa, quamvis annum aetatis quinquagesimum non excesserit. Etsi Ateius Philologus duo tantum volumina de Latino sermone reliquisse eum tradit; nam cetera scripta discipulorum eius esse, non ipsius; in quibus et suum alicubi reperiri nomen, ut hoc *

- 8 M. Pompilius Andronicus, natione Syrus, studio Epicureae sectae desidiosior in professione grammatica habebatur minusque idoneus ad tuendam scholam. Itaque cum se in urbe non solum Antonio Gniphoni, sed ceteris etiam deterioribus postponi videret, Cumas transiit ibique in otio vixit et multa composuit; verum adeo inops atque egens, ut coactus sit praecipuum illud opusculum suum annalium Ennii elenchorum XVI. milibus nummum cuidam vendere, quos libros Orbilius suppressos redemisse se dicit vulgandosque curasse nomine auctoris.

- 9 L. Orbilius Pupillus Beneventanus, morte parentum, una atque eadem die inimicorum dolo interemptorum, destitutus, primo apparituram magistratibus fecit; deinde in Macedonia corniculo, mox equo meruit; functusque militia, studia repetit, quae iam inde a puero non leviter attigerat; ac profes-

sus diu in patria, quinquagesimo demum anno Romam consule Cicerone transiit docuitque maiore fama quam emolumento. Namque iam persenex *pauperem se et habitare sub tegulis* quodam scripto fatetur. Librum etiam, cui est titulus Perialogos, edidit continentem querelas de iniuriis, quas professores negligentia aut ambitione parentum acciperent. Fuit autem naturae acerbae, non modo in antisophistas, quos omni in occasione laceravit, sed etiam in discipulos, ut et Horatius significat *plagosum* eum appellans, et
 10 Domitius Marsus scribens:

Si quos Orbilius ferula scuticaque cecidit.

Ac ne principum quidem virorum insectatione abstinuit; siquidem ignotus adhuc cum iudicio frequenti testimonium diceret, interrogatus a Varrone diversae partis advocato, quid-
 15 nam ageret et quo artificio uteretur, *gibberosos se de sole in umbram transferre* respondit; quod Murena gibber erat. Vixit prope ad centesimum aetatis annum, amissa iam pridem memoria, ut versus Bibaculi docet:

Orbilius ubinam est, litterarum oblivio?

20 Statua eius Beneventi ostenditur in Capitolio ad sinistrum latus marmorea habitu sedentis ac palliati, appositis duobus scriniis. Reliquit filium Orbilium, et ipsum grammaticum professorem.

L. Ateius Philologus libertinus Athenis est natus. *Hunc* 10

25 Capito Ateius notus iuris consultus *inter grammaticos rhetorem, inter rhetores grammaticum fuisse* ait. De eodem Asinius Pollio in libro, quo Sallustii scripta reprehendit ut nimia priscorum verborum affectatione oblita, ita tradit: *In eam rem adiutorium ei fecit maxime quidam Ateius Prae-*
 30 *textatus nobilis grammaticus Latinus, declamantium deinde auditor atque praeceptor, ad summam Philologus ab semet nominatus.* Ipse ad Laelium Hermam scripsit, *se in Graecis litteris magnum processum habere et in Latinis nonnullum, audisse Antonium Gniphonem eiusque** Her-
 35 *mam, postea docuisse. Praecepisse autem multis et claris iuvenibus, in quis Appio quoque et Pulchro Claudiis fratribus, quorum etiam comes in provincia fuerit.* Philologi appellationem assumpsisse videtur, quia sic ut Eratosthenes,

qui primus hoc cognomen sibi vindicavit, multiplici variaque doctrina censebatur. Quod sane ex commentariis eius apparet, quanquam paucissimi extent; de quorum tamen copia sic altera ad eundem Hermam epistola significat: *Hylen nostram aliis memento commendare, quam omnis generis coegimus, uti scis, octingentos in libros.* Coluit postea familiarissime C. Sallustium et eo defuncto Asinium Pollionem, quos historiam componere aggressos, alterum breviario rerum omnium Romanarum, ex quibus quas vellet eligeret, instruxit, alterum praeceptis de ratione scribendi. Quo magis miror Asinium credidisse, antiqua eum verba et figuras solitum esse colligere Sallustio; cum sibi sciat nihil aliud suadere quam ut noto civilique et proprio sermone utatur, vitetque maxime obscuritatem Sallustii et audaciam in translationibus.

- 11 P. Valerius Cato, ut nonnulli tradiderunt, Burseni cuius-
dam libertus ex Gallia; ipse libello, cui est titulus Indig-
natio, ingenuum se natum ait et pupillum relictum, eoque
facilius licentia Syllani temporis exutum patrimonio. Docuit
multos et nobiles, visusque est peridoneus praeceptor, ma-
xime ad poeticam tendentibus, ut quidem apparere vel his
versiculis potest:

*Cato grammaticus, Latina Siren,
Qui solus legit ac facit poetas.*

Is scripsit praeter grammaticos libellos etiam poemata, ex
quibus praecipue probantur Lydia et Diana. Lydiae Ticide
meminit:

Lydia doctorum maxima cura liber;

Dianae Cinna:

Secula permaneat nostri Dictynna Catonis.

Vixit ad extremam senectam, sed in summa pauperie et pene
inopia, abditus modico gurgustio, postquam Tusculana villa
creditoribus cesserat, ut auctor est Bibaculus:

*Si quis forte mei domum Catonis,
Depictas minio assulas, et illos
Custodis videt hortulos Priapi:
Miratur, quibus ille disciplinis
Tantam sit sapientiam assecutus,
Quem tres cauliculi, selibra farris,*

*Racemi duo tegula sub una
Ad summam prope nutriant senectam.*

Et rursus:

*Catonis modo, Galle, Tusculanum
Tota creditor urbe venditabat.
Mirati sumus, unicum magistrum,
Summum grammaticum, optimum poetam
Omnes solvere posse quaestiones,
Unum difficile expedire nomen.
En cor Zenodoti, en iecur Cratetis!*

Cornelius Epicadus, L. Cornelii Syllae dictatoris libertus 12
calatorque in sacerdotio augurali, filio quoque eius Fausto
gratissimus fuit; quare nunquam non utriusque se libertum
edidit. Librum autem, quem Sylla novissimum de rebus
15 suis imperfectum reliquerat, ipse supplevit.

Staberius Eros suomet aere emptus de catasta et propter 13
litterarum studium manumissus, docuit inter ceteros Brutum
et Cassium. Sunt qui tradant tanta eum honestate praeditum,
ut temporibus Syllanis proscriptorum liberos gratis et sine
20 mercede ulla in disciplinam receperit.

Curtius Nicia haesit CN. Pompeio et C. Memmio; sed cum 14
codicillos Memmi ad Pompei uxorem de stupro pertulisset,
proditus ab ea, Pompeium offendit, domoque ei interdictum
est. Fuit et M. Ciceronis familiaris; in cuius epistola ad Do-
25 labellam haec de eo legimus: *Nihil Romae geritur quod te
putem scire curare, nisi forte scire vis, me inter Niciam
nostrum et Vidium iudicem esse. Profert alter, opinor
duobus versiculis, expensum [Niciae;] alter Aristarchus
hos obelizei: ego tanquam criticus antiquos iudicaturus
30 sum, utrum sint τοῦ [ποιητοῦ ἀνταρμεβεβλημένοι.] Item
ad Atticum: De Nicia quod scribis, si ita me haberem ut
eius humanitate frui possem, in primis vellem mecum il-
lum habere; sed mihi solitudo et recessus provincia est.
Praeterea nosti Niciae nostri imbecillitatem, mollitiam,
35 consuetudinem victus. Cur ergo illi molestus esse [velim,
cum mihi ille iucundus esse non] possit? Voluntas tamen
eius mihi grata est. Huius de Lucilio libros etiam Santra
comprobat.*

- 15 Lenaeus, Magni Pompei libertus et pene omnium expeditionum comes, defuncto eo filiisque eius schola se sustentavit; docuitque in Carinis ad Telluris, in qua regione Pompeiorum domus fuerat, ac tanto amore erga patroni memoriam extitit, ut Sallustium historicum, quod eum *oris probi, animo inverecundo* scripsisset, acerbissima satyra laceraverit, *lastaurum et lurconem et nebulonem popinonemque* appellans, *et vita scriptisque monstrosum, praeterea priscorum Catonisque verborum ineruditissimum furem*. Traditur autem puer adhuc Athenis surreptus, refugisse in patriam, perceptisque liberalibus disciplinis, pretium suum retulisse, verum ob ingenium atque doctrinam gratis manumissus.
- 16 Q. Caecilius Epirota, Tusculi natus, libertus Attici equitis Romani, ad quem sunt Ciceronis epistolae, cum filiam patroni nuptam M. Agrippae doceret, suspectus in ea et ob hoc remotus, ad Cornelium Gallum se contulit vixitque una familiarissime, quod ipsi Gallo inter gravissima crimina ab Augusto obiicitur. Post deinde damnationem mortemque Galli scholam aperuit, sed ita ut paucis et tantum adolescentibus praeciperet, praetextato nemini, nisi si cuius parenti hoc officium negare non posset. Primus dicitur Latine ex tempore disputasse, primusque Virgilium et alios poetas novos praelegere coepisse, quod etiam Domitii Marsi versiculus indicat:
Epirota, tenellorum nutricula vatum. 25
- 17 M. Verrius Flaccus libertinus docendi genere maxime claruit. Namque ad exercitanda discentium ingenia aequales inter se committere solebat, proposita non solum materia quam scriberent, sed et praemio quod victor auferret. Id erat liber aliquis antiquus, pulcher aut rarior. Quare ab Augusto quoque nepotibus eius praeceptor electus, transiit in Palatium cum tota schola, verum ut ne quem amplius posthac discipulum reciperet; docuitque in atrio Catulinae domus, quae pars Palatii tunc erat, et centena sestertia in annum accepit. Decessit aetatis exactae sub Tiberio. Statuam habet Praeneste, in superiore fori parte circa hemicyclium, in quo fastos a se ordinatos et marmoreo parieti incisos publicarat.
- 18 L. Crassicius, genere Tarentinus, ordinis libertini, cogno-

mine Pasicles, mox Pansam se transnominavit. Hic initio circa scenam versatus est, dum mimographos adiuvat; deinde in pergula docuit, donec commentario Zmyrnae edito adeo inclaruit, ut haec de eo scriberentur:

5 *Uni Crassicio se credere Zmyrna probavit:*

Desinite indocti coniugio hanc petere!

Soli Crassicio se dixit nubere velle,

Intima cui soli nota sua extilerint.

Sed cum edoceret iam multos ac nobiles, in iis Iulium Antonium, triumviri filium, ut Verrio quoque Flacco compararetur, dimissa repente schola, transiit ad Q. Sexti philosophi sectam.

Scribonius Aphrodisius, Orbilii servus atque discipulus, 19 mox a Scribonia Libonis filia, quae prior Augusti uxor fuerat, redemptus et manumissus, docuit quo Verrius tempore, cuius 15 etiam libris de orthographia rescripsit, non sine insectatione studiorum morumque eius.

C. Iulius Hyginus, Augusti libertus, natione Hispanus, 20 (nonnulli Alexandrinum putant et a Caesare puerum Romam adductum Alexandria capta) studiose et audit et imitatus est Cornelium Alexandrum grammaticum Graecum, quem propter antiquitatis notitiam Polyhistorem multi, quidam Historiam vocabant. Praefuit Palatinae bibliothecae, nec eo secius plurimos docuit; fuitque familiarissimus Ovidio poetae et Clodio 25 Licino consulari, historico, qui eum admodum pauperem decessisse tradit et liberalitate sua, quoad vixerit, sustentatum. Huius libertus fuit Iulius Modestus, in studiis atque doctrina vestigia patroni secutus.

C. Melissus, Spoleti natus ingenuus, sed ob discordiam 21 parentum expositus, cura et industria educatoris sui altiora studia percepit, ac Maecenati pro grammatico muneri datus est. Cui cum se gratum et acceptum in modum amici videret, quanquam asserente matre, permansit tamen in statu servitutis praesentemque condicionem verae origini anteposuit; 30 quare cito manumissus, Augusto etiam insinuatus est. Quo delegante, curam ordinandarum bibliothecarum in Octaviae porticu suscepit. Atque, ut ipse tradit, sexagesimum aetatis annum agens, libellos Ineptiarum, qui nunc Iocorum

inscribuntur, componere instituit, absolvitque C et L, quibus et alios diversi operis postea addidit. Fecit et novum genus togatarum inscripsitque *trabeatas*.

- 22 M. Pomponius Marcellus, sermonis Latini exactor molestissimus, in advocazione quadam (nam interdum et causas agebat) soloecismum ab adversario factum usque adeo arguere perseveravit, quoad Cassius Severus, interpellatis iudicibus, dilationem petiit, ut litigator suus alium grammaticum adhiberet; *quando non putat is cum adversario de iure sibi, sed de soloecismo controversiam futuram*. Hic idem, cum ex oratione Tiberium reprehendisset, affirmante Ateio Capitone, et esse illud Latinum, et si non esset, futurum certe iam inde: *Mentitur inquit Capito; tu enim, Caesar, civitatem dare potes hominibus, verbo non potes*. Pugilem olim fuisse, Asinius Gallus hoc in eum epigrammate ostendit:

Qui caput ad levam didicit, glossemata nobis

Praecipit: os nullum, vel potius pugilis!

- 23 Q. Remmius Palaemon, Vicetinus, mulieris verna, primo, ut ferunt, textrinum, deinde herilem filium dum comitatur in scholam, litteras didicit. Postea manumissus docuit Romae ac principem locum inter grammaticos tenuit, quanquam infamis omnibus vitiis, palamque et Tiberio et mox Claudio praedicantibus, *nemini minus institutionem puerorum vel iuvenum committendam*. Sed capiebat homines cum memoria rerum, tum facilitate sermonis; nec non etiam poemata faciebat ex tempore. Scripsit vero variis, nec vulgaribus metris. Arrogantia fuit tanta, ut M. Varronem *porcum* appellaret; *secum et natas et morituras litteras* iactaret; *nomen suum in Bucolicis non temere positum, sed praesagante Virgilio, fore quandoque omnium poetarum ac poematum Palaemonem iudicem*. Gloriabatur etiam, *latrones quondam sibi propter nominis celebritatem parsisse*. Luxuriae ita indulgit, ut saepius in die lavaret, nec sufficeret sumptibus, quanquam ex schola quadringena annua caperet, ac non multo minus ex re familiari; cuius diligentissimus erat, cum et officinas promercalium vestium exerceret, et agros adeo coleret, ut vitem manu eius insitam satis constet CCCLX

uvas edidisse. Sed maxime flagrabat libidinibus in mulieres, usque ad infamiam oris; dicto quoque non infaceto notatum ferunt cuiusdam, qui cum in turba osculum sibi ingerentem quanquam refugiens devitare non posset, *Vis tu, inquit, magister, quotiens festinantem aliquem vides, abligurire?*

M. Valerius Probus, Berytius, diu centuriatum petiit, do-
nec taedio ad studia se contulit. Legerat in provincia quos-
dam veteres libellos apud grammaticum, durante adhuc ibi
antiquorum memoria, necdum omnino abolita sicut Romae.
10 Hos cum diligentius repeteret atque alios deinceps cogno-
scere cuperet, quamvis omnes contemni magisque obprobrio
legendis quam gloriae et fructui esse animadverteret, nihilo
minus in proposito mansit; multaque exemplaria contracta
emendare ac distinguere et annotare curavit, soli huic nec
15 ulli praeterea grammatices parti deditus. Hic non tam disci-
pulos quam sectatores aliquot habuit. Nunquam enim ita do-
cuit ut magistri personam sustineret; unum et alterum, vel
cum plurimos tres aut quatuor postmeridianis horis admit-
tere solebat, cubansque inter longos ac vulgares sermones
20 legere quaedam, idque perraro. Nimis pauca et exigua de
quibusdam minutis quaestiunculis edidit. Reliquit autem non
mediocrem silvam observationum sermonis antiqui.

DE RHETORIBUS.

1 Rhetorica quoque apud nos perinde atque grammatica fere recepta est, paulo etiam difficilius, quippe quam constet nonnunquam etiam prohibitam exerceri. Quod ne cui dubium sit, vetus S. C. item censorium edictum subiiciam: *C. Fannio* 5 *Strabone M. Valerio Messala cons. M. Pomponius praetor senatum consuluit. Quod verba facta sunt de philosophis et rhetoribus, de ea re ita censuerunt, ut M. Pomponius praetor animadverteret curaretque, ut si ei e re p. fideque sua videretur, uti Romae ne essent.* De eisdem interiecto tempore 10 CN. Domitius Aenobarbus, L. Licinius Crassus censores ita edixerunt: *Renuntiatum est nobis, esse homines qui novum genus disciplinae instituerunt, ad quos iuventus in ludum conveniat; eos sibi nomen imposuisse Latinos rhetoras; ibi homines adolescentulos dies totos desiderare. Ma-* 15 *iores nostri, quae liberos suos discere et quos in ludos itare vellent, instituerunt. Haec nova, quae praeter consuetudinem ac morem maiorum fiunt, neque placent neque recta videntur. Quapropter et iis qui eos ludos habent, et iis qui eo venire consuerunt, videtur faciundum ut* 20 *ostenderemus nostram sententiam, nobis non placere.*

Paulatim et ipsa utilis honestaque apparuit, multique eam et praesidii causa et gloriae appetiverunt. Cicero ad praetoram usque etiam Graece declamavit, Latine vero senior quoque et quidem cum consulibus Hirtio et Pansa, quos *di-* 25 *scipulos et grandis praetextatos* vocabat. CN. Pompeium quidam historici tradiderunt sub ipsum civile bellum, quo facilius C. Curioni promptissimo iuveni, causam Caesaris defendenti, contradiceret, repetisse declamandi consuetudinem; M. Antonium, item Augustum ne Mutinensi quidem bello *omi-* 30 *sisse.* Nero Caesar primo imperii anno, publice quoque bis

antea, declamavit. Plerique autem oratorum etiam declamationes ediderunt. Quare magno studio hominibus iniecto, magna etiam professorum ac doctorum profluxit copia, adeoque floruit, ut nonnulli ex infima fortuna in ordinem senatorium atque ad summos honores processerint.

Sed ratio docendi nec una omnibus, nec singulis eadem semper fuit, quando vario modo quisque discipulos exercuerunt. Nam et dicta praeclare per omnes figuras, per casus et apologos aliter atque aliter exponere, et narrationes cum
 10 breviter ac presse tum latius et uberius explicare consueverunt; interdum Graecorum scripta convertere, ac viros illustres laudare vel vituperare; quaedam etiam ad usum communis vitae instituta tum utilia et necessaria, tum perniciose et supervacanea ostendere; saepe fabulis fidem firmare aut de-
 15 mere, quod genus thesis et anasceuas et catasceuas Graeci vocant; donec sensim haec exoleverunt, et ad controversiam ventum est.

Veteres controversiae aut ex historiis trahebantur, sicut sane nonnullae usque adhuc, aut ex veritate ac re, si qua
 20 forte recens accidisset; itaque locorum etiam appellationibus additis proponi solebant. Sic certe collectae editaeque se habent, ex quibus non alienum fuerit unam et alteram exempli causa ad verbum referre.

Aestivo tempore adolescentes urbani cum Ostiam venissent, litus ingressi, piscatores trahentes rete adierunt et pepigerunt, bolum quanti emerent; nummos solverunt; diu expectaverunt, dum retia extraherentur; aliquando extractis, piscis nullus affuit, sed sporta auri obsuta. Tum emptores bolum suum aiunt, piscatores suum.

Venalici cum Brundusi gregem venalium e navi educent, formoso et pretioso puero, quod portitores verebantur, bullam et praetextam togam imposuerunt; facile fallaciam celarunt. Romam venit, res cognita est, petitur puer, quod domini voluntate fuerit liber, in libertatem.
 35 Olim autem eas appellationes Graece synthesis vocabant; mox controversias quidem, sed aut fictas aut iudiciales.

Illustres professores, et quorum memoria aliqua extet, non temere alii reperientur quam de quibus tradam.

- 2 L. Plotius Gallus. De hoc Cicero in epistola ad M. Titinium sic refert: *Equidem memoria teneo, pueris nobis primum Latine docere coepisse Plotium quendam. Ad quem cum fieret concursus, quod studiosissimus quisque apud eum exerceretur, dolebam mihi idem non licere. Contine-*⁵
bar autem doctissimorum hominum auctoritate, qui existimabant Graecis exercitationibus ali melius ingenia posse. Hunc eundem (nam diutissime vixit) M. Coelius in oratione, quam pro se de vi habuit, significat dictasse Atratio, accusatori suo, actionem; subtractoque nomine, *ord-*¹⁰
arium eum rhetorem appellat, deridens ut inflatum ac levem et sordidum.
- 3 L. Voltacilius Pilutus servisse dicitur atque etiam ostiarius vetere more in catena fuisse, donec ob ingenium ac studium litterarum manumissus, accusanti patrono subscripsit.¹⁵ Deinde rhetoricam professus, CN. Pompeium Magnum docuit, patrisque eius res gestas, nec minus ipsius, compluribus libris exposuit; *primus omnium libertinorum*, ut Cornelius Nepos opinatur, *scribere historiam orsus, nonnisi ab honestissimo quoque scribi solitam ad id tempus.*²⁰
- 4 M. Epidius, calumnia notatus, ludum dicendi aperuit docuitque inter ceteros M. Antonium et Augustum; quibus quondam C. Cannutius, obicientibus sibi quod in re p. administranda potissimum consularis Isaurici sectam sequeretur, *malle respondit Isaurici esse discipulum quam Epidi ca-*²⁵
lumniatoris. Hic Epidius ortum se ab Epidio Nucerino praedicabat, quem ferunt olim praecipitatum in fontem fluminis Sarni, paulo post cum cornibus extitisse, ac statim non comparuisse in numeroque deorum habitum.
- 5 Sextus Clodius, e Sicilia, Latinae simul Graecaeque elo-³⁰
quentiae professor, male oculatus et dicax, *par oculorum in amicitia M. Antonii triumviri extrisse se* aiebat; eiusdem uxorem Fulviam, cui altera bucca inflator erat, *acumen stili tentare* dixit, nec eo minus, immo vel magis ob hoc Antonio gratus. A quo mox consule ingens etiam congiarium acce-³⁵
pit, ut ei in Philippicis Cicero obicit: *Adhibes ioci causa magistrum, suffragio tuo et compotorum tuorum rhetorem, cui concessisti ut in te quae vellet diceret, salsum omnino*

hominem, sed materia facilis in te et in tuos dicta dicere. At quanta merces rhetori est data! Audite, audite, P. C. et cognoscite rei p. vulnera. Duo milia iugerum campi Leontini Sex. Clodio rhetori assignasti et quidem immu-
nia, ut tanta mercede nihil sapere disceres.

C. Albucius Silus, Novariensis, cum aedilitate in patria 6
 fungeretur, cum forte ius diceret, ab iis contra quos pronun-
 tiabat pedibus e tribunali detractus est. Quod indigne ferens,
 statim contendit ad portam et inde Romam, receptusque in
 10 Planci oratoris contubernium, cui declamatorio mos erat prius
 aliquem qui ante diceret excitare, suscepit eas partes, atque
 ita implevit ut Planco silentium imponeret, non audenti in
 comparationem se demittere. Sed ex eo clarus, propria audi-
 toria instituit, solitus proposita controversia sedens incipere,
 15 et calore demum provectus consurgere ac perorare, decla-
 mare autem genere vario: modo splendide atque adornate,
 tum, ne usque quaque scholasticus existimaretur, circumcise
 ac sordide et tantum non trivialibus verbis. Egit et causas,
 verum rarius, dum amplissimam quamque sectatur, nec alium
 20 in ulla locum quam perorandi. Postea renunciavit foro par-
 tim pudore, partim metu; nam cum in lite quadam centumvi-
 rali, adversario, quem ut impium erga parentes incessebat,
 ius iurandum quasi per figuram sic optulisset: *Iura per pa-*
tris matrisque cineres, qui inconditi iacent! et alia in
 25 hunc modum, arripiente eo conditionem, nec iudicibus asper-
 nantibus, non sine magna sui invidia negotium afflixit. Et
 rursus in cognitione caedis Mediolani apud L. Pisonem pro-
 consulem defendens reum, cum cohiberent lictores nimias
 laudantium voces, et ita excanduisset, ut deplorato Italiae
 30 statu, *quasi iterum in formam provinciae redigeretur*, M.
 insuper Brutum, cuius statua in conspectu erat, invocaret
legum ac libertatis auctorem et vindicem, pene poenas luit.
 Iam autem senior ob vitium vomicae Novariam rediit, convo-
 cataque plebe causis, propter quas mori destinasset, diu ac
 more concionantis redditus, abstinuit cibo.

Reliqua desiderantur. Supersunt tamen in indice praemisso nomina rhetorum undecim, et post stellulam posuimus quae Hieronymus in Chronico hinc decerpserit.

- 7 L. Cestius Pius * *Cestius Smyrnaeus Latinam Romae rhetoricam docuit (anno ab u. c. 741).* 5
- 8 M. Porcius Latro * *M. Porcius Latro, Latinus declamator, taedio duplicis quartanae semet ipsum interfecit (a. 750. 751).*
- 9 Q. Curtius Rufus *
- 10 L. Valerius Primanus * 10
- 11 Verginius Flavius *
- 12 L. Staius Ursulus * *Staius Ursulus (al. Sursulus, al. Surculus) Tolosanus celeberrime in Gallia rhetoricam docet (a. 810. 811).*
- 13 P. Clodius Quirinalis * *Clodius (al. Claudius) Quirinalis, rhetor Arelatensis, Romae insignissime docet (a. 797. 798).* 15
- 14 M. Antonius Liberalis * *M. Antonius Liberalis, Latinus rhetor, magnas inimicitias cum Palaemone exercet (a. 801. 802).*
- 15 Sex. Iulius Gabinianus * *Gabinianus celeberrimi nominis rhetor in Galliis docuit (a. 829. 830).* 20
- 16 M. Fabius Quintilianus * *M. Fabius Quintilianus Romam a Galba perducitur (a. 821) ... Quintilianus, ex Hispania Calagurritanus, qui primus Romae publicam scholam et salarium e fisco accepit, claruit (a. 838—842).* 25
- 17 Iulius Tiro *


Minus certa fide haec quoque hinc petita existimantur:

Nicetas et Hybreas et Theodorus et Plutio nobilissimi artis rhetoricae Graeci praeceptores habentur. *Hieronymus in Chronico ad annum ab u. c. 724.* 30

Isaeus rhetor fuit ... illius temporis, cuius et Tranquillus meminit. *Scholia ad Iuvenal. 3, 74.*

C. SÜETONII TRANQUILLI
DEPERDITORUM LIBRORUM
RELIQUIAE

COLLECTAE AC DISPOSITAE.



C. SUETONII TRANQUILLI
DEPERDITORUM LIBRORUM RELIQUIAE
COLLECTAE AC DISPOSITAE.

Decem primi librorum tituli sic uti retulimus apud Suidam s. v.
Τράγκυλλος compositi reperiuntur.

Τράγκυλλος, ὁ Σουητώνιος χρηματίσας, γραμμα-
τικὸς Ῥωμαῖος, ἔγραψε·

I. Περὶ τῶν παρ' Ἑλλησι παιδιῶν βιβλίου
ἀ. *Suidas*.

- 10 Τράγκυλλος Σουητίνος τις ἐν παιδιαῖς Ἑλλήνων
πολλὰς μὲν ἄλλας παιδιας καὶ συμποσίων λέγει·
ᾧν συμποσίων μία μὲν ἦ ἐωλοκρασία,
ἐτέρα δὲ ὁ κότταβος ὁμοῦ καὶ ἡ λατάγη.
Οἱ νέοι γὰρ κωμάζοντες τόποις ἀφωρισμένοις,
15 περὶ ἐσπέραν τοὺς χοᾶς καὶ τοὺς βίκους τιθέντες,
ἕκαστος ἀνδριζόμενος ἔπινε τὸν οἰκεῖον·
ὃς δὲ πιεῖν οὐκ ἴσχυσε τὸν ἑαυτοῦ χοεά,
περιεχεῖτο ἔωθεν, τῶν συμποτῶν γελώντων.
Τόδ' ἐωλοκρασία μὲν, τὸν κότταβον δὲ μάθε·
20 τῷ συμποσίῳ ἴστατο ξυγὸς καὶ λεκανίσκαι
παρ' ἑκατέρῳ τοῦ ξυγοῦ κάτωθεν τῶν πλαστίγγων.
αἱ λεκανίσκαι μέσον δὲ εἶχον ἀνδριαντίσκους,
ἀνδριαντίσκους, οὓς μανᾶς ὠνόμαζον οἱ τότε.
οἱ κωμασταὶ πληροῦντες οὖν οἴνου τὸ τούτων στόμα,
25 ὃ λάταξ καὶ λατάγη δῆ, ἤρουν ὑγρὸν καὶ θῦσις,
τοῦτο ἀπεκοττάβισον εἰς μίαν τῶν πλαστίγγων,
τουτέστιν ἐξετίνασσαν, ἀπέπτυνον, ἐκένουν.
Κότταβον καὶ τὸ ὄργανον ἅπαν ἐκάλουν τοῦτο.

ἂν οὖν ἡ πλάστιγξ τῇ φορᾷ κατέρρεψε τοῦ οἴνου
καὶ τὸν μανᾶν εἰς κεφαλὴν ἤχησε κεκρουκυῖα,
ὁ κωμαστὴς συγκωμασταῖς ἐδόκει τῶν γενναίων·
εἰ δ' οὐ, πολὺν ἐλάμβανεν ὡς ἀσθενὴς τὸν γέλων.

Ἐκ τούτων ὕβρις σύμπασα καὶ πᾶσα φλυαρία
λέγεται προπηλακισμὸς ἅμα καὶ παροιμία,
λατάγη δὲ καὶ κότταβος καὶ ἐωλοκρασία. Joannes

Tzetzes historiarum variarum 6, 874—896.

Ὁ δὲ τὰ περὶ Ἑλληνικῆς παιδείας γράψας, δια-
φορὰν καὶ αὐτὸς εἰδὼς κύβων καὶ πεσσῶν καὶ παλαιο-
τάτην εἰπὼν τὴν κυβευτικὴν παιδιάν, παρὰ γαί 10
Σοφοκλέους μὲν ἐκ Παλαμήδους, ὁμωνύμου τῷ ἥρωι δράμα-
τος, τό· ἐκεῖνος ἐφεύρε

πεσσούς κύβους τε, τερπνὸν ἀργίας ἄκος·
καὶ Εὐφορίωνος τό· πεσσὰ Ναυπλιάδαο. Λέγει δὲ καὶ 15
ἐν μὲν Ἰλῶ δεικνυσθαι λίθον, ἐφ' οὗ ἐπέσσενον οἱ
Ἀχαιοί, ἐν δὲ Ἀργεὶ τὸν λεγόμενον Παλαμήδους πεσσόν.
καὶ ὅτι Πλάτων τὴν τῶν πεσσῶν εὗρεσιν Αἰγυπτίοις
ἀνατίθησιν ἐν Φαίδρῳ, λέγων αὐτοὺς πρῶτον ἀριθμὸν
καὶ λογισμὸν εὗρεῖν καὶ γεωμετρίαν καὶ ἀστρονομίαν, 20
ἔτι δὲ πεττεῖαν τε καὶ κυβεῖαν, καὶ δὴ καὶ γράμματα.
καὶ ὅτι οἱ τοῦ Πλάτωνος ὑπομνηματίζονται οὐ τὴν παρ'
Ἑλλήσι πεττεῖαν σημανθῆναί φασι ὑπὸ Πλάτωνος, ἀλλὰ
τὴν τοῦ λεγομένου πεττευτηρίου, καταγράφεσθαι γάρ τι
πλινθίον ὥσπερ ἐν τῇ πεττευτικῇ παιδιᾷ, δι' οὗ τὰ κι- 25
νῆματα τοῦ ἡλίου καὶ τῆς σελήνης, ἔτι δὲ καὶ τὰ ἐλλει-
πτικά πραγματεύονται οἱ Αἰγύπτιοι. καὶ ὅτι ἐχρῶντο
οἱ παλαιοὶ τρισὶ κύβοις, καὶ οὐχ ὥσπερ οἱ νῦν δυσὶ·
ὅθεν καὶ παροιμία ἐπὶ τῶν μηδὲν διὰ μέσου κινδυνευόν-
των τό· ἢ τρεῖς ἔξ ἢ τρεῖς κύβους, ἀπὸ τοῦ μερίστου 30
καὶ ἐλαχίστου ἀριθμοῦ, ἧς μέμνηται Πλάτων ἐν Νόμοις
εἰπὼν· ἢ τρεῖς κύβους βάλλοντες, τουτέστι τρεῖς μονά-
δας. κύβον γάρ φασι διχῶς ἔλεγον, αὐτό τε τὸ ἀναρ-
ριπτούμενον, ὅθεν παροιμία τραγικὴ τό·

ἀεὶ γὰρ εὖ πίπτουσιν οἱ Διὸς κύβοι· 35
καὶ τὴν ἐν αὐτῷ μονάδα. ὅθεν λυθεῖν ἂν, φησι, καὶ
τὸ ζητούμενον ἐν τῷ παρὰ Ἀριστοφάνους κωμῶδου-
μένῳ στίχῳ·

βέβληκ' Ἀχιλλεύς δύο κύβω καὶ τέτταρα
καὶ ἑξῆς· λέγει γὰρ δύο μονάδας καὶ τέτταρα. ἔκειτο
δ' ὁ στίχος ἐν τῷ Εὐριπίδου Τηλέφῳ σὺν ἄλλοις ἱαμβι-
κοῖς, ἐνθα κυβεύοντας τοὺς ἥρωας εἰσήγαγε. περιηρέθη
5 δέ, φησιν, ὅλον ἐκεῖνο τὸ ἐπεισόδιον, χλευασθέντος
ἐπ' αὐτῷ τοῦ ποιήματος. Λέγει δὲ ὁ ταῦτα παραδιδούς
καὶ ὡς οἱ τῇ παιδιᾷ ταύτῃ χρώμενοι ἀπὸ τῶν ἐν τοῖς
κύβοις τρημάτων τρηματῖται ἐλέγοντο, παράγων καὶ
χρησιν Σώφρονος τό·

10 δειπνήσας ὥστίζεται τοῖς τρηματιζόντεσσι·
καὶ ὅτι ἐσπούδαζετο ἡ κυβεία οὐ μόνον παρὰ Σικελοῖς,
ἀλλὰ καὶ Ἀθηναίοις, οὐ καὶ ἐν ἱεροῖς ἀθροιζόμενοι ἐκῦ-
βενον, καὶ μάλιστα ἐν τῷ τῆς Σκιράδος Ἀθηνᾶς τῷ ἐπὶ
σκίρῳ, ἀφ' οὗ καὶ τὰ ἄλλα κυβευτήρια σκιράφεια ὠνο-
15 μάζετο· ἐξ ὧν καὶ πάντα τὰ πανουργήματα διὰ τὴν
ἐν σκιραφείοις ῥαδιουργίαν σκίραφοι ἐκαλοῦντο. Ἰπ-
πώναξ·

τί με σκιράφοις ἀτιτάλλεις;

Πεποιήνται δέ, φησι, καὶ προστάται τοῦ οὔτω παίζειν
20 Ἑρμῆς καὶ Πάν, καθὰ τῆς μουσικῆς Ἀπόλλων καὶ Μοῦ-
σαι. Τοὺς δὲ πεσσοὺς λέγει ψήφους εἶναι πέντε, αἷς
ἐπὶ πέντε γραμμῶν ἐπαιζον ἐκατέρωθεν, ἵνα ἕκαστος
τῶν πεπτευνόντων ἔχη τὰς καθ' ἑαυτόν. Σοφοκλῆς·

καὶ πεσσὰ πεντάγραμμα καὶ κύβων βολαί.

25 Παρετείνεται δέ, φησι, δι' αὐτῶν καὶ μέση γραμμή, ἣν
ἱερὰν ὠνόμαζον, (ὡς ἀνωτέρω δηλοῦται) ἐπεὶ ὁ νικώ-
μενος ἐπ' ἐσχάτην αὐτὴν ἵεται. ὅθεν καὶ παροιμία· κι-
νεῖν τὸν ἀφ' ἱερᾶς, λίθον δηλαδή, ἐπὶ τῶν ἀπεγνω-
σμένων καὶ ἐσχάτης βοηθείας δεομένων. Σώφρων·

30 κινήσω δ' ἤδη καὶ τὸν ἀφ' ἱερᾶς·

Ἀλκαῖος δέ φησιν ἐκ πλήρους·

νῦν δ' οὗτος ἐπικρετεῖ

κινήσας τὸν ἀπ' ἱερᾶς πνικινὸν λίθον.

Τοιοῦτον δὲ καὶ παρὰ Θεοκρίτῳ τό·

35 τὸν ἀπὸ γραμμᾶς κινήσω λίθον.

Διοδώρου δέ, φησι, τοῦ Μεγαρικοῦ ἐνάγοντος τὸν τοι-
οῦτον λίθον εἰς ὁμοιότητα τῆς τῶν ἄστρον χορείας,
Κλέαρχος τοῖς πέντε φησὶ πλάνησιν ἀναλογεῖν. Λέγει

δὲ καὶ τοὺς ἀστραγάλους, οὐ καὶ ἄστριες καὶ ἄστροιχοὶ λέγονται φησι, πτώσεις ἕκαστον ἔχειν τέσσαρας κατ' ἀντίθετον συγκειμένους ὁμοίως κύβῳ. ἔχουσι δέ, φησιν, ἀντικείμενα μονάδα καὶ ἐξάδα, εἴτα τριάδα καὶ τετράδα. ἡ γὰρ δυάς φασὶ καὶ πεντάς ἐπὶ κύβων μόνον παραλαμβάνονται ὡς ἐχόντων ἐπιφανείας ἕξ. καὶ ὅτι τῶν κατὰ τοὺς ἀστραγάλους πτώσεων αἱ μὲν θεῶν εἰσιν ἐπώνυμοι, αἱ δὲ ἡρώων, αἱ δὲ βασιλέων, αἱ δὲ ἐνδόξων ἀνδρῶν, αἱ δὲ ἐταιριδῶν. Λέγεται δέ τις ἐν αὐταῖς, φησι, καὶ Στησίχορος, καὶ ἑτέρα Εὐριπίδης. Ἔτι λέγει ἑκεῖνος ὅ τ' ἀ περὶ τῆς καθ' Ἑλληνικῆς παιδιᾶς γράψας καὶ ὅτι τῶν κατὰ τοὺς ἀστραγάλους βόλων ὁ μὲν τὰ ἕξ δυνάμενος Κῶος καὶ ἐξίτης ἐλέγετο, ὁ δὲ τὸ ἐν Χῖος, ἔτι δὲ καὶ κύων. ὅθεν καὶ τις παροιμία· Χῖος παραστάς Κῶον οὐκ ἔασω, ἥς μέμνηται, φησι, Στράτις ἐν τῷ· 15

Χῖος παραστάς Κῶον οὐκ ἔα λέγειν·

Ἐνθα ἐνθυμητέον καὶ τὸ τοῦ κωμικοῦ·

πέπτωκεν ἕξω τῶν κακῶν, οὐ Χῖος ἀλλὰ Κεῖος, καὶ νοητέον ὡς ἡ ἔσφαλται ἡ γραφὴ τοῦ Κεῖος ἢ ἀλλὰ παρῳδῆται ὑπὸ τοῦ κωμικοῦ. Περὶ δὲ τοῦ εἰρημένου κυνὸς κἀκεῖνο λέγει αὐτὸς (γραφὴν καὶ ἀλλαχού) ὅτι εἰδός τι κυβείας καὶ πόλις, ἐν ἧ, ψήφων πολλῶν ἐν διαγεγραμμέναις τισὶ χώραις κειμένων, ἐρίνετο ἀντανάρεσις. καὶ ἐκαλοῦντο αἱ μὲν γραμμικαὶ χώραι πόλεις ἀστειότερον, αἱ δὲ ἀντεπιβουλεύουσαι ἀλλήλαις ψῆφοι κύνες διὰ τὸ δῆθεν ἀναιδέες. *Eustathius ad Homeri Odyss. 1, 107.*

II. Περὶ τῶν παρὰ Ῥωμαίοις θεωριῶν καὶ ἀγώνων βιβλία β'. *Suidas.*

Quam rem et alii docti viri et Suetonius etiam Tranquillus in libro ludicrae historiae primo satis compertam esse satisque super ea constare adfirmat: nervias in fidibus brumali die alias digitis pelli, alias sonare. *Gellius 9, 7.*

Ut ait Suetonius Tranquillus, lusus ipse quem vulgo pyrricham appellant Troia vocatur, cuius originem expressit in libro de puerorum lusibus. *Servius ad Verg. Aen. 5, 602.*

Ludorum origo sic traditur. Lydos ex Asia transvenas

in Etruria consedisse Timaeus refert duce Tyrrheno, qui patri suo cesserat regni contentione. Igitur in Etruria inter ceteros ritus superstitionum suarum spectacula quoque religionis nomine instituunt; inde Romani arcessitos artifices
 5 mutuantur, tempus, enuntiationem, ut ludi a Lydis vocarentur . . . Cum promiscue ludi Liberalia vocarentur, honorem Liberi patris manifeste sonabant; Libero enim a rusticis primo fiebant ob beneficium, quod ei adscribunt, demonstrata gratia vini. Exinde ludi Consualia dicti, qui ini io Neptunum hono-
 10 rabant: eundem enim et Consum vocabant. -Dehinc Equiria equis Marti Romulus dixit; quamquam alii et Consualia Romulo defendunt, quod ea Conso dicaverit, deo ut volunt consilii, eius scilicet quo tunc Sabinarum virginum rapinam militibus suis in matrimonia excogitavit . . . et nunc ara Conso illi in
 15 circo defossa est ad primas metas sub terra cum inscriptione huius modi: *Consus consilio, Mars duello, Lares coillo potentes*. Sacrificant apud eam Nonis Iuliis sacerdotes publici, XII. Kl. Septembres flamen Quirinalis et Virgines. Dehinc idem Romulus Iovi Feretrio ludos instituit in Tarpeio,
 20 quos Tarpeios dictos et Capitolinos Piso tradit. Post hunc Numa Pompilius Marti et Robigini fecit, (nam et robiginis deam finxerunt) dehinc Tullus Hostilius, dehinc Ancus Marcius et ceteri quoque per ordinem. Et quibus idolis ludos instituerint, positum est apud Suetonium Tranquillum, vel a
 25 quibus Tranquillus accepit. *Tertullianus de spectaculis cap. 5*

Ἀσσίαρια . . . Νουμᾶς, ὁ πρῶτος βασιλεὺς μετὰ Ῥω-
 μύλον Ῥωμαίων γεγωνῶς, ἀπὸ σιδήρου καὶ χαλκοῦ πε-
 ποιημένα πρῶτος ἐχαρίσατο [γογγιάριον ἔδωκεν] Ῥω-
 30 μαίοις, τῶν πρὸ αὐτοῦ πάντων διὰ σκντίνων καὶ ὀστρα-
 κίνων τὴν χρεῖαν πληρούντων, ἅπερ ὠνόμασεν ἐκ τοῦ
 ἰδίου ὀνόματος νόμια, ὥς φησι Τράγκυλλος. *Suidas*
s. v. ἀσσίαρια. *Ioannes Antiochenus p. 553 ed. Müller.*
Chronicum paschale Alexandrinum p. 218 Bonn. Syncel-
 35 *lus I p. 398 Bonn. Cedrenus I p. 260 Bonn. Anonymus*
Scaligeri p. 54. Chronographus Mommsenianus p. 645.

Apud maiores theatri gradus tantum fuerunt; nam scena de ligno tantum ad tempus fiebat, unde hodieque permansit

consuetudo ut componantur pegmata a ludorum theatralium editoribus. Scena autem, quae fiebat, aut versilis erat aut ductilis. Versilis tunc erat, cum subito tota machinis quibusdam convertebatur et aliam picturae faciem ostendebat. Ductilis tunc, cum tractis tabulatis hac atque illac species picturae nudabatur interior . . . quod Varro et Suetonius commemorant. *Servius ad Verg. Georg. 3, 24.*

Primis autem temporibus, ut adserit Tranquillus, omnia quae in scena versantur in comoedia agebantur; nam et pantomimus et pythaulus et choraules in comoedia canebant. Sed quia non poterant omnia simul apud omnes artifices pariter excellere, si qui erant inter actores comoediarum pro facultate et arte potiores, principatum sibi artificii vindicabant. Sic factum est, ut nolentibus cedere mimis in artificio suo ceteris separatio fieret reliquorum. Nam dum potiores inferioribus, qui in omni ergasterio erant, servire dedignantur, se ipsos a comoedia separaverunt, ac sic factum est ut exemplo semel sumpto unus quisque artis suae rem exequi coeperit neque in comoediam venire. Cuius rei indicia produnt nobis antiquae comoediae, in quibus invenimus; acta tibiis paribus aut imparibus aut sarranis. Quando enim chorus canebat, choricis tibiis, id est choraulicis, artifex concinebat; in cantico autem pythaulicis responsabat. Sed quod paribus tibiis vel imparibus invenimus scriptum, hoc significat: quodsi quando monodio agebat, unam tibiam inflabat; si quando synodio, utrasque. *Diomedes III. p. 489 P. cuius totum caput iam inde a p. 482. Suetonio debere videtur.*

Sica a secundo dicta . . . Tranquillus autem dicit: Cum cuiusdam gladiatoris in ludum emissi gladius curvatus fuisset ex acie recta, procurrit unus ad id corrigendum, tumque a pugnante responsum est: sic hac pugnabo. Inde sicae nomen datum est. *Isidorus etymol. 18, 6, 8.*

Bithus et Bacchius gladiatorum nomina celebrata apud Suetonium Tranquillum sub Augusto. Qui cum multos interemissent, commissi inter se mutuis vulneribus conciderunt. Et cum eodem tempore mulier quae septem extulcrat, nuberet ei qui uxores septem amiserat, compositum est epigramma tale * * * *Scholia ad Horat. sat. 1, 7, 20.*

III. *Περὶ τοῦ κατὰ Ῥωμαίους ἐνιαυτοῦ βιβλίον α΄. Suidas.*

Annum vertentem Romae Licinius quidem Macer et postea Fenestella statim ab initio duodecim mensum fuisse scripserunt, sed magis Iunio Gracchano et Fulvio et Varroni et Suetonio aliisque credendum, qui decem mensum putaverunt fuisse, ut tunc Albanis erat, unde orti Romani. *Censorinus* 20, 2.

IV. *Περὶ τῶν ἐν τοῖς βιβλίοις σημείων α΄.*

Inde sunt fortasse excerpta, quae de notis *Probianis* e codice Parisino 7530 Saec. VIII. edidit Theodorus Mommsen, commentatus est Theodorus Bergk in Zeitschrift f. d. Alterthumswissenschaft 1845. No. 11. 15.

V. *Περὶ τῆς Κικέρωνος πολιτείας α΄. ἀντιλέγει δὲ τῷ Διδύμῳ. Suidas.*

[Inter *Alexandrinus*] Chalcenterus eminuit Didymus, multiplicis scientiae scriptis memorabilis. Qui in illis sex libris, ubi nonnumquam imperfecte Tullium reprehendit sillographos imitatus, scriptores maledicos, iudicio doctarum aurium incusatur ut immanita frementem leonem putidulis vocibus canis catulus longius circumlatrans. *Ammianus Marcellinus* 22, 16, 16.

VI. *Περὶ ὀνομάτων καὶ ιδέας ἐσθνημάτων καὶ ὑποδημάτων καὶ τῶν ἄλλων οἷς τις ἀμφιέννυται. Suidas.*

Νουμᾶς, ὁ καὶ Πομπήλιος, .. δέξαμενος πρεσβευτὰς ἐκ τῆς χώρας τῶν λεγομένων Πελασγῶν, φοροῦντας χλαμύδας ἐχούσας ταβλία ῥούσσεα, καθάπερ οἱ ἀπὸ τῆς Ἰσαυρίας χώρας, καὶ τερφθεῖς τοῦ σχήματος, ἐπενόησε πρῶτος ἐν τῇ Ῥώμῃ χλαμύδας φορεῖσθαι, τὰς μὲν βασιλικὰς πορφυρὰς ἐχούσας ταβλία χουσαῖ, τὰς δὲ τῶν συγκλητικῶν καὶ τῶν ἄλλων τῶν ἐν ἀξίαις καὶ στρατείαις χλαμύδας ἐχούσας σήμαντρον τῆς βασιλικῆς φορεσίας ταβλία πορφυρεῖ, ἀξίαν δηλοῦντα Ῥωμαϊκῆς πολιτείας καὶ ὑποταγῆν, κελεύσας μηδένα συγχωρεῖσθαι εἰσελθεῖν εἰς τὸ Παλάτιον δίχα τοῦ σχήματος τῆς αὐτῆς χλαμύδος. καὶ οὐ συνεχώρουν τινὰ εἰσελθεῖν οἱ φυλάττοντες τὸ Παλάτιον, εἰ μὴ ἐφόρει χλαμύδα ἔχουσαν φιλοτιμίαν βασιλικῆς ἐσθῆτος, καθὼς ὁ σοφώτατος Σουητώνιος Τράγκυλλος Ῥωμαίων ἱστοριογράφος συνεγράψατο. Ioannes Malalas p. 33 Bonn. Chronicon paschale

Alexandrinum p. 217 *Bonn.* *Cedrenus I* p. 260 *Bonn.* *Suidas* s. v. *χλαμύς*.

Suetonius in libro de genere vestium dicit tria esse genera trabearum: unum diis sacratum, quod est tantum de purpura; aliud regum, quod est purpureum, habet tamen album aliquid; tertium augurale de purpura et cocco. *Servius ad Verg. Aen.* 7, 612.

Suetonius tria genera pileorum dixit quibus sacerdotes utuntur: apicem, tutulum, galerum; sed apicem pileum sutile, circa medium virga eminente, tutulum pileum lanatum metae figura, galerum pileum ex pelle hostiae caesae. *Servius ad Verg. Aen.* 2, 683.

VII. *Περὶ δυσσφήμων λέξεων ἥτοι βλασφημιῶν καὶ πόθεν ἐκάστη. Suidas.*

Ἀρχολίπαρος, ὁ λιπαρῶν ἵνα ἀρχῆς τύχη ἢ ἐκ τοῦ ἄρχειν λεπαινόμενος· οὕτω Τράγκυλλος περὶ βλασφημιῶν. *Etymologicum Magnum* p. 137 *Lips.*

Τρισάθλιος . . . τρισμακάρες . . . τρισκακοδαίμων . . . τρισόλβιος. Τοιαῦτα δὲ καὶ ἄπερ τῶν τις παλαιῶν ἔδτετο παραδείγματα βλασφημιῶν τῶν ἀπὸ ἀριθμοῦ, οἶον τρισεξώλης ὁ πάνν ἐξώλης, καὶ τριπέδων ὁ πολλάκις πεδηθεὶς κακοῦργος δοῦλος, ὃς καὶ πέδων πέδωνος ἐν ἀπλότῃ λέγεται, καὶ στίγων εἴτουν στιγματίας. Φέρει δὲ καὶ ἀπὸ χρήσεως τοῦ κωμικοῦ τό· παλίμβολος τρίπρατος καὶ πολλάκις ἀπημπολημένος. Σοφοκλῆς δὲ τρίδουλον τὸν ἐκ προγόνων δοῦλον ἔφη, Ἀνακρέων δὲ τρισκεκορημένον τὸν πολλάκις ἐκσεσαρωμένον, Ἀρχίλοχος δὲ τρισοἰζυρὴν πόλιν ἔφη τὴν Θάσον, Ἰππῶναξ δὲ τὸν τρία ὑπεραναβάς ἀριθμὸν ἐπτάδουλον ἔφη τινά. *Eustathius ad Homerī Iliad.* 8, 488.

VIII. *Περὶ Ῥώμης καὶ τῶν ἐν αὐτῇ νομίμων καὶ ἡθῶν βιβλία β'. Suidas.*

Triumphus dictus est ἀπὸ τῆς θριάμβης, id est ab exultatione trina . . . Tranquillus autem triumphum Latine dicit potius appellatum, quod is qui triumphans urbem ingredere-
tur tripertito iudicio honoraretur; nam primum de triumpho duci concedendo exercitum iudicare solitum erat, secundo senatum, tertio populum. *Isidorus etymol.* 18, 2, 3.

[Ventidium] Bassum Suetonius Tranquillus praepositum esse a M. Antonio provinciis orientalibus Parthosque in Syriam introrumpentis tribus ab eo proelis fusos scribit, eumque primum omnium de Parthis triumphasse, et morte obita
 5 publico funere sepultum esse. *Gellius* 15, 4, 4.

IX. Συγγενικὸν Καيسάρων· περιέχει δὲ βίους καὶ διαδοχὰς αὐτῶν ἀπὸ Ἰουλίου ἕως Δομετιανοῦ βιβλία ἡ. *Suidas*.

Scribendum arbitror Στέμμα συγγενικὸν Καيسάρων, ut pri-
 10 mum vocabulum Στέμμα ex inferiore versu retrahatur.

Caesarum gentile stemma hoc fere modo dispositum fuerit:

C. Iulius Caesar — Aurelia, Cottae f.

Cornelia, Cinnae f. — DIVUS IULIUS

Iulia, n.
Cn. Pompeio MagnoIulia — M. Atius Balbus
Atia — C. OctaviusIulia, avia
L. Pinarii et
Q. Pedii

Octavia minor, n.

C. Marcello et
M. Antonio

DIVUS AUGUSTUS

— Scribonia,
Libonis f.

M. Marcellus Marcella maior, Marcella

Augusti gener n. M. Agrippae minor
et Iulio AntonioAntonia maior, n. Antonia minor,
L. Domitio n. Druso Li-
viae f.

Iulia, n. M. Agrippae

Agrippina — Cn. Domitius Domitia Lepida,
Germanici f. n. M. Valerio
Valeria Messalina, n.
Divo ClaudioC. Caesar, uxor
Livilla Drusi f.Iulia, n. Agrippina, Agrippa
L. Aemilio n. Ger-
Paulo manico mus

Poppaea Sabina — NERO

Claudia Augusta

Drusilla, — M. Aemilius Lepidus
Germanici f.Aemilia Lepida, n.
Appio Iunio
Silano

M. Iunius Silanus

L. Iunius
Silanus

Iunia Calpurnia

Livia Drusilla — Tib. Claudius Nero

TIBERIUS		Drusus — Antonia minor	
Agrippina, — Attici neptis		Germanicus	
Livilla — Drusus		Livilla, n. C. Caesaris Agrippae f. et Druso Tib. f.	
Drusi f.		DIVUS CLAUDIUS e Plautia Urgulanilla et Aelia Paetina et Valeria Messalina	
Iulia, n. Neroni Germanici f. et C. Rubellio Blando		Nero — Iulia, Tiberii neptis	
Rubellius Plautus		Drusus — Aemilia Lepida	
Rubellius Blandus		C. CAESAR CALIGULA — Caesonia Iulia Drusilla	
		Agrippina — Cn. Domitius NERO	
		Drusilla, n. L. Cassio Longino et M. Aemilio Lepido	
		Iulia Livilla, n. M. Vinicio	
		Drusus	
		Claudia	
		Antonia, n. Cn. Pompeio Magno et L. Fausto Sullae	
		Octavia, n. Neroni	
		Britannicus	

Ad amissam libri præfationem pertinet :

Τράγκυλλος τὸν τῶν Καϊσάρων βίους ἐν γράμμασιν ἀποτίνων Σεπτικίῳ, ὃς ἦν ὕπαρχος τῶν πραιτωριανῶν σπειρῶν ἐπ' αὐτοῦ, πραιφεκτον αὐτὸν τῶν πραιτωριανῶν ταγμάτων καὶ φαλάγγων ἡγεμόνα τυγχάνειν ἐδήλωσεν. *Ioannes Laurentius Lydus de magistrat. Rom.* 2, 6 p. 171 Bonn.

Ad deperditum Divi Iulii initium :

Suetonius ait in vita Caesaris, responsa esse data per totum orbem, nasci invictum imperatorem. *Servius ad Verg. Aen.* 6, 799.

eodemque videtur pertinere :

Καῖσαρ . . . τὸν Κυντίλιον μῆνα τὴν προσηγορίαν μετέβαλε . . . διὰ τὸ αὐτὸν ἐκείνον κατὰ τὴν πρὸ τεσσάρων εἰδῶν τοῦ μηνὸς τούτου τεχθῆναι. Καῖσαρ δὲ ὠνομάσθη οὐ καθὼς φασιν οἱ παλαιοὶ ἐκ τῆς ἀνατομῆς τῆς γαστρὸς Αὐρηλίας τῆς αὐτοῦ μητρός, ἧς δῆθεν ἀποθανούσης ἐγκύμονος αὐτὸν ἀνατμηθείσης ἐκείνης ληφθῆναι, ἀλλ' οὕτως ἔχει τὰ τῶν ἱστοριῶν. Ἐπὶ τοῦ Φοινικικοῦ πολέμου, ὅτε ὁ Σύφαξ Ἀννίβα συνεμάχει, λέγεται Γάϊον Ἰούλιον (πρόγονος δὲ οὗτος παλαιὸς τῷ Καίσαρι) ἐν αὐτῇ τῇ παρατάξει μαχόμενον τοσαύτῃ δυνάμει ἐπαφεῖναι τὸ δόρυ κατὰ τοῦ Μαυρουσίου, ὥστε τὸν ἐλέφαντα ᾧ ἐπωχεῖτο ὁ πολέμιος καταβαλεῖν, κακείθεν τὴν Καίσαρος ἐπωνυμίαν λαβεῖν, ἐπεὶ παρὰ Φοῖ- νίξιν ὁ ἐλέφας τὸ ζῶον καῖσαρ λέγεται. *Ioannes Laurentius Lydus de mensibus* 4 p. 95 Bonn.

Sed male e libris de vita Caesarum afferuntur :

Adulans populus Romanus Octaviano tria ei obtulit nomina, utrum vellet Quirinus an Caesar an Augustus vocari. Ille, ne unum eligendo partem laederet quae aliud offerre cupiebat, diverso tempore omnibus usus est, et primo Quirinus dictus est, inde Caesar, et post, quod et obtinuit, Augustus, sicut Suetonius probat. *Servius ad Verg. Aen.* 1, 292. Ut etiam in primo Aeneidos diximus, Suetonius Tranquillus hoc de Augusto commemorat, quodam tempore tres partes populi consentiente senatu obtulisse ei tria nomina Quirini, Augusti, Caesaris. Ille ne unum eligendo alias of-

fenderet partes, primo Quirinus est dictus, inde Caesar, post in nomine permansit Augusti. *Servius ad Verg. Georg 3, 27. Ioannes Laurentius Lydus de mensibus 4 p. 101 Bonn. Verum Suetonius supra p. 40 de Thurino, non de Quirino*
 5 *cognomine commemorat.*

Naturaliter Augustus igneos oculos habuisse dicitur, adeo ut obtutum eius nemo contra aspectare posset, denique quidam eques Romanus interrogatus ab eo, cur se viso verteret faciem, dixerit: quia fulmen oculorum tuorum ferre non possum; sicut ait Suetonius. *Servius ad Verg. Aen. 8, 680. Horum minimam partem habet Suetonius supra p. 73, ple-
 10 raque Aurelius Victor in epitome 1, 20.*

*Καὶ τοῦτο Τράγκυλλος ἐν τοῖς περὶ Αὐγούστου δια-
 μέμνηται· ἰδόντα γάρ φησι τὸν Αὐγούστον ἐν τῷ ἰπ-
 15 ποδρομίῳ τινὰς τῶν Ῥωμαίων ἐπὶ τὸ βαρβαρικὸν ἐσταλ-
 μένους ἀγανακτῆσαι, ὥς ἐν ἀκαρεῖ τοὺς καταγνωσθέν-
 τας ἀποβαλόντας τὸ βάρβαρον μόγις ἐπιγνωσθῆναι τῷ
 Καίσαρι. Ioannes Laurentius Lydus de magistrat. Rom.
 1, 12 p. 131 Bonn. quorum postrema apud Tranquillum
 20 p. 56, 36 non leguntur.*

Sexcenta milia Iudaeorum eo bello interfecta Cornelius et Suetonius referunt. *Orosius 7, 9. Sane Eusebius in Chronico et Tacitus hist. 5, 13; Suetonius non item.*

X. Στέμμα Ῥωμαίων ἀνδρῶν ἐπισήμων. *Suidas.*

25 Vocabulum Στέμμα ad superiorem titulum pertinere censeo et addendam hoc loco praepositionem *περί*. Στέμματα proposuit cum Ernestio in Fabricii bibliotheca 2, p. 464 etiam Bernhardy.

Hortaris, Dexter, ut Tranquillum sequens ecclesiasticos scriptores in ordinem digeram, et quod ille in enumerandis
 30 gentilium litterarum viris fecit illustribus, ego in nostris faciam, id est ut ... omnes qui de scripturis sanctis memoriae aliquid prodiderunt tibi breviter exponam. Fecerunt quidem hoc idem apud Graecos Hermippus peripateticus, Antigonus
 35 Carystius, Satyrus doctus vir, et longe omnium doctissimus Aristoxenus musicus; apud Latinos autem Varro, Santra, Nepos, Hyginus et (ad cuius nos exemplum vis provocare)
 Tranquillus. *Hieronymus ad Dextrum t. 2 p. 821 Vallars.*
 Scripsi librum de illustribus viris ... imitatus Tran-

quillum Graecumque Apollonium. *Hieronymus ad Desiderium t. 1 p. 211 Vall.* Legisti enim et Graecos et Latinos, qui vitas virorum illustrium descripserunt, quod nunquam Epitaphium titulum indiderint, sed de illustribus viris, verbi gratia ducibus, philosophis, oratoribus, historicis, poetis epicis tragicis comicis (*al. poetis, ethicis, physicis, tragicis, comicis.*) *Hieronymus ad Augustinum t. 1 p. 738 Vallars.* [In chronico Eusebiano a nobis] nunc addita nunc mixta sunt plurima, quae de Tranquillo et ceteris illustribus historicis curiosissime excerptissimas. *Hieronymus praefatione ad Chronicon, t. 8 p. 7 Vallars.*

C. Suetonius scripsit de viris illustribus, cuius exemplum secutus Hieronymus ipse quoque libellum de scriptoribus christianis edidit. Nuper etiam Bartholomaeus Facius familiaris noster de viris illustribus temporis sui libros composuit, qui ne hos Suetonii illustres viros [i. e. grammaticos et rhetores] videre posset, mors immatura effecit [a. 1457]. Paulo enim post eius mortem in lucem redierunt, cum multos annos desiderati a doctis hominibus essent. Temporibus enim Nicolai quinti pontificis maximi [1447—1455] Enoc Asculanus in Galliam et inde in Germaniam profectus conquerendorum librorum gratia hos quanquam mendosos et imperfectos ad nos retulit. Cui sic habenda est gratia, ut male imprecandum est Sicconio Polentono Patavino, qui cum eam partem quae est de oratoribus ac poetis invenisset, ita superpressit ut ne unquam in lucem venire posset. Quam ego cum Patavii perquirerem, tandem reperi eam ab illo fuisse combustam ipsumque arrogantia ac temeritate impulsam de vitis illustrium scriptorum loquacissime pariter et ineptissime scripsisse [a. 1433.] *Iovianus Pontanus Umber a. 1460 in codice nunc Leidensi, cui inscripsit: C. Suetonii Tranquilli de viris illustribus liber incipit. De grammaticis. et subscripsit: Amplius repertum non est adhuc. desunt rhetores XI.*

Incerto rumore accepisse videtur, quae de Sicconis Polentoni fraude narrat; at illud bene Pontanus intellexit, Suetoniani operis, quod de Romanorum viris illustribus exstabat, particulam esse eum libellum, quem supra p. 257 sqq. retulimus, de grammaticis et rhetoribus, et hoc recte indicavit, desiderari eas partes, quae erant de

oratoribus et de poetis. Et de Oratoribus quidem Hieronymus in Chronico, adiecta insuper suis ratiocinationibus annorum ab urbe condita notatione, conservavit frustula haec:

M. Tullius Cicero Arpini nascitur matre Helvia, patre
 5 equestris ordinis ex regio Volscorum genere; Cn. Pompeius Magnus oritur *a. 648* . . . Vicesimo sexto aetatis suae anno Cicero Quintium defendit *a. 673* . . . Roscio contra Chrysogonum defenso Cicero Athenas secedit, deinde post triennium Romam regreditur *a. 674* . . . Cicero in exilio annum
 10 facit honorifice susceptus a Plancio *a. 693—697* . . . Cicero in Formiano suo ab Herennio et Popilio occiditur LXIV. aetatis suae anno; Ciceronis caput cum manu dextera pro rostris positum, iuxtaque coronata imago Popilii militis, qui eum occiderat *a. 711* . . . M. Tullius Tiro Ciceronis libertus,
 15 qui primus notas commentatus est, in Puteolano praedio suo usque ad centesimum annum consenescit *a. 749. 750.*

M. Callidius orator clarus habetur; qui bello postea civili Caesarianas partes secutus, cum Togatam Galliam regeret, Placentiae obiit *a. 697* . . . Apollodorus Pergamenus Grae-
 20 cus orator, praeceptor Callidii et Augusti, clarus habetur *a. 690. 691.*

Munatius Plancus, Ciceronis discipulus, orator habetur insignis; qui cum Galliam regeret Comatam, Lugdunum con-
 didit *a. 729. 730.*

25 Curio promptus et popularis orator Romae habetur insignis, qui deinceps in Africa pudore amissi exercitus mori maluit quam redire *a. 701. 702.*

Furnii pater et filius clari oratores habentur, quorum filius consularis ante patrem moritur *a. 717. 718.*

30 Atratinus, qui septemdecim annos natus Caelium accusaverat, clarus inter oratores habetur; ad extremum morborum taedio in balneo voluntate exanimatus heredem reliquit Augustum *a. 733. 734.*

Asinius Pollio orator et consularis, qui de Dalmatis
 35 triumphaverat, in villa Tusculana anno octogesimo aetatis suae moritur *a. 757. 758.*

Messala Corvinus orator nascitur et T. Livius Patavinus scriptor historicus *a. 695—697.* . . . Messala Corvinus pri-

mus praefectus urbis factus sexto die magistratu se abdicavit, incivilem potestatem esse contestans *a. 728. 729 . . .* Messala Corvinus orator ante biennium quam moreretur ita memoriam et sensum amisit, ut vix pauca verba coniungeret, et ad extremum ulcere sibi circa sacram spinam nato inedia se confecit anno aetatis septuagesimo altero *a. 763—765.*

Q. Haterius promptus et popularis orator usque ad nonagesimum prope annum in summo honore consenescit *a. 778.*

Passienus pater declamator insignis diem obiit *a. 745.*

Passienus filius fraude heredis suae necatur *a. 791.* Crispus, municeps Viselliensis, tirocinio suo in senatu ita coepit: *Patres conscripti et tu Caesar!* propter quod simulata oratione plenissime a Tiberio conlaudatus est. Plurimas sponte causas apud centumviros egit, pro qua re in basilica Iulia eius statua posita est. Consulatus duos gessit. Uxores habuit duas, primam Domitiam, deinde Agrippinam, illam amatam, hanc matrem Neronis Caesaris. Possedit bis milies sestertium. Omnium principum gratiam adpetivit, sed praecipue C. Caesaris, quem iter facientem secutus est pedibus. Hic nullo audiente a Nerone [*oportuit* Gaio] interrogatus, 20 haberetne sicut ipse cum sorore germana consuetudinem, *nondum*, inquit, quantumvis decenter et caute, ne aut negando eum argueret aut adsentiendo semet mendacio dehonestaret. Periit per fraudem Agrippinae, quam heredem reliquerat, et funere publico elatus est. *Scholia ad Iuvenal. 25 4, 81.*

C. Asinius Gallus, Asinii Pollionis filius, cuius etiam Virgilius meminit, diris a Tiberio suppliciis necatur *a. 767.*

Cassius Severus orator egregius, qui Quintianum illud proverbium luserat, vigesimo quinto exilii sui anno in summa 30 inopia moritur, vix panno verenda contextus *a. 785—787.*

Votienus Montanus Narbonensis orator in Balearibus insulis moritur, a Tiberio illuc relegatus *a. 780. 781.*

Domitius Afer Nemausensis clarus orator habetur, qui postea Nerone regnante ex cibi abundantia in caena moritur *a. 797. 798.*

Libri, qui erat de Poetis, in prooemio legi potuit hoc:

Poetae unde sint dicti, sic ait Tranquillus. Cum primum

homines exuta feritate rationem vitae habere coepissent
 seque ac deos suos nosse, cultum modicum ac sermonem ne-
 cessarium commenti sibi, utriusque magnificentiam ad reli-
 gionem deorum suorum excogitaverunt. Igitur ut templa illis
 5 domibus pulchriora et simulacra corporibus ampliora facie-
 bant, ita eloquio etiam quasi augustiore honorandos puta-
 verunt laudesque eorum et verbis illustrioribus et iucundio-
 ribus numeris extulerunt. Id genus quia forma quadam effi-
 citur, quae *ποιότης* dicitur, poema vocitatum est eiusque
 10 fictores poetae. *Isidorus etymol.* 8, 7.

De ipsis poetis apud Hieronymum supersunt haec:

T. Livius tragoediarum scriptor clarus habetur, qui ob in-
 genii meritum a Livio Salinatore, cuius liberos erudiebat, li-
 bertate donatus est *a.* 567. 568.

15 Naevius comicus Uticae moritur, pulsus Roma factione
 nobilium ac praecipue Metellorum *a.* 551—553.

Plautus ex Umbria Sarsinas Romae moritur; qui propter
 annonae difficultatem ad molas manuaris pistori se loca-
 verat, ibi quotiens ab opere vacaret, scribere fabulas ac
 20 vendere solitus *a.* 553. 554.

Q. Ennius poeta Tarenti nascitur; qui a Catone quaestore
 Romam translatus habitavit in monte Aventino, parco admo-
 dum sumptu contentus et unius ancillae ministerio *a.* 513—
 515 . . . Ennius poeta septuaginta maior annis articulari morbo
 25 perit, sepultus in Scipionis monumento via Appia intra pri-
 mum ab urbe miliarium. Quidam ossa eius Rudiam ex Ianiculo
 translata affirmant *a.* 586—589.

Statius Caecilius comoediarum scriptor clarus habetur,
 natione Insuber Gallus et Ennii primum contubernalis. Qui-
 30 dam Mediolanensem ferunt. Mortuus est anno post mortem
 Ennii et iuxta Ianiculum sepultus *a.* 575.

Pacuvius Brundusinus tragoediarum scriptor clarus ha-
 betur, Ennii poetae ex filia nepos, vixitque Romae quoad
 picturam exercuit ac fabulas venditavit, deinde Tarentum
 35 transgressus prope nonagenarius diem obiit *a.* 600. 601.

P. Terentius Karthaginiensis comoediarum scriptor, ob
 ingenium et formam libertate donatus, in Arcadia moritur;
 qui primam Andriam antequam aedilibus venderet, Caecili^o

multum se miranti legit a. 596. 597... Publius Terentius Afer, Carthagine natus, serviit Romae Terentio Lucano senatori, a quo ob ingenium et formam non institutus modo liberaliter sed et mature manumissus est. Quidam captum esse existimant, quod fieri nullo modo potuisse Fenestella docet, cum inter finem secundi Punici belli et initium tertii natus sit et mortuus; nec si a Numidis et Gaetulis captus sit, ad ducem Romanum pervenire potuisse, nullo commercio inter Italicos et Afros nisi post deletam Carthaginem coepto. Hic cum multis nobilibus familiariter vixit, sed maxime cum Scipione Africano et C. Laelio. Quibus etiam corporis gratia conciliatus existimatur, quod et ipsum Fenestella arguit, contendens utroque maiorem natu fuisse, quamvis et Nepos aequales omnes fuisse tradat et Porcius suspicionem de consuetudine per haec faciat:

15

*Dum lasciviam nobilium et laudes fucosas petit,
Dum Africani vocem divinam inhiat avidis auribus,
Dum ad Philum se cenitare et Laelium pulchrum putat,
Dum se amari ab his credit* * * :

* crebro in Albanum rapitur ob florem aetatis suae. 20

*Post sublatis rebus ad summam inopiam redactus est.
Itaque e conspectu omnium abit Graeciam in terram ultimam,
Mortuust Stymphalo, Arcadiae in oppido. Nil Publius
Scipio profuit, nil illi Laelius, nil Furius,
Tres per id tempus qui agitabant nobiles facillime.* 25
*Eorum ille opera ne domum quidem habuit conducticiam,
Saltem ut esset quo referret obitum domini servulus.*

Scripsit comoedias sex, ex quibus primam Andriam cum aedilibus daret, iussus ante Caecilio recitare, ad cenantem cum venisset, dictus est initium quidem fabulae, quod erat contemptiore vestitu, subsellio iuxta lectulum residens legisse, post paucos vero versus invitatus ut accumberet cenasse una, dein cetera percucurrisse non sine magna Caecilii admiratione. Et hanc autem et quinque reliquas aequaliter populo probavit, quamvis Vulcatius dinumeratione omnium ita scribat:

Sumetur Hecyra sexta ex his fabula.

Eunuchus quidem bis die acta est meruitque pretium quan-

tum nulla antea cuiusquam comoedia, id est octo milia numerorum; propterea summa quoque titulo ascribitur. Nam Adelphorum principium Varro etiam praefert principio Menandri.

⁵ Non obscura fama est adiutum Terentium in scriptis a Laelio et Scipione, eamque ipse auxit numquam nisi leviter refutare conatus, ut in prologo Adelphorum:

*Nam quod isti dicunt malevoli, homines nobiles
Hunc adiutare assidueque una scribere,
¹⁰ Quod illi maledictum vehemens esse existimant:
Eam laudem hic ducit maximam, cum illis placet
Qui vobis universis et populo placent,
Quorum opera in bello, in otio, in negotio
Suo quisque [tempore] usus est sine superbia.*

¹⁵ Videtur autem se levius defendisse, quia sciebat et Laelio et Scipioni non ingratham esse hanc opinionem; quae tamen magis et usque ad posteriora tempora valuit. C. Memmius in oratione pro se ait: *P. Africanus, qui a Terentio personam mutuatus, quae domui luserat ipse, nomine illius*
²⁰ *in scenam detulit.* Nepos auctore certo comperisse se ait, C. Laelium quondam in Puteolano Kl. Martiis admonitum ab uxore temperius ut discumberet petisse ab ea ne interpelleret, seroque tandem ingressum triclinium dixisse, non saepe in scribendo magis sibi successisse; deinde rogatum ut scri-
²⁵ *pta illa proferret pronuntiasse versus qui sunt in Heautontimorumenos:*

Satis pol proterve me Syri promissa huc induxerunt.

Santra Terentium existimat, si modo in scribendo adiutoribus indiguerit, non tam Scipione et Laelio uti potuisse, qui
³⁰ tunc adulescentuli fuerunt, quam C. Sulpicio Gallo, homine docto et cuius consularibus ludis initium fabularum dandarum fecerit, vel Q. Fabio Labeone et M. Popillio, consulari utroque ac poeta; ideo ipsum non iuvenes designare qui se adiuuvare dicantur, sed viros *quorum operam et in bello et in*
³⁵ *otio et in negotio* populus sit expertus.

Post editas comoedias nondum quintum atque vicesimum egressus annum, causa vitandae opinionis qua videbatur

aliena pro suis edere seu percipiendi Graecorum instituta moresque, quos non perinde exprimeret in scriptis, egressus est neque amplius rediit. De morte eius Vulcatius sic tradit

*Sed ut Afer populo sex comoedias dedit,
Iter hinc in Asiam fecit et, navem ut semel
Conscendit, visus numquam est; sic vita vacat.*

5

Quintus Cosconius redeuntem e Graecia perisse in mari cum C. et VIII. fabulis conversis a Menandro, ceteri mortuum esse in Arcadia Stymphali sive Leucadiae tradunt CN. Cornelio Dolabella M. Fulvio Nobiliore consulibus, morbo implicitum ex dolore ac taedio amissarum sarcinarum, quas in navem praemiserat, ac simul fabularum quas novas fecerat.

Fuisse dicitur mediocri statura, gracili corpore, colore fusco. Reliquit filiam, quae post equiti Romano nupsit, item hortulos XX. iugerum via Appia ad Martis villam. Quo magis miror Porcium scribere:

*Scipio nihil profuit, nihil Laelius, nihil Furius,
Tres per id tempus qui agitabant nobiles facillime.
Eorum ille opera ne domum quidem habuit conducticiam,
Saltem ut esset quo referret obitum domini servulus.*

20

Hunc Afranius quidem omnibus comicis praefert, scribens in Compitalibus:

Terentio non similem dicens quempiam.

Vulcatius autem non solum Naevio et Plauto et Caecilio, sed Licinio quoque et Atilio postponit. Cicero in Limone hactenus laudat:

*Tu quoque, qui solus lecto sermone, Terenti,
Conversum expressumque Latina voce Menandrum
In medium nobis sedatis vocibus effers,
Quiddam come loquens, atque omnia dulcia dicens.*

30

Item C. Caesar:

*Tu quoque tu in summis, o dimidiata Menander,
Poneris, et merito, puri sermonis amator.
Lenibus atque utinam scriptis adiuncta foret vis,
Comica ut aequato virtus polleret honore
Cum Graecis neve hac despectus parte iaceres!
Unum hoc maceror ac doleo tibi deesse, Terenti.*

35

Haec Suetonius Tranquillus. *Aelius Donatus principio commentarii in Terentium.*

Turpilius comicus senex admodum Sinuessae moritur *a. 651.*

- 5 L. Accius tragoediarum scriptor clarus habetur, natus Mancino et Serrano consulibus parentibus libertinis, et seniam Pacuvio Tarenti sua scripta recitavit; a quo et fundus Accianus iuxta Pisaurum dicitur, quia illuc ex urbe inter colonos fuerat deductus *a. 616.*

- 10 Lucilius poeta nascitur *a. 606. 607. . . .* C. Lucilius satirarum scriptor Neapoli moritur ac publico funere effertur anno aetatis quadragesimo sexto *a. 651. 652.*

T. Quintius Atta scriptor togatarum Romae moritur sepultusque via Praenestina ad miliarium secundum *a. 676.*

- 15 L. Pomponius Bononiensis Atellanarum scriptor clarus habetur *a. 664.*

M. Terentius Varro philosophus et poeta nascitur *a. 638 . . .* M. Terentius Varro philosophus prope nonagenarius moritur *a. 726—730.*

- 20 Laberius mimorum scriptor decimo mense post C. Caesarem Puteolis moritur *a. 711.*

Publius mimographus natione Syrus Romae scenam tenet *a. 711.*

- 25 M. Furius poeta cognomento Bibaculus Cremonae nascitur *a. 653—655.*

T. Lucretius poeta nascitur, qui postea amatorio poculo in furorem versus, cum aliquot libros per intervalla insaniae conscripsisset, quos postea Cicero emendavit, propria se manu interfecit anno aetatis quadragesimo quarto *a. 656.*

- 30 Cornificius poeta a militibus desertus interiit, quos saepe fugientes galeatos lepores appellarat. Huius soror Cornificia, cuius insignia extant epigrammata *a. 713. 714.*

M. Bavius poeta, quem Virgilius in Bucolicis notat, in Cappadocia moritur *a. 719—721.*

- 35 P. Terentius Varro vico Atace in provincia Narbonensi nascitur, qui postea annum quintum et tricesimum agens Graecas litteras summo studio didicit *a. 672.*

C. Valerius Catullus scriptor lyricus Veronae nascitur *a. 667. 668 . . .* Catullus tricesimo aetatis suae anno Romae moritur *a. 697. 698.*

Varius et Tucca, Virgilii et Horatii contubernales, poetae habentur illustres, qui Aeneidos postea libros emendaverunt sub ea lege ut nihil adderent *a. 737.*

Virgilius Maro in pago qui Andes dicitur haud procul a Mantua nascitur Pompeio et Crasso cons. Idibus Octobribus *a. 684. . . .* Virgilius Cremonae studiis eruditur *a. 696. 697 . . .* Virgilius sumpta toga Mediolanum transgreditur et ¹⁰ post breve tempus Romam pergit *a. 701. 702 . . .* Quintilius Cremonensis Virgilii et Horatii amicus moritur *a. 730. 731 . . .* Virgilius Brundisii moritur Sentio Saturnino et Lucretio Cinna cons. Ossa eius Neapolim translata in secundo ab urbe miliario sepeliuntur, titulo huius modi supra scripto, ¹⁵ quem ipse moriens dictaverat:

Mantua me genuit, Calabri rapuere, tenet nunc

Parthenope; cecini pascua, rura, duces. *a. 735.*

Vergilianam vitam, quae Donati commentatoris esse et fertur (v. Glossarium Isidorianum s. v. *lenociniis*) et vere esse videtur, licet ²⁰ multi Tranquillo vindicarint, hic referre ausi non sumus. Ceterum plurima Suetoniani ingenii vestigia agnoscas in eo exemplo eius vitae, quod omnium antiquissimum e codice olim Floriacensi, nunc Bernensi 172 edidit P. Daniel et nuper (Rudolphopoli 1847) C. G. Müller.

Cornelius Gallus Foroiuliensis poeta, a quo primum Aegyptum ²⁵ rectam supra diximus, quadragesimo tertio aetatis suae anno propria se manu interficit *a. 727. 728 . . .* Aegyptus fit Romana provincia, quam primus tenuit C. Cornelius Gallus, de quo Virgilius scribit in Bucolicis *a. 725. 726.*

Horatius Flaccus satiricus et lyricus poeta libertino patre ³⁰ Venusii nascitur *a. 687—689 . . .* Horatius quinquagesimo septimo aetatis suae anno Romae moritur *a. 744 . . .* Statuerat Horatius ad tertium usque librum complere opus carminum, verum tribus libris iam editis ex maximo intervallo hunc quartum scribere compulsus est ab Augusto, ut refert Suetonius ³⁵ in vita Horatii, in laudem privigni sui Drusi Neronis, qui victor de Raetis Vindelicis fuerat reversus. *Scholia ad Horat. carm. 4, 1, 1.* Apparet hunc librum. . . hortatu Caesaris scriptum esse, cuius rei etiam Suetonius auctor est.

Nam apud eum epistola invenitur Augusti increpantis Horatium, quod non ad se quoque plurima scribat. *Scholia ad Horat. epist. 2, 1, 1...* Q. Horatius Flaccus, Venusinus, patre ut ipse tradit *libertino et exactionum coactore*, (ut vere creditum est salsamentario, cum illi quidam in altercatione exprobrasset: *Quotiens ego vidi patrem tuum brachio se emungentem!*) bello Philippensi excitus a Marco Bruto imperatore, tribunus militum meruit; victisque partibus venia inpetrata scriptum quaestorium comparavit. Ac primo Maecenati, mox Augusto insinuatus non mediocrem in amborum amicitia locum tenuit. Maecenas quantopere eum dilexerit satis testatur illo epigrammate:

*Ni te visceribus meis, Horati,
Plus iam diligo, tu tuum sodalem*

sed multo magis extremis iudiciis tali ad Augustum elogio: *Horati Flacci ut mei esto memor!* Augustus epistolarum quoque ei officium optulit. Hoc ad Maecenatem scripto significat: *Ante ipse sufficebam scribendis epistolis amicorum, nunc occupatissimus et infirmus Horatium nostrum a te cupio abducere. Veniet ergo ab ista parasitica mensa ad hanc regiam, et nos in epistolis scribendis iuvabit.* Ac ne recusanti quidem aut suscensuit quicquam aut amicitiam suam ingerere desiit. Extant epistolae, e quibus argumenti gratia pauca subieci: *Sume tibi aliquid iuris apud me, tamquam si convictor mihi fueris; recte enim et non temere feceris, quoniam id usus mihi tecum esse volui, si per valitudinem tuam fieri possit.* Et rursus: *Tui qualem habeam memoriam, poteris ex Septimio quoque nostro audire; nam incidit ut illo coram fieret a me tui mentio. Neque enim si tu superbus amicitiam nostram spreveristi, ideo nos quoque ἀνθυπερφηανοῦμεν.* Praeterea saepe eum inter alios iocos purissimum penem et homuncionem lepidissimum appellat, unaque et altera liberalitate locupletavit. Scripta quidem eius usque adeo probavit mansuraque perpetua opinatus est, ut non modo Seculare carmen componendum iniunxerit sed et Vindelicam victoriam Tiberii Drusique, privignorum suorum, eumque coegerit propter hoc

tribus carminum libris ex longo intervallo quartum addere; post Sermones vero quosdam lectos nullam sui mentionem habitam ita sit questus: *Irasci me tibi scito, quod non in plerisque eius modi scriptis mecum potissimum loquaris; an vereris ne apud posteros infame tibi sit, quod videaris familiaris nobis esse?* Expressitque Eclogam ad se, cuius initium est:

*Cum tot sustineas et tanta negotia solus,
Res Italas armis tuteris, moribus ornes,
Legibus emendes: in publica commoda peccem,* 10
Si longo sermone morer tua tempora, Caesar.

Habitu corporis fuit brevis atque obesus, qualis et a semet ipso in Satiris describitur et ab Augusto hac epistola: *Pertulit ad me Onysius libellum tuum, quem ego ut a causante, quantuluscumque est, boni consulo. Vereri* 15 *autem mihi videris ne maiores libelli tui sint, quam ipse es; sed tibi statura deest, corpusculum non deest. Itaque licebit in sextariolo scribas, ut circuitus voluminis tui sit ὀγκωδέστατος, sicut est ventriculi tui.*

Ad res Venerias intemperantior traditur; [nam speculato 20 cubiculo scorta dicitur habuisse disposita, ut quocumque respexisset ibi ei imago coitus referretur.] Vixit plurimum in secessu ruris sui Sabini aut Tiburtini, domusque ostenditur circa Tiburni luculum. Venerunt in manus meas et Elegi sub titulo eius et epistola prosa oratione quasi commendantis se Maecenati, sed utraque falsa puto; nam Elegi vulgares, epistola etiam obscura, quo vitio minime tenebatur.

Natus est VI. Idus Decembris L. Cotta et L. Torquato consulibus, decessit V. Kl. Decembris C. Marcio Censorino et C. Asinio Gallo consulibus post nonum et quinquagesimum annum, herede Augusto palam nuncupato, cum urgente vi valitudinis non sufficeret ad obsignandas testamenti tabulas. Humatus et conditus est extremis Esquiliis iuxta Maecenatis tumulum. *Exstat haec vita in compluribus Horatii codicibus, unde primus protulit Suetonioque vindicavit* 35 *Petrus Nannius a. 1548.*

Aemilius Macer Veronensis poeta in Asia moritur a. 738.

Ovidius Naso nascitur in Pelignis a. 712. 713 . . . Ovi-

dius poeta in exilio perit et iuxta oppidum Tomos sepelitur
a. 770. 771.

Philistion mimographus natione Magnesius Asianus clarus
habetur Romae a. 759—761.

- 5 Persius Flaccus satiricus poeta Volaterris nascitur a.
787. 788 . . . Persius Volaterranus satiricus poeta moritur
anno aetatis suae vigesimo nono a. 815. 816.

Vita A. Persii Flacci vulgo hic poni solita a nobis omissa est, cum
veteres libri de commentario Probi Valerii sublatam demonstrent.

- 10 M. Annaeus Lucanus Cordubensis poeta in Pisoniana con-
iuratione deprehensus brachium ad secandas venas medico
praebeuit a. 817. 818.

- * * * prima ingenii experimenta in Neronis laudi-
bus dedit quinquennali certamine, dein civile bellum,
15 quod a Pompeio et Caesare gestum est, recitavit, ut prae-
fatione quadam aetatem et initia sua cum Virgilio comparans
ausus sit dicere :

et quantum mihi restat

Ad Culicem?

- 20 Hic initio adolescentiae, cum ob infestum matrimonium patrem
suum ruri agere longissime cognovisset * * * revocatus
Athenis a Nerone cohortique amicorum additus atque etiam
quaestura honoratus, non tamen permansit in gratia. Siqui-
dem aegre ferens, recitante se subito ac nulla nisi refrige-
25 randi sui causa indicto senatu recessisse, neque verbis adver-
sus principem neque factis extantibus post haec temperavit,
adeo ut quondam in latrinis publicis clariore cum strepitu
ventris emissi hemistichium Neronis magna consessorum fuga
pronuntiarit:

- 30 *Sub terris tonuisse putes.*

- Sed et famoso carmine cum ipsum tum potentissimos amico-
rum gravissime proscidit. Ad extremum paene signifer Pi-
sonianae coniurationis extitit, multus in gloria tyrannicida-
rum palam praedicanda ac plenus minarum, usque eo intem-
35 perans ut Caesaris caput proximo cuique iactaret. Verum
detecta coniuratione nequaquam parem animi constantiam
praestitit; facile enim confessus et ad humillimas devolutus
preces matrem quoque innoxiam inter socios nominavit, spe

rans impietatem sibi apud parricidam principem profuturam. Impetrato autem mortis arbitrio libero codicillos ad patrem corrigendis quibusdam versibus suis exaravit, epulatusque largiter brachia ad secandas venas praebeuit medico. Poemata eius etiam praelegi memini, confici vero ac proponi venalia non tantum operose et diligenter sed inepte quoque. *Hanc vitam initio mutilam, quae in nonnullis Lucani libris reperta et ab Omnibono a. 1475 edita est, primus Iosephus Scaliger Suetonii esse iudicavit.*

Iuvenalis vitam omittendam duximus, cum ne potuisse quidem 10 Tranquillus per aetatem videatur de eo poeta agere.

De illustribus Historicis Hieronymus e Suetonio excerpſit haec fere:

Cornelius Nepos scriptor historicus clarus habetur a. 715.

Sallustius Crispus scriptor historicus in Sabinis Amiterni 15 nascitur a. 668. 669 . . . Sallustius diem obiit quadriennio ante Actiacum bellum a. 719.

Messala Corvinus orator nascitur et T. Livius Patavinus scriptor historicus a. 695—697 . . . T. Livius historiographus Patavii moritur a. 770. 20

Fenestella historiarum scriptor et carminum septuagesimo anno moritur sepeliturque Cumis a. 772.

Q. Asconius Pedianus scriptor historicus clarus habetur, qui septuagesimo tertio aetatis suae anno captus luminibus duodecim postea vixit annos in summo honore omnium con- 25 senescens a. 828. 829.

Plinius Secundus Novocomensis orator et historicus insignis habetur, cuius plurima ingenii opera extant. Periit dum visit Vesuvium a. 860—862 . . . Vita Plinii ex catalogo Virorum illustrium Tranquilli. Plinius Secundus Novocomen- 30 sis equestribus militiis industrie functus procurationes quoque splendidissimas et continuas summa integritate administravit, et tamen liberalibus studiis tantam operam dedit, ut non temere quis plura in otio scripserit. Itaque bella omnia, quae unquam cum Germanis gesta sunt, XX. volu- 35 minibus comprehendit, itemque naturalis historiae XXXVII. libros absolvit. Periit clade Campaniae; cum enim Misnensi classi praeesset et flagrante Vesubio ad explorandas

propius causas liburnica praetendisset, nec adversantibus ventis remeare posset, vi pulveris ac favillae oppressus est, vel ut quidam existimant a servo suo occisus, quem aestu deficiens ut necem sibi maturaret oraverat. *Ex libris Naturalis historiae Plinii Saec. XI—XV* . . . De hoc refert Suetonius Tranquillus quod valde miratur virum militaribus officiis deditum tanta componere potuisse etiam ratione vitae; nam, ut dicit idem Suetonius in libro de Viris illustribus, dum idem Plinius legiones in Siciliam duceret, eruptione favillarum ab

10 Aetna eructantium praefocatus interiit anno vitae suae quinquagesimo sexto et in Sicilia tumultur. *Brevis adnotatio de duobus Pliniis . . . collecta per Ioannem Mansionarium Veronensem (anno circiter 1313) apud Rezzonicum 1 p. 7.*

His librorum de Viris illustribus reliquiis certis addere

15 tamquam per saturam libet particulas aliquot Chronici, quas utrum Suetonio an alii potius scriptori debere Hieronymus dicendus sit di verse doctis visum est.

Nigidius Figulus, Pythagoricus et magus, in exilio moritur *a. 709. 710.*

20 Servius Sulpicius iuris consultus et P. Servilius Isauricus publico funere elati *a. 710.*

Artorius medicus Augusti post Actiacam victoriam naufragio perit *a. 725. 726.*

Anaxilaus Larissaeus, Pythagoricus et magus, ab Augusto urbe Italiaque pellitur *a. 726.*

25 Pylades Cilix, pantomimus, cum veteres ipsi canerent atque saltarent, primus Romae chorum et fistulam sibi praecinere fecit *a. 732. 733.*

Servius Plautius [*al.* Plautus] corrupti filii reus semet

30 in iudicio interficit *a. 777.*

Iunius Gallio, frater Senecae, egregius declamator propria se manu interfecit *a. 817. 818.*

L. Annaeus Seneca, Cordubensis, praeceptor Neronis et patruus Lucani poetae incisione venarum et veneno hausto

35 periit *a. 818* . . . Sotio philosophus Alexandrinus, praeceptor Senecae, clarus habetur *a. 765. 766.*

L. Annaeus Melas, Senecae frater et Gallionis, bona Lucani poetae filii sui a Nerone promeretur *a. 821. 822.*

Titus Musonium Rufum de exilio revocat *a. 833.*

Praeter hos decem titulos apud Suidam coniunctos hi fere libri Suetoniani enumerari posse videntur :

XI. [Οἱ πάλοι Ἀνδοὶ διειογάσαντο] καὶ τοὺς καλουμένους σάνδυκας (χιτῶνες δὲ ἦσαν ὑπ' αὐτῶν εὐρημένοι, λινῶν μὲν οἱ διειδέσταιοι, σάνδυκος δὲ χυλῶ τῆς βοτάνης καταβάπτοντες αὐτοὺς· σαρκοειδὴς δὲ ὁ χρώς τῆς βοτάνης) οὓς αἱ γυναῖκες τῶν Ἀνδῶν γυμνῶ τῷ σώματι ἐπισκιάζουσαι οὐδὲν μὲν ἐδόκουν ἢ ἄερα μόνον περικεῖσθαι, κάλλει δὲ ἔξω τοῦ καλοῦ καὶ σώφρονος ἐφείλκοντο τοὺς θεωμένους. Τοιούτῳ τὸν Ἡρακλέα χιτῶνι περιβαλοῦσα Ὀμφάλη ποτὲ αἰσχρῶς ἐρῶντα παρεδήλυνε· ταύτῃ καὶ Σανδῶν Ἡρακλῆς ἀννηνέχθη, ὡς Ἀπουλήιος ὁ Ῥωμαῖος φιλόσοφος ἐν τῷ ἐπιγραφομένῳ Ἑρωτικῷ καὶ Τράγκυλλος δὲ πρὸ αὐτοῦ ἐν τῷ περὶ ἐπισήμων πορνῶν ἀνενηνόχασιν. *Ioannes Laurentius Lydus de magistrat. Rom. 3, 64.*

XII. Secundum Suetonium in libro de vitiis corporali-
libus arvina est pingue durum, quod est inter cutem et viscus;
alii arvinae nomine laridum dicunt. *Servius ad Aen. 7, 627.*

Hirqui [Hirci *Isidorus*] sunt oculorum anguli secundum
Suetonium Tranquillum in vitiis corporalibus. *Servius
ad Verg. Ecl. 3, 8. Isidorus etymol. 12, 1, 14.*

Ulna proprie est spatium, in quantum utraque extenditur
manus . . . licet Suetonius ulnam cubitum velit esse tantum-
modo. *Servius ad Verg. Ecl. 3, 105.*

Graeci ἱερὸν ὀστοῦν, Suetonius Tranquillus spinam sa-
cram appellat. Ego me neque Graecum neque Latinum voca-
bulum ullius membri nosse mallet, dum istius doloris experts
vitam degerem. *Fronto ad amicos 1 p. 288 Rom. cf. supra
p. 290, 5. Isidorus etymol. 11, 1, 96.*

XIII. puer, pueri] Cuius femininum puera dicebant an-
tiqui, unde et puerpera dicitur quae puerum vel pueram pa-
rit . . . Quod comprobatur etiam Suetonius, diversos ponens
usus in libro qui est de institutione officiorum. Li-
vius in Odyssia: *Mea puera, quid verbi ex tuo ore supra
fugit?* Idem alibi: *Puerarum manibus confectum pulcher-
rime.* Non est tamen ignorandum, quod etiam hic puerus
et hic et haec puer vetustissimi protulisse inveniuntur, et

puellus puella. Lucilius in XI: *Inde venit Romam tener ipse etiam atque puellus*. Caecilius in Umbris: *Age age, i puere, duc me ad patrios fines decoratum opipare*. Afranius in Incendio: *O puere puere, sine prospicere me mihi*.
 5 Plautus in Lenonibus geminis: *Dolet hic puellus sese venum ducier*. Lucilius in III: *Cumque hic tam formosus homo ac te dignus puellus*. Livius in Odyssea: *Sancta puer Saturni filia regina*. Naevius in II. belli Punici: *Prima incedit Cereris Proserpina puer*. Varro in satira quae inscribitur *Ἄλλος οὗτος Ἡρακλῆς*: *Gravidaque mater peperit Iovi puellum*. Priscianus 6, 8, 41. 42. p. 697 P. cf. supra p. 122, 8.

Τὸ τῶν ἔργων σκρόνιον, οὐκ ὄν ἀπ' ἀρχῆς, ὁ Ἀγρουστός προσένειμε τῇ ἀρχῇ, τὴν ἐν τῇ Ρώμῃ βασιλικὴν ἀνεγείρων, ὡς ὁ Τράγκυλλος εἶπε φιλολόγος.
 15 *Ioannes Laurentius Lydus de magistrat. Rom. 1, 34. cf. Preller de regionibus p. 140; nisi forte verba supra p. 55, 11 scripta spectat intricatissimus locus.*

XIV. Longe iucundissimum poema . . . de tribus Suetonii libris quos ille de Regibus dedit in epitomen coegisti . . . In his versibus ego ista cognovi:

*Europamque Asiamque, duo vel maxima terrae
 Membra, quibus Libyam dubie Sallustius addit
 Europae adiunctam, possit cum tertia dici,
 25 Regnatas multis, quos fama oblitterat et quos
 Barbara Romanae non tradunt nomina linguae:
 Illibanum Numidamque Avelim, Parthumque Vononem,
 Et Caranum. Pellaea dedit qui nomina regum,
 Quique magos docuit mysteria vana Nechepsus,
 30 Et qui regnavit sine nomine mox Sesostris.*

Ausonius ad Paulinum, epist. 19.

XV. Suetonius Tranquillus de Rebus variis Praepositiones, inquit, omnes omnino sunt Graece duodeviginti, (qui numerus inter omnes criticos grammaticos profecto convenit)
 35 nit) nostras vero esse has: ab, ad, praeter, pro, prae, prope, in, ex, sub, super, subter. *Iulius Romanus apud Charisium p. 210 P.*

Praeverbium an adverbium dici debeat?] Suetonius et-

enim Tranquillus praeverbium putat dici debere quod ante, vel adverbium quod post verbum appellationem etiam nomenque ponatur. *Iulius Romanus apud Charisium p. 175 P.*

Isto vilius] Rex qui vocabat ad caenam, si sibi ea res exhibenda indiceretur quam exhibere non posset, respondit, ⁵ ut Tranquillus refert: isto vilius hominis erit caena. *Iulius Romanus apud Charisium p. 180 P.*

Potest hic titulus, qui est de Rebus variis, cum insequenti, qui est Pratum sive Prata, ita videri coniunctus fuisse, ut inscriptum fuerit: C. Suetoni Tranquilli Pratum sive de Rebus variis libri . . . Ta- ¹⁰ men tutius duxi separatim ponere.

XVI. Quia variam et miscellam et quasi confusaneam doctrinam conquisiverant, eo titulos quoque ad eam sententiam exquisitissimos indiderunt. Namque alii Musarum inscripserunt . . . partim *Αειμῶνας* . . . Est praeterea qui Pra- ¹⁵ tum. *Gellius praefatione 5* — 8. cf. *supra p. 294, 26*. *Plinius nat. hist. praefatione 23*. *Suidas s. v. Πάμφιλος*.

Signa autem tempestatum navigantibus Tranquillus in Pratis sic dicit: Mutatio tempestatis expectanda est in asperius, cum in nocturna navigatione scintillat ad remos et ad ²⁰ gubernacula aqua. In austrum venti mutatio est, cum lulligines irundinesve volant, aut cum delfini totos se saltibus ostendunt aut caudis aquam ferunt; nam semper ventus inde oritur, quo illi feruntur. Nec mirum est muta animalia divinare sub gurgite; semper enim incipientis aurae motu aquae ²⁵ inclinantur, quam permutationem maris primi undarum incolae sentiunt. Itaque propter impetum pugnant, sive metu ne deferantur in litora, sive natura ne aversorum cervices unda praecipitet. Numquid ergo delfini tantum hanc iniuriam time- ³⁰ ment? Immo et ceteri pisces, sed hi tantum apparent quia exiliunt. *Isidorus de natura rerum 38, 1.*

De nominibus maris et fluminum in Pratis Tranquillus sic adseruit dicens: Externum mare Oceanus est, internum quod ex Oceano fluit, superum et inferum quibus Italia ad-
luitur. Ex iis superum
Adriaticum dicitur et
Tusculum inferum. Fre-
tum angustum, quasi
fervens, mare, ut Si-

Adriaticum superum vocatur, Tyrrhe- ³⁵
num inferum, ut Iunilius et Tranquillus
dicunt, quibus adluitur Italia. *Scholium
Bernensia ad Verg. Georg. 2, 158.*

culum et Gaditanum. Aestuaria sunt omnia, per quae mare vicissim tum accedit tum recedit. Altum proprie mare profundum dicitur. Vada sunt quibus in mari potest stari, quae Vergilius brevia appellat, quae eadem Graeci brachea. Sinus maiores recessus maris dicuntur, ut est Caspius, Arabicus, Indicus; minores autem anguli dicuntur, ut Paestanus, Amyclanus et ceteri similes. Flustra sunt motus maris sine tempestate fluctuantis. Naevius in bello Poenico sic ait: *Onerariae onustae stabant in flustris.*
 10 ut si diceret: in salo. Moles quae eminent et procur-
 runt mari, de quibus Pacuvius: *Omnes latebras sub leto mole obstrusas sinus.* Caecus fluctus tumens necdum tamen canus, de quo Atta in Togata sic ait: *Pro populo fluctus caecos faciunt per discordiam,* et Augustus: *Nos*
 15 *venimus Neapolim fluctu quidem caeco.* Litus quidquid aqua adluitur. Flumen omnis humor qui vel modice fluit. Torrens fluvijs quia pluvia crescit, siccitate torrescit, id est arescit; de quo Pacuvius ait: *Flammeo vapore torrens torret.* Ostia exitus fluminum in mare. Tolli aquarum
 20 proiectus, quales sunt in Aniene flumine quam maxime praecipiti. *Isidorus de natura rerum 44, 1—4 ed. Arevali.*

De nominibus ventorum] Quosdam autem Tranquillus proprios locorum flatus certis appellat vocabulis, quo ex numero sunt in Syria Syrus, Carbasus in Cilicia, in Propon-
 25 tide Thracias, in Attica Sciron, in Gallia Circius, in Hispania Sucronensis. *Isidorus de natura rerum 37, 5.*

Nolui hic repetere Versus de XII ventis Tranquilli physici, quos e libro Bruxellensi no. 10721 Saec. XII. Theodorus Oehler edidit in Museo Rhenano 1842 p. 130 sqq.

30 Stipulari] Suetonius autem passive protulit in VIII. Pratorum: *Laetoria, quae vetat minorem annis viginti quinque stipulari* (ἐπερωτᾶσθαι). *Priscianus 8, 4, 21 p. 794 P.* Suetonius in VIII. Pratorum *minor viginti quinque annorum stipulari non potest* passive dixit. *Priscianus 18, 19,*
 35 *149 p. 1164 P.*

Suetonius in VIII. Pratorum: *Fasti dies sunt quibus ius fatur, id est dicitur, ut nefasti quibus non dicitur.* *Priscianus 8, 4, 20 p. 793 P.* *Isidorus de natura rerum 1, 4.*

Meropes] galbeoli, ut putat Tranquillus. Hae genitores suos recondunt iam senes et alere dicuntur in similitudinem ripariae avis. quae in specu ripae nidificat, ut in libro X. ostenditur. *Scholia Bernensia ad Verg. Georg. 4, 14 ed. Müller. cf. Plinius nat. hist. 30 §. 33.*

5

Suetonius Tranquillus dicit Parthenopen Sirenem sepultam in Campaniae litore, a cuius nomine Neapolis Parthenope vocitata existimatur. *Scholia Bernensia ad Verg. Georg. 4, 564 ed. Müller.*

Corycium senem] per transitum tangit historiam memoratam a Suetonio. Pompeius enim victis piratis Cilicibus partim in Cilicia, partim in Graecia, partim in Calabria agros dedit. *Servius ad Verg. Georg. 4, 127.*

10

Homo rebellis dicitur, res ipsa rebellio, non rebellatio. Sic Suetonius. *Servius ad Verg. Aen. 12, 185.*

15

Scriptor librarius] bibliopola, uti veteres dicebant, quod et Tranquillus affirmat. *Scholia ad Horatii artem po. 354.*

Emeriti pars ultima iuris] significat congluviales dies, ut ait Suetonius, in quibus quod ante intermissum fuerat gerebatur. *Scholia ad Lucanum 5, 7 ed. Weber.*

20

Ponti belua] crocodilus; canis Aegyptius lambit et fugit. Dicit Suetonius. *Scholia ad Lucanum 8, 764 ed. Weber. cf. Phaedrus fab. 1, 25.*

Inchoavi ab inchoo] Sic dicendum putat Iulius Modestus, quia sit compositum a Chao, initio rerum. At Verrius et Flaccus in postrema syllaba aspirandum probaverunt; cohū enim apud veteres mundum significat, inde tractum incohare. Tranquillus quoque his adsentiens libello suo plenissime aedem incohata ita disseruit. *Diomedes p. 362 P.*

Non sine fastidio ac solum propter raritatem exemplorum subiunximus misella excerpta, quae splendidissima Palaemonis et Tranquilli nomina prae se ferunt, sed bonae frugis parum continent. Usi sumus eodem codice Montepessulano saeculi ix, unde Dorvillius a. 1749 protulit.

30

Differentiae sermonum Remmi Palaemonis ex libro Suetoni Tranquilli qui inscribitur Pratum.

35

Inter gnatum et natum] gnatus est qui ex aliquo genere efficit aliquem parentem ipse nascendo, natus est in saltu

equus, fructus alicuius rei; ita alterum ad parentes pertinet et ad ius liberorum, alterum ad possessionis fructum.

Inter terminum et finem] terminus est loci, finis rei; et terminus dictus est ab eo quod quasi terram minuat, finis potest esse etiam ultra terminum.

Honos, honor] si fuerit honos, ut nepos dos sacerdos, genetivo casu sit honotis, ut dotis sacerdotis; ita dicimus honor ut arbor, honoris ut arboris.

Inter fretum et mare] fretum est angusti maris fauces, mare est patens et late effusum; ita quod mare est non est fretum, quod fretum utique mare est.

Inter absconsum et absconditum] absconsum, si quicquam et sublata praepositione posset esse consum; nunc cum sit conditum, melius est, quod etiam nunc servat originem suam, absconditum.

Inter potentem divitem locupletem pecuniosum beatum et opulentum] potens viribus et imperio dicitur, locuples dicebatur apud antiquos qui locis plurimis abundabat, dives pecunia auro et argento a nummorum copia dictus, pecuniosi a pecoribus dicti (facilis enim erat rerum commutatio cum his qui ea habebant;) beatus animo qui, etiamsi opes non habet, tamen quia eas non desiderat, ab hoc contemptu quoad animum beatus dicitur; opulentus est qui indulgentia fortunae propter delicias lentior est, ideo opulentus opum indulgentia lentus.

Inter pometum et pomarium] pometum est ubi poma nascuntur, pomarium ubi poma reponuntur, item pomerium locus circa muros est sacer dictus.

Inter alas et pinnas] alae sunt quibus pinnae haerent, pinnae autem in alis.

Inter lintea et lina] lintea sunt contexta, velut tunica stragulum velum, lina quae singulis positis filis habent aliqua intervalla.

Inter cocliarium et cocliare] cocliarius est qui cocleas vendit, cocleare est quod utimur.

Inter vinetum et vinarium] vinetum est ubi vina nascuntur, vinarium est quod utimur.

Firmiter et firmis nihil est, firmus et firme recte dicimus.

Lupus et lepus similem habent vocem, non similem declinationem; facit enim lepus poris et lupus pi.

Expertus et experrectus] expertus in re aliqua vel in negotio, experrectus a somno et quiete; ita illud astutiae est, hoc inertiae.

Spolia et exuviae quid differunt] spolia saucii gladiatoris et victi esse dicuntur, exuviae in bello interfecti ducis nominantur.

Certat et certatur] certatur verbum est nominandi, cum aliquis in foro aut in loco certatur; certat autem ille cum illo.

Si aeneum esset, aes aenis fieret genitivo casu; cum aes aeris faciat, aereum dicimus, ut ipse Virgilius ait: *nexaeque Aere trabes*, et ille artifex aerarius dicitur, non aenarius.

Neutra quaecumque plurali numero in ia exeunt casu nominativo, ea genitivo casu in ium dicuntur, tamquam docilia facilia agilia forensia, facit enim singularis numerus hoc forense et docile. Item cum docilia genitivo casu docilium faciat agilium et facilius, dicimus forensium non forensiorum; ita dativo et ablativo casu fit forensibus agilibus et facilibus.

Amictus est rei quae amicitur nomen, amictus veste circumdatus.

Inter annale et annum et anniculum] annalis liber est qui annua acta continet, annuus fructus qui suo reddit tempore, anniculus potest dici infans vel aliud animal.

Inter mendum et mendacium] mendum est scripto * et a mentum mentax.

Inter aut et vel] aut necessitatis est, vel voluntatis.

Inter supervacaneum et supervacuum] supervacuum cuius usus in praesenti inutilis est, necessarius autem futurus; supervacaneus est cuius usus omni tempore supervacuum est.

Erga me et adversus me hoc differt, quod alterum pietatis est et benivolentiae, alterum contentionis.

Inter barbarum et barbaricum] barbarum est moribus vel sermone, barbaricum operis demonstratione facit vel textum.

Specular an speculari] Omnia neutra quae plurali numero per ia enuntiata fuerint, cum ad singularem numerum

rediguntur, sublati*a*, adposita e*l* littera, quidquid fuerit respondebimus, ut specularia specular*e*, cocliaria cocliare.

Inter hoc et huc] hoc pronomen masculini et neutri generis casus ablativus, huc adverbium est loci. Sed videntur
 5 errare qui hoc adverbium loci putant esse, [quamquam dixerit Virgilius: *huc illuc vinclorum inmissa volumina versat.*] Quodsi hoc adverbium est loci, dicimus: quod est pronomen id erit adverbium.

Inter offensam et offensionem] offensa nomen est rei, offensio culpae, tamquam nota et notatio; nota enim nomen rei est, notatio actio notantis.

Inter patrem et parentem] pater est alicuius *, parens vel masculus vel femina; quod inter coniugem et virum interest, hoc inter parentem et patrem; coniux uterque dicitur, vir qui maritus est. Ita et parens uterque, alter quod
 15 causa sit partus, alter quod pariendi habeat materiam.

Inter velle et cupere] qui vult non cupit, qui cupit etiam vult.

Hic an haec grex] quaecumque monosyllaba correpta
 20 finiuntur x littera, feminina sunt ut: nix pix nux crux grex.

Complicui an complicavi] triplicavi et quadruplicavi, non triplicui et quadruplicui nec complicui, et nec dicimus complicit sed complicat.

Duobus et ambobus] ambis si dixerimus, ambigua est significatio; duis aequ*e* aliud significabit quod est de situ; fugiendum nobis est hoc vitium ambiguitatis. Nunc etiam necesse est nobis ut dicamus hos duo, quia si dixerimus duos locos talos, necesse est dicere duis et ambi ut mali; sic adiciemus duo et ambo, ut duo duobus et ambo ambobus.

30 Ficus an ficos] ficus arbores, ficos poma dicimus, ficus tamquam manus anus, ficos tamquam favos.

Decurrit an decucurrit recte dicamus] ea quae geminanda erunt verba temporis praesentis, praeterito tempore unam syllabam accipient, tamquam currit cucurrit, spondet spopondit.
 35 At cum praepositio accesserit, perdent syllabam, tamquam decurrit non decucurrit, et despondit non despopondit. Hoc ita verum erit, si non plus quam V. accipient praepositiones; nam cum sit mordet, et facit momordit nec tamen facit demordit.

Inter Saturnalium et Saturnaliorum] si dixerō Saturnaliorum ut subselliorum, Saturnaliis facit ut subselliis; et ideo dicimus Saturnalium, ut possit fieri Saturnalibus.

Inter alium et alterum hoc interest, quod alter ex duobus, alius ex turba. 5

Inter gnavum et gnarum] ignarus est inscius, gnarus trahit significationem; [gnavus] quod si is qui celer est navus est, qui piger est ignavus; gnarus autem dicitur sciens, ex contrario colligimus ignarum esse inscientem.

Cornu, cornum, cornus quid differunt. Cornum pomum 10 significat, facit enim corna; cornu telum significat, tamquam genu, facit enim cornua tamquam genua; cornus autem est arbor.

Inter lac lact et lacte] lac et lact non recte dicimus, quia nullum nomen in c littera desinit, [ita nec duc nec fac 15 rectum est nec lac;] nec (lact) in t littera aliquod nomen finitur; ergo quod superest, dicimus lacte.

Cor an cors] Omnia quae consuetudo vitiosa fecit, antiquitas emendavit. Cor assuevimus dicere; an recte dicamus, ex composito intellegimus et his quae mutari non poterunt; 20 dicimus enim excors et vecors, non excor et vecor; et si esset cor, coris faceret. Nunc cum cor cordis faciat, existimo ita posse dici.

Rusus an rursus] si rursus iterum significat, debemus rursus sic scribere tamquam iterum per r litteram; non dicimus enim iteum, et dicimus tamquam quorsum et seorsum, 25 non quosum et seosum.

Tribunal an tribunale et animal an animale] Procellus ait: *quae l littera finiuntur in declinatione, geminant eandem litteram, tamquam mel mellis et fel fellis, facit ita tri- 30 bunal tribunallis et animal animallis.* Sed erravit, primum quia monosyllaba in exemplo posuit, deinde quaquiare l non geminat nec vigil nec pugil. Ita dicimus hoc tribunale tamquam agile facile docile, agilia facilia docilia tribunalia. Quae 35 ia in plurali numero finiuntur, ea cum ad singularem veniunt, e littera terminantur.

Cervical an cervicale] nec cervical nec cervicale recte dicitur; est enim epitheton et genus ab eo quod accessit ac-

cupit. Dicitur autem pulvinus, dicatur necesse est cervicalis, ut cubicularis tricliniaris.

Pugillares an pugillaria] Nec pugillaria nec pugillar dici potest * aliter, quia proprium nomen est huius rei codices, inde per diminutionem codicilli, ut puta codicilli triplices. [sic dicuntur codicilli, id est quia tam parvi sunt ut pugillo teneri possint. Cicero quoque libellos quos plures in manu habebat vocabat pugillares.]

Inter decus et decor] decus est gloria, decor forma. Utrumque genitivo casu discernitur, nam quod virtutis decus est, corripimus o et dicimus decus decōris, quod formae, producimus et dicimus decor decōris.

Inter mihi et mi] utrumque pronomen est, sed alterum invocantis alterum poscentis; dicimus enim o mi pater, cum invocamus, et dicimus da mihi, cum poscimus.

Inter hic panis et hoc pane] hic panis, qui integer est; hoc pane, cum fractus est, dicimus, ex uno pane cum plura frusta facta sunt. hi panes sed hoc pane.

Plurium an plurum] Aiunt quidam plurum debere dici, quia non dicimus meliorum nec doctiorum, ita nec plurum debere dici. Sed alii aiunt, quaecumque plurali accusativo in i et s veniunt et i producunt, genitivo per ium debere dici, tamquam montis tium fontis tium, non montum nec fontum; ita plurium dicimus, non plurum.

Uterque an utrique] uterque ex duobus, utrique ex pluribus.

Huiuscemodi an eiusmodi] eiusmodi barbarum est, et superest ut huiuscemodi dicamus.

Inter librarium et manuarium] librarium est quod librum sustinet, manuarium est quod manu tangitur aut sustinetur.

Inter promere et proferre] promimus ea quae in promptu sunt, proferimus recondita, quasi porro ferimus.

Hic alvus an haec alvus] Omnes hanc alvum dixerunt: aqua alvum citam facit, non citum. Sed temporibus emendatur facundia, ita dicimus hic alvus hoc tempore, quasi hic uterus.

Caerulum an caeruleum] caerulum est tamquam aurum,

caeruleum tamquam aureum; ita illud rei nomen est, hoc denominative dicitur.

Lar an singulariter dicatur] Ea quae in nominativo casu in r exeunt, genetivo per is declinantur et quem ad modum par paris, sic Lar Laris facit.

Inter Anio et Anien] Utrumque ab auctoribus traditum est; dictum est enim: *Aniena fluenta*.

* *] * instans periculum efficit quod aut videt aut metuit; item metus est motus animi ex periculo certo; pavor est subita mentis consternatio quae facit trepidos saepe sine causa, ut puta in silva subitus avium motus facit pavidos, etiam equus dicitur pavidus qui tactu subito exhorrescit; formido rei nomen est quae aspectu oculorum terret animos, ut in circo positae bestiae terrent spectantes.

Accipe qui dicit, aliquid tradit; qui dicit tene, ammonet; sume qui dicit, permittit.

Animal an animale] Quaecumque neutra plurali numero in ia exeunt, ea singulari e finiuntur, ut torale tribunale animale.

Meta terminus finis quid differunt] finis tollit labores, finis est officii muneris potestatis, et terrae finis dicitur; terminus ab eo quod terram minuat et terrae finis statuatur; meta est quae incoat spatium et revocat et citra quam labor est et ultra quam non est.

Elige et selige quid differant] eligitur id quod extra ponitur legendo, seligitur quod lectum seorsum ponitur; ita selectio est cuiuslibet rei, electio nonnisi rerum optimarum.

Nemo et nullus quid differant] nemo ad personam pertinet praesentem, at nullus in utroque genere, id est nullus equus, nullus homo.

Inter obsecrat obtestatur et orat] obsecrat qui per opes sacras rogat; obtestatur qui fide aliqua interposita rogat, quasi testem habiturus aliquem precum suarum; orat qui sic rogat ut moveat affectu animum. Unde et oratores, qui quasi ratione oris exponant.

Inter delubrum templum sacellum fanum et adytum] delubrum est quod deo debitum luitur; templum quod contemplatis aedibus intramus; sacellum locus publicus sacra habens,

hypocorisma, quasi sacrarium; fanum Fauno regi dictum vel a fando, ut illi qui futura videntur canere fanatici dicuntur; adytum templi interior locus, quo nulli fas fuit accedere nisi sacerdoti.

5 Arbitri an arbitrii] cum de arbitro loquimur, arbitri dicimus gen. casu, cum de arbitrio arbitrii.

Pomerium] Locus apud antiquos circum muros relinquebatur, non interius, ne iungeretur aedificiis; sed ut esset aliquid vacui ad instruendas acies, extra muros aliquid relinquebatur. Hunc locum appellabant pomerium veluti postmerium, 10 eo quod esset post murum.

Garrit loquitur et dicit] garrere vitii est, loqui naturae, dicere vel facundiae est vel iudicantis aut criminantis.

Inter praegnantem et gravidam, incientem et fetam quid 15 est inter] praegnans commune animalium est, gravida hominum, inciens in partu, feta post partum.

Inter laniat lacerat lancinat et scindit] lacerat membra, unde etiam lacernae vestes, quod sunt extrema sui parte laceratae; laniat qui membra in proprias dividit partes, inde 20 lanius dicitur, etiam laniat capillos. Quidam putaverunt lanciat vestem, quasi lanciat quod ab lanciciis dicatur; alii lanciat quoad lanuginem, quod ex lana sit confectum.

Inter amplectitur et amplexatur] amplectitur semel, amplexatur saepius.

25 Nec licite latinum est nec licitate; nihil est licito, quia omnino non dicitur. Debet ergo dici [in]liciti et [in]licitati, [quia est et inlicere, insidiando in id quod velis deducere] ergo [in]liciti sumus semel, [in]licitati saepius. Quidam putaverunt hoc dici licitatores emptores fictos, id est qui non 30 essent empturi, sed adiectis pretiis per fraudem emptores deciperent.

Inter praelium bellum pugnam et rixam] praelium turmae et exercitus, dictum a prole iuvenum; (quare ergo gladiatores dicimus bene praeliatos? quia etiam noxiae virtuti 35 honestius nomen inponimus) bellum per antifrasin dicimus, quod minime sit bellum et multa habeat praelia; pugna certamen est ē. unu duorum; rixa humiliter et seditionis est.

Status, statutus] statutus est collocatus, status **habitus** stantis.

Accidit, contigit, evenit, incidit] accidit grave et triste; contigit quod petitum et bonum est, quasi contiguum labore acto; evenit quod quasi extra venit, id est quod nec cogitavimus nec petivimus nec timuimus; incidit qui in rem insperatam cecidit.

Ad] nonnumquam loco convenit, nonnumquam personae.

Inter apud et penes] apud personam significat * *

* * *

10

Innocentem et innocuum] innocens sanctitate morum intellegitur, innocuus qui non habet vim nocendi.

* nimbum et pluviam] * * pluvia est quam vi ventorum nubes pluvare coguntur, id est pulsu violento exprimunt e nubibus venti; nimbus interdum erumpit ut aliquam caeli partem minorem occupet, maiorem serenam relinquat.

Iram et iracundiam] ira ex causa nascitur, iracundia perpetuum vitium mentis et pectoris est.

Iuventam iuventutem et iuventatem] iuventus est multitudo iuvenum, Iuventa dea iuvenibus praesidens, iuventas 20 ipsa aetas.

Immolare et mactare] immolari dicitur hostia, cum mola salsa in caput adiecta est; mactatum autem quasi magis autum, id est ampliatum.

Iter et itiner] iter quo quid agitur, itiner via dicitur. 25

Initium et principium hoc differt] principium totius operis cuiuscumque *, quasi primum operis caput; initium frequentius intellegimus, et toties accipimus quoties persona aut res mutatur, quasi initus in alteram rem; et principium semel, initium saepius; principium ut *Arma virumque cano*, initium 30 *Musa mihi causas memora*. Inveniuntur tamen initia, quae natura sui carent et speciem principii habent, ut *At regina gravi iam dudum saucia cura* et *Sic fatur lacrimans classique immittit habenas*.

Inviu, deviu, aviu, perviu] inviu sine via, aviu 35 flexuosum, deviu desertus locus, perviu per quod com-
meatur.

Innocens, innoxius] innocens est nemini nocens, innoxius culpa cuiuslibet criminis vacuus.

Inducias foedus et pacem hoc interest, quod induciae numero dierum finiuntur, quod et sequestram pacem appellant
5 ut: *pace sequestra Bis senos pepigere dies*; foedus in perpetuum aut in annorum certum numerum fertur; pax cum eo populo conponitur, qui imbecillior est altero praevalente, qui existimet tutius esse sibi descendere in conditiones pacis quam dubiam belli fortunam experiri.

10 Laniat, lancinat, lacerat hoc differt, quod laniat lanius, cum membra decerpit; lacerat qui partibus suis membra destituit; lancinat qui inutiliter membra discerpit.

Lustra producte et lustra correpte hoc interest, quod lûstra certa tempora sunt, lústra latibula ferarum vel turpium
15 hominum receptacula.

Legatum et oratorem] legatus legitur ad officium a civitate; orator ad orandum missus, uti oris ratione exponat id quod petit.

Liberos et filios] filii masculino genere ponuntur, liberi
20 in utroque sexu; et quod filii in numerum singularem revocari possunt, liberi non possunt; (nemo enim dicit qui habet unum filium: unum liberum habeo) item quod filii omnis conditionis intelleguntur, tam servi quam ingenui, liberi autem non dicuntur nisi qui ab ingenuis nascuntur.

25 Leges et iura hoc differt, quod iura reperta sunt ab honesta consuetudine; (unde etiam ius et iustitia pari ratione dicuntur ab unius cuiusque iure) leges, quod electae sint vel sententias artius ligent seu alligent.

Legionem et dilectum] legio dicitur virorum electio fortium vel certus militum numerus, id est \bar{v} . DC; dilectos quos
30 maxime diligimus, ut filios parentes cognatos vel fratres.

Ludibrium et ludicrum] ludibrium in alterius iniuriam; ludicrum quo ipsi delectamur sine cuiusquam contumelia.

Mi et mihi hoc differt, mi pronomen est vocativi casus
35 et venit a nominativo meus; mihi compositum pronomen dativi casus; et mi aliquando ponitur pro adverbio adfativo ut
vale mi frater carissime mihi.

Miseratus et misertus] quod miserari calamitatis et for-

tunae alterius tantum affectum* ut *Me liceat casum miserari insontis amici* et *Extincto miseratus* agrestis*; misereri autem opus ipsius hominis est, ut *Turne, in te suprema salus, miserere tuorum!*

Metum timorem et pavorem] metus frustra prospicit; 5
timor subita mentis consternatio; pavor animi motus, unde etiam pavida iumenta dicuntur.

Monstrare et demonstrare] monstramus semel, demonstramus saepius.

Matronam et matrem familias] matrona filios ampliat; 10
mater familias quae patri familiae nupsit.

Moenia et aedificia] moenia publicorum sunt operum, aedificia privatorum.

Meret et meretur] mereo meret quis mercedem vel poenam; mereor meretur autem qui ex alterius iudicio parem 15
beneficiis gratiam expectat.

Mergi et mergae hoc differunt] mergi sunt aves marinae quae se in aquam mergunt; mergae sunt fustes deducti quibus metitur in aquis profundi quantitas.

Nullum et neminem] nullus ad universa potest referri, 20
nemo ad hominem, velut ne homo quidem.

Noctu et nocte] noctu sic dicimus quomodo interdiu, et significat aliquam partem noctis, diei; nocte autem totam noctem intellegimus.

Nescire et ignorare] qui nescit, omnium notitia caret; 25
qui ignorat, aliquid nescit.

Natum et gnatum] natus participialiter dicitur a verbo quod est nasci; gnatus a generatione filius dicitur.

Nefarium et nefandum] nefarius in verbis intellegitur, nefandus in opere. 30

Nutrit et nutrit] nutrit mulier, nutrit masculus.

Nequiquam et nequaquam] nequiquam frustra, nequaquam nullo modo significat.

Oleam et olivam et olivum] olea fructus est, oliva arbor, multitudo vero dicitur olivetum, ut querquetum prunetum; 35
unde olivum liquorem appellant. Verum sine discrimine et oleam et olivam pro fructu saepe multi posuerunt, nec refugit quominus utramque rem utroque nomine dixerint.

Ovare et triumphare hoc differt, quod triumphans quadrigis vehitur et coronatus laurea corona subsequitur pompam; qui autem ovat, aut super equum tripudiat aut mirtea corona cinctus pompam praecedit.

5 Omnes cunctos et universos] omnes quorum mentio est; cuncti qui ubique sunt; universi tamquam in unum versi.

Orare et precari] orare dicitur quoniam oris ratio ducit, et qui orat etiam precatur ut *Exorat pacem*; at qui rogat non utique orat, sed deprecatur, quod etiam imperiti ad deprecandum descendunt.

10 Omne et totum] omne universitatem significat, totum soliditatem.

Ostentum monstrum et prodigium] ostentum sine corpore solido nobis se ostendit et oculis et auribus obicitur, 15 ut interdiu tenebrae, nocte lux; prodigium quod solidis corporibus conspicitur, ut in caelo cometes stella aut fax; monstrum quod [contra] naturam cognitam egreditur, ut serpens cum pedibus, avis cum IIII. alis.

Properare et festinare] properat qui unum quodque mature transigit; festinat qui simul multa incipit nec perficit.

Polliceri et promittere] promittimus rogati, pollicemur ultro.

Pecudes et pecora] pecudes oves tantum accipimus, pecora autem mixtura omnium animalium est.

25 Palam et coram] palam omnium praesentium nota, coram personam accipere desiderat.

Patrium et paternum] patrium a patria venit, paternum a patre.

Pomaria et pometa] pomaria vasa dicimus, sicut olearia; 30 pometa sicut oliveta et ficeta, maleta.

Prior venit et ante venit] prior ad dignitatem, ante ad tempus refertur.

Primum et priorem] prior alterum praecedit, primus omnes.

35 Proprius et propius] proprius domini, propius est loci.

Paret et apparet] paret imperio, apparet videntibus.

Putat existimat opinatur arbitratur et suspicatur id differt] putat qui dubitat, existimat qui ea quae acta sunt per-

pendit, opinatur qui opinioni aut suae aut alterius credit, arbitratur qui dubiae rei *finem imponit*, *suspiscatur qui latentis rei* prospicit formam.

Prohibere et inhibere] prohibere est porro habere, inhibere nautae in usu habent; et quod prohibemus iure, inhibemus imperio.

Plenitudinem et plenitatem] plenitudo corporum est, plenitas rerum; ita plenitudinem obesorum corporum, plenitatem quarumlibet dicimus rerum.

Precari et deprecari] precamur deum, deprecamur homines.

Regium et regalem] regius puer est regis, regalis rex qui regit regnum.

Relictum et desertum hoc differt, quod relinquimur sponte, deserimur inviti. 15

Reliquos et ceteros] reliquos dicimus relictos ex omnibus, ceteros quos excipimus.

Redibium per b et redivium per v litteram] redibium quod nascitur semel in anno, redivium quod saepe revivescit.

Rogum et pyram] pyra sacrificiis, rogus defunctis. 20

Sempiternum et perpetuum] Nigidius in libro quarto ait: *sempiternum immortalium rerum, perpetuum mortalium est; perpetuitas enim in nostra natura est, quae perpeti accidentia potest, sempiternitas infinita est, eo quod semper.* 25

Sedulum et serium] sedulus sine dolo est et strenuus, serius quasi severus et asper; serias etiam dictas res a barbaris qui Seres appellantur, asperrimi et austerrimi.

Sceleratum scelerosum et scelestum id differt] sceleratus est suo aliquo scelere contaminatus vel aliqua contagione pollutus et infamis; *scelestus* autem scelerum cogitator et commissor; scelerosus vero, quasi insidiosus periculosus, propter assiduitatem scelerum. 30

Silere et tacere] qui silet desinit loqui, tacet autem qui nondum coepit. 35

Consequi, assequi, insequi] consequimur praecedentem, assequimur studio, insequimur inimicum.

Simulare, dissimulare] simulamus quae nescimus, dissimulamus quae scimus.

Servitium et servitutem] servitus est necessitas serviendi, servitium servientium numerus.

5 Sensem et intellectum] sensus naturalis est, intellectus in rebus obscuris.

Sanguinem cruorem et saniem hoc differt] sanguis dicitur cum intra corpus est, eo quod nos sanciat, id est contineat; cruor cum funditur, dictus ab eo quod nos corruere
10 cogat; sanies cruor putridus.

Scelus et facinus] scelus crimen est, facinus etiam in laude ponitur.

Solum unicum solitarium et unum] solus a ceteris relictus, unus initium multorum, solitarius sine ceteris, unicus
15 qui propter inopiam aliorum id ipsum est quod solus.

Soloecismum et barbarismum] soloecismus in sensu fit, barbarismus in voce.

Super et supra] super superior inferiore, supra quod substratum aliquid habet aut quod supra quid imminet.

20 Simul et simitu] simul una pariterque res declarat, ut simul legimus vel scribimus; simitu loci recipit significationem, tamquam simul itu.

Saevum et crudelem] saevus circa verbera est, crudelis monstratur sanguine.

25 Sic et ita] sic qui dicit ostendit exemplum, ita ad rationem refertur.

Stillam et guttam] gutta imbrium est, stilla olei vel aceti.

Terminum et finem] terminus nonnisi manu ponitur, finis sermonis vel voluptatis aut alicuius rei intellegi potest.

30 Terga et tergora] terga hominum, tergora animalium; et in numero singulari tergum hominis dicimus et tergus animalis.

Tum et tunc] tum ordinis *habet* significationem, tunc temporis.

35 Tenere et sumere et accipere] tenemus quae sunt in nostra potestate, sumimus posita, accipimus data vel ab alio accepta; vel tenemus et sumimus a nobis, accipimus ab alio.

Tardum pigrum inertem et segnem] tardus dicitur qui

trahit tempus, iners sine arte et nullius officii capax, piger per omnia aegro similis, segnis semotus a calore [sciendi.]

Tuor et tueor] tuor video, tueor custodio.

Turpem et deformem] turpis vita, deformis specie intellegitur.

Vadem ac sponsorem et praedem] vas qui ipsum se aut aliud quodlibet pro alio tradit, sponsor qui alium sponsione sua suscipit, praes qui pro se alium praesens praesenti dicit id est dat.

Vestem et vestimenta] vestis proprie feminarum est, vestimentum virorum.

Uvidum humidum udum et madidum] uvidum penitus infectum est, madidum ex una parte, humidum quod ad medium usque pervenit, udum summum tactum tantum cuiusque rei.

Vetus et vetustum] vetus novo comparatur ex contrario, vetustum ad antiquitatem refertur.

Vim vires et virtutem] vis iniuriae est, vires corporis, virtus animi.

Ultorem et vindicem] ulciscimur nos accepta iniuria, vindicamus ne accipiamus.

Vereor et revereor] vereor ad metum refertur, revereor ad affectum.

Ulcus vulnus et plagam] ulcus per se exit aut fit intrinsicus ex se, vulnus ex ferro fit, plaga planus ictus est; et quod ulcus levitatis est, vulnus gravitatis, plagae etiam verbera vocantur.

Voluntatem et voluptatem] voluntas animi est, voluptas corporis.


Virum et masculum] vir specie intellegitur, masculus genere; et quod vir tribus modis accipitur, natura nuptiis virute; masculus etiam ab homine segregatur.

Vultum et faciem hoc differt, quod vultus animi indicium est, facies oris positio; et vultus interdum mutatur, facies manet; licet et una res pro alia saepe commutetur in genere ab specie.

INDEX

NOMINUM PROPRIORUM

HISTORICUS, GEOGRAPHICUS, LITTERARIUS.



INDEX NOMINUM PROPRIORUM

HISTORICUS, GEOGRAPHICUS, LITTERARIUS.

Prior numerus paginam, posterior versum indicat. Inclinatis litteris ea nomina scribuntur, quae litterariam rem spectant.

- Aborigines 215, 7.
L. Accius 295, 5. *Atreo* 133, 17.
 111, 1.
Accianus fundus 295, 8.
Cn. Acerronius Proculus 117, 4.
Achaei 276, 17.
Achaia 88, 23. 89, 5. 128, 8. 160, 36. 168, 12. 177, 27. 179, 29. 227, 35. 230, 13.
Achaica peregrinatio 177, 23. 196, 29. 226, 25.
Achilles 115, 35. 277, 1.
C. Acilius miles 28, 24; 27.
Acilius Aviola 169, 18.
Acilius Glabrio 247, 9.
Acta 121, 35. 122, 21. 136, 6.
Acta publica 88, 34.
Acta senatus 39, 37. 55, 3. 116, 35.
Acta diurna senatus et populi 9, 21.
Acte 182, 22. 196, 17.
Actium 44, 38. 45, 1; 34. 82, 6.
Actiacus a um. bellum 41, 21. 300, 17. triumphus 47, 17. 89, 16. victoria 45, 33. 129, 12. 301, 21.
Actius comoedus 105, 24.
M. Actorius Naso 6, 12. 22, 30.
Adminius 139, 20.
Aegisthus 22, 14.
Aegyptus 6, 33. 16, 18. 22, 32. 45, 11; 29. 67, 26. 78, 38. 157, 29. 187, 35. 194, 20. 228, 34. 229, 10. 243, 21. 296, 25; 28.
Aegyptii 145, 20. 276, 18; 27.
Aegyptius a um. canis 306, 21. classis 18, 6. genus 188, 32. ritus 101, 36.
Aelius Lamia 242, 4. 247, 11.
L. Aelius Stilo 258, 4; 10.
Aelius Seianus 106, 5; 7. 109, 11. 111, 14—22. 112, 23. 113, 20; 37. 123, 25. 133, 18. 150, 32. 162, 17; 18. 215, 32.
Aelia Paetina 161, 28; 29. 162, 1; 13.
Aemilius Aelianus 62, 4; 8.
Mam. Aemilius 3, 19.
M. Lepidus triumviri pater 4, 12; 13; 37.
L. Aemilius Paulus triumviri frater 13, 35.
M. Aemilius Lepidus triumvir 34, 35. 36, 31. 41, 14. 42, 20; 30. 44, 23. 49, 32. 52, 8. 63, 13. 88, 32.
Lepidus triumviri f. 46, 2.
Paulus censor, Lucii f. 44, 21. 155, 21.
L. Aemilius Paulus censoris f. 44, 20. 46, 4. 66, 12.
Lepida Quirinii uxor 106, 16.
M. Aemilius Lepidus censoris nepos, Drusillae maritus 130, 13. 135, 29. 151, 27.
Aemilia Lepida censoris neptis 161, 21.
Aemilius Macer 298, 37.
Aemilius Papus 38, 25.

- Aemiliana locus 156, 35.
 Aenaria 78, 28.
 Aeneas 190, 6.
 Aenobarbus v. Domitius.
 Aequeculi 215, 12.
 aesar 82, 23.
 Aesculapii signum 65, 1. insula 160, 27.
 Aeserninus Marcellus 58, 17.
 Aethiopes 145, 20.
 Aethiopia 22, 32.
 Aetna 301, 10.
 Aetnaeus vertex 142, 15.
 Aetolia 45, 6.
Afranius in Compitalibus 294, 22.
 in Incendio 174, 35. 303, 3.
 L. Afranius 16, 5. 30, 16; 22.
 Africa 16, 28; 31. 26, 9. 29, 2. 43, 24. 60, 32. 100, 11. 184, 23. 202, 21; 34. 204, 32. 209, 18. 217, 9. 225, 34. 226, 16. 289, 26.
 Afer 292, 1. 294, 4. Afri 292, 9. pugiles 126, 33. Afrum genus 39, 27.
Africum bellum 24, 22.
 Africanus v. Cornelius Scipio. triumphus 17, 5. 40, 38. Africanae 127, 6. 158, 15.
 Agamemnon 11, 32.
 L. Agerinus 186, 22.
 agger Romae 132, 8.
 agraria lex 9, 24.
 M. Agrippa 44, 8. 48, 28. 51, 31. 54, 21. 57, 17. 66, 2; 4; 11; 15. 67, 37. 68, 1. 81, 14. 82, 15. 89, 27. 91, 3. 121, 16. 129, 7. 264, 16.
 M. Agrippa (Postumus) iuvenis 46, 9. 62, 1. 66, 11; 23; 31; 33. 67, 12. 93, 34. 94, 3. 96, 34. 97, 34.
 Agrippina, Attici neptis 89, 27; 32; 34.
 Agrippina, Augusti neptis 66, 12; 13; 17. 71, 23. 108, 9—26. 121, 16; 30. 122, 6; 10; 16; 36. 124, 2. 125, 7. 129, 10.
 Agrippina, Neronis mater 121, 22. 162, 3; 11. 163, 17. 166, 35. 168, 26; 38. 169, 6. 172, 17—38. 174, 3. 182, 33; 36. 185, 38—186, 37. 187, 30. 190, 5; 28. 191, 9. 193, 27. 196, 34. 201, 22. 210, 15. 226, 13. 230, 30. 290, 10; 16; 24.
 Agrippinensis colonia 219, 27.
 Ajax 75, 34.
 Alani 242, 20.
 Alauda legio 11, 25.
 Albani 281, 7.
 Albanus a um. columnae 70, 38. mons 149, 23. secessus 252, 31. Albanum 181, 7. 244, 1. 292, 20.
 Albia Terentia 209, 30.
 Albis fluvius 46, 29.
C. Albucius Silus 271, 6.
 Albudignus fons 157, 18.
 Albulae aquae 184, 7. calidae 74, 33.
Alcaeus 277, 31.
 Alcmeon 190, 4.
 Magnus Alexander 5, 20; 22. 45, 26. 61, 29. 80, 3. 143, 1. 177, 32.
 Alexandria (Alexandrea) 16, 13; 21. 27, 1. 31, 23. 32, 23. 45, 11. 70, 5. 107, 38. 141, 16. 155, 38. 168, 20. 178, 18. 229, 10. 237, 26. 253, 1. 260, 8. 265, 20.
 Alexandria Neronis nutrix 196, 17.
 Alexandrinus 265, 19. 301, 34.
 Alexandrini 6, 34. 178, 17. 233, 25.
 Alexandrinus a um. *bellum* 24, 22. 88, 9. merces 83, 4. navis 82, 36. 193, 15. 204, 14. peregrinatio 177, 22; 23. pha-

- rus 157, 31. triumphus 17, 4.
 47, 17. 57, 1.
 Alliensis dies 219, 33.
 Allobroges 170, 28.
 Alpes 11, 35. 25, 6. 72, 23. 128,
 7. 142, 25. 177, 20. 213, 10.
 Alpinae gentes 90, 24.
 Amazones 11, 2.
 Amazonicae secures peltaeque
 193, 3.
 Ambitarvius vicus 121, 28.
 Ambrani 6, 16.
 Amiternum 300, 15.
 amphitheatrum 58, 3. 89, 24.
 117, 37. 128, 3. 132, 21.
 175, 5. 197, 15. 230, 31. 238,
 32. 239, 38. 243, 9; 11. 249, 10.
 Statilii Tauri 51, 30. 126, 32.
T. Ampius 31, 26.
 Amyclanus sinus 305, 7.
Anacreon 282, 26.
 Anaxilaus 301, 23.
 Ancharia 39, 20.
 ancilia 212, 36.
 Andes 296, 7.
 Anicetus 187, 16.
 Anio 86, 11. 305, 20. novus 157,
 19. A. et Anien 312, 6.
M. Annaeus Lucanus 299, 10—
 300, 6. 301, 33; 36. *civili*
bello 299, 14. *famoso carmine*
 299, 31. *Neronis laudibus* 299,
 13. *praefatione quadam* 299, 15.
L. Annaeus Melas 301, 36.
L. Annaeus Seneca 143, 10. 173,
 12; 13. 187, 36. 196, 35. 301,
 30; 32; 36.
Seneca scribit (Marcus Lucii pater,
 ut videtur) 117, 9.
annales (Clodii Licini?) 112, 13.
Annius Cimber 76, 13.
 Anticatones 25, 5.
 Anticyra 133, 4.
Antigonus Carystius 287, 28.
 Antiochus Commagenus 126, 9.
 Antiochus quidam 215, 20.
 Antiochia 106, 25. 119, 16.
 antisophistae 91, 31. 261, 7.
 L. Antistius 11, 9.
 Antistius medicus 34, 30.
 Antistius Labeo 63, 12.
 Antium 64, 26. 102, 34. 121,
 35. 122, 22. 141, 15. 172,
 19. 174, 7. 181, 7.
 Antiatinae Fortunae 145, 6.
 Antonii 44, 36.
 C. Antonius, triumviri patruus
 39, 34.
 M. Antonius triumvir 22, 37. 32,
 20. 34, 34; 37. 35, 23. 41,
 13; 22; 34. 42, 15; 20; 30;
 32. 43, 5; 7. 44, 28. 45, 11;
 12; 23. 46, 18. 47, 9. 50,
 22. 61, 11. 65, 25. 69, 11.
 88, 22. 110, 29. 131, 8. 153,
 6; 11. 171, 22; 26. 268, 30.
 270, 22; 32; 34. 283, 2. *scribit*
 76, 10. *epistolae* 40, 23.
 69, 20. *ad senatum* 22, 37.
ad Augustum 69, 10. (*de Augusto*)
 38, 29. 39, 26. 42, 8.
 44, 5. 50, 22. 66, 7. 68, 29.
 69, 2. (*de Cn. Domitio*) 171, 30.
 Antonius triumviri f. 45, 18. 66, 8.
 Iulius Antonius triumviri f. 148,
 20. 265, 9.
 Antonia maior triumviri f. 172, 3.
 Antonia minor triumviri f. Augusta
 119, 5. 123, 1. 125, 9. 129,
 18; 38. 132, 36. 148, 18. 149,
 3; 38. 153, 1. 226, 2.
 C. Antonius triumviri frater 16, 31.
 L. Antonius triumviri frater 41,
 23. 43, 12; 29. 68, 30. 88,
 17; 36. *scribit* 68, 30.
 Antonia Divi Claudii f. 153. 16.
 162, 13; 21. 163, 13. 187, 25.
M. Antonius Gniphio 260, 7; 27.
 261, 34. *de Latino sermone*
 260, 21.
M. Antonius Liberalis 272, 17.

- Antonius Musa 64, 38. 74, 16.
 Antonius Primus Becco 223, 14.
 L. Antonius (Saturninus) 244,
 30; 32; 37. 245, 14.
 Apelles tragoedus 134, 20. 233,
 19?
 Apis bos 79, 1. 237, 27.
 Apollo 69, 19. 79, 20; 27. 197,
 13. 277, 20. templum Actii
 45, 35. in Palatio 51, 4; 14.
 181, 15. Palatinus 52, 13. 62,
 19. Delphis 191, 3. Sandalia-
 rius 64, 15. Temenites 117,
 15. Tortor 69, 30.
 Apollodorus Pergamenus 77, 12.
 289, 19.
 Apollonia 41, 7; 27. 77, 12. 80,
 13; 22.
 Apollonius Molo 4, 19.
 Apollonius (Rhodius?) 288, 1.
 Apollophanes 44, 16.
 Aponius Saturninus 137, 15.
 Aponi fons 93, 17.
 Appennini dorsum 20, 8. iuga
 219, 27.
 Appius v. Claudius.
 via Appia 116, 15. 127, 16. 147,
 28. 172, 8. 291, 25. 294, 15.
 Appi Forum 87, 2.
 S. Appuleius 84, 16.
 L. Apuleius 258, 21.
 Apuleius in ἐρωτικῶν 302, 13.
 Apragopolis 83, 13.
 Aprilis mensis 197, 24.
 Apulia 215, 14.
 Aquileia 46, 23. 90, 2. 228, 19.
 Aquilius Niger 42, 18.
 Aquitania 46, 25. 201, 35. 203,
 22.
 Arabicus sinus 305, 6.
 Arcadia 229, 28. 291, 37. 292,
 23. 294, 9.
 Archelaus Cappadox 90, 6. 102,
 30.
 Archilochus 282, 27.
 Arelate 88, 12. Arelatensis 272, 16.
 aretalogi 72, 3.
 Areus 77, 14.
 Argivus 208, 28.
 Argos 276, 17.
 Aricia 39, 28; 31.
 Aricinus 39, 22.
 Ariminum 52, 1.
 Aristarchus 257, 15. 263, 28.
 Aristophanes 282, 24. in *Ranis*
 v. 970 278, 18. v. 1400
 277, 1.
 Aristoxenus musicus 287, 35.
 Armenia 47, 8. 90, 18. 91, 18.
 103, 28. 119, 14. 175, 35. 189,
 36. 191, 1. minor 20, 11.
 Armenii 161, 9.
 Arpocras 162, 34.
 Arrecinus Clemens 248, 4.
 Arrecina Tertulla 237, 4.
 Arruntius Camillus 210, 1.
 Artabanus 114, 6. 124, 30. 216, 3.
 Artorius 301, 21.
 Arverni 170, 28.
 Asclepiadis Mendetis theologumena
 79, 19.
 Aseletario 250, 38.
 Q. Asconius Pedianus 300, 23.
 Asellii Sabini dialogus 104, 9.
 Asia 4, 3; 31. 11, 2. 13, 12.
 17, 29. 26, 35. 39, 15. 45,
 10. 49, 22. 106, 10. 145, 7;
 24. 224, 13. 247, 8. 259, 37.
 278, 38. 294, 5. 298, 37. 303,
 22.
 Asianus 299, 3.
 Asiatici oratores 76, 16.
 Asiaticus 220, 4.
 Asillius 122, 13.
 Asinius Epicadus 46, 6; 9.
 Asinius Pollio 51, 28. 58, 16.
 154, 2. 262, 7. 289, 34. 290,
 27. *historia* 262, 7. *scribit* 14,
 25. 24, 19; 37. in *libro quo*
Sallustii scripta reprehendit 261,
 27. 262, 10.

- C. Asinius Gallus Pollionis f.* 290, 27. 298, 30. *epigrammate* 266, 15. *Ciceronis defensionem adversus Asinii Galli libros scripsit Divus Claudius* 168, 1.
Asinius Gallus, Pollionis nepos 154, 1.
Asinius Marcellus, Pollionis pronepos 169, 18.
astici ludi 89, 18. 127, 32.
Astura 82, 30. 116, 21.
asturco equus 193, 32.
asylorum ius 102, 21.
Atalanta 104, 33.
Atax 295, 35.
Ateius Capito 261, 25. 266, 12; 13.
L. Ateius Philologus 261, 24. *in epistolis ad Laelium Hermam* 261, 32. 262, 4. *tradit* 260, 20. *scripsit commentarios* 262, 2. *hylene* 262, 4. *breviarium rerum Romanarum et praecepta de ratione scribendi* 262, 8; 10.
Atella 117, 37.
Atellanæ 105, 10. 132, 20. 190, 16. 205, 19. 247, 25. 295, 15.
Athenæ 78, 34. 261, 24. 264, 10. 289, 8. 299, 22.
Athenienses 277, 12.
Athenodorus 150, 4.
athletæ 18, 3. 59, 13; 36. 175, 31. 191, 13.
Atilius 294, 23. *Electra* 35, 22.
M. Atius Balbus 39, 21; 22.
Atia 39, 20; 21. 41, 11. 65, 20. 79, 20; 28; 30; 33.
Atratinus (Sempronius) 270, 9. 289, 30.
Atta v. Quintius.
Attalus 257, 16.
Attica 161, 14. 305, 25.
Attica Ceres 78, 35.
Atticus v. Caecilius.
Atticus Vestinus 187, 9.
L. Audasius 46, 4; 9.
Avelis 303, 27.
Aventinus 222, 22. mons 291, 22.
Avernus lacus 43, 38. 184, 10; 13.
Aufidius Lurco 129, 17.
augustus 40, 32.
Divus Augustus [C. Octavius 35, 5; 7. Thurinus 40, 16; 19; 24. C. Caesar 40, 26. Caesar 62, 6. 69, 24; 30. 82, 23. 286, 30—287, 1. 296, 38. 298, 11. Caesar Augustus 64, 30. Augustus 40, 26; 30. Romulus 40, 28. Quirinus 286, 30—287, 1] 35, 5; 7. 36, 37. 38—85. 88, 25. 89, 16; 26. 90, 7. 91, 8; 14; 38. 92, 12; 24; 36. 93, 34. 94, 24; 29. 95, 29—36. 96, 34—38. 97, 9. 104, 4. 105, 15; 29. 106, 3; 29; 35. 109, 34. 110, 14. 111, 36. 115. 10; 37. 119, 9. 120, 20. 121, 19. 122, 3; 29. 125, 33. 129, 10; 12. 130, 27. 133, 33. 134, 29. 136, 34. 140, 31. 147, 6. 148, 7; 10; 21. 149, 11. 150, 14; 30. 152, 36. 157, 15. 158, 3; 4. 161, 13; 23; 25. 171, 28; 33. 172, 3. 181, 8. 199, 7. 200, 34. 215, 6; 24. 225, 13. 230, 32. 235, 11. 243, 26. 264, 19; 30. 265, 14; 18; 35. 268, 30. 270, 22. 280, 34. 286, 29. 287, 2; 6; 13. 289, 19; 33. 296, 35; 38. 297, 1; 10; 16; 17. 298, 31. 301, 21. 303, 14.
scribendi genus 75, 35. *edicta* 50, 29. 52, 35. 62, 28. 63, 22. *rationarium imperii* 50, 25. 125, 33. 174, 10. *breviarium totius imperii* 85, 31. *index rerum a se gestarum* 85, 29. *de funere suo* 85, 28. *litteræ autographæ* 61, 31. 76, 22.

- ad Antonium* 76, 13. *ad Agrip-
pinam neptem* 76, 18. 122, 10.
ad Horatium 297, 24; 28. 298,
 3; 14. *ad Iuliam filiam* 70, 30.
ad Liviam 107, 13. 149, 13—
 150, 13. *ad Maecenatem* 297,
 18. *ad Pompeium Macrum* 25,
 22. *ad Tiberium* 56, 22. 62,
 10 70, 14; 19. 72, 19—25.
 78, 31. 96, 12—33. *ad L.
Vicinium* 66, 21. *de vita sua
libri XIII.* 75, 27. (ut videtur)
 24, 11; 17. 38, 27. 40, 25.
 50, 12. 57, 30; 37. 65, 32.
 71, 32. 75, 37. 264, 18. 305,
 14. *de Druso privigno* 148, 15.
Ajax tragoedia 75, 33. *epi-
grammatum liber* 75, 30. *Sicilia*
 75, 30. *hortationes ad philoso-
phiam* 75, 26. *rescripta Bruto
de Catone* 75, 24.
Augusti forum 164, 13. *liberi*
 91, 1. *simulacrum* 110, 9.
statua 108, 17. 110, 5. 175,
 27. 199, 18. *templum* 103, 14.
 105, 20. 128, 1. 129, 3.
Augustus mensis 52, 16. 84, 30.
Augustus mons 106, 2.
Augustum saeculum 84, 32.
Augustus Nero 194, 2. *Vitellius*
 218, 27.
*Augusta v. Antonia minor, Clau-
dia, Domitia Longina, Livia
Drusilla.*
Augustarum ornamenta 182, 30.
Augustales sodales 150, 34. 202,
 36.
Augustiani Neronis 181, 13.
Augustinus currus 152, 37.
Aurea domus 183, 33. 189, 15.
 212, 11.
Aurelius Epicureus quidam 259,
 34.
Aurelius Opilius 259, 34. *Musa-
rum libri IX.* 260, 2. *pinax*
 260, 6.
Aurelia mater Caesaris 7, 13. 12,
 9. 30, 5. 286, 17.
Aurelius Cotta 3, 19.
L. Cotta 32, 25. 298, 28.
L. Cotta 257, 11
Aurelia via 208, 29.
Aurunculeius 12, 8.
L. Autronius 5, 37. 6, 3.
Axius 6, 6.
Bacchius 280, 33.
Balbillus 188, 9.
Baiae 43, 38. 66, 22. 89, 12.
 127, 12. 184, 12. 186, 14.
Baianus sinus 127, 31. 182, 15.
Balearis insula 203, 36.
basilica Gai et Luci 51, 23. *Julia*
 136, 14. 290, 14. *cuiusque
oppidi* 84, 20. *basilicae* 6, 18.
 138, 18.
Basilides 229, 14.
Batavi 139, 1.
Bato 95, 22.
M. Bavus 295, 33.
Bauli 186, 17.
Becco 223, 15.
Beneventum 82, 25. 188, 14. 261,
 20.
Beneventanus 260, 34.
Berenice 238, 16; 25.
Berytius 267, 6.
Bessi 39, 12.
Betriacum 213, 12.
Betriacensis e. acies 228, 11. *vi-
ctoria* 219, 3. *copiae* 221, 34.
Bibaculus v. Furius.
Biberius 103, 35.
bibliotheca novi templi 117, 16.
Palatina 265, 23. *bibliothecae*
 25, 23. 134, 37. 252, 37. *in
Octaviae porticu* 265, 36. *pu-
blica* 115, 29. *Graecae Lati-
naeque* 20, 4. 51, 16.
M. Bibulus 9, 3—38. 10, 24. *in
edictis* 6, 5; 23. 9, 30. 21, 24.

- Bithus 280, 33.
 Bithynia 4, 4; 6. 17, 29. 21, 36.
 Bithynicus a um. fornix 21, 23.
 regina 21, 25.
 Bogud 22, 28.
 Bononia 81, 31.
 Bononiensis 295, 15. Bononienses
 44, 35. 173, 24.
 Boter 162, 19.
 Bovillae 84, 19; 21.
 Breuci 90, 24.
 Britanni 12, 4. 139, 20.
 Britannia 12, 6. 21, 2. 25, 33.
 127, 25. 156, 17. 158, 38.
 177, 17. 191, 1. 226, 6; 8.
 236, 33. 247, 20.
 Britannicus a um. clades 189,
 33. expeditio 202, 21. 216, 7.
 triumphus 162, 31.
 Britannicus Divi Claudii f. 162,
 14; 23. 168, 30. 173, 2; 16.
 185, 20; 24; 32. 236, 9—17.
 Brixellum 213, 9.
 Bructerus quidam 95, 16.
 Brundisium 15, 38. 25, 36. 45,
 4; 10. 269, 30. 296, 13.
 Brundisinus 291, 32.
 L. Brutus 33, 6; 8.
 D. Brutus 33, 11. 34, 6. 35, 9.
 41, 38. 42, 7.
 M. Brutus 21, 27. 22, 16. 33,
 11. 34, 27. 36, 4. 41, 22;
 27. 42, 34. 111, 33. 171, 19.
 200, 14. 213, 26. 263, 17.
 271, 31. 297, 7. *scripsit de*
 Catone 75, 24. *refert* 21, 27.
 Burrus 188, 1.
 Bursenus v. Valerius.
 Byzantium 230, 13.
 Caecilius Atticus 89, 27. 263, 31.
 264, 14.
 Q. Caecilius Epirota 264, 14.
 Metellorum factio 291, 16.
 Q. Metelli oratio de prole augenda
 77, 26.
 Metellus Numidicus 258, 9.
 Q. Caecilius Metellus (Nepos) 8,
 3. 24, 11.
 Caecilius Statius 291, 28; 38.
 292, 29; 33. 294, 23. *in Um-*
 bris 303, 2.
 A. Caecinae liber de Caesare 30,
 35.
 A. Caecina 238, 5.
 Caelius mons 105, 33. 106, 2.
 230, 29.
 Caenis 226, 2. 234, 7. 249, 2.
 Caeruleus fons 157, 18.
 Caesar v. Iulius.
 Caesareae urbes 65, 9.
 Caesarion 22, 35. 23, 3. 45, 21.
 Caesetius Flavius 32, 13. 33, 4.
 Caesonia 130, 31. 134, 23; 26.
 137, 11. 141, 38. 146, 12.
 T. Caesonius Priscus 104, 12.
 Calabri 296, 17.
 Calabria 306, 12.
 Calagurritanus 272, 24.
 Calagurritani 61, 10.
 Caldus 103, 35.
 Caligula v. Iulius.
 M. Callidius 289, 17; 20.
 Callippides 103, 2.
 Q. Calpenus 17, 28.
 Piso 279, 20.
 Cn. Piso 6, 13; 17.
 L. Piso 10, 21. 34, 36.
 Calpurnia 10, 21. 34, 1.
 L. Piso 103, 37. 104, 1. 271, 27.
 Cn. Piso 108, 2. 119, 21. 120,
 14. 215, 30.
 C. Piso 130, 19; 24.
 Pisoniana coniuratio 188, 13. 299,
 10; 32.
 Piso Frugi Licinianus 206, 33.
 211, 6; 36.
 Calvinorum familia 170, 5.
 Calvus v. Licinius.
 camelorum quadrigae 174, 31.

- Campania 71, 9. 82, 32. 91, 13. 103, 5; 13. 116, 21. 124, 22. 130, 7. 136, 19. 150, 23. 222, 23. 235, 15. 239, 22; 27. 300, 37.
 Campanus a um. ager 10, 1. 39, 25. pugiles 126, 34. via 80, 14.
 campus v. Martius.
 Canace 179, 7.
 Caninius Rebilus 31, 17. 176, 26.
 canis i. e. Cynicus 231, 38.
 Tib. Cannutius 270, 23.
 Cantabria 46, 25. 74, 12. 203, 8.
 Cantabricus a um. bellum 46, 18. 75, 27. expeditio 51, 19. 90, 17.
 Canus choraules 205, 14.
 Capita bubula 39, 36.
 Capitolium 6, 19. 7, 35. 80, 18; 34. 129, 4. 194, 1. 222, 6, 230, 21. 233, 15. 241, 22. 244, 15; 17. 249, 18. 250, 27. 253, 38. Beneventi 261, 20. Capuae 103, 13. 144, 38.
 Capitolinus a um. area 129, 5. 134, 29. certamen 249, 11. ludi 279, 20. v. Iuppiter, Venus.
 Cappadocia 119, 14. 230, 16. 295, 34.
 Cappadox 102, 30.
 Capreae 71, 16. 78, 25. 82, 33. 83, 9; 13. 103, 15. 111, 3. 112, 29. 116, 38. 117, 19. 123, 2. 216, 34.
 Capreensis secessus 104, 13.
 Caprineum 104, 24.
 capricornus sidus 81, 21.
 Capua 33, 18; 23. 103, 13. 144, 38.
 Capys 33, 23; 24.
 Caranus 303, 28.
 carbasus ventus 305, 24.
 Carinae 93, 30. 264, 3.
 Carmeli dei oraculum 228, 1.
 Carnulus 112, 10; 11.
 Carthago 292, 2; 9. Nova 203, 21.
 Carthaginiensis 291, 36.
 Cascae duo 34, 19; 20.
 Casius Iuppiter 179, 37.
 Caspius a um. portae 177, 30. sinus 305, 6.
 Cassiope 179, 37.
 C. Cassius 33, 10. 36, 4. 41, 23; 27. 111, 33. 171, 19. 188, 27. 200, 13. 213, 26. 263, 18.
 L. Cassius 26, 36. fortasse idem ac superior.
 Cassius Scaeva 28, 23; 24.
Cassius Parmensis quadam epistola 39, 29.
 Cassius Patavinus 61, 37. 62, 2.
Cassius Severus 63, 35. 125, 29. 215, 17. 266, 7. 290, 29.
 Cassius Chaerea 144, 27. 145, 8; 29; 33.
 Cassius quidam 144, 36. 145, 6.
 Cassius Longinus 130, 1. 145, 7.
 Cassius Longinus iuris consultus 188, 26.
 Castoris aedes 6, 25. 95, 27. 128, 24.
 ad Castoris 213, 11.
 Castricius 64, 6.
 Catilina 7, 18. 8, 17; 21; 22. 39, 9. 79, 32.
 Cato (censorius) 264, 9. 291, 21. *origines* 76, 15.
 M. Cato (Uticensis) 7, 28. 9, 9. 10, 8. 14, 20. 23, 12. 43, 4. 76, 26.
 Catthi 244, 23; 27.
 Cattha mulier 221, 19.
 Catullus v. Valerius.
 Q. Catulus Capitolinus 7, 35. 80, 18; 27. 199, 22. 200, 20. 258, 20.
 Catulina domus 264, 33.
 Cauchi 160, 15.
 Cauchius 160, 16.
 Celadus 68, 16.
 censores 55, 14.
 census 50, 19. 95, 30.
 centumviri 55, 8. 231, 6. 245, 19. 271, 21. 290, 14.

- Ceraunii montes 45, 6.
 Cercopithecus 183, 23.
 Ceres 303, 9. Attica 78, 35.
 Olympiae 175, 32.
 Cerulus 234, 24; 29.
L. Cestius Pius 272, 4.
 Chaldaei 221, 16. 249, 34.
 Chaos 306, 25.
 Charicles 116, 29.
 Chii 90, 8.
 Chius iactus 278, 13—18.
 choraulæ 280, 10; 22.
 Chrestus 161, 6.
 Christiani 177, 2.
 Chrysogonus 289, 7.
 Cicero v. Tullius.
 Cilicia 4, 10. 5, 32. 230, 14.
 305, 24. 306, 12.
 Cilix 301, 25. Cilices piratae 306,
 11.
 Cimbri 7, 1. 142, 25.
 Cimbricum bellum 47, 27.
 Cinaria 109, 19.
 Cincinnatus 135, 6.
 Cinna v. Cornelius, Helvius.
 Circeii 44, 26. 116, 22.
 circius ventus 156, 20. 305, 25.
 circus 158, 11. 179, 26. 181, 14.
 182, 13. 244, 20. 279, 15.
 circensis e. pompa 236, 18. fa-
 ctiones 245, 4.
 circenses 17, 33. 89, 19. 127,
 5. 173, 10. 243, 27. plebei
 98, 20. votivi 58, 31.
 Civica Cerealis 247, 8.
 Cius iactus 278, 18; 19.
 Claudius Marcellus v. Marcellus.
 Claudius a um. aqua 157, 17.
 familia 167, 2. gens 86, 5.
 Claudii 86, 20. 87, 18. 89, 6.
L. Claudii tantum duo 86, 15.
 Atta Claudius 86, 9.
 Claudius Regillianus decemvir 86,
 27.
 Appius Claudius Caecus 86, 22.
 87, 31. 160, 1; 3.
 Claudius Caudex Caeci frater 86,
 23.
 Tiberius Nero Caeci f. 87, 30.
 Appius Claudius Pulcher Caeci f.
 87, 3; 16; 30.
 Claudia Caeci f. 87, 13.
 Claudia Caeci neptis 87, 10.
 Tiberius Nero 86, 24.
 Claudia virgo Vestalis 87, 25.
 Claudius Drusus 87, 1.
 Appius et Pulcher Claudii fratres
 261, 36.
 P. Clodius v. Clodius.
 Claudia Clodii f. 65, 27.
 Tiberius Nero, Liviae maritus 65,
 33. 88, 9—27. 89, 15.
 Divus Claudius [Tiberius Claudius
 Drusus 148, 22. Caesar 147, 5]
 125, 11. 128, 1. 129, 32. 141,
 21. 147—169. 472, 27; 30;
 35. 173, 12; 23; 29; 31. 174
 1. 185, 10. 190, 28. 202, 18.
 206, 2. 209, 11—28. 216, 5;
 14; 20. 217, 1. 226, 5; 9.
 235, 31. 236, 11. 243, 26.
 266, 23. *multa scripsit* 148,
 38. *historiae post caedem Cae-*
 saris 158, 4. 167, 32. *historia*
 a pace civili 167, 34. *Graecae*
 historiae 168, 19. *Tyrrhenicon*
 XX 168, 20; 22. *Carchedonia-*
 con VIII 168, 19; 22. *de vita*
 sua 167, 38. *de ratione lit-*
 terarum 168, 4. *Ciceronis de-*
 fensio adversus Asinii Galli li-
 bro 168, 1. *de aleae arte* 164,
 23. *libello quodam* 148, 32. Divi
 Claudi templum 230, 29.
 Claudia Divi Claudii filia 162,
 12; 18.
 Claudia Augusta Neronis filia 187,
 22.
Clearchus 277, 38.
 Clemens 97, 34. 98, 9.
 Cleopatra 16, 18. 22, 30. 23, 3.

- 44, 31. 45, 12—23. 69, 11. 171, 27.
clipeus aureus 126, 13.
Clitumni nemus flumenque 138, 38.
Clodia lex 246, 29.
Clodianus 251, 33.
Ser. Clodius 258, 4; 9.
P. Clodius 5, 14. 10, 13. 12, 11. 30, 2. 65, 27. 87, 18.
S. Clodius 270, 30.
Clodius Licinus 265, 25. 112, 13?
P. Clodius Quirinalis 272, 15.
Clodius Macer 204, 32.
Clodius Pollio 241, 18.
Clunia 203, 28.
Cluvius Rufus 178, 36.
minor Codeta 18, 5.
M. Coelius in oratione pro se de vi 270, 8. 289, 30.
collegia 19, 19. 53, 11.
coloniae 60, 12.
Colosseros 135, 14.
colossus 183, 35. 233, 12. *collossea statua* 235, 6.
Columbus 144, 3.
Columbinum venenum 144, 4.
comitium 6, 18. 58, 30. 246, 5.
comitalis morbus 20, 19. 141, 34. 185, 34.
Commagene 230, 14.
Commagenus rex 126, 9.
comoedia 280, 9.
compitalicii ludi 52, 25.
Concordia Vitellius 222, 15; 16.
Concordiae aedes 95, 27. 222, 14.
Confluentes 121, 59.
congiaria 57, 8; 18; 23. 95, 26. 108, 31. 126, 25. 157, 33. 173, 21. 244, 6. 279, 29.
Consus 279, 10—16.
Consualia 279, 9; 11.
Cordubensis 62, 5. 299, 10. 301, 32.
Corfinium 15, 36. 171, 8.
Corinthus 200, 21.
Corinthia vasa 69, 32; 36. 101, 7.
Corintharius 69, 35.
Corneliorum genus 26, 11.
Scipionum nomen 26, 10.
Scipionis monumentum 291, 25.
P. Scipio Africanus 292, 10; 17; 23. 293, 6; 16; 18; 29. 294, 17.
Cn. Cornelius Dolabella 294, 9.
Cornelius Dolabella 4, 16. 23, 34. *actiones* 21, 21.
L. Cinna quater consul 3, 11.
Cinnana tempora 146, 25.
L. Cinna filius 4, 37.
Cornelia Cinnae quater cos. f. 3, 11. 5, 3; 12.
L. Cornelius Sulla Felix 3, 13; 20. 4, 11; 36. 5, 13. 7, 1. 20, 32. 29, 37. 30, 29. 31, 27. 110, 27. 263, 11. *de rebus suis* 263, 14.
Sullanus a um. tempus 262, 18. *tempora* 263, 19.
Cornelius a um. lex 53, 34. *leges* 7, 5.
P. Sulla 5, 36. 6, 3.
Sulla Faustus 12, 36. 30, 22. 263, 12.
Cornelius Phagita 29, 36. 3, 17.
Cornelius Epicadus 263, 11. *de Sullae rebus* 263, 14.
Cornelius Alexander Polyhistor 265, 22.
P. Scipio (Metellus) 16, 27. 17, 2. 26, 7. 88, 11.
P. Dolabella 16, 32.
Dolabella 263, 25.
Cornelius Cinna 36, 6.
Cornelius centurio 49, 8.
Cornelius Nepos 24, 1. 287, 36. 300, 14. *scribit* 72, 30. 270, 18. 292, 13. 293, 20. *libello quo distinguit litteratum ab erudito* 258, 30.
Cornelius Balbus 31, 36. 33, 28. 51, 30.
C. Cornelius Gallus 67, 26—30. 263, 4. 264, 17; 20. 296, 25

- Cornelius Sabinus 145, 30; 32.
 Sulla mathematicus 145, 5.
 Faustus Sulla 162, 22.
 Cn. Dolabella 205, 9.
 Cornelius Laco 205, 28.
 Cornelius Fuscus 244, 25.
 Cornelia maxima virgo Vestalis
 245, 3.
Cornelius Tacitus 287, 21.
Cornificius 295, 30.
Cornificia epigrammatis 295, 32.
 L. Cornificius 51, 28.
 Corvinus v. Valerius.
 Cosana praedia 225, 14.
Q. Cosconius 294, 7.
 Cosmus 68, 16.
 Cossutia 3, 9.
 Cotiso 66, 8.
 Cotta v. Aurelius.
 Cottius 102, 18. 177, 20.
 Cous a um. iactus 278, 13—16.
 Venus 233, 12.
L. Crassicius Pansa 264, 38.
commentarius Zmyrnae 265,
 3; 5.
 Crassus v. Licinius.
 Crates 257, 15. 263, 10.
 Cremona 229, 17. 295, 24. 296, 9.
 Cremonensis 296, 12.
Crementius Cordus 54, 24. 111,
 33. 125, 29.
 Creta 225, 24.
 Cnmae 260, 28. 300, 22.
 Cupido 121, 19. 208, 22.
 curiata lex 66, 32.
Curiones pater et filius 22, 12.
C. Curio pater in oratione qua-
dam 23, 8. *in orationibus* 6,
 5; 11; 12. *in actionibus* 21, 21.
C. Curio filius 13, 35. 16, 31.
 268, 28. 289, 25.
 Q. Curius 8, 19; 21; 25.
 Curti lacus 64, 12. 208, 16.
 Curtius fons 157, 18.
Curtius Nicia 263, 21. *de Lucilio*
 263, 37.
- Q. Curtius Rufus* 272, 9.
 Cutiliae 235, 16.
 Cybiosactes 233, 25.
 Cynaegirus 28, 29.
 Cynicus 231, 35.
 Cynobellinus 139, 20.
 Cyrenae 225, 25.
 Cyrus 36, 28.
 Cyziceni 102, 22. 60, 28.
 Daci 20, 9. 41, 6. 46, 26. 103,
 29. 244, 24; 27.
 Dalmatia v. Delmatia.
 Danubius 94, 15.
 Dareus Parthus 127, 20.
 Datus 190, 16.
 December mensis 52, 26. 70, 12.
 121, 12.
 decimae 131, 28. 206, 6.
 decuriae iudicum 53, 21. 126, 1.
 154, 24. 206, 1. scribarum
 147, 23.
 decuriones colonici 60, 16.
 Delmatia (Dalmatia) 46, 25. 154,
 5. 213, 20.
 Dalmatae 90, 24. 289, 34.
 Delmaticus a um. bellum 46, 17;
 18. triumphus 47, 17.
 Delphi 191, 3.
 Demetrius Cynicus 231, 35.
 Demochares 44, 15.
 Dertosa 204, 14.
 Dexter 287, 28.
 Dialis e. flaminium 52, 25. sa-
 cerdos 243, 37.
 Diana 262, 25; 28. aedes 51, 28.
 Dictynna 262, 29.
 Dido 184, 22.
 Didymeum 128, 7.
Didymus Chalcenterus 281, 15; 16.
 Diodorus 233, 19.
Diodorus Megaricus 277, 36.
 Diogenes grammaticus 100, 26.
 Diomedes 68, 18.
Dionysius Scytobrachio 260, 9.

- Dionysius Arei f. 77, 15.
 Dioscurides 61, 30.
 diribitorium 156, 35.
 Dis pater 212, 38.
 Dius Fidius 96, 22.
 doctores 19, 11. 57, 28. 258,
 24. 269, 3.
 Dolabella v. Cornelius.
 Domitianus [Caesar 241, 29. 242,
 35. 248, 32. Divus 253, 29]
 224, 4. 225, 38. 240, 21.
 241—254. *de cura capillorum*
 252, 22.
 Domitianus Flavii Clementis f.
 250, 22.
 Domitianus mensis 249, 28.
 Domitia gens 170, 5.
 Calvinorum et Aenobarborum fa-
 milia 170, 6.
 Domitiorum gentile monumentum
 196, 17. praenomina duo 170, 15.
 L. Domitius, qui primus Aeno-
 barbus dictus est 170, 7.
 Cn. Domitius Allobrogicus 170, 28.
 Cn. Domitius Aenobarbus censor
 170, 25. 171, 1. 268, 11.
 Cn. Domitius Calvinus 16, 33.
 L. Domitius Neronis abavus 11,
 4; 17; 20. 15, 35. 171, 4.
 Cn. Domitius Aenobarbus Neronis
 proavus 44, 34. 171, 17.
 L. Domitius Aenobarbus Neronis
 avus 171, 32.
 Cn. Domitius Aenobarbus Neronis
 pater 172, 4—18; 23; 31. 174,
 3. 182, 29. 201, 22; 37. 210,
 2. 215, 26.
 Domitia Lepida Neronis amita
 172, 15; 34. 173, 19.
 Domitia Neronis amita alia 186,
 37. 290, 16.
 Nero Aenobarbus 173, 17. 191, 23.
 Domitia Longina Domitiani uxor
 [Augusta 242, 38] 240, 38.
 241, 1. 242, 3; 36. 247, 12;
 27. 249, 8; 32. 253, 23.
 Domitilla v. Flavia.
 Domitius Marsus 261, 10. 264, 24.
 Domitius Afer 290, 34.
 Dorice 109, 20.
 Doris dialectos 109, 19.
 Doryphorus 183, 5.
 Drausus 88, 2.
 Drusinae fossae 147, 4.
 Drusi Livii 87, 36.
 Drusus primus 88, 1.
 (M. Livius Drusus) 88, 6.
 Drusus Tiberii avus 89, 23.
 Drusus Tiberii frater [Decimus
 147, 5. Nero 88, 27. 147, 6.
 296, 36. Germanicus 148, 1]
 70, 21. 84, 4. 90, 3. 95, 28.
 106, 27. 118, 6. 119, 5. 147,
 5—148, 19. 153, 1; 8. 169,
 24. 297, 37. Idemne
 C. Drusus 80, 8.
 Drusus Caesar Tiberii f. 84, 35.
 85, 13. 89, 29. 91, 11. 93,
 29. 97, 8. 98, 15. 103, 4.
 107, 27—35. 112, 21. 216, 29.
 Drusus Germanici f. 108, 27—109,
 6. 113, 31. 121, 23. 123, 23.
 151, 23. 209, 32.
 Drusilla Germanici f. 121, 22.
 129, 36. 130, 10.
 Drusus Divi Claudii f. 162, 11;
 15.
 Dryidae 161, 12.
 Dyrrachium 16, 35. 25, 36. 28,
 15.
 Dyrrachina munitio 28, 10.
 Eclogae 196, 16.
 Efficus Calvinus 258, 21.
 M. Eguatius 46, 3.
 Electra 35, 22.
 Elephantidis libri 104, 19.
 Eleusinia sacra 161, 14. 186, 34.
 Q. Elogi ad Q. Vitellium libellus
 215, 6.
 Ennia Naevia 123, 28. 131, 10.

- Q. Ennius** 257, 6; 17. 291, 21
 —33. *annales* 40, 33. 96, 20.
 257, 27. 260, 30.
*Ennius posterior, qui de litteris
 syllabisque libros duos, item de
 metris et de augurandi disci-
 plina volumina scripsisse fertur*
 257, 12.
Epaphroditus 196, 5. 250, 16.
Epicureus quidam 259, 34.
Epicurea secta 260, 24.
M. Epidius 270, 21.
Epidius Marullus 32, 12. 33, 4.
Epidius Nucerinus 270, 26.
epigramma 280, 37.
equiria 279, 10.
Eratosthenes Philologus 261, 38.
ergasterium 280, 16.
Erycina Venus 161, 15.
Esius Proculus 135, 12.
Esquiliae 93, 30. 183, 32. 298, 33.
Esquilinus campus 160, 36.
Etruria 15, 35. 209, 11. 279, 1; 2.
Etrusca lingua 82, 23.
Euenus Ascalonita 250, 3.
Eunoe 22, 28.
Euphorion 115, 27. 276, 15.
Euphrates 124, 33.
Euripides in Phoenissis 525 sq.
 14, 33. 600 48, 34. *in Tele-
 pho* 276, 34. 277, 3. **Euripi-
 des iactus** 278, 10.
euripus in circo 17, 34.
Europa 303, 22; 24.
Eutychus agitator 144, 7.
Eutychus asinarius 82, 8.

Fabiani tribules 56, 15.
Q. Fabius Labeo 293, 32.
Q. Maximus 33, 1.
Fabius Africanus 148, 20.
M. Fabius Quintilianus 272, 22.
factio prasina 144, 5. **veneta** 217,
 27. 221, 10. **quattuor** 245, 4.
C. Fannius Strabo 268, 5.
Fannius Caepio 46, 3. 90, 10.
fasti 28, 11. 88, 13. 264, 37.
fatales libri 32, 26.
fatidici libri 52, 9.
Faunus 215, 7. 313, 1.
Favonius 43, 4.
Favor archimimus 233, 27.
Faustus v. Cornelius.
Felicitatis simulacrum 88, 30.
Felix 162, 32.
Fenestella 281, 4. 292, 5; 12
 300, 21.
Ferentium 209, 10. 225, 37.
Fidenae 103, 19. 133, 34.
Flaminia via 51, 38. 85, 2.
Flavia gens 224, 2. **Flaviae gen-
 tis templum** 241, 15. 244, 18.
 250, 27. 252, 9.
Flavii generis origo 231, 18.
Flavium suburbanum 227, 12.
Flavialium collegium 243, 38.
Flavianus 222, 5.
**T. Flavius Petro, Domitiani pro-
 avus** 224, 6. 225, 4.
Flavius Sabinus, Domitiani avus
 224, 10. 227, 18.
**Flavius Sabinus, Domitiani pa-
 truus** 221, 35. 222, 5. 224, 17.
 225, 19. 226, 19. 241, 23.
**Flavius Liberalis, Vespasiani so-
 cer** 225, 36.
Divus Vespasianus v. Vespasianus.
**Flavia Domitilla, Domitiani ma-
 ter** 225, 33. 226, 1.
Divus Titus v. Titus.
Domitianus v. Domitianus.
Domitilla, Domitiani soror 225,
 38. 226, 1.
**Flavius Sabinus, Domitiani pa-
 truelis** 247, 27. 249, 4.
**Flavius Clemens, Domitiani pa-
 truelis** 250, 19.
Domitilla, Clementis uxor 251, 26.
Florales ludi 201, 34.
C. Fonteius Capito 121, 25.
Fonteius Capito 204, 32.

- Formiani 217, 37.
 Formianum 289, 11.
 Foroiuliensis 296, 25.
 Fortuna 66, 28. 201, 8; 11. 207, 11; 14. 250, 32.
 forum 6, 18. 12, 19. 51, 2; 5. 52, 34. 63, 28. 128, 24. 181, 15.
 Fucinus lacus 20, 7. 157, 14; 20. 159, 1. 164, 3.
 fugitivi 39, 9.
Fulvius 281, 5.
 M. *Fulvius Nobilior* 294, 10.
Fulvia 45, 19. 65, 27; 28. 270, 33.
 Fundi 88, 28. 200, 31. 203, 2.
 Fundana 88, 29. 217, 22.
 Fundanus 129, 17.
 Furiae 186, 32.
 Camillus 88, 5. 161, 24.
 Furius Philus 292, 18; 24. 294, 17.
 Furius Leptinus 17, 28.
 M. *Furius Bibaculus* 258, 36. 261, 18. 262, 32. 295, 24. *ad Gallum* 263, 3.
 Camillus Arruntius 210, 1.
 Furius Camillus Scribonianus 154, 4. 165, 15. 209, 20.
Furnii pater et filius 289, 28.

 A. Gabinius 22, 10.
 Gabinius Secundus Cauchius 160, 16.
 Gadareus 109, 28.
 Gades 5, 19.
 Gaditanum fretum 305, 1.
 Gaetuli 292, 7.
 Gaetulicus v. Lentulus.
 Galba v. Sulpicius.
 Galeria Fundana 217, 22.
 Gallia 11, 19. 12, 7. 15, 11. 22, 27. 23, 23. 46, 30. 88, 3; 12. 90, 26. 122, 5. 127, 33. 137, 20. 200, 13. 202, 10. 219, 4. 242, 7. 260, 7. 262, 16. 305, 25. *cisalpina* 10, 32. 14, 6. *citerior* 14, 9. 25, 7. *comata* 10, 33. 90, 20. 289, 23. *omnis* 11, 35. *provincia* 88, 3. *togata* 258, 25. 289, 18. *transalpina* 14, 5.
 Galliae 10, 30. 11, 30. 13, 11. 22, 5; 6. 72, 21. 103, 29. 106, 19. 140, 20. 147, 26. 191, 9. 192, 23; 30. 203, 21. 204, 34.
 Gallus Insaber 291, 29. miles 191, 32. *quidam* 56, 24.
 Galli 31, 21. 32, 37; 38. 133, 9. 161, 12. 190, 26. 193, 22. 200, 6. 206, 27.
 Gallicus a um. bellum 24, 21; 24. bella 28, 31. 189, 22. *exercitus* 171, 7. *habitus* 25, 36. *provincia* 160, 6. *triumphus* 17, 4; 7. 22, 2; 25. *vocabulum* 11, 25. 200, 6. 223, 15.
 Gallicanus. homo 223, 13. homines 192, 21.
 ad Gallinas 199, 11.
 Q. Gallius 50, 7.
 M. Gallius 89, 12; 14.
 Gallograecia 133, 11.
 gallus Matris deum 68, 36
 Gallus v. Cornelius.
 Gamala 237, 9.
 Gebenna 11, 36.
 Gelotiana 127, 9.
 Gemoniae 108, 23. 112, 5. 117, 26; 34. 223, 7.
 Genius Augusti 65, 11. Caligulae 132, 13.
 Gergovia 12, 7.
 Germauia 25, 35. 47, 19. 90, 3. 94, 5; 19; 31. 95, 18. 97, 37. 119, 8. 120, 25. 127, 25. 142, 23. 146, 1. 151, 27. 202, 34. 204, 32. 226, 5. 236, 33. 251, 15. *inferior* 217, 25. *superior* 206, 26. 218, 25. 244, 30.

- Germaniae 242, 7.
 Germanus 102, 30.
 Germani 12, 2; 8. 46, 28. 61, 11.
 94, 20. 103, 29. 139, 26. 144,
 1. 148, 4. 161, 7. 186, 4. 205,
 7. 300, 35.
 Germanicus a um. bellum 90, 23;
 25. 147, 12. 171, 35. bella 46,
 22. expeditio 139, 2. gens 160,
 16. legiones 229, 3. res 218,
 29. sermo 140, 24. victoria
 225, 29.
 Germanicianus exercitus 212, 19.
 228, 25. Germaniciani 98, 1.
 208, 12.
 Germanicus Drusus 148, 1.
 Germanicus Caesar Drusi f. 54,
 10. 66, 13. 85, 14. 98, 2; 8.
 103, 4. 107, 27; 35. 108, 6.
 118, 6. 119, 5—121, 24. 122,
 1; 4; 15; 17; 35. 124, 10. 140,
 33. 148, 19; 23; 34. 149, 19.
 151, 13. 153, 3. 162, 3. 163,
 12. 172, 17. 209, 32. 215, 30.
inter cetera reliquit et comoe-
dias Graecas 120, 7. 153, 4.
 Germanici liberi 54, 10. 85, 14.
 108, 7. 109, 13. 111, 21. 121,
 17. filii 108, 29.
 Germanicus Claudius 148, 23.
 Claudii filius v. Britannicus.
 Vitellius 218, 27. 221, 17. Do-
 mitianus 249, 26.
 Germanicus mensis 125, 9. 249, 27.
 Geryonis oraculum 93, 16.
 Gesoriacum 156, 21.
 Getae 66, 8.
 Gigantum ossa 71, 17.
 Glicias 87, 8.
 Glyco 42, 17.
 Gracchi 88, 6.
 Graecia 13, 12. 106, 19. 128, 23.
 155, 30. 181, 5. 182, 31. 186,
 34. 197, 10. 292, 22. 294, 7.
 306, 12.
 Graeci 28, 29. 133, 9. 179, 35.
 257, 8. 258, 34. 259, 2. 269,
 11. 276, 23. 293, 38. 294, 35.
 305, 4. *Graecorum historici*
 22, 36.
 Graeculus 155, 14. Graeculi 91,
 21. 109, 16.
 Graecus a um. bibliothecae 20,
 4. 25, 23. 51, 16. *certamen*
 59, 29. *cliens* 56, 21. *comoe-*
diae 120, 7. 153, 4. *consue-*
tudo 259, 29. *disciplinae* 77,
 10. *eloquentia* 270, 30. *epistula*
 161, 3. *exercitationes* 270, 7.
facundia 127, 34. *grammaticus*
 265, 21. *habitus* 83, 4. *incri-*
ptio 193, 19. *Kalendae* 76, 24.
litterae 33, 24. 261, 33. 295,
 37. *poemata* 115, 27. *prover-*
bium 103, 3. 178, 8. 185, 13.
pugiles 59, 33. *rhetores* 233,
 11. *sermo* 116, 2. 178, 16.
studia 168, 8. *versus* 108, 10.
vocabulum 302, 27.
 Graece 116, 10. 166, 30. 168,
 10. 173, 25. 190, 2. 236, 25.
 243, 32. 249, 22. 260, 12.
 268, 24. 269, 35. 303, 33.
 Graecanica toga 243, 35.
 Hadrianus 40, 22.
 Hadriaticum mare 94, 16. 304, 35.
 Hadrumetum 226, 17.
Halosis Illi 189, 25.
 Halotus 169, 5. 206, 14; 16.
 Hannibal 86, 26. 247, 20. 286, 20.
 Harpocras 162, 34.
 Hasdrubal 86, 25.
 Q. *Haterius* 98, 35. 99, 19.
 290, 7.
 Hecatebeletes 190, 9.
 Hector 107, 34. 179, 16.
 Hecuba 115, 35.
 Helius 180, 5.
 Hellespontus 26, 36. 127, 24.
 Helvetii 224, 15.

- Helvidius Priscus* 232, 14. 247, 22.
Helvidius filius scaenico exodio 247, 25.
Helvia 289, 4.
Helvius Cinna 23, 3. 36, 5.
Cinna 262, 28. *Zmyrna* 265, 3; 5.
Hercules 25, 19. 179, 8. 197, 14. 231, 19. 302, 10. *Gadibus* 5, 20. *Tiburi* 71, 10. 121, 37. *Musarum* 51, 27. *Sandon* 302, 12.
Herennius 289, 11.
Hermæum 152, 6.
Hermas 261, 34. v. *Laelius*.
Hermippus peripateticus 287, 28.
Hermogenes Tarsensis 247, 1.
Heroum arma 71, 18.
Hiempsal 29, 10.
Hierosolyma 79, 2. 190, 34. 237, 18.
Hilarion 85, 8.
Hipparchus 231, 34.
Hipponax 277, 17. 282, 18.
A. Hirtius 42, 7; 13; 19. 68, 31. 88, 35. 268, 25. *de bello Gallico* 24, 24. *praefatione* 24, 32.
Hispania 6, 14. 16, 5; 29; 37. 23, 19. 24, 17. 68, 31. 86, 25. 103, 27. 200, 3; 10. 203, 31. 205, 27. 206, 30. 209, 1; 9. 305, 25. *Tarraconensis* 203, 2. *ulterior* 5, 18. 8, 30. 25, 9.
Hispaniae 13, 12. 41, 1; 6. 106, 19. 192, 3. 204, 34.
Hispanus 265, 18. *Hispani* 36, 18.
Hispanicum fretum 220, 26. *verbum* 74, 34.
Hispaniensis e. bellum 24, 23. *exercitus* 228, 24. *triumphus* 17, 6. *victoria* 17, 22.
Histria 249, 3.
Homeri carmina 134, 34. 194, 11. *Iliados* 2, 204sq. 128, 16. 249, 5. 3, 40. 67, 18. 5, 254. 208, 25. 7, 213. 234, 23. 10, 246sq. 96, 24. 10, 535. 196, 4. 21, 108. 252, 24. 23, 724. 129, 1. 24, 369. 168, 18.
Homerici versus 168, 14.
Homerii scyphi 194, 10.
Q. Horatii Flaccus 296, 4; 30—298, 34. *carminum libri quatuor* 296, 33—38. 298, 1. *saeclulare carmen* 297, 36. *sermones* 298, 2. *satirarum* 2, 3, 308. 298, 13. *epistolarum* 1, 4, 15. 298, 13. 2, 1, 1sq. 298, 6. 2, 1, 70. 261, 9. *spuria* 298, 24.
Hortalus 105, 28.
Q. Hortensius 105, 28.
Hortensianae aedes 70, 37.
collis Hortulorum 196, 19.
Tullus Hostilius 279, 22.
Hybreas 272, 28.
Hyginus v. Iulius.
Hylas 60, 7.
Ianiculum 215, 11. 291, 26; 31.
Ianus geminus 176, 8. *Quirinus* 47, 13. *marmoreus* 52, 38.
Iani 249, 20.
Icarus 175, 15.
Icelus Marcianus 196, 12. 205, 29. 209, 1.
L. Icius 58, 22.
Idaea mater deum 87, 11.
Ilerda 30, 15.
Ilium 32, 23. 276, 16. *Ilii halosis* 189, 25.
Ilienses 107, 32. 161, 2; 5. 173, 25.
Il libanus 303, 27.
Illyricum 10, 32. 14, 6. 16, 31; 32. 46, 26. 48, 19. 82, 25. 93, 15. 94, 7; 14; 21. 95, 31. 97, 37. 209, 20.
Illyricus exercitus 46, 13.
Inalpinæ gentes 46, 27.
Incitatus equus 144, 8.
Indi 47, 6.
Indicus sinus 305, 6.
Inferum mare 61, 9. 304, 33; 35.
Insuber Gallus 291, 29.

- Internum mare 304, 33.
 Invictus 94, 23.
 Iosepus 228, 4.
Isaeus 272, 31.
Isauria 281, 28.
Isauricus v. *Servilius*.
Isidis sacra 214, 24.
Isiacus 241, 25.
Isidorus Cynicus 190, 14.
Isthmus 20, 9. 128, 8. 177, 27.
 189, 4.
Isthmia 181, 3.
Italia 13, 11. 17, 20. 19, 7. 23,
 26. 30, 28. 32, 24. 33, 26.
 43, 8. 44, 37. 45, 4. 60, 9;
 12. 65, 5. 87, 2. 90, 13. 94,
 14. 102, 7. 126, 6. 155, 36.
 159, 29. 160, 30. 184, 16. 221,
 15. 229, 9. 237, 29. 245, 9.
 247, 24. 271, 29.
Italiae res 298, 9.
Italici 230, 36. 292, 8. *tirones*
 177, 31.
Iuba 16, 28. 26, 7. 27, 19. 29, 11.
Iuba filius 131, 7.
Iudaea 79, 1. 162, 33. 209, 9.
 226, 32. 228, 1, 239, 9; 17.
Iudaeus 72, 22. *Iudaei* 36, 3.
 101, 38. 161, 6. 226, 34. 229,
 31. 287, 21.
Iudaicus a um. *exercitus* 221, 25.
 228, 35. *fiscus* 248, 32. *ritus*
 101, 36. *triumphus* 242, 14. *vita*
 248, 34.
Iugurtha 6, 38.
Iulii 5, 9.
Caesar quid? 286, 13.
Iulius Caesar primus 286, 21.
C. Iulius Caesar primus 146, 25.
C. Caesares omnes 146, 24.
Caesar Strabo 24, 5. *oratio pro*
 Sardis 24, 7.
Iulia dictatoris amita 5, 3; 6.
Iulia dictatoris soror 30, 5. 39,
 21. 40, 36.
C. Iulius Caesar dictator 3—37.
C. Caesar 39, 21. 53, 1. 80,
 32. 88, 9. 171, 4. 294, 31.
 295, 20. *Caesar* 40, 37. 41, 6.
 42, 1; 34. 45, 21. 54, 18. 59,
 24. 68, 30; 31. 80, 37. 81,
 11. 88, 13. 188, 27. 265, 20.
 268, 28. 299, 15. *Iulius Cae-*
 sar 200, 12. *Divus Caesar* 81,
 36. *Divus Iulius* 38, 16. 43,
 26. 45, 19. 52, 13. 81, 5. 84,
 34. 136, 33. 156, 18. 157, 16.
 218, 19. 228, 10. 260, 15.
epistulae 12, 29. *ad Ciceronem*
 25, 13. *ad familiares* 25, 14.
ad senatum 25, 10. *orationes*
 24, 9. *divinatio et actiones in*
 Cornelium Dolabellam 4, 16. 23,
 34. 24, 8. *pro Bithynis* 21, 37.
pro Q. Metello 24, 11. *in C.*
 Memmii 29, 26. *contiones apud*
 milites 24, 17. 27, 20. *Antica-*
 tones duo 25, 5; 8. *de ana-*
 logia libri duo 25, 4; 6. *rerum*
 suarum commentarii Gallici ci-
 vilisque belli Pompeiani 24, 21
 —25, 4. *Iter poema* 25, 6; 8.
epigramma 294, 31. *laudes Her-*
 culis, tragoedia Oedipus, dicta
 collectanea 25, 20.
Caesarianus a um. *nex* 171, 18.
 partes 289, 18.
Iulius a um. *basilica* 136, 14.
 290, 14. *curia* 146, 20. *fami-*
 lia 148, 23. *lex* 33, 19. 39,
 25. 185, 27. *mensis* 31, 9.
 286, 13. *portus* 43, 38.
Iuliani milites 30, 17.
Caesarion 22, 35. 23, 3. 45, 21.
Iulia dictatoris filia 3, 12. 10, 22.
 12, 10; 21. 22, 15. 35, 13.
 81, 24.
L. Caesar iuvenis 30, 22; 25.
Iulia Augusta 126, 4. v. *Livia*
 Drusilla.
Iulia Augusti f. 46, 9. 65, 36;
 38. 66, 8—67, 11. 71, 23. 89,
 22*

- 30; 32; 38. 90, 35. 91, 11; 36. 106, 30. 121, 16. 129, 10.
- Iulia Augusti neptis* 66, 12; 17; 28. 67, 12. 71, 11; 23.
- Iuliae* 66, 28. 67, 16. (163, 12.)
- C. Caesar Augusti nepos* 49, 15. 51, 23. 58, 34. 63, 30. 66, 11—36. 68, 24. 79, 1. 92, 5; 18; 31; 38. 93, 1; 33. 97, 12. 172, 5. 264, 31.
- L. Caesar Augusti nepos* 49, 15. 51. 23. 58, 34. 63, 30. 66, 11—36. 92, 5. 93, 33. 97, 12. 115, 26. 264, 31.
- Caesares* 148, 14. *Caesarum nenus* 58, 7.
- Iulia Tiberii neptis* 163, 12.
- C. Caesar (Gaius, Caligula)* 108, 28. 113, 1. 117, 6; 32. 118, 6. 119—146. 151, 6; 12; 23; 29. 152, 4; 32. 153, 11. 157, 13. 162, 2. 166, 24. 172, 26; 32. 173, 14. 183, 12. 202, 3; 11; 15; 17. 211, 20. 216, 11. 217, 1. 223, 6. 225, 28. 227, 22. 290, 19.
- Gaiana nex* 236, 6.
- Caligulae sorores* 121, 22. 125, 14; 16; 17. 129, 34. 130, 11. 133, 3. 135, 33. 137, 20. 146, 7. 290, 21. *v. Agrippina, Drusilla.*
- Iulia Livilla, Caligulae soror* 121, 22. 163, 12.
- Iulia Drusilla, Caligulae filia* 130, 38. 138, 28. 146, 13.
- Iulia Titi filia* 237, 7; 19. 249, 4. 252, 10. 253, 22.
- Caesares* 152, 26. 199, 12. 205, 7. 238, 38.
- Caesarum aedes* 199, 17. *domus* 199, 20. *imagines* 124, 33. 129, 9. *memoria ac templa* 146, 22. *potestas* 93, 12. *progenies* 199, 5.
- verus Caesar* 168, 35
- Caesar i. e. Augustus* 62, 6. 69. 24; 30. 82, 23. 286, 30; 33; 38. 287, 1. 296, 38. 298, 11.
- Tiberius* 100, 12. 110, 23. 136, 26. 253, 4. 266, 13. *Caligula* 133, 2. 151, 23. *Claudius* 147, 5. *Nero* 215, 27. 268, 31. 290, 17. 299, 35. *Galba* 204, 28. 211, 10. *Vitellius* 218, 28. *Vespasianus* 227, 19. 231, 34.
- S. Iulius Gabinianus* 272, 20.
- C. Iulius Hyginus* 265, 18. 287, 36.
- Iulius Marathus* 73, 32. 79, 13.
- Iulius Modestus* 265, 27. 306, 24.
- Iulius Tiro* 272, 26.
- Iulius Vindex* 190, 26. 191, 18. 192, 1. 193, 24. 194, 2. 203, 23. 204, 24. 206, 27.
- Iulus* 33, 25.
- Iunilius* 304, 36.
- Iunius Gracchanus* 281, 5.
- D. Silanus* 7, 23.
- Iunius Novatus epistola* 61, 37. 62, 1.
- Iunius Saturninus* 49, 30.
- Iunius Gallio* 301, 30; 36.
- M. Silanus* 123, 21. 129, 24; 30.
- Iunia Claudilla, M. Silani f.* 123, 21; 27.
- Appius Silanus* 149, 29. 163, 11. 165, 36. 166, 1; 4.
- L. Silanus, Appii f.* 149, 29. 160, 9. 162, 23; 29. 163, 14; 16.
- Iunia Calvina, Appii f.* 235, 11.
- Iunius Rusticus* 247, 22.
- Iuno* 243, 37.
- Iuppiter* 34, 1. 69, 27. 80, 28; 35. 144, 38. 145, 10; 33. 199, 24. 203, 28. 204, 38. 243, 36. 250, 37. 303, 11. *Optimus Maximus* 32, 21. 47, 25. 80, 6; 19. 222, 7. 228, 8. *Capitolinus* 35, 28. 49, 20. 52, 5. 78, 12. 80, 22. 108, 25. 128, 37. 174, 26. 243, 30. 244, 28. 246, 9. *Casius* 179, 37. *Cu-*

- stos 244, 17. Feretrius 279, 19.
 Latiaris 128, 27. Olympius 65,
 10. 128, 22. Tonans in Capi-
 tolio 51, 4: 18. 78, 11; 13. Tragoedus 64, 15. Iovis simu-
 lacrum 134, 20. 144, 33.
 Iovis villa 113, 38.
 Iuvenalis e. dies 126, 31. ludi
 174, 27.
- D. Laberius* 17, 30. 295, 20.
T. Labienus 125, 29.
 Lacedaemonii 89, 5.
 Laches 234, 25; 27.
 C. Laelius 292, 11; 18; 24. 293,
 6; 15; 21; 29. 294, 17.
Laelius Archelaus 257, 28. 258, 1.
Laelius Hermas 261, 32. 262, 4.
 C. Laetorius 39, 38.
 Laetoria lex 305, 31.
Laevius Melissus 258, 19.
 Lamiani horti 146, 5.
 Lanuvium 71, 10.
 Lanuvinus 258, 4.
 Laodicensi 90, 8.
 Lar 312, 5.
 Lares 193, 35. 216, 19. 279, 16.
 compitales 52, 29. cubiculi 40,
 22. 251, 35. familiares 120, 32.
 Larissaeus 301, 23.
 Latium 215, 8.
 Latiaris v. Iuppiter.
 Latinitas 60, 30.
 Latinus iure 157, 10.
 Latinus mimus 251, 7.
 Latinus a um. bibliothecae 20,
 5. 51, 16. carmen 175, 25. co-
 loniae 5, 30. condicio 225, 35.
 eloquentia 270, 30. facundia
 127, 32. (feriae) 32, 9. 149,
 34. 173, 26. grammaticus 261,
 30. litterae 261, 33. oratio 115,
 22. pugiles 59, 32. rhetores
 233, 10. 268, 14. sermo 147,
 18. 155, 31. 260, 21. 266,
4. Siren 262, 22. via 252, 9.
 vocabulum 266, 12. 302, 27.
 vox 294, 27.
 Latine 77, 16. 116, 10. 168, 10.
 173, 24. 190, 2. 236, 25. 243,
 33. 257, 9. 260, 12. 264, 22.
 268, 24. 270, 3. 282, 34.
 Lavicanum 34, 38.
 Laureolus mimus 145, 16.
 legio Alauda 11, 25. tertia 228,
 28. sexta 28, 19. nona 28, 35.
 decima 28, 38. 48, 2. tertia
 decima 213, 23. legionum arae
 93, 14. signa 216, 5.
 Cn. Lentulus augur 106, 13.
 Cn. Lentulus 200, 29.
Cn. Lentulus Gaetulicus 121, 27;
 35. 151, 27. 202, 3; 7.
 Leontinus campus 271, 4.
 Lepida Galbae uxor 201, 20; 26.
 Lepidus v. Aemilius; Domitius.
 Leucadia 294, 9.
*liber cui index erat μαρῶν ἐπανά-
 στας* 166, 27.
 Liber pater 79, 37. 279, 7; 8.
 Liberalia 279, 6.
 Libertatis atrium 51, 29.
 libertini 160, 3. milites 48, 16.
 Libitina 189, 33.
 Libo v. Scribonius.
 liburnica 45, 7. 136, 15. 186,
 15. 301, 1.
 Libya 303, 23.
Licinius comicus 294, 24.
 Licinius Crassus orator 171, 1.
 268, 11.
Licinius Macer 281, 3.
 M. Crassus 5, 36. 6, 1; 8. 9, 17.
 10, 26. 11, 19. 22, 11. 47, 9.
 90, 20. 296, 8.
C. Licinius Calvus 21, 17. 70,
 35. *epigrammata* 29, 28.
 Crassus Frugi 156, 31.
 Licinius Mucianus 229, 5. 231, 29.
 Licinus 68, 16.
 Liguria 156, 20.

- lingua utraque 77, 20. 115, 21. 119, 29. 168, 10. 257, 7. omnium linguarum histriones 17, 26. 58, 2.
- Liviorum familia 87, 32. Livi nomen 200, 32. Livius mensis 98, 26.
- Livius Salinator 87, 36. 291, 13.
- T. Livius (Andronicus)* 257, 6. 291, 12. *in Odyssia* 302, 35; 36. 303, 7.
- Livius Drusus primus 88, 1.
- Livii Drusi 87, 36.
- M. Livius Drusus 88, 6.
- L. Drusus Tiberii avus 89, 23.
- Livia Drusilla [Livia Augusta 201, 27. 209, 13. Iulia Augusta 126, 4] 51, 23. 56, 23. 65, 33; 36. 69, 3; 13. 70, 10. 71, 22. 75, 16. 84, 5; 6. 85, 12. 88, 24. 89, 9; 26. 91, 7. 92, 10; 34. 93, 6. 96, 2; 29. 97, 1. 106, 35. 107, 2—26. 121, 19. 122, 38. 126, 4. 129, 14. 147, 6. 149, 5. 152, 36. 199, 7.
- T. Livius Patavinus* 134, 36. 135, 1. 167, 24. 289, 37. 300, 18. *ex T. Livio contiones regum ac ducum* 247, 19.
- Livilla Drusi f. 84, 4. 112, 22. 148, 19. 149, 8.
- Iulia Livilla Germanici f. 121, 22. 163, 12.
- Livia Orestilla 130, 19.
- Livia Medullina Camilla 161, 23.
- Livia Ocellina 200, 21; 31.
- Locri 44, 17.
- Lollia 22, 10.
- M. Lollius 92, 20; 37. Lolliana clades 47, 19; 20.
- Lollia Paulina 130, 27. 162, 2.
- Luca 11, 19.
- Lucanus v. Annaeus.
- L. Luceius 9, 2; 3.
- C. Lucilius* 295, 10. *satirae* 257, 29. *lib. IV.* 303, 6. *lib. XI.* 303, 1.
- T. Lucretius* 295, 26.
- Lucretius Cinna 296, 13.
- Lucrinus lacus 43, 38.
- L. Lucullus 10, 10.
- Lucullana villa 117, 3.
- Luculleae lanceae 247, 21.
- Lucusta 185, 23; 35. 194, 11.
- ludus litterarius 129, 36. ludi castrenses 116, 23. magni 47, 25. maximi 174, 32. miscelli 127, 32. nocturni 126, 38. pontificales 59, 15. quinquennales 45, 35. 65, 7. scaenici 126, 37. 131, 27. victoriae Caesaris 41, 30. (Reliquos v. sub adiectivis).
- Lugudunum 126, 22. 127, 32. 148, 21. 289, 23.
- Lunensis ara 196, 20.
- lupercale sacrum 52, 25. lupercalia 32, 19. 52, 26. luperci 31, 8.
- Luscio 241, 19.
- Lusitania 210, 24.
- Lusitani 23, 21. 200, 10.
- lustrum 83, 12; 16.
- Lutatius Daphnis* 258, 19.
- Lycia 66, 30. 230, 13.
- Lycii 160, 38.
- Lydia 262, 25; 27.
- Lydi 278, 38. 279, 5. 302, 3; 7.
- Macedonia 16, 10. 39, 9; 17. 93, 13. 94, 15. 160, 36. 260, 36.
- Macedones 145, 15.
- Macro 123, 28; 32. 129, 19. 131, 9.
- Maecenas 67, 38. 68, 2. 71, 8. 265, 31. 297, 9. 298, 26; 33. *scribendi genus* 76, 6. *epigramma* 297, 11.
- Maecenatiana turris 189, 24. horti 93, 30.
- Maecius Rufus 243, 21. 253, 8.
- Maeniana 127, 3.

- Maetius 253, 8.
 Magnesius 299, 3.
 Mago 247, 19.
 magus 301, 17; 23. magi 186, 33. 303, 29.
 Mallia 69, 23.
 Mallonia 105, 4.
 Mallotes 257, 15.
 ad Malum punicum 241, 14.
 Mamurra 29, 30.
 Mancinus 295, 6.
 Manes dii 117, 25. 120, 10. 186, 33. 212, 14.
 Mantua 296, 8; 17.
 M. Claudius Marcellus 13, 14; 24; 33.
 C. Marcellus 13, 33.
 C. Marcellus Octaviae maritus 12, 35.
 M. Marcellus Octaviae f. 65, 38. 68, 1. 89, 17. 91, 3. Marcelli theatrum 51, 24. 51, 33. Marcellianum theatrum 233, 17.
 Marcellae sorores duae 66, 3.
 Ancus Marcius 5, 7. 279, 22.
 Marcii Reges 5, 8.
 Marcius Philippus 41, 12. 51, 27.
 C. Marcius Censorinus 298, 29.
 Marcianus v. Icelus.
 Marcia Furnilla 237, 6.
 de maritandis ordinibus lex 54, 5.
 C. Marius 6, 38. 110, 28.
 Marii multi 4, 2.
 Marobodus 102, 29.
 Mars 38, 8; 12. 45, 37. 227, 12. 229, 27. 279, 11; 16; 21. Ultor 46, 35. 51, 3; 7; 9. 130, 16. Martis aedes 139, 24. 153, 38. 164, 14. delubrum 218, 20. templum 19, 37. 82, 9. villa 294, 15.
 Marsi 157, 15.
 Marsicum bellum 47, 27.
 Martiales ludi 149, 14; 27.
 Martius campus 18, 4. 35, 12. 158, 37. 175, 5. 182, 13. 219, 36. campus Martius 58, 5. 134, 30. 147, 24. 196, 18. campus 33, 12. 35, 18. 84, 36.
 Masgabas 83, 15; 16; 24.
 Masintha 29, 10.
 Massilia 16, 8. 28, 27. 66, 31. 156, 21.
 Massilienses 171, 9.
 Mater deum 68, 36. 212, 37. Idaea 87, 11.
 mathematici 102, 4. 190, 28. 216, 30. 221, 13; 15. 250, 38.
 C. Matius 22, 38.
 Matianum malum 253, 14.
 Mauri pueri 75, 5.
 Mauritania 143, 37.
 Maurusius 286, 23.
 Mausoleum 85, 1; 30. 125, 6. 193, 34. 219, 26. 235, 10.
 Maximus 251, 33. v. Fabius.
 Mazacum turba 183, 29.
 medici 19, 10. 57, 28.
 Mediolanium 46, 23. 271, 27. 296, 10.
 Mediolanensis 291, 30.
 megistanes 120, 38.
 Meleager 104, 33.
 Meleagrides 128, 34.
 C. Melissus 265, 29. *libelli ineptiarum (vel iocorum)* 265, 38. *trabeatae* 266, 3.
 C. Memmius 11, 4. 263, 21; 22. *in oratione pro se* 293, 13. *adversus Caesarem* 21, 30. 29, 25.
 C. Memmius 130, 27.
 Memphis 237, 26.
 Menander 234, 27. 294, 27; 31. *Adelphi* 293, 3. *fabulae CVIII.* 294, 8.
 Menas 71, 31.
 Mendes 79, 19.
 Menecrates 183, 21.
 Mercurius 277, 20.
 Mero 103, 35.
 Messala v. Valerius.

- Valeria Messalina 156, 29. 161, 31. 162, 13. 163, 24. 165, 24; 36. 166, 31. 173, 1. 216, 15.
 Messalina Statilia 187, 8. 213, 38.
 Messana 142, 15.
 Mestrius Florus 234, 15.
 Metellus v. Caecilius.
 metoposcopus 236, 10.
 Mettius Pompusianus 232, 9. 247, 16.
 Mevania 138, 38.
 Miletus 128, 7.
 miliarium aureum 211, 23.
 Milo 14, 23.
 mimi 280, 14. mimographi 265, 2. 295, 20; 22.
 Minerva 131, 2. 243, 37. 244, 2. 250, 35. *πολιοῦχος* 220, 23. *σιτράς* 277, 13.
 Minos 115, 38. 199, 25.
 Misenum 61, 8. 116, 27. 117, 19; 36. 124, 11. 184, 10.
 Misenensis classis 300, 37.
 Mithridates Magnus (Mithradates) 4, 30. 9, 15. 16, 22. 180, 36.
 Mithridaticum bellum 102, 24.
 Mnester 135, 30. 143, 33. 145, 14.
 Moesia 103, 29. 213, 20. 228, 29.
 Moesiae 221, 24.
 Moesiacus exercitus 228, 17.
 monodium 280, 25.
 Morbovia 232, 5.
 Mucia 22, 11. 263, 22?
 Mucianus v. Licinius.
 mulio 226, 21.
 L. Mummius 200, 20; 25.
 Mummia Achaica 200, 19.
 L. Munatius Plancus 40, 27. 51, 29. 88, 32. 155, 21. 171, 36. *orator* 271, 10; 12. 289, 22.
 L. Plancus 85, 5.
 Munda 81, 5.
 Mundense proelium 25, 8.
 murrinus calix 70, 6.
 Musae 277, 20. novem 260, 2.
 Musium Alexandriae 168, 21.
Musonius Rufus 301, 38.
 Mutina 41, 38. 72, 30.
 Mutinensis e. acies 42, 28. bellum 41, 20. 75, 9. 268, 30.
 Mylae 44, 2.
 myrmillo 134, 12. 144, 2. 183, 22. 247, 4.
 Mytilenae 4, 9. 68, 1. 91, 4.
Naëvius 291, 15. 294, 23. *Punicum bellum* 257, 25. *in bello Poenico* 305, 8. *lib. II belli Punici* 303, 8.
 Narbo 88, 12.
 Narbonensis 290, 32. provincia 295, 35.
 Narcissus 162, 37. 165, 36. 216, 18. 226, 5; 14. 236, 11.
 Naulochus 44, 2.
 naumachia 18, 4. 19, 38. 116, 13. 159, 1. 175, 10. 182, 12. 238, 34. 244, 19.
 naumachiarii 159, 2.
 Nauplius 190, 15.
 Naupliades 276, 15.
 Neapolis 83, 27. 88, 19; 38. 178, 10; 18. 181, 5. 191, 9. 295, 11. 296, 14. 305, 15. 306, 7.
 Neapolitani 78, 27.
 Neapolitanum certamen 153, 5.
 Nechepsus 303, 29.
 Nemausensis 290, 34.
 Nemausenses 92, 29.
 Nemorensis rex 135, 20. villa 20, 36.
 Neoptolemus 145, 15.
 Nepos v. Cornelius.
 Neptunus 44, 11. 45, 37. 279, 9. Actii 82, 9.
 Nero, vocabulum Sabinum 86, 18.
 Nero v. Claudius, Domitius, Drusus, Tiberius.
 Neronēs 88, 27.

- Nere Germanici f. 108, 27 — 109, 6. 121, 23. 151, 23.
 Nero [Aenobarbus 173, 17. 191, 23. Caesar 215, 27. 268, 31. 290, 17. 299, 35. Augustus 194, 2.] 162, 22; 28. 166, 38. 168, 26. 169, 21. 170 — 198. 199, 5; 15; 20. 201, 37. 202, 37. 203, 7; 19; 25; 34. 204, 19; 27. 205, 3. 206, 6; 14. 209, 2. 210, 8; 15; 19; 34. 211, 20. 212, 8. 217, 2. 219, 37. 226, 25. 227, 9; 36. 228, 7; 29. 230, 30; 232, 3. 235, 31. 250, 18. 290, 35. 299, 13; 22; 26. 300, 1. 301, 32; 37. *epistola ad Helium* 180, 6. *sermo quidam formatus* 194, 22. *poema in Clodium Pollionem quod inscribitur Luscio* 241, 19. *hemistichium* 299, 28. *carmen quoddam* 180, 36. *cantica* 220, 1. *carmina* 196, 37. *versus autographi* 197, 1. *epinicia* 192, 36. *Halosis Ilii?* 189, 25.
 Nero Otho 212, 5; 7. Titus 238, 19.
 Neroneus a um. *agon* 178, 26. *certamen* 217, 3. *mensis* 197, 24.
 Neronia 175, 21.
 Neroniana cantica 220, 1. Neronianus 208, 25.
 Neropolis 197, 25.
 Nerva 241, 21. 244, 18.
 Nerulonensis 39, 32.
 Nicanor Arei f. 77, 25.
Nicetas 272, 28.
 Nicomedes 4, 5. 21, 15; 23; 30; 37. 22, 5; 7.
 Nikon 82, 8.
 Nicopolis 45, 34.
P. Nigidius Figulus 79, 34. 301, 17. *in libro quarto* 318, 21.
 Nilus 45, 31.
 Nioba 178, 35.
 Nola 83, 31. 84, 18. 103, 13.
 Nomentana via 194, 36.
 Nonius Asprenas Torquatus 58, 13. 63, 34. 135, 5.
 Norbanus Flaccus 216, 29.
 Noricum regnum 94, 17.
 Novaria 271, 33.
 Novariensis 271, 6.
 November 52, 26.
 Novius Niger 8, 18; 28.
 Novum Comum 13, 25.
 Novocomensis 300, 27; 30.
 Nuceria 215, 15; 22.
 Nucerinus 270, 26.
 Numa Pompilius 279, 20; 27. 281, 25.
 Numida 303, 27. Numidae 292, 7.
 Numidicae 128, 33.
 Numidicus lapis 36, 9.
 nummi veteres regii 72, 7.
 Nursia 224, 18; 21.
 Nursini 42, 26.
 Nymphae 104, 23.
 Nymphidius Sabinus 204, 31. 206, 25.
 Nysa 21, 37.
 obeliscus 157, 29.
 Oceanus 140, 9; 12; 25. 156, 29. 304, 33; 34. *septemtrionalis* 147, 12.
 Ocella Galba 200, 32.
 Octavia gens 38, 5; 13.
 Octavium duplex familia 38, 19.
 Octavius vicus Velitris 38, 7.
 Octavius dux Veliternorum 38, 7.
 C. Octavius Rufus 38, 18.
 Octavii proavus et avus Augusti 38, 23; 25. 39, 1; 32.
 C. Octavius Lampadio 257, 24.
 Octavius Teucer 258, 25.
 Octavius quidam 21, 27.
 C. Octavius Divi Augusti pater 39, 4; 17. 40, 18; 35. 49, 30. 69, 35. 79, 30; 33; 36. 84, 15.
 Octavianus 286, 29. v. Augustus.

- Octavia maior Divi Augusti soror 39, 10.
 Octavia minor Divi Augusti soror 12, 34. 39, 20. 51, 22; 23. 65, 20; 38. 71, 22. 89, 17.
 Octaviae porticus 51, 23. 265, 36.
 Octavia Divi Claudii f. 162, 13; 22. 163, 14. 173, 29. 187, 6; 10; 19. 193, 29. 197, 36.
 Oculatae sorores 246, 1.
 Odium 244, 19.
 Oedipus 25, 20. excaecatus 179, 8. exul 194, 5.
 Oenone 247, 26.
 Olympia 144, 33. 175, 32. 180, 2. 197, 8. Olympiis 180, 35.
 Olympiaca corona 181, 10.
 Omphale 302, 11.
 Onesimus 205, 19.
 Onysius 298, 14.
 Oppius Chares 258, 26.
 C. Oppius 22, 38. 29, 17. *de Caesare refert 23, 14. librum edidit non esse Caesaris filium quem Cleopatra dicat 23, 2. a quibusdam belli Alexandrini Africique et Hispaniensis auctor habetur 24, 23.*
 Oppius Sabinus 244, 24.
 L. Orbilius Pupillus 259, 4. 260, 32; 34. 261, 4. 265, 13. *perialogos* 261, 5.
 Orbilius filius 261, 22.
 Orcus 190, 19.
 Orcini senatores 54, 18.
 Orestes 179, 8. 190, 4.
 Oriens 43, 7. 90, 18. 92, 18. 119, 13. 172, 5. 189, 35. 190, 32. 226, 31. 228, 10. 229, 4. 237, 24. 242, 22.
 Ostia 91, 11; 13. 125, 3. 143, 36. 153, 27. 156, 19. 157, 26. 162, 32. 176, 34. 182, 14. 184, 13. 194, 13. 230, 9. 269, 24.
 Ostiensis portus 157, 14. provincia 160, 6.
 Ostienses 166, 1. 167, 16.
 Otho v. Salvius.
 Ovidius Naso 265, 23. 298, 38.
 Pacis templum 230, 28.
 Paconius 112, 16; 19.
 Pacuvius 291, 32. 295, 7. 305, 11. *in Antiopa* 305, 18. *in Armorum iudicio* 35, 20.
 Paeon 190, 9.
 paegnarii gladiatores 131, 33.
 Paestanus sinus 305, 7.
 Paetina v. Aelia.
 Paetus Thrasea 188, 28. 247, 22.
 Palamedes 276, 13; 17.
 Palatium 51, 4. 70, 36. 88, 31. 109, 1. 124, 26. 128, 24. 129, 4. 138, 16. 140, 13. 143, 27. 157, 4. 173, 34. 181, 15. 183, 32. 186, 4. 205, 25. 207, 9. 209, 27. 211, 18; 28. 212, 3; 30. 221, 36. 222, 25. 236, 17. 264, 31; 34. 281, 35.
 Palatinus a um. Apollo v. Apollo. atriensis 145, 1. bibliotheca 265, 23. domus 51, 14. 64, 16. 156, 28. 235, 30. 250, 27. ludi 144, 26.
 Palfurius Sura 249, 12.
 Pallas libertinus 162, 37. 216, 18.
 Palumbus 158, 31.
 Pan 277, 20. Panos agasma 258, 20.
 Pandateria (Pandataria) 108, 18. 124, 37.
 Paneros 183, 23.
 Paniscorum habitus 104, 23.
 Pannonia 46, 25. 213, 20. 221, 25.
 Panuonicus Tiberius 94, 23. bellum 90, 23; 24. bella 46, 22.
 Pannonius dux 95, 22. Pannonii 94, 20.
 Pansa 42, 7; 13; 16. 88, 35. 268, 25.
 Pansa v. Crassicius.

- pantomimus 280, 9. 301, 25.
 Paphia Venus 237, 15.
 Papia Poppaea lex 157, 10. 159, 25. 174, 14.
 Parilia 126, 17.
 Paris Troianus 247, 26.
 Paris histrio 197, 20.
 Paris pantomimus 242, 38. 246, 37.
 Parrasii tabula 104, 33.
 parricidium dies 37, 4.
Parthenius 115, 28.
 Parthenius libertinus 251, 21; 33.
 Parthenope 296, 18. 306, 6; 7.
 Parthia 220, 26.
 Parthi 20, 10. 32, 27. 41, 7. 47, 8. 58, 24. 90, 20. 94, 5. 103, 28. 106, 24. 114, 6. 121, 1. 124, 30. 127, 21. 161, 9. 194, 17. 198, 3; 8. 216, 3. 235, 12. 242, 19. 283, 2; 4.
 Parthus 190, 8. 229, 6. 303, 27.
 Parthina gens 46, 6.
Pasicles 265, 1.
 Pasiphaa 175, 14. 199, 25.
Passienus Crispus pater 290, 9.
Passienus Crispus filius 172, 37. 290, 10.
 Patavium 93, 16. 300, 19.
 Patavinus 61, 37. 289, 37. 300, 18.
 patricii 18, 22. 38, 15; 17. 41, 33. 86, 5; 10. 209, 28. 215, 10.
 Patrobius Neronianus 208, 25.
 Paulus v. Aemilius.
 Q. Pedius 35, 6.
 Pedia lex 171, 19; 200, 14.
 Pelasgi 281, 26.
 Peligni 298, 38.
 Pellaea nomina 303, 28.
 Peloponnesus 45, 6.
 Penatium deorum compluvium 78, 24. simulacra 185, 9.
Persius Flaccus 299, 5.
 Perusia 43, 13; 23. 81, 38. 88, 18.
 Perusinus a um. bellum 41, 21. murus 43, 21.
Pescennius Iaccus 258, 26.
 M. Petreius 16, 4. 30, 16.
 Petronia 217, 17.
 Petronianus v. Vitellius.
 Phaethon 123, 19.
 Phalacrine 225, 11.
 Phaon 194, 35. 195, 11; 28.
 Pharmacussa 4, 21.
 Pharnaces 16, 22.
 Pharsalicus a um. acies 14, 25. 26, 35. 30, 19. 171, 10. 224, 7. proelium 16, 12.
 Pharus 140, 14. Alexandrinus 157, 31. Phari turris 117, 19.
 phasianae 128, 34.
 Philemon servus 29, 38.
 Philippi 81, 35. 93, 14.
 Philippensis e. acies 78, 5. bellum 41, 21. 42, 30. 47, 16. 51, 10. 88, 33. 297, 7.
 Philippus rex 145, 15.
Philistion 299, 3.
 philosophi 247, 24.
 Phoebe 67, 2; 3.
 Phoebus 69, 24.
 phoenicopteri 128, 33. 145, 13.
 phonascus 75, 19.
 Phyllis 252, 8.
 Picenum 15, 35.
 L. Pinarius 35, 6.
 Pinarius 50, 1.
 Pisaurum 295, 8.
 Piso v. Calpurnius.
Pitholaus 30, 36.
 Pius 94, 23. 128, 12.
 Placentia 28, 35. 213, 11. 289, 19.
 Plancius 289, 10.
 Plancus v. Munatius.
Plato in Civitate III, g p. 398 A. 134, 35. *in Legibus XII, 13 p. 968 E.* 276, 31. *in Phaedro* 59 p. 274 C. 276, 18. *Platonis commentatores* 276, 22.
 Plautius Rufus 46, 3.
 Servius Plautius 301, 28.
 Plautia Urgulanilla 161, 28; 30. 162, 12.

- A. Plautius 160, 14. 226, 9.
 A. Plautius 187, 28.
Plautus 291, 17. 294, 23. in *Leno-*
nibus geminis 303, 5.
Plinius Secundus 300, 29. *scri-*
bit 121, 28; 35. 122, 3; 5.
bella cum Germanis gesta 300,
 35. *naturalis historia* 300, 36.
L. Plotius Gallus 270, 1.
Plotia rogatio 5, 1.
Plutio 272, 28.
Poeni 86, 24.
Polemon 177, 20.
Pollentina plebs 102, 15.
Pollio v. Asinius.
Pollucis aedes 6, 24. 95, 27.
 128, 25.
Polus 68, 21.
Polybius 85, 8.
Polybius 162, 35.
Polycrates 128, 6.
Polyhistor 265, 22.
Pompei urbs 162, 15.
Q. Pompeius Rufus 5, 12.
Pompeia Rufi f. 5, 12. 12, 36.
 30, 3.
Cn. Pompeius Strabo 270, 17.
Cn. Pompeius [Magnus Pompeius
 39, 23. 264, 1.] 9, 14. 10, 16;
 22; 25. 11, 19. 12, 12; 33.
 13, 19. 14, 3; 14. 15, 38. 16,
 4; 11; 26; 36. 21, 29. 22, 11.
 23, 30. 28, 10; 20; 36. 30,
 11; 13; 30. 35, 3. 52, 37.
 171, 15. 263, 21; 23. 264, 1;
 5. 268, 26. 270, 16. 289, 5.
 296, 8. 299, 15. 306, 11.
Pompeianus 110, 1.
Pompeianus a um. biremes 44, 18.
civile bellum 24, 22. 28, 2. 30,
 10. 224, 6. 299, 14. *curia* 33,
 35. [Pompei *curia* 33, 15. 35,
 29. 37, 3. 53, 1.] *domus* 93,
 30. [Pompeiorum *domus* 264,
 3.] *partes* 224, 6. *theatrum*
 105, 20. 157, 36. [Pompei
theatrum 52, 38. 128, 2. 153,
 10. 193, 31.]
Pompei filii 264, 2. *liberi* 16, 29.
 17, 3. 41, 2.
Sextus Pompeius Cn. f. 41, 24.
 44, 2; 16; 23. 60, 33. 71, 32.
 88, 21. 89, 10. *Augustum in-*
sectatur 68, 28.
Pompeia Cn. f. 89, 10.
Pompeius Lenaeus 258, 1. 264, 1.
satira in Sallustium 264, 6.
Pompeius Macer 25, 22.
S. Pompeius 84, 15.
Pompeius quidam 109, 37.
Cn. Pompeius Magnus 135, 6. 162,
 21; 28. 163, 13; 15.
M. Pompilius Andronicus 260, 24.
annalium Ennii elenchi 260, 30.
M. Pomponius 268, 6; 8.
L. Pomponius Bononiensis 295, 15.
Pomponius Atticus v. Caecilius.
Pomponia 89, 27. 264, 16.
M. Pomponius Marcellus 266, 4.
Pompouius Flaccus 103, 37; 38.
Pomptinae paludes 20, 7.
Pontia insula 109, 1. *Pontiae* 124,
 38.
Pontius Aquila 32, 4; 7.
C. Pontius Nigrinus 117, 5.
Pontus 16, 21; 33. 20, 9. 177, 19.
Ponticus triumphus 17, 5; 10.
M. Popillius 293, 32.
Popilius miles 289, 11; 13.
C. Poppaeus Sabinus 225, 12.
Poppaea Sabina 187, 6; 18; 25;
 32. 210, 17.
Porcellus 310, 28.
Porcius (Licinus) 292, 14. 294,
 16.
M. Porcius Latro 272, 6.
Porius 135, 22.
porticus Gai et Luci, item Liviae
et Octaviae 51, 23.
porphyreticum marmor 196, 19.
Posides 162, 30.
Postumia 22, 10.

- praedictoria lex 151, 38.
 Praeneste 71, 10. 74, 28. 88, 19.
 264, 35.
 Praenestinus a um. Fortuna 250,
 31. sortes 113, 9. via 295, 14.
 Priamus 113, 3.
 Priapus 144, 30. 262, 35.
 Princeps quidam grammaticus 259,
 18.
 professi medicinam 19, 10. pro-
 fessio grammatica 260, 25. pro-
 fessor grammaticus 261, 22.
 eloquentiae 270, 31. professo-
 res 259, 24. 261, 6. 269, 3; 37.
 Propontis 305, 24.
 Proserpina 193, 37. 303, 9.
 proverbium 48, 34; 36. 276, 29;
 35. 277, 27. Quintianum 290,
 29.
 provinciae 60, 23. 67, 29. 95, 29.
 160, 36.
 psylli 45, 15.
 Ptolemaeus (Ptolemaeeum?) 45, 28.
 Ptolemaeus Auletes 23, 29. 155, 38.
 Ptolemaeus Auletæ f. 16, 14.
 Ptolemaeus rex Mauritaniae 131,
 7. 135, 7. 143, 37.
 Publius Syrus 295, 22.
 Punicus a um. secundum bellum
 38, 24. 286, 20. secundum ac
 tertium 257, 17. 292, 6. bella
 94, 9. 189, 21. lingua 286, 26.
 Puteoli 59, 1. 134. 4. 160, 32.
 220, 6. 230, 9. 237, 29. 295,
 21.
 Puteolanus a um. moles 127, 12.
 praedium 289, 15. sinus 82, 35.
 Puteolanum 293, 21.
 Pylades 60, 8. 301. 25.
 Pyrallis 135. 34.
 Pyrenaeus saltus 11, 35.
 Pyrgi 172, 16.
 pyrricha 17, 29. 175, 11; 13.
 278, 34.
 Pyrrus 86, 22.
 Pythagoricus 301, 17; 23.
 pythaules 280, 10; 23.
 Pythia corona 181, 11.
 quadrigarii 177, 3.
 quinquatria 244, 1.
 quinquatrus 70, 20. 186, 14.
 quintana 181, 34.
 Quintilius Cremonensis 296, 11.
 Quintilius Varus v. Varus.
 T. Quintius Atta 295, 13. in To-
 gata 305, 13.
 Quintius 289, 7.
 Quintianum proverbium 290, 29.
 Quirinius 106, 16.
 Quirinus Ianus 47, 13. Augustus
 286, 30 — 287, 1.
 Quirinalis flamen 279, 18.
 Quirites 29, 4. 157, 10. 190, 10.
 C. Rabirius 7, 5.
 Rabirius Postumus 155, 38.
 Raeti Vindelici 296, 37.
 Raetia 46, 26.
 Raeticum vinum 72, 32. bellum
 90, 22; 23. 147, 11.
 Ravenna 14, 10. 46, 23. 61, 8.
 95, 23.
 Reate 225, 10.
 Reatinus a um. conditores 231,
 18. municeps 224, 6. oppidum
 225, 7. rura 235, 16. 241, 4.
 recensensus populi 18, 35. 56, 10.
 regia 72, 20.
 Regilli 86, 6.
 regio Marti campi 18, 4. Palati
 39, 36. 257, 17. sexta 241, 13.
 Regium 44, 17. 237, 29.
 Q. Remmius Palaemon 266, 19.
 272, 18. poemata 266, 27. dif-
 ferentiae sermonum 306, 35.
 Rhascypolis 102, 30.
 Rhenus 11, 26. 12, 2. 46. 31.
 48, 20. 90, 26. 94, 36. 95, 2.

- 139, 27. 142, 17. 147, 13. 244, 32.
- Rhianus* 115, 27.
- Rhodanus 11, 26.
- Rhodus 4, 18; 31. 91, 16. 92, 10; 17; 32. 93, 20. 100, 26. 110, 22. 186, 2. 230, 13.
- Rhodii 100, 23. 109, 21. 161, 1. 173, 24.
- Rhodia classis 159, 9.
- Rhodiensis hospes 112, 25.
- Robigo 279, 21.
- Romae et Augusti templum 62, 11.
- Romanus a um. civis 203, 15. dux 292, 8. forum 70, 34. gens 161, 2. imperator 226, 33. lingua 303, 26. rerum breviarium 262, 8.
- Romulus 40, 28. 81, 26. 86, 8. 110, 27. 130, 26. 279, 11; 19; 27.
- Roscius Amerinus 289, 7.
- Rubico 15, 11. 33, 30.
- Rubria 182, 22.
- Rudia 291, 26.
- Rufilla 69, 15.
- Rufinus 31, 24.
- Rufus Crispinus 187, 32.
- Ruscus Caepio 246, 22.
- Rutilius Rufus 259, 36. *oratio de modo aedificiorum* 77, 27.
- sabbata 72, 23. 100, 26.
- Sabini 86, 6. 215, 9. 225, 5; 10. 240, 30. 300, 15.
- Sabina lingua 86, 18. Sabinae virgines 279, 13.
- Sabinum 298, 23.
- Sabratensis 225, 34.
- Sacra via 20, 34. 33, 14. via Sacra 222, 37.
- Saeculares ludi 52, 25; 27. 158, 2. 216, 20. 243, 25.
- Saepta 58, 4; 29. 94, 28. 126, 33. 128, 3. 158, 22. 175, 28.
- Salaria via 194, 36. 231, 19.
- Salassi 46, 27.
- saliorum prandium 164, 14.
- C. Sallustius Crispus* 76, 15. 261, 27. 262, 7; 12; 14. 264, 5. 300, 15. 303, 23. *historia* 262, 7. *scribit* 264, 5.
- Sallustius Lucullus 247, 20.
- Luculleae lanceae 247, 21.
- Salvidienus Rufus 67, 25; 27.
- Salvidienus Orfitus 188, 24.
- Salvidienus Orfitus 247, 8.
- Salvito 26, 12.
- Salutis augurium 52, 24.
- Salvia Titisenia 69, 15.
- M. Salvius Otho imperatoris avus 209, 11.
- L. Salvius Otho imperatoris pater 201, 38. 209, 15. 210, 3; 6.
- L. Salvius Otho Titianus imperatoris frater 209, 31. 213, 35.
- Salvia imperatoris soror 209, 32. 213, 38.
- M. Salvius Otho imperator 201, 38. 207, 1; 27; 38. 208, 19. 209—214. 218, 30. 219, 3; 7; 25. 227, 9. 228, 18; 38. 247, 15.
- Salvius Cocceianus Titiani f. 247, 15.
- Salvius Liberalis 231, 33.
- Samniticum bellum 215, 13.
- Samus 45, 1. 49, 23. 92, 19. 128, 6. 230, 13.
- Sandon Hercules 302, 12.
- Santra* 263, 37. 293, 28. *de viris illustribus* 287, 35.
- Sardi 24, 7.
- Sardinia 60, 32. 259, 32.
- Sarmatae 103, 29. 244, 23; 28.
- Sarnus flumen 270, 28.
- sarranae tibiae 280, 21..
- Sarsinas 291, 17.
- Saturius 251, 34.
- L. Saturninus 7, 7.
- Saturnus 110, 23. Saturni aedes 51, 29. 211, 23. aerarium 160, 7.

- Saturnalia 72, 5. 126, 31. 150, 21.
 233, 23. 310, 1.
Satyrus de viris illustribus 287, 34.
 scalae anulariae 70, 35.
 Scantinia lex 245, 36.
 Scaptienses tribules 56, 15.
 sclerata castra 147, 21.
 scena 280, 2.
 scholae grammaticae 258, 17.
 Scipio v. Cornelius.
 sciron ventus 305, 25.
 Scribonia Libonis f. 65, 29; 36.
 69, 6. 265, 14.
Scribonius Aphrodisius 265, 13. in
Verrium Flaccum 265, 16.
 Scribonius mathematicus 93, 9.
 L. Scribonius Libo 97, 35. 98, 10.
 Scutarius quidam 64, 3.
 Scythae 47, 6.
 Seianus v. Aelius.
 Selene 131, 8.
 Seleucus rex 161, 4.
 Seleucus Cybiosactes 233, 25.
 Seleucus grammaticus 109, 22.
 Seleucus mathematicus 210, 33.
 211, 21.
 Semiramis 11, 2.
 senatus 54, 16.
 Seneca v. Annaeus.
 Senones 88, 4. 142, 26.
 Sentius Saturninus 296, 13.
 Septicius 286, 3.
 Septimius 297, 29.
 septimontiale sacrum 244, 7.
 Septizonium 236, 7.
 Serapis 229, 11; 23.
 Serranus 295, 6.
 Sertorius 4, 38.
 Servilius Isauricus 4, 10.
 Servilia 22, 16; 22.
 Servilius Caepio 10, 23.
 P. Servilius Isauricus 65, 24. 88,
 36. 270, 24; 25. 301, 19.
 Servilia Nais 171, 30.
 Serviliani horti 194, 12.
 Sesoostriis 303, 30.
 Sestius Gallus 104, 3.
M. Sevius Nicanor 259, 26. *com-*
mentarii 259, 27. *satura* 259,
 28.
 Sextilis mensis 52, 16.
 Sextilia 216, 22; 32. 217, 35.
 221, 18.
Q. Sextius 265, 11.
Sibyllini libri 52, 12.
 Sicilia 38, 24. 44, 14. 48, 28.
 60, 33. 86, 24. 87, 3. 88, 20.
 89, 4; 10. 127, 32. 161, 15.
 270, 30. 301, 9; 11.
 Siciliensis e. bellum 69, 37. pere-
 grinatio 142, 14. pugna 82, 5.
 Siculi 277, 11.
 Siculus a um. bellum 41, 21. 43,
 32. 47, 16. classis 159, 9.
 fretum 86, 23. 304, 39. victoriae
 129, 12.
 Sigambri 46, 30.
 Sigillaria 150, 21. 156, 9. 182, 32.
 Silanus v. Iunius.
 C. Silius 70, 15. 85, 5.
 C. Silius 161, 34. 163, 24. 165, 26.
 sillographi 281, 18.
 Sinuessa 295, 3.
 Sinuessani 217, 37.
 Siren 262, 22. 306, 6. Sirenes
 115, 36.
 Smyrna 259, 37.
 Smyrnaeus 272, 4.
 Sol deus 197, 13.
Sophocles Νανπλίῳ πρῶτα 277,
 23. *Oedipo rege* 1063 282, 25.
Palamede 276, 11.
Sophron 277, 9; 29.
 C. Sosius 44, 34.
Sotio 301, 34.
 Spartacus 39, 9.
 Speluncae 103, 9.
 Sphinx 61, 28.
 Spiculus myrmillo 183, 22. 194,
 30.
 Spoletium 224, 21. 265, 31.
 sportellae 244, 9.

- sportula 158, 24. 245, 1.
 Sporus 182, 25; 30. 183, 6. 193,
 36. 195, 2; 35.
 Spurinna 33, 32. 34, 12.
Staberius Eros 263, 16.
 stadium 18, 3. 244, 19.
 Statilius Taurus 51, 30. 126, 32.
 187, 8.
 Statilius Corvinus 154, 2.
 Statilia Messalina 187, 8. 213, 38.
 Statilius Capella 225, 33.
L. Statius Ursulus 272, 12.
 Stellatis campus 10, 1.
 Stephanio togatarius 60, 4.
 Stephanus 251, 26. 252, 3.
 Stesichorus iactus 278, 10.
 Stoechades insulae 156, 21.
Strattis in Lemnomena 278, 15.
 Stymphalus 292, 23. 294, 9.
 Subura 20, 33.
 Sucronensis ventus 305, 26.
 Suebi 46, 29.
 Suetonius Laetus 213, 23.
C. Suetonius Tranquillus 40, 22.
 127, 27. 198, 6. 213, 23. 248,
 35. 254, 8. 259, 16; 18. 275,
 6. 286, 2. 300, 5. 303, 15.
 Sulla, Sullanus v. Cornelius.
 Sulpiciorum genus 200, 1. stemma
 199, 23.
 C. Sulpicius Gallus 293, 30.
 Sulpicius Galba primus 200, 1.
 Ser. Galba orator 200, 9.
Ser. Sulpicius Rufus 13, 32. 22,
 10. 301, 19.
 Ser. Galba imperatoris proavus
 200, 12.
 Galba imperatoris avus 200, 15;
 38. *historiam edidit* 200, 17.
 Q. Sulpicius Camerinus 225, 11.
 Galba imperatoris pater 200, 17.
 Sulpicius Flavius 167, 24. 150, 4?
 C. Galba imperatoris frater 200,
 25; 26.
 Ser. Galba imperator [Ocella 200,
 32. Caesar 204, 28. 211, 10]
 185, 9. 191, 5. 192, 3. 194,
 17. 195, 4. 196, 12. 199—
 209. 210, 31. 211, 5; 18;
 23; 36. 212, 14. 213, 27. 214,
 34. 217, 25; 28. 218, 26; 28.
 219, 8. 227, 9. 228, 10; 25.
 232, 25. 237, 12. 272, 23.
 sumptuaria lex 19, 30. 54, 3
 Superum mare 15, 38. 20, 8. 61,
 8. 304, 34; 36.
 supra numerum 160, 20.
 Surrentum 66, 34.
 synodium 280, 26.
 Syphax 286, 20.
 Syracusae 117, 16. 127, 23. 128,
 5. 130, 7. Augusti 71, 6.
 Syria 11, 1. 16, 21. 45, 10. 93,
 13. 103, 4; 27; 38. 106, 19.
 108, 2. 119, 22. 189, 36. 216,
 2; 12. 226, 35. 228, 29. 232,
 15. 283, 2. 305, 24.
 Dea Syria 197, 26.
 Syrus 260, 24. 295, 22. ventus
 305, 24.
 Syri pueri 75, 5.
 Syriacus a um. exercitus 229, 7.
 expeditio 122, 35. legiones
 106, 6.
 Syriaticus exercitus 221, 26.
 Talarium 122, 13.
Tanuscus Geminus in historia 6,
 4; 8.
 Tarentum 291, 21; 34. 295, 7.
 Tarentinus 264, 38.
 Taricheae 237, 8.
 Tarpeius a um. culmen 254, 3.
 ludi 279, 20. mons 20, 1.
 279, 19.
 Tarquinius Priscus 38, 13.
 Terracina (Terracina) 103, 9. 200,
 30.
 Tarraco 49, 23.
 Tarraconensis Hispania 203, 2.
 Tarraconenses 204, 38.

- T. Tattius 86, 8.
 Taurus v. Statilius.
 Tedius Afer 50, 4.
 Tegea 229, 28.
 Telegenius 167, 20.
 Telephus 46, 7; 10.
 ad Telluris 264, 3.
 Terentius Lucanus 292, 2.
P. Terentius Afer 291, 36. 292, 1.
Adelphi 293, 3. *prol. 15 sqq.*
 293, 7; 34. *Andria* 291, 38.
 292, 28. *Eunuchus* 292, 38.
Heautontimorumenos 4, 2, 1 293,
 25. *Hecyra* 292, 37.
M. Terentius Varro 16, 5. 20, 5.
 266, 28. 295, 17. *scribit* 280, 6.
 281, 5. 293, 3. 295, 17. *de viris*
illustribus 287, 35. *in satura*
quae inscribitur Ἄλλος οὐτος
Ἡράκλῆς 303, 9.
P. Terentius Varro Atacinus 295,
 35.
 Terentia Maecenatis 68, 3. eademne
 Terentilla 69, 14.
 Terpnus 177, 38. 233, 19.
 Terra mater 5, 29. 117, 25.
 Terracina v. Tarracina.
 Terrinius Gallus 63, 5.
 Tertia M. Bruti soror 22, 21.
 Tertulla M. Crassi 22, 10.
 Tertulla 69, 14.
 Tertulla Vespasiani avia 225, 13;
 17. 227, 19.
 Tetrinius Iatro 133, 25; 26.
 Teutoni 7, 1.
 Thallus 68, 23.
 Thasus 282, 27.
 Thasius lapis 196, 21.
 theatrum 20, 1. 153, 38. 279, 37.
 Cornelii Balbi 51, 30. Marcelli
 s. Marcellianum 51, 24. 58, 33.
 233, 17. Pompei s. Pompeia-
 num 52, 38. 105, 20. 128, 2.
 153, 10. 157, 36. 193, 31. thea-
 tra trina 60, 6.
 theatralis poena 56, 8.
 SUETONIUS.
Theocritus 6, 18 277, 34.
Theodorus Gadareus 109, 28. 272,
 28.
 Theogenes mathematicus 81, 13;
 18.
 thermae 175, 21. 238, 32. 239, 19.
 M. Thermus 4, 3; 9.
 Thessalus quidam 81, 35.
 Thessali 90, 6. equites 158, 17.
 Thoranius mango 69, 9.
 Thrasyllus mathematicus 83, 21.
 93, 22. 112, 36. 127, 28.
 Thracia 20, 9. 79, 36. 94, 15.
 225, 24. 230, 14.
 Thrax 102, 30. Thraces 39, 13.
 Threx 135, 15. 143, 18. 247, 4.
 Threes 144, 1. 239, 16.
 Thracias ventus 305, 25.
 Thurinus Augustus 40, 16; 19; 24.
 Thurinus a um. ager 39, 10. pa-
 gus 39, 1. regio 40, 17.
 Thyatireni 90, 8.
 Tiberis 20, 8. 34, 33. 35, 10.
 51, 36. 55, 12. 58, 6. 85, 2.
 116, 14. 117, 24. 125, 4.
 166, 12. 182, 14. 194, 34.
 213, 2. 223, 9. 233, 31. 241,
 26. 243, 23.
 Tiberinum vadum 87, 11.
 Tiberius imperator [Claudius Nero
 103, 35. Caesar 100, 12. 110,
 23. 136, 26. 253, 4. 266, 13.
 Pannonicus 94, 23] 56, 21. 62,
 10; 11. 66, 5; 32. 70, 14; 19.
 72, 22. 75, 25. 76, 8. 82, 17;
 25. 83, 21; 30; 32. 84, 34;
 35. 85, 11. 86—118. 119, 6; 9;
 21. 120, 22. 121, 7; 15; 24.
 123, 2; 8; 15; 32. 124, 3; 12;
 16; 31; 36. 125, 23. 126, 3;
 4. 127, 29. 128, 1. 132, 26.
 133, 20; 33. 136, 37. 149, 13.
 150, 19; 38. 153, 9. 159, 25.
 160, 37. 172, 15; 19. 183, 18.
 200, 27; 36. 201. 31. 209, 17.
 215, 27. 238, 37. 264, 35. 266,
 23

- 11; 23. 290, 13; 28. 297, 37. *scribendi genus* 76, 8. 115, 22. *sermo in senatu* 99, 13. *commentarius de vita sua* 111, 18. *commentarii et acta* 253, 4. *epistulae* 114, 12—32. *conquestio de morte L. Cuesaris* 115, 26. *Graeca poemata* 115, 27.
- Tiberius mensis 98, 26.
- Tiberiana domus 222, 8. scorta 216, 35.
- Tiberius imperatoris nepos 108, 28. 109, 14. 113, 2. 118, 6. 124, 17. 125, 13. 127, 29. 129, 23; 28; 31. 132, 38.
- Tiberius i. e. Claudius 148, 22. 149, 14. 150, 3; 10.
- Tiberius Alexander 228, 33.
- Tibur 71, 10. 74, 28. 121, 27; 37. 122, 1. 164, 29.
- Tiburni luculus 298, 24.
- Tiburti regione 128, 3.
- Tiburtinum 298, 23.
- Ticida* 258, 37. 262, 25.
- Tigillius 206, 14; 16.
- Tigranes 90, 18.
- tigris 58, 29.
- Tillius Cimber 34, 15.
- Timaeus* 279, 1.
- Tiridates 175, 34. 183, 19.
- Titianus v. Salvius.
- M. Titinnius 270, 1.
- Titii sodales 202, 36.
- Titurius 12, 8.
- Tituriana clades 27, 37.
- Divus Titus 225, 38. 227, 4. 235, 2. 236—241. 242, 9; 12; 16; 27. 245, 37. 247, 13. 249, 7. 253, 22; 25. 301, 38.
- Tolosa 223, 15.
- Tolosanus 272, 13.
- Tomi 299, 1.
- C. Toranius 49, 29.
- L. Torquatus 298, 28.
- Torquatus v. Nonius.
- tragoedia* 111, 32.
- Tralliani 90, 6.
- Transalpini 11, 24.
- Transalpina Gallia 14, 5.
- transitoria domus 183, 32.
- transmarinae coloniae 19, 3. provinciae 142, 24.
- Transpadani 6, 16.
- Transpadana regio 225, 4.
- C. Trebatius 31, 38.
- Trebiani 100, 4.
- Treveri 121, 28.
- Triton 159, 10.
- triumphus 282, 33. 283, 4.
- triumphalis porta 84, 25.
- Troia ludus puerorum 17, 35. 58, 10. 89, 18. 127, 7. 158, 15. 173, 11. 278, 35.
- tropaea 6, 38.
- Q. Tubero* 35, 1.
- Tucca* 296, 4.
- Tullus Hostilius 279, 22.
- Ser. Tullius 38, 15.
- M. Tullius Cicero 8, 23. 10, 12. 39, 34. 80, 32. 87, 19. 260, 18. 261, 2. 263, 24. 268, 23. 270, 2. 289, 4—16; 22. *dicta* 21, 38. 22, 21. *scribit* 19, 22. 311, 7. *epistulae ad Caecilium Atticum* 89, 28. 264, 15. *ad Atticum* 12, 26, 2 263, 31. *in quadam epistula ad Axium* 6, 6. *ad Cornelium Nepotem* 24, 1. *ad Dolabellam (ad familiares* 9, 10, 1) 263, 24. *ad Quintum fratrem* 1, 2, 7 39, 14. *ad M. Titinnium* 270, 1. *in quibusdam epistulis* 21, 33. *pro Quintio* 289, 7. *pro Roscio Amerino* 289, 7. *in Philippicis* 2, 17, 42 sq. 270, 36. *ad Brutum* 75, 261 sq. 23, 36. 24, 25. *de Officiis* 3, 21, 82 14, 32. *de Re publica* 281, 14; 18. *in Limone* 294, 24. *Ciceronis defensionem adversus Asinii Galli libros composuit Divus Clau-*


- dus* 168, 1. *Caesaris epistulae ad Ciceronem* 25, 13.
Q. Tullius Cicero 7, 27. 39, 14. 295, 28. *Lucretii libros emendavit* 295, 28.
M. Tullius Tiro 289, 14.
Furnus 197, 19.
Turpilius 295, 3.
Tuscanus 187, 34.
Tuscanum mare 304, 37.
Tusculum 201, 12. 207, 17. 264, 14.
Tusculana Fortuna 207, 11. *villa* 262, 31. 289, 35.
Tusculanum 263, 4.
Tyrrus 184, 23.
Tyrius a um. classis 18, 6. *color* 184, 38.
Tyrrhenum mare 304, 35.
Tyrrhenus 279, 1.

M. Valerius Messala 268, 6.
Valerius Bursenus quidam 262, 15.
P. Valerius Cato 258, 1; 37; 38. 262, 15. *grammatici libelli* 262, 24. *libellus cui est titulus Indignatio* 262, 16. *poemata* 262, 24. *Lydia* 262, 25; 27. *Diana* 262, 25; 28.
C. Valerius Catullus 29, 31. 296, 1. *carmen* 29 29, 29.
Valerius Messala Corvinus 64, 28; 34. 115, 22. 154, 2. 289, 37. 290, 3. 300, 18. *tradit* 71, 29. *in quadam epistula* 258, 35.
M. Valerius Messala 200, 29.
Valerius Catullus 135, 31.
Valerius Messala Barbatas 161, 32.
Valeria Messalina Barbatas f. v. Messalina.
M. Valerius Probus 267, 6. *silva observationum sermonis antiqui* 267, 22.
L. Valerius Primanus 272, 10.
Q. Vargunteius 257, 27.
Varius 296, 4.

M. Varro v. Terentius.
Varro Murena 46, 2. 64, 7. 68, 3. 90, 10. 261, 14; 16.
Varronilla 245, 1.
Quintilius Varus 47, 29. 94, 18.
Variana clades 47, 20; 21. 61, 12. 94, 26; 32. 120, 10. 133, 33.
Vaticanus 158, 10.
Vatinia lex 10, 32. *rogatio* 13, 25.
Vectis insula 226, 8.
Veii 190, 10; 11.
Veientanum 199, 7.
Velabrum 17, 7. 181, 15.
Velitrae 38, 5. 40, 7. 79, 7.
Veliterni 79, 9.
venationes 6, 20. 17, 36. 58, 4. 127, 6. 132, 18. 158, 11; 21. 172, 1. 243, 12. 244, 3.
veneta factio 217, 27. 221, 10.
Ventidius Bassus 283, 1.
Venus 5, 8. 21, 36. 142, 37. 144, 30. *Capitolina* 121, 19. 207, 13. *Coa* 233, 12. *Erycina* 161, 15. *Genetrix* 26, 28. 31, 35. 35, 14. *Paphia* 237, 15. *Venus iactus* 70, 19.
Venerius a um. loci 109, 21. *res* 298, 20.
Venusium 296, 31.
Venusinus 297, 3.
Veranius Flaccus 76, 14.
Verginius Flavus 272, 11.
Verona 296, 1.
Veronensis 298, 37.
M. Verrius Flaccus 264, 26. 265, 10; 15. *scribit* 306, 25. *fasti Praenestini* 264, 37. *de orthographia* 265, 16.
versus incertorum poetarum Latini.
tragici 111, 1. 133, 17. *e mimo* 62, 25. 68, 36. *in Valerium Catonem* 262, 22. *de Bibulo* 9, 36. *in Iulium Caesarem* 22, 5; 26. 32, 37. 33, 8. *in Augustum* 69, 22; 35. 70, 1. *in Tiberium* 99, 6. 105, 9. 110,

- 19—32. in *Germanicum* 121, 9. in *Caligulam* 121, 33. 122, 19. in *Neronem* 169, 6—11. in *Galbam* 202, 7. in *Othonem* 210, 27. in *Domitianum* 254, 3.
- versus incertorum poetarum Graeci 83, 20; 24. 84, 1. 108, 10. 147, 10. 189, 9. 190, 4; 5. 194, 7. 212, 18. 250, 3.
- Vespasiae locus 225, 1.
- Vespasiorum monumenta 225, 2.
- Vespasius Pollio 224, 19.
- Vespasia Polla 224, 16; 18. 225, 21. 227, 13.
- Divus Vespasianus [Caesar 227, 19. 231, 34] 169, 22. 209, 8. 221, 26; 36. 222, 33. 224—235. 236, 4. 237, 24; 32; 34; 37. 238, 18. 241, 12. 242, 6; 12; 20; 24. 245, 37. 246, 13. 249, 7; 34. 250, 3.
- Vespasianus Flavii Clementis f. 250, 22.
- Vestae aedis 107, 7. 177, 25.
- Vestalis virgo maxima 35, 1. 245, 3.
- Vestales virgines 3, 18. 52, 20. 59, 12. 85, 9. 118, 8. 175, 32. 182, 22. 222, 18. 245, 37. 279, 18?
- Vesvius mons 239, 22; 28. 300, 29; 38.
- Vettius Philocomus 257, 28. 258, 1.
- L. Vettius index 8, 18; 21; 25. 10, 15; 21.
- Vibius Crispus 242, 35.
- Vicetinus 266, 19.
- L. Vicinius 66, 20.
- Victoria 84, 25. 204, 13.
- Vidius 263, 27.
- Vienna 218, 37. 223, 12.
- vigiles 51, 35.
- Vindelici 46, 26. 296, 37.
- Vindelicus a um. bellum 90, 22; 24. victoria 297, 37.
- Vindex v. Iulius.
- Vinicius 70, 15. 66, 20?
- Viniciana coniuratio 188, 14.
- T. Vinius Philopoemen 49, 36.
- T. Vinius 205, 27. 217, 26.
- Virgilius Maro 134, 36; 38. 264, 23. 296, 4; 7. 299, 16. *Aeneidos libri* 296, 5. *Culex* 299, 19. *Turnus* 197, 19. *Bucolicon* 3, 50 sqq. 266, 30. 3, 90 295, 33. 4 290, 28. *Georgicon* 1, 41 316, 2. 1, 446 316, 2. 2, 537 246, 14. 4, 369 312, 7. *Aeneidos* 1, 1 314, 30. 1, 8 314, 31. 1, 111 305, 4. 1, 207 140, 4. 1, 282 56, 35. 1, 448 sq. 308, 12. 3, 370 317, 8. 4, 1 314, 32. 5, 350 316, 1. 5, 408 309, 6. 6, 1 314, 36. 11, 133 315, 5. 12, 646 194, 16. 12, 653 316, 3.
- Viriathinum bellum 200, 11.
- Viselliensis 290, 11.
- Vitellia colonia 215, 12. dea 215, 7. via 215, 11.
- Vitelliorum origo 215, 1; 7; 12; 14.
- Q. Vitellius 215, 6. Idemne
- P. Vitellius imperatoris avus 215, 22.
- A. Vitellius imperatoris patruus 215, 25; 26.
- Q. Vitellius imperatoris patruus 215, 26; 28.
- P. Vitellius imperatoris patruus 215, 26; 30.
- L. Vitellius imperatoris pater 215, 26. 216, 2; 28; 31; 37. 218, 7.
- A. Vitellius imperator [Caesar 218, 28. Augustus 218, 27] 212, 19; 23; 24. 213, 7. 215—223. 227, 9. 228, 26. 229, 2; 17. 232, 2.
- Vitelliani 230, 1.
- Vitellianum bellum 241, 22.
- L. Vitellius imperatoris frater 216, 21. 221, 32. 223, 10.
- Vitellius Petronianus imperatoris f. 217, 18.

- Vitellius alius imperatoris f. 217, 23. 223, 10. *Votienus Montanus* 290, 32.
 Vitellia imperatoris f. 217, 23. 232, 2. *Urgulanilla* v. *Plautia*.
 Ulixes stolatus 129, 14. *Utica* 291, 16.
 Umbria 15, 35. 225, 5. 291, 17. *Vulcatius* 292, 35. 294, 2; 23.
 Volaterrae 299, 5. *Xenon* 109, 17.
 Volaterranus 299, 6. *Xenophon de Cyro* 8, 7, 25 36. 27.
 Vologaesius rex 198, 3. 229, 6. *Xerxes* 127, 23.
 242, 19. *xysti* 71, 15.
 Volscorum regium genus 289, 5. *xystici* 60, 2. 206, 8.
L. Voltacilius Pilatus 270, 13. *de*
rebus a Pompeio Strabone et
Magno Pompeio gestis 270, 17.
 Vonones rex 106, 24. 303, 27. *Zenodotus* 263, 10.
-



Nepos, Cornelius

CORNELII NEPOTIS

VITAE.

POST CAROLUM HALMIUM

RECOGNOVIT

ALFREDUS FLECKEISEN.



LIPSIAE

IN AEDIBUS B. G. TEUBNERI.

MDCCCXC.

LIPSIÆ: TYPIS B. G. TEUBNERI.

98 (2 D47)

DISCREPANTIA SCRIPTURAE HALMIANAЕ.

praef. § 2 sed ii erunt § 3 hi si didicerint § 4
eat mercede conducta

Milt. 1, 2 qui consulerent Apollinem Thraces (*sic
plerumque*) 3 his 4 idque Lemnii 5 profectus]
proficiscens 2, 3 quamvis perpetuo imperium 4 illi
enim . . sese dedituros, se autem domum 3, 1 quo
copias quibus singulis ipsorum urbium 3 hic cum . . a
Scythis, Miltiades hortatus est 4 id et facile 5 Histiaeus
4, 1 Artaphernem, hisque 2 is est ab 3 quam celeri
opus esset 5, 3 proelium commiserunt (namque arbores
multis locis erant rarae) ne multitudine clauderentur
8, 1 nimiam] omnium 2 nam Chersonesi

Them. 1, 1 ordiendum 2 Acarnanam] Halicarnas-
siam 2, 4 copiis, quantas 3, 3 hic etsi 5, 3 haec est
altera 6, 5 sive sacer *sive profanus* sive privatus
7, 2 quibus fides haberetur 5 urbem ut propugnacu-
lum copias] classes 8, 2 absens proditiōis damnatus
est 3 principes animadvertisset hospitium erat
4 filiam eius parvulam arripuit et cum ea 9, 2 omnium]
hominum 10, 1 Persarum [se] dedit 10, 4 multis modis

Arist. 1, 1 Themistocli. itaque 2, 1 quo Mardo-
nius fusus barbarorumque exercitus interfectus est 2 quam
huius imperii quod eius aequitate quo duce Mardonius
erat fugatus

Paus. 1, 3 Apollini donum 2, 1 ex his regionibus
2 in iis 4 agere] geri 5 collaudat, petit 3, 1 sto-
lida] callida 7 quo argui posset 4, 1 super tali causa

IV DISCREPANTIA SCRIPTURAE HALMIANAÆ.

4 audiri 6 quo] modo ne enuntiaret nec se 5, 4
sic Pausanias . . maculavit. hic cum . . efflavit

Cim. 2, 2 idem iterum apud 5 sessores 3, 3
existimans *concedere quam armis* 4 in oppido 4, 1
imposuerit quo minus eius rebus 2 fortunae] for-
tuito 3 omnes devocaret mortuos

Lys. 1, 1 sq. enim cum Peloponnesiis sexto et vi-
cesimo anno bellum gerentes confecisse apparet. id qua
ratione consecutus sit, haut latet 2, 2 divertisset
3, 1 itaque hi decemviralem [illam] potestatem 2 Do-
donam 5 de eo foret 4, 2 cum legisset magnitu-
dine, tanta

Alc. 1, 1 quid natura 2 formosissimus, ad om-
nes resistere, dives, cum 3, 1 Nicias 4, 2 quo
exisset 5 id quod usu venerat 6 qui] quod 5, 3
mentionem. erat 6 Thraeciae] Asiae in his 6, 2
et Siciliam amissam 8, 2 spondit 5 moneo, iuxta
9, 2 eaque] qui ea 10, 2 convenissent] essent 3 hoc]
hanc 4 casam, in qua quiescebat, eamque 11, 3 in-
serviunt

Thras. 1, 4 ad vires virtutemque valuisse [quam
ducis prudentiam] vere 5 *verum*] quare 2, 2 illis
huic etenim] haec enim 3 dicitur] dici 5 Mu-
nychiamque 7 exadversus 4, 1 honoris corona
oleaginis

Con. 3, 2 velle: nemo enim sine hoc admittitur.
huic 3 vocant]. hoc si 4 huic volebat 4, 3 for-
tem, prudentem

Dion. 1, 2 nobilem propinquitatem generosamque
maiorum famam in his 2, 3 qui eum] quem 4
gravi 3, 1 mansit. cum 7, 3 frangebatur 8, 1
adit 2 dissidentes 5 conata 9, 2 agitari 3 iisque]
hisque hi propter 4 illi ut limen eius intrarant
6 quoad] quod fenestras 10, 1 ii] hi

Iph. 1, 4 pedites appellabantur loricarum et pro
sertis atque aënis 2, 4 Romani appellati sunt

Chabr. 1, 2 fidente summo duce Agesilao cater-

vis, reliquam 3, 3 alienam opulentium intueantur fortunam quoad] cum 4 Lesbo Sigeo 4, 1 aspiciebant 2 dirigere

Timoth. 1, 2 in quo oppugnando superiori mille et 3 suam ferre 2, 1 dein] idem 3, 2 dantur duo 5 [etiam potentiae in crimen vocabantur] exactus] coactus 4, 1 avus Conon 3 patriae sanctiora

Dat. 1, 2 hic multis milibus regionum interfectis magni 2, 1 intrassent, profligati 3, 2 ita] qua 3 quem cum omnes conspicerent 4, 3 iis] his 4 tum] eum quem] quae 6, 1 quasdam Arsideum cum magna 3 ceteri consilium sequerentur; in vulgus 5 persequitur tantum: qui cum . . pervenerat, Datames 7, 1 Sysinas qui, cum cogitasset, facere auderet et prius cogitare quam conari consuesset 3 deligit dimicare eo vellet 8, 1 statuit congregi 5 amicitiamque hortatus est 9, 4 in eum locum 10, 1 si ei rex 11, 1 maiores exercitus parari 3 diverse

Epam. 1, 1 Polymnidis 3, 2 quod interdum 5 virgo amici nubilis, quae propter consilium 6 cum confecerat, priusquam acciperet res 4, 1 adulescentulum quinque talentis ad suam perduxit voluntatem, quem tum Epaminondas plurimum diligebat 2 Diomedonte prae patriae caritate 4 exiret 6 quorum separatim 5, 3 eos] hos 6, 2 Alcmaeonem procreasse 7, 1 cuius errore eo esset deducta illa multitudo militum, ut 5 conferre 9, 1 hostibus caede multisque 10, 1 cum reprehenderetur, quod liberos non relinqueret, a Pelopida . . diceret, 'vide' 3 malos defendere

Pelop. 1, 1 sin] si 3 adversus resistere 2, 4 ii] hi 5 cum Athenis interdiu exissent 3, 2 etiam quod ab Archino uni ex his, Archiae 4, 3 periculis adfuit 5, 1 etiam] cum

Ages. 1, 2 a maioribus Lacedaemoniis traditus, ut duos 3 utraque suum virilem sexum 2, 1 ut exercitus emitterent 5 conciliari 5, 3 dixit 6, 1 ad cœundum premeretur, ut . . divinaret, exire noluit. idem

2 id se quoque] et se quoque id 7, 4 differret cuius-
vis 8, 2 in Aegyptum iisset eodemque comites omnes
accubuissent vestitu in his non beatissimos esse
5. vilia] illa

Eum. 1, 1 maior, sed multo illustrior atque etiam
honoratior, quod magnos homines virtute metimur, non
fortuna 3 enim] ille 3, 3 summi] summa 4, 2
hostibus 5, 1 qui deseruerant in his 6 iumenta
nitida 6, 1 utrum regnum repetitum in Macedoniam
veniret (nam . . habitabat) et eas res 7, 1 quam alii
Macedonum 8, 2 cum quibus steterint, quam adversus
quos fecerint 9, 2 quod diebus 4 ut] et 11, 3
deuteretur victo 5 succubuerit. non [enim] virtute
hostium, sed amicorum perfidia decidi.' neque id erat
falsum. [nam et . . venusta.] 13, 1 in his 2 quod
nemo 3 et uno 4 ii] hi

Phoc. 1, 1 notior integritas 4 iis] his 2, 4
populi, et Atheniensium 3, 2 in his 4, 1 Piraei
2 facultas et dicendi causam. inde iudicio

Timol. 1, 3 regni posset 2, 2 quem et ex
quanto 3, 2 detecta] deserta 4 obtinere, maluit
5, 2 homines] omnes 3 de quo vellet, impune


Ham. 1, 5 tenuerant 2, 2 ii] hi 3 impetra-
rint 4 in his

Hann. 2, 3 corruptum alia atque antea sentire
3, 3 duxit. saltum 4 qua] quae 4, 3 hoc itinere
etiamtum 5, 1 profectus est nullo 2 obiecto visu 6, 2
inde] in 7, 3 etiam nunc 4 imperator] praetor 6
anno post [praeturam] profugit 8, 1 quarto] tertio ad
bellum Antiochi spe fiduciaque inducerentur, cui 3 quam
Thermopylis 4 confluxit. quo 9, 4 tolleret secum-
que 10, 1 Poenus illis Cretensibus omnibus exer-
cuit 2 et terra: quo magis cupiebat eum Hannibal op-
primi. sed . . societatem: quem 11, 3 cuius etsi 4
petit 12, 5 quid esset 13, 3 ex his Sosilus Sosilo

Cat. 2, 1 exque ea 2 priori 3, 4 aut fierent aut

Att. 1, 4 perpetuo fuerit 3, 3 habebant. igitur . .

in ea potissimum urbe 4, 2 cui] qui 5, 4 tantae]
 tanta 6, 2 effusi 7, 3 Attici autem quies tanto opere
 Caesari 8, 1 illud tempus occiso Caesare, quo con-
 vertisse [videretur] 4 se neque] sed neque 9, 2 ven-
 ditabant] dabant 4 Attico, sponsor 10, 3 quoque est
 Attici 4 eius] illius 5 fuit. neque enim .. salutis [sed
 coniuncti] 6 laude fertur 12, 3 triumviri 13, 4
 potius diligentia .. est industriae 15, 1 non liberalis,
 sed levis arbitrabatur .. non posset 3 potest] poterat
 16, 3 desiderabit 18, 3 qui a quoque ortus 4 Claudii de
 Marcellorum 5 nam de viris, qui Romani populi
 credendum est 20, 1 scriberet] mitteret 5 [intercedere]



CORNELII NEPOTIS
LIBER DE EXCELLENTIBUS DUCIBUS
EXTERARUM GENTIUM.

PRAEFATIO.

Non dubito fore plerosque, Attice, qui hoc genus 1
scripturae leve et non satis dignum summorum viro-
rum personis iudicent, cum relatum legent, quis mu-
sicam docuerit Epaminondam, aut in eius virtutibus
commemorari, saltasse eum commode scienterque tibiis
cantasse. sed hi erunt fere, qui expertes litterarum 2
Graecarum nihil rectum, nisi quod ipsorum moribus
conveniat, putabunt. ii si didicerint non eadem omni- 3
bus esse honesta atque turpia, sed omnia maiorum
institutis iudicari, non admirabuntur nos in Graiorum
virtutibus exponendis mores eorum secutos. neque 4
enim Cimoni fuit turpe, Atheniensium summo viro,
sororem germanam habere in matrimonio, quippe cum
cives eius eodem uterentur instituto. at id quidem
nostris moribus nefas habetur. laudi in Creta ducitur
adulescentulis quam plurimos habuisse amatores. nulla
Lacedaemoni vidua tam est nobilis, quae non ad cenam
eat [mercede] condictam. magnis in laudibus tota fere 5
fuit Graecia victorem Olympiae citari, in scaenam vero
prodire ac populo esse spectaculo nemini in eisdem
gentibus fuit turpitudini. quae omnia apud nos partim
infamia, partim humilia atque ab honestate remota
ponuntur. contra ea pleraque nostris moribus sunt 6
decora, quae apud illos turpia putantur. quem enim

Romanorum pudet uxorem ducere in convivium? aut
 cuius non mater familias primum locum tenet aedium
 7 atque in celebritate versatur? quod multo fit aliter
 in Graecia. nam neque in convivium adhibetur nisi
 propinquorum, neque sedet nisi in interiore parte
 aedium, quae gynaeconitis appellatur, quo nemo ac-
 8 cedit nisi propinqua cognatione coniunctus. sed hic
 plura persequi cum magnitudo voluminis prohibet, tum
 festinatio, ut ea explicem, quae exorsus sum. quare
 ad propositum veniemus et in hoc exponemus libro
 de vita excellentium imperatorum.

I. MILTIADES.

1 Miltiades, Cimonis filius, Atheniensis, cum et an-
 tiquitate generis et gloria maiorum et sua modestia
 unus omnium maxime floreret eaque esset aetate, ut
 non iam solum de eo bene sperare, sed etiam con-
 fidere cives possent sui, talem eum futurum, qualem
 cognitum iudicarunt, accidit ut Athenienses Cherso-
 2 nesum colonos vellent mittere. cuius generis cum
 magnus numerus esset et multi eius demigrationis
 peterent societatem, ex iis delecti Delphos delibera-
 tum missi sunt [qui consulerent Apollinem], quo po-
 tissimum duce uterentur. namque tum Thraeces eas
 regiones tenebant, cum quibus armis erat dimicandum.
 3 [his] consulentibus nominatim Pythia praecepit, ut
 Miltiadem imperatorem sibi sumerent: id si fecissent,
 4 incepta prospera futura. hoc oraculi responso Mil-
 tiades cum delecta manu classe Chersonesum profectus
 cum accessisset Lemnum et incolas eius insulae sub
 potestatem redigere vellet Atheniensium, idque ut
 5 Lemnii sua sponte facerent postulasset, illi irridentes
 responderunt tum id se facturos, cum ille domo
 navibus profectus vento aquilone venisset Lemnum.
 hic enim ventus ab septemtrionibus oriens adversum

tenet Athenis proficiscentibus. Miltiades morandi tem- 6
pus non habens cursum direxit, quo tendebat, per-
venitque Chersonesum.

Ibi brevi tempore barbarorum copiis disiectis, tota 2
regione, quam petierat, potitus, loca castellis idonea
communiit, multitudinem, quam secum duxerat, in agris
collocavit crebrisque excursionibus locupletavit. neque 2
minus in ea re prudentia quam felicitate adiutus est.
nam cum virtute militum devicisset hostium exercitus,
summa aequitate res constituit atque ipse ibidem
manere decrevit. erat enim inter eos dignitate regia, 3
quamquam carebat nomine, neque id magis imperio
quam iustitia consecutus. neque eo setius Athenien-
sibus, a quibus erat profectus, officia praestabat. qui-
bus rebus fiebat ut non minus eorum voluntate perpe-
tuum imperium obtineret, qui miserant, quam illorum,
cum quibus erat profectus. Chersoneso tali modo con- 4
stituta Lemnum revertitur et ex pacto postulat ut
sibi urbem tradant: [illi enim dixerant, cum vento
borea domo profectus eo pervenisset, sese dedituros]
se *enim* domum Chersonesi habere. Cares, qui tum 5
Lemnum incolebant, etsi praeter opinionem res ceci-
derat, tamen non dicto, sed secunda fortuna adver-
sariorum capti resistere ausi non sunt atque ex in-
sula demigrarunt. pari felicitate ceteras insulas, quae
Cyclades nominantur, sub Atheniensium redegit po-
testatem.

Eisdem temporibus Persarum rex Darius ex Asia 3
in Europam exercitu traiecto Scythis bellum inferre
decrevit. pontem fecit in Histro flumine, qua copias
traduceret. eius pontis, dum ipse abesset, custodes
reliquit principes, quos secum ex Ionia et Aeolide
duxerat, quibus singularum urbium perpetua dederat
imperia. sic enim facillime putavit se Graeca lingua 2
loquentes, qui Asiam incolerent, sub sua retenturum
potestate, si amicis suis oppida tuenda tradidisset,
quibus se oppresso nulla spes salutis relinqueretur.

in hoc fuit tum numero Miltiades [cui illa custodia
3 crederetur]. hic, cum crebri afferrent nuntii male rem
gerere Darium premique a Scythis, hortatus est pontis
custodes, ne a fortuna datam occasionem liberandae
4 Graeciae dimitterent. nam si cum iis copiis, quas
secum transportarat, interisset Darius, non solum Euro-
pam fore tutam, sed etiam eos, qui Asiam incolerent
Graeci genere, liberos a Persarum futuros dominatione
et periculo. id facile effici posse: ponte enim rescisso
regem vel hostium ferro vel inopia paucis diebus in-
5 teriturum. ad hoc consilium cum plerique accederent,
Hestiaeus Milesius, ne res conficeretur, obstitit, dicens
non idem ipsis, qui summas imperii tenerent, expe-
dire et multitudini, quod Darii regno ipsorum nite-
retur dominatio: quo exstincto ipsos potestate expulsos
civibus suis poenas daturus. itaque adeo se abhorrire
a ceterorum consilio, ut nihil putet ipsis utilius quam
6 confirmari regnum Persarum. huius cum sententiam
plurimi essent secuti, Miltiades non dubitans tam
multis consciis ad regis aures consilia sua perventura,
Chersonesum reliquit ac rursus Athenas demigravit.
cuius ratio etsi non valuit, tamen magno opere est
laudanda, cum amicior omnium libertati quam suae
fuerit dominationi.

4 Darius autem, cum ex Europa in Asiam redisset,
hortantibus amicis, ut Graeciam redigeret in suam
potestatem, classem quingentarum navium comparavit
eique Datim praefecit et Artaphernem iisque ducenta
peditum, decem equitum milia dedit, causam inter-
serens se hostem esse Atheniensibus, quod eorum
auxilio Iones Sardis expugnassent suaque praesidia
2 interfecissent. illi praefecti regii classe ad Euboeam
appulsa celeriter Eretriam ceperunt omnesque eius
gentis cives abreptos in Asiam ad regem miserunt.
inde ad Atticam accesserunt ac suas copias in cam-
pum Marathona deduxerunt. is abest ab oppido cir-
3 citer milia passuum decem. hoc tumultu Athenienses

tam propinquo tamque magno permoti auxilium nusquam nisi a Lacedaemoniis petiverunt Phidippumque cursorem eius generis, qui hemerodromoe vocantur, Lacedaemonem miserunt, ut nuntiaret quam celerrimo opus esse auxilio. domi autem creant decem praetores, qui exercitui praeessent, in eis Miltiadem. inter quos magna fuit contentio, utrum moenibus se defenderent an obviam irent hostibus acieque decernerent. unus 5 Miltiades maxime nitebatur, ut primo quoque tempore castra fierent: id si factum esset, et civibus animum accessurum, cum viderent de eorum virtute non desperari, et hostes eadem re fore tardiores, si animadverterent auderi adversus se tam exiguis copiis dimicari.

Hoc in tempore nulla civitas Atheniensibus auxilio 5 fuit praeter Plataeenses. ea mille misit militum. itaque horum adventu decem milia armatorum completa sunt, quae manus mirabili flagrabat pugnandi cupiditate. quo factum est ut plus quam collegae Miltiades valeret. eius ergo auctoritate impulsu Athenienses copias ex urbe eduxerunt locoque idoneo castra fecerunt. dein postero die sub montis radicibus acie 3 regione instructa non apertissima (namque arbores multis locis erant rariae) proelium commiserunt hoc consilio, ut et montium altitudine tegerentur et arborum tractu equitatus hostium impediretur [ne multitudine clauderentur]. Datis etsi non aequum locum 4 videbat suis, tamen fretus numero copiarum suarum configere cupiebat, eoque magis, quod, priusquam Lacedaemonii subsidio venirent, dimicare utile arbitrabatur. itaque in aciem peditum centum, equitum decem milia produxit proeliumque commisit. in quo 5 tanto plus virtute valuerunt Athenienses, ut decemplicem numerum hostium profligarint, adeoque eos perterruerunt, ut Persae non castra, sed naves petierint. qua pugna nihil adhuc exstitit nobilius: nulla enim umquam tam exigua manus tantas opes prostravit.

- 6 Cuius victoriae non alienum videtur quale prae-
mium Miltiadi sit tributum docere, quo facilius in-
tellegi possit eandem omnium civitatum esse naturam.
- 2 ut enim populi Romani honores quondam fuerunt rari
et tennes ob eamque causam gloriosi, nunc autem
effusi atque obsoleti, sic olim apud Athenienses fuisse
- 3 reperimus. namque huic Miltiadi, qui Athenas totam-
que Graeciam liberarat, talis honos tributus est, in
porticu, quae Poecile vocatur, cum pugna depingere-
tur Marathonia, ut in decem praetorum numero prima
eius imago poneretur isque hortaretur milites proe-
- 4 liumque committeret. idem ille populus, posteaquam
maius imperium est nactus et largitione magistratuum
corruptus est, trecentas statuas Demetrio Phalereo
decrevit.
- 7 Post hoc proelium classem septuaginta navium
Athenienses eidem Miltiadi dederunt, ut insulas, quae
barbaros adiuverant, bello persequeretur. quo *in* im-
perio plerasque ad officium redire coëgit, nonnullas
- 2 vi expugnavit. ex his Parum insulam opibus elatam
cum oratione reconciliare non posset, copias e navi-
bus eduxit, urbem operibus clausit omnique commeatu
privavit, dein vineis ac testudinibus constitutis pro-
pius muros accessit. cum iam in eo esset, ut oppido
- 3 potiretur, procul in continenti lucus, qui ex insula
conspiciebatur, nescio quo casu nocturno tempore in-
census est. cuius flamma ut ab oppidanis et oppugna-
toribus est visa, utrisque venit in opinionem signum
- 4 a classiariis regiis datum. quo factum est ut et Parii
a deditione deterrerentur et Miltiades, timens ne classis
regia adventaret, incensis operibus, quae statuerat, cum
totidem navibus atque erat profectus Athenas magna
- 5 cum offensione civium suorum rediret. accusatus ergo
est prodicionis, quod, cum Parum expugnare posset,
a rege corruptus infectis rebus discessisset. eo tem-
pore aeger erat vulneribus, quae in oppugnando oppido
acceperat. itaque cum ipse pro se dicere non posset,

verba fecit frater eius Stesagoras. causa cognita capitis 6
absolutus pecunia multatus est, eaque lis quinquaginta
talentis aestimata est, quantus in classem sumptus
factus erat. hanc pecuniam quod solvere in praesentia
non poterat, in vincla publica coniectus est ibique
diem obiit supremum.

Hic etsi crimine Pario est accusatus, tamen alia 8
causa fuit damnationis. namque Athenienses propter
Pisistrati tyrannidem, quae paucis annis ante fuerat,
nimiam civium suorum potentiam extimescebant. Mil- 2
tiades, multum in imperiis magistratibusque versatus,
non videbatur posse esse privatus, praesertim cum
consuetudine ad imperii cupiditatem trahi videretur.
nam in Chersoneso omnes illos quos habitarat annos 3
perpetuam obtinuerat dominationem tyrannusque fuerat
appellatus, sed iustus. non erat enim vi consecutus,
sed suorum voluntate, eamque potestatem bonitate re-
tinebat. omnes autem et dicuntur et habentur tyranni,
qui potestate sunt perpetua in ea civitate, quae liber-
tate usa est. sed in Miltiade erat cum summa huma- 4
nitas tum mira communitas, ut nemo tam humilis
esset, cui non ad eum aditus pateret; magna aucto-
ritas apud omnes civitates, nobile nomen, laus rei
militaris maxima. haec populus respiciens maluit illum
innoxium plecti quam se diutius esse in timore.

II. THEMISTOCLES.

Themistocles, Neocli filius, Atheniensis. huius 1
vitia ineuntis adulescentiae magnis sunt emendata vir-
tutibus, adeo ut anteferatur huic nemo, pauci pares
putentur. sed ab initio est ordiendus. pater eius 2
Neocles generosus fuit. is uxorem Acarnanam civem
duxit, ex qua natus est Themistocles. qui cum minus
esset probatus parentibus, quod et liberius vivebat et
rem familiarem neglegebat, a patre exheredatus est.

- 3 quae contumelia non fregit eum, sed erexit. nam cum iudicasset sine summa industria non posse eam extinguere, totum se dedit rei publicae, diligentius amicis famaeque serviens. multum in iudiciis privatis versabatur, saepe in contionem populi prodibat; nulla res maior sine eo gerebatur; celeriter quae opus erant
- 4 reperiebat, facile eadem oratione explicabat, neque minus in rebus gerendis promptus quam excogitandis erat, quod et de instantibus, ut ait Thucydides, verissime iudicabat et de futuris callidissime coniciebat. quo factum est ut brevi tempore illustraretur.
- 2 Primus autem gradus fuit capessendae rei publicae bello Corcyraeo: ad quod gerendum praetor a populo factus non solum praesenti bello, sed etiam
- 2 reliquo tempore ferocem orem reddidit civitatem. nam cum pecunia publica, quae ex metallis redibat, largitione magistratuum quotannis interiret, ille persuasit populo ut ea pecunia classis centum navium aedificaretur. qua celeriter effecta primum Corcyraeos fregit,
- 3 deinde maritimos praedones consecrando mare tutum reddidit. in quo cum divitiis ornavit, tum etiam peritissimos belli navalis fecit Athenienses. id quantae salutis fuerit universae Graeciae, bello cognitum est Persico. nam cum Xerxes et mari et terra bellum universae inferret Europae, cum tantis copiis eam invasit, quantas
- 5 neque ante nec postea habuit quisquam: huius enim classis mille et ducentarum navium longarum fuit, quam duo milia onerariarum sequebantur, terrestres autem exercitus septingenta peditum, equitum quadringenta milia fuerunt. cuius de adventu cum fama in Graeciam esset perlata et maxime Athenienses peti dicerentur propter pugnam Marathoniam, miserunt Delphos consultum, quidnam facerent de rebus suis. deliberantibus Pythia respondit, ut moenibus ligneis
- 7 se munirent. id responsum quo valeret cum intellegeret nemo, Themistocles persuasit consilium esse Apollinis, ut in naves se suaque conferrent: eum enim

a deo significari murum ligneum. tali consilio probato 8
addunt ad superiores totidem naves triremes suaque
omnia, quae moveri poterant, partim Salamina, partim
Troezena deportant: arcem sacerdotibus paucisque ma-
ioribus natu ad sacra procuranda tradunt, reliquum
oppidum relinquunt.

Huius consilium plerisque civitatibus displicebat 3
et in terra dimicari magis placebat. itaque missi sunt
delecti cum Leonida, Lacedaemoniorum rege, qui Ther-
mopylas occuparent longiusque barbaros progredi non
paterentur. ii vim hostium non sustinuerunt eoque
loco omnes interierunt. at classis communis Graeciae 2
trecentarum navium, in qua ducentae erant Athenien-
sium, primum apud Artemisium inter Euboeam con-
tinentemque terram cum classiariis regiis conflixit.
angustias enim Themistocles quaerebat, ne multitu-
dine circumiretur. hinc etsi pari proelio discesserant, 3
tamen eodem loco non sunt ausi manere, quod erat
periculum, ne, si pars navium adversariorum Euboeam
superasset, ancipiti premerentur periculo. quo factum 4
est ut ab Artemisio discederent et exadversum Athenas
apud Salamina classem suam constituerent.

At Xerxes Thermopylis expugnatis protinus ac- 4
cessit astu idque nullis defendentibus interfectis sacer-
dotibus, quos in arce invenerat, incendio delevit. cuius 2
flamma perterriti classiarii cum manere non auderent
et plurimi hortarentur, ut domos suas discederent
moenibusque se defenderent, Themistocles unus restitit
et universos pares esse posse aiebat, dispersos testa-
batur perituros, idque Eurybiadi, regi Lacedaemonio-
rum, qui tum summae imperii praeerat, fore affirmabat.
quem cum minus quam vellet moveret, noctu de ser- 3
vis suis quem habuit fidelissimum ad regem misit, ut
ei nuntiaret suis verbis, adversarios eius in fuga esse:
qui si discessissent, maiore cum labore et longinquiore 4
tempore bellum confecturum, cum singulos consecrari
cogeretur: quos si statim aggrederetur, brevi universos

oppressurum. hoc eo valebat, ut ingratiis ad depugnandum omnes cogerentur. hac re audita barbarus, nihil doli subesse credens, postridie alienissimo sibi loco, contra opportunissimo hostibus adeo angusto mari conflixit, ut eius multitudo navium explicari non potuerit. victus ergo est magis etiam consilio Themistocli quam armis Graeciae.

5 Hic etsi male rem gesserat, tamen tantas habebat reliquias copiarum, ut etiamtum iis opprimere posset hostes: iterum ab eodem gradu depulsus est. nam Themistocles, verens ne bellare perseveraret, certiores eum fecit id agi, ut pons, quem ille in Hellesponto fecerat, dissolveretur ac reditu in Asiam excluderetur, idque ei persuasit. itaque qua sex mensibus iter fecerat, eadem minus diebus triginta in Asiam reversus est seque a Themistocle non superatum, sed
3 conservatum iudicavit. sic unius viri prudentia Graecia liberata est Europaeque succubuit Asia. haec altera victoria, quae cum Marathonio possit comparari tropaeo. nam pari modo apud Salamina parvo numero navium maxima post hominum memoriam classis est devicta.

6 Magnus hoc bello Themistocles fuit neque minor in pace. cum enim Phalerico portu neque magno neque bono Athenienses uterentur, huius consilio triplex Piraei portus constitutus est iisque moenibus circumdatus, ut ipsam urbem dignitate aequiperaret,
2 utilitate superaret. idem muros Atheniensium restituit praecipuo suo periculo. namque Lacedaemonii causam idoneam nacti propter barbarorum excursionses, quae negarent oportere extra Peloponnesum ullam urbem muros habere, ne essent loca munita, quae hostes possiderent, Athenienses aedificantes prohibere sunt conati.
3 hoc longe alio spectabat atque videri volebant. Athenienses enim duabus victoriis, Marathonica et Salaminia, tantam gloriam apud omnes gentes erant consecuti, ut intellegerent Lacedaemonii de principatu

sibi cum iis certamen fore. quare eos quam infir- 4
missimos esse volebant. postquam autem audierunt
muros strui, legatos Athenas miserunt, qui id fieri
vetarent. his praesentibus desierunt ac se de ea re
legatos ad eos missuros dixerunt. hanc legationem 5
suscepit Themistocles et solus primo profectus est:
reliqui legati ut tum exirent, cum satis alti tuendo
muri exstructi viderentur, praecepit: interim omnes,
servi atque liberi, opus facerent neque ulli loco par-
cerent, sive sacer sive privatus esset sive publicus, et
undique, quod idoneum ad muniendum putarent, con-
gererent. quo factum est ut Atheniensium muri ex
sacellis sepulcrisque constarent.

Themistocles autem, ut Lacedaemonem venit, adire 7
ad magistratus noluit et dedit operam, ut quam lon-
gissime tempus duceret, causam interponens se colle-
gas exspectare. cum Lacedaemonii quererentur opus 2
nihilominus fieri eumque in ea re conari fallere, in-
terim reliqui legati sunt consecuti. a quibus cum
audisset non multum superesse munitionis, ad ephoros
Lacedaemoniorum accessit, penes quos summum erat
imperium, atque apud eos contendit falsa iis esse de-
lata: quare aequum esse illos viros bonos nobilesque
mittere [quibus fides haberetur], qui rem explorarent:
interea se obsidem retinerent. gestus est ei mos, tres 3
que legati functi summis honoribus Athenas missi
sunt. cum his collegas suos Themistocles iussit pro-
ficisci iisque praedixit, ut ne prius Lacedaemoniorum
legatos dimitterent quam ipse esset remissus. hos 4
postquam Athenas pervenisse ratus est, ad magistratus
senatumque Lacedaemoniorum adiit et apud eos liber-
rime professus est: Athenienses suo consilio, quod
communi iure gentium facere possent, deos publicos
suosque patrios ac penates, quo facilius ab hoste pos-
sent defendere, muris saepsisse neque in eo quod in-
utile esset Graeciae fecisse. nam illorum urbem [ut] 5
propugnaculum oppositum esse barbaris, apud quam

- 6 iam bis copias regias fecisse naufragium. Lacedaemonios autem male et iniuste facere, qui id potius intuerentur, quod ipsorum dominationi quam quod universae Graeciae utile esset. quare, si suos legatos recipere vellent, quos Athenas miserant, se remitterent, *cum* aliter illos numquam in patriam essent recepturi.
- 8 Tamen non effugit civium suorum invidiam. namque ob eundem timorem, quo damnatus erat Miltiades, testularum suffragiis e civitate eiectus Argos habitatum concessit. hic cum propter multas virtutes magna cum dignitate viveret, Lacedaemonii legatos Athenas miserunt, qui eum absentem accusarent, quod societatem cum rege Perse ad Graeciam opprimendam
- 2 fecisset. hoc crimine absens damnatus est. id ut audivit, quod non satis tutum se Argis videbat, Corcyram demigravit. ibi cum eius principes *insulae* animadvertisset timere, ne propter se bellum iis Lacedaemonii et Athenienses indicerent, ad Admetum, Molossum
- 4 regem, cum quo ei hospitium *non* erat, confugit. huc cum venisset et in praesentia rex abesset, quo maiore religione se receptum tueretur, filium eius parvulum arripuit et cum eo se in sacrarium, quod summa colebatur caerimonia, coniecit. inde non prius egressus est, quam rex eum data dextra in fidem reciperet,
- 5 quam praestitit. nam cum ab Atheniensibus et Lacedaemoniis exposceretur publice, supplicem non prodidit monuitque ut consuleret sibi: difficile enim esse in tam propinquo loco tuto eum versari. itaque Pydnam eum deduci iussit et quod satis esset praesidii
- 6 dedit. hic in navem omnibus ignotus nautis escendit. quae cum tempestate maxima Naxum ferretur, ubi tum Atheniensium erat exercitus, sensit Themistocles, si eo pervenisset, sibi esse pereundum. hac necessitate coactus domino navis, quis sit, aperit, multa pollicens, si se conservasset. at ille clarissimi viri captus misericordia diem noctemque procul ab insula in salo
- 7

navem tenuit in ancoris neque quemquam ex ea exire passus est. inde Ephesum pervenit ibique Themistoclem exponit. cui ille pro meritis postea gratiam rettulit.

Scio plerosque ita scripsisse, Themistoclem Xerxe 9 regnante in Asiam transisse. sed ego potissimum Thucydidi credo, quod *et* aetate proximus de iis, qui illorum temporum historiam reliquerunt, et eiusdem civitatis fuit. is autem ait ad Artaxerxen eum venisse atque his verbis epistulam misisse: 'Themistocles veni 2 ad te, qui plurima mala omnium Graiorum in domum tuam intuli, quamdiu mihi necesse fuit adversum patrem tuum bellare patriamque meam defendere. idem 3 multo plura bona feci, postquam in tuto ipse et ille in periculo esse coepit. nam cum in Asiam reverti vellet proelio apud Salamina facto, litteris eum certiore feci id agi ut pons, quem in Hellesponto fecerat, dissolveretur atque ab hostibus circumiretur: quo nuntio ille periculo est liberatus. nunc autem 4 confugi ad te exagitatus a cuncta Graecia, tuam petens amicitiam: quam si ero adeptus, non minus me bonum amicum habebis, quam fortem inimicum ille expertus est. te autem rogo, ut de iis rebus, quas tecum colloqui volo, annum mihi tempus des eoque transacto ad te venire patiaris.'

Huius rex animi magnitudinem admirans cupiens-10 que talem virum sibi conciliari veniam dedit. ille omne illud tempus litteris sermonique Persarum dedit: quibus adeo eruditus est, ut multo commodius dicatur apud regem verba fecisse, quam ii poterant, qui in Perside erant nati. hic cum multa regi esset pollicitus gratissimumque illud, si suis uti consiliis vellet, illum Graeciam bello oppressurum, magnis muneribus ab Artaxerxe donatus in Asiam rediit domiciliumque Magnesia sibi constituit. namque hanc urbem ei rex 3 donarat, his quidem verbis, quae ei panem praeberet (ex qua regione quinquagena talenta quotannis redi-

bant), Lampsacum autem, unde vinum sumeret, Myunta, ex qua obsonium haberet.

Huius ad nostram memoriam monumenta manserunt duo: sepulcrum prope oppidum, in quo est sepultus, statua in foro Magnesiae. de cuius morte multimodis apud plerosque scriptum est, sed nos eundem potissimum Thucydidem auctorem probamus, qui illum ait Magnesiae morbo mortuum neque negat fuisse famam, venenum sua sponte sumpsisse, cum se, quae regi de Graecia opprimenda pollicitus esset, praestare posse desperaret. idem ossa eius clam in Attica ab amicis sepulta, quoniam legibus non concederetur, quod proditiōnis esset damnatus, memoriae prodidit.

III. ARISTIDES.

1 Aristides, Lysimachi filius, Atheniensis, aequalis fere fuit Themistocli atque cum eo de principatu contendit: namque obtrectarunt inter se. in his autem
2 cognitum est, quanto antestaret eloquentia innocentiae. quamquam enim adeo excellebat Aristides abstinētia, ut unus post hominum memoriam, quem quidem nos audierimus, cognomine Iustus sit appellatus, tamen a Themistocle collabefactus testula illa
3 exilio decem annorum multatus est. qui quidem cum intellegeret reprimi concitatam multitudinem non posse, cedensque animadvertisset quendam scribentem, ut patria pelleretur, quaēsisse ab eo dicitur, quare id faceret aut quid Aristides commisisset, cur tanta poena dignus
4 duceretur. cui ille respondit se ignorare Aristiden, sed sibi non placere, quod tam cupide laborasset, ut
5 praeter ceteros Iustus appellaretur. hic decem annorum legitimam poenam non pertulit. nam postquam Xerxes in Graeciam descendit, sexto fere anno quam erat expulsus, populi scito in patriam restitutus est.
2 Interfuit autem pugnae navali apud Salamina,

quae facta est prius quam poena liberaretur. idem praetor fuit Atheniensium apud Plataeas in proelio, quo fusus barbarorum exercitus Mardoniusque interfectus est. neque aliud est ullum huius in re militari 2 illustre factum quam eius imperii memoria, iustitiae vero et aequitatis et innocentiae multa, in primis quod huius aequitate factum est, cum in communi classe esset Graeciae simul cum Pausania [quo duce Mardonius erat fugatus], ut summa imperii maritimi ab Lacedaemoniis transferretur ad Athenienses: namque 3 ante id tempus et mari et terra duces erant Lacedaemonii. tum autem et intemperantia Pausaniae et iustitia factum est Aristidis, ut omnes fere civitates Graeciae ad Atheniensium societatem se applicarent et adversus barbaros hos duces deligerent sibi.

Quos quo facilius repellerent, si forte bellum 3 renovare conarentur, ad classes aedificandas exercitusque comparandos quantum pecuniae quaeque civitas daret, Aristides delectus est qui constitueret, eiusque arbitrio quadringena et sexagena talenta quotannis Delum sunt collata: id enim commune aerarium esse voluerunt. quae omnis pecunia postero tempore Athenas translata est. hic qua fuerit abstinencia, nullum 2 est certius indicium quam *quod*, cum tantis rebus praefuisset, in tanta paupertate decessit, ut qui efferretur vix reliquerit. quo factum est ut filiae eius publice 3 alerentur et de communi aerario dotibus datis collocarentur. decessit autem fere post annum quartum quam Themistocles Athenis erat expulsus.

IV. PAUSANIAS.

Pausanias Lacedaemonius magnus homo, sed va- 1 rius in omni genere vitae fuit: nam ut virtutibus eluxit, sic vitiis est obrutus. huius illustrissimum est 2 proelium apud Plataeas. namque illo duce Mardonius,

- satrapes regius, natione Medus, regis gener, in primis omnium Persarum et manu fortis et consilii plenus, cum ducentis milibus peditum, quos viritim legerat, et viginti equitum haud ita magna manu Graeciae
3 fugatus est, eoque ipse dux cecidit proelio. qua victoria elatus plurima miscere coepit et maiora concupiscere. sed primum in eo est reprehensus, quod ex praeda tripodem aureum Delphis posuisset epigrammate inscripto, in quo haec erat sententia: suo ductu barbaros apud Plataeas esse deletos eiusque
4 victoriae ergo Apollini *id* donum dedisse. hos versus Lacedaemonii exsculpserunt neque aliud scripserunt quam nomina earum civitatum, quarum auxilio Persae erant victi.
- 2 Post id proelium eundem Pausaniam cum classe communi Cyprium atque Hellespontum miserunt, ut
2 ex iis regionibus barbarorum praesidia depelleret. pari felicitate in ea re usus elatius se gerere coepit maioresque appetere res. nam cum Byzantio expugnato cepisset complures Persarum nobiles atque in eis nonnullos regis propinquos, hos clam Xerxi remisit, simulans ex vinculis publicis effugisse, et cum iis Gongylum Eretriensem, qui litteras regi redderet, in quibus haec fuisse scripta Thucydides memoriae prodidit:
3 'Pausanias, dux Spartaee, quos Byzantii ceperat, postquam propinquos tuos cognovit, tibi muneri misit seque tecum affinitate coniungi cupit: quare, si tibi
4 videtur, des ei filiam tuam nuptum. id si feceris, et Spartam et ceteram Graeciam sub tuam potestatem se adiuvante *te* redacturum pollicetur. his de rebus si quid agere volueris, certum hominem ad eum mittas
5 face, cum quo colloquatur.' rex tot hominum salute tam sibi necessariorum magno opere gavisus confestim cum epistula Artabazum ad Pausaniam mittit, in qua eum collaudat *ac* petit, ne cui rei parcat ad ea efficienda, quae polliceretur: si perfecerit, nullius
6 rei a se repulsam laturum. huius Pausanias voluntate

cognita alacrior ad rem gerendam factus in suspicionem cecidit Lacedaemoniorum. quo facto domum revocatus, accusatus capitis absolvitur, multatur tamen pecunia, quam ob causam ad classem remissus non est.

At ille post non multo sua sponte ad exercitum 3 rediit et ibi non stolidus, sed dementi ratione cogitata patefecit: non enim mores patrios solum, sed etiam cultum vestitumque mutavit. apparatu regio utebatur, 2 veste Medica; satellites Medi et Aegyptii sequebantur; epulabatur more Persarum luxuriosius, quam qui aderant perpeti possent; aditum petentibus [conveniundi] 3 non dabat, superbe respondebat, crudeliter imperabat. Spartam redire nolebat; Colonas, qui locus in agro Troade est, se contulerat; ibi consilia cum patriae tum sibi inimica capiebat. id postquam Lacedaemonii 4 rescierunt, legatos cum clava ad eum miserunt, in qua more illorum erat scriptum: nisi domum reverteretur, se capitis eum damnaturos. hoc nuntio commotus, 5 sperans se etiamtum pecunia et potentia instans periculum posse depellere, domum rediit. huc ut venit, ab ephoris in vincla publica est coniectus: licet enim legibus eorum cuivis ephoro hoc facere regi. hinc tamen se expedivit, neque eo magis carebat suspicione: nam opinio manebat eum cum rege habere societatem. est genus quoddam hominum, quod Hilotae vocatur, 6 quorum magna multitudo agros Lacedaemoniorum colit servorumque munere fungitur. hos quoque sollicitare spe libertatis existimabatur. sed quod harum 7 rerum nullum erat apertum crimen, quo coargui posset, non putabant de tali tamque claro viro suspicionibus oportere iudicari et exspectandum, dum se ipsa res aperiret.

Interim Argilius quidam adolescentulus, quem 4 puerum Pausanias amore venerio dilexerat, cum epistulam ab eo ad Artabazum accepisset eique in suspensionem venisset aliquid in ea de se esse scriptum, quod nemo eorum redisset, qui [super tali causa]

- eodem missi erant, vincla epistulae laxavit signoque detracto cognovit, si pertulisset, sibi esse pereundum.
- 2 erant in eadem epistula quae ad ea pertinebant, quae inter regem Pausaniamque convenerant. has ille literas ephoris tradidit. non est praetereunda gravitas Lacedaemoniorum hoc loco. nam ne huius quidem indicio impulsus sunt ut Pausaniam comprehenderent, neque prius vim adhibendam putaverunt, quam se ipse
- 4 indicasset. itaque huic indici, quid fieri vellent, praeceperunt. fanum Neptuni est Taenari, quod violari nefas putant Graeci. eo ille [index] confugit in ara-que consedit. hanc iuxta locum fecerunt sub terra, ex quo posset exaudiri, si quis quid loqueretur cum
- 5 Argilio. huc ex ephoris quidam descenderunt. Pausanias, ut audivit Argilium confugisse in aram, perturbatus venit eo. quem cum supplicem dei videret in ara sedentem, quaerit, causae quid sit tam repentinum consilii. huic ille, quid ex litteris comperisset,
- 6 aperit. quo magis Pausanias perturbatus orare coepit, ne enuntiaret neu se meritum de illo optime proderet: quodsi eam veniam sibi dedisset tantisque implicatum rebus sublevasset, magno ei praemio futurum.
- 5 His rebus ephori cognitis satius putarunt in urbe eum comprehendi. quo cum essent profecti et Pausanias placato Argilio, ut putabat, Lacedaemonem reverteretur, in itinere, cum iam in eo esset ut comprehenderetur, ex vultu cuiusdam ephori, qui eum
- 2 admoneri cupiebat, insidias sibi fieri intellexit. itaque paucis ante gradibus, quam qui eum sequebantur, in aedem Minervae, quae Chalccioicos vocatur, confugit. hinc ne exire posset, statim ephori valvas eius aedis obstruxerunt tectumque sunt demoliti, quo celerius
- 3 sub divo interiret. dicitur eo tempore matrem Pausaniae vixisse eamque iam magno natu, postquam de scelere filii comperit, in primis ad filium claudendum
- 4 lapidem ad introitum aedis attulisse. hic cum semianimis de templo elatus esset, confestim animam effla-

vit. sic Pausanias magnam belli gloriam turpi morte maculavit. cuius mortui corpus cum eodem nonnulli 5 dicerent inferri oportere, quo ii qui ad supplicium essent dati, displicuit pluribus, et procul ab eo loco infoderunt, quo erat mortuus. inde posterius *dei Delphici* responso erutus atque eodem loco sepultus *est*, ubi vitam posuerat.

V. CIMON.

Cimon, Miltiadis filius, Atheniensis, duro admodum 1 initio usus est adulescentiae. nam cum pater eius litem aestimatam populo solvere non potuisset ob eamque causam in vinclis publicis decessisset, Cimon eadem custodia tenebatur neque legibus Atheniensium 2 emitte poterat, nisi pecuniam, qua pater multatus erat, solvisset. habebat autem in matrimonio sororem germanam suam, nomine Elpinicen, non magis amore quam more ductus: namque Atheniensibus licet eodem patre natas uxores ducere. huius coniugii cupidus 3 Callias quidam, non tam generosus quam pecuniosus, qui magnas pecunias ex metallis fecerat, egit cum Cimone ut eam sibi uxorem daret: id si impetrasset, se pro illo pecuniam soluturum. is cum talem con- 4 dicionem aspernaretur, Elpinice negavit se passuram Miltiadis progeniem in vinclis publicis interire, quoniam prohibere posset, seque Calliae nupturam, si ea quae polliceretur praestitisset.

Tali modo custodia liberatus Cimon celeriter ad 2 principatum pervenit. habebat enim satis eloquentiae, summam liberalitatem, magnam prudentiam cum iuris civilis tum rei militaris, quod cum patre a puero in exercitiis fuerat versatus. itaque hic et populum urbanum in sua tenuit potestate et apud exercitum plurimum valuit auctoritate. primum imperator apud 2 flumen Strymona magnas copias Thraecum fugavit,

oppidum Amphipolim constituit eoque decem milia
 Atheniensium in coloniam misit. idem iterum *impe-*
rator apud Mycalen Cypriorum et Phoenicum ducen-
 3 tarum navium classem devictam cepit eodemque die
 pari fortuna in terra usus est. namque hostium na-
 vibus captis statim ex classe copias suas eduxit bar-
 barorumque maximam vim uno concursu prostravit.
 4 qua victoria magna praeda potitus cum domum re-
 verteretur, quod iam nonnullae insulae propter acer-
 bitatem imperii defecerant, bene animatas confirmavit,
 5 alienatas ad officium redire coëgit. Scyrum, quam eo
 tempore Dolopes incolebant, quod contumacius se ges-
 serant, vacuefecit, possessores veteres urbe insulaque
 eiecit, agros civibus divisit. Thasios opulentia fretos
 suo adventu fregit. his ex manubiis arx Athenarum,
 qua ad meridiem vergit, est ornata.

3 Quibus rebus cum unus in civitate maxime flo-
 reret, incidit in eandem invidiam quam pater suus
 ceterique Atheniensium principes: nam testarum suf-
 fragiis [quod illi ὀτρρακικὸν vocant] decem annorum
 2 exilio multatus est. cuius facti celerius Athenienses
 quam ipsum paenituit. nam cum ille animo forti in-
 vidiae ingratorum civium cessisset bellumque Lace-
 daemonii Atheniensibus indixissent, confestim notae
 3 eius virtutis desiderium consecutum est. itaque post
 annum quintum, quam expulsus erat, in patriam re-
 vocatus est. ille, quod hospitio Lacedaemoniorum
 utebatur, satius existimans *Graeciae civitates de contro-*
versiis suis inter se iure disceptare quam armis conten-
 dere, Lacedaemonem sua sponte est profectus pacem-
 4 que inter duas potentissimas civitates conciliavit. post,
 neque ita multo, Cyprum cum ducentis navibus im-
 perator missus, cum eius maiorem partem insulae
 devicisset, in morbum implicitus in *oppugnando* oppido
 Citio est mortuus.

4 Hunc Athenienses non solum in bello, sed etiam
 in pace diu desideraverunt. fuit enim tanta liberalitate,

bus dux deligatur ad bellum gerendum, sed *sic* scripta, ut deum videretur congruere sententiae, quam ille se habiturum pecunia fidens non dubitarat. hanc ei scripsisse Cleon Halicarnasius dicitur.

Atque hoc loco non est praetereundum factum 4
Pharnabazi, satrapis regii. nam cum Lysander prae-
fectus classis in bello multa crudeliter avareque fe-
cisset deque iis rebus suspicaretur ad cives suos esse
perlatum, petiit a Pharnabazo ut ad ephoros sibi testi-
monium daret, quanta sanctitate bellum gessisset so-
ciosque tractasset, deque ea re accurate scriberet:
magnam enim eius auctoritatem in ea re futuram.
huic ille liberaliter pollicetur: librum grandem verbis 2
multis conscripsit, in quibus summis eum effert lau-
dibus. quem cum *hic* legisset probassetque, dum signa-
tur, alterum pari magnitudine *et* tanta similitudine, ut
discerni non posset, signatum subiecit, in quo accura-
tissime eius avaritiam perfidiamque accusarat. Lysander 3
domum cum redisset, postquam de suis rebus gestis
apud maximum magistratum quae voluerat dixerat,
testimonii loco librum a Pharnabazo datum tradidit.
hunc summoto Lysandro cum ephori cognossent, ipsi
legendum dederunt. ita ille imprudens ipse suus fuit
accusator.

VII. ALCIBIADES.

Alcibiades, Cliniae filius, Atheniensis. in hoc na- 1
tura quid efficere possit videtur experta. constat
enim inter omnes, qui de eo memoriae prodiderunt,
nihil illo fuisse excellentius vel in vitiis, vel in vir-
tutibus. natus in amplissima civitate summo genere, 2
omnium aetatis suae multo formosissimus, dives; ad
omnes res aptus consiliique plenus (namque imperator
fuit summus et mari et terra); disertus, ut in primis
dicendo valeret, quod tanta erat commendatio oris

3 atque orationis, ut nemo ei posset resistere; cum tem-
 pus posceret, laboriosus, patiens; liberalis, splendidus
 non minus in vita quam victu; affabilis, blandus, tem-
 4 poribus callidissime serviens: idem, simulac se re-
 miserat neque causa suberat quare animi laborem
 perferret, luxuriosus, dissolutus, libidinosus, intem-
 perans reperiebatur, ut omnes admirarentur in uno
 homine tantam esse dissimilitudinem tamque diversam
 naturam.

2 Educatus est in domo Pericli (privignus enim eius
 fuisse dicitur), eruditus a Socrate. socerum habuit
 Hipponicum, omnium Graeca lingua loquentium di-
 tissimum, ut, si ipse fingere vellet, neque plura bona
 eminisci neque maiora posset consequi, quam vel na-
 2 tura vel fortuna tribuerat. ineunte adulescentia amatus
 est a multis more Graecorum, in eis a Socrate, de
 quo mentionem facit Plato in symposio. namque eum
 induxit commemorantem se pernoctasse cum Socrate
 neque aliter ab eo surrexisse, ac filius a parente de-
 3 buerit. posteaquam robustior est factus, non minus
 multos amavit, in quorum amore, quoad licitum est
 odiosa, multa delicate iocoseque fecit: quae referremus,
 nisi maiora potiora haberemus.

3 Bello Peloponnesio huius consilio atque auctori-
 tate Athenienses bellum Syracusanis indixerunt. ad
 quod gerendum ipse dux delectus est, duo praeterea
 2 collegae dati, Nicia et Lamachus. id cum appareretur,
 prius quam classis exiret, accidit ut una nocte omnes
 Hermae, qui in oppido erant Athenis, deicerentur
 praeter unum, qui ante ianuam erat Andocidi (itaque
 3 ille postea Mercurius Andocidi vocitatus est). hoc
 cum appareret non sine magna multorum consensione
 esse factum, quae non ad privatam, sed ad publicam
 rem pertineret, magnus multitudini timor est iniectus,
 ne qua repentina vis in civitate existeret, quae liber-
 4 tatem opprimeret populi. hoc maxime convenire in
 Alcibiadem videbatur, quod et potentior et maior quam

cum compluribus locis praedia hortosque haberet, ut numquam in eis custodem posuerit fructus servandi gratia, ne quis impediretur, quominus eis rebus quibus quisque vellet frueretur. semper eum pedisequi 2 cum nummis sunt secuti, ut, si quis opis eius indigeret, haberet quod statim daret, ne differendo videretur negare. saepe, cum aliquem offensum fortunae videret minus bene vestitum, suum amiculum dedit. cottidie sic cena ei coquebatur, ut, quos invocatos 3 vidisset in foro, omnes ad se vocaret, quod facere nullo die praetermittebat. nulli fides eius, nulli opera, nulli res familiaris defuit: multos locupletavit, complures pauperes [mortuos], qui unde efferrentur non reliquissent, suo sumptu extulit. sic se gerendo mi- 4 nime est mirandum, si et vita eius fuit segura et mors acerba.

VI. LYSANDER.

Lysander Lacedaemonius magnam reliquit sui 1 famam, magis felicitate quam virtute partam: Athenienses enim *adversus* Peloponnesios bellum gerentes sexto et vicesimo anno confecisse apparet, *neque* id 2 qua ratione consecutus sit latet: non enim virtute sui exercitus, sed immodestia factum est adversariorum, qui, quod dicto audientes imperatoribus suis non erant, dispalati in agris relictis navibus in hostium venerunt potestatem. quo facto Athenienses se Lacedaemoniis dediderunt. hac victoria Lysander elatus, cum antea 3 semper factiosus audaxque fuisset, sic sibi indulisit, ut eius opera in maximum odium Graeciae Lacedaemonii pervenerint. nam cum hanc causam Lacedae- 4 monii dictitassent sibi esse belli, ut Atheniensium impotentem dominationem refringerent, postquam apud Aegos flumen Lysander classis hostium est potitus, nihil aliud molitus est quam ut omnes civitates in

sua teneret potestate, cum id se Lacedaemoniorum
5 causa facere simularet. namque undique, qui Athenien-
sium rebus studuissent, eiectis decem delegerat in una
quaque civitate, quibus summum imperium potestatem-
que omnium rerum committeret. horum in numerum
nemo admittebatur, nisi qui aut eius hospitio con-
tineretur aut se illius fore proprium fide confirmarat.

2 Ita decemvirali potestate in omnibus urbibus con-
stituta ipsius nutu omnia gerebantur. cuius de cru-
delitate ac perfidia satis est unam rem exempli gratia
proferre, ne de eodem plura enumerando defatigemus
2 lectores. victor ex Asia cum reverteretur Thasumque
devertisset, quod ea civitas praecipua fide fuerat erga
Athenienses, proinde ac si *non* iidem firmissimi sole-
rent esse amici, qui constantes fuissent inimici, per-
3 vertere eam concupivit. vidit autem, nisi in eo occul-
tasset voluntatem, futurum ut Thasii dilaberentur
consulerentque rebus suis * * *

3 Itaque ii decemviralem potestatem ab illo con-
stitutam sustulerunt. quo dolore incensus iniit con-
silia reges Lacedaemoniorum tollere. sed sentiebat id
se sine ope deorum facere non posse, quod Lacedae-
2 monii omnia ad oracula referre consueverant. primum
Delphicum corrumpere est conatus. cum id non po-
tuisset, Dodonaeanum adortus est. hinc quoque repulsus
dixit se vota suscepisse, quae Iovi Hammoni solveret,
3 existimans se Afros facilius corrupturum. hac spe
cum profectus esset in Africam, multum eum anti-
stites Iovis fefellerunt. nam non solum corrumpi non
potuerunt, sed etiam legatos Lacedaemonem miserunt,
qui Lysandrum accusarent, quod sacerdotes fani cor-
4 rumpere conatus esset. accusatus hoc crimine iudicum-
que absolutus sententiis, Orchomeniis missus subsidio
5 occisus est a Thebanis apud Haliartum. quam vere
de eo *secus* foret iudicatum, oratio indicio fuit, quae
post mortem in domo eius reperta est, in qua suadet
Lacedaemoniis, ut regia potestate dissoluta ex omni-

quae captae in hostium venerant potestatem. Alci- 6
biades simul cum collegis receperat Ioniam, Hellespon-
tum, multas praeterea urbes Graecas, quae in ora sitae
sunt Thraeciae, quarum expugnarant complures, in eis
Byzantium, neque minus multas consilio ad amicitiam
adiunxerant, quod in captos clementia fuerant usi. ita 7
praeda onusti, locupletato exercitu, maximis rebus gestis
Athenas venerunt.

His cum obviam universa civitas in Piraeum de- 6
scendisset, tanta fuit omnium exspectatio visendi Al-
cibiadis, ut ad eius triremem vulgus conflueret, proinde
ac si solus advenisset. sic enim populo erat persua- 2
sum, et adversas superiores et praesentes secundas
res accidisse eius opera. itaque et *exercitum in* Sicilia
amissum et Lacedaemoniorum victorias culpaе suae
tribuebant, quod talem virum e civitate expulissent.
neque id sine causa arbitrari videbantur. nam post-
quam exercitui praeesse coeperat, neque terra neque
mari hostes pares esse potuerant. hic ut e navi egres- 3
sus est, quamquam Theramenes et Thrasybulus eisdem
rebus praefuerant simulque venerant in Piraeum, tamen
unum omnes illum prosequabantur, et, id quod num-
quam antea usu venerat nisi Olympiae victoribus, co-
ronis laureis taeniisque vulgo donabatur. ille lacrimans
talem benivolentiam civium suorum accipiebat, remi-
niscens pristini temporis acerbitatem. postquam *in* 4
astu venit, contione advocata sic verba fecit, ut nemo
tam ferus fuerit, quin eius casui illacrimarit inimi-
cumque iis se ostenderit, quorum opera patria pulsus
fuerat, proinde ac si alius populus, non ille ipse qui
tum flebat, eum sacrilegii damnasset. restituta ergo 5
huic sunt publice bona, eidemque illi Eumolpidae
sacerdotes rursus resacrare sunt coacti, qui eum de-
voverant, pilaeque illae, in quibus devotio fuerat scripta,
in mare praecipitatae.

Haec Alcibiadi laetitia non nimis fuit diuturna. 7
nam cum ei omnes essent honores decreti totaque res

- publica domi bellicue tradita, ut unius arbitrio gereretur, et ipse postulasset ut duo sibi collegae darentur, Thrasybulus et Adimantus, neque id negatum esset, classe in Asiam profectus, quod apud Cymen minus ex sententia rem gesserat, in invidiam recidit:
- 2 nihil enim eum non efficere posse ducebant. ex quo fiebat ut omnia minus prospere gesta culpae tribuerent, cum aut eum neglegenter aut malitiose fecisse loquerentur, sicut tum accidit: nam corruptum a rege
- 3 capere Cymen noluisse arguebant. itaque huic maxime putamus malo fuisse nimiam opinionem ingenii atque virtutis: timebatur enim non minus quam diligebatur, ne secunda fortuna magnisque opibus elatus tyrannidem concupisceret. quibus rebus factum est ut absenti magistratum abrogarent et alium in eius locum
- 4 substituerent. id ille ut audivit, domum reverti noluit et se Pactyen contulit ibique tria castella communiit, Ornos, Bizanthen, Neontichos, manuque collecta primus Graecae civitatis in Thraeciam introiit, gloriosius existimans barbarorum praeda locupletari quam
- 5 Graiorum. qua ex re creverat cum fama tum opibus, magnamque amicitiam sibi cum quibusdam regibus Thraeciae pepererat.
- 8 Neque tamen a caritate patriae potuit recedere. nam cum apud Aegos flumen Philocles, praetor Atheniensium, classem constituisset suam neque longe abesset Lysander, praetor Lacedaemoniorum, qui in eo erat occupatus ut bellum quam diutissime duceret, quod ipsis pecunia a rege suppeditabatur, contra Atheniensibus exhaustis praeter arma et naves nihil erat
- 2 super, Alcibiades ad exercitum venit Atheniensium ibique praesente vulgo agere coepit: si vellent, se coacturum Lysandrum dimicare aut pacem petere [spondit]; Lacedaemonios eo nolle classe configere, quod
- 3 pedestribus copiis plus quam navibus valerent; sibi autem esse facile Seuthem, regem Thraecum, adducere ut eum terra depelleret: quo facto necessario aut classe

privatus existimabatur: multos enim liberalitate devin-
xerat, plures etiam opera forensi suos reddiderat. qua 5
re fiebat ut omnium oculos, quotienscumque in publi-
cum prodisset, ad se converteret neque ei par quis-
quam in civitate poneretur. itaque non solum spem
in eo habebant maximam, sed etiam timorem, quod
et obesse plurimum et prodesse poterat. aspergebatur 6
etiam infamia, quod in domo sua facere mysteria dice-
batur (quod nefas erat more Atheniensium) idque non
ad religionem, sed ad coniurationem pertinere existi-
mabatur.

Hoc crimine in contione ab inimicis compella- 4
batur. sed instabat tempus ad bellum proficiscendi.
id ille intuens neque ignorans civium suorum con-
suetudinem postulabat, si quid de se agi vellent, potius
de praesente quaestio haberetur, quam absens invidiae
crimine accusaretur. inimici vero eius quiescendum 2
in praesenti, quia noceri *ei* non posse intellegebant,
et illud tempus expectandum decreverunt, quo *classis*
exisset, ut absentem aggrederentur, itaque fecerunt.
nam postquam in Siciliam eum pervenisse crediderunt, 3
absentem, quod sacra violasset, reum fecerunt. qua
de re cum ei nuntius a magistratu in Siciliam missus
esset, ut domum ad causam dicendam rediret, esset-
que in magna spe provinciae bene administrandae,
non parere noluit et in triremem, quae ad eum erat
deportandum missa, ascendit. hac Thurios in Italiam 4
pervectus, multa secum reputans de immoderata ci-
vium suorum licentia crudelitateque erga nobiles, uti-
simum ratus impendentem evitare tempestatem, clam
se ab custodibus subduxit et inde primum Elidem,
dein Thebas venit. postquam autem se capitis dam- 5
natum bonis publicatis audivit, et, id quod *numquam*
antea usu venerat, Eumolpidas sacerdotes a populo
coactos ut se devoverent, eiusque devotionis quo testa-
tior esset memoria, exemplum in pila lapidea incisum
esse positum in publico, Lacedaemonem demigravit.

6 ibi, ut ipse praedicare consuerat, non adversus patriam, sed inimicos suos bellum gessit, qui eidem hostes essent civitati: nam cum intellegerent se plurimum prodesse posse rei publicae, ex ea eiecisse plusque
7 irae suae quam utilitati communi paruisse. itaque huius consilio Lacedaemonii cum Perse rege amicitiam fecerunt, dein Deceleam in Attica munierunt praesidioque ibi perpetuo posito in obsidione Athenas tenuerunt. eiusdem opera Ioniam a societate averterunt Atheniensium. quo facto multo superiores bello esse coeperunt.

5 Neque vero his rebus tam amici Alcibiadi sunt facti quam timore ab eo alienati. nam cum acerrimi viri praestantem prudentiam in omnibus rebus cognoscerent, pertimuerunt ne caritate patriae ductus aliquando ab ipsis descisceret et cum suis in gratiam rediret. itaque tempus eius interficiundi quaerere instituerunt. id Alcibiades diutius celari non potuit: erat enim ea sagacitate, ut decipi non posset, praesertim cum animum attendisset ad cavendum. itaque ad Tissaphernem, praefectum regis Darii, se contulit.
2 cuius cum in intimam amicitiam pervenisset et Atheniensium male gestis in Sicilia rebus opes senescere, contra Lacedaemoniorum crescere videret, initio cum Pisandro praetore, qui apud Samum exercitum habebat, per internuntios colloquitur et de reditu suo facit mentionem. is erat enim eodem quo Alcibiades sensu, populi potentiae non amicus et optimatum fautor.
4 ab hoc destitutus primum per Thrasybulum, Lyci filium, ab exercitu recipitur praetorque fit apud Samum, post suffragante Theramene populi scito restituitur parique absens imperio praeficitur simul cum Thrasy-
5 bulo et Theramene. horum in imperio tanta commutatio rerum facta est, ut Lacedaemonii, qui paulo ante victores viguerant, perterriti pacem peterent. victi enim erant quinque proeliis terrestribus, tribus navalibus, in quibus ducentas naves triremes amiserant,

conflicturum aut bellum compositurum. id etsi vere 4
dictum Philocles animadvertibat, tamen postulata facere noluit, quod sentiebat se Alcibiade recepto nullius momenti apud exercitum futurum et, si quid secundi evenisset, nullam in ea re suam partem fore, contra ea, si quid adversi accidisset, se unum eius delicti futurum reum. ab hoc discedens Alcibiades 5
'quoniam' inquit 'victoriae patriae repugnas, illud moneo, ne iuxta hostem castra habeas nautica: periculum est enim, ne immodestia militum vestrorum occasio detur Lysandro vestri opprimendi exercitus'. neque 6
ea res illum fefellit. nam Lysander, cum per speculatores comperisset vulgum Atheniensium in terram praedatum exisse navesque paene inanes relictas, tempus rei gerendae non dimisit eoque impetu bellum totum delevit.

At Alcibiades, victis Atheniensibus non satis tuta 9
eadem loca sibi arbitrans, penitus in Thraeciam se supra Propontidem abdidit, sperans ibi facillime suam fortunam oculi posse. falso. nam Thraeces, postquam 2
eum cum magna pecunia venisse senserunt, insidias fecerunt eaque quae apportarat abstulerunt, ipsum capere non potuerunt. ille cernens nullum locum sibi 3
tutum in Graecia propter potentiam Lacedaemoniorum ad Pharnabazum in Asiam transiit, quem quidem adeo sua cepit humanitate, ut eum nemo in amicitia antecederet. namque ei Grynium dederat, in Phrygia castrum, ex quo quinquagena talenta vectigalis capiebat. qua fortuna Alcibiades non erat contentus neque 4
Athenas victas Lacedaemoniis servire poterat pati. itaque ad patriam liberandam omni ferebatur cogitatione. sed videbat id sine rege Perse non posse 5
fieri, ideoque eum amicum sibi cupiebat adiungi neque dubitabat facile se consecuturum, si modo eius conveniundi habuisset potestatem. nam Cyrum fratrem ei bellum clam parare Lacedaemoniis adiuvantibus sciebat: id si aperuisset, magnam se initurum gratiam videbat.

- 10 Hoc cum moliretur peteretque a Pharnabazo, ut ad regem mitteretur, eodem tempore Critias ceterique tyranni Atheniensium certos homines ad Lysandrum in Asiam miserant, qui eum certiores facerent, nisi Alcibiadem sustulisset, nihil earum rerum fore ratum, quas ipse Athenis constituisset: quare, si suas res
2 gestas manere vellet, illum persequeretur. his Laco rebus commotus statuit accuratius sibi agendum cum Pharnabazo. huic ergo renuntiat quae regi cum Lacedaemoniis convenissent, nisi Alcibiadem vivum aut
3 mortuum sibi tradidisset. non tulit hoc satrapes et violare clementiam quam regis opes minui maluit. itaque misit Susamithren et Bagaeum ad Alcibiadem interficiendum, cum ille esset in Phrygia iterque ad
4 regem compararet. missi clam vicinitati, in qua tum Alcibiades erat, dant negotium ut eum interficiant. illi cum ferro aggredi non auderent, noctu ligna contulerunt circa casam eam, in qua quiescebat, eaque succenderunt, ut incendio conficerent, quem manu superari posse diffidebant. ille autem ut sonitu flammae est excitatus, etsi gladius ei erat subductus, familiaris sui subalare telum eripuit. namque erat cum eo quidam ex Arcadia hospes, qui numquam discedere voverat. hunc sequi se iubet et id quod in praesentia vestimentorum fuit arripit. his in ignem coniectis
5 flammae vim transiit. quem ut barbari incendium effugisse viderunt, telis eminus missis interfecerunt caputque eius ad Pharnabazum rettulerunt. at mulier, quae cum eo vivere consuevit, muliebri sua veste connectum aedificii incendio mortuum cremavit, quod ad vivum interimendum erat comparatum. sic Alcibiades annos circiter quadraginta natus diem obiit supremum.
- 11 Hunc infamatum a plerisque tres gravissimi historici summis laudibus extulerunt: Thucydides, qui eiusdem aetatis fuit, Theopompus, post aliquanto natus, et Timaeus: qui quidem duo maledicentissimi nescio
2 quo modo in illo uno laudando consentiunt. namque

ea, quae supra scripsimus, de eo praedicarunt atque hoc amplius: cum Athenis, splendidissima civitate, natus esset, omnes splendore ac dignitate superasse vitae; postquam inde expulsus Thebas venerit, adeo 3 studiis eorum inservisse, ut nemo eum labore corporisque viribus posset aequiperare (omnes enim Boeoti magis firmitati corporis quam ingenii acumini serviunt); eundem apud Lacedaemonios, quorum moribus summa 4 virtus in patientia ponebatur, sic duritiae se dedisse, ut parsimonia victus atque cultus omnes Lacedaemonios vinceret; fuisse apud Thraecas, homines vinolentos rebusque veneriis deditos: hos quoque in his rebus antecessisse; venisse ad Persas, apud quos summa laus 5 esset fortiter venari, luxuriose vivere: horum sic imitatum consuetudinem, ut illi ipsi eum in his maxime admirarentur. quibus rebus effecisse ut, apud quos 6 cumque esset, princeps poneretur habereturque carissimus. sed satis de hoc: reliquos ordiamur.

VIII. THRASYBULUS.

Thrasybulus, Lyci filius, Atheniensis. si per se 1 virtus sine fortuna ponderanda est, dubito an hunc primum omnium ponam. illud sine dubio: neminem huic praefero fide, constantia, magnitudine animi, in patriam amore. nam quod multi voluerunt paucique 2 potuerunt, ab uno tyranno patriam liberare, huic contigit ut a triginta oppressam tyrannis e servitute in libertatem vindicaret. sed nescio quo modo, cum eum 3 nemo anteiret his virtutibus, multi nobilitate praecurrerunt. primum Peloponnesio bello multa hic sine Alcibiade gessit, ille nullam rem sine hoc: quae ille universa naturali quodam bono fecit lucri. sed 4 illa tamen omnia communia imperatoribus cum militibus et fortuna, quod in proelii concursu abit res a consilio ad vices rerum virtutemque pugnantium. ita-

que iure suo nonnulla ab imperatore miles, plurima vero fortuna vindicat seque his plus valuisse vere
 5 potest praedicare. *verum* illud magnificentissimum factum proprium est Thrasybuli. nam cum triginta tyranni praepositi a Lacedaemoniis servitute oppres-
 sas tenerent Athenas, plurimos cives, quibus in bello parserat fortuna, partim patria expulissent partim interfecissent, plurimorum bona publicata inter se di-
 visissent, non solum princeps, sed etiam solus initio bellum iis indixit.

2 Hic enim cum Phylon confugisset, quod est castellum in Attica munitissimum, non plus habuit secum triginta de suis. hoc initium fuit salutis Atti-
 2 corum, hoc robur libertatis clarissimae civitatis. neque vero hic non contemptus est primo a tyrannis atque eius solitudo. quae quidem res et [illis] contemnentibus perniciiei et [huic] despecto saluti fuit: etenim illos segnes ad persequendum, hos autem tem-
 3 pore ad comparandum dato fecit robustiores. quo magis praeceptum illud omnium in animis esse debet, nihil in bello oportere contemni, neque sine causa
 4 dicitur matrem timidi flere non solere. neque tamen pro opinione Thrasybuli auctae sunt opes: nam iam [tum] illis temporibus fortius boni pro libertate lo-
 5 quebantur quam pugnabant. hinc in Piraeum transiit Munichiamque munivit. hanc bis tyranni oppugnare sunt adorti, ab eaque turpiter repulsi protinus in
 6 urbem armis impedimentisque amissis refugerunt. usus est Thrasybulus non minus prudentia quam fortitudine. nam cedentes violari vetuit (cives enim civibus parcere aequum censebat), neque quisquam est vulneratus nisi qui prior impugnare voluit. neminem iacentem veste spoliavit, nil attigit nisi arma, quorum indige-
 7 bat, quaeque ad victum pertinebant. in secundo proelio cecidit Critias, dux tyrannorum, cum quidem adversus Thrasybulum fortissime pugnaret.

3 Hoc deiecto Pausanias venit Atticis auxilio, rex

Lacedaemoniorum. is inter Thrasybulum et eos, qui urbem tenebant, fecit pacem his condicionibus: ne qui praeter triginta tyrannos et decem, qui postea praetores creati superioris more crudelitatis erant usi, afficerentur exilio neve bona publicarentur: rei publicae procuratio populo redderetur. praeclarum hoc 2 quoque Thrasybuli, quod reconciliata pace, cum plurimum in civitate posset, legem tulit, ne quis ante actarum rerum accusaretur neve multaretur, eamque illi oblivionis appellarunt. neque vero hanc tantum 3 ferendam curavit, sed etiam ut valeret effecit. nam cum quidam ex iis, qui simul cum eo in exilio fuerant, caedem facere eorum vellent, cum quibus in gratiam reditum erat publice, prohibuit et id quod pollicitus erat praestitit.

Huic pro tantis meritis honoris *causa* corona a 4 populo data est, facta duabus virgulis oleagineis. quam quod amor civium et non vis expresserat, nullam habuit invidiam magnaue fuit gloria. bene ergo Pit- 2 tacus ille, qui in septem sapientum numero est habitus, cum Mytilenaei multa milia iugerum agri ei muneri darent, 'nolite, oro vos,' inquit 'id mihi dare, quod multi invideant, plures etiam concupiscant. quare ex istis nolo amplius quam centum iugera, quae et meam animi aequitatem et vestram voluntatem indicent.' nam parva munera diutina, locupletia non propria esse consuerunt. illa igitur corona contentus 3 Thrasybulus neque amplius requisivit neque quemquam honore se antecessisse existimavit. hic sequenti 4 tempore, cum praetor classem ad Ciliciam appulisset neque satis diligenter in castris eius agerentur vigiliae, a barbaris ex oppido noctu eruptione facta in tabernaculo interfectus est.

IX. CONON.

- 1 Conon Atheniensis Peloponnesio bello accessit ad rem publicam, in eoque eius opera magni fuit. nam et praetor pedestribus exercitibus praefuit et praefectus classis magnas mari *res* gessit. quas ob causas praecipuus ei honos habitus est. namque omnibus unus insulis praefuit, in qua potestate Pheras cepit,
- 2 coloniam Lacedaemoniorum. fuit etiam extremo Peloponnesio bello praetor, cum apud Aegos flumen copiae Atheniensium ab Lysandro sunt devictae. sed tum afuit, eoque peius res administrata est: nam et prudens
- 3 rei militaris et diligens erat imperator. itaque nemini erat iis temporibus dubium, si affuisset, illam Athenienses calamitatem accepturos non fuisse.
- 2 Rebus autem afflictis, cum patriam obsideri audisset, non quaesivit, ubi ipse tuto viveret, sed unde praesidio posset esse civibus suis. itaque contulit se ad Pharnabazum, satrapem Ioniae et Lydiae eundemquem generum regis et propinquum: apud quem ut multum gratia valeret, multo labore multisque effecit
- 2 periculis. nam cum Lacedaemonii Atheniensibus devictis in societate non manerent, quam cum Artaxerxe fecerant, Agesilaumque bellatum misissent in Asiam, maxime impulsus a Tissapherne, qui ex intimis regis ab amicitia eius defecerat et cum Lacedaemoniis coierat societatem, hunc adversus Pharnabazus habitus est imperator, re quidem vera exercitui praefuit Conon
- 3 eiusque omnia arbitrio gesta sunt. hic multum ducem summum Agesilaum impedivit saepeque eius consiliis obstitit, neque vero non fuit apertum, si ille non fuisset, Agesilaum Asiam Tauro tenus regi fuisse
- 4 erepturum. qui posteaquam domum a suis civibus revocatus est, quod Boeoti et Athenienses Lacedaemoniis bellum indixerant, Conon nihilo setius apud praefectos regis versabatur iisque omnibus magno erat usui.

Defecerat a rege Tissaphernes, neque id tam Ar- 3
 taxerxi quam ceteris erat apertum: multis enim
 magnisque meritis apud regem, etiam cum in officio
 non maneret, valebat. neque id erat mirandum, si non
 facile ad credendum adducebatur, reminiscens eius se
 opera Cyrum fratrem superasse. huius accusandi 2
 gratia Conon a Pharnabazo ad regem missus postea-
 quam venit, primum ex more Persarum ad chiliarchum,
 qui secundum gradum imperii tenebat, Tithrausten
 accessit seque ostendit cum rege colloqui velle. huic 3
 ille 'nulla' inquit 'mora est, sed tu delibera, utrum
 colloqui malis an per litteras agere quae cogitas. ne-
 cesse est enim, si in conspectum veneris, venerari te
 regem [quod προκύνησιν illi vocant] (nemo enim
 sine hoc admittitur). hoc si tibi grave est, per me
 nihilo setius editis mandatis conficies quod studes.'
 tum Conon 'mihi vero' inquit 'non est grave quemvis 4
 honorem habere regi, sed vereor ne civitati meae sit
 opprobrio, si, cum ex ea sim profectus, quae ceteris
 gentibus imperare consuerit, potius barbarorum quam
 illius more fungar.' itaque quae volebat huic scripta
 tradidit.

Quibus cognitis rex tantum auctoritate eius mo- 4
 tus est, ut et Tissaphernem hostem iudicaret et La-
 cedaemonios bello persequi iusserit et ei permiserit
 quem vellet eligere ad dispensandam pecuniam. id
 arbitrium Conon negavit sui esse consilii, sed ipsius,
 qui optime suos nosse deberet, sed se suadere Phar-
 nabazo id negotii daret. hinc magnis muneribus do- 2
 natus ad mare est missus, ut Cypriis et Phoenicibus
 ceterisque maritimis civitatibus naves longas impe-
 raret classemque, qua proxima aestate mare tueri
 posset, compararet, dato adiutore Pharnabazo, sicut
 ipse voluerat. id ut Lacedaemoniis est nuntiatum, 3
 non sine cura rem administrant, quod maius bellum
 imminere arbitrabantur, quam si cum barbaro solum
 contenderent. nam ducem fortem et prudentem regiis

- opibus praefuturum ac secum dimicaturum videbant, quem neque consilio neque copiis superare possent.
- 4 hac mente magnam contrahunt classem: proficiscuntur Pisandro duce. hos Conon apud Cnidum adortus magno proelio fugat, multas naves capit, complures deprimit. qua victoria non solum Athenae, sed [etiam] cuncta Graecia, quae sub Lacedaemoniorum fuerat imperio, liberata est. Conon cum parte navium in patriam
- 5 venit, muros dirutos a Lysandro utrosque, et Piraei et Athenarum, reficiendos curat pecuniaeque quinquaginta talenta, quae a Pharnabazo acceperat, civibus suis donat.
- 5 Accidit huic, quod ceteris mortalibus, ut inconsideratior in secunda quam in adversa esset fortuna. nam classe Peloponnesiorum devicta, cum ultum se iniurias patriae putaret, plura concupivit quam effi-
- 2 cere potuit. neque tamen ea non pia et probanda fuerunt, quod potius patriae opes augeri quam regis maluit. nam cum magnam auctoritatem sibi pugna illa navali, quam apud Cnidum fecerat, constituisset non solum inter barbaros, sed etiam omnes Graeciae civitates, clam dare operam coepit, ut Ioniam et
- 3 Aeoliam restitueret Atheniensibus. id cum minus diligenter esset celatum, Tiribazus, qui Sardibus praeerat, Cononem evocavit, simulans ad regem eum se mittere velle magna de re. huius nuntio parens cum venisset, in vincla coniectus est, in quibus aliquamdiu fuit.
- 4 inde nonnulli eum ad regem abductum ibique eum perisse scriptum reliquerunt. contra ea Dinon historicus, cui nos plurimum de Persicis rebus credimus, effugisse scripsit: illud addubitat, utrum Tiribazo sciente an imprudente sit factum.
-

X. DION.

Dion, Hipparini filius, Syracusanus, nobili genere 1
 natus, utraque implicatus tyrannide Dionysiorum.
 namque ille superior Aristomachen, sororem Dionis,
 habuit in matrimonio, ex qua duos filios, Hipparinum
 et Nisaeum, procreavit totidemque filias, nomine So-
 phrosynen et Areten, quarum priorem Dionysio filio,
 eidem cui regnum reliquit, nuptum dedit, alteram,
 Areten, Dioni. Dion autem praeter generosam pro- 2
 pinquitatem nobilemque maiorum famam multa alia
 ab natura habuit bona, in eis ingenium docile, come,
 aptum ad artes optimas, magnam corporis dignitatem,
 quae non minimum commendat, magnas praeterea
 divitias a patre relictas, quas ipse tyranni muneribus
 auxerat. erat intimus Dionysio priori, neque minus 3
 propter mores quam affinitatem. namque etsi Dio-
 nysii crudelitas ei displicebat, tamen saluum propter
 necessitudinem, magis etiam suorum causa studebat.
 aderat in magnis rebus, eiusque consilio multum mo-
 vebatur tyrannus, nisi qua in re maior ipsius cupi-
 ditas intercesserat. legationes vero omnes, quae essent 4
 illustriores, per Dionem administrabantur: quas quidem
 ille diligenter obeundo, fideliter administrando crude-
 lissimum nomen tyranni sua humanitate leniebat. hunc 5
 a Dionysio missum Karthaginienses sic suspexerunt,
 ut neminem umquam Graeca lingua loquentem magis
 sint admirati.

Neque vero haec Dionysium fugiebant: nam quanto 2
 esset sibi ornamento, sentiebat. quo fiebat ut uni
 huic maxime indulgeret neque eum secus diligeret ac
 filium: qui quidem, cum Platonem Tarentum venisse 2
 fama in Siciliam esset perlata, adulescenti negare non
 potuerit, quin eum arcesseret, cum Dion eius audiendi
 cupiditate flagraret. dedit ergo huic veniam magna-
 que eum ambitione Syracusas perduxit. quem Dion 3
 adeo admiratus est atque adamavit, ut se ei totum

- traderet. neque vero minus ipse Plato delectatus est Dione. itaque cum a tyranno crudeliter violatus esset, quippe qui eum venumdari iussisset, tamen eodem
- 4 rediit eiusdem Dionis precibus adductus. interim in morbum incidit Dionysius. quo cum gravius conflictaretur, quaesivit a medicis Dion, quem ad modum se haberet, simulque ab iis petiit, si forte *in* maiore esset periculo, ut sibi faterentur: nam velle se cum eo colloqui de partiendo regno, quod sororis suae filios ex illo natos partem regni putabat debere habere.
- 5 id medici non tacuerunt et ad Dionysium filium sermonem rettulerunt. quo ille commotus, ne agendi esset Dioni potestas, patri soporem medicos dare coëgit. hoc aeger sumpto sopitus diem obiit supremum.
- 3 Tale initium fuit Dionis et Dionysii simultatis, eaque multis rebus aucta est. sed tamen primis temporibus aliquamdiu simulata inter eos amicitia mansit. *sicut*, cum Dion non desisteret obsecrare Dionysium, ut Platonem Athenis arcesseret et eius consiliis uteretur, ille, qui in aliqua re vellet patrem imitari,
- 2 morem ei gessit. eodemque tempore Philistum historicum Syracusas reduxit, hominem amicum non magis tyranno quam tyrannidi. sed de hoc in eo libro plura sunt exposita, qui de historicis Graecis conscriptus est. Plato autem tantum apud Dionysium auctoritate potuit valuitque eloquentia, ut ei persuaserit tyrannidis facere finem libertatemque reddere Syracusanis. a qua voluntate Philisti consilio deterritus aliquanto crudelior esse coepit.
- 4 Qui quidem cum a Dione se superari videret ingenio, auctoritate, amore populi, verens ne, si eum secum haberet, aliquam occasionem sui daret opprimendi, navem ei triremem dedit, qua Corinthum deheretur, ostendens se id utriusque facere causa, ne, cum inter se timerent, alteruter alterum praeoccuparet.
- 2 id cum factum multi indignarentur magnaeque esset invidiae tyranno, Dionysius omnia, quae moveri po-

terant Dionis, in naves imposuit ad eumque misit. sic enim existimari volebat, id se non odio hominis, sed suae salutis fecisse causa. postea vero quam 3
audivit eum in Peloponneso manum comparare sibi-
que bellum facere conari, Areten, Dionis uxorem, alii
nuptum dedit filiumque eius sic educari iussit, ut in-
dulgendo turpissimis imbueretur cupiditatibus. nam 4
puero prius quam pubes esset scorta adducebantur,
vino epulisque obruebatur, neque ullum tempus sobrio
relinquebatur. is usque eo vitae statum commutatum 5
ferre non potuit, postquam in patriam rediit pater
(namque appositi erant custodes, qui eum a pristino
victu deducerent), ut se de superiore parte aedium
deiecerit atque ita interierit. sed illuc revertor.

Postquam Corinthum pervenit Dion et eodem 5
perfugit Heraclides ab eodem expulsus Dionysio, qui
praefectus fuerat equitum, omni ratione bellum com-
parare coeperunt. sed non multum proficiebant, quod 2
multorum annorum tyrannis magnarum opum puta-
batur: quam ob causam pauci ad societatem periculi
perducebantur. sed Dion, fretus non tam suis copiis 3
quam odio tyranni, maximo animo duabus onerariis
navibus quinquaginta annorum imperium, munitum
quingentis longis navibus, decem equitum centumque
peditum milibus, profectus oppugnatum, quod omni-
bus gentibus admirabile est visum, adeo facile per-
culit, ut post diem tertium, quam Siciliam attigerat,
Syracusas introierit. ex quo intellegi potest nullum
esse imperium tutum nisi benivolentia munitum. eo 4
tempore aberat Dionysius et in Italia classem oppe-
riebatur adversariorum, ratus neminem sine magnis
copiis ad se venturum. quae res eum fefellit. nam 5
Dion iis ipsis, qui sub adversarii fuerant potestate,
regios spiritus repressit totiusque eius partis Siciliae
potitus est, quae sub Dionysii fuerat potestate, pari-
que modo urbis Syracusarum praeter arcem et in-
sulam adiunctam oppido, eoque rem perduxit, ut 6

talibus pactionibus pacem tyrannus facere vellet: Siciliam Dion obtineret, Italiam Dionysius, Syracusas Apollocrates, cui maximam fidem uni habebat. Dion***

- 6 Has tam prosperas tamque inopinatas res consecuta est subita commutatio, quod fortuna sua mobilitate, quem paulo ante extulerat, demergere est
2 adorta. primum in filio, de quo commemoravi supra, suam vim exercuit. nam cum uxorem reduxisset, quae alii fuerat tradita, filiumque vellet revocare ad virtutem a perditâ luxuria, accepit gravissimum parens
3 vulnus morte filii. deinde orta dissensio est inter eum et Heraclidem, qui, quod ei principatum non concedebat, factionem comparavit. neque is minus valebat apud optimates, quorum consensu praeerat classi, cum
4 Dion exercitum pedestrem teneret. non tulit hoc animo aequo Dion, et versum illum Homeri rettulit ex secunda rhapsodia, in quo haec sententia est: non posse bene geri rem publicam multorum imperiis. quod dictum magna invidia consecuta est: namque aperuisse videbatur omnia in sua potestate esse velle.
5 hanc ille non lenire obsequio, sed acerbitate opprimere studuit, Heraclidemque, cum Syracusas venisset, interficiendum curavit.

- 7 Quod factum omnibus maximum timorem iniecit: nemo enim illo interfecto se tutum putabat. ille autem adversario remoto licentius eorum bona, quos sciebat
2 adversus se sensisse, militibus dispertivit. quibus divisis cum cottidiani maximi fierent sumptus, celeriter pecunia deesse coepit, neque, quo manus porrigeret, suppetebat nisi in amicorum possessiones. id eius modi erat, ut, cum milites reconciliasset, amitteret
3 optimates. quarum rerum curaangebatur et insuetus male audiendi non animo aequo ferebat, de se ab iis male existimari, quorum paulo ante in caelum fuerat elatus laudibus. vulgus autem offensa in eum militum voluntate liberius loquebatur et tyrannum non ferendum dictitabat.

Haec ille intuens cum quem ad modum sedaret 8
nesciret et quorsum evaderent timeret, Callicrates
quidam, civis Atheniensis, qui simul cum eo ex Pello-
ponneso in Siciliam venerat, homo et callidus et ad
fraudem acutus, sine ulla religione ac fide, adiit ad
Dionem et ait: eum magno in periculo esse propter 2
offensionem populi et odium militum, quod nullo modo
evitare posset, nisi alicui suorum negotium daret, qui
se simularet illi inimicum. quem si invenisset idoneum,
facile omnium animos cogniturum adversariosque sub-
laturum, quod inimici eius dissidenti suos sensus aper-
turi forent. tali consilio probato excepit has partes 3
ipse Callicrates et se armat imprudentia Dionis. ad
eum interficiendum socios conquirat, adversarios eius
conveniat, coniuratione confirmat. res, multis consociis 4
quae ageretur, elata defertur ad Aristomachen, sororem
Dionis, uxoremque Areten. illae timore perterritae
conveniunt, cuius de periculo timebant. at ille negat
a Callicrate fieri sibi insidias, sed illa, quae ageren-
tur, fieri praecepto suo. mulieres nihilo setius Calli- 5
cratem in aedem Proserpinae deducunt ac iurare cogunt,
nihil ab illo periculi fore Dioni. ille hac religione
non modo non est deterritus, sed ad maturandum con-
citatus est, verens ne prius consilium aperiretur suum,
quam cogitata perfecisset.

Hac mente proximo die festo, cum a conventu 9
se remotum Dion domi teneret atque in conclavi edito
recubisset, consociis facinoris loca munitiora oppidi
tradit, domum custodiis saepit, a foribus qui non
discedant, certos praeficit, navem triremem armatis 2
ornat Philostratoque, fratri suo, tradit eamque in
portu agitare iubet, ut si exercere remiges vellet, co-
gitans, si forte consiliis obstitisset fortuna, ut haberet,
qua aufugeret ad salutem. suorum autem e numero 3
Zacynthios adulescentes quosdam eligit cum audacis-
simos tum viribus maximis, iisque dat negotium, ad
Dionem eant inermes, sic ut conveniendi eius gratia

- viderentur venire. ii propter notitiam sunt intromissi.
1 at illius ut limen intrarant, foribus obseratis in lecto
cubantem invadunt, colligant: fit strepitus, adeo ut
5 exaudiri posset foris. hic, sicut ante saepe dictum
est, quam invisā sit singularis potentia et miseranda
vita, qui se metui quam amari malunt, cuivis facile
6 intellectu fuit. namque illi ipsi custodes, si prompta
fuissent voluntate, foribus effractis servare eum po-
tuissent, quoad illi inermes telum foris flagitantes
vivum tenebant. cui cum succurreret nemo, Lyco
quidam Syracusanus per fenestram gladium dedit, quo
Dion interfectus est.
- 10 Confecta caede, cum multitudo visendi gratia in-
troisset, nonnulli ab insciis pro noxiis conciduntur.
nam celeri rumore dilato, Dioni vim allatam, multi
concurrerant, quibus tale facinus displicebat. ii falsa
suspicionē ducti immerentes ut sceleratos occidunt.
2 huius de morte ut palam factum est, mirabiliter vulgi
mutata est voluntas. nam qui vivum eum tyrannum
vocitarant, eidem liberatorem patriae tyrannique ex-
pulsorem praedicabant. sic subito misericordia odio
successerat, ut eum suo sanguine ab Acherunte, si
3 possent, cuperent redimere. itaque in urbe celebra-
rimo loco, elatus publice, sepulcri monumento donatus
est. diem obiit circiter annos quinquaginta natus,
quartum post annum, quam ex Peloponneso in Sici-
liam redierat.
-

XI. IPHICRATES.

- 1 Iphicrates Atheniensis non tam magnitudine re-
rum gestarum quam disciplina militari nobilitatus est.
fuit enim talis dux, ut non solum aetatis suae cum
primis compararetur, sed ne de maioribus natu quidem
2 quisquam anteponeretur. multum vero in bello est
versatus, saepe exercitibus praefuit, nusquam culpa

male rem gessit, semper consilio vicit tantumque eo
 valuit, ut multa in re militari partim nova attulerit,
 partim meliora fecerit. namque ille pedestria arma 3
 mutavit. cum ante illum imperatorem maximis clipeis,
 brevibus hastis, minutis gladiis uterentur, ille e con- 4
 trario peltam pro parma fecit (a quo postea peltastae
 pedites *appellati sunt*, qui antea *hoplitae* appellabantur),
 ut ad motus concursusque essent leviores, hastae mo-
 dum duplicavit, gladios longiores fecit. idem genus
 loricarum *novum instituit* et pro sertis atque aëneis
 linteas dedit. quo facto expeditiores milites reddidit:
 nam pondere detracto, quod aequae corpus tegeret et
 leve esset, curavit.

Bellum cum Thraecibus gessit, Seuthem, socium 2
 Atheniensium, in regnum restituit. apud Corinthum
 tanta severitate exercitui praefuit, ut nullae umquam
 in Graecia neque exercitatiores copiae neque magis
 dicto audientes fuerint duci, in eamque consuetudinem 2
 adduxit, ut, cum proelii signum ab imperatore esset
 datum, sine ducis opera sic ordinatae consisterent, ut
 singuli a peritissimo imperatore dispositi viderentur.
 hoc exercitu moram Lacedaemoniorum interfecit, quod 3
 maxime tota celebratum est Graecia. iterum eodem
 bello omnes copias eorum fugavit, quo facto magnam
 adeptus est gloriam. cum Artaxerxes Aegyptio regi 4
 bellum inferre voluit, Iphicraten ab Atheniensibus
 ducem petivit, quem praeficeret exercitui conducticio,
 cuius numerus duodecim milium fuit. quem quidem
 sic omni disciplina militari erudit, ut, quem ad mo-
 dum quondam Fabiani milites Romae [*appellati sunt*],
 sic Iphicratenses apud Graecos in summa laude fuerint.
 idem subsidio Lacedaemoniis profectus Epaminondae 5
 retardavit impetus. nam nisi eius adventus appropin-
 quasset, non prius Thebani Sparta abscessissent, quam
 captam incendio delessent.

Fuit autem et animo magno et corpore impera- 3
 toriaque forma, ut ipso aspectu cuivis iniceret admi-

2 rationem sui, sed in labore nimis remissus parumque
 patiens, ut Theopompus memoriae prodidit, bonus
 vero civis fideque magna. quod cum in aliis rebus
 declaravit, tum maxime in Amyntae Macedonis liberis
 tuendis. namque Eurydice, mater Perdiccae et Phi-
 lippi, cum his duobus pueris Amynta mortuo ad Iphi-
 3 craten confugit eiusque opibus defensa est. vixit ad
 senectutem placatis in se suorum civium animis. cau-
 sam capitis semel dixit, bello sociali, simul cum Ti-
 4 motheo, eoque iudicio est absolutus. Menesthea filium
 reliquit ex Thraessa natum, Coti regis filia. is cum
 interrogaretur, utrum pluris, patrem matremne, fa-
 ceret, 'matrem' inquit. id cum omnibus mirum vide-
 retur, at ille 'merito' inquit 'facio: nam pater, quan-
 tum in se fuit, Thraecem me genuit, contra ea mater
 Atheniensem.'

XII. CHABRIAS.

1 Chabrias Atheniensis. hic quoque in summis ha-
 bitus est ducibus resque multas memoria dignas gessit.
 sed ex iis elucet maxime inventum eius in proelio,
 quod apud Thebas fecit, cum Boeotis subsidio venisset.
 2 namque in eo victoria fidentem summum ducem Age-
 silaum, fugatis iam ab eo conducticiis catervis, *eo*
frustratus est, quod reliquam phalangem loco vetuit
 cedere obnixoque genu scuto, proiecta hasta impetum
 excipere hostium docuit. id novum Agesilaus contuens
 progredi non est ausus suosque iam incurrentes tuba
 3 revocavit. hoc usque eo tota Graecia fama celebra-
 tum est, ut illo statu Chabrias sibi statuam fieri
 voluerit, quae publice ei ab Atheniensibus in foro con-
 stituta est. ex quo factum est ut postea athletae ceteri-
 que artifices iis statibus *in* statuīs ponendis uterentur,
 quibus victoriam essent adepti.
 2 Chabrias autem multa in Europa bella admini-

stravit, cum dux Atheniensium esset; in Aegypto sua sponte gessit: nam Nectenebin adiutum profectus regnum ei constituit. fecit idem Cypri, sed publice² ab Atheniensibus Euagorae adiutor datus, neque prius inde discessit, quam totam insulam bello devinceret: qua ex re Athenienses magnam gloriam sunt adepti. interim bellum inter Aegyptios et Persas conflatum³ est. Athenienses cum Artaxerxe societatem habebant, Lacedaemonii cum Aegyptiis, a quibus magnas praedas Agesilaus, rex eorum, faciebat. id intuens Chabrias, cum in re nulla Agesilao cederet, sua sponte eos adiutum profectus Aegyptiae classi praefuit, pedestribus copiis Agesilaus.

Tum praefecti regis Persae legatos miserunt Athenas³ questum, quod Chabrias adversum regem bellum gereret cum Aegyptiis. Athenienses diem certam Chabriae praestituerunt, quam ante domum nisi redisset, capitis se illum damnaturos denuntiarunt. hoc ille nuntio Athenas rediit, neque ibi diutius est moratus, quam fuit necesse. non enim libenter erat ante oculos suorum civium, quod et vivebat laute et indulgebat sibi liberalius, quam ut invidiam vulgi posset effugere. est enim hoc commune vitium magnis liberisque civitatibus, ut invidia gloriae comes sit et libenter de iis detrahant, quos eminere videant altius, neque animo aequo pauperes alienam opulentiam intueantur. itaque Chabrias, quoad ei licebat, plurimum aberat. neque vero solus ille aberat Athenis libenter, sed⁴ omnes fere principes fecerunt idem, quod tantum se ab invidia putabant afuturos, quantum a conspectu suorum recesserint. itaque Conon plurimum Cypri vixit, Iphicrates in Thraecia, Timotheus Lesbi, Chares Sigei, dissimilis quidem Chares horum et factis et moribus, sed tamen Athenis et honoratus et potens.

Chabrias autem periit bello sociali tali modo.⁴ oppugnabant Athenienses Chium. erat in classe Chabrias privatus, sed omnes, qui in magistratu erant,

- auctoritate anteibat, eumque magis milites quam qui
 2 praeerant suspiciebant. quae res ei maturavit mortem. nam dum primus studet portum intrare gubernatoremque iubet eo derigere navem, ipse sibi perniciiei fuit: cum enim eo penetrasset, ceterae non sunt secutae. quo facto circumfusus hostium concursu cum fortissime pugnaret, navis rostro percussa coepit sidere.
 3 hinc refugere cum posset, si se in mare deiecisset, quod suberat classis Atheniensium, quae exciperet natantes, perire maluit quam armis abiectis navem relinquere, in qua fuerat vectus. id ceteri facere noluerunt, qui nando in tutum pervenerunt. at ille, praestare honestam mortem existimans turpi vitae, comminus pugnans telis hostium interfectus est.
-

XIII. TIMOTHEUS.

- 1 Timotheus, Cononis filius, Atheniensis. hic a patre acceptam gloriam multis auxit virtutibus: fuit enim disertus, impiger, laboriosus, rei militaris peritus
 2 neque minus civitatis regendae. multa huius sunt praeclare facta, sed haec maxime illustria. Olynthios et Byzantios bello subegit. Samum cepit: in quo *oppido* oppugnando superiore bello Athenienses mille et ducenta talenta consumpserant, id ille sine ulla publica impensa populo restituit. adversus Cotum bella gessit ab eoque [mille et] ducenta talenta praedae in publicum
 3 cum rettulit. Cyzicum obsidione liberavit. Ariobarzani simul cum Agesilao auxilio profectus est, a quo cum Laco pecuniam numeratam accepisset, ille cives suos agro atque urbibus augeri maluit quam id sumere, cuius partem domum suam *quisque* ferre posset. itaque accepit Crithoten et Sestum.
 2 Idem classi praefectus circumvehens Peloponnesum, Laconicen populatus, classem eorum fugavit, Corcyram sub imperium Atheniensium redegit socios-

que dein adiunxit Epirotas, Athamanas, Chaonas omnesque eas gentes, quae mare illud adiacent. quo facto 2 Lacedaemonii de diutina contentione destiterunt et sua sponte Atheniensibus imperii maritimi principatum concesserunt, pacemque iis legibus constituerunt, ut Athenienses mari duces essent. quae victoria tantae fuit Atticis laetitiae, ut tum primum arae Paci publice sint factae eique deae pulvinar sit institutum. cuius 3 laudis ut memoria maneret, Timotheo publice statuam in foro posuerunt. qui honos huic uni ante id tempus contigit, ut, cum patri populus statuam posuisset, filio quoque daret. sic iuxta posita recens filii veterem patris renovavit memoriam.

Hic cum esset magno natu et magistratus gerere 3 desisset, bello Athenienses undique premi sunt coepti. defecerat Samus, descierat Hellespontus, Philippus iam tum valens multa moliebatur: cui oppositus Chares cum esset, non satis in eo praesidii putabatur. fit 2 Menestheus praetor, filius Iphicratis, gener Timothei, et ut ad bellum proficiscatur decernitur. huic in consilium dantur viri duo usu sapientiaque praestantes [quorum consilio uteretur], pater et socer, quod in his tanta erat auctoritas, ut magna spes esset per eos amissa posse recuperari. ii cum Samum profecti 3 essent et eodem Chares illorum adventu cognito cum suis copiis proficisceretur, ne quid absente se gestum videretur, accidit, cum ad insulam appropinquarent, ut magna tempestas oreretur: quam evitare duo veteres imperatores utile arbitrati suam classem suppresserunt. at ille temeraria usus ratione non cessit 4 maiorum natu auctoritati, velut in sua manu esset fortuna. quo contenderat, pervenit, eodemque ut sequerentur, ad Timotheum et Iphicraten nuntium misit. hinc male re gesta, compluribus amissis navibus eo, unde erat profectus, se recepit litterasque Athenas publice misit, sibi proclive fuisse Samum capere, nisi a Timotheo et Iphicrate desertus esset. populus acer, 5

susplicax ob eamque rem mobilis, adversarius, invidus (etenim potentia in crimen vocabatur) domum revocat: accusantur proditionis. hoc iudicio damnatur Timotheus lisque eius aestimatur centum talentis. ille odio ingratae civitatis exactus Chalcidem se contulit.

- 4 Huius post mortem cum populum iudicii sui paeniteret, multae novem partes detraxit et decem talenta Cononem, filium eius, ad muri quandam partem reficiendam iussit dare. in quo fortunae varietas est animadversa. nam quos avus [Conon] muros ex hostium praeda patriae restituerat, eosdem nepos cum summa ignominia familiae ex sua re familiari reficere coactus
- 2 est. Timothei autem moderatae sapientisque vitae cum pleraque possimus proferre testimonia, uno erimus contenti, quod ex eo facile conici poterit, quam carus suis fuerit. cum Athenis adulescentulus causam diceret, non solum amici privatique hospites ad eum defendendum convenerunt, sed etiam in eis Iason, tyrannus Thessaliae, qui illo tempore fuit omnium
- 3 potentissimus. hic cum in patria sine satellitibus se tutum non arbitraretur, Athenas sine ullo praesidio venit tantique hospitem fecit, ut mallet se capitis periculum adire quam Timotheo de fama dimicanti deesse. hunc adversus tamen Timotheus postea populi iussu bellum gessit: patriae *enim* sanctiora iura quam hospitii esse duxit.

- 4 Haec extrema fuit aetas imperatorum Atheniensium, Iphicratis, Chabriae, Timothei, neque post illorum obitum quisquam dux in illa urbe fuit dignus memoria.

- 5 Venio nunc ad fortissimum virum maximique consilii omnium barbarorum, exceptis duobus Karthaginiensibus, Hamilcare et Hannibale. de quo hoc plura referemus, quod et obscuriora sunt eius gesta pleraque et ea, quae prospere ei cesserunt, non magnitudine copiarum, sed consilii, quo tum omnes superabat, acciderunt: quorum nisi ratio explicata fuerit, res apparere non poterunt.

XIV. DATAMES.

Datames, patre Camisare, natione Care, matre 1
 Scythissa natus, primum militum *in* numero fuit apud
 Artaxerxen eorum, qui regiam tuebantur. pater eius
 Camisares, quod et manu fortis et bello strenuus et
 regi multis locis fidelis erat repertus, habuit provin-
 ciam partem Ciliciae iuxta Cappadociam, quam in-
 colunt Leucosyri. Datames militare munus fungens 2
 primum, qualis esset, aperuit in bello, quod rex ad-
 versus Cadusios gessit. namque hic magni fuit eius
 opera. quo factum est, cum in eo bello cecidisset
 Camisares, *ut* paterna ei traderetur provincia.

Pari se virtute postea praebehuit, cum Autophro- 2
 dates iussu regis bello persequeretur eos qui defece-
 rant. namque huius opera hostes, cum castra iam
 intrassent, multis milibus regionum interfectis pro-
 fligati sunt exercitusque reliquus conservatus regis est:
 qua ex re maioribus rebus praeesse coepit. erat eo 2
 tempore Thuys dynastes Paphlagoniae, antiquo genere,
 ortus a Pylaemene illo, quem Homerus Troico bello
 a Patroclo interfectum ait. is regi dicto audiens non 3
 erat. quam ob causam bello eum persequi constituit
 eique rei praefecit Datamen, propinquum Paphlagonis:
 namque ex fratre et sorore erant nati. quam ob cau-
 sam Datames primum experiri voluit, ut sine armis
 propinquum ad officium reduceret. ad quem cum ve-
 nisset sine praesidio, quod ab amico nullas vereretur
 insidias, paene interiit: nam Thuys eum clam inter-
 ficere voluit. erat mater cum Datame, amita Paphla- 4
 gonis. ea quid ageretur rescit filiumque monuit. ille 5
 fuga periculum evitavit bellumque indixit Thuyni. in
 quo cum ab Ariobarzane, praefecto Lydiae et Ioniae
 totiusque Phrygiae, desertus esset, nihilo segnius per-
 severavit vivumque Thuyn cepit cum uxore et liberis.

Cuius facti ne prius fama ad regem quam ipse 3
 perveniret, dedit operam. itaque omnibus insciis eo,

ubi erat rex, venit posteroque die Thuyn, hominem maximi corporis terribilique facie, quod et niger et capillo longo barbaque erat promissa, optima veste textit, quam satrapae regii gerere consuerant, ornavit etiam torque atque armillis aureis ceteroque regio
2 cultu; ipse agresti duplici amiculo circumdatus hirtaque tunica, gerens in capite galeam venatoriam, dextra manu clavam, sinistra copulam, ita vinctum ante se Thuynem agebat, ut si feram bestiam captam duceret.
3 quae cum omnes aspicerent propter novitatem ornatus ignotamque formam ob eamque rem magnus esset concursus, fuit nonnemo qui agnosceret Thuyn regi-
4 que nuntiaret. primo non accreditit itaque Pharnabazum misit exploratum. a quo ut rem gestam comperit, statim admitti iussit, magno opere delectatus cum facto tum ornatu, inprimis quod nobilis rex in
5 potestatem inopinanti venerat. itaque magnifice Datamen donatum ad exercitum misit, qui tum contrahebatur duce Pharnabazo et Tithrauste ad bellum Aegyptium, parique eum atque illos imperio esse iussit. postea vero quam Pharnabazum rex revocavit, illi summa imperii tradita est.

4 Hic cum maximo studio compararet exercitum Aegyptumque proficisci pararet, subito a rege litterae sunt ei missae, ut Aspim aggrediretur, qui Cataoniam tenebat: quae gens iacet supra Ciliciam, con-
2 finis Cappadociae. namque Aspis, saltuosam regionem castellisque munitam incolens, non solum imperio regis non parebat, sed etiam finitimas regiones vexa-
3 bat et quae regi portarentur abripiebat. Datames etsi longe aberat ab iis regionibus et a maiore re abstrahebatur, tamen regis voluntati morem gerendum putavit. itaque cum paucis, sed viris fortibus navem conscendit, existimans, quod accidit, facilius se imprudentem parva manu oppressurum quam paratum
4 quamvis magno exercitu. hac delatus in Ciliciam, egressus inde, dies noctesque iter faciens Taurum

transiit eoque quo studuerat venit. quaerit quibus locis sit Aspis: cognoscit haud longe abesse profectumque tum venatum. quem dum speculatur, adventus eius causa cognoscitur. Pisidas cum iis, quos secum habebat, ad resistendum Aspis comparat. id 5 Datames ubi audivit, arma sumit, suos sequi iubet; ipse equo concitato ad hostem vehitur. quem procul Aspis conspiciens ad se ferentem pertimescit atque a conatu resistendi deterritus sese deditit. hunc Datames vinctum ad regem ducendum tradit Mithridati.

Haec dum geruntur, Artaxerxes reminiscens, a 5 quanto bello ad quam parvam rem principem ducum misisset, se ipse reprehendit et nuntium ad exercitum Acen misit, quod nondum Datamen profectum putabat, qui diceret, ne ab exercitu discederet. hic priusquam perveniret, quo erat profectus, in itinere convenit, qui Aspim ducebant. qua celeritate cum magnam 2 benivolentiam regis Datames consecutus esset, non minorem invidiam aulicorum excepit, quod illum unum pluris quam se omnes fieri videbant. quo facto cuncti ad eum opprimendum consenserunt. haec Pandantes, 3 gazae custos regiae, amicus Datami, perscripta ei mittit, in quibus docet eum *in* magno fore periculo, si quid illo imperante adversi in Aegypto accidisset. namque eam esse consuetudinem regiam, ut casus ad- 4 versos hominibus tribuant, secundos fortunae suae. quo fieri ut facile impellantur ad eorum perniciem, quorum ductu res male gestae nuntientur. illum hoc maiore fore in discrimine, quod, quibus rex maxime oboediat, eos habeat inimicissimos. talibus ille litteris 5 cognitis, cum iam ad exercitum Acen venisset, quod non ignorabat ea vere scripta, desciscere a rege constituit. neque tamen quicquam fecit, quod fide sua esset indignum. nam Mandroblem Magnetem exercitui 6 praefecit; ipse cum suis in Cappadociam discedit coniunctamque huic Paphlagoniam occupat, celans, qua voluntate esset in regem. clam cum Ariobarzane facit

amicitiam, manum comparat, urbes munitas suis tuendas tradit.

- 6 Sed haec propter hiemale tempus minus prospere
procedebant. audit Pisidas quosdam copias adversus
se parare. filium eo Arsidaeum cum exercitu mittit;
cadit in proelio adulescens. proficiscitur eo pater non
ita magna cum manu, celans, quantum vulnus acce-
pisset, quod prius ad hostem pervenire cupiebat, quam
de male re gesta fama ad suos perveniret, ne cognita
2 filii morte animi debilitarentur militum. quo conten-
derat, pervenit iisque locis castra ponit, ut neque
circumiri multitudine adversariorum posset neque im-
pediri, quominus ipse ad dimicandum manum haberet
3 expeditam. erat cum eo Mithrobarzanes, socer eius,
praefectus equitum. is desperatis generi rebus ad
hostes transfugit. id Datames ut audivit, sensit, si
in turbam exisset ab homine tam necessario se re-
lictum, futurum ut ceteri *idem* consilium sequerentur;
4 *itaque* in vulgus edit suo iussu Mithrobarzanem pro-
fectum pro perfuga, quo facilius receptus interficeret
hostes: quare relinqui eum par non esse et omnes
confestim sequi. quod si animo strenuo fecissent, fu-
turum ut adversarii non possent resistere, cum et
5 intra vallum et foris caederentur. hac re probata
exercitum educit, Mithrobarzanem persequitur, qui
tantum quod ad hostes pervenerat, *cum* Datames signa
6 inferri iubet. Pisidae nova re commoti in opinionem
adducuntur perfugas mala fide compositoque fecisse,
ut recepti maiori essent calamitati. primum eos ado-
riuntur. illi cum, quid ageretur aut quare fieret, igno-
rarent, coacti sunt cum iis pugnare, ad quos trans-
ierant, ab iisque stare, quos reliquerant: quibus cum
7 neutri parcerent, celeriter sunt concisi. reliquos Pisi-
das resistentes Datames invadit: primo impetu pellit,
fugientes persequitur, multos interficit, castra hostium
8 capit. tali consilio uno tempore et proditores per-
culit et hostes profligavit, et, quod ad perniciem suam

fuerat cogitatum, id ad salutem convertit. quo neque acutius ullius imperatoris cogitatum neque celerius factum usquam legimus.

Ab hoc tamen viro Sisinas, maximo natu filius, 7
desciit ad regemque transiit et de defectione patris
detulit. quo nuntio Artaxerxes commotus, quod intellegebat sibi cum viro forti ac strenuo negotium
esse, qui et prius cogitare quam conari consuesset *et*,
cum cogitasset, facere auderet, Autophrodatem in Cappadociam mittit. hic ne intrare posset, saltum, in 2
quo Ciliciae portae sunt sitae, Datames praeoccupare
studuit. sed tam subito copias contrahere non po- 3
tuit. a qua re depulsus cum ea manu, quam contraxerat, locum delegit talem, ut neque circumiretur
ab hostibus neque praeteriret adversarius, quin ancipitibus locis premeretur, et, si dimicare vellet, non
multum obesse multitudo hostium suae paucitati posset.

Haec etsi Autophrodates videbat, tamen statim 8
maluit congredi quam cum tantis copiis refugere aut
tam diu uno loco sedere. habebat barbarorum equi- 2
tum viginti, peditum centum milia, quos illi Cardacas
appellant, eiusdemque generis tria milia funditorum,
praeterea Cappadocum octo milia, Armeniorum decem
milia, Paphlagonum quinque milia, Phrygum decem
milia, Lydorum quinque milia, Aspendiorum et Pisi-
darum circiter tria milia, Cilicum duo milia, Captia-
norum totidem, ex Graecia conductorum tria milia,
levis armaturae maximum numerum. has adversus 3
copias spes omnis consistebat Datami in se locique
natura (namque huius partem non habebat vicesimam
militum). quibus fretus confligit adversariorumque
multa milia concidit, cum de ipsius exercitu non am-
plius hominum mille cecidisset. quam ob causam
postero die tropaeum posuit, quo loco pridie pugna-
tum erat. hinc cum castra movisset semperque in- 4
ferior copiis superior omnibus proeliis discederet, quod
numquam manum consereret, nisi cum adversarios

locorum angustiis clausisset, quod perito regionum
5 callideque cogitanti saepe accidebat, Autophrodates,
cum bellum duci maiore regis calamitate quam ad-
versariorum videret, pacem amicitiamque *pristinam*
memorans eum hortatus est, ut cum rege in gratiam
6 rediret. quam ille etsi fidam non fore putabat, tamen
condicionem accepit seque ad Artaxerxem legatos mis-
surum dixit. sic bellum, quod rex adversus Datamen
susceperat, sedatum est. Autophrodates in Phrygiam
se recepit.

9 At rex, quod implacabile odium in Datamen susce-
perat, postquam bello eum opprimi non posse animad-
vertit, insidiis interficere studuit: quas ille plerasque
2 evitavit. sicut, cum ei nuntiatum esset quosdam sibi
insidiari, qui in amicorum erant numero (de quibus,
quod inimici detulerant, neque credendum neque
neglegendum putavit), experiri voluit, verum falsumne
3 sibi esset relatum. itaque eo profectus est, in quo
itinere futuras insidias dixerant. sed elegit corpore
ac statura simillimum sui eique vestitum suum dedit
atque eo loco ire, quo ipse consuerat, iussit; ipse
autem ornatu vestituque militari inter corporis custo-
4 des iter facere coepit. at insidiatores, postquam in
eum *quem insederant* locum agmen pervenit, decepti
ordine atque vestitu impetum in eum faciunt, qui sup-
positus erat. praedixerat autem iis Datames, cum
quibus iter faciebat, ut parati essent facere, quod
5 ipsum vidissent. ipse, ut concurrentes insidiatores ani-
mum advertit, tela in eos coniecit. hoc idem cum
universi fecissent, priusquam pervenirent ad eum quem
aggredi volebant, confixi conciderunt.

10 Hic tamen tam callidus vir extremo tempore
captus est Mithridatis, Ariobarzanis filii, dolo. nam-
que is pollicitus est regi se eum interfectorum, si
rex permetteret, ut quodcumque vellet liceret impune
facere, fidemque de ea re more Persarum dextra de-
2 disset. hanc ut accepit a rege missam, copias parat

et absens amicitiam cum Datame facit, regis provincias vexat, castella expugnat, magnas praedas capit, quarum partim suis dispertit, partim ad Datamen mittit; pari modo complura castella ei tradit. haec ³ diu faciendo peruasit homini se infinitum adversus regem suscepisse bellum, cum nihilo magis, ne quam suspicionem illi praeberet insidiarum, neque colloquium eius petivit neque in conspectum venire studuit. sic absens amicitiam gerebat, ut non beneficiis mutuis, sed communi odio, quod erga regem susceperant, contineri viderentur.

Id cum satis se confirmasse arbitratus esset, certio- ¹¹ tiorem facit Datamen, tempus esse maiores *res* parari et bellum cum ipso rege suscipi, deque ea re, si ei videretur, quo loco vellet, in colloquium veniret. probata re colloquendi tempus sumitur locusque, quo conveniretur. huc Mithridates cum uno, cui maxime ² habebat fidem, ante aliquot dies venit compluribusque locis separatim gladios obruit eaque loca diligenter notat. ipso autem colloquii die utrique, locum qui explorarent atque ipsos scrutarentur, mittunt; deinde ipsi sunt congressi. hic cum aliquamdiu in colloquio ³ fuissent et diversi discessissent iamque procul Datames abesset, Mithridates, priusquam ad suos perveniret, ne quam suspicionem pareret, in eundem locum revertitur atque ibi, ubi telum erat infossum, resedit, ut si lassitudine cuperet acquiescere, Datamenque revocavit, simulans se quiddam in colloquio esse oblitum. interim telum, quod latebat, protulit nudatum- ⁴ que vagina veste texit ac Datami venienti ait, digredientem se animadvertisse locum quendam, qui erat in conspectu, ad castra ponenda esse idoneum. quem ⁵ cum digito demonstraret et ille respiceret, aversum ferro transfixit priusque, quam quisquam posset succurrere, interfecit. ita ille vir, qui multos consilio, neminem perfidia ceperat, simulata captus est amicitia.

XV. EPAMINONDAS.

1 Epaminondas, Polymnii filius, Thebanus. de hoc
priusquam scribimus, haec praecipienda videntur lecto-
ribus, ne alienos mores ad suos referant, neve ea, quae
2 ipsis leviora sunt, pari modo apud ceteros fuisse ar-
bitrentur. scimus enim musicen nostris moribus abesse
a principis persona, saltare vero etiam in vitiis poni:
quae omnia apud Graecos et grata et laude digna du-
3 cuntur. cum autem exprimere imaginem consuetudinis
atque vitae velimus Epaminondae, nihil videmur de-
bere praetermittere, quod pertineat ad eam declaran-
4 dam. quare dicemus primum de genere eius, deinde
quibus disciplinis et a quibus sit eruditus, tum de
moribus ingeniique facultatibus et si qua alia memo-
ria digna erunt, postremo de rebus gestis, quae a
plurimis animi anteponuntur virtutibus.

2 Natus igitur patre, quo diximus, genere honesto,
pauper iam a maioribus relictus est, eruditus autem
sic ut nemo Thebanus magis. nam et citharizare et
cantare ad chordarum sonum doctus est a Dionysio,
qui non minore fuit in musicis gloria quam Damon
aut Lamprus, quorum pervulgata sunt nomina, can-
2 tare tibiis ab Olympiodoro, saltare a Calliphrone. at
philosophiae praeceptorem habuit Lysim Tarentinum,
Pythagoreum: cui quidem sic fuit deditus, ut adu-
lescens tristem ac severum senem omnibus aequalibus
suis in familiaritate anteposuerit; neque prius eum
a se dimisit, quam in doctrinis tanto antecessit con-
discipulos, ut facile intellegi posset pari modo supera-
3 turum omnes in ceteris artibus. atque haec ad nostram
consuetudinem sunt levia et potius contemnenda; at
4 in Graecia, utique olim, magnae laudi erant. post-
quam ephebus est factus et palaestrae dare operam
coepit, non tam magnitudini virium servivit quam
velocitati: illam enim ad athletarum usum, hanc ad
5 belli existimabat [utilitatem] pertinere. itaque exer-

cebatur plurimum currendo et luctando ad eum finem, quoad stans complecti posset atque contendere. in armis vero plurimum studii consumebat.

Ad hanc corporis firmitatem plura etiam animi 3 bona accesserant. erat enim modestus, prudens, gravis, temporibus sapienter utens, peritus belli, fortis manu, animo maximo, adeo veritatis diligens, ut ne ioco quidem mentiretur. idem continens, clemens patiens- 2 que admirandum in modum, non solum populi, sed etiam amicorum ferens iniurias, in primis commissa celans, quodque interdum non minus prodest quam diserte dicere, studiosus audiendi: ex hoc enim facillime disci arbitrabatur. itaque cum in circulum ve- 3 nisset, in quo aut de re publica disputaretur aut de philosophia sermo haberetur, numquam inde prius discessit, quam ad finem sermo esset adductus. pau- 4 pertatem adeo facile perpessus est, ut de re publica nihil praeter gloriam ceperit. amicorum in se tuendo caruit facultatibus, fide ad alios sublevandos saepe sic usus est, ut iudicari possit omnia ei cum amicis fuisse communia. nam cum aut civium suorum ali- 5 quis ab hostibus esset captus aut virgo nubilus propter paupertatem collocari non posset, amicorum concilium habebat et, quantum quisque daret, pro facultatibus imperabat. eamque summam cum fecerat, potius quam 6 ipse acciperet pecuniam, adducebat eum, qui quaerereat, ad eos, qui conferebant, eique ut ipsi numerarent faciebat, ut ille, ad quem ea [res] perveniebat, sciret quantum cuique deberet.

Tentata autem eius est abstinencia a Diomedonte 4 Cyziceno: namque is rogatu Artaxerxis regis Epaminondam pecunia corrumpendum susceperat. hic magno cum pondere auri Thebas venit et Micythum adulescentulum, quem tum Epaminondas plurimum diligebat, quinque talentis ad suam perduxit voluntatem. Micythus Epaminondam convenit et causam adventus Diomedontis ostendit. at ille Diomedonti coram 'nihil' 2

- inquit 'opus pecunia est: nam si rex ea vult, quae Thebanis sunt utilia, gratis facere sum paratus, sin autem contraria, non habet auri atque argenti satis. namque orbis terrarum divitias accipere nolo pro patriae caritate. tu quod me incognitum tentasti tuique similem existimasti, non miror tibi ignosco; sed egredere propere, ne alios corrumpas, cum me non potueris. et tu, Micythe, argentum huic redde, aut, nisi id confestim facis, ego te tradam magistratui.'
- hunc Diomedon cum rogaret, ut tuto exire suaque, quae attulerat, liceret efferre, 'istud quidem' inquit 'faciam, neque tua causa, sed mea, ne, si tibi sit pecunia adempta, aliquis dicat id ad me ereptum pervenisse, quod delatum accipere noluissem.' a quo cum quaesisset, quo se deduci vellet, et ille Athenas dixisset, praesidium dedit, ut tuto perveniret. neque vero id satis habuit, sed etiam, ut inviolatus in navem escenderet, per Chabriam Atheniensem, de quo supra mentionem fecimus, effecit: abstinentiae erit hoc satis testimonium. plurima quidem proferre possumus, sed modus adhibendus est, quoniam uno hoc volumine vitam excellentium virorum complurium concludere constituimus, quorum res separatim multis milibus versuum complures scriptores ante nos explicarunt.
- Fuit etiam disertus, ut nemo ei Thebanus par esset eloquentia, neque minus concinnus in brevitate respondendi quam in perpetua oratione ornatus. habuit obtrectatorem Menecliden quendam, indidem Thebis, et adversarium in administranda re publica, satis exercitatum in dicendo, ut Thebanum scilicet: namque illi genti plus inest virium quam ingenii. is quod in re militari florere Epaminondam videbat, hortari solebat Thebanos, ut pacem bello anteferrent, ne illius imperatoris opera desideraretur. huic ille 'fallis' inquit 'verbo cives tuos, quod eos a bello avocas: otii enim nomine servitutem concilias. nam paritur pax bello. itaque qui ea diutina volunt frui, bello exer-

citati esse debent. quare si principes Graeciae vultis
 esse, castris est vobis utendum, non palaestra.' idem 5
 ille Meneclides cum huic obiceret, quod liberos non
 haberet neque uxorem duxisset, maximeque insolentiam,
 quod sibi Agamemnonis belli gloriam videretur
 consecutus: at ille 'desine,' inquit 'Meneclida, de uxore
 mihi exprobrare: nam nullius in ista re minus uti
 consilio volo.' (habebat enim Meneclides suspicionem
 adulterii.) 'quod autem me Agamemnonem aemulari 6
 putas, falleris. namque ille cum universa Graecia vix
 decem annis unam cepit urbem, ego contra ea una
 urbe nostra dieque uno totam Graeciam Lacedaemoniis
 fugatis liberavi.'

Idem cum in conventum venisset Arcadum, pe- 6
 tens ut societatem cum Thebanis et Argivis facerent,
 contraque Callistratus, Atheniensium legatus, qui elo-
 quentia omnes eo praestabat tempore, postularet ut
 potius amicitiam sequerentur Atticorum, et in oratione
 sua multa invectus esset in Thebanos et Argivos in
 eisque hoc posuisset, animum advertere debere Ar- 2
 cades, quales utraque civitas cives procreasset, ex qui-
 bus de ceteris possent iudicare: Argivos enim fuisse
 Orestem et Alcmeonem matricidas, Thebis Oedipum
 natum, qui, cum patrem suum interfecisset, ex matre
 liberos procreasset: huic in respondendo Epaminondas, 3
 cum de ceteris perorasset, postquam ad illa duo op-
 probria pervenit, admirari se dixit stultitiam rhetoris
 Attici, qui non animadverterit, innocentes illos natos
 domi, scelere admissio cum patria essent expulsi, re-
 ceptos esse ab Atheniensibus. sed maxime eius elo- 4
 quentia eluxit Spartae legati ante pugnam Leuctricam.
 quo cum omnium sociorum convenissent legati, coram
 frequentissimo [legationum] conventu sic Lacedaemo-
 niorum tyrannidem coarguit, ut non minus illa ora-
 tione opes eorum concusserit quam Leuctrica pugna.
 tum enim perfecit, quod post apparuit, ut auxilio
 [Lacedaemonii] sociorum privarentur.

- 7 Fuisse patientem suorumque iniurias ferentem civium, quod se patriae irasci nefas esse duceret, haec sunt testimonia. cum eum propter invidiam cives sui praeficere exercitui noluissent duxque esset delectus belli imperitus, cuius errore *res* eo esset deducta, ut omnes de salute pertimescerent, quod locorum angustis clausi ab hostibus obsidebantur, desiderari coepta est Epaminondae diligentia: erat enim ibi privatus numero militis. a quo cum peterent opem, nullam adhibuit memoriam contumeliae et exercitum obsidione liberatum domum reduxit incolumem. nec vero hoc semel fecit, sed saepius. maxime autem fuit illustre, cum in Peloponnesum exercitum duxisset adversus Lacedaemonios haberetque collegas duos, quorum alter erat Pelopidas, vir fortis ac strenuus. hi cum criminibus adversariorum omnes in invidiam venissent ob eamque rem imperium iis esset abrogatum atque in eorum locum alii praetores successissent,
- 4 Epaminondas populi scito non paruit idemque ut facerent persuasit collegis et bellum, quod susceperat, gessit. namque animadvertibat, nisi id fecisset, totum exercitum propter praetorum imprudentiam incitiamque belli perituum. lex erat Thebis, quae morte multabat, si quis imperium diutius retinisset, quam lege praefinitum foret. hanc Epaminondas cum rei publicae conservandae causa latam videret, ad perniciem civitatis conferri noluit et quattuor mensibus diutius, quam populus iusserat, gessit imperium.
- 8 Postquam domum reditum est, collegae eius hoc crimine accusabantur. quibus ille permisit, ut omnem causam in se transferrent suaeque opera factum contenderent, ut legi non oboedirent. qua defensione illis periculo liberatis nemo Epaminondam responsurum
- 2 putabat, quod quid diceret non haberet. at ille in iudicium venit, nihil eorum negavit, quae adversarii crimini dabant, omniaque, quae collegae dixerant, confessus est neque recusavit quominus legis poenam

subiret, sed unum ab iis petivit, ut in sepulcro suo inscriberent: 'Epaminondas a Thebanis morte mul- 3
tatus est, quod eos coëgit apud Leuctra superare
Lacedaemonios, quos ante se imperatorem nemo Boeo- 4
torum ausus sit aspicere in acie, quodque uno proelio
non solum Thebas ab interitu retraxit, sed etiam uni-
versam Graeciam in libertatem vindicavit eoque res
utrorumque perduxit, ut Thebani Spartam oppugna-
rent, Lacedaemonii satis haberent, si salvi esse pos-
sent, neque prius bellare destitit, quam Messene resti- 5
tuta urbem eorum obsidione clausit.' haec cum dixisset,
risus omnium cum hilaritate coortus est, neque quis-
quam iudex ausus est de eo ferre suffragium. sic a
iudicio capitis maxima discessit gloria.

Hic extremo tempore imperator apud Mantineam 9
cum acie instructa audacius instaret hostes, cognitus
a Lacedaemoniis, quod in unius perniciem eius patriae
sitam putabant salutem, universi in unum impetum
fecerunt neque prius abscesserunt, quam magna caede
edita multisque occisis fortissime ipsum Epaminondam
pugnantem, sparo eminus percussum, concidere vide-
runt. huius casu aliquantum retardati sunt Boeoti, 2
neque tamen prius pugna excesserunt, quam re-
pugnantes profligarunt. at Epaminondas, cum ani- 3
madverteret mortiferum se vulnus accepisse simulque,
si ferrum, quod ex hastili in corpore remanserat, ex-
traxisset, animam statim emissurum, usque eo retinuit,
quoad renuntiatum est vicisse Boeotos. id postquam 4
audivit, 'satis' inquit 'vixi: invictus enim morior.' tum
ferro extracto confestim exanimatus est.

Hic uxorem numquam duxit. in quo cum re- 10
prehenderetur a Pelopida, qui filium habebat infamem,
maleque eum in eo patriae consulere diceret, quod
liberos non relinqueret, 'vide' inquit 'ne tu peius con-
sulas, qui talem ex te natum relicturus sis. neque 2
vero stirps potest mihi deesse: namque ex me natam
relinquo pugnam Leuctricam, quae non modo mihi

3 superstes, sed etiam immortalis sit necesse est.' quo tempore duce Pelopida exules Thebas occuparunt et praesidium Lacedaemoniorum ex arce expulerunt, Epaminondas, quamdiu facta est caedes civium, domo se tenuit, quod neque defendere malos volebat neque impugnare, ne manus suorum sanguine cruentaret: namque omnem civilem victoriam funestam putabat. idem, postquam apud Cadmeam cum Lacedaemoniis pugnari coeptum est, in primis stetit.

4 Huius de virtutibus vitaeque satis erit dictum, si hoc unum adiunxero, quod nemo ibit infitias, Thebas et ante Epaminondam natum et post eiusdem interitum perpetuo alieno paruisse imperio, contra ea, quamdiu ille praefuerit rei publicae, caput fuisse totius Graeciae. ex quo intellegi potest unum hominem pluris quam civitatem fuisse.

XVI. PELOPIDAS.

1 Pelopidas Thebanus, magis historicis quam vulgo motus. cuius de virtutibus dubito quem ad modum exponam, quod vereor, si res explicare incipiam, ne non vitam eius enarrare, sed historiam videar scribere, sin tantummodo summas attigero, ne rudibus Graecarum litterarum minus dilucide appareat, quantus fuerit ille vir. itaque utrique rei occurram, quantum potuero, et medebor cum satietati tum ignorantiae lectorum.

2 Phoebidas Lacedaemonius cum exercitum Olynthum duceret iterque per Thebas faceret, arcem oppidi, quae Cadmea nominatur, occupavit impulsu paucorum Thebanorum, qui adversariae factioni quo facilius resisterent, Laconum rebus studebant, idque
3 suo privato, non publico fecit consilio. quo facto eum Lacedaemonii ab exercitu removerunt pecuniaque multarunt, neque eo magis arcem Thebanis reddiderunt,

quod susceptis inimicitiis satius ducebant eos obsideri quam liberari. nam post Peloponnesium bellum Athenasque devictas cum Thebanis sibi rem esse existimabant et eos esse solos, qui adversus se sistere auderent. hac mente amicis suis summas potestates 4 dederant alteriusque factionis principes partim interfecerant, alios in exilium eiecerant: in quibus Pelopidas hic, de quo scribere exorsi sumus, pulsus patria carebat.

Hi omnes fere Athenas se contulerant, non quo 2 sequerentur otium, sed ut, quem ex proximo locum fors obtulisset, eo patriam recuperare niterentur. ita- 2 que cum tempus esset visum rei gerendae, communiter cum iis, qui Thebis idem sentiebant, diem delegerunt ad inimicos opprimendos civitatemque liberandam eum, quo maximi magistratus simul consuerant epulari. magnae saepe res non ita magnis copiis sunt gestae, 3 sed profecto numquam tam ab tenui initio tantae opes sunt profligatae. nam duodecim adulescentuli coierunt ex iis, qui exilio erant multati, cum omnino non essent amplius centum, qui tanto se offerrent periculo. qua paucitate perculsa est Lacedaemoniorum potentia. ii enim non magis adversariorum factioni 4 quam Spartanis eo tempore bellum intulerunt, qui principes erant totius Graeciae: quorum imperii maiestas, neque ita multo post, Leuctrica pugna ab hoc initio perculsa concidit. illi igitur duodecim, quorum 5 dux erat Pelopidas, [cum] Athenis interdiu [exissent], ut vesperascente caelo Thebas possent pervenire, cum canibus venaticis exierunt, retia ferentes, vestitu agresti, quo minore suspicione facerent iter. qui cum tempore ipso, quo studuerant, pervenissent, domum Charonis deverterunt, a quo et tempus et dies erat datus.

Hoc loco libet interponere, etsi seiunctum ab re 3 proposita est, nimia fiducia quantae calamitati soleat esse. nam magistratum Thebanorum statim ad aures pervenit exules in urbem venisse. id illi vino epulis-

que dediti usque eo despexerunt, ut ne quaerere quidem
 2 de tanta re laborarint. accessit quod etiam magis
 aperiret eorum dementiam. allata est enim epistula
 Athenis ab Archia, uno ex iis *qui sacris praeerant*
Eleusiniis, Archiae, qui tum maximum magistratum
 Thebis obtinebat, in qua omnia de protectione eorum
 perscripta erant. quae cum iam accubanti in con-
 vivio esset data, sicut erat signata, sub pulvinum subi-
 3 ciens 'in crastinum' inquit 'differo res serias.' at illi
 omnes, cum iam nox processisset, vinolenti ab exu-
 libus duce Pelopida sunt interfecti. quibus rebus con-
 fectis, vulgo ad arma libertatemque vocato, non solum
 qui in urbe erant, sed etiam undique ex agris con-
 currerunt, praesidium Lacedaemoniorum ex arce pe-
 pulerunt, patriam obsidione liberarunt, auctores Cad-
 meae occupandae partim occiderunt, partim in exilium
 eiecerunt.

4 Hoc tam turbido tempore, sicut supra docuimus,
 Epaminondas, quoad cum civibus dimicatum est, domi
 quietus fuit. itaque haec liberatarum Thebarum pro-
 pria laus est Pelopidae, ceterae fere communes cum
 2 Epaminonda. namque *in* Leuctrica pugna imperatore
 Epaminonda hic fuit dux delectae manus, quae prima
 3 phalangem prostravit Laconum. omnibus praeterea
 periculis *eius* affuit (sicut, Spartam cum oppugnavit,
 alterum tenuit cornu), quoque Messena celerius resti-
 tueretur, legatus in Persas est profectus. denique haec
 fuit altera persona Thebis, sed tamen secunda ita, ut
 proxima esset Epaminondae.

5 Conflictatus autem est etiam adversa fortuna. nam
 et initio, sicut ostendimus, exul patria caruit et, cum
 Thessaliam in potestatem Thebanorum cuperet re-
 digere legationisque iure satis tectum se arbitraretur,
 quod apud omnes gentes sanctum esse consuesset, a
 tyranno Alexandro Pheraeo simul cum Ismenia com-
 2 prehensus in vincla coniectus est. hunc Epaminondas
 recuperavit, bello persequens Alexandrum post id

factum numquam animo placari potuit in eum, a quo erat violatus. itaque persuasit Thebanis ut subsidio Thessaliae proficiscerentur tyrannosque eius expellerent. cuius belli cum ei summa esset data eoque cum 3 exercitu profectus esset, non dubitavit, simulac conspexit hostem, configere. in quo proelio Alexandrum 4 ut animadvertit, incensus ira equum in eum concitavit proculque digressus a suis coniectu telorum confossus concidit. atque hoc secunda victoria accidit: nam iam inclinatae erant tyrannorum copiae. quo facto omnes 5 Thessaliae civitates interfectum Pelopidam coronis aureis et statuīs aëneis liberosque eius multo agro donarunt.

XVII. AGESILAUS.

Agesilaus Lacedaemonius cum a ceteris scripto- 1 ribus tum eximie a Xenophonte Socratico collaudatus est: eo enim usus est familiarissime. hic primum de 2 regno cum Leotyhide, fratris filio, habuit contentionem. mos erat enim Lacedaemoniis a maioribus traditus, ut binos haberent semper reges, nomine magis quam imperio, ex duabus familiis Procli et Eurysthenis, qui principes ex progenie Herculis Spartae reges fuerunt. horum ex altera in alterius familiae locum fieri 3 non licebat: ita suum utraque retinebat ordinem. primum ratio habebatur, qui maximus natu esset ex liberis eius, qui regnans decessisset; sin is virile secus non reliquisset, tum deligebatur, qui proximus esset propinquitate. mortuus erat Agis rex, frater Agesilai: 4 filium reliquerat Leotychidem. quem ille natum non agnorat, eundem moriens suum esse dixerat. is de honore regni cum Agesilao, patruo suo, contendit neque id quod petivit consecutus est. nam Lysandro 5 suffragante, homine, ut ostendimus supra, factioso et iis temporibus potente, Agesilaus antelatus est.

- 2 Hic simulatque imperii potitus est, persuasit
Lacedaemoniis ut *cum* exercitu se mitterent in Asiam
bellumque regi facerent, docens satius esse in Asia
quam in Europa dimicari. namque fama exierat Artaxerxen comparare classes pedestresque exercitus, quos
2 in Graeciam mitteret. data potestate tanta celeritate
usus est, ut prius in Asiam cum copiis pervenerit,
quam regii satrapae eum scirent profectum. quo factum
3 est ut omnes imparatos imprudentesque offenderet. id
ut cognovit Tissaphernes, qui summum imperium tum
inter praefectos habebat regios, indutias a Lacone petivit,
simulans se dare operam, ut Lacedaemoniis cum
rege conveniret, re autem vera ad copias comparandas,
4 easque impetravit trimenstres. iuravit autem uterque
se sine dolo indutias conservaturum. in qua pactione
summa fide mansit Agesilaus, contra ea Tissaphernes
5 nihil aliud quam bellum comparavit. id etsi sentiebat
Laco, tamen iusiurandum servabat multumque in eo
se consequi dicebat, quod Tissaphernes periurio suo
et homines suis rebus abalienaret et deos sibi iratos
redderet, se autem conservata religione confirmare
exercitum, cum animadverteret deum numen facere
secum, hominesque sibi conciliare amiciores, quod iis
studere consuessent, quos conservare fidem viderent.
- 3 Postquam indutiarum praeteriit dies, barbarus
non dubitans, quod ipsius erant plurima domicilia in
Caria et ea regio iis temporibus multo putabatur locupletissima,
eo potissimum hostes impetum facturos,
2 omnes suas copias eo contraxerat. at Agesilaus in
Phrygiam se convertit eamque prius depopulatus est,
quam Tissaphernes usquam se moveret. magna praeda
militibus locupletatis Ephesum hiematum exercitum
reduxit atque ibi officinis armorum institutis magna
industria bellum apparavit. et quo studiosius armarentur
insigniusque ornarentur, praemia proposuit,
quibus donarentur, quorum egregia in ea re fuisset
3 industria. fecit idem in exercitationum generibus, ut,

qui ceteris praestitissent, eos magnis afficeret muneribus. his igitur rebus effecit ut et ornatissimum et exercitissimum haberet exercitum. huic cum tempus esset visum copias extrahere ex hibernaculis, vidit, si, quo esset iter facturum, palam pronuntiasset, hostes non credituros aliasque regiones praesidiis occupaturos neque dubituros aliud eum facturum ac pronuntiasset. itaque cum ille Sardis iturum se dixisset, Tissaphernes eandem Cariam defendendam putavit. in quo cum eum opinio fefellisset victumque se vidisset consilio, sero suis praesidio profectus est. nam cum illo venisset, iam Agesilaus multis locis expugnatis magna erat praeda potitus. Laco autem cum videret hostes equitatu superare, numquam in campo sui fecit potestatem et iis locis manum conseruit, quibus plus pedestres copiae valerent. pepulit ergo, quotienscumque congressus est, multo maiores adversariorum copias et sic in Asia versatus est, ut omnium opinione victor duceretur.

Hic cum iam animo medicaretur proficisci in Persas et ipsum regem adoriri, nuntius ei domo venit ephororum missu, bellum Athenienses et Boeotos indixisse Lacedaemoniis: quare venire ne dubitaret. hoc non minus eius pietas suspicienda est quam virtus bellica: qui cum victori praeeset exercitui maximamque haberet fiduciam regni Persarum potiundi, tanta modestia dicto audiens fuit iussis absentium magistratum, ut si privatus in comitio esset Spartae. cuius exemplum utinam imperatores nostri sequi voluissent! sed illuc redeamus. Agesilaus opulentissimo regno praeposuit bonam existimationem multoque gloriosius duxit, si institutis patriae paruisset, quam si bello superasset Asiam. hac igitur mente Hellespontum copias traiecit tantaque usus est celeritate, ut, quod iter Xerxes anno vertente confecerat, hic transierit triginta diebus. cum iam haud ita longe abesset a Peloponneso, obsistere ei conati sunt Athenienses

et Boeoti ceterique eorum socii apud Coroneam: quos
 6 omnes gravi proelio vicit. huius victoriae vel maxima
 fuit laus, quod, cum plerique ex fuga se in templum
 Minervae coniecissent quaerereturque ab eo, quid iis
 vellet fieri, etsi aliquot vulnera acceperat eo proelio
 et iratus videbatur omnibus, qui adversus arma tulerant,
 tamen antetulit irae religionem et eos vetuit
 7 violari. neque vero hoc solum in Graecia fecit, ut
 templa deorum sancta haberet, sed etiam apud barbaros
 summa religione omnia simulacra arasque conservavit.
 8 itaque praedicabat mirari se, non sacrilegorum numero
 haberi, qui supplicibus deorum nocuissent, aut non
 gravioribus poenis affici, qui religionem minuerent,
 quam qui fana spoliarent.

5 Post hoc proelium collatum omne bellum est circa
 2 Corinthum ideoque Corinthium est appellatum. hic
 cum una pugna decem milia hostium Agesilao duce
 cecidissent eoque facto opes adversariorum debilitatae
 viderentur, tantum afuit ab insolentia gloriae, ut commiseratus
 sit fortunam Graeciae, quod tam multi a se victi vitio
 adversariorum concidissent: namque illa multitudine,
 si sana mens esset, Graeciae supplicium
 3 Persas dare potuisset. idem cum adversarios intra
 moenia compulisset et ut Corinthum oppugnaret multi
 hortarentur, negavit id suae virtuti convenire: se enim
 eum esse [dixit], qui ad officium peccantes redire cogeret,
 non qui urbes nobilissimas expugnaret Graeciae.
 4 'nam si' inquit 'eos exstinguere voluerimus, qui nobiscum
 adversus barbaros steterunt, nosmet ipsi nos expugnaverimus
 illis quiescentibus. quo facto sine negotio, cum voluerint,
 nos oppriment.'

6 Interim accidit illa calamitas apud Leuctra Lacedaemoniis.
 quo ne proficisceretur, cum a plerisque ad exeundum
 impelleretur, ut si de exitu divinaret, *excusavit senectutem*.
 idem, cum Epaminondas Spartam oppugnaret essetque
 sine muris oppidum, talem se imperatorem praebuit,
 ut eo tempore omnibus

apparuerit, nisi ille fuisset, Spartam futuram non
fuisse. in quo quidem discrimine celeritas eius con- 2
siliū salutis fuit universis. nam cum quidam adolescen-
tuli hostium adventu perterriti ad Thebanos trans-
fugere vellent et locum extra urbem editum cepissent,
Agesilaus, qui perniciosissimum fore videret, si ani-
madversum esset quemquam ad hostes transfugere
conari, cum suis eo venit atque, ut si bono animo
fecissent, laudavit consilium eorum, quod eum locum
occupassent: id se quoque fieri debere animadvertisse.
sic adolescentes simulata laudatione recuperavit et 3
adiunctis de suis comitibus locum tutum reliquit.
namque illi adiecto numero eorum, qui expertes erant
consilii, commovere se non sunt ausi eoque libentius,
quod latere arbitrabantur quae cogitaverant.

Sine dubio post Leuctricam pugnam Lacedae- 7
monii se numquam refecerunt neque pristinum im-
perium recuperarunt, cum interim numquam Agesilaus
destitit quibuscumque rebus posset patriam iuvare.
nam cum praecipue Lacedaemonii indigerent pecunia, 2
ille omnibus, qui a rege defecerant, praesidio fuit: a
quibus magna donatus pecunia patriam sublevavit.
atque in hoc illud inprimis fuit admirabile, cum maxima 3
munera ei ab regibus ac dynastis civitatibusque con-
ferrentur, quod nihil umquam domum suam contulit,
nihil de victu, nihil de vestitu Laconum mutavit. domo 4
eadem fuit contentus, qua Eurysthenes, progenitor
maiorum suorum, fuerat usus: quam qui intrarat,
nullum signum libidinis, nullum luxuriae videre po-
terat, contra ea plurima patientiae atque abstinentiae.
sic enim erat instructa, ut in nulla re differret a cu-
iusvis inopis atque privati.

Atque hic tantus vir ut naturam faultricem ha- 8
buerat in tribuendis animi virtutibus, sic maleficam
nactus est in corpore fingendo: nam et statura fuit
humili et corpore exiguo et claudus altero pede. quae
res etiam nonnullam afferebat deformitatem, atque

- ignoti, faciem eius cum intuerentur, contemnebant; qui autem virtutes noverant, non poterant admirari
2 satis. quod ei usu venit, cum annorum octoginta subsidio Tacho in Aegyptum *missus* esset et in acta cum suis accubisset sine ullo tecto stratumque haberet tale, ut terra tecta esset stramentis neque huc amplius quam pellis esset iniecta, eodem quo comites omnes vestitu humili atque obsoleto, ut eorum ornatu non modo in eis regem neminem significaret, sed homines *esse* non beatissimos suspicionem praeberet.
3 huius de adventu fama cum ad regios esset perlata, celeriter munera eo cuiusque generis sunt allata. his quaerentibus Agesilaum vix fides facta est, unum esse
4 ex iis qui tum accubabant. qui cum regis verbis quae attulerant dedissent, ille praeter vitulinam et eius modi genera obsonii, quae praesens tempus desiderabat, nihil accepit: unguenta, coronas secundamque
5 mensam servis dispertiit, cetera referri iussit. quo facto eum barbari magis etiam contempserunt, quod eum ignorantia bonarum rerum vilia potissimum sumpsisse arbitrabantur.
6 Hic cum ex Aegypto reverteretur, donatus a rege Nectanabide ducentis viginti talentis, quae ille muneri populo suo daret, venissetque in portum, qui Menelai vocatur, iacens inter Cyrenas et Aegyptum, in mor-
7 bum implicitus decessit. ibi eum amici, quo Spartam facilius perferre possent, quod mel non habebant, cera circumfuderunt atque ita domum rettulerunt.
-

XVIII. EUMENES.

- 1 Eumenes Cardianus. huius si virtuti par data esset fortuna, non ille quidem maior *exstitisset*, quod magnos homines virtute metimur, non fortuna, sed
2 multo illustrior atque etiam honoratior. nam cum aetas eius incidisset in ea tempora, quibus Macedones

florerent, multum ei detraxit inter eos viventi, quod alienae erat civitatis, neque aliud huic defuit quam generosa stirps. etsi enim domestico summo genere 3 erat, tamen Macedones eum sibi aliquando anteponi indigne ferebant, neque tamen non patiebantur: vincebat enim omnes cura, vigilantia, patientia, calliditate et celeritate ingenii.

Hic peradulescentulus ad amicitiam accessit Phi- 4 lippi, Amyntae filii, brevique tempore in intimam pervenit familiaritatem: fulgebat enim iam in adulescentulo indoles virtutis. itaque eum habuit ad manum 5 scribae loco, quod multo apud Graios honorificentius est quam apud Romanos. namque apud nos, re vera sicut sunt, mercennarii scribae existimantur; at apud illos e contrario nemo ad id officium admittitur nisi honesto loco, et fide et industria cognita, quod necesse est omnium consiliorum eum esse participem. hunc locum tenuit amicitiae apud Philippum annos 6 septem. illo interfecto eodem gradu fuit apud Alexandrum annos tredecim. novissimo tempore prae- fuit etiam alterae equitum alae, quae Hetaerice appellabatur. utrique autem in consilio semper affuit et omnium rerum habitus est particeps.

Alexandro Babylone mortuo, cum regna singulis 2 familiaribus dispertirentur et summa tradita esset tuenda eidem, cui Alexander moriens anulum suum dederat, Perdiccae (ex quo omnes coniecerant eum 2 regnum ei commisisse, quoad liberi eius in suam tutelam pervenissent: aberat enim Crateros et Antipater, qui antecedere hunc videbantur; mortuus erat Hephæstio, quem unum Alexander, quod facile intellegi posset, plurimi fecerat), hoc tempore data est Eumeni Cappadocia sive potius dicta: nam tum in hostium erat potestate. hunc sibi Perdiccas adiunxerat magno 3 studio, quod in homine fidem et industriam magnam videbat, non dubitans, si eum pellexisset, magno usui fore sibi in eis rebus quas apparabat. cogitabat enim,

quod fere omnes in magnis imperiis concupiscunt,
4 omnium partes corripere atque complecti. neque vero
hoc ille solus fecit, sed ceteri quoque omnes, qui
Alexandri fuerant amici. primus Leonnatus Macedo-
niam praeoccupare destinavit. is multis magnisque
pollicitationibus persuadere Eumeni studuit, ut Per-
5 diccam desereret ac secum faceret societatem. cum
perducere eum non posset, interficere conatus est, et
fecisset, nisi ille clam noctu ex praesidiis eius effu-
gisset.

3 Interim conflata sunt illa bella, quae ad inter-
nicionem post Alexandri mortem gesta sunt, omnes-
que concurrerunt ad Perdiccam opprimendum. quem
etsi infirmum videbat, quod unus omnibus resistere
cogebatur, tamen amicum non deseruit neque salutis
2 quam fidei fuit cupidior. praefecerat hunc Perdiccas
ei parti Asiae, quae inter Taurum montem iacet atque
Hellespontum, et illum unum opposuerat Europaeis
adversariis; ipse Aegyptum oppugnatum adversus Pto-
3 lemaeum erat profectus. Eumenes cum neque magnas
copias neque firmas haberet, quod et inexercitatae et
non multo ante erant contractae, adventare autem di-
cerentur Hellespontumque transisse Antipater et Cra-
teros magno cum exercitu Macedonum, viri cum cla-
4 ritate tum usu belli praestantes (Macedones vero
milites ea tum erunt fama, qua nunc Romani ferun-
tur: etenim semper habiti sunt fortissimi, qui summi
imperii potirentur): Eumenes intellegebat, si copiae
suae cognosset, adversus quos ducerentur, non modo
5 non ituras, sed simul cum nuntio dilapsuras. itaque
hoc ei visum est prudentissimum, ut deviis itineribus
milites duceret, in quibus vera audire non possent,
et iis persuaderet se contra quosdam barbaros pro-
6 ficisci. atque tenuit hoc propositum et prius in aciem
exercitum eduxit proeliumque commisit, quam milites
sui scirent, cum quibus arma conferrent. effecit etiam
illud locorum praeoccupatione, ut equitatu potius di-

micaret, quo plus valebat, quam peditatu, quo erat deterior.

Quorum acerrimo concursu cum magnam partem 4 diei esset pugnatum, cadit Crateros dux et Neoptolemus, qui secundum locum imperii tenebat. cum hoc concurrit ipse Eumenes. qui cum inter se complexi 2 in terram ex equis decidissent, ut facile intellegi possent inimica mente contendisse animoque magis etiam pugnasse quam corpore, non prius distracti sunt, quam alterum anima relinqueret. ab hoc aliquot plagis Eumenes vulneratur, neque eo magis ex proelio excessit, sed acrius hostes institit. hic equitibus pro- 3 fligatis, interfecto duce Cratero, multis praeterea et maxime nobilibus captis pedester exercitus, quod in ea loca erat deductus, ut invito Eumene elabi non posset, pacem ab eo petiit. quam cum impetrasset, in fide non mansit et se, simulac potuit, ad Antipatrum recepit. Eumenes Craterum ex acie semivivum 4 elatum recreare studuit; cum id non posset, pro hominis dignitate proque pristina amicitia (namque illo usus erat Alexandro vivo familiariter) amplo funere extulit ossaque in Macedoniam uxori eius ac liberis remisit.

Haec dum apud Hellespontum geruntur, Perdiccas 5 apud Nilum flumen interficitur a Seleuco et Antigene, rerumque summa ad Antipatrum defertur. hic qui *non* deseruerant, exercitu suffragium ferente capitis absentes damnantur, in eis Eumenes. hac ille perculsus plaga non succubuit neque eo setius bellum administravit. sed exiles res animi magnitudinem, etsi non frangebant, tamen minuebant. hunc persequens 2 Antigonus, cum omni genere copiarum abundaret, saepe in itineribus vexabatur, neque umquam ad manum accedere licebat nisi iis locis, quibus pauci multis possent resistere. sed extremo tempore, cum consilio 3 capi non posset, multitudine circumitus est. hinc tamen multis suis amissis se expedit et in castellum Phry-

4 giae, quod Nora appellatur, confugit. in quo cum
circumsederetur et vereretur, ne uno loco manens
equos militares perderet, quod spatium non esset agi-
tandi, callidum fuit eius inventum, quem ad modum
stans iumentum concalfieri exercerique posset, quo
libentius et cibo uteretur et a corporis motu non re-
5 moveretur. substringebat caput loro altius, quam ut
prioribus pedibus plene terram posset attingere, deinde
post verberibus cogebat exsultare et calces remittere:
qui motus non minus sudorem excutiebat, quam si
6 in spatio decurreret. quo factum est, quod omnibus
mirabile est visum, ut aequae nitida iumenta ex castello
educeret, cum complures menses in obsidione fuisset,
7 ac si in campestribus ea locis habuisset. in hac con-
clusionione, quotienscumque voluit, apparatus et muni-
tiones Antigoni alias incendit, alias disiecit. tenuit
autem se uno loco, quamdiu hiems fuit, quod castra
sub divo habere non poterat. ver appropinquabat:
simulata deditione, dum de condicionibus tractat, prae-
fectis Antigoni imposuit seque ac suos omnes extraxit
incolumes.

6 Ad hunc Olympias, mater quae fuerat Alexandri,
cum litteras et nuntios misisset in Asiam consultum,
utrum repetitum iret Macedoniam (nam tum in Epiro
2 habitabat) et suas res occuparet, huic ille primum
suasit, ne se moveret et exspectaret, quoad Alexandri
filius regnum adipisceretur; sin aliqua cupiditate ra-
peretur in Macedoniam, oblivisceretur omnium iniuri-
3 arum et in neminem acerbior uteretur imperio. ho-
rum illa nihil fecit: nam et in Macedoniam profecta
est et ibi crudelissime se gessit. petiit autem ab
Eumene absente, ne pateretur Philippi domus ac fa-
miliae inimicissimos stirpem quoque interimere, ferret-
4 que opem liberis Alexandri. quam veniam si daret,
quam primum exercitus pararet, quos sibi subsidio
adduceret. id quo facilius faceret, se omnibus prae-
fectis, qui in officio manebant, misisse litteras, ut ei

parerent eiusque consiliis uterentur. his rebus Eu- 5
menes permotus satius duxit, si ita tulisset fortuna,
perire bene meritis referentem gratiam quam ingratum
vivere.

Itaque copias contraxit, bellum adversus Anti- 7
gonum comparavit. quod una erant Macedones com-
plures nobiles, in eis Peucestes, qui corporis custos
fuerat Alexandri, tum autem obtinebat Persidem, et
Antigenes, cuius sub imperio phalanx erat Macedonum,
invidiam verens (quam tamen effugere non potuit), si
potius ipse alienigena summi imperii potiretur quam
aliquis Macedonum, quorum ibi erat multitudo, in 2
principiis Alexandri nomine tabernaculum statuit in
eoque sellam auream cum sceptro ac diademate iussit
poni eoque omnes cottidie convenire, ut ibi de sum-
mis rebus consilia caperentur, credens minore se in-
vidia fore, si specie imperii nominisque simulatione
Alexandri bellum videretur administrare. quod effecit.
nam cum non ad Eumenis principia, sed ad regia con- 3
veniretur atque ibi de rebus deliberaretur, quodam
modo latebat, cum tamen per eum unum gererentur
omnia.

Hic in Paraetacis cum Antigono confluxit, non 8
acie instructa, sed in itinere, eumque male acceptum
in Mediam hiematum coëgit redire. ipse in finitima
regione Persidis hiematum copias divisit, non ut vo-
luit, sed ut militum cogeabat voluntas. namque illa 2
phalanx Alexandri Magni, quae Asiam peragrarat de-
viceratque Persas, inveterata cum gloria tum etiam
licentia, non parere se ducibus, sed imperare postu-
labat, ut nunc veterani faciunt nostri. itaque peric-
ulum est ne faciant quod illi fecerunt, sua intem-
perantia nimiaque licentia ut omnia perdant neque
minus eos, cum quibus fecerint, quam adversus quos
steterint. quodsi quis illorum veteranorum legat facta, 3
paria horum cognoscat neque rem ullam nisi tempus
interesse iudicet. sed ad illos revertar. hiberna sum-

pserant non ad usum belli, sed ad ipsorum luxuriam,
4 longeque inter se discesserant. hoc Antigonus cum
comperisset intellexeretque se parem non esse paratis
adversariis, statuit aliquid sibi consilii novi esse capi-
piendum. duae erant viae, qua ex Medis, ubi ille hie-
mabat, ad adversariorum hibernacula posset perveniri.
5 quarum brevior per loca deserta, quae nemo incolebat
propter aquae inopiam, ceterum dierum erat fere decem;
illa autem, qua omnes commeabant, altero tanto lon-
giorem habebat anfractum, sed erat copiosa omnium-
6 que rerum abundans. hac si proficisceretur, intelle-
gebat prius adversarios rescituros de suo adventu,
quam ipse tertiam partem confecisset itineris; sin per
loca sola contenderet, sperabat se imprudentem hostem
7 oppressurum. ad hanc rem conficiendam imperavit
quam plurimos utres atque etiam culleos comparari,
post haec pabulum, praeterea cibaria cocta dierum
decem, ut quam minime fieret ignis in castris. iter
quo habeat, omnes celat. sic paratus, qua constituerat,
proficiscitur.

9 Dimidium fere spatium confecerat, cum ex fumo
castrorum eius suspicio allata est ad Eumenem hostem
appropinquare. conveniunt duces: quaeritur, quid opus
sit facto. intellegebant omnes tam celeriter copias
ipsorum contrahi non posse, quam Antigonus affuturus
2 videbatur. hic omnibus titubantibus et de rebus sum-
mis desperantibus Eumenes ait, si celeritatem velint
adhibere et imperata facere, quod ante non fecerint,
se rem expediturum. nam quod *iter* diebus quinque
hostis transisse posset, se effecturum ut non minus
totidem dierum spatio retardaretur: quare circumirent,
3 suas quisque contraheret copias. ad Antigoni autem
refrenandum impetum tale capit consilium. certos
mittit homines ad infimos montes, qui obvii erant
itineri adversariorum, iisque praecipit ut prima nocte,
quam latissime possint, ignes faciant quam maximos
atque hos secunda vigilia minuant, tertia perexiguos

reddant, ut assimilata castrorum consuetudine suspi- 4
cionem inician hostibus, iis locis esse castra ac de
eorum adventu esse praenuntiatum; idemque postera
nocte faciant. quibus imperatum erat, diligenter prae- 5
ceptum curant. Antigonus tenebris obortis ignes con-
spicatur: credit de suo adventu esse auditum et ad-
versarios illuc suas contraxisse copias. mutat consilium 6
et, quoniam imprudentes adoriri non posset, flectit
iter suum et illum anfractum longiorem copiosae viae
capit ibique diem unum opperitur ad lassitudinem se-
dandam militum ac reficienda iumenta, quo integriore
exercitu decerneret.

Sic Eumenes callidum imperatorem vicit consilio 10
celeritatemque impedivit eius, neque tamen multum
profecit. nam invidia ducum, cum quibus erat, per- 2
fidiaque Macedonum veteranorum, cum superior proe-
lio discessisset, Antigono est deditus, cum exercitus
ei ter ante separatis temporibus iurasset se eum de-
fensurum neque umquam deserturum. sed tanta fuit
nonnullorum virtutis obtrectatio, ut fidem amittere
mallent quam eum non perdere. atque hunc Anti- 3
gonus, cum ei fuisset infestissimus, conservasset, si
per suos esset licitum, quod ab nullo se plus adiuvari
posse intellegebat in eis rebus, quas impendere iam
apparebat omnibus. imminebant enim Seleucus, Lysi-
machus, Ptolemaeus, opibus iam valentes, cum quibus
ei de summis rebus erat dimicandum. sed non passi 4
sunt ii qui circa erant, quod videbant Eumene recepto
omnes prae illo parvi futuros. ipse autem Antigonus
adeo erat incensus, ut nisi magna spe maximarum
rerum leniri non posset.

Itaque cum eum in custodiam dedisset et prae- 11
fectus custodum quaesisset, quem ad modum servari
vellet, 'ut acerrimum' inquit 'leonem aut ferocissimum
elephantum': nondum enim statuerat, conservaret eum
necne. veniebat autem ad Eumenem utrumque genus 2
hominum, et qui propter odium fructum oculis ex eius

- casu capere vellent, et qui propter veterem amicitiam colloqui consolarique cuperent, multi etiam, qui eius formam cognoscere studebant, qualis esset, quem tam diu tamque valde timuissent, cuius in perniciē po-
3 sitam spem habuissent victoriae. at Eumenes, cum diutius in vinclis esset, ait Onomarcho, penes quem summa imperii erat custodiae, se mirari, quare iam tertium diem sic teneretur: non enim hoc convenire Antigoni prudentiae, ut sic uteretur devicto: quin aut
4 interfici aut missum fieri iuberet. hic cum ferocius Onomarcho loqui videretur, 'quid? tu' inquit 'animo si isto eras, cur non in proelio cecidisti potius quam
5 in potestatem inimici venires?' huic Eumenes 'utinam quidem istud evenisset! sed eo non accidit, quod numquam cum fortiore sum congressus: non enim cum quoquam arma contuli, quin is mihi succubuerit.' neque id erat falsum: non enim virtute hostium, sed amicorum perfidia decedit. * * * nam et dignitate fuit honesta et viribus ad laborem ferendum firmis neque tam magno corpore quam figura venusta.
- 12 De hoc Antigonus cum solus constituere non auderet, ad consilium rettulit. hic cum omnes primo perturbati admirarentur non iam de eo sumptum esse supplicium, a quo tot annos adeo essent male habiti, ut saepe ad desperationem forent adducti, quique maxi-
2 mos duces interfecisset, denique in quo uno tantum esset, ut, quoad ille viveret, ipsi securi esse non possent, interfecto nihil habituri negotii essent: postremo, si illi redderet salutem, quaerebant, quibus amicis esset usurus: sese enim cum Eumene apud eum non
3 futuros. hic cognita consilii voluntate tamen usque ad septimum diem deliberandi sibi spatium reliquit. tum autem, cum iam vereretur ne qua seditio exercitus oreretur, vetuit quemquam ad eum admitti et cottidianum victum removeri iussit: nam negabat se
4 ei vim allaturum, cui aliquando fuisset amicus. hic tamen non amplius quam triduum fame fatigatus, cum

castra moverentur, insciente Antigono iugulatus est a custodibus.

Sic Eumenes annorum quinque et quadraginta, 13 cum ab anno vicesimo, uti supra ostendimus, septem annos Philippo apparuisset, tredecim apud Alexandrum eundem locum obtinuisset, in eis unum equitum alae praefuisset, post autem Alexandri Magni mortem imperator exercitus duxisset summosque duces partim reppulisset, partim interfecisset, captus non Antigoni virtute, sed Macedonum periurio talem habuit exitum vitae. in quo quanta omnium fuerit opinio eorum, 2 qui post Alexandrum Magnum reges sunt appellati, ex hoc facillime potest iudicari, quod, *quorum* nemo Eumene vivo rex appellatus est, sed praefectus, eidem 3 post huius occasum statim regium ornatum nomenque sumpserunt neque, quod initio praedicarant, se Alexandri liberis regnum servare, praestare voluerunt et *hoc* uno propugnatore sublato quid sentirent aperuerunt. huius sceleris principes fuerunt Antigonus, Ptolemaeus, Seleucus, Lysimachus, Cassandrus. Anti- 4 gonus autem Eumenem mortuum propinquis eius sepeliendum tradidit. ii militari honestoque funere, comitante toto exercitu, humaverunt ossaque eius in Cappadociam ad matrem atque uxorem liberosque eius deportanda curarunt.

XIX. PHOCION.

Phocion Atheniensis etsi saepe exercitibus prae- 1 fuit summosque magistratus cepit, tamen multo eius notior est integritas vitae quam rei militaris labor. itaque huius memoria est nulla, illius autem magna fama, ex quo cognomine Bonus est appellatus. fuit 2 enim perpetuo pauper, cum divitissimus esse posset propter frequentes delatos honores potestatesque summas, quae ei a populo dabantur. hic cum a rege 3

Philippo munera magnae pecuniae repudiaret legatique hortarentur accipere simulque admonerent, si ipse iis facile careret, liberis tamen suis prospiceret, quibus difficile esset in summa paupertate tantam paternam tueri gloriam, iis ille 'si mei similes erunt, idem hic' inquit 'agellus illos alet, qui me ad hanc dignitatem perduxit; sin dissimiles sunt futuri, nolo meis impensis illorum ali augerique luxuriam.'

Idem cum prope ad annum octogesimum prospera pervenisset fortuna, extremis temporibus magnum in odium pervenit suorum civium, primo quod cum Demade de urbe tradenda Antipatro consenserat eiusque consilio Demosthenes cum ceteris, qui bene de re publica meriti existimabantur, populi scito in exilium erant expulsi. neque in eo solum offenderat, quod patriae male consuluerat, sed etiam quod amicitiae fidem non praestiterat. namque auctus adiutusque a Demosthene eum, quem tenebat, ascenderat gradum, cum adversus Charetem eum subornaret: ab eodem in iudiciis, cum capitis causam diceret, defensus aliquoties, liberatus discesserat. hunc non solum in periculis non defendit, sed etiam prodidit. concidit autem maxime uno crimine, quod, cum apud eum summum esset imperium populi *iussu* et Nicanorem, Cassandri praefectum, insidiari Piraeo [Atheniensium] a Dercylo moneretur idemque postularet ut provideret, ne commeatibus civitas privaretur, huic audiente populo Phocion negavit esse periculum seque eius rei obsidem fore pollicitus est. neque ita multo post Nicanor Piraeo est potitus. ad quem recuperandum cum populus armatus concurrisset, ille non modo neminem ad arma vocavit, sed ne armatis quidem praeesse voluit. [sine quo Athenae omnino esse non possunt.]

Erant eo tempore Athenis duae factiones, quarum una populi causam agebat, altera optimatum. in hac erat Phocion et Demetrius Phalereus. harum

utraq[ue] Macedonum patrociniis utebatur: nam populares Polyperchonti favebant, optimates cum Cassandro sentiebant. interim a Polyperchonte Cassandrus Macedonia pulsus est. quo facto populus superior factus statim duces adversariae factionis capitis damnatos patria propulit, in eis Phocionem et Demetrium Phalereum, deque ea re legatos ad Polyperchontem misit, qui ab eo peterent ut sua decreta confirmaret. huc eodem profectus est Phocion. quo ut venit, causam apud Philippum regem verbo, re ipsa quidem apud Polyperchontem iussus est dicere: namque istum regis rebus praeerat. hic ab Agnone accusatus, quod Piraeum Nicanori prodidisset, ex consilii sententia in custodiam coniectus Athenas deductus est, ut ibi de eo legibus fieret iudicium.

Huc ut perventum est, cum propter aetatem pedibus iam non valeret vehiculoque portaretur, magni concursus sunt facti, cum alii, reminiscentes veteris famae, aetatis misererentur, plurimi vero ira exacerrentur propter prodicionis suspicionem [Piraei] maximeque quod adversus populi commoda in senectute steterat. quare ne perorandi quidem ei data est facultas dicenti causam in iudicio: legitimis quibusdam confectis damnatus traditus est undecimviris, quibus ad supplicium more Atheniensium publice damnati tradi solent. hic cum ad mortem duceretur, obvius ei fuit Euphiletus, quo familiariter fuerat usus. is cum lacrimans dixisset 'o quam indigna perpeteris, Phocion!' huic ille 'at non inopinata' inquit: 'hunc enim exitum plerique clari viri habuerunt Athenienses.' in hoc tantum fuit odium multitudinis, ut nemo ausus sit eum liber sepelire. itaque a servis sepultus est.

XX. TIMOLEON.

- 1 Timoleon Corinthius. sine dubio magnus omnium iudicio hic vir exstitit. namque huic uni contigit, quod nescio an nulli, ut et patriam, in qua erat natus, oppressam a tyranno liberaret, et a Syracusanis, quibus auxilio erat missus, iam inveteratam servitutem depelleret totamque Siciliam, multos annos bello vexatam a barbarisque oppressam, suo adventu in pristinum restitueret. sed in his rebus non simplici fortuna confictatus est et, id quod difficilius putatur, multo sapientius tulit secundam quam adversam fortunam.
- 3 nam cum frater eius Timophanes, dux a Corinthiis delectus, tyrannidem per milites mercennarios occupasset particepsque regni *ipse* posset esse, tantum afuit a societate sceleris, ut antetulerit civium suorum libertatem fratris saluti et parere legibus quam imperare patriae satius duxerit. hac mente per haruspicem communemque affinem, cui soror ex eisdem parentibus nata nupta erat, fratrem tyrannum interficiendum curavit. ipse non modo manus non attulit, sed ne aspicere quidem fraternum sanguinem voluit. nam dum res conficeretur, procul in praesidio fuit,
- 5 ne quis satellites posset succurrere. hoc praeclarissimum eius factum non pari modo probatum est ab omnibus: nonnulli enim laesam ab eo pietatem putabant et invidia laudem virtutis obterebant. mater vero post id factum neque domum ad se filium admisit neque aspexit, quin eum fratricidam impiumque
- 6 detestans compellaret. quibus rebus ille adeo est commotus, ut nonnumquam vitae finem facere voluerit atque ex ingratorum hominum conspectu morte decedere.
- 2 Interim Dione Syracusis interfecto Dionysius rursus Syracusarum potitus est. cuius adversarii opem a Corinthiis petierunt ducemque, quo in bello uterentur, postularunt. huc Timoleon missus incredibili fe-

licitate Dionysium tota Sicilia depulit. cum interfi- 2
cere posset, noluit, tutoque ut Corinthum perveniret
effecit, quod utrorumque Dionysiorum opibus Co-
rinthii saepe adiuti fuerant, cuius benignitatis memo-
riam volebat exstare, eamque praeclaram victoriam
ducebat, in qua plus esset clementiae quam crudeli-
tatis, postremo ut non solum auribus acciperetur, sed
etiam oculis cerneretur, quem ex quanto regno ad
quam fortunam detulisset. post Dionysii decessum 3
cum Hiceta bellavit, qui adversatus erat Dionysio:
quem non odio tyrannidis dissensisse, sed cupiditate
indicio fuit, quod ipse expulso Dionysio imperium di-
mittere noluit. hoc superato Timoleon maximas copias 4
Karthaginiensium apud Crinissum flumen fugavit ac
satis habere coëgit, si liceret Africam obtinere, qui
iam complures annos possessionem Siciliae tenebant.
cepit etiam Mamercum, Italicum ducem, hominem
bellicosum et potentem, qui tyrannos adiutum in Si-
ciliam venerat.

Quibus rebus confectis cum propter diuturnitatem 3
belli non solum regiones, sed etiam urbes desertas
videret, conquisivit quos potuit, primum Siculos, dein
Corintho arcessivit colonos, quod ab iis initio Syra-
cusae erant conditae. civibus veteribus sua restituit, 2
novis bello vacuefactas possessiones divisit, urbium
moenia disiecta fanaque detecta refecit, civitatibus
leges libertatemque reddidit: ex maximo bello tantum
otium totae insulae conciliavit, ut hic conditor ur-
bium earum, non illi qui initio deduxerant, videretur.
arcem Syracusis, quam munierat Dionysius ad urbem 3
obsidendam, a fundamentis disiecit, cetera tyrannidis
propugnacula demolitus est deditque operam, ut quam
minime multa vestigia servitutis manerent. cum tantis 4
esset opibus, ut etiam invitis imperare posset, tantum
autem amorem haberet omnium Siculorum, ut nullo
recusante regnum obtinere *liceret*, maluit se diligi quam
metui. itaque, cum primum potuit, imperium depo-

suit ac privatus Syracusis, quod reliquum vitae fuit,
5 vixit. neque vero id imperite fecit: nam quod ceteri
reges imperio potuerunt, hic benivolentia tenuit. nullus
honus huic defuit, neque postea res ulla Syracusis
gesta est publice, de qua prius sit decretum quam
6 Timoleonis sententia cognita. nullius umquam con-
siliium non modo antelatum, sed ne comparatum quidem
est. neque id magis *eius* benivolentia factum est quam
prudentia.

4 Hic cum aetate iam proventus esset, sine ullo
morbo lumina oculorum amisit. quam calamitatem
ita moderate tulit, ut neque eum querentem quisquam
audierit neque eo minus privatis publicisque rebus
2 interfuerit. veniebat autem in theatrum, cum ibi con-
cilium populi haberetur, propter valetudinem vectus
iumentis iunctis, atque ita de vehiculo quae videban-
tur dicebat. neque hoc illi quisquam tribuebat super-
biae: nihil enim umquam neque insolens neque glo-
3 riosum ex ore eius exiit. qui quidem, cum suas laudes
audiret praedicari, numquam aliud dixit quam se in
ea re maxime dis agere gratias atque habere, quod,
cum Siciliam recreare constituissent, tum se potissi-
4 mum ducem esse voluissent. nihil enim rerum huma-
narum sine deorum numine geri putabat; itaque suae
domi sacellum Automatias constituerat idque sanctis-
sime colebat.

5 Ad hanc hominis excellentem bonitatem mirabiles
accesserant casus. nam proelia maxima natali suo die
fecit omnia, quo factum est ut eius diem natalem
2 festum haberet universa Sicilia. huic quidam Laphy-
stius, homo petulans et ingratus, vadimonium cum
vellet imponere, quod cum illo se lege agere diceret,
et complures concurrissent, qui procacitatem hominis
manibus coërcere conarentur, Timoleon oravit homines,
ne id facerent. namque id ut Laphystio et cuivis
liceret, se maximos labores summaque adisse peri-
cula. hanc enim speciem libertatis esse, si omnibus,

quod quisque vellet, legibus experiri liceret. idem, 3
cum quidam Laphystii similis, nomine Demaenetus,
in contione populi de rebus gestis eius detrudere coe-
pisset ac nonnulla inveheretur in Timoleonta, dixit
nunc demum se voti esse damnatum: namque hoc a
dis immortalibus semper precatum, ut talem liber-
tatem restitueret Syracusanis, in qua cuivis liceret de
quo vellet *quod vellet* impune dicere.

Hic cum diem supremum obisset, publice a Syra- 4
cusanis in gymnasio, quod Timoleonteum appellatur,
tota celebrante Sicilia sepultus est.

XXI. DE REGIBUS.

Hi fere fuerunt Graecae gentis duces, qui memoria 1
digni videantur, praeter reges: namque eos attingere
noluimus, quod omnium res gestae separatim sunt re-
latae. neque tamen ii admodum sunt multi. Lacedae- 2
monius autem Agesilaus nomine, non potestate fuit
rex, sicut ceteri Spartani. ex iis vero, qui dominatum
imperio tenuerunt, excellentissimi fuerunt, ut nos iudi-
camus, Persarum Cyrus et Darius, Hystaspi filius, quo-
rum uterque privatus virtute regnum est adeptus. prior
horum apud Massagetas in proelio cecidit, Darius se-
nectute diem obiit supremum. tres sunt praeterea 3
eiusdem gentis: Xerxes et duo Artaxerxae, Macrochir
cognomine et Mnemon. Xerxi maxime est illustre, quod
maximis post hominum memoriam exercitibus terra ma-
rique bellum intulit Graeciae. at Macrochir praecipuam 4
habet laudem amplissimae pulcherrimaeque corporis for-
mae, quam incredibili ornavit virtute belli: namque illo
Perses nemo manu fuit fortior. Mnemon autem iustitiae
fama floruit. nam cum matris suae scelere amisisset uxo-
rem, tantum indulsit dolori, ut eum pietas vinceret. ex 5
his duo eodem nomine morbo naturae debitum reddide-
runt, tertius ab Artabano praefecto ferro interemptus est.

- 2 Ex Macedonum autem gente duo multo ceteros antecesserunt rerum gestarum gloria: Philippus, Amyntae filius, et Alexander Magnus. horum alter Babylone morbo consumptus est, Philippus Aegiis a Pausania, cum spectatum ludos iret, iuxta theatrum
- 2 occisus est. unus Epirotes, Pyrrhus, qui cum populo Romano bellavit. is cum Argos oppidum oppugnaret in Peloponneso, lapide ictus interiit. unus item Siculus, Dionysius prior. nam et manu fortis et belli peritus fuit et, id quod in tyranno non facile reperitur, minime libidinosus, non luxuriosus, non avarus, nullius denique rei cupidus nisi singularis perpetuique imperii ob eamque rem crudelis: nam dum id studuit munire, nullius pepercit vitae, quem eius insidiatorem putaret. hic cum virtute tyrannidem sibi peperisset, magna retinuit felicitate: maior enim annos sexaginta natus decessit florente regno. neque in tam multis annis cuiusquam ex sua stirpe funus vidit, cum ex tribus uxoribus liberos procreasset multique ei nati essent nepotes.
- 3 Fuerunt praeterea magni reges ex amicis Alexandri Magni, qui post obitum eius imperia ceperunt, in eis Antigonus et huius filius Demetrius, Lysimachus,
- 2 Seleucus, Ptolemaeus. ex his Antigonus in proelio, cum adversus Seleucum et Lysimachum dimicaret, occisus est. pari leto affectus est Lysimachus ab Seleuco: namque societate dissoluta bellum inter se gesserunt.
- 3 at Demetrius, cum filiam suam Seleuco in matrimonium dedisset neque eo magis fida inter eos amicitia manere potuisset, captus bello in custodia socer
- 4 generi periit a morbo. neque ita multo post Seleucus a Ptolemaeo Cerauno dolo interfectus est, quem ille a patre expulsum Alexandria alienarum opum indigentem receperat. ipse autem Ptolemaeus, cum vivus filio regnum tradidisset, ab illo eodem vita privatus dicitur.
- 5 De quibus quoniam satis dictum putamus, non

incommodum videtur non praeterire Hamilcarem et Hannibalem, quos et animi magnitudine et calliditate omnes in Africa natos praestitisse constat.

XXII. HAMILCAR.

Hamilcar, Hannibalis filius, cognomine Barca, Karthaginiensis, primo Poenico bello, sed temporibus extremis, admodum adulescentulus in Sicilia praeesse coepit exercitui. cum ante eius adventum et mari et terra male res gererentur Karthaginiensium, ipse ubi affuit, numquam hosti cessit neque locum nocendi dedit, saepeque e contrario occasione data lacessivit semperque superior discessit. quo facto, cum paene omnia in Sicilia Poeni amisissent, ille Erycem sic defendit, ut bellum eo loco gestum non videretur. interim Karthaginienses classe apud insulas Aegates a C. Lutatio, consule Romanorum, superati statuerunt belli facere finem eamque rem arbitrio permiserunt Hamilcaris. ille etsi flagrabat bellandi cupiditate, tamen paci serviundum putavit, quod patriam exhaustam sumptibus diutius calamitates belli ferre non posse intellegebat, sed ita ut statim mente agitare, si paulum modo res essent refectae, bellum renovare Romanosque armis persequi, donecum aut virtute vicerent aut victi manus dedissent. hoc consilio pacem conciliavit, in quo tanta fuit ferocia, cum Catulus negaret bellum compositurum, nisi ille cum suis, qui Erycem tenerent, armis relictis Sicilia decederent, ut succumbente patria ipse periturum se potius dixerit, quam cum tanto flagitio domum rediret: non enim suae esse virtutis arma a patria accepta adversus hostes adversariis tradere. huius pertinaciae cessit Catulus.

At ille ut Karthaginem venit, multo aliter ac sperarat rem publicam se habentem cognovit. nam-

que diuturnitate externi mali tantum exarsit intestinum bellum, ut numquam *in* pari periculo fuerit Karthago nisi cum deleta est. primo mercennarii milites, quibus adversus Romanos usi erant, desciverunt, quorum numerus erat viginti milium. ii totam abalienarunt Africam, ipsam Karthaginem oppugnarunt. quibus malis adeo sunt Poeni perterriti, ut etiam auxilia ab Romanis petierint; eaque impetrarunt. sed extremo, cum prope iam ad desperationem pervenissent, Hamilcarem imperatorem fecerunt. is non solum hostes a muris Karthaginis removit, cum amplius centum milia facta essent armatorum, sed etiam eo compulit, ut locorum angustiis clausi plures fame quam ferro interirent. omnia oppida abalienata, in eis Uticam atque Hipponem, valentissima totius Africae, restituit patriae. neque eo fuit contentus, sed etiam fines imperii propagavit, tota Africa tantum otium reddidit, ut nullum in ea bellum videretur multis annis fuisse.

Rebus his ex sententia peractis fidenti animo atque infesto Romanis, quo facilius causam bellandi reperiret, effecit ut imperator cum exercitu in Hispaniam mitteretur, eoque secum duxit filium Hannibalem annorum novem. erat praeterea cum eo adulescens illustris, formosus, Hasdrubal, quem nonnulli diligiturpius, quam par erat, ab Hamilcare loquebantur (non enim maledici tanto viro deesse poterant). quo factum est ut a praefecto morum Hasdrubal cum eo vetaretur esse. huic ille filiam suam in matrimonium dedit, quod moribus eorum non poterat interdici socero genero. de hoc ideo mentionem fecimus, quod Hamilcare occiso ille exercitui praefuit resque magnas gessit et princeps largitione vetustos pervertit mores Karthaginensium eiusdemque post mortem Hannibal ab exercitu accepit imperium.

At Hamilcar, posteaquam mare transiit in Hispaniamque venit, magnas res secunda gessit fortuna: maximas bellicosissimasque gentes subegit, equis, armis,

viris, pecunia totam locupletavit Africam. hic cum in 2
 Italiam bellum inferre meditaretur, nono anno post-
 quam in Hispaniam venerat, in proelio pugnans ad-
 versus Vettones occisus est. huius perpetuum odium 3
 erga Romanos maxime concitasse videtur secundum
 bellum Poenicum. namque Hannibal, filius eius, assi-
 duis patris obtestationibus eo est perductus, ut interire
 quam Romanos non experiri mallet.

XXIII. HANNIBAL.

Hannibal, Hamilcaris filius, Karthaginiensis. si 1
 verum est, quod nemo dubitat, ut populus Romanus
 omnes gentes virtute superarit, non est infitandum
 Hannibalem tanto praestitisse ceteros imperatores pru-
 dentia, quanto populus Romanus antecedit fortitudine
 cunctas nationes. nam quotienscumque cum eo con- 2
 gressus est in Italia, semper discessit superior. quod
 nisi domi civium suorum invidia debilitatus esset,
 Romanos videtur superare potuisse. sed multorum
 obtrectatio devicit unius virtutem.

Hic autem velut hereditate relictum odium pater- 3
 num erga Romanos sic conservavit, ut prius animam
 quam id deposuerit, qui quidem, cum patria pulsus
 esset et alienarum opum indigeret, numquam desti-
 terit animo bellare cum Romanis. nam ut omittam 2
 Philippum, quem absens hostem reddidit Romanis,
 omnium iis temporibus potentissimus rex Antiochus
 fuit. hunc tanta cupiditate incendit bellandi, ut usque
 a rubro mari arma conatus sit inferre Italiae. ad 2
 quem cum legati venissent Romani, qui de eius vo-
 luntate explorarent darentque operam consiliis clan-
 destinis ut Hannibalem in suspicionem regi adducerent,
 tamquam ab ipsis corruptus alia atque antea sentiret,
 neque id frustra fecissent idque Hannibal comperisset
 seque ab interioribus consiliis segregari vidisset, tem- 3

pore dato adiit ad regem, eique cum multa de fide sua et odio in Romanos commemorasset, hoc adiunxit: 'pater meus' inquit 'Hamilcar puerulo me, utpote non amplius novem annos nato, in Hispaniam imperator proficiscens Karthagine Iovi optimo maximo
4 hostias immolavit. quae divina res dum conficiebatur, quaesivit a me vellemne secum in castra proficisci. id cum libenter accepissem atque ab eo petere coepissem ne dubitaret ducere, tum ille, faciam, inquit, si mihi fidem quam postulo dederis. simul me ad aram adduxit, apud quam sacrificare instituerat, eamque ceteris remotis tenentem iurare iussit numquam
5 me in amicitia cum Romanis fore. id ego iusiurandum patri datum usque ad hanc aetatem ita conservavi, ut nemini dubium esse debeat, quin reliquo tempore
6 eadem mente sim futurus. quare si quid amice de Romanis cogitabis, non imprudenter feceris, si me celaris; cum quidem bellum parabis, te ipsum frustra-beris, si non me in eo principem posueris.'

3 Hac igitur qua diximus aetate cum patre in Hispaniam profectus est, cuius post obitum, Hasdrubale imperatore suffecto, equitatu omni praefuit. hoc quoque interfecto exercitus summam imperii ad eum delulit. id Karthaginem delatum publice comprobatum
2 est. sic Hannibal minor quinque et viginti annis natus imperator factus proximo triennio omnes gentes Hispaniae bello subegit, Saguntum, foederatam civitatem,
3 vi expugnavit, tres exercitus maximos comparavit. ex his unum in Africam misit, alterum cum Hasdrubale fratre in Hispania reliquit, tertium in Italiam secum duxit. ut saltum Pyrenaeum transiit, quacumque iter fecit, cum omnibus incolis conflixit: neminem nisi
4 victum dimisit. ad Alpes posteaquam venit, qua Italiam ab Gallia seiungunt, quas nemo umquam cum exercitu ante eum praeter Herculem Graium transierat (quo facto is hodie saltus Graius appellatur), Alpico conantes prohibere transitu concidit, loca pate-

fecit, itinera muniit, effecit ut ea elephanti ornati ire posset, qua antea unus homo inermis vix poterat reperire. hac copias traduxit in Italiamque pervenit.

Confluxerat apud Rhodanum cum P. Cornelio Scipione 4
consule eumque pepulerat. cum hoc eodem Clastidii apud Padum decernit sauciumque inde ac fugatum dimittit. tertio idem Scipio cum collega Ti. 2
Longo apud Trebiam adversus eum venit. cum iis manum conseruit, utrosque profligavit. inde per Ligures Appenninum transiit, petens Etruriam. hoc in 3
itinere adeo gravi morbo afficitur oculorum, ut postea numquam dextro aeque bene usus sit. qua valetudine cum etiamnum premeretur lecticaque ferretur, C. Flaminium consulem apud Trasumennum cum exercitu insidiis circumventum occidit, neque multo post C. Centenium praetorem cum delecta manu saltus occupantem. hinc in Apuliam pervenit. ibi obviam ei venerunt 4
duo consules, C. Terentius et L. Aemilius. utriusque exercitus uno proelio fugavit, Paulum consulem occidit et aliquot praeterea consulares, in eis Cn. Servilium Geminum, qui superiore anno fuerat consul.

Hac pugna pugnata Romam profectus nullo re- 5
sistente in propinquis urbi montibus moratus est. cum aliquot ibi dies castra habuisset et Capuam revertetur, Q. Fabius Maximus, dictator Romanus, in agro Falerno ei se obiecit. hic clausus locorum angustiis 2
noctu sine ullo detrimento exercitus se expedivit Fabioque, callidissimo imperatori, dedit verba. namque obducta nocte sarmenta in cornibus iuvenorum deligata incendit eiusque generis multitudinem magnam dispalatam immisit. quo repentino visu obiecto tantum terrorem iniecit exercitui Romanorum, ut egredi extra vallum nemo sit ausus. hanc post rem gestam 3
non ita multis diebus M. Minucium Rufum, magistrum equitum pari ac dictatorem imperio, dolo productum in proelium fugavit. Ti. Sempronium Gracchum, iterum consulem, in Lucanis absens in insidias inductum

sustulit. M. Claudium Marcellum, quinquens consulem,
4 apud Venusiam pari modo interfecit. longum est
omnia enumerare proelia. quare hoc unum satis erit
dictum, ex quo intellegi possit, quantus ille fuerit:
quamdiu in Italia fuit, nemo ei in acie restitit, nemo
adversus eum post Cannensem pugnam in campo
castra posuit.

6 Hinc invictus patriam defensum revocatus bellum
gessit adversus P. Scipionem, filium eius *Scipionis*,
quem ipse primo apud Rhodanum, iterum apud Padum,
2 tertio apud Trebiam fugarat. cum hoc exhaustis iam
patriae facultatibus cupivit impraesentiarum bellum
componere, quo valentior postea congredideretur. inde
3 colloquium convenit, condiciones non convenerunt. post
id factum paucis diebus apud Zamam cum eodem con-
flicxit; pulsus (incredibile dictu) biduo et duabus nocti-
bus Hadrumetum pervenit, quod abest ab Zama cir-
4 citer milia passuum trecenta. in hac fuga Numidae,
qui simul cum eo ex acie excesserant, insidiati sunt
ei, quos non solum effugit, sed etiam ipsos oppressit.
Hadrumeti reliquos e fuga collegit, novis dilectibus
paucis diebus multos contraxit.

7 Cum in apparando acerrime esset occupatus, Kar-
thaginienses bellum cum Romanis composuerunt. ille
nihilò setius exercitui postea praeiit resque in Africa
gessit [itemque Mago frater eius] usque ad P. Sul-
2 picium C. Aurelium consules. his enim magistratibus
legati Karthaginienses Romam venerunt, qui senatui
populoque Romano gratias agerent, quod cum iis
pacem fecissent, ob eamque rem corona aurea eos
donarent simulque peterent, ut obsides eorum Fre-
3 gellis essent captivique redderentur. his ex senatus
consulto responsum est: munus eorum gratum ac-
ceptumque esse; obsides, quo loco rogarent, futuros;
captivos non remissuros, quod Hannibalem, cuius opera
susceptum bellum foret, inimicissimum nomini Romano,
etiamnum cum imperio apud exercitum haberent item-

que fratrem eius Magonem. hoc responso Karthagi- 4
nienses cognito Hannibalem domum et Magonem re-
vocarunt. huc ut rediit, rex factus est, postquam
imperator fuerat, anno secundo et vicesimo: ut enim
Romae consules, sic Karthagine quotannis annui bini
reges creabantur. in eo magistratu pari diligentia se 5
Hannibal prae-buit, ac fuerat in bello. namque effecit
ex novis vectigalibus non solum ut esset pecunia, quae
Romanis ex foedere penderetur, sed etiam superesset,
quae in aerario reponeretur. deinde [anno post prae- 6
turam] M. Claudio L. Furio consulibus Roma legati
Karthaginem venerunt. hos Hannibal ratus sui ex-
poscendi gratia missos, priusquam iis senatus daretur,
navem ascendit clam atque in Syriam ad Antiochum
perfugit. hac re palam facta Poeni naves duas, quae 7
eum comprehenderent, si possent consequi, miserunt,
bona eius publicarunt, domum a fundamentis disie-
cerunt, ipsum exilem iudicarunt.

At Hannibal anno quarto, postquam domo pro- 8
fugerat, L. Cornelio Q. Minucio consulibus, cum quin-
que navibus Africam accessit in finibus Cyrenaeorum,
si forte Karthaginienses ad bellum inducere posset
Antiochi spe fiduciaque, cui iam persuaserat ut cum
exercitibus in Italiam proficisceretur. huc Magonem
fratrem excivit. id ubi Poeni resciverunt, Magonem 2
eadem, qua fratrem, absentem affecerunt poena. illi
desperatis rebus cum solvissent naves ac vela ventis
dedissent, Hannibal ad Antiochum pervenit. de Ma-
gonis interitu duplex memoria prodita est: namque
alii naufragio, alii a servulis ipsius interfectum eum
scriptum reliquerunt. Antiochus autem si tam in ge- 3
rendo bello consiliis eius parere voluisset, quam in
suscipiendo instituerat, propius Tiberi quam in Ther-
mopylis de summa imperii dimicasset. quem etsi
multa stulte conari videbat, tamen nulla deseruit in
re. praefuit paucis navibus, quas ex Syria iussus erat 4
in Asiam ducere, iisque adversus Rhodiorum classem

in Pamphylio mari conflixit. *in* quo cum multitudine adversariorum sui superarentur, ipse quo cornu rem gessit fuit superior.

- 9 Antiocho fugato verens ne dederetur, quod sine dubio accidisset, si sui fecisset potestatem, Cretam ad Gortynios venit, ut ibi, quo se conferret, consideret. vidit autem vir omnium callidissimus *in* magno se fore periculo, nisi quid providisset, propter avaritiam Cretensium: magnam enim secum pecuniam
2 portabat, de qua sciebat exisse famam. itaque capit tale consilium. amphoras complures complet plumbo, summas operit auro et argento. has praesentibus principibus deponit in templo Dianae, simulans se suas fortunas illorum fidei credere. his in errorem inductis statuas aëneas, quas secum portabat, omni sua pecunia complet easque in propatulo domi abicit.
4 Gortynii templum magna cura custodiunt, non tam a ceteris quam ab Hannibale, ne ille inscientibus iis tolleret *sua* secumque duceret.
- 10 Sic conservatis suis rebus omnibus Poenus illis Cretensibus ad Prusiam in Pontum pervenit. apud quem eodem animo fuit erga Italiam neque aliud quicquam egit quam regem armavit et exacuit adversus
2 Romanos. quem cum videret domesticis opibus minus esse robustum, conciliabat ceteros reges, adiungebat bellicosas nationes. dissidebat ab eo Pergamenus rex Eumenes, Romanis amicissimus, bellumque inter eos
3 gerebatur et mari et terra; sed utrobique Eumenes plus valebat propter Romanorum societatem. quo magis cupiebat eum Hannibal opprimi, quem si removisset, faciliora sibi cetera fore arbitrabatur. ad hunc
4 interficiendum talem iniit rationem. classe paucis diebus erant decreturi. superabatur navium multitudine: dolo erat pugnandum, cum par non esset armis. imperavit quam plurimas venenatas serpentes vivas
5 colligi easque in vasa fictilia conici. harum cum effecisset magnam multitudinem, die ipso, quo facturus

erat navale proelium, classiarios convocat iisque praecipit, omnes ut in unam Eumenis regis concurrant navem, a ceteris tantum satis habeant se defendere. id illos facile serpentium multitudine consecuturos. rex autem in qua nave veheretur, ut scirent, se factu- 6 rum: quem si aut cepissent aut interfecissent, magno iis pollicetur praemio fore. tali cohortatione militum 11 facta classis ab utrisque in proelium deducitur. quarum acie constituta, priusquam signum pugnae daretur, Hannibal, ut palam faceret suis, quo loco Eumenes esset, tabellarium in scapha cum caduceo mittit. qui 2 ubi ad naves adversariorum pervenit epistulamque ostendens se regem professus est quaerere, statim ad Eumenem deductus est, quod nemo dubitabat quin aliquid de pace esset scriptum. tabellarius ducis nave declarata suis eodem, unde erat egressus, se recepit. at Eumenes soluta epistula nihil in ea repperit nisi 3 quae ad irridendum eum pertinerent. cuius *rei* etsi causam mirabatur neque reperiēbat, tamen proelium statim committere non dubitavit. horum in concursu 4 Bithyni Hannibalis praecepto universi navem Eumenis adoriuntur. quorum vim rex cum sustinere non posset, fuga salutem petiit, quam consecutus non esset, nisi intra sua praesidia se recepisset, quae in proximo litore erant collocata. reliquae Pergamenae naves cum 5 adversarios premerent acrius, repente in eas vasa fictilia, de quibus supra mentionem fecimus, conici coepta sunt. quae iacta initio risum pugnantibus concitarunt, neque quare id fieret poterat intellegi. post- 6 quam autem naves suas oppletas conspexerunt serpentibus, nova re perterriti, cum, quid potissimum vitarent, non viderent, puppes verterunt seque ad sua castra nautica rettulerunt. sic Hannibal consilio arma Per- 7 gamenorum superavit, neque tum solum, sed saepe alias pedestribus copiis pari prudentia pepulit adversarios.

Quae dum in Asia geruntur, accidit casu ut le-12

- gati Prusiae Romae apud T. Quintium Flamininum consularem cenarent, atque ibi de Hannibale mentione facta ex iis unus diceret eum in Prusiae regno
2 esse. id postero die Flamininus senatui detulit. patres conscripti, qui Hannibale vivo numquam se sine insidiis futuros existimarent, legatos in Bithyniam miserunt, in eis Flamininum, qui ab rege peterent, ne inimicissimum suum secum haberet sibi que dederet.
3 his Prusia negare ausus non est; illud recusavit, ne id a se fieri postularent, quod adversus ius hospitii esset: ipsi, si possent, comprehenderent: locum, ubi esset, facile inventuros. Hannibal enim uno loco se tenebat, in castello quod ei a rege datum erat muneri, idque sic aedificarat, ut in omnibus partibus aedificii exitus haberet, scilicet verens ne usu veniret, quod
4 accidit. huc cum legati Romanorum venissent ac multitudine domum eius circumdedissent, puer ab ianua prospiciens Hannibali dixit plures praeter consuetudinem armatos apparere. qui imperavit ei, ut omnes fores aedificii circumiret ac propere sibi nuntiaret, num eodem modo undique obsideretur. puer
5 cum celeriter, quid vidisset, renuntiasset omnesque exitus occupatos ostendisset, sensit id non fortuito factum, sed se peti neque sibi diutius vitam esse retinendam. quam ne alieno arbitrio dimitteret, memor pristinarum virtutum venenum, quod semper secum habere consuevit, sumpsit.
- 13 Sic vir fortissimus, multis variisque perfunctus laboribus, anno acquievit septuagesimo. quibus consulibus interierit, non convenit. namque Atticus M. Claudio Marcello Q. Fabio Labeone consulibus mortuum in annali suo scriptum reliquit, at Polybius L. Aemilio Paulo Cn. Baebio Tamphilo, Sulpicius autem Blitho P. Cornelio Cethego M. Baebio Tamphilo.
2 atque hic tantus vir tantisque bellis districtus nonnihil temporis tribuit litteris. namque aliquot eius libri sunt, Graeco sermone confecti, in eis ad Rhodios

de Cn. Manlii Volsonis in Asia rebus gestis. huius ³ belli gesta multi memoriae prodiderunt, sed ex eis duo, qui cum eo in castris fuerunt simulque vixerunt, quamdiu fortuna passa est, Silenus et Sosylus Lacedaemonius. atque hoc Sosylo Hannibal litterarum Graecarum usus est doctore.

Sed nos tempus est huius libri facere finem et ⁴ Romanorum explicare imperatores, quo facilius collatis utrorumque factis, qui viri praeferendi sint, possit iudicari.

EX LIBRO
CORNELII NEPOTIS
DE LATINIS HISTORICIS.

XXIV. CATO.

- ¹ M. Cato, ortus municipio Tusculo, adolescentulus, priusquam honoribus operam daret, versatus est in Sabinis, quod ibi heredium a patre relictum habebat. inde hortatu L. Valerii Flacci, quem in consulatu censuraque habuit collegam, ut M. Perpenna censorius narrare solitus est, Romam demigravit in foro-
² que esse coepit. primum stipendium meruit annorum decem septemque. Q. Fabio M. Claudio consulibus tribunus militum in Sicilia fuit. inde ut rediit, castra secutus est C. Claudii Neronis, magnique opera eius existimata est in proelio apud Senam, quo cecidit
³ Hasdrubal, frater Hannibalis. quaestor obtigit P. Africano consuli, cum quo non pro sortis necessitudine vixit: namque ab eo perpetua dissensit vita. aedilis
⁴ plebei factus est cum C. Helvio. praetor provinciam obtinuit Sardiniam, ex qua quaestor superiore tempore ex Africa decedens Q. Ennium poetam deduxerat, quod non minoris aestimamus quam quemlibet amplissimum Sardiniensem triumphum.
² Consulatum gessit cum L. Valerio Flacco. sorte provinciam nactus Hispaniam citeriorem ex ea triumphum deportavit. ibi cum diutius moraretur, P. Scipio

Africanus consul iterum, cuius in priore consulatu quaestor fuerat, voluit eum de provincia depellere et ipse ei succedere, neque hoc per senatum efficere potuit, cum quidem Scipio principatum in civitate obtineret, quod tum non potentia, sed iure res publica administrabatur. qua ex re iratus senatui *consulatu* peracto privatus in urbe mansit. at Cato, censor 3 cum eodem Flacco factus, severe prae fuit ei potestati. nam et in complures nobiles animadvertit et multas res novas in edictum addidit, qua re luxuria reprimetur, quae iam tum incipiebat pullulare. circiter 4 annos octoginta, usque ad extremam aetatem ab adolescentia, rei publicae causa suscipere inimicitias non destitit. a multis tentatus non modo nullum detrimentum existimationis fecit, sed, quoad vixit, virtutum laude crevit.

In omnibus rebus singulari fuit industria: nam 3 et agricola sollers et peritus iuris consultus et magnus imperator et probabilis orator et cupidissimus litterarum fuit. quarum studium etsi senior arripuerat, 2 tamen tantum progressum fecit, ut non facile reperiri possit neque de Graecis neque de Italicis rebus, quod ei fuerit incognitum. ab adolescentia confecit orationes. senex historias scribere instituit. earum 3 sunt libri septem. primus continet res gestas regum populi Romani, secundus et tertius unde quaeque civitas orta sit Italica, ob quam rem omnes Origines videtur appellasse. in quarto autem bellum Poenicum est primum, in quinto secundum. atque 4 haec omnia capitulatim sunt dicta. reliqua quoque bella pari modo persecutus est usque ad praeturam Ser. Galbae, qui diripuit Lusitanos: atque horum bellorum duces non nominavit, sed sine nominibus res notavit. in eisdem exposuit, quae in Italia Hispaniisque [aut fierent aut] viderentur admiranda: in quibus multa industria et diligentia comparet, nulla doctrina.

- 5 Huius de vita et moribus plura in eo libro persecuti sumus, quem separatim de eo fecimus rogatu T. Pomponii Attici. quare studiosos Catonis ad illud volumen delegamus.
-

XXV. ATTICUS.

- 1 T. Pomponius Atticus, ab origine ultima stirpis
Romanae generatus, perpetuo a maioribus acceptam
2 equestrem obtinuit dignitatem. patre usus est diligente et, ut tum erant tempora, diti inprimisque
studioso litterarum. hic, prout ipse amabat litteras,
omnibus doctrinis, quibus puerilis aetas impertiri
3 debet, filium erudit. erat autem in puero praeter
docilitatem ingenii summa suavitas oris atque vocis,
ut non solum celeriter acciperet quae tradebantur, sed
etiam excellenter pronuntiaret. qua ex re in pueritia
nobilis inter aequales ferebatur clariusque exsplendescebat, quam generosi condiscipuli animo aequo
4 ferre possent. itaque incitabat omnes studio suo, quo
in numero fuerunt L. Torquatus, C. Marius filius,
M. Cicero: quos consuetudine sua sic devinxit, ut
nemo iis perpetua *vita* fuerit carior.
- 2 Pater mature decessit. ipse adolescentulus propter
affinitatem P. Sulpicii, qui tribunus plebei interfectus est, non expers fuit illius periculi: namque
Anicia, Pomponii consobrina, nupserat Servio, fratri
2 Sulpicii. itaque interfecto Sulpicio posteaquam vidit
Cinnano tumultu civitatem esse perturbatam neque
sibi dari facultatem pro dignitate vivendi, quin alterutram partem offenderet, dissociatis animis civium, cum
alii Sullanis, alii Cinnanis faverent partibus, idoneum
tempus ratus studiis obsequendi suis Athenas se contulit. neque eo setius adolescentem Marium hostem
iudicatum iuvit opibus suis, cuius fugam pecunia sub
3 levavit. ac ne illa peregrinatio detrimentum aliquod

afferret rei familiari, eodem magnam partem fortunarum traiecit suarum. hic ita vixit, ut universis Atheniensibus merito esset carissimus. nam praeter 4 gratiam, quae iam in adulescentulo magna erat, saepe suis opibus inopiam eorum publicam levavit. cum enim versuram facere publice necesse esset neque eius condicionem aequam haberent, semper se interposuit, atque ita ut neque usuram umquam ab iis acceperit neque longius, quam dictum esset, debere passus sit. quod utrumque erat iis salutare: nam neque indul- 5 gendo inveterascere eorum aes alienum patiebatur neque multiplicandis usuris crescere. auxit hoc officium 6 alia quoque liberalitate: nam universos frumento donavit, ita ut singulis seni modii tritici darentur, qui modus mensurae medimnus Athenis appellatur.

Hic autem sic se gerebat, ut communis infimis, 3 par principibus videretur. quo factum est ut huic omnes honores, quos possent, publice haberent civemque facere studerent: quo beneficio ille uti noluit [quod nonnulli ita interpretantur, amitti civitatem Romanam alia ascita]. quamdiu affuit, ne qua sibi 2 statua poneretur, restitit, absens prohibere non potuit. itaque aliquot ipsi et Phidiae locis sanctissimis posuerunt: hunc enim in omni procuratione rei publicae actorem auctoremque habebant potissimum. igitur primum illud munus fortunae, quod in ea urbe 3 natus est, in qua domicilium orbis terrarum esset imperii, ut eandem et patriam haberet et domum; hoc specimen prudentiae, quod, cum in eam se civitatem contulisset, quae antiquitate, humanitate doctrinaque praestaret omnes, unus ei fuit carissimus.

Huc ex Asia Sulla decedens cum venisset, quam- 4 diu ibi fuit, secum habuit Pomponium, captus adulescentis et humanitate et doctrina. sic enim Graece loquebatur, ut Athenis natus videretur; tanta autem suavitas erat sermonis Latini, ut appareret in eo nativum quendam leporem esse, non ascitum. idem poë-

mata pronuntiabat et Graece et Latine sic, ut supra
2 nihil posset addi. quibus rebus factum est ut Sulla
nusquam *eum* ab se dimitteret cuperetque secum deducere. cui cum persuadere tentaret, 'noli, oro te,' inquit Pomponius 'adversum eos me velle ducere, cum quibus ne contra te arma ferrem, Italiam reliqui.' at Sulla adulescentis officio collaudato omnia munera ei, quae Athenis acceperat, proficiscens iussit deferri.

8 Hic complures annos moratus, cum et rei familiari tantum operae daret, quantum non indiligens deberet pater familias, et omnia reliqua tempora aut litteris aut Atheniensium rei publicae tribueret, nihilo
4 minus amicis urbana officia praestitit. nam et ad comitia eorum ventitavit et, si qua res maior acta est, non defuit. sicut Ciceroni in omnibus eius periculis singularem fidem praebuit: cui ex patria fugienti sestertium ducenta et quinquaginta milia donavit.
5 tranquillatis autem rebus Romanis remigravit Romam, ut opinor L. Cotta L. Torquato consulibus: quem discedentem sic universa civitas Atheniensium prosecuta est, ut lacrimis desiderii futuri dolorem indicaret.

5 Habebat avunculum Q. Caecilium, equitem Romanum, familiarem L. Luculli, divitem, difficillima natura: cuius sic asperitatem veritus est, ut, quem nemo ferre posset, huius sine offensione ad summam senectutem retinuerit benivolentiam. quo facto tulit
2 pietatis fructum. Caecilius enim moriens testamento adoptavit eum heredemque fecit ex dodrante: ex qua
3 hereditate accepit circiter centiens sestertium. erat nupta soror Attici Q. Tullio Ciceroni, easque nuptias M. Cicero conciliarat, cum quo a condiscipulatu vivebat coniunctissime, multo etiam familiarius quam cum Quinto, ut iudicari possit plus in amicitia valere
4 similitudinem morum quam affinitatem. utebatur autem intime Q. Hortensio, qui iis temporibus principatum eloquentiae tenebat, ut intellegi non posset, uter eum plus diligeret, Cicero an Hortensius: et, id quod erat

difficillimum, efficiebat ut, inter quos tantae laudis esset aemulatio, nulla intercederet obtrectatio essetque talium virorum copula.

In re publica ita est versatus, ut semper optimarum partium et esset et existimaretur, neque tamen se civilibus fluctibus committeret, quod non magis eos in sua potestate existimabat esse, qui se his dedissent, quam qui maritimis iactarentur. honores non petiit, cum ei paterent propter vel gratiam vel dignitatem: quod neque peti more maiorum neque capi possent conservatis legibus in tam effusis ambitus largitionibus neque *geri* e re publica sine periculo corruptis civitatis moribus. ad hastam publicam numquam accessit. nullius rei neque praes neque manceps factus est. neminem neque suo nomine neque subscribens accusavit, in ius de sua re numquam iit, iudicium nullum habuit. multorum consulum praetorumque praefecturas delatas sic accepit, ut neminem in provinciam sit secutus, honore fuerit contentus, rei familiaris despexerit fructum: qui ne cum Quinto quidem Cicerone voluerit ire in Asiam, cum apud eum legati locum obtinere posset. non enim decere se arbitrabatur, cum praeturam gerere nolisset, asseclam esse praetoris. qua in re non solum dignitati serviebat, sed etiam tranquillitati, cum suspiciones quoque vitaret criminum. quo fiebat ut eius observantia omnibus esset carior, cum eam officio, non timori neque spei tribui viderent.

Incidit Caesarianum civile bellum. cum haberet annos circiter sexaginta, usus est aetatis vacatione neque se quoquam movit ex urbe. quae amicis suis opus fuerant ad Pompeium proficiscentibus, omnia ex sua re familiari dedit, ipsum Pompeium coniunctum non offendit. nullum ab eo habebat ornamentum, ut ceteri, qui per eum aut honores aut divitias ceperant: quorum partim invitissimi castra sunt secuti, partim summa cum eius offensione domi remanserunt. Caesari

autem Attici quies tanto opere fuit grata, ut victor, cum privatis pecunias per epistulas imperaret, huic non solum molestus non fuerit, sed etiam sororis filium et Q. Ciceronem ex Pompei castris concesserit. sic vetere instituto vitae effugit nova pericula.

- 8 Secutum est illud. occiso Caesare cum res publica penes Brutos videretur esse et Cassium ac tota
2 civitas se ad eos convertisset, sic M. Bruto usus est, ut nullo ille adulescens aequali familiaris quam hoc sene, neque solum eum principem consilii haberet,
3 sed etiam in convictu. excogitatum est a quibusdam, ut privatum aerarium Caesaris interfectoribus ab equitibus Romanis constitueretur. id facile effici posse arbitrati sunt, si principes eius ordinis pecunias contulissent. itaque appellatus est a C. Flavio, Bruti
4 familiari, Atticus, ut eius rei princeps esse vellet. at ille, qui officia amicis praestanda sine factione existimaret semperque a talibus se consiliis removisset, respondit: si quid Brutus de suis facultatibus uti voluisset, usurum, quantum eae paterentur, se neque cum quoquam de ea re collocuturum neque coiturum. sic ille consensionis globus huius unius dissensione
5 disiectus est. neque multo post superior esse coepit Antonius, ita ut Brutus et Cassius *omissa cura* provinciarum, quae iis dicis causa datae erant a consule,
6 desperatis rebus in exilium proficiscerentur. Atticus, qui pecuniam simul cum ceteris conferre noluerat florenti illi parti, abiecto Bruto Italiaque cedenti sestertium centum milia muneri misit. eidem in Epiro absens trecenta iussit dari, neque eo magis potenti adulatus est Antonio neque desperatos reliquit.

- 9 Secutum est bellum gestum apud Mutinam. in quo si tantum eum prudentem dicam, minus quam debeam praedicem, cum ille potius divinus fuerit, si divinatio appellanda est perpetua naturalis bonitas,
2 quae nullis casibus agitur neque minuitur. hostis Antonius iudicatus Italia cesserat: spes restituendi

nulla erat. non solum inimici, qui tum erant poten-
 tissimi et plurimi, sed etiam qui adversariis eius se
 venditabant et in eo laedendo aliquam consecuturos
 sperabant commoditatem, Antonii familiares insequen-
 bantur, uxorem Fulviam omnibus rebus spoliare cu-
 piebant, liberos etiam extinguere parabant. Atticus, ³
 cum Ciceronis intima familiaritate uteretur, amicissi-
 mus esset Bruto, non modo nihil iis indulsit ad An-
 tonium violandum, sed e contrario familiares eius ex
 urbe profugientes, quantum potuit, texit, quibus rebus
 indiguerunt, adiuvit. Publio vero Volumnio ea tribuit, ⁴
 ut plura a parente proficisci non potuerint. ipsi autem
 Fulviae, cum litibus distineretur magnisque terrori-
 bus vexaretur, tanta diligentia officium suum prae-
 stitit, ut nullum illa stiterit vadimonium sine Attico,
Atticus sponsor omnium rerum fuerit. quin etiam, ⁵
 cum illa fundum secunda fortuna emisset in diem
 neque post calamitatem versuram facere potuisset, ille
 se interposuit pecuniamque sine faenore sineque ulla
 stipulatione credidit, maximum existimans quaestum,
 memorem gratumque cognosci, simulque aperiens se
 non fortunae, sed hominibus solere esse amicum. quae ⁶
 cum faciebat, nemo eum temporis causa facere po-
 terat existimare: nemini enim in opinionem veniebat
 Antonium rerum potiturum. sed sensus eius a non- ⁷
 nullis optimatibus reprehendebatur, quod parum odisse
 malos cives videretur. ille autem, sui iudicii, potius
 quid se facere par esset intuebatur quam quid alii
 laudaturi forent.

Conversa subito fortuna est. ut Antonius rediit ¹⁰
 in Italiam, nemo non magno in periculo Atticum
 putarat propter intimam familiaritatem Ciceronis et
 Bruti. itaque ad adventum imperatorum de foro ²
 decesserat, timens proscriptionem, latebatque apud
 P. Volumnium, cui, ut ostendimus, paulo ante opem
 tulerat (tanta varietas iis temporibus fuit fortunae,
 ut modo hi, modo illi in summo essent aut fastigio

- aut periculo), habebatque secum Q. Gellium Canum,
 3 aequalem simillimumque sui. hoc quoque Attici bonitatis exemplum, quod cum eo, quem puerum in ludo cognorat, adeo coniuncte vixit, ut ad extremam aetatem amicitia eorum creverit. Antonius autem, etsi
 4 tanto odio ferebatur in Ciceronem, ut non solum ei, sed etiam omnibus eius amicis esset inimicus eosque vellet proscribere multis hortantibus, tamen Attici memor fuit officii et ei, cum requisisset, ubinam esset, sua manu scripsit, ne timeret statimque ad se veniret: se eum et eius causa Canum de proscriptorum numero exemisse. ac ne quod periculum incideret, quod noctu
 5 fiebat, praesidium ei misit. sic Atticus in summo timore non solum sibi, sed etiam ei, quem carissimum habebat, praesidio fuit [neque enim suae solum a quoquam auxilium petiit salutis, sed coniuncti], ut appareret nullam seiunctam sibi ab eo velle fortunam. quodsi gubernator praecipua laude effertur,
 6 qui navem ex hieme marique scopuloso servat, cur non singularis eius existimetur prudentia, qui ex tot tamque gravibus procellis civilibus ad incolumitatem pervenit?
- 11 Quibus ex malis ut se emersit, nihil aliud egit quam ut *quam* plurimis, quibus rebus posset, esset auxilio. cum proscriptos praemiis imperatorum vulgus conquireret, nemo in Epirum venit, cui res ulla defuerit: nemini non ibi perpetuo manendi potestas
 2 facta est; quin etiam post proelium Philippense interitumque C. Cassii et M. Bruti L. Iulium Mocillam praetorium et filium eius Aulumque Torquatum ceterosque pari fortuna percultos instituit tueri atque ex Epiro iis omnia Samothraeciam supportari iussit.
 3 difficile est omnia persequi et non necessarium. illud unum intellegi volumus, illius liberalitatem neque
 4 temporariam neque callidam fuisse. id ex ipsis rebus ac temporibus iudicari potest, quod non florentibus se venditavit, sed afflictis semper succurrit: qui quidem

Serviliam, Bruti matrem, non minus post mortem eius quam florentem coluerit. sic liberalitate utens 5 nullas inimicitias gessit, quod neque laedebat quemquam neque, si quam iniuriam acceperat, non malebat oblivisci quam ulcisci. idem immortalī memoria percepta retinebat beneficia; quae autem ipse tribuebat, tam diu meminerat, quoad ille gratus erat, qui acceperat. itaque hic fecit ut vere dictum videatur: 6

Sui cuique mores fingunt fortunam hominibus.

neque tamen ille prius fortunam quam se ipse finxit, qui cavit ne qua in re iure plecteretur.

His igitur rebus effecit ut M. Vipsanius Agrippa, 12 intima familiaritate coniunctus adulescenti Caesari, cum propter suam gratiam et Caesaris potentiam nullius condicionis non haberet potestatem, potissimum eius deligeret affinitatem praeoptaretque equitis Romani filiam generosarum nuptiis. atque harum 2 nuptiarum conciliator fuit (non est enim celandum) M. Antonius, triumvirum rei publicae *constituendae*. cuius gratia cum augere possessiones posset suas, tantum afuit a cupiditate pecuniae, ut nulla in re usus sit ea nisi in deprecandis amicorum aut periculis aut incommodis. quod quidem sub ipsa proscriptione per- 3 illustre fuit. nam cum L. Saufei equitis Romani, aequalis sui, qui complures annos studio ductus philosophiae habitabat Athenis habebatque in Italia pretiosas possessiones, tresviri bona vendidissent consuetudine ea, qua tum res gerebantur, Attici labore atque industria factum est ut eodem nuntio Saufei fieret certior se patrimonium amisisse et recuperasse. idem 4 L. Iulium Calidum, quem post Lucretii Catullique mortem multo elegantissimum poetam nostram tulisse aetatem vere videor posse contendere, neque minus virum bonum optimisque artibus eruditum, post proscriptionem equitum propter magnas eius Africanas possessiones in proscriptorum numerum a P. Volumnio,

praefecto fabrum Antonii, absentem relatum expedit. 5
quod in praesenti utrum ei laboriosius an gloriosius fuerit, difficile est iudicare, quod in eorum periculis non secus absentes quam praesentes amicos Attico esse curae cognitum est.

13 Neque vero ille minus bonus pater familias habitus est quam civis. nam cum esset pecuniosus, nemo illo minus fuit emax, minus aedificator. neque tamen non inprimis bene habitavit omnibusque optimis rebus 2
usus est. nam domum habuit in colle Quirinali Tamphilianam, ab avunculo hereditate relictam, cuius amoenitas non aedificio, sed silva constabat: ipsum enim tectum antiquitus constitutum plus salis quam sumptus habebat: in quo nihil commutavit, nisi si 3
quid vetustate coactus est. usus est familia, si utilitate iudicandum est, optima, si forma, vix mediocri. namque in ea erant pueri litteratissimi, anagnostae optimi et plurimi librarii, ut ne pedisequs quidem quisquam esset, qui non utrumque horum pulchre facere posset, pari modo artifices ceteri, quos cultus 4
domesticus desiderat, apprime boni. neque tamen horum quemquam nisi domi natum domique factum habuit: quod est signum non solum continentiae, sed etiam diligentiae. nam et non intemperanter concupiscere, quod a plurimis videas, continentis debet duci, et potius industria quam pretio parare non mediocris 5
est diligentiae. elegans, non magnificus, splendidus, non sumptuosus: omnisque diligentia munditiam, non affluentiam affectabat. supellex modica, non multa, ut in 6
neutram partem conspici posset. nec praeteribo, quamquam nonnullis leve visum iri putem, cum inprimis lautus esset eques Romanus et non parum liberaliter domum suam omnium ordinum homines invitaret, non amplius quam terna milia peraeque in singulos menses ex 7
ephemeride eum expensum sumptui ferre solitum. atque hoc non auditum, sed cognitum praedicamus: saepe enim propter familiaritatem domesticis rebus interfuimus.

Nemo in convivio eius aliud acroama audivit quam 14
 anagnosten, quod nos quidem iucundissimum arbitramur; neque umquam sine aliqua lectione apud eum cenatum est, ut non minus animo quam ventre convivae delectarentur: namque eos vocabat, quorum 2
 mores a suis non abhorrerent. cum tanta pecuniae facta esset accessio, nihil de cottidiano cultu mutavit, nihil de vitae consuetudine, tantaque usus est moderatione, ut neque in sestertio viciens, quod a patre acceperat, parum se splendide gesserit neque in sestertio centiens affluentius vixerit, quam instituerat, parique fastigio steterit in utraque fortuna. nullos 3
 habuit hortos, nullam suburbanam aut maritimam sumptuosam villam, neque in Italia, praeter Arretinum et Nomentanum, rusticum praedium, omnisque eius pecuniae reditus constabat in Epiroticis et urbanis possessionibus. ex quo cognosci potest usum eum pecuniae non magnitudine, sed ratione metiri solitum.

Mendacium neque dicebat neque pati poterat. 15
 itaque eius comitas non sine severitate erat neque gravitas sine facilitate, ut difficile esset intellectu, utrum eum amici magis vererentur an amarent. quidquid rogabatur, religiose promittebat, quod non liberales, sed leves arbitrabatur polliceri quod praestare non possent. idem in tenendo, quod semel annuisset, 2
 tanta erat cura, ut non mandatam, sed suam rem videretur agere. numquam suscepti negotii eum peritum est: suam enim existimationem in ea re agi putabat, qua nihil habebat carius. quo fiebat ut omnia 3
 Ciceronum, M. Catonis, Q. Hortensii, A. Torquati, multorum praeterea equitum Romanorum negotia procuraret. ex quo iudicari potest non inertia, sed iudicio fugisse rei publicae procuracionem.

Humanitatis vero nullum afferre maius testimonium possum, quam quod adulescens idem seni Sullae fuit iucundissimus, senex adulescenti M. Bruto, cum

- aequalibus autem suis Q. Hortensio et M. Cicerone sic vixit, ut iudicare difficile sit, cui aetati fuerit 2 aptissimus. quamquam eum praecipue dilexit Cicero, ut ne frater quidem ei Quintus carior fuerit aut fa- 3 miliarior. ei rei sunt indicio praeter eos libros, in quibus de eo facit mentionem, qui in vulgus sunt editi, sedecim volumina epistularum, ab consulatu eius usque ad extremum tempus ad Atticum missarum: quae qui legat, non multum desideret historiam con- 4 textam eorum temporum. sic enim omnia de studiis principum, vitiis ducum, mutationibus rei publicae perscripta sunt, ut nihil in eis non appareat et facile existimari possit, prudentiam quodam modo esse divi- nationem. non enim Cicero ea solum, quae vivo se acciderunt, futura praedixit, sed etiam, quae nunc usu veniunt, cecinit ut vates.
- 17 De pietate autem Attici quid plura commemo- rem? cum hoc ipsum vere gloriantem audierim in funere matris suae, quam extulit annorum nonaginta, cum *ipse esset* septem et sexaginta, se numquam cum matre in gratiam redisse, numquam cum sorore fuisse 2 in similitudine, quam prope aequalem habebat. quod est signum aut nullam umquam inter eos querimo- niam intercessisse, aut hunc ea fuisse in suos in- dulgentia, ut, quos amare deberet, irasci eis nefas 3 duceret. neque id fecit natura solum, quamquam omnes ei paremus, sed etiam doctrina: nam principum phi- losophorum ita percepta habuit praecepta, ut iis ad vitam agendam, non ad ostentationem uteretur.
- 18 Moris etiam maiorum summus imitator fuit an- tiquitatisque amator, quam adeo diligenter habuit cognitam, ut eam totam in eo volumine exposuerit, 2 quo magistratus ordinavit. nulla enim lex neque pax neque bellum neque res illustris est populi Romani, quae non in eo suo tempore sit notata, et, quod diffi- cillimum fuit, sic familiarum originem subtexit, ut ex eo clarorum virorum propagines possimus cogno-

scere. fecit hoc idem separatim in aliis libris, ut 3
 M. Bruti rogatu Iuniam familiam a stirpe ad hanc
 aetatem ordine enumeraverit, notans, quis a quo ortus
 quos honores quibusque temporibus cepisset: pari 4
 modo Marcelli Claudii Marcellorum, Scipionis Cornelii
 et Fabii Maximi Fabiorum et Aemiliorum. quibus
 libris nihil potest esse dulcius iis, qui aliquam cupi-
 ditatem habent notitiae clarorum virorum. attigit 5
 poëticen quoque, credimus, ne eius expers esset sua-
 vitatis. namque versibus *de iis*, qui honore rerumque
 gestarum amplitudine ceteros populi Romani praesti-
 terunt, exposuit ita, ut sub singulorum imaginibus 6
 facta magistratusque eorum non amplius quaternis
 quinisque versibus descripserit: quod vix credendum
 sit tantas res tam breviter potuisse declarari. est
 etiam unus liber Graece confectus, de consulatu Ci-
 ceronis.

Haec hactenus Attico vivo edita a nobis sunt. 19
 nunc, quoniam fortuna nos superstites ei esse voluit,
 reliqua persequemur et, quantum potuerimus, rerum
 exemplis lectores docebimus, sicut supra significavi-
 mus, suos cuique mores plerumque conciliare fortunam.
 namque hic contentus ordine equestri, quo erat ortus, 2
 in affinitatem pervenit imperatoris divi filii, cum iam
 ante familiaritatem eius esset consecutus nulla alia
 re quam elegantia vitae, qua ceteros ceperat prin-
 cipes civitatis dignitate pari, fortuna humiliores. tanta 3
 enim prosperitas Caesarem est consecuta, ut nihil ei
 non tribuerit fortuna, quod cuiquam ante detulerat,
 et conciliarit, quod nemo adhuc civis Romanus quivit
 consequi. nata est autem Attico neptis ex Agrippa, 4
 cui virginem filiam collocarat. hanc Caesar vix an-
 niculam Ti. Claudio Neroni, Drusilla nato, privigno
 suo, despondit: quae coniunctio necessitudinem eorum
 sanxit, familiaritatem reddidit frequentiore. quam-20
 quam ante haec sponsalia non solum, cum ab urbe
 abesset, numquam ad suorum quemquam litteras misit,

- quin Attico scriberet, quid ageret, inprimis quid legeret quibusque in locis et quamdiu esset moraturus, 2 sed etiam, cum esset in urbe et propter infinitas suas occupationes minus saepe, quam vellet, Attico fruere-
tur, nullus dies temere intercessit, quo non ad eum scriberet, cum modo aliquid de antiquitate ab eo requireret, modo aliquam quaestionem poëticam ei proponeret, interdum iocans eius verbosiores eliceret 3 epistulas. ex quo accidit, cum aedis Iovis Feretrii in Capitolio, ab Romulo constituta, vetustate atque incuria detecta prolaberetur, ut Attici admonitu Caesar 4 eam reficiendam curaret. neque vero a M. Antonio minus absens litteris colebatur, adeo ut accurate ille ex ultimis terris, quid ageret, curae sibi haberet certio-
5 tiorem facere Atticum. hoc quale sit, facilius existimabit is, qui iudicare poterit, quantae sit sapientiae eorum retinere usum benivolentiamque, inter quos maximarum rerum non solum aemulatio, sed ob-
trectatio tanta intercedebat, quantam fuit [incidere] necesse inter Caesarem atque Antonium, cum se uterque principem non solum urbis Romae, sed orbis terrarum esse cuperet.
- 21 Tali modo cum septem et septuaginta annos complisset atque ad extremam senectutem non minus dignitate quam gratia fortunaque crevisset (multas enim hereditates nulla alia re quam bonitate consecutus est) tantaque prosperitate usus esset valetudinis, 2 ut annis triginta medicina non indiguisset, nactus est morbum, quem initio et ipse et medici contempserunt: nam putarunt esse tenesmon, cui remedia celeria faciliaque proponebantur. in hoc cum tres menses sine 3 ullis doloribus, praeterquam quos ex curatione capiebat, consumpsisset, subito tanta vis morbi in imum intestinum prorupit, ut extremo tempore per lumbos 4 fistulae puris eruperint. atque hoc priusquam ei accideret, postquam in dies dolores accrescere febresque accessisse sensit, Agrippam generum ad se arcessi

iussit et cum eo L. Cornelium Balbum Sextumque Peducaeam. hos ut venisse vidit, in cubitum innixus 5
 'quantam' inquit 'curam diligentiamque in valetudine mea tuenda hoc tempore adhibuerim, cum vos testes habeam, nihil necesse est pluribus verbis commemorare. quibus quoniam, ut spero, satisfeci, me nihil reliqui fecisse, quod ad sanandum me pertineret, reliquum est ut egomet mihi consulam. id vos ignorare nolui: nam mihi stat alere morbum desinere. namque 6
 his diebus quidquid cibi sumpsi, ita produxi vitam, ut auxerim dolores sine spe salutis. quare a vobis peto, primum ut consilium probetis meum, deinde ne frustra dehortando impedire conemini.'

Hac oratione habita tanta constantia vocis atque 22
 vultus, ut non ex vita, sed ex domo in domum videretur migrare, cum quidem Agrippa eum flens atque 2
 osculans oraret atque obsecraret, ne id quod natura cogeret ipse quoque sibi acceleraret, et, quoniam tum quoque posset temporibus superesse, se sibi suisque reservaret, preces eius taciturna sua obstinatione depressit. sic cum biduum cibo se abstinuisset, subito 3
 febris decessit leviorque morbus esse coepit. tamen propositum nihilo setius peregit itaque die quinto, postquam id consilium inierat, pridie kal. Apriles Cn. Domitio C. Sosio consulibus decessit. elatus est 4
 in lecticula, ut ipse praescripserat, sine ulla pompa funeris, comitantibus omnibus bonis, maxima vulgi frequentia. sepultus est iuxta viam Appiam ad quintum lapidem in monumento Q. Caecilii, avunculi sui.

INDEX GEOGRAPHICUS.

- Ace, *urbs Phoeniciae (St. Jean d'Acre).*
 Aegātes insulae, *in litore occidentali Siciliae.*
 Aegīae (Αἴγεια), *urbs Macedoniae.*
 Aegos flumen (Αἶγος ποταμός), *in litore orientali Chersonesi Thraeciae.*
 Aegyptus, Aegyptius.
 Aeolia et Aeolis, *regio in litore occidentali Asiae minoris.*
 Afri, Africa.
 Alexandrēa, *caput Aegypti.*
 Alpes, Alpīci.
 Amphipōlis, *oppidum Thraeciae.*
 Appennīnus, *montium tractus in Italia.*
 Appia via, *inter Romam et Campaniam.*
 Apulia, *regio Italiae inferioris.*
 Arcadia, *regio Peloponnesi; Arcades, eius incolae.*
 Argi, *caput regionis Argolidis in Peloponneso; Argivi, incolae urbis aut regionis.*
 Argīlius, *incolae Argili (Ἀργίλος) oppidi in Thraecia.*
 Armenii, *populus Asiae.*
 Arretīnum praedium, *in Etruria.*
 Artemisium, *promunturium insulae Euboeae.*
 Asia, 1) *pars orbis terrarum,*
 2) = *Asia minor.*
 Aspendii, *incolae oppidi Aspendi (Ἀσπενδος) Pamphy-liae in Asia minore.*
 Athamānes, *gens Epirotica.*
 Athēnae, *Atheniensis.*
 Attīca, *regio mediae Graeciae; Attici, eius incolae.*
 Babŷlon, *caput Babyloniae ad Euphratem situm.*
 Bithynia, *regio Asiae minoris; Bithyni, eius incolae.*
 Bizanthe, *oppidum et castellum Thraeciae.*
 Boeōti, *incolae Boeotiae, regionis in media Graecia.*
 Byzantium (= Constantinopolis), *urbs Thraeciae; Byzantii, eius incolae.*
 Cadmēa, *arx Thebarum.*
 Cadusii, *gens Asiatica ad mare Caspium.*
 Cannensis pugna, *ad Cannas, Apuliae vicum, commissa.*
 Capitolium, *unus ex septem collibus Romae.*
 Cappadocia, *regio Asiae; Cappadoces, eius incolae.*
 Captiāni, *gens Asiatica.*
 Capua, *caput regionis Campaniae.*
 Car, *cf. Caria.*
 Cardianus, *ex Cardia oppido ultra Chersonesum Thraeciam.*

- Caria, *regio maritima Asiae minoris*; Cares, *eius incolae*.
 Cataonia, *regio Asiae inter Ciliciam et Cappadociam*.
 Chalcis, *urbs insulae Euboeae*.
 Chaōnes, *gens in Epiro*.
 Chersonēsus (Thraecia), *paeninsula inter Hellespontum et mare Aegaeum*.
 Chius, *insula Graeca ad litus Ioniae*.
 Cilicia, *regio Asiae minoris*; Cilīces, *eius incolae*.
 Ciliciae portae, *fauces montis Tauri inter Ciliciam et Cappadociam*.
 Citium, *oppidum insulae Cypri*.
 Clastidium, *oppidum prope Padum*.
 Cnidus, *urbs Dorica in Asia minore*.
 Colōnae, *locus in agro Troade*.
 Corcȳra, *insula in litore occidentali Graeciae*; Corcyraei, *eius incolae*.
 Corinthus, *urbs inter Peloponnesum et mediam Graeciam*; Corinthii, *eius incolae*.
 Coronēa, *urbs Boeotiae*.
 Creta, *insula Graeca*; Creten-ses, *eius incolae*.
 Crinissus, *fluvius Siciliae*.
 Chrithōte, *urbs Chersonesi Thraeciae*.
 Cyclādes, *insulae Graecae in mari Aegaeo*.
 Cyme, *urbs Aeolidis*.
 Cyprus, *insula Graeca*; Cyprii, *eius incolae*.
 Cyrēnae, *urbs in litore septentrionali Africae*; Cyrenaēi, *eius incolae*.
 Cyzīcus, *urbs Asiae minoris ad Propontidem*; Cyzicēnus, *eius incola*.
 Decelēa, *vicus Atticae*.
 Delphi, *urbs Phocidis in media Graecia*; *adiect.* Delphicus.
 Delus, *una ex insulis Cycladibus*.
 Dodōna, *urbs Epiri oraculo Iovis incluta*; *adiect.* Dodo-naeus.
 Dolōpes, *gens Thessala*.
 Elis, *urbs et regio Peloponnesi*.
 Ephēsus, *urbs Ioniae*.
 Epīrus, *regio Graeciae septentrionalis*; Epirōtes, *eius incola*; *adiect.* Epiroticus.
 Eretria, *urbs insulae Euboeae*; Eretriensis, *eius incola*.
 Eryx, *mons et oppidum Siciliae*.
 Etruria, *regio Italiae*.
 Euboea, *insula Graeca contra Boeotiam*.
 Europa, Europaeus.
 Falernus ager, *in Campania*.
 Fregellae, *oppidum Latii*.
 Gallia (transalpina).
 Gortynii, *incolae urbis Gortynae in insula Creta*.
 Graecia, Graecus.
 Graii = Graeci.
 Graius saltus = Alpis Graia, *hodie der kleine Bernhard*.
 Grynium, *castrum in Phrygia*.
 Hadrumētum, *oppidum in finibus Karthaginis*.
 Haliartus, *oppidum Boeotiae*.
 Halicarnasius, *ex Halicarnaso in Caria*.
 Hellespontus, 1) *fretum inter mare Aegaeum et Propontidem (Strasse der Dardanel-len)*, 2) *terrae ad eum sitae*.
 Hippo, *oppidum in finibus Karthaginis*.

- Hispania, *hodie Spanien*; Hispaniae = Hispania citerior et ulterior.
 Hister = fluvius Danuvius.
- Ionia, *regio Graeca in litore occidentali Asiae minoris*; Iōnes, *eius incolae*.
 Italia, *adiect. Italicus*.
- Karthāgo, *caput terrae in Africa septentrionali*; Karthaginien-sis, *eius incola*.
- Lacedaemon (= Sparta), *caput Laconicae*; Lacedaemonius, *civis eius*.
 Laconice, *regio Peloponnesi*; Laco, -ōnis et Lacedaemonius, *incola eius*.
 Lampsācus, *urbs Asiae minoris in Hellesponto*.
 Lemnus, *insula borealis maris Aegaei*; Lemnii, *eius incolae*.
 Lesbus, *insula Graeca*.
 Leucosŷri, *populus in Cappadocia*.
 Leuctra, *oppidum Boeotiae*; *adiect. Leuctricus*.
 Ligūres, *gens Italiae superioris, hodie in agro Genuensi*.
 Lucāni, *gens Italiae inferioris*.
 Lusitāni, *incolae Lusitaniae (hodie Portugal)*.
 Lydia, *regio Asiae minoris*; Lydi, *eius incolae*.
- Macedonia, *regio ultra Thes-saliam in septentrionem sita*; Macēdo, *eius incola*.
 Magnes, *ētis, civis urbis Magnesiae*.
 Magnesia, *urbs Cariae (Them. c. 10) et Lydiae*.
 Mantinēa, *urbs Arcadiae*.
 Marāthōnis campus, *ad vicum Marathona in Attica*; *adiect. Marathonius*.
 Massagētae, *gens Scythica*.
 Media, *regio in Asia*; Medi, *eius incolae*; *adiect. Medicus*.
 Menelāi portus, *oppidum in litore septentrionali Africae prope Aegyptum*.
 Messēna et Messēne, *regio Peloponnesi*.
 Milesius, *civis Mileti in Ionia*.
 Molossus, *incola regionis Epi-roticae*.
 Munichia, *portus Athenarum*.
 Mutīna, *urbs Italiae superioris (h. Modena)*.
 Mycāle, *promunturium Ioniae in Asia minore*.
 Mytilenaeus, *civis urbis Myti-lēnae in insula Lesbo*.
 Myus, Myuntis, *urbs Ioniae*.
- Naxus, *una ex insulis Cycladibus*.
 Neontīchos (Νέον τεῖχος), *castellum Thraeciae*.
 Nilus, *fluvius Aegypti*.
 Nomentānum praedium, *in agro Sabino*.
 Nora, *castellum Phrygiae*.
 Numidae, *gens in Africa septentrionali*.
- Olympīa, *oppidum in Elide*.
 Olynthus, *urbs Thraeciae*; Olyn-thii, *eius incolae*.
 Orchomenii, *cives urbis Orcho-mēni in Boeotia*.
 Orni, *castellum Thraeciae*.
- Pactŷe, *castellum Chersonesi Thraeciae*.
 Padus, *fluvius in Italia superiore (Po)*.
 Pamphylium mare, *pars maris mediterranei ad litus meridionale Asiae minoris*.

- Paphlagonia, *regio septentrionalis Asiae minoris*; Paphlāgo, *incola eius*.
 Paraetāci, *gens Asiatica*.
 Parus, *una ex insulis Cycladibus*; Parius, *incola eius*.
 Peloponnēsus, *paeninsula Graeca (h. Morea)*; adiect. Peloponnesius.
 Pergamēnus, *ex Pergāmo in Asia minore*.
 Perses, -ae, *incola 1) regni Persici, 2) regionis Persidis*; adiect. Persicus.
 Persis, -idis, *regio Asiae*.
 Phalēreus, -rēi, *ex vico Phalēro in Attica, inde Phalēricus portus*.
 Pherae, *urbs Messeniae (Con. 1, 1)*.
 Pheraeus, *ex urbe Pheris (Φεραι) in Thessalia (Pel. 5, 1)*.
 Philippense proelium, *ad Philippos urbem Macedoniae commissum*.
 Phoenīces, *populus Asiae*.
 Phrygia, *regio Asiae minoris*; Phryges, *eius incolae*.
 Phyle, *castellum Atticae*.
 Piraeus, *portus Athenarum*.
 Pisīdae, *populus Asiae minoris Cappadociae confinis*.
 Plataeae, *urbs Boeotiae*; Plataeenses, *eius cives*.
 Poeni = Karthaginienses; adiect. Poenicus et Punicus.
 Pontus, 1) = Pontus Euxīnus (*das schwarze Meer*), 2) *regiones Asiae minoris ad Pontum Euxinum*.
 Propontis, *mare inter m. mediterraneum et Pontum Euxinum (h. Marmarameer)*.
 Pydna, *urbs Macedoniae*.
 Pyrenaeus saltus, *inter Galliam et Hispaniam*.
 Quirinālis collis, *unus ex septem Romae*.
 Rhodānus fluvius, *h. Rhone*.
 Rhodii, *incolae insulae Rhodi in mari Aegaeo*.
 Roma, Romani.
 rubrum mare, *fretum Arabicum et Persicum*.
 Sabīni, *gens Italiae mediae*.
 Saguntum, *urbs Hispaniae*.
 Salāmis, *insula prope Atticam*; adiect. Salaminius.
 Samothraecia, *insula ad meridiem Thraeciae sita*.
 Samus, *insula et oppidum prope litus Ioniae*.
 Sardinia, *insula Italica*; adiect. Sardiniensis.
 Sardis, *caput Lydiae*.
 Scyrus, *insula Graeca*.
 Scythae, *gens Europae et Asiae septentrionalis*.
 Sena, *oppidum Umbriae in Italia superiore*.
 Sestus, *urbs Chersonesi Thraeciae ad Hellespontum*.
 Sicilia, *insula Italica*; Sicūli, *eius incolae*.
 Sigēum, *promunturium et oppidum ad litus Troadis in Asia minore*.
 Sparta, Spartānus = Lacedaemon, Lacedaemonius.
 Strymon, -ōnis, *fluvius Thraeciae*.
 Syracūsae, *urbs Siciliae*; Syracūsānus, *eius civis*.
 Syria, *regio Asiae minoris*.
 Taenārum, *promunturium et oppidum Laconicae*.
 Tarentum, *urbs Italiae inferioris*; Tarentīnus, *eius civis*.
 Taurus, *montium tractus in Asia minore*.


- Thasus, *insula ad meridiem Thraeciae sita; Thasii, eius incolae.*
 Thebae, *caput Boeotiae; Thebānus, civis eius.*
 Thermopylae, *fauces in Thessalia.*
 Thessalia, *regio in Graecia septentrionali.*
 Thraecia, *terra ultra Graeciam ad septentriones sita; Thraeces, incolae eius; fem. Thraessa.*
 Thurii, *urbs Italiae inferioris.*
 Tibēris, *fluvius Italicus.*
 Trasumennus, *lacus in Etruria.*
 Trebia, *fluvius in Italia superiore.*
 Troas ager, *regio Asiae minoris in Aeolide; inde Troicum bellum.*
 Troezen, *-ēnis, oppidum Argolidis in Peloponneso.*
 Tuscūlum, *urbs Latii prope Romam.*
 Utīca, *urbs in finibus Karthaginiis.*
 Venusia, *urbs Italiae inferioris.*
 Vettōnes, *gens Hispaniae occidentalis.*
 Zacynthii, *ex insula Zacyntho (h. Zante) ad occidentem Graeciae sita.*
 Zama, *urbs in finibus Karthaginiis.*
-


B. G. Teubners


Schulausgaben griechischer und lateinischer Schriftsteller mit deutschen Anmerkungen.


	<i>M. 1</i>		<i>M. 1</i>
Aeschylus' Agamem. v. <i>Enger</i> . 2. Aufl.	2.25	Cicero de finibus bonor. v. <i>Holstein</i>	2.70
— Perser von <i>Teuffel</i> . 3. Aufl.	1.20	— Somnium Scipionis v. <i>Meissner</i> .	
— Prometheus v. <i>Wecklein</i> . 2. Aufl.	1.80	3. Aufl.	— .45
— do. — v. <i>Schmidt</i>	1.20	— Laelius v. <i>Lahmeyer</i> . 4. Aufl.	— .60
Aristophanes, die Wolken v. <i>Teuffel</i> .		— v. <i>Meissner</i>	— .60
2. Aufl. von <i>Kaehler</i>	2.70	— de legibus von <i>Du Mesnil</i>	3.90
Arrian's Anabasis v. <i>Abicht</i> . I. Heft	1.80	Cornelius Nepos v. <i>Siebelis</i> . 11. Aufl.	
— II. Heft	2.25	von <i>Jancovius</i>	1.20
Buchholz, Anthologie. I. 4. Aufl.	1.80	Curtius Rufus v. <i>Vogel</i> . I. Bd. 3. Aufl.	2.10
— do. — II. 3. Aufl.	1.80	— do. — II. Band. 2. Aufl.	2.25
Caesar de bello Gallico von		Demosthenes v. <i>Rehdantz</i> . I. Heft.	
<i>Doberenz</i> . 3. Aufl.	2.25	7. Aufl. v. <i>Blafs</i>	1.20
— de bello civili von <i>Doberenz</i> .		— do. — II. Heft. I. Abth. 5. Aufl.	1.50
5. Aufl.	2.40	— do. — II. Heft. II. Abth. 4. Aufl.	1.80
Chrestomath. Ciceron. von <i>Lüders</i> .		Euripides v. <i>Kinkel</i> . I. Phoenissae	— .75
2. Aufl.	2.70	— von <i>Wecklein</i> . I. Medea. 2. Aufl.	1.80
Cicero de oratore v. <i>Piderit</i> . Cpl.		— II. Iphigenia in Tauris.	
5. Aufl.	4.50	2. Aufl.	1.50
Einzeln: Buch I à 1.80. Buch		— III. Bacchen	1.50
II u. III. à	1.50	— IV. Hippolytus.	1.50
— partitiones orator. v. <i>Piderit</i>	1.—	Herodot v. <i>Abicht</i> . I. Band. I. Heft.	
— Brutus von <i>Piderit</i> . 2. Aufl.	2.25	Buch I. 4. Aufl.	1.80
— Orator von <i>Piderit</i> . 2. Aufl.	2.—	— do. — I. Band. II. Heft.	
— Reden:		Buch II. 3. Aufl.	1.50
— für Plancius v. <i>Köpke</i> . 3. Aufl.	1.20	— do. — II. Band. I. Heft.	
— für Sestius von <i>Koch</i> . 2. Aufl.	1.—	Buch III. 3. Aufl.	1.50
— für Roscius v. <i>Richter</i> . 3. Aufl.		— do. — II. Band. II. Heft.	
v. <i>Fleckeisen</i>	— .90	Buch IV. 3. Aufl.	1.50
— für Milo v. <i>Richter</i> . 3. Aufl.		— do. — III. Band. Buch V	
v. <i>Eberhard</i>	— .90	und VI. 3. Aufl.	1.80
— für Murena von <i>Koch</i> . 2. Aufl.		— do. — IV. Bd. Bch. VII. 3. Aufl.	1.80
von <i>Landgraf</i>	— .90	— do. — V. Bd. Bch. VIII u. IX.	
— für Sulla von <i>Richter</i> . 2. Aufl.		3. Aufl.	1.80
von <i>Landgraf</i>	— .75	Homer's Odyssee von <i>Ameis</i> u. <i>Hentze</i> .	
— gegen Verres. IV. Buch von		I. 1. (Ges. I—VI.) 8. Aufl.	1.35
<i>Richter</i> . 3. Aufl. v. <i>Eberhard</i>	1.50	— do. — I. 2. (VII—XII.) 8. Aufl.	1.35
— do. — V. Buch. von <i>Richter</i> .		— do. — II. 1. (XIII—XVIII.) 7. Aufl.	1.35
2. Aufl. von <i>Eberhard</i>	1.20	— do. — II. 2. (XIX—XXIV.) 7. Aufl.	1.35
— Catilinar. Reden von <i>Richter</i> .		— do. — Anhang. 1. Heft. 3. Aufl.	1.50
5. Aufl. v. <i>Eberhard</i>	1.—	— do. — do. 2. Heft. 3. Aufl.	1.20
— für Marcellus etc., v. <i>Richter</i> .		— do. — do. 3. „ 2. Aufl.	1.20
3. Aufl. von <i>Eberhard</i>	— .90	— do. — do. 4. „ 2. Aufl.	1.20
— divinitio in Caecil. v. <i>Richter</i>		— Ilias v. <i>Ameis</i> u. <i>Hentze</i> . I. 1. 4. Aufl.	— .90
2. Aufl. v. <i>Eberhard</i>	— .45	— do. — I. 2. 3. Aufl.	— .90
— I. u. II. Philippische Rede		— do. — I. 3. Aufl.	1.20
v. <i>Koch</i> . 2. Aufl. v. <i>Eberhard</i>	— .90	— do. — I. 4. 3. Aufl.	1.20
— für Archias v. <i>Richter</i> . 3. Aufl.		— do. — II. 1. 2. Aufl.	1.20
v. <i>Eberhard</i>	— .45	— do. — II. 2. 2. Aufl.	1.20
— üb. d. Imperium d. Pompeius		— do. — II. 3. 2. Aufl.	1.20
v. <i>Richter</i> . 3. Aufl. v. <i>Eberhard</i>	— .60	— do. — II. 4. 2. Aufl.	1.50
— Briefe von <i>Frey</i> . 4. Aufl.	2.25	(Jedes Heft à 3 Gesänge.)	
— Tusculanen v. <i>Heine</i> . 3. Aufl.		— do. — Anhang. 1. Heft 2. Aufl.	1.50
I. Heft. lib. I. II.	1.20	— do. — Anhang. 2. Heft. 2. Aufl.	1.50
II. Heft. lib. III—V	1.50	— do. — Anhang. 3. Heft. 2. Aufl.	1.80
— de officiis von <i>v. Müller</i>	2.25	— do. — Anhang. 4. Heft. 2. Aufl.	1.20
— de natura deorum v. <i>Goethe</i>	2.40	— do. — Anhang. 5. Heft.	1.20
— Cato maior v. <i>Meissner</i> . 3. Aufl.	— .60	— do. — Anhang. 6. Heft.	1.50

	<i>M. A.</i>		<i>M. A.</i>
Homer's Ilias von Ameis u. Hentze.		Plauti Trinum. v. E. J. Brix. 4. Aufl.	1.20
Anhang. 7. Heft.	1.50	— Captivi v. E. J. Brix. 4. Aufl.	1.—
— do. — Anhang. 8. Heft.	1.80	— Menaechmi v. E. J. Brix. 3. Aufl.	1.—
— Ilias v. La Roche. 2. u. 3. Aufl.		— Miles gloriosus v. Brix. 2. Aufl.	1.50
6 Teile, jeder [4 Gesänge] . . .	1.50	Plutarch's Biographien. I. Philo-	
Horaz Oden von Nauck. 12. Aufl.	2.25	poemen u. Flamininus v. Siefert.	
— Satir. u. Epist. v. Krüger. 12. Aufl.		2. Aufl. von Blafs	—90
I. Teil: Satiren.	1.50	— do. — II. Timoleon u. Pyrrhos	
— Sermonen von Fritzsche. I.	2.40	v. Siefert. 2. Aufl. von Blafs . . .	1.50
— II.	2.—	— do. — III. Themistokles	
Jacoby, Anthologie I. II.	1.50	und Perikles von Blafs. 2. Aufl.	1.50
— beide Teile in 1 Band . . .	1.80	— do. — IV. Aristides u. Cato	
Isokrates v. Schneider. I. Bd. 3. Aufl.	1.20	von Blafs	—90
— do. — II. Bändchen. 3. Aufl.	1.80	— do. — V. Agis und Kleo-	
Livius, Buch I. Von M. Müller.		menes von Blafs	—90
2. Aufl.	1.50	— do. — VI. Tib. et G.	
— Buch II. Von M. Müller . . .	1.50	Gracchus von Blafs	—90
— Buch III. Von Luterbacher . .	1.20	Quintilian. X. Buch. Von G. T. A.	
— Buch IV von Luterbacher . . .	1.20	Krüger. 3. Aufl.	1.—
— Buch V von Luterbacher . . .	1.20	Sophokles v. Wolff u. Bellermann.	
— Buch VI. Von Luterbacher . .	1.20	I. Ajax. 4. Aufl.	1.50
— Buch VII von Luterbacher . .	1.20	— do. — II. Electra. 3. Aufl.	1.20
— Buch XXI v. Wölfflin. 3. Aufl.	1.20	— do. — III. Antigone. 4. Aufl.	1.20
— Buch XXII v. Wölfflin. 2. Aufl.	1.20	— do. — IV. König Oedipus.	
— Buch XXIII von Wölfflin u.		3. Aufl.	1.20
Luterbacher.	1.20	— do. — V. Oidipus auf Kolonos	1.50
— Buch XXIV von H. J. Müller	1.—	Supplement. lect. graec. v. Hoffmann	1.50
— Buch XXV von H. J. Müller	1.20	Tacitus Histor. von Heraeus. I.	
— Buch XXVI von Friedersdorff	1.20	4. Aufl.	1.80
— Buch XXVII von Friedersdorff	1.20	— do. — II. 3. Aufl.	1.80
— Buch XXVIII v. Friedersdorff	1.20	— Annalen v. Draeger. I 5. Aufl.	2.40
Lucian v. Jacobitz. I. Bändchen. 2. Aufl.	1.20	— II. 3. Aufl.	2.25
— do. — II. Bändch. 2. Aufl.	1.20	— Agricola von Draeger. 4. Aufl.	—60
— do. — III. Bändchen . . .	1.20	— dialogus von Andresen. 2. Aufl.	—90
Lykurg's Redeg. Leokrat. v. Rehdantz	2.25	Terentius Hauton Timorumenos	
Lysias' Reden v. Froberg. I. Bd.		von Wagner. [Vergriffen.] . .	1.20
2. Auflage v. Gebauer.	4.50	— Phormio von Dziatzko. 2. Aufl.	1.50
— do. — II. u. III. Band . . .	1.50	— Adelphoe von Dziatzko . . .	1.50
— do. — kleinere Ausgabe . .	3.—	Testament. nov. graece v. Zelle. I.	1.80
Auch in 2 Heften	1.50	Theokrit v. Fritzsche. 3. Aufl. v. Hiller	2.70
Ovid's Metamorphosen v. Siebelis		Thukydides von Böhme. I. Band.	
u. Polle. I. Heft. 14. Aufl. . . .	1.50	1. Heft. 5. Aufl. v. Widmann.	1.50
— II. Heft. 12. Aufl.	1.50	— do. — I. Bd. 2. Hft. 4. Aufl.	1.50
— Fasten von Peter. I. 3. Aufl.	2.70	— do. — II. „ 1. „ 4. Aufl.	
— do. — II. 3. Aufl.	—90	von Widmann	1.50
Phaedrus v. Siebelis. 6. Aufl. v. Polle	—75	— do. — II. Bd. 2. Hft. 3. Aufl.	1.50
Platon's Schriften. I. Bdchn.: Die		Vergils Aeneis von Kappes. I. Heft.	
Vertheidigungsrede d. Sokrates		4. Aufl.	1.20
u. Kriton von Cron. 9. Aufl. . .	1.—	— do. — II. 3. Aufl.	1.20
— do. — II. Bdchn.: Gorgias		— do. — III. 2. Aufl.	1.20
von J. Deuschle. 4. Aufl.	2.10	— do. — IV. 2. Aufl.	1.20
— do. — Anhang v. Deuschle . .	—90	— Bucolica u. Georgica v. Kappes	1.50
— do. — III. Bdchn.: Laches		Xenophons Anabasis v. Vollbrecht.	
von Cron. 4. Aufl.	—75	2. Bdchn. 8. u. 7. Aufl. . . .	1.50
— do. — III. 2: Euthyphron		— Memorabilien von R. Kühner.	
von M. Wohlrab. 3. Aufl.	—45	5. Aufl.	1.50
— do. — IV. Bdchn.: Prota-		— Cyropädie von Breitenbach.	
goras von J. Deuschle. 4. Aufl.	1.50	2 Hefte 3. Aufl.	1.50
— do. — V. Bdchn.: Symposion		— Agesilaus v. Güthling	1.50
von Hug. 2. Aufl.	3.—	— Griechische Geschichte von	
— do. — VI. Bdchn.: Phaedon		Büchsenschild. I. Bdchn. 5. Aufl.	1.50
von Wohlrab. 2. Aufl.	1.50	— do. — II. Bdchn. 4. Aufl.	1.50









LIBRARY OF CONGRESS



0 003 087 166 2

